


Cohãcjã Yere
Yahuducuri Tju



New Testament in Piratapuyo (CO:pir:Piratapuyo)

Cohãcjã Yere Yahuducuri Tju

New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files dated 29 Jan 2022
ad83cef1-6eb5-5233-a8f3-356e47bbda0d

Contents

San Mateo	1
San Marcos	50
San Lucas	80
San Juan	131
Hechos	167
Romanos	212
1 Corintios	234
2 Corintios	255
Gálatas	269
Efesios	277
Filipenses	285
Colosenses	290
1 Tesalonicenses	295
2 Tesalonicenses	299
1 Timoteo	302
2 Timoteo	308
Tito	312
Filemón	315
Hebreos	317
Santiago	334
1 San Pedro	340
2 San Pedro	346
1 San Juan	350
2 San Juan	355
3 San Juan	356
San Judas	357
Apocalipsis	359

San Mateo

Jesucristo Cohācjū macano tiqiro acaye panopu cjēna ijire (Lc 3.23-38)

¹ Jesucristo acayere panopu cjēnare yahutja yaha. Tiquiro ñesuno munano panopu cjāno Davi wame tiriqiro ijie tiahye. Tiquiro ijiato pano tiquina ñesuno munano iji turiariqiro Abrahā wame tiriqiro ijie tiahye.

² Abrahā Isaac pacuro ijiahye. Isaac Jacob pacuro ijiahye. Jacob Judā gāhu pacuro ijiahye. ³ Fare, Zara mehna tiquina pacuro Judā ijiahye. Tiquina pacoro Tamar wame tricoro ijiahye. Fare Esrom pacuro ijiahye. Esrom Aram pacuro ijiahye. ⁴ Aram Aminadab pacuro ijiahye. Aminadab Naasón pacuro ijiahye. Naasón Salmón pacuro ijiahye. ⁵ Salmón Booz pacuro ijiahye. Tiquiro pacoro Rahab ijiahye. Booz Obed pacuro ijiahye. Tiquiro pacoro Rut ijiahye. Obed Isai pacuro ijiahye. ⁶ Isai Davi pacuro ijiahye. Davi pehe Israe masa puhtoro ijiahye. Tiquiro Uria wame tiriqiro munano namonore tiqiro namo tiri bato Salomo wame tiriqirore pohna tiahye.

⁷ Salomo Roboam pacuro ijiahye. Roboam Abia pacuro ijiahye. Abia Asa pacuro ijiahye. ⁸ Asa Josafat pacuro ijiahye. Josafat Joram pacuro ijiahye. Joram Uzia pacuro ijiahye. ⁹ Uzia Jotam pacuro ijiahye. Jotam Acaz pacuro ijiahye. Acaz Ezequia pacuro ijiahye. ¹⁰ Ezequia Manase pacuro ijiahye. Manase Amón pacuro ijiahye. Amón Josia pacuro ijiahye. ¹¹ Josia Jeconia gāhu pacuro ijiahye. Tiquina ijiri pjere Israe yehpa cjēnare Babilonia cjēna pehe ñehe chāhye tiquina ya yehpapa.

¹² Sa ye Babilonia yehpapa tiquina esari bato, Jeconia Salatiere pohna tiahye. Salatiel Zorobabel pacuro ijiahye. ¹³ Zorobabel Abiud pacuro ijiahye. Abiud Eliaquim pacuro ijiahye. Eliaquim Azor pacuro ijiahye. ¹⁴ Azor Zadoc pacuro ijiahye. Zadoc Aquim pacuro ijiahye. Aquim Eliud pacuro ijiahye. ¹⁵ Eliud Eleazar pacuro ijiahye. Eleazar Matán pacuro ijiahye. Matán Jacob pacuro ijiahye. ¹⁶ Jacob José pacuro ijiahye. José María manano ijiahye. María pehe Jesu pacoro ijiri. Jesu pehe masare yahduoatiqiro ijiro, Cristo tiquina ni pisuriqiro ijiri.

¹⁷ Sa yeye Abrahāre mari queo muhtagā tee Davire mari queo bato tigū ahriquina ijipihityequina tiquina panamena mehna ijiye, catorce cururi waro ijiahye. Sa yeye mari pari turi Davire mari queo muhtagā tee Babiloniapū Israe masare tiquina neatō pano mari queo bato tigū ijipihityequina

tiquina panamena mehna ijiye, catorce cururi waro pari turi ijiahye. Sa ye tuhasa Babiloniapū tiquina esari bato mari queo muhtagā tee Cristo tiqiro masa bajuagāpū mari queo bato tigū ijipihityequina tiquina panamena mehna ijiye, catorce cururi waro ijiahye tja.

Jesucristo tiqiro masa bajarire yahuahye (Lc 2.1-7)

¹⁸ Sa ye ohō saha Jesucristo masa bajaru jiri. Tiquiro pacoro María pehe José mehna omoca duhteaticoro ijiahye. Sa yero ticoro omoca duhteato pano Espiritu Santo tutuaye mehna coā nijinogāre ne buca cāhtarō masiahye ticoro basi. ¹⁹ Sa yero José ticorore omoca duhteatiqiro tire masino, poto ijiyere yeriqiro ijiro ticorore cohāno taro nimahye. Masa tiquina ihñono ticorore buoro ye dueraro, masa tiquina tuhoato pano yahuro marieno ticorore cohāno taro nimahye. ²⁰ Tire tiqiro tuhoturi wato Cohācjū yaqiro angel pehe quehēnopu Josere bajararo, ohō saha niahye:

–José, Davi munano panami iji turiagu, María mehna bue tiro marieno omoca duhteya. Ticoro Espiritu Santo yedohoro mehna coā nijinogāre ne buca cāhtaricoro ijire. Sa yegu bue tiro marieno omoca duhteya ticorore. ²¹ Ticoro pohna tirota. Tiquirota ticoro macnota tiqiro ya maca cjēnare pecapu wahaboriquinare yahduoatiqiro ijirota. Tiquiro sa yahduoatiqiro ijigū ihñagū Jesu wame yegata mahu tiqirogāre, niahye angel Josere.

²² Ahri ijipihitye sa wahahye panopu cjāno Cohācjū yere yahu muhtariqiro tiqiro ni ojoaruro sahata. Tire tiqirore Cohācjū oja dutiahye. Ohō saha ni ojoahye Cohācjū yere:

²³ Nuhmino, nijinogāre bocaro pohna tirota ticoro macnogāre. Sa yero Emanuel wame tirota tiqirogā, ni ojoahye Cohācjū yere.

“Emanuel” nino “Cohācjū mari mehnata ijire”, nino niaga.

²⁴ Cohācjū yaqiro angel Josere tiqiro ni yahuri bato José pehe wahcā, angel dutiriro sahata María mehna omoca duhteahye. ²⁵ Tiquiro macnogāre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiqiro pehe macnogāre Jesu wame yeahye.

2

Asū muja taro cjēna Jesugāre ihñāñe esahye

¹ Herode Judea yehpa cjēna puhtoro tiqiro ijiri pje ti yehpapa ijiri macapu

Belêꝛꝑꝰ Jesu masa bajuahye. Tiquiro sa masa bajuari bato ñahpicohare buheyequina ñahpicohare quehnoano masiñequina asū mūja taro cjēna ahta, Jerusalêꝛꝑꝰ wihiahye.

² Sa wihiye, masare to cjēnare sinituahye:

—¿Judio masa puhtoro ijatiquiro yojopure nohorꝑꝰ masa bajuagari tiquiro? Asū mūja taropꝑꝰ cjāna ijiaya. Sa yena ñahpicoha coā bajua wahā sagū ihñana “Puhtoro masa bajuaro niaga”, ni masiñ usā. Sa tia bajuagū ihñana, usā ihcāno mehna tiquirore ño peona ahtan ohōꝛꝑꝰ, ni, yahuahye buheyequina masare.

³ Sa ye apequina Herodere tire yahuahye. Tiquina sa yahugū tuhorro Herode pehe bujua witi tuhotuahye. Sa yeye ijipihtiequina Jerusalē cjēna gūhu tiquiro yero sahata bujua witi tuhotuahye tiquina gūhu.

⁴ Sa yero Herode pehe ijipihtiequina pahia puhtoare, mari judio masare buheyequina gūhare tiquiro piji cahmecoa peho, tiquinare sinituahye tiquiro:

—¿Nohopꝑꝰ masa bajuaboagari Cristo pehe, masa tuhotugū? ni sinituahye tiquiro.

⁵ Ohō saha ni yahuahye tiquirore:

—Belêꝛꝑꝰ, Judea yehpapꝑꝰ ijiri macapꝑꝰ Cristo masa bajuarota. Ohō saha ni ojoahye Cohācjū yere yahu muhtariquiro:

⁶ Belêꝛꝑꝰ yeequinare Israe masare duti-tiquiro, tiquinare cohteatiquiro ahtarota. Sa yero apeye macari Judea yehpapꝑꝰ ijire macari yuhduoro ijire Belē pehe, ni ojoahye Cohācjū yere, ni yahuahye tiquina Herodere.

⁷ Tiquina sa ni yahuri bato Herode masa tuhoeropꝑꝰ asū mūja taropꝑꝰ ahtariquinare pijioahye. Tiquiro cahapꝑꝰ tiquina esagū ihñano, tiquinare sinituahye. Tiquiro sa sinitugū tuhoye, tiquina ñahpicohare ihñari decore yahuahye tiquina. ⁸ Tiquina sa yahuri bato Herode pehe tiquinare Belêꝛꝑꝰ ohoro, ohō saha niahye tiquinare:

—Tiquirogāre quehnoano macaña. Tiquirogāre bocana yuhare tojoana yahu tojoaya. Yūhu gūhu tiquirogāre ño peou wahau tuu niaya, niahye tiquinare Herode.

⁹ Tiquiro sa nidi bato, tiquina wahahye. Tiquina sa wahagū asū mūja taropꝑꝰ tiquina ihñaria ñahpicoha pehe tiquina pano ūhmu tāducuahye. Sa yero nijinogā tiquiro ijiri bui waro tojoa wahā sahye tia ñahpicoha.

¹⁰ Sa yeye ñahpicohare ihñañe, tutuaro bucueahye tiquina. ¹¹ Nijinogā tiquiro ijiri wuhupꝑꝰ esa, sajāa wahahye tiquina. Sa sajā saye, nijinogāre tiquiro pacoro mehna ijiriqirogāre ihñahye tiquina. Sa ihñañe tiquina dusepe curi mehna quehe sa, tiquirogāre ño peoahye. Ño peo tuhasa tiquina acarire pōoahye. Urure, bueyere, mirra wame tiye ehme sitiye gūhare ne wio, tire tiquirogāre wapa marieno ohoahye. ¹² Tire oho tuhasa caria wahahye

tiquina. Tiquina sa carīgū quehēnopꝑꝰ Cohācjū yahuahye tiquinare: “Herode cahapꝑꝰ tojoeracāhña”, ni yahuahye Cohācjū tiquinare quehēnopꝑꝰ. Tiquiro sa ni yahuri bato, tiquina pehe wahcāhye. Tiquina sa wahcāri bato ape mahapꝑꝰ tiquina ya dihtapꝑꝰ tojoaa wahahye.

José gūhu Jesugāre Egiptopꝑꝰ ne duhti cāa wahahye

¹³ Tiquina sa wahari bato Cohācjū yaquiro angel quehēnopꝑꝰ Josere bajuaro, ohō saha niahye:

—Wahcāña. Herode pehe nijinogāre wejēno taro, macano nine yojopure. Sa ye nijinogāre tiquiro pacoro gūhare Egiptopꝑꝰ umañano ne duhti cāa wahaya. Topure yūhu nidiro punota ijiya, tee yūhu yahugūꝛꝑꝰ, ni yahuahye angel Josere.

¹⁴ Tiquiro sa nigū tuhorro, José pehe ñamita wahcā, nijinogāre, tiquiro pacoro gūhare Egiptopꝑꝰ ne duhti cāa wahahye. ¹⁵ Egiptopꝑꝰ esa, Herode catiro puno topure ijiahye tiquina. Sa yeahye panopꝑꝰ cjāno Cohācjū yere yahu muhtariquiro tiquiro ni ojoariro sahata. Tire tiquirore Cohācjū ojoa dutiahye. Ohō saha ni ojoahye Cohācjū yere: “Egiptopꝑꝰ ijiriqirore yūhu macare pijiou”, ni ojoahye Cohācjū yere.

Herode macanagāre wejē dutiahye

¹⁶ Sa ye ñahpicohare buheyequina tiquina duhti yuhdu cāgū tuhorro Herode pehe usua yuhduu wahahye. Sa usuaro, Belē cjēnare, ti maca duhtu caha cjēna gūhare tiquina pohnepe umagāre pua cūhma cūoyequinagāre wejē bato ti dutiahye tiquiro. Coā warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigū tuhorro tiquiro wejē duariqirogā masa bajuari decore masino, “Ohōpe cūhmari cūore” nino, pua cūhma cūoyequinagāre wejē bato ti dutiahye. ¹⁷ Panopꝑꝰ cjāno Jeremia Cohācjū yere yahu muhtariquiro tiquiro ni ojoariro sahata wahahye. Ohō saha ni ojoahye tiquiro:

¹⁸ “Ramā wame tiropꝑꝰ bisirota. Tutuaro bujua witiye mehna utiye bisirota. Raquel panamena numia iji turiaye numiapꝑꝰ Israe masa namosānumia tiquina pohnepe tutuaro utieta. Tiquina pohnepe apequna wejēgū ihñañe, ne bujua witi duhuri”, ni ojoahye panopꝑꝰ.

¹⁹ Sa ye Herode tiquiro yariari bato Egiptopꝑꝰ ijiriqirore Josere Cohācjū yaquiro angel quehēnopꝑꝰ bajuahye. Sa bajuaro ohō saha niahye Josere:

²⁰ —Nijinogāre wejē duamediquina yariaa wahari. Sa yegu wahcāña. Tiquirogāre pacoro mehna Israe yehpapꝑꝰ ne tojoaa wahaya mūhu, ni yahuahye angel Josere:

²¹ Tiquiro sa nidi bato José wahcã, nijinogãre pacoro mehnata Israe yehparu ne tojoaa wahahye. ²² Sa yeperota Arquelao Herode macuro pehe tiquiro pacuro comesariquiro ijigũ tãhoro José pehe Judea yehparu tojoa duaro cueahye. Sa yero pari turi tja quehẽnopu tiquirore yahu nemoahye. Tiquirore pari turi Judea yehparu iji dutierahye. Tiquiro sa ni yahuri bato, tiquina Galilea yehparu wahaa wahahye. ²³ Ti yehparure Nazare wame tiri macaru ijiahye tiquina. Sa yeahye tiquina Cohãcã yere yahu muhtariquina tiquina ojariro sahata. Ohõ saha ni ojoahye: “‘Cristo Nazare cãnota ijire’, nieta masa”, ni ojoahye Cohãcã yere yahu muhtariquina panopu cãna.

3

*Ñu wame yeriquiro masare yahuahye
(Mr 1.1-8; Lc 3.1-9, 15-17; Jn 1.19-28)*

¹ Sa ye ti pjere Ñu Cohãcã yequinare wame yeriquiro ijiahye. Judea yehparu masa marienopu tiquiro Cohãcã yere yahu dũcahye masare. ² Ohõ saha ni yahuahye tiquinare:

—Musa ñaãe yerire bujua witiya. Tire duhuuya. Ëhmuse cãno Cohãcã musa puhtoro tiquiro ijiato mehenogã dũhsare, ni yahuahye tiquiro.

³ Panopu cãno Isaia Cohãcã yere yahu muhtariquiro Ñu tiquiro buheatire ohõ saha ni ojoahye:

Masa marienopu yahuducu sañuducuriquiro ohõ saha ni buherota tiquiro: “Mari puhtoro ahtato pano mahare mari quehnoyuro saha quehnoana ijyuyua musa. Musa ñaãe yerire bujua witiya”, ni sañuducurota, ni ojoahye Isaia Nure.

⁴ Sa yero Ñu camello poari suhtirore sañariquiro, wahiquiro cahsero mehna tuã dihoriquiro ijiahye. Poreroare, nũcu cãe umi gãhũre ihyae tiahye. ⁵ Jerusalẽ cãna, ijipihitiro Judea yehparu ijyeyuina, Jordã wame tiri ma caharu ijyeyuina gãhu tiquirore tuhoye ahtahye. ⁶ Wihi, tiquirore tuho, tiquina ñaãe yerire bujua witi, Cohãcãre tire yahu yũdũahye tiquina. Sa tiquina yahugũ tãhoro Jordãru Ñu tiquinare wame yeahye.

⁷ Sa yero peyeyuina fariseo masa, saduceo masa gãhu Nure tiquina wame ye dutiye ahtagũ ihãno tiquiro yahuahye tiquinare:

—Añaã yero saha ña yũdũana ijire musa. Musa ñaãe yerire bujua witi duerana Cohãcã musa ñaãe yeri buhiri tiquiro buhiri dahreato pano duhti masiedare musa. ⁸ Sa yena potota musa ñaãene bujua witiya. Quehnoãene comesaya. Sa yena

quehnoãene pehere yeya musa. ⁹ Ohõ saha ni tuhotueracãhã: “Panopu cãno Abrahã mari ñecu mũnano ijie tiahye. Sa yena tiquiro panamena iji turiana ijina mari Cohãcã yequina ijiaja”, ni, tuhotueracãhã musa. Mũsare niita niaja. Abrahã panamena iji turiana ijimene musa. Musa sa ijiepegãta ti musa sa ijyey dũhseati ijierare. Cohãcã pehe ahri utã paca mehna Abrahã panamenare doogũ ye masine. Sa yero Abrahã panamena iji turiana musa ijyey ihyo waro ijire utã paca ti paca ihyo waro ijiro sahata. ¹⁰ Ohõ saha ijire: Masa yucari yero saha ijire. Cohãcã pehe yucãrĩre quẽatiare comeare cãoriquiro yero saha ijire. Sa yero ñaãe dũca tiye cãre quẽ cohã, ti nũhcori gãhũre dũte surerota. Dũte sure tuhasa, pecaru uãanota tiquiro ti cãre, nũhcori gãhũre. Sata yerota masa gãhũre tiquirore cahmeeñequinare. ¹¹ Yũhu bato yũhu yũdũoro tutuariquiro ahtarota. Quehnoa yũdũariquiro ijire tiquiro. Tiquiro yero saha ijieraja yũhu pehe. Sa yegu tiquirore tuhotugu, “Ihyo ijigũ ijiaja yũhu”, ni tuhotuaja yũhu. Yũhu pehe musa ñaãe yerire bujua witi duti, musare wame yegu aco mehna yemi. Tiquiro pehe yũhu yũdũoro yerota. Espiritu Santore masa mehna ijiducugũ yerota tiquiro. Sa yero peca ñaãene uããa wero sahata tiquiro ahtariquiro pehe musa ñaãe yerire cose werota. ¹² Yũhu bato ahtariquiro cahseri cohãriquiro yero saha ijire. Cahseri cohãriquiro tiquiro batiro mehna ijipihitire trigo cahserire puti were. Tiquiro sa puti weri bato trigo pehere tiquiro ihbori wũhũru ihborota. Sata yerota tiquina ñaãene bujua witiyequinare yũhu bato ahtariquiro. Tiquiro puti weye cahseri pehere tiquiro uãanota. Ti peca uããari peca ne yatisi. Sata yerota tiquiro yũhu bato ahtariquiro tiquina ñaãene bujua witiyequinare, ni yahuahye Ñu.

*Ñu Jesure wame yeahye
(Mr 1.9-11; Lc 3.21-22)*

¹³ Came Jesu Galilearu ijiriquiro waha, Jordã wame tiri maru buha sahye Nure wame ye dutiro. ¹⁴ Coã warore Ñu wame ye dueramahye.

—Yohou, mũhu pehe yũhu yũdũoro tutuagu yũhu pehere mũhu wame yegu quehnoaboaga. Mũhũre wame yebogu ijieraja yũhu, ni yũhtimahye Ñu Jesure.

¹⁵ Jesu pehe yũhtiahye tiquirore:

—Yũhũre wame yeya. Ohõ saha yena, Cohãcã dutiro saha sohtoa tina niaja mari, niahye Jesu.

Tiquiro sa nigũ tãhoro,

—Aũ, ni yũhtiahye Ñu.

¹⁶ Sa ni tuhasa, Jesure wame yeahye. Tiquiro wame ye tuhasagū Jesu diaru ducuriquiro maja ducahye. Tiquiro maja ducagū, ahmuanopu pari maahye. Cohācjū yaquiro Espiritu buja yero saha tiquiro bui dijia tagū ihñahye. ¹⁷ Sa dijia tagū ahmuanopu yahuducuye bisiahye:

—Ahriquiro yuhu macu yuhu cahñiquiro ijire. Tiquiro mehna tutuaro bucueja, ni-ahye ahmuanopu.

4

Watino ñañene ye dutimahye Jesure

(Mr 1.12-13; Lc 4.1-13)

¹ Sa ye Espiritu Santo pehe Jesure masa marienopu neahye, topu watino tiquirore ñañene ye dutiatio saha.

² Topu esaro cuarenta decori waro ihyaro marieno ijiahye Jesu. Sa yero ujua ahbahye.

³ Ujua tiquirore ahbagū ihñano watino pehe tiquiro cahapu esaro, ohō saha niahye:

—Muhu Cohācjū macu ijigu, ahria utāre ihyaye dojomehneña, nimahye tiquiro Jesure.

⁴ Jesu ohō saha ni yahtiahye:

—Yeraja. Cohācjū yere tiquina ojoari pūpu ohō saha nine: “Masare ihyaye mehna dihita cationer cahmene. Ijipihtiyē Cohācjū tiquiro ye yahuye mehna ijiro cahmene”, nine Cohācjū, ni yahtiahye Jesu watinore.

⁵ Tiquiro sa ni yahtiri bato watino pehe Jerusalēpu “Cohācjū ya maca” tiquina nidi macapu Jesure neahye. Topu esa, Cohācjū ya wuhu bui Jesure ne sahye tiquiro. ⁶ Ne sa tuhasa, tiquirore ohō saha nimahye:

—Cohācjū yere tiquina ojoari pū ohō saha nine:

“Cohācjū tiquiro yequina angelere mūhare ihña ihbo dutirota. Sa yeye tiquina pehe mūhare ihña ihboeta ‘Utāpu ruha tu maari, niñe’, nine tiquiro ojoari pū.

Tiquiro sa nidi poto ijigū mūhu Cohācjū macu ijigu yehrapu uhpu dijia ihñōña yūhare. Mūhare tiquina yedohogū ihñōña yūhare, nimahye watino.

⁷ Jesu uhpu dijia ihño dueraro ohō saha ni yahtiahye:

—Cohācjū yere tiquina ojoari pū ohō saha nine: “Musa puhtoro Cohācjū tiquiro nidire ‘¿Poto ijijari?’ ni masi duana Cohācjūre ye ihño duti tuhueracāhña”, nine Cohācjū yere tiquina ojoari pū, niahye Jesu.

⁸ Tiquiro sa ni yahtiri bato ahmua yahdudu canapu Jesure ne mūjahye watino tja. Tu buiru ne mūja sa pje, ijipihtiyē macarine ihñodoque dijioahye Jesure. Tiquina cuoye gūhare ihñohaye. ⁹ Sa ihñono Jesure ohō saha nimahye:

—Yūhare dusepe curi mehna quehe sa, ño peoya mūhu. Mūhu sa yegū ijipihtiyē ahri

macarine mūhare ohoutja, ni yahumahye watino.

¹⁰ Tiquiro sa nigū Jesu ohō saha ni yahtiahye:

—Satana, wahaya mūhu. Ohō saha nine Cohācjū yere tiquina ojoari pū: “Mūhu puhtoro Cohācjū dihitarare ño peoya. Tiquiro ye dutiyē dihitarare yeya”, nine Cohācjū yere tiquina ojoari pū, niahye Jesu watinore.

¹¹ Tiquiro sa nigū tuhoro watino wahaa wahahye. Tiquiro wahari bato angele pehe wihi, Jesure yedohoye ihyayere ohoahye angele.

Galilea yehrapu Jesu buhe ducahye

(Mr 1.14-15; Lc 4.14-15)

¹² Sa ye ņure peresupu tiquina yegū tuhoro, wahaa wahahye Jesu. Waha, Galilea yehrapu esahye. ¹³ Topu ijiri macapu Nazarepu waha, yūhdu cā, Capernau wame tiri macapu esahye.

Galilea wame tiri ditara dūhtu cahapu ijiri Capernau. Ti maca Zebulón yehpa cahapu, Neftalí yehpa cahapu ijiri Capernau. Topu esa, ijiahye Jesu. ¹⁴ Sata yeahye Jesu panopu cjāno Cohācjū yere yahu mūhtariquiro Isaia tiquiro ni ojoariro sahata. Ohō saha ni ojoahye:

¹⁵ Zebulón yehpa cahapu, Neftalí yehpa cahapu, ditarapu wahari mahapu, Jordā wame tiri ma ape sie pahrepu Galilea yehpa ijire. Ti yehpa judio masa ijieyequina ya yehpa ijire. ¹⁶ To cjēna Cohācjū yere quehnoano masiedare. Sa masiedapeta quehnoariquirore ihñāepu masieta. Tiquina pehe Cohācjūre ne masiedare. Sa yeye pecapu wahaboriquina ijimahye. Sa yero ihcāquiro tiquinare Cohācjū yere masigū yerota, ni ojoahye Isaia.

¹⁷ Topu ijiro, Cohācjū yere yahu ducahye Jesu:

—Musa ñañe yerire bujua witiya. Sa yena quehnoañene comesaya. Uhmuse cjāno Cohācjū ijipihtiyequina puhtoro tiquiro iji-atio mehenogā dūhsare, ni yahu ducahye tiquiro.

Pititiro wahi wejēnequinare tiquiro mehna cjēna ijiatiquinare pijiahye Jesu

(Mr 1.16-20; Lc 5.1-11)

¹⁸ Sa ye Galilea wame tiri ditara dūhtu cahapu esaro, Simore, tiquiro bahuro Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejēnequina ijieye, tiquina wēñecjūre doque ñōne niahye ditarapu.

¹⁹ —Yūhu mehna cjāna ijianaja ahtaya musa. Yūhu mehna musa ahtagū musa wahire ñehe cahmecoana musa ijiro saha, Cohācjū yequina ijiatiquinare masare piji cahmecoana ijigū yeitja musare. Yūhu

mehna masa ahtagū sa yeana jare cū tja masare, niahye tiqiro tiqinare.

²⁰ Tiqiro sa nigū tuhoyeta tiqina wēñecjare cū cā, tiqiro mehna wahahye.

²¹ Sa ye Jesu tiqina mehna yuhdu cā, Santiagore tiqiro bahuro Ņu gūhare boca sahye tja. Tiqina Zebedeo pohne ijiri. Tiqina yaria yucūsapu tiqina pacuro mehna tiqina wēñecjare quehnoñe niahye. Tiqina parore tiqiro pijioahye. ²² Tiqiro sa pijioḡ tuhoye, tiqina pehe duita tiqina pacurore, yucūsa gūhare cū, Jesu mehna wahahye.

*Peyequina masare buheahye Jesu
(Lc 6.17-19)*

²³ Sa ye ijipihitropu Galilea yehpare Jesu buhe tinidi. Judio masa mari buheye wuhūsepu quehnoañe buheyere, ūhmūse cĵano tiqiro puhtoro ijiye tiyere buheri. Tiqinare buhe, dohatiyequinare quehnoa wahagū yero, ijipihitiye dohatiye yuhduori tiqiro. ²⁴ Tiqiro sa yegū tuhoye Siria yehpa cĵena ijipihitropu ti yehparu ijiyequinare tiqirore masi ducari. Sa masiñe, sijoro saha ijiye dohatiye cuoyequinare, watfare cuoyequinare, űama yariaye cuoyequinare, tini masieñequina gūhare ne sari. Sa yero ijipihitiyequinare tiqinare yuhduḡu yeri Jesu. ²⁵ Tiqiro sa yegū ihñañe, Galilea yehpa cĵena, Decapoli cĵena, Jerusalē cĵena, Judea yehpa cĵena, Jordā ape sie pahre cĵena peyequina masa tiqiro mehna wahari.

5

*Служба тѣла, топу буеаһе Јесу масаре
(Lc 6.20-23)*

¹ Sa ye masa peyequina tiqiro caharu tiqina esagū ihñano Jesu cūnpū mujaa wahahye. Maja sa, topu dujiahye. Topu dujigū tiqiro buheyequinare tiqiro caharu esahye. ² Tiqina esagū ihñano ohō saha ni buhe dūchahye.

³ –Tiqina ñañene bujua witiyequinare Cohācĵare cahmeñequina bucueyequinare ijiye. Ūhmūse cĵano tiqiro puhtoro ijiropure wahaeta tiqina. Ūhmūse cĵe tiqina ye ijiye.

⁴ Utiyequinare gūhu bucueyequinare ijiye. Tiqinare bucueḡu yerota mari Pacu.

⁵ 'Apequinare yuhduḡuca dueyequinare "Ihyo iĵina iĵaja usā", ni tuhoyequina bucueyequinare ijiye. Cohācĵū "Ohoutja", tiqinare tiqiro nidi yehpare cuoeta tiqina.

⁶ 'Cohācĵū dutiro saha ye duayequinare, quehnoañene ye duayequinare bucueyequinare ijiye. Cohācĵū tiqiro yedohogū tiqina quehnoañene yeducueta.

⁷ 'Apequinare paja ihñañequina bucueyequinare ijiye. Tiqina sa paja ihñagū Cohācĵū tiqina gūhare paja ihñanota.

⁸ 'Tiqina ñañene cosenohriquinare bucueyequinare ijiye. Cohācĵare ihñañeta tiqina.

⁹ 'Apequinare cahmequedagū peyequinare bucueyequinare ijiye. Tiqinare "Yuhū pohna ijiye", ninota Cohācĵū.

¹⁰ 'Cohācĵū dutiyere tiqina yeri buhiri apequinare ñano yere Cohācĵū tiqiro dutiqinare. Tiqina sa ñano yegū bucueyequinare ijiye tiqina pehe. Ūhmūse cĵano tiqiro puhtoro ijiropu tiqiro yere cuoeta tiqina.

¹¹ 'Yeere masa yeri buhiri apequinare masare tiqina tuhtiepegūta bucuena ijiye masa. Masare tiqina ñano yepegūta bucuena ijiye masa. Yeequinare masa ijiri buhiri masare ijipihitiye ñañe tiqina quiti dojomehnepegūta tiqina ni mehoepēgūta bucuena ijiye masa. ¹² Cohācĵū yere yahu muhtariquinare masa pano ijiriquinare tiqinapureta ñano ye muhtahye. Tiqinare yeriro sahata masa gūhare apequinare sa yegū bucueya. Quehnoano jeripohna tiya. Sa yero ūhmūsepu masa esagū pajiro quehnoano yerota masare Cohācĵū, ni yahuahye Jesu.

*Moa yero saha, buhrioro yero saha ijiye
Jesu yequina*

(Mr 9.50; Lc 14.34-35)

¹³ Sa ye Jesu buhe nemoahye:

–Moa mehna wahiqiro dihire ti ñano wahaeragū yero sahata masa pehe yeequinare pehe ijipihitiyequinare apequinare ñañene tiqina ye dueragū yere. Sa ijieperota moa pehe ti ñañe wahagū pari turi quehnoañe ye masiedare. Ti moa ne quehnoaedare. Ti sa wahagū ti moare cohāno cahmene. Ti moare cohāri bato ti bui masa cuhta cūre. Ne dūhseati ijierare ti moa tiqiro cohāne. (Ti dūhseati ijieraro saha ijieracāhña masa. Cohācĵū ye pehere cohāedacāhña,) ni yahuahye Jesu.

¹⁴ Sa ye tiqiro buhe nemoahye:

–Buhrioro marine ihñagū yero sahata masa pehe yeequinare pehe ahri yehpa cĵenare Cohācĵare masigū yere. Cūhu bui ijiri macare nuono basioerare. ¹⁵ Sa ye sihāriare masa sihāne, sutu docapu moha dapo masiedare. Tiare sihāriare ūhmūanopu duhu peore ti wūhu cĵena ijipihitiyequinare tiqina ihñatiare. ¹⁶ Ohō sahata masa gūhu buhrioro yero saha iĵina, quehnoañene yeya. Masa sa yegū ihñañe masa mari Pacu ūhmūse cĵanore ño peo, "Tutuagu, quehnoagu ijiye", nieta, ni yahuahye Jesu.

*Cohācĵū tiqiro dutiyere tiqiro ojoari
gūhare yahuahye Jesu*

¹⁷ Sa ni tuhasa, tiqinare yahu nemoahye:

—Ahrire m̄sa masiḡ cahmeaja ȳhu. Coh̄c̄j̄ dutiyere Moiserē tiquiro c̄urire, tiquiro yere yahu m̄htañequina tiquina ojoari ḡuhare coh̄ḡu taḡu niedu. Ti dutiyere m̄sare quehnoano yahu potou t̄u n̄i. Ti dutiyere poto ijiḡu ih̄ñou ahtau. Ti dutiye nidiro sahata ye sohtori t̄i t̄u n̄i. ¹⁸ Ijirota m̄sare niaja. Pih̄tiri deco pano ijiniḡu Coh̄c̄j̄ dutiye Moiserē tiquiro c̄urire ne mehenoḡo coh̄asi mari. Ahri yehpa, āhm̄sē ḡuh̄u ti ijiro puno tiquiro dutiye ḡuh̄u ijirota. ¹⁹ Sa yeye ti dutiyere ih̄quēquina yuh̄d̄ud̄ucaye, apequinare sata ye dutiye, āhm̄sē c̄j̄no tiquiro puhtoro ijirop̄u cahac̄j̄na yero saha ijieta. Ih̄c̄a dutiroḡa ijipeḡuta tiquina yuh̄d̄ud̄ucaye, cahac̄j̄na yero saha ijieta tiquina. Apequina ti dutiyere quehnoano yeye, apequinare tiquina yero saha ye dutiye, āhm̄sē c̄j̄no tiquiro puhtoro ijirop̄u puhtoa yero saha ijieta tiquina pehe. ²⁰ M̄sare niita niaja ȳhu. Judio masare buheyequina, fariseo masa ḡuh̄u Coh̄c̄j̄ cahmeñene queoro yerare. Tiquina yuh̄duoro Coh̄c̄j̄ cahmeñene yeya m̄sa. M̄sa sa yerana, tiquiro puhtoro ijirop̄ure ne esasi m̄sa, ni yahuahye Jesu.

Usuyere yahuahye Jesu
(Lc 12.57-59)

²¹ Sa ni tuhasa, tiquinare yahu nemoahye:

—Panop̄u c̄j̄na oh̄o saha ni tiquina yahurire t̄hori jimed̄i m̄sa: “Masare wej̄ed̄ac̄ah̄na. Masare wej̄ed̄iquirore tiquina buhiri dahreatiquiro ijire”, tiquina nidire t̄hori jimed̄i m̄sa. ²² Ahri tiquina yahuri yuh̄duo c̄j̄no m̄sare ahri pehere yahu nemoutja. Tiquiro acaȳro mehna usuariquiro pehe tiquina buhiri dahreatiquiro ijire mas̄nore wej̄ed̄iquiro yero saha. Tiquiro acaȳrore tuhtiriquiro “Ne t̄ho mas̄ñe marieḡu ijire m̄hu”, nidiquiro buhiri dahre dutiyequina cahap̄u tiquina neatiquiro ijire. “Tuho masieḡu ijire m̄hu”, tiquiro acaȳrore sa nidiquirore pecap̄u wahaboaga tiquiro.

²³ M̄sa acaȳro m̄sare tiquiro ih̄ña tuhtiḡu oh̄o saha yeya. Coh̄c̄j̄ wuh̄p̄u Coh̄c̄j̄re m̄sa ño peoato pano, tiquirore wahiquirore m̄sa ohoato pano oh̄o saha yeya. ²⁴ Coh̄c̄j̄re m̄sa ohoatire duhu c̄u, m̄sa acaȳro cahap̄u waha, “Pari turi cahmequedac̄ah̄na. To punota duhuuhna tire”, niña tiquirore. M̄sa sa nidi bato Coh̄c̄j̄re oho, ño peona wahaya tiquiro ya wuh̄p̄u.

²⁵ Apequiro m̄h̄re yahus̄a duaro, puhtoro masare beseriquiro cahap̄u m̄h̄re tiquiro nea duaḡu, tiquiro mehna usuaro marieno ijiya. Beseriquiro cahap̄u tiquiro neato pano tiquiro mehna quehnoano ijiya. M̄hu sa yeḡu ih̄ñano tiquiro m̄h̄re yahus̄aed̄aboaga. M̄hu

sa quehnoano ijieraḡu ih̄ñano top̄ure m̄sa esaḡu tiquiro pehe m̄h̄re masare beseriquirore yahus̄anota. Tiquiro sa yahus̄aḡu, beseriquiro pehe peresu yeyequinap̄ure m̄h̄re ohorota. Sa yeye tiquina m̄h̄re peresu yeeta. ²⁶ Ijirota niaja m̄h̄re. Top̄u ijiniita m̄hu. Tee tiquina wapa ye dutirire m̄hu wapa ye pehoḡup̄u wijiaguta m̄hu, ni yahuahye Jesu.

Apequiro namono mehna ñano yeyere yahuahye Jesu

²⁷ Oh̄o saha ni yahu nemoahye Jesu:

—Panop̄u c̄j̄nare oh̄o saha tiquina ni yahurire t̄hori jimed̄i m̄sa: “Apequiro namono mehna ñano yerac̄ah̄na”, tiquina nidire t̄hori jimed̄i m̄sa. ²⁸ Ahri tiquina yahuri yuh̄duo c̄j̄no m̄sare ahri pehere yahu nemoutja. Numinore ñehedaperota, ih̄c̄aquiore ticorore ñano tutuaro cahmeno, ñano wac̄u tuhoturo, ñano ye tuhasari ticoro mehna.

²⁹ Sa yeḡu m̄hu capea poto pehep̄u ijiria mehna ñano yegu, tiare ore we ne m̄hu coh̄aborio sahata ti ñañene duhuya. Tire duhueraḡu pecap̄u wahaguta. M̄hu capeare m̄hu coh̄ḡu tia capea dihita butire. M̄hu pehere pecap̄u m̄hu wahaḡu ña yuh̄duare. Sa yeḡu ti ñañene duhuya. ³⁰ Sa yeḡu m̄hu omoca poto pehe ijiri omoca mehna ñano yegu, ti omocare m̄hu d̄ute coh̄aborio sahata ti ñañene duhuya. Tire duhueraḡu pecap̄u wahaguta. M̄hu omocare m̄hu coh̄ḡu ti omoca dihita butire. M̄hu pehe pecap̄u m̄hu wahaḡu ña yuh̄duare. Sa yeḡu ti ñañene duhuya, ni yahuahye Jesu.

Tiquiro namonore coh̄añene, wame peoye ḡuh̄re yahuahye Jesu
(Mt 19.9; Mr 10.11-12; Lc 16.18)

³¹ Oh̄o saha ni yahu nemoahye Jesu:

—Panop̄u ahri ḡuh̄re niahye: “Tiquiro namonore coh̄a duariquiro tiquiro coh̄atire yahuri p̄u mehna ticorore coh̄a masine”, nimahye panop̄u. ³² Ahri tiquina yahuri yuh̄duo c̄j̄no m̄sare ahri pehere yahu nemoutja. Tiquiro namono apequiro mehna ñano yericooro ticoro ijierpeḡuta ticoro man̄no ticorore coh̄aboaga. Ticoro sa coh̄anoh̄ricoro apequiro mehna omoca d̄uhtero, ñano yero niaga ticoro apequiro mehna ijiro. Ticoro man̄no ticorore tiquiro coh̄ari bato ticorore apequiro mehna ñano yeḡu yere. Sa yero tiquiro bato namo tiriquiro ḡuh̄u ticoro mehna ñano yero nine, ni yahuahye Jesu.

³³ Oh̄o saha ni yahu nemoahye Jesu:

—Panop̄u c̄j̄na oh̄o saha tiquina ni yahurire t̄hori jimed̄i m̄sa: “M̄sa nidiro sahata yeya. ‘Coh̄c̄j̄ mehna poto sa yeitja’ m̄sa nidiro sahata yeya”, tiquina ni yahurire t̄hori jimed̄i m̄sa. ³⁴ Ahri

tiquina yahuri yuhduo cjüno musare ahri pehere yahu nemoutja. “Uhmuse mehna poto nii niaja”, ni uhmuse mehna wame peeracähña. Uhmuse pehe Cohäcju mari puhtoro tiquiro ijiro ijire. Ihyo ijiro ijierare. Sa ijigü ihñana sa niedacähña. ³⁵ Ahri yehpa mehna ne wame peeracähña. Ahri yehpa Cohäcju ya yehpa ijire. Sa ijigü ihñana sa niedacähña. Jerusalë mehna ne wame peeracähña. Tutuariquiro mari puhtoro ya maca ijire Jerusalë. Ihyo ijiri maca ijierare. Sa ijigü ihñana sa niedacähña ti wamene. ³⁶ “Yuhu dapu mehna poto nii niaja”, ni wame peeracähña. Musa poari yehseye poari wahagü ye masiedare musa. Ti poarire ñiñe wahagü gähure ye masiedare musa. Sa ye masiena “Yuhu dapu mehna poto nii niaja”, ni wame peeracähña. ³⁷ “Yenatja”, nina wame peoro marieno ohö saha dihita tire niducuya. “Yesi”, nina gähü wame peoro marieno niducuya. Musa wame peo nina, wafüno ñariquiro dutiro saha yena niaga, ni yahuahye Jesu.

Tiquina cahme ihña tuhtiyere yahuahye Jesu

(Lc 6.29-30)

³⁸ Ohö saha ni yahu nemoahye Jesu:

—Panopu ohö saha tiquina ni yahurire tuhori jimeidi musa. “Muhure apequiro muhu capeare tiquiro quë tihäriro sahata muhu gähü tiquirore quë tihä cahmeña. Muhu upiriare tiquiro quë nuhariro saha muhu gähü quë nuha cahmeña”, tiquina nidire tuhori jimeidi musa. ³⁹ Tiquina yahuri yuhduo cjüno ahri pehere yahu nemoutja musare. Muhure ñano yeriquirore sa ihña cähña. Ihcä pehe muhu wahsupure tiquiro quëgü, ape sie gähure quë dutiya tiquirore. ⁴⁰ Apequiro buhiri dahre dutiriquirore muhure tiquiro yahusägü, dutiriquiro pehe muhu camisare muhure yahusäriquirore oho dutiboaga. Tiquiro oho dutigü, tiquirore ohoya. Muhu bui cjä suhtiro gähure oho nemoña tiquirore. ⁴¹ Apequiro surara apee borore ihcä kilómetro muhure tiquiro nea basa dutigü, ape kilómetrore waha nemoña tja. ⁴² Muhure sinidiquirore ohoya. Sa yegu apequiro muhure waso dutigü wasoya tiquirore, ni yahuahye Jesu.

Musare ihña tuhtiyequinare cahña

(Lc 6.27-28, 32-36)

⁴³ Ohö saha ni yahu nemoahye Jesu:

—Masa ohö saha nine: “Masa mehna cjënare cahña. Sa yena musare ihña tuhtiyequinare ihña tuhti cahmeña tja”, tiquina nidire tuhori jimeidi musa. ⁴⁴ Tiquina yahuri yuhduo cjüno ahri pehere yahu nemoutja musare: Musare ihña tuhtiyequinare cahña. Musare ñano yeyequinare tiquina ye ijiatire Cohäcjüre

sini basaya. ⁴⁵ Musa sa yena mari Pacu uhmuse cjüno pohna ijire musa. Cohäcju pehe ihcäno saha yere masare. Ñañequina gähure quehnoañequina gähure asü asigü yere tiquiro. Sa yero Cohäcju dutiyere yeyequina gähure, yeyequina gähure acoro ahtagü yere tiquiro. Masare ihcäno saha tiquiro yeriro sahata musa gähü yeya. ⁴⁶ Musare cahñequina dihitare musa cahigü ti ne dahseati ijierare. Wapa ne cohteyequina gähü sata yere. Sa yena ijipihiyequinare cahña. ⁴⁷ Musa acaye dihitare musa quehnoano piti cagü ti ne dahseati ijierare. Cohäcjüre masieñequina gähü sata yere. Sa yena ijipihiyequinare quehnoano piti caya. ⁴⁸ Ñañe mariena ijiya musa. Mari Pacu uhmuse cjüno tiquiro ñañe marieniquiro tiquiro ijiro sahata musa gähü ñañe mariena ijiya, ni yahuahye Jesu.

6

Quehnoañe yeyere yahuahye Jesu

¹ Pari turi tiquiro yahu nemoahye:

—Cohäcju ye ijiatire quehnoañene yena, tire masare “Ohö saha ijigü ijiaja yuhu”, ni ye ihñoro ahequinare. Musa sa ni ye ihñori buhiri quehnoañene musa yeri dahseati ijierare. Sa yero Cohäcju uhmuse cjüno quehnoañene musa yeri wapa musare ohosi. ² Sa yena pejecuoyequinare yedohona, tire masare ye ihñoredacähña. Masa tiquina ihñenopu yedohoya tiquinare. Sata ihquëquina ye ihñore mahapu ijiyequinare, judio masa mari buhaye wuhusepu ijiyequina gähure. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñagü sa ye ihñonequina pehe bucue tuhasari. “Quehnoañequina ijire”, ni masa tiquina ño peogü bucue tuhasari tiquina. Sa yero Cohäcju pehe ne bucue nemogü yesi tiquinare. ³ Sa yena pejecuoyequinare yedohona, masa tiquina ihñenopu yedohoya tiquinare. Musa mehna cjëna mehna ijina tiquina ihñeno pejecuoyequinare yedohoya. ⁴ Masa tiquina ihñenopu musa yedohoepegüta Cohäcju pehe ihñare. Sa ihñano musa sa yeri wapa ohorota musare, ni yahuahye Jesu.

Cohäcjüre siniñene yahuahye Jesu

(Lc 11.2-4)

⁵ Pari turi tiquiro yahu nemoahye:

—Cohäcjüre sinina, masa ihñono dihita quehnoano iji mehoñequina yero saha yeracähña musa. Judio masa mari buhaye wuhusepu ducu, mahapu gähure ducu, Cohäcjüre sini ihñore tiquina masare. Sa sini ihñone poto masa tiquina ño peoye mehna tiquina bucue tuhasari. ⁶ Cohäcjüre sinigü tagu, muhu ya tucüpu biha sañaña.

Biha sajá, mari Pacu ihñamehneniquirore siniña. Musa sa yegü masa marienopu musa siniepegüta mari Pacu musare tuhoro. Sa tuhoro musare quehnoano yerota tiqiro.

⁷ 'Sa yena Cohäcüre sinina, tuhuturo marieno musa sinidireta pari turi sini majare tojoeracähña. Ohö sahata yere Cohäcüre masieñequina. "Peye tahari ihcäno saha usä sinigü Cohäcjö usäre tuhoro", ni tuhutumene tiquina. ⁸ Tiquina yero saha yeracähña musa. Musa siniato pano mari Pacu musa cahmeñene masi tuhasare. ⁹ Sa yena ohö saha ni siniña musa Cohäcüre:

Usä Pacu, umuse cjü muhu quehnoagu sa ijiducure.

¹⁰ Yojopure ijiphiyequina puhto ijiya. Umusepu muhu dutiro sahata tiquina yeriro sahata ahri yehpa cjëna gähü yeahro.

¹¹ Sa yegu decoripe usä ihyatire ohoducuya usäre.

¹² Apequina usäre tiquina ñano yerire usä boaja. Sa yegu muhu gähü usä ñano yerire boya.

¹³ Sa yegu usä ñañene ye duagü usä tutaro cahmegü ihñagü tire usäre ye dutieguta. Sa yegu usäre usä ñañene yeragü yeya.

Muhu usä puhto tutuagu sa ijiducugata. Ijiphiyequina muhure sa ño peoducuahro, ni siniña Cohäcüre.

¹⁴ Apequina musare tiquina ñano yerire musa bogü ihñano, mari Pacu umuse cjäno gähü musa ñano yerire borota. ¹⁵ Sa boeperota apequina musare tiquina ñano yerire musa boeragü mari Pacu gähü musa ñano yerire bosü, ni yahuahye Jesu.

Sijiyere buheahye Jesu

¹⁶ Sa yero tiqiro tiquinare yahu nemoahye:

—Cohäcüre ño peona tana sijina bujua witiyequina yero saha ye ihñoadacähña. Sata yere masa ihñono dihita quehnoano iji mehoñequina. Tiquina wahdo paca bujua witiyequina yero saha ijire. Tiquina sa ijiyequina ijigü tiquina sijigü ihña masine masa. Ijirota musare nii niaja. Masa tiquinare ño peogü cahmene tiquina. Sa yeye tiquinare tiquina ño peogü ihñañe bucue tuhasari. Cohäcjö pehe tiqirore tiquina ño peori wapa tiquinare bucuegü yesi. Sa yena tiquina yero saha ye ihñoadacähña musa. ¹⁷ Musa sijina, musa poarire aco mehna wa peo wuhapo peoya. Sa yena musa wahdo pacare coseya. ¹⁸ Musa sa yegü musa sijigü ihña masisi masa. Cohäcjö dihita musa sijiyere ihña masinota. Musa sehsharo musa ijigü tiqiro musa mehna sa ijiducure. Sa ihñano tiqiro

musare quehnoano yerota tiqirore musa ño peori wapa, ni yahuahye Jesu.

Umuse cjëne cuo dutiahye Jesu (Lc 12.33-34)

¹⁹ Sa yero tiqiro yahu nemoahye:

—Ahri yehpa cjëne ne cahmecoedacähña. Ohö cjë ahbaa wahaboaga. Ti ahbaeragü yaqueriqiro neboaga tire. Tiqiro yaqueragü mecasia tuaoaga. Sa yero ahri yehpa cjë butiaro cuarñe. Sa yena ahri yehpa cjëne tutuaro cahmedacähña. ²⁰ Umuse cjë pehere cahmeña musa. Umuse cjëne mecasia tua masiedare. Topu musa cuoye ne ahbaerare. Topure yaqueriqiro ne masiedare. Sa yena umuse cjëne cahmeña musa. ²¹ Topu musa cuoye ijigü, umuse cjëne Cohäcjö yere tutuaro wacüre musa, ni yahuahye Jesu.

Masa tiquina tuhuturo sahata yere (Lc 11.34-36)

²² Sa yero ohö saha ni yahu nemoahye tiquinare:

—Sihäria quehnoano buhriogü mari quehnoano ihña masino sahata quehnoañene tuhutuye mehna quehnoano ye masinata musa. Musa tuhuturo sahata yere musa. Quehnoañene tuhutuna quehnoano yere musa. ²³ Quehnoañene tuhutuerana ñañene yere musa. Musa ñañe dihitare musa tuhutuducugü ti ñañe pehe ña yuhdaye ijire, ni yahuahye Jesu.

Niñerure cahñequina, Cohäcjö pehere cahñedare

(Lc 16.13)

²⁴ Sa yero tiqiro yahu nemoahye tiquinare:

—Ihcäqiro Cohäcjö pehere wacüno, tutua yuhduaro niñeru pehere wacüedare. Niñeru pehere tutua yuhduaro wacüno Cohäcjö pehere wacüedare. Niñeru dihitare cahmediqiro ijiro Cohäcüre bucuegü yerare. Cohäcjö gähure, niñeru gähure puarore cahme yuhduarocar basioerare musare.

Cohäcjö tiqiro pohmene ihña ihbore (Lc 12.22-31)

²⁵ 'Sa yegu ahrire musare nii niaja: Musa ihyayere, sihñañene, suhti gähure pajiro bujua witi tuhoteracähña. Musare bajumehnenno ihyayere ihyatina dihitare suhti sañatina dihitare Cohäcjö yerari musare. ²⁶ Minicjua parire Cohäcjö tiqiro ihña ihboyere masiña musa. Tiquina weseri marieñequina ijire. Sa yeye ihyayere tiquina ihboye wuhuse tiquinare mariedare. Mari Pacu pehe tiquinare tiquina ihyatire ohore. Minicjua yuhduoro musa pehere cahñe Cohäcjö. Sa yero musa gähure ihña ihborota tiqiro. ²⁷ Pajiro musa tuhutuye mehna ti

mūsare ihcā hora cati nemogū yerare. Sa yero mūsa pajiro tuhotuye duhseati ijierare.

²⁸ Sa yena mūsa suhti sañatire pajiro bujua witi tuhotueracāhña. Nūcu cĵē cohorī ti cohoyere tuhotuya. Ti cohorī ti basi suhtire yerare. Sa yerapeta ti cohorī quehnoañe suhti yero saha quehnoañe cohorī bajure. ²⁹ Salomo mūnāno quehnoañe suhtire sañariquiro tiquiro ijiepegūta ti cohorī pehe tiquiro yuhduoro quehnoa yuhduaye cohorī waro ijire. ³⁰ Cohorire quehnoañe cohorī yere Cohācĵū pehe. Ti cohorī pehe meheñe decorigā ijiducu ñai bora dijiaa wahare. Mehenogā iji, ape decopu pecapu ūjā wahare. Sa ijiepegūta cohorire quehnoañe cohorī ijigū yere Cohācĵū. Sa yero Cohācĵū cohorire tiquiro quehnoañe cohorī tiquiro yeriro yuhduoro mūsa gūhare quehnoano yerota. Suhtire ohorota. Cohācĵāre mehenogā wacū tutuare mūsa. ³¹ Sa yena mūsa ihyatire, mūsa sihniatire, mūsa suhti sañatire pajiro bujua witi tuhotueracāhña. ³² Cohācĵāre cahmeeñequina pehe tire sa macaducuye nine. Mari Ραυϋ εημυσε cĵāno ijipihtiye mūsa cahmeeñene masine. Tiquiro sa masigū pajiro bujua witi tuhotueracāhña. ³³ Cohācĵū mūsa puhtoro tiquiro ijiatore cahme muhtaña mūsa. Ijipihtiye apee boro yuhduoro tiquirore cahmeña mūsa. Quehnoañene tiquiro ye dutiye gūhare cahmeña. Mūsa sa yeri bato Cohācĵū pehe mūsa cahmeñe duhsagū ohorota. ³⁴ Sa yena ñamiapure mūsa duhse wahatore pajiro bujua witi tuhotueracāhña. Ñamiare mūsa ñano yuhdugū Cohācĵū yedohorota mūsare. Miare mūsa ñano yuhduato iji tuhasare. Sa yena mia cĵē dihitare tuhotuya. Ape deco cĵēne pajiro bujua witi tuhotu nemoedacāhña. Cohācĵū pehe mūsare yedohorota, ni yahuahye Jesu.

7

Apequinare “Ñañequina ijire”, niedacāhña (Lc 6.37-38, 41-42)

¹ Sa yero tiquiro tiquinare yahu nemoahye:

–Apequinare “Ñañequina ijire”, niedacāhña mūsa. Mūsa sa niedagū Cohācĵū mūsare “Ñana ijire”, nisi. ² Apequinare “Quehnoano yerare”, mūsa ni ihñano sahata Cohācĵū pehe mūsa gūhare sata ni ihñanota. ³ Mari queoye mehna mari buhegū ohō saha yena ijire mūsa. Mūsa acayuro tiquiro capeapu meheni pohcarogā sajāgū ti pohcarogāre quehnoano ihñare mūsa. Mūsa ya capea pehere pajiri pĵi ijiepegūta ti pĵiñe ne ihñedare mūsa. Meheni pohcarogāre mūsa ihñano saha mūsa acayuro tiquiro ñano yeye pehere quehnoano ihñare mūsa. Mūsa basi mūsa ñañene tutuaro yepenata tire masiedare mūsa, pajiri pĵiñe mūsa

ihñeno saha. ¿Duhse ijiro boro sa ijijari mūsa? ⁴ Ohō saha nibona ijire mūsa: “Yuhū acayū, ñañene yei nine mūhū. Sa yegū tire duhuya”, nibona ijire mūsa. Sa nibona ijiepenata pajiro ñañene yere mūsa. ¿Duhse mūsa ñañene yepenata tire masiedajari mūsa? ⁵ Masa tiquina ihñono dihita quehnoano iji mehona ijire mūsa sa yena. Pajiri pĵiñe mūsa capeapu ijiri pĵiñe mūsa ne muhtaboriro sahata mūsa ñano yeye pehere duhu muhtaña. Mūsa sa yeri bato mūsa acayuro tiquiro ñano yeyere duhugū ye masiboaga, meheni pohcarogāre mūsa neboriro sahata.

⁶ ‘Diaye yero saha ijieyequina, yesea yero saha ijieyequina gūhū ñañequina Cohācĵū yere quehnoa yuhduyere tiquina ño peerare. Tiquina pehere yahuercāhña. “Tiquina bujape, ñano niari”, nina, yahuercāhña tiquinare, ni yahuahye Jesu.

Cohācĵāre mari siniñene yahuahye Jesu

(Lc 11.9-13; 6.31)

⁷ Sa yero tiquiro tiquinare yahu nemoahye:

–Cohācĵāre siniña mūsa. Sinina mūsa nenata. Mūsa sinidire bocanata. Tiquirore sa siniducuya mūsa. Mūsa sa yegū tiquiro mūsare ohorota. ⁸ Ijipihtiyequina Cohācĵāre siniñequina neeta. Sa yeye tiquina sinidire bocaeta. Sa yero ijipihtiyequina Cohācĵāre sa siniducuyequinare tiquiro tiquinare ohorota.

⁹ ¿Mūsa pohna pāgāre mūsare tiquina sinigū utā pehere ohoboagari mūsa tiquinare? Ne ohosi. ¹⁰ ¿Mūsa pohna wahire mūsare tiquina sinigū aña pehere ohoboagari mūsa tiquinare? Ne ohosi. ¹¹ Mūsa ñana ijiepenata mūsa pohnare quehnoañene ohoe tiri mūsa. Sa yero Cohācĵū pehe mūsa yuhduoro quehnoañene ohore mūsare tiquiro pohnare tiquirore sininare. Mūsa pohnare mūsa ohoriro yuhduoro Cohācĵū pehe tiquiro pohnene ohore.

¹² Apequina mūsare tiquina quehnoano yegū cahmene mūsa. Tiquinare mūsa quehnoano yegū cahmeno sahata quehnoano yeya tiquina gūhare. Tiquina quehnoano yerapegūta mūsa pehe tiquinare quehnoano yeya. Sata ye dutire Cohācĵū dutiye Moiserē tiquiro cūripū, Cohācĵū yere yahu muhtariquina tiquina ojoari gūhū, ni yahuahye Jesu.

Meheni sopecahagā quitire yahuahye Jesu

(Lc 13.24)

¹³ Sa yero tiquiro yahu nemoahye tiquinare.

–Ehmuṣepū Cohācĵū cahapu waha duana tiquiro yere yero cahmene mūsare. Sa yena tiquiro yere sa ye macaedacāno cahmene.

Meheni sopesahagāpū mūsa sajā duagū mijorīne. Sata mijorīne Cohācǵū cahapū mūsa waha duagū. Pecapū masa tiqūina wahagū mijoadare. Pajiri sopesahapū mari sajāgū mijoadare. Ti sopesahapū masa tiqūina sajāboro saha pecapū masa tiqūina wahagū mijoadare. Sa yeye peyequina masa topū wahaye nine. ¹⁴ Cohācǵū cahapū mūsa waha duagū mijorīne. Meheñequinagā masa topū wahaeta. Topū wahayequina ijipihīye decori Cohācǵū mehna ijiducueta, ni yahuahye Jesu.

Yucugū dūcare masina, tu padū gūhure masine mūsa
(Lc 6.43-44)

¹⁵ Sa yero tiqūiro yahu nemoahye tiquinare:

–Quehnoano yeya. “Cohācǵū yere yahu mūhtana ijiaja”, ni mehoñequinare tūhoeracāhña mūsa. Tiqūina oveja yero saha usueyequina saha bajumene. Tiqūina tuhotuyepū ñañequina ijire tiqūina. ¹⁶ Tiqūina ñano yegū ihñana, ñañequina tiqūina ijigū masinata mūsa. Tiqūina quehnoano yegū ihñana quehnoañequina tiqūina ijigū masinata mūsa. Pota būsagū uhse tōhorine dūca tierare. Potagū higuera pacare dūca tierare. ¹⁷ Quehnoadū yucugū quehnoañene dūca tire. Ñadū pehe ñañene dūca tire. ¹⁸ Quehnoadū yucugū ñañene ne dūca tierare. Sa yero ñadū quehnoañene dūca tierare. ¹⁹ Quehnoañene dūca tieye cǵure dūte cohā cā, pecapū uǵūanota. Sata yerota Cohācǵū tiqūiro cahmeñene yerariquinare. ²⁰ Sa yena “Cohācǵū yere yahu mūhtana ijiaja”, ni mehoñequinare ohō saha masinata. Tiqūina yerire ihñana, tiqūina ni mehoñequina ijigū masinata, ni yahuahye Jesu.

“Mūsare ne masiedaja”, ninota Cohācǵū peyequina masare
(Lc 13.25-27)

²¹ Sa yero tiqūiro yahu nemoahye tiquinare:

–Peyequina yuhure “Puhto” niñequina ijiepetā uhmuse cǵāno Cohācǵū tiqūiro puhtoro ijioropure wahasi tiqūina. Yuhū Pacū uhmuse cǵāno tiqūiro cahmeñene yeyequina dihita tiqūiro puhtoro ijioropure wahaeta. ²² Decorī pihitǵūpare peyequina masa ohō saha nieta yuhure: “Puhto, mūhu yere usā buhei. Mūhu wame mehna wafāre cohān. Sa yena mūhu tutuaye mehna peye bajumehneñene yei usā”, yuhure niñequina ijietā. ²³ Ohō saha yūhtitja tiquinare: “Mūsare ne masiedaja. Ñañene yena ijire mūsa. Yuhū cahapū ahtaeracāhña”, nūitja yuhū tiquinare, ni yahuahye Jesu.

Pūa wūhu yeyequina quitire yahuahye Jesu

(Mr 1.22; Lc 6.47-49)

²⁴ Sa yero tiqūiro yahu nemoahye tiquinare:

–Sa ye ijipihīyequina ahri yuhū buherire tūhoriquina yuhū dutiyere yeyequina, quehnoano tūho masiniquiro wūhu dāhereriquiro yero saha ijire tiqūina. Tiqūiro pehe uhcūañe coperi sehe, wūhure doco dūcahye. ²⁵ Ti wūhure peho tuhasari bato acoro tutuaro ahta, dia mini yūhdūa waha, tutuaro wiñono wēahye. Sa ti tutuaro wēpegūta ti wūhu uhcūāno tiqūiro docori wūhu ijiro ne waha sa queherahye. ²⁶ Sa yeye ijipihīyequina yuhū buherire tūhoepeta yuhū dutiyere yerariquinā, tūho masiniquiro wūhu dāhereriquiro yero saha ijire. Tiqūiro pehe ti wūhure paduro buigā doco, quehnoano ye dūcaerahye. ²⁷ Ti wūhure peho tuhasari bato, acoro tutuaro ahta, dia mini yūhdūa waha, wiñono tutuaro wēahye. Sa tutuaro wēno ti wūhu pehere wēdoque cū cāhye. Sa yero ti wūhu tutuaro bora sa quehea wahahye, ni yahuahye Jesu.

²⁸ Tiqūiro sa ni buhegū tūhoye, tūho maria wahahye masa. ²⁹ “Tiqūiro potota puhtoro ijire. Sa yero quehnoano masi pehoriquiro ijiro marine buhere tiqūiro. Mari judio masare buheyequina yero saha buherare”, ni tuhotuahye tiqūina.

8

Jesu camī būsū mūna wihirore yūhdūa wahagū yeahye

(Mr 1.40-45; Lc 5.12-16)

¹ Jesu cūnarū buhe dūjiriquiro dijiaa wahahye. Tiqūiro dijiagū ihñañe masa peyequina tiqūiro bato wahahye. ² Tiqūiro sa wahagū ihcāquiro camī būsū mūna wihiro tiqūirore piti ca, dūsepe curi mehna quehe sa, tiqūirore siniahye.

–Puhto, mūhu yuhure yūhdūo duagū yūhdūoya, niahye.

³ Tiqūiro sa nigū tūhoro tiqūiro omoca mehna Jesu tiqūirore ña peoahye.

–Tire ye duaja. Mūhure yūhdūgū yeitja, niahye Jesu tiqūirore.

Tiqūiro sa nigūta camī būsū mūna yatia wahahye. ⁴ Sa ni tuhasa Jesu tiqūirore niahye tja:

–Yuhū mūhure ohō saha yerire ne apeqūinare yahueracāhña. Mūhu pagure quehnoari pagū waharire pahire ihñogū wahaya. Moiserē Cohācǵū tiqūiro cūriro sahata pahire minicūare ohoya mūhu yūhdūre masa ijipihīyequina tiqūina masino quehnoano, niahye Jesu.

Surara puhtoro tiqiro cahacjano dohatigū Jesu yuhduoahye tiqirore
(Lc 7.1-10)

⁵ Sa ye Jesu Capernau wame tiri macapu tiqiro esagū cien surara puhtoro tiqiro cahapu esa, tiqirore tutuaro ohō saha ni sinidi:

⁶ —Puhto, yuhu cahacjano ne pagu tutueriqiro waha masiedaro tiqirore tutuaro purigū ya wuhapu cuñari tiqiro, nidi tiqiro Jesure.

⁷ Tiqiro sa nigū,
—Au, tiqiro dohatiyere yuhduoga wahaatja, nidi Jesu.

Tiqiro sa nigū ohō saha nidi surara puhtoro:

⁸⁻⁹ —Puhto, quehnoanota. Wahaeguta. Yuhu yuhduoro quehnoa yuhduagu ijire mahu. Ya wuhapu mahare sajā ta dutiboga ijieraja yuhu. Mahu masiñe mehna yuhduoya tiqirore. Mahu sa yegū yuhu cahacjano quehnoa wahaerota. Yuhare yuhu bui ijiyequina apequna puhto dutire. Yuhu gahu surarare dutiaja. Ihcāqirore “Wahaya”, yuhu nigū tiqiro wahare. Apeqirore “Ahtaya”, yuhu nigū tiqiro ahtare. Yuhu cahacjano “Ahrire yeya”, yuhu nigū tire yere. Mahu gahu dutiguta ijire. Sa yero mahu dutiro sahata tiqiro dohatiriqiro yuhduerota, nidi tiqiro.

¹⁰ Tiqiro sa nigū tuho maria waharo, peyequina masa tiqiro mehna ijiyequinare ohō saha nidi Jesu:

—Ijirota masare niita niaja. Ahriqiro surara puhtoro Israe masano ijieri qiro Cohācjäre tutuaro wacū tutuare. Tiqiro cahacjano yuhu yuhdugū yeatire masi tuhasare. Ne Israe masare ahriqiro yero saha ijiyequinare ihñedaga yuhu. ¹¹ Masare niita niaja. Peyequina ahriqiro yero saha Cohācjäre wacū tutuayequina ijiptiro cjēna gahu uhmase cjāno puhtoro tiqiro ijiropu esa, toru ijiyequina mehna ihyæta. Abrahā, Isaac, Jacob mehna ihyæta tiqina. ¹² Masa apequna pehe Cohācjā tiqiro puhtoro ijiropu wahaboriquina tiqina ijipegūta ñanoru nahitianoru cohā cānota tiquinare. Toru tiqiro cohāriquina tutuaro uti, bujua witiye mehna bahque dihoeta, ni yahuri Jesu.

¹³ Tire sa ni tuhasa, surara puhtoro nidi.

—Tojoahya mahu ya wuhapu. Mahu cahacjano yuhduerota. “Potota yuhduerota”, ni mahu tuhoturiro sahata yuhduerota, nidi Jesu.

Sa nigūta tiqiro cahacjano pehe quehnoa wahari.

Pedro mareonore dohatiricorore yuhduoahye Jesu
(Mr 1.29-31; Lc 4.38-39)

¹⁴ Sa ye Jesu Pedro ya wuhapu esa, Pedro mareono dohatigū ihñahye tiqiro. Ujuaye tigū cuñahye ticoro. ¹⁵ Ticoro sa ijigū ihñano ticoro omocare ña peoahye. Tiqiro sa ña peogūta ujuaye surua wahahye. Surugū tuhoturo ticoro pehe wahcāduca, tiquinare ihyayere peoahye.

Jesu peyequina dohatiyequinare yuhduoahye
(Mr 1.32-34; Lc 4.40-41)

¹⁶ Sa ye ñamicahapu peyequina watāre cuoyequinare masa ne wihahye Jesu cahapu. Tiqina sa ne wihigū ihñano ihcā tahata tiqiro waha dutigū watā wahaa wahahye. Sa yero ijiptiyequina dohatiyequina tiqina ne sariquinare yuhduo pehoahye Jesu. ¹⁷ Sata yeahye tiqiro panoru cjāno Cohācjā yere yahu mahitariqiro Isaia tiqiro nidiro sahata. Ohō saha ni ojoahye: “Mari dohatiyere yuhduo cānota tiqiro. Mari duti tiyere cohā cānota”, ni ojoahye Isaia Jesure.

Ihquēquina Jesu mehna waha duamahye
(Lc 9.57-62)

¹⁸ Ape taħa Jesu peyequina masa tiqiro cahapu tiqina ijigū ihñano, ohō saha nidi.

—Ape sie pahrepu isa pehāhna, nidi.

¹⁹ Sa usā pehāto pano mari judio masare buheriqiro Jesu cahapu esa, ohō saha nidi:

—Buhegu, mahu mehna waha duaja noho mahu waharoru, nidi.

²⁰ Jesu ohō saha ni yahtiri:

—Ihquēquina nycu cjēna wahiquina tiqina cooperi cuore. Minicjua gahu tiqina suhti cuore. Yuhu masu Cohācjā ohorigu pehe yuhu carini wahu cuoreraja, ni yahtiri Jesu.

²¹ Sa ye apeqiro Jesu buheriqiro ohō saha nidi:

—Puhto, yuhu pacu tiqiro yariagū yarigtja. Sa ya tuhasagu pūrita mahu mehna wahagutja, nidi tiqiro Jesure.

²² Jesu yahtiri:

—Yuhare cahmeeñequina yariariquina yero saha ijire. Tiqina pehe yariariquinare yaahro. Sa yegu mahu pehe yuhu mehna cjā ijiacjā ahtaya, nidi tiqiro.

Jesu wihnonore yusu dutiahye
(Mr 4.35-41; Lc 8.22-25)

²³ Sa ni tuhasa yucasapu sajāri. Sa yena usā tiqiro buhena gahu tiqiro mehna waha, sajāu. ²⁴ Ti ditarapu usā pehāgū waro wihnono tutuaro wēdi. Sa yero pahcōri yucasare quē mio cāmedi. Sa wihnono wēpegūta Jesu pehe carino nidi. ²⁵ Sa wahagū ihñana usā tiqirore wahcōu. Wahcō ohō saha nii:

—Puhto, yuhduoya. Mari minina tana niajā, nii usā.

²⁶ Usā sa nigū Jesu yahtiri:

—¿Duhseña cue maca cãri mûsa? Yuhure wacû tutuerare mûsa, nidi Jesu usãre.

Sa ninota wahcãdûca sa, wihnonore pahcõri gãhure “Yûsuhya”, nidi. Tiquiro sa nigû wihnono yuhdûa wahari. Sa ye pahcõri gãhu yûsu dijiaa wahari. ²⁷ Tiquiro sa yegû ihña acûana, ohõ saha nii usã:

—¿Yohou, duhse ijiriquiro boro masûno ijijari ahriquiro? Ahri wihnono, pahcõri gãhu tiquiro dutigû yuhdûcaerare tiquirore, nii usã.

Watia cuoyequinare watiare cohãhye Jesu (Mr 5.1-20; Lc 8.26-39)

²⁸ To bato pehã sa, Gadara cjëna ya yehparû esau. Topû usã esagû pûaro umûa masa coperi caharû ijieyquina Jesure piti cari. Tiquina watiare cuoyequina cuayequina ijiri. Sa yero topû masa tiquina wahamehnenno ijiri. ²⁹ Tiquirore piti ca, sañuducuri:

—¿Mûhu Cohãcjû macû duhse yegû ahtajari mûhu usã caharûre? ¿Usãre Cohãcjû tiquiro buhiri dahreati pje ijierapegûta usãre buhiri dahrei ahtau nijajari mûhu? ni sañuducuri tiquina.

³⁰ Tiquina caharû peyequina yesea maca ihyaye nidi. ³¹ Tiquinare ihñañe, watia ohõ saha nidi Jesure:

—Usãre cohãgû sisequina caharû waha dutiya usãre. Tiquina mehna iji dutiya usãre, ni sinidi watia Jesure.

³² —Au, wahaya, nidi Jesu.

Tiquiro sa nigû watia pûaro masa mehna ijiriquina waha, yesea caharû esari. Tiquina mehna tiquina ijigûta yesea pari, pari cjûru oma maa buha, ditarapû bora ñojoa, mini yaria pihtia wahari.

³³ Tiquina sa wahagû ihñañe yeseare ihña ihboyequina pehe cuea waha, oma maa cãa wahari. Macarû esa, yesea tiquina minidire yahu site pehoahye. Watiare cuoriquinare Jesu watiare tiquinapure ijiriquinare cohã wiori gãhure yahu pehoahye tiquina. ³⁴ Sa tiquina yahu siteri bato ti maca cjëna ijip-ihkiyequina Jesure ihñañe ahtari. Sa ye tiquirore ihñañe, tutuaro mehna waha dutiri tiquirore.

9

Tini masieniquirore yuhdûoahye Jesu (Mr 2.1-12; Lc 5.17-26)

¹ Sa ye Jesu yucûsarû sajã, ditarapû pehã, tiquiro masari macarû esahye.

² Topû arequina tini masieniquirore tiquiro cuñari cahsero mehna yo wûa wihiahye Jesu caharû. “Jesu ahriquirore dohatiyere yuhdûgû yerota”, ni tãhotuahye tiquina. Tiquina sa ni tãhotugû masino dohatiriquirore ohõ saha niahye Jesu:

—Bucueya mûhu. Mûhu ñañe yeyere cohã tuhasau yûhu, niahye tiquiro.

³ Tiquiro sa nigû tãhoye ihquëquina mari judio masare buhoyequina ohõ saha ni tãhotumahye. “Ahriquiro ihyo ijiriquiro sa nino ‘Cohãcjû ijiaja’, nino nine. Sa nino Cohãcjûre ñano nino nine”, ni tãhotumahye tiquina. ⁴ Tiquina sa ni tãhotugû masino, ohõ saha niahye Jesu:

—¿Duhseña sa ñano tãhotuajari mûsa?

⁵ “Mûhu ñañe yeyere cohã tuhasaja”, yûhu nigû “Ni mehogû jire”, nine masa quehnoano masiedapenata. “Wahcãdûca, wahaya”, yûhu nigû tiquiro tinigû ihñana, yûhu nidi poto ijigû duita mûsa masinata.

⁶ Yûhu masû Cohãcjû ohorigu ahri yehparû masa tiquina ñañe yeyere cohã masiaja yûhu. Masa tiquina ñañe yeyere cohãcjûre cûri Cohãcjû yuhure. Yûhu sa cohãrire masa masiato saha ohõ sahata ye ihñoutja masa ihñatire, niahye Jesu.

Sa ni tuhasa tini masieniquirore ohõ saha niahye:

—Wahcãdûcaya. Mûhu cuñari cahserore ne cãhña mûhu ya wuhurû, niahye tiquirore.

⁷ Tiquiro sa nigû tãhoro tini masieniquiro wahcãdûca sa, tiquiro ya wuhurû tojoa waha. ⁸ Sa wahagû ihñañe masa cueahye. Sa ye Jesure Cohãcjû tiquiro tutuayere tiquiro ohogû ihñañe masa Cohãcjûre ño peo, quehnoano yahuducuahye.

Jesu Mateore pijiahye

(Mr 2.13-17; Lc 5.27-32)

⁹ Tiquina sa yeri bato Jesu topû ijiriquiro ahta, yuhure Mateore boca sari. Pãhtoa ye ijiatire masare wapa ne cohtegû ijimi. Sa yegû ti pjere yûhu dahrari tucûrû dujii. Topû yûhu dujigû ihñano ohõ saha nidi yuhure:

—Yûhu mehna cjû ijiajû ahtaya, nidi Jesu yuhure.

Tiquiro sa nigû tãhogû wahcãdûca tiquiro mehna wahau.

¹⁰ Came ya wuhurû Jesu gãhu ihyaye ahtari. Peyequina wapa ne cohteyequina, “Ñano yeyequina”, tiquina niñequina gãhu usã mehna ihyari. ¹¹ Tiquina mehna usã ihyagû ihñañe, fariseo masa usãre Jesu buhenare ohõ saha nidi:

—¿Duhse yero mûsare buheriquiro wapa ne cohteyequina mehna, ñano yeyequina mehna ihyajari? nidi tiquina usãre tiquiro buhenare.

¹²⁻¹³ Tiquina sa nigû tãhoro Jesu pehe queoye mehna buhero yuhtiri:

—Dohatieyequina duturure macaedare. Dohatieyequina dihita duturure macare. Ñañequina dohatiyequina yero saha ijire. Sa yegû ñañequina dihitate tiquina ñañene yerire bujûa witi duti, quehnoañe pehere comesagû yei ahtau nii yûhu. Tiquina basi “Quehnoana ijiaja usã”, ni tãhotuyequinare yedohogû ahtaerû. Cohãcjû tiquiro nidire tiquina ojoarire masifia mûsa.

“Wahiquinare m̄sa wejē, w̄j̄a m̄soñe mehna yuh̄are m̄sa ño peogū cahmedaja. Apequinare m̄sa paja ih̄nagū pehere cahmeaja”, ni ojoahye. Ahri tiquiro ojoari dahse nidire masiña m̄sa. Tire quehnoano buhe nemona wahaya, nidi Jesu fariseo masare.

Sijiyere sinituahye Ñu buheyequina Jesure
(Mr 2.18-22; Lc 5.33-39)

¹⁴ Came Ñu wame yeriquiro buheyequina Jesu cahap̄u esa, sinituri:

—Ūsā Ñu buhena pehe peye tahari Cohācj̄ure ño peona tana, sijiaja. Fariseo masa gūh̄u sata sijire. ¿Dahse yeye muh̄u buheyequina pehe sijierajari? nidi tiquina Jesure.

¹⁵ Jesu tiquiro tuh̄otuye mehna queoye mehna buhero taro tiquinare oh̄o saha ni yahtiri:

—Oh̄o saha ijire ti: Omoca dah̄terop̄u tiquina pijioriquina omoca dah̄teriquiro mehna ij̄iye, siji masiedare. Sata yuh̄u buheyequina gūh̄u yuh̄u mehna ij̄iye, siji masiedare. Yuh̄u omoca dah̄teriquiro yero saha ij̄iaja. Omoca dah̄teriquiro bose deco tiquiro yegū tiquiro mehna cj̄ena buj̄u witiye mehna ij̄ierare. Sa yeye ih̄yeyequina ij̄ierare. Yuh̄u Pac̄u Cohācj̄ū yuh̄are tiquiro nedi bato p̄uritare yuh̄u buheyequina mehna ij̄isi yuh̄u. Sa yeye ti p̄jep̄uta yuh̄u buheyequina gūh̄u sijieta, ni yahtiri Jesu.

¹⁶ Panop̄u cj̄ē buheye wahma buheye mehna tiquina buhe more duagū ih̄ñano oh̄o saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna m̄n̄ano suhtirore sere oh̄ono cahmedare. Sa yegū wahma cahsero mari coseri bato m̄n̄ano suhtirore weje cahmeco, paji yuh̄duaro tuh̄nagū yere. (Ahri yero saha m̄na buheyere wahma buheye mehna piti dah̄re buheraro cahmene.) ¹⁷ Sa yena ne uh̄se co bisiyē core wahiquiro cahsero ajurore m̄na ajurore pose yeraro cahmene. Sa yegū uh̄se co bisiyē pah̄muñep̄u m̄na ajurore tuh̄rē cāhre. Sa tuh̄nagū uh̄se co gūh̄u, ajuro gūh̄u cohāa wahare. Sa yena uh̄se co wahma core wahma ajurore pose yero cahmene. Sa yegū uh̄se co cohāeda, ajuro gūh̄u cohāedare. (Sata wahma buheye m̄na buheye mehna buhe moreदारो cahmene,) ni yahuri Jesu tiquinare.

Jairo maconore maso, dii m̄na dohatiducurico gūh̄are yuh̄duoahye Jesu
(Mr 5.21-43; Lc 8.40-56)

¹⁸ Tiquiro sa ni yahuri watoa mari judio masa puhtoahye mehna cj̄ano Jesu cahap̄u wih̄iri. Wih̄i, d̄usepe curi mehna quehe sa, oh̄o saha nidi.

—Yuh̄u maco mianogā yariaa wahari. Ticorore muh̄u omocare duhu peogū ah̄taya. Muh̄u sa yegū masanota, nidi tiquiro Jesure.

¹⁹ Tiquiro sa nigū tuhoro Jesu wahcād̄uca tiquiro mehna wahari. Ūsā tiquiro buhena gūh̄u wahau. ²⁰ Ūsā mahap̄u wahaducugū top̄u numino dii m̄na dohatiducurico Jesu batop̄u ahta, tiquiro suhtiro sohtoare dah̄ra tuh̄uahye. Doce cah̄mari waro decoripe dii m̄na dohatiro niahye. ²¹ Oh̄o saha ni tuh̄otuahye ticoro sa yero: “Ti suhtirore dah̄ra tuh̄ugo, quehnoa wahagota”, ni tuh̄otuahye ticoro. ²² Ticoro sa yegū masino Jesu majared̄uca, ticorore nidi.

—Maco, bucueya muh̄u. Muh̄u yuh̄are wacū tutuaye mehna quehnoago tojoare yojop̄are, nidi tiquiro.

Tiquiro sa nigūta yuh̄duu wahari ticoro.

²³ Sa ye tuhasa Jesu puhtoro ya wuh̄ap̄u esari. Top̄u esa, ñehe quea utiyequinare weogū m̄te pohoro saha ij̄idare putiyequinare ih̄ñari. Peyequina masa tiquina ñano bisigū gūh̄are tuhori tiquiro. ²⁴ Tiquina sa yegū ih̄ñano masare oh̄o saha nidi:

—Wij̄iaya masa. Yariere ticoro. Car̄no nine, nidi tiquinare.

Tiquiro sa nigū tuhoye “Sa ni maca cāno nine ah̄riquirō”, niñe, masa buj̄uri tiquirōre. ²⁵ Sa yero wuh̄u puh̄iap̄ure ij̄iyequina masare tiquiro wio pehori bato yariaricoro cahap̄u esa, ticoro omocare ñeheahye. Tiquiro sa ñehēgū masa quehe sa, wahcād̄uca sahye ticoro. ²⁶ Tiquiro sa yerire tuhoye, to cj̄ena masa ij̄ip̄ihtiyequina yahu siteri.

P̄n̄aro caperi bajueyequinare ih̄ñagū yeahye Jesu

²⁷ Sa yero Jesu top̄u ij̄iriquiro wahagū, p̄n̄aro caperi bajueyequina tiquirōre pisu n̄n̄u t̄ari:

—Dav̄i panami iji turiagu, masare yuh̄duoac̄j̄u, us̄are paja ih̄ñañu muh̄u, ni sañducuri tiquina.

²⁸ Tiquina sa nigūta Jesu ape wuh̄ap̄u saj̄ari. Tiquiro sa saj̄agū masiñe caperi bajueyequina tiquiro cahap̄u saj̄aa wahari. Tiquina sa saj̄a sagū ih̄ñano tiquiro pehe sinituri tiquinare:

—¿“Marine ih̄ñagū yerota tiquiro”, ni tuh̄otuj̄ari m̄sa yuh̄are? nidi tiquiro.

—Puhto, sata ni tuh̄otuj̄a us̄a, ni yahtiri tiquina.

²⁹ Tiquina sa nigūta tiquina caperire ña peori. Ña peo oh̄o saha nidi:

—Yuh̄are “Sa yerota”, m̄sa ni tuh̄oturo sahata sa yeaja masare, nidi Jesu.

³⁰ Tiquiro sa nigūta tiquina caperi pehe quehnoa wahari. Sa ye Jesu ohō saha nidi tiquinare:

—Ahri yuhū ohō saha yerire apequinare ne yahueracāhña, nidi.

³¹ Tiquiro sa niepegūta waha, topu ijiyequinare yahu siteri tiquina tiquiro sa yerire.

Yahuducueriquirore yahuducugū yeahye Jesu

³² Ti wuhare tiquina wijiagū waro ihcāquiro yahuducueriquirore ne cāhtari masa. Watīno tiquiro mehna ijiriquiro tiquirore yahuducueragū yeahye.

³³ Tiquina ne sagū ihñano watīnore suoriquiro pehe yahuducua wahari. Tiquiro sa yegū ihñañe ijipihitiyequina ihñā maria pihitia wahari.

—Ne, ahri yehpa Israe yehpapure ohō saha yeyere ihñedahti mari, ni yahuducuri tiquina basi.

³⁴ Fariseo masa pehe sijoro saha ni yahuducuri:

—Watia puhtoro tutuaye mehna watīare cohāre ahriquiro, ni yahuducuri tiquina.

Masare paja ihñahye Jesu

³⁵ Sa ye ijipihitiye macari topu ijiye macarigāre, bujaye macari gūhare buhe tinino wahari Jesu. Quehnoañe buheyere judio masa mari buheye wuhūseru buhero wahari tiquiro. Sa yero Cohācjū puhtoro tiquiro ijiatire yahuri. Ijipihitiye dohatiye gūhare to cjēnare yuhduori tiquiro. ³⁶ Masa peyequina ñano yuhduyequinare, pejecuoro wahayequinare tiquina ijigū ihñano Jesu tiquinare paja ihñari. Tiquina oveja opana marieñequina yero saha tiquina ijigū ihñano Jesu tutuaro paja ihñari tiquinare. ³⁷ Sa yero ohō saha nidi tiquiro usāre tiquiro buhenare, queoye mehna buhero:

—Trigo peye bucna tuhasagū peye ijigū dahraye pajiro ijire. Sa ijiepegūta dahrayequina pehe meheñequinagā ijire. Sata quehnoañe buheyere tuhoatiquina peyequina ijigū pajiro ijire mari dahraye. Sa ijiepegūta meheñequinagā dahrari masa yero saha quehnoañe buheyere buheatiquina gūhu meheñequinagā ijire. ³⁸ Sa yena quehnoañe buheyere buheatiquinare apequinare tiquiro ohoatire siniña Cohācjūre, nidi Jesu.

10

Jesu doce waro beseahye tiquiro ohoatiquinare

(Mr 3.13-19; Lc 6.12-16)

¹ Came doce usāre tiquiro buhenare Jesu pijio, tutuayere ohori usāre. Watīare usā cohā masiatire ijipihitiye dohatiyere usā cohā masiatire ohori usāre.

² Ohō saha wame tii usā Jesu cūrīna: Simo ijiri. Tiquiroreta Pedro ni pisuri Jesu. Simo bahuro Andre gūhu ijiri. Santiago gūhu tiquiro bahuro Ņu mehna ijiri. Tiquina Santiago gūhu pacuro Zebedeo wame tiri.

³ Felipe, Bartolomé, Tomasu, yuhū Mateo ijii usā. Yuhū pehe puhtoa ye ijiatire masare wapa ne cohtegu ijimi. Usā mehna Santiago ijiri. Tiquiro pehe Alfeo macano ijiri. Sa yero Tadeo gūhu ijiri. ⁴ Simo celote ya curua cjāno ijimediquiro, Juda Iscariote gūhu ijiri. Juda pehe Jesure ihñā tuhtiyequinare ihñoatiquiro ijiri.

Jesu tiquiro buheyequinare buhe dutiro ohoahye

(Mr 6.7-13; Lc 9.1-6)

⁵ Sa ye usāre doce tiquiro buhenare ohoro, “Ohō saha yeya”, ni yahuri usāre Jesu:

—Judio masa ijieyequina cahapure wahaeracāhña. Ne Samaria yehpapu ijiye macaripu gūhare wahaeracāhña.

⁶ Israe yehpa cjēna cahapu pehere wahaya. Cohācjūre masieñequina ijire tiquina. ⁷ “Uhmuse cjāno puhtoro tiquiro ijiatō mehenogā duhsare”, ni buheya tiquinare. ⁸ Sa yena cami bucū mūna wihare, apeye peye sijoro saha ijiye dohatiyere cuoyequina gūhare yuhdugū yeya. Yariariquinare masoña. Watia masa mehna ijieyequinare cohāña tiquinare. Masare sa ohogu niaja ahri tutuayere. Sa yena masa gūhu yuhū sa ohoriro sahata masare yuhdugū yeya wapa neno marieno.

⁹ Musa wahana niñerure ne nedacāhña. ¹⁰ Ne masa ajurore, puaro camisare, puā pa dahpo suhtire, tuaye cju gūhare nedacāhña. Musa sañano dihitarē sañaa wahaya. Apeye suhtire nedacāhña. Musa buhena waharopu ijieyequina tiquina pehe masare pohe ijiatire ohoeta. Sata ohoro cahmene tiquinare.

¹¹ Ti macaripu esana, masare quehnoano piti catiquirore macaña. Sa yena ti wuhūpūta tojoarīña. Tee, coā wahanapu wijiaya ti wuhare. ¹² Sa yena wuhūpu sajana, “¿Ijiajari mūsa?” niña ti wuhū cjēnare. Masare quehnoano tiquina cahmegū “Cohācjū mehna quehnoano ijiya mūsa”, niña tiquinare. ¹³ Masare tiquina cahmedagū, mūsa sa niborire nedacāhña. ¹⁴ Sa yena mū sare tiquina cahmedagū, tiquina tuho dueragū ti wuhare wijiaya. Wijiana, dahpocāri cjē dihta esa wahārire wejē site cūña mūsa tiquinare tiquina ye buhirire masigū yena. Ti maca cjēna masare cahmedagū sata yeya tiquina gūhare. ¹⁵ Ijirota mū sare niita niaja. Ahri deco pihtigūpure Sodoma cjēna, Gomorra cjēna gūhu tutuaro buhiri tiatiquinata ijire. Tiquina sa ijiepegūta tiquina yuhduoro

mūsare cahmeeñequina buhiri tiatiquina ijjeta, ni yahuri Jesu.

Jesu yequinare apequina ñano yeatire yahuahye Jesu

¹⁶ Sa ni tuhasa ohō saha ni nemori:

—Yuhare tuhoya mūsa. Oveja yero saha ijinare mūsare ñañequina watoa ohogū niaja. Tiquina ñañequina nūcū cñēna yayia usuayequina yero saha ijire. Sa yena mūsa pehe apequina wahiquina wacū masiñequina yero saha ijiya. Sa ijina ijiepenata bujua yero saha ne usuena ijiya mūsa. ¹⁷ Quehnoano yeya mūsa. Mūsare masa puhtoare ohoeta. Judio masa mari buheye wuhusepū quēeta mūsare. ¹⁸ Sa yeye yeequina mūsa ijiri buhiri macari cñēna puhtoa cahapū tiquina bui ijieyequina puhtoa cahapū gūhure neañeta mūsare. Sa yena mūsare topū tiquina neagū puhtoare, judio masa ijieyequina gūhure quehnoañe buheyere buhenata mūsa. ¹⁹⁻²⁰ Mūsare puhtoare tiquina ohogū tiquinare mūsa niatire “Yohou, masiedaboaga”, ni tuhoteracāhña. Mūsare tiquina sinitugāta mūsare niatire masinata. Sa masina tiquinare yahuna, mūsa tire mūsa esa tuharo yahuducuna nisi. Cohācñū pehe mari Pacū tiquiro yaqiro Espiritu mehna mūsare yahuducugū yerota.

²¹ Ti pjere tiquina wahmisumma tiquina bahanare wejē dutiye ohoeta puhtoare yeequina tiquina ijiri buhiri. Tiquina pacusumma tiquina pohnene wejē dutiye ohoeta puhtoare. Tiquina pohne pehe tiquina pacusummare wejē dutiye ohoeta puhtoare. ²² Sa yeye yeequina mūsa ijiri buhiri ihña tuhtieta masa ijiphiyequina mūsare. Tiquina sa yepegūta ahri yehparū mūsa catiro puno mūsare tiquina ñano yerire ihcāno sahana yuhure duhuerana, yuhdunata mūsa. ²³ Ihcā macapū mūsare tiquina ñano yegū ape macapū duhti cāhña. Ijirota mūsare niita niaja. Israe yehparū ijie macarine mūsa pehoato pano, yuhū masū Cohācñū ohorigū ahri yehparū tojoa tantja.

²⁴ Ne ihcāquiro buheriquiro tiquirore yahuriquiro buipū ijierare. Sa yero cahacñūno gūhū tiquiro puhtoro bui cñūno ijierare. ²⁵ Sa yero ohō saha tuhuturo cahmene buheriquirore: “Yuhare buheriquiro yero sahata ijigūta”, ni tuhuturo cahmene. Cahacñūno gūhure sata ni tuhuturo cahmene. “Yuhū puhtoro yero sahata ijigūta”, ni tuhuturo cahmene. “Tiquiro bui ijigūta. Sa yegū yuhū puhtoro tiquiro ñano yuhdūriro sahata ñano yuhdūsi yuhū pehe”, ni tuhoteraro cahmene. Yuhū pehe wuhū cñūno yero saha ijiya. Mūsa pehe ti wuhūpū dahrayequina yero saha ijire. Sa yeye masa yuhare “Beelzebū ijire”,

ni yahusāñe, mūsa gūhure yeequinare ñano ni yahuducuetā tiquina, ni yahuri Jesu.

“¿Noa pehere cuegū quehnoajari?” ni yahuahye Jesu

(Lc 12.2-7)

²⁶ Sa ni tuhasa ohō saha ni nemori:

—Sa yena mūsare ñano yeequinare cueracāhña. Masa tiquina yahuerarire came apequina masieta. Sa yeye tiquina nūori gūhure apequina masieta. ²⁷ Mūsare tuhōerogā yuhū yahurire peyequina masa watoa buhe turiaya mūsa. ²⁸ Masūnore wejēñequina tiquiro pagū dihitarē wejēne. Tiquiro jeripohna yariere. Sa yena mūsare wejē duayequinare cueracāhña. Cohācñū pehere cueya. Tiquiro mūsa pagurire, mūsa jeripohnari gūhure pecapū cohā masine. Sa yena tiquiro pehere cueya.

²⁹ Pwaro siripia wapa mariedare. Tiquina sa wapa mariedapegūta ihcāquirogāre Cohācñū ne boerare. Cohācñū dutierogā ne yariere tiquirogā. ³⁰ Sa yero mūsa poarire ne ihcā poa da dūhsaro marieno masi pehore Cohācñū. Sata mūsa ijieye tiye gūhure masi pehore Cohācñū. Sa masino mūsare ihña ihboducure. ³¹ Siripiare tiquiro cahñno yuhdūoro, mūsa pehere cahñne Cohācñū. Sa yena pajiro tuhoteracāhña mūsa.

Jesure mūsa wacū tutuarire yahuya masare

(Lc 12.8-9)

³² Ihcāquiro “Jesu yaquiro ijiya”, masare tiquiro ni yahugū yuhū gūhū tiquirore “Yaquiro ijire”, ni yahugūta yuhū Pacūre uhmuse cñūnore. ³³ Sa ijiepegūta ihcāquiro “Jesu yaquiro ijieraja”, masare tiquiro nigū yuhū gūhū “Yaquiro ijierare tiquiro”, ni yahugūta yuhū Pacūre, ni yahuri Jesu.

Jesu masare tu wagū yere

(Lc 12.51-53; 14.26-27)

³⁴ Sa ni tuhasa ohō saha ni yahu nemori:

—¿Duhse ni tuhotaajari mūsa yuhure? ¿“Tiquiro masare tiquiro buheri bato apequina tiquinare ihña tuhtisi”, ni, tuhotaajari mūsa? Sa ijierare. Masare yuhū buheri bato ihquēquina yeere tuhōeta. Apequina pehe tiquinare ihña tuhtieta. Ihcāno saha ijisi masa. ³⁵ Būcūna yuhū buheyere tiquina tuhori buhiri tiquina pohne tiquinare ihña tuhtieta. Būcūna numia gūhū yuhū buheyere tiquina tuhori buhiri tiquina pohna numia tiquinare ihña tuhtieta. Tiquina mareosānumia yuhū buheyere tiquina tuhori buhiri tiquina macū namosānumia tiquinare ihña tuhtieta. ³⁶ Sa yeye masa tiquina acayere ihña tuhtieyequina ijjeta.

³⁷ Yuhure tiquina cahīboriro yuhdūoro tiquina pacusumma pehere cahī yuhdūducaye, yeequina ijisi tiquina. Yuhure

tiquina cahīboriro yuhduoro tiquina pohne pehere cahī yuhducaaye, yeequina ijisi tiquina. ³⁸ Sa yeye apequina curusap̄ yariariro saha yeequina tiquina ijiri buhiri ñano yuhdueta tiquina gāhu. Sata ñano yuhdu dueyequina yeequina ijisi tiquina. ³⁹ Masa yuhare wacūno marieno tiquina esa tuharo yeye pecap̄ wahaeta tiquina. Sa yeye yeere sa yeducuye ijipihtiye decori yahu mehna ijjeta tiquina, ni yahuri Jesu.

*Mari wapatafire yahuahye Jesu
(Mr 9.41)*

⁴⁰ Sa ni tuhasa ohō saha ni yahu nemori: –Musare yeequinare ihcāquiro quehnoano cahmeno, yahu gāhare cahmeno nine tiquiro. Sa yero tiquiro yuhare quehnoano cahmediquiro yuhare ohoriquiro gāhare cahmeno nine. ⁴¹ Sa yero Cohācjū yere yahuriquiro wapatarota. Tiquirore quehnoano yerota Cohācjū. Sa yero tiquiro yere yahuriquiro tiquiro ijigū ihñano apequiro pehe yahuriquirore quehnoano cahmeno, yahuriquiro yero sahata wapatarota tiquiro gāhu. Sa ye apequiro quehnoano yeriquiro wapatarota. Sa yero quehnoano yeriquiro tiquiro ijigū ihñano apequiro pehe tiquirore quehnoano cahmeno, quehnoano yeriquiro yero saha wapatarota tiquiro gāhu. ⁴² Yaquirogā ihcāquiro tiquiro ijigū ihñañe duhse ijiequina tiquirogāre acore mehenogā tiquina sihōpegāta, potota tiquinare quehnoano yerota Cohācjū, ni yahuri Jesu.

11

*Ñu wame yeriquiro tiquiro buheyequinare Jesure sinitu dutiro ohoahye
(Lc 7.18-35)*

¹ Ūsāre tiquiro buhenare tiquiro sa ni yahuri bato to cahap̄ ijie macarip̄ buhero wahari tiquiro.

² Sa ye tiquiro yerire Ñu peresup̄ ijiriquiro tuhooahye. Sa tuhoro Ñu tiquiro buheyequinare Jesure sinitu dutiro ohoahye. ³ Sa ye Jesu cahap̄ esa, sinituri tiquina Ñu buheyequina.

–¿Ñu “Yuhū bato apequiro ahtarota”, tiquiro nidigū ijiajari muhū? ¿Tiquiro nidigū muhū ijieragū apequirore cohtenatari usā? ni sinituri tiquina pehe Jesure.

⁴ Tiquina sa nigū tuhoro Jesu yuhtiri:

–Yojoṗare masa tuhore, masa ihñarire Ñure yahuna wahaya: ⁵ “‘Caperi bajueyequina ihñare. Tini masieñequina tinine. Cami bucna quehnoa wahare. Cahmono tuhoeyequina tūhoa wahare. Yariariquina masaa wahare. Tiquina ijipihtiyequinare quehnoa wahagū yei yuhū. Sa yegu pejecuoyequinare quehnoañe buheyere yahuaja. ⁶ Yuhare tuhoriquiro “Poto ijire”,

niniquiro tiquiro bucueriquiro ijire’, nidi”, ni, Ñure yahuna wahaya, nidi Jesu.

⁷ Ñu buheyequina tiquina wahari bato, Jesu pehe Ñu ijie tiyere yahu ducari peyequina masare:

–Masa marienop̄ taare wihnono wēdoqueo mujagū ihñana eserari musa. ⁸ “Quehnoañe suhti tiriquirore ihñana wahañhna”, niedari masa masa marienop̄ wahana. Quehnoañe suhti tiyequina wapa bujayere cuoyequina puhto ya wuhseṗu ijire. ⁹ Masa marienop̄ esana Cohācjū yere yahu muhtariquirore ihñana esari musa. Ijirota ijire. Ñu Cohācjū yere yahu muhtariquiro ijire. Apequina Cohācjū yere yahu muhtañequina yuhduoro ijiriquiro ijire tiquiro pehe. ¹⁰ Panop̄ Cohācjū yere tiquina ojoari p̄p̄ Ñure ohō saha ni yahuahye:

Mari Pacu tiquiro macanore ohō saha niahye: “Muhū pano muhare yahuyuatiquirore ohogu niaja”, niahye, ni ojoahye panop̄re Ñure.

¹¹ Musare ijirota niaja. Apequina ijipihtiyequina bui ijire Ñu wame yeriquiro. Ahri decorip̄re tiquiro sa ijiepegāta uhmuse cjāno puhtoro ijirop̄re ijipihtiyequina docap̄ ijiriquiro p̄rita Ñu bui ijire.

¹² Ñu wame yeriquiro tiquiro buhe, wame ye ducagū peyequina masa uhmuse cjāno puhtoro ijirop̄ tiquina tutuaye mehna, tiquina esa tuharo sajā duamedī. ¹³ Cohācjū yere yahu muhtañequina tiquina ojoarire, Cohācjū Moiserre tiquiro cūrip̄ gāhare buhena Cohācjū tiquiro puhtoro ijiatore masiaja mari. Ñu gāhu tireta yahuri. ¹⁴ “Elia ahtarota”, panop̄ tiquina nidiquirota ijire Ñu pehe. Panop̄ cjēna tiquina nidire “Poto ijire”, ni duana Ñu tiquina sa nidiquiro tiquiro ijigū masinata musa. ¹⁵ Quehnoano tuhoya musa ahrire.

¹⁶ ¿Yojoṗu cjēna masa yabequina yero saha ijiajari tiquina, masa tuhotugū? Tiquina macanagā yero saha ijire. Apequina tiquina cahmeno saha tiquina yeragū bucuere tiquinagā. Doeri cjē duarop̄ ape dujiye, ohō saha ni pisupere tiquinagā basi: ¹⁷ “Musa basatire usā putipemi. ¿Duhseña masa basaerari usā tūre putigū? Ūsā tutuaro ñehe quea utipe, sañuducupemi. ¿Musa pehe duhsena usā mehna utiperari?” niducuriquina yero sahata ijire yojoṗu cjēna gāhu. Yojoṗu cjēna tiquina cahmeno saha usā yeragū ihñañe bucuere tiquina gāhu. ¹⁸ Tiquina yero saha yena ohō saha yere masa yojoṗu cjāna. Ñu wame yeriquiro Cohācjūre ño peoro taro sijiro, vinore sihñedari. Tiquiro sa sihñedagū ihñana “Watñore cuoriquiro ijire”, nimesi musa tiquiro pehere. ¹⁹ Yuhū

masu Cohācjū ohorigu ijigū yuhū ihya, sihniaja. Yuhū sa yegū ihñana ohō saha nine masu yuhū pehere: “Ihñaña. Ahriquiuro pajiro ihyariquiuro, queheriquiuro ijire. Wapa ne cohteyequina, ñano yeyequina gūhu tiquina piti tiriquiuro ijire tiquiuro”, nine masu yuhūre. Sa nina macanagā yero saha yahuducuna nine masu. Mūsa cahmeno saha usā yeragū bucuerare masu. Sa masiedapenata usā ye ihñore ihñana, Cohācjū yere usā masigū masinata masu, nidi Jesu tiquinare.

Tiquina ñañene bujua witiyequina ye macari cjēnare tuhtihye Jesu

(Lc 10.13-15)

²⁰ Apeye macari cjēnare tuhtiri Jesu. Ti macarine apeye macari yuhduoro Cohācjū tutuaye mehna ye ihñomedi tiquiuro. Tiquiuro sa ye ihñoepegūta tiquina ñañe yerire duherari tiquina. Sa yero ohō saha ni tuhtiri Jesu tiquinare.

²¹ —Corazín cjāna, mūsa ñano yuhdunata. Betsaida cjāna, mūsa gūhu ñano yuhdunata. Mūsa ye macaripare Cohācjū tutuaye mehna ye ihñomi. Tiro wame tiri macare, Sidō wame tiri maca gūhare tiquiuro tutuaye mehna yuhū ye ihñogū ihñañe panopu to cjēna pehe tiquina ñañene bujua witiwoaga. Sa yeye quehnoañene comesaboaga. Masa dija suhtire saña, peca cjē nujuare tiquina bui dahra site peoboaga tiquina ñañene bujua witiyere ihñone. ²² Mū sare niita niaja. Buhiri dahreati deco ijigū Cohācjū Tiro cjēna, Sidō cjēna yuhduoro mūsa pehere mūsa ñari buhirire ña yuhduoro buhiri dahrerota. ²³ Capernau cjāna, mūsa esa tuharo uhmusepu waha duamede. Mū sare Cohācjū pecapu cohānota. Mūsa ya macapu Cohācjū tutuaye mehna ye ihñomi. Mūsa yuhūre tuhoerari. Sodoma wame tiri macare Cohācjū tutuaye mehna yuhū ye ihñogū ti maca pehe yojopare ijiboaga. ²⁴ Mū sare niita niaja. Buhiri dahreri deco ijigū Cohācjū Sodoma cjēna yuhduoro, mūsa pehere mūsa ñari buhiri ña yuhduoro buhiri dahrerota, nidi Jesu ti macari cjēnare.

—Yuhū capapu sona taya, niahye Jesu

(Lc 10.21-22)

²⁵ Ti pjere ohō saha nidi Jesu tiquiuro Pacuro mehna yahuducuro:

—Yuhū Pacu, mūhu uhmuse cjēna puhto, ahri yehpa cjēna puhto ijire. Ahri mūhu buheyere “Quehnoano masina ijiaja usā”, niñequinare masigū yerare mūhu. Buhe pehoeyequina pehere mūhu yere masigū yere mūhu. Mūhu sa yegū, “Quehnoare”, niaja yuhū mūhare. ²⁶ Sata ijire. Tiquina pehere masigū cahmedi mūhu, nidi Jesu tiquiuro Pacurore.

²⁷ Sa yero masare ohō saha ni yahu nemori:

—Yuhū Pacu ijipihtiyere yuhūre ohori. Tiquiuro dihita yuhūre quehnoano masine. Sa yena usā dihita yuhū masi dutiyequina mehna yuhū Pacure masiaja usā. ²⁸ Mūsa ñañe apee boro nūcañe yero saha ijire. Nūcañene wāna mūsa tahrīno saha ñañene wahyia wahare mūsa. Sa wahyarina ijina yuhūre cahmeña mūsa. Mū sare sogū yeitja. Mūsa ñañe yeyere duhugū yeitja. ²⁹ Yuhū dutiyere yeya. Yeere quehnoano masiña. Yuhū paja ihñagu ijiaja. Sa yegū yuhducaegū ijiaja. Yuhū sa ijigū yeere quehnoano masiña mūsa. Sa yena soye mehna quehnoano jeripohna tinata mūsa. ³⁰ Yeere mūsa yegū mijoadare. Sa yero mūsa wūaye ti nūcedaro sahata yuhū pehe mū sare mehenogā ye dutiaja, nidi Jesu.

12

Judio masa tiquina sori decore trigore peheahye Jesu buheyequina

(Mr 2.23-28; Lc 6.1-5)

¹ Mehenogā tiquiuro sa ni buheri bato saurú ijigū usā Jesu mehna trigo wesepu esau. Usā tiquiuro buhena ujua ahbana, trigore pehe, ihya tuhasa, yuhdu cā waha usā. ² Usā sa yegū ihñañe, fariseo masa Jesure ohō saha nidi:

—Tuhorīña usāre. ¿Duhse ye mūhu buheyequina saurú mari sori deco ijiepegūta dahrajari? Marine dutiyere yuhducaeyane nine, nidi tiquina.

³⁻⁴ Jesu yahtiri. “Yuhū buheyequina yuhducaeyane niedare”, ni yahuro taro ohō saha ni yahtiri:

—Davi tiquiuro mehna cjēna mehna ujua ahbaro Cohācjū wūhupu sajā, Cohācjū ye pāre ihyahye. Ti pāre pahia dihita ihyae tiahye. Cohācjū dutiyere tiquina ojoari pū apequinare ti pāre ihya dutierare. ¿Davi gūhu tire tiquina yerire Cohācjū ojoari pūpu buherari mūsa? (Ti pāre ihyaro Cohācjūre yuhducaro niedahye. Miare ahri pjerire ihyaye yuhū buheyequina gūhu Cohācjūre yuhducaeyane niedare.) ⁵ Sa ye Cohācjū wūhupu dahrayequina pahia ne soerare mari soye decorire. Sa soerapeta Cohācjū dutiyere yuhducaeyequina ijierare. ¿Tire buherari mūsa Cohācjū Moisere tiquiuro cūri pūpu? ⁶ Mū sare niita niaja. Cohācjū wūhare ño peona ti wūhupu dahrayequina tiquina soeragū ihñapenata “Quehnoanota”, nine mūsa. Ti wūhu yuhduoro yuhū pehere ño peoro cahmene. ⁷ Cohācjū yere tiquina ojoari pū ohō saha nine: “Wahiquinare wejē, ujua mūoñe mehna yuhūre mūsa ño peogū cahmedaja. Apequinare mūsa paja ihñagū pehere cahmeaja yuhū”, nine tiquiuro yere tiquina ojoari pū. Tiquiuro sa nidire mūsa quehnoano tuhona, yuhū buheyequinare tiquina buhiri mariadapegūta

tiquinare tuhtieraboaga masa. ⁸ Yuhū masū Cohācjū ohorigū ahri deco saurū decore masa tiquina yeatire yahugū ijigū pūhto ijijaja, nidi Jesu fariseo masare.

*Omoca bahariquiro quti ijire
(Mr 3.1-6; Lc 6.6-11)*

⁹ Tiquiro sa nidi bato waha, judio masa mari buheri wūhūpū esau usā Jesu mehna. ¹⁰ Topū omoca bahariquiro ijiri. Sa yeye fariseo masa pehe Jesure yahusāne tehe, tiquirore sinituri:

—Saurū decore mari sori decore masunore yūhdūo dutierare Cohācjū. ¿Sata ijijari, mūhū tuhotugū? ni sinituri tiquina.

¹¹ Jesu yūhtiri tiquinare:

—¿Masa yaquiro oveja saurū ijigū copepū tiquiro bora sa jāgū tiquirore ne wioeraboagarī masa? Ne wionata masa. ¹² Oveja yūhdūoro ijire masuno pehe Cohācjū tiquiro ihūgū. Sa yero saurū ijigū quehnoañene mari yegū quehnoarīne, ni yūhtiri Jesu tiquinare.

¹³ Tiquiro sa nidi bato omoca bahariquirore ohō saha nidi:

—Mūhū omocare siō potoya, nidi tiquiro.

Tiquiro sa nigū omoca bahariquiro pehe siō poto, omoca quehnoa wahari ape omoca quehnoari omoca yero saha. ¹⁴ Sori decore tiquiro sa yegū ihūñāne, fariseo masa waha, tiquina basi ohō saha niahye:

—¿Dūhse Jesure wejēnatarī mari? niahye tiquina basi.

*Cohācjū yere yahu mūhtariquiro panopū
cjāno Jesure yahuahye*

¹⁵ Jesu tiquina sa nidire masino, wahaa wahari. Tiquiro sa wahagū peyequina masa tiquirore nūhū tāri. Sa yero tiquiro pehe ijipihitiyequina tiquina mehna cjēnare dohatiyequinare yūhdūgū yeri. ¹⁶ Sa yero dohatiyequinare tiquinare tiquiro yūhdūorire apequinare yahu site dutierari tiquiro. ¹⁷ Sa dohatiyequinare yūhdūgū yero, Cohācjū yere yahu mūhtariquiro Isaia panopū tiquiro ni ojoariro sahata yero nidi Jesu. Ohō saha ni ojoahye Isaia:

¹⁸ Ohō saha nine Cohācjū: “Ahriquiro yūhū cahacjāno ijire. Tiquiro yūhū beseriquiro ijire. Tiquirore cahāja. Sa yegū tiquiro mehna buceaja. Yaquiro Espiriture tiquirore ohogutja. Sa yero yūhū tutuaye mehna ijipihitiyequina masare yūhū buheyere yahurota tiquiro. ¹⁹ Sa yahuro tiquiro ne purīno mehna yahusi. Sa yero sañuducusi. Sa yero maca cjā mahapū peyequina masa watoa tiquiro tutuaro sañuducu yahusi. ²⁰ Wūjūgū nuhrino cuadū tiquiro nuhriedagū yero saha masa gūhūre quehnoano yerota tiquiro. Mehenogā ūjūri precare tiquiro yatigū yeraro saha

masa gūhūre quehnoano yerota tiquiro. Sata yeducurota tiquiro watīnore tiquiro yūhdūducato pano. ²¹ Sa yeye peyequina masa tiquirore wacū tutueta”, nine Cohācjū, ni ojoahye Isaia.

*—Jesu watīno tutuayere cuore, ni yahusāhye masa
(Mr 3.20-30; Lc 11.14-23; 12.10)*

²² Ihcā deco watīno cūoriquirore masa ne cāhtari Jesu cahapū. Tiquiro pehe watīnore cūoro yahuducu masiedari. Sa yero caperi ne bajuerari. Tiquina sa ne wihigū ihūñano, yūhdūgū yeri Jesu tiquirore. Tiquiro sa yegū watīno cūoriquiro ihūñā, yahuducuri. ²³ Tiquiro sa wahagū ihūñāne, masa ihūñā maria wahari.

—¿Ahriquiro Davi panamino iji turiariquiro masare yūhdūoatiquiro ijijari? nidi tiquina basi.

²⁴ Jesu watīare tiquiro cohārire tuhoye fariseo masa ohō saha ni tuhoturi:

—Beelzebū watīa pūhtoro tiquiro tutuaye mehna watīare cohāre Jesu, ni tuhoturi tiquina.

²⁵ Tiquina sa ni tuhotugū masino, Jesu queoye mehna yahuri tiquinare, “Watīno ye tutuaye mehna watīare cohāgū niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna waha pihitia wahaboaga. Ihcā maca cjēna tiquina basi cahmequeñe ti maca cjēna waha pihitia wahaboaga. Ihcā wūhū cjēna gūhū sata wahaboaga. ²⁶ Sa yeye Beelzebū watīa pūhtoro pehe watīare cohāno, tiquina watīa tiquina basi cahmequeñe ni boaga. Sa ye tiquina gūhū waha pihitia wahaboaga. ²⁷ Ohō saha ni yahusāre masa yūhūre: “Tiquiro Beelzebū yedohoye mehna watīare cohāre”, ni yahusāre masa. Masa mehna cjēna gūhū watīare cohāre. ¿Watīno tiquiro tutuaye mehna watīare cohājari tiquina gūhū, masa ihūñagū? Sa cohāedare. Tire masine masa. Yūhū gūhū watīno tutuaye mehna watīare cohāedaja. ²⁸ Sa yegū yūhū pehe watīare cohāgū Cohācjū yaquiro Espiritu tutuaye mehna tiquinare cohāja. Yūhū sa cohāgū ihūñana ohō saha masiña masa: Cohācjū masa bui pūhtoro ahri yehpapure iji tuhasare yojopure.

²⁹ Ohō sahata ijire queoye mehna mari buhegū: Tutuariquiro ya wūhūpū apequiro sa jā sa yaque masiedare. Tutuariquirore dūhteraro tiquiro ya wūhūpū sa jā sa yaque masiedare. Tutuariquirore tiquiro dūhterī bato sa jā sa yaque masine, ni yahuri Jesu.

(Sa ni yahuri, watīnore tiquiro yūhdūducarire yahuro. Watīno tutuariquiro tiquiro ijiepegūta Jesu tiquirore yūhdūducare watīare cohāno.)

Sa ni tuhasa ohō saha ni yahu nemori Jesu.

³⁰ —Ihcāquiro yuhure cahmedaro, yuhure ihña tuhtiriquire ijire. Ihcāquiro yuhure yedohoeraro, yuhure wape tigū yero nine.

³¹ 'Sa yegu musare poto niita niaja yuhū. Ijipihtiye ñañene masa tiquina yegū, yahuducugū gūhure Cohācǵū bo masine. Sa boeperota Espiritu Santore tiquina ñano ni yahuducugū ti pūritare ne bosī. ³² Yuhure masu Cohācǵū ohorigure yuhure tiquina ñano ni yahuducurire bo masine Cohācǵū. Espiritu Santo pehere tiquina ñano ni yahuducurire ne bosī Cohācǵū. Yojoꝛꝛe, deco pihtigū gūhure tiquina sa nidire bosī tiquire, ni buheri Jesu tiquinare.

Masa tiquina yahuducuyere tuhona tiquina ijiye tiyere masiaja mari

(Lc 6.43-45)

³³ Sa yero queoye mehna buhero ohō saha ni yahu nemori tiquinare:

—Quehnoadu yucūꝛꝛe quehnoañene dūca tire. Ñadu yucūꝛꝛe ñañene dūca tire. Yucūꝛꝛe dūcare masina “Tu dūcata ijire”, ni masiaja mari. Mari sa masino saha masa tiquina yahuducuyere tuhona tiquina ijiye tiyere masiaja mari. ³⁴ Añaa yero saha ñana ijire musa. Musa ñana ijina, quehnoañene ni masiedare musa. Mari wacūñerꝛe mari tuhoturiro sahata mari dūseroꝛꝛe wijiare. ³⁵ Quehnoariquire quehnoañene tuhoture. Sa yero quehnoañene yahuducure. Ñariquire ñañene tuhoture. Sa yero ñañene yahuducure. ³⁶ Quehnoano tuhotu yahuducuna ijiya musa. Quehnoano yahuducuerana, buheri dahreati deco ijigū musa sa ni maca cārire Cohācǵūre yahu yuhūdnata. ³⁷ Queoro musa yahuducurire masino “Quehnoana ijire”, ninota Cohācǵū. Sa yero ñano musa yahuducurire masino “Ñana ijire”, ninota tiquire, nidi Jesu tiquinare.

Masa ñañequina Jesure Cohācǵū tutuaye mehna ye ihño dutiahye

(Mr 8.12; Lc 11.29-32)

³⁸ Tiquire sa nidi bato mari judio masare buheyequina, fariseo masa gūhū tiquireore ohō saha nidi:

—Buhegu, Cohācǵū ohorigū ijigū Cohācǵū tutuaye mehna ye ihñoña usāre, nimesi tiquina.

³⁹ Jesu yuhtiri:

—Yojoꝛꝛe cǵēna ñañequina, Cohācǵūre cahmeeñequina Cohācǵū tutuaye mehna yuhū ye ihñogū ihña duamene. Tiquina sa ihña duepegūta Cohācǵū yere yahu muhtariquireore Jona panoro cǵānore Cohācǵū tiquire tutuaye mehna tiquire yeri dihitare ye ihñonota masare. ⁴⁰ Jona ihtia deco waro pajiriquire wahi paa puhiarꝛe

ijiahye. Tiquire sa wahariro sahata yuhū gūhū masu Cohācǵū ohorigū ihtia deco waro masa copero ijigūta. ⁴¹ Nīnive cǵēna pehe Jona Cohācǵū yere tiquire yahurire tuho ye tiquina ñañe yerire bujua witiahye. Sa bujua witiyequina ijiye buheri dahreati deco ijigū tiquina yojoꝛꝛe cǵēnare tiquina ñañene bujua witiyequinare “Ñañequina ijire”, ni, yahusāeta. Jona tiquinare Cohācǵū yere tiquire yahugū tuho ye quehnoañene cahmeahye tiquina pehe. Sa cahmeñe quehnoano yeye niahye yojoꝛꝛe cǵēna yuhūoro. Sa yeye tiquina yojoꝛꝛe cǵēnare yahusāeta. Musare niita niaja. Yojoꝛꝛe musare yuhū buheye Jona tiquire buheri yuhūoro ijire. ⁴² Sa ye buheri dahreati deco ijigū puhtoro sur cǵōno panoro cǵōno ducu, yojoꝛꝛe cǵēnare “Ñañequina ijire”, ni yahusānota ticoro gūhū. Ticoro Salomo panoro cǵāno tiquire masiñene tuho duaro yoaroro ahri yehpa ape sieꝛꝛe ijiricoro Salomoro tuho ahtahye. Sa yero quehnoano yero niahye yojoꝛꝛe cǵēna yuhūoro. Sa yero ticoro yahusānota yojoꝛꝛe cǵēnare. Musare niita niaja. Yojoꝛꝛe musare yuhū buheri Salomo tiquire buheri yuhūoro ijire, nidi Jesu tiquinare.

Watño pari turi masunore tiquire sajāri quitire yahuahye Jesu

(Lc 11.24-26)

⁴³ Sa yero pari turi Jesu tiquire tuhotuye mehna ohō saha ni quitu yahuri tiquinare:

—Watño masuno mehna ijiriquire waha, aco marieni yehparꝛe tini, tiquire ijiatore macamahye. ⁴⁴ Sa bocaeraro, ohō saha ni tuhotuahye tiquire. “Masuno yuhū cohāriquire mehnata pari turi ijigū wahañtja”, ni tuhotuahye tiquire. Sa ni tuhoturo tojoaa waha, tiquire cohāriquireoreta bocahye. Sa tiquire bocagū masuno pehe quehnoariquire ijimahye. ⁴⁵ Sa yero watño apequina siete watñare tiquire yuhūoro ñañequinare pijiro wahahye. Tiquire sa pijigū tiquina ijipihtiyequina tiquire mehna ijiahye. Masuno pehe to pano ihcāquiro watñore curo, ñariquire ijimahye. Camerꝛe pehere peyequina watñare cūriquire ijiro, to pano tiquire ijiriro yuhūoro ña yuhūariquire ijiahye. Yojoꝛꝛe cǵēna Cohācǵūre cuomediquina tiquireore cohāñe, tiquina gūhū ña yuhūayequina waro wahaeta, nidi Jesu tiquinare.

Jesu acaye tiquireore yahu duahye

(Mr 3.31-35; Lc 8.19-21)

⁴⁶ Masare tiquire sa ni yahuducuri watoa tiquire pacoro tiquire bahana mehna sopecaharꝛe ducu, tiquireore yahu duari. ⁴⁷ Sa yero ihcāquiro Jesure yahuri:

—Mũhũ paco mũhũ bahana mehna mũhũre yahu duaye sopечahapũ ducuri, nidi.

⁴⁸ Tiquiro sa nigũ tũhoro topũ ijijeyequinare ohõ saha nidi Jesu tiquinare buhero taro:

—¿Noa ijijajari yũhũ paco, yũhũ bahana gãhũ, mũa ihũagũ? nidi.

⁴⁹ Sa nino, usãre tiquiro buhenare ñupũha, ohõ saha nidi:

—Ahriquina ijire yũhũ paco, yũhũ bahana yero saha ijijeyequina. ⁵⁰ Tiquina yũhũ Pacũ ahũmũse cãno tiquiro cahmeñene yere. Sa yeyequina yũhũ bahũ, yũhũ baho, yũhũ paco yero saha ijire, nidi Jesu tiquinare.

13

Jesu oteriquiro quitire yahuahye

(Mr 4.1-9; Lc 8.4-8)

¹ Ti decota Jesu wũhũpũ ijiriquiro wi-jiari. Wijia, ditarapũ waha, ditara dũhtũ cahapũ dujiri. ² Tiquiro sa dujigũ ihũañe peyequina masa tiquiro cahapũ cahmecoa wahpaa waha, bihsaro yeri Jesure. Sa bihsagũ ihũano yucũsapũ sajã, tiapũ dujiri tiquiro. Masa pehe padũropũ ducuri. ³ Sa yero tiquiro peye queoye mehna yahuri tiquinare, buhero taro. Ohõ saha nidi tiquiro:

—Oteriquiro otero wahahye. ⁴ Tiquiro sa otero wahagũ apeye pjeri maha dũhtũ cahapũ bora quehe sahye. Topũ bora quehe saye pjerire minicjũa ahta, ihya cãhye. ⁵ Sa ye apeye pjeri utã paca watoa bora quehe sahye. Utã paca watoa dihta marieda cãũnopũ duita pihnimahye. ⁶ Sa pihnieper-ota asũ tutuaro asigũ, nũhcori marieda, ñaia wahahye. ⁷ Apeye pjeri tia watoa bora quehe sahye. Taa pehe dia yũhdũa waha, oteye pehere wejẽahye. ⁸ Apeye pjeri quehnoari yehpapũ bora quehe sahye. Quehnoano pihni, dũca tiahye. Apeye cãũ cien pjeri, apeye cãũ sesenta pjeri, apeye cãũ treinta pjeri dũca tiahye. ⁹ Ahrire quehnoano tũhoya mũa, nidi Jesu.

Jesu queoye mehna tiquiro buherire yahuahye

(Mr 4.10-12; Lc 8.9-10)

¹⁰ Tiquiro sa nidi bato usã tiquiro buhena tiquiro cahapũ esa, sinituu usã tiquirore:

—¿Dũhse yegũ masare queoye mehna buheajari mũhũ? ni, sinituu usã.

¹¹ Jesu yũhtiri:

—Uhmũse cãno tiquiro pũhoro ijijere panopũ cãna tiquina masiedarire mũsare yũhũ buhenare masigũ yere Cohãcjũ. Apequina pehere sa yerare tiquiro. ¹² Sa yero masiñequinare masi nemogũ yerota tiquiro. Sa yeye tiquina pehe quehnoano masieta. Masiñequina pehe mehenogã tiquina masiepegũta tiquina pehere

masiedagũ yerota tiquiro. ¹³ Sa yegũ queoye mehna buheaja. Ohõ saha ijire. Yojoopũ cãna ihũaepeta, ihũedariquina yero saha tojoare. Sa yeye tũhoepeta masiedare. Tire tũhoeyequina yero saha ijire tiquina. ¹⁴ Sa ijijeyequina ijijeye Isaia panopũ cãno tiquiro ni ojoariro sahata yere tiquina. Ohõ saha ni ojoahye:

Ohõ saha nine Cohãcjũ: “Cohãcjũ yere tũhonata mũa. Sa tũhoepenata, ne masisi mũa. ¹⁵ Ahriquina masa dapu paca butiyequina tojoare. Sa ye tiquina cahmo coperire bihare, ‘tũhoari’, niñe. Tiquina caperire ihmitihãre, ‘ihũari’, niñe. Sa yeraye quehnoano ihũañe, masiboaga tiquina. Sa ye tũhoye, masiboaga tiquina. Tiquina wacũñepũ quehnoano masiboaga. Sa masiñe yũhũre Cohãcjũre cahmeboaga tiquina. Sa yũhũre cahmegũ tiquina ñañene cohã, tiquinare pecapũ wahaboriquinare yũhdũgũ yeboaga yũhũ”, nine Cohãcjũ, ni ojoahye Isaia.

¹⁶ Mũa pehe mũa caperi mehna ihũana, masine. Mũa cahmo mehna tũhona, masine. Sa yena bucuenta ijire mũa. ¹⁷ Mũsare niita niaja. Yojoopũ mũa ihũañene mũa tũhoyere panopũ cãna Cohãcjũ yequina tutuaro ihũa duamahye. Cohãcjũ yere yahu mũhtariquina gãhũ tire tutuaro ihũa duamahye. Sa ihũa duereta ne ihũedahye. Yojoopũ mũa tũhoye gãhũre tutuaro tũho duamahye tiquina. Sa masi duereta tire masiedahye, ni yahuri Jesu usãre tiquiro buhenare.

Jesu oteriquiro queoyere yahu pehoahye

(Mr 4.13-20; Lc 8.11-15)

¹⁸ Came Jesu usãre yahu nemori:

—Tũhoya mũa. Oteriquiro queoyere mũsare yahutja. Yũhũre tũhona, quehnoano masiña. ¹⁹ Oteye pjeri quehnoañe buheye yero saha ijire. Sa yeye maha dũhtũ cahapũ borari pjeri quehnoañe buheye yero saha ijire. Sa yeye masa quehnoañe buheyere tũhoepeta ne masiedare. Sa yero masa quehnoañe buheyere tiquina tũhogũ ihũano watĩno pehe ahta, ti buheyere quehnoañe buheyere masi dutierare masare. Minicjũa ti pjerire tiquina dote nediro saha yere watĩno. ²⁰ Sa ye utã paca watoa borari pjeri quehnoañe buheye yero saha ijire. Sa yeye masa quehnoañe buheyere tũho, bucueye mehna duita tire tũho nene. ²¹ Sa tũho nepeta utã paca watoa ijijeyequina pjeri quehnoañe buheye yero saha ahriquina masa gãhũ tutuerare. Sa tutueraye ñano yũhdũye, yeequina tiquina ijiri buhiri apequina tiquinare ñano yegũ ihũañe yee pehere duhu cãhre. Apequina tiquinare

ñano yegū tire ihcāno sahaeraye, yeere duhu cāhre. ²² Sa ye taa watoa borari pjeri quehnoañe buheyere yero saha ijire. Sa ye ye masa quehnoañe buheyere tuhōepeta, ahri yehpa cjēne pajiro bujua witi tuhōtuye, niñeru pehere cahñe. Tiquina sa yegū ti pehe quehnoañe buheyere cahmotare. Sa cahmotagū masa quehnoañe pehere yerare. ²³ Sa ye quehnoari yehpapu borari pjeri quehnoañe buheyere yero saha ijire. Sa ye masa quehnoañe buheyere tuhoye, tire quehnoano masine. Sa masiñequina ijiye, Cohācjū cahmeno sahata quehnoañene yere tiquina. Ihquēquina pajiro quehnoañene yere cien pjeri dāca tiro saha. Apequina doca cjūnogā quehnoañene yere sesenta pjeri dāca tiro saha. Apequina mehenogā quehnoañene yere treinta pjeri dāca tiro saha, ni yahuri Jesu usāre.

Trigo watoa taa diari queoyere yahuahye

²⁴ Sa ye pari turi queoye mehna buheri Jesu:

—Uhmuse cjāno tiquiro puhtoro ijiye ohō saha ijire. Wese upuro tiquiro wesepu quehnoañe pjerire tiquiro oteriro saha ijire uhmuse cjāno tiquiro puhtoro ijiye. ²⁵ Wese upuro ijipihitiyequina tiquiro mehna cjēna gūhu tiquina carīno watoa tiquirore ihña tuhtiriquiro ahtahye. Sa ahtaro trigore ti oteriroru taare oteahye. Ote tuhasa wahaa wahahye. ²⁶ Came trigo pihniahye. Sa ye ti dāca tiro taro yegū waro diaa wahahye. ²⁷ Sa ye wese upurore dahra cohteyequina tiquiro cahapu esa, yahuahye: “¿Puhto, quehnoañe pjeri dihitaro mahu wesere mahu otepegūta, dahse ye taa gūhu diajari ti wesere?” nidi tiquina. ²⁸ “Yuhare ihña tuhtiriquiro ijiaga ti taare oteriquiro”, niahye wese upuro. “¿Taare usā curegū cahmeajari mahu?” nimahye tiquirore dahra cohteyequina. ²⁹ “Taare cureracāhña, ‘Trigo pehere cureari’, nina. ³⁰ Trigo taa mehnata bucuarīahdo. Dāca nedi pje ijigū neñequinare ohō saha niitja: ‘Taare cure mahaña. Tuhasa masa curerire ujūaña. Came trigore peheya. Pehe peho, tire yahu ihbori wuhupu cūña’, niitja tiquinare”, niahye wese upuro, nidi Jesu, queoye mehna yahuro.

Mostaza pje queoyere yahuahye Jesu
(Mr 4.30-32; Lc 13.18-19)

³¹ Sa ye apeye queoye mehna usāre ohō saha ni buheri tja:

—Uhmuse cjāno tiquiro puhtoro ijiye mostaza pjegā yero saha ijire. Ti pjegā meheni pjegā waro ijire. ³² Ti pjegāre wesepu tiquiro oteri bato, quehnoano pihnine. Sa yero paji yuhduadu wahare. Sa wahagū minicjua pari ti dupuripa suhti suhare, ni yahuri Jesu. (Sa nino ohō

saha nino niahye. Mostaza pjegā pajidu tu bucuariro saha uhmuse cjānore mari puhtoro masiñequina meheñequinagā tiquina iji mah̄taepēgūta cameru peyequina wahaeta.)

Pāre pugū ye ye queoyere yahuahye Jesu
(Lc 13.20-21)

³³ Sa ye apeye queoye mehna usāre ohō saha ni buheri tja:

—Uhmuse cjāno tiquiro puhtoro ijiye pāre pugū ye ye yero saha ijire. Tire numino ihcā ajuro trigore aco mehna quehnoano tire dahra morene pā bucuatire. Ticoro sa yegū pāre pugū ye ye pehe trigore quehnoano sehsaa wahare, nidi Jesu. (Sa nino ohō saha nino niahye. Pāre pugū ye ye trigore ti sehsaa wahariro saha uhmuse cjānore mari puhtoro peyequina masa ijipihitiro cjēna masieta.)

Queoye mehna Jesu tiquiro buherire yahuahye

(Mr 4.33-34)

³⁴ Ahri ijipihitiyere buhero, queoye mehna yahuri Jesu. Queoye marieno yahuerari tiquiro tiquinare. ³⁵ Sata yeri tiquiro Cohācjū yere yahu muhtariquiro ni ojoariro sahata. Ohō saha ni ojoahye panopu:

Queoye mehna yahutja. Cohācjū ahri yehpare tiquiro bajumehnedi bato ne masare tiquiro yahuerarire yahutja, ni ojoahye Cohācjū yere yahu muhtariquiro mnanano.

Trigo watoa taa diari queoyere yahu pehoahye

³⁶ Sa ye masare cohe ti, wuhupu sajāa wahari Jesu. Sa yena usā tiquiro buhena tiquiro cahapu esa, sinituu usā:

—Trigo watoa taa diari queoyere yahu pehoya usāre, ni usā tiquirore.

³⁷ Jesu yuhtiri usāre:

—Wese upuro quehnoañe pjerire oteriquiro yero saha ijiaga yahu. Yuhu masu Cohācjū ohorigu ijiaga. ³⁸ Wese pehe ahri yehpa yero saha ijire. Quehnoañe pjeri pihniñe uhmuse cjāno puhtoro ijiropu ijiatiquina yero saha ijire. Taa pehe watino yequina yero saha ijire. ³⁹ Wese upurore ihña tuhtiriquiro taare oteriquiro watino yero saha ijire. Tire nedi pje pihtiri deco yero saha ijire. Sa ye trigore neñequina angele yero saha ijire. ⁴⁰ Taare tiquina cure ujūariro saha pihtiri deco ijigū watino yequinare pecapu cohāeta tiquinare. ⁴¹ Yuhu masu Cohācjū ohorigu yequina angelere ohogutja. Yuhu ohogū angele pehe ñañene ye dutiyequinare, ñañene ye yequinare yahu puhtoro ijiropu neañeta. ⁴² Ne sa tuhasa pecapu cohāeta tiquinare. Topu tiquina tutuaro uti, bujua witiye

mehna bahque dihoeta. ⁴³ Sa ye Cohācǵū yequina tiquina Pacaro tiqiro puhtoro ijiropu ijieta. Topu ijiye, asā deco cǵāno yero saha quehnoano buhrioeta tiquina. Ahrire quehnoano tuhoya mūsa, ni yahuri Jesu.

Quehnoa yuhduyere tiqiro nūorire tiqiro bocari queoyere yahuahye

⁴⁴ Sa ye apeye queoye mehna yahuri tja:
—Ūhmuse cǵāno tiqiro puhtoro ijiye niñeru tiqiro nūori yero saha ijire. Masuno tire wesepu wacūno mehna boca, pari turi tire nūo nemoahye. Sa bocaro tutuaro bucueahye tiqiro. Sa yero tiqiro bocarire neno taro, ti wesere dū duahye. Sa yero tiqiro yere dua peho, ti wesere dūahye, ni yahuri Jesu. (Sa nino ohō saha nino niahye. Ūhmuse cǵāno tiqiro puhtoro ijiye tiqiro bocari yero saha ijire. Tiqiro bocarire tiqiro tutuaro cahmediro sahata Ūhmuse cǵānore masa puhtore tiquina masidi bato masa tutuaro cahmene tiqirore.)

Wapa bujuri pje queoyere yahuahye

⁴⁵ Sa ye apeye queoye mehna yahuri tja:
—Ūhmuse cǵāno tiqiro puhtoro ijiye wapa bujaye pjerire perla wame tiye pjerire dūriqiro yero saha ijire. ⁴⁶ Ti pjerire macano quehnoa yuhduari pjere bocahye. Bocaro, ti pjere dū duaro, ijiptiye tiqiro yere dua pehoro wahahye. Sa dua tuhasa ti pjere wapa bujuri pjere dūahye, nidi Jesu. (Sa nino ohō saha nino niahye. Ti pjere perla pjere tiqiro cahmediro sahata Ūhmuse cǵānore masa puhtore quehnoano tiquina masidi bato masa tutuaro cahmene tiqirore.)

Wēñanu queoyere yahuahye

⁴⁷ Sa ye apeye queoye mehna Jesu yahuri tja:

—Ūhmuse cǵāno tiqiro puhtoro ijiye wēñanu tiquina doque ñodu yero saha ijire. Tu wēñanu mehna peyequina wahi sijoro saha ijiyequinare ñehene. ⁴⁸ Tu wahpaa wahagū wahi wejēñequina pehe tare paduropu weje ñujua, quehnoañequina wahire besere. Quehnoañequinare tiquina puhusepu bese sajāre. Ñañequina wahire cohāre. ⁴⁹ Pihitri deco jigū ohō saha ijirota. Angele pehe masare beseeta. Ñañequinare ne wioeta quehnoañequina cahapu ijiyequinare. ⁵⁰ Ne wio, tiquinare pecapu cohāeta. Topu tiquina uti, tutuaro bujua witiye mehna upiri bahque dihoeta ñañequina pehe, ni yahuri Jesu.

Muna buheyere, wahma buheye gāhure yahuahye

⁵¹ Tiqiro sa ni yahuri bato sinituri usāre:
—ǵAhri ijiptiyere tuhøjari mūsa? ni sinituri tiqiro.

—Tuhøjaja usā, ni yuhtii usā.

⁵² Usā sa nigū tiqiro yahuri usāre:

—Judio masare buheyequina Ūhmuse cǵāno tiqiro puhtoro ijiyere buheye, puaro buheyere yahure. Muna buheyere, wahma buheye gāhure yahure. Tiquina wāhu uparo yero saha ijire. Tiqiro wāhuru ijiyere quehnoañene ne wioro, wahmare, muna gāhure ne wioro tiqiro, nidi Jesu usāre.

Jesu Nazarepu wahahye

(Mr 6.1-6; Lc 4.16-30)

⁵³ Ti queoyere tiqiro buheri bato, wahau usā tiqiro mehna. ⁵⁴ Waha, tiqiro masari macapu esau. Topu esa, judio masa mari buheye wāhusepu buheri tiqiro. Tiqiro sa buhegū tuhoye, tuho maria wahari tiquina.

—ǵAhriqiro nohopu tuhoyari ahri buheyere? ǵDūhsero quehnoano masi pehoajari tiqiro? Cohācǵū tutuaye mehna ye ihñore tiqiro basi. ⁵⁵ Ahriqiro taboa dahrariqiro macano ijire. Sa ye tiqiro pacoro María ijire. Sa ye Santiago, José, Simo, Juda, tiqiro bahana ijire. ⁵⁶ YojoPURE tiqiro bahana numia ahri macapu ijire. Sa yero tiqiro mari yero saha ijiiriquiro ijire. ǵSa ijiiperota nohopu tuhoyari tiqiro ahri buheyere? ni yahuducuri tiquina basi.

⁵⁷ Sa ye tiquina tiqirore cahmedari. Tiquina sa cahmedagū ihñano ohō saha nidi Jesu tiquinare:

—Cohācǵū yere yahu māhtariqirore apequina ño peore. Tiquina sa ño peoepegūta tiqiro ya maca cǵēna, tiqiro acaye tiqirore ño peoerare. Sa yena yuhare ño peoerare masa ohōpu yūhu masarigu jigū, nidi tiqiro tiquinare.

⁵⁸ Sa yero tiqirore tiquina wacū tutueragū ihñano, ti macapu Cohācǵū tutuaye mehna peye tahari ye ihñodari Jesu.

14

Ñu wame yeriquiro mnanano yariarire yahuahye

(Mr 6.14-29; Lc 9.7-9)

¹ Ti pjere Herode Galilea cǵāno puhtoro Jesu yerire tuhooahye. ² Sa tuhoooro ohō saha nimahye:

—Ñu wame yeriquiro ijiaga masatjiāno. Sa yero yojoPURE tiqiro masari bato ahri tutuayere cūore tiqiro bajumehneñene yero, nimahye Herode tiqiro cahacǵēnare. Jesure “Ñuta ijire”, ni tuhutumahye tiqiro Ñure tiquina wejēdi bato.

³⁻⁵ Sa yero Ñure tiqiro wejē dutiatio pano Herode tiqiro baharo Felipe namonore namo tiahye. Tiqiro sa yegū ihñano Ñu wame yeriquiro Herode pehere ohō saha nie timahye:

—Mũhu bahu namonore namo tigu Cohãcã dutiyere yãhdũdũcãgũ nine mũhu, nie timahye Ñũ.

Tiquiro sa nidi buhiri Herode tiquirore wejẽ duamahye. “Ñũ Cohãcã yere yahu mũhtariquiro ijire’, ni tãhoturi judio masa”, nino, tiquina pehere cueahye Herode. “Ñũre yũhu wejẽgũ tiquina usuaboaga”, nino tiquinare cueahye. Sa cuero Ñũre wejẽ dueramahye. Sa wejẽ dueraperota Herode tiquirore ñehe dãhte duti, peresu yeahye. Tiquiro namono Herodia dutiro mehna sa yeahye Herode. ⁶ Sa ye Herode masa bajuari deco ijigũ bõse deco yeahye tiquiro. Topũ Herodia macono bõse deco wihyequina tiquina ihũonõpũ basa ihũõahye. Ticoro sa basa ihũõgũ ihũãno Herode bucueahye. Sa bucuero ticorore niahye:

⁷ —Cohãcã mehna poto niita niaja. Yũhũre mũhu sinino punota ohogutja yũhu mũhũre, niahye Herode pehe Herodia maconore.

⁸ Tiquiro sa nigũ tãhoro Herodia ticoro maconore ticoro siniatire yahuahye ticorore. Ticoro sa yahugũ ticoro macono pehe ohõ saha ni siniyahye Herodere.

—Ñũ wame yeriquiro dapure dãte sure dutiya. Sa yegũ wãparo mehna tiquiro dapure ohoya yũhũre, niahye ticoro.

⁹ Ticoro sa nigũ tãhoro Herode tutuaro bujũa witiyahye. Masa tiquina ihũõonõpũ “Ohogutja mũhũre”, niahye tiquiro. Sa yero tiquiro bũe tiro “Mũhũre ohoeraja”, ni masiedahye ticorore. Sa yero ticoro dutiriro sahata Herode pehe tiquiro hacãjẽnare Ñũre wejẽ dutiahye. ¹⁰ Sa yero Ñũre dapure dãte sure dutiahye. ¹¹ Sa dãte sure tuhasa, wãparo mehna tiquiro dapure ne cãhtahye tiquina. Herodia maconore tiquiro dapure tiquina ohogũ, ticoro pehe ticoro pacorore yũhdũõahye tja.

¹² Tiquina sa yeri bato Ñũre buheyequina ahta, tiquiro pagare masa copepũ nea cũahye. Sa cũ tuhasa, tiquina tire Jesure yahuye wihiri.

*Cinco mil masare ihyaye ohoahye Jesu
(Mr 6.30-44; Lc 9.10-17; Jn 6.1-14)*

¹³ Tiquina sa ni yahugũ tãhoro, Jesu usã mehna yucũsapũ sajã, masa marienõpũ siho wahari. Jesu topũ wahagũ tũhõyare, masa tiquina ye macaripũ ijiriquina ahta, mahãpũ tiquirore nũnũ tã cãa wahari. ¹⁴ Sa yero usã wahã sari bato tiquiro peyequina masare ihũãno, paja ihũãri tiquinare. Sa paja ihũãno tiquina mehna cãjẽna dohatiyequinare yũhdũgũ yeri. ¹⁵ Ñamicahãpũ usã tiquiro buhena tiquirore ohõ saha nii:

—Ñamicahãpũ waharo nine. Ohõ masa marienõpũ ijire. Sa yegũ macaripũ masare

tiquina ihyatire dú dutiya tiquina pohẽ tiatire, nimi usã tiquirore.

¹⁶ Jesu yũhtiri usãre:

—Wahaeracãhõ tiquina. Mũsa basita ihyayere ohoya tiquinare, nidi usãre.

¹⁷ —Ihcã omõpe paca pã paca, wahĩ pũaro to punota ijire usãre, ni yũhtii usã.

¹⁸ —Tire yũhũre ne cãhtaya mũsa, nidi usãre.

¹⁹ Tiquiro sa nigũ tũhõna neãũ usã. Usã ne sari bato taa bui masare tiquiro duji dutiri. Tiquina dujigũ ihcã omõpe paca pã pacare, pũaro wahire ne, ãhmũsepũ ihũã mũõ, Cohãcãre “Quehnoare”, nidi. Sa ninota pã pacare nuhano, usãre tiquiro buhenare ohori. Tiquiro sa ohogũ usã pehe tire masare itii. ²⁰ Sa ye ijipihyequina quehnoano ihya, yapĩ yũhdũã wahari. Tiquina yapĩ wehorire doce pũhũse waro ne cahmecoã, wahpo dapou usã tiquiro buhena. ²¹ Topũ tire ihyariquina mũhũã dihitarẽ queõgũ cinco mil mũhũã ijiri. Numia, macanagã gãhũ ijiri.

*Jesu aco bui tiniyahye
(Mr 6.45-52; Jn 6.16-21)*

²² Came usãre tiquiro buhenare Jesu ditara ape sie pahrẽpũ pehãyũ dutiri masare tiquiro cohe tiri watoã. ²³ Cohe ti tuhasa, cũnũpũ mũja, Cohãcãre sinino wahahye. Ñamine topũ tiquiro ihcãquirotã ijiahye. ²⁴ Ti pjeta ditara decõpũ yucũsa mehna pehãducuna nimi usã. Wihnono tutuaro ahta, pahcõri bujũye wahcã, yucũsare quẽ sajãri. ²⁵ Sa wahagũ bohrea mũja tato pano Jesu aco bui tini cãhtari usã cahãpũ. ²⁶ Usã cahãpũ tiquiro ahtagũ ihũãna cue nii usã. Sa cuena sañuducumi usã.

—Yariariquiro mũnãno pagũ ijire, ni sañuducumi usã.

²⁷ Usã sa cuegũ ihũãno Jesu ohõ saha nidi:

—Ne yũhũre ihũã cueracãhũã. Yũhũta ijiaja, nidi usãre.

²⁸ Tiquiro sa nigũ tãhoro Pedro nidi tiquirore:

—Pãhto, potota mũhũta ijigũ, aco bui yũhũre mũhũ cahãpũ ducu cã dutiya, nidi tiquiro.

²⁹ —Ahtaya, ni yũhtiri tiquiro pehe.

Tiquiro sa nigũ Pedro yucũsare dijia, aco bui Jesu cahãpũ ducu cãmedi. ³⁰ Wihnono tutuaro ahtagũ ihũãno cueri tiquiro. Sa cuero diha dijiaa wahamedi.

—Yũhũre yedohoya pãhto, ni sañuducuri tiquiro Jesure.

³¹ Tiquiro sa nigũta tiquiro omõcare ñehe, —Mehenõgã wacũ tutuare mũhũ yũhũre. ¿Dũhsegũ yũhũre wacũ tutuerajari mũhũ? nidi tiquiro Pedrõre.

³² Tiquiro sa nidi bato yucũsapũ sajãri tiquina. Tiquina sa sajãri bato wihnono

yuhdua wahari. ³³ Sa yena usã tiquiro buhena yucsapu ijina Jesure ño peou.

—Potota mahu Cohãcjũ macuta ijire, nii usã tiquirore.

Genesare cjẽna dohatiyequinare yuhduoahye Jesu (Mr 6.53-56)

³⁴ Sa yeri bato pehã, Genesare wame tiri yehparu esau. ³⁵ To cjẽna Jesure ihña masidi. Sa masiñe tiquiro cahapu ijiyequinare dohatiyequinare ne cãhta dutiri. Sa ye tiquina dohatiyequinare tiquiro cahapu ne cãhtari.

³⁶ —Mahu suhtiro duhtu caha dihitare usãre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

15

Masa ñañequina wahagũ yeyere yahuahye Jesu (Mr 7.1-23)

¹ Sa ye Jerusalẽ cjẽna, fariseo masa, marine judio masare buheyequina mehna Jesu cahapu wihiye, sinituri tiquirore:

² —¿Duhse ijiro boro mari acaye bucana manapu tiquina dutirire yerajari mahu buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

³ Jesu yuhtiri tiquinare:

—¿Duhse yena mari acaye panopu cjẽna ye dutiye dihitare yena tana Cohãcjũ ye dutiye pehere yerajari masa pehe? ⁴ Ohõ saha nine Cohãcjũ: “Musa pacusumare ño peoya”, nine. Sa yero “Ihcãquiro tiquiro pacusumare ñañene quitu dahreriquiro ijiro ti buhiri apequina tiquina wejẽatiquiro ijirota”, nine Cohãcjũ. ⁵ Tiquiro sa niepegũta ohõ saha ye dutire masa pehe tiquina pacusumare yedoho dutierana: Tiquina pacusumare ohoborire Cohãcjũ pehere oho dutire masa. Sa ni buhemene masa.

⁶ Sa buhena tiquina pacusumare ño peogũ yerare masa. Musa sa yena Cohãcjũ dutiyere yuhducana nine masa, mari acaye panopu cjẽna ye dutiye dihitare yena. ⁷ Masa tiquina ihñono dihita quehnoano iji mehona ijire masa. Cohãcjũ yere yahu mũhtariquiro Isaia masare potota yahu ojoahye panopare:

⁸ Ahriquina masa yuhure quehnoano yahuducupeta yuhure ne ño peoerare. ⁹ Sa ye yuhure tiquina ñu buheye ne duhseati ijierare. “Cohãcjũ ye dutiye ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheyequina gũhare.

¹⁰ Sa ni tuhasa tiquiro cahapu masare pijio, ohõ saha nidi:

¹¹ —Tuhoya masa. Yuhu niñene quehnoano masiña masa. Masa duserire sajãñe pehe masa ihyaye pehe masare ñana ijigũ yerare. Masa ñañe yahuducuye pehe masa duseri wijiaye pehe masare ñana ijigũ yere, nidi Jesu.

¹² Tiquiro sa ni buheri bato usã tiquiro buhena pehe tiquirore yahuu.

—Mahu sa nigũ tuhoye fariseo masa usuari, ni yahuu usã tiquirore.

¹³ Tire tuho, ohõ saha ni yuhtiri usãre:

—Tiquina fariseo masa taa yero saha ijire. Yuhu Pacu uhmuse cjãno ijiptiye oteyere tiquiro oterarire nuhcori mehnata cure, cohãnota. Sata yerota tiquinare.

¹⁴ Tiquinare sa ihña cãhña masa. Tiquina caperi bajueyequina tiquina ihña masiedaro saha ne Cohãcjũ yere masiedare. Sa ye pecapu wahaeta. Sa masiedapeta apequina masiñequinare buhe duamedĩ. Sa ye caperi bajueyequina coperu tiquina boraboriro saha tiquina buhenohriquina gũhu pecapu wahaeta, nidi Jesu.

¹⁵ Tiquiro sa nigũ tuhoro Pedro nidi:

—Ahri quitire masa tiquina duseri wijiaye quitire yahu nemoña usãre tja, nidi tiquiro Jesure.

¹⁶ Jesu yuhtiri:

—¿Ne, yojopu tuhoerajari masa? ¹⁷ Masa ihyayere ihyagũ tiquina duseripu sajãre. Sa ye tiquina paapu sajã, yuhdua wahare. Ihyo waro ijire. Mari ihyaye marine ñana wahagũ yerare. ¿Ahrire masiedajari masa? ¹⁸ Masa duseripu wijiaye, tiquina yahuducuye pehe tiquina tuhotuyepu ahtare. Tiquina yahuducuye pehe ñañe ijiro, masare ñañequina ijigũ yere. ¹⁹ Ñañe tuhotuye, masare wejẽñe, apequiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quitu dahreye masa tuhotuyepu ahtare. ²⁰ Ti ñañe pehe masare ñañequina ijigũ yere. Sa yepegũta bucana yee tiriro sahata masa omo coserapeta tiquina ihyagũ ti masare ñañequina ijigũ yerare, nidi Jesu.

Judio masono ijiericoro Jesure wacũ tu-tuahye (Mr 7.24-30)

²¹ Sa ni buhe tuhasa, usãre siho wahari tja. Tiro wame tiri maca cahapu Sidõ wame tiri maca cahapu esau usã. ²² Usã topu esagũ Canaa yehpa cjõno topu ijiricoro Jesu cahapu esa, sañuducuri:

—Puhto, Davi panami iji turiagu masare yuhducacju, yuhure raja ihñaña mahu. Yuhu maco watñore cuoro, ña yuhduaro yuhdari ticoro, ni sañuducuri ticoro.

²³ Ticoro sa niepegūta Jesu yūhtierari. Sa yegū ihñana usā tiqairo buhena pehe tiqairore ohō saha nimi.

—Waha dutiya ticorore. Ñano cariboro bisiaga, nimi usā.

²⁴ Usā sa nigū tuhoro yūhtiri ticorore:

—Israe masare Cohācjüre masieñequina dihitare yedoho dutiro ohori yūhū Pacu yūhure, nidi tiqairo.

²⁵ Tiqairo sa niepegūta Jesu dahpocāri cahapū dusepe curi mehna quehe sari ticoro.

—Pūhto, yedohoya yūhure, nidi ticoro.

²⁶ Jesu yūhtiri ticorore.

—Ohō saha ijire ahri: Coā warore wūhū upūro pohne ye ihyayere diayeare oho mūhtagū quehnoaedare. Israe masa yere ape yehpa cjenare yūhū oho mūhtagū quehnoaedare, nidi Jesu ticorore queoye mehna yahuro.

²⁷ —Sata ijire pūhto. Sa ijiepegūta diayea gūhū wūhū upūro mesa docapū tiqaina ihya site boroyere ihya cohtere tiqaina gūhū. Ape yehpa cjo yūhū ijiepegūta yūhū gūhure yedoho masine mūhū, ni yūhtiri ticoro.

²⁸ Ticoro sa nigū tiqairo yūhtiri:

—Numio, mūhū yūhure tutuaro wacū tutuare. Mūhū cahmeno sahata sa waharota, nidi Jesu ticorore.

Tiqairo sa nigūta duita quehnoa wahari ticoro macono.

Peyequina dohatiyequinare yūhdugū yeahye Jesu

²⁹ Sa ni tuhasa usāre siho waha, Galilea wame tiri ditara dūhtū cahapū siho esari tja. Esa, mehenūgā cūnare mūja, tu buipū dūjiri. ³⁰ Topū tiqairo ijigū peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiqairo cahapū ne wihiri masa. Ne wihi tuhasa Jesu dahpocāri cahapū duhu cūri tiqaina. Tiqaina sa duhu cūri bato quehnoa wahagū yeri Jesu tiquinare. ³¹ Tiqairo sa yegū ihñañe masa ihñā maria wahari. Yahuducu masieñequina tiqaina yahuducugū ihñañe, pari yuri wahayequina tiqaina quehnoa wahagū ihñañe, tini masieñequina tiqaina tinigū ihñañe, caperi bajueyequina tiqaina ihñagū ihñañe, ihñā maria wahari tiqaina. Sa ye ohō saha nidi:

—Israe masa usā pūhto, Cohācjū tutuagu, quehnoagu ijire, ni ño peori tiqaina Cohācjüre.

Cuatro mil masare ihyayere ohoahye Jesu

(Mr 8.1-10)

³² Tiqairo sa yeri bato Jesu usāre tiqairo buhenare ohō saha nidi:

—Ahriquina masa yūhū mehna ihtia deco waro iji tuhasare. Sa ye pohe

mariedare tiquinare. Pohe mariedagū ihñagu tiquinare paja ihñaja. “Tiqaina ujūa ahbayequina, mahapū borari”, nigū tiquinare ihyaye marieno tiqaina ye wūhusepū waha duti dueraja. Sa yegū tiquinare pohe oho duaja, nidi tiqairo.

³³ Tiqairo sa nigū usā tiqairo buhena tiqairore sinituu:

—¿Dūhse mari ohōre masa marienopūre pāre boca ohoboagari mari? nii usā tiqairore.

³⁴ —¿Nohope paca pā pacare cūojari masa? nidi.

—Siete pā pacare, meheñequinagā wahire cūojaja, ni yūhtii usā.

³⁵ Usā sa nigū tiqairo masare yehpapū duji dutiri. ³⁶ Tuhasa siete pā pacare, wahigā gūhure ne, Cohācjüre “Quehnoare”, nidi. Sa ninota pā pacare nuha, usāre tiqairo buhenare ohori. Sa yena usā pehe ti ihyayere masare itii. ³⁷ Sa ye masa tire ihya, yapi yūhdūa wahari. Tiqaina yapi wehorire siete pūhuse waro ne cahmecoa, wahpo dapou usā. ³⁸ Topū ihyariquinare umūa dihitare queogū cuatro mil waro umūa ijiri. Numia, macanagā gūhū ijiri. ³⁹ Tiqaina sa ihya tuhasagū Jesu masare waha duti, yucūsapū sajā, Magadān wame tiri yehpapū usāre siho esari.

16

Fariseo masa, saduceo masa gūhū Cohācjū tutuaye mehna ye ihñogū ihñā duamahye

(Mr 8.11-13; Lc 12.54-56)

¹ Sa ye fariseo masa, saduceo masa mehna Jesu cahapū wihiri. Tiqairo ñano yegū ihñā duamedī tiqairore yahusā duaye. Sa ye tiqaina tiqairore Cohācjū tutuaye mehna ye ihñō dutimedī tiqairo masiedagū ihñā duaye, “Cohācjū ohoriquiro ijierare”, ni duaye. ² Tiqaina sa ye dutigū Jesu yūhtiri tiquinare:

—Ñamicahapū umūano sohāgū ihñāna “Quehnoari ñami ijirota”, nine mūsa. ³ Sa yena bohrearo umūano sohāgū, ñicuri deco ijigū ihñāna “Acoro ahtarota”, nine mūsa. Sa quehnoano masiepenata Cohācjū tutuaye mehna mū sare yūhū ye ihñogū ihñāepenata ne tire quehnoano masiedare mūsa. ⁴ Yojoṗū cjenā ña yūhdūyequina Cohācjüre ño peo dueyequina Cohācjū tutuaye mehna ye ihñogū ihñā duamene. Ye ihñosi yūhū. Cohācjū yere yahu mūhtariquiro Jona tiqairo dūhse waharire masi tuhasare mūsa. Ti dihitare ihñoutja mū sare, ni yūhtiri Jesu.

Sa ni yahu tuhasa siho wahaa wahari tja.

Fariseo masa saduceo masa tiqaina ñañe buheyere yahuahye Jesu
(Mr 8.14-21)

⁵ Ditarare usã pehãna, pãre bo cû cã, pehã tari jii usã. ⁶ Sa yero Jesu usãre yahuri:

—Quehnoano yeya. Fariseo masa, saduceo masa tiquina ye pã pugũ yeyere ihñana quehnoano yeya. Cuarĩne ti, ni yahuri.

⁷ Tiquiro sa nigũ tãhona tãho masiedana, usã basi tire yahuducuu:

—Mari pãre mari ne cãhtaeragũ ihñano sa niaga ahriquiro, nimi usã basi.

⁸ Usã sa nidire masino, usãre sinituri:

—¿Duhseña masa pã borire wacũajari masa? Mehenogã waro yũhure wacũ tutuare masa. ⁹ ¿Yojoꝛũ masiedajari masa? ¿Cinco mil amũare ihcã omope pã pacare yũhũ nuha ohorire, numia gũhure yũhũ ohorire wacũedagari masa? ¿Nohope puhuse waro masa ne cahmecoa wahpo daporire wacũedagari masa? ¹⁰ ¿Sa yegũ siete pã pacare nuha, cuatro mil amũare yũhũ ohorire, numia gũhure yũhũ ohorire wacũedagari masa? ¿Nohope puhuse waro masa ne cahmecoa wahpo daporire wacũedagari masa? ¹¹ ¿Sa yena pã pugũ yeyere yũhũ yahugũ duhse yena quehnoano tãhoerajari masa? Sa nigũ pã warore nigũ niedaja. Fariseo masa, saduceo masa tiquina pã pugũ yeyere ihñana quehnoano yeya. Cuarĩne ti, ni yahuri usãre tiquiro.

¹² Tiquiro sa ni yahugũũ usã masii. “Pã pugũ yeye”, nino pã warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tãhoeracãhña”, nino nidi.

Jesu poto Cristo tiquiro ijyere Cohãcã ohoriguro tiquiro ijyere yahuahye Pedro (Mr 8.27-30; Lc 9.18-21)

¹³ Sa ye Jesu mehna wahana, Cesarea Filipo wame tiri maca cahapũ ijyere macaripũ esau usã. Sa yero macapũ sajã sari bato Jesu usãre tiquiro buhenare sinituri:

—¿Noa boro ijiagari yũhũ, masa yũhure tiquina tãhotugũ? ni sinituri tiquiro.

¹⁴ —“Ñu wame yeriquiro ijire”, nine mũhure. Apequina “Elia ijire”, nine. Apequina “Jeremia ijiboaga o apequiro Cohãcã yere yahu mũhtariquina mehna cãno mnanano ijiboaga”, nine, ni yãhtii usã tiquiro.

¹⁵ —¿Musa pehe masa tãhotugũ noa boro ijiagari yũhũ? ni, sinituri tiquiro.

¹⁶ Simo Pedro yãhtiri:

—Mũhũ Cristo Cohãcã ohorigũ ijire. Cohãcã catiriquiro waro macũ ijire mũhũ, ni yãhtiri Simo Pedro.

¹⁷ —Simo Ñu macũ mũhũ bucuegu ijire. Ohõ saha ni mũhũ yũhure yãhtiyere masa tiquina yahuri ijierare. Yũhũ Pacũ ahmuse cãno pehe tire mũhure masigũ yeri.

¹⁸ Mũhure niita niaga. Mũhũ Pedro wame tigu ijire. (Pedro nino utã nino nine.) Ahri

utã paa bui tutuari wũhure yũhũ yeboriro saha yeequina pehere wacũ tutuayequina ijigũ yeitja yũhũ. Sa ye yeequina ne pecapũ wahasi. ¹⁹ Uhmuse cãno mari puhoro ijiro cã sawire mũhure ohoutja. Sa yegũ ahri yehpare mũhũ ye dutieragũ ahmusepũ gũhure ye dutisi. Ahri yehpare mũhũ ye dutigũ ahmusepũ gũhure ye dutiye ijieti, nidi Jesu.

²⁰ Tiquiro sa nidi bato usãre tiquiro buhenare ohõ saha nidi:

—Yũhure “Cristo ijire tiquiro”, ni yahu sitenedacãhña apequinare, ni, dutiri usãre.

Jesu tiquiro yaria masa wijiatire yahuahye

(Mr 8.31-9.1; Lc 9.22-27)

²¹ Ti pjeta Jesu usãre tiquiro buhenare quehnoano yahu peho ducari:

—Jerusalẽpũ yũhure waharo cahmene yojoꝛũ. Topũ judio masa mari bucãna, mari pahia puhõto, marine judio masare buheyequina gũhũ yũhure ñano yeeta. Yũhure wejẽeta. Sata ñano yũhũro cahmene yũhure. Sa yegũ ihtia deco wahaboro masa wijiajuta, ni yahuri usãre tiquiro.

²² Tiquiro sa nigũ tãhoro Pedro pehe ape sie cãnogã Jesure ne saduca, tiquirore ohõ saha nidi:

—Puhõto, mũhũ nino saha sa wahaeracãhdo. Mũhure tiquina wejẽdacãhdo, nimesi tiquiro Jesure.

²³ Tiquiro sa nigũ tãhoro Jesu majareduca, tiquirore ohõ saha nidi:

—Satana yero saha yahuducuyũ nine mũhũ. Sa niedacãhña. Mũhũ tãhotuyũ masa ye ijire. Cohãcã ye ijierare. Sa yegũ yũhũ yeatire cahmota duare mũhũ, nidi Jesu Pedore.

²⁴ Tiquiro sa nidi bato usãre yahuri:

—Ihcãquiro yaquiro jii duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yũhũperota yũhure duhusi. Sa yero yeere yeducuriquiro ijirota. ²⁵ Masũno yũhure wacũno marieno tiquiro esa tuharo tiquiro cahmeno sahata yero, pecapũ waharota. Sa yero yeere masũno sa yeducuriquiro ijiphtiyere decori yũhũ mehna ahmusepũ ijirota tiquiro. ²⁶ ¿Ihcãquiro masũno ahri yehpa cãne ijiphtiyere cuoriquiro Cohãcãre cahmedaro pecapũ waharo, yabere wapatajari tiquiro? Sa ijiriquiro ne wapataerare. Pecapũ tiquiro jeripohna wahagũ ne duhse wapa ye wioro basioerare. ²⁷ Yũhũ masũ Cohãcã ohorigũ yeequina angele mehna ahri yehpapũ tojoa tagũ yũhũ Pacũ asi siteye mehna tojoa tagũ ijiphtiyequina masare tiquina ñãne yeri buhiri buhiri dahreitja. Tiquina quehnoañe pehere yegũ quehnoano yeitja

tiquinare. ²⁸ Ijirota musare yahutja. Ihuq̄equina musa ohōrp̄are ijina musa yariato pano yuhare yuh̄u puhto sajāgū ihñanata, ni yahuri Jesu.

17

Jesu tiqiro pagure comesahye
(Mr 9.2-13; Lc 9.28-36)

¹ Sa ye seis decori bato Jesu Pedore, Santiagore tiqiro bahuro Ñu gāhare ahm̄an̄u c̄n̄ap̄u tiquina dihitare piji mujari. ² Uhm̄anop̄u tiquina esari bato tiquina ihñonop̄u tiqiro pagure comesahye. Tiqiro wuhdo asū deco c̄j̄ano yero saha asi siteahye. Sa yero tiqiro suhtiro buhrioro yero saha yehsero wahahye. ³ Sa ye Jesu Moise m̄anano, Elia m̄anano mehna tiquina yahuducugū ihñahye tiquina ihtiaro buheyequina. ⁴ Sa yero Pedro Jesure nimahye:

—Puhto, mari ohōrp̄u ijigū quehnoa duare. M̄uh̄u cahmegū ihtia wuhugā yeitja. M̄uh̄u ya wuhugā, Moise ya wuhugā, Elia ya wuhugā yeitja, nimahye tiqiro.

⁵ Tiqiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahagū ehmeo watoap̄u yahuducye bisiro ca tahye.

—Ahriqiro yuh̄u macu yuh̄u cah̄niqiro ijire. Tiqiro mehna bucueaja. Tiquirore tuhoya, ni yahuducuro ca tahye.

⁶ Sa nigū tuhoye tiqiro buheyequina tuho maria waha, yehpap̄u doque quehe sahye. ⁷ Tiquina sa wahari bato Jesu tiquina cahap̄u esa, tiquinare buacarero, ohō saha niahye:

—Wahcād̄ucaya musa. Yojoap̄are musa ihñarire, musa tuhori gāhare cueracāhña, niahye tiqiro tiquinare.

⁸ Tiqiro sa nigū tiquina ihña wahcō. Jesu dihitare ihñahye. Tiquina ihñariquina pehe mariedahye.

⁹ Sa ye c̄n̄ap̄u tiquina dijia tagū Jesu tiquinare tutuaro mehna niahye:

—Mianogāta yuh̄u sa waharire apequinare yahuercāhña. Yuh̄u masu Cohācj̄u ohorigu yuh̄u yaria masa wijari batop̄u tire apequinare yahuya musa, niahye Jesu.

¹⁰ Tiqiro sa nidi bato Pedro gāh̄u tiqirore sinituahye:

—“Cristo masare yuh̄u oatiqiro tiqiro ahtato pano Eliare ahta m̄ah̄tano cahmene”, nine marine judio masa buheyequina. ¿Dahse ijiro boro sa nijari tiquina? ni sinituahye tiquina tiqirore.

¹¹ Jesu yuh̄tiahye:

—Potota ijire. Eliare ahta m̄ah̄ta dutiri Cohācj̄u, ijipih̄tiyere quehno m̄ah̄tatiquirore. ¹² Ohō saha nigū musare nigū nijaja. Elia wihu thasari. Tiqiro sa wihiepegāta tiquina tiqirore ne ihña

masiedari. Sa ye tiquina dahse ye duaro yeri jiri tiqirore. Sata yeeta yuh̄u gāhare. Yuh̄u masu Cohācj̄u ohorigu ijijaja. Tiquina sa yegū ñano yuh̄duḡatja yuh̄u, niahye Jesu.

¹³ Tiqiro sa ni yahugū tiquina quehnoano tuhoahye. “Elia”, nino, Ñu wame yeriqirore nino niahye. Tire masiahye tiquina.

Jesu wat̄nore cuoriquirore yuh̄duoahye
(Mr 9.14-29; Lc 9.37-43)

¹⁴ Sa ye peyequina masa cahap̄u tiquina dijia tagū ihñano ihcāqiro am̄ano Jesu cahap̄u esa, d̄eupe curi mehna quehe sari.

¹⁵ —Puhto, yuh̄u macure paja ihñaña. Tiqiro ñama yariayere dohatiriquiro ijire. Sa yero ña yuh̄duaro yuh̄dare. Peye tahari pecap̄u bora sa quehea mujare tiqiro. Ihuq̄e tahari diap̄u bora ñojoa mujare. ¹⁶ Sa yegū m̄uh̄u buheyequina cahap̄u tiqirore ne sami. Tiquina tiqirore yuh̄duo masiedari, nidi tiqiro Jesure.

¹⁷ Jesu yuh̄tiri:

—Yojoap̄u c̄j̄ana, ñana ijire musa. Yuh̄are ne wacū tutuerare. Yoa yuh̄duari pje musare buhemi yuh̄u. ¿Noho puno yoari pje yuh̄are musa cariboajari? Tiquirore ne cāhtaya yuh̄are, nidi Jesu.

¹⁸ Sa yero wat̄nore tiqiro tuhtigāta wat̄no pehe mas̄ano mehna ijiriquiro wahaa wahari. Sa wahari batogāta quehnoa wahari tiqiro.

¹⁹ Came usā tiqiro buhena usā sehbari ijina Jesure sinituu:

—¿Duh̄sena usā pehe ahriqiro pehere wat̄nore cohā masiedari, m̄uh̄u tuh̄otugū? ni sinituu usā.

²⁰ Jesu yuh̄tiri:

—Yuh̄are mehenogā wacū tutuare musa. Poto musare yahugata nijaja. Mostaza capegā meheni pjegā ijire. Ti yero saha Cohācj̄ure mehenogā musa wacū tutuana ohō saha wahagū ye masinata musa. Ahdu c̄n̄are “Sohōrp̄u wahaya”, musa nigū, waharota. Cohācj̄ure sata wacū tutuana, ijipih̄tiyere ye masine musa. [²¹ Sa ijiepegāta ahriqiro boro wat̄nore musa cohā duana Cohācj̄ure tutuaro sinino cahmene musare. Sa ye duana sijiro cahmene musare Cohācj̄ure sinina tana,] nidi Jesu usāre.

Pari turi Jesu tiqiro yaria masa wijiatire yahuahye

(Mr 9.30-32; Lc 9.43-45)

²² Sa ye Galilea yehpap̄u usā tinigū, Jesu usāre yahuri:

—Yuh̄u masu Cohācj̄u ohorigu ijijaja. Masa yuh̄are ñehe, apequinap̄are yuh̄are ohoeta. ²³ Sa tiquina ohori bato yuh̄are wej̄eta. Sa tiquina wej̄egū ihtia deco wahaboro masa wijiatiga, ni yahuri tiqiro usāre.

Tiquiro sa ni yahugū tutuaro bujua witi
usā.

*Cohācjū wuhū cjē wapare sinituahye ape-
quina*

²⁴ Sa yena Capernaupū sajā sagū, Cohācjū
wuhū cjē ijiatire wapa ne cohteyequina Pe-
dro cahapū esa, tiquirore sinituahye.

—¿Musare buheritiquiro Cohācjū wuhū cjē
wapa ijiatire wapa yeajari tiquiro? ni sinitu-
ahye tiquina.

²⁵ —Wapa yere tiquiro, ni yuhtiahye Pe-
dro.

Tiquiro sa nidi bato wuhupū tiquiro
sajāgū Jesu sinitu mūhtahye Pedrorē:

—¿Simo dahse ni tuhotuajari mūhū? ¿Ahri
yehpa cjēna puhto a yabequina pehere wapa
neajari, mūhū tuhotugū? ¿Tiquina mehna
cjēnare wapa neajari? ¿O ape yehpa cjēna
pehere wapa neajari, mūhū tuhotugū? ni
sinituahye tiquiro Pedrorē.

²⁶ —Ape yehpa cjēna pehere wapa nene, ni
yuhtiahye Pedro.

Tiquiro sa nigū Jesu yahuahye:
—Sa yero puhtoro tiquiro ya yehpa cjēnare
wapa nedari. ²⁷ Sa ijiepegūta wapa ne co-
hteyequinare usuagū ye dueraja mari. Sa
yena wapa yenata. Ditarapū wahaya. Topū
esa, yohyeri dare doque ñoña. Sa yegū wahi
mūhare ihyariquirore weje ñoña. Tiquiro
duseropū niñeru cjoere bocaguta mūhū. Ti
cjoere queoro wapa tiri cjoere ijirota. Yuhare,
mūhū gūhare Cohācjū wuhū cjēna tiquina
wapa negū quehnoano queoro esa tuharota
ti cjoere. Ti cjoere bocagū mari wapamonore
wapa yegū wahaya, niahye Jesu Pedrorē.

18

*Jesu buhayequina tiquina mehna cjānore
puhto sō duamahye*

(Mr 9.33-37; Lc 9.46-48)

¹ Ti pjere usā tiquiro buhena Jesu cahapū
esa, sinituu tiquirore:

—¿Uhmuse cjāno puhtoro ijiorpūre usā
mehna cjāno noa wahaboagari puhtoro? ni
sinituu usā.

² Usā sa nigū Jesu nininogāre pijio,
tiquirogāre usā caha duhu docori. Duhu
doco tuhasa, usāre nidi:

³ —Poto musare yahugūta. Ahriquina
macanagā Cohācjūre tiquina puhtoro waro
tuhoture. Sa yena musa gūhū tiquina
yero saha tuhotuna, quehnoañene came-
sana, uhmuse cjāno puhtoro ijiorpūre wa-
hanata. Tiquina yero saha tuhotuerana
puhtoro tiquiro ijiorpū wahasi musa. ⁴ Sa
yero uhmuse cjāno puhtoro ijiorpūre sa
tuhotu cāriquiro ahriquiro nininogā yero
saha tuhoturiquirota apequina bui puhtoro
wahare. ⁵ Sa yena yeere yena tana ohō
saha ijieyequinagāre cahmena, yuhū gūhare
cahmene musa, ni yahuri Jesu.

*Ñañene yegū cuarīne
(Mr 9.42-48; Lc 17.1-2)*

⁶ Sa yero tiquinare yahu nemori:

—Ahriquirogā yero saha ijiriquiro
yuhare wacū tutuariquirogāre yahutja
musare. Apequiro ahriquirogā yero saha
ijiriquirore ñañene ye dutiro tiquiro ña
yuhduaro yuhduarota. Tiquiro wamūare
pajiria utāre duhte yo, pajiri mapū
tiquirore cohāgū ñano wahaboaga tiquiro.
Sa ijiepegūta ahriquirogā yero saha
ijiriquirore ñañene ye dutiriquiro tiquiro
pehe pajiri mapū tiquina cohāriquiro
yuhduoro ñano yuhduarota. ⁷ Masare ñañene
yegū ye ye ijire. Tire ye ye ahri yehpa cjēna
ñano yuhduare. Ñañene yeducure masa.
Tiquina sa yegū tiquinare ñañene yegū
yeyequina pehe ña yuhduaro yuhdueta.

⁸ Mūhū omoca mehna ñano yegū ti omo-
care mūhū dute cohāboro saha ti ñañene
duhuya. Tire duhueragū pecapū wahaguta.
Topūre ne peca yatierare. Mūhū omocare
mūhū cohāgū ti si dihita butiboaga. Sa
yegū mūhū pehe sa bajuri turu ijiepeguta
came Cohācjū mehna ijiguta. Pua omoca
mehna pecapū wahagū mūhū sa wahagū ña
yuhduaboaga. Sa yegū ti ñañene duhuya.
Mūhū dahpocā mehna ñano yegū ti dah-
pocā gūhare mūhū dute cohāboro saha ti
ñañene duhuya. Tire duhueragū pecapū wa-
haguta. Topūre ne peca yatierare. Mūhū
dahpocāre mūhū cohāgū ti si dihita buti-
boaga. Sa yegū sa bajuri turu ijiepeguta
came Cohācjū mehna ijiguta. Pua dahpocā
mehna pecapū wahagū mūhū sa wahagū ña
yuhduaboaga. Sa yegū ti ñañene duhuya.
⁹ Mūhū capea mehna ñano yegū tiare ore we
mūhū cohāboro saha ti ñañene duhuya. Tire
duhueragū pecapū wahaguta. Topūre ne
peca yatierare. Tiare mūhū cohāgū tia dihita
butiboaga. Ihcā pehe capea mariedapeguta
came Cohācjū mehna ijiguta. Pua capea
mehna pecapū wahagū mūhū sa wahagū ña
yuhduaboaga. Sa yegū ti ñañene duhuya, ni
yahuri Jesu.

*Oveja butiriquiro queoyere yahuahye
Jesu*

(Lc 15.3-7)

¹⁰ Sa ni tuhasa ohō saha ni yahu nemori:

—Ne, ahriquinagāre macanagāre ihña
tuhtieracāhña. Musare niita niaja yuhū.
Tiquinagā yeequina angele tiquinagāre
cohteyequina uhmusepū ijieyequina pehe
yuhū Pacū cahapū sa ijiducure. [¹¹ Yuhū
masū Cohācjū ohorigū ahri yehparū pecapū
wahaboriquinare yuhduogu tuu ni yuhū,] ni
yahuri Jesu.

¹² Sa ni tuhasa tiquiro tuhotuye mehna
ohō saha ni queoye mehna buheri usāre.

—Ovejare cohteriquiro cien ovejare
cuoriquiro ihcāquiro oveja butia wahagū

ohō saha yerota tiquinare cohteriquiro pehe. Apequina ovejare noventa y nueve ovejare tiquina ihyaropu duhu doco, butiriquirore macano waharota. ¹³ Ijirota nii niaja musare. Tiquirore bocaro bucueroa tiquiro. Apequina noventa y nueve duhsayequina mehna bucuero tiquiro. Tiquinare tiquiro bucuero yuhduoro butiriquiro pehere bocaro tutuaro bucueroa. ¹⁴ Sata mari Pacu umhuse cjāno ahriquina ihyo ijiyequina gūhare pecapu tiquina wahagū cahmedare, ni yahuri Jesu.

Muhu acayuro muhare nāno yegū ohō saha ye dutiahye Jesu
(Lc 17.3)

¹⁵ Sa ni tuhasa ohō saha ni yahu nemori:

—Muhu acayuro muhare nāno tiquiro yegū tiquiro mehna yahugū wahaya. Musa sehsharo tire yahuya. Muhu sa yegū tiquiro muhare tuhoboaga. Tiquiro tuhogū “Muhare ne pari turi ohō saha yesi yahu”, tiquiro nigū muhu acayurore pari turi piti tigu niaga muhu. ¹⁶ Muhare tiquiro tuho dueragū pūrita ihcāquiro mehna waha duagu o puaro mehna waha duagu tiquinare piti ti cā, pari turi tiquirore yahuna wahaya. Musa sa yena puana o ihtiana tiquirore musa yahusāgū, “Poto tjire”, ni masieta apequina. ¹⁷ Sa yena muhu mehna cjēna gūhare tiquiro tuho dueragū ijiptiyequina Jesu yequina cahmecoañequinare yahusāna wahaya. Sa yena Jesu yequina cahmecoañequinare tiquiro tuho dueragū ihñana Cohācjüre fio peo dueriquiro tiquiro ijro saha yeya tiquirore. Wapa ne cohteriquiro tiquiro ijro saha yeya tiquirore.

¹⁸ Ijirota musare niita niaja. Ahri yehpapu musa Jesu yequina nāfene musa ye dutieragū umhusepu gūhare ye dutisi. Ahri yehpapu musa quehnoañene ye dutigū umhusepu gūhare ye dutiye ijirota.

¹⁹ Pari turi musare yahutja ahrire: Musa puana Cohācjüre sinigū, musa puana musa sinidire ihcāno saha musa tuhutugū yuhu Pacu umhuse cjāno tire yerota. ²⁰ Puaro o ihtiaro yeequina, yeere yeatiquina tiquina cahmecoagū yuhu tiquina mehna ijiaja, ni yahuri Jesu.

Cahacjāno apequiro tiquiro wapamonore tiquiro bo duerari quitire yuahyeh Jesu

²¹ Came Pedro Jesu cahapu esa, sinituri:

—¿Puhto, yuhu acayuro muhu yaquiro peye tahari yuhare nāno tiquiro yegū ihñagu nohope tahari tire bogutari yuhu? ¿Siete tahari bogutari yuhu? ni sinituri Pedro.

²² Jesu yahtiri:

—Siete taharita muhare apequiro nāno yerire muhu bogū to wahaerare. Peye

tahari muhare nāno tiquiro yegū gūhare boya.

²³ Umhuse cjāno masa puhtoro tiquiro ijiye ahri queoye yero saha ijire. Ijiptiyequina masa puhtoro tiquiro cahacjēnare tiquirore wapamonequinare wapa ye peho duti duamahye. ²⁴ Tiquina wapamorire tiquiro queo ducagū, tiquirore dahra cohteyequina pehe pajiro wapamoriquire tiquiro cahapu ne cāhtahye. Wapamoriquire paji yuhduaro wapamohye tiquiro puhtoro. ²⁵ Sa yero tiquiro wapa ye masiedagū tiquiro puhtoro tiquirore, tiquiro namonore, tiquiro pohne cahacjēna sō, tiquinare apequinare dua dutimahye. Sa ye ijiptiye tiquiro cuoye gūhare dua dutimahye, tiquiro wapamonore wapa ye peho dutiro. ²⁶ Tiquiro sa dua dutigū pajiro wapamoriquire pehe dusepe curi mehna quehe sa, tiquiro puhtoro tutuaro siniahye: “Puhto, yuhare paja ihñagu cohteniña. Muhare wapa ye pehoutja”, niahye tiquiro puhtoro. ²⁷ Tiquiro sa nigū tuho, tiquirore paja ihñano tiquiro wapamonore sata bo cāhye.

²⁸ Tiquiro sa yeri bato wapamoriquire pehe waha, apequiro cahacjānore tiquirore mehenogā wapamoriquire boca sahye. Sa boca saro wamua ñeeahye tiquirore. “Yuhare muhu wapamonore wapa ye pehoya”, niahye tiquiro mehna cjānore tiquiro yero saha ijiriquirore cahacjānore. ²⁹ Tiquiro sa nigū apequiro cahacjāno pehe dusepe curi mehna quehe sa, tiquirore tutuaro sinimahye. “Yuhare paja ihñagu mehenogā cohteniña. Muhare wapa ye pehoutja”, nimahye apequiro cahacjāno tiquirore. ³⁰ Tiquiro sa ni siniepegūta yahtierahye. Sa yero tiquiro apequiro cahacjānore peresu ye dutiahye. Tee tiquiro wapa ye pehogūpu wioro taro niahye tiquirore. ³¹ Pajiro wapamoriquire mehenogā wapamoriquire tiquiro sa yegū ihñā, usua, apequina cahacjēna pehe tiquina puhtoro yahusāñe wahahye. ³² Tiquina sa ni yahusāgū tuho tiquina puhtoro tiquina yahusāriquire pijio, ohō saha niahye: “Muhu ña yuhduagu ijire. Muhu yuhare tutuaro sinigū muhu wapamonore bo pehomi yuhu. ³³ Muhare yuhu sa yepegūta muhu pehe muhare wapamoriquire boerañoti. Muhu wapamono pehere yuhu boriro sahata tiquiro muhare wapamono gūhare muhu bogū quehnoa yuhduaboaga. ¿Dahsegu tiquirore paja ihñedari muhu, sa yegu?” niahye puhtoro tiquirore. ³⁴ Sa nino tutuaro usua, peresu yeahye tiquiro cahacjānore. Tee tiquiro wapa ye pehogūpu wioro taro niahye, ni yahuri Jesu.

³⁵ Sa yero ohō saha ni ahri quitire yahu bato tiri:

–Sata yerota yuhū Pacu ahmuse cjāno māsare. Māsa ijipihitina māsa acaye māsare tiquina űano yerire quehnoano māsa bo pehoeragū tiquiro māsare buhiri dahrerota, nidi Jesu.

19

Tiquina namosānumiare cohāñene yahuahye Jesu

(Mr 10.1-12; Lc 16.18)

¹ Tire tiquiro sa ni yahuri bato tiquiro Galileapū ijiriquiro Judea yehpapū usāre siho wahari. Jordā wame tiri ma ape sie pahrēpū esau usā. ² Topū usā wahagū peyequina masa usāre nanū tā cāri. Tiquina mehna cjēnare dohatiyequinare yuhdugū yeri tiquiro.

³ Sa ye ihquēquina fariseo masa Jesure yahusā duaye, űano tiquiro yahuducugū taho duaye, tiquirore sinituri:

–¿Mari namosānumiare cohāgū quehnoaboagari? ¿Mari dutiye pehe sata ye dutiagari, māhū tūhotugū? ni sinituri tiquina.

⁴ Jesu yahitiri:

–¿Cohācjū yere tiquina ojoari pūpū ne ahrire buherari māsa? Ohō saha ni ojoahye: “Coā waropure ahri yehpare bajumehnediquiro amūno, numino gūhare yeahye”, ni ojoahye. ⁵ Sa yero ohō saha ni ojoa nemoahye: “Sa yero amūno tiquiro pacusumūare cohā wījia, tiquiro namono mehna ijirota. Sa ye tiquina pūaro ijiepetā ihcā pagū yero saha ijire. ⁶ Sa ye tiquina pūaro yero saha ijierare. Ihcā pagū yero saha ijije nine. Cohācjū tiquiro omoca dūhte dutiyequina ijire. Sa ye tiquinare cahme duheraro cahmene”, ni ojoahye, nidi Jesu tiquinare.

⁷ Tiquiro sa nigū fariseo masa sinituri tja: –Mūhū ohō saha ni yahuepegūta ohō saha ni ojoahye Moise pehe: “Mūhū namonore cohā duagu papera pūre tire ojoaya. Sa ojoagu ti pūre māhū namonore māhū ohori bato ticorore cohā masine māhū”, ni ojoahye Moise. ¿Mūhū nino saha ijiepegūta Moise pehe dūhsero ohō saha ni ojoayari? ni yahitiri tiquina tiquirore.

⁸ Jesu yahiti cahmedi tiquinare:

–Cohācjūre māsa űecusumūa panopū cjēna tiquina tūho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiquiro sa niepegūta coā waropure ahri yehpare sa ijierari. ⁹ Mū sare niita niaja. Masūno tiquiro namono ticoro űano yerapegūta ticorore cohāno, apecorore namo tiro, tiquiro apecoro mehna űano yero nine. [Sa yero ahriquiro cohāricorore namo tiriquiro gūhū ticoro mehna űano yeriquiro ijire,] nidi Jesu.

¹⁰ Tiquina sa nigū tūhona, usā tiquiro buhena pehe tiquirore ohō saha nii:

–Sata amūno tiquiro namono mehna tiquina cahme cohāedagū mari pehere mari namo tieragū quehnoaboaga, nii usā.

¹¹ Jesu yahitiri:

–Ihquēquinareta namo ti dutierare Cohācjū. Tiquiro namo ti dutiriquina dihita namo tieta. ¹² Ūmūare namo ti dutieraye ihquēgā ijire. Ihquēquina amūa numiare cahmeeñequina masa bajure. Apequina amūa masa tiquina apēni tōho tiquina weriquina pehe namo ti masiedare. Apequina amūa ahmuse cjāno tiquina pūhtoro yere yedoho duaye, namo tierare. Sa ye ahriquina namo ti dueyequina sata tūhotu cāhñequina, sata tiquina sohtori tigū quehnoare, nidi Jesu usāre.

Macanagā ye ijiatire Cohācjūre sini basahye Jesu

(Mr 10.13-16; Lc 18.15-17)

¹³ Sa ye masa macanagāre Jesu cahapū ne wihiri. Sa ne wihye, tiquina Jesure tiquiro omocare tiquinagā bui űa peo duti duamedi. Sa ye tiquinagāre Cohācjūre sini basa duti duamedi Jesure. Tiquina sa yegū ihñana usā tiquiro buhena tiquinare tuh-timi. ¹⁴ Ūsā sa tuhtigū ihñano, usāre Jesu ohō saha nidi:

–Macanagā yuhū cahapū ahtaahro. “Waharīsa”, niedacāhña tiquinagāre. Tiquinagā Cohācjūre tiquina pūhtoro tūhoture. Sa ye tiquiro ahmuse cjāno pūhtoro ijirōpū ahriquinagā yero saha tūhotuyequina ijire topure, nidi Jesu usāre.

¹⁵ Sa ninota tiquiro omocare tiquinagā bui űa peo tuhasa, wahaa wahari.

Doeri cjē upūro Jesure sinituahye

(Mr 10.17-31; Lc 18.18-30)

¹⁶ Tiquiro sa yeri bato ihcāquiro Jesu cahapū wihī, sinituri tiquirore:

–¿Ne quehnoagu buhegū, ijipihitaye decori Cohācjū mehna iji duagu, quehnoañene ye duagu dūhse yeboagari yuhū? nidi tiquiro.

¹⁷ –¿Dūhse ijiro boro yahure quehnoañene sinituajari māhū? Cohācjū dihita quehnoariquiro ijire. Ijipihitaye decori Cohācjū mehna iji duagu tiquiro dutiyere yeya, nidi Jesu.

¹⁸ –¿Dise boro dutiye pehere nigū niajari? ni sinitu nemori tiquiro.

Jesu yahitiri:

–Masare wejēdacāhña. Wūana tieracāhña. Yaqueracāhña. Ni mehoedacāhña. ¹⁹ Mūhū pacusumūare űo peoya. Mūhū basi māhū cahño saha māhū cahapū ijiriquiro gūhare cahñā. Ahri dutiyere yero cahmene, nidi Jesu.

²⁰ —Ahri dutiyere ne yuhducaera tii yuhu. ¿Duhse ye nemoagari yuhu ijipihitiye decori Cohācjū mehna iji duagu? nidi tiqiro Jesure.

²¹ Tiquiro sa nigū tuhoro Jesu yahu nemori:

—Muhū ñañe mariegu iji duagu muhū ye ijipihitiye duagu wahaya. Sa duagu ijipihitiye muhū wapatari niñerure pejesoyequinare ohoya. Muhū sa yegū pajiro muhū ye umusepu, Cohācjū cahapu ijirota. Muhū sa yeri bato yuhū mehna cjū ijigu ahtaya, ni yahuri Jesu.

²² Tiquiro sa nigū tuhoro tutuaro bujua witiri. Tiquiro doeri cjē upuro ijipihitiye suoriquiro ijiri. Sa yero Jesu yahugū tuhoro tutuaro bujua witiri. Pejesoyequinare oho dueraro wahaa wahari.

²³ Tiquiro sa wahari bato Jesu usāre tiquiro buhenare yahu nemori:

—Ijirota musare niita niaja. Doeri cjē upuro Cohācjū puhtoro ijigorare tiqirore waharo basioera cjūre. ²⁴ Musare yahu nemoutja: Camello pehe awia copepu tiquiro sajā duagū basioerare tiqirore. Tiquiro sa ijiro yuhduro doeri cjē upuro Cohācjūre cahmedaro, Cohācjū puhtoro ijipore waharo basioerare, nidi tiqiro.

²⁵ Tiquiro sa nigū tuhona usā tuho maria waha, usā basi ohō saha nii:

—Aa, duhse tiqiro nino sahata ijigū, ne ihcāquiro masūno Cohācjū cahapu waha masiedaboaga, nii usā basi.

²⁶ Usā sa nigū Jesu usāre ihñano, yahuri:

—Masa tiquina esa tuharo tiquina quehnoano yeri mehna Cohācjū cahapu waha masiedare. Cohācjū pehe masare pecapu wahaboriquinare yuhduro masine. Tiquiro ijipihitiye quehnoano ye masi peho cāre, nidi tiqiro usāre.

²⁷ Tiquiro sa nigū Pedro tiqirore nidi:

—Tuhoriña. Usā pehe usā ye ijipihitiye cū cān muhū mehna wahana tana. ¿Usā ohō saha yena, duhse ijiyere wapatanatari usā? nidi tiqiro.

²⁸ Tiquiro sa nigū tuhoro ohō saha nidi Jesu:

—Musare niita niaja: Pihitiri deco bato ijipihitiye wahma dihita comesaeta. Ti pjerure yuhū masū Cohācjū ohorigū yuhū puhtoro yuhū dujiropu asi siteropu dujiitja yuhū. Topu yuhū dujigū musa gūhū doce dujiye pahtaripū puhtoa tiquina dujiye pahtaripū dujinata. Sa yena Israe masare doce cururi cjēnare besenata musa quehnoañequina gūhūre, ñañequina gūhūre. ²⁹ Sa ye yeere yena tana musa wuhūse, musa bahanare, musa pacsumare, musa pohinare, musa weserire cūrīna ijina, pajiro wapatanata. Sa yena ijipihitiye decori Cohācjū mehna ijinata. ³⁰ Sa ijiepegūta yojopure peyequina puhtoa ijiriquina

ti pjerure ihyo ijieyequina tojoaeta. Sa ye yojopure peyequina ihyo ijieyequina ijimediquina ti pjerure puhtoa comesaeta, ni yahuri Jesu usāre tiqiro buhenare.

20

Ehse wesere dahrayequina queoyere yahuahye Jesu

¹ Sa ye Jesu pari turi queoye mehna yahu nemori tja:

—Uhmuse cjāno masa puhtoro ijire. Wese upuro queoye mehna tiqiro puhtoro ijiyere yahutja musare. Tiquiro wese upuro bohrea quehagū tiqiro ya wesere dahratiquinare pijiro wahahye.

² “Ihcā cje niñeru cje wapa yegutja ihcā decore”, niahye tiquinare. “Au”, niahye dahratiquina. Tiquina sa nigū wesepu dahra dutiro ohoahye tiqiro tiquinare.

³ Sa yero decopu nueve ijigū doeri cjē duaropu wahahye tiqiro. Topu esaro, apequina dahraeyequinare ihñahye. ⁴ Sa ihñano tiquinare niahye: “Musa gūhū ya wesere dahrana wahaya. Quehnoano wapa yegutja”, niahye tiqiro.

⁵ Sa ye tiquina wesepu dahraye wahahye. Sa ye wese upuro coheri pje ijigū, ñamicahapu tres ijigū gūhūre dahra dutiahye. ⁶ Sa ye ñamicahapu cinco ijigū doeri cjē duaropu tiqiro wahahye tja. Topu esa, apequina dahraeyequinare ihñano, tiquinare niahye:

“¿Musa duhse yena nijari dahraerapenata ohōpore?” ni sinituahye tiquinare. ⁷ “Ne, usāre dahraye mariedare”, ni yuhitahye tiquina. “Musa gūhū ya wesere dahrana wahaya”, niahye tiquinare. Sa ye tiqiro nidiro sahata tiqiro ya wesere dahraye wahahye.

⁸ Sa ye ñamicahapu dahra duhuri pje ijigū wese upuro tiqiro dahrayequinare cohteriquore ohō saha niahye: “Dahrayequinare pijiya. Tiquina wihigū tiquinare wapa yeya. Camepu yuhū dahra dutiriquinare wapa ye muhtaña. Tiquinare wapa ye tuhasa, apequina gūhūre wapa ye tuhasa, yuhū dahra duti muhtariquinare wapa ye bato tiya”, niahye tiqiro. ⁹ Sa yero cinco ijigū dahra ducayequinare ihcā cje niñeru cje wapa yeahye. ¹⁰ Tiquiro sa wapa yegū ihñañe, “Usāre paji cjūnogā wapa yerota”, ni tuhutumahye tiqiro duti muhtariquina pehe. Tiquina gūhūre ihcāno saha wapa yeahye. ¹¹ Sa ye niñerure tiqiro wapa yegū tiquina puhtoro mehna usuaye, tiquina basi cahme niahye:

¹² “Ahriquina usā batopu tiqiro dahra dutiriquina pehe ihcā horata dahrari. Usā pehe ihcā deco quehnoano dahra nahñoa wahami. Ñano asū asiri usāre. Usā sa yoari pje dahraepēgūta usā batopu dahra ducariquina gūhūre ihcāno saha wapa

yeri tiqiro”, ni usuahye tiquina basi.
¹³ Ihcãquiro tiquina mehna cãano tiqiro sa nigũ tuhoro, wese uparo yũhtiahye tiqirore: “Ne yũhu acayũ, Ihcã cjoẽ niñeru cjoere wapa yegũtja”, nimi mũsare. Yũhu sa nigũ yũhtiri mũsa. Sa yegũ yũhu nidiro sahata mũsare wapa yei yũhu. Queoro wapa yei mũsare. Ne yaquerũ mũsare. ¹⁴ Sa yegũ yũhu wapa yerire ne, mũhu ya wũhũpũ tojoarĩsa. Ahriquirore came came yũhu dahra dutiriqiro gũhũre mũsare yũhu wapa yeriro punota wapa yegũtja. ¹⁵ Yee niñeru ijire ahri. Sa yegũ yũhu cahmeno sahata ahri mehna wapa yegũtja. ¿Apequinare bui cãũnogã yũhu quehnoano wapa yegũ ihña tuhtijari mũhu?” niahye tiqiro wese uparo, ni yahuri ti queoyere Jesu.

¹⁶ Sa nino, yahu mitori tiqiro:
 –Ahri queoye nidiro saha came cãã curua iji mũhtari curua ijirota ahmũsepũ. Sa ye iji mũhtari curua pehe tiquina camepũ cãã curua tojoarota ahmũsepũ, ni yahuri Jesu.

*Pari turi Jesu tiqiro yaria masa wiji-
 atire yahuahye*

(Mr 10.32-34; Lc 18.31-34)

¹⁷ Sa ye Jerusalẽpũ wahaducu, usãre doce tiqiro buhenare pijio tuhasa, ape sierũ usãre usã sehsaro neari Jesu. Usã sehsaro usã ijigũ usãre yahuri:

¹⁸ –Tũhoya yũhũre. Yojoapũre Jerusalẽpũ wahana niaja mari. Topũ yũhũre masũre Cohãcãũ ohorigũre ñehe, apequinapũre yũhũre ohoeta. Pahia pũhtoare, judio masare buheyequina gũhũre yũhũre ohoeta. Sa ye yũhũre wejẽ dutieta tiquina. ¹⁹ Sa wejẽ dutiye, judio masa ijieyequinare yũhũre ohoeta. Tiquina sa ohori bato tiquina pehe yũhũre bajũpe, tana, curusapũ quẽ bihaeta yũhũre. Sa yegũ yũhu yariari bato ihtia deco wahaboro masa wijiagũtja, ni yahuri Jesu usãre.

*Santiago, Ñũ mehna tiquina pacoro pehe
 tiquinare sini basahye Jesure*

(Mr 10.35-45)

²⁰ Sa ye Zebedeo namono pũaro ticoro pohne mehna Jesu cahapũ esa, dũsepe curi mehna quehe sahye tiqirore sinino taro.

²¹ –¿Dũhse yũhu yegũ cahmeajari mũhu? niahye Jesu ticorore.

–Mũhu pũhto sajãgu yũhu pohmare dutiyequina sõña. Sa yegũ mũhu pũa peheripũ duji dutiye tiquinare, ni siniahye ticoro.

²² Jesu ohõ saha niahye:

–Mũsa ñano yũhũatire masiedapenata sa sinine mũsa. ¿Yojoapũre yũhu ñano yũhũato saha mũsa gũhu ñano yũhũana ihcãno sahaboagari mũsa? niahye Jesu ticoro pohnene.

–Ihcãno sahanata, ni yũhtiahye Santiago, Ñũ mehna.

²³ –Ijirota niita niaja mũsare. Yũhu ñano yũhũato saha ñano yũhũdnata mũsa gũhu. Sa ijiepegũta yũhu mehna dutiatiquinare, yũhu mehna dujatiquinare bese masiedaja yũhu. Yũhu Pacũ pehe quehno tuhasari tire. Sa ye tiqiro beseatiquina dihita yũhu poto pehe yũhu cũ pehe pehe dujieta, niahye Jesu tiquinare.

²⁴ Sa yena usã apequina diez tiqiro buhena pehe Santiago, Ñũ ahriquina pũaro mehna usuau usã. Jesure tiquina pacoro ticoro sini basarire tuhona usuau tiquina mehna. ²⁵ Usã sa usuagũ ihñano, Jesu usãre ijipihitina tiqiro buhenare pijio cahmecoa, yahuri usãre:

–Cohãcãũre masieñequina pũhto pehe tiquina masare dutiye, usuaro mehna dutiye. ²⁶ Mũsa pehe ne sa yesi mũsa basi. Mũsa mehna cãano pũhtoro iji duaro, ijipihitiyequina tiqiro mehna cããna cahacãano ijio cahmene tiqirore. ²⁷ Sa yero ijipihitiyequinare dutiriqiro iji duaro, apequina cahacãano ijio cahmene tiqirore. ²⁸ Sata ijigũ ijiaja yũhu gũhu. Yũhu masũ Cohãcãũ ohorigũ ahri yehparũre masare yedohogũ ahtau. Sa yegũ peyequina masa ye buhirire yariagu ahtau ni. Sa yegũ masare pecapũ wahaboriquinare yũhũdogũ ahtau ni. Masare dutipegũ tagũ niedũ, nidi Jesu usãre.

*Pũaro caperi bajueyequinare ihñagũ
 yeahye Jesu*

(Mr 10.46-52; Lc 18.35-43)

²⁹ Sa ye Jericõpũ ijirina usã wahagũ peyequina masa Jesure nanũ tãri. ³⁰ Sa ye Jesu tiqiro yũhũdagũ pũaro caperi bajueyequina maha dahũ cahapũ dujiyequina tuhõri. Sa tuhõye, ohõ saha ni sañuducuri:

–Pũhto, Davi mũnano panami iji turiagu, masare yũhũoacãũ, usãre paja ihñaña, ni sañuducuri.

³¹ Tiquina sa ni sañuducugũ masa pehe tiquinare tuhtiri.

–Dihta mariahña, nidi masa tiquinare.

Tiquina sa tuhtigũ tuhõye, to pano tiquina sañuducuri yũhũoro sañuducuri nemori iji.

–Usã pũhto, Davi mũnano panami iji turiagu, usãre paja ihñaña, ni sañuducuri nemori.

³² Tiquina sa nigũ tuhõro Jesu esadũca, tiquinare pijio, sinituri:

–¿Dũhse yũhu yegũ cahmeajari mũsa? ni sinituri.

³³ –Pũhto, usãre ihñagũ yeya, ni yũhtiri tiquina.

³⁴ Tiquina sa nigũ Jesu tiquinare paja ihñari. Sa paja ihñano tiquina caperire ña peori. Tiqiro sa ña peogũta tiquina pehe ihñaa wahari. Sa ihñañe, tiqirore nanũ tã cãa wahari.

21

Jerusalēpu esahye Jesu

(Mr 11.1-11; Lc 19.28-40; Jn 12.12-19)

¹ Sa ye Jerusalēpu esana tana Betfagē wame tiri macarpu esa mūhtau usā Jesu mehna. Cūnu Olivo wame tidu caharpu Betfagē ijiri. Topu esaro, usā tiquiro buhena mehna cjenare puaro Jesu tiquiro pano oho mūhtari. ² Ohō saha dutiri tiquinare:

—Si macarpu burroare nena wahaya. Topu esana, duita burrore ticoro macanogā mehna tiquina duhte dicoricorore bocanata. Tiquinare boca, yuta dare pā, ne cāhta basaya yuhare. ³ Musa sa yegū ihñano, burroa uparo “¿Dahsena tana burroare pājari mūsa?” tiquiro nigū tuhona ohō saha ni yūhtiya. “Mari puhtoro burroare cahmedī. Sa yero mianogā wiarota tiquiro”, ni yūhtiya tiquirore, ni duti ohori Jesu puaro tiquiro buheyequinare.

⁴ Sa yeri Cohācjū yere yahu mūhtariquiro tiquiro ni ojoariro sahata. Ohō sahata ni ojoahye panorpu:

⁵ Jerusalē cjenare ohō saha ni yahuya:

—Ihñaña mūsa. Musa puhtoro mūsa caharpu ahtare. Tiquiro quehnoano masa quehnoariquiro ijire. Burro macanogā bui pesariquiro ahtarota”, ni yahuya Jerusalē cjenare, ni ojoahye panorpu.

⁶ Jesu tiquiro dutiriquina puaro ti macarpu esa, tiquiro dutiriro sahata yeahye tiquina. ⁷ Burrore, ticoro macanogā gūhare ne cāhta, tiquina bui sañañe suhtire tu we ne, burrogā bui duhu peori tiquina. Tiquina sa yeri bato Jesu tiquirogā bui mūja pjeri, waharo taro. ⁸ Mūja pje tuhasa, tiquirogā bui Jerusalēpu wahari. Tiquiro ahtagā ihñaña masa peyequina tiquina bui cje suhtire tu we ne, seō cū mūhtari tiquiro wahari mahare, Jesure ño peoye. Apequina pehe pūri tiye dāpurire maharpu cū mūhtari tiquirore ño peoye. ⁹ Sa ye tiquiro pano wahayequina, tiquiro bato nanu tāñequina mehna sañuducuri:

—Davi panamino iji turiariquirore marine yuhduoatiquirore ño peouhna. Ahriquiro Cohācjū ohoriquiro quehnoano ijjahro. Uhmuse cjanore “Tutuagū ijire”, ni ño peouhna, ni sañuducuri masa.

¹⁰ Sa ye Jerusalēpu tiquina esagū to cjenā pehe ihña maria wahari.

—¿Noa ijjajari ahriquiro? ni cahme sinirtu tiquina.

¹¹ Apequina masa yahtiri:

—Ahriquiro Cohācjū yere yahu mūhtariquiro Nazare cjanore Jesu wame tiriquiro ijire, ni yahuri tiquina masare.

Cohācjū wuharpu esahye Jesu

(Mr 11.15-19; Lc 19.45-48; Jn 2.13-22)

¹² Came Cohācjū wuharpu esari Jesu. Ti wuharpu esa, sañañe wahari. Ti wuharpu duayequinare, dūyequina gūhare cohā wiori tiquiro. Sa yero niñeru comesaye mesarire ne majare cū mūjari. Bujuaare duayequina tiquina dujiye pahitari gūhare sata yeri. ¹³ Sa yero tiquinare ohō saha nidi:

—Cohācjū yere tiquina ojoari pūpu ohō saha nine: “Ya wuhū Cohācjū mehna yahuducuri wuhū wame tirota”, nimene tiquiro ojoari pūpu. Mūsa pehe ahri wuharpu duana mūsa basi cahme yaquere mūsa, nidi tiquiro tiquinare.

¹⁴ Tiquiro sa yeri bato caperi bajueyequina, tini masieñequina gūhu Cohācjū wuharpu tiquiro caharpu wihiri. Tiquina sa wihigū tiquinare yuhdagū yeri tiquiro. ¹⁵ Sa quehnoañene tiquiro yegū ihñañe, pahia puhtoa, marine judio masare buheyequina gūhu usuari tiquiro mehna. Sa ye macanogā Jesure “Davi panami iji turiagu, masare yuhduoacjū, tutuagū ijire mūhu”, tiquina ni ño peogū tuhoye usuari pari turi tiquina. ¹⁶ Sa usuaye ohō saha nidi Jesure:

—¿Tiquina sa nigū tuhoerajari mūhu? Sa niedacāhdo, ni tuhtiri tiquina Jesure.

—Tiquina sa nigū tuhoaja. ¿Cohācjū ojoari pūpu ahrire ne buherari mūsa?

Macanagāre Cohācjūre quehnoano ño peogū yeri mūhu, nine Cohācjū yere tiquina ojoari pūpu, nidi Jesu.

¹⁷ Sa ni tuhasa tiquinare cohā cā, Betania wame tiri macarpu esa, ti ñamine topu ijiri.

Jesu higuerağure yaria dutiahye

(Mr 11.12-14, 20-26)

¹⁸ Ape deco bohrearopu Jerusalēpu tojoaro, ujuha ahbari Jesu. ¹⁹ Sa ujuha ahbaro, maha duhtu caharpu ijjidū higuerağure wame tidare ihñano, tu dūcare macano wahamedī. Dūca mariedari tu pehe. Pūri dihita ijiri. Tu sa ijjigū ihñano Jesu tare ohō saha nidi:

—Ahdū ne pari turi dūca tisi, nidi tiquiro.

Tiquiro sa nigūta duita tu pehe ñaia wahari. ²⁰ Tu sa wahagū ihñana usā tiquiro buhena ihña maria waharpu.

—¿Yohou, dahsero ahdū duita ñaia waharjari? ni sinituu usā.

²¹ Jesu yahtiri:

—Ahrire wacūña mūsa. Cohācjūre quehnoano wacū tutuaya. “Potota sa yerota tiquiro”, nina, ahdure yuhū yeriro sahata ye masinata mūsa gūhu. Sa yena ahdure yuhū yaria dutiriro yuhduoro ye masinata mūsa. Ahdū canure “Duha ne, pajiri mapu cohādu ijjahro”, mūsa nigū duha cohādu ijjirota. ²² Cohācjūre mūsa wacū tutuagū, “Yuhū sinidiro sahata waharota”, mūsa ni wacūgū mūsa sinidiro sahata waharota, nidi Jesu usāre.

Jesure dutiriquirore sinituahye apequina

(Mr 11.27-33; Lc 20.1-8)

²³ Sa ye Cohācjū wuhupū tojoa sa, buheri tiqiro. Tiquiro sa buhegū pahia pūhtoā, mari judio masa bācūna mehna tiqiro cahapū wihi, sinituri:

—¿Duhsegu canū űamicahare sa yeari mūhū? ¿Noa mūhare tire sa ye dutiari? ni sinituri tiquina.

²⁴ Tiquina sa nigū Jesu yūhtiri:

—Musa pehere sinitu māhtagutja. Quehnoano yūhare masa queoro yūhtigū masare yahutja yūhū gūhū. ²⁵ ¿űu masare tiqiro wame yegū noa boro pehe tiqirore wame ye dutiyari, masa tūhotugū? ¿O Cohācjū dutierayari? ¿O masa pehe dutiyari, masa tūhotugū? ni sinituri Jesu tiquinare.

Tiqiro sa nigū tiquina pehe tiquina basi ohō saha nidi:

—¿Duhse ni yūhtinatari mari? “Cohācjū űure dutie tiahye”, mari nigū, “¿Duhseña űu tiqiro dutiepegūta tūho duerari masa?” niboaga Jesu marine. Sa yena “Cohācjū űure dutie tiahye”, ni yūhti masiedaja mari.

²⁶ Ahriquina masa pehe “Potota űu Cohācjū yere yahu māhtariqiro ijiri”, ni tūhoturi tiquina. Sa ni tūhotuye “űu tiqiro wame yegū Cohācjū pehe tiqirore dutierahye”, mari nigū tūhoye masa usueta mari mehna. Sa yena ti gūhare yahu masiedaja mari, nidi tiquina basi.

²⁷ Tiquina sa nidi bato Jesure yūhtiri tiquina.

—űure wame ye dutiriquirore usā masiedaga, nidi tiquina.

Tiquina sa nigū tūhoro ohō saha nidi Jesu:

—Tī pje pūrita yūhū gūhū masa sinitu māhtarire yahueraja masare. Yūhū yerire dutiriquirore yahueraja masare, nidi tiqiro tiquinare.

Pūaro pacūro queoyere yahuahye Jesu

²⁸ Tiqiro sa nidi bato Jesu queoye mehna buhe nemori tiquinare:

—¿Ne, duhse tūhotuajari masa ahri queoyere? Pūaro pacūro ijiahye. Wahmino pehere ohō saha niahye tiqiro pacūro: “Macū, wesepū dahragū wahaya”, niahye.

²⁹ “Wahaeraja”, ni yūhtimahye tiqiro macūno cōā warore. Sa nieperota camepūre wesepū waha duaro ijiahye tiqirore. Sa yero wahahye tiqiro.

³⁰ Sa yero tiquina pacūro tiqiro macūno dūhsariqiro cahapū esa, tiqiro wahminore tiqiro dutiriro sahata wesepū waha dutimahye. “Au”, nimahye dūhsariqiro. Sa nieperota wahaerahye tiqiro. ³¹ ¿Diquiro pehe tiqiro pacūro dutiriro sahata yeari? ni sinituri Jesu.

—Tiqiro wahmino pehe yeahye, ni yūhtiri tiquina.

Tiquina sa nigū Jesu yahuri:

—Mūsare niita niaja. Wapa ne cohteyequina, amūa mehna űano yeducuye numia tiquina buipū waro masa pehe űa yūhūana ijire. Sa ye Cohācjū pūhtoro ijirōpūre masa esaborirore tiquina pehe mūsare esa māhtaboaga. ³² űu wame yeriquiro buhero mūsare “Quehnoano yeya”, ni yahumedi. Sa tiqiro yahugū dūhsariqiro pacūrore tiqiro yūhtieririro sahata tiqirore tūhoerari masa. Sa yena tiqirore yūhtierari. Wapa ne cohteyequina pehe, amūa mehna űano yeducuye numia gūhū tiqirore tūhori. Tiquina sa tūhogū ihūari masa. Masa sa ihūaepenata tiqirore ne tūho duerari. Sa yena tūhoerari mūsare, nidi Jesu pahia pūhtoare, mari judio masa bācūna gūhare.

űaűequina dahra cohteyequina queoyere yahuahye Jesu

(Mr 12.1-12; Lc 20.9-19)

³³ Sa ye Jesu pari turi queoye mehna ohō saha ni tiquinare buhe nemori:

—Apeye queoyere tūhoya masa. Dihta cūoriqiro ijiahye. Tiquiro ya dihtapū uhse darire oteahye. Ote tuhasa, sahrūnōre ye tuhasa, uhserē tiquina cūhta mātoati copere sehe, ahmūari wūhugū yeahye.

‘Sa yero ti wesere apequinare ihcā pehe pahre pahma cūahye. Sa yero ti wesere tiquinare ihūa ihbo duti, ape yehpapū wahā wahahye tiqiro. ³⁴ Sa ye uhse űidi pje ijigū wese upūro tiqiro cahacjēnare wesere ihūa ihboyequina cahapū ohoahye. Wese cjē tiqiro oteri dūcare tiqiro ya pahre cjē dūcare ne dutiro ohomahye. ³⁵ Sa ye wesere ihūa ihboyequina pehe tiqiro cahacjēnare űano yeahye. Ihcāqirore tutuaro quē, apeqirore wejē, apeqirore utā mehna doqueahye. ³⁶ Came wese upūro pari turi tiqiro cahacjēnare tiqiro oho māhtariquina yūhūo cjūno ijiri curuare ohomahye tja. Sa ye wesere ihūa ihboyequina tiquina gūhare mānanota yeahye tja.

³⁷ ‘Sa yero tiqiro oho bato tiriquiro tiqiro macūno ijiahye. “Yūhū macū pehere űo peota”, nino tiqirore ohomahye.

³⁸ Tiquiro sa ni tūhotuepegūta wesere ihūa ihboyequina tiqiro macūno ahtagū ihūaűe, ohō saha niahye: “Wese upūro macūno ijire ahriqiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi. ³⁹ Sa niűeta tiqirore űehe, wese dūhtū cahapū ne cā, wejēahye tiquina tiqirore.

⁴⁰ ¿Ne, wese upūro ahtaro dūhse yerotari tiqiro wesere ihūa ihboyequinare? ni sinituri Jesu pahia pūhtoare, bācūna gūhare.

⁴¹ Tiquiro sa nigū tiquina yūhtiri:

—Tiqiro apequinare wesere ihūa ihboatiquinare comesarota iji māhtaűequinare űa yūhūayequinare wejēno taro. Tiquirore

queoro ducare tu watiquina pehere ihña ihbo dutirota, ni yuhtiri tiquina.

⁴² Tiquina sa nigäta Jesu yahu nemori tiquinare:

—¿Cohäcjä yere tiquina ojoari püpa ahrire yuhare tiqiuro ni ojoarire ne buherari musa?

Ahriqiuro Cristo utä yero saha ijire. Utäre wuhä dahreyequina tiquina cohäno saha masa tiqiurore cohäeta. Tiquina sa yepegäta vojopäre wuhä dahreyequina wuhare yeye tiquina cü mühtaria utäre tiquina cüno saha Cohäcjä tiqiurore puhtoro söri. Cohäcjä pehe ahrire yeri. Tiquiro sa yegü ihñana, “Quehnoa yuhduare”, ni, tuhotuaja mari, ni ojoahire panopa.

¿Tire ne buherari musa? ⁴³ Musare niita niaja yuhä. Cohäcjä tiqiuro puhtoro ijiro musa ijiato ijiboaga. Tiquiro puhtoro ijirore apequina pehere musa ijiBORIRORE ohorota Cohäcjä. Apequina masa pehe tiqiuro dutiro sahata yeeta. [⁴⁴ Ijipihtiyequina tia utä bui doque queheyequinare müta sitea wahaeta. Sa yero tia utä pehe masüno bui bora pjero mütaa wahagü yerota tiqiurore. Tiquiro pagü mananore daye manarigä wahagü yerota. (Sata yuhare ño peo dueyequina yuhä buhiri dahreatiquina ñano yuhdueta.)] nidi Jesu pahia puhtoare, mari acaye judio masa bucäna gähare.

⁴⁵ Ti queoyere tiqiuro nigü tuhoye, “Sohö tiqiuro yahu mühtari queoye, wesere ihña ihboyequina queoye mehna marine nino niaga tiqiuro”, ni tuhoturi tiquina. ⁴⁶ Sa ni tuhotuye, tiqiurore ñehe duamedí. Masa pehe Jesure ño peo, “Cohäcjä yere yahu mühtariqiuro ijire tiqiuro”, niñequina ijie tiri tiquina. Tire masiñe, pahia puhtoa, bucäna mehna masare cueye, Jesure ñehedari.

22

Pajiri bose deco cjë queoyere yahuahye Jesu

(Lc 14.15-24)

¹ Sa ye pari turi queoye mehna tiquinare buhe ducari Jesu.

² —Ühmuse cjäno puhtoro ijiro ahri queoye yero saha ijire. Ihcä yehpa cjëna puhtoro ijiahye. Sa yero tiqiuro macäno ya deco bose deco yeahye. Tiquiro omoca dakteri bose deco ijiahye. ³ Sa yero puhtoro tiqiuro cahacjënare bose decore ihñañe ahtatiquinare piji dutiro ohomahye. Tiquina pehe ahta duerahye. ⁴ Sa yero apequinare piji dutiro ohomahye tja tiqiuro cahacjënare. “Yuhä pijioriquinare ohö saha ni yahuya. ‘Mari ihyatire dahre tuhasari. Wecüare, wecüagä dihi tiyequinagä gähare wejë tuhasari. Sa yero ijipihtiro bose deco cjë ijiatire quehno tuhasari. Sa yena

bose deco cjëne ihyana ahtaya’, ni yahuya tiquinare”, ni ohomahye puhtoro tiqiuro cahacjënare. ⁵ Tiquina sa yahuri bato tiqiuro pijionohriquina sa tuhotu cähye.

Bose decore ihñañe wahaerahye. Ihcäqiuro tiqiuro ya wesepü wahaah wahahye. Apeqiuro tiqiuro dahrayere ihñano wahahye. ⁶ Apequina pehe tiqiuro cahacjënare ñehe, tiquinare ñano ye, wejë cähye. ⁷ Tiquina sa yegü tuhoro, puhtoro pehe usuahye. Usua, tiquina sa wejëdi buhiri buhiri dahre dutiro tiqiuro surarare ohoahye. Sa ye surara tiquinare wejë peho, tiquina ya macare üjüa cähye. ⁸ Tiquina sa yeri bato, puhtoro tiqiuro cahacjënare ohö saha niahye:

“Bose deco cjë ijiatire quehno tuhasamedí. Sa ijepegäta yuhä pijio mühtariquina yuhä bose decore ihñaboriquina ijierare. Ñañequina ijiri tiquina. ⁹ Sa yena macare ijie maharipü dähse ijieyequina musa boca sayequinare bose decore ihñatiquinare pijiya”, niahye tiqiuro cahacjënare. ¹⁰ Tiquiro sa nigü tiqiuro cahacjëna maharipü waha, ijipihtiyequinare tiquina boca sayequinare, ñañequina, quehnoañequina gähare yahuahye. Tiquina sa pijiri bato esahye tiquina pari. Quehnoano ti bose deco tiquina yeri tucüre masa wahpa yuhduah wahahye.

¹¹ Topü tiquina dujigü puhtoro pehe ihcäqiurore omoca dakteri deco cjä suhtirore sañeniquirore ihñahye. ¹² “¿Ne yahu acaya, dähse yegü omoca dakteri deco cjä suhtirore sañedapeguta sajä tari mühu?” ni sinituahye puhtoro.

Tiquiro sa sinitugü masüno pehe yuhtierahye. ¹³ Tiquiro sa yuhtieragü ihñano tiqiuro cahacjënare ohö saha niahye: “Ahriqiurore omocarine daktere. Tiquiro dahpocäri gähare daktere. Daktere tuhasa ne wijia, sopecahapü cohäna tiqiurore nahitianopa. Topü tiqiuro tutuaro uti, bujua witiro mehna bahque dihoroata”, niahye puhtoro, ni yahuri Jesu.

¹⁴ Tiquiro sa nidi bato ohö saha ni bato tiri tiqiuro:

—Ahri queoye ijiro saha Cohäcjä peyequina masa tiqiuro pijioriquina ijiepete meheñequinagä tiqiuro mehna tojoaeta, ni yahu bato tiri Jesu.

Puhtoa ye wapare apequina sinituahye Jesure

(Mr 12.13-17; Lc 20.20-26)

¹⁵ Tiquiro sa nidi bato fariseo masa waha, tiqiurore tiquina yahusätire tiquina basi yahuducuahye. Tiquiro ñano yuhtigü tuho duaye nimahye tiqiurore yahusäñe tehe. ¹⁶ Sa yahuducuye tiquina mehna cjënare, Herode ya curua cjëna gähare Jesure sinitu dutiye ohoahye. Tiquina pehe Jesu cahapü wihi, tiqiurore meje cü sinitumedi:

–Buhegū, poto yahuducugū ni mehoñe mariegu muhu ijigū masiaja usā. Cohācjū yere queoro muhu yahugū gūhare usā masiaja. Sa yegu ihcāquiro puhtoro waro ijiepegāta tiquiro gūhare dōyaro marieno potota yahure muhu. ¹⁷ Sa yegu usāre yahuya. ¿Roma cjāno ijipihtiequina puhtoro yere marine wapa yero cahmeajari, muhu tuhutugū? ¿Mari dutiye wapa ye dutiajari, muhu tuhutugū? ni sinitumedi tiquina Jesure.

¹⁸ Tiquina sa nigū tūhoro tiquirore tiquina ñano ye duayere masino ohō saha nidi:

–Masa ihñono dihita quehnoano iji mehona ijire masa. ¿Duhsena yuhu ñano yahuducugū tūho duajari masa? ¹⁹ Yojoṗare niñeru cjoere puhtoare wapa yeati cjoere ne cāhtaya. Ti cjoere ihñahna, nidi tiquiro.

Tiquiro sa nigū tūhoye niñeru cjoere ne cāhtari tiquina.

²⁰ Sa yero tiquiro sinituri tiquinare:

–¿Noa boro queoye wahñajari ahri cjoere? ¿Noa boro wame wahñajari? ni sinituri.

²¹ –César, masa ijipihtiequina puhtoro queoye, tiquiro wame gūhu wahñare, ni yahtiri tiquina.

Tiquina sa nigū tūhoro Jesu yahuri:

–Ti pje pūrta masa ijipihtiequina puhtoro yere tiquiro pehere ohoya. Cohācjū yere Cohācjū pehere ohoya, nidi Jesu.

²² Tiquiro sa nigū tūhoye, tūho maria waha, waha wahari.

Saduceo masa Cohācjū tiquiro masoñene sinituayeh Jesure

(Mr 12.18-27; Lc 20.27-40)

²³ Sa ye ti decota ihquēquina saduceo masa Jesu caharu wihiri. Saduceo masa pehe “Cohācjū yariariquinare masosi”, ni tuhutuequina ijiri. Sa ye ohō saha nidi tiquina tiquirore:

²⁴ –Buhegū, ohō saha ni buheahye Moise: “Ihcāquiro wahmino namo tiriquiro pohna mariedaperota yariagū ihñano tiquiro baharore tiquiro wahmino namono ijiricorore nūoano cahmene. Sa yero wahmino mūnāno tiquiro pohna tiboriro saha pohna tiro cahmene tiquiro baharore. Sa ye tiquiro pohne tiquiro wahmino mūnāno pohne yero saha ijieta”, ni ojoahye Moise, nidi tiquina saduceo masa.

²⁵ Tire sa ni yahu tuhāsa ahri queoyere yahu nemori tiquina Jesure:

–Ihcāquiro masūno ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bahuro gūhu tiquiro wahmino namono ijiricorore nūoahye. ²⁶ Sa nūoari bato tiquiro wahmino yero sahata pohna mariedaperota yariaa wahahye tja. Sa yero ahriquiro bahuro

tiquiro wahmino mūnāno yero sahata pohna mariedaperota yariaa wahahye. Sa dihita wahahye ihcāquiro pohne waro. Ne pohna mariedapeta yariaa pihita wahahye tiquina. ²⁷ Tiquina namono ijiricoro gūhu tiquina bato yariaa wahahye. ²⁸ ¿Cohācjū ijipihtiequinare yariariquina mūnāre tiquiro masogū diquiro boro namono pehe ijiboagari ticoro? Tiquina ijipihtiequina ticorore namo tiriquina mūna ijiahye. ¿Sa yero diquiro namono pehe ijiboagari ticoro pototi? ni sinituri tiquina.

²⁹ Jesu yahtiri tiquinare:

–Cohācjū yere tiquina ojoari pūre, tiquiro masiñe gūhare ne masiedare masa. Sa ye masa tuhutue pehe ne poto ijierare. ³⁰ Yariariquina mūna tiquina masa mūjari bato tiquina angele yero saha ijire. Namō marieñequina, manū marieñe numia ijire topare. ³¹ Yariariquina mūna tiquina masa wūjiato pehere masare yahutja. ¿Cohācjū masare tiquiro nidire ne buherari masa? Ohō saha niahye tiquiro. ³² “ ‘Yūhu Abrahā, Isaac, Jacob tiquina puhto ijiaja’, nine Cohācjū”, ni ojoahye panopare. Tiquina yariari bato “Tiquina puhto ijiaja”, ni yahuahye Cohācjū. Sa nieperota yariariquina mūna puhtoro ijierare Cohācjū. “Tiquina puhto ijiaja”, tiquiro niñe mehna catiequina tiquina ijigū masiaja mari. Tiquiro catiequina puhtoro ijire, ni yahuri Jesu tiquinare.

³³ Tiquiro sa ni buhegū tūhoye peyequina masa tūho maria wahari.

Quehnoa yūhduari dutirore yahuahye Jesu

(Mr 12.28-34)

³⁴ Sa ye saduceo masa Jesure tiquina yahti masiedagū tūhoye, fariseo masa pehe tiquiro caharu cahmecoari. ³⁵ Sa yero tiquina mehna cjāno marine judio masare buheriquiro pehe Jesu tiquiro ñano nigū tūho duaro meje cū sinitumedi tiquirore.

³⁶ –¿Buhegū, Cohācjū ye dutiro quehnoa yūhduari dutiro noho pehe ijiajari, muhu tuhutugū? ni sinituri tiquiro.

³⁷ Jesu tiquirore yahtiri:

–“Tutuarō masa jeripohna mehna, masa tutuaye mehna, quehnoano masa wacūñe mehna Cohācjūre cahñā”, nine Cohācjū.

³⁸ Ahri dutirota ijire quehnoa yūhduari dutiro apeye dutiye yūhduro. ³⁹ Ahri dutiro bato apero dutiro quehnoa yūhdare: “Mūhu basi mūhu cahñā saha mūhu caharu ijieyehna gūhare cahñā”, nine Cohācjū. ⁴⁰ Ahri pua dutirota apeye dutiye gūhare masi pehogū yere. Ahri pua dutirore yena, ijipihtie apeye dutiyere ye pehona niaja mari. Cohācjū yere yahu mūhtariquina panopu tiquina ojoari gūhare yena niaja mari, ni yahuri Jesu.

*Cristo Davi manano puhtoro ijire
(Mr 12.35-37; Lc 20.41-44)*

⁴¹ Sa ye fariseo masa topu cahme-coañequina tiquina ijigū Jesu tiquinare sinituri:

⁴² —“Cristo Cohācjū tiquiuro ohoatiquiuro ijire”, nine masa. ¿Noa boro ijajari tiquiuro ñecano manano panopu cjāno, masa tuhotugū? nidi tiquiuro.

—Cristo Davi manano panamino iji turiariquiuro ijirota, ni yahtiri tiquina.

Jesu yahuri:

⁴³ —¿Cristo Davi manano panamino iji turiariquiuro tiquiuro ijigū dahse yero Davi pehe puhtoro tiyari Cristore? ¿Dahse yero sa puhtoro ti dutiyari Espiritu Santo tiquiore? Ohō saha niahye Davi:

⁴⁴ Cohācjū yuhu puhtorore ohō saha nidi: “Ohōru yuhu poto peheru dujiya. Sa yegu mahare ihña tuhtiyequinare mahare yuhduca basautja yuhu”, nidi Cohācjū yuhu puhtorore, ni ojoahye Davi.

⁴⁵ Sa ni ojoarota Davi puhtoro tiahye Cristore. ¿Davi Cristo ñecano iji turiariquiuro ijiro dahse yero tiquiuro puhtoro tiyari Cristore? Cristo Davi puhtoro ijire, ni yahuri Jesu.

⁴⁶ Tiquiuro sa ni yahugū tiquina tiquiore ne yahti masiedari. Sa ye to punota sinitu duhu cāri tiquina tiquiore. Sa ye cueye, pari turi sinituerari tiquiore.

23

*Judio masare buhyequina, fariseo masa gāhu tiquina ñano yeyere yahuahye Jesu
(Mr 12.38-40; Lc 11.37-54; 20.45-47)*

¹ Sa ye peyequina masare, usā gāhure Jesu yahuri tja.

² —Marine judio masare buhyequina fariseo masa gāhu Cohācjū dutiye Moisere tiquiuro cūrire yahuyequina ijire tiquina.

³ Tiquina sa yahuyequina ijigū masare tiquina yahuriro sahata tire ye pehoya masa. Sa yepenata tiquinare ihña cūedacāhña masa. Tiquina buheriro sahata yerare tiquina. ⁴ Masare peye dutire tiquina. Sa dutiepetā tiquina dutiro saha masa yeragū ihñañe tiquinare yedohoerare.

⁵ Masa tiquina ihñono dihita quehnoano ye ihñomene tiquina. Cohācjū yere tiquina ojoari pūre tiquina duhu sñe acarigāre, buju cjuñe acarigāre tiquina wñhoda bui dahte yori, masare ihña dutiye. Tiquina omocari gāhure dahte yori. Sa ye tiquina suhti tu pjeri da bui tiquina ohōri da ehosa yuhduari da ijire. Cohācjūre tiquina ño peorire masa pehere ye ihñone nimene tiquina. Ti queoro ijierare tiquina sa ye ihñone. ⁶ Sa ye bōse decori ijigū puhtoa tiquina dujiyepu duji duare. Sa

ye judio masa mari buheye wñhusepu gāhure quehnoañe dujiye pahtari dihitate cahmene tiquina. ⁷ Sa ye doeri cjē duaropu apequina puhtoare quehnoano ño peo tiquina sinino saha tiquina piti cagū cahmene tiquina. Tiquinare “Buegu”, masa tiquina ni pisugū cahmene.

⁸ ‘Apequina masare pisuye “Buegu”, niedacāhdo. Masa ijipihitina ihcāno saha ijina nine. Sa yegu masare buhegu ihcāta ijiaja. ⁹ Sa yena ahri yehpa cjēnare “Mari pacu”, nina tiquinare ño peona niaga. Ne sa niedacāhña. Ūhmuse cjāno dihita mari Pacu ijire. Tiquiuro dihitate ño peoro cahmene marine. ¹⁰ Sa yena masanore “Puhto”, niedacāhña. Masa puhto yuhu Cristo pehe ihcāta ijiaja. ¹¹ Cahacjāno yero saha masare yedohoriquiuro tiquiuro ijire masa puhtoro ijiatiquiro. ¹² Ihcāquiuro puhtoro iji duaro tiquiore ihyo ijiriquiro yero saha ijiro cahmene. Sa yero “Ihyo ijigu ijiaja yuhu”, ni tuhoturiquiuro pehe puhtoro ijirota, ni yahuri Jesu.

Judio masare buhyequina, fariseo masa mehna tiquina ni mehoñene yahuahye Jesu

¹³ Tiquiuro sa nidi bato tiquinare yahu nemori:

—Masa judio masare buhena, fariseo masa gāhu ñano yuhduata. Masa ihñono dihita quehnoano iji mehona ijire masa. Sijoro saha masa buhegu tuhoeye masa pehe Cohācjū puhtoro ijirorure wahasi. Masa gāhu topure wahasi. Sa yena topure waha duayequinare cahmotare masa.

[¹⁴ ‘Masa judio masare buhena, fariseo masa gāhu ñano yuhduata. Masa ihñono dihita quehnoano iji mehona ijire masa. Wape wiha numia ye wñhūserē tiquina cwoye gāhure ehmare masa tiquina numiare. Sa yena yoari pje masa ihñonopu Cohācjūre sini ihñomene masa masare. Masa sa yeri buhiri peyequina yuhduoro Cohācjū buhiri dahrerota masare.]

¹⁵ ‘Masa judio masare buhena, fariseo masa gāhu ñano yuhduata. Masa ihñono dihita quehnoano iji mehona ijire masa. Pajiri mapu pehā, yoaro cjē yehparipu wahare masa, masa dutiyere yeatiquiore macana tana. Masa dutiyere yeatiquiore boca, tiquiore buhere. Masa sa yegū tiquiuro pehe masa yuhduoro pecapu wahatiquiuro ijirota.

¹⁶ ‘Masa ñano yuhduata. Caperi bajueyequina tiquina ihña masieno saha masiena ijire masa. Sa ijiepenata apequinare buhemene masa. Ohō saha ni buhemene masa: “ ‘Cohācjū wñhu mehna yuhu nino sahata yeitja’, nidiquiro, tiquiuro nidiro sahata yerapegūta quehnoanota”, ni buhemene masa. “ ‘Cohācjū ya wñhu cjē uru mehna yuhu nino sahata yeitja’, nidiquiro tiquiuro pehere tiquiuro nidiro

sahata ye sohtori tiro cahmene”, ni ti gūhare buhemene masa. ¹⁷ Caperi bajueyequina tiquina ihña masieno saha masiena ijire masa. Tuho masiena ijire. ¿Dise boro pehere ño peoro cahmeajari? Urure ño peoraro cahmene. Cohācjū pehe ti uru ti wuhupū ijigū quehnoañe ijigū yere tire. Sa yena ti wuhū pehere ño peoro cahmene masare. Sa ye masa buheye pehe queoro ijierare. ¹⁸ Ahri gūhare buhemene masa: “Cohācjū wuhū cjā altar mehna yuhū nino sahata yeitja”, nidiquiro tiquiro nidiro sahata yeragū quehnoanota”, ni buhemene masa. “Ti altar bui ijije mehna Cohācjūre tiquina ohori mehna yuhū nino sahata yeitja”, nidiquiro tiquiro pehere tiquiro nidiro sahata ye sohtori tiro cahmene”, ni buhemene masa. ¹⁹ Caperi bajueyequina tiquina ihña masieno saha masiena ijire masa. ¿Dise boro pehe ti waro ijiajari, masa tūhotugū? Cohācjūre masano tiquiro ohori ti waro ijiera cjūre. Ti altar bui Cohācjūre tiquiro ohogū, quehnoañe wahare ti altar bui ijije. Sa yero ti altar pehe ihyo ijiri altar ijierare. Cohācjūre tiquina ohori bui cjūnogā quehnoari altar ijire. ²⁰ Sa yero “Cohācjū wuhū cjā altar mehna yuhū nino sahata yeitja”, ihcāquiro nino, ti altar bui cjē tiquiro ohori mehna sa nino niaga. Sa ye masa buheye pehe queoro ijierare. ²¹ Sa yero “Cohācjū wuhū mehna yuhū nino sahata yeitja”, ihcāquiro nino, potota Cohācjū mehnata sa ninota niaga. Cohācjū ti wuhū cjāno ijire. ²² Sa yero “Uhmuse mehna yuhū nino sahata yeitja”, ihcāquiro nino, Cohācjū ijirorū mehnata sa nino niaga. Sa yero Cohācjū mehnata sa nino niaga. Tiquiro pehe to cjāno ijire. Sa ye masa buheye pehe queoro ijierare.

²³ Masa judio masare buhena, fariseo masa gūhū ñano yuhdanata. Masa ihñono dihita quehnoano iji mehona ijire masa. Moa yero saha ijijere ihyayere ocagū yeyere cūona mehenogā ohomene masa. Cohācjūre ño peona tana pahiare ohomene masa. Mehenogā ohomene masa. Menta, anís, comino wame tiye ocagū yeyere ohomene masa. Sa ohoopenata quehnoañene yerare masa. Sa yena masare paja ihñedare masa. Sa yena Cohācjūre wacū tutuere masa. Oteye dūcare masa nedire mehenogā pahiare masa ohogū quehnoare. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre wacū tutuaya. ²⁴ Caperi bajueyequina tiquina ihña masieno saha masiena ijire masa. Ohō saha yere masa: Masa ye dutiyere ye dutina, ihyo ijijegā warore dutiyere yere masa. Sa yepenata Cohācjū pototi tiquiro dutiye warore yerare masa.

²⁵ Masa judio masare buhena, fariseo masa gūhū ñano yuhdanata masa. Masa

ihñono dihita quehnoano iji mehona ijire masa. Masa waparire, masa sihñiñe wajarire bui masa cosero saha quehnoañene ye ihñore masa buigā warona. Sa yepenata Cohācjū yere queoro yerare masa. Apequina yere ehmana, masa basi dihita bajuyere ne duana ijire masa. Sa dihita tūhoture masa. ²⁶ Caperi bajueyequina tiquina ihña masieno saha masiena ijire masa fariseo masa. Masa jeripohnarine comesaya masa. Quehnoañe pehere yeya. Masa sa yena masa tiquina ihñonorū quehnoana ijinata masa.

²⁷ Masa judio masare buhena, fariseo masa gūhū ñano yuhdanata. Masa ihñono dihita quehnoano iji mehona ijire masa. Masa cope, yehseye mehna tiquina wisōri cope yero saha ijire masa. Masa ti copere tiquina ihñagū quehnoari cope bajure. Sa bajuepegūta, puhaparū ahbariquirore, tiquiro cohārine, ñañene ihñedare tiquina. ²⁸ Sata masa gūhū masa ihñonorū quehnoañequina yero saha bajumene masa. Sa quehnoañequina yero saha bajuna masa ijiepegūta masa tūhotuyepū ñañe, ni mehoñe iji yuhduare ahbaye yero saha, ni yahuri Jesu.

Judio masare buheyequina, fariseo masa gūhare tiquiro buhiri dahreatire yahuahye Jesu

²⁹ Sa ni tuhasa ohō saha ni yahu nemori tiquinare:

—Masa judio masare buhena, fariseo masa gūhū ñano yuhdanata. Masa ihñono dihita quehnoano iji mehona ijire masa. Cohācjū yere yahu muhtañequina panorū cjēna tiquina masa copere quehnoano quehnomene masa, tiquinare ño peoro saha yena. Sa yena quehnoano yeyequina muna tiquina queoyere masa yeri queoyere quehnoano quehnomene masa.

³⁰ Sa yena ohō saha niducumene masa: “Panorūre usā ñecusumua iji turiayequina muna tiquina yeriro saha usā pehe yeraboaga. Ti jepu ijijequinare Cohācjū yere yahu muhtariquinare usā wejēdaboaga”, niducumene masa. ³¹ Sa nina masa ñecusumua iji turiayequina Cohācjū yere yahu muhtariquinare wejēdiquina muna tiquina yerire ihñona nine. Tiquinare wejēdiquina muna tiquina panamena iji turiana masa ijije gūhare ihñona nine masa. ³² Masa ñecusumua iji turiayequina muna tiquina yeriro sahata ye sohtori ticūnahña.

³³ Añaa yero saha ña yuhduana ijire masa. Masa ñañe yerire bujua witi duerana Cohācjū masa ñañe buhirire pecarū masare tiquiro cohāto pano duhti masiedare masa. ³⁴ Sa yegu masare niita niaja. Cohācjū yere yahu muhtariquinare, apequina quehnoano masifequinare, apequina

mūsare buheatiquinare mūsa cahapū ohoutja. Yūhū sa ohogū mūsa pehe ihquēquina tiquinare wejēnata. Apequinare curusapū quē bihanata. Apequinare mūsa buheye wūhūsepū tananata. Sa yena macariperū tiquinare űano yena, oma nūnū tānata mūsa. ³⁵ Mūsa sa yena ijipihitiyequina űaűe marieűequinare mūsa wejēdi buhiri buhiri tinata. Abe mūnanore Caī wejēdi buhiri ijipihitina mūsa gūhū buhiri tinata. Ijipihitiyequina tiquiuro bato ijiyequinare quehnoaűequinare tiquina wejēdi buhiri gūhūre buhiri tinata mūsa gūhū. Sa yena Cohācjū wūhū cahapū wahiquinare mūsa ohori altar cahapū Zacariare wejēahye mūsa. Tiquiuro pehe Berequia macūno ijiahye. Sa yena tiquiuro gūhūre mūsa wejēdi buhiri buhiri tinata mūsa. ³⁶ Ijirota mūsare yahugūta niaja. Tiquina ijipihitiyequinare tiquina wejēdi buhiri yojopū cjēna gūhū buhiri tieta, ni yahuri Jesu.

*Jerusalē cjēnare tutuaro cahāhye Jesu
(Lc 13.34-35)*

³⁷ Sa ni tuhasa ohō saha ni nemori:

—Ahyou, Jerusalē cjāna, Cohācjū yere yahu mūhtariquinare wejēdina ijire mūsa. Mūsa acaye panopū cjēna gūhū sata yeyequina mūna ijiahye. Sa yena mūsa cahapū tiquiuro ohoriquinare utā paca mehna doque wejēdina ijire mūsa. Canaca ticoro pohnene ticoro wūye dūpūri mehna ticoro moħa cuħano saha peye tahari cahiducumi mūsare. Mūsare cahmemi. Mūsa pehe yūhūre ne cahmedari. ³⁸ Yojopū mūsa ya maca cohōri maca ijirota. ³⁹ Ijirota mūsare niita niaja. Camerū ahtaatja yūhū. Sa yūhū ahtagū ihñana mūsa yūhūre “Cohācjū tutuaye mehna ahtariquiuro quehnoahdo”, ninata. Yūhūre mūsa tire niato pano yūhū tojoa tato pano pari turi yūhūre ihñasi mūsa, nidi Jesu tiquinare.

24

—Cohācjū wūhū cohāri wūhū ijirota, ni-ahye Jesu

(Mr 13.1-2; Lc 21.5-6)

¹ Sa ye Cohācjū wūhūpū ijiriquiuro Jesu tiquiuro wijia wihigū usā tiquiuro buhena ti wūhūre ti wūhū cahapū ijiye wūhūse gūhūre ihñana,

—Quehnoa yūhūye wūhūse ijicjoare. Ihñāna mūhū gūhū, ni usā tiquiore.

² Jesu yahtiri:

—Ahri wūhūse yojopure ihñamene mūsa. Mūsare yahugūta niaja. Ahri wūhūse ijipihitiye mūsa ihñari, ahri wūhūse cjē utā paca gūhūre cohā pehoeta. Ne ihcāria utā tojoasi, nidi tiquiuro usāre.

*Pihtiri deco ijiatire yahuahye Jesu
(Mr 13.3-23; Lc 21.7-24; 17.22-24)*

³ Came Olivo wame tidū cūhūpū esa, topū dujiri Jesu. Topū dujigū usā tiquiuro buhena usā sehšaro tiquiuro cahapū esau.

—Yahuya usāre. ĶDūhse ijigū sa waharotari mūhū nidiro saha waharo? ĶAhri yehparū mūhū tojoa tati deco, pihtiatu deco panogā ijigū dūhse ti waha dūcagū ihñanataru usā? ni sinituu usā.

⁴ Jesu yahtiri:

—Quehnoano yeya mūsa. Sa yena mūsare apequina tiquina ni mehoűene tūhoeracāhña. ⁵ Peyequina masa “Cristo ijiaja yūhū”, ni mehoűequina ahtaeta. Tiquina sa ni mehogū tūhoye peyequina masa Cohācjū yere duhueta. ⁶ Mūsa cahagāpū masa apequina tiquina cahme wejēgū tūhonata mūsa. Sa yena yoaropū gūhūre tiquina cahme wejēgū tūhoonata mūsa. Sa tūhooopenata ne tire pajiro wacūedacāhña. Sa waharota. Tiquina sa yegū pihtiatu deco dūhsarīnata. ⁷ Ti pjere ihcā yehpa cjēna ape yehpa cjēna mehna cahme wejēeta. Sa ye ihcāquiuro pūhtoro yequina apequiuro pūhtoro yequina mehna cahme wejēeta. Sa ye peyequina masa űjua mehna yarieta. Sa yero peye yehparipū yehpa űhūminota. ⁸ Sa wahagū ahri yehpa cjēnare tiquina űano yūhū nemoato dūhsarota ti pjere. űano yūhū nemoeta.

⁹ Ti pjere apequina mūsare űehe, űano ye dutiye ohoeta mūsare apequina pūhtoapare. Tiquina sa ohogū mūsare wejēeta. Yeequina masa ijiri buhiri ijipihitiyequina mūsare ihñā tuhtietā. ¹⁰ Ti pjere peyequina yeequina ijimediquina yūhūre cohāeta. Sa ye tiquina mehna cjēnare tiquina ihñā tuhtietā. Sa ye tiquina mehna cjēna tiquina ijiepegūta tiquinare űano yeatiquinare ohoeta tiquina. ¹¹ Ti pjere peyequina “Cohācjū yere yahu mūhtana ijiaja”, ni mehoűequina ijietā. Sa ye peyequina masa tiquina ni mehoűene tūhoeta. ¹² Ti pjere űa yūhūaro yeeta masa. Sa ye tiquina mehna cjēnare cahī nemosi. ¹³ Sa yena masa tutuana ijina, ahri yehparū mūsa catinino puno ihcāno sahana, yūhūnata mūsa. ¹⁴ Sa yero ahri quehnoaűe buheye ijipihitiropū ahri yehparūre tiquina yahuri buheye ijirota. Cohācjū pūhtoro ijiyere yahuri buheye tiquina yahu siteri buheye ijirota, ijipihitiyequina ti buheyere tiquina masiatu saha. Tiquina sa yahuri bato pihtiri deco dūcarota.

¹⁵ Cohācjū yere yahu mūhtariquiuro Daniel mūnāno panopū cjūno űa yūhūariquiore Cohācjū yere űano yeriquiore yahue tiahye panopūre. Ti pjere tiquiuro űariquiuro pehe Cohācjū ya wūhūpū tiquiuro ducugū ihñanata mūsa. Ahri yūhū nidire quehnoano masiűa mūsa. ¹⁶ Topū tiquiuro ducugū ihñāne, Judea

yehparu ijiyequina pehe canu caharu oma duhtiahero. ¹⁷ Sojaro mehna oma duhtiahero. Ti pjere tiquina wuhuseri bui cjê paaripu ijiyequina wuhu puhiahu ijiyere tiquina yere neñe wahaeracâhdo tiquina umañano waharo. ¹⁸ Sa ye ti pjere apequina wesaripu ijiyequina tiquina bui cjê suhti wuhuru ijiye suhtire neñe wahaeracâhdo tiquina umañano waharo. ¹⁹ Ti pjere nihi pacosânunia, tiquina pohnene apñoñe numia gâhu pejecoro wahaeta. ²⁰ Sa yena Cohâcjüre ohô saha ni siniña: “Pohecû ijigû judio masa usâ soye decori ijigû gâhure usâ oma duhtiatî deco ijieracâhdo”, ni siniña masa Cohâcjüre. ²¹ Ti decorire masa ña yuhduaro wahaeta. Ahri yehpare tiquiro bajumehnedi bato masa ñano yuhdue tiahye. Tiquina sa yuhduepegûta ijiptiye ti puriñe yuhduoro pihtiri deco panogâ ña yuhduaro yuhdueeta masa. Sa ñano tiquina yuhdari bato pari turi sata ñano yuhdusi ahri yehparu. ²² Cohâcjû ti decorire meheñe decorigâ ijigû yerota. Tiquiro sa yeragû ne ihcâquiro masano yuhdueraboaga. Sa yero tiquiro beseriquina tiquina yuhduatire meheñe decorigâ cûnota Cohâcjû.

²³ Ti pjere apequina musare “Ihñaña. Ohõru ijire Cristo”, tiquina nigû tiquinare tahoeracâhña. “Topu ijire Cristo”, tiquina nigû tiquinare tahoeracâhña. ²⁴ “Cristo ijiaja”, ni mehoñequina, “Cohâcjû yere yahu muhtarina ijiaja”, ni mehoñequina ijietâ ti pjere. Sa ye Cohâcjû tiquiro beseriquinare ni mehoñe, tiquina bajumehneñe ye ihñoeta. Cohâcjû yequinare Cohâcjüre tiquina cohâgû ye duare tiquina ni mehoñequina. ²⁵ Ahri ijiptiye yahu yuaja musare ti sa wahato pano. Sa yena tuhoya masa. ²⁶ Apequina masa musare “Ihñaña. Masa marienoru ijire Cristo”, tiquina nigû torure ihñana wahaeracâhña. Sa yena “Ohõru ahri tucûripu ijire tiquiro”, tiquina nigû tiquinare tahoeracâhña. ²⁷ Yuhu masu Cohâcjû ohorigu wacûeno mehna tojoa taatja. Upo miadoqueoro ahmuseri asû mûja taroru, asû sajânoru wacûeno mehna ti miadoqueoro saha wacûeno mehna tojoa taatja yuhu. ²⁸ Masa tiquina ñañe yeducuriropu toru Cohâcjû tiquina ñañe buhiri buhiri dahrerota tiquinare, ni yahuri Jesu.

Cristo ahri yehparu tiquiro tojoa tatire yahuahye tiquiro

(Mr 13.24-37; Lc 21.25-33; 17.26-30, 34-36)

²⁹ Sa ye tiquinare yahu nemori:

—Ti ñano yuhduye decori bato asû deco cjâno, ñami cjâno gâhu buhrio duhuetâ. Tiquina sa wahagû ñahpicoha paca ahmuseru ijiye paca bora dijia taeta. Sa ye ahmuse cjê yehpari, ñahpicoha gâhu ti sa

wahaducurore comesaeta. Sa ye ñuhmieta. ³⁰ Ti pjeta yuhu masu Cohâcjû ohorigu ahmuseru yuhu bajumehnenore yuhu ihñogû ihñaeta masa. Sa ye ijiptiye cururi cjêna utieta. Sa yegu yuhu tutuaye mehna, yuhu asi siteye mehna ahmûano cjê ehmeo cururi bui ahri yehpare yuhu tojoa tagû ihñaeta tiquina. ³¹ Corneta bisirota. Sa yegu yeequina angelere ijiptiropu ahri yehparu ohoutja yuhu. Sa ye ijiptiropu yeequina yuhu beseriquinare tiquina neeta.

³² ‘YojoPURE higueraGURE tuhotuya masa. Tu queoye mehna musare buheitja. Tu yucûgu pûri tigû ihñana, cûhma mehenogâ dahsagû masine masa. ³³ Sata ahri ijiptiye yuhu nidire ti sa wahagû ihñana, yuhu tojoa tato mehenogâ ti dahsagû masinata masa. ³⁴ Ijirota niita niaja musare. Ti pje cjêna tiquina yariato pano ijiptiye yuhu nidiro sahata sa waharota. Uhmuse, ahri yehpa gâhu pihtia waharota. ³⁵ Yuhu yahuducuye pehe ne comesasi. Ijiptiye yuhu nidiro sahata sa waha sohõri tirota.

³⁶ “Ti decore yuhu tojoa tati decore, ti hora gâhure masiedaja yuhu. Angele gâhu tire masiedare. Masa gâhu masiedare. Yuhu Pacu dihita tire masine.

³⁷ ‘Noé tiquiro ijiri pje cjêna tiquina ijiriro sahata ahri yehparu yuhu tojoa tato panogâre sata ijietâ masa. ³⁸ Yehpa miniato pano masa ihya, sihni, yeahye. Sa yeye umua, numia mehna omoca duhteahye. Noé gâhu yucûsapu tiquina sajâto pano sa yee timahye masa. ³⁹ Duita tutuaro acoro ahta, wacûeno mehna yehpa minia wahahye. Masa gâhu mini pihtia wahahye. Wacûeno mehna tiquina minidiro saha yuhu masu Cohâcjû ohorigu ahri yehpare wacûeno mehna tojoa taatja. ⁴⁰ Ti pjere wesepu pûaro dahrayequina ijigû ihcâquiro yuhure cahmediquirore neitja. Sa yero yuhure cahmediquiro toru tojoarota. ⁴¹ Ti pjere pûaro numia ihcânoru tiquina trigore ña mutofequina numia ijigû ihcâcoro yuhure cahmedicoro neitja. Sa yero yuhure cahmedicoro torpata tojoarota.

⁴² ‘Quehnoano wacû masi cohteya. Yuhu masa pûhto, yuhu tojoa tati decore ne masiedare masa. ⁴³ Ahrire wacûna. Yaqueriquiro wuhuru tiquiro sajâ yaqueato panore wuhu upuro masino, ti ñami tiquiro cariedaboaga, yaqueriquiro cohtero. Sa yero yaqueriquiro tiquiro ya wuhuru sajâ dutieraboaga. Yaqueriquiro tiquiro wacûeno mehna tiquiro ahtariro saha wacûeno mehna ahtaatja yuhu. ⁴⁴ Sa yena yeere sa yeducuna yuhure cohteya. Yuhu masu Cohâcjû ohorigu ahri yehparu tojoa tagu wacûeno mehna ahtaatja, nidi Jesu.

Apequiro dahra cohteriquiro tiquiro

puhtorore ño peo, apequiro ño peerare
(Lc 12.41-48)

⁴⁵ Sa ye Jesu queoye mehna ohō saha ni buhe nemori tja:

—Dahra cohteriquiro tiquiro puhtorore ño peoriquiro tuho masiniquiro ijire. Tiquiro sa ijigū ihñano apequina dahra cohteyequina bui cūre tiquirore tiquiro puhtoro pehe waharo taro. Sa tiquirore cū tuhasa wahaa wahare puhtoro. Sa yero ihyari pje ijigū dahra cohteriquiro apequinare ihyayere itire. ⁴⁶ Came puhtoro tiquiro ya wuhapu tojoa wihire. Tiquiro tojoa wihigū ihñano dahra cohteriquiro pehe tiquiro puhtoro dutiriro sahata ye pehoriquiro ijiro, bucueriquiro ijirota. ⁴⁷ Ijirota musare niita niaja. Tiquiro sa yegū ihñano tiquiro puhtoro ijipiitiye tiquiro yere ihña ihboriquiro cūnota tiquirore. ⁴⁸ Sa yepegūta ñariquiro dahra cohteriquiro pehe “Yuhū puhtoro bajuerare”, nino, ⁴⁹ apequina dahra cohteyequinare qepe, pajiro ihya, sihni, quehoyequina mehna queherota. ⁵⁰ Came tiquiro puhtoro wacūeno mehna tojoa tarota. Ti deco, ti hora gāhure ne masiedare dahra cohteriquiro. ⁵¹ Puhtoro pehe tojoa taro ñariquiro tiquiro ñano yerire tuhorō, tiquirore tutuaro buhiri dahrerota. Sa yero ni mehoñequina tiquina waharopu cohānota tiquirore. Topare tiquiro tutuaro uti, bujua witiro mehna bahque dihorota, ni yahuri Jesu.

25

Pua omope nuhmia queoye mehna buheahye Jesu

¹ Sa ye Jesu pari turi queoye mehna ohō saha ni buhe nemori tja:

—Uhmuse cjäno puhtoro tiquiro ijiye ahri queoye yero saha ijire: Pua omope nuhmia ijahaye. Ihcā ñami tiquina sihōñe paca mehna omoca dāhteatiquirore piti caye wahahye. ² Tiquina mehna ihcā omope numia tuho masieñequina numia ijahaye. Apequina numia pehe ihcā omope numia tuho masieñequina numia ijahaye. ³ Tuho masieñequina numia pehe tiquina sihōñe pacare, pose tiye pacare nemahye. Apee pacare uhse pose tiye pacare ti pihtigū tiquina pioborire nedahye. ⁴ Tuho masieñequina numia pehe tiquina sihōñe paca uhse pose tiye pacare neahye. Apee paca tiquina pioati paca gāhure neahye. ⁵ Sa ye omoca dāhteatiquiro tiquiro bajueragū tiquina numiare wujua purigū caria wahahye. ⁶ Sa yero ñami decopu sañuducugū tuhoahye. “Tuhoaya. Omoca dāhteatiquiro ahtaro ca tare. Tiquirore piti cana ahtaya”, ni sañuducugū tuhoahye. ⁷ Tiquiro sa nigū tahoye numia wahcā, tiquina ye

sihōñe pacare quehnoahye. ⁸ Sa ye tuho masieñequina numia pehe apee numia tuho masieñequina numiare ohō saha niahaye: “Ušā sihōñe paca yatiro nine. Sa yena mehenogā musa ye uhserē ohoya usāre”, ni sinimahye tiquina numia. ⁹ Tiquina sa siniepegūta tuho masieñequina numia ohō saha yahtiahye: “Ušā ye uhse mari ijipihtinare esa tuhaeraboaga. Sa yena uhse cwoyequinare musa basi ihña wahaya”, ni yahtiahye tuho masieñequina numia pehe. ¹⁰ Sa ye tuho masieñequina numia dūye wahahye. Tiquina sa wahari bato omoca dāhteatiquiro wihiahye. Tiquiro wihigū ihña tiquina yere quehno tuhasariquina numia tuho masieñequina numia tiquirore piti cahye. Piti ca bose deco omoca dāhteri decopu tiquiro mehna ihñañe wahahye. Sa ye bose decore tiquina yeri wuhapu apequina mehna numia tiquina sajāri bato, sopecahare biha cāhye. ¹¹ Cameru tuho masieñequina numia pehe wihimahye. “Puhto, usāre pōohña”, nimahye tiquina numia. ¹² “Ijirota musare niita niaja. Musare masiedaja yuhū”, niahye tiquiro tiquina numiare.

¹³ Sa yena tuho masieñequina numia tiquina yere quehnoano quehno tuhasa, tiquina cohteriro saha quehnoana, ñañe mariena iji, cohteya musa gāhū. Yuhū tojoa tati decore ti hora gāhure ne masiedare musa, ni yahuri Jesu.

Niñeru cjoeri uru cjoeri queoyere yahuahye Jesu

¹⁴ Sa ni yahu tuhasa queoye mehna ohō saha ni buhe nemori tja:

—Ti pjere yuhū tojoa tati pje ahri queoye yero saha ijirota. Wuhū upuro ijahaye. Tiquiro ape siepu tinino waharo taro, tiquirore dahra cohteyequinare pijioahye. Sa yero tiquinare tiquiro yere cohte dutiahye.

¹⁵ Sa cohte dutiro tiquina ihbo masino puno tiquinare niñeru cjoerire ohoahye. Ihcāquirore ihcā omope cjoeri wapa bujūye cjoerire uru cjoerire ohoahye. Apequirore pua cjoē ohoahye. Apequirore ihcā cjoē ohoahye. Tiquinare oho tuhasa, wahaa wahahye. ¹⁶ Sa ye ihcā omope cjoeri tiquiro ohoriquiro duita tiquiro wahari batota ti cjoeri mehna apee borore dūahye. Tiquiro dūrire apequinare duahye. Tiquiro duari wapa pua omope cjoeri wapa yeahye tiquirore. Sa yero pua omope cjoeri cwoahye. ¹⁷ Sa yero pua cjoē tiquiro ohoriquiro duita tiquiro wahari batota ti cjoeri mehna apee borore dūahye. Tiquiro dūrire apequinare duahye. Tiquiro duari wapa pititia cjoē wapa yeahye tiquirore. Sa yero pititia cjoē cwoahye. ¹⁸ Ihcā cjoere

tiqiro ohoriquiro pehe cope sehe, ti cjoere yahye, ti copepu nuono.

¹⁹ 'Came yoari bato tiquina puhtoro wihiahye. Sa wihiro tiqiro niñeru cjoeri mehna tiquina ñehe memorire queoro ahtaro tiqirore dahra cohteyequinare pijioahye. ²⁰ Sa yero ihcã omope cjoeri tiqiro ohoriquiro puhtoro cahapu esa, puã omope cjoeri wiahye tiqirore. "Ihcã omope cjoeri yuhare ohori muhu. Ihñaña. Ti cjoeri mehna apeye cjoerire ñehe nemou", niahye tiqirore. ²¹ "Quehnoano yeaya muhu. Muhu quehnoagu, yuhu dutiriro saha yerigu ijire. Mehenogãre quehnoano yeaya muhu. Sa yegu yojoPURE muhare pajiro muhu dahratire cõtja. Sa yegu yuhu mehna bucueya muhu", niahye tiqiro puhtoro. ²² Sa yero puã cjoere ñehediquiro puhtoro cahapu esa, yahuahye tiqirore: "Puã cjoere yuhare ohori muhu. Ihñaña. Ti cjoeri mehna apeye cjoeri puã cjoere ñehe nemou", niahye tiqiro. ²³ "Quehnoano yeaya muhu. Muhu quehnoagu, yuhu dutiriro saha yerigu ijire. Mehenogãre quehnoano yeaya muhu. Sa yegu yojoPURE pajiro muhu dahratire cõtja. Sa yegu yuhu mehna bucueya muhu", niahye tiqiro puhtoro.

²⁴ Sa yero ihcã cjoere ñehediquiro puhtoro cahapu esa, yahuahye tiqirore: "Puhto, muhu apequina pehere tutuaro dahra dutigu ijire. Sa tutuaro dahra dutigu ijigu muhu basi oterapeguta ti ducare nene muhu. ²⁵ Muhu sa ijigu muhare cuei. Sa cuegu cope sehe, ti copepu muhu niñeru cjoere nuou. Ihñaña. Ohõpu ijire muhu ya cjoere niñeru cjoere", niahye tiqiro. ²⁶ "Muhu ñagu, cape bujugu ijire. Yuhu basi oterapeguta ti ducare yuhu negu ijigã masine muhu. ²⁷ Yuhu sa ijigã ihñaepeguta yuhu niñeru cjoere niñeru ihbori wuhapu ihboboaya muhu. Muhu sa ihbogã tiquina ti cjoere wiayerpu apee niñeru oho nemoboaya tiquina", niahye puhtoro tiqirore. ²⁸ Sa nino apequina tiqiro dahra cohteyequinare dutiahye tiqiro: "Niñeru cjoere ehmaña tiqirore. Puã omope cjoerire cuoriquiro pehere ohoya. ²⁹ Cuoyequinare oho nemoutja. Sa ye pajiro cuoeta. Cuoyequina pehere mehenogã tiquina cuoepeguta tire ehmatja. ³⁰ Ahriquiro dahra cohteyequiro duhseatiqiro ihrire. Nahitianopu ñanopu cohã cãña tiqirore. Topu tiqiro tutuaro uti, bujua wiro mehna bahque dihorota", niahye puhtoro, ni yahuri Jesu.

Buhiri dahreatire yahuahye Jesu

³¹ Sa ye Jesu yahu nemori:

—Yuhu masu Cohãcã ohorigu ijipihtiyequina angele mehna puhto ijigu tagu, yuhu puhtoro dujiropu yuhu asi siteye mehna dujigtja. ³² Sa yuhu dujigã, ahri yehpa cãna ijipihtiyequina yuhu cahapu

cahmecoeta. Tiquina sa cahmecoari bato puã curua tu wantja tiquinare. Ovejare ihña ihboriquiro ovejare, cabra gãhure tiqiro tu wariro saha masare tu wa docoutja. ³³ Sa tu wagu oveja yero saha ijieyequinare quehnoañequinare yuhu poto pehe bese docoutja. Sa yegu cabra yero saha ijieyequinare ñañequinare yuhu cã pehe pehepu bese docoutja. ³⁴ Yuhu sa yeri bato yuhu ijipihtiyequina puhto pehe yuhu poto pehepu yuhu bese docoriquinare ohõ saha ni yahutja: "Yuhu Pacu masare quehnoano yere. Ahri yehpare bajumehnenopu masa ye ijiatire tiqiro puhtoro ijire quehoyu tuhasari Cohãcã. Sa yena yojoPURE tiqiro quehnoriropure ijina ahtaya. ³⁵ Yuhu ujua ahbagã masa pehe yuhare ihyayere ohori. Yuhu aco wuogã yuhare masa sihõri. Masa cahapu yuhu tinigã yuhare ihña masiedapenata yuhare quehnoano piti cari masa. ³⁶ Suhti mariegu yuhu ijigã ihñana masa pehe yuhare suhti sãari. Dohatigu yuhu ijigã masa yuhare ihñana ahtari. Peresupu yuhu ijigã gãhure yuhare ihñana ahtari masa", niitja quehnoañequinare. ³⁷ Yuhu sa nigã tuhoye tiquina yuhare sinitueta: "¿Puhto, duhse ijigã muhu ujua ahbagã muhare ihyayere ohori usã? ¿Duhse ijigã muhu aco wuogã muhare sihõri usã? ³⁸ ¿Duhse ijigã muhare ihña masiedapenata muhare quehnoano piti cari usã? ¿Duhse ijigã suhti mariegu muhu ijigã muhare suhti sãari usã? ³⁹ ¿Duhse ijigã muhu dohatigã o peresupu muhu ijigã gãhure muhare ihñana esari usã?" nieta yuhare. ⁴⁰ Tiquina sa ni sinitugã tuhogu yuhu puhto tiquinare yahutja. "Ijirota masare niita naja. Ahriquina yeequina mehna cãano ihyo ijiriquiro tiqiro ijiepegãta, tiqirore masa sata yeri. Sa ijiriquirore sa yena, yuhare yero saha yena nidi masa tiquinare", ni yahutja.

⁴¹ 'Quehnoañequinare yuhu sa ni yahuri bato yuhu cã pehe pehepu ducuyequinare yuhu ijipihtiyequina puhto ohõ saha ni yahutja: "Cohãcã tiqiro buhiri dahreatina ijire masa. Yuhu mehna tojoeracãhña. Pecapu wahaya masa. Ti peca ne yatierare. Watino, tiqiro yequina angele gãhu tiquina ijiatire ti pecare yeri Cohãcã. ⁴² Yuhu ujua ahbagã masa pehe yuhare ihyayere ohoerari. Yuhu aco wuogã masa yuhare sihõdari. ⁴³ Yuhare masiedana masa yuhare piti caerari. Sa ihña cãri. Suhti mariegu yuhu ijiepegãta, yuhare suhti sãadari masa. Dohatigu yuhu ijigã peresupu yuhu ijigã gãhure sa ihña cãri masa yuhare", ni yahutja tiquinare ñañequinare. ⁴⁴ Yuhu sa nigã tuhoye tiquina yuhare sinitueta: "¿Puhto, muhu ujua ahbagã, muhu aco wuogã, usã masiedigu muhu ijigã, suhti mariegu muhu ijigã, dohatigã muhu ijigã, peresupu muhu

ijigā dahse ijigā usā pehe mahare yedohoerari?" ni sinitueta yahare. ⁴⁵ Tiqina sa ni sinitugā yahū tiquinare ohō saha ni yahutja: "Ijirota masare niita niaja. Ahriquina yeequina mehna cĵano ihyo ijiriquirore masa ne yedohoerari. Sa ijiriquirore masa yedohoerana, yahareta sa yena nidi masa", ni yahutja tiquinare. ⁴⁶ Sa yero tiquinare sa buhiri dahreducurota Cohācĵū. Ti buhiri dahreye ne pihitisi. Sa ye, quehnoaŋequina pehe ijipihitiye decori quehnoano ijietā, ni yahuri Jesu.

26

Pahia puhtoā, judio masa bucna mehna Jesure wejē duahye

(Mr 14.1-2; Lc 22.1-2; Jn 11.45-53)

¹ Ti ijipihitiye tiquirore buheri bato Jesu usāre tiquirore buhenare yahuri:

² —Pua deco bato pascua ijirota. Tire masa masine. Ti pjere yahū masare Cohācĵū ohorigure ŋeheeta. Ŋeheŋe, yahare curusapu wejēeta, nidi tiquiro usāre.

³ Sa ye pahia puhtoā, judio masa bucna gāhū cahmecoahye. Caifa pahia puhtoro ya wuhapu cahmecoahye tiqina. ⁴ Topu cahmecoā, tiqina ni mehoŋe mehna Jesure ŋehe tiqina wejēatire cahme yahuye ni ahye.

⁵ —Bose deco ijigā tiquirore ŋehedacāhna, "Masa usuari", nina, niahye tiqina basi.

Numino ehme sitiye uhse mehna Jesure pio peoahye

(Mr 14.3-9; Jn 12.1-8)

⁶ Ti pjere Simo camī bucna māna wihiro ijimediqiro ya wuhapu ijiri Jesu. Tiquiro ijiri maca Betania wame tiri maca ijiri. ⁷ Ti wuhapu tiquiro ihyari watoa ihcācoro numino ehme sitiye ne cāhta, Jesu dapu bui pio peori. Ti ehme sitiye alabastro wame tiriapu pose tiri. Wapa bujūye co ijiri. ⁸ Ticoro sa pio peogū ihŋana usā Jesu buhena usuau.

—Ĵdahsero ahricoro ahri core wapa bujūyere sa ye siteajari? ⁹ Ti ehme sitiye duaboaya. Sa duaro pajiro wapa ŋeheboaya. Sa ŋeheno ti niŋerure pejecooyequinare ohoboaya ahricoro, nii usā tiquiro buhena.

¹⁰ Usā sa ni usuagū ihŋano, Jesu yahuri usāre:

—Sa niedacāhŋa ticorore. Yahare quehnoano yero nine. ¹¹ Pejecooyequina pehe masa mehna sa ijiducurota. Sa yena tiqina pehere masa oho masine. Yahū pehe ahri yehpapure masa mehna sa ijiducusi. ¹² Yahare tiqina yato pano yahū pagure quehnoyuro, ticoro yahare pio peori. ¹³ Ijirota masare niita niaja. Ijipihitiro ahri yehpapure quehnoaŋe buheyere tiqina yahuropu ahricoro yojopure ticoro yerire yahuetā. Tiqina sa yahugū tahoye ticorore

masa peyequina wacūeta, ni yahuri Jesu usāre.

Juda Iscariote Jesure ihŋa tuhtiyequinare ihŋoahye

(Mr 14.10-11; Lc 22.3-6)

¹⁴ Ti pjere ihcāquiro usā mehna cĵano Juda Iscariote pahia puhtoā cahapu esahye.

¹⁵ Esa, tiquinare sinituahye.

—Ĵesure masare yahū ihŋogū noho pono wapa yenatari masa? ni sinituahye tiquinare.

Tiquiro sa nigū tiqina tiquirore treinta cjoeri plata cjoerire ohoahye.

¹⁶ Tiqina sa ohogū Juda pehe Jesure tiquiro ihŋoati ŋamine cohtoro niahye.

Jesu tiquiro buheyequina mehna tiquiro ihya bato tiri deco ijiahye

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Sa ye pugū yeye moremehneŋe pāre tiqina ihyati deco bose deco iji ducari deco usā tiquiro buhena Jesu cahapu waha, sinituu tiquirore:

—Ĵnoho boropu bose deco ijigū mari ihyatire quehnoyu dutigū ohoutjari mahū usāre? nii tiquirore.

¹⁸ Usā sa nigū tiquiro yuhtiri:

—Jerusalēpu wahaya. Topu ijiriquirore ohō saha ni yahuya: "Marine buheriquiro tiquiro ŋano yuhduati deco mehenogā dahsatjāŋohti. Pascua ijigū mahū ya wuhapu Jesu usāre tiquiro buhenare siho ihyati ijifŋohti", ni yahuya ti wuhū uparore, ni ohori Jesu usāre.

¹⁹ Sa yena usāre tiquiro dutiriro sahata yena, pascua ijigū usā ihyatire quehnoy usā.

²⁰ Sa ye ti ŋamine usā mehna doce tiquiro buhena mehna ihyaro nidi Jesu. ²¹ Usā ihyari watoa tiquiro usāre yahuri:

—Ijirota masare niita niaja. Ihcāquiro masa mehna cĵano yahare ihŋa tuhtiyequinare ihŋonota yahare, ni yahuri tiquiro usāre.

²² Tiquiro sa nigū tuhona tutuaro bujua witina, tiquirore sinitu ducan usā ijipihitina:

—Ĵpuhto, yuhata ijiajari mahare ihŋoacju? ni sinituu.

²³ Usā sa ni sinitugū tiquiro yuhtiri:

—Yahū ihyari papu yahū mehna soha ihyariquiro ijire yahare ihŋa tuhtiyequinare ihŋoatiquiro. ²⁴ Panopu yahare tiqina ojariro sahata yahū masu Cohācĵū ohorigū yariagutja. Sa yero yahare ihŋa tuhtiyequinare ihŋoatiquiro ŋano yuhduarota. Tiquiro pehe masa bajeraro quehnoa yuhduaboaya. Ŋano yuhdueraboaya, nidi Jesu.

²⁵ Tiquiro sa nigūta tiquirore ihŋoatiquiro Juda sinituri:

—Ĵbuhegu, mahare ihŋoacju ijiajari yahū? ni sinituri tiquiro.

Jesu yuhtiri:

—Ūhū. Mūhuta ijire, nidi.

²⁶ Sa ni yahu tuhasa usā tiqiro buhena mehna ihyaro taro nidi. Sa yero Jesu pāre ne, Cohācjāre “Quehnoare”, nidi. Sa ni tuhasa tire nuha, usāre tiqiro buhenare itiri.

—Ahrire ne, ihyaya. Ahri yūhū pagū ijire, nidi tiqiro.

²⁷ Sa ni tuhasa tiqiro sihnidi pare ne, Cohācjāre “Quehnoare”, ni, usāre ohori.

—Musa ijiphtina ahrire sihniña. ²⁸ Ahri yūhū dii ijire. Peyequina masa tiqina ñañe yerire cohāgū tagū yariūtja. Sa yegū yūhū di-ire cohāūtja. Cohācjū “Musare yūhdūoutja”, tiqiro nidiro esagū yūhū yariaro mehna tiqiro nidiro sohtori tirota. ²⁹ Musare niita niaja. Yūhū Pacū tiqiro puhtoro ijirorū ūhmasepū musa mehna wahma core ūhse core sihniitja. Mari sa sihniato pano ahri core sihni nemosi yūhū, nidi Jesu usāre.

³⁰ Sa yena Cohācjū yere basa tuhasana canpū Olivo wame tidūpū wahū usā.

Pedro Jesure tiqiro cohātire yahuahye Jesu

(Mr 14.26-31; Lc 22.31-34; Jn 13.36-38)

³¹ Topū usā esagū Jesu pehe usāre yahuri:

—Mia ñami yūhūre cohā cānata musa. Ohō sahata nine Cohācjū tiqiro yere tiqina ojoari pūpū yūhūre yahuro: “Ovejare ihña ihboriqiro yero saha ijiriquirore yūhū Cohācjū cohāgūtja. Yūhū sa cohāgū tiqiro yequina oveja yero saha ijieyequina duhti site cāa wahaeta”, nine Cohācjū tiqiro yere tiqina ojoari pūpū. ³² Sa yegū Cohācjū yūhūre tiqiro masori bato musa pano Galileapū wahayūtja yūhū, nidi tiqiro.

³³ Tiqiro sa nigū tuhoro ohō saha nimesi Pedro:

—Yūhū mehna cjēna ijiphtieyequina mūhūre tiqina cohāepēgūta yūhū pehe mūhūre ne cohāsi, nimesi Pedro tiqirore.

³⁴ Jesu yuhtiri:

—Ijirota niita niaja mūhūre. Mia ñami canaca tiqiro yahuato pano “Yūhū Jesure masiedaga”, niita mūhū. Ihtia taha sa niita mūhū, nidi tiqiro Pedore.

³⁵ Tiqiro sa niepēgūta Pedro ohō saha ni yuhtiri:

—Mūhū mehna yūhūre tiqina wejē duepēgūta “Jesure masiedaga”, ne nisi yūhū, ni yuhtimedī Pedro.

Sa yena usā gūhū arequina tiqiro buhena Pedro tiqiro nidiro sahata nimi usā Jesure.

Getsemaní wame tiri wesepū Cohācjāre siniahye Jesu

(Mr 14.32-42; Lc 22.39-46)

³⁶ Sa ye Getsemaní wame tiri wesepū Jesu usā tiqiro buhena mehna waha, topū esa, usāre nidi:

—Ohō dujiyuya. Musa ohō dujiri watoa sohō cjūnogāpū Cohācjāre sinigū wahagū niaja, nidi tiqiro usāre.

³⁷ Sa ni tuhasa, Pedore, pūaro Zebedeo pohnene tiqina ihtiarore piji cāri. Sa yero tiqiro tutuaro bujūa witi, ñano jeripohna tiahye. ³⁸ Sa bujūa witiro tiqiro mehna cjēnare tiqiro piji cāriquinare ohō saha niahye:

—Tutuaro ñano jeripohna tiaja yūhū. Yūhūre tutuaro purīno saha tuhotugū niaja. Sohō cjūnogā wahagū niaja. Ohōpū tojoaya. Sa yena yūhū mehna carīedacāhña musa gāhū, niahye tiqiro tiquinare.

³⁹ Sa ni tuhasa mehenogā waha nemo, yehpapū quehe sa, Cohācjāre niahye:

—Mai, yūhū ñano yūhdūatire ye dueragū yeracāhña. Yūhū sa niepēgūta yūhū cahmeno saha yeracāhña. Mūhū pehe masine. Mūhū cahmeno saha yeya yūhūre, ni siniahye tiqiro Cohācjāre.

⁴⁰ Sa ni tuhasa, ihtiaro tiqiro buheyequina cahapū wihiro, carīnequinare ihñahye. Tiquinare ihñano, Pedore ohō saha niahye:

—¿Ihcā hora waro yūhū mehna carīegū iji masiedajari mūhū? ⁴¹ Quehnoano yeya musa. Sa yena Cohācjāre siniducuya musa, “Ñano yeari”, nina. Musa tuhotuye mehna quehnoañene ye duamene musa. Musa sehsharo sa ye duepenata tire ye masiedare musa, ni yahuahye Jesu.

⁴² Sa ni yahu tuhasa, pari turi waha, Cohācjāre siniahye:

—Mai, yūhū ñano yūhdūatire ye duagū yeya yūhūre. Mūhū cahmeno saha yeya, ni siniahye tiqiro.

⁴³ Ni, tiqiro buheyequina ihtiaro buheyequina cahapū pari turi wihiahye tja. Sa wihiro carīnequinare ihñahye tja. Wūjūa purī yūhdūahye tiquinare. ⁴⁴ Sa yero tiquinare cū cā, pari turi waha, Cohācjāre siniahye. To pano tiqiro nidiro sahata niahye tja. ⁴⁵ Sa ni tuhasa tiqiro buheyequina cahapū wihi, tiquinare ohō saha niahye:

—¿Yojorū pūritare carīnina nijari musa? ¿Sorīna nijari musa? niahye tiqiro.

Sa ni tuhasa, masa tiqina ahtagū ihñano, ohō saha niahye.

—Tuhoaya. Mianogāta yūhū masure Cohācjū ohorigure ñañequinare ohoeta yūhūre. ⁴⁶ Wahcāña. Isa wahana. Ihñañā. Yūhūre ihña tuhtieyequinare ihñoatiqiro ohōpū ahtare, niahye tiqiro.

Jesure ihña tuhtieyequina tiqirore peresu yeahye

(Mr 14.43-50; Lc 22.47-53; Jn 18.2-11)

⁴⁷ Tiqiro sa nino watoa usā mehna cjāno ijimediquiro juda pehe wihiri. Masa peyequina ahtari tiqiro mehna. Tiquina pahia puhto, judio masa bucuna gāhū

tiquina ohoriquina ijiri. Ñoseñe pñine, yuca tiári gähare cuori. ⁴⁸ Coã warore Jesure ihña tuhtiyequinare ihñoatiquiuro masare ohõ saha ni yahuyu tuhasahye:

—Yũhu wahsupu ihmidiquiurota ijirota musa ñeheatiquiro. Tiquirore yũhu ihmidi bato ñeheña tiquirore, niahye Juda tiquinare.

⁴⁹ Sa ye wihiro Jesu cahapũ duita wahari.

—¿Buhegu, ijiajari mũhu? ni, tiquirore wahsupu ihmidi.

⁵⁰ Tiquiro sa ihmigũ Jesu ohõ saha nidi:

—Yũhu acayũ, ohõpũre mũhu yei tuũ ahtarire yeya mũhu, nidi tiquiro.

Sa ye tiquina Jesure ñehedi.

⁵¹ Tiquina sa yegũ ihñano Jesu mehna cãno tiquiro ñoseni pñine tuã we ne, pahia puhtoro cahacjãnore cahmonore date pahre cãri. ⁵² Tiquiro sa yegũ ihñano Jesu tiquirore yahuri.

—Mũhu ñoseni pñine ihboya. Apequinare mũhu ñosegũ tiquina ñose cahmegũ yariaguta mũhu. ⁵³ Yũhu Pacũre yũhũre yũhu yedoho dutigũ tiquiro pehe peyequina angelere doce cururire yũhu cahapũ ohoboaya tiquiro. ¿Tire masiedajari mũhu?

⁵⁴ Sa yedohoboriquiuro tiquiro ijiepegũta tiquirore yũhũre yedoho dutisi yũhu. Yũhu sa dutieragũ Cohãcjũ yere tiquina ojoari pũ ti nidiro sahata sa waharota, nidi tiquiro.

⁵⁵ Sa ni tuhasa masare yahuri tiquiro:

—¿Dũhse ijiro boro musa ñoseñe pñini mehna, yuca tiári mehna yaque bucũrore yero saha musa yũhũre ñehena ahtajari? Decoripe Cohãcjũ wũhũpũ masare yũhu buhe dujigũ, musa yũhũre ne ñehedari. ⁵⁶ Sa ijiepegũta ahri ijipihitiye sa waharo nine Cohãcjũ yere yahu mũhtariquina tiquina ni ojoariro sahata, nidi Jesu.

Tiquirore tiquina sa ñehegũ ihñana usã tiquiro buhena tiquirore cohã oma cãa wahau usã.

Judio masa puhtoa Jesure sinituahye

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Sa ye tiquirore ñehediquina pahia puhtoro Caifa wame tiriquiuro ya wũhũpũ ne sahye tiquirore. Ti wũhũpũta marine judio masare buheyequina, bucũna gũhu cahmecoahye. ⁵⁸ Topũ Jesure tiquina neagũ Pedro yoropũ tiquinare ihña nũnũ tãhye. Sa nũnũ tãno Caifa ya wũhũre cahmotari sahrĩnore esa, ti sahrĩno puhapũ sajãa wahahye. Sajã sa, ti wũhũre cohteyequina surara mehna dujahye. Jesure tiquina dahrase yegũ ihñano taro niahye.

⁵⁹ Sa ye pahia puhtoa, apequina puhtoa mehna Jesure wejẽ duti duaye, ni mehoñe mehna tiquirore tiquina ñano buhiri dahreatire wacũ macamahye. ⁶⁰ Tiquina yahusãtire wacũ bocaerahye. Sa wacũ

bocaerapeta peyequina masa tiquirore sa ni meho yahusã maca cãhye. Sa ye puaro tiquina bato wihiyequina tiquirore yahusãhye tja.

⁶¹ —Ahriquiuro ohõ saha nidi: “Cohãcjũ wũhũre cohã masiaja. Sa cohãgu ihtia deco wahaboro ti wũhũre pari turi yeitja”, tiquiro nigũ tuhõ usã, ni yahusã maca cãhye Jesure.

⁶² Tiquina sa nidi bato pahia puhtoro wahcãdũca sa, Jesure sinituahye:

—¿Ahriquina wũhũre tiquina yahusãepegũta tiquinare yuhti cahmedajari mũhu? niahye puhtoro.

⁶³ Tiquiro sa nigũ tuhõperota Jesu sata tuhõtu cãhye. Tiquiro sa yuhtieragũ ihñano pahia puhtoro pari turi sinituahye tja:

—Cohãcjũ catiriquiro wame mehna poto niña mũhu. Mũhu sa niedagũ tiquiro wũhũre buhiri dahrerota. Yahuya usãre. ¿Cristo Cohãcjũ macuta ijiajari mũhu? ni sinituahye tja.

⁶⁴ Tiquiro sa nigũputa Jesu yuhtiahye:

—Tiquirota ijiaja. Musare poto yahugũta njaja. Came yũhu masũ Cohãcjũ ohorigũ yũhu Pacũ tutuariquiuro cahapũ tiquiro poto pehepũ yũhu dujigũ ihñanata musa. Sa yena mũmuse cjẽ ehmeo cururi bui yũhu ahtagũ gãhũre ihñanata musa, ni yuhtiahye Jesu.

⁶⁵ Tiquiro sa nigũ tuhõro pahia puhtoro tiquiro sañari suhtirore tuhre cãhye apequinare “Usua yũhdũare”, ni ihña masi dutiro.

—Cohãcjũre pajiro ñano yahuducuro nine ahriquiuro. Sa ye tiquiro ñano yahuducuyere tuhõ tuhasaja mari. Sa ye topequinata yahusãahdo ahriquiurore. Ohõputa tiquiro ñano yahuducugũ tuhoaja mari basita. ⁶⁶ ¿Dũhse yenatari mari yojorũre ahriquiurore? ni sinituahye tiquiro apequina puhtoa.

—Tiquiro ñari buhiri wejẽ cãno cahmene tiquirore, ni yuhtiahye tiquina.

⁶⁷ Tiquina sa nidi bato tiquiro wũhõdore sihco puti ohõ, tiquirore quẽpeahye tiquina.

⁶⁸ Tiquirore quẽpe tuhasa, ohõ saha niahye tiquirore:

—¿Noa pehe wũhũre quẽajari? Cristo ijigũ ihñedapegũta yahuya usãre, ni bujũpeahye tiquina.

—Tiquirore masiedaga, niahye Pedro Jesure

(Mr 14.66-72; Lc 22.56-62; Jn 18.15-18, 25-27)

⁶⁹ Sa ye ti wũhu cahapũ ijiri paapũ quehnoari paapũ Pedro pehe dujahye. Tiquiro sa dujigũ ihñano pahia puhtoro cahacjõno tiquiro cahapũ esaro, ohõ saha niahye:

—Mũhu gũhu Jesu Galilea cãno mehna ijiri, niahye ticoro.

⁷⁰ Ticoro sa nigū tūhoro, Pedro ohō saha niahye:

—¿Dūhse ni maca cōo niajari mūhū? Mūhū nidiquirore ne masiedaga yūhū, niahye Pedro ticoro ijiptiyequina tiquina tūhoropū.

⁷¹ Tiquiro sa nidi bato ti paa cĵā sahrīno sopecaha cahapū wahahye Pedro. Topū tiquiro ijigū apecoro cahacjōno tiquirore ihñano, topū ijiyequinare ohō saha niahye:

—Jesu Nazare cĵūno mehna ijiri ahriquiro, niahye ticoro Pedore tja.

⁷² Ticoro sa nigū tūhoro Pedro yūhtiahye:

—Cohācĵū mehna poto nii niaja. Tiquiro mūhū nidiquirore ne masiedaga yūhū, ni yūhtiahye Pedro.

⁷³ Sa ye came cĵūno topū ducuyequina Pedro cahapū waha, tiquirore ohō saha niahye tja:

—Poto tjire. Jesu yequina mehna cĵū ijire mūhū gāhū. Tiquina yero saha yahuducure mūhū, niahye tiquina Pedore.

⁷⁴ Tiquina sa nigū Pedro yūhtiahye:

—Poto Cohācĵū mehna nii niaja musare. Yūhū poto yūhū niedagū Cohācĵū yūhūre buhiri dahreahro. Tiquirore mūsa nidiquirore ne masiedaga yūhū, ni yūhtiahye tiquiro tiquinare.

Tiquiro sa nigūta canaca yahuahye.

⁷⁵ Tiquiro yahugū tūhoro Jesu tiquirore nidire wacūahye. “Canaca tiquiro yahuato pano ‘Jesure masiedaga’, niita mūhū. Ihtia taha waro sa niita mūhū”, Jesu tiquirore nidire wacūahye Pedro. Sa wacūno, ti sahrīnore wijia, tutuaro utiahye.

27

Pilato cahapū Jesure neahye

(Mr 15.1; Lc 23.1-2; Jn 18.28-32)

¹ Sa ye bohrea quehagapū pahia pūhtoa mari judio masa bucūna gāhū Jesure tiquina wejē dutiatire cahme yahuducuahye.

² Tiquina sa yeri bato tiquirore dūhte, Pilato cahapū nea, tiquirore ohoahye Pilatore. Pilato pehe ti yehpa cĵēna pūhtoro ijiri.

Juda Iscariote yariaa wahahye

³ Sa yero Jesure tiquina wejē dutigū ihñano Juda pehe Jesure ihñoriqiro tiquirore tiquiro ihñorire tutuaro wacū bujūa witiyahye. Sa bujūa witiro treinta cjoeri tiquiro ñehedi niñeru cjoerire wiaro waharo, pahia cahapū, bucūna cahapū esa, ohō saha niahye:

⁴ —Jesu musare yūhū ihñoriqiro ñāñe marieniquiro tiquiro ijipegūta tiquina wejē dutiri tiquirore. Sa yegū musare tiquirore ihñogu ñano yegu niaya yūhū, ni yahuahye Juda tiquinare.

Tiquiro sa ni yahuri bato tiquina yūhtiahye:

—Sata yecūnahdo. Ĥsāre dūhseati ijierare ti mūhū sa niñe. Mūhū dihita sa ni tūhoture tire, ni yūhtiahye tiquina tiquirore.

⁵ Tiquina sa ni yūhtiri bato Cohācĵū ya wūhūpū Juda tiquiro ye niñeru cjoerire doque site cūahye. Doque site cū, waha wahahye. Waha, yuta dare dūhte ohō, tiquiro basi wamūare tu suha, uhpu cĵū sa, yariaa wahahye.

⁶ Sa ye pahia pūhtoa niñeru cjoerire ne, ohō saha niahye:

—Ahri niñerure Cohācĵū wūhū cĵā acaropū niñeru ihbori acaropū mari cū masiedaja. Ahri niñeru mehnata masunore wejē dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

⁷ Tiquina sa nidi bato “Ohō saha yeihna”, tiquina ni yahuri bato dihi suturire yeriqiro ya yehpare dūahye. Ti cjoeri mehna dūahye. Ape sie cĵēna tiquina wihi tiquina yariagū tiquina yati yehpa ijiatore ti yehpare dūahye. ⁸ Sa ye ti yehpare “Dii yehpa”, wame yeri masa. Yojopū gāhūre sata wame tire. ⁹ Ahri ijiptiye sa wahahye Jeremia panopū “Sa waharota”, tiquiro ni ojoariro sahata. Tiquiro Cohācĵū yere yahu māhtariqiro ijahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore usā ñeheatire’, nieta Israe masa. ¹⁰ Sa ye ti cjoeri mehna dihi suturire yeriqiro ya yehpare dūeta tiquina. Ohō sahata yūhūre ye dutiri Cohācĵū”, ni ojoahye Jeremia panopū.

Pilato Jesure sinituahye

(Mr 15.2-5; Lc 23.3-5; Jn 18.33-38)

¹¹ Sa ye Pilatore tiquina ohori bato tiquiro pehe Jesure sinituahye:

—¿Potota judio masa pūhtota ijiajari mūhū? ni sinituahye Jesure.

—Mūhū nino sahata ijiaja, ni yūhtiahye Jesu.

¹² Sa ni yūhtieperota, pahia pūhtoa, bucūna gāhū tiquina tiquirore yahusāgū yūhtierahye Jesu. ¹³ Tiquiro sa yūhtieragū ihñano Pilato sinituahye:

—¿Ahri ijiptiye mūhūre tiquina yahusāñere tuhoerajari mūhū? ni sinituahye tiquiro Jesure.

¹⁴ Tiquiro sa ni sinituepegūta Jesu ne mehenogū yūhtierahye. Tiquiro sa yūhtieragū ihñano Pilato ne dūhse ni masiedahye.

Jesure wejē dutiahye

(Mr 15.6-20; Lc 23.13-25; Jn 18.38-19.16)

¹⁵ Cūhmaripe pascua ijigū masa yaqiro ijiatiquirore ihcāqiro peresupū ijiqirore Pilato sa wio basaducue tiahye. ¹⁶ Ti pjere Barrabá wame tiriquiro peresupū ijiyahye. Tiquirore masiahye masa. ¹⁷ Sa yero tiquina cahmecoagū Pilato pehe sinituahye tiquinare:

—¿Diquiro pehere masare wio basaboagari yuhū? ¿O Barrabá pehere o Jesure Cristo tiquina nidiquirore wio basaboagari yuhū? ni sinituahye tiquiro.

¹⁸ Jesure masa cahīgā ihñāñe judio masa mari pūhtoa tiquirore ihña tuhtiahye. Sa ihña tuhtiyē tiquirore ohoahye Pilatore. Sa yero masa tiquina cahīdi buhiri tiquina ihña tuhtirire masino Pilato Jesure wio duamahye.

¹⁹ Sa ye Pilato masare ñañe yeyequinare tiquiro beseri pahtapū dujigū tiquiro namono tiquirore quitī ohoahye: “Mia ñamine Jesure quehēgo, tutuaro ñano yuhdū. Sa yegu tiquirore ñañe marieniquirore ne sijo-ro saha yeracāhña mūhū”, ni yahudoeoahye tiquiro namono Pilatore.

²⁰ Sa ye coā waropare pahia pūhtoa, būcūna gāhū masare ohō saha ni duti tuhasahye. “Barrabá pehere wio duti, Jesu pehere wejē dutiya”, ni dutiahye masare. ²¹ Sa yero Pilato masare sinituahye:

—¿Ahriquina pūarore diquiro pehere masare wio basaboagari yuhū? ni sinituahye.

—Barrabá pehere wio basaya usāre, ni yuhtiahye.

²² —¿Ahriquiro Jesu Cristo tiquina nidiquiro pehere dūhse yeitari yuhū, masa sa ni sañuducugū? ni sinituahye tiquiro.

—Curusapū quē biha wejēña tiquirore, ni yuhtiahye masa ijipihiyequina.

²³ —¿Yabe borore ñañe yeari ahriquiro, masa sa nigū? niahye tiquiro.

Tiquiro sa nigū tūhoye tiquina tutuaro mehna sañuducuahye:

—Curusapū quē biha wejēña tiquirore, ni sañuducuahye masa tiquirore.

²⁴ Tiquina sa ni sañuducugū tūhoro, tiquirore tiquina tūho dueragū ihñano “Masa usua, cahmequeboaga”, nino, yuhtiro ohō saha yeahye Pilato. Masa tiquina ihñonopū tiquiro omo coseahye. Sa omo cosero ohō saha niahye.

—Ahriquirore wejēdi buhiri yee buhiri ijierare. Masa ye buhiri ijire, nino omo coseahye.

²⁵ Tiquiro sa nigū tūhoye ijipihiyequina masa ohō saha niahye.

—Ahriquirore wejēdi buhiri usā, usā pohna gāhū usā ye buhiri ijiaho, niahye masa.

²⁶ Tiquina sa nigū tūhoro Pilato Barrabáre peresupū ijiriquirore wio dutiahye masa tiquina cahmeniquirore. Sa ye tuhasa Jesu pehere yuta dari mehna tana duti, tiquirore curusapū wejē dutiro ohoahye surarare.

²⁷ Tiquiro sa ohogū Pilato ya wūhūpū tiquiro yequina surara Jesure neñe esahye. Sa ye tiquina surara ijipihiyequina Jesu cahapū cahmecoahye. ²⁸ Sa ye tiquiro suhtire tu we ne, pūhtoro ya suhtiro saha

bajuri suhtirore tiquirore sāahye. ²⁹ Sa sāa tuhasa, pota behtore ye tuhasa, tiquiro dapu bui duhu peoahye. Sa duhu peo tuhasa, yucūgure poto pehe dahra suhahye. Dahra suha tuhasa, dasepe curi mehna quehe sa, bujūpeahye tiquirore.

—Quehnoano ahtaya. Judio masa pūhto, quehnoano ahtaya, ni bujūpeahye tiquirore.

³⁰ Sa nieta tiquirore sihco puti ohō, tiquina dahra suhadare tiquirore tūā we ne, tiquiro dapure quēahye tū mehnata.

³¹ Tiquina sa bujūperi bato tiquina sāari suhtirore tu we ne, tiquiro ye suhti pehere sāahye tja. Sāa tuhasa, curusapū wejēñe tehe, tiquirore ne wijiahye.

Tiquina Jesure curusapū quē biha, wejēahye

(Mr 15.21-32; Lc 23.26-43; Jn 19.17-27)

³² Tiquirore ne cā, Simo wame tiriquirore Cirene cjanore piti ca, tiquirore Jesu wūari curusare wūa cā dutiri.

³³ Wūa cā Gólgota wame tiropū esari. “Gólgota”, nino “Dapu pehtoro”, nino nine.

³⁴ Sa ye vinore suēñe co mehna tiquina moreñe core Jesure ohomedi. Ti acore sihni tuhu, sihnedari tiquiro.

³⁵ Sa ye Jesu ye suhtire tiquina tu we nedi bato tiquirore curusapū quē bihari tiquina. Sa quē biha tuhasa, tiquiro ye suhtire “¿Noa yaro ijrotari ohō?” ni, cahme doqueperi, ni ojoahye panopū. ³⁶ Doquepe tuhasa tiquirore ihña dujuducuri tiquina.

³⁷ Tiquiro dapu bui curusapū ohō saha ni ojoari pñine duhu ohōri tiquina tiquiro ñañe buhirire yahu duaye. “AHRQUIRO JESU JUDIO MASA PHTORO IJIRE”, ni ojoari tiquina ti pñine.

³⁸ Came pūaro yaque būcūnare Jesu cahapū apeye curusaripū quē biha docori tiquina. Ihcāquiro tiquiro poto pehe, apeqiro tiquiro cū pehe pehe quē biha docori tiquina. ³⁹ Curusari cahapū yuhdū cāñequina Jesure ihña, tiquina dapu pacare yure, tiquirore ñano yahuducuri:

⁴⁰ —¿Cohācjū wūhūre cohā, ihtia deco wāhaboro pari turi ti wūhūre dahreborigū ijiajari mūhū? Cohācjū macū ijigū mūhū basi dijia taya. Sa yegu mūhū basi yedohoya, nidi masa.

⁴¹ Sata ni bujūperi tiquirore. Pahia pūhtoa gāhū, marine judio masare buhēyequina gāhū, būcūna gāhū tiquirore sa ni bujūperi.

⁴² —Tiquiro apeqinare yuhdūoriquiro ijiro tiquiro basi gāhū yuhdūoahro. “Israe masa pūhto ijiaja”, nimene tiquiro. Sa yena tiquiro basi dijia tagū ihñana tiquirore wacū tutuanata. ⁴³ Tiquiro pehe Cohācjūre wacū tutuamene. Sa yero “Cohācjū macū ijiaja”, nimene tiquiro. Tiquiro sa ijigū Cohācjū

pehe tiqirore yedohoahro, ni bujaperi tiqina.

⁴⁴ Yaque bacuna tiqiro cahapu tiqina quē bihanohriquina sata tiqirore bujape, ñano yahuducuri tiqina gūhu.

Jesu yariaa wahahye

(Mr 15.33-41; Lc 23.44-49; Jn 19.28-30; He 6.19-20; 10.19-20)

⁴⁵ Sa ye coheri pje ijigū ihtia hora waro ijipihtiropu nahitiano ijiri. ⁴⁶ Sa yero ti pjere nahitia yahdugū waro Jesu tutuaro sañuducuri:

—¿Elí, Elí lema sabactani? nidi tiqiro. Sa nino ohō saha nino niahye: “¿Yuhū Pacu, yahu Pacu, dahsegu yuhare cohājari mūhu?” nino nidi.

⁴⁷ Tiquiro sa nigū tuhoye ihquēquina topu ducuyequina ohō saha nimedi:

—Cohācjū yere yahu mahitariqirore Eliare pijiro niboaga, nimedi tiqina.

⁴⁸ Sa yero ihcāqiro tiqina mehna cjāno oma cā, aco ihmini sahte mehna vino suēñe core soha tuhasa, yucugū sohtoapu duhte ohō, Jesu cahapu esa, tiqirore sihōmedi. ⁴⁹ Tiquiro sa yegū ihñañe apequina sihōriqirore ohō saha nidi:

—Cohteniña. Elia ahriqirore tiqiro yahdugū ihñañhna mari, nidi apequina.

⁵⁰ Tiquina sa nidi bato pari turi sañuducu, Jesu pehe yariaa wahari. ⁵¹ Tiquiro yariagūta Cohācjū wūhu cjā suhtiro cahsero, topu tiqina cahmotari cahsero deco tuhnu maa dijia, cjū saa wahahye. Sa yero yehpa gūhu ñuhmīdi. Sa ñuhmigū utā paca bujape paca wahtia wahari. ⁵² Sa ye masa coperi parīgū, peyequina Cohācjū yequina muna panopu yariariquina muna masa wijiahye. ⁵³ Masa wijia, Jesu masa wijlari bato ti copere cohā cā, quehnoari macapu Jerusalēpu wahari tiqina. Topu tiqina wahagū peyequina masa ihñahye tiquinare.

⁵⁴ Sa ye ti ijipihtiyere ihñañe, yehpa ñuhmigū ihñañe, surara puhtoro tiqiro yequina surara mehna ihña maria wahari. Tiquina Jesure curusapu ijiriquirore cohteyequina ijiri. Ihña maria waha, ohō saha nidi:

—Ijirota ijire. Ahriqiro Cohācjū macanota ijimeya, nidi tiqina.

⁵⁵ Sa ye Galileapu Jesu mehna ahtariquina numia tiqirore yedohoriquina numia yoaropu tiqirore curusapu ijiriquirore ihñaducuye nidi. ⁵⁶ Tiquina numia mehna María Magdalena ijiri. Apecoro María wame tiricoro gūhu ijiri. Ticoro pehe Santiago, José gūhu pacoro ijiri. Apecoro Zebedeo namono ijiri.

Jesu pagure masa copepu cūahye José

(Mr 15.42-47; Lc 23.50-56; Jn 19.38-42)

⁵⁷ Sa ye ñamicahapu José Arimatea cjāno doeri cjē uparo topu wihiahye. Tiquiro Jesu

buhერიqiro ijiri. ⁵⁸ Wihi, Pilato cahapu esa, Jesu pagure siniahye. Tiquiro sa sinigū tuhoro Jesu pagure tiqirore oho dutiahye Pilato. ⁵⁹ Tiquiro sa dutiri bato José pehe tiqiro pagure ne dijio, quehnoari suhtiro wete marieni suhtiro mehna tiqiro pagure wahmeahye. ⁶⁰ Wahme tuhasa, José tiqiro ya masa copepu cūahye Jesu pagure. Ti cope tiqina utāpu seheri cope wahma cope ijiri. Ti copepu ne sajā duhu cū tuhasa, pajiria utāre tu torē cāhye tia mehna bihoro taro. Biha tuhasa, wahaa wahahye. ⁶¹ Sa ye María Magdalena, apecoro María mehna ti copere ihña dujuducuahye.

Jesure tiqina cūri copere surara cohteahye

⁶² Sa ye ape deco, pascua ijiatire tiqina quehnoari deco bato, saurū ijigū pahia puhto, fariseo masa gūhu Pilato cahapu cahmecoahe. ⁶³ Cahmecoa tuhasa ohō saha niahye tiqina Pilatore:

—Puhto, tiqiro ni mehoriquiro Jesu catiro ohō saha niahye: “Ihtia deco wahaboro masa wijiaqūta yuhū”, niahye tiqiro. ⁶⁴ Tiquiro sa nidiquiro ijigū tiqiro buhēyequina pehe tiqiro pagure yaqueboaga. Sa yaqueye masare ohō saha niboaga: “Jesu masa wijlari”, niboaga tiqina. Tiquiro Jesu pehe masare ni mehono nidi. Sa ijiepegūta tiqiro buhēyequina pehe “Tiquiro masa wijlari”, ñiñe, ni mehoñe nieta. Sa yero Jesu tiqiro ni mehoriro yahdoro tiqina ye ni mehoñe pehe ña yahduarota. “Sa yaqueari”, nigū ihtia deco waro tiqiro masa copere mūhu yequina surarare cohte dutiya, niahye tiqina Pilatore.

⁶⁵ Pilato yuhtiahye:

—Au. Ti copere cohteahro. Sa yena masa gūhu musa ye masino puno ti copere quehnoano cohteya, niahye tiqiro tiquinare.

⁶⁶ Tiquiro sa nigū tiqina waha, ti copere biharia utā mehnaputa ñehogūputa wihtā ñeheahye masa tiqina sajāgū ihña masiñe tehe. Sa ye surarare ti copere cohte dutiahye.

28

Jesu masa wijiahye

(Mr 16.1-8; Lc 24.1-12; Jn 20.1-10)

¹ Sa ye judio masa mari sori deco saurū pehe yahdugū domingo ijigū ñami cjūnogā ijigū María Magdalena apecoro María mehna Jesu masa copere ihñañe wahahye. ² Sa yero duita yehpa tutuaro ñuhmiahye. Sa ñuhmigū mari puhtoro tiqiro yaqiro angel umusepu ijiriquiro dijia ta, masa copere biharia utāre tu torē cā, tia bui dujahye. ³ Upo miadoqueoro yero saha quehnoano asi siteahye tiqiro. Sa

ye tiqiro suhti ehmeo curua yero saha quehnoano yehseye suhti ijiahye. ⁴ Tiquiro sa bajuagū ti copere cohteyequina surara cue yūhdūye, nanare yūhdūa waha, buigā warona yaria yūhdūa wahahye. ⁵ Sa yero angel pehe tiquina numiare ohō saha niahye:

—Yūhure cueracāhña. Curusapū tiquina quē bihariqiro, Jesure mūsa macagū masiaja yūhū. ⁶ Tiquiro yojopure ohōre mariedare. Tiquiro nidiro sahata masa wijiaa wahari. Tiquiro pagure tiquina cūrirore ihñana ahtaya. ⁷ Sa yena tiqiro buheyequina cahapū amūñano waha, ohō saha ni yahuna wahaya: “Jesu masa wijiarī. Sa yero mūsa pano Galileapū tiqiro wahayurota. Topū tiqirore ihñanata mūsa”, ni yahuna wahaya mūsa. Ahrita ijire mū sare yūhū yahuri quiti, niahye angel tiquina numiare.

⁸ Tiquiro sa nidi bato tiquina numia masa copere ijiye numia sojaro mehna wijia, tiqirore cuepeta bucue yūhdūye mehna Jesu buheyequinare yahuye oma cāa wahahye. ⁹ Sa wahayequina numiare Jesu piti ca, ohō saha niahye:

—¿Quehnoano ijiajari mūsa? niahye tiqiro.

Tiquiro sa nidi bato, tiquina pehe tiqiro cahapū esa, dahpocārine ñehe, tiqirore ño peoahye.

¹⁰ —Cueracāhña mūsa. Yūhū bahanare “Galileapū wahaya”, ni yahuna wahaya. Topū yūhure ihñāeta tiquina, niahye Jesu tiquinare.

Masa copere cohteyequina surara tiquina ihñarire yahuahye

¹¹ Tiquiro sa nidi bato numia wahari watoa ihquēquina masa copere cohteriquina mehna cjenā surara, Jerusalēpū pahia pūhtoare ijipihtiyere yahu pehoye wahahye. Jesu tiqiro masa copere wijiarire yahu peho cāhye. ¹² Tiquina sa ni yahugū pahia pūhtoā, judio masa mari bucūna mehna cahmecoahye. Cahmecoā, yahuducuahye. Sa yeye surarare ni meho dutiye niñerure wapa yeahye.

¹³ —Ohō saha niña mūsa masare: “Ñami usā carīdi bato tiqiro buheyequina pehe masa copere wihi, tiqiro pagure ne cāri jiri”, ni yahuya masare. ¹⁴ Mūsa sa ni yahugū Pilato pehe mūsa carī yūhdūarire tūhoboaga. Tiquiro sa tūhogū, “Mū sare tuhtiari”, nina, mū sare yahu basanata usā tiqirore, niahye tiquina surarare.

¹⁵ Tiquina sa nidi bato surara pehe niñerure ñehe, tiquinare tiquina ni meho dutiriro sahata masare yahuye wahahye. Sa ye tiquina ni mehoriro sahata Jesu tiqiro masa copere wijiarire yahuducuri

judio masa. Yojopū gāhure sata nine tiquina.

Jesu tiqiro yere buhe dutiro ohoahye tiqiro buheyequinare

(Mr 16.14-18; Lc 24.36-49; Jn 20.19-23)

¹⁶ Sa ye usā Jesu buhena once buhena cūnarū Galileapū ijidūpū Jesu tiqiro waha dutidūpū waha usā. ¹⁷ Topū esa, Jesure ihñana, ño peou usā tiqirore. Sa ño peoepe-nata, usā ihquēquina “Ahriqiro Cohācǰū macano ijieraboaga”, ni tūhotumi. ¹⁸ Usā sa ño peogū tiqiro pehe usā cahapū wihi, ohō saha nidi:

—Ahri yehpapare, ahmūsepu gāhure Cohācǰū ijipihtiyequina bui tutuayere ohori yūhure. ¹⁹ Tiquiro sa ohogū ohō saha dutiaja mū sare: Ijipihtiro cjenare yeere buhena wahaya. Yeequina tiquina wahatire buhena wahaya. Sa yena mari Pacū wame mehna, yūhū wame mehna, Espiritu Santo wame mehna tiquinare wame yeya. ²⁰ Sa yena mū sare yūhū dutirire tiquina ye pehoatire buheya tiquinare mūsa. Sa yena ahrire yūhū niatire wacūña: Ijipihtiyē decori ahri yehpa ijiro puno mūsa mehna sa ijiducugutja. Mūsa mehna yūhū sa ijiducuatire wacūña mūsa, ni yahuri usāre Jesu.

San Marcos

Ñu wame yeriquiro buhe dñcahye
(Mt 3.1-12; Lc 3.1-9, 15-17; Jn 1.19-28)

¹ Ahri pūrū Jesucristo Cohācjū macūno tiquiuro yerire quehnoañe buheyere yahu dñcaja. ² Cohācjū yere yahu mahtariquiuro mūnāno Isaia tiquiuro ojoariro sahata yahuye ijire. Ohō saha ni ojoahye tiquiuro: Cohācjū tiquiuro macūnore ohō saha niahye: “Mūhū pano mūhare yahuyuatiquirore ohoyugū niaja. ³ Sa yero tiquiuro masa marienopū waharota. Tiquirore tuhoyequinare yahuro sañuducurota: ‘Mari puhtoro tiquiuro ahtato pano mahare mari quehnoyuro saha quehnoana ijiyuya mūsa. Mūsa ñañe yerire bujua witiya,’ ni sañuducurota,” niahye Cohācjū, ni ojoahye Isaia.

⁴ Ñu wame yeriquiro masa marienopū buhee tiahye.

—Mūsa ñañe yerire bujua witiya. Yojoapūre quehnoañe pehere comesaya. Sa yena wame yenohrina ijiya. Mūsa sa comesagū ihñāno Cohācjū mūsa ñañe yerire borota, ni buhee tiahye tiquiuro.

⁵ Sa yero ijiptiyequina Judea dihta cĵe macari cĵēna Jerusalē cĵēna mehna tiquiuro cahapū esagū ihñāño Ñu pehe Jordā wame tiri mapū wame yeahye tiquinare. Tiquinare tiquiuro wame yegū tiquina pehe tiquina ñañe yerire yahu yūhdūahye Cohācjūre.

⁶ Sa yero Ñu camello poari suhtirore sañariquiuro wahiquina cahsero mehna tuā dihoriquiuro ijahye. Poreroare, umiquina nūcū cĵēna umine ihyae tiahye. ⁷ Sa yero ohō saha ni buhee tiahye.

—Yūhū bato yūhū yūhdūoro tutuariquiuro ahtarota. Quehnoa yūhdūariquiuro ijire tiquiuro. Tiquiro yero saha ijieraja yūhū pehe. Sa yegū tiquiurore tuhotugū, “Ihyo ijigū ijiaja yūhū”, ni tuhotuaja yūhū. ⁸ Mūsare wame yegū aco mehna wame yei. Tiquiro pehe yūhū yūhdūoro yerota. Espiritu Santore masa mehna ijiducugū yerota, ni buhee tiahye Ñu.

Ñu Jesure wame yeahye
(Mt 3.13-17; Lc 3.21-22)

⁹ Sa ye ti pjere Jesu Nazarepū Galilea yehparū ijiri macapū ijiriquiro Jordā wame tiri mapū esahye. Topū tiquiuro esagū Ñu wame yeahye tiquiore. ¹⁰ Tiquiro wame ye tuhasagū Jesu diapū ijiriquiro maja sadūca ūhmanopū ihñā mūoahye. Ūhmūse parī maa wahahye. To parī maagāta Espiritu bujua yero saha Jesu bui dijia tahye. ¹¹ Sa yero ūhmūsepu yahuducuro ca tahye:

—Mūhū yūhū macū yūhū cahīgū ijire. Mūhū mehna tutuaro buceaja, nino ca tahye ūhmūsepu.

Satana ñañene ye dutimahye Jesure
(Mt 4.1-11; Lc 4.1-13)

¹² Ti pjere Jesure masa marienopū Espiritu Santo neahye. ¹³ Topūre esaro cuarenta decori waro ijahye. Watino pehe Jesu tiquiuro ñañene yegū ihñā duaro ñañene ye dutimahye tiquiore. Sa yero Jesu wahiquina nūcū cĵēna mehna ijahye. Topū tiquiuro ijigū ihñāne angele pehe tiquiore yedohoahye.

Jesu Galilea yehparū buhe dñcahye
(Mt 4.12-17; Lc 4.14-15)

¹⁴ Sa ye Ñure peresupū tiquina biha dapori bato Jesu pehe Galilea yehparū quehnoañe buheyere Cohācjū puhtoro ijiyere yahuro wahahye. ¹⁵ Ohō saha ni yahuahye:

—Yojoapūre ohō saha ijire. Cohācjū tiquiuro puhtoro ijatō mehenogā dñsare. Mūsa ñañe yerire bujua witiya. Sa yena quehnoañene comesaya. Quehnoañe buheyere tuhoya mūsa, ni buhee tiahye Jesu.

Jesu pititiaro wahi yohyeequinare
“Yūhū mehna cĵēna ijiana ahtaya”, niahye
(Mt 4.18-22; Lc 5.1-11)

¹⁶ Tire yahu tuhasaro Galilea wame tiri ditara dūhtū cahapū esaro, ihñahye Simore, tiquiuro bahūro Andre mehna. Tiquina wahi yohyeequina ijahye. Sa ye tiquina wēñecjare doque ñoñe niahye ti ditarapū.

¹⁷ —Yūhū mehna cĵēna ijiana ahtaya mūsa. Yūhū mehna mūsa ahtagū mūsa wahire ñehe cahmecoana mūsa ijiro saha Cohācjū yequina ijiatiquinare masare piji cahmecoana ijigū yeitja mūsare. Yūhū mehna mūsa ahtagū sa yeanaajare cūtja mūsare, niahye Jesu.

¹⁸ Tiquiro sa nigū tuhoye tiquina wēñecjare cū cā, tiquiuro mehna wahahye.

¹⁹ Sa ye tiquina mehenogā yūhdū cā, Santiagore, tiquiuro bahūro Ñu gūhare boca sahye tja. Tiquina pehe Zebedeo pohne ijahye. Tiquina yaria yucūsapū wēñecjare quehnoñe niahye. ²⁰ Sa yero tiquiuro pijogū tiquina pehe tiquina pacūrore, tiquiore yedohoyequina mehna yucūsapū cū cā, Jesu mehna wahahye.

Watīare cuoriquiro Jesure piti cahye
(Lc 4.31-37)

²¹ Sa ye tiquina Capernau wame tiri macapū esahye. Sa yero saurū ijigū judio masa buheri wūhūpū buhero esahye tiquiuro. ²² Sa yero tiquiuro quehnoano masi pehoriquiuro buhero usā judio masare buheyequina yero saha ijierahye tiquiuro. Tiquiro sa buhegū ti maca cĵēna tuhō maria wahahye. ²³ Ti pjere ti wūhūpū ijiriquiro

watiare caoriquiro ijiahye. Sa yero ohō saha niahye Jesure:

²⁴ —Muhū Jesu Nazare cjū cariboeracāhña usāre. ¿Duhse yei tūu niajari usāre? ¿Muhū usāre butigū yei tūu niajari? Cohācjū macū quehnoagu muhū ijigū yuhū masiaja, ni sañuducuahye tiquiro Jesure.

²⁵ Tiquiro sa nigū tuhoro Jesu tuhtiahye watiare:

—Dihta mariahña. Duhuya tiquirore, niahye Jesu.

²⁶ Sa yeye watiā tiquirore yehpapū doque quehe sa tunugū yeye, tiquiro tutuaro sañuducuri watoa duhuahye tiquirore. ²⁷ Sa ye ijipihtiyequina ti wuhūpū dujiyequina acūa yuhdūa waha, ohō saha niahye:

—Ahyou. ¿Ahri wahma buheye ijiajari? Tiquiro pūhtoro yero saha dutire watiare. Tiquiro dutigū tiquina watiā pehe yuhdūacaerare tiquirore, ni yahuducuahye ti wuhūpū dujiyequina tiquina basi.

²⁸ Sa ye meheñe decori batota duita ijipihtiyequina Galilea yehpa cjēna tire tiquiro sa yerire tūhoahye.

Jesu Simo Pedro mareonore duti yuhdugū yeahye

(Mt 8.14-15; Lc 4.38-39)

²⁹ Sa ye Jesu gūhū judio masa buheri wuhūpū ijiriquina wijiaa wahahye. Tiquina sa wijari bato Jesu, Santiago, Ņu, apequina tiquina mehna cjēna gūhūre, Simo, tiquiro bahuro Andre mehna tiquina ya wuhūpū siho sajā sahye. ³⁰ Ti pjere Simo mareono ujuaye dohatiricoro cuñano bui ticoro cuñagū ihñañe yahuahye Jesure. ³¹ Tiquina sa ni yahugū tuhoro tiquiro pehe ticoro cahapū esaro, ticoro omocare ñehe, ticorore weje wahcō dapoahye. Tiquiro sa weje wahcō dapogūta ticorore ujuaye surua wahahye. Ti sa sururi bato ticorota ihyayere peoahye.

Jesu peyequina dohatiyequinare yuhdūoahye

(Mt 8.16-17; Lc 4.40-41)

³² Namicahapū asū sajāri bato masa peyequina dohatiyequinare, watiā cūoyequinare Jesu cahapū ne sahye. ³³ Sa ye ijipihtiyequina ti maca cjēna cahmecoa dūca sahye ti wuhū sopecahapū. ³⁴ Sa yero Jesu peyequina dohatiyequinare, peyequina watiā cūoyequinare quehnoa wahagū yeahye. Peyequina watiāre cohāhye. Sa yero Jesure watiā tiquirore masigū ihñano Jesu pehe tiquinare yahuducu dutierahye.

Jesu buhe tinino wahahye
(Lc 4.42-44)

³⁵ Sa ye ñami cjūno wahcā, nahitia cjūgū masa marienopū Cohācjūre sinino wahahye Jesu. ³⁶ Tiquiro sa wahagū ihñañe Simo gūhū

tiquirore macañe esahye. ³⁷ Sa ye tiquirore piti caye, ohō saha niahye:

—Masa ijipihtiyequina muhūre macañe nidi, niahye tiquina.

³⁸ Tiquina sa nigū tuhoro ohō saha niahye Jesu:

—Ahri macarine buhegū ahtaū yuhū. Sa yena apeye macari ohō cahagū cjē macaripū wahauhna mari. Yuhū ti macari gūhūre buheitja, niahye Jesu tiquinare.

³⁹ Sa yero ijipihtiyē Galilea yehpare buhe tiniahye. Sa yero macaripe judio masa buheye wuhūsepe buhero, watiāre masa mehna ijieyequinare cohā wioahye.

Jesu camī bucū mūna wihirore yuhdūoahye

(Mt 8.1-4; Lc 5.12-16)

⁴⁰ Sa ye apequiro dohatiriquiro camī bucū mūna wihiro Jesure piti caro dūsepe curi mehna quehe sa siniahye:

—Muhū yuhūre yuhdūo duagu yuhdūoya, niahye camī bucū mūna wihiro.

⁴¹ Tiquiro sa nigū tuhoro Jesu tiquirore paja ihñahye. Sa yero tiquiro omocare siōdoqueo tiquirore ña peoahye. Sa ña peoro ohō saha niahye:

—Tire ye duaja. Quehnoagu ijiya muhū, niahye Jesu.

⁴² Tiquiro sa nigūta tiquiro camī ahbari yati maa wahahye. Quehnoa wahahye tiquiro. ⁴³ Tiquiro sa wahagū ihñano Jesu tiquirore tutuaro mehna yahuahye:

⁴⁴ —Apequinare ahrire yahu siteracāhña. Sa yahuerapegūta muhū pagure pahire ihñōña. Cohācjū dutiye Moiserē tiquiro cūriro sahata yeya. Sa yegu minicjūare ohoya pahire muhū quehnoagu muhū waharire masare muhū ihñōatire, niahye Jesu. Sa ni tuhasa “Wahaya”, niahye tiquirore.

⁴⁵ Tiquiro sa yahu dutierapegūta tiquiro waha, ijipihtiyē macari cjēnare Jesu yerire yahuahye. Tiquiro sa yahuri bato Jesu masa peyequina ijioropure waha masiedahye. Sa yero tiquiro meheñequinagū ijioropū ijiahye. Topū tiquiro ijigū peye macari cjēna tiquiro cahapū esahye.

2

Jesu tini masieniquirore tinigū yeahye

(Mt 9.1-8; Lc 5.17-26)

¹ Meheñe decori bato Jesu Capernaupū tojoa wahahye. Wuhūpū tiquiro ijigū masa tūhoahye. ² Sa ye topū masa peyequina cahmecoa, ti wuhūre wahpa wijiadūca saa wahahye. Sa yero Jesu tiquinare quehnoañe buheyere yahuahye. ³ Sa ye apequina gūhū ahta, pititiaro amūa tini masieniquirore ne wihiahye. ⁴ Tiquina masa peyequina ijigū ihñañe Jesu cahapū sajā masiedahye. Sa ye tiquina wuhū buipū muji pahmare ne

wedoqueo, Jesu bui waro meheni copegã dahre, tini masieniquirore tiqiro cuñari cahsero mehna duhu dijioahye Jesu caha waro. “Jesu ahriquiroro tiqiro dohatiyere yuhdugã yerota”, ni tãhotuahye tiquina. ⁵ Tiquina sa ni tãhotugã masino Jesu pehe dohatiriquirore ohõ saha ni yahuahye:

–Yũhũ macũ, mũhũ ñãñe yerire cohã tuhasaũ, niahye Jesu tini masieniquirore.

⁶ Tiquiro sa nigũ tãhoye, usã acaye judio masare buheyequina topure dujiyequina tiquina basi ohõ saha ni tãhotumahye: ⁷ “Ahriquiroro sa ni yahuducueracãhdo. Cohãcjũre ñano yahuducuro nine tiqiro. Masino mari yero saha ijiriquiro ijire tiqiro gãhũ. Sa yero tiqiro ahriquiroro ñãñe yerire cohã masiedare. Cohãcjũ dihita masa tiquina ñãñe yerire cohã masine”, ni tãhotumahye tiquina. ⁸ Tiquina sa ni tãhotugã ihñano Jesu tiquina tãhotuyere masino ohõ saha niahye:

–¿Dũhse yena masa sa ni tãhotujari? ⁹ “Mũhũ ñãñe yerire cohã tuhasaja”, yũhũ nigũ, “Ni mehogu ijire”, yũhare nina nine masa masiedapenata. Tiquiro tini masieniquirore “Wahcãdũca, wahaya”, yũhũ nigũ, tiqiro tinigũ ihñana yũhũ nidi potota ijigã duita masinata masa. ¹⁰ Yũhũ masũ Cohãcjũ ohorigũ ahri yehpãpũre masa tiquina ñãñe yerire cohã masiaja yũhũ. Yũhũ sa cohãrire masa masiato saha ohõ saha tiqiro wahagũ yeitja, niahye Jesu judio masare buheyequinare.

Sa ni tuhasa tini masieniquirore ohõ saha niahye:

¹¹ –Mũhare niita niaja. Wahcãdũcaya. Mũhũ cuñari cahserore ne cãhña mũhũ ya wũhũpũ, niahye Jesu tiqirore.

¹² Tiquiro sa nigãta tini masieniquiro wahcãdũca sa, tiqiro cuñari cahserore ne, ijipihitiyequina tiquina ihñono wijiaa wahahye. Tiquiro sa yegũ ihñãñe tiquina ijipihitiyequina ihña acũaa wahahye. “Cohãcjũ tutuariquiroro ijire. Ne mari ohõ saha yegũre ihñeda tii”, niahye tiquina basi.

Jesu Levĩre “Yũhũ mehna cjũ ijiajũ ah-taya”, niahye

(Mt 9.9-13; Lc 5.27-32)

¹³ Sa ye pari turi Jesu ditara dũhtũ cahapũ wahahye. Sa yero masa peyequina tiqiro cahapũ tiquina cahmecoagũ ihñano tiqiro buheahye tiquinare. ¹⁴ Sa ye tuhasa topũ ijiriquiro waharo Levĩre Alfeo macãnore tiqiro dahrari tucũpũ boca sahye. Apequina mehna pãhtoa ye ijiatire wapa ne cohteyequina ijiahye Levĩ gãhũ. Tiquirore boca saro ohõ saha niahye:

–Yũhũ mehna cjũ ijiajũ ahtaya mũhũ, niahye Jesu Levĩre.

Tiquiro sa nigũ Levĩ pehe wahcãdũca sa, Jesu mehna wahahye.

¹⁵ Jesu mehna wahayequina peyequina ijiahye. Sa yero Levĩ ya wũhũpũ mesa cahapũ peyequina wapa ne cohteyequina mehna, “Ñano yeyequina”, tiquina niñequina mehna tiqiro buheyequina mehna dujiyahye Jesu. ¹⁶ Topũ tiquina dujiri bato apequina usã judio masare buheyequina, fariseo masa mehna Jesu tiqiro ihyagũ ihñahye tiquina. Sa ihñãñe ohõ saha niahye:

–¿Dũhsero ñano yeyequina, wapa ne cohteyequina mehna ihyajari Jesu? ni sinituahye judio masare buheyequina Jesu buheyequinare.

¹⁷ Tiquina sa nigũ tãhorõ queoye mehna yũhtiahye Jesu:

–Dohatyequina duturure macaedare. Dohatyequina dihita duturure macare. Ñãñequina dohatyequina yero saha ijire. Sa yegũ ñãñequina dihitarẽ tiquina ñãñe yerire bũjũa witi duti, quehnoãñe pehere tiquinare comesagũ yegũ tagũ nii yũhũ. Tiquina basi “Quehnoana ijiaja usã”, ni tãhotuyequinare yedohogu tagũ niedũ yũhũ, niahye tiqiro tiquinare.

Sijiyere Jesure sinituahye apequina
(Mt 9.14-17; Lc 5.33-39)

¹⁸ Ti pjere Ñũ buheyequina, fariseo masa gãhũ Cohãcjũre ño peoye tehe, sijie tiahye. Sa ye masa Jesure sinituahye:

–Ñũ buheyequina, fariseo masa buheyequina gãhũ Cohãcjũre ño peoye tehe sijire. ¿Dũhse ye mũhũ buheyequina sijierajari? niahye tiquina Jesure.

¹⁹ Jesu tiqiro tãhotuyẽ mehna queoye mehna buhero tiquinare ohõ saha ni yũhtiahye:

–Ohõ saha ijire ti: Omoca dũhteriquiro bõse deco ijigũ tiqiro mehna cjẽna bũjũa witiro mehna ijierare. Sa ye sijiyequina ijierare. Sata yũhũ buheyequina gãhũ yũhũ mehna ijieye, siji masiedare. ²⁰ Yũhũ Pacũ Cohãcjũ yũhare tiqiro neari bato pũritare pari turi yũhũ buheyequina mehna ijisi yũhũ. Sa ye ti pjepũ yũhũ buheyequina gãhũ sijieta, niahye Jesu.

²¹ Panopũ cjẽ buheye mehna tiquina buhe more duagũ ihñano ohõ saha ni nemoahye Jesu tiquinare queoye mehna buhero.

–Ne wahma cahsero suhtiro cahsero mehna mũnãno suhtirore sere ohõno cahmedare. Sa yegũ wahma cahsero mari coseri bato mũnãno suhtirore weje cahmecoã, paji yũhdũaro tãhngũ yere. (Sata mũna buheye wahma buheye mehna piti dahre buheraro cahmene.) ²² Sa yena ne uñse co bisieye core wahiquiro cahsero ajurõpũre mũna ajurõpũre pose yeraro cahmene. Sa yegũ uñse co bisieye pahmuñepũ mũna ajurõre tãhngũ dijiaa wahare. Ti ajuro tãhngũ uñse co gãhũ ajuro

gāhū cohāa wahare. Sa yena uhse co wahma core wahma ajurorū pose yero cahmene. (Sata wahma buheye māna buheye mehna buhe moredaro cahmene,) ni buheahye Jesu tiquinare.

Saurú ijigū Jesu buheyequina trigo parorire peheahye

(Mt 12.1-8; Lc 6.1-5)

²³ Ape deco saurú ijigū Jesu gāhū trigo weseperū wahahye. Tiquiro buheyequina pehe trigo parorire pehe yūhdū cāhye. ²⁴ Tiquina sa yegū ihñāne ohō saha ni tuhtiahye fariseo masa Jesure:

—Tuhoriña usāre. ¿Duhse ye māhū buheyequina saurú mari sori deco ijiepegūta dahrajari? Mari dutiyere yūhdūdcayey nine, niahye tiquina Jesure.

²⁵⁻²⁶ Tiquina sa nigū tūhoro Jesu tiquinare yūhtiahye. “Yūhū buheyequina yūhdūdcayey niedare”, nino taro ohō saha niahye:

—Davi mānāno tiquiro mehna cjēna mehna ūhū ahbaro, Cohācjū wūhūpū sajā, Cohācjū ye pāre ihyahye. Sa yero tiquiro mehna cjēna gāhūre ti pāre ohoahye. Ti pāre pahia dihita ihyae tiahye. Cohācjū dutiye tiquina ojoari pū apeqināre ti pāre ihyā dutierare. Ti pjeri Abiatar wame tiriqiro pahia puhtoro ijiahye. ¿Davi gāhū tire tiquina yerire Cohācjū yere tiquina ojoari pūre buherari mūsa? (Ti pāre ihyare Cohācjūre yūhdūdcaro niedahye. Miare ahri pjerire ihyaye yūhū buheyequina gāhū Cohācjūre yūhdūdcayey niedare,) niahye Jesu tiquinare.

²⁷ Sa ni tuhasa ohō saha ni nemoahye:

—Sa yero Cohācjū saurú decore tiquina sori deco cūno, masa ya deco cūno nidi dahra wahyariquinare so dutiro. Ti deco cahācjēna ijiatire cūno niedari masare. ²⁸ Sa yegū yūhū masū Cohācjū ohorigū ahri deco saurú decore masa tiquina yeatire yahugū ijigū puhto ijiaja, niahye Jesu tiquinare.

3

Omoca bħhariqiro quti ijire

(Mt 12.9-14; Lc 6.6-11)

¹ Sa ye Jesu usā judio masa buheri wūhūpū esaro, sajāhye tja. Sa yero omoca bħhariqiro gāhū topū ijiahye. Sa ye ti wūhūpū ijieyēquina Jesu dihitare ihñadoque ohōahye. ² Saurú ijigū Jesu omoca bħhariqirore tiquiro yūhdūogū ihñā duahye tiquina. Tiquiro sa yegū ihñāne tiquirore yahusā duahye. “Mari sori decore Jesu dahraro nine”, ni yahusā duahye tiquina. ³ Sa yero ohō saha niahye Jesu omoca bħhariqirore:

—Wahcāduca saya. Ohōpū ahtaya, niahye.

Sa ni tuhasa ti wūhūpū ijieyēquinare yahuahye:

⁴ —¿Saurú ijigū quehnoañene yegū quehnoaedajari? ¿O ñāne yegū pehere quehnoajari, mūsa tuhotugū? Saurú ijigū masunore masogū quehnoañene. Masunore wejēgū pehere quehnoaedare, ni yahuahye Jesu tiquinare.

Tiquiro sa niepegūta tiquina pehe ne yūhtierahye. ⁵ Tiquina sa yūhtieragū ihñāno Jesu tiquina mehna usuahye. Tiquina tūho dueragū ihñāno Jesu buhūa witiahye.

—Mūhū omocare siō potoya, niahye tiquiro omoca bħhariqirore.

Tiquiro sa nigū tūhoro tiquiro omocare siō potoahye. Tiquiro siō potogūta omoca quehnoa wahahye. ⁶ Sa omoca quehnoa wahagū ihñāne fariseo masa wijiaa wahahye. Wijia, Herode mehna cjēna mehna cahmecoa, “¿Duhse ye Jesure wejēnatarī mari?” niahye tiquina basi.

Masa peyequina ditara dūhtū cahapū ijiahye

⁷⁻⁸ Sa ye Jesu tiquiro buheyequina mehna ditara cahapū wahahye. Tiquina sa wahagū ihñāne Galilea cjēna masa peyequina tiquiro bato esahye. Sa ye Judea yehpa cjēna, Jerusalē cjēna, Idumea yehpa cjēna, Jordā wame tiri ma ape sie pahrē cjēna, Tiro wame tiri maca cjēna, to cahapū ijieyēquina, Sidō wame tiri maca cjēna, to cahapū ijieyēquina mehna masa peyequina ijieyēquina tiquiro yerire tūhoye, tiquiro cahapū esahye. ⁹ Sa ye masa peyequina ijieyē, Jesu cahare bihsa dūca sahye. Sa yero Jesu yucasare quehno pahsa dutiahye tiquiro buheyequinare. ¹⁰ Peyequina dohatieyēquinare tiquiro yūhdūogū ihñāne apeqina dohatieyēquina gāhū Jesure piha duaye, bihsa dūca sahye. ¹¹ Sa ye watāre cūoyequina pehe Jesure ihñāne tiquiro cahapū dūsepe curi mehna quehe sahye.

—Mūhū Cohācjū macū ijire, ni sañuducuahye tiquina tiquirore.

¹² Sa yero tiquinare Cohācjū macūno tiquiro ijieyere tutuaro mehna apeqinare yahu dutierahye Jesu.

Jesu tiquiro buheyequinare doce tiquiro ohoatiquinare bese docoahye

(Mt 10.1-4; Lc 6.12-16)

¹³ Sa ye Jesu cūhūpū mūja, tiquiro cahmeñequinare pijiahye. Tiquiro pijigū tūhoye, tiquiro cahapū esahye tiquina. ¹⁴ Sa yero doce amūare tiquiro mehna cjēnare, tiquiro ohoatiquinare, apeye macaripare tiquiro yere buheatieyēquinare bese docoahye Jesu. Sa ye tiquina ya curua Jesu cūriquina wame tiahye. ¹⁵ Sa yero dohatieyēquinare yūhdūoatire, watāre cohāti gāhūre cūahye tiquinare. ¹⁶⁻¹⁹ Ahriquina ijiahye doce amūa Jesu tiquiro bese docoriquina: Simo, Santiago Zebedeo macūno, Ōu Santiago baharo, Andre, Felipe, Bartolomé, Mateo,

Tomasu, Santiago Alfeo macano, Tadeo, Simo celote ya curua cjano ijimediquiro, Juda Iscariote, ahriquina ijiahye tiquiro bese docoriquina. Jesu Simore Pedro wame yeahye. Santiagore, Ñu mehna Boanerges wame yeahye. Boanerges “Уро cjēna”, nino nine. Juda Iscariote Jesure ihña tuhtiyequinare ihñaotiquiro ijiahye.

—Jesu watño tutuayere chore, ni yahusāhye masa
(Mt 12.22-32; Lc 11.14-23; 12.10)

²⁰ Tiquinare bese doco tuhasa, dijia, Jesu tiquiro buheyequina mehna wuhapu sajā wahahye. Sa ye topu pari turi masa peyequina cahmecoañe, bihsaa wahahye. Tiquina sa bihsagū ihñano Jesu ihya masiedahye. Sa ye tiquiro buheyequina gāhu ihya masiedahye. ²¹ Sa ye apequina Jesu acaye tire tūhoye tiquiro cahapu esaye, tiquirore ñehemahye. “Tiquiro tūho masieniquiro waharo nine”, nimahye tiquina.

²² Apequina ohō saha nimahye:

—Beelzebū tiquirore sa wahagū yero niga. Tiquiro watiare cohāno, Beelzebū watia puhtoro tutuaye mehna tiquinare cohāre, nimahye Jerusalēpu ahtariquina usā judio masare buheyequina.

²³ Tiquina sa nigū tūhoro Jesu pehe tiquinare piji, tiquiro tūhotuye mehna queoye mehna yahuahye tiquinare, “Watño ye tutuaye mehna watiare cohāgu niedaja”, nino taro.

²⁴ —Watia tiquina basi cohā masiedare. Sa ye ihcā yehpa cjēna tiquina basi cahme wejē, ti yehpa cjēna yaria pihtia wahaboaga. ²⁵ Sa ye ihcā wahu cjēna tiquina basi cahmequeñe ti wahu cjēna waha pihtia wahaboaga. ²⁶ Sa yero Satana watia puhtoro pehe watiare cohāno tiquina basita cahmequeñe nihoaga. Sa ye tiquina waha pihtia wahaboaga.

²⁷ Ohō sahata ijire mari queoye mehna buhegū. Tutuariquiro ya wuhapu apequiro sajā sa yaque masiedare. Tutuariquirore dūhteraro tiquiro ya wuhapu sajā sa yaque masiedare. Tutuariquirore tiquiro dūhteri bato sajā sa yaque masine, ni yahuahye Jesu.

(Ohō saha ni yahuahye watñore tiquiro yuhdūcarire yahuro. Watño tutuariquiro tiquiro ijiepegūta Jesu tiquirore yuhdūcare watiare cohāno.)

²⁸ Sa ni tuhasa ohō saha ni yahu nemoahye Jesu:

—Poto niita niaja masare. Ijipihtiyē ñañe masa tiquina yegū tiquina yahuducugū gūhare Cohācjū bo masine. ²⁹ Sa boeperota Espiritu Santore tiquina ñano yahuducugū ti pūritare ne bosī. Tiquina sa

nidi buhiri sa buhiri tiducuyequina ijietā, niahye Jesu tiquinare.

³⁰ Jesu Espiritu Santo tiquiro tutuaye mehna watiare tiquiro cohāpegūta “Tiquiro watño tutuaye mehna watiare cohāno nine”, nimahye masa. Tiquina sa nigū tūhoro ti quitire Espiritu Santo quitire yahuahye Jesu tiquinare.

Jesu acaye tiquirore pijiahye
(Mt 12.46-50; Lc 8.19-21)

³¹ Sa ye Jesu bahana tiquiro pacoro mehna wihiahye. Sa wihiyē sopecahapu ijiahye. Apequinare piji dutiahye tiquirore.

³² Sa ye masa tiquiro cahapu dujiyequina yahuahye tiquirore.

—Mūhu paco, mūhu bahana mehna sopecahapu mūhare pijiri, niahye.

³³ Tiquina sa nigū tūhoro ohō saha niahye Jesu tiquinare buhero taro:

—¿Noa ijiajari yūhu paco, yūhu bahana gāhu, masa ihñagū? niahye tiquiro tiquinare buhero.

³⁴ Sa nino tiquiro caha dujiyequinare ihñano ohō saha niahye:

—Ahriquina ijire yūhu paco, yūhu bahana yero saha ijieyequina. Cohācjū cahmeñene yere ahriquina. ³⁵ Sa yeyequina yūhu bahu, yūhu baho, yūhu paco yero saha ijire, ni buheahye Jesu tiquinare.

4

Jesu oteriquiro quitire buheahye
(Mt 13.1-9; Lc 8.4-8)

¹ Sa ye pari turi ditara dūhtu cahapu Jesu buhe dūcahye. Sa ye topare buhe dūcaro masa peyequina tiquiro cahapu tiquina cahmecoagū ihñano Jesu pehe yucasapu buhe pahsahye. Sa ye masa pehe ditara dūhtu cahapu dūcahye. ² Sa yero Jesu peye tiquiro tūhotuye mehna piti dahre yahuahye tiquinare buhero.

³ —Ahri quitire tūhoya masa, niahye tiquiro.

—Oteriquiro otero wahahye. ⁴ Tiquiro sa otegū apeye pjeri maha dūhtu cahapu bora quehe sahye. Sa bora quehe saye pjerire minicjua ahta, ihya cāhye. ⁵ Sa ye apeye pjeri utā pjeri watoa bora quehe sahye. Utā pjeri watoa dihta marieda cjūno ijiepegū duita pihnimahye. ⁶ Sa pihniđi ijieperota, asū tutuaro asigū nuhcori marieda, ñaia wahahye. ⁷ Apeye pjeri taa watoa bora quehe sahye. Taa pehe dia yuhdūa waha, oteri pehere wejē cāhye. Sa yero dūca mariedahye. ⁸ Apeye pjeri quehnoari dihtare bora quehe sahye. Quehnoano pihniñe ijiro quehnoano dūca tiahye. Apeye cju treinta pjeri, apeye cju sesenta pjeri, apeye cju cien pjeri dūca tiahye. ⁹ Ahrire quehnoano tūhoya masa, niahye Jesu.

Jesu quti mehna tiqiro buherire yahuahye

(Mt 13.10-17; Lc 8.9-10)

¹⁰ Sa ye tiquina sehsaro ijiye doce buheyequina, apequina Jesu mehna ijiyequina ti quitire masi duaye, Jesure sinituahye. ¹¹ Tiquina sa sinituri bato Jesu ohō saha ni yahuahye:

—Cohācjū masa pūhtoro tiqiro ijiyere, panopū apequina tiquina masiedarire masare masigū yere Cohācjū. Apequina pehere sa yerare tiqiro. Tiqinare quti mehnta buheitja. ¹² Sa ye tiquina ihñāepeta ihñedariquina yero saha tojoare. Sa ye tuhoepeta masisi. Tiquina masiñe quehnoañe pehere comesaboaya. Tiquina sa comesagū ihñano tiquina ñañe yerire boboya Cohācjū. (Sa ijipegūta tiquina pehe ne tuho duerare,) niahye Jesu.

Jesu oteriqiro quitire yahu pehoahye

(Mt 13.18-23; Lc 8.11-15)

¹³ Tiqiro sa nidi bato ohō saha ni yahu nemoahye tiqinare:

—¿Ahri quitire tuhoena niajari mūsa? ¿Mūsa ahri quitire tuhoerana, dahse apeye quitire tuhonatari mūsa? niahye Jesu tiqinare.

Sa ni tuhasa ohō saha ni yahu nemoahye tiqinare:

¹⁴ —Oteriqiro tiqiro oteri pjeri quehnoañe buheye yero saha ijire. ¹⁵ Sa yero maha dahnta caha bora quehe sari pjeri quehnoañe buheye yero saha ijire. Sa yero masa quehnoañe buheyere tiquina tuhogū ihñano Satana pehe ahta, ti buheye quehnoañe buheyere masi dutierare tiqinare, minicjua ti pjerire tiquina dote nediro saha yero. ¹⁶ Sa ye utā pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheyere tuho, bucueye mehna duita tire tuho ñehe maa wahare. ¹⁷ Sa tuho ñehopeta utā pjeri watoa ijiye cju nahcori marieñe cju yero saha ahriquina masa gāhū tutuerare. Sa tutueraye, ñano yāhdūye, yeequina tiquina ijiri buhiri apequina tiqinare ñano yegū ihñañe yee pehere duhu cāhre. Apequina tiqinare ñano yegū tire ihcāno sahaeraye, yeere duhu cāhre. ¹⁸ Sa ye taa watoa bora quehe sari pjeri quehnoañe buheye yero saha ijire. ¹⁹ Sa ye masa quehnoañe buheyere tuhoepeta, ahri yehpa cjeñe pajiro bujua witi tuhotuye, niñeru pehere cahñe. Apee boro gāhūre peye tutuaro cahmene. Tiquina sa ni tuhotugū ti pehe quehnoañe buheyere cahmotare. Ti sa cahmotagū masa quehnoañe pehere yerare. ²⁰ Sa ye quehnoari yehparū bora quehe sari pjeri quehnoañe buheye yero saha ijire. Sa ye masa quehnoañe buheyere tuhoeye tire cahmene. Sa masiñequina

ijiye, Cohācjū tiqiro cahmeno sahta quehnoañe yere tiquina. Ihquēquina meheno quehnoañene yere treinta pjeri dūca tiro saha. Apequina bui cjūno quehnoañene yere sesenta pjeri dūca tiro saha. Apequina pajiro quehnoañene yere cien pjeri dūca tiro saha, ni yahuahye Jesu tiqinare.

Jesu sihāria quitire buheahye
(Lc 8.16-18)

²¹ Sa ni tuhasa ohō saha ni nemoahye:

—Ne sihāriare dihi sutu docarū cūedare. Sa ye tiare cumuno docarū cūedare. Uhmuanopū duhu peore quehnoano buhrio dutiye. ²² Ijipihtiye tiquina masiedarire came masa masieta. Sihāria buhriogū mari ihñā masino saha panopure tiquina masiedarire masieta masa. ²³ Ahrire quehnoano tuhoya mūsa. ²⁴ Mehenogā masi duana mehenogā masinata. Pajiro masi duana pajiro masinata. Sa yena mūsa tuhona quehnoano tuho nūñña. ²⁵ Quehnoano tuho nūññiqiro quehnoano masinota. Tuho nūññiqiro, “Mehenogā tuhoaja”, tiqiro niepegūta ti pehe butia waharota, niahye Jesu tiqinare.

Jesu trigore oteriqiro quitire buheahye

²⁶ Sa ni tuhasa ohō saha ni yahu nemoahye:

—Cohācjū masa pūhtoro tiqiro ijiye trigore oteriqiro yero saha ijire. ²⁷ Ote tuhasa bohrearo tiqiro oteri pihñiñene ihñare tiqiro. “¿Dahse pihni wijia ta dūcajari?” ni ihñā masiedare oteriqiro tiqiro basi. ²⁸ Ti oteri ti basi dūca tire. Pari pūgā wijia muhtare. Came pari paro wijia, bucnare. ²⁹ Ti parori bucua tuhasagū ihñano, pehere peheri pje ijigū. (Tiqiro ote, ti bucnarire tiqiro masiedaro saha Cohācjū yequina masa tiquina wahari gāhūre yahu peho masiedare masa,) ni buheahye Jesu.

Mostaza pje quitire yahuahye Jesu

(Mt 13.31-32; Lc 13.18-19)

³⁰ Sa ni tuhasa ohō saha ni buhe nemoahye queoye mehna buhero:

—¿Ne Cohācjū masa pūhtoro tiqiro ijiye yabe boro yero saha ijijari, masa tuhotugū? ¿Dise quti mehna tire yahunatari? ³¹ Mostaza pjegā yero saha ijire Cohācjū pūhtoro ijiye. Ti pjegā tiqiro otegaro meheni pjegā waro ijire. ³² Sa ijieperota ti pjegā quehnoano pihmine. Sa yero pajidu wahare. Sa ye tu dūpūri bujūye dūpūri bucnagū ihñañe minicjua ti dūpūripū suhti suhare, niahye Jesu. (Sa nino ohō saha nino niahye. Mostaza pjegā pajidu tu bucnariro saha uhmūse cjūnore mari pūhtorore masiñequina meheñequinagā tiquina iji muhtaepēgūta camepūre peyequina wahaeta.)

Quiti mehna tiqiro buherire yahuahye Jesu

(Mt 13.34-35)

³³ Sa yero ti quiti tiqiro nidiro saha peye quitire tiquina taho ñeheno puno quehnoañe buheyere buheahye tiquinare. ³⁴ Quiti marieno yahuerahye tiquinare. Sa yero tiquina sehsaro ijiyequinare Jesu quehnoano yahu pehoahye tiqiro buheyequinare.

Jesu wihnonore yusu dutiahye
(Mt 8.23-27; Lc 8.22-25)

³⁵ Sa ye ti decore ñamicahapu Jesu tiqiro buheyequinare ohõ saha niahye:

—Isa, si pahrëpu pehãhna, niahye tiquinare.

³⁶ Tiqiro sa nigü tuhoye yucasapu sajã, masare yehpapu ducuyequinare tota cü, tiqiro buheyequina dihita Jesure ne pehã wahahye. Sa ye apeye yucasari mehna apequina tiquina bato pehãhye.

³⁷ Tiquina sa pehãgü wihnono tutuaro wëahye. Sa wëno yucasare tutuaro pahcõri quë sajãhye. Mehenogã duhsamahye tiquina miniboriro. ³⁸ Sa wahari watoa Jesu yucasa ohoturopu suhti puti buipü carino niahye. Sa ye tiquina tiqirore wahcõahye.

—¿Buhegu, mahu cuerajari? Mari minina tana niajã, niahye tiquina tiqirore.

³⁹ Tiquina sa nigãta Jesu pehe wahcã, wihnonore,

—To punota wë duhuya, niahye.

Sa ninota pahcõri gũhare,

—Yusuahya, niahye.

Tiqiro sa nigãta wihnono yuhdua wahahye. Sa ye pahcõri gũhu yusu dijiaa wahahye.

⁴⁰ —¿Duhse yena cue maca cãna nijari masa? ¿Musa yuhare wacü tutuerajari? niahye Jesu.

⁴¹ Sa wahagü ihñañe acua yuhdua wahahye.

—¿Yohou, duhse ijiriquiro boro masano ijiajari ahriquiro? Ahri wihnono, pahcõri gũhu tiqiro dutigü yuhducaerare tiqirore, niahye tiquina pehe.

5

Watãre cuoriquirore yuhduoahye Jesu
(Mt 8.28-34; Lc 8.26-39)

¹⁻² Sa ye tiquina si pahrëpu Gerasa cjëna ya yehpapu pehã sahye. Sa yero Jesu pehe yucasapu sañariquiro maja saducahye. Tiqiro sa maja saducari bato watã cuoriquiro masa coperi utã coperi watoapu ijiriquiro wijia ta, tiqiro cahapu ahtahye. ³ Watã cuoriquiro masa coperi watoa ijiriquiro ijiahye. Apequina pehe tiqirore come da pajiri da mehna ñehe duhte masiedahye. ⁴ Sa ye peye tahari masa tiqirore dahpocãri apõñe behtori mehna,

come dari mehna duhtemahye. Tiqiro omocari gũhare duhtemahye. Sa yero tiqiro pehe come darire nuha, dahpocãri apõñe behtori gũhare nuha site mujahye. Sa ye tutuariquiro tiqiro ijiro mehna masa pehe tiqirore ñehe masiedahye. ⁵ Nami ijigã, deco ijigã utã coperi watoapu canpu sa sañuducue tiahye tiqiro. Sa yero utã mehna tiqiro basi tiqiro pagare quëe tiahye. ⁶ Sa yero yoropu Jesure ihñadoqueo tiqiro cahapu oma maa cãhta, dusepe curi mehna quehe sahye tiqirore ño peoro taro.

⁷⁻⁸ —Watã duhuya tiqirore, niahye Jesu.

Tiqiro sa nigü tuhoro watã cuoriquiro ohõ saha niahye:

—¿Jesu, Cohãcjü tutuariquiro macu, yabere yegu tuu nijari mahu yuhare? Cohãcjü tiqiro ihñonopu siniaja yuhu mahure. Yuhare ñano yeracãhña, ni sañuducuahye watã cuoriquiro Jesure.

⁹ —¿Duhse wame tiajari mahu? niahye Jesu tiqirore.

—Usã peyequina ijiaja. Sa yena “Peyequina watã” wame tiaja. ¹⁰ Usã ahri dih-tapu ijinare ape sieru waha dutieracãhña, niahye watã cuoriquiro.

¹¹ Ti pjea yesea peyequina tiquina cahapu canu dahpotopu ihyaye niahye. ¹² Topu tiquina ihyaducugã ihñañe, ohõ saha ni siniahye watã:

—Sisequina yesea cahapu waha dutiya usãre. Tiquina mehna iji dutiya usãre, ni siniahye watã tiqirore.

¹³ Tiquina sa nigü tuhoro tiquinare waha dutiahye Jesu. Tiqiro sa waha dutigã watã masano mehna ijiriquina waha, yesea dos mil yesea cahapu esahye. Tiquina cahapu tiquina esari bato yesea pehe ijiphtiyequina ditara duhtu cahapu oma buha, ti ditarapu bora ñojoa, mini yaria pihtia wahahye.

¹⁴ Tiquina sa minigü ihñañe, yeseare cohteyequina pajiri macapu, daye macarigãpu gũhare tire yahuye waha, oma cãa wahahye. Tiquina sa yahugü tuhoye masa pehe peyequina tiqiro yerire ihñañe wahahye. ¹⁵ Sa ye Jesu cahapu wihiye, watã cuoriquiro tiqiro suhti tiriquiro, tãho masiniquiro tiqiro dujigã ihñañe, ihña maria waha, cueahye. ¹⁶ Sa ye watã cuomediqiro, yesea gũhare tiquina sa waharire ihñariquina apequinare yahu pehoahye. ¹⁷ Tiquina sa yahu pehogü tuhoye, Jesure tutuaro mehna ape sieru waha dutiahye.

¹⁸ Sa yero yucasapu Jesu tiqiro sajãgü ihñano, “Mahu mehna waha duaja”, ni tutuaro sinimahye watãre cuomediqiro Jesure. ¹⁹ Tiqiro sa nigü Jesu tiqirore yahuahye:

—Yuhũ mehna wahaeracãhña. Mũhu ya wũhũrũ mũhu caha ijyeyũquina caharũ yũhu mũhu ruhto mũhũre yũhu yerire yahugũ wahaaya. Mũhũre yũhu paja ihũarĩre yahugũ wahaya tiqũinare, niahye tiqũore.

²⁰ Tiquiro sa nigũ wafũa curomediquiro pehe Decapoli wame tiri macarũ Jesu tiqũore yũhdũorire yahu dũcahye. Tiquiro sa ni yahugũ tũhoye ijipihyeyũquina masa tũho maria wahahye.

Jairo maconore yũhdũoro, dii mũna wihoro dohatiducuricoro gũhũre yũhdũoahye Jesu

(Mt 9.18-26; Lc 8.40-56)

²¹ Sa ye pari turi Jesu tiqũiro majare pehã sagũ masa peyeyũquina tiqũiro caharũ ditara dũhtũ caharũ cahmecoahye. ²² Sa yero usã judio masa buheri wũhũre ihña ihboriquiro Jairo wame tiriquiro ahta, Jesure ihña, tiqũiro dahpocãri caharũ dũsepe curi mehna quehe saro, ohõ saha niahye:

²³ —Yuhũ macogã yariaro nidi. Sa yegu ticorore mũhu omoca mehna ña peogu, yũhdũogu ahtaya. Mũhu sa yegũ ticoro masanota, niahye tiqũiro Jesure.

²⁴ Tiquiro sa nigũ Jesu gũhu pehe tiqũiro mehna wahahye. Maharũ tiqũiro wahagũ masa peyeyũquina tiqũore nũnũ tã cã bihsaro esadũca sahye. ²⁵ Sa yero numino doce cahmari waro decoripe dii mũna dohatiducuricoro topũ ijiahye. To pano peyeyũquina daturua ticorore ñano yũhdũgũ yeahye. ²⁶ Sa yero daturuare ijipihyeyũ ticoro niñeru mehna wapa yemahye ticoro aco ye dutiro. Tiquina sa yepegũta ticoro mananota ijiducu cãhye. Sa yero ticoro tiqũinare ihñari bato to pano ijiriro yũhdũoro ñano wahahye. ²⁷ Ticoro sa ñano yũhdũuri bato Jesu yeyere tũhoye, apeyũquina yahuahye ticorore. Sa yero ticoro Jesu bato masa peyeyũquina watoa ahta, Jesu suhtirore ñehe tuhuahye. ²⁸ “Yuhũ tiqũiro suhtiro dihitarẽ ñehe tuhugo quehnoa wahagota”, ni tũhotuahye. ²⁹ Sa yero ticoro sa ñehe tuhuri bato ticoro dii mũna dohatiyere yũhdũgũ ticoro pagure quehnoari paga tũhotuahye. ³⁰ Sa yero Jesu tiqũiro tutuaye mehna dohatiyere tiqũiro cohãrĩre masino, masa watoa majaredũca sa ihñahye.

—¿Noa yũhu suhtirore ñehe tuhuajari? niahye tiqũiro.

³¹ Tiquiro sa nigũ tũhoye tiqũiro buheyequina ohõ saha niahye:

—Bihsarĩne. Sa ye masa peyeyũquina mũhũre pihare. “¿Noa yũhũre ñehe tuhuajari?” nigũ, ¿dũhse nigũ sa nijari mũhu? niahye tiqũina pehe tiqũore.

³² Sa yero Jesu tiqũore ñehe tuhuri corore macahye. ³³ Tiquiro sa macano watoa ticoro pehe ticoro pagũ quehnoa wahagũ tũhoturo, cue nanare dũsepe curi

mehna quehe sahye tiqũiro caha tiqũore ño peoro. ³⁴ Sa yero ticoro potota yahu pehoahye tiqũore. Ticoro sa ni yahuri bato Jesu ticorore yahuahye:

—Maco, yũhũre mũhu wacũ tutuaye mehna quehnoago tojoare yojopure. Bucueye mehna wahaya. Dohatiye mariego ijiya, niahye Jesu ticorore.

³⁵ Tiquiro sa ni yahuducuri bato judio masare buheri wũhũre ihña ihboriquiro ya wũhu cẽna yahuye wihiahye.

—Mũhu maco yaria wahari. Sa yegu buheriquirore piji cãhteracãhña, niahye tiqũina.

³⁶ Tiquina sa niepegũta sa tũhotu cãhno, Jesu ti wũhũre ihña ihboriquirore ohõ saha ni yahuahye:

—Bũjũa wutieracãhña. Yũhũre wacũ tutuaya. Ti dihitarẽ yeya, niahye ti wũhũre ihña ihboriquirore.

³⁷ Sa ni tuhasa Santiago, tiqũiro bahũro Ñũ, Pedro tiqũina dihitarẽ “Yuhũ mehna ahtaya”, niahye Jesu. ³⁸ Sa yero judio masa buheri wũhũre ihña ihboriquiro ya wũhũrũ esahye. Ti wũhũrũ masa peyeyũquina ñano bisi ñehe quea utigũ, tiqũina sañuducugũ tũhohahye Jesu.

³⁹ —Ñano ni, ñehe quea utieracãhña mũsa. Ticorogã mũsa sa ni utigũ yariere. Carĩno nine, niahye Jesu tiqũinare.

⁴⁰ Tiquiro sa nigũ tũhoye “Sa ni maca cãhno nine ahriqũiro”, ni bũjahye tiqũina pehe tiqũore.

Sa yero tiqũiro tiqũinare sopecaharũ wio peho cãhye. Sa wio tuhasaro ticorogã racasũmũare, tiqũiro mehna cẽna gũhũre ticorogã caharũ neahye Jesu. ⁴¹ Sa yero Jesu ticoro omocare ñehe, “Talita cum”, niahye tiqũiro. “Talita cum”, nino, “Mehenicorogã wahcãña”, naja yũhu”, nino nine.

⁴² Tiquiro sa nigũ ticorogã wahcãdũca sa, tiniahye. Doce cahmari cũoricoro ijiahye ticoro. Ticorore ticoro sa yegũ ihñañe tiqũina ihña maria wahahye. ⁴³ Sa yero Jesu tutuaro mehna tiqũiro sa yerire yahu site dutierahye. Sa ye tuhasa ticorore ihyayere oho dutiahye.

6

Nazare cẽna Jesure cahmedahye

(Mt 13.53-58; Lc 4.16-30)

¹ Sa ye topũ ijiriquiro Jesu waha, tiqũiro buheyequina mehna tiqũiro ya dihtarũ tojoa sahye. ² Sa yero Jesu saurũ ijigũ judio masa buheri wũhũrũ buhe dũcahye. Tiquiro sa buhegũ masa peyeyũquina tiqũore tũhoye, acũa wahahye.

—¿Ahriqũiro nohorũ tũhoyari ahri buheyere? ¿Dũhse yero quehnoano masi pehoajari ahriqũiro? Cohãcã tutuaye mehna ye ihñore ahriqũiro masare.

³ Ahriquiroy taboa dahrari masano María macano, Santiago, José, Juda, Simo tiquina wahminota ijimederoy. Sa ye tiquiroy bahana numia mari ya macapū ijiniamedi. Sa yero tiquiroy gūhū mari yero saha ijiriquiroy ijire, niahye tiquina Jesure tuhoriquina.

Sa ye Jesure ihña tuhtiyey, tiquiroyre cahmedahyey. ⁴ Tiquina sa cahmedagū ihñano ohō saha niahye Jesu:

—Cohācjū yere yahu mūhtariquiroyre apequina ño peore. Tiquina sa ño peorepegūta tiquiroy ya maca cjēna, tiquiroy acayey tiquiroy ya wūhūpū ijiyequinata ño peerare tiquiroyre. Sa yena yahūre ño peerare mūsa ohōre bucuarigū yahū ijigū, niahye Jesu tiquinare.

⁵ Sa yero ti macapū ijiriquiroy Jesu Cohācjū tutuayey mehna ye ihñō masiedahyey. Sa ye ihñōedaperota ihquēquina dohatiyeyquina bui tiquiroy omocare duhu peo, yahdūoahyey tiquiroy. ⁶ Sa yero to cjēna Jesure tiquina wacū tutueragū ihñano, “¿Dūhsey ijiro boro yahūre cahmedajari?” ni tuhotaahyey tiquiroy. Sa yero Jesu ti maca cahapū ijiyey macaripū buheroy wahahyey.

Jesu doce buheyequinare buhe dutiro ohoahye

(Mt 10.5-15; Lc 9.1-6)

⁷ Sa ye Jesu doce tiquiroy buheyequinare pijio, pūeyeyquina dihta ohoahyey tiquinare macaripūre buhe dutiro. Sa yero tiquiroy tutuayere ohoahyey tiquinare wafāre tiquina cohātire. ⁸ Sa ohoro apee boro, ihyayere, ajurire, niñerure tiquiroy ne cā dutierahyey tiquinare. Tiquina tuayey cjū dihitare ne cā dutiahyey tiquinare. Ihcānota suhtirore saña dutiahyey tiquinare. Pūaro saña dutierahyey. ⁹ Sa yero cahta cūñey cahserire saña dutiahyey tiquinare. Ihcā suhtirota saña dutiahyey tiquinare. Pūaro saña dutierahyey. ¹⁰ Sa yero ohō saha ni yahuahyey tiquinare:

—Ijipihtiyey macaripūre masare tiquina carīno ohogū ti wūhūpūta tojoarīña. Coā wahanapū wijiaya ti wūhūre. ¹¹ Sa yena apee maca cjēna masare tiquina cahmedagū tiquina tūho dueragū ti macare yahdūana dahpocāri cjē dihta esa wahārire wejē site cūña mūsa tiquinare tiquina ye buhirire masigū yena, ni yahuahyey Jesu tiquinare.

¹² Sa ye doce buheyequinare masare tiquina ñañey yerire būjūa witi dutiyey, quehnoañey pehere ye dutiyey, buheye wahahyey. ¹³ Sa wahayey peyequina wafāre cohāñey, dohatiyeyquinare ūhsey mehna wisōñey yahdūgū yeahyey.

Ñu wame yeriquiroyre apequina wejēahyey
(Mt 14.1-12; Lc 9.7-9)

¹⁴ Sa ye Jesure masa peyequina masiahyey. Sa yero tiquiroy yerire pūhtoro Herode tuhooahyey. Sa tuhoooro ohō saha ni tuhotaahyey tiquiroy: “Ñu wame yeriquiroy

yariariquiroy pari turi bajuaro niaga. Sa bajuariquiroy ijiro tiquiroy tutuayey mehna tire yero niaga”, ni tuhotaahyey Herode. “Jesu Ñuta ijire”, ni tuhotaahyey. ¹⁵ Apequina pehe ohō saha ni tuhotaahyey: “Elīa ijire”, ni tuhotaahyey. Apequina pehe “Cohācjū yere yahu mūhtariquiroy panopū cjēna yero saha ijire tiquiroy”, ni tuhotaahyey tiquina Jesure. ¹⁶ Tiquina sa ni tuhotaepēgūta Herode pehe Jesu tiquiroy yerire tuhoro ohō saha ni tuhotaahyey. “Ñu yahū dapu dūte sure dutiriquiroy bajuaro niaga”, ni tuhotaahyey.

¹⁷⁻¹⁸ Ñure tiquina wejēato pano Herode tiquiroyre ñeñey duti, peresuy ye dutiahyey. Herode tiquiroy bahūro Felipe namonore Herodia wame tiricorore ehma, namo tiahyey.

—Mūhū bahū namonore namo tigū Cohācjū dutiyey yahdūducagū nine mūhū, ni yahuahyey Ñu Herodere.

Tiquiroy sa nidi buhiri Herode namono Herodia Ñure peresuy tiquina yegū cahmeahyey. ¹⁹ Sa yero ticoroy pehe Ñure ihñā tuhtiro, tiquiroyre wejē duti duamahyey. Sa ye dueperota ticoroy tiquiroyre wejē duti masiedahyey. ²⁰ Herode Ñure cuero “Ñu quehnoañey yeriquiroy, quehnoariquiroy ijire”, ni tuhotaahyey. Sa yero Herodere cariboro yeahyey Ñu pehe tiquiroyre yahuro. Sa cariboepegūta tiquiroy bucueyey mehna tuhomaahyey Ñure. ²¹ Tiquiroy sa bucueyey mehna tuhoepegūta Herodia tiquiroyre ticoroy wejē dutiati deco ūmū sahyey. Ti pje Herode masa bajuari deco ijigū tiquiroy bōsey deco dahreahyey. Sa ye tiquiroy yequina gobiernoy cjēna, surara pūhtoa, Galilea cjēna pūhtoa gūhū tiquiroy ya bōsey deco ihñāñey wihiahyey. ²² Sa yero Herodia maconoy bōsey deco ihñāno wihiro tiquina ihñonopū basā ihñōahyey. Ticoroy sa basā ihñōgū ihñāñey, Herode tiquiroy pijioriquina gūhū bucueahyey. Tiquina sa bucuegū ihñāno ohō saha niahyey Herode:

—Mūhū cahmeñey siniña yahūre. Sa yegū ohogutjā mūhūre mūhū cahmeñey. ²³ Cohācjū mehna potoy niajā mūhūre. Mūhū sininoy punoy yeere deco mehna ohogutjā mūhūre, niahyey tiquiroy ticorore.

²⁴ Tiquiroy sa nigū ticoroy Herodia maconoy pehe ticoroy pacoroy cahapū waha, sinituahyey:

—¿Yabere sinigotari yahū? ni sinituahyey ticoroy pacorore.

—Ñu wame yeriquiroy dapure siniña, ni ahhyey ticoroy pacoroy pehe.

²⁵ Ticoroy sa nigūta Herodia maconoy ūmūñāno pūhtoro Herode cahapū waha, siniyahyey:

—Mianogāta Ņu wame yeriquiro dapure waparo mehna ohoya yuhare, niahye ticoro.

²⁶ Ticoro sa nigū tuhoru puhtoro Herode pehe tutuaro bujua witiahye. Masa tiquina ihñonopu “Ohogutja muhare”, niahye tiquiro. Sa yero bue tiro, tiquiro “Muhare ohoeraja”, ni masiedahye ticorore. ²⁷ Sa yero duita surarare peresupu ijiyequinare cohteriquirore Ņu dapure dute sure ne cāhta dutiahye. ²⁸ Tiquiro sa dutigū tuhoru surara pehe waha, tiquiro dapure dute sure, waparo mehna ne cāhtahye. Ne cāhta nuhminore Herodia maconore ohoahye. Sa yero ticoro tiquiro dapure ñehe, ticoro pacorore oho yuhduoahye.

²⁹ Sa ye Ņu buheyequina ijiriquina pehe tire tuhoye, topu esa, tiquiro pagure masa coperpu ne cā, cūahye.

Jesu cinco mil masare ihyaye ohoahye
(Mt 14.13-21; Lc 9.10-17; Jn 6.1-14)

³⁰ Sa ye Jesu ohoriquina tiquiro cahapu tojoa saye, tiquina yerire, tiquina buherire yahuahye tiquirore. ³¹ Ti pjere masa peyequina sa majareducuye, tiquinare ne ih-yaro ohoerahye. Sa yero ohō saha niahye Jesu tiquinare.

—Masa marienopu mari sehsaro sona wahaahna, niahye tiquinare.

³² Sa ye tiquina sehsaro yucasa mehna masa marienopu wahahye. ³³ Tiquina sa wahagū ihñañe masa peyequina tiquinare masiahye. Sa masiñe peye macari cñena mahapu waha, Jesu tiquiro esatopu tiquina masa pehe oma cā esa mahtahye. ³⁴ Tiquina sa esagū Jesu tuha sa paha, yucasapu sañariquiro maja ducaro, tiquiro masa peyequina ijigū ihñahye. Oveja cohteriquiro marieñequina yero saha ijiahye masa, tiquiro ihñagū. Sa yero Jesu tiquinare paja ihñano, peye quehnoañe buheyere buheahye. ³⁵ Ņamicahapu doce buheyequina Jesu cahapu esa, ohō saha niahye:

—Ohō masa marienopu ijire. Ņamicaha waharo nine. ³⁶ Ohō cahagā ijiye wuhuseripū, macaripū gāhure tiquina ihyatiñe dū dutiya masare tiquina pohe tiatire, niahye tiquina Jesure.

³⁷ —Ihyayere ohoya tiquinare, nimahye Jesu tiquiro buheyequinare.

Tiquiro sa nigū ohō saha ni yuhtiahye:

—¿Dos cientos niñeru cjoeri mehna tiquina ihyati päre dūnatari usā? niahye tiquina Jesure.

³⁸ —¿Nohope paca pā ijiajari? Ihñana waha, niahye tiquiro.

Tiquiro sa nigū tiquina pehe ihyayere bo-caye, ohō saha niahye:

—Ihcā omope paca pā paca, puaro wahi ijire, niahye tiquina pehe.

³⁹ Tiquina sa nigū tuhoru Jesu pehe pe cururi taa bui duji dutiahye masare.

⁴⁰ Tiquiro sa duji dutiri bato tiquina pe cururi dujiahye. Ihuqē cururire cincuenta masa ijiahye. Apeye cururi pehere cien masa ijiahye. ⁴¹ Tiquina sa duji tuhasagū ihñano Jesu pehe ihcā omope paca pā pacare, puaro wahi mehna ne, umhusepu ihña mūoahye. Sa ihña mūono Cohācjäre “Quehnoare”, nino niahye. Tiquiro sa nidi bato pā pacare nuha, tiquiro buheyequinare masare iti duti ohoahye. Sa yero puaro wahire iti dutiahye ijipihtiequinare. ⁴² Sa ye ijipihtiequina ihya, yapi yuhduu wahahye. ⁴³ Tiquina ihya duharire doce puhuse waro päre, wahi gāhure ne cahmecoa wahpo dapoahye tiquina. ⁴⁴ Sa ye päre ihyariquina umu dihitare tiquina queogū cinco mil umu ijiahye.

Jesu aco bui tiniahye
(Mt 14.22-27; Jn 6.16-21)

⁴⁵ Ti pjeta Jesu tiquiro buheyequinare yucasapu sajä dūtī, ape sie pahrepu Betsaidapu tiquiro pano pehāyu dutiahye. Sa yero tiquina pehāri watoo Jesu pehe masare cohe tiahye. ⁴⁶ Cohe ti tuhasa cunupu Cohācjäre sinino wahahye. ⁴⁷ Came ñamipū yucasa mehna ditarapu tiquina pehāducugū Jesu ihcāquirota tiquina pehā tariropū ijiahye. ⁴⁸ Sa yero tiquina ñano yuhdu wajagū, tiquina pano wiñnono wēgū ihñadoqueoahye tiquiro. Sa yero bohrea mūja tato pano tiquina cahapu esaro, aco bui tini cā wahahye. Tiquinare tiquiro yuhdu cā duamahye. ⁴⁹ Tiquiro yuhdu cā duepegāta tiquirore aco bui ahtagū ihñañe, cue niahye. “Yariariquiro ijiboaga”, ni ihñamahye tiquina. Sa ni tuhotuye tiquina sañuducuahye. ⁵⁰ Ijipihtiequina tiquirore ihñañe, ihña maria wahahye. Tiquina sa ihña mariagū ihñano Jesu tiquinare yahuahye:

—Wacū tutuaya mūsa. Ne, yuhare cuer-acāhña. Yuhata ijiaja, niahye tiquinare.

⁵¹ Sa ni tuhasa tiquiro tiquina mehna yucasapu sajähye. Tiquiro sajäri batogāta wiñnono yuhduu wahahye. Sa wahagū tiquina pehe acua yuhduu wahahye. ⁵² Tiquiro päre peye yerire wacūedahye tiquina. Tire quehnoano masiedahye.

Jesu Genesare cñenare, dohatiyequinare yuhduoahye

(Mt 14.34-36)

⁵³ Sa ye tiquina pehā sa, Genesare dihtapu pehā sa, tiare duhte poho, duhtu cahapu pahsahye. ⁵⁴ Sa ye yucasapu ijiriquina tiquina majagāta masa pehe Jesure ihña masiahye. ⁵⁵ Sa ihña masiñe ijipihitiro tiquina ya yehpapu oma maja, dohatiyequinare tiquina cuñañe cahseri

mehna yo cãhtahye. “Jesu topu ijiri”, masa nigũ tãhoye topure esahye tiquina. ⁵⁶ Sa ye ijipihtiye macari tiquiro esaye macaripũ, bujãye macaripũ, daye macarigãrũ, meheñe wãhusegã ijibe caharũ gãhãre masa dohatiyequinare Jesu caharũ nea cũahye. Sa topũ maharipũ tiquina cũnorũ Jesure tiquiro suhtiro dũhtũ cahare ñehe tuhu duaye, tutuaro siniahye tiquina:

—Mũhũ suhtiro dũhtũ caha dihitare usãre ñehe tuhu dutiya, ni siniahye.

Sa ye tiquiro suhtirore ñehe tuhuriquinape quehnoa wahahye tiquina.

7

Masa ñañequina wahagũ yeyere yahuahye Jesu

(Mt 15.1-20)

¹ Sa ye Jerusalẽpũ ahtariquina usã acaye judio masare buheyequina, fariseo masa gãhũ Jesu caharũ cahmecoahye. ²⁻⁴ Fariseo masa ijipihtiyequina apequina judio masa mehna panorũ cãena tiquina dutiriro saha tiquina omocarine omo coserape ihyera tiahye. Sa ye doeri cãe duayequina caharũ esayequina tiquina ye wãhusepũ wihiye tiquina dutiriro saha tiquina omocarine omo coserape ihyera tiahye. Sa ye peye apeye dutiyere panorũ cãena judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohãcãũ sa cahmene”, niñe. Sa ye Jesu caharũ cahmecoahye Jesu buheyequina judio masa tiquina dutiriro saha tiquina omo coseragũ ihñahye fariseo masa. ⁵ Sa ihña tuhasaye Jesure sinituahye:

—Mũhũ buheyequina ihyaye mari ñecusũmũa mũna tiquina dutiriro sahata tiquina omocarine omo coserare. ¿Dũhse yeye mari dutiyere yerajari? niahye tiquina Jesure.

⁶ Tiquina sa nigũ tãhoro Jesu yahuahye tiquinare.

—Masa tiquina ihñono dihita quehnoano iji mehona ijire masa. Cohãcãũ yere yahu mãtariquiro mũnano Isaia masare panorũre potota yahue tiahye. Ohõ saha niahye:

Ahriquina masa yũhãre quehnoano yahuducuepeta yũhãre ne ño peoerare. ⁷ Sa ye yũhãre tiquina ñũ buheye dũhseati ijierare. “Cohãcãũ ye dutiye ijire ahri”, ni meho buhere tiquina buheye, ni ojoahye Isaia.

⁸ Ti ijirota ijire. Panorũ cãena ye dutiye pehere yena tana Cohãcãũ ye dutiyere yerare masa. ⁹ Cohãcãũ ye dutiyere cohãna, masa acaye ye dutiye pehere yere masa. ¹⁰ Ohõ saha yena Cohãcãũ ye pehere yũhdũducana nine masa. Panorũre ohõ

saha niahye Cohãcãũ tiquiro dutiyere Moiserẽ cũno: “Mũsa pacusũmũare ño peoya.

Ihcãquiro tiquiro pacusũmũare ñano quiti dahreriquiro ijirota”, niahye Cohãcãũ Moiserẽ tiquiro cãuri dutiye. ¹¹ Tiquiro sa niepegũta ohõ saha ye dutire masa tiquina pacusũmũare yedoho dutierana: Tiquina pacusũmũare tiquina ohoborire Cohãcãũ pehere oho dutire masa. Sa ni buhemene masa. ¹² Sa buhena tiquina pacusũmũare ño peogũ yerare masa tiquinare. ¹³ Sa yena Cohãcãũ dutiyere yũhdũducana nine masa mari acaye panorũ cãena ye dutiye pehere yena. Apequinare masa ye buheye dihitare tũho dutire masa. Peye sa ijiyere yere masa, niahye Jesu tiquinare.

¹⁴ Sa ni tuhasaro apequinare pijioahye. Ohõ saha niahye:

—Musa ijipihitina tãhoya yũhãre. Yũhũ niñene quehnoano masiña masa. ¹⁵ Musa dũserire saããe pehe masa ihyaye pehe masare ñana ijigũ yerare. Musa ñañe yahuducuye pehe masa dũseri wijiaye pehe masare ñana ijigũ yere. [¹⁶ Yũhãre quehnoano tãhoya,] niahye Jesu.

¹⁷ Sa ni tuhasa Jesu masa caharũ ijiriquiro waha, wãhũrũ saããa wahahye. Sa saããa sagũ ihñãñe tiquiro buheyequina pehe tiquiro buherire sinituahye. Tiquina sa sinitugũ tãhoro ohõ saha niahye tiquiro:

¹⁸ —¿Ne tũho ñehedajari masa? Musa dũserire saããe pehe masa ihyaye pehe masare ñana ijigũ yerare. ¹⁹ Ti masa tũhotuyepũre saããedare. Musa paarũ saããa yũhdũa wahare, niahye Jesu.

Sa nino “Ijipihtiye ihyaye quehnoañe ijire”, nino niahye. ²⁰ Ohõ saha ni nemoahye:

—Musa ñañe yahuducuye pehe masa dũseri wijiaye pehe masare ñana ijigũ yere. ²¹⁻²² Ñano tũhotuye, wũana tiye, numia mehna ñano yeducuye, masare wejẽñe, yaqueye, apequiro yere tutuaro cahme yũhdũye, ñano yeye, ni mehoñe, peye ñañene yeducuye, apequiro yere coo ihña tũhũte, ñano quiti dahreye, “Apequinare yũhdũducãja”, ni tũhotuye, tũho masieñequina ijibe, ti ijipihtiye masare masa tũhotuyepũ ahtare. ²³ Ijipihtiye ahri ñañe masa tũhotuyepũ ahta, masare ñana ijigũ yere, niahye Jesu.

Judio masono ijiericoro Jesure wacũ tuuahye

(Mt 15.21-28)

²⁴ Sa yero Tiro wame tiri maca caharũ esaro, to cãã wãhũrũ saããa wahahye. Sa yero apequinare tiquiro ijiri wãhãre yahu dutierahye. Sa yahu dutieraperota tiquinare tiquiro duhtũ masiedahye. ²⁵ Ti pjereta numino ticoro macono wãfĩno cãoricoro

tiquiro cahapũ ijjahye. Sa ye Jesu yerire ihñañe apequna ticoro pacorore yahuahye. Tiquina sa yahuri bato ticoro pacoro pehe waha, Jesu dahpocãri cahapũ ðusepe curi mehna quehe sahye tiquirore ño peoro. ²⁶ Ticoro Siria yehpapũ ijiri yehpa Fenicia wame tiri yehpa cõõno ijjahye.

—Watĩnore cohãrĩña yahũ macore, ni sini-ahye ticoro Jesure.

²⁷ Tiquiro sa sinigũ tuhoro ohõ saha niahye Jesu:

—Wahmanore wũhũ upũro pohne ye ihyayere ðayeyere yũhũ oho mãhtagũ to wahaerare. (Israe masa yere ape yehpa cõãnare yũhũ oho mãhtagũ to wahaerare,) niahye Jesu ticorore queoye mehna yahuro.

²⁸ —Sa tjire pũhto. Sa ijiepegũta ðayeya gãhũ mesa doca tiquina pohne ihya site dijloyere ihya cohtere tiquina gãhũ. (Ape yehpa cõõ yũhũ ijiepegũta yũhũ gãhũre yedoho masine mãhũ,) ni yũhtiahye ticoro.

²⁹ —Mũhũ sa ni yũhtigũ mãhũ macore watĩno duhu tuhasari. Ihñago wahaya, niahye Jesu ticorore.

³⁰ Tiquiro sa nigũ tuhoro waha, ticoro wũhũpũ esaro, ticoro maconore watĩno marienicoropũre cuñanopũ ijiricorore ihñahye.

Cahmono tũhoeriquirore, yahuducu masieniquirore yũhũoahye Jesu

³¹ Tĩ pjere Jesu Tiro wame tiri maca cahapũ ijiriquiro waha, Sidõ wame tiri macare esa yũhũ cã, Decapoli wame tiri macare esa yũhũ cã, Galilea wame tiri ditarapũ esahye. ³² Sa ye cahmono tũhoeriquirore, yahuducu masieniquirore Jesu cahapũ ne cãhtahye apequna.

—Mũhũ omoca mehna ña peoya tiquirore, ni sinihaye tiquina tiquirore.

³³ Tiquina sa nigũta Jesu pehe tũhoeriquirore ne cã, masa marienopũ siho esahye. Tiquina sehsharo ijjahye. Sa yero Jesu tiquiro omo piri mehna tũhoeriquirore cahmo coperire ohbe sõahye. Sa ye tuhasa, shhco puti, tiquiro ñehmenore ña peohahye.

³⁴ Sa ye tuhasa uhmũsepũ ihñã mãõ, jeri ne, ohõ saha niahye:

—Efata, niahye Jesu. “Efata”, nino “Põohñã”, nino nine. Sa nino tiquirore tũho dutiro niahye. Sa yero yahuducu dutiro niahye.

³⁵ Tiquiro sa nigũta tiquiro pehe tũho boca, tiquiro ñehmeno cahbiri wahagũ tũhoturo quehnoano yahuducuahye. ³⁶ Sa yero Jesu tiquinare tire apequnare yahu site dutierahye. Tiquiro sa yahu site dutieraripe taharita tja tiquina apequnare yahu site nemoahye. ³⁷ Sa ye masa tũho maria wahaye, ohõ saha niahye:

—Ijipihtiyere tiquiro quehnoano yere. Tũhoeyequnare quehnoano tũhogũ yere.

Yahuducu masieñequina gãhũre quehnoano yahuducugũ yere Jesu, niahye masa.

8

Cuatro mil masare ihyayere ohoahye Jesu

(Mt 15.32-39)

¹ Tĩ pjere pari turi masa peyequina cahmeoari bato ihyaye marieñequina tiquina ijigũ ihñano Jesu tiquiro buheyequinare pijioahye:

² —Ahriquina masa ihtia deco waro yahũ mehna jji tuhasari. Sa ye tiquinare pohe mariedare. Tiquina pohe mariedagũ ihñagu tiquinare paja ihñaja yahũ. ³ Apequna tiquina mehna cõẽna yoaropũ ahtari. “Tiquinapũ ujuja ahbayequina mahapũ borari”, nigũ tiquinare ihyaye marieno tiquina ye wũhũsepũ waha duti dueraja. Sa yegũ tiquinare pohe oho duaja, niahye Jesu tiquiro buheyequinare.

⁴ —¿Dũhse ye mari ohõre masa marienopũre pãre boca ohoboagari mari? niahye Jesu buheyequina tiquirore.

⁵ —¿Nohope paca pã pacare cõoajari mãsa? ni sinituahye Jesu.

—Siete pã paca ijire, niahye tiquina.

⁶ Sa yero tiquiro masare yehpapũ duji duti, siete pã pacare ne, Cohãcõure “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pãre masare itiahye. ⁷ Sa ye wahi gãhũre meheñequinagã cõoahye tiquina. Sa yero tiquinare Cohãcõure “Quehnoare”, ni, wahi gãhũre iti dutiahye. ⁸ Tiquina iti tuhasagũ tiquina ihyaye, yapĩ yũhũdã wahahye. Tiquina ihya ðaharire siete pũhũse waro ne cahmecoa wahpo dapoahye tiquina. Tiquina cuatro mil masa ijjahye. ⁹⁻¹⁰ Sa ye tuhasa Jesu masare cohe tiahye. Cohe ti tuhasa tiquiro buheyequina mehna yucũsapũ sajàhye. Sajã tuhasa Dalmanuta wame tiri maca cahapũ wahahye.

Fariseo masa Jesure Cohãcõũ tutuaye mehna ye ihñõ dutiahye

(Mt 16.1-4; Lc 12.54-56)

¹¹ Sa ye fariseo masa wihi, Jesu mehna cahme ðuse tutuahye. Tiquina Jesure Cohãcõũ tutuaye mehna ye ihñõ dutiye, tiquiro ye ihñõ masiedagũ ihñã duamahye. ¹² Tiquina sa dutigũ tuhoro Jesu tutuaro bujuã witi pihopũri, jeri sajàedarõ, ohõ saha niahye:

—¿Mũsa yojopũ cõãna ðũhse yena mãsa Cohãcõũ tutuaye mehna ye ihñõñene ihñã duajari? Potota niita niãja mãsare. Yojopũ cõãnare mãsare Cohãcõũ tutuaye mehna ne ye ihñõsi yahũ, niahye Jesu.

¹³ Sa ni tuhasa waha, pari turi yuc̄sapu sajā, ape sie pahr̄epu pehāa wahahye.

Fariseo masa, Herode mehna cjēna gāhure tiquina ñañe buheyere yahuahye Jesu (Mt 16.5-12)

¹⁴ Sa wahaye, pāre bo cū, yuc̄sapu ihc̄ariata pāre c̄oahye tiquina. ¹⁵ Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjēna gāhu tiquina ye pāre pugū yeyere ihñana quehnoano yeya. Cuarine ti, ni yahuahye.

¹⁶ Tiqiro sa nigū t̄ahoye tiqiro buheyequina pehe tire tiquina basi yahuducuahye.

—Mari pāre cua mari ne cāhtaeragū ihñano sa niaga ahriqiro, nimahye tiquina.

¹⁷ Tiquina sa nidire masino tiquinare sinituahye Jesu:

—¿Duhse yena m̄sa pā borire wac̄ujari m̄sa? ¿M̄sa masiedajari? ¿T̄uhoerajari? ¿T̄uho duerajari m̄sa? ¹⁸ ¿Caperi tina ijiepenata ihñedajari m̄sa? ¿Sa yena cahmono tina ijiepenata t̄uhoerajari m̄sa? ¿M̄sa ahrire wac̄udajari? ¹⁹ ¿Yuhu ihc̄ā omope paca pā pacare nuha, cinco mil masare yuhu ohorire wac̄udajari m̄sa? ¿Tiquina ihya duharire nohope p̄h̄usere pā pacare m̄sa ne cahmecoa wahpo daporī p̄h̄usere neari m̄sa? niahye Jesu tiquinare.

—Doce p̄h̄use nei, niahye tiquina tiqirore.

²⁰ —¿Sa ye yuhu siete pā pacare cuatro mil masare yuhu ohori bato nohope p̄h̄usere pā pacare m̄sa wahpo daporī p̄h̄usere neari m̄sa? niahye Jesu.

—Siete p̄h̄use nei, niahye tiquina tiqirore.

²¹ —¿Sa ihñāepenata quehnoano masiedajari m̄sa? niahye Jesu tiquinare.

Jesu caperi bajueriqirore ihñagū yeahye

²² Sa ye Betsaidapu tiquina esagū ihñañe, masa pehe caperi bajueriqirore ne cāhtahye.

—Tiqirore ña peoya, ni tutuaro siniahye tiquina Jesure.

²³ Sa yero Jesu caperi bajueriqirore omocare ñehe, ti maca d̄ah̄tu cahapu tiqirore t̄ā cāhye. Topu ne sa, tiqiro caperire sihco puti, tiqiro omocari mehna tiqirore ña peohye.

—¿M̄hu ihñagū bajuajari? ni sinituahye Jesu.

²⁴ Tiqiro sa nigū tiqiro pehe ihñano ohō saha niahye:

—Ūm̄are ihñaja. Yuhu sa ihñāep̄gūta tiquina yucari tinife cju yero saha bajure, niahye caperi bajueriqiro.

²⁵ Tiqiro sa nigū t̄ahoro Jesu pehe tiqiro omocari mehna tiqiro caperire ña peohye tja. Tiqiro sa ña peori bato caperi

bajueriqiro tutuaro tiqiro ihñagū caperi quehnoano bajuahye. Sa yero ijiphtiyere quehnoano ihñahye tiqiro. ²⁶ Sa yero Jesu tiqirore tiqiro ya w̄h̄apu ohohaye.

—Macapu p̄ritare wahaeracāhña, niahye Jesu tiqirore.

Jesu potota Cristo tiqiro ijiyere Cohācjū ohoriquiro tiqiro ijiyere yahuahye Pedro (Mt 16.13-20; Lc 9.18-21)

²⁷ Sa ye Jesu tiqiro buheyequina mehna Cesarea Filipino wame tiri maca cahapu ijie macaripu waha nemoahye. Topu waharo Jesu sinituahye tiqiro buheyequinare:

—¿Noa boro ijiagari yuhu, masa yuhure tiquina t̄hotugū? ni sinituahye tiqiro.

²⁸ Tiqiro sa sinitugū t̄ahoye ȳhtiahye tiquina:

—“Ñu wame yeriquiro ijire”, nine. Apequina “Elia ijire”, nine. Apequina “Cohācjū yere yahu m̄htariquina mehna cjūno iji-boaga”, nine, ni ȳhtiahye tiqiro buheyequina tiqirore.

²⁹ Tiqiro sa nidi bato Jesu sinitu nemoahye:

—¿M̄sa pehe t̄hotugū noa boro ijiagari yuhu? ni sinituahye tja.

—M̄hu Cristo Cohācjū ohorigu ijire, ni ȳhtiahye Pedro.

³⁰ Tiqiro sa nigū t̄ahoro Jesu ohō saha niahye:

—Yuhure “Cristo ijire tiqiro”, ni yahu site niedacāhña apequinapure, niahye tiquinare.

Jesu tiqiro yaria masa wijiatire yahuahye

(Mt 16.21-28; Lc 9.22-27)

³¹ Sa ye tiqiro buhe d̄uchahye tiquinare.

—Yuhu masu Cohācjū ohorigu ijiaja. Sa yegu tutuaro ñano yuhdugūta. Sata waharo cahmene yuhure. Judio masa buc̄ana, pahia puhto, mari judio masare buheyequina yuhure cahmedaye, yuhure wejēta. Tiquina sa wejēgū ihtia deco wahaboro masa wijiatutja, niahye Jesu tiquinare.

³² Sa nino ne t̄aho wisiagū yero marieno yahuro niahye tiquinare. Tiqiro sa nigū t̄ahoro Pedro pehe yoa cjūnogā Jesure ne saduca, tiqirore sa ni dutierahye.

³³ Tiqiro sa ni dutieragū t̄ahoro Jesu tiqiro buheyequinare majare ihña, tuhtiahye Pedore.

—Satana yero saha yahuducugū nine m̄hu. Sa niedacāhña. M̄hu t̄hotuye masa ye ijire. Cohācjū ye ijierare, niahye tiqiro Pedore.

³⁴ Sa ni tuhasa masare tiqiro buheyequina mehna tiqiro cahapu pijio ohō saha niahye:

—Ihc̄aquiroyaquiroya iji duaro, tiqiro esa tuharo ye duamedire duhu cānota. Sa yero yaquiroyaquiroya ijiri buhiri ñano

yuhndeperota yuhure duhusi. Sa yero yeere yeducuriqiro ijirota. ³⁵ Masuno tiqiro esa tuharo tiqiro cahmeno sahata yeriqiro pecaru waharota. Sa yero masuno, yeere sa yeducuro, quehnoaŋe buheyere sa yeducuro, ijiphtiyede decori yuhu mehna ahmusepu ijiducurota. ³⁶ Ihcãqiro masuno ahri yehpa cĵene ijiphtiyere caoriquiro pecaru waharo yabere wapatajari tiqiro? Sa ijiriquiro ne wapataerare. ³⁷ Pecaru tiqiro jeripohna wahagũ ne duhse wapa ye wioro basioeraga. Masuno jeripohna ihyo waro ijierare. ³⁸ Yoĵopare, ñaŋequina Cohãcĵere cahmeŋequina tiqina esa tuharo yeri deco ijiro nine. Ihuẽquina yuhure, yuhu buheye gũhure bue tisãboaga. Tiquina sa yegũ ihñagu yuhu masu Cohãcĵũ ohorigũ quehnoaŋequina angele mehna yuhu Pacu asi sitero mehna tojoa tagu yuhure bue tisãŋequinare bue tisãgũtja yuhu gũhũ, ni yahuahye Jesu.

9

¹ Sa ni tuhasa ohõ saha ni nemoahye Jesu: —Potota niita niaja musare. Ihuẽquina musa ohõpare ijina musa yariato pano Cohãcĵũ tiqiro puhtoro ijropare yuhu saĵãgũ yuhure ihñanata, niahye Jesu tiquinare.

Jesu tiqiro pagure comesahye
(Mt 17.1-13; Lc 9.28-36)

² Sa ye seis decori bato Jesu Pedroro, Santiagore, tiqiro bahuro Ñu gũhure ahmuanu canaru tiquina dihitare piji mujahye. Uhmuanoru esari bato tiquina ihñonoru tiqiro pagure comesaa wahahye. ³ Tiquiro suhtiro asi sitero yero saha yehsero wahahye. Ahri yehpa cĵena numia suhti coseyequina numia sa yehseye ye masiedare. ⁴ Sa ye Jesu Elia munano, Moise munano mehna tiquina yahuducugũ ihñahye tiquina ihtiaro tiqiro buheyequina. ⁵⁻⁶ Sa ye tiquina tutuaro cueahye. Sa cuero duhse ni masiedamehno ohõ saha nimahye Pedro:

—Puhto, mari ohõ ijigũ quehnoa duare. Ihta wuhugã yenatja. Mũhu ya wuhugã, Moise ya wuhugã, Elia ya wuhugã yenatja, nimahye tiqiro Jesure.

⁷ Sa yero tiquina bui ehmeo curua cahmotahye. Sa cahmotagũta ehmeo watoaru nino ca tahye:

—Ahriqiro yuhu macu yuhu cahñiquiro ijire. Tuhoja tiqirore, nino ca tahye.

⁸ Sa nigũta Pedro gũhũ ihñamahye. Jesu dihitare ihñahye. Tiquina ihñariquina pehe mariedahye. ⁹ Sa yero canaru tiquina dijia tagũ Jesu tiquinare yahuahye:

—Mianogã yuhure sa waharire apequinare yahueracãhña. Yuhu masu Cohãcĵũ ohorigũ yuhu yaria masa wijiari bato tire

apequinare yahuya musa, ni yahuahye tiqiro.

¹⁰ Sa ye tiqiro dutiriro sahata tiquina ihñarire yahuerahye apequinare. Sa ye tiquina basi ohõ saha ni sinitu yahuducuahye:

—¿Yuhu yaria masa wijiari bato”, nino duhse nino niari tiqiro? ni, yahuducuahye tiquina.

Sa ye Jesure ohõ saha ni sinituahye:

¹¹ —“Cristo tiqiro ahtato pano Eliare ahta muhtano cahmene”, nine mari acaye judio masare buheyequina. ¿Duhse ijiro boro sa niagari tiquina? ni sinituahye tiquina tiqirore.

¹²⁻¹³ Jesu yahtiahye:

—Ijirota ijire. Eliare ahta muhta dutiri Cohãcĵũ, ijiphtiyere quehno muhtatiqirore. Yuhu masu Cohãcĵũ ohorigũ peye tahari ñano yuhduguta. Apequina yuhure cahmedaye, ñano yeeta. ¿Duhse ijiro boro tire sa ni ojoari, musa tuhotugũ? Sa yegu ahrire niitja musare: Elia wihi tuhasari. Tiquiro sa wihiepegũta tiquina cahmediro saha tiqirore ñano yeahye. Sata ni ojoahye tiqirore, niahye Jesu tiquinare.

Jesu coã wahmua cãhtariqirore yuhduoahye
(Mt 17.14-21; Lc 9.37-43)

¹⁴ Sa ye dijia ta, apequina buheyequina caharu esa, peyequina masare ihñahye. Tiquiro buheyequina pehe judio masare buheyequina mehna cahme duŋe tutuaye niahye. ¹⁵ Sa ye Jesu gũhũ tiquina dijia tagũ ihñañe, ijiphtiyequina masa acua waha, tiqiro caharu oma cãa wahahye. Tiquiro caharu esaye,

—¿Ahtajari? niahye tiqirore.

¹⁶ —Ahtaja, ni tuhasa,

—¿Duhse ni cahme duŋe tutuana niari musa tiquina mehna? ni sinituahye Jesu tiqiro buheyequinare.

¹⁷ Tiquiro sa ni sinitugũ tuhoro, masa watoa ducuriqiro yahuahye tiqirore:

—Buhegu, yuhu macure watino caoriquirore mahure ne cãhtami. Watino pehe tiqirore yahuduce dutierare. ¹⁸ Yuhu macure tiqiro ñehegũ yehparu bora, bahque diho, buhaa wahae tiri tiqiro. Sa waharo sahpo tua wahae tiri. Sa yegu muhu buheyequinare watinore cohã dutimi. Yuhu sa dutiepegũta tiquina cohã masiedari watinore, ni yahuahye Jesure.

¹⁹ Tiquiro sa nigũ tuhoro Jesu ohõ saha niahye tiquinare:

—Ne, yuhure wacũ tutuerare musa. Yoari pje musare buhemaja yuhu. ¿Noho puno yoari pje yuhure musa cariboajari? Tiquirore ne cãhtaya yuhure, niahye Jesu.

²⁰ Tiquiro sa nigū tuhoye watīno cworiquirore Jesu caha ne cāhtahye. Tiquina ne wihigū ihñano watīno pehe coā wahmua cāhtariquirore yehpapu doque quehe sa, tunu nanaregū yeahye. Sa yero sahpo tuua wahahye.

²¹ —¿Noho puno yoari pje watīnore cwoajari ahriquiro? ni, sinituahye Jesu pehe tiquiro pacarore.

—Nijinogā ijiroputa tiquirore cwo ducari.
²² Sa yero watīno pehe tiquirore pecapu, acopu cohā wejēmedi. Sa yegu mūhu ye masigu usāre paja ihña, yedohoya, niahye tiquiro pacaro Jesure.

²³ Tiquiro sa nigū tūhoro ohō saha niahye Jesu:

—¿“Mūhu ye masiegū ijire”, niajari mūhu yūhure? Yūhure mūhu wacū tutuagū ihñano, Cohācjū ijiphtiyere ye peho masine, mūhure yedohoro, niahye Jesu.

²⁴ Tiquiro sa nigūta coā wahmua cāhtariquiro pacaro ohō saha ni sañuducuahye:

—Mūhure wacū tutuaja. Yūhu wacū tutueragū ihñagu yūhure yedohoya mūhure yūhu wacū tutuato saha, niahye tiquiro.

²⁵ Sa yero masa peyequina tiquina cahapu oma cāhta, tiquina cahmecoagū ihñano, Jesu watīnore ohō saha ni tuhtiahye:

—Mūhu yahuducu dutiegū, tūho dutiegū ahriquiro mehna ijirigu wahaya. Sa wahagu tiquirore pari turi cariboeracāhña, niahye Jesu.

²⁶ Tiquiro sa nigū tūhoro watīno sañuducu, coā wahmua cāhtariquirore yehpapu doque quehe sa tunu nanaregū ye, wahahye. Tiquiro sa yegū coā wahmua cāhtariquiro yariariquiro yero saha wahahye.

²⁷ —Tiquiro yariaa wahare, nimahye masa peyequina.

Tiquina sa niepegūta Jesu pehe tiquiro omocare ñehe, tiquirore wahcōahye. Tiquiro sa wahcōgū wahcāhye tiquiro pehe.
²⁸ Came Jesu gūhu wūhupu tiquina sañā sagū tiquiro buheyequina tiquirore sinituahye:

—¿Dūhse yena usā pehe watīnore cohā masiedayari, mūhu tuhotugū? ni sinituahye tiquina.

²⁹ —Ahriquiro boro watīnore cohā duana Cohācjūre tutuaro sinino cahmene musare, ni yūhtiahye Jesu tiquinare.

*Pari turi Jesu tiquiro yaria masa wiji-
atire yahuahye*

(Mt 17.22-23; Lc 9.43-45)

³⁰ Sa ye topu ijiriquina waha, Galilea yehpapu esa, yūhduu wahahye. Topu tiquina waharire apequina masigū cahmedahye Jesu tiquiro yequinare buhero taro. ³¹ Topu esaro tiquiro buheyequinare buheahye. Ohō saha ni buheahye:

—Yūhu masu Cohācjū ohorigu ijija. Masa yūhure ñehe, apequinapure yūhure ohoeta. Tiquina sa ohori bato yūhure wejēeta. Tiquina sa wejōrigu ijiepegata ihtia deco wahaboro masa wijiagūta, niahye tiquinare.

³² Tiquiro sa nigū tuhoye tiquina quehnoano tūho ñehedahye. Sa ye cueye, tiquirore tire sinitu nemoedahye.

*Jesu buheyequina tiquina mehna cjanore
puhto sō duaye nimahye*
(Mt 18.1-5; Lc 9.46-48)

³³ Sa ye Capernaupu tiquina esari bato wūhupu tiquina ijigū Jesu pehe sinituahye tiquinare.

—¿Mahapure ahtana, dūhse ni yahuducu cāhtana niari musa? ni, sinituahye tiquinare.

³⁴ Tiquiro sa sinitugū tiquina yūhtierahye. Mahapure ahtaye, cahme ohō saha ni yahuducu cāhtaye niahye:

—¿Mari mehna cjanore diquiro pehere mari puhtoro sōnari mari? ni yahuducuye niahye mahapure ahtaye.

³⁵ Sa ye tiquina sa nidire bue tiye Jesure yūhtierahye. Tiquina sa yūhtieragū ihñano Jesu nuju sa, tiquiro buheyequinare doce buheyequinare pijio ohō saha niahye:

—Musa puhtoa iji duana ijiphtiyequina masa tiquina cahacjana ijiro cahmene musare. Sa yena ihyo ijina ijiphtiyequina docapu ijinata musa, niahye Jesu tiquinare.

³⁶ Sa nino nijinogāre tiquina watoa duhu docoahye. Duhu doco tuhasa tiquirogāre ne wua, ohō saha ni yahuahye:

³⁷ —Yeere ye duana ahriquirogāre musa cahmena, yūhu gūhure cahmene musa. Sa yena yūhure cahmena, yūhure ohorigu mari Pacu gūhure cahmene musa, niahye Jesu tiquinare.

*Marine ihña tuhtiriquiro ijieraro, mari
mehna cjanō ijire*

(Mt 10.42; Lc 9.49-50)

³⁸ Came ņu ohō saha niahye Jesure:

—Buhegu, mūhu wame mehna wafare cohāriquirore usā ihñau. Mari mehna cjanō tiquiro ijieragū ihñana tire tiquirore ye dutierahi usā, niahye tiquina.

³⁹ Tiquina sa nigū tūhoro Jesu tiquinare yahuahye:

—Sa niedacāhña musa tiquirore. Ihcāquiro yūhu wame mehna Cohācjū tutuaye mehna yero, came yūhure ñano ni yahuducu masiedare. ⁴⁰ Marine ihña tuhtiriquiro ijieraro, tiquiro mari mehna cjanō ijire. ⁴¹ Musare potota nii niaja. Yeequina musa ijigū ihñañe apequina musare tiquina yedohogū ihñano Cohācjū tiquinare quehnoano yerota. Acore musare tiquina mehenogā sihōgū tiquinare quehnoano yerota Cohācjū tiquina sa yeri wapa, niahye Jesu tiquinare.

Ñañene yegū cuarīne
(Mt 18.6-9; Lc 17.1-2)

⁴² Sa yero Jesu yahu nemoahye:

—Ahriquirogā yero saha ijiriquirore yuhare wacū tutua ducariquiore yahugutja musare. Apequiro ahriquirogā yero saha ijiriquirore ñañene ye dutiro tiquiro ña yuhduaro yuhdurota. Ihcāquiore tiquiro wamuaru pajiria utāre duhte yo, pajiri maru tiquirore tiquina cohāgū ñano wahaboaga tiquiro. Sa ijiepegūta ahriquirogā yero saha ijiriquirore ñañene ye dutiriquiro tiquiro pehe pajiri maru tiquina cohāriquiuro yuhduoro ñano yuhdurota. ⁴³⁻⁴⁴ Mūhu omoca mehna ñano yegu ti omocare mūhu dute cohāboriro saha ti mūhu ñano yeye pehere duhuya. Tire duhueragu pecaru wahagūta. Topare ne peca yatierare. Sa ye becoa ne yarierare. Mūhu omocare cohāgū ti si dihita butiboaga. Sa yegu mūhu pehe sa bajuri turu ijiepegūta came Cohācjū mehna ijigūta. Pua omoca mehna pecaru wahagu mūhu sa wahagū ña yuhduaboaga. Sa yegu ti mūhu ñano yeye pehere duhuya. ⁴⁵⁻⁴⁶ Mūhu dahpocā mehna ñano yegu ti dahpocā gūhure mūhu dute cohāboriro saha ti mūhu ñano yeye pehere duhuya. Tire duhueragu pecaru wahagūta. Topare ne peca yatierare. Sa ye becoa ne yarierare. Mūhu dahpocāre mūhu cohāgū ti si dihita butiboaga. Sa yegu sa bajuri turu ijiepegūta came Cohācjū mehna ijigūta. Pua dahpocā mehna pecaru wahagu mūhu sa wahagū ña yuhduaboaga. Sa yegu ti mūhu ñano yeye pehere duhuya. ⁴⁷⁻⁴⁸ Mūhu capea mehna ñano yegu tiare ore we mūhu cohāboriro saha ti mūhu ñano yeye pehere duhuya. Tire duhueragu pecaru wahagūta. Topare ne peca yatierare. Sa ye becoa ne yarierare. Tiare mūhu cohāgū tia dihita butiboaga. Ihcā capea mariedapēgūta came Cohācjū mehna ijigūta. Pua capea mehna pecaru wahagu mūhu sa wahagū ña yuhduaboaga. Sa yegu ti mūhu ñano yeye pehere duhuya.

⁴⁹ 'Ahri yehrapu ijina ñano yuhduanata musa. Pecaru mari ujūgū marine purīno saha ñano yuhduanata musa. ⁵⁰ Moa quehnoano ocare. Moa ocaeragū ti moare ocagū yero basioerare. Moa ocaeraro ti moa ne quehnoaedare. Ti moare duhsero basioerare. Sa ijigū ihñana ti moare cohāno cahmene. Moa quehnoano ti ocaro saha musa gūhu masa quehnoana ijiya. Sa yena apequina mehna quehnoano mehna ijiya, ni yahuahye Jesu tiquinare.

10

Tiquina namosānumiare cohāñene
yahuahye Jesu
(Mt 19.1-12; Lc 16.18)

¹ Sa ye tiquiro toru ijiriquiro waha, Judea yehpa caharu esa, Jordā wame tiri ma ape sie pahrēru esahye. Toru tiquiro esagū ihñañe masa peyequina tiquiro caharu cahmecoahye tja. Tiquina sa cahmecoagū ihñano to pano tiquiro buheri sahata pari turi buheahye tja. ² Tiquiro sa buheri watoa fariseo masa wihahye. Jesure ñano tiquiro yahuducugū taho duamahye tiquina. Sa taho duaye tiquina Jesure sinituahye.

—¿Mari namosānumiare cohāgū quehnoaboagari? ¿Mari dutiye pehe sata ye dutijari, mūhu tūhotugū? ni sinituahye tiquina.

³ —¿Duhse ye dutijari to Moise musare tiquiro cūri? ni yūhtiahye Jesu.

⁴ —“Papera pūre musa cohāñene yahuyere ojoana musa namosānumiare cohā masine”, niahye Moise, ni yūhtiahye fariseo masa pehe.

⁵ Tiquina sa nigū tūhoro ohō saha ni yahuahye Jesu:

—Cohācjū dutiyere musa ye dueragū ihñano sa ni ojoahye Moise. ⁶ Tiquiro sa ni ojoari ijiepegūta ahri yehpare bajumehndiquiro umano, numino gūhure yeahye. ⁷ Sa yero umano tiquiro pacusumare cohā wijia, tiquiro namono mehna ijirota. ⁸ Sa ye tiquina puaro ijiepetā ihcā pagu yero saha ijire. Sa ye tiquina puaro yero saha ijierare. Ihcā pagu yero saha ijiye nine. ⁹ Cohācjū tiquiro omoca duhte dutiriquina ijire. Sa ye tiquinare cahme duhueraro cahmene, niahye Jesu tiquinare.

¹⁰ Sa ni tuhasa tiquiro buheyequina mehna wūhupu sajā wahahye. Wūhupu sajā sa, tiquina namosānumiare cohāñene tiquiro buheyequina sinituahye tja tiquirore. ¹¹ Tiquina sa sinitugū tiquiro yūhtiahye:

—Tiquiro namonore cohāriquiuro apēcōrore namo tiro, apēcōro mehna ñano yeriquiro ijire. Sa yero tiquiro cohāricorore ñano wahagū yero nine. ¹² Sa yero numino pehe ticoro manūnore cohāno, apequirore manu tiro, tiquiro mehna ñano yericooro ijire, niahye Jesu tiquinare.

Macanagā ye ijiatire Cohācjūre sini
basahye Jesu

(Mt 19.13-15; Lc 18.15-17)

¹³ Sa ye macanagāre Jesure ña peo dutiye tehe tiquinagāre Jesu caharu ne cāhtaye niahye. Tiquina sa yegū ihñañe tiquiro buheyequina pehe tiquinagāre ne cāhtayequinare tuhtiahye. ¹⁴ Tiquina sa tuhtigū ihñano Jesu usuaro, ohō saha niahye tiquinare:

—Macanagā yūhu caharu ahtaahro. “Waharīsa”, niedacāhñā tiquinagāre. Tiquinagā Cohācjūre tiquina puātoro tūhoture. Sa

ye Cohācjū tiqiro puhtoro ijirōpāre ahriquinagā yero saha tuhotuyequina ijire topāre. ¹⁵ Ijirota niita niaja masare. Ahriquinagā Cohācjūre tiquina cahmeno saha masa pehe cahmedana, tiqiro cahapū wahasi masa. Masa wahaeragū masa puhtoro ijisi tiqiro, niahye Jesu.

¹⁶ Sa ni tuhasa Jesu macanagāre ne wna, tiquinagāre űa peoro ohō saha niahye:

—Ahriquinagā quehnoañequina wa-haahro, ni sini basahye Cohācjūre.

*Doeri cjē upuro Jesure sinituahye
(Mt 19.16-30; Lc 18.18-30)*

¹⁷ Sa ye Jesu mahapū tiqiro wahaducugū apeqiro pehe oma cā, tiqiro dahpocāri cahapū dusepe curi mehna quehe sahye tiqirore űo peoro.

—¿Ne, quehnoagū buhegū, yuhū ijipihitiye decori Cohācjū mehna iji duagu dahse yegūtari yuhū? niahye tiqirore Jesure.

¹⁸ Tiqiro sa nigū Jesu yuhtiahye:

—¿Dahse ijiro boro yuhūre “Quehnoagū”, ni pisuajari muhū? Cohācjū dihita quehnoariqiro ijire. ¹⁹ Ahri Cohācjū dutiyere masine muhū: Masare wejēdacāhña. Wuana tieracāhña. Yaqueracāhña. Ni mehoedacāhña. Apequina yere ni meho nedacāhña. Masa pacosumwāre űo peoya. Ahri dutiyere yero cahmene masare, ni yahuahye Jesu tiqirore.

²⁰ —Buhegū, tire ijipihitiye coā wahmūa cāhtagū ijigūpūta yuhūducāera tii yuhū, niahye tiqiro Jesure.

²¹ Tiqiro sa nigū tuhoro Jesu pehe tiqirore ihñadoque ohō, cahñahye. Sa yero ohō saha niahye:

—Mehenogā dahsare mahūre muhū ye pe-hoato. Ijipihitiye muhū yere duagu waha-ya. Sa yegū ijipihitiye muhū wapātari niñerure pejecoyequinare ohoja. Muhū sa yegū pajiro muhū ye ahmūsepe, Cohācjū cahapū ijirota. Muhū sa yeri bato yuhū mehna cjū ijiajū ahtaya, niahye Jesu tiqirore.

²² Tiqiro sa nigū tuhoro tiqiro pehe peye doeri cjē cōriqiro ijiro tire pe-jecoyequinare oho dueraro, bujua witi, coera, wahaa wahahye.

²³ Tiqiro sa bujua witiġū ihñano Jesu majaredūca sa, tiqiro buheyequinare ihñadoque ohō, ohō saha niahye:

—Doeri cjē cōyequina Cohācjū puhtoro ijirōpāre tiquinare waharo basioera cjūre, niahye tiquinare.

²⁴ Tiqiro sa nigū tuhoye tiquina pehe tiqirore tuho maria wahahye. Sa ni tuhasa Jesu pari turi yahuahye tiquinare:

—Yuhū acaye, ijipihitiyequinare doeri cjē opana Cohācjūre wacūno marieno Cohācjū puhtoro ijirōpā tiquinare waharo basioer-are. ²⁵ Camello pehe awia copepū tiqiro sajā duagū basioerare. Tiqiro sa ijiro

yuhūoro doeri cjē cōriqirore Cohācjūre wacūno marieno Cohācjū puhtoro tiqiro ijirōpāre tiqirore waharo basioerare, ni yahuahye tiquinare.

²⁶ Tiqiro sa nigū tuhoye to pano tiquina tuho mariariro yuhūoro tuho maria waha, tiquina basi ohō saha niahye:

—Yohou, tiqiro nino sahata potota ijigū ne ihcāqiro masunore yuhūoeraboaga Cohācjū, niahye tiquina basi.

²⁷ Tiquina sa nigū tuhoro Jesu tiquinare ihñadoque ohō, ohō saha niahye:

—Masa tiquina esa tuharo quehnoano yeri mehna Cohācjū cahapū waha masiedare. Cohācjū pehe masare pecapū wahaboriquinare yuhūo masine. Tiqiro ijipihitiye quehnoano ye masi peho cāhre, niahye Jesu tiquinare.

²⁸ Tiqiro sa nigū Pedro tiqirore ohō saha niahye:

—Tuhorīña. űsā pehe ijipihitiye űsā yere cū cāu muhū mehna wahana tana, niahye tiqiro Jesure.

²⁹ Tiqiro sa nigūta Jesu ohō saha niahye:

—Ijirota niita niaja masare. Quehnoañe buheye, yeere yena tana yuhūre űo peona tana masa wuhūse, masa bahanare, masa pacosumwāre, masa pohñare, masa weserire cūrīna ijina, pajiro wapātānata masa yojoṗare. ³⁰ Sa yena masa wuhūse, masa bahanare, masa pacosānumiare, masa pohñare, weserire, to pano masa cōriro yuhūoro yojoṗare peye cūonata masa. Sa ye apequina masare űano yeeta. Sa yena camerūre aṗe tjurōpū ijipihitiye decori Cohācjū mehna ijinata. ³¹ Yojoṗare peyequina puhtoā ijiriquina ti pjeṗare ihyo ijieyquina tojoaeta. Sa ye yojoṗare peyequina ihyo ijieyquina ijiriquina ti pjeṗare puhtoā comesaeta tja, ni yahuahye Jesu tiquinare.

*Pari turi Jesu tiqiro yaria masa wiji-
atire yahuahye*

(Mt 20.17-19; Lc 18.31-34)

³² Sa ye tiquina mahapū maja, Jerusalēpū mujañe niahye. Jesu tiquina panogā ahmū tāhye. Sa tiqiro ahmū tāgū ihñañe tiqiro buheyequina ihñā maria wahahye. Sa ye tiquina bato nūnū tāriquina pehe cuero mehna nūnū tāhye. Sa yero Jesu tiqiro buheyequinare tiquina sehṣaro neahye tja. Sa yero masa tiqirore dahse yeatire Jesu yahu dahahye tiquinare.

³³ —Tuhoya yuhūre. Yojoṗare Jerusalēpū wahana niaja mari. Topū masa yuhū masure Cohācjū ohorigure ñehe, ape-quinapare yuhūre ohoeta. Pahia puhtoare, mari acaye judio masare buheyequina gūhūre yuhūre ohoeta. Sa ye yuhūre wejē dutieta tiquina. Sa wejē dutiye judio masa ijieyquina pehere yuhūre

ohoeta. ³⁴ Tiquina sa ohori bato tiquina pehe yuhare bujape, sihco puti ohō, tana, wejēeta. Sa yegu yuhū yariari bato ihtia deco wahaboro masa wijiagatja, ni yahuahye Jesu tiquinare.

Santiago, Ñu mehna Jesure siniahye
(Mt 20.20-28)

³⁵ Sa ye Santiago, Ñu mehna Jesu caharū esaye, siniahye tiquirore. Tiquina Zebedeo pohne ijiahye. Sa ye ohō saha ni siniahye:

—Buhegu, usā sinino saha usāre yeya mūhu, niahye tiquina Jesure.

³⁶ —¿Duhse yuhū yegū cahmeajari mūsa? niahye Jesu tiquinare.

³⁷ —Ijipihtiyequina puhtoro ijigu usāre mūhu mehna duji dutiya. Ihcāquiro mūhu poto pehe, apequiro mūhu cū pehe pehe duji dutiya usāre, mūhu mehna puhtoa usā ijiato saha, niahye tiquina Jesure.

³⁸ Tiquina sa nigū tuhoro ohō saha ni yahuahye Jesu tiquinare:

—Musa ñano yuhduatore masiedapenata sa sinine yuhare. ¿Yojopure yuhū ñano yuhduato saha mūsa gūhu ñano yuhduna ihcāno sahaboagari? ni sinituahye tiquinare.

³⁹ Tiquiro sa sinitugū tuhoye tiquina yuhtiahye:

—Ihcāno sahanata, ni yuhtiahye tiquina.

Tiquina sa nigū Jesu ohō saha ni yahuahye:

—Yuhū ñano yuhduato saha ñano yuhdunata mūsa gūhu. ⁴⁰ Musa sa yuhduanaja mūsa ijiepegāta, yuhū mehna dutiatiquinare, yuhū mehna dujiatiquinare bese masiedaja yuhū. Ahrire yuhū Pacu pehe quehno tuhasari. Sa ye tiquiro beseatiquina dihita yuhū poto pehe yuhū cū pehe pehe dujeta, niahye Jesu tiquinare.

⁴¹ Sa ye apequina puā omopequina buheyequina Santiago, Ñu ahriquina puaro mehna usuahye tiquina sa sinidire tuhoye. ⁴² Tiquina sa usuagū ihñano Jesu tiquiro buheyequinare pijio ohō saha niahye:

—Cohācjūre masieñequina puhtoa pehe tiquina masare dutiye, usuaro mehna dutire. ⁴³ Musa pehe ne sa yesi mūsa basi. Musa mehna cjāno puhtoro iji duaro, ijipihtiyequina tiquiro mehna cjēna cahacjūno ijiro cahmene tiquirore. ⁴⁴ Sa yero ijipihtiyequinare dutiriquiro iji duaro, apequina cahacjūno ijiro cahmene tiquirore. ⁴⁵ Sata ijigu ijiaja yuhū gūhu. Yuhū masu Cohācjū ohorigū ijiepegāta ahri yehparū masare yedohogu ahtau. Sa yegu peyequina masa ye buhirire yariagu ahtagu nii. Sa yegu peyequina masare pecarū wahaboriquinare yuhduogu ahtagu nii. Masare dutipegu ahtagu niedu, niahye Jesu tiquinare.

Bartimeore, caperi bajueriquirore ihñagū yeahye Jesu

(Mt 20.29-34; Lc 18.35-43)

⁴⁶ Sa ye tiquina Jericōrū esahye. Sa yero Jesu tiquiro buheyequina, masa peyequina mehna ti macarū ijieyequina tiquina wahagū Bartimeo pehe maha dūhtu caharū dujiahye. Tiquiro Timeo macano caperi bajueriquiro ijiro, decoripe masare niñerure siniducuriquiro ijiahye. ⁴⁷ Sa yero torū Jesu Nazare cjāno tiquiro caharū ahtagū tuhoro Bartimeo ohō saha ni sañuducuahye:

—Jesu, Davi mūnano panami iji turiagu, masare yuhduoacju, paja ihñaña yuhare, ni sañuducuahye Jesure.

⁴⁸ Tiquiro sa nigū tuhoye masa peyequina Bartimeore “Dihta mariahña”, ni tuhtiahye tiquina tiquirore. Tiquina sa tuhtigū tuhoro Bartimeo to pano tiquiro sañuducuriro yuhduo cjūno sañuducu nemoahye tja:

—Jesu, Davi mūnano panami iji turiagu, masare yuhduoacju, paja ihñaña yuhare, ni sañuducuahye tiquiro.

⁴⁹ Tiquiro sa ni sañuducugū tuhoro Jesu pehe esaduca, “Pijiohya tiquirore”, niahye. Tiquiro sa nigū tiquina pehe caperi bajueriquirore pijio cāhye:

—Bucueya. Wahcāducaya. Tiquiro mūhare pijiore, niahye tiquina Bartimeore.

⁵⁰ Tiquina sa nigū tuhoro tiquiro bui cjā suhtirore tu we cū, uhpu yuhdu cā, Jesu caharū esaducahye. ⁵¹ Sa yero Jesu sinituahye tiquirore.

—¿Duhse yuhū yegū cahmeajari mūhu? niahye Jesu tiquirore.

—Yuhū puhto, yuhare ihñagū yeya, niahye caperi bajueriquiro.

⁵² —Wahaya. Mūhu yuhare wacū tutuagu quehnoa wahare, niahye Jesu tiquirore.

Tiquiro sa nigūta caperi bajueriquiro ihñaa wahahye. Sa quehnoa waharo Jesu mehna maharū wahaa wahahye.

11

Jerusalēru esahye Jesu

(Mt 21.1-11; Lc 19.28-40; Jn 12.12-19)

¹ Sa ye Jerusalēru tiquina esato panogā Betfagé wame tiri maca caharū, Betania wame tiri maca caharū ijidarū, Olivo wame tidu canarū esa mūhtahye. Torū esaro puarore tiquiro buheyequina mehna cjēnare Jesu ohoro ohō saha niahye:

² —Si macarū wahaya. Torū esana duita burrogāre tiquina dūhte docoriquirogāre bocanata. Apequina pesamehnediquirogā ijiaja. Tiquirogāre bocana, yuta dare pā, ne cāhta basaya yuhare. ³ Musa sa yegū ihñano burrogā uparo “¿Duhse na burrogāre pājari?” tiquiro nigū tuhona, ohō saha ni yuhtiya tiquirore: “Mari puhtoro burrogāre cahmedoqueo nidi. Sa yero mianogāta wiarota

tiqiro”, ni yahuya tiqirore, ni yahu duti ohoahye tiqiro buheyequinare p̄arore.

⁴ Tiquiro sa nigū waha, w̄h̄u cahar̄u ijiri mahar̄u sopecaha cahar̄u burrogāre tiquina d̄hte docoriquirogāre bocahye.

⁵ Sa ye tiqirogāre yuta dare tiquina p̄gū ih̄ñañe top̄u ducuyequina sinituahye tiquinare:

—¿D̄h̄se yena tana masa yuta dare p̄jari burrogāre? ni sinituahye tiquina.

⁶ Tiquina sa nigū t̄hoye, tiquina pehe Jesu tiqiro nidiro sahata yahuahye top̄u ducuyequinare. Tiquina sa yahugū t̄hoye top̄u ducuyequina pehe “Neah̄ña”, niahye tiquinare. ⁷ Sa ye tiquina burrogāre Jesu cahar̄u ne sahye. Tiquina ne sari bato tiqirogā bui tiquina suhtire duhu peo tuh̄sagū ih̄ñano, Jesu pehe tiqirogā bui m̄ja p̄jahye, waharo taro. ⁸ Sa ye masa peyequina tiquina bui sañañe suhtire tu we ne, mahar̄u seō cū m̄htahye, Jesure ño peoye. Apequina pehe p̄uri tiye d̄p̄r̄ḡre weserip̄u tiquina ne c̄htari d̄p̄r̄ḡre mahar̄u cūahye.

⁹ Sa ye tiqiro pano wahayequina, tiqiro bato ahtayequina mehna oh̄o saha ni sañuducuahye:

—Ahriqirore ño peouhna. Ahriqiro Cohācjū tiqiro ohoriquiro quehnoano ijiaho. ¹⁰ Mari ñec̄u iji turariqiro Davi manano p̄htoro tiqiro ijiriro saha ahtariqiro quehnoano ijiaho. ̄hm̄se c̄janore “Tutuagū ijire”, ni ño peouhna, ni sañuducuahye tiquina.

¹¹ Sa yero Jesu Jerusalēp̄u esaro Cohācjū ya w̄h̄u sajā saro, ti w̄h̄u ijijere ijip̄htiyere ih̄ña peho c̄hye. Ih̄ña tuhasa “Ñamicahar̄u ijire. Deco c̄jūnota wahauhna”, nino, Jesu tiqiro buheyequina doce buheyequina mehna Betaniar̄u wahahye.

Jesu higueraḡure yaria dutiahye

(Mt 21.18-19)

¹² Sa ye ape deco tiquina Betaniar̄u ijiriquina wahaa wahahye. Sa yero Jesu pehe ̄jua ahbaa waha, yoarop̄u higuera wame tid̄re quehnoano p̄uri tid̄re ih̄ñano t̄ d̄care macano wahamahye. ¹³ D̄ca mariedahye. D̄ca tiri p̄je ijieraro p̄uri dihita ijiahye. ¹⁴ Sa yero d̄ca mariedagū ih̄ñano oh̄o saha niahye:

—Ahd̄u d̄care masa ne pari turi ihyerac̄h̄do. Ne d̄ca tierac̄h̄do, niahye Jesu.

Tiqiro sa nigū tiqiro buheyequina pehe t̄hoahye.

Jesu Cohācjū w̄h̄ure Cohācjū mehna yahuducuri w̄h̄u ye dutiahye

(Mt 21.12-17; Lc 19.45-48; Jn 2.13-22)

¹⁵ Tiquiro sa yeri bato tiquina Jerusalēp̄u esahye. Top̄u esaro, Jesu Cohācjū ya w̄h̄u sajā saro apee boro duayequinare, d̄yequina ḡh̄ure cohā wioahye. Sa yero

niñeru comesaye mesarire yo wahc̄o, ne majare cū m̄jahye. Bujuaare duayequina tiquina dujiye pahtari ḡh̄ure sata yeahye. ¹⁶ Sa yero apee borore ne sajā dutierahye masare. ¹⁷ Sa yero Jesu oh̄o saha ni buheahye tiquinare:

—Oh̄o saha nine Cohācjū yere tiquina ojoari p̄u: “Ya w̄h̄u Cohācjū mehna yahuducuri w̄h̄u wame tirota. Sa yero ijip̄htiro c̄jena ya w̄h̄u ijirota”, ni ojoahye Cohācjū yere tiquina ojoari p̄u. Ti p̄u sa niepegūta masa pehe ahri w̄h̄u duana, masa basi cahme yaquere masa, ni buheahye tiquinare.

¹⁸ Tiquiro sa ni buhegū ijip̄htiyequina masa pehe t̄ho maria wahahye. Sa ye pahia p̄htoa, usā judio masa buheyequina mehna tiqirore cue niahye. Sa ye tiquina tiqirore wej̄atire wacū macamahye. ¹⁹ Tiquina sa yegū ñamicahar̄u Jesu tiqiro buheyequina mehna ti macar̄u ijiriquina wahaa wahahye.

Higueraḡu ñaia wahahye

(Mt 21.20-22)

²⁰ Sa ye bohrearo mahar̄u maja taye, higueraḡure ih̄ñahye. T̄u n̄h̄corip̄u ñai d̄ca, ñaia wahahye tu. ²¹ T̄re ih̄ñano Pedro pehe wacū, oh̄o saha niahye:

—Buhegū, ih̄ñaña. Higueraḡu m̄h̄u yaria dutid̄u yaria wahaya, niahye Pedro.

²² Tiquiro sa nigūta Jesu yahuahye tiquinare:

—Cohācj̄ure wacū tutuaya masa. ²³ Ijirota niita niaja masare. Ahd̄u can̄re pajiri mar̄u masa cohā dutigū masa nidiro saha sa waharota. Cohācj̄ure quehnoano masa wacū tutuagū “Ȳh̄u sinidiro saha waharota”, masa ni t̄hotugū masa nidiro saha waharota. ²⁴ Sa yegū ahrire yahuḡtja masare. Cohācjū mehna yahuducuna, tiqirore sinina, “Ȳh̄u sinidiro saha ohorota ȳh̄ure”, ni t̄hotuya. Masa sa yegū ih̄ñano Cohācjū masa siniñene ohorota. ²⁵ Sa yena Cohācjū mehna masa yahuducuatō pano masare apequina tiquina ñano yegū masa usarire duhuya. Masa sa yegū ih̄ñano mari Pacu ̄hm̄se c̄jūno masa ñañe yeri pehere tiqiro ḡh̄u usua duhurota. [²⁶ Masare ñano yeriquinare masa usua duheragū mari Pacu ḡh̄u ̄hm̄se c̄jūno masa ñañe yeri pehere usaro ne duhusi tiqiro ḡh̄u,] niahye Jesu.

Pahia p̄htoa, judio masare buheyequina, b̄c̄na mehna Jesu mehna cahme d̄se t̄ni wiahye

(Mt 21.23-27; Lc 20.1-8)

²⁷ Tiquiro sa nidi bato tiquina Jerusalēp̄u wahahye tja. Sa ye Jesu Cohācjū w̄h̄u tiqiro tinigū ih̄ñañe pahia p̄htoa, usā judio masare buheyequina, b̄c̄na ḡh̄u tiqiro cahar̄u esaye, tiqirore sinituahye:

²⁸ —¿Dahsegu canare sa yeari mahua? ¿Noa mahure tire sa ye dutiari? ni sinituahye tiquina Jesure.

²⁹ Tiquina sa nigū Jesu yuhtiahye:

—Masa pehere sinitu mahtagutja. Quehnoano yuhare masa yuhtigū masare yahugutja yuhū gāhū. ³⁰ ¿Ñu masare tiquiro wame yegū noa boro pehe tiquirore wame ye dutiyari, masa tuhhotugū? ¿O Cohācjū dutierayari? ¿O masa pehe tiquirore dutiyari, masa tuhhotugū? ni sinituahye tiquinare.

³¹ Tiquiro sa nigū tiquina pehe tiquina basi ohō saha niahye:

—¿Dahse ni yuhtinatari mari? “Cohācjū Ñure dutiri jiri”, mari nigū, “¿Dahsena Cohācjū Ñure tiquiro dutiepegūta tiquirore tuho duerari masa?” niboaga Jesu marine.

³² Sa yero —Ñu tiquiro wame yegū Cohācjū pehe tiquirore dutierari jiri”, mari nigū masa pehe usueta mari mehna, niahye tiquina basi.

“Potota Ñu Cohācjū yere yahu mahtariquiro ijire”, ni tuhhotue tiahye masa pehe. Sa ye pahia pūthoa, usā judio masare buheyequina, bucana mehna tiquinare cue niahye. ³³ Sa ye tiquina Jesure ohō saha ni yuhtiahye:

—Ñure wame ye dutiriquirore usā masiedaga, niahye tiquina Jesure.

—Ti pje pūrita yuhū gāhū ahrire yuhū yerire dutiriquirore yahueraja masare, niahye Jesu tiquinare.

12

Ñañequina dahra cohteyequina quitire yahuahye Jesu

(Mt 21.33-46; Lc 20.9-19)

¹ Sa ye Jesu tiquiro tuhhotuye mehna ohō saha ni queoye mehna buhe dūchahye tiquinare.

—Wese upuro uhse darire oteahye. Ote tuhasa, sahrīnore doco, uhsere tiquina cahta matoati copere sehe, ahmari wuhagā dahreahye tiquiro. Sa yero ti wesere apequinare ihcā pehe pahma cūno, ti wesere cohte dutiahye. Cohte duti tuhasa ape siepū wahaa wahahye tiquiro. ² Came uhse ñidi pje ijigū wese upuro tiquiro cahacjanore wese cjē tiquiro ya pahma cjē dūcare ne dutiro ohomahye. ³ Sa ye wesere cohteyequina pehe tiquiro cahacjanore ñehe, quēahye tiquirore. Sa ye tuhasa tiquiro cahacjanore uhse tōhorine ohoerapeta tojoa dutiahye tiquirore. ⁴ Sa yero wese upuro apequiro tiquiro cahacjanore ohomahye tja. Sa ye cohteyequina pehe tiquiro dapure cami dahre, ñano yeahye tiquina tiquirore. ⁵ Sa yero apequiro pehere tiquiro ohogū cohteyequina tiquirore wejēahye. Peyequina apequina gāhure sa

dihita ye mūjahye. Apequina pehere quē, apequina pehere wejēahye tiquina.

⁶ ‘Sa yero wese upuro macano dihita dahsahye. Tiquiro cahñiquiro ijiahye. Sa yero tiquiro macanore ohoahye, “Yuhū macu pehere ño peota”, nino. ⁷ Tiquiro sa ni tuhhotuepegūta cohteyequina tiquina basi ohō saha ni yahuducuahye: “Wese upuro macano ijire ahriquiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi. ⁸ Sa niñe tiquirore ñehe, wejē, wese dūtu cahapū ne cā, cohā chahye tiquina tiquirore.

⁹ ‘Ne wese upuro ahtarō dahse yerotari tiquiro wesere cohteyequinare, masa tuhhotugū? Ohō saha yerota tiquinare: Tiquiro tiquinare wejēno, apequina pehere wesere cohte dutirotā. ¹⁰⁻¹¹ ¿Cohācjū yere tiquina ojoari pūre ahrire buherari masa? Ohō saha ni ojoahye:

Ahriquiro Cristo utā yero saha ijire. Utāre wuhare dahreyequina tiquina cohāno saha masa tiquirore cohāeta. Tiquina sa cohāepēgūta yojopare wuhare dahreyequina wuhare yeye, tiquina cū mahtaria utāre tiquina cūno saha Cohācjū tiquirore pahtoro sōri. Cohācjū pehe ahrire yeri. Tiquiro sa yegū ihñana, “Quehnoa yuhdūare”, ni tuhhotuaja mari, ni ojoahye panopare.

¿Tire ne buherari masa? niahye Jesu tiquinare.

¹² Tiquiro sa nigū tuhoye pahia pūthoa, usā acaye judio masare buheyequina, bucana mehna ohō saha ni tuhohuahye: “Jesu wesere cohteyequina quitire mehna marine tuhtiro nine”, ni tuhohuahye. Sa ni tuhohuyē Jesure ñehe duamahye. Sa ñehe duepeta masare cue niahye. Sa cueye tiquirore cohā cāa wahahye.

Fariseo masa, Herode ya curua cjēna mehna gobierno cjē wapare sinituahye Jesure

(Mt 22.15-22; Lc 20.20-26)

¹³ Waha, tiquina fariseo masare, Herode ya curua cjēna gāhure Jesure sinitu dutiye ohoahye tja. Jesu ñano tiquiro yuhtigū ye duamahye tiquina, tiquirore yahusāñe tehe. ¹⁴ Sa ye Jesu cahapū esaye, tiquirore niji sio sinitumahye:

—Buhegu, poto yahuducugū, ni mehoñe mariegu mahū ijigū masiaja usā. Cohācjū yere queoro mahū yahugū gāhure masiaja usā. Sa yegu ihcāquiro pahtoro waro ijiepegūta tiquiro gāhure dōyare marieno potota yahure mahū. Sa yegu usāre yahuya. ¿Roma cjēno ijipihituequina pahtoro yere marine wapa yero cahmeajari, mahū tuhhotugū? ¿Mari dutiye wapa ye dutiajari,

mahu tūhotugā? ni sinituahye tiquina Jesure.

¹⁵ Tiquina sa sinitugū tūhoro tiquina ñano ye duayerē masino Jesu ohō saha ni sinituahye tiquinare:

—¿Dahse yena yūhu ñano yahuducugū tūho duajari mūsa? Yojoṗare niñeru cjoere ne cāhtaya. Ti cjoere ihñāuhna, niahye Jesu tiquinare.

¹⁶ Tiqiro sa nigū tūhoye tiquina pehe ihcā cjoē ne cāhtahye. Tiquina ne wihigū Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiqiro.

—César, masa ijiphiyequina puhtoro queoye, tiqiro wame gūhu wahñare, ni yahtiahye tiquina.

¹⁷ Tiquina sa nigū Jesu yahuahye tiquinare:

—Ti pje pūrita masa ijiphiyequina puhtoro yere tiqiro pehere ohoya. Cohācjū yere Cohācjū pehere ohoya, ni yahuahye Jesu.

Tiqiro sa nigū tūhoye tūho maria wahahye.

Cohācjū tiqiro masoatire yahuahye Jesu saduceo masare

(Mt 22.23-33; Lc 20.27-40)

¹⁸ Sa ye ihquēquina saduceo masa Jesu cahapū wihiahye. Saduceo masa pehe “Cohācjū yariariquinare masosi”, ni tūhotuyequina ijiahye. ¹⁹ Sa ye tiquina ohō saha niahye tiqirore:

—Buhegu, ohō saha ni bueahye Moise: “Ihcāqiro wahmino namo tiriqiro pohna mariedaperota yariagū ihñano tiqiro bahurore tiqiro wahmino namono ijiricorore nūoano cahmene. Sa yero wahmino mūnano tiqiro pohna tiboro saha pohna tiro cahmene tiqiro bahurore. Sa ye tiqiro pohne tiqiro wahmino mūnano pohne yero saha ijieta”, ni ojoahye Moise, niahye tiquina Jesure.

²⁰ Tire ni tuhasa, ahri quitireta yahu nemoahye Jesure:

—Ihcāqiro masūno ijiahye. Seis bahana tiahye. Tiqiro wahmino pehe namo ti, pohna mariedaperota yariaa wahahye.

²¹ Sa yero apeqiro tiqiro bahuro gūhu tiqiro wahmino namono ijiricorore cuomahye. Tiqiro sa nūoari bato tiqiro wahmino yero saha pohna mariedaperota yariaa wahahye tja. Sa yero ahriqiro bahuro tiqiro wahmino mūnano yero saha pohna mariedaperota yariaa wahahye.

²² Sa dihita wahahye ihcāqiro pohne waro. Ne pohna mariedapeta yaria pihtia wahahye tiquina. Tiquina namono ijiricoro gūhu tiquina batota yariaa wahahye. ²³ ¿Ne, Cohācjū ijiphiyequinare yariariquina

mūnare tiqiro masogū diqiro namono pehe ijiritari ticoro? Tiquina ijiphiyequina ticorore namo tiriquina mūna ijiahye. ¿Sa yero diqiro namono pehe ijiboagari ticoro pototi? ni sinituahye tiquina.

²⁴ Jesu yahtiahye tiquinare:

—Cohācjū yere tiquina ojoari pūre, tiqiro masiñe gūhure ne masiedare mūsa. Sa yero mūsa tūhotuye pehe ne potō ijierare. ²⁵ Yariariquina mūna tiquina masa mūjari bato angele yero saha ijire. Namō marieñequina, manū marieñe numia ijire topure. ²⁶ Yariariquina mūna tiquina masa wijiato pehere mū sare yahugatja: Tire Moise quehnoano yahu pehoahye. Mehenagā ujūri quitire ohō saha ni yahuahye tiqiro: “Yūhu Abrahā, Isaac, Jacob tiquina puhto tjaia”, ni yahuri Cohācjū yūhure”, ni ojoahye Moise tiqiro ojoari pūpu. ²⁷ Tiquina yariari bato “Tiquina puhto tjaia”, ni yahuahye Cohācjū. Sa nieperota yariariquina mūna puhtoro ijierare Cohācjū. “Tiquina puhto tjaia”, tiqiro niñe mehna catiyequina tiquina ijigū masiaja mari. Tqiro catiyequina puhtoro ijire. Sa yena “Yariariquina masasi”, ni tūhotuna potota tūhotuerare mūsa, niahye Jesu tiquinare.

Quehnoa yūhūro dutirore yahuahye Jesu

(Mt 22.34-40)

²⁸ Sa ye ihcāqiro usā acaye judio masare buheyequina mehna cūno tiquina cahapū wihi, tiquina cahme yahuducugū tūhoahye. Jesu quehnoano yahtiyere tūhoro sinituahye tiqirore.

—¿Cohācjū ye dutiro quehnoa yūhūari dutiro noho pehe ijijari, mūhu tūhotugā? ni sinituahye tiqiro Jesure.

²⁹ Jesu tiqirore yahuahye:

—Ahri dutiro ijire apeye dutiye bui quehnoa yūhūari dutiro: “Israe masa, tūhoya. Cohācjū mūsa puhtoro yūhu ihcāta ijiaja. ³⁰ Tutuaro mūsa jeripohnari mehna, quehnoano mūsa wacūñe mehna, mūsa tutuaye mehna yūhūre cahñā”, nine Cohācjū. ³¹ Ahri dutiro bato apero dutiro quehnoano ijire. “Mūhu basi mūhu cahñā saha mūhu cahapū ijieyequina gūhure cahñā”, nine Cohācjū. Ahri puaro dutirota ijiphiye apeye dutiye yūhūoro ijire, ni yahuahye Jesu tiqirore.

³² Tiqiro sa nigū judio masare buheriqiro ohō saha niahye:

—Sa tjire. Buhegu, potota nine mūhu. Cohācjū ihcāqirota ijire. Apeqiro tiqiro yero saha ijiriqiro mariedare. Mūhu niñe potota ijire. ³³ Cohācjūre tutuaro mari jeripohnari mehna, mari wacūñe mehna, mari tutuaye mehna tiqirore

cahño cahmene marine. Yuhñu saha ijieyquinare yuhñu basi yuhñu cahño saha tiquina gũhare cahño cahmene yuhñare. Wahiquinare wejê ujũa moõ mari ohori mehna mari ño peogũ quehnoarĩmene. Ahri yuhduoro Cohãcjũre, masa gũhare mari cahñe quehnoa yuhduare. Mũhu sa niñe ijirota ijire, niahye judio masare buheriquiro Jesure.

³⁴ Tiquiro sa quehnoano yahtigũ tũhoro Jesu yahuahye tiquirore:

—Mehenogã duhsare mũhare Cohãcjũre mũhu quehnoano masiatio, niahye tiquirore.

Tiquiro sa nigũ tũhoye apeqũna cueye, ne sinituerahye Jesure.

Cristo Davi mũnano puhtoro ijire
(Mt 22.41-46; Lc 20.41-44)

³⁵ Sa ye Cohãcjũ wũhũpũ buhero ohõ saha niahye Jesu:

—“Cristo Davi mũnano panamino iji turiariquiro ijire”, ni buhere mari acaye judio masare buheyequina. ¿Dũhse niñe sa ni buheajari tiquina? ³⁶ Davi tiquiro basi Espĩritu Santo tiquiro dutiriro sahata ohõ saha ni yahuahye:

Cohãcjũ yuhũ puhtorore ohõ saha nidi: “Ohõpũ yuhũ poto pehe dujiya. Sa yegu mũhare ihña tuhtieyquinare mũhare yuhduũca basagũtja yuhũ”, nidi Cohãcjũ yuhũ puhtorore, ni ojoahye Davi mũnano.

³⁷ Sa ni ojoaro Davi mũnano puhtoro tiahye Cristore. ¿Davi mũnano Cristo ñecano mũnano iji turiariquiro ijieperota duhsero Davi pehe puhtoro tiyari Cristore? Cristo Davi mũnano puhtoro ijire, ni yahuahye Jesu.

Tiquiro sa ni buhegũ peyequina masa bucueye mehna tũhoahye tiquirore.

Jesu judio masare buheyequina tiquina ñañene yahuahye

(Mt 23.1-36; Lc 11.37-54; 20.45-47)

³⁸ Sa yero tiquiro buhe nemono ohõ saha niahye:

—Mari acaye judio masare buheyequina tiquina ñañe yeyere quehnoano ihñaña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ majare, doeri cjê duaropũ apeqũna puhtoare quehnoano ño peo tiquina sinino saha tiquina piti ca sinigũ cahmene tiquina.

³⁹ Sa ye mari judio masa buheye wũhũserũ quehnoañe dujiye dihitare duji duare. Sa ye bose deco ijigũ topũ gũhare quehnoañe dujiye dihitare cahmene tiquina. ⁴⁰ Tiquina wape wiha numia ye wũhũsere tiquina cuoye gũhare ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yeri buhiri apeqũna bui cjũno tiquinare

Cohãcjũ pajiro buhiri dahrerota, niahye Jesu tiquinare.

Wape wihero ticoro ohorire yahuahye Jesu

(Lc 21.1-4)

⁴¹ Sa yero Jesu Cohãcjũ wũhũ cjê niñeru tiquina sãri acaro cahapũ dujiahye. Topũ masa tiquina niñeru duhu sãgũ ihña dujiro niahye. Sa ye niñeru opana ti acaropũ pajiro duhu sãhye. ⁴² Sa yero wape wihero pejecuoricoro ti acaropũ ahta, pũa cjoegã duhu sãhye. Pũa cjoec ihcã centavo pose ijire. ⁴³ Ti cjoeri ticoro duhu sãgũ ihñano tiquiro buheyequinare pijioahye:

—Ijirota niita niaja musare. Ahricoro wape wihero pejecuoricoro pehe niñeru ihbori acaropũ duhu sãno apeqũna ijipihtieyquina tiquina ohori yuhduoro ohori ticoro pehe. ⁴⁴ Apeqũna doeri cjê opana pajiro tiquina ohoepẽgã tiquina ye pajiro duhsare. Ahricoro pehe pejecuoricoro ijieperota ijipihtiey ticoro ihyatire dũborigãre oho pehori, niahye Jesu.

13

—Cohãcjũ wũhũ cohãri wũhũ ijirota, niahye Jesu

(Mt 24.1-2; Lc 21.5-6)

¹ Sa ye Cohãcjũ wũhũpũre tiquina wijiagũ ihcãquiro buheyequina mehna cjãno ohõ saha niahye:

—Buhegu, ihñaña. Ahri wũhũse quehnoañe utã paca mehna tiquina yeri wũhũse quehnoa yuhduaye wũhũse ijicjoare, niahye tiquiro.

² Tiquiro sa nigũ Jesu yahuahye tiquinare: —Ahri ijipihtiey mari ihñari wũhũse, ahri wũhũse cjê utã paca gũhare cohã pehoeta. Ne ihcãria utã tojoasi, niahye Jesu tiquinare.

Decori pihtiatire yahuahye Jesu

(Mt 24.3-28; Lc 21.7-24; 17.22-24)

³ Sa ye Jesu Olivo wame tidũ canũpũ Cohãcjũ wũhũ potopũ ijidũpũ esahye. Tu buipũ dujiahye. Topũ Pedro, Santiago, Ñũ, Andre mehna tiquina sehsaro ijiey, tiquina tiquirore sinituahye:

⁴ —Yahuya usãre. ¿Dũhse ijigũ sa waharotari mũhu nidiro saha waharo? ¿Deco pihtiatio panogã ijigũ duhsere ti waha duagũ ihñanatarĩ usã? ni sinituahye tiquina Jesure.

⁵ Jesu yahtiahye:

—Quehnoano yeya mũsa. Sa yena apeqũna tiquina ni mehoñene tũhoeracãhña mũsa. ⁶ Peyequina masa “Cristo ijiaja yuhũ”, ni mehoñequina ahtaeta. Tiquina sa ni mehogũ tũhoye peyequina masa Cohãcjũ yere duhueta.

⁷ Mũsa cahagã masa apeqũna tiquina cahme wejẽgũ tũhonata mũsa. Sa yena yoaropũ gũhare tiquina cahme wejẽgũ

tūhoonata mūsa. Sa tūhoopenata ne tire pajiro tūhotueracāhña. Sa waharota. Tiquina sa yegū pihtiatu deco dūhsarīnota. ⁸ Ti pjere ihcā yehpa cjenā ape yehpa cjenā mehna cahme wejēeta. Sa ye ihcāquiro puhtoro yequina apequiro puhtoro yequina mehna cahme wejēeta. Sa yero ijipihitiri yehpa űuhminota. Sa ye peyequina masa űjua mehna yarieta. Sa wahagū ahri yehpa cjenare tiquina űano yūhdū nemoato dūhsarīnota. űano yūhdūrieta.

⁹ Sa wahagū ihñana mūsa basi quehnoano yeya. Apequina mū sare űehe, űano ye dutiye ohoeta apequina puhtoapure. Sa ye judio masa mari buheye wūhusepū mū sare quēeta. Tiquina sa yegū bujūye macari cjenā puhtoa, tiquina bui puhtoa gāhu mū sare buhiri dahreye tehe sinueta mū sare. Yeequina mūsa ijiri buhirire apequina mū sare yahusāeta. Sa yena yeere yahunata mūsa tiquinare. ¹⁰ Sa ye pihtiatu deco pano quehnoañe buheye ijipihitije yehpari cjenare buheripū ijirota. ¹¹ Sa yena mū sare buhiri dahre dutiye, buhiri dahre dutiatiquiro cahapū tiquina neagū tiquirore mūsa niatire “Yahu masiedaboaga”, ni tūhotueracāhña mūsa. Ti pjere mūsa niatire mū sare Espīritu Santo yahurota. Tiquiro sa yahurire yahuya mūsa. Mūsa esa tuharo yahuducusi mūsa. Espīritu Santo mū sare yahuducu basarota. ¹² Ti pjere tiquina wahmīsumūa tiquina bahanare wejē dutiye ohoeta puhtoare, yeequina tiquina ijiri buhiri. Tiquina pacūsumūa tiquina pohne ne wejē dutiye ohoeta puhtoare. Tiquina pohne pehe tiquina pacūsumūare wejē dutiye ohoeta puhtoare. ¹³ Sa ye yeequina mūsa ijiri buhiri mū sare masa ijipihitijequina ihña tuhtietu. Tiquina sa yepegāta ahri yehparū masa catiro puno mū sare tiquina űano yerire ihcāno sahana yahure duherana, yūhdūnata mūsa.

¹⁴ Sa yena űa yūhdūariquirore Cohācjū yere űano yeriquirore ihñanata mūsa. Cohācjū ya wūhūpū tiquiro ducugū ihñanata. Topū tiquirore ijeraro cahmene. Topū tiquiro ducugū ihñañe Judea yehparū ijijequina cūhū cūpū duhti oma mūjāa wahaahro. Ahri yūhū nidire quehnoano masiña mūsa. ¹⁵ Sojaro mehna oma duhtiahro. Ti pjere tiquina wūhūse bui cje paaripū ijijequina wūhū puhīarū ijijere tiquina yere neñe wahaeracāhdo tiquina waha madoqueoato saha. ¹⁶ Sa ye ti pjere apequina tiquina weseripū ijijequina tiquina bui cje suhtire wūhūpū ijije suhtire neñe wahaeracāhdo tiquina waha madoqueoato saha. ¹⁷ Ti pjere nijī pacosānumia, tiquina pohne apūoñe numia gūhū pejecūoro wahaeta. ¹⁸ Sa yena ohō saha ni siniña Cohācjūre: “Pohecū ijigū sa wahaeracāhdo”, ni siniña tiquirore.

¹⁹ Ti decorire masa űa yūhdūaro wahaeta. Ahri yehpare tiquiro bajumehnedi bato masa űano yūhdūe tiahye. Ti sa ijiepegāta ijipihitije ti puriñe yūhdūoro pihtiatu deco ijigūre űa yūhdūaro masa yūhdūeta. Sa űano tiquina yūhdūari bato pari turi sa űa yūhdūaro yūhdūasi ahri yehparū. ²⁰ Sa yero Cohācjū ti decorire meheñe decorigā ijigū yerota. Tiquiro sa yeragū ne ihcāquiro masūno yūhdūeraboaga. Sa yero tiquiro beseriquina tiquina yūhdūatire meheñe decorigā cūnota Cohācjū.

²¹ Ti pjere apequina mū sare “Ihñaña. Ahriquiro ijire Cristo”, tiquina nigū tiquinare tūhoeracāhña. “Topū ijire Cristo”, tiquina nigū gūhare tūhoeracāhña. ²² “Cristo ijijaja”, ni mehoñequina, “Cohācjū yere yahu muhtana ijijaja”, ni mehoñequina ijietu ti pjereta. Sa ye Cohācjū beseriquinare ni mehoñe, tiquina tutuaye mehna ye ihñoeta. Cohācjū yequinare Cohācjūre tiquina cohā duagū ye duare tiquina mehoñequina. ²³ Ahrire yahuyuaja mū sare sa wahato pano. Sa yena quehnoano yeya mūsa, ni yahuahye Jesu.

Jesu ahri dihtapure tiquiro tojoa tatire yahuahye

(Mt 24.29-35, 42-44; Lc 21.25-36)

²⁴ Sa ni tuhasa ohō saha ni yahuahye Jesu:

—Ti decori ijigū tiquina űano yūhdūari bato asū deco cjenō, űami cjenō gūhū buhrio duhu cāeta. ²⁵ Tiquina sa wahagūta űahpicoha paca űhmūsepū ijije paca bora dijiaa wahaeta. Sa ye űhmūse cje yehpari, űahpicoha gūhū ti sa wahaducurore comesaeta. Sa ye űuhmieta. ²⁶ Ti pjeta yūhū masū Cohācjū ohorigū ahtagatja. Sa ye űhmūsepū yūhū tutuaye mehna yūhū asi siteye mehna űhmūse cje ehmeo cururi buipū ahri yehpapure yūhū tojoa tagū ihñāeta masa. ²⁷ Sa yegū yeequina angelere ijipihitiorū ahri yehparū ohogatja. Sa ye ijipihitiorū yeequina yūhū beseriquinare tiquina neeta.

²⁸ Yojoapure higuerağure tūhotuya mūsa. Tu quti mehna mū sare queoye mehna buheğatja. Tu yucūgū pūri tigū ihñana cūhma mehenogā dūhsagū masine mūsa. ²⁹ Sata ahri ijipihitije yūhū nidi sa wahagū ihñana, yūhū tojoa tato mehenogā dūhsagū masinānata mūsa. ³⁰ Ijirota niita niaja mū sare. Ti pje cjenā tiquina yariato panore ijipihitije yūhū nidiro sahata sa waharota. ³¹ űhmūse, ahri yehpa gūhū pihtia waharota. Yūhū yahuducuye pehe ne comesasi. Ijipihitije yūhū nidiro sahata sa waha sohtori tiarota.

³² Ti decore yūhū tojoa tati decore, ti hora gūhare masiedaja yūhū. Angele gūhū tire masiedare. Masa gūhū ne masiedare. Yūhū Pacū dihita tire masine.

³³ M̄sa ḡh̄u ti decore masiedare. Sa yena quehnoano yeya. Quehnoano cohteya. Cohãc̄j̄are siniña m̄sa. ³⁴ Oh̄o saha cohteya m̄sa. Ahri quiti mehna m̄sare queoye mehna buheḡat̄ja. W̄h̄u up̄ro yoarop̄u tiq̄uro tinino saha ijire ahri. Tiq̄uro wahato pano tiq̄uro cahac̄j̄enare w̄h̄ure cohte dutiahye. Tiquinape tiquina dahrayere c̄ūahye. Sa yero w̄h̄ure cohteriquirote tiq̄uro tojoa tatore cohte dutiahye. ³⁵ Sa yena m̄sa ḡh̄u quehnoano wac̄u masi cohteya. W̄h̄u up̄ro tiq̄uro tojoa tatore tiquina masiedariro saha ȳh̄u m̄sa p̄hto tojoa tati decore masiedare m̄sa ḡh̄u. Ñamicahap̄u, ñami deco, canaca tiq̄uro yahuri pje ijiḡu bohrearop̄u ahtaboaga. ³⁶ Ȳh̄u sa wac̄eno mehna ȳh̄u wihiatore masina, yeere sa yeducuya. Sa yena ȳh̄ure quehnoano cohteya. ³⁷ Sa yeḡu m̄sare ȳh̄u nino sahata ijipihtiyequinare sa niaja: Quehnoano wac̄u masi cohteya, niahye Jesu tiquinare.

14

Pahia p̄h̄toa, judio masare buheyequina mehna Jesure wej̄e duahye
(Mt 26.1-5; Lc 22.1-2; Jn 11.45-53)

¹ Sa ye ti pjere pascua wame tiri bose deco pano puḡu yeye moremehneñe p̄are tiquina ihyati deco pano, p̄ua deco d̄hsar̄lahye. Ti pjere pahia p̄h̄toa, us̄a acaye judio masare buheyequina mehna Jesure tiquina ni mehoñe mehna tiquina ñehe wej̄eatire cahme yahuducuye niahye.

² —Bose deco ijiḡu tiq̄urore ñehedac̄uhna “Masa usuari”, nina, niahye tiquina basi.

Numino ehme sitiye ñhse mehna Jesure pio peohye

(Mt 26.6-13; Jn 12.1-8)

³ Sa ye Jesu ḡh̄u Betaniap̄u, Simo cami buc̄u m̄na wihiro ijimediquiro ya w̄h̄ap̄u ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye ñhsere pose tiriare ne wihiahye. Ti ñhse pehe wapa buj̄aye ijiahye. Sa yero ticoro tiare pohadoqueo, Jesu dapu bui pio peohye. ⁴ Ticoro sa yeḡu ih̄ñañe apequina usuaa wahahye.

—¿D̄h̄se yero ahricoro ahri ehme sitiye co wapa buj̄ayere sa ye siteajari? ⁵ Tire ticoro duaboaya. Tire duaro tres cientos niñere cjoerire wapataboaya. Sa yero ti niñerure pejes̄oyequinare ohoboaya ticoro, ni cohteahye apequina pehe ticoro sa yeḡu ih̄ñañe.

Sa ye tiquina ticorore tuhtiahye.

⁶ Tiquina sa niḡu t̄horo Jesu tiquinare yahuahye:

—Sa niedac̄ah̄na ticorore. Ȳh̄ure ticoro quehnoano yero nine. ⁷ Pejes̄oyequina pehe m̄sa mehna sa ijiducuenta. Sa yena

m̄sa cahmedi pje tiquinare oho masine. Ȳh̄u pehe ahri yehpare m̄sa mehna sa ijiducusi. ⁸ Ticoro c̄oro puno mehna ticoro ȳh̄ure sa yeri. Ȳh̄ure tiquina yato pano ȳh̄u pagure quehnoyuro, ehme sitiye pioreo ticoro. ⁹ Sa yeḡu potota niita niaja m̄sare. Ijipihtiro ahri yehpap̄u quehnoañe buheyere tiquina yahuatop̄u ahricoro yojop̄are ticoro yerire yahueta. Tiquina sa yahuḡu t̄hoye ticorore masa peyequina wac̄ueta, ni yahuahye Jesu.

Juda Iscariote Jesure ih̄ña tuhtiyequinare tiq̄uro ih̄ñotire yahuahye pahia p̄h̄toa
(Mt 26.14-16; Lc 22.3-6)

¹⁰ Ti pjereta Juda Iscariote doce buheyequina mehna c̄j̄ano Jesure tiq̄uro ih̄ñotire yahuro wahahye tiq̄urore ih̄ña tuhtiyequinare, pahia p̄h̄toa. ¹¹ Sa ye pahia p̄h̄toa tire t̄hoye bucueahye.

—M̄h̄ure niñerure ohonat̄ja, niahye tiquina Judare.

Sa yero Jesure ih̄ña tuhtiyequinare tiq̄uro ih̄ñotire wac̄u macahye.

Jesu tiq̄uro buheyequina mehna tiquina ihya bato tiri deco ijiahye

(Mt 26.17-29; Lc 22.7-23; Jn 13.21-30; 1 Co 11.23-26)

¹² Puḡu yeye moremehneñe p̄are tiquina ihyati bose deco iji d̄cari deco, ovejare pascua deco ijiḡu ihyatiq̄urore tiquina wej̄eatire deco ijiahye. Ti pjere tiq̄uro buheyequina pehe sinituahye Jesure:

—¿Noho borop̄u bose deco ijiḡu mari ihyatire quehnoyu dutiḡu ohoutjari mah̄u us̄are? niahye tiq̄urore.

¹³ Tiquina sa niḡuta Jesu pehe p̄aro tiq̄uro buheyequina mehna c̄j̄enare ohoahye.

—Jerusal̄ep̄u wahaya. Top̄u m̄sa esaḡu aco suture w̄nariquiro m̄sare piti carota. Tiquiro piti caḡu tiq̄uro mehna wahaya. ¹⁴ Sa wahana tiq̄uro siho saj̄ari w̄h̄ap̄u esana w̄h̄u up̄rore oh̄o saha ni yahuya: “¿Nohop̄u ȳh̄u buheyequina mehna pascua c̄j̄e ihyayere ihyanatari? nidi buheriquiro”, niña w̄h̄u up̄rore. ¹⁵ M̄sa sa niḡu t̄horo ñh̄maano c̄j̄a tuc̄ure pajiri tuc̄ure mari cahmeñe mehna tiquina quehnori tuc̄ure ih̄ñonota w̄h̄u up̄ro. Top̄u mari ihyatire dahreya m̄sa, niahye Jesu tiquinare.

¹⁶ Tiquiro sa niḡu t̄hoye tiquina tiq̄uro buheyequina ti macap̄u wahahye. Top̄u esaḡu tiquinare tiq̄uro nidiro sahata wahahye. Sa ye tiquina pascua c̄j̄e ihyayere dahreahye.

¹⁷ Sa ye nahitia cãhtaḡu Jesu doce tiq̄uro buheyequina mehna top̄ure esahye. ¹⁸ Sa yero tiquina mehna mesap̄u ihyaro Jesu tiquinare yahuahye:

—Poto niita niaja m̄sare. Ihc̄aquir̄o m̄sa mehna c̄j̄ano ȳh̄u mehna ihyariquirola

yuhare ihña tuhtyequinare ihñonota, ni yuhahye Jesu tiquinare.

¹⁹ Tiqiro sa nigũ tãhoye tiquina pehe bujua witiyahye.

—¿Yuhuta ijijari mahare ihñoacju? ni sinitu pihtiahye tiquina Jesure.

²⁰ —Musa mehna cjãnota ijire tiqiro. Yuhu ihyari papu yuhu mehna soha ihyariquirotã ijire yuhare ihña tuhtyequinare ihñoatiqiro. ²¹ Панор yuhare tiquina yahu ojariro sahata yuhu masu Cohãcjũ ohorigu yariaguta. Sa yero yuhare ihña tuhtyequinare ihñoriqiro pejesuro yuhdũrota. Tiqiro pehe masa bajueragũ, quehnoa yuhduaboya. Ñano yuhdueraboya, niahye Jesu tiquinare.

²² Sa ni yahu tuhasaro tiqiro buheyequina mehna ihyaro taro niahye. Sa yero Jesu pãre ne, Cohãcjũre “Quehnoare”, niahye. Sa ninota tiare nuha, itiahye tiquinare.

—Ahrire ne ihyaya. Ahri yuhu pagu ijire, niahye tiqiro tiquinare.

²³ Sa ni tuhasa tiqiro sihnini pare ne, Cohãcjũre “Quehnoare”, ni tuhasa, ohoahye tiquinare. Tiqiro oho tuhasagũ tiquina ijipihtyequina tire sihniahye.

²⁴ —Ahri yuhu dii ijire. Peyequina masa tiquina ñañe yerire cohãgu tagu yariagutja. Sa yegu yuhu diire cohãgutja. Mari Pacu “Musare yuhduogũtja”, tiqiro nidiro esagũ yuhu yariaro mehna tiqiro nidiro sohtori tirota. ²⁵ Poto niita niaja musare. Cohãcjũ tiqiro puhtoro ijioru wahma core uhse core yuhu sihniato pano, ahri dihtapure uhse core pari turi sihnisi yuhu, niahye Jesu tiquinare.

Pedro Jesure tiqiro cohãtãre yuhahye Jesu

(Mt 26.30-35; Lc 22.31-34; Jn 13.36-38)

²⁶ Sa ye tiquina ihcã taha Cohãcjũ ye basayere basa tuhasa, canapu Olivo wame tidupu wahaa wahahye. ²⁷ Topu siho esaro Jesu tiquinare yuhahye:

—Yojopure musa ijipihina yuhare cohãnata. Ohõ sahata nine Cohãcjũ yere tiquina ojarĩ pũpu yuhare yahuro: “Ovejare ihña ihboriqiro yero saha ijiriquirore Cohãcjũ cohãnota. Sa tiqiro cohãgu tiqiro yequina oveja yero saha ijieyquina duhti site cãa wahaeta”, nine Cohãcjũ yere tiquina ojarĩ pũpu. ²⁸ Sa yegu Cohãcjũ yuhare tiqiro masori bato musa pano Galileapu wahayugutja yuhu, niahye Jesu tiquinare.

²⁹ Tiqiro sa nigũ Pedro ohõ saha niahye:

—Yuhu mehna cjẽna ijipihtyequina tiquina cohã cãepẽgũta yuhu pehe mahare ne cohãsi, niahye Pedro tiqirore.

³⁰ Jesu yuhtiahye:

—Potota niita niaja mahare. Mía ñamita canaca pua taha tiqiro yahuato pano

“Yuhu Jesure masiedaja”, niguta mahu. Ihtia taha sa niguta mahu, niahye Jesu Pedrore.

³¹ Tiqiro sa niepegũta Pedro ohõ saha ni tutuaro bisiro yuhtiahye:

—Muhu mehna yuhare tiquina wejẽ duepegũta “Jesure masiedaja”, ne nisi yuhu, ni yuhtimahye tiqiro Jesure.

Pedro sa nigũ tãhoye tiqiro mehna cjẽna gãhu sa dihita ni yuhtiahye.

Getsemanĩ wame tiri wesepe Jesu Cohãcjũre siniahye

(Mt 26.36-46; Lc 22.39-46)

³² Sa ye tiquina Getsemanĩ wame tiri wesepe wahahye. Topu esaro ohõ saha niahye Jesu:

—Yuhu Cohãcjũre yuhu sinino watoa ohõ dujiyuya, niahye tiqiro buheyequinare.

³³ Sa ni tuhasa Pedrore, Santiagore, Ñure tiquinare ihtiarore piji cãhye. Tiquinare sa piji cãno, pajiro tuhotu dũchaye tiqiro. Sa yero ñano jeripohna tiahye.

³⁴ Sa bujua witiro tiqiro mehna cjẽnare tiqiro piji cãriquinare ohõ saha niahye:

—Yuhu ñano jeripohna tiaja. Yuhare tutuaro purĩno saha tuhotugu niaja. Ohõ tojoaya. Sa yena yuhu mehnata carĩedacãhña masa gãhu, niahye Jesu tiquinare.

³⁵⁻³⁶ Sa ni tuhasa tiqiro topu mehenogã waha nemo, yehrapu quehe saro, Cohãcjũre niahye:

—Maĩ, mahu ijipihtyere ye masine. Sa yegu yuhu ñano yuhduatire ye dueraga yeracãhña. Yuhu sa niepegũta yuhu cahmeno saha yeracãhña. Mahu pehe masine. Mahu cahmeno saha yeya yuhare, ni siniahye tiqiro Cohãcjũre.

³⁷ Sa ni tuhasa, ihtiaro tiqiro buheyequina cahapu wihiro, carĩnequinare ihñahye. Tiquinare ihñano Pedrore niahye:

—¿Simo, carĩgu nijari mahu? ¿Ihcã hora waro yuhu ihcãno mehna carĩgu iji masiedajari mahu? ³⁸ Quehnoano yeya musa. Sa yena Cohãcjũre siniducuya musa, “Ñano yeari”, nina. Musa tuhotuye mehna quehnoañene ye duamene musa. Musa sehsaro sa ye duepenata tire ye masiedare musa, niahye Jesu Pedrore.

³⁹ Sa ni yahu tuhasa pari turi waha, Cohãcjũre siniahye. To pano tiqiro sindiro sahata siniahye tja. ⁴⁰ Sa sini tuhasaro pari turi tiquina cahapu wihiahye tja. Sa wihiro carĩnequinare ihñahye tja. Wujua quehe yuhduahye tiquina. Sa ye tiquina Jesure dũhse ni masiedahye. ⁴¹ Sa yero pari turi Cohãcjũre tiqiro sindi bato tiquina cahapu wihi, tiquinare niahye:

—¿Yojopu pũritare carĩnina nijari musa? ¿Sorĩna nijari musa? To punota umu saro taro nine. Mianogãta yuhare Cohãcjũ ohorigure ñañequinare tiquina ohoati pje umu saro nine. ⁴² Wahcãña. Isa wahana.

Ihñaña. Yuhure ihña tuhtiyequinare ihñoatiqiro ohō ahtare, niahye Jesu tiquinare.

Jesure ihña tuhtiyequina tiqirore peresu yeahye

(Mt 26.47-56; Lc 22.47-53; Jn 18.2-11)

⁴³ Tiquiro sa nino watoata Juda, doce buheyequina mehna cjāno ijimediqiro wihiahye. Sa ye masa peyequina ñoseñe pjīni, yuca tiāri cūoyequina tiqiro mehna wihiahye. Pahia pūhtoa, judio masare buheyequina, būsana, tiquina ohoriqina masa pehe ijiahye. ⁴⁴ Coā warore Jesure ihña tuhtiyequinare ihñoatiqiro masare ohō saha ni yahu queo tuhasahye.

—Wahsupure yuhū ihmidiqiro tiqirota ijirota masa ñeheatiqiro. Tiquirore yuhū ihmidi bato ñehēña tiqirore. Sa yena quehnoano ñehēña tiqirore “Duhtiari”, nina, ni yahu tuhasahye Juda pehe.

⁴⁵ Sa yero wihirota Jesu cahapū duita waha madoqueohaye.

—Buhegu, ninota wahsupure ihmiahye tiqirore.

⁴⁶ Tiquiro sa yegū ihñañe tiquina Jesure ñehēahye.

⁴⁷ Tiquina sa yegū ihñano to cahapū ducuyequina mehna cjēno tiqiro ñoseni pjīne tuā we nedoqueo, pahia pūhtoro cahacjānore tiqiro cahmonore dute pahrē cāhye.

⁴⁸ Sa yero Jesu ohō saha niahye:

—¿Dahse ijiro boro masa ñoseñe pjīni mehna, yuca tiāri mehna ahtana, yaqueriqirore yero saha yuhure ñehena ahtajari?

⁴⁹ Decoripe Cohācjū wāhapū masare yuhū buhe dujigū, masa yuhure ne ñehedari. Sa ijiepegūta ahri ijipihtiyē sa waharo niaga Cohācjū yere tiquina ni ojariro sahata, niahye Jesu masare.

⁵⁰ Sa ye Jesu buheyequina tiqirore cohā cā, ijipihtiyequina oma site cā wahahye.

⁵¹ Sa yero wahmūno suhti mariediqiro ihcāno coma cjūno dihita comariqiro Jesu bato nūnū tāmahye. Tiquiro sa nūnū tāgū ihñañe tiqirore ñehemahye. ⁵² Tiquirore tiquina ñehē duagū ihñano tiqiro coma cjūnore cohā cā, suhti mariediqiro oma cā wahahye.

Pūhtoa cahapū neahye Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ Sa ye pahia pūhtoro cahapū Jesure ne cāhye. Sa ye ijipihtiyequina pahia pūhtoa, būsana, usā acaye judio masare buheyequina gūhū cahmecoahye. ⁵⁴ Sa yero Pedro pehe Jesu bato yoaropū nūnū tāhye. Sa nūnū tāno pahia pūhtoa ya wuhū cahapū esahye. Sa yero tiqiro ti wuhure cohēyeyequina surara mehna peca dūhtū cahapū sohma dujiahye.

⁵⁵ Pahia pūhtoa, ijipihtiyequina apequina pūhtoa gūhū Jesure wejē duti duaye, ni mehoñe mehna tiqirore tiquina ñano buhiri dahreatore wacū macañe nimahye. Tiquina yahusātire wacū bocaerahye. ⁵⁶ Sa wacū bocaerapeta peyequina masa tiqirore sa yahusā maca cāhye. Tiquina yahusāñe poto ijierahye. Apeqiro sijoro saha ni, apeqiro sijoro saha niahye. ⁵⁷ Sa ye apequina topū esaye, Jesure yahusāhye.

⁵⁸ —Ahriqiro ohō saha nidi: “Yuhū ahri wuhure Cohācjū wuhure masa tiquina dahreri wuhure cohāgūtja. Sa cohāgū ihtia deco wahaboro ti wuhure pari turi yegūtja. Ti wuhū masa tiquina dahreri wuhū ijisi”, tiqiro nigū usā tūhou, niahye ni meho yahusāñequina.

⁵⁹ Tiquina sa ni yahusāepēgūta tiquina yahusāñe gūhū poto ijierahye. Apeqiro sijoro saha ni, apeqiro sijoro saha niahye.

⁶⁰ Tiquina sa nigū tūhoro pahia pūhtoro tiquina watoa ducuriqiro wahcādūca sa, Jesure sinituahye:

—¿Ahriquina mūhure tiquina yahusāepēgūta tiquinare yuhti cahmedajari mūhū? ¿Mūhure tiquina yahusāñe dahse ni yuhti cahmeajari mūhū? niahye tiqiro Jesure.

⁶¹ Tiquiro sa nigū tūhoerota Jesu sata tūhotu cāhye. Tiquiro sa yuhtieragū ihñano pahia pūhtoro tiqirore sinituahye tja:

—¿Cristota ijiajari mūhū? ¿Quehnoariqiro Cohācjū macū warota ijiajari mūhū? niahye tiqiro Jesure.

⁶² —Tiquiro tjiaja. Sa yena yuhure masare Cohācjū ohorigure yuhū Pacū tutuariqiro poto peherū yuhū dujigū ihñanata masa. Sa yena uhmūse cjē ehmeo cururi watoa yuhū ahtagū gūhure ihñanata masa, niahye Jesu tiqirore.

⁶³⁻⁶⁴ Tiquiro sa nigūta pahia pūhtoro pehe tiqiro sañari suhtirore tiqiro basi tūhrē cāhye, apequinare “Usua yūhdūare”, ni ihñā masi dutiro.

—Cohācjūre ñano yahuducuro nine ahriqiro. Sa yena tiqiro ñano yahuducuyere tūho tuhasaja mari. Sa ye topequinata yahusāahdo ahriqirore. ¿Sa yena dahse yenatari mari yojopre ahriqirore? niahye pahia pūhtoro apequina pūhtoare.

—Tiquiro ñari buhiri wejēno cahmene tiqirore, ni yuhtiahye apequina pūhtoa.

⁶⁵ Sa ye tiquina mehna cjēna Jesure sihco puti, tiqiro caperipe dūhte biha, tiqirore quēpeahye. Quēpe tuhasa ohō saha ni-peahye:

—¿Noa pehe mūhure quēari? Ihñedapegūta yahuya usāre, ni bujrepeahye tiquina.

Sa ye pūhtoro yequina surara pehe Jesure quēpe tuhasa, neahye.

—Tiquirore masiedaga, niahye Pedro Jesure

(Mt 26.69-75; Lc 22.56-62; Jn 18.15-18, 25-29)

⁶⁶ Sa yero wuhū caha ijiri paapu quehnoari paapu Pedro ijigū pahia puhtoro cahacjōno wihiahye. ⁶⁷ Pedro tiquiro sohmagū ihñano ticoro tiquiro dihitarē ihñaducuahye.

—Nazare cjāno mehna, Jesu mehna mahu gāhu ijiri, niahye ticoro Pedre.

⁶⁸ Ticoro sa nigū tuhoro tiquiro ohō saha niahye:

—¿Duhse ni macago niajari mahu? Mahu nidiquirore ne masiedaja yahu, niahye Pedro ticorore.

Tiquiro sa nidi bato Pedro sahrīno sopecaha cahapu wahahye. Sa yero topu tiquiro ducugū canaca yahuahye. ⁶⁹ Topu tiquiro ijigū ihñano cahacjōno pehe ticoro cahapu ducuyequinare yahuahye tja:

—Ahriquiuro gāhu Jesu buheyequina mehna cjāno ijire, niahye ticoro.

⁷⁰ Ticoro sa nigū tuhoro Pedro pari turi ohō saha niahye tja:

—Tiquirore masiedaja yahu, niahye tja.

Sa yero came cjūnopu topu ducuriquina Pedre ohō saha niahye:

—Ijirota ijire. Mahu Galilea cjū ijire. Sa yegu tiquina mehna cjāta ijire mahu, niahye tiquina tiquirore.

⁷¹ Tiquina sa nigū tuhoro tiquiro yahtiahye:

—Potota Cohācjū mehna niaja masare. Potota yahu niedagū Cohācjū yuhare buhiri dahreahro. Tiquirore masa nidiquirore ne masiedaga yahu, ni yahtiahye Pedro tiquinare.

⁷² Tiquiro sa nigūta canaca yahuahye tja. Tiquiro sa yahugū tuhoro Jesu tiquirore nidire wacūahye Pedro: “Canaca pua taha tiquiro yahuato pano mahu yuhare ‘Jesure masiedaga’, nigūta mahu. Ihtia taha sa nigūta mahu”, Jesu tiquiro nidire wacūahye Pedro pehe. Tiquiro sa nidire wacūno, tutuaro utiahye Pedro.

15

Pilato Jesure sinituahye

(Mt 27.1-2, 11-14; Lc 23.1-5; Jn 18.28-38)

¹ Sa ye bohrearopu pahia puhtoa, bucuna, usā judio masare buheyequina, ijipihitiyequina apequina puhtoa mehna cahmecoa, yahuducuahye tiquina yeatire masife tehe. Tiquina basi yahuducu tuhasa, Jesure duhte, ne cā, Pilatore ohoahye tiquirore. ² Tiquina ne sagū ihñano Pilato tiquirore sinituahye:

—¿Potota judio masa puhtota ijjajari mahu? niahye tiquiro Jesure.

—Mahu nino sahata ijjaja, ni yahtiahye Jesu.

³ Sa ye pahia puhtoa peye yahusāhye tiquirore. ⁴ Tiquina sa ni yahusāgū tuhoro Pilato tiquirore sinituahye tja:

—Ahriquina muhare peye yahusāñe nine. ¿Tiquina sa yahusāpepegūta yahtierajari mahu? niahye tiquiro.

⁵ Tiquiro sa niepegūta Jesu ne pari turi yahti nemoedahye. Sa yero Pilato ne duhse ni masiedahye.

Jesure wejē dutiahye

(Mt 27.15-31; Lc 23.13-25; Jn 18.38-19.16)

⁶ Cuhmaripe pascuaripe masa yaquiuro ijiatiquirore ihcāquiuro peresupu ijiriquirore tiquina cahmediquirore Pilato wio basaducue tiahye. ⁷ Ti pjere Barrabá wame tiriquiuro peresupu ijjahye. Tiquiro puhtoare cohā duayequina, masare wejēñequina mehna cjāno ijjahye. ⁸ Sa ye masa peyequina Pilato cahapu esaye, tiquirore siniahye:

—Cuhmaripe usāre mahu yeducuriro sahata yeya usāre. Ihcāquiuro peresupu ijiriquirore usāre wio basaya, niahye tiquina.

⁹ Tiquina sa nigūta Pilato tiquinare sinituahye:

—¿Masa yaquiuro ijiatiquirore masa judio masa puhtorore wio basaboagari yahu? ni sinituahye masare Jesure wio duaro.

¹⁰ Jesure masa tiquina cahīgū ihñāñe pahia puhtoa gāhu tiquirore ihñā tuhtiahye. Sa ihñā tuhtiye tiquirore ohoahye Pilatorare. Sa yero masa tiquina cahīdi buhiri tiquina ihñā tuhtirire masino Pilato Jesure wio duamahye. ¹¹ Tiquiro sa wio duepegūta pahia puhtoa Jesu mehna masare usuagū yeahye. Ohō saha ni dutiahye tiquinare: “Barrabá pehere wioya. Jesure wejē dutiya”, ni dutiahye masare. ¹² Sa yero Pilatore Barrabáre tiquina wio dutiri bato Pilato tiquinare sinituahye tja:

—¿Ahriquiuro judio masa puhtoro masa nidiquiro pehere duhse yegutari yahu, masa sa nigū? ni sinituahye tiquiro.

¹³ —Curasapu quē biha wejēña tiquirore, ni sañuducuahye masa.

¹⁴ —¿Yabe borore ñañene yeari ahriquiuro, masa sa ni sañuducugū? ni sinituahye tiquinare.

Tiquiro sa nigū tuhoye tiquina sañuducu nemoahye tja:

—Curasapu quē biha wejēña tiquirore, ni sañuducuahye tiquina.

¹⁵ Tiquina sa ni sañuducugū tuhoro Pilato pehe masare bucuegū ye duaro Barrabá pehere peresupu ijiriquirore wio dutiahye masa tiquina cahmediquirore. Sa yero Jesu

pehere yuta dari mehna tana duti, curusapũ quẽ biha wejẽ dutiro ohoahye surarare.

¹⁶ Sa ye surara Pilato ya wãhũpũ pretorio wame tiri wãhũpũ tiqũirore ne sahye. Ne sa tuhasa tiqũina apequina surarare tiqũina mehna cãenare cahmecoãne tehe pijioahye. ¹⁷ Sa ye tiqũina pãutoro ya suhtiro yero saha bajurĩ suhtirore Jesure sãa, pota behtere dahre, ti behtere tiqũiro dapu bui duhu peoahye. ¹⁸ Sa ye tuhasa ohõ saha ni bũjũpeahye tiqũina tiqũirore:

–Quehnoano ahtaya. Judio masa pãuto, quehnoano ahtaya, ni bũjũpeahye.

¹⁹ Sa nieta yucũgũ mehna tiqũiro dapure quẽ, tiqũirore sihco puti wisõ, cua pesaro yeyeqũina yero saha tiqũirore quehe sa, ño peoro saha yeahye. Tiqũirore ñano yeye niahye. Sa ye bũjũpeye niahye. ²⁰ Sa yepe tuhasa tiqũina sãari suhtirore tu we nedoqueo, tiqũiro ye suhti pehere tiqũirore sãa, tiqũirore curusapũ quẽ biha wejẽne wahaye, nea wahahye tiqũina.

Tiqũina Jesure curusapũ quẽ biha wejẽahye

(Mt 27.32-44; Lc 23.26-43; Jn 19.17-27)

²¹ Sa ye topũ wahariqũiro, Simo Cirene cãano ihquẽ wãhũse ijiropũ esariqũiro, tiqũina cahapũ wihigũ ihããne surara pehe tiqũirore Jesu ya curusare wãa cã dutiahye. Alejandro, Rufo pacuro ijiahye Simo pehe.

²² Waha, Gõlgota wame tiropũ esahye. Gõlgota nino “Dapu pehtoro”, nino nine. ²³ Sa ye vinore mirra wame tiye co mehna tiqũina moredi core Jesure ohomahye. Sa yero ti core sihni duerahye tiqũiro. ²⁴ Sa ye curusapũ Jesure quẽ bihahye tiqũina. Quẽ biha tuhasa tiqũiro suhti ijirire “¿Noa yaro ijirrotari ohõ?” ni cahme doquepeahye tiqũina.

²⁵ Jesure curusapũ tiqũina quẽ bihagũ ihtia hora dahsahye coheri pje esato. ²⁶ Sa ye curusapũ ohõ saha ni ojoari pãine duhu ohõahye tiqũina tiqũiro ñãne buhirire yahu duaye. “AHRIQUIRO JUDIO MASA PãUTORO IJIRE”, ni ojoahye tiqũina ti pãine. ²⁷ Sa ye pũaro yaque bũcũna Jesu caha apeye curusaripũ tiqũina quẽ biha ohõriqũina ijiahye tiqũina. Ihcãqũiro pota pehe, apeqũiro cũ pehe pehe quẽ biha ohõahye tiqũina gãhũre. [²⁸ Tiquina sa yegũ panopũ Cohãcã yere tiqũina yahu ojoariro sahata waharo niahye. Ohõ saha ni ojoahye: “Dutiye yehũducayeqũina mehna cãano ijire’, ni, tuhaturi masa tiqũirore”, ni ojoahye panopũ.]

²⁹ Sa ye curusari cahapũ yãhũ cãneqũina Jesure ihãa, tiqũina dapu pacare yuredoqueo, tiqũirore ñano ni yahuducuahye:

–Quehnoare. Quehnoare. ¿Cohãcã wãhũre cohã, ihtia deco wahaboro pari turi ti wãhũre dahreacã ijiajari mãhũ? ³⁰ Mãhũ

basi dijjahya. Sa yegũ mãhũ basi yedohoya. Sa yegũ yãhũ witiqũta mãhũ, ni bũjũpeahye tiqũina.

³¹ Tiquina yero sahata pahia pãutoa gãhũ usã judio masare buhयेeqũina gãhũ tiqũirore sa ni bũjũpeahye. Sa ni bũjũpeye ohõ saha niahye tiqũina basi:

–Tiqũiro apeqũinare yãhũriqũiro ijieperota tiqũiro basi yãhũno masiedare.

³² “Israe masa pãuto, Cristo ijiaja”, nimeri tiqũiro. Sa yena tiqũiro basi dijjia tagũ ihãana tiqũirore wacũ tutuanata, ni bũjũpeahye tiqũina.

Sa ye yaque bũcũna tiqũiro caha tiqũina quẽ biha ohõriqũina gãhũ sata ñano ni bũjũpeahye tiqũirore tja.

Jesuyariaa wahahye

(Mt 27.45-56; Lc 23.44-49; Jn 19.28-30; He 6.19-20; 10.19-20)

³³ Sa ye coheri pje ijigũ ihtia hora waro ijipihtiropũ nahitiaa wahahye. ³⁴ Sa yero nahitia yãhũdgũ waro Jesu tutuaro saũducuahye:

–¿Eloi, Eloi lema sabactani? niahye tiqũiro.

Sa nino ohõ saha nino niahye. “¿Yãhũ Pacu, yãhũ Pacu, dahsegũ yãhũre cohãjari mãhũ?” nino niahye.

³⁵ Tiquiro sa nigũ tuhoye ihquẽqũina topũ ducuriqũina ohõ saha nimahye:

–Cohãcã yere yahu mãhtariquirore Elia mũnanore pijioro niboaga, nimahye tiqũina.

³⁶ Sa yero ihcãqũiro tiqũina mehna cãano oma cã, aco ihmini sahtere vino sũẽne core tiqũiro sohari sahtere ne cã, yucũgũ sohtoapũ dahte ohõ, Jesure sihõmahye. Sa sihõno ohõ saha nimahye:

–Cohteniãa. Elia mũnana ahriqũirore tiqũiro yãhũdogũ ihãarãihna mari, nimahye tiqũiro apeqũinare.

³⁷ Tiquiro sa nidi bato Jesu pehe tutuaro saũducũ, yariaa wahahye. ³⁸ Tiquiro yariagũta Cohãcã wãhũ cã suhtiro cahsero tore tiqũina cahmotari cahsero deco mehna bui pehe tuhũ dijia ta, tuhũ maa cã saa wahahye. ³⁹ Tiquiro sa yariagũ ihãano surara pãutoro Jesu caha ducuriqũiro ohõ saha niahye:

–Ijirota ijire. Ahriqũiro Cohãcã macũnata ijire, niahye tiqũiro.

⁴⁰ Sa ye yooropũ ducuye numia Jesure ihãaducuye niahye. Tiquina numia mehna María Magdalena ijiahye. Apecoro María wame tiricoro gãhũ ijiahye. Ticoro pehe José, tiqũiro bahũro Santiago, tiqũina pacoro ijiahye. Apecoro Salomẽ ijiahye.

⁴¹ Tiquina numia Jesu yere quehnoano tuhoyeqũina numia ijiye, Galilea yehrapũ tiqũiro ijigũ tiqũirore yedohoe tiahye. Tiquina numia mehna peyeqũina apeqũina

numia gāhu Jerusalēpu Jesu mehna ahtariquina numia ijiahye.

*Jesu pagure masa copepu cūahye
(Mt 27.57-61; Lc 23.50-56; Jn 19.38-42)*

⁴²⁻⁴³ Sa ye ti deco tiqiuro yariari deco saurú pano judio masa usā sori deco pano ijiri deco ijiahye. Sa yero pascua cjē ijiatire tiquina quehnoyuri deco ijiahye. Ti ñamita José Arimatea cjāno cuero marieno Pilato cahapu esahye Jesu pagure sinino esaro. José judio masa usā puhtoa mehna cjāno, puhtoa tiquina cua pesaro ihñariquiuro waro ijiahye. Sa yero Cohācjū masa bui tiqiuro puhtoro sajātoore cohtero niahye. ⁴⁴ Sa yero José Pilatore tiqiuro sini tuhasagū tūhoro tūho maria wahahye Pilato pehe. “¿Jesu yaria tuhasayari?” ni tūhoturo, tūho maria wahahye. Sa yero surara puhtoroore piijo ohō saha niahye tiqiuroore:

—¿Jesu yariaa wahari? ni, sinituahye tiqiuroore.

⁴⁵ Tiquiro sa nigū surara puhtoro yahtiahye:

—Yariaa wahari, niahye.

Tiquiro sa nigū Pilato Jesu pagure oho dutiahye Josere. ⁴⁶ Tiquiro sa oho dutiri bato José quehnoari suhtirore dúahye. Dú tuhasa, Jesu pagure ne dijio, suhtiro mehna wahme, masa copepu utāpu tiquina seheri copepu tiqiuro pagure cūahye. Cū tuhasa, ti cope caha ijiria utāre pajiria utāre tu torē cā, ti copere bihahye. ⁴⁷ Sa ye María Magdalena, María José pacoro Jesure tiquina cūrirore ihñahye.

16

*Jesu masa wijiahye
(Mt 28.1-10; Lc 24.1-12; Jn 20.1-10)*

¹ Sa ye saurú yuhdugū María Magdalena, María Santiago pacoro, Salomé mehna wisōñe co ehme sityere dúahye tiqiuro pagure wisōñe tehe. ² Sa ye domingo bohrea queharo Jesure tiquina cūri copepu wahahye tiquina. ³ Wahaducuye, ohō saha niahye:

—¿Ti copere biharia utāre noa marine pōo basarotari na? niahye tiquina basi.

⁴ Ti copepu esaye, ti copere biharia utāre pajiria utāre tiquina pōo cūriare ihñahye tiquina. ⁵ Sa ihñañe ti copepu sajā sahye. Sa sajā saye, wahmunore poto pehe dujiriqiurore yehseye suhti tiriqiurore ihña, acuaa wahahye. ⁶ Tiquina sa acuaagū ohō saha niahye tiqiuro:

—Yuhñe ihña acueracāhña. Jesu Nazare cjāno tiquina quē biha wejēdiqiuro masa macariqiuro masa wijia tuhasari. Ohōre mariedare. Tiquirore tiquina cūrirore ihñañe. ⁷ “Tiquiro mūsa pano Galileapu waharota”, ni yahuna wahaya tiqiuro buheyequinare, Pedro gūhñe. Topu tiqiuro

nidiro sahata mūsa tiqiurore ihñanata, ni yahuahye wahmūno tiquinare.

⁸ Tiquiro sa nigū tūhoye tiquina cueye, nanare, masa cope cahapu ijiriqiuna oma cāa wahahye. Sa cueye apequinare yahuerahye.

*Jesu María Magdalenare bajuahye
(Jn 20.11-18)*

[⁹ Sa ye domingo ijigū Jesu tiqiuro masa wijiari bato María Magdalenare bajua muhtahye. Ticoro siete watiare cūomedicoro ijimahye. Sa yero Jesu tiqiuro yariato pano watiare tiqiuro cohānohricoro ijiahye. Sa yero ticoro pehere bajua muhtahye tiqiuro masa wijiari bato. ¹⁰ Sa ye Jesu mehna cjēna tiqiuro yariagū ihñañe tutuaro bujua witi, utiye niahye. Sa tiquina utiri watoa ticoro pehe tiqiurore ihñarire yahumahye tiquinare. ¹¹ “Cristo catiri. Ihñañ”, ticoro ni yahuepegūta tūho duerahye.

*Jesu tiqiuro buheyequinare bajuahye
(Lc 24.13-35)*

¹² Came puaro tiquina mehna cjēna wuhñe marienopu tiquina tinigū Jesu sijoro saha bajuriqiuro tiquinare bajuahye. ¹³ Tiquiro sa bajuagū ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegūta tiquina pehe tūho duerahye.

*Jesu tiqiuro yere buhe dutiro ohoahye
tiqiuro buheyequinare
(Mt 28.16-20; Lc 24.36-49; Jn 20.19-23)*

¹⁴ Came doce tiqiuro buheyequinare mesa cahapu tiquina dujigū tiquinare bajuahye tiqiuro. Sa yero tiqiurore ihñariquinare tiquina yahugū tūho dueyequinare masino Jesu tiquinare tuhtiahye. Tiquirore tiquina quehnoano wacū tuhtuari buhirire tuhtiahye tiquinare. ¹⁵ Sa tuhti tuhasaro tiquinare ohō saha niahye:

—Ahri yehpa ijipihitiropu quehnoañe buheyere ijipihitieuquina masare buhena wahaya. ¹⁶ Yuhñe wacū tutuayequinare tiquina wame yenohriquinare pecapu wahaboriquinare yuhñorota Cohācjū. Sa ye yuhñe wacū tutuayequina Cohācjū tiqiuro buhiri dahreatiquina pecapu wahatiquina ijietā. ¹⁷ Sa ye yuhñe wacū tutuayequina yuhñe tutuaye mehna ohō saha yeeta: Yuhñe tutuaye mehna, yuhñe wame mehna watiare cohāeta. Sa ye wahma yahuducuyere yahuducuetā. ¹⁸ Sa ye añaaare tiquina ñehēgū, ijipihitue nima dūhse ijije nimare tiquina silhñigū, tiquinare ne purisi. Sa ye dohatiyequina bui tiquina omocarine tiquina ña peogū dohatiyequina pehe quehnoa wahaeta, niahye Jesu tiqiuro buheyequinare.

*Jesu ʌhmʌsepʌ mʌjʌa wahahye
(Lc 24.50-53)*

¹⁹ Sa ni yahu tuhasa mari pʌhtoro Jesu ʌhmʌsepʌ mʌjʌa wahahye. Topʌ esaro Cohācjū poto pehe dujjahye tiqiro mehna pʌhtoro ijiro. ²⁰ Sa ye Jesu buheyequina ijipihtiropʌ quehnoañe buheyere buheye wahaa wahahye. Tiquina sa buhegū mari pʌhtoro tiquinare yedohoahye. Tiquiro tutuaye mehna ye ihñō, masigū yeahye tiquinare, masare tiqiro ye buheyere tʌho dutiro. To punota ijire.]

San Lucas

1-2 Pahto Teófilo, ahrire mahu buheatire mahure oja ohogu niaja. Jesu usá mehna ijinino tiquiuro yerire apequina oja dca tuhasari jiri. Coá waropare Jesure ihñariquina, tiquiuro yere buheriquina tiquina ni yahuriro sahata apequina tire oja dca tuhasari jiri. ³ Sa yegu ahri ijiptiyere quehnoano masi peho duagu buhei. Sa yegu yahu gahu tire quehnoano oja duaia mahu buheatire yegu. ⁴ Jesu yere yahuyequina mahure buhe tuhasari. Tire quehnoano mahu masi nemoatire ahri pure mahure oja ohogu niaja.

Ñu wame yeatiquiuro tiquiuro masa bajuatire angel yahuahye

⁵ Jesu masa bajuato pano, Herode Judea yehpa cjéna puhtoro tiquiuro ijigü Zacaria wame tiriquiuro pehe pahí ijjahye. Sa yero Zacaria tiquiuro ya curua cjéna pehe pahia curua Abia munano ya curua cjéna ijjahye. Zacaria namono gahu pahí Aaron munano panameono iji turiaricoropu ijjahye. Ticoro pehe Elisabe wame tiri-coro ijjahye. ⁶ Tiquina puaro Cohácjü dutiyere quehnoano ye pehoyequina tiquina ijigü ihñano, “Decoripe quehnoañene yere”, ni ihñahye Cohácjü tiquinare. ⁷ Elisabe ne pohna marienico ijjahye. Ticoro Zacaria mehna sata muhñu cáhye pohna mariedape.

⁸ Pahia dahrayere dahraye tehe, decoripe tiquina comesae tiahye. “Zacaria ya curua cjéna ijire”, tiquina nidi bato tiquiuro pahia decoripe tiquina yeducuriro saha Cohácjü ya wuhuru dahraro taro niahye Zacaria. ⁹ Pahia sa yeducuriro saha tiquina “¿Noare ijirotari ujáa maoatiquiuro?” niñe, doquepeye mehna bueyere ehme sityere ujáa maoatiquiore beseahye. Cohácjüre ño peori altarpu tiquina beseriquiro Zacaria ehme sityere ujáa maoatiquiuro ijjahye. Sa yero tiquiuro Cohácjü wuhuru sajáa wahahye ujáa muono waharo. ¹⁰ Wuhuru ijiro ehme sityere tiquiuro ujáa muono watoa ijiptiyequina masa pehe sopecahapu Cohácjüre sinie tiahye. ¹¹ Ti pjere Cohácjü yaquiru angel Cohácjüre ño peori altar pota pehe bajuaduca sahye Zacariare. ¹² Tiquiuro sa bajuagu ihñano Zacaria tiquiore ihña maria, cuea wahahye. ¹³ Sa tiquiuro cuegü ihñano angel tiquiore yahuahye:

—Zacaria, cueracáhña. Cohácjü mahu sinidire tuhori. Sa yena musa pohna tinata. Musa macu masa bajarota. Tiquiuro bajuagu Ñu wame yeya tiquiogäre. 14-17 “Tiquiuro quehnoariquiuro, tutuariquiuro ijire”, ni, ihñanota Cohácjü mahu macure.

Tiquiro masa bajuari bato vinore, sihbiorire sihnisi. Sa yero tiquiuro masa bajuari bato Espiritu Santo nidiro sahata yeriquiro ijirota tiquiuro. Sa yero peyequina mahu acaye Israe masare Cohácjü mari puhtore quehnoano cahmegü yerota mahu macu. Sa yero tiquiuro Cohácjü yere buhero Elia munano Cohácjü yere yahu muhtariquiuro tiquiuro buheriro sahata Espiritu Santo yedohoro mehna Cohácjü tutuaye mehna mahu macu gahu buherota. Sa buhero tiquina pacusumha tiquina pohne mehna quehnoano cahme cahigü yerota. Sa yero dutiyere yuhducariquinare quehnoano tiquina ño peoye mehna yuhtigü yerota. Sa buhero mari puhtoro Cohácjü yequina ijjatire yerota tiquiuro. Sa yegu tiquiuro masa bajuari bato mahu bucuegata. Peyequina apequina gahu bucueeta, niahye angel Zacariare.

¹⁸ Tiquiuro sa nigü tuhoro Zacaria pehe sinituahye angelre:

—Usá bucuna ijjaja. ¿Sa yegu mahu nidi pota ijigü duhse masigutari yuhu? niahye tiquiuro.

¹⁹ Tiquiuro sa nigü angel pehe tiquiore yahuahye:

—Yahu Gabriel wame tigu ijjaja. Cohácjü cahacjü tiquiuro cahapu ducugu ijjaja yahu. Cohácjü ahri quehnoañe quitire yahu dutiro, mahu cahapu yuhure ohori. ²⁰ Yuhu yahuriro sahata potota waharota. Yuhu sa niepegata yuhure mahu pota tuhoerari. Sa yegu yojopure mahu yahuducuegu wahagata. Mahu macu tiquiuro bajuari bato yahuducugata tja, niahye angel Zacariare.

²¹ Sopecahapu ijiyequina masa Zacariare cohteye niahye. “¿Duhse ijiro boro tiquiuro Cohácjü wuhuru ijiro, sojaro wijia taerajari?” ni, cohteye niahye masa tiquiore. ²² Sa yero ti wuhuru ijiiriquiuro wijia wihi, tiquina mehna yahuducu masiedahye. Tiquiuro sa yahuducu masiedagü ihñañe “Tiquiuro Cohácjü wuhuru bajuano hno niaya”, ni, tuhoutuahye tiquina. Sa yero yahuducu masiedaro tiquiuro omocari mehna masare yahuducuahye.

²³ Cohácjü wuhuru tiquiuro dahraye pitigü, tojoaa wahahye tiquiuro ya wuhuru. ²⁴ Tiquiuro sa wahari bato tiquiuro namono Elisabe coá nijinore cuo cáhtaro niahye. Sa yero ticoro ihcá omope asári waro masa cahapu wahaerahye. ²⁵ Ohó saha niahye ticoro: “Yojopure yuhure Cohácjü yedohori. Yuhu pohna mariego ijigo tutuaro buoro tuhottuu yuhu. Cohácjü yedohoro mehna nijinogäre bogagota”, ni tuhoutuahye ticoro.

Jesu tiquiuro masa bajuatire yahuahye angel

²⁶⁻²⁷ Elisabe seis asári ticoro niji pacoro ticoro ijiri bato Cohácjü pehe angel

Gabriel wame tiriquirore nuhmino cahap̄ ohoahye. Ticoro Nazarep̄ Galilea yehpap̄ ijiri macap̄ ijiahye. María wame tiricoro ijiahye. José wame tiriquiro ijiahye ticoro mehna omoca d̄hteatiq̄iro. Tiquiro panop̄ c̄j̄no Davi m̄n̄ano panamino iji turiariq̄iro ijiahye. ²⁸ Sa yero María cahap̄ esaro, angel yahuahye:

—¿Ne, ijjajari m̄h̄u, María? Coh̄c̄j̄ m̄h̄u mehna ijiro nine. Sa yero m̄h̄u quehnoano yero nine. [Ijipihtiye numia arequina numia ȳhd̄oro quehnoano yere m̄h̄u,] niahye angel ticorore.

²⁹ Tiquiro sa niḡu t̄horo, ticoro tutuaro wac̄u t̄hotuahye. Angel tiquiro yahurire t̄hoturo “¿D̄h̄se nino ȳh̄u sa ni agari?” ni wac̄uh̄e ticoro. ³⁰ Ticoro sa ni wac̄uḡ ih̄ano angel yahuahye ticorore:

—María, Coh̄c̄j̄ m̄h̄u tutuaro cah̄ne. Sa yego m̄h̄u ȳh̄u yahuatire t̄ho ac̄erac̄h̄a. ³¹ Quehnoano t̄hoya. Nijinore bocagota m̄h̄u. Sa yero m̄h̄u mac̄u masa bajarota. Tiquirore Jesu wame yegota m̄h̄u. ³²⁻³³ Tiquiro tutua ȳhd̄ariq̄iro ijirota. Sa ye tiquirore “Coh̄c̄j̄ uhm̄se c̄j̄no mac̄no ijire”, nieta masa. Sa yero m̄h̄u mac̄u ñec̄no iji turiariq̄iro m̄nanop̄ Davi m̄n̄ano Israe masa tiq̄ina p̄h̄oro tiquiro ijiriro sahata m̄h̄u mac̄u ḡh̄u c̄n̄ota Coh̄c̄j̄. Sa yero ijipihtiye decori tiquiro Israe masare dutirota. Sa yero tiquiro p̄h̄oro ijiye pehe ne pihtisi, niahye angel.

³⁴ Tiquiro sa niḡu María pehe sinutuahye:

—¿D̄h̄se ȳh̄u man̄u mariedapegota pohna tiboagari ȳh̄u? niahye ticoro.

³⁵ Ticoro sa niḡu angel pehe yahuahye:

—Esp̄ritu Santo m̄h̄u pohna tiḡu yerota. Sa yero Coh̄c̄j̄ tiquiro tutuaye ehmeo curua yero saha ahtarota m̄h̄u. Sa ye “Coh̄c̄j̄ mac̄no ijire”, nieta masa m̄h̄u mac̄u ñahe yerariq̄irore. ³⁶⁻³⁷ Coh̄c̄j̄ ijipihtiyere ye masine. Sa yero m̄h̄u ac̄yoro Elisabe buc̄oro ijeperota nijinoḡare bocari ticoro ḡh̄u. Ticoro pohna tirota ūn̄oḡare. Masa ticorore “Pohna marienico ijire”, tiq̄ina nidicoro, yojōpare seis as̄ri waro wahare nijino ticoro bocari bato, niahye angel Mariare.

³⁸ Tiquiro sa niḡu María ȳhtiahye:

—Ȳh̄u t̄hoya. Mari p̄h̄oro tiquiro cah̄c̄j̄ ijiaja ȳh̄u. M̄h̄u nidiro saha ȳh̄u sa wahaahro, niahye ticoro.

Ticoro sa nidi bato angel wahaa wahahye.

María Elisabere ih̄ano wahahye

³⁹ Tiquiro sa nidi bato María c̄n̄u c̄j̄ ijiri yehpap̄ Judea yehpap̄ ijiri macap̄ sojaro mehna wahaa wahahye. ⁴⁰ Top̄ esaro, Zacaria ya w̄h̄u saj̄ano, “¿Ne, ijjajari?” niahye ticoro Elisabere. ⁴¹ Ticoro sa niḡu Elisabe t̄hoḡata, ticoro mac̄no pehe

niji suhtirōp̄ ijiriq̄iro ñuhmiahye. Elisabe Esp̄ritu Santo dutiriro sahata ye pehoricoro ijiro, tiquiro tutuayere c̄oricoro ijiahye. ⁴² Sa yero tutuaro buc̄ueye mehna ticoro tutuaro yahuduc̄uh̄e.

—Ijipihtiyequina numia ȳhd̄oro m̄h̄u quehnoano yeri Coh̄c̄j̄. M̄h̄u mac̄u ḡh̄u quehnoano yeri Coh̄c̄j̄. ⁴³ Cuehi, ȳh̄u p̄h̄oro pacoro ȳh̄u cahap̄ ahtaḡu quehnoano yeri ȳh̄u Coh̄c̄j̄. ⁴⁴ M̄h̄u ȳh̄u “¿Ne, ijjajari?” m̄h̄u niḡu ȳh̄u mac̄u pehe niji suhtirōp̄ ijiriq̄iro buc̄ueye mehna ñuhmiahti ȳh̄u. ⁴⁵ Coh̄c̄j̄ tiquiro nidiro sahata yerota. Sa yego tiquiro yahurire t̄horigo ijigo buc̄uego ijire m̄h̄u, niahye Elisabe.

⁴⁶ Ticoro sa niḡu María ȳhtiahye:

“Coh̄c̄j̄ quehnoariq̄iro, tutuariq̄iro ijire”, niaja. Ȳh̄u quehnoano jeripohna tiaja. ⁴⁷ Coh̄c̄j̄ ȳh̄u pecap̄ wahaborigore yedohoriq̄iro ijire. Sa yero yojōpare ȳh̄u quehnoano buc̄ueye mehna ijiḡu yere. ⁴⁸⁻⁴⁹ Ȳh̄u tiquiro cah̄c̄j̄ore wac̄uri jiri. Coh̄c̄j̄ tutua ȳhd̄ariq̄iro quehnoañe dihitare ȳh̄u yedohori. Sa ye yojōpare “Ticorore Coh̄c̄j̄ quehnoano yeri”, ijipihtiyequina masa sa ni, yahuduc̄ueta ȳh̄u. Coh̄c̄j̄ ñahe marienico ijire. ⁵⁰ Ijipihtiye decori ijipihtiyequina tiquirore ño peoyequinare tiquiro paja ih̄ariq̄iro ijire. ⁵¹ Coh̄c̄j̄ tiquiro tutuaye mehna yeahye. “Apequinare masi ȳhd̄uc̄ah̄e”, ñiequinare ȳhd̄uc̄ah̄e tiquiro. ⁵² P̄h̄oate coh̄h̄e tiquiro. Sa yero cah̄c̄j̄na pehere p̄h̄oate yero saha c̄uh̄e tiquinare. ⁵³ Ūj̄na ahbayequinare tiquiro quehnoañe ih̄yere ohoahye. Sa yero peye doeri c̄j̄ c̄oyequinare doeri c̄j̄ c̄oeraḡu yeahye tiquiro. ⁵⁴⁻⁵⁵ Mari ñec̄sm̄ua iji turiayequina m̄n̄are tiquiro yahu c̄uriro sahata ye pehoahye Coh̄c̄j̄. “Pecap̄ wahaboriquinare ȳhd̄out̄ja”, tiquiro ni yahu c̄uriro sahata ye pehoahye. Sa yero tiquiro cah̄c̄j̄nare Israe masare tiquiro yedohoahye. Abrah̄a m̄nanore mari ñec̄sm̄ua m̄n̄are ijipihtiyequina tiquiro ac̄aye tiquiro bato ijiequina ḡh̄u Coh̄c̄j̄ ijipihtiye decori sa paja ih̄aduc̄uriq̄iro ijie tiahye. Tiquinare tiquiro yahu c̄uriro boerahye Coh̄c̄j̄, niahye María.

⁵⁶ Ihtia as̄u waro Elisabe mehna ijiahye. To puno ticoro ijiri bato ticoro ya macap̄ tojoaa wahahye Maria.

Ñu masa bajuahye

⁵⁷ Elisabe ticoro niji wahcō, pohna tiahye. Ticoro macano masa bajuahye. ⁵⁸ Sa yero Cohācjū ticorore tiquiro sa yegū ticoro ya maca cjēna ticoro acaye gāhū ticoro mehna bucueahye. ⁵⁹ Ocho decori tiquiro masa bajuari bato, tiquiro pacasumua tiquirogāre cuhnucunū sohtoa cahserogāre yahre ne dutiye tee niahye. Sa yeye tiquina mehna cjēna tiquina caharū esahye tiquina yahre negū ihñañe tehe. Tiquina mehna cjēna Zacaria tiquiro pacaro wamene tiquirogāre wame ye duamahye. ⁶⁰ Tiquina sa wame ye duepegāta tiquiro pacoro ohō saha niahye: –Tiquiro pacaro wamene wame yeraja. Ñu wame yenatja tiquirogāre, niahye ticoro.

⁶¹ –Mūhū acaye ne ihcāquiro Ñu wame tiriquiro mariedare, niahye tiquina ticorore.

⁶² Sa ye tiquina omocari mehna yahuducu, Zacariare sinituahye tiquina:

–¿Mūhū waro dahse wame ye duajari mūhū macare? ni, sinituahye tiquirore.

⁶³ Tiquina sa nigū tiquiro pehe ojoari pñine sini, ñehe, ojoahye: “Yūhū macū Ñu wame tirota”, ni, ojoahye Zacaria. Tiquiro sa ni ojoagū tiquina pehe tuho maria wahahye. ⁶⁴ Tiquiro sa ni ojoari bato tiquirore yahuducugū yehaye Cohācjū. Sa yero tiquiro yahuducua wahahye.

–Cohācjū tutuariquiro, quehnoariquiro ijire, niahye tiquiro.

⁶⁵ Tiquiro sa ni yahuducugū tuhoye to cjēna tuho maria wahahye. Sa ye ahri ijipihitiyere Judea yehpa cjēnare canū cju watoa ijieyequinare masa yahu siteahye. Sa ye masa to cjēna quehnoano masi pihitia wahahye. ⁶⁶ Ijipihitiyequina tire tuhoye wacūahye. “Cohācjū tutuayere ahriquirogā cuore. Sa yero ihyo ijiriquiro ijisi tiquirogā”, ni, tuhotuahye masa.

Zacaria Cohācjūre ño peohaye

⁶⁷ Sa yero tiquiro pacaro Zacaria Espiritu Santo dutiriro sahata ye pehoriquiro ijiro tiquiro tutuayere cuorequiro ijiro Cohācjū yere yahuahye:

⁶⁸ Cohācjūre ño peuhna mari. Mari Israe masa tiquiro yequina ijjaja mari. Sa yero mari caharū wihiro, marine yedohoro quehnoano yuhdugū yerota. ⁶⁹ Sa yero Cohācjū tutuariquirore marine pecarū wahaborinare quehnoano yuhdugū yeatiquirore ohori jiri. Marine quehnoano yuhdwoatiquiro tiquiro acayuro manano Davi ijire. Davi manano pehe marine yuhdwoatiquiro cahacjāno ijire. ⁷⁰ Panorū tiquiro yere yahu mūhtariquinare Cohācjū ohō sahata ni ahrire yahu dutiahye. ⁷¹ Marine

ihña tuhtiyequina marine ñano tiquina ye duagū ihñano “Mūsare yedohoutja”, ni, cūahye Cohācjū marine. ⁷² Mari ñecasumua manare “Mūsare paja ihñagū, yedohoutja. Mūsare yūhū yahu cūire wacūta”, niahye Cohācjū mari ñecasumua iji turiayequina manare. Ti pjerere tiquiro nidiro sahata marine yojore yere. ⁷³⁻⁷⁵ Ohō saha ni cūahye Cohācjū panopure Abrahāre: “Mūhū acaye camerū ijieyequinare ihña tuhtiyequina tiquina ijigū cohāntja. Sa yegū mūhū acayere yedohoutja. Sa ye tiquina cuero marieno yūhū dutiyere ye masieta. Sa yegū tiquina ñañene yūhū cohāgū, tiquina yūhū ihñonopū ijipihitiye decori quehnoañequina ijiducuetā”, ni, yahu cūahye panorū Cohācjū mari acayuro mananore Abrahāre, niahye Zacaria.

Sa ni tuhasa tiquiro macanore ohō saha niahye:

⁷⁶⁻⁷⁷ Macū, mūhūre ohō saha nieta masa: “Cohācjū tutua yuhdwoariquiro tiquiro yere yahu mūhtariquiro ijire”, nieta mūhūre. Sa yegū mūhū mari puhtoro Cristo pano wahayugata mūhū. Sa wahagū ohō saha ni yahugata mūhū. “Cohācjū masa ñañene cohāno, pecarū wahaborinare yuhdwoarota mūsare”, ni, yahugata mūhū. Sa ni yahugū mari puhtoro tiquiro ahtatire yahuyugū niguta mūhū.

⁷⁸ Cohācjū pehe marine tutuaro paja ihñariquiro marine quehnoano yeriquiro ijiro, tiquiro marine pecarū wahaborinare yuhdwo duare. Marine yuhdwooro ahtaro Cristo mari caharū ahtarota. ⁷⁹ Ijipihitiyequina marine pecarū wahaborinare yuhdwo duare tiquiro. Sa yero Cohācjūre masiena mari ijigū ihñano marine masigū ye duare tiquiro. Sa yero mari quehnoano ihcāno mehna mari ijiatire yahurota marine, niahye Zacaria.

⁸⁰ Sa yero Zacaria macano quehnoano pagū tiriquiro masahye. Sa yero Cohācjūre tutuaro ño peohaye. Sa yero yoari pje masa marienopū ijie tiahye. Israe masare buhe ducaro torpata ijie tiahye.

2*Jesu masa bajuahye*
(Mt 1.18-25)

¹ Ti pjere ijipihitiye yehpari cjēna puhtoro Augusto ijie tiahye. Sa yero ijipihitiyequinare queo dutiahye. ² Ahriquina masare tiquina coā queo ducagū Siria yehpa cjēna

pũhoro Cirenio wame tiriqũiro ijiahye. ³ Sa ye ijipih̄tiyequina tiqũina ñecũsum̄a panopũ c̄j̄na ye macaripũ tiqũina wamene ojoa ohõñe wahahye. ⁴ José ḡahũ Nazarepũ Galilea yehparũ ijiri macarũ ijiriqũina waha, Judea yehparũ Belẽ wame tiri macarũ esahye. Pũhoro Davi mũnano panopũ c̄j̄no tiqũiro masa bajuariro ijiahye Belẽ. José Davi mũnano panamino iji turariqũiro ijiro Belẽpũ tiqũiro wamene ojoa ohõ dutiro wahahye. ⁵ Sa yero María tiqũiro omoca dũhteaticoro mehna topũ tiqũiro wamene ojoa ohõ dutiro esahye. Ticoro pehere meheñe decorigã dũhsahye nijino bajuato. ⁶ Sa yero Belẽpũ esaro ticoro nijĩ wahcõahye. ⁷ Topũre masa tiqũina carĩni wũhũ ne esa tuhaerahye tiqũinare. Sa yero ticoro pohna ti tuhasa, tiqũirogãre suhtiro mehna coma, wecũa tiqũina ihyari cohropũ, taã bui tiqũirogãre duhu peoahye. Tiquirogã ticoro coã macũ ti mũhtariqũirogã ijiahye.

Angele ovejare ihña ihboyequinare bajuahye

⁸ Ti ñamine oveja tiqũina ijirorpũ ovejare ihña ihboyequina tiqũina yequina ovejare ihña ihboye niahye. ⁹ Sa yero Cohãc̄jũ ohoriquiro angel tiqũinare bajuahye. Tiquiro sa bajuagũ Cohãc̄jũ asi siteye tiqũinare buhriohaye. Tiquiro sa asi sitegũ ihñañe, ovejare ihña ihboyequina cuea wahahye. ¹⁰ Tiquina sa wahagũ angel tiqũinare yahuahye:

—Quehnoañe quitire mũsare yahugũ ahtaja. Ijipih̄tiyequinare masare bucuegũ yerota ahri qũiti. Sa yena yũhũre cueracãhña mũsa. ¹¹ Mía ñamine pũhoro Davi mũnano ya macarũ mũsare pecarũ wahaborinare yũhũoatiqũiro, Cristo Cohãc̄jũ ohoriquiro mari pũhoro masa baja tuhasari. ¹² Sa yero suhtiro mehna comariqũirogã wecũa ihyari cohro bui tiqũina duhu peoriquirogã mũsa ihñatiqũirogã tiqũiro ijirota, ni yahuahye angel tiqũinare.

¹³ Tiquiro sa nigãta peyequina ãhmũse c̄j̄na iji mũhtariqũiro angel mehna Cohãc̄jũre ño peoahye. Ohõ saha ni ño peoahye tiqũina:

¹⁴ Cohãc̄jũre ãhmũse c̄j̄noro ño peouhna. Sa ye Cohãc̄jũ tiqũiro cahñequina cuero marieno cahmequeno marieno quehnoano ijiahro, ni, ño peoahye angele pari.

¹⁵ Sa ni tuhasa ãhmũsepũ tiqũina mũjari bato ovejare ihña ihboyequina pehe tiqũina basi cahme yahuducuahye:

—Ahrire Cohãc̄jũ marine tiqũiro yahurire Belẽpũ isa ihñaũhna, niahye tiqũina basi.

¹⁶ Sa niñe sojoro mehna wahaa wahahye. Tiquina Marĩare, Josere boca sa, nijinogãre

wecũa ihyari cohropũ tiqũina duhu peoriquirogãre ihñañe tiqũina. ¹⁷ Ovejare ihña ihboyequina tiqũirogãre ihña tuhasa nijinogãre angel tiqũiro yahurire yahuahye apequinare. ¹⁸ Tiquina sa ni yahugũ ijipih̄tiyequina tiqũinare tuho maria wahahye. ¹⁹ Ahri ijipih̄tiyere María wacũ tuhotuahye. ²⁰ Sa yeye ovejare ihña ihboyequina pehe angel tiqũiro yahuriro saha ijigũ ihñañe, “Cohãc̄jũ tutuariqũiro ijire”, ni bucueahye. Sa ni bucueye tojoaa wahahye.

Cohãc̄jũ wũhũpũ Jesu pacũsum̄a tiqũirogãre neahye

²¹ Ihcã semana bato nijinogã tiqũiro cuhnucunũ sohtoa cahserogãre yũhũre ne tuhasa tiqũirogãre tiqũina Jesu wame yeahye. Jesure coã wãro ticoro bocato pano angel pehe “Jesu wame yeya tiqũirogãre”, ni yahu tuhasahye. Sa yeye tiqũirogãre Jesu wame yeahye.

²²⁻²⁴ Cohãc̄jũ dutiye Moise tiqũiro yahuriro saha yeye tehe, José, María mehna Jerusalẽpũ wahahye. Topũ wahahye María ticoro pohna tiri bato pagũ quehnoaricoro ticoro tojoarire ihñono taro. Cohãc̄jũ dutiriro sahata tiqũina minicjũare ohoye wahahye Cohãc̄jũre ño peoye. Ohõ saha dutiahye Cohãc̄jũ: “Bujuaare pũaro ohoya yũhũre. O tiqũina mariedagũ apequina boro minicjũare ohoya yũhũre ño peona”, ni dutiahye Cohãc̄jũ. Tiquiro dutiriro sahata yeahye tiqũina ticoro pagũ quehnoari pagũ ticoro waharire ihñõñe taye.

Topũ wahaye tiqũina Jesugãre neahye. Tiquirogãre Cohãc̄jũre “Ahriqũirogã mũhũ yaqũiro ijiatiquirogã ijire”, ni ihñõñe wahahye. Ohõ saha yeahye Cohãc̄jũ yere tiqũina ojoari pũpũ tiqũiro ye dutiriro sahata. “Ijipih̄tiyequina mũsa pohna coã baja mũhtañequinagãre Cohãc̄jũre ihñõña. ‘Ahriqũirogã mũhũ yaqũirogã ijiatiquiro ijire’, ni ihñõña”, ni dutiahye Cohãc̄jũ. Sa ye tiqũiro dutiriro sahata yeahye tiqũina, Jerusalẽpũ ijiye.

²⁵ Tĩ macarũ Simeo wame tiriqũiro ijiahye. Tiquiro quehnoariqũiro, Cohãc̄jũre ño peoriquiro ijiro, Israe masare Cohãc̄jũ yedohoatire cohteriquiro ijiahye. Sa yero Simeo Espĩritu Santo tiqũiro nidiro saha yeriquiro ijiahye. ²⁶ Sa yero tiqũiro yariato pano Cohãc̄jũ tiqũiro ohoatiqũirore Cristore tiqũiro ihñatire yahuahye Espĩritu Santo tiqũirore Simeore. ²⁷ Sa yero Espĩritu Santo tiqũirore dutigũ Cohãc̄jũ wũhũpũ sajàa wahahye. Tiquiro sajà sari bato Jesu pacũsum̄a tiqũina macũnogãre ne sajàhye. Cohãc̄jũ tiqũiro dutiriro sahata yeye niahye. ²⁸ Simeo pehe tiqũirogãre wũa ne, Cohãc̄jũre ño peo, “Quehnoare”, ni, tiqũiro mehna yahuducuahye.

Ohõ saha niahye tiqũiro Cohãc̄jũre:

29-32 Yojoin pūritare pūhto, mūhū ni-
diro sahata masare pecarū wa-
haboriquinare yūhdūoatiqūirore
ohori jiri mūhū. Tiquiro ju-
dio masa ijieyequinare buhero
mūhare quehnoano masigū yerota
tiquinare. Masare yūhdūoatiqūiro
Israe masanore mūhū cūahye. Ūsā
acayūrore Israe masanore mūhū
cūgū ijipihtiyequina masiñe, “Israe
masare quehnoano yere Cohācjū”,
nieta masa. Ahriqūirogā ūsāre
yūhdūoatiqūiro ijire. Sa yegū
ahriqūirogāre ihña tuhasagū, yo-
jopare quehnoano bucuegū yariūtja,
niahye Simeo.

33 Simeo tiquirogāre tiquiro sa nigū
tiquirogā pacūsumūa pehe tuho maria
wahahye. 34 Sa yero Simeo tiquinare
“Quehnoano ijiya mūsa”, nino tiquiro María
Jesu pacorore yahuahye:

—Cohācjū ahriqūirogāre beseahye. Sa be-
seriqūirogā tiquiro ijiepegūta judio masa
peyequina tiquirore yūhdūdūcaeta. Sa ye
tiquina pecarū wahaeta. Sa yero judio
masare peyequina tiquiro yūhdūoatiqūiro
gūhare Cohācjū beseri tiquirogāre. Tiquiro
Cohācjū yere yahuriqūiro tiquiro ijiepegūta
masa peyequina tiquirore ñano ni yahudu-
cueta. 35 Tiquina sa yegū apeqūina tiquina
ñano wacūñene masieta. Sa yego mūhū tutu-
aro purño yero saha buñna witiqota, niahye
Simeo Mariare.

36 Topū Cohācjū yere yahu mūhtaricoro
Ana wame tiricoro ijiahye. Ticoro Fanuel
macono ijiro, Aser mūnano ya curua
cjōno ijiahye. Bucūoro waro ijiahye.
Ticoro nuhmino ijiro manū tiahye. Sa
yero siete cūhmari waro ticoro manūno
mehna ijiahye. To puno tiquiro ijiri
bato ticoro manūno yariaa wahahye.
37 Sa yero ochenta y cuatro cūhmari
waro wape wihero ijie tiahye ticoro.
Sa yero ticoro deco gūhare ñami gūhare
Cohācjū yere yero taro siji, Cohācjū mehna
yahuducū, Cohācjū wūhare ne wijiaera
tiahye. 38 Simeo tiquiro yahuducuri watoa
ticoro tiquina caharū wihiro, bucūero,
Cohācjūre “Quehnoare”, niahye. Sa yero
Jerusalē cjēnare pecarū wahaboriquinare
yūhdūoatiqūirore cohteyequinare ticoro
Jesugāre yahuahye peyequina masare.

*José, María, Jesu mehna Nazarepū tojoaa
wahahye tja*

39 Cohācjū dutiriro sahata ye tuhasaye,
tiquina ya macarū Nazarepū tojoaa wa-
hahye. Galilea yehparū ijiahye ti maca
Nazare. 40 Sa yero Jesu quehnoano masa,
tutuariqūiro wahahye. Sa yero tiquiro
quehnoano tuho masiniqūiro ijiahye. Sa
yero tiquirore Cohācjū quehnoano yeahye.

*Jesu coñ wahmūa dūcaro, Cohācjū ya
wūhūpū judio masare buheyequina mehna
yahuducuro niahye*

41 Cūhmaripe Jesu pacūsumūa Jerusalēpū
pascua decorire bose decorire ihñañe wa-
hae tiahye. 42 Jesu doce cūhmari tiquiro
cūogū tiquina yeducuriro sahata tiquina
ijipihtiyequina Jerusalēpū wahahye. 43 Sa
yeye bose decorire ihña tuhasa tiquina ya
macarū tojoaa wahahye tja. Tiquina sa to-
joepegūta Jesu pehe Jerusalēpū tojoa cāhye.
Tiquiro pacūsumūa tiquiro tojoa queherire
masiedahye. 44 “Tiquiro mari mehna cjēna
mehna ijiaga”, ni tūhotumahye tiquina. Sa
ye tiquina ihcā deco waro Jesu marieno
wahamahye. Sa ye tiquina Jesure tiquina
acaye watoa macamahye. 45 Ne bocaer-
ahye. Sa ye tiquina Jerusalēpū tiquirore
macañe wahahye.

46 Ihtia deco bato Cohācjū wūhūpū
tiquirore boca sahye. Sa yero Jesu judio
masare buheyequinare tuho, tiquinare
sinituro niahye. Sa ye cahme yahuducuye
niahye. 47 Tiquina ijipihtiyequina Jesure
tūhoye quehnoano masiniqūirogā tiquiro
ijigū ihñañe, tiquina tuho maria wahahye.
48 Tiquiro pacūsumūa gūhū Jesure ihñañe,
ihña maria wahahye. Sa yero tiquiro
pacoro tiquirore ohō saha niahye:

—¿Macū, dūhsegu sa yeajari mūhū ūsāre?
Mūhū pacūsumūa ohō saha ni tūhotuu ūsā.
“Tiquiro butia wahaga”, ni macaja ūsā
mūhare, niahye ticoro macūnore.

49 Ticoro sa nigū tiquiro pacūsumūare
yahuahye:

—¿Dūhsena yūhare macajari mūsa? Yūhū
Pacu yūhare tiquiro dutiriro saha yegū ni-
aja. ¿Tire masiedajari mūsa? niahye tiquiro.

50 Tiquiro sa niepegūta tiquina tuho
ñehedahye.

51 Sa yero Jesu Nazarepū tojoaa waha,
tiquiro pacūsumūare ne yūhdūdūcaerahye.
Ahri ijipihtiye tiquiro yerire María
quehnoano wacūahye. 52 Sa yero Jesu bucūa,
quehnoano tuho masiniqūiro wahahye. Sa
ye Cohācjū, masa gūhū “Quehnoariqūiro
ijire”, ni ihñahye tiquirore.

3

*Ñu wame yeriqūiro masare Cohācjū yere
yahuahye*

(Mt 3.1-12; Mr 1.1-8; Jn 1.19-28)

1 Ti pjere tiquina pūhtoro Tiberio wame
tiriqūiro pūhtoro ijiri bato quince cūhmari
wahahye. Sa yero Poncio Pilato wame
tiriqūiro Judea yehpa cjēna pūhtoro ijiahye.
Sa yero Herode wame tiriqūiro Galilea
yehpa cjēna pūhtoro ijiahye. Tiquiro
bahūro Felipe Iturea yehpa cjēna, Traconite
yehpa cjēna gūhū tiquina pūhtoro ijiahye.
Sa yero Lisania wame tiriqūiro Abilinia

yehpa cĵēna puhtoro ijiahye. ² Sa ye Anás, Caifa mehna ijipihitiyequina pahia puhtoa ijiahye. Ahriquina ijipihitiyequina tiquina ijiri pjere Ņu Zacaria macano masa marienopu ijiriquireore Cohācjū pehe tiquireo tiquireo yere yahu dutiahye. ³ Sa yero Jordā wame tiri ma duhtu cahapu ijiri yehpapu ijipihitropu Ņu buhero wahahye.

—Musa ñaŋe yeyere bujua witiya. Yo-jopare quehnoañe pehere comesaya. Sa yena wame yenhrina ijija. Musa sa comesagū ihñano Cohācjū musa ñaŋe yerire borota, ni, buhee tiahye tiquireo.

⁴ Isaia manano panopu cĵēno Cohācjū yere yahu muhtariquireo ojoariro sahata ahriquireo yo-jopare yero niahye. Ohō saha ni ojoahye Isaia Ņu tiquireo buheatire:

Masa marienopu yahuducu sañuducuriquireo ohō saha ni buherota: “Mari puhtoro ahtato pano mahare mari quehnoyuriro saha quehnoana ijijuyua musa. Musa ñaŋe yerire bujua witiya. ⁵ Pe wuhtari, pe buhuari gāhure quehnoari paa mari yeriro saha, pari yawi ijije maharine potoye mahari mari yeriro saha, ñaŋe maharine quehnoañe maharine mari yeriro saha, wetera musa coseriro saha musa ñaŋe yeyere duhuya. ⁶ Musa sa yegū Cohācjū musare pecapu wahaborinare tiquireo yuhduogū ihñæta ijipihitiri yehpa cĵēna”, ninota tiquireo sañuducu yahuriquireo pehe, ni ojoahye Isaia manano panopure.

⁷ Masa peyequina Ņu cahapu wihiye tiquireo tiquireare wame yegū cahmeahye tiquina. Sa yero tiquireo tiquireare yahuahye:

—Añaa pari yero saha ña yuhdāna, cue duhti duana ijire musa. Musa ñaŋe yerire bujua witi duerana Cohācjū musa ñaŋe buhirire tiquireo buhiri dahreato pano duhti masiedare musa. ⁸ Sa yena potota musa ñaŋene bujua witiina ijina, quehnoañene comesana ijina, quehnoañe pehere yeya musa. Ohō saha ni tuhotueracāhña. “Panopu cĵēno Abrahā mari ñecu manano ijie tiahye. Sa yena tiquireo panamena ijina mari Cohācjū yequina ijiaja”, ni tuhotueracāhña musa. Musare niita niaja. Abrahā panamena iji turiana ijimene musa. Musa sa ijiepegūta ti musa sa ijije dahseati ijierare. Cohācjū pehe ahri utā paca mehna Abrahā acayere dahre masine. Sa ye Abrahā acaye musa ijije ihyo waro ijire utā paca ihyo waro ti ijiro saha. ⁹ Ohō saha ijire: Masa yucari yero saha ijire. Cohācjū pehe yucarire quēatiare comeare cuoriquireo yero saha ijire. Sa yero ñaŋe dāca tiye cĵere dāte cohā, ti nuhcori gāhure dāte sure peho

cānota. Dāte sure tuhasa, pecapu uĵāanota tiquireo ti cĵere, nuhcori gāhure. Sata yerota masa gāhure tiquireore cahmeefnequinare, niahye Ņu masare.

¹⁰ Tiquireo sa nigū tuhoje masa pehe tiquireore sinituahye:

—ĶDuhse yenatari usā? niahye tiquina Ņure.

¹¹ —Pua suhtiro cuoriquireo suhti mariediquireore ihcāno ohoya. Sa yena musa ihyaye cuona apequna gāhure ohoya, niahye Ņu.

¹² Meheñequinagā puhtoa ye ijiatire wapa ne cohteyequina wame yenhriquina iji duahye tiquina gāhu. Sa yeye Ņu cahapu wihiye, tiquireore sinituahye:

—ĶBuhegu, usā pehe duhse yenatari usā? niahye tiquina tiquireore.

¹³ —Musa puhtoa tiquina dutiro punota masare wapa neña. Ni meho wapa ne nemoedacāhña, ni yahuahye Ņu tiquireare.

¹⁴ Apequna surara tiquireore sinituahye tja:

—ĶUsā pehe duhse yenatari? niahye tiquina tiquireore tja.

—Masa yere niñerure ehmedacāhña. Sa yena tiquina ye niñerure ni meho nedacāhña. Musare tiquina wapa yero punota bucueya, ni, yahuahye Ņu.

¹⁵ Masa Cristore Cohācjū tiquireo ohoatiquireore cohteye niahye. Sa yeye ohō saha ni tuhotu dācahye tiquina Ņure. “Ahriquireo Ņu pehe Cristo ijiboaga”, ni tuhotumahye tiquina. ¹⁶ Tiquina sa nigū tuhoro Ņu ijipihitiyequinare yahuahye:

—Yahu bato yahu yuhduoro tutuariquireo ahtarota. Quehnoa yuhduariquireo ijire tiquireo. Tiquireo yero saha ijieraja yahu pehe. Sa yegu tiquireore tuhotugu, “Ihyo ijigu ijiaja”, ni tuhotuaja yahu. Yahu pehe musare wame yegu aco mehna wame yemi. Tiquireo pehe yahu yuhduoro yerota. Espiritu Santore masa mehna ijiducugū yerota. Sa yero pecapu ñaŋene tiquireo uĵua wero saha tiquireo ahtariquireo pehe musa ñano yeyere cose werota. ¹⁷ Yahu bato ahtariquireo trigo cahseri cohāriquireo yero saha ijire. Ti cahserire cohāriquireo tiquireo batiro mehna ijipihitiye trigo pjeri cahserire puti were. Sa ye tuhasa trigo pehere tiquireo ihbori wuhuru cūnota. Sata yerota tiquina ñaŋene bujua witiyequinare yahu bato ahtariquireo. Tiquireo puti weri cahseri pehere uĵāanota. Ti peca tiquireo uĵuari peca ne yatisi. Sata yerota tiquireo yahu bato ahtariquireo tiquina ñaŋene bujua witiyequinare, ni yahuahye Ņu.

¹⁸ Peye tiquireo sa ni yahuye mehna masare quehnoañe buheyere yahuahye Ņu. ¹⁹ Sa yero puhtoro Herode pehe tiquireo

bahuro Felipe namonore tiqairo namo tiri buhiri, pajiro ñañene tiqairo yeri buhiri gähure Ñu tiqairore yahumahye. ²⁰ Tiquairo sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye
(Mt 3.13-17; Mr 1.9-11)*

²¹ Ñure tiquina peresu yeato pano apequna masare Ñu pehe wame yero niahye. Tiqinane wame yero Jesu gähure wame yeahye. Sa yero Jesu diaru ducuriqairo Cohäcüre tiqairo sinino watoa ummuse pari maa wahahye. ²² Sa pari maari bato Espiritu Santo bujua yero saha bajuriqairo Jesu buipru dijia tahye. Tiquairo ahtagü ummusepu yahuducuro ca tahye:

—Mñhu yuhñu macu yuhñu cahñgu ijire. Mñhu mehna tutuaro bucueaja, nino ca tahye ummusepu.

*Jesu acaye raporu cñena ijiahye
(Mt 1.1-17)*

²³ Jesu buhe ducari cahmare treinta cahmari cñoahye tiqairo. “Tiquairo José macño ijire”, ni, ñahotumahye masa. José pehe Elí macño ijiahye. ²⁴ Elí Matat macño ijiahye. Matat Leví macño ijiahye. Leví Melqui macño ijiahye. Melqui Jana macño ijiahye. Jana José macño ijiahye. ²⁵ José Matatía macño ijiahye. Matatía Amós macño ijiahye. Amós Nahúm macño ijiahye. Nahúm Esli macño ijiahye. Esli Nagai macño ijiahye. ²⁶ Nagai Maat macño ijiahye. Maat Matatía macño ijiahye. Matatía Semei macño ijiahye. Semei Josec macño ijiahye. Josec Judá macño ijiahye. ²⁷ Judá Joanán macño ijiahye. Joanán Resa macño ijiahye. Resa Zorobabel macño ijiahye. Zorobabel Salatiel macño ijiahye. Salatiel Neri macño ijiahye. ²⁸ Neri Melqui macño ijiahye. Melqui Adi macño ijiahye. Adi Cosam macño ijiahye. Cosam Elmadam macño ijiahye. Elmadam Er macño ijiahye. ²⁹ Er Josué macño ijiahye. Josué Eliezer macño ijiahye. Eliezer Jorim macño ijiahye. Jorim Matat macño ijiahye. ³⁰ Matat Leví macño ijiahye. Leví Simeo macño ijiahye. Simeo Judá macño ijiahye. Judá José macño ijiahye. José Jonam macño ijiahye. Jonam Eliaquim macño ijiahye. ³¹ Eliaquim Melea macño ijiahye. Melea Mena macño ijiahye. Mena Matata macño ijiahye. Matata Natán macño ijiahye. ³² Natán Davi macño ijiahye. Davi Isai macño ijiahye. Isai Obed macño ijiahye. Obed Booz macño ijiahye. Booz Salmón macño ijiahye. Salmón Naasón macño ijiahye. ³³ Naasón Aminadab macño ijiahye. Aminadab Admin macño ijiahye. Admin Arni

macño ijiahye. Arni Esrom macño ijiahye. Esrom Fare macño ijiahye. Fare Judá macño ijiahye. ³⁴ Judá Jacob macño ijiahye. Jacob Isaac macño ijiahye. Isaac Abrahã macño ijiahye. Abrahã Taré macño ijiahye. Taré Nacor macño ijiahye. ³⁵ Nacor Serug macño ijiahye. Serug Ragau macño ijiahye. Ragau Peleg macño ijiahye. Peleg Heber macño ijiahye. Heber Sala macño ijiahye. ³⁶ Sala Cainán macño ijiahye. Cainán Arfaxad macño ijiahye. Arfaxad Sem macño ijiahye. Sem Noé macño ijiahye. Noé Lamec macño ijiahye. ³⁷ Lamec Matusalé macño ijiahye. Matusalé Enoco macño ijiahye. Enoco Jared macño ijiahye. Jared Mahalaleel macño ijiahye. Mahalaleel Cainán macño ijiahye. ³⁸ Cainán Eno macño ijiahye. Eno Sete macño ijiahye. Sete Adán macño ijiahye. Adán Cohäcüre yeriqairo ijiahye.

4

*Watño ñañene ye dutimahye Jesure
(Mt 4.1-11; Mr 1.12-13)*

¹ Jesu Espiritu Santo dutiriro saha ye perhoriquiro ijiro. Jordã wame tiri ma caharu ijiriquiro tojoaa wahahye. Tiquairo sa tojoaa wahagü Espiritu Santo pehe tiqairore masa marienopru neahye. ² Topru esaro cuarenta decori ijiahye. Sa yero watño pehe Jesure ñañene yegü cahmemahye. Sa yero ñañene ye dutimahye tiqairore. Ti decorire ne Jesu ihyerahye. Sa yero ti decori pihtigü waro tiqairo ujua ahbahye.

³ Tiquairo sa ujua ahbagü ihñano watño ohö saha nimahye Jesure:

—Mñhu Cohäcüre macu ijigu, ahria utäre ihyaye dojomehneña, nimahye Jesure.

⁴ Jesu ohö saha ni yuhtiahye:

—Yeraja. Cohäcüre yere tiquina ojoari püpu ohö saha nine: “Masare ihyaye mehna dihita catieraro cahmene. Ijipihtiye Cohäcüre ye yahuye mehna ijiro cahmene”, nine Cohäcüre, ni yuhtiahye Jesu watñore.

⁵ Tiquairo sa nidi bato watño pehe tiqairore cñu ummuanu buipru ne mujä saro, duita ijipihtiye macarine ihño dijoahye Jesure. ⁶ Sa ihñono Jesure yahuahye:

—Ijipihtiye ahri macari yuhare tiqairo ohori ijire. Sa yegu yuhñu cahmediquirore oho masiaja. Sa yegu ahri macarine, ahri macari cñenare dutiati gähure, tiquina cño ye mehna mahure ohoutja. ⁷ Yuhare mñhu ño peogü ahri macari ijipihtiye macarine mahure ohoutja, niahye watño Jesure.

⁸ Jesu ohö saha ni yuhtiahye tiqairore:

—Mñhure ño peeraja. Ohö saha nine Cohäcüre yere tiquina ojoari pü: “Mñhu puhtoro Cohäcüre dihitaré ño peoya. Tiquairo ye dutiye dihitaré yeya”, ni ojoahye Cohäcüre yere, niahye Jesu watñore.

⁹⁻¹¹ Tiquiro sa nidi bato Jerusalēpu watīno pehe tiquirore ne cā, Cohācjū wahu buipū ne sahye. Ne sa tuhasa tiquirore ohō saha nimahye:

—Cohācjū yere tiquina ojoari pū ohō saha nine: “Cohācjū tiquiro yequina angelere mūhare ihña ihbo dutirota. Sa yeye tiquina pehe mūhare ihña ihboeta, ‘Mūhūpu utāpu pūhari’, niñe”, ni ojoahye Cohācjū yere tiquina ojoari pūpu. Tiquiro sa nidi poto ijjū mūhu Cohācjū macu ijjū, yehpapū uhpu dijia ihñoña yūhare. Mūhare tiquina yedohogū ihñoña yūhare, nimahye watīno Jesure.

¹² Jesu uhpu dijia ihño dueraro ohō saha ni yūhtiahye tiquirore:

—Cohācjū yere tiquina ojoari pū ohō saha nine: “Masa pūtoro Cohācjū tiquiro nidire ‘¿Poto ijjajari?’ ni masi duana, Cohācjū yere ihño duti tuhueracāhña”, nine Cohācjū yere tiquina ojoari pūpu, niahye Jesu watīnore.

¹³ Sa yero watīno ijjiphtiyē ñañene Jesure ye dutimahye. Sa duti tuhasaro mehenogū duhu cāriahye.

*Galilea yehpapū Jesu buhe dūcahye
(Mt 4.12-17; Mr 1.14-15)*

¹⁴ Came Jesu Galileapū tojoaa wahahye. Sa yero tiquiro Espiritu Santo tutuaye mehna yeahye. Topū ijjiphtiropū masa tiquirore quiti tiahye. ¹⁵ Judio masa buheye wūhūsepū Jesu gūhu buhee tiahye. Sa ye ijjiphtiyequina masa tiquirore quehnoano yahuducuahye.

*Nazare cjēna Jesure ne cahmedahye
(Mt 13.53-58; Mr 6.1-6)*

¹⁶⁻¹⁷ Came Nazarepū Jesu tiquiro masariropūta esahye. Topū esa, saurū ijjū tiquiro sa yeducuriro saha judio masa tiquina buheri wūhūpu sajā sahye. Topū tiquiro Cohācjū yere tiquina ojoari pūre buhero taro topū ducuahye. Tiquiro sa ducugū ihñañe to cjēna pehe Cohācjū yere yahu māhtariquiro Isaia mūnāno tiquiro ojoari pūre tiquirore ohoahye. Ti pūpu Jesu ahri yahuyere bocaro buheahye:

¹⁸ Cohācjū yaquiro Espiritu yūhu mehna ijiro, yūhare dutiri. Tiquiro pejesoyequinare quehnoañe buheyere yahu dutiro ohori yūhare. Sa yero peresupū ijjyequina gūhare tiquinare tiquiro yūhdūoatire yahu dutiro ohori yūhare. Caperi bajueyequina tiquina quehnoano ihñatire ohori yūhare. Sa yero masa ñāno tiquina yenhriquinare wioacjare yūhare ohori. ¹⁹ Mari pūtoro Cohācjū tiquiro yequinare pecapū wahaboriquinare tiquiro yūhdūoatire yūhare yahu dutiro ohori, ni buheahye Jesu.

²⁰ Sa ni buhe tuhasa Jesu ti pūre quehnoari tunu torē, wūhu cjanore wia tuhasa, nuju sahye. Tiquiro nuju sagū ihñañe topū ijjyequina ijjiphtiyequina tiquiro dihitarē ihñahye. ²¹ Tiquina sa yegū tiquiro tiquinare yahu dūcahye:

—Ahri mianogāta yūhu buhero saha Cohācjū tiquiro nidiro sahata waharo nine, niahye Jesu.

²² Tiquiro sa nigū tūhoye “Ahriquiro quehnoariquiro ijire”, ni tūhotuahye tiquina. Sa yeye tiquina tiquiro quehnoano yahuducugū tūhoye, tūho maria wahahye. Sa yeye ohō saha niahye tiquina basi:

—¿Yohnah, José macūno ijierajari ahriquiro? niahye tiquina basi.

²³ Tiquina sa nigū masino Jesu yahuahye tiquinare:

—Yūhu buheyere tūho duerana, ohō saha ni tūhoture masa yūhare: “Duturu dohatiro tiquiro basi aco ti masine duturu waro tiquiro ijjyere ihñoño. Mūhu gūhu duturu tiquiro ye ihñoño saha mūhu nidiro saha ijjū Cohācjū tutuaye mehna ye ihñoña usāre. Capernaupūre Cohācjū tutuaye mehna ye ihñoñohti mūhu. Usā gūhare sa ye ihñoña, mūhu buheyere ‘Poto tjire’, usā niato saha”, ni duare masa yūhare. ²⁴ Ahrire yahutja mūhare. Cohācjū yere yahu māhtariquirore tiquiro ya maca cjēna ño peerare. Sa yena yūhare ño peerare masa ohōpu yūhu masarigū ijjū. ²⁵ Sata ijjahye panopūre. Panopū Elia tiquiro ijiri pjere ihtia cūhma ape cūhma deco waro ne acoro ahtaerahye. Sa yero ijjiphtiroputa ne ihyaye mariedahye. ²⁶ Ti pjere peyequina wape wiha numia Israe yehpapū tiquina ijjiepegūta Cohācjū Elia mūnanore tiquinare yedoho dutiro ohoerahye. Tiquiro ya macare sa ye dutieraperota ape yehpapū Sidō cahapū ijiri macapū Sarepta wame tiri maca cjōno wape wihorore yedoho dutiro Elia mūnanore ohoahye Cohācjū. ²⁷ Came Cohācjū yere yahu māhtariquiro Eliseo mūnāno tiquiro ijiri pjere Israe yehpapū peyequina camī bācu mūna wiha tiquina ijjiepegūta ihcāquiro Israe masūnore ne quehnoa wahagū yerahye Eliseo mūnāno. Tiquiro ya yehpa cjēnare yeraperota Naamān wame tiri quiro Siria yehpa cjāno dihitarē quehnoa wahagū yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohācjū, niahye Jesu tiquinare.

²⁸ Tiquiro sa nigū tūhoye ijjiphtiyequina ti wūhūpu ijjyequina usua yūhdūa wahahye. ²⁹ Sa yeye tiquina wahcādūca, Jesure ne wijia, ti maca dūhtū cahapū ijiri cūhūpu tiquirore tūdoque dijio duamahye. ³⁰ Tiquina sa ye duepegūta Jesu tiquina watoata wahaa wahahye.

*Watĩnore c̃uoriquiro Jesure piti cahye
(Mr 1.21-28)*

³¹ Came Jesu Galilea yehparũ ijiri macarũ Capernau wame tiri macarũ esa, saurũ ijigũ masare buheahye. ³² Quehnoano masi pehoriqũiro tiqũiro buhegũ tũhoye masa tũho maria wahahye. ³³ Ti wũhũrũ watĩnore c̃uoriquiro ijiahye. Tutuaro saũducuahye:

³⁴ —Mũhũ Jesu Nazare c̃jũ usãre cariboer-acãhũ mũhũ. ĽDũhse yegũ tagũ nijari usãre? ĽMũhũ usãre butigũ yegũ tagũ nijari? Cohãc̃jũ macũ, quehnoagũ mũhũ ijigũ yũhũ masiaja, ni saũducuahye Jesure.

³⁵ Tiquiro sa nigũ tũhoro Jesu tuhtiahye watĩnore:

—Dihta mariahũ. Duhuya tiqũirore, ni-ahye Jesu.

Tiquiro sa nidi bato masũnore watĩno pehe yehparũ doque quehe sa tunugũ yeahye. Tiquiro sa yeri bato tiqũiro pehe quehnoa wahahye. ³⁶ Topũ ijieyũna ijipihtieyũna tiqũiro sa wahagũ ihũãñe, ihũã maria wahahye. Sa ye tiqũina basi ohũ saha ni yahuducuahye:

—ĽYabe boro buheye ijiajari ahli sa wahagũ yeye? Yohnah. Tutuaro mehna pũhoro yero saha ahriqũiro watĩre dutire. Sa yeye tiqũiro dutiro sahata tiqũina masare duhure, ni yahuducuahye tiqũina basi.

³⁷ Tiquiro sa yegũ ihũãñe ti yehparũ ijipihtirogũ masa Jesure qũiti dahreahye.

Jesu Simo Pedro mareonore dutire yũhdũoahye

(Mt 8.14-15; Mr 1.29-31)

³⁸ Judio masa tiqũina buheri wũhũre wi-jia, Simo ya wũhũrũ saã sahye Jesu. Topũ Simo mareono dohatiro niahye. Tutuaro ujuaye tiahye. Sa ye tiqũina ticoro dohatigũ yũhũahye Jesure. ³⁹ Tiquina yahuri bato tiqũiro ticoro caharũ esa, ujuayere suru dutiahye. Tiquiro sa suru dutiri bato ticorore ujuaye surua waha, duita quehnoa wahahye. Ticoro sa waharo wahcã nuju sa, ticorota tiqũinare ihyayere peoahye.

Peyequina dohatieyũnare yũhdũoahye Jesu

(Mt 8.16-17; Mr 1.32-34)

⁴⁰ Asũ saãri bato ijipihtieyũna masa tiqũiro caharũ ijieyũna dohatieyũnare Jesu caharũ ne sahye. Dohatieyũna peyequina sijoro saha ijie dohatiyere c̃uohaye. Sa yero Jesu tiqũiro omocari mehna tiqũina bui ña peo, ijipihtieyũnare tiqũina dohatiyere quehnoano yũhdũoahye. ⁴¹ Watĩã gũhũre Jesu duhu dutigũ tiqũina duhuye saũducuahye:

—Mũhũ potota Cohãc̃jũ macũ ijire, niahye tiqũina Jesure.

Jesu Cohãc̃jũ ohoriqũiro tiqũiro Cristo ijigũ watĩã masiahye. Sa yero Jesu tiqũinare

yahuducu dutierahye, “ ‘Cristo ijire’, ni yahu siteari”, nino.

*Galilea yehparũ buheahye Jesu
(Mr 1.35-39)*

⁴² Bohrea mũja tagũ Jesu ti macarũ ijiriquiro waha, masa marienopũ esahye. Tiquiro sa esari bato masa tiqũirore macã, boca saye, ohũ saha niahye:

—Usã ya macarũ tojoaya usã mehna. Ape sie wahaegũta, nimahye tiqũina Jesure.

⁴³ Tiquina sa niepegũta tiqũiro pehe ohũ saha ni yũhtiahye:

—Cohãc̃jũ tiqũiro pũhoro ijieyere quehnoãñe buheyere apeye macaripũ gũhũre buhe duaja yũhũ. Cohãc̃jũ yũhũre ohori tire yũhuac̃jũre, niahye Jesu tiqũinare.

⁴⁴ Sa yero Judea yehparũ ijieyere wũhũserũ, judio masa tiqũina buheye wũhũserũ tiqũiro buhe tiniahye.

5

Jesu tiqũiro buheyequinare peyequina wahi wejẽgũ yeahye

(Mt 4.18-22; Mr 1.16-20)

¹ Ape deco Jesu Genesare wame tiri ditara dũhtũ caharũ esahye. Topũ tiqũiro ijigũ ihũãñe peyequina masa Cohãc̃jũ yere tũho duaye tiqũirore nũnũ tã sahye. Quehnoano wahpa dũca saa wahahye masa pari. ² Pũã yucũsa padũrogũ pahsaye yucũsarie Jesu ihũãñe. Ti yucũsari c̃jẽna yohyeyequina maja sadũca, tiqũina wẽñec̃jũre coseye niahye. ³ Sa yero Jesu Simo yariarũ saãhaye. Saã tuhasa tia yucũsare dia dũhtũ caharũ cuñariare weje buho dutiahye. Sa yero yucũsarũ duji, masare buheahye. ⁴ Buhe tuhasa, Jesu Simore ohũ saha niahye:

—Deco c̃jũnogã tu wioya. Sa yena mũhũ mehna c̃jẽna mehna mũsa wẽñec̃jũre doque ñoña wahi ñeheanaja, niahye Jesu.

⁵ Tiquiro sa nigũ tũhoro Simo Jesure yũhtiahye:

—Pũhto, wahi wejẽ bohreami usã mia ñamine. Bohrepenata ne ihcãquirogã wejẽdahti usã. Sa wejẽdapenata mũhũ dutiro saha doque ño tununata, ni yũhtiahye Simo.

⁶ Sa ni tuhasa tiqũina doque ñoahye. Sa tiqũina doque ñogũ tiqũina wẽñec̃jũre peyequina wahi saãhaye. Peyequina tiqũina saãgũ wẽñec̃jũ tũhũna wahamahye. ⁷ Sa wahagũ ihũãñe aperia c̃jẽnare tiqũina mehna c̃jẽnare pijioahye.

—Mũsa gũhũ yedohona ahtaya usãre, ni pijioahye Simo gũhũ.

Tiqũina sa yedohori bato puaria yucũsa quehnoano miniparo bocahye wahire.

⁸ Simo Pedro sa wahi peyequina tiqũina saãgũ ihũãno, Jesu caharũ dusepe curi mehna quehe sa, tiqũirore niahye:

—Yuhū pūhto, mūhū mehna ijibogū ijier-
aja yuhū. Nāgū ijiaja yuhū. Sa yegū yuhure
duhuya, niahye Simo Jesure.

⁹ Tiquiro, ijipihtyequina tiquiro mehna
cjēna gūhū peyequina wahi sajāgū ihñāne,
ihñā maria wahahye tiquina gūhū. ¹⁰ Pūaro
Simo mehna cjēna Zebedeo pohne Santiago,
tiquiro bahuro Ōu mehna, tiquina gūhū ihñā
maria wahahye. Tiquina sa ihñā mariagū
ihñāno Jesu Pedre yahuahye:

—Ihñā mariedacāhñā. Yojoṗare mūhū
wahire ñehe cahmecoagū mūhū ijiro saha
Cohācjū yequina ijiatiquinare piji cahme-
coagū ijigūta mūhū, niahye Jesu Simore.

¹¹ Tiquiro sa nidi bato tiquina yucsarire
ditara duhtū caharū weje mo cū cā, tiquina
ye ijipihtiyere topūta cū cā, Jesu mehna wa-
hāa wahahye.

*Jesu camī būcū mūna wihirore camī
yatigū yeahye*

(Mt 8.1-4; Mr 1.40-45)

¹² Jesu ape macarū tiquiro ijigū camī būcū
mūna wihiro tiquirore piti cahye. Sa piti
caro tiquiro Jesure ihñā, dūsepe curi mehna
quehe sa, tutuaro siniahye:

—Pūhto, mūhū yuhure yūhdūo duagū
yūhdūoya, ni siniahye.

¹³ Tiquiro sa nidi bato Jesu tiquirore ña
peoro ohō saha niahye:

—Tire ye duaja. Yojoṗū quehnoagū ijiya
mūhū, niahye.

Tiquiro sa nigūta tiquiro camī ahbari ya-
tia wahahye. ¹⁴ Sa yero Jesu tiquirore duti-
ahye:

—Ahri yuhū ohō saha yerire apequinare
yahueracāhñā. Pahī caharū wahaya
yojoṗare. Sa yegū mūhū pagure quehnoari
pagū waharire ihñōña tiquirore. Cohācjū
dutiye Moiserē tiquiro cūri nidiro saha
yeya. Sa yegū pahire pūaro minicjūare
ohoya mūhū camī yūhdūgūre ijipihtye-
quinare ihñogū tūhū, niahye camī būcū
mūna cūmediquirore.

¹⁵ “Yahueracāhñā”, tiquiro sa niepegūta
ijipihtiroṗū masa Jesure quiti dahre
nemoahye. Tiquina sa quiti dahregū tūhoye
masa peyequina tiquiro caharū esahye.
Dohatiyequina yūhdū duaye, tiquina gūhū
tiquiro caharū esahye. ¹⁶ Tiquina sa
esaepēgūta Jesu masa marienopū Cohācjūre
sinino wahāa wahahye.

Jesu tini masieniquirore yūhdūoahye

(Mt 9.1-8; Mr 2.1-12)

¹⁷ Ape deco Jesu buhegū fariseo masa,
judio masare buheyequina gūhū topū
dujiahye. Tiquina peye macari Galilearū
ijiyē macari cjēna, Judearū ijiyē macari
cjēna, Jerusalē cjēna ijiahye. Sa yero Jesu
Cohācjū tutuaye mehna dohatiyequinare
yūhdūoahye. ¹⁸ Meheñequinagū amūa tini
masieniquirore tiquiro cuñari cahsero

mehna yo wāa wihiahye. Sa yeye tiquirore
Jesu caharū cū duaye, wūhūṗū yo sajā
duamahye tiquina tiquirore. ¹⁹ Sa sajā
duepeta masa peyequina ijigū tiquina
tiquirore yo sajā masiedahye. Sa yeye
tiquirore wūhū buipū yo mājahye. Yo
māja sa, mehenogā pōo we, ti copeṗū tini
masieniquirore tiquiro cuñari cahsero
mehna duhu dijioahye Jesu caharū
ijiyequina watoa. ²⁰ “Jesu ahriquiore
tiquiro dohatiyere yūhdūgū yerota”, ni
tūhotuahye tiquina. Tiquina sa ni tūhotugū
masino Cohācjūre tiquina wacū tutuayere
masino, Jesu tini masieniquirore ohō saha
ni yahuahye:

—Yuhū acayū, mūhū ñañe yeyere yuhū
cohā tuhasaū, niahye Jesu tiquirore.

²¹ Tiquiro sa nigū tūhoye fariseo masa, ju-
dio masare buheyequina gūhū tiquina basi
ohō saha ni tūhotumahye: “Ahriquiore sa ni
yahuducueracāhdo. Masūno mari yero saha
ijiro, tiquiro ñañe yeyere cohā masiedare.
Cohācjū dihita masa tiquina ñañe yeyere
cohā masine”, ni, tūhotumahye tiquina.

²² Jesu tiquina tūhotuyere masino, ohō
saha niahye:

—¿Dūhse yena sa ni tūhotuajari mūsa?

²³ “Mūhū ñañe yeyere yuhū cohā tuhasaja”,
yuhū nigū, “Ni mehogū ijire”, yuhūre
nine mūsa quehnoano masiedapenata.
“Wahcādūca wahaya”, yuhū nigū tiquiro
tinigū ihñāna yuhū nidi poto ijigū duita
masinata. ²⁴ Yuhū masū Cohācjū ohorigū
ahri yehṗarū ñañe yeyere cohā masiaja
yuhū. Masa tiquina ñañe yeyere cohācjūre
cūri Cohācjū yuhūre. Yuhū sa cohārire mūsa
masiato saha ohō saha ye ihñoutja mūsa
ihñatire, niahye Jesu.

Sa ni tuhasa tini masieniquirore ohō saha
niahye:

—Mūhūre niita niaja. Wahcādūcaya.
Mūhū cuñari cahserore ne cāhñā mūhū ya
wūhūṗū, niahye tiquirore.

²⁵ Tiquiro sa nigū tūhorota ijipihtyequina
tiquina ihñonopū wahcādūca, tiquiro cuñari
cahserore ne, tiquiro ya wūhūṗū tojoa
wahahye. Sa waharo tiquiro Cohācjūre
ño peoro, bucueye mehna quehnoano
yahuducuahye. ²⁶ Tiquiro sa yegū ihñāne
masa pehe ijipihtyequina ihñā maria
wahahye. Tiquina ihñā maria waha,
Cohācjūre ño peoye, bucueye mehna
quehnoano yahuducuahye:

—Miare sijoro saha ijiyere ihñānū mari, ni-
ahye tiquina.

Jesu Levire pijiahye

(Mt 9.9-13; Mr 2.13-17)

²⁷ Sa ye tuhasa waha, Levī wame
tiriquiore tiquiro dahrari tucūṗū
ijiriquiore boca sahye Jesu. Levī pehe

puhtoa ye ijiatire masare wapa ne cohteriquero ijiahye. Sa boca saro tiqirore ohō saha niahye:

–Yuhū mehna cĵū ijiacĵū ahtaya, niahye tiqiro Levire.

²⁸ Tiquiro sa nigū Levī pehe ijipihitiye tiqiro dahrayere duhu cā, Jesu mehna wahaa wahahye.

²⁹ Came Levī ya wuhupū Jesu ya bose deco yeye niahye. Topū peyequina wapa ne cohteyequina, apequina Levī gāhū mehna dujiahye. ³⁰ Tiquina mehna Jesu gāhū dujigū ihñāne meheñequinagā fariseo masa, judio masare buheyequina mehna usua, Jesu buheyequinare sinituahye.

–¿Dahsena ñano yeyequina, wapa ne cohteyequina mehna ihyajari mūsa? ni tuhtiahye tiquina.

³¹ Tiquina sa nigū tuhoro Jesu yuhtiahye tiquinare. Ohō saha ni queoye mehna buheahye:

–Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire.

³² Sa yegū ñañequina dihitare tiquina ñañene bujua witi dutigū, quehnoañe pehere comesagū yegū tuū nii yuhū. Tiquina basi “Quehnoana ijiaja usā”, ni tuhotuyequinare yedohogū ahtaerū yuhū, niahye Jesu.

Sijiyere Jesure sinituahye apequina
(Mt 9.14-17; Mr 2.18-22)

³³ Sa yeye meheñequinagā masa Jesure ohō saha ni sinituahye:

–Ñū buheyequina peye tahari Cohācjāre ño peoye tehe, sijire. Sa yeye, tiquina peye tahari Cohācjāre sinine. Fariseo buheyequina gāhū tiquina yero saha yere. Tiquina sa yepegūta mahū buheyequina pehe ihya, sihñine. Sa ye Cohācjāre ño peoye tehe, sijierare. ¿Dahse yeye sa yerajari tiquina? niahye tiquina Jesure.

³⁴ Tiquina sa nigū Jesu tiqiro tuhotuyequina mehna quiti dahre buhero taro tiquinare ohō saha ni yuhtiahye:

–Ohō saha ijire ti: Omoca duhteropū tiquina pijioriquina omoca duhteriquiro mehna ijiye, siji masiedare. Sata yuhū buheyequina gāhū yuhū mehna ijiye, siji masiedare. Yuhū omoca duhteriquiro yero saha ijiaja. Omoca duhteriquiro bose deco tiqiro yegū tiqiro mehna cĵēna ihyeyequina ijiarare. ³⁵ Yuhū Pacū Cohācjū yuhare tiqiro nedi bato pūritare yuhū buheyequina mehna ijisi yuhū. Sa yeye ti pjerpata yuhū buheyequina gāhū sijieta, niahye Jesu.

³⁶ Panopū cĵē buheye wahma buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

–Ne wahma suhtirore meheni cahserogā tuhrē ne, mūna suhtirore sere ohōno

cahmedare. Mari sa sere ohōna wahma cahserore tuhrē cohāna niaja. Sa yero wahma cahsero mūna suhtiro mehna ihcāno saha bajuerare. ³⁷ Sa yena ne uhse co bisiye core wahiuro cahero ajuropure mūna ajuropure pose yero cahmedare. Sa yegū uhse co bisiye pahmuñerū mūna ajurore tuhrē cāhre. Sa tuhnūgū uhse co gāhū, ajuro gāhū cohāa wahare. ³⁸ Sa yena uhse co wahma core wahma ajurore pose yero cahmene. (Sata wahma buheye mūna buheye mehna buhe moredaro cahmene.) ³⁹ Mūna core masa tiquina sihñidi bato, wahma core cahmedare tiquina. Ohō saha nine masa. “Mūna co wahma co bui cĵūnogā quehnoañe ijire”, nine masa, niahye Jesu tiquinare.

6

Judio masa tiquina sori decore trigore peheahye Jesu buheyequina

(Mt 12.1-8; Mr 2.23-28)

¹ Ape deco saurū ijigū Jesu gāhū trigo wesepū esahye. Topū esa, tiqiro buheyequina pehe trigo parorire pehe, ti pjerire sahquē site dijio, ti pjerire ihya cā wahaa wahahye tiquina. ² Tiquina sa yegū ihñāne meheñequinagā fariseo masa tiquinare sinituahye:

–¿Dahse yena mūsa saurū mari sori deco ijiepegūta Cohācjū tiqiro dutierari decore dahrajari mūsa? niahye fariseo masa.

Tiquina sa nigū tuhoro Jesu tiquinare yuhtiahye “Yuhū buheyequina yuhduñucaye niedare”, nino taro:

³⁻⁴ –Davi mūnano tiqiro mehna cĵēna mehna ujua ahbaro, Cohācjū wuhupū saĵā, Cohācjū ye pāre ihyahye. Sa ihyaro tiqiro mehna cĵēna gāhure ti pāre ihya dutiro ohoahye. Ti pāre pahia dihita ihyae tiahye. Cohācjū dutiye ti pāre apequinare ihya dutierare. ¿Davi mūnano tire tiqiro yerire buherari mūsa? (Ti pāre ihyaro Cohācjūre yuhduñucaro niedahye. Miare ahri pjerire ihyaye yuhū buheyequina gāhū Cohācjūre yuhduñucaye niedare.) ⁵ Yuhū masū Cohācjū ohorigū ahri deco saurū decore masa tiquina yeatire yahugū ijigū puhto ijiaja, niahye Jesu.

Omoca buhariquiro quiti

(Mt 12.9-14; Mr 3.1-6)

⁶ Ape deco saurū ijigū Jesu judio masa tiquina buheri wuhupū saĵā saro, buheahye masare. Topū omoca poto pehe buhariquiro ijahye. ⁷ Meheñequinagā judio masare buheyequina, fariseo masa gāhū Jesure yahusā duamahye. “Saurū decore masunore dohatiyere yuhduñoaga Jesu”, ni, ihñā mūna yahusā duamahye tiquina Jesure. ⁸ Jesu tiquina tuhotuyere masino, omoca buhariquirore ohō saha niahye:

—Wahcāducaya. Ohōp̄ ahtaya, niahye tiquiuro.

Tiquiuro sa nidi bato omoca buhariquiuro pehe wahcāduca, top̄ ducuahye. ⁹ Sa yero Jesu tiquinare sinituahye.

—M̄sare sinitutja: ¿Saurú ijigū yabere ye dutiajari Cohācjū dutiye? ¿Quehnoañene yegū quehnoaedajari? ¿Ñañene yegū pehere quehnoaboagari, m̄sa t̄hotugū? Saurú ijigū mas̄nore masogū quehnoarīne. Saurú ijigū mas̄nore wejēgū pehere quehnoaedare. Ñarīne, niahye Jesu tiquinare.

¹⁰ Sa nino Jesu tiquinare ijipihtiyequinare ihñadoqueo, omoca buhariquiurore ohō saha niahye tja:

—M̄h̄n̄ omocare siō potoya, niahye tiquiuro.

Tiquiuro sa nigūta omoca buhariquiuro pehe siō potogūta, omoca quehnoa wahahye. ¹¹ Tiquiuro sa yegū ihñañe tiquina tiquiuro mehna tutuaro usuahye.

—¿D̄h̄se yenatari mari ahriquiurore? ni-haye tiquina basi.

Jesu tiquiuro buheyequinare docere tiquiuro ohoatiquinare bese docoahye
(Mt 10.1-4; Mr 3.13-19)

¹² Ti decorire Jesu c̄n̄p̄ Cohācj̄re sinino m̄jaa wahahye. Top̄ ijiro, ñamine Cohācj̄ mehna yahuducu bohreahye.

¹³ Bohrearop̄ tiquiuro buheyequinare tiquiuro cahap̄ pijioahye. Pijio tuhasa, tiquina mehna cj̄nare doce waro tiquiuro ohoatiquinare bese docoahye. Sa ye tiquiuro cūriquina wame tiahye. ¹⁴⁻¹⁵ Ahriquina ijiahye Jesu tiquiuro bese docoriquina: Simo ijiahye. Simore Pedro ni pisuahye Jesu pehe. Simo bah̄ro Andre, Santiago, Ñu, Felipe, Bartolomé, Mateo, Tomasu, Santiago ijiahye. Santiago pehe Alfeo mac̄no ijiahye. Sa ye Simo celote ya curua cj̄no ijimediquiro, ¹⁶ Juda Santiago bah̄ro, Juda Iscariote tiquina ijiahye tiquiuro bese docoriquina. Juda Iscariote pehe Jesure ihñā tuhtiyequinare ihñoatiquiuro ijiahye.

Jesu peyequina masare buheahye
(Mt 4.23-25)

¹⁷ Sa ye Jesu tiquiuro buheyequina mehna c̄n̄p̄ buip̄ ijiriquina dijia taye, peyequina arequina tiquiuro buheyequina mehna dijia wihid̄ca, quehnoari paap̄ ducuahye tiquina. Ijip̄h̄t̄rop̄ Judea yehpar̄ ijie macari cj̄na, Jerusalē cj̄na, Tiro wame tiri maca cj̄na, Sidō wame tiri maca cj̄na pajiri ma d̄ht̄ cahap̄ ijie macari cj̄na masa peyequina tiquiuro cahap̄ wihiahye. ¹⁸ Tiquina Jesu buheyere t̄hoye tehe, tiquina dohatiyere cohāgū cahmeahye. Wat̄ia c̄oyequina ḡh̄u tiquiuro cahap̄ wihi, quehnoa wahahye. ¹⁹ Jesu tiquiuro tutuaye

mehna yuhd̄gū yeahye tiquinare. Sa ye tiquina ijip̄h̄tiyequina tiquiurore dahra tuhuye ahtahye.

Jesu bucueye, bujua witiye ḡh̄ure buheahye
(Mt 5.1-12)

²⁰ Came Jesu tiquiuro buheyequinare ihñā, yahuahye:

—M̄sa pejec̄ona, (m̄sa ñañene bujua witina), Cohācj̄ tiquiuro puhtoro ijir̄op̄ wahanata m̄sa. Sa yena m̄sa bucuenata.

²¹ 'Yojoip̄re m̄sa uja ahbana, yapina ijinata. Sa yena bucuenata.

'Yojoip̄ utina ijina, came m̄sa buj̄anata. Sa yena m̄sa bucuenata.

²² 'Yuh̄ mas̄ Cohācj̄ ohorigū ijiaja. Sa yena yeere yena m̄sa ijiri buhiri arequina m̄sare tiquina ihñā tuhtiepegūta bucuena ijire m̄sa. M̄sare tiquina cohāep̄gūta bucuenata. M̄sare tiquina ñano yahuducuepegūta "Ñana ijire", m̄sare tiquina niepegūta m̄sa pehe bucuenata. ²³ M̄sare tiquina sa yegū ihñano uhm̄sepe m̄sa esagū pajiro quehnoano yerota Cohācj̄ m̄sare. Sa yena tutuaro bucuena ijiaja. Quehnoano jeripohna tina ijiaja. M̄sare ihñā tuhtiyequina tiquina acaye panop̄ cj̄na sata ñano yeahye Cohācj̄ yere yahu m̄htariquina ḡh̄ure.

²⁴ 'Sa yena m̄sa yojoip̄ peye c̄ona ahri yehpar̄ m̄sa quehnoano iji cā tuhasari. Sa yena ñano yuhd̄na ijinata m̄sa.

²⁵ 'Yojoip̄ yapina m̄sa uja ahbanata. M̄sa sa ijirina ñano yuhd̄nata.

'Yojoip̄re m̄sa buj̄rina ijina camep̄re utinata. Sa yena ñano yuhd̄nata.

²⁶ ' "Cohācj̄ yere yahu m̄htana ijiaja", ni mehoñequinare "Quehnoañequina ijire", nimahye peyequina panop̄ cj̄na. Sa nimeidiquina tiquina acaye yojoip̄ cj̄na ḡh̄u sata "Quehnoañequina ijire", niboaga ihquēquina m̄sa mehna cj̄nare. Tiquina sa ninohrina m̄sa ijina ñano yuhd̄nata m̄sa ḡh̄u, ni buheahye Jesu.

M̄sare ihñā tuhtiyequina tiquina ijiepegūta tiquina ḡh̄ure cahñā
(Mt 5.38-48; 7.12)

²⁷ Sa yero ohō saha ni buhe nemoahye Jesu:

—Yuh̄re tuho duanare, m̄sareta nigū niaja. M̄sare ihñā tuhtiyequina tiquina ijiepegūta tiquina ḡh̄ure cahñā. M̄sare ihñā tuhtiyequinare quehnoano yeya. ²⁸ M̄sare "Ñano yuhd̄ahro", niñequina tiquina ijiepegūta quehnoa dutiya tiquinare. M̄sare ñano yeyequina tiquina ijiepegūta "Tiquina ḡh̄u quehnoano ijiahro", ni sini basaya Cohācj̄re. ²⁹ Ihc̄aquiuro m̄sa wahsupure tiquiuro quēgū, ape sie ḡh̄ure quē dutiya tiquiurore. M̄sa bui cj̄ suht̄iurore tiquiuro ehmagū m̄sa camisa

gāhure sa oho cāhña tiqirore. ³⁰ Musare sinidiquirore tiqiro sinino punota ohoya tiqirore. Musa yere tiqiro negū tiqirore sinituera cāhña pari turi tire. ³¹ Apequina musare tiqina quehnoano yegū cahmene musa. Tiqinare musa quehnoano yegū cahmeno saha quehnoano yeya tiqina gāhure. Tiqina quehnoano yerapegūta musa pehe tiqinare quehnoano yeya.

³² Musare cahñequina dihitarare musa cahñgū ti ne dahseati ijierare apequina pehere musa cahñedagū. Ñañequina gāhu sata yere. ³³ Sa yena musare quehnoano yeyequina dihitarare musa quehnoano yegū ti gāhu ne dahseati ijierare apequina pehere musa quehnoano yeragū. Tire ñañequina gāhu yere. ³⁴ Sa yero “Yuhare wiaya tire”, musa ñañequina dihitarare musa wasogū ne ti dahseati ijierare. Ñañequina gāhu apequinare “Yuhare wiaya tire”, tiqina ñañequinare wasore. ³⁵ Sa yena musa pehe musare ihña tuhtiyequina gāhure cahñña. Sa yena tiqinare quehnoano yeya. Apequirore wasona “Yuhare ne wiasi ahriquiro”, ni tuhotuenata tiqirore wasoya. Cohācjū pehe tiqirore “Quehnoare”, ñañequina gāhure, ñañequina gāhure quehnoano yere. Tiqiro yero saha yeya musa gāhu. Musa sa yegū Cohācjū tutuaro quehnoano yerota musare. Sa yena Cohācjū tutua yuhduariquiro uhmuse cjāno pohna ijinata. ³⁶ Mari Pacu uhmuse cjāno tiqiro paja ihñariro sahata musa gāhu masare paja ihñña, ni yahuahye Jesu.

Apequina gāhure “Ñañequina ijire”, niedacāhña

(Mt 7.1-5)

³⁷ Sa yero tiqinare yahu nemoahye:

—Apequinare “Ñañequina ijire”, niedacāhña musa. Musa sa niedagū Cohācjū musa gāhure “Nana ijire”, nisi. Apequina musare tiqina ñano yerire tiqina ñano nidi gāhure boya musa. Musa sa bogū ihñano Cohācjū musa gāhure musa ñañe yerire borota. ³⁸ Apee borore cūona apequinare ohoya. Musa sa ohogū Cohācjū gāhu musare ohorota. Sa ohoro quehnoano queoro musare pajiro ohorota. Quehnoano wahpa yuhduro ohorota. Apequinare musa ohoriro punota Cohācjū gāhu musa gāhure ohorota, niahye Jesu tiqinare.

³⁹ Sa ni tuhasa Jesu quti mehna buhero ohō saha ni yahu nemoahye:

—Caperi bajueyequina sehsaro tiqina basi quehnoano tuā cā masiedare. Sa tuā cāñe, tiqina puaropu bora maa sajāa wahaeta coperu. (Sata Cohācjū yere masieñequina apequinare buhe masiedare. Sa ye tiqina ijipihtiyequina pecapu wahaeta.) ⁴⁰ Buheyequina tiqinare buheriquirore masi yuhducaerare.

Sa ijiepetā ijipihtiyequina buheyequina tiqina quehnoano buhe pehori bato tiqinare buheriquiro yero saha ijietā, niahye Jesu.

⁴¹ Sa ni tuhasa apeye quti mehna yahu nemoahye:

—Mari queoye mehna buhegū ohō saha yena ijire musa: Musa acayaro tiqiro capeapu meheni pohcarogā tiqirore bora sajāgū ti pohcarogāre quehnoano ihñare musa. Musa ya capeapu pajiri pñi ijiepegūta ti pñine ne ihñedare musa. Meheni pohcarogāre musa ihñano saha musa acayaro tiqiro ñano yeye pehere quehnoano ihñare musa. Musa basi musa ñañene tutuaro yepinata tire masiedare musa pajiri pñine musa ihñedaro sahata. ¿Dahse yena sa yeajari musa? ⁴² Ohō saha nina yero saha ijire musa: “Yuhā acayū, ñañene yegū nine muhu. Sa yegū tire duhuya”, nina yero saha ijire musa. Sa nina ijiepenata pajiro ñañene yere musa pehe. ¿Dahse yena musa ñañene yepinata tire masiedari musa? Masa ihñono dihita quehnoano iji mehona ijire musa sa yena. Pajiri pñine musa capeapu ijiri pñine musa ne muhtaboriro saha musa ñano yeye pehere duhu muhtaña. Musa sa yeri bato musa acayaro tiqiro ñano yeyere duhgū ye masiboaga meheni pohcarogāre musa neboriro saha, ni buheahye Jesu.

Masa yahuducuyere tuhona tiqina ijie tiyere masiaja mari

(Mt 7.17-20; 12.34-35)

⁴³ Sa yero queoye mehna buhero ohō saha ni yahu nemoahye tiqinare:

—Quehnoadu yucagu ñañene duca tierare. Sa yero ñadu quehnoañene duca tierare. ⁴⁴ Yucu ducare masina ture masine musa. Potagu higuera pacare duca tierare. Sa yero pota bucagu uhse tōhorine duca tierare. ⁴⁵ Sata ijire masa gāhu. Quehnoariquiro tiqiro tuhotuyepu quehnoañe ijire. Sa yero tiqiro quehnoañene yere quehnoadu quehnoañene duca tiro saha. Ñariquiro tiqiro tuhotuyepure ñañe ijire. Sa yero tiqiro ñañene yere ñadu ñañene duca tiro saha. Mari tuhotuyepu marine ti ijiro saha yahuducuaaja mari, ni yahuahye Jesu.

Pna wñhu yeyequina quitire yahuahye Jesu

(Mt 7.24-27)

⁴⁶ Sa yero tiqinare yahu nemoahye:

—Musa yuhare “Puhto”, nine. Sa niepenata yuhū dutiye pehere yerare musa. ¿Dahse ijiro boro sa yerajari? ⁴⁷ Ijipihtiyequina yuhare cahmeñequina yuhū yahuwere tuhore. Sa yeye yuhū dutiyere yuhducaerare. Ohō sahata ijire yuhare yuhducaeyequina: ⁴⁸ Wñhu dahreriquiro yero saha ijire tiqina. Tiqiro ahcñañe coperire sehe, wñhure

doco ducare. Ti wahu quehnoano tiqiro yeri wahu ijiro dia minigū tutuaro aco tutuepegāta ti wahu quehnoano tojoare. ⁴⁹ Sa yeye yahu dutiyere tuhōepeta yuhduducayequina pehe wuhare quehnoano yerariqiro yero saha ijire. Ti wuhare buigā doco, quehnoano ye ducare. Tiquiro sa yeri wahu ijiro dia minigū aco tutuagū duita ti wahu cohō bagna wahare. Sa yero ti wahu tutuaro bora quehea wahare, niahye Jesu.

7

Surara puhtoro cahacjanore tiqiro dohatigū Jesu yuhduoahye tiqirore
(Mt 8.5-13)

¹ Ti quitire masare yahu tuhasa Jesu gāhu Capernaum esahye. ² Tom ijiriqiro cien surara puhtoro tiqiro cahacjanore tutuaro cahāhye. Tiquiro cahacjano pehe tutuaro dohati, yariarom niahye. ³ Sa yero Jesu yeyere tuhoro, judio masa buncanare Jesu cahapu ohoahye puhtoro pehe.

—Dohatiriqirore yuhduogū ahtaya, ni, yahu dutiro buncanare ohoahye puhtoro.

⁴ Tiquina Jesu cahapu esa, ohō saha ni tutuaro mehna yahuahye tiqirore:

—Surara puhtoro usāre ohori. Tiquiro cahacjanore dohatiriqirore yuhdugū cahmedi tiqiro. Tiquiro puhtoro pehe quehnoariqiro ijire. Tiquiro sa ijigū yedohoya tiqirore. ⁵ Mari ya maca cjēnare tiqiro cahine. Sa yero tiqiro usā buheri wuhare tiquina yeri wapare wapa yere, niahye buncana Jesure.

⁶ Tiquina sa ni yahugū tuhoro Jesu pehe tiquina mehna wahahye. Surara puhtoro ya wahu cahagāpu tiqiro esagū puhtoro pehe tiqiro mehna cjēnare Jesure ohō saha ni yahu dutiro ohoahye:

—Puhto, quehnoanota. Ahtaeracāhña. Quehnoagu ijieraja yahu. Ya wuhapu mūhare sajā ta dutibogu ijieraja yahu. ⁷ Sa yegu mahu cahapu wahaeraja. Yahu sa ijiepegāta mahu masife mehna yuhdu dutiya mahu tiqirore. Mahu sa yegū yahu cahacjano quehnoanota. ⁸ Yuhare yahu bui ijieyequina apequina puhto dutire. Sa yegu yahu gāhu surarare dutiaja. Ihcāqirore “Wahaya”, yahu nigū tiqiro wahare. Apeqirore “Ahtaya”, yahu nigū tiqiro ahtare. Yahu cahacjanore “Ahrire yeya”, yahu nigū tire tiqiro yere. Mahu gāhu dutiguta ijire. Sa yero mahu dutiro saha tiqiro dohatiriqiro yuhdurota, ni yahu dutiahye surara puhtoro.

⁹ Tiquiro sa nigū tuo maria waharo, peyequina masa tiqiro mehna ijieyequinare majaredaca sa, yahuahye:

—Musare niita niaja. Tiquiro surara puhtoro Israe masuno ijieriqiro Cohācjäre

tutuaro wacū tutuare. Tiquiro cahacjanore yahu yuhdugū yeatire masi tuhasare. Israe masare ne ahriqiro yero saha ijieyequinare ihñeda tiru yahu, niahye Jesu.

¹⁰ Tiquiro sa nidi bato surara puhtoro Jesu cahapu tiqiro ohoriqina tiquina puhtoro ya wuhapu tojoa wahahye. Tojoa sa dohatiriqiro yuhdariqirore ihñahye tiquina.

Jesu wape wihoro macanore masoahye

¹¹ Came cjūnogā Nai wame tiri macapu Jesu tiqiro buheyequina mehna peyequina masa mehna wahahye. ¹² Ti macare sajāri sopecaha cahapu tiqiro esagū yariariqirore masa ne wijia taye niahye. Yariariqiro pacoro wape wihoro ijiahye. Ihcāqirota ijiriqiro yariahye. Sa ye to cjēna masa peyequina ticoro mehna wahahye. ¹³ Tiquina sa wahagū ihñano Jesu ticorore paja ihñahye.

—Utieracāhña, niahye Jesu ticorore.

¹⁴ Sa nino yariariqiro tiqiro masa putire ña peoahye. Tiquiro sa ña peogū ihñañe ti putire wuayequina pehe esadacahye.

—Macu, yahu mūhare ohō saha niaja. Wahcā nujuña, niahye Jesu.

¹⁵ Tiquiro sa nidi bato yariariqiro manano wahcā nuju, yahuducuahye. Sa yero Jesu tiqirore tiqiro pacorore wiahye. ¹⁶ Tiquiro sa yegū ihñañe tiquina ijiphiyequina cuea wahahye. Sa yeye tiquina Cohācjäre ño peo, ohō saha niahye:

—Cohācjäre yere yahu mūhariqiro masi yuhdariqiro yojorū pūritare mari watoa ijire, niahye tiquina.

—Cohācjäre marine tiqiro yequinare yedohoro wihi tuhasare, niahye apequina.

¹⁷ Sa yeye ijiphiyequina Judea yehpa cjēnare ti yehpa duhtu cahapu ijie macari cjēnare Jesu yerire masa yahu site pehoahye.

Ñu wame yeriqiro tiqiro buheyequinare Jesure sinitu dutiahye

(Mt 11.2-19)

¹⁸ Sa ye Jesu yerire ihñañe Ñure yahuahye tiqiro buheyequina. Sa tiquina yahugū tuhoro puarore tiqiro cahapu pijio, ¹⁹ Jesure sinitu dutiro ohoahye Ñu. Ohō saha ni sinitu dutiahye:

—¿Ñu “Yahu bato apeqiro ahtarota”, tiqiro nidiguta ijajari mahu? ¿Tiquiro nidigū mahu ijieragū apeqirore cohtenatari usā? ni sinitu dutiahye Ñu puaro tiqiro buheyequinare.

²⁰ Sa ye tiquina Jesu cahapu esa, sinitu-ahye tiqirore:

—Ñu wame yeriqiro mūhare sinitu dutiro ohori usāre. ¿Ñu “Yahu bato apeqiro ahtarota”, tiqiro nidiguta ijajari mahu?

¿Tiquiro nidigü mähü ijieragü apeqüirore cohtenatari usä? ni sinituahye tiquina Jesure.

²¹ Ti pjeta peyequina dohatieyequinare, wafia cüoyequinare, caperi bajueyequinare yuhdagü yeahye Jesu. ²² Sa yero Ñu ohoriquinare Jesu yuhtiahye:

—Yojoüre masa ihñaire masa tühore Ñure yahuna wahaya: Ohö saha niña: “Caperi bajueyequina ihñare. Tini masieñequina tinine. Cami ahbariquina quehnoa wahare. Tühoreariquina tühoo wahare. Yariariquina masaa wahare. Tiquina ijipihtieyequinare quehnoa wahagü yei yuhü. Sa yegü pejecüoyequinare quehnoañe buheyere yahuaja. ²³ Yuhäre tühoriquire ‘Poto ijire’, nidiquiro tiquiro bucueriquiro ijire”, Ñure ni yahuna wahaya, niahye Jesu.

²⁴ Ñu buheyequina tiquina wahari bato Jesu pehe Ñu tiquiro ijieye tiyere yahu ducahye peyequina masare:

—Masa marienopü esana, taare wihnono wëdoqueo mujagü ihñana eserari masa. ²⁵ “Quehnoañe suhti sañariquire ihñana wahañna”, niedari masa masa marienopü wahana. Quehnoañe suhti sañañequina wapa bujuyere cüoyequina puhtoä ye wuhüserü ijire. Masa marienopü ijierare. ²⁶ Masa marienopü esana Cohäcjö yere yahu mühtariquire ihñana esari masa. Ijirota ijire. Ñu Cohäcjö yere yahu mühtariquire ijire. Apequina Cohäcjö yere yahu mühtariquina yuhduoro ijiriquiro ijire tiquiro pehe. ²⁷ Panopü Cohäcjö yere tiquina ojoari pürü Ñure ohö saha ni yahuahye:

Mari Pacü tiquiro macünoe ohö saha niahye: “Mähü pano mühare yahuyuatiquire ohogutja. Mähü wihiatore quehnoyurota tiquiro”, niahye Cohäcjö, ni ojoahye panopüre Ñure.

²⁸ Müsare poto niita niaja. Apequina masa ijipihtieyequina bui ijire Ñu. Ahri decoripüre tiquiro sa ijiepegüta Cohäcjö tiquiro puhtoro ijiropüre ijipihtieyequina docapü ijiriquiro pürüta Ñu bui ijire, niahye Jesu masare.

²⁹ Tiquiro sa nigü tühoye ijipihtieyequina masa, wapa ne cohtieyequina mehna Ñu tiquiro wame yenohriquina ijieye ohö saha ni tühotuahye Cohäcjö. “Cohäcjö poto yeriquiro ijire”, ni tühotuahye tiquina. ³⁰ Fariseo masa pehe, judio masare buheyequina gühü Ñu wame yenohriquina iji duerahye. Sa ye tiquinare Cohäcjö yequina tiquiro ye duagü cahmedahye tiquina.

³¹ Sa yero Jesu pari turi yahuahye:

—¿Yojoüre cjëna masa disequina yero saha ijiajari tiquina, masa tühotugü? ³² Tiquina

macanagä yero saha ijire. Apequina tiquina cahmeno saha yeragü bucuere tiquinagä. Doeri cjë duaropü apepe dujiye, ohö saha ni pisuducure tiquinagä basi: “Musa basatire usä putipemü. ¿Dühsena masa basaerari usä putipegü? Usä tutuaro ñehe quea utipe, sañuducumi. ¿Musa pehe dühsena usä mehna utiperari?” niducueyequina yero sahata ijire yojoüre cjëna gühü. Yojoüre cjëna tiquina cahmeno saha usä yeragü ihñañe bucuere tiquina gühü. ³³ Ñu wame yeriquiro Cohäcjöre ño peoro taro siji, vinore sihnedare. Tiquiro sa sihnedagü ihñana, “Watñore cüore. Sa yero tüh masieniquiro ijire”, nimesi masa tiquirore. ³⁴ Yuhü masü Cohäcjö ohorigü ijigü, yuhü ihya sihniaja. Yuhü sa yegü ihñana ohö saha nine masa yuhü pehere. “Ihñaña. Ahriquire pajiro ihyariquire, queheriquiro ijire. Wapa ne cohtieyequina, ñano ye yequequina gühü tiquina mehna piti tiriquire ijire tiquiro”, nine masa yuhäre. Sa nina macanagä yero saha yahuducuna ijire masa. Musa cahmeno saha usä yeragü bucuere masa. ³⁵ Sa masiedapenata usä ye ihñore ihñana, Cohäcjö yere usä masigü masinata masa, ni yahuahye Jesu.

Simo wame tiriquire fariseo masüno ya wuhüpü ijiahye Jesu

³⁶ Fariseo masüno tiquiro ya wuhüpü ihya dutiro pijiahye Jesure. Tiquiro sa pijigü Jesu tiquiro ya wuhüpü esa, tiquina ihyari mesa cahapü nuju sahye. ³⁷⁻³⁸ Ti macapüre ñañe yericoro ijiahye. Jesu fariseo masüno ya wuhüpü tiquiro dujigü ticoro tühoohye. Sa tühoro alabastro mehna yeriare ehme sitiye pose tiriare ne cähta, Jesu behero pehepü wihiduca, utiahye. Sa utiro, Jesu dahpocäre ticoro yahco co mehna weo, ticoro poari mehna wüoahye. Tiquiro dahpocäre wüagü ihñano ticoro tiquiro dahpocäre ihmi, ehme sitiye mehna pio peoahye. ³⁹ Ticoro sa yegü ihñano fariseo masüno Jesure pijiriquiro tiquiro basi ohö saha ni tühotumahye: “Ahricoro tiquirore ñehe tuhuricoro ñañe yericoro ijire. Ahriquire Jesu Cohäcjö yere yahu mühtariquire ijiro tire masiboaga”, ni, tühotumahye. ⁴⁰ Tiquiro sa ni tühotuyere masino Jesu yahuahye tiquirore:

—Simo, yojoüre püritare mühare yahu duaja, niahye Jesu.

—¿Buegü, yuhäre dühse ni yahu duajari mühü? niahye Simo.

⁴¹ Tiquiro sa nigü Jesu ohö saha ni queoye mehna buhe yahuahye:

—Puhtorore puaro wapamöñequina ijiahye. Ihcäquire wapamoriquire quinientos niñeru cjoerire wapamöñe. Apequire pehe cincuenta niñeru cjoerire wapamöñe. ⁴² Sa ye tire tiquina wapa

ye masiedagā ihñano tiqiro tiquina wapamofene wapa ye dutierahye. ¿Yojorū pūritare diquiro pehe wapamoriqiro tiqiro pūhtorore cahī yahdūrotari? ni sinituahye Jesu.

⁴³ Simo yahťiahye:

—Ōbah, pajiro wapamoriqiro mehenogā wapamoriqiro yahdūoro tiqiro pūhtorore cahīboaga, niahye Simo.

—Poto yahťiri mūhū yahūre, niahye Jesu.

⁴⁴ Sa ni tuhasa tiqirore pio peoricorore majare ihña, Jesu Simore yahu nemoahye:

—Ahricorore ihñaña mūhū. Mūhū ya wūhūpū yahū sajā wihiri bato yahū dahpocārine coseati acore yahūre ohoerari mūhū. Ahricoro pehe ticoro yahco co mehna yahū dahpocārine weo, ticoro poari mehna wūori yahūre. ⁴⁵ Mūhū pehe yahūre ehme sitye mehna pio peori. ⁴⁷ Sa nigū mūhūreta yahugata niaja. Ahricoro ticoro ñañe yepe ye yahdūaye ijire. Sa ijieperota ticoro tutuaro cahīne yahūre. Sa yegū ticoro ñañene bou. Sa yepe tiquina ñañene mehenogā yahū bonohriquina mehenogā cahīne yahūre, niahye Jesu Simore.

⁴⁸ Sa ni tuhasa tiqirore ticorore yahuahye: —Yojorū pūritare mūhū ñañe yeyere bou, niahye Jesu.

⁴⁹ Tiquiro sa nigū tuhoye Jesu mehna dujiyequina tiquina basi ohō saha ni yahuducahye:

—Ahriquiro potota ñañe yeyere boriqiro ijire. ¿Dahse ijiriquiro boro ijijari ahriquiro ñañene boriqiro? niahye tiquina basi.

⁵⁰ Sa yero Jesu numinore ohō saha ni yahuahye:

—Yūhūre mūhū wacū tutuagū mūhūre pecarū wahaborigore yahdūoaja. Cuero marieno mūhū ya wūhūpū tojoa wahaya, niahye Jesu ticorore.

8

Numia Jesure yedohoahye

¹ Came būjūye macaripū, daye macarigāpū gūhūre esa, Cohācjū tiqiro pūhtoro ijiyere quehnoañe buheyere yahuahye Jesu. Doce tiqiro buheyequina pehe tiqiro mehna ijiahye. ² Sa ye numia gūhū watīa cuomediquina numia, dohatimediquina numia Jesu quehnoa wahagū tiqiro yeriquina numia tiqiro mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete watīare Jesu cohāhye to pano. Sa yero ticoro gūhū Jesu mehna tiniahye. ³ Chuza wame tiriquiro Herodere

yedohomediquiro namono Juana gūhū Jesu mehna tiniahye. Susana wame tiricoro gūhū apequina numia mehna peyequina tiquina cuoye mehna Jesu gūhūre yedohoahye.

Jesu oteriquiro quitire yahuahye

(Mt 13.1-9; Mr 4.1-9)

⁴ Sa ye peye macari cjēna Jesu cahapū cahmecoahye. Tiquina sa cahmecoari bato Jesu tiqiro tuhotyey mehna queoye mehna tiquinare yahuahye buhero taro:

⁵ —Oteriquiro otero wahahye. Tiquiro sa otegū apeye pjeri maha dahťū cahapū bora quehe sahye. Sa yepe ti pjerire masa cūhta diho cūhaye. Sa ye minicjūa pari pehe ti pjerire ihyahye. ⁶ Sa ye apeye pjeri utā paca watoa bora quehe sahye. Topū yehpāpū aco mariedahye. Sa ye ti pjeri piñni wahcādūca ñaia wahahye. ⁷ Apeye pjeri taa watoa bora quehe sahye. Taa pehe ti oteye mehna piñniahye. Taa pehe dia yahdūa waha, oteyere wejēahye. ⁸ Apeye pjeri quehnoari yehpāpū bora quehe sahye. Quehnoano piñni, dāca tiahye. Sa ye peye dāca tiahye, niahye Jesu.

Sa ni tuhasa ohō saha tutuaro ni nemoahye:

—Ahrire quehnoano tuhoya masa, niahye tiqiro.

Jesu queoye mehna tiqiro buherire yahuahye

(Mt 13.10-17; Mr 4.10-12)

⁹ Came tiqiro buheyequina ti queoyere masi duaye, Jesure sinituahye:

—¿Ahrī queoye mehna dahse ni yahugū nijari mūhū? ni, sinituahye tiquina.

¹⁰ Tiquina sa nigū Jesu yahťiahye:

—Cohācjū masa pūhtoro tiqiro ijiyere panopū apequina tiquina masiedarire masare masigū yerota Cohācjū. Apequina pehere sa yerare tiqiro. Tiquinare queoye mehnata buheitja. Yahū sa yegū tiquina yahū buheyere tuhoepepetā masisi, niahye Jesu tiqiro buheyequinare.

Jesu oteriquiro quitire yahu pehoahye

(Mt 13.18-23; Mr 4.13-20)

¹¹ Sa ni tuhasa tiquinare yahu nemoahye:

—Ohō saha ni yahure ahrī quitī: Oteye pjeri quehnoañe buheyere yero saha ijire.

¹² Sa ye maha dahťū cahapū borari pjeri pehe quehnoañe buheyere yero saha ijire. Sa yero masa quehnoañe buheyere tiquina tuhogū ihñano watīno pehe ahta, ti buheyere masi dutierare masare. Minicjūa ti pjerire tiquina dote nediro saha yere. Tiquiro sa yeragū tiquina Cohācjūre wacū tutuaboa. Tiquina sa wacū tutuagū ihñano Cohācjū pehe tiquinare pecarū wahaboriquinare yahdūoaboa. ¹³ Utā pjeri watoa borari pjeri quehnoañe buheyere yero saha ijire. Sa ye masa quehnoañe buheyere taho, bucueyer

mehna tire taho nene. Sa taho nepeta atã watoa ijyie cju nahcori mariefie cju yero saha ahriquina masa gãhu tutuerare. Sa tutueraye yeequina tiquina ijiri buhiri apequina tiquinare ñano yegã ihñañe yee pehere duhu cãhre. ¹⁴ Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere tãhoepeta, ahri yehpa cjeñe pajiro bujua witi tuhotu, niñeru pehere cahĩ, ahri yehpa cjeñe bucuere tiquina. Sa yeye ti pehe quehnoañe buheyere cahmotagã, masa pehe quehnoañe pehere yerare. ¹⁵ Sa ye quehnoari yehparã borari pjeri quehnoañe buheye yero saha ijire. Sa yeye masa quehnoañe buheyere tuhoye, quehnoano mehna ti buheyere yãhdãdãcaerare. Sa ye yucãgu dũca tiro saha quehnoañe buheyere tuhoyequina pehe Cohãcjã tiqũiro cahmeno saha quehnoañene yere, niahye Jesu.

Jesu sihãria quitire buheahye
(Mr 4.21-25)

¹⁶ Sa ni tuhasa apeye queoye mehna buheahye tiqũiro:

—Ne sihãriare dihi sutu docarũ cũedare masa. Sa ye tiare cumuno docarũ cũedare. Æhmanorũ tiare duhu peore wãhũpũ sajã tayequina tiquina quehnoano ihña sajã tato saha. ¹⁷ Ijipihtiye tiquina masiedarire came masa masieta. Sihãria buhriogũ mari ihña masino saha panorũ tiquina masiedarire masieta masa.

¹⁸ Sa yena mũsa tuhona quehnoano tãho nãñũ. Quehnoano tãho nãñũriqũiro, quehnoano masinota. Tãho nãñũediqũiro “Mehenogã tãhoaja”, tiqũiro niepegũta ti pehere boaa waharota, niahye Jesu.

Jesu acaye tiqũirore pijiahye
(Mt 12.46-50; Mr 3.31-35)

¹⁹ Came Jesu bahana tiquina pacoro mehna tiqũiro caharũ wahaye nimahye. Masa peyequina ijigũ tiqũiro caharũ eserahye. ²⁰ Sa yero ihcãqũiro Jesure yahuahye:

—Mũhu paco mũhu bahana mehna sopecaharũ ducuri. Mũhure ihñañe taye niñohti, niahye tiqũiro Jesure.

²¹ Tiqũiro sa nigũ Jesu ohõ saha ni yahuahye ijipihtiyequinare:

—Cohãcjã buheyere tuhoyequina, tire yãhdãdãcaeyequina tiquinata yũhu paco yũhu bahana yero saha ijire, niahye Jesu tiquinare.

Jesu wihnonore yũsh dutiahye
(Mt 8.23-27; Mr 4.35-41)

²² Ape deco Jesu tiqũiro buheyequina mehna yucũsarũ sajãhye.

—Isa, pehãhna, ni, tiquina ijipihtiye-quina tia mehna ditararũ pehãa wahahye.

²³ Sa pehãno carĩa wahahye Jesu. Tiquina sa pehãducuroũ tutuaro wihnono wẽahye. Wihnono wẽgũ bujaye pahcõri wahcã, tiquinare mio cãmahye. Sa waharo miono cua yãhdãahye tiquinare. ²⁴ Sa wahagũ ihñañe, acũaa waha, Jesu caharũ waha, tiqũirore wahcõahye.

—Buhegũ, mari yariana tana niajũ, niahye tiquina.

Tiquina sa nigũ Jesu pehe wahcã, wihnonore,

—To punota wẽ duhuya, niahye.

Sa nino pahcõri gũhure,

—Yũsua wahaya, niahye.

Tiqũiro sa nigũta wihnono yãhdãa wahahye. Sa ye pahcõri gũhu yũsu dijiaa wahahye. ²⁵ Sa wahari bato Jesu tiquinare ohõ saha niahye:

—¿Masa yãhure wacũ tutuerajari? niahye tiqũiro.

Tiqũiro sa nigũ tiquina pehe cue, acũaa waha, tiquina basi ohõ saha ni yahuducuahye:

—¿Yohou, dũhse ijiriqũiro boro masũno ijijari ahriqũiro? Ahri wihnono, pahcõri gũhu tiqũiro dutigũ yãhdãdãcaerare tiqũirore, niahye tiquina basi.

Watã cuoriqũirore yãhdãoahye Jesu
(Mt 8.28-34; Mr 5.1-20)

²⁶ Sa ye tiquina ape sie pahrẽpũ Gerasa cjeña ya yehparũ pehã sahye. Ti yehpa Galilea yehpa potõ ijiahye. ²⁷ Topũ Jesu tiqũiro maja sadãcagũ waro to cjeño watã cuoriqũiro tiqũiro caharũ ahtahye. Tiqũiro yoari pje suhti marieniqũiro ijiro, tiqũiro ya wãhũpũre ne ijierahye. Sa yero masa coperi atãpũ tiquina seheri coperi caharũ ijie tiahye tiqũiro. ²⁸⁻²⁹ Sa ye peye tahari watã tiqũirore ñeheahye. Sa yero tiqũiro peresupũ ijigũ tiqũiro omocarine, dahpocãrine come dari mehna dũhteriqũiro ijieperota, ti darire tuã sure majahye. Sa ye watã pehe tiqũirore masa marienopũ ne cã majae tiahye. Sa yero tiqũiro Jesure ihñaadoqueo, tutuaro sañuducu, Jesu caharũ dũsepe curi mehna quehe sahye. Tiqũiro sa yegũ ihñaño Jesu pehe tiqũirore dutiahye:

—Ahriqũiro mehna ijieracãhña. Wahaya watã, niahye.

Tiqũiro sa nigũ tuhoro watã cuoriqũiro tutuaro sañuducu, sinituahye Jesure:

—¿Jesu, uhmũse cjã Cohãcjã macũ yabere yei tũu niajari mũhu yãhure? Yãhure ñano yeracãhña, niahye watã cuoriqũiro.

³⁰ Tiqũiro sa nigũ Jesu pehe sinituahye tiqũirore:

—¿Dũhse wame tiajari mũhu? niahye.

Peyequina watã tiqũiro mehna ijiahye. Sa yero ohõ saha niahye tiquinare cuoriqũiro.

—Watia peyequina wame tiaja usā, ni, yuhtiahye watia cuoriqairo.

³¹ —Uhcuarī coperu usāre waha dutier-acāhña, ni, tutuaro siniahye watia pehe.

³² Ti pjere topu canu dahpotopu yesea peyequina ihyaye niahye. Tiquina topu ihyagū ihñañe watia ohō saha ni siniahye Jesure:

—Sisequina yesea cahapu waha dutiya usāre. Tiquina mehna iji dutiya usāre, ni, siniahye watia.

Tiquina sa nigū tuhoro Jesu tiquinare yesea cahapu waha dutiahye. ³³ Tiquiro sa waha dutiri bato watia pehe masano mehna ijimediquina waha, yesea cahapu esahye. Tiquina cahapu tiquina esari bato yesea pehe pari cjāpu oma maa buhaa waha, ditarapu bora ñojoa mini yaria pihitia wahahye.

³⁴ Yeseare cohteyequina yesea tiquina sa minigū ihñañe, cue, oma cāa wahahye. Sa oma cā macapu esa, ti maca cjēnare, ihquē wuhuse ijiro cjēna gūhure tiquina ihñarire yahu siteahye. ³⁵ Tiquina sa yahu siteri bato masa ihñañe wahahye. Sa ye Jesu cahapu esa, watia cuomediquirore suhti sañariqairo tuho masiniquiro tiquiro dujigū ihñahye tiquina. Tiquina ijipihitayere ihñañe, tiquina cue niahye. ³⁶ Watia cuomediquiro tiquiro quehnoa waharire ihñañequina apequinare tiquina ihñarire yahuahye. ³⁷ Ti pjeta Gerasa yehpa cjēna peyequina Jesure tutuaro cueye, tiquirore waha dutigū Jesu yucasapu sajā, waharo taro niahye. ³⁸ Watia cuomediquiro Jesu wahato pano tutuaro sinimahye tiquirore:

—Mahu mehna waha duaja, ni sinimahye.

³⁹ Tiquiro sa nigūta Jesu tiquirore yuhtiahye:

—Mahu ya macapu wahaya. Sa wahagu Cohācjā mūhare tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macapu esaro, masano pehe Jesu tiquirore yerire ijipihitayequina tiquiro ya maca cjēnare yahuahye.

Jairo maconore yuhduoro, dii muna wihoro dohatiducuricoro gūhure yuhduohye Jesu

(Mt 9.18-26; Mr 5.21-43)

⁴⁰ Ape sie pahrēpu Jesu pari turi tiquiro pehā sagū ihñañe masa peyequina tiquirore cohte, bucueye mehna piti cahye tiquirore.

⁴¹⁻⁴² Topu judio masa buheri wahu cohteriquiro Jairo wame tiriqiro Jesu cahapu esa, tiquiro dahpocāri cahapu dusepe curi mehna quehe sahye tiquirore ño peoro. Tiquiro macono yariaro niahye. Ticoro ihcācorota ijiricoro doce cahmari cuoricoro ijiahye. Sa yero tiquiro ya wuhapu Jesure

pji cāhye. “Au”, ni, tiquiro mehna wahahye Jesu gāhu.

Mahapu tiquina sa wahagū pe yuhduayequina masa ijiye, wahpa yuhduahye. ⁴³ Sa yero apecoro numino doce cahmari waro dii muna dohatiducuricoro topu ijiahye. To pano duturuare ijipihitiye ticoro ye niñeru mehna wapa yemahye ticoro aco ye dutiro. Tiquina sa aco yepegāta mananota ijiducu cāhye ticoro. ⁴⁴ Sa yero ticoro Jesu behero peheru ahta, tiquiro suhtiro sohtoare ticoro ñehe tuhugāta ticoro dohatiye pihitia wahahye. ⁴⁵ Ticoro sa ñehe tuhugū tuhoturo Jesu sinituahye.

—¿Noa yahu suhtirore ñehe tuhuajari? niahye tiquiro.

Ijipihitayequina “Ñehe tuheru”, niahye. Sa ye Pedro gūhu ohō saha niahye:

—Buhegu, bihsarīne. Sa yeye masa peyequina mūhare ñehe tuhure. ¿Duhsegū sa ni sinituajari mahū? niahye tiquina Jesure.

⁴⁶ Tiquina sa nigū Jesu yuhtiahye:

—Mianogāta yahu yuhdugū yei ihcācorore. Sa yegu yuhare ticoro ñehe tuhugū masiaja, niahye tiquiro.

⁴⁷ Tiquiro sa nigū tuhoro ticoro duhti masiedaro, nanarericoro Jesu cahapu dusepe curi mehna quehe sahye tiquirore ño peoro. Sa ye ijipihitayequina masa tiquina tuhoropu ticoro dohatiye, Jesure ticoro ñehe tuhurire, ticoro quehnoa waharire yahuahye ticoro. ⁴⁸ Ticoro yahu tuhasagū Jesu ticorore yahuahye:

—Maco, yuhare mahū wacū tutuaye mehna quehnoago tojoare yojopure. Bucueye mehna wahaya, niahye ticorore.

⁴⁹ Tiquiro sa nini watoa Jairo ya wuhapu ijiriquiro yahuro wihiahye:

—Mahu macogā yariaa wahari. Sa yegu buheriquirore pji cāhtaeracāhña, niahye tiquiro.

⁵⁰ Tiquiro sa nigū tuhoro, Jairore ohō saha ni yahuahye Jesu:

—Bujua witi tuhotueracāhña. Yuhare wacū tutuaya. Ti dihitarē yeya. Mahū sa yegū ticorogā masaa waharota, niahye Jesu.

⁵¹ Sa ni tuhasa tiquiro ya wuhapu esa, Pedro, Ñu, Santiago, dohatiricoro pacasumma topequinata ne sajāhye. Apequina pehere Jesu sajā dutierahye. ⁵² Topu ijipihitayequina masa tiquina ñehe quea utiri watoa sajā sahye Jesu.

—Utieracāhña. Ticorogā yarierare. Carīno nine, niahye tiquiro.

⁵³ Tiquiro sa nigū tuhoye tiquina pehe ticoro yariaricoro ijigū masiñe, Jesure bujahye. “Sa ni maca cāno nine”, ni bujahye. ⁵⁴ Sa yero Jesu ticorogā omocare ñehe, pisuahye:

—Mehenicorogā wahcāña, niahye.

⁵⁵ Tiquiro sa nigüta yariaricoro masaa waha, wahcädüca sahye ticorogã. Ticoro wahcädücaro bato Jesu ticorore ihyayere oho dutiahye. ⁵⁶ Ticoro sa masagü ihñañe ticoro pacusumua ihña maria wahahye. Sa yero Jesu tire apequinare yahu dutierahye.

9

Jesu doce tiquiro buheyequinare buhe dutiro ohoahye

(Mt 10.5-15; Mr 6.7-13)

¹ Sa ye Jesu docere tiquiro buheyequinare pijio, tiquiro tutuayere ohoahye tiquinare. Wafiare tiquina cohätire, dohatiyequinare yuhdugü yeati gähure tiquiro tutuayere ohoahye tiquinare. ² Sa ye tuhasa tiquinare Cohäcjü tiquiro puhtoro ijyere buhe dutiro, dohatiyequinare yuhduo dutiro ohoahye tiquinare. ³ Ohö saha ni dutiahye Jesu tiquinare:

—Musa wahana apee borore nedacähña. Tua däre, ajurore, ihyayere, niñerure nedacähña. Musa sañano dihitare saña cähña. Apeye suhtire nedacähña. ⁴ Ijipihtiyee macaripü masare tiquina carino ohogü ti wuhpüta ijiniña. Coã wahanapü wijiaya ti wuhure. ⁵ Apeye macari cjëna masare tiquina cahmedagü ihñana ti macarine yuhdu cãa wahaya. Sa wahana musa dahpocari cjë dihta esa wahärire wejë site cüña musa tiquinare tiquina ye buhirire masigü yena, niahye Jesu.

⁶ Tiquiro sa nidi bato tiquiro buheyequinare pehe waha, ijipihtiyee macaripü quehnoañe buheyere yahu tiniyahye. Sa ye dohatiyequinare yuhduo tiahye.

Jesu tiquiro yerire Herode tuhoahye

(Mt 14.1-12; Mr 6.14-29)

⁷ Sa ye Herode Galilea yehpa cjëna puhtoro Jesu yerire tuhoahye. “¿Noa boro ijijari tiquiro Jesu?” nieperota ne masiedahye. Ihquëquina ohö saha nimahye Jesure. “Ñu wame yeriquiro munano masa mujahye. Sa yero ‘Jesu’, tiquina nidiquiro tiquirota ijire”, nimahye ihquëquina. Tiquina sa nigü tuhoro Herode Jesure dahse ni masiedahye. ⁸ Sa ye apequina “Tiquiro Elia munano yojopü bajuaro nine”, nimahye. Apequina pehe “Cohäcjü yere yahu muhtariquina panopü cjëna mehna cjëno yojopü masa bajuaro nine”, nimahye Jesure. ⁹ Tiquina sa ni yahuducuepegüta ohö saha ni tuhutuahye Herode: “Ñu dapure däte sure duti tuhasau yuhü. ¿Yojopüre ijiriquiro masa tiquina yahuriquiro noa boro ijiboagari tiquiro pehe?” ni, tuhuturo tiquiro Jesure ihña duamahye.

Jesu cinco mil masare ihyayere ohoahye

(Mt 14.13-21; Mr 6.30-44; Jn 6.1-14)

¹⁰ Sa ye Jesu tiquiro ohoriquina tiquiro cahapü tojoa sa, tiquina yerire yahuahye Jesure. Tiquina yahu tuhasagü Jesu tiquina dihitare Betsaida wame tiri macapü siho wahahye. ¹¹ Tiquina waharire masiñe, masa peyequina tiquinare nünü tã cãa wahahye. Jesure tiquina umu sagü ihñano piti cahye Jesu tiquinare. Sa yero tiquiro Cohäcjü puhtoro ijyere tiquinare yahu, dohatiyequinare yuhdugü yehaye.

¹² Ñamicahapü doce tiquiro buheyequina tiquiro cahapü esa, Jesure yahuahye:

—Ohö masa marienopü ijire. Ohö majano cjë wuhusepü ahriquina masare ohoya. Cariato, tiquina ihyati gähure maca dutiya tiquinare, niahye tiquina Jesure.

¹³⁻¹⁴ Tiquina sa nigü Jesu yuhtiahye tiquinare:

—Sa niedacähña. Ihyayere ohoya tiquinare, niahye.

Tiquiro sa nigü tuhoye tiquina yuhtiahye:

—Ihcã omope paca pã paca, puaro wahi to punota cwoaja mari. ¿Ahriquina peyequina masa tiquina ihyatire düboagari usã? niahye tiquiro buheyequina.

Peyequina masa tiquina ijigü ihñañe sa niahye tiquiro buheyequina. Topure cinco mil umua ijiahye. Sa yero Jesu yahuahye tiquiro buheyequinare:

—Cincuenta masare ihcã curua duji dutiya. Apeye cururi gähure topequinata duji dutiya, niahye Jesu tiquiro buheyequinare.

¹⁵ Tiquiro sa nigü buheyequina tiquiro dutiro sahatu ye, ijipihtiyeequinare masare duji dutiahye. ¹⁶ Duji duti tuhasa Jesu ihcã omope paca pã pacare puaro wahire ne, umuanopü ihña muoahye. Sa ihña muono Cohäcjüre “Quehnoare”, niahye. Tiquiro sa nidi bato pã pacare nuha, tiquiro buheyequinare masare iti dutiro ohoahye. ¹⁷ Sa ye tiquina ijipihtiyeequinare masa ihya, yapi yuhduu wahahye. Tiquina yapi wehorire doce puhuse ne cahmecoa wahpo dapoahye tiquiro buheyequina.

Jesu potota Cristo tiquiro ijyere Cohäcjü ohoriquiro tiquiro ijyere yahuahye Pedro

(Mt 16.13-19; Mr 8.27-29)

¹⁸ Ihcã deco Jesu ihcãquirola ijiro, Cohäcjüre sinino niahye. Tiquiro sinini watoa tiquiro buheyequina tiquiro cahapü esahye. Sa yero Jesu sinituahye tiquinare:

—¿Noa boro ijijagari yuhü, masa yuhare tiquina tuhutugü? ni sinituahye.

Tiquiro sa sinitugü tuhoye tiquiro buheyequina yuhtiahye:

¹⁹ —“Ñu wame yeriquiro ijire”, nine muhure. Apequina “Elia ijire”, nine. Apequina “Cohäcjü yere yahu muhtariquina mehna cjëno panopü cjëno masa bajuaro nine yojopüre”, nine, ni yuhtiahye tiquiro buheyequina pehe tiquirore.

²⁰ Tiquina sa nidi bato Jesu tiquinare sini-tuahye tja:

—¿Musa pehe musa tahotugā, noa boro ijiagari yahu? ni, sinituahye tja.

—Muhu Cristo Cohācjū ohorigu ijire, ni yuhtiahye Pedro.

Jesu tiqiuro yaria masa wijiatire yahuahye

(Mt 16.20-28; Mr 8.30-9.1)

²¹ Sa ye Pedro “Cristo ijire muha”, tiqiuro nidire apequinare Jesu yahu site dutier-ahye tiqiuro buheyequinare. ²² Sa ni yahu site dutiera tuhasa ohō saha ni nemoahye:

—Yuhu masu Cohācjū ohorigu tutuaro ñano yuhduta. Sata yuhdaro cahmene yuhare. Sa ye mari judio masare buheyequina, bucuna, pahia puhtoahya mehna yuhare cahmeda, yuhare wejēta. Tiquina wejēdi bato ihtia deco wahaboro masa wijiatitja, niahye Jesu tiquinare.

²³ Came ijiphtieyquinare ohō saha ni yahuahye Jesu:

—Ihcāquiuro yaquiuro iji duaro, tiqiuro cahmeno ye duamedire duhu cānota. Sa yero yaquiuro tiqiuro ijiri buhiri ñano yuhduperota yuhare duhusi. Sa yero yeere yeducuriqiuro ijirota. ²⁴ Masano yuhare wacūno marieno tiqiuro esa tuharo tiqiuro cahmeno saha yero, pecaru waharota.

Sa yero yeere sa yeducuriqiuro ijiphtieyede decori yuhu mehna uhmasepu ijuducurota. ²⁵ ¿Ihcāquiuro masano ahri yehpa cjeñe ijiphtieyere cuoriquiuro Cohācjūre cahmedaro pecaru waharo, yabere wapatajari tiqiuro?

Sa ijiriqiuro ne wapataerare. ²⁶ Ihuēquina yuhare, yuhu buheye gūhare bue tisāboaga. Tiquina sa yegū ihñagu yuhu gūhu yuhare sa yeeyequinare bue tisāgūta. Yuhu masu Cohācjū ohorigu quehnoañequina angele mehna usā asi siteropu, yuhu Pacu tiqiuro asi siteropu tojoa tagu tiquinare bue tisāgūta. ²⁷ Poto niita niaja musare. Yo-jopure ihquēquina musa ohōpore ijieyequina musa yariato pano Cohācjū ijiphtieyequina bui puhtoro tiqiuro iji dacagū ihñanata musa, niahye Jesu tiquinare.

Jesu tiqiuro pagure comesahye

(Mt 17.1-8; Mr 9.2-8)

²⁸ Sa ye ocho decori tire tiqiuro yahuri bato Jesu Pedroro, Ñure, Santiagore tiquina dihitare pijiahye. Sa ye waha, Cohācjūre siniñe waha, canaru mujaa wahahye tiquina. ²⁹ Cohācjūre tiqiuro sinini watoa Jesu ya wuhdoa comesahye. Sa yero tiqiuro suhtiro asi siteri suhtiro quehnoano yehseri suhtiro wahahye. ³⁰ Tiquiuro sa wahari watoa puaro muha tiqiuro mehna yahuducuyeh niahye. Yahuducuyequina pehe Elia munano, Moise munano gūhu ijiyahye. ³¹ Tiquina uhmase cjeñe asi siteyeh mehna bajaahye. Jesu camegāta Jerusalēpu

tiqiuro yariatire tiquina Jesu mehna yahuducuyeh niahye. ³² Pedro gūhare wujaa puri yuhduahye. Sa carīepeta acua, wahcā wihī, Jesu tiqiuro asi siteyeh ihñañe, puaro tiqiuro mehna ducuyequina gūhare ihñahye. ³³ Moise munano gūhu tiquina wahato panogā Pedro Jesure ohō saha nimahye:

—Puhto, mari ohōre ijigū quehnoa duare. Ihtia wuhugā yematja. Mūhu ya wuhugā, Moise ya wuhugā, Elia ya wuhugā yematja, nimahye Pedro.

Sa nieperota tiqiuro nidire ne masiedahye. ³⁴ Tiquiuro sa ni yahuducuri watoa tiquinare ehmeo curua cahmotahye. Sa cahmotagū ihñañe tiquina cuea wahahye. ³⁵ Sa yero ehmeo puhiaaru yahuducuyeh bisiro ca tahye:

—Ahriqiuro yuhu macu, yuhu beseriquiuro ijire. Quehnoano tuhoya tiqiurore, nino ca tahye ehmeo curua puhiaaru.

³⁶ Tiquiuro sa nidi bato Jesu dihitare ihñahye tiquina. Came tiquina ihñarire apequinare yahuerahye. Ne ihcāquiurore yahuerahye.

Jesu watino cuoriquiurogāre yuhduahye

(Mt 17.14-21; Mr 9.14-29)

³⁷ Ape deco tiquina canaru tiquina dijia tagū peyequina masa Jesure piti cahye. ³⁸ Sa yero tiquina mehna cjanu Jesure pisuahye:

—Buhegu, muhare tutuaro ahrire sini duaja yuhu. Yuhu macu ihcāquiurota ijire. Sa yegū tiqiurore ihñā basaya muhu. ³⁹ Watino tiqiurore ñehē, sañuducu tunu nanaregū ye, sahpo tua wahagū yee tire. Sa yero watino yuhu macure ñano yuhdugū ye, ne duhu duerare. ⁴⁰ Mūhu buheyequinare watinore cohā dutiga tutuaro sinimi. Yuhu sa siniepegūta tiquina tiqiurore cohā masiedari, niahye tiqiuro Jesure.

⁴¹ Tiquiuro sa nigū Jesu pehe ohō saha niahye tiqiuro buheyequinare:

—Yojoju cjeñe musa ñana ijire. ¿Yuhare ne wacū tutuerabutiajari? Yoabutiari pje musare buhemi yuhu. ¿Noho puno yoari pje yuhare musa cariboboagari? ni tuhtiahye Jesu.

Sa ni tuhasa watia cuoriquiuro pacarore ohō saha niahye:

—Mūhu macure ne cāhtaya, niahye.

⁴² Tiquiuro sa nidi bato tiqiuro macano Jesu caharu tiqiuro ahtari watoa watino pehe tiqiurore yehparu doque quehe sa, tunu nanaregū yeahye. Tiquiuro sa yegū Jesu watinore waha dutiahye. Tiquiuro sa dutigū watinore cuoriquiurogā yuhduahya wahahye. Sa yero Jesu pehe tiqiurogāre wiahye tiqiuro pacarore. ⁴³ Ijiphtieyequina masa Cohācjū tutuaye mehna tiqiuro quehnoa wahagū ihñañe, ihñā maria wahahye.

*Pari turi Jesu tiquiro yaria masa wiji-
atire yahuahye*

(Mt 17.22-23; Mr 9.30-32)

Masa Jesu tiquiro yerire tiquina ihña, ihña maria wahagü Jesu pehe tiquiro buheyequinare ohö saha ni yahuahye:

⁴⁴ —Mianogäta yuhü yahuatire boeracähña musa. Yuhäre Cohäcjö tiquiro ohorigare apequiro yuhäre ñehe dutiro ohorota masare, niahye Jesu.

⁴⁵ Tiquiro sa niepegäta tiquina pehe tiquiro yahuyere quehnoano tuhoerahye. Tiquiro yahurire tiquinare masino basioerahye. Ti pjeta Cohäcjö tiquinare tire tuho dutiero niahye. Sa ye tiquina cueye, tire tiquirore sinituerahye.

*Jesu buheyequina tiquina mehna cjänore
puhto sö duamahye*

(Mt 18.1-5; Mr 9.33-37)

⁴⁶ Came Jesu buheyequina cahme sehña soye niahye:

—¿Mari mehna cjäno diquiro pehe puhtoro sajänotari? ñiñe niahye tiquina basi.

⁴⁷ Tiquina sa nigü Jesu pehe tiquina tuhotuyere masino, nijinogäre tiquiro cahapü ducu duti, tiquiro buheyequinare yahuahye:

⁴⁸ —Yeere yena tana ahriquirögäre cahmena, yuhü gähäre cahmene musa. Sa yena yuhäre cahmena, yuhäre ohoriquiro gähäre cahmene musa. Musa mehna cjäno musa cahacjäno ijiro tiquiro gähü puhtoro ijirota, niahye Jesu.

*Marine ihña tuhtiriquiro ijieraro, mari
mehna cjäno ijire*

(Mr 9.38-40)

⁴⁹ Came Ñu Jesure ohö saha ni yahuahye:

—Buhegu, mühu wame mehna wafiare cohäriquirore usä ihña. Mari mehna cjäno tiquiro ijieragü ihñana tire tiquirore ye dutierü usä, niahye Ñu Jesure.

⁵⁰ Tiquiro sa nigü Jesu Ñure apequina buheyequina gähäre ohö saha ni yahuahye:

—Sa niedacähña musa tiquirore. Marine ihña tuhtiriquiro ijieraro, tiquiro mari mehna cjäno ijire, niahye Jesu tiquiro buheyequinare.

Jesu Santiagore, Ñu gähäre tuhtiahye

⁵¹ Ti pjere Jesu ühmüsepü tiquiro wahato panogä, “Jerusalëpü wahatja”, niahye tiquiro. Sa nino topü waharo niahye. ⁵² Sa ye Jesu tiquiro pano ohoriquina waha, Samaria yehpa cjä macarü esa, topü Jesu tiquiro ijiatire quehno duamahye. ⁵³ Jesu Jerusalëpü waharo taro niahye. Topü wahatiquiro tiquiro ijigü tuhoeye, to cjëna tiquirore cahmedahye. ⁵⁴ Tire tuhoeye Santiago, Ñu mehna yahuahye Jesure:

—Puhto, mühu cahmegü ühmüse cjä peca mehna tiquinare wejé dutinata, niahye tiquina tiquirore.

⁵⁵ Tiquina sa nigü Jesu majare ihña, tuhtiahye tiquina puarore.

⁵⁶ Sa tuhti tuhasa, ape macarü Jesu gähü wahaa wahahye.

Apequina Jesu mehna wahamahye

(Mt 8.19-22)

⁵⁷ Ti mahapü tiquina wahagü, ihcäquiro Jesure yahuahye:

—Mühu mehna waha duaja noho mühu waharopü, niahye tiquiro.

⁵⁸ Tiquiro sa ni tuhasagü Jesu yuhtiahye: —Ihquëquina nücu cjëna wahuquina tiquina coperi cuore. Minicjüa gähü tiquina suhti cuore. Yuhü masü Cohäcjö ohorigü pehe yuhü carñi wuhü cuoeraja, niahye Jesu.

⁵⁹ Came apequirore Jesu pijiahye:

—Yuhü mehna cjä ijiaçjü ahtaya, niahye.

Tiquiro sa nigü yuhtiahye Jesure:

—Puhto, yuhü pacü tiquiro yariagü yariçatja. Sa ya tuhasagü pürita mühu mehna wahagatja, niahye tiquiro.

⁶⁰ Tiquiro sa nigü Jesu yahuahye:

—Yuhäre cahmeeñequina yariariquina yero saha ijire. Tiquina pehe yariariquinare yaahro. Sa yegü mühu pehe Cohäcjö tiquiro puhtoro ijiyere quehnoañe buheyere buhegu ahtaya, niahye Jesu tiquirore.

⁶¹ Sa yero apequiro Jesure ohö saha niahye:

—Puhto, mühu mehna wahatja. Mühu mehna yuhü wahato pano yuhü acayerere cohe tiniü wahatja, niahye tiquiro Jesure.

⁶² Tiquiro sa nigü Jesu yahuahye tiquirore:

—Dahrariquiro dahra dueraro tiquiro duhseatiquiro ijierare. Tiquiro yero sahata ijiriquiro ohö saha ijire: “Cohäcjö yere ye duaja”, nieperota tire yerare. Tiquiro Cohäcjö yaquiro ijiboriquiro ijierare, niahye Jesu.

10

*Jesu setenta y dos buheyequinare buhe
dutihoahye*

¹ Came Jesu apequina buheyequinare setenta y dos buheyequinare bese, macaripü tiquiro wahato pano ohoyuahye. Ti macarine pueyequina dihita ohoyuahye tiquiro. ² Sa ohoyuro ohö saha ni yahuahye tiquinare queoye mehna buhero:

—Trigo peye ti bucuä tuhasagü peye ijigü dahraye pajiro ijire. Sa ijiepegäta dahrayequina pehe meheñequinagä ijire. Sata quehnoañe buheyere tuhoatiquina peyequina ijigü pajiro ijire mari dahraye. Sa ijiepegäta meheñequinagä dahrari

masa yero sahata quehnoañe buheyere buheatiquina gũhu meheñequinagã ijire. Sa yena quehnoañe buheyere buheatiquinare apequinare tiquiuro ohoatire siniña Cohãcjũre masa. ³ Wahaya masa. Musare yũhu ohogũ masa oveja pohne yayia watoa tiquina ijiro sahata masa gũhu ñañequina usuayequina watoa ijinata. ⁴ Niñeru ajurore, paji cjũri ajuro gũhare, dahpo suhtire nedacãhña. Mũsa mahapũ tinina apequinare boca sa yahuducueracãhña. Poto wahaya. ⁵ Ijiphtiyee masa sañañe wũhusepũ saña, "Ahri wũhu cjẽna quehnoano ijahro", ni muhtaña. ⁶ Ti wũhu cjẽna quehnoano mehna ijiyequina cahmequeno marieñequina tiquina ijigũ, tire niña tiquinare. Quehnoano mehna tiquina ijeragũ ihñana ti wũhu cjẽnare sa niedacãhña. ⁷ Ihcã wũhupũ sajã saducana tiquina quehnoañequina ijigũ ti wũhupũta tojoaya. Topũ tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña masa gũhu. Sa yena ihcã wũhupũta masa esari wũhupũta ijina, ti maca cjẽ wũhusepũ carĩ tiniedacãhña. ⁸ Macapũre masa esana to cjẽna pehe musare tiquina cahmeñequina ijigũ ti ihyayere tiquina duhu peorire ihyaya. ⁹ To cjẽna dohatiyequinare yũhduoya. Sa yena ohõ saha niña to cjẽnare: "Cohãcjũ yojoypũre mari puhtoro tiquiuro ijiati mehenogã dahsare", niña tiquinare. ¹⁰ Ape macapũ masa esagũ tiquina pehe musare cahmedaboaga. Tiquina cahmedagũ ihñana ti maca decopũ waha, ohõ saha niña tiquinare. ¹¹ "Ahri maca cjẽ dihtare dahpocãri cjẽ dihtare wejẽ site cohãna niaja usãre masa cahmedari buhiri ihñona. Sa yena ahrire wacũña. Cohãcjũ mari puhtoro yojoypũre tiquiuro ijiati mehenogã dahsare", niña tiquinare. ¹² Musare poto niita niaja. Sodoma cjẽna ña yũhduayequina ijahye. Tiquina sa ijipegũta pihtiatĩ deco ijigũ Cohãcjũ tiquiuro buhiri dahreati deco ijigũ Sodoma cjẽna yũhduoro musare cahmeñequina pehere buhiri dahrerota, niahye Jesu.

Apeye macari cjẽna Cohãcjũre yũhduayequina ijire
(Mt 11.20-24)

¹³ Came Jesu ohõ saha niahye macari cjẽnare:

—Corazĩn cjãna, masa ñano yũhdunata. Betsaida cjãna, masa gũhu ñano yũhdunata. Mũsa ye macaripũre Cohãcjũ tutuaye mehna ye ihñomi. Tiro wame tiri macare, Sidõ wame tiri maca gũhare tiquiuro tutuaye mehna yũhu ye ihñogũ ihñañe panopũ to cjẽna pehe tiquina ñañene

bujua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cjẽ nujuare tiquina bui dahra site peboaga tiquina ñañene bujua witiyere ihñofne. ¹⁴ Cohãcjũ tiquiuro buhiri dahreati deco ijigũ Tiro cjẽna, Sidõ cjẽna yũhduoro masa pehere masa ñari buhiri musare tutuaro buhiri dahrerota tiquiuro. ¹⁵ Capernau cjãna, masa esa tuharo uhmusepũ waha duamene. Mũsa sa waha duepegũta masa ñari buhiri musare Cohãcjũ pecapũ cohãnota, niahye Jesu.

¹⁶ Sa ni tuhasa Jesu tiquiuro buheyequinare yahuahe:

—Musare tuhoyequina yũhu gũhare tuhore. Musare cahmeñequina, yũhu gũhare cahmedare. Sa yeye yũhare cahmeñequina, tiquina yũhare ohoriqũro gũhare cahmedare, niahye Jesu tiquinare.

Setenta y dos buheyequina tojoa wihiahye

¹⁷ Came setenta y dos buheyequina bucu-eye mehna tojoa wihiahye:

—Puhto, muhu wame mehna muhu tutuaye mehna watĩare usã dutigũ tiquina pehe usãre yũhduducuerare, niahye tiquina Jesure.

¹⁸ Tiquina sa nigũ Jesu yũhtiahye tiquinare:

—Uhmusepũ mia sitedoque dijoro sahata, watĩno tiquiuro bora dija tagũ ihñau. ¹⁹ Quehnoano tuhoya. Musare yũhu tutuayere ohou yũhu. Sa yegũ añaa parire, cutipa parire, watĩnore marine ihña tuhtiriqũrore masa yũhduducatiire ohou yũhu. Sa ye tiquina musare ñano ye masiedare. ²⁰ Yũhu sa ohoepegũta watĩna musare tiquina yũhduducueragũ ihñana ti dihtare bucuercãhña. Ahri pehere bucueya. Uhmusepũ Cohãcjũ yequina tiquina wamene tiquiuro ojoa ohõri tjupũ masa wamene tiquiuro ojoa ohõgũ ihñana, ti pehere bucueya masa, niahye Jesu tiquinare.

Jesu bucuahye

(Mt 11.25-27; 13.16-17)

²¹ Ti pjere Espiritu Santo Jesure tutuaro bucuegũ yeahye. Sa yero Jesu ohõ saha niahye:

—Mai, muhu uhmusepũ gũhare yehpũ gũhare puhto ijire. Masi yũhduducayequinare muhu yahuerarire ihyo ijiyequina pehere yahuri muhu. Muhu sa yegũ ihñagu "Quehnoa yũhduare", niaja. Sata ijire mai. Muhu ye duariro sahata, muhu cahmediro sahata tiquinare muhu yere yahuri muhu, niahye Jesu.

Sa ni tuhasa apequinare ohõ saha niahye:

²² —Yũhu Pacũ ijiphtiyere yũhare ohori. Yũhu Pacũ dihita yũhare masine. Yũhu gũhu tiqũrore masiaja. Yũhu beseriquina gũhu

tiqirore masine, yuhū masi dutiyequina ijiye. Topequinata yuhū Pacure masiaja usā, niahye Jesu.

²³ Tiquiro sa nidi bato tiquina sehsaro ijigū Jesu tiquiro buheyequinare ohō saha niahye:

—Ahri ijiphtiyere mūsa ihñana bucuena ijire. ²⁴ Ijirota ijire. Peyequina Cohācjū yere yahu mahtariquina, ihquē yehpari cjēna puhtoā gāhu yojorū mūsa ihñarire ihñā duamahye tiquina gāhu. Sa ye mūsa tūhori gāhare tuho duamahye, niahye Jesu.

Quehnoariquiro Samaria cjāno quitire yahuahye Jesu

²⁵ Ti pjeta judio masare buheriquiro Jesu caharū wihi, Jesure tiquiro ñano yahuducugū ye duamahye:

—¿Buhegū, yuhū ijiphtiyere decori Cohācjū mehna iji duagu dahse yeboagari yuhū? ni, sinituahye tiquiro Jesure.

²⁶ Tiquiro sa nigū Jesu yuhtiahye tiquirore:

—¿Duhse ni yahuajari Cohācjū yere tiquina ojoari pūpa? ¿Cohācjū tiquiro ni ojoarire dahse ni tūhotuajari mūhu? niahye Jesu tiquirore.

²⁷ Jesu sa nigū tiquiro yuhtiahye:

—Ohō saha niahye Cohācjū: “Tutuarō mūsa jeripohnari mehna, quehnoano mūsa tutuaye mehna, mūsa wacūñe mehna Cohācjūre cahña. Sa ye mūhu basi mūhu cahño saha mūhu caharū ijiyequina gāhare cahña”, niahye tiquiro Jesure.

²⁸ Tiquiro sa nigū Jesu yuhtiahye:

—Potota nine mūhu. Tire yeya. Sa yegu ijiphtiyere decori Cohācjū mehna ijigūta mūhu, niahye tiquirore.

²⁹ “Ahriquiro Cohācjū dutiyere ye pehoriquiro ijire”, masa tiquirore tiquina ni ihñagū cahmeahye judio masare buheriquiro. Sa cahmeno tiquiro Jesure ohō saha ni sinituahye:

—¿Noa boro ijiboagari yuhūre mūhu cahī dutiriquiro? niahye tiquiro.

³⁰ Tiquiro sa nigū Jesu ohō saha ni queoye mehna piti dahre buheahye:

—Ihcā deco Jerusalēpū ahtariquiro Jericórpū wahariquiro maharū tiquiro tinigū yaqueyequina tiquirore ñeheahye. Sa ñeheñe, tiquiro suhtirore tu we ne, tiquirore tutuarō quēahye. Sa tutuarō quē, tiquiro yariaro taro yegū duhuahye tiquina tiquirore. ³¹ Ti pjeta pahi ti maharū ahtahye. Sa ahtarō tiquina quēdiquirore ihñaperota maha ape sie dūhty caharū yuhdu cāa wahahye. ³² Sa ye Cohācjū wuhūpū dahrariquiro gāhu pejecūoriquiro caharū esa, tiquirore ihñā, maha ape siepū yuhdu cāa wahahye. ³³ Sa ye Samaria cjāno pehe topū waha, yoa cjūnorū pejecūoriquirore ihñā, tiquirore paja

ihñahye. ³⁴ Sa yero tiquiro pejecūoriquiro caharū esa, uhse, vino mehna moredire tiquiro camine pio peohahye. Pio peo tuhasa suhtiro cahsero mehna dūhteahye tiquiro camine. Tuhasa, pejecūoriquirore tiquiro yaquiro burro bui duhu peo, carñi wuhūpū ne cāhye tiquirore. Topū ijiro, Samaria cjāno quehnoano ihñā ihboahye tiquirore. ³⁵ Ape deco tiquiro carñi wuhū upūrore pūa cjoē niñeru cjoerire ohō, ohō saha niahye: “Ahriquirore ihñā ihboya. Ahri esa tuhaeragū pari turi tojoa tagū wapa ye pehoutja”, niahye Samaria cjāno wuhū upūrore, niahye Jesu.

³⁶ Sa ni tuhasa judio masare buheriquirore sinituahye Jesu:

—¿Ahriquina ihtiaro amūa diquiro pehe iji-ajari pejecūoriquirore cahīdiquiro? niahye Jesu.

³⁷ Tiquiro sa nigū tūhoro buheriquiro pehe Jesure yuhtiahye:

—Pejecūoriquirore yedohoriquiro ijiaga tiquirore cahīdiquiro, niahye tiquiro Jesure.

—Wahaya. Mūhu gāhu masare sata yei wahaya, niahye Jesu buheriquirore.

Marta, María gāhu caharū tiniahye Jesu

³⁸ Sa ye Jesu tiquiro buheyequina mehna tiquina wahagū, ape macarū tiquina tinigū, Marta wame tiricoro tiquinare ticoro ya wuhūpū sajā ta dutiahye. ³⁹ Ticoro bahoro María tiquiro dahpocāri caharū duji, tiquiro buheyere tūhoahye. ⁴⁰ Ticoro sa yegū ihñano Marta ticoro dahraye peye ijigū usuahye. Sa yero ticoro Jesure yahuahye:

—¿Puhto, yuhū ihcōta dahragū yuhūre yuhū baho ticoro yedohoeragū mūhare quehnoajari, mūhu ihñagū? Ticorore yuhūre yedoho dutiya, niahye Marta Jesure.

⁴¹ Ticoro sa nigū Jesu yuhtiahye:

—Marta, dahraye peye cuogo pajiro tūhoture mūhu. ⁴² Cohācjū tiquiro yere tūho dutire. María quehnoañene yero taro, tire cahmene. Sa yegu yuhūre ticoro tūhogū “Yedohogo wahaya”, niedaja ticorore, niahye Jesu Martare.

11

Jesu Cohācjāre siniñene buheahye

(Mt 6.9-15; 7.7-11)

¹ Ihcā deco Jesu Cohācjāre sinino niahye. Tiquiro sini tuhasagū, ihcāquiro tiquiro buheyequina mehna cjāno tiquirore ohō saha niahye:

—Puhto, Ñu tiquiro buheyequinare tiquiro buheriro sahata Cohācjāre siniñene usā gāhare buheya mūhu, niahye tiquiro Jesure.

² Tiquiro sa nigū tūhoro Jesu tiquinare yahuahye:

—Ohō saha Cohācjüre siniña: “Ŭsā Pacu, ũhmuse cĵū mūhu quehnoagū sa ijiducure. Yojoṗure ijipihtiyequina pūhto ijiya. ³ Sa yegū decōripe usā ihyatire ohoducuya usāre. ⁴ Apequina usāre tiquina ñañe yerire usā boaja. Sa yegu mūhu gūhu usā ñañe yerire boya. Sa yegu usā ñañene ye duagū usā tutuaro cahmegū ihñagu tire usāre ye dutiegata”, ni siniña Cohācjüre, niahye Jesu tiquinare.

⁵ Came Jesu quti mehna tiquiro buheyequinare ohō saha ni buheahye:

—Ihcāquiro ñami decōṗu tiquiro acayuro ya wūhṗu waha, tiquirore siniyahye: “Yūhu acayū, ihtiarīa pā pacare ohoya yūhure. ⁶ Apequiro yūhu acayuro tinino ahtariquiro mianogāta ya wūhṗu wihiri. Sa yegu tiquirore yūhu nuati mariedare”, niahye tiquiro acayurore. ⁷ Tiquiro sa nigū tiquiro acayuro wūhu puhīarṗu ijiri quiro yuhtiahye: “Yūhure cariboeracāhña. Sōpecaha biharīro ijire. Yūhu, yūhu pohna mehna carīna nīaja. Wahcāno pjeraga yūhure mūhure ihyayerē ohoborigū”, niahye tiquiro acayuro. ⁸ Dūhse waharotari sinidiquirore? Poto nīaja mūsare. Tiquiro acayuro ijieperota, ihyaye ohoboriguro wahcā duerahye. Tiquiro wahcā duerapēgāta ihyaye sinidiquiro pehe bue tiro marieno tiquiro yoari pje siniducugū ijipihtiyē tiquiro sinidiro sahata ohorota. ⁹ Sa yegu ahrire mūsare ni yahugū nīaja: Cohācjüre siniña. Sa sinina mūsā nenata. Mūsā sinidire bocanata. Tiquirore sa siniducuya. Mūsā sa yegū tiquiro ohorota. ¹⁰ Ijipihtiyequina Cohācjüre siniñequina neeta. Sa ye tiquina sinidire bocaeta. Sa yero ijipihtiyequina Cohācjüre sa siniducyequinare tiquiro tiquinare ohorota.

¹¹ ĴMūsā pohna mūsare wahire tiquina sinigū añare ohoboagari mūsā tiquinare? ¹² ĴMūsā pohna canaca dūere tiquina sinigū cutipare ohoboagari mūsā tiquinare? Ne ohosi. ¹³ Mūsā ñana ijiepenata mūsā pohnare quehnoañene ohoe tiri mūsā. Sa yero Cohācjū pehe mūsā ohori yūhduoro quehnoañene ohore mūsare. Tiquiro mari Pacu ũhmuse cĵāno Espīritu Santore ohorota tiquirore siniñequinare, niahye Jesu tiquiro buheyequinare.

—Jesu watīno tutuayere cūore, ni, yahusāhye masa

(Mt 12.22-30; Mr 3.20-27)

¹⁴ Ti pjerē Jesu watīnore cohāno niahye. Watīno pehe yahuducu masiedagū yeahye masūnore. Sa yero watīno masūnore tiquiro duhuri bato masūno pehe yahuducu dūcahye. Tiquiro yahuducugū tūhoye masa peyequina tūho maria wahahye. ¹⁵ Tiquina

sa tūho mariepegūta apequina pehe ohō saha niahye:

—Ahriquiro Jesu watīare tiquiro cohāgū Beelzebū wame tiri quiro watīa puhtoro pehe tiquirore yedohore, niahye apequina.

¹⁶ Apequina “ĴJesu Cohācjū tiquiro ohoriquiro ijiajari?” ni masi duaye tiquirore Cohācjū tutuaye mehna ye ihñō dutimahye. ¹⁷ Tiquina sa dutigū tūhoro “Watīno tutuaye mehna watīare cohāre”, ni, tiquina tūhotuyere masino, tiquinare ohō saha ni yahuahye Jesu, “Watīno ye tutuaye mehna watīare cohāgū niedaja”, nino taro:

—Ihcā yehpa cĵēna tiquina basi cahmequeñe, ti yehpa cĵēna yaria pihtia wahaboaga. Sa ye ihcā wūhu cĵēna tiquina basi cahmequeñe, ti wūhu cĵēna waha pihtia wahaboaga. ¹⁸ Sa ye, watīno yequina watīa tiquina basi cahmequeñe, tiquina watīa gūhu waha pihtia wahaboaga. Ihcā curua iji masiedaboaga. Mūsā yūhure ohō saha nine. “Tiquiro watīno tutuaye mehna watīare cohāre”, mūsā yūhure nina niaga. ¹⁹ ĴYūhure mūsā nidi poto ijigū mūsā mehna cĵēna watīare cohāñe watīno tutuaye mehnata cohājari tiquina gūhu, mūsā ihñagū? Mūsā mehna cĵēna watīare cohāñe, watīno tutuaye mehna cohāñe niedare. Ahrire masina watīno tiquiro tutuaye mehna watīare yūhu cohāedagū masinata mūsā. ²⁰ Sa yegu yūhu pehe watīare cohāgū Cohācjū tutuaye mehna cohāja. Ahrire masina, Cohācjū tiquiro puhtoro iji dūcayere masinata mūsā.

²¹ Tutuariquiro tiquiro ye wamoā mehna tiquiro ya wūhure tiquiro ihña ihbogū tiquiro yere apequina yaque masiedare. ²² Tiquiro sa ihña ihboepēgūta apequiro tutuā yūhduariquiro tiquiro mehna cahmeque, tiquirore yūhduca, tiquiro ye wamoare ehma cā, tiquiro yere ehma cāhre. Ohō sahata ye yūhducaro cahmene watīare. ²³ Ihcāquiro yūhure cahmedaro, yūhure ihña tuhtiriquiro ijire. Ihcāquiro yūhure yedohoeraro yūhure ñano yero nine, ni buheahye Jesu.

Watīno pari turi masūnore tiquiro sajāri quitiye yahuahye Jesu
(Mt 12.43-45)

²⁴ Sa yero tiquiro tūhotuye mehna ohō saha ni queoye mehna buheahye tiquinare:

—Watīno masūno mehna ijiri quiro waha, tiquiro aco marieni yehṗarṗu tinino, tiquiro ijiatore macamahye. Bocaeraro, ohō saha ni tūhotuahye: “Masūno yūhu duhuri quiro mehna pari turi ijigū wahātĵa”, ni, tūhotuahye tiquiro. ²⁵ Sa nino tiquiro tojoa waha, masūnore bocaehye. Sa tiquiro bocagū masūno pehe quehnoariquiro ijimahye. ²⁶ Sa yero watīno apequina siete watīare tiquiro yūhduoro ñañequinare pijiro

wahahye. Tiquiro sa pijigū tiquina ijipi-tiyequina wafā masuno mehna ijiahye. Sa yero masuno pehe to pano ihcāquiro wafnōre curo, ñariquiro ijimahye. Camerū pehere peyequina wafāre cōriquiro ijiro, to pano tiquiro ijiriro yuhduoro ña yuhduariquiro ijiahye, niahye Jesu.

Jesu bucueyere yahuahye

²⁷ Tire tiquiro sa nigū masa watoa ijiricoro numino Jesure yahuahye:

—Muhare pohna tiricoro, mūhare apūoricoro bucuericoro ijire, niahye Jesure.

²⁸ Ticoro sa ni tuhasagū tuhoro Jesu ticorore yuhthahye:

—Cohācjū yahuducuyere tuhoyequina tiquiro dutiyere yeyequina tiquinata ijiaga bucueyequina, niahye Jesu ticorore.

Masa ñañequina Jesure Cohācjū tutuaye mehna ye ihño dutiahye

(Mt 12.38-42; Mr 8.12)

²⁹ Sa ye peyequina masa Jesu caharū tiquina wihigū, tiquiro tiquinare yahu nemoahye:

—Yojoṛū cjēna ñañequina ijire. Yuhare poto nigū yuhū ijiyere tiquina masi duaye, Cohācjū tutuaye mehna yuhū ye ihñogū ihña duamene. Tiquina sa ihña duepegūta Jona panorū cjōno Cohācjū tutuaye mehna tiquiro yeri dihitare ihñonota Cohācjū tiquinare. ³⁰ Jona Cohācjū yere yahu mūhtariquiro ijiro, tiquiro Ninive wame tiri maca cjēnare Cohācjū yere tiquiro masigū yeriro sahata yuhū masu Cohācjū ohorigū masigū yeaja yojoṛū cjēnare. ³¹ Buhiri dahreati deco ijigū puhtoro sur cjōno panorū cjōno ducu, yojoṛū cjēnare “Ñana ijire masa”, ni yahusānata ticoro. Ticoro Salomo panorū cjōno tiquiro masifene tuho duaro yorarorū ahri yehpa ape sierū ijiricoro Salomoro tuhoro ahtahye. Sa yero quehnoano yero niahye yojoṛū cjēna yuhduoro. Sa yero ticoro yahusānata yojoṛū cjēnare. Sa nigū masare poto niita niaja. Yojoṛū masare yuhū buheye Salomo tiquiro buheri yuhduoro ijire. ³² Buhiri dahreati deco ijigū Ninive wame tiri maca cjēna gāhū ducu, yojoṛū cjēnare “Ñana ijire masa”, ni yahusāeta tiquina. Jona tiquinare Cohācjū yere tiquiro yahugū tuhoye, tiquina ñañene bujua witi, quehnoañene cahmeahye tiquina pehe. Sa cahmeñe quehnoano yeye niahye yojoṛū cjēna yuhduoro. Sa ye tiquina gāhū yojoṛū cjēnare “Ñana ijire masa”, ni yahusāeta. Masare poto niita niaja. Yojoṛū masare yuhū buheye Jona tiquiro buheri yuhduoro ijire, ni yahuahye Jesu.

Masa tiquina tuhōturo sahata yere

(Mt 5.15; 6.22-23)

³³ Sa yero queoye mehna buhero ohō saha ni yahu nemoahye tiquinare:

—Masa sihāriare sihāñe nūoedare. Tiare sihāñe dihi sutu docarū duhu dapoerare. Tiare ahmūserū duhu peore wuhūṛū saǰā tayequina tiquina quehnoano ihña saǰā tatore yeye. ³⁴ Sihāria quehnoano buhriogū mari quehnoano ihña masino sahata quehnoañene tuhōtuyere mehna quehnoano ye masinata masa. Masa tuhōturo sahata yere masa. Quehnoañene tuhōtuna quehnoano yere masa. Quehnoañene tuhōtuerana ñañe pehere yere masa. ³⁵ Sa yena quehnoano yeya. Masa tuhōtuyerū ñañene wacūedacāhña. Ñañene ne cahmedacāhña. ³⁶ Tuhasa masa tuhōtuyerū quehnoañe ijigū, ñañe ne mariedagū quehnoañe dihitare tuhōtunata, ni buheahye Jesu.

Fariseo masare, judio masare buheyequina gūhare Jesu tuhti yahuahye

(Mt 23.1-36; Mr 12.38-40; Lc 20.45-47)

³⁷ Jesu tiquiro buhe tuhasagū ihña, fariseo masuno tiquirore tiquiro ya wuhūṛū ihya dutiro pijiahye. Sa yero Jesu tiquiro ya wuhūṛū saǰā sa, tiquina ihyarorū tiquina mehna nuju sahye. ³⁸ Tiquiro sa nuju sagū fariseo masuno pehe Jesure ihña nunano judio masa tiquina omo coseducuro sahata tiquiro omo coseragū ihñano ohō saha ni tuhōtuahye: “Yohou. ¿Ahriquiro dahsero omo coserajari usā yero saha?” ni tuhōtuahye. ³⁹ Tiquiro sa ni tuhōtugū masino Jesu tiquirore yahuahye:

—Masa fariseo masa sihniñe parire, wari gūhare bui pehe dihitare masa cosero sahata quehnoañene ye ihñore masa buigū warona. Sa yepenata Cohācjū yere queoro yerare. Apequina yere ehma mūjare masa. Sa yena ñañe dihitare tuhōtore masa. ⁴⁰ Tuho masiedare masa. Cohācjū masa pagurire yeriquiro masa tuho masiñe gūhare yeahye. ¿Tire masiedajari masa? ⁴¹ Sa yena masa yere pejecoyequinare ohoya masa. Masa sa yena quehnoañene tuhōtuna ijinata.

⁴² Masa fariseo masa ñano yuhduata. Moa yero saha ijiyere ihyayere ocagū yeyere cūona mehenogū ohomene masa. Cohācjūre ño peona tana pahiare ohomene masa. Sa ohopenata quehnoañene yerare masa. Sa yena masare paja ihñedare masa. Sa yena Cohācjūre ño peerare masa. Oteye ducagāre masa nedire mehenogū Cohācjūre masa ohogū quehnoañene. Sa ohona ohō saha ye nemoña: Quehnoañene yeya. Sa yena paja ihñañe masare. Sa yena Cohācjūre ño peoya masa.

⁴³ Masa fariseo masa ñano yuhduata. Buhiri wuhūṛū ijina, quehnoañe dujiye dihitare duji duare masa. Doeri cjē duarorū apequina puhtoare quehnoano ño

peo tiquina sinino saha musare piti cagā cahmene musa.

⁴⁴ 'Nāno yāhdunata musa. Masa cope n̄ori cope yero saha ijire musa. Ti cope cahagā masa ijiye, puhiar̄u cjāno ahbariquirore ihñedare tiquina. (Sata masa musa cahagā ijiye, musa tuhōtuyep̄are ñañe ijiyere masiedare tiquina,) niahye Jesu tiquinare.

⁴⁵ Tiqiro sa nigū tuhoro judio masare buheyequina mehna cjāno Jesure yahuahye:

—Buhegu, tire nigū usā gūhure ñano nii niaga mūh̄u, niahye tiqiro Jesure.

⁴⁶ Tiqiro sa nigū Jesu yāhtiahye:

—Ijirōta ijire. Judio masare buhena musa gūh̄u ñano yāhdunata. Masa apequinare tiquina ye masiedare ye dutire musa tiquinare. Sa ye dutiepenata musa pehe tiquinare ne mehenogā yedohoerare ti dutiyere tiquina yeati pehere.

⁴⁷ 'Sa yena musa ñano yāhdunata. Cohācjū yere yahu m̄htariquina panor̄u cjēna tiquina masa coperire quehnoano quehnōmene musa tiquinare ño peoro saha yena. Musa sa yepegūta panor̄u cjēna musa acaye pehe tiquinare wejēahye. ⁴⁸ Musa acaye panor̄u cjēna pehe Cohācjū yere yahu m̄htariquinare tiquina wejēdiro sahata musa gūh̄u yeboaga. Sa yena yojor̄ure ti masa coperire quehnōmene musa. Sa quehnona musa acaye tiquinare tiquina wejēdiro wacūre musa. Sa tiquina wejōriro wacūna “Quehnoa cāhre”, ni wacūre musa.

⁴⁹ 'Cohācjū tiqiro masiñe mehna ohō saha ni yahuahye: “Yeere yahu m̄htariquina gūhure yūh̄u buhe duti cōriquina gūhure ohoutja tiquinare. Sa yeye tiquina yūh̄u ohoriquinare apequinare wejē, apequinare ñano yeeta”, niahye Cohācjū. ⁵⁰⁻⁵¹ Ahri yehpare Cohācjū tiqiro bajumehnedi bato Caī pehe Abe wejēahye. Sa ye Cohācjū yere yahu m̄htariquinare Abe bato ijiyequina gūhure ñañequina wejēahye. Came Zacariare Cohācjū wūh̄ar̄u Cohācjūre ño peori altar cahar̄u musa acaye wejēahye. Ijipihtiyequina tiquinare tiquina wejēdi buhiri yojor̄u cjēnare Cohācjū buhiri dahrerota. Sata ijire. Musare niguta niaja. Ijipihtiyequina tiquinare tiquina wejēdi buhirire yojor̄u cjēnare Cohācjū buhiri dahrerota.

⁵² Musa judio masare buhena, musa ñano yāhdunata. Cohācjū masiñene tiquina ojoari pūr̄ine cūopenata apequinare yahuerare musa. Musa basi Cohācjū yere tuhōerare. Sa yena apequina tiqiro yere tiquina tuhō duepegūta tire musa tiquinare tuhō dutiare, niahye Jesu tiquinare.

⁵³⁻⁵⁴ Tiqiro sa nigū tuhoye judio masare buheyequina, fariseo masa gūh̄u tiqiro mehna usua, tiqirore ñano yahuducuahye.

Sa ye Jesu tiqiro ñano yāhtigū tuhō duaye, tiquina peye ni meho cū sinitumahye tiqirore, tiqirore yahusā duaye.

12

Tiquina ni mehoducure Jesu yahuahye
(Mt 16.6; 10.26-27; Mr 8.15)

¹ Sa ye Jesu cahar̄u masa peyequina cahmecoa, wahpa yāhduahye. Top̄u Jesu tiqiro buheyequinare ohō saha ni yahu dūcahye:

—Quehnoano wacū masiña musa. Fariseo masa tiquina ye pāre pugū yeyere ihñana quehnoano wacū masiña. Tiquina ni mehoducure nigū niaja “Pāre pugū yeye”, nigū. ² Ijipihtiyequina apequina tiquina masiedare came masieta. ³ Sa yero ñamip̄are tiquina n̄o yahuducure buhrior̄u bajugū yero sahata Cohācjū yahurota. Bihari tucūp̄u apequirore cahmono caha tiquina nidire masa peyequina watoa yahurota Cohācjū, ni yahuahye Jesu.

Masa tiquina cueatiquirore yahuahye
Jesu

(Mt 10.28-31)

⁴ Sa yero Jesu yahu nemoahye tiquinare:

—Poto niita niaja musare. Masare wejēñequina wejē tuhāsa pari turi tiquina wejōriquina m̄nare ñano ye nemo masiedare. Sa yena musare wejē duayequinare cueracāhña. ⁵ Yojor̄ure musa cueatiquirore musa ño peotiquirore yahutja. Cohācjū pehere cue, ño peoya. Tiqiro musa yariari bato pecar̄u cohā masine musare. Sata ijire. Poto nigū niaja. Cohācjū pehere cue, ño peoya.

⁶ 'Ihcā omopequina siripia wapa mariedare. Sa wapa mariedapegūta ihcāquirogāre Cohācjū ne boerare. ⁷ Sa yero musa poar̄ire ne ihcā poa da dūh̄saro marieno masi pehere Cohācjū. Sata musa ijiye tiye gūhure masi pehere Cohācjū. Sa masino musare ihñā ihboducure. Siripia yūhdūoro Cohācjū cahñe musa pehere. Sa yena tiqirore ño peona, cueracāhña musa, niahye Jesu.

Jesyequina musa ijiyere yahuya masare
(Mt 10.32-33; 12.32; 10.19-20)

⁸ Sa ye Jesu yahu nemoahye:

—Musare niita niaja. Ihcāquiro “Jesu yaquiro ijiaja”, masare tiqiro nigū ihñagu, yūh̄u masu Cohācjū ohorigū “Tiqiro yaquiro ijire”, ni yahutja Cohācjū yequina angelere. ⁹ Ihcāquiro “Jesu yaquiro ijieraja”, masare tiqiro nigū, yūh̄u gūh̄u “Tiqiro yaquiro ijierare”, ni, yahutja Cohācjū yequina angelere.

¹⁰ 'Ihcāquiro yūh̄ure ñano tiqiro ni yahuducugū ti ñañene Cohācjū bo masine. Sa boeperota ihcāquiro Espiritu Santo

pehere tiqiro ñano ni yahuducugā ti ñañene ne Cohācjū bosi.

¹¹ 'Mari judío masa buheri wāhupū puhto cahapū apequina māsare ne sajā "Ñañequina ijire", ni yahusāeta. Tiquina sa yahusāgū masa yahuducuatire "Acuehi, masiedaboaga", ni tūhotueracāhña. ¹² Tiquina māsare yahusāgūta Espiritu Santo masa yahuducuatire yahurota, niahye Jesu.

Doeri cjē uparo quitire yahuahye Jesu

¹³ Sa ye masa mehna cjāno Jesure ohō saha ni yahuahye:

–Buhegū, usā pacū tiqiro yariari bato tiqiro ye usāre tojoare. Sa yegu yuhū wahmine tire yuhū gūhare queoro tu wa dutiya, niahye tiqiro Jesure.

¹⁴ Tiquiro sa nigū Jesu yahtiahye:

–Ne ti borore tu wabogū ijieraja yuhū, niahye Jesu tiqirore.

¹⁵ Sa ni tuhasa Jesu ijipihitiyequinare yahuahye:

–Quehnoano yeya masa. Doeri cjēne, apee boro gūhare cahīedacāhña. Peye cuopenata ti mehnata bucueducueraja mari, niahye Jesu.

¹⁶ Sa ni tuhasa Jesu qiti mehna yahuahye tiquinare:

–Doeri cjē uparo quehnoari yehpare cuoahye. Sa ye ti yehpapū tiqiro otegū quehnoano dūca tiahye. ¹⁷ Sa yero tiqiro basi ohō saha ni tūhotumahye: "Dūca ihboye wūhuse ne esa tuhaerare. ¹⁸ Yojoapū ohō saha yeitja: Yojoapū yuhū ihboye wūhūserē cohā cā, māna wūhuse yuhduoro wahma wūhuse yeitja. Ti wūhusepū yuhū oteye dūcare, ijipihitiyere yeere ihboutja. ¹⁹ Yuhū sa yeri bato, ohō saha ni, tūhotutja yuhū basi: 'Yuhū peye apee boro cuogū ijiaja. Quehnoano soutja. Sa yegu ihya, sihni, bucuaitja', ni tūhotutja yuhū basi", ni tūhotumahye tiqiro. ²⁰ Tiquiro sa ni tūhotugū Cohācjū tiqirore yahuahye:

"Mūhū ne tūho masiegū ijire. Mīa ñamita mūhū yariagūta. Mūhū sa wahagū mūhū ye, mūhū cahīdi butia waharota", niahye Cohācjū tiqirore, niahye Jesu masare.

²¹ Tire nino, masare ohō saha ni yahuahye Jesu:

–Sata wahaeta doeri cjē opana Cohācjūre wacūñequina. Sa yero peye doeri cjēne, niñerure tiqiro ye ijati dihitare ihboriqiro Cohācjūre wacūedarō, tiqiro pejecuoriquiro yero saha ijirota, Cohācjū tiqiro ihñagū. Sa yero Cohācjū tiqirore ihña bucuere, niahye Jesu.

Cohācjū tiqiro pohne ihña ihbore

(Mt 6.25-34)

²² Sa ye Jesu tiqiro buheyequinare ohō saha ni yahuahye:

–Ahrīre māsare nigū niaja: Mūsa ihyatire, mūsa suhti sañatire, pajiro bājua

witi tūhotueracāhña. ²³ Cohācjū māsare bajumehnenō, ihyatiquina dihitare yerari māsare. Sa yero suhti sañatiquina dihitare yerari māsare tiqiro. ²⁴ Minicjūa parire Cohācjū tiqiro ihña ihboyerē masiña. Tiquina weseri marieñequina ijire. Sa ye ihyayere tiquina ihboye wūhuse tiquinare mariedare. Tiquina sa ijigū ihñano tiquinare Cohācjū tiquina ihyatire ohore. Minicjūa yuhduoro mūsa pehere cahīne Cohācjū. ²⁵ Pajiro mūsa tūhotuyē mehna ti māsare ihcā hora cati nemogū yerare. Sa yero mūsa pajiro tūhotuyē dūhseati ijierare. ²⁶ Sa ye pajiro mūsa tūhotuyē mehna ne mehenogā ye masiedare mūsa. ¿Sa yena pajiro mūsa tūhotuyē ti dūhseati ijierapegūta dūhse yena mūsa ihyatire, mūsa sihniatire, mūsa sañatire pajiro bājua witi tūhotuajari?

²⁷ 'Nucū cjē cohōrire tūhotuyā. Ti cohōri ti basi suhtire yerare. Sa yerapeta quehnoañē suhti sañañequina yero saha quehnoano bajure ti cohōri. Salomo mūnāno quehnoañē suhtire sañariquiro tiqiro ijiepegūta ti cohōri pehe tiqiro yuhduoro quehnoañē yuhduayē cohōri waro ijire. ²⁸ Cohōrire quehnoañē cohōri yere Cohācjū pehe. Tiquiro sa yepegūta cohōri pehe meheñē decorigā ijiducume ñai bora dijiaa wahare. Mehenogā iji, ape deco pecapū ujūa wahare. Ti sa ijiepegūta cohōrire quehnoañē cohōri ijigū yere Cohācjū. Sa yero Cohācjū cohōrire tiqiro quehnoañē cohōri tiqiro yeriro yuhduoro mūsa gūhare quehnoano yerota. Suhtire ohorota. Mehenogā Cohācjūre wacū tutuare mūsa. ²⁹ Sa yena mūsa ihyatire, mūsa sihniatire pajiro bājua witi tūhotueracāhña. ³⁰ Cohācjūre cahmeñequina pehe ahri yehpa cjēna pehe tire sa macaducuyē nine. Mari Pacū uhmūse cjāno ijipihitiye mūsa cahmeñene masine. Tiquiro sa masigū pajiro bājua witi tūhotueracāhña. ³¹ "Cohācjū yuhū puhtoro ijire", ni tūhotu, tiqirore cahmeña mūsa. Mūsa sa yeri bato Cohācjū pehe mūsa cahmeñē dūhsagū ohorota, ni yahu nemoahye Jesu.

Uhmūsepū mari peye cuo masiaja

(Mt 6.19-21)

³² Sa yero tiquinare yahu nemoahye:

–Yuhū cahīna, meheñequinagā ijiepenata, cueracāhña mūsa. Cohācjū tiqiro puhtoro ijiorapē tiqiro mehna mūsa ijigū cahmene tiqiro. ³³ Sa yena mūsa yere dua pehoya. Tire dua, ti niñerure ne, pejecuoyequinare ohoya. Sata mūsa yegū uhmūse cjē mūsa wapatayē ne pihitisi. Uhmūsepū mūsa ye ijiro ne pihitierare. Topare mūsa yere nea masiedare yaqueriquiro. Sa ye mecasia gūhū tire tūa masiedare. ³⁴ Uhmūsepū mūsa ye ijigū

ahmase cĵē dihitarē tãhotunata masa, niahye Jesu.

Jesu tiqiro tojoa tatire cohte dutiahye tiqiroyequinare

³⁵⁻³⁶ Sa ni tuhasa tiquinare yahu nemoahye:

—Masa yere quehnoyu tuhasariquina yero saha yeere sa yeducuna ijina yũhare cohteya. Dahra cohteyequina tiquina puhtoro omoca dahteri bose decopũ tiqiro wahagũ tiqiro tojoa tatire tiquina cohtere. Tiquina sa cohteriro saha yũhũ tojoa tatire cohteya masa gũhũ. Puhtoro tiqiro wũhũpũ wihi, sopecahare tiqiro dotegũ tãhoye tiquina duita pũo sũre tiqiro. ³⁷ Dahra cohteyequina tiquina puhtoro wihigũ tiqiro cahmeno sahata yeducuyequina ijiye, bucuyequina ijieta. Tiquina sa yegũ ihũano puhtoro pehe dahra cohteriquiro yero saha comesarota. Sa yero dahra cohteyequinare duji dutiro, tiqiro tiquina ihyayere peorota. ³⁸ Tiqiro wihiri pje ñami decopũ, o bohreagũpũ ijipegũta dahra cohteyequina pehe tiqiro wihiri pjere tiqirore quehnoano cohteyequina ijiye, bucuyequina ijieta tiquina. ³⁹ Ahrire wacũña. Yaqueriquiro wũhũpũ tiqiro wihiatu pano ti wũhũ cĵãno masiedare. Wũhũ cĵãno yaqueriquiro tiqiro wihiatore masino, yaqueriquirore sajã ta dutieraboaga. Sa yero wacũeno mehna ahtare yaqueriquiro. ⁴⁰ Sa yena masa gũhũ cohteya. Yũhũ masũ Cohãcĵũ ohorigũ wacũeno mehna ahtaũtja. Sa yena yeere sa yeducuna ijina cohteya masa, niahye Jesu tiquinare.

Apequiro dahra cohteriquiro tiqiro puhtorore tiqiro ño peogũ, apequiro pehe ño peorahye

(Mt 24.45-51)

⁴¹ Tiqiro sa nigũ Pedro pehe sinituahye Jesure:

—¿Ahrĩ quitire yahugũ usãre nigũ niajari? ¿O ijiptiyequinare sa nigũ niajari? niahye Pedro.

⁴² Tiqiro sa nigũ Jesu tiqiro tãhotuye mehna ohũ saha ni queoye mehna bueahye tiquinare:

—Dahra cohteriquiro tiqiro puhtorore ño peoriquiro tãho masiniquiro ohũ sahata ijire. Puhtoro tinino waharo, dahra cohteriquirore tiqiro ya wũhare cũre. Tiqiro cũnohriquirõ pehe dutiriquiro ijirota. Sa yero tiqiro ihyari pje ijigũ apequina dahra cohteyequinare ihyayere itire. ⁴³ Came puhtoro tiqiro wihigũ dahra cohteriquiro pehe tiqiro puhtoro tiqiro dutiriro sahata ye pehoriquiro ijiro, tiqiro buceriquiro ijirota. ⁴⁴ Poto niguta njaja musare. Tiqiro sa yegũ tiqiro puhtoro ijiptiye tiqiro yere ihũa

ihboriquiro cũnota tiqirore. ⁴⁵ Apequiro dahra cohteriquiro pehe “Yũhũ puhtoro yoari pje bajuerare”, niboaga. Sa nino apequina dahra cohteyequinare umãare, numia gũhare quẽ mũja, pajiro ihya, sihi, queheboaga. ⁴⁶ Tiqiro sa yeri bato wacũeno mehna tiqiro puhtoro wihirota. Sa wihiro tiqirore ñano buhiri dahrerota. Sa yero Cohãcĵũre yũhdũcayequinare tiqiro cohãnopũ tiqirore cohãnota.

⁴⁷ Sa yero dahra cohteriquiro tiqiro puhtoro cahmeñene masiniquiro ijieperota tire tiqiro yeragã, tiqiro quehnoano dahraeragã tiqiro puhtoro pehe tiqirore yuta da mehna tananota. ⁴⁸ Apequiro pehe dahra cohteriquiro tiqiro puhtoro cahmeñene masiniquiro ijiro quehnoano yeragã ihũano tiqiro puhtoro pehe derogã tiqirore tananota. Cohãcĵũ pajiro masare ohoro pajiro tiquinare apequinare oho dutirota. Sa yero tiqiro cahmeñene masigũ yere masare. Quehnoano tiqiro masigũ yenhriquinare quehnoano yũhti dutire tiqiro, niahye Jesu.

Jesu masare cahme tu wagũ yere

(Mt 10.34-36)

⁴⁹ Sa ni tuhasa Jesu tiquinare yahuahye tja:

—Peca uĵã weriro sahata yũhũ ahrĩ yehpapũre masa tiquina ñãñe yeyere cose wegũ ahtagũ nii. Yojoopũ pũrita peca uĵã wero saha ñãñe marieñequina masa tiquina ijigũ tutuaro cahmeaja yũhũ. ⁵⁰ Yũhũ ñano yũhdũtja. Yũhũ sa ñano yũhduatire cohtegũ, ñano jeriphona tiaja yũhũ. ⁵¹ ¿Dũhse ni tãhotuajari masa yũhare? ¿“Tiqiro masare tiqiro buheri bato apequina tiquina basi ihũa tuhtisi”, ni tãhotuajari masa yũhare? Sa ijierare. Masare yũhũ buheri bato ihquẽquina yeere tãhoeta. Apequina pehe tiquinare ihũa tuhtieta. Ihcãno saha ijisi masa. Musare niguta njaja. Masa yũhũ buheyere tãhoye, pũa curua cahme tu waeta. ⁵² Yojoopũ ihcã wũhũ cĵãna ihcã omopequina masa yũhũ buheyere tãhoye, pũa curua tiquina basi cahme tu waeta. Ihcã curua ihtiaro, ape curua puaro ijieta. ⁵³ Tiqiro pacaro tiqiro macnõre ihũa tuhtirota yaquiro tiqiro ijiri buhiri. Tiqiro macnõ gũhũ tiqiro pacorore ihũa tuhtirota yaquiro tiqiro ijiri buhiri. Sa yero ticoro pacoro maconore ihũa tuhtirota yacoro ticoro ijiri buhiri. Sa yero ticoro mareono ticoro macũ namonore ihũa tuhtirota yacoro ticoro ijiri buhiri. Sa yero apecoro macũ namono gũhũ ticoro mareonore ihũa tuhtirota yacoro ticoro ijiri buhiri. Sa waharota, yũhũ buheyere tiquina tãhogã, niahye Jesu.

*Quehnoari deco ijiatire, ñari deco ijiatire
masa tiquina masiñene yahuahye Jesu*
(Mt 16.1-4; Mr 8.11-13)

⁵⁴ Sa ye Jesu masare ohō saha ni yahuahye tja:

—Ahrie peheru acoro cururire ihñana, duita “Acoro ahtarota”, nine musa. Musa sa nidi bato acoro ahtare. ⁵⁵ Sa yena surpu wihnono ahtagū “Asiri deco ijirota”, nine musa ahri yehpapu ijina. Musa sa nidi bato cahmari deco ijire. ⁵⁶ Musa masa ihñonopu quehnoano iji mehoducuna ijire. Musa ahri yehpare ahmuse gāhare ihñana, quehnoari deco ijiatire, ñari deco ijiatī gāhare masine musa. ¿Sa yena yojopu cjē decorire masiepenata duhsena ahri yehpa cjāna yojopure musa duhse wahatire masiedajari musa? ni-ahye Jesu.

*Musare ihña tuhtiriqiro mehna musa
cahmequedire cahmeque duhuya*
(Mt 5.25-26)

⁵⁷ Sa ni tuhasa ohō saha ni yahu nemoahye:

—¿Musa poto yeatire yojopu masiedajari musa? ⁵⁸ Apequiro mūhare yahusāno waharo buhiri dahre dutiri wūhpu waha dutiboaga. Topu wahana “Pari turi mūhare sa yesi”, nigū cahmeque duhuya. Mūhu sa duhueragū tiquiro buhiri dahre dutiriqiro cahapu neaboaga mūhare. Sa yero buhiri dahre dutiriqiro pehe mūhare surarare tiquiro ohogū, mūhare surara peresu yeeta. ⁵⁹ Mūhare nigū niaja. Topu ijiniita mūhu. Tee tiquina wapa ye dutirire mūhu wapa ye pehogupu wijiaguta mūhu, niahye Jesu.

13

*Musa ñañe yerire bujua witi, quehnoañe
pehere comesaya*

¹ Ti pjere meheñequinagā masa Jesure ohō saha ni yahue tiahye:

—Galilea cjēna wahiquire wejē ujā mūo Cohācjūre tiquina ño peori watoa Pilato pehe tiquire wejēahye. Tiquiro sa wejēgū wahiquire dii mehna masa dii moreahye, ni, yahuahye tiquina Jesure.

² Tiquina yahu tuhasagū Jesu yūhtiahye:

—¿Galilea cjēna Pilato tiquiro wejēgū wejōriquina mūnare duhse ni tūhotuajari musa? ¿Tiquina sa yariagū apequina Galilea cjēna yūhdūoro ñañequina tiquina ijiri buhiri sa yeyari Cohācjū tiquinare, musa tūhotugū?

³ Ijierare. Musare niita niaja. Musa pehe musa ñañene bujua witierana, quehnoañe pehere comesaerana, musa gūhu yariana pecapu wahanata. ⁴ Sa ye sohō ijiriquina diez y ocho masa Siloé wame tiri wūhu ahmūari wūhu tiquina bui wihnoa dijiaro, tiquire wejē pehoahye. ¿Sa waha yariaye, apequina Jerusalē cjēna yūhdūoro ñañequina ijiyari tiquina, musa tūhotugū? ⁵ Ijierare.

Musare niita niaja. Musa ñañene bujua witierana quehnoañe pehere comesaerana, musa gūhu yarianata. Sa yena pecapu wahanata, niahye Jesu tiquire.

*Higueragu dūca mariedu quitire
yahuahye Jesu*

⁶ Sa ni tuhasa apeye queoye mehna piti dahre yahuahye tiquire:

—Wese upuro tiquiro wesepu higueragure cūoahye. Sa yero tiquiro tū dūcare macano wahamahye. Bocaerahye. ⁷ Bocaeraro tiquiro wese dahrariquirore yahuahye. “Tūhoya yūhare. Ihtia cūma waro higueragu dūcare macamaja. Dūca mariedare. Tū dūca mariedagū tare quē cohā cāhña. Tū ya wesepu ijigū apedure otero basioerare. Apedu tū ihyaborire ihyaboaga tū dūca mariedu pehe”, niahye wese upuro tiquirore dahra cohteriquirore. ⁸ Tiquiro sa nigū tūhoro dahra cohteriquiro ohō saha niahye: “Pūhto, ahdu ihcā cūma waro ducuriahdo. Tū nūhcoripū yūhu sehegtja. Tuhasa, wahiquire cūhta mehna ti copere yautja. ⁹ Yūhu sa yeri bato tū ape cūma dūca tiro dūca tiboaga. Tū dūca mariedagū mūhu quē cohā dutigūta”, niahye dahra cohteriquiro wese upurore, ni, yahuahye Jesu.

*Saurū deco ijigū Jesu dohatiricorore
yūhdūoahye*

¹⁰ Ti pjere saurū deco ijigū Jesu judio masa buheri wūhpu buhero niahye. ¹¹ Topu watino cūoricoro ijiahye. Watino pehe diez y ocho cahmari waro dohatigū yeahye ticorore. Sa yero pari tū ducuricoro ijiro, poto ducu masiedahye. ¹² Ticoro sa ijigū ihñano Jesu ticorore ihña, pisuahye:

—Numio, mūhu dohatiye pihtia wahare, ni, pisuahye Jesu.

¹³ Tiquiro pisuri bato ticorore tiquiro ña peogū duita ticoro quehnoano poto dūca sahye. Sa waharo “Cohācjū tutuagu, quehnoagu ijire mūhu”, ni ño peoahye ticoro. ¹⁴ Jesu ticorore saurū deco ijigū tiquiro yūhdūogū ihñano judio masa buheri wūhu cohteriquiro pehe tiquiro mehna usuahye. Sa usaro tiquiro masare ohō saha niahye:

—Seis decori ijire mari dahraye decori. Sa yena musa dohatiyequinare yūhdūo dūana, ti decorire tire yeya. Saurū mari sori decore tire yeracāhña, niahye ti wūhare cohteriquiro.

¹⁵ Tiquiro sa nigū Jesu ohō saha ni yūhtiahye:

—Masa ihñono dihita quehnoana iji mehona ijire musa. Musa wecure, burro gūhare cūona saurū decore tiquina dūhteri dare pā, tiquire ne buha, sihni dutiboaga. ¹⁶ Yojopu ahricorore Abrahā mūnano acayorore watino diez y ocho cahmari waro

ticorore dohatigū yere. ¿Saurú deco ijigū ticorore yuħdno dutierajari mŭsa? niahye Jesu.

¹⁷ Tiqairo sa nigū tuhoye, tiqaina buoro wahahye. Sa ye apequina pehe ijipihtiyequina Jesu yerire ihña, bucueahye.

*Mostaza pje queoyere yahuahye Jesu
(Mt 13.31-32; Mr 4.30-32)*

¹⁸ Sa ye Jesu queoye mehna buheahye masare:

—¿Ne Cohācjū masa puħtoro tiqairo ijiye yabe boro yero saha ijijajari? Ahri quiti mehna tire tiqairo puħtoro ijiyere yahutja yuħu. ¹⁹ Mostaza pjegā yero saha ijire. Ti pjegāre oteriquiro tiqairo ya wesere otere. Tiqairo oteri bato ti pjegā pihnine. Sa ye tu bucuagū minicjua pari ti duparipū suhti suhare, niahye Jesu. (Sa nino ohō saha nino niahye. Mostaza pjegā pajidu tu buchariro saha uħmuse cjānore mari puħtorore masiñequina meheñequinagā tiqaina iji mħtaepēgāta camerū tiqaina peyequina wahaeta.)

*Pā pugū yeye queoyere yahuahye Jesu
(Mt 13.33)*

²⁰ Sa yero pari turi Jesu queoye mehna buheahye:

—¿Ne Cohācjū masa puħtoro tiqairo ijiye yabe boro yero saha ijijajari? ²¹ Pāre pugū yeye yero saha ijire. Tire numino ihcā ajuro trigore aco mehna quehnoano tire dahra morene pā bucuatire. Ticoro sa yegū pāre pugū yeye pehe trigore quehnoano sehsaa wahare, niahye Jesu. (Sa nino ohō saha nino niahye. Pāre pugū yeye trigore ti sehsaa wahariro saha uħmuse cjānore mari puħtorore peyequina masa ijipihtiro cjēna masieta.)

Meheni sopecahagā quitire yahuahye Jesu

(Mt 7.13-14, 21-23)

²² Sa ye Jesu bujaye macaripū, daye macarigāpū gūhure buhe cā, Jerusalēpū esaro taro niahye. ²³ Tiqairo sa wahari watoa masano Jesure ohō saha ni sinituahye:

—¿Puħto, meheñequinagā masare pecarū wahaboriquinare yuħduorotari Cohācjū? niahye tiqairo Jesure.

Tiqairo sa nigū Jesu queoye mehna buhero ohō saha ni yahuahye:

²⁴ —Peyequina masa Cohācjū caharū waha duaye, sajā duamene. Meheni sopecahagāre mŭsa sajā duagū mijorīne. Sata Cohācjū caharū mŭsa waha duagū mijorīne. Masa sa sajā duepeta sajā masiedare. Sa yena mŭsa pehe meheni sopecahagāre mŭsa tutuaro sajā duaboro sahata Cohācjū pehere tutuaro masiña. ²⁵ Ohō saha yerota Cohācjū peyequina masare. Tiqairo wuħu upuro yero saha ijire. Wuħu upuro wahcā,

sopecahagāre biharota. Tiqairo sa yegū sopecahagāpū ducuna, dotenata. Dotena ohō saha ninata. “Puħto, sope pahmare pōohña”, mŭsa nigū wuħu upuro pehe yuħtirota. “Mŭsare, mŭsa ahtariro gūhure ne masiedaja yuħu”, ni yuħtirota. ²⁶ Tiqairo sa nigū mŭsa yuħtinata. “Mūhū mehna usā ihya, sihnii. Usā ya macarū buheri mūhū”, ninata mŭsa. ²⁷ Mŭsa sa nigū tiqairo pehe yuħtirota. “Mŭsare, mŭsa ahtariro gūhure ne masiedaja. Ijipihtina mŭsa ñañe yerina yuħu caharū ahtaeracāhña”, ninata wuħu upuro. ²⁸ Sa ye Abrahāre, Isaare, Jacore, ijipihtiyequina Cohācjū yere yahu mħtariquinare Cohācjū tiqairo puħtoro ijirone tiqaina ijigū ihñana, mŭsa pehe sopecaharū cohōrina ijina tutuaro utinata. Sa yena mŭsa tutuaro bujua witina, bahque dihonata. ²⁹ Ti pjere ijipihtiro cjēna Cohācjū tiqairo puħtoro ijirorūre esa, tiqairo mehna ihya dujieta. ³⁰ Yojoḡare ihyo ijijequina ijiriquina ti pjere puħtoa ijijeta. Sa yeye yojoḡare puħtoa ijiriquina ti pjeḡare ihyo ijijequina ijijeta, niahye Jesu.

*Jerusalē cjēnare tutuaro cahñahye Jesu
(Mt 23.37-39)*

³¹ Ti pjere meheñequinagā fariseo masa Jesu caharū esa, tiqairore yahuahye:

—Herode mūhure wejē duare. Sa yegū ape sierū wahaya mūhū, niahye tiqairore.

³² Tiqaina sa nigū Jesu pehe yuħtiahye:

—Herode ni mehoñe peyariquiro ijire tiqairo. Ohō saha ni yahuya tiqairore: “Jesu wafāre cohāno nine. Sa yero dohatiyequinare yuħduoro nine. Tire miare, ñamia gūhure yerota. Sa yero ñamia bohrearo dahra bato tirota”, ni yahuya Herodere. ³³ Sa yegū miare waha, ñamia gūhure waha, ñamia bohrearo gūhure waha, Jerusalēpū esautja. Cohācjū yere yahu mħtagure yuħure wejēta masa. Cohācjū yere yahu mħtariquinare tiqaina wejēgū Jerusalēpū ijiro cahmene tiquinare. Sa yegu yuħu gūhure Jerusalēpū ijiro cahmene.

³⁴ Ahyou, Jerusalē cjāna, mŭsa Cohācjū yere yahu mħtariquinare wejē, mŭsa caharū tiqairo ohoriquinare utā paca mehna doque wejēdi mŭsa. Canaca ticoro pohnene wūye dupari mehna ticoro moha cuñano saha peme tahari mŭsare cahīducumi. Mŭsare cahmedari. Mŭsa pehe yuħure ne cahmedari. ³⁵ Yojoḡ mŭsa ya maca cohōri maca ijirota. Ijirota niita niaja mŭsare. Cohācjū mari puħtoro tiqairo tutuaye mehna ahtaḡta yuħu. Yuħu ahtaḡ mŭsa yuħure “Cohācjū tutuaye mehna ahtariquiro quehnoahdo”, ninata. Yuħure mŭsa tire niato pano pari turi yuħure ihñasi mŭsa, niahye Jesu.

14

Dohatiriquirore yuhduoahye Jesu

¹ Ape deco saurú ijigü fariseo masa puhtoah mehna cjäno ya wuhupü Jesu ihyaro wahahye. Ti wuhupü ijিয়েquina tiquirore ihña nühahye. ² Sa yero omoca, ñecu gühu ipinohriquiro tiquiro cahapü esahye. ³ Sa yero Jesu judio masare buheyequinare, fariseo masa gühure sinituahye:

—¿Saurú ijigü dohatiriquirore yuhduo dutiajari Cohäcjä yere tiquina ojoari püpu? niahye Jesu.

⁴ Tiquiro sa ni sinituepegäta tiquina yuhtierahye. Tiquina yuhtieragü ihñano Jesu dohatiriquirore yuhduo, “Wahaya”, niahye tiquirore. ⁵ Sa ye tuhasaro, tiquinare sinituahye tja:

—¿Ihcäquiro mäsa mehna cjäno tiquiro macüno saurú deco mari sori deco ijigü aco ijiri copepu tiquiro bora sajägü ne wioeraboagari, mäsa tuhotugü? ¿Tiquiro yaquiro wecu gühure ne wioeraboagari, mäsa sa nina? Ne wioaboaga tiquiro, niahye Jesu.

⁶ Tiquiro sa niepegäta tiquina tiquiro siniturire yuhti masiedahye tja.

Omoca duhteri bose deco ijigü pijoriquinare yahuahye Jesu

⁷ Fariseo masüno ya wuhupü ijiri ti wuhü cjäno tiquiro pijoriquina quehnoañe dujiyere tiquina besegü ihñahye Jesu. Sa ihña tuhasa ohö saha ni yahuahye ijipihtiyequinare:

⁸ —Omoca duhteri bose deco müsare tiquiro pijiogä, quehnoañe dujiyere bese dujeracähña. Mäsa yuhduoro cua pesayequinare pijioaboaga ahri wuhü upüro. ⁹ Tiquiro sa yegü mäsa quehnoañe dujiyepü dujigü “Ahriquina cua pesayequina pehere mäsa dujiyere ohoya”, niboaga wuhü upüro müsare. Tiquiro sa nigü müsä pehe büoro wahana, ñañe dujiyepü dujioaboaga. ¹⁰ Sa yena wuhü upüro müsare tiquiro pijiogü, ñañe dujiyepü duji mühtaña. Mäsa sa yegü wuhü upüro müsare “Quehnoañe dujiyere pehere dujina ahtaya”, ninota müsare tiquiro. Mäsa sa wahagü apeqüina tiquiro pijoriquina pehe müsare ño peoye mehna ihñaeta. ¹¹ Ihcäquiro tiquiro basi “Puhtota ijijaja”, ni tuhoturiquiro cahacjäno ijirota. Sa yero apeqüiro “Cahacjä ijijaja”, ni, tuhoturiquiro, apeqüinare yuhduo dueriquiro tiquiro pehe puhtoro ijirota, niahye Jesu tiquinare.

¹² Sa ni tuhasa Jesu wuhü upürore yahuahye:

—Mühü bose deco dahregü mühü cahapü ijিয়েquinare, mühü bahanare, mühü acayere, doeri cjä opanare pijioeracähña. Mühü tiquinare pijiogü mühü gühure tiquina gühü piji cahmeeta. Sa piji cahmeñe mühure tiquina wapamonore

wapa yeeta. ¹³ Mühü bose deco dahregü pejesuoyequinare, tini masieñequinare, pari yuri wahayequinare, caperi bajueyequinare pijiohya. ¹⁴ Mühü sa yegü ihñano Cohäcjä mühure quehnoano yerota. Tiquina pehe mühure tiquina wapamonore wapa ye masiedare. Sa yero quehnoañequina yariariquina tiquina masa müjari pje ijigü Cohäcjä pehe quehnoano mühü yeri wapa mühure quehnoano yerota, niahye Jesu wuhü upürore.

Pajiri bose deco queoyere yahuahye Jesu (Mt 22.1-10)

¹⁵ Tiquiro sa nigü tuhororo apeqüiro ihyari mesa cahapü dujiriquiro, Jesure yahuahye:

—Cohäcjä tiquiro puhtoro ijiorü tiquiro ihyari mesa cahapü dujiyequina tutuaro bucueyequina ijietä, niahye tiquiro Jesure.

¹⁶ Tiquiro sa nigü Jesu ahri queoyere yahuahye tiquirore:

—Pajiri bose deco dahreriquiro peyequina masare pijioahye. ¹⁷ Tiquiro pijiori bato bose deco tiquiro cahacjäno tiquiro pijoriquinare yahu dutiro ohoahye. “Isa, ijipihtiyere bose deco cjä ijiatire quehno tuhasari. Sa yero müsare pijiori”, ni, yahu dutiahye tiquiro cahacjäno. ¹⁸ Tiquiro cahacjäno tiquiro sa ni yahuepegäta, tiquiro pijionohriquina pehe “Waha masiedaja”, niahye tiquina. Tiquiro pijio mühtanohriquiro ohö saha ni yahuahye tiquiro cahacjäno. “Mianogäta yehpare düu. Sa yegü ti yehpare ihñagu wahagu niaja. Sa yero waharo basioeraga. Ño peo cjäñña mühü yuhure. Yuhure basioerare”, niahye tiquiro pijio mühtanohriquiro pehe tiquiro cahacjäno. ¹⁹ Apeqüiro pehe ohö saha niahye: “Wecuare puca omoca pihtiyequinare mianogäta düu. Buhe tuhugu wahau tü niaja ti weje cätore. Sa yegü wecuare ¿Quehnoano dahrajari?” ni ihñagu wahagu tü niaja. Sa yegü wahasi. Yuhure basioerare”, niahye tiquiro gühü. ²⁰ Apeqüiro pehe ohö saha niahye: “Yuhü mianogäta omoca duhteri. Sa yero bose decopü waharo basioeraga yuhure”, niahye tiquiro cahacjäno.

²¹ Tiquiro sa nigü cahacjäno pehe tojoa waha, tiquiro puhtoropüre tiquina nidire yahu peho cähye. Tiquiro sa ni yahugü tiquiro puhtoro tutuaro usua, ohö saha niahye tiquiro cahacjäno. “Wuhuse watoa cjä maharipü wahaya. Pejesuoyequinare macarisa. Sa yegü pejesuoyequinare, tini masieñequinare, caperi bajueyequinare, pari yuri wahayequinare müñano ne cähtaya tiquinare”, niahye puhtoro. ²² Came cjäno tiquiro cahacjäno yahuahye tiquiro puhtoro: “Puhto, mühü dutiro saha yei. Yuhü sa yepägäta apeqüina gühü esa tuhaeta”, niahye tiquiro

cahacjano. ²³ Tiquiro sa nigū pūtoro tiquirore dutiahye: “Ihquē wūhuse ijirorū wahaya. Тору бужье maharipū, daye maharigāpū gūhure masare ya wūhūpū ahta dutiye, ya wūhūpū tiquina wahpagā. ²⁴ Poto niita niaja mahure. Ahriquina yūhū pijio mahtamediquina yūhū ihyayere ne mehenogā ihyasi”, niahye pūtoro, ni yahuahye Jesu.

Jesu mehna wahagū mijorīne
(Mt 10.37-38)

²⁵ Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

²⁶ –Ihcāquiro yūhū buheriquiro iji duaro apequina yūhdūoro yūhū pehere cahīno cahmene. Tiquiro pacorore, tiquiro pacorore, tiquiro namonore, tiquiro pohene, tiquiro bahanare, tiquiro pagū gūhure tiquiro cahīno yūhdūoro yūhū pehere cahīno cahmene. ²⁷ Ihcāquiro yūhū buheriquiro iji duaro yeere sa yeducuriquiro ijirota. Sa yero yaquiro tiquiro ijiri buhiri ñano yūhdūeperota yūhure ne duhūsi. ²⁸ Ahrire masiyuro cahmene masare. Ohō saha ijire ti: Wūhū dahreriquiro tiquiro ūhmūari wūhure yeato pano wūhū wapa tiatire queo mahtare. Sa yero, ti wūhure tiquiro pehoatire masine tiquiro. ²⁹ Wapa tiyere queoeraro ti wūhure yero pehoeraboa. Sa ye tiquirore ihñañequina bujūpeboa. ³⁰ “Ahriquiro ti wūhure yero, tutuerare”, ni, bujūpeboa. ³¹ Pūtoro apequiro pūtoro yeequina mehna tiquina cahmequeato pano, tiquiro yequina surarare tiquiro cahme wejē dutiatio pano, tiquiro yequina surarare queorota. “¿Yūhū diez mil surara mehna apequiro veinte mil surara cūoriquiro mehna cahme wejēgū tutueraboagari yūhū?” ni, tūhoturo queorota tiquiro. ³² Sa queoro, tiquiro tutueratire masinota. Sa masino apequiro pūtoro tiquiro yequina surara mehna cahme wejēno ahtariquiro yoarorū tiquiro ijigāta, tutueriquiro pehe “Cahme wejēdacāhna”, ni dutiro ohoboaga dahra cohteriquirore. ³³ Sa yena yūhū buhena iji duana, mūsa yeatire masare masino cahmene. Mūsa ye duaye pehere duhu duerana, yūhū buhena iji masiedare, ni yahuahye Jesu.

Moa ocayere yahuahye Jesu
(Mt 5.13; Mr 9.50)

³⁴ Sa yero tiquinare yahu nemoahye: –Moa quehnoano ocare. Ti ocaeragū ocaye yero basioerare. ³⁵ Moa ocaeraro ti moa ne quehnoaedare. Ti moare dūhsero basioerare. Ti sa ijigū ti moare cohāno cahmene. Ne dūhseati ijierare ti moa. (Ti dūhseati ijieraro saha ijieracāhña mūsa.

Cohācjū ye pehere cohāedacāhña.) Ahrire quehnoano tūhoya mūsa, niahye Jesu.

15

Oveja butiriquiro queoyere yahuahye Jesu

(Mt 18.10-14)

¹ Sa ye ape deco peyequina wapa ne cōhteyequina apequina “Ñañequina”, tiquina ñañequina mehna Jesure tūhoye ahtahye. ² Tiquina sa yegū ihñañe fariseo masa, judio masare buheyequina gūhū Jesure ihña tuhtiyē, ohō saha niahye tiquina basi:

–Ahriquiro ñañequinare piti tire. Sa yero tiquina mehna ihyare, ni, yahuducuahye tiquina basi.

³ Tiquina sa ni yahuducugū Jesu tiquiro tūhotuyē mehna ohō saha ni, queoye mehna buheahye tiquinare:

⁴ –¿Cien oveja cūoriquiro ihcāquiro oveja butigū ihñano dūhse yerotari tiquiro? Ohō saha yerota. Tiquiro noventa y nueve ovejare tiquina ihyariorū cū, butiriquirore macano waharota. Ovejare bocarorū duhurota. ⁵ Tiquirore bocaro bucuerota. Sa yero tiquiro butiriquirore wūa peo, tiquiro ya wūhūpū ne tojoa waharota. ⁶ Ne tojoa sa, tiquiro cahapū ijieyequinare, tiquiro acayere piji cahmecoanota. “Yaquiro oveja butiriquirore boca tuhasa. Sa yena yūhū mehna bucueya”, ninota tiquiro tiquinare. ⁷ Poto niita niaja mūsa. Noventa y nueve oveja peyequina tiquina ijiro sahata, peyequina masa ohō saha ni tūhoture: “Ñano yeraja. Sa yegū yūhū ñañene bujūa wītisi. Quehnoañe pehere comesasi yūhū”, ni, tūhoture peyequina masa. Tiquina sa ni tūhotugū ihñañe ūhmūse cjēna Cohācjū cahapū ijieyequina bucuerare. Apequiro pehere bucure. Butiriquiro oveja ihcāquirota butiriro sahata tiquiro upūro tiquirore bocariro sahata ihcāquiro ñariquiro tiquiro ñañene bujūa wītigū, quehnoañe pehere comesagū ihñañe, Cohācjū cahapū ijieyequina tutuaro bucure, niahye Jesu.

Niñeru cjoere butiri queoyere yahuahye Jesu

⁸ Sa ni yahu tuhasa, queoye mehna yahu nemoahye tja:

–¿Pūa omope cjoeri niñeru cjoeri cūoricoro ihcā cjoere butigū dūhse yerotari ticoro? Ohō saha yerota ticoro. Sihāriare sihā, wūhure coha, quehnoano maca pehorota. Ti cjoere bocarorū duhurota. ⁹ Ti cjoere boca tuhasa, ticoro cahapū ijieyequinare, ticoro mehna cjēnare piji cahmecoanota. “Niñeru cjoere yūhure butiri cjoere bocan. Sa yena yūhū mehna bucueya”, ninota ticoro. ¹⁰ Potota niita niaja mūsa. Sata ihcāquiro ñariquiro tiquiro

ñañene bujua witiġu quehnoañe pehere comesagū Cohācjū yequina angele pehe tutuaro bucueeta, niahye Jesu.

Tiquiro macano butiri queoyere yahuahye Jesu

¹¹ Sa ni yahu tuhasa Jesu queoye mehna yahu nemoahye tja:

–Bucuro pohne puaro unna ijiahye.

¹² Duhsariġuoro pehe ohō saha niahye tiquiro pacurore: “Mai, muhu yariari bato muhu ohoatire yuhare ohoya”, niahye tiquiro pacurore. Tiquiro sa nigū tiquina pacuro puaropureta tiquiro pohnene itiahye tiquiro cuorire. ¹³ Meheñe decorigā bato duhsariġuoro tiquiro yere ijipihtiyere ne, yoaroru are yehpara wahaah wahahye. Topu esaro tuho masieniquoro yero saha ye, tiquiro niñerure, tiquiro yere ye site peho cāhye. ¹⁴ Tiquiro ye site pehori bato ti yehpare ne ihyaye mariedi pje iji dcahye. Sa yero tiquiro bujua ahbahye.

¹⁵ Sa yero ti yehpa cjē dahrayere macahye. Tiquiro bocagū tiquiro puhtoro yesea cohteriquoro sōahye tiquirore. ¹⁶ Sa yero tiquiro yeseare nu, tiquina ihyayere ihya duamahye. Tiquiro sa ihya duepegūta ti ihyayere to cjēna ohoerahye tiquirore.

¹⁷ Sa ye tiquiro topu wacūahye. “Yuhu pacure dahra cohteyequina pehe bujuyere ihyayere ihyare. Tiquina ihya duhari gāhu bujuyere duhsare. Tiquina sa quehnoano yuhduri watoa yuhu pehe ohōru ijigu, uja ahbagu niaga. ¹⁸ YojoPURE yuhu pacu caharu tojoagūta. Yuhu pacu caharu esagu ohō saha niitja tiquirore: ‘Mai, Cohācjare ñano yei. Mūhu gūhure ñano yei. ¹⁹ Ņagu ijiaja yuhu. Mūhu macu yero saha ijbogu ijieraja yuhu. Mūhure dahra cohteriquoro yero saha yeya yuhare’, niitja yuhu pacure”, ni tuhotuayahye tiquiro. ²⁰ Sa ni tuhoturota wahcādaca, tiquiro pacuro caharu tojoaa wahahye. Topu tiquiro esariġuoro tojoa tagū tiquiro pacuro pehe yoaropureta tiquiro macanore ihñahye.

Tiquiro sa wihigū ihñano macanore paja ihñahye. Paja ihñano tiquiro caharu oma cā, tiquirore quē suhsu maa, tiquiro wahsupure ihmiahye pacuro tiquiro macanore.

²¹ “Mai, Cohācjare ñano yei. Mūhu gūhure ñano yei. Ņagu ijiaja yuhu. Mūhu macu yero saha ijbogu ijieraja yuhu”, niahye tiquiro pacurore. ²² Tiquiro sa nigū tuhoro pacuro pehe dahra cohteyequinare pijiahye. “Sojaro mehna, quehnoa yuhduri suhtirore ne cāhtaya. Sa yena yuhu macure sāña. Sāa tuhasa, tiquiro omoca sañari behtere sāa, dahpo suhti gūhure sāña. ²³ Sāa tuhasa, dihi tiriġuogāre wecūgāre wejēña. Bose deco yeihna mari. ²⁴ Ahriġuoro yuhu macu yariariġuoro yero saha wahariġuoro ijire. Sa wahaaperota yojoPURE catire tiquiro.

Tiquiro butimediquoro pari turi boca. Sa yena bose deco yeihna mari”, niahye tiquiro pacuro. Tiquiro sa nidi bato bose deco dahre dcahye tiquina.

²⁵ Ti pje tiquiro wahmino pehe wesepu ijiahye. Wesepu ijiriġuoro cohe tojoa taro wūhu caharu esaro, tiquina basayere tuhoahye tiquiro. ²⁶ Tuhooro, ihcāġuoro dahra cohteriquoro pijio, tiquirore sinituahye tiquiro: “¿Dahse ijiro boro basaye niari?” niahye tiquiro dahra cohteriquoro. ²⁷ “Mūhu bahu coheri. Tiquiro quehnoariġuoro, catiriġuoro tiquiro cohegū muhu pacu dihi tiriġuogāre wecūgāre wejē dutiri”, ni yuhtiahye dahra cohteriquoro. ²⁸ Tiquiro sa ni yahugū tiquiro wahmino pehe tutuaro usaro, wūhuru sajāedahye. Tiquiro sajāedagū ihñano tiquiro pacuro sopecaharu wijia ta, “Sajā taya”, ni, pijimahye tiquiro macanore. ²⁹ Tiquiro sa pijigū macano yuhtiahye. “Tuhoaya mai. Yoari pje mūhure dahra cohteriquoro yero saha mūhure yedohomi. Sa yegu muhu dutiyere ne ihcā taha yuhdudacaera. Yuhu mūhure dahra cohtepegūta yuhare ne ohoerari muhu. Ne ihcāġuoro wahiġuogāre ne ohoerari muhu yuhare yahu piti tiyequina mehna yuhu bose deco dahreatire. ³⁰ Sa yero ahriġuoro muhu macu pehe ñañequina numia mehna muhu yere ye site pehoñtohti. Tire ye site peho tuhasa, wūhuru tiquiro tojoa wihigū dihi tiriġuogāre wecūgāre wejē dutiñtohti muhu tiquiro ihyatiġuoro”, niahye tiquiro wahmino pehe pacurore. ³¹ “Macu, yuhu mehna ijipihtiyere decori muhu ijigū ijipihtiyere yuhu cuoye muhu ye ijire. ³² Mūhu bahu pehe yariariġuoro yero saha wahari marine. Sa ye yojoPURE tiquiro catiriġuoro ijire. Tiquiro butiriġuoro yero saha ijiri. Tiquiro sa wahari bato yojoPURE tiquirore boca. Sa yero tiquiro tojoa wihigū mari bose deco ye bucuegū quehnoare”, niahye tiquiro macanore, niahye Jesu tiquinare.

16

Niñerure cohteriquoro tuho masiniġuoro quitire Jesu yahuahye

¹ Sa ye ahri quitire tiquiro buheyequinare yahuahye Jesu:

–Doeri cjē upuro ye niñerure cohteriquoro niñerure quehnoano tiquiro ihboeragū ihñano apequiro pehe yahusāhye doeri cjē upurore. “Mūhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquoro pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apequiro yuhare yahuri. Sa yegu yeere cohtegu iji nemosi muhu. Sa yegu yeere muhu yerire yahu peho

ojoaya. Mähare cohägu niaja”, niahye puhtoro tiqirore. ³ Tiquiro sa nidi bato ohö saha ni tuhotaahye cohteriquiro tiqiro basi: “Yuhü puhtoro yuhäre cohäno taro niaga. Yuhü tutueraja. Sa yegu tutuaro dahra masiedaja. Sa yegu apequinare yuhü niñerure sinigü buoro yuhdüboaga yuhü. ¿Sa yegu dahse yeitari yuhü?” ⁴ Yojoḡu pūritare yuhü yeatire masiaja yuhü. Ohö saha yuhü yegü yuhü dahraye mariedagü yuhü puhtoro wapamoñequina yuhäre cahüeta. Sa ye tiquina ye wuhseḡu sajä dutieta yuhäre”, ni tuhotaahye tiqiro. ⁵ Sa ni tuhuro tiqiro ijipihiteyequina tiqiro puhtoro wapamoñequinare pijioahye. Pijio tuhasa, cohteahye. Wihi muhtariquirore ohö saha ni sinituahye tiqiro. “¿Yuhü puhtoro noho puno wapamoajari mähü?” niahye tiqiro. ⁶ Tiquiro sa nigü wapamoriqiro pehe yuhtiahye. “Cien tambore uhsero olivo dhca mehna tiquina yeri uhsero wapamoaja tiqirore”, ni, yuhtiahye. Tiquiro sa ni yahugü cohteriquiro pehe ohö saha ni yahuahye. “Ohöḡu ijire mähü wapamonore oja ohöḡi pü. Dujiya. Sa yegu mähü wapamonore deco mehna ne, deco mehna oja quehnoña”, niahye cohteriquiro wapamoriqirore. ⁷ Sa ni tuhasa apequiro wapamoriqirore sinituahye tiqiro. “¿Mähü waro, noho puno wapamoajari?” niahye tja. “Cien ajuri trigo pjeri ajurire wapamoaja yuhü”, niahye wapamoriqirore niñerure cohteriquirore. “Ohöḡu ijire mähü wapamonore oja ohöḡi pü. Mähü wapamonore ochenta oja quehnoña”, niahye cohteriquiro. ⁸ Tiquiro sa quehnoano ni meho mihnigü ihñano “Ahriquiro ni mehoriqiro quehnoano masidiquiro ijiaga”, ni tuhotaahye tiqiro puhtoro niñerure cohteriquirore. Ahri deco cjäna, Cohäcjäre cahmeeñequina tiquina yere quehnorire tiquina niñeru ihborire Cohäcjä yequina yuhdüoro masiaga tiquina, niahye Jesu.

⁹ Sa ni tuhasa Jesu yahu nemoahye:

–Sa yegu musare niita niaja. Musa cuoyere, pejecuoyequinare musa ohogü, tiquina pehe musare cahüeta. Musa sa yegü musa cuoye pihtiari bato musa uhmuḡepu esagü musare cahüeta toḡure.

¹⁰ Ihyo ijieyequina ye dahrayere potu yena, puhtoa ye dahraye gähäre potu yenata. Ihyo ijieyequina ye dahrayere queoro yerana, puhtoa ye dahraye gähäre queoro yesi musa. ¹¹ Sa yena ahri yehrapu musa cuoye mehna musa quehnoano yerana Cohäcjä musare tiqiro ye buheye gähäre quehnoano yesi musa. Sa yero ti buheyere cüsi tiqiro. ¹² Sa yena apequiro yere musa quehnoano ye basaeragü ihñano musa ye ijatire ohosi musare.

¹³ Ithcäquiro Cohäcjä pehere wacüno, tutua yuhdüaro niñeru pehere wacüedare. Niñeru pehere tutua yuhdüaro wacüno Cohäcjä pehere wacüedare. Niñeru dihitaro cahmediquiro ijiro Cohäcjäre bucuegü yerare. Cohäcjä gähäre, niñeru gähäre puarore cahme yuhdüarocar basioerare musare. Niñerure cahme yuhdüariquiro Cohäcjäre quehnoano ño peo masiedare, niahye Jesu.

¹⁴ Tiquiro sa nigü tuhoye fariseo masa pehe tiqirore bujapeahye. Tiquina pehe niñerure cahüahye. Sa ye bujapeahye. ¹⁵ Tiquina bujapegü tuhoro Jesu tiquinare yahuahye:

–Masa tiquina ihñonore musa quehnoano yemene. Musa sa yegü “Quehnoañequina, potu yeyequina ijire”, nimenne masa musare. Cohäcjä pehe musa tuhötuyere masine. Masa “Quehnoa yuhdüare”, tiquina nidire Cohäcjä pehe sijoro saha ni tuhote. Tire ihña yabire, niahye Jesu.

Cohäcjä dutiyere, tiqiro puhtoro ijieyere yahuahye Jesu

¹⁶ Sa ni tuhasa ohö saha ni nemoahye Jesu:

–Ñu wame yeriquiro tiqiro ijiate pano Moisere tiqiro cüri dutiye mehna Cohäcjä marine dutiri. Cohäcjä yere yahu muhtariquina tiquina ojoari mehna gähü marine dutiri. Yojoḡu pehere Ñu tiqiro buhe dacari bato quehnoañe buheyere, Cohäcjä tiqiro puhtoro ijieyere gähäre masi dacare masa. Sa masiñe masa tiquina esa tuhoro tiquina tutuaye mehna Cohäcjä tiqiro puhtoro ijire sajä duamene. ¹⁷ Moisere tiqiro cüri dutiyepu Cohäcjä nidiro sahata ye pehorota tiqiro. Uhmuse gähü ahri yehpa gähü pihtia wahaepägüta Cohäcjä nidiro sahata ye pehorota, niahye Jesu.

Namonore cohäñene yahuahye Jesu (Mt 19.1-12; Mr 10.1-12)

¹⁸ Sa ni tuhasa ohö saha ni nemoahye Jesu:

–Masuño tiqiro namonore cohäno, apecoro mehna omoca dähtero, ticoro mehna ñano yero nine. Apequiro tiqiro cohäricoro mehna omoca dähtero, tiqiro gähü ticoro mehna ñano yero nine, niahye Jesu.

Doeri cjä upuro, pejecuoriqiro queoyere yahuahye Jesu

¹⁹ Sa ye queoye mehna yahuahye Jesu:

–Ti pjerape doeri cjä upuro ijie tiahye. Tiquiro suhti pehe wapa buju yuhdüahye. Sa yero decoripe quehnoañe dihitaro ih-yaro, peye cuoahye tiqiro. ²⁰ Sa yero ti pjere apequiro pejecuoriqiro, Lázaru wame triquiro ijie tiahye. Tiquiro pagu

peye cami tiriquireo ijiahaye. Sa ye apequna pehe tiquireo doeri cĵe upuro ya wññ cĵ sahrño caharñ ne sae tiahye. ²¹ Sa yero pejecuoriquireo pehe doeri cĵe upuro tiquireo ihyari mesa docarñ yehparñ dujiro tiquireo ihya site dijioyere ihyae timahye. “Tiquireo ihya site dijiorire ihyagu yapiguta yññ”, ni, tuhotue timahye tiquireo. Sa ye diayaea tiquireo camine nehneñe ahtae tiahye.

²² “Sa yero pejecuoriquireo tiquireo yariaa wahagũ, Abrahã caharñ paraiso wame tiropũ angele tiquireore ne mujahye. Sa yero doeri cĵe upuro gũñ tiquireo batogãta yariaa wahahye. Tiquireo yariagũ tiquireore yahye. ²³ Sa yero doeri cĵe upurore tutuaro peca ujũahye. Sa yero pecarñ ijiro ummusepũ ijiriquireo Abrahãre ihñahye. Lázaro gũñre ihñahye. ²⁴ Ihñã tuhasa, tiquireo Abrahãre pisuahye. “Yũñ acayũ Abrahã, paja ihñãña yũñre. Pecarñ yũñ ñano yũñdũgũ niaja. Yũñ sa wahagũ Lázaro yũñre ohoya. Sa yero acore tiquireo omo piriapũ soha, yũñ ñehmenore aco mehna nehono ahtaahro. Tire yũñoahro tiquireo”, niahye doeri cĵe upuro. ²⁵ Tiquireo sa nigũ Abrahã tiquireore yahuahye: “Yũñ acayũ, catigũpũ mũñũ ijiphtiyere quehnoañene cuori. Lázaro pehe decoripe ñano yũñdũri. Yojopũ pehere mũñũ ñano yũñdũgũ tiquireo pehe ohõpũre bucueye mehna ijiro nine. ²⁶ Sa ye mari watoa uhcuãri cope ijire. Sa ye ohõre ijieyquina torũre waha masiedare. Sa ye torũ ijieyquina ohõpũre ahta duayequina ahta masiedare”, niahye Abrahã doeri cĵe upurore. ²⁷ Tiquireo sa nigũ doeri cĵe upuro ohõ saha ni nemoahye: “Yũñ acayũ, tutuaro siniaja mũñũre. Lázaro yũñ racũ ya wũñpũ ohoya. ²⁸ Yũñ ihcã omopequina bahana tii. Lázaro tiquinare yahuahro. Tiquina ohõre ñano yũñdũropũre ahtaeracãndo”, niahye tiquireo. ²⁹ Sa nigũ Abrahã pehe yũñtiahye: “Cohãcĵũ dutiyere Moise marine cũrĩre, Cohãcĵũ yere yahu mũhtariquina tiquina ojarĩre cuore mũñũ bahana. Sa ye mũñũ bahana tireta tũhoahro”, niahye Abrahã. ³⁰ Tiquireo sa nigũ doeri cĵe upuro pehe yũñtiahye: “Yũñ acayũ Abrahã, tire cuoepeta quehnoano tuhosi. Lázaro yariariquireo masa bajua, tiquina caharñ esagũ ihñãñe tiquina pehe ñañene bũña witi, quehnoañe pehere comesaeta. Sa ye quehnoañene yeeta yũñ bahana pehe”, niahye doeri cĵe upuro mũnanano. ³¹ Tiquireo sa nigũ Abrahã pehe yahuahye: “Mũñũ bahana Moise cũri pũ tiquireo yahuyere, Cohãcĵũ yere yahu mũhtariquina mana tiquina yahuyere tũho dueyequina ijire. Sa ye Lázaro yariariquireo mũnanano masa bajuepegãta tiquina Cohãcĵũre tũho duasi”, niahye Abrahã, ni, yahuahye Jesu.

17

Ñañene yegũ cuarĩne

(Mt 18.6-7, 21-22; Mr 9.42)

¹ Sa ye Jesu yahuahye tiquireo buheyequinare:

—Masare ñañe yegũ yeye peye ijire. Sa yeye masa ñañene yere. Ti sa ijiepegãta masũnore ñañene yegũ yeriquiro pehe ña yũñdũaro yũñdũrota. ² Masũnore tiquireo wamũarũ pajiria utãre duhte yo, pajiri marũ tiquireore cohãgũ ñano wahaboaga tiquireo. Apequiro pehe ahriquinagã mehna cĵãnogãre ñañene yegũ yero pajiri marũ tiquina cohãriquireo yũñdũoro ñano yũñdũrota. Tiquireore tutuaro buhiri dahreoro cahmene. ³ Quehnoano yeya mũsa. Mũsa acayũro ñano tiquireo yegũ ihñãña “Yeracãhña”, niñã tiquireore. Sa yena tiquireo ñañene bũña witi, quehnoañene comesagũ mũsa pehe tiquireo ñañe yeyere boya. ⁴ Sa yero mũsa acayũro ihcã decota siete tahari mũsare ñano tiquireo yegũ mũsare tiquireo bo dutigũ boya. “Pari turi mũñũre ñano yesi”, siete tahari tiquireo nigũ tope taharita tiquireo ñano yerire boya, niahye Jesu.

Cohãcĵũre wacũ tutuayere yahuahye Jesu

⁵ Sa ye Jesu buheyequina tiquireore ohõ saha niahye:

—Cohãcĵũre usãre quehnoano wacũ tutua nemoagũ yeya, niahye tiquina Jesure.

⁶ Tiquina sa nigũ Jesu yũñtiahye:

—Mostaza capegã meheni pjegã ijire. Ti yero saha Cohãcĵũre mehenogã wacũ tutuana, ohõ saha wahagũ ye masinata mũsa: Ahũ yucũgũre ohõ saha ni masine: “Mũñũ yucũgũ mũñũ basi duhtu cã, pajiri marũ bora ñojoañã”, ni masine mũsa. Mũsa sa nigũ tũ yucũgũ pehe mũsa dutiro sahata waharota, niahye Jesu.

Dahra cohteriquiro tiquireo dahrayere yahuahye Jesu

⁷ Came ahri qutire yahuahye Jesu:

—Mũsare dahra cohteriquiro ijiro wesepũ tanare. Sa yero ovejare ihñã ihbore. ¿Dahra cohteriquiro tiquireo tojoa wihigũ dahse niboagari mũsa tiquireore? ¿“Sojaro mehna ahtaya. Mũñũ ihyaye ohõpũ ijire”, niboagari mũsa? ⁸ Sa niedare mũsa. Tiquireore ohõ saha nine mũsa: “Yũñũ ihyayere doha quehnoña. Sa yegũ yũñũ ihya sihniğũ yũñũre cohteya. Yũñũ bato mũñũ gũñũ ihya sihniña”, nine mũsa dahra cohteriquirore. ⁹ Dahra cohteriquiro mũsa dutiyere tiquireo yegũ tiquireore “Quehnoare”, niedare mũsa. Tiquireo dahraye dihitare yero niaga tiquireo. ¹⁰ Mũsa gũñũ tiquireo yero saha ijire. Cohãcĵũ dutiriro sahata ye pehona ohõ saha ni, tuhotuya mũsa. “Ušã gũñũ dahra cohtena dihita ijiaja. Ihyo ijina ijiaja usã.

Usã dahraye dihitaro yei usã", ni, tahotuya mûsa, niahye Jesu tiqûiro buheyequinare.

Pna omopequina cami bucû mûna wihare yuhduoahye Jesu

¹¹ Ape deco Jerusalêpû Jesu waharo niahye. Topû waharo Samaria yehpa, Galilea yehpa, ti pna yehpa watoa yuhdu câhye. ¹²⁻¹³ Ape macapû wahari mahapû tiqûiro tinigû pna omopequina cami bucû mûna wiha pehe tiqûirore piti cahye. Sa ye yoa cÿnopû ducuye pisuahye:

—Jesu, puhto, usãre paja ihñaña, niahye tiqûina.

¹⁴ Sa nigû tiqûinare ihña, yahuahye Jesu:

—Pahire mûsa pagurire quehnoañe pagurî mûsa waharire ihñaona wahaya, niahye tiqûinare.

Sa nidî bato tiqûina wahari watoa quehnoa wahahye. ¹⁵ Sa yero ihcãquiro tiqûina mehna cÿano quehnoano tiqûiro pagû wahagû ihñaño, Jesu cahapû majare tojoa tahye. Sa tojoa taro tutuaro mehna Cohãcjûre ño peoahye. “Cohãcjû tutuariquiro, quehnoariquiro ijire”, ni, ño peoahye tiqûiro. ¹⁶ Sa nino tiqûiro Jesu dahpocãri caha dusepe curi mehna quehe sa, “Quehnoare”, niahye tiqûiro. Samaria cÿano ijiahye. ¹⁷ Tiquiro sa yeri bato Jesu ohõ saha ni sinituahye:

—Pna omopequina ijiri masa quehnoa wahariquina. ¿Apequina nueve dahsayequina pehe nohopû ijiagari tiqûina? ¹⁸ Ahriquiro ape yehpa cÿano dihita Cohãcjûre “Quehnoare”, nino taro tojoa tari. ¿Duhse ijiro boro apequina ahtaerajari? niahye Jesu.

¹⁹ Sa ni tuhasa Jesu yahuahye dusepe curi mehna quehe sariquirore.

—Wahcãducaya. Wahaya. Mûhû Cohãcjûre wacû tutuagû, yuhdure mûhû, niahye Jesu tiqûirore.

Cohãcjû tiqûiro puhtoro ijiatire yahuahye Jesu

(Mt 24.23-28, 36-41)

²⁰ Ti pjere meheñequinagã fariseo masa Jesure sinituahye:

—¿Duhse ijigû Cohãcjû puhtoro iji ducarotari? niahye tiqûina.

Tiqûina sa nigû Jesu yahtiahye:

—Cohãcjû tiqûiro puhtoro iji dacagû masa ihña masiedare. ²¹ “Cohãcjû puhtoro ijie ohõpû ijire”, ni masiedare. “Sohõpû ijire”, ni masiedare. Cohãcjû tiqûiro puhtoro ijie masa tiqûina tahotuyepû ijire, niahye Jesu fariseo masare.

²² Sa ni tuhasa Jesu tiqûiro buheyequinare ohõ saha ni yahuahye:

—Came yuhû masû Cohãcjû ohorigu ahri yehparû yuhû tojoa tatire tutuaro cahmenata mûsa. Mehenogã yuhûre ihña duepenata yuhûre ihñasi mûsa. Mûsa

yuhûre sa ihña duepegãta ti pjere ahtasi yuhû. ²³ Apequina mûsare ohõ saha nieta.

“Tiquirore ihñaña. Cristo ijire. Ahriquirore ihñaña. Cristo ijire”, nieta masare. Tiquina

sa niepegãta tiqûinare tuhoercãhña. ²⁴ Upo miadoqueoro wacûeno mehna ti mia sitedoqueoro sahata yuhû gûhû masû

Cohãcjû ohorigu wacûeno mehna tojoa tautja. ²⁵ Ahrire yuhû yeato pano yuhû

tutuaro ñano yuhduta. Sa ye yojorpû cÿena yuhûre cahmesi. ²⁶ Noé tiqûiro ijiri pje cÿena

tiqûina ijiriro sahata yuhû masû Cohãcjû ohorigu yuhû tojoa tagû sata ijietta masa.

²⁷ Noé tiqûiro ijiri pjere ijiphtiequina masa sa ihyaducue tiahye. Sa ye sihniducue

tiahye. Umãa, numia mehna omoca dahtee tiahye. Noé pajiria yucûsapû tiqûiro sajãto

pano Cohãcjû tiqûinare tiqûiro mioato pano ti ijiphtiyere masa yeducue tiahye.

Sata ijirota yuhû tojoa tagû gûhûre. ²⁸ Lote

tiqûiro ijiri pje cÿena tiqûina ijiriro sahata

yuhû tojoa tagû ijietta masa. Lote tiqûiro ijie tiri pjere masa ihya, sihni, dú, dua, weserire

ote, wuhuse yeahye. ²⁹ Tiquina sa yeri watoa

Sodoma wame tiri macapû ijiriquiro Lote tiqûiro

wahari deco umhuse cÿã peca, peca asiye paca utã

pjeri gûhû acoro ahtaro saha tiqûina bui bora pje,

tiqûinare wejê pehoë tiahye. ³⁰ Yuhû masû Cohãcjû ohorigu

wacûeno mehna yuhû tojoa tagû tiqûina yero

sahata yeyequina ijietta masa ti pjere. ³¹ Ti pjere

ihcãquiro tiqûiro ya wuhû bui cÿã paapû

quehnoari paapû ijiriquiro wuhû puhiapû

tiqûiro ye ijigû tîre neno wahaeracãhdo

tiqûiro sojaro mehna wahato saha. Sa yero

wesepû ijiriquiro gûhû ti pjere tiqûiro ya

wuhûpû piheracãhdo tiqûiro sojaro mehna

wahato saha. ³² Lote namono ticoro

waharire wacûña mûsa. ³³ Masûno yuhûre

wacûno marieno tiqûiro esa tuharo tiqûiro

cahmeno saha yero, pecapû waharota. Sa

yero yeere sa yeducuriquiro ijiphtie decori

yuhû mehna umhusepû ijirota. ³⁴ Ti ñamine

puaro ihcã cuñanopû carînequinare

ihcãquiro yuhûre cahmeniquirore

nejtja. Sa yero yuhûre cahmedariquiro

topû tojoarota. ³⁵ Ti pjere puaro

numia ihcãnopû tiqûina trigore tu

mutoñe numiare ihcãcero yuhûre

cahmenicorore nejtja. Sa yero yuhûre

cahmedaricoro topûta tojoarota. ³⁶ [Sa ye

wesepû puaro dahrayequina tiqûina ijigû

ihcãquirota nejtja. Ihcãquiro topû tojoarota,]

niahye Jesu. ³⁷ Sa nigû tiqûiro buheyequina

pehe sinituahye tiqûirore.

—¿Nohopû sa waharotari? ni sinituahye

tiqûina.

Tiqûina sa nigû Jesu yahtiahye:

—Masa tiqûina ñano yeducuripû, topû

Cohãcjû buhîri dahrerota tiqûinare, niahye

Jesu.

18

Wape wihoro ticoro buhiri dahre dutiye queoyere yahuahye Jesu

¹ Sa ye Jesu tiquinare Cohãcjüre sinifiene yahuro ohõ saha niahye:

—Musa Cohãcjüre sinina, cohteya tiquiuro yahtiatire. Yoari pje cohtepenata bujua witiyacãhña. Tiquiurore sinina duhueracãhña, niahye Jesu.

² Tiquiuro sa nidire buhero taro ahri queoye mehna yahuahye tiquinare:

—Ape macapũ tiquina buhiri dahre dutiriquiuro ijiahye. Tiquiuro Cohãcjüre ño peorahye. Sa yero masa gãhure ño peorahye. ³ Sa yero wape wihoro gãhu topũ ijiahye. Ticoro tiquiuro cahapũ sa majareno ohõ saha niahye: “Yũhare ihña tuhtiriquiurore buhiri dahre dutiya mũhu. Yũhare ni cahmota basaya”, ni siniducuahye ticoro tiquiurore. ⁴ Ticoro sa nigũ peye tahari tiquiuro “Yesi yũhu”, nimahye ticorore. Tiquiuro sa niepegũta ticoro peye tahari sa siniducuro tiquiurore ni cariboro ye cãmahye. Ticoro caribogũ, ohõ saha niahye tiquiuro basi. “Yũhu Cohãcjüre, masa gãhure ño peoraja. ⁵ Yũhu sa ño peogũ yũhu ijiepegũta ahricoro pehe yũhare caribo ye cãmaga. Yũhare sa cariboro yũhare caributigũ yerota ticoro. Sa ni yahusãducugũ ticorore ihña tuhtiriquiurore buhiri dahre dutiitja”, niahye buhiri dahre dutiriquiuro, niahye Jesu.

⁶ Sa nino Jesu tiquinare yahu nemoahye:

—Sa niahye ñariquiuro buhiri dahre dutiriquiuro. Tiquiuro nidire wacũna masa. ⁷ Tiquiuro yũhdũoro Cohãcjũ pehe tiquiuro yequina tiquiuro beseriquinare ñamipũ, decopũ tiquiurore sinidiquinare yahtiro, yedohorota. ⁸ Musare niita niaja. Cohãcjüre tiquina sinidiro sahata duita tiquinare yedohorota. ¿Tiquiuro sa yahtiriquiuro ijiepegũta yũhu masũ Cohãcjũ ohorigũ ahri yehpapũ tojoa tagũ Cohãcjüre wacũ tutuayequinare bocaboagari yũhu? niahye Jesu.

Pũaro masa Cohãcjüre tiquina siniñe quitire yahuahye Jesu

⁹ Sa ye apeye quitit mehna ohõ saha ni yahuahye Jesu: “Ûsã pehe quehnoana ijiaja. Apequiuro pehe ñano yeyequina ijire”, ni, tuhotuyequinare ahri quitire yahuahye:

¹⁰ —Cohãcjũ ya wũhpũ pũaro mũna Cohãcjüre siniñe wahahye. Ihcãquiuro fariseo masũno ijiahye. Apequiuro wapa ne cohteriquiro ijiahye. ¹¹ Sa yero fariseo masũno pehe ducu, ohõ saha ni yahuahye Cohãcjüre: “Yũhu yaquerigũ, ñañene yerigũ, numia mehna ñano yerigũ ijieraja. Apequina yero saha ijieraja. Ahriquiuro wapa ne cohteriquiro yero saha ñagũ

ijieraja. Sa yegũ mũhare ‘Quehnoare’, niaja Cohãcjũ. ¹² Yũhu semanaripe pũa decore mũhu yere yegũ sijiaja. Sa yegũ pũa omope cjoeri niñeru cjoerire wapatagũ ihcã cjoere mũhare ohoaja”, niahye fariseo masũno Cohãcjüre. ¹³ Sa yero wapa ne cohteriquiro pehe yoaropũ muhri yo ducu, tiquiuro ñañene bujua witi, mũmũsepure ihñedahye. Tiquiuro ñañene bujua witi tiquiuro ijiro tiquiuro cutirore quẽ ohõ, siniahye Cohãcjüre: “Cohãcjũ, yũhu ñagũ ijiaja. Sa yegũ mũhu paja ihñaña yũhare”, niahye tiquiuro Cohãcjüre. ¹⁴ Musare niita niaja. Ahriquiuro wapa ne cohteriquiro pehe tiquiuro ya wũhpũ tojoagũ Cohãcjũ pehe “Mũhu ñañene cohã tuhasau”, niahye tiquiurore. Apequiuro fariseo masũno “Mũhu ñañene cohã”, niedahye Cohãcjũ. “Yũhu quehnoagũ ijiaja”, nidiquiro Cohãcjũ ihñagũ ñariquiuro ijire. “Yũhu ñagũ ijiaja. Sa yegũ yee ñañene bujua witiya”, nidiquirore Cohãcjũ quehnoariquiuro ijigũ yerota tiquiurore, niahye Jesu.

Macanagãre tiquina ye ijiatire Cohãcjüre sini basahye Jesu

(Mt 19.13-15; Mr 10.13-16)

¹⁵ Sa ye masa tiquina pohne macanagãre Jesure ña peo dutiye tehe, tiquiuro cahapũ ne wihiahye. Tiquina sa yegũ ihñañe Jesu buheyequina tiquinagãre ne wihiyequinare tuhtiahye. ¹⁶ Tiquina sa tuhtigũ ihñano Jesu macanagãre pijioahye tiquiuro cahapũ. Pijio tuhasa ohõ saha niahye tiquiuro buheyequinare:

—Macanagã yũhu cahapũ ahtaahro. “Waharĩsa”, niedacãhña tiquinagãre. Tiquinagã Cohãcjüre tiquina puhtoro tuhoture. Sa ye Cohãcjũ puhtoro ijioropũ ahriquinagã yero sahata tuhotuyequina ijire topũ. ¹⁷ Potota niita niaja masare. Ahriquinagã Cohãcjüre tiquina cahmeno saha masa pehe cahmedana, tiquiuro cahapũ wahasi masa. Masa wahaeragũ masa puhtoro ijisi tiquiuro, niahye Jesu.

Doeri cjẽ upũro Jesure sinituahye

(Mt 19.16-30; Mr 10.17-31)

¹⁸ Tiquiuro sa nidi bato judio masa puhtoa mehna cjãno Jesure sinituahye:

—¿Ne, quehnoagũ, buhegu, ijipihtiye decori Cohãcjũ mehna iji duagu, dahse yeboagari yũhu? niahye tiquiuro.

¹⁹ Tiquiuro sa nigũ Jesu yahtiahye:

—¿Duhse ijiro boro yũhare “Quehnoagũ”, ni pisujari mũhu? Cohãcjũ dihita quehnoariquiuro ijire. ²⁰ Ahri Cohãcjũ dutiyere masine mũhu. “Wũana tieracãhña. Masare wejẽdacãhña. Yaqueracãhña. Ni mehoedacãhña. Masa pacũsumũare ño peoya”, ni, sa ye dutire Cohãcjũ. Sa yegũ tire yeya mũhu, niahye Jesu.

²¹ Tiquiuro sa nigũ Jesure yahtiahye:

—Tire ijipihiyere yaha coã wahmaã câhtagũ ijigurpata yãhdũdũcaerahti, niahye tiqũiro.

²² Tiquiro sa nigũ tuhoro, Jesu tiqũirore ohõ saha ni yahuahye:

—Mehenogã dũhsare mahũre mahũ ye pehoati. Ijipihiyere mahũ yere duagu wahaya. Sa yegũ ijipihiyere mahũ wapatarĩ niñerure pejesũoyeqũinare ohoya. Mahũ sa yegũ peye mahũ ye uhmũserũ, Cohãcjũ caharũ ijirota. Sa ye tuhasagũ yãhũ mehna cjã ijicãjũ ahtaya, niahye Jesu tiqũirore.

²³ Tiquiro sa nigũ tuhoro tiqũiro pehe peye doeri cjẽ cworigure ijiro tire pejesũoyeqũinare oho dueraro, tutuaro bujũa witi, wahaã wahahye.

²⁴ Tiquiro sa bujũa witigũ ihãano Jesu ohõ saha ni yahuahye apeqũinare:

—Doeri cjẽ opana Cohãcjũ tiqũiro puhtoro ijirõpũre tiqũinare waharo basioera cjũre.

²⁵ Camello pehe awia cõperũ tiqũiro sajã duagũ basioerare tiqũirore. Tiquiro sa ijiro yãhdũoro doeri cjẽ upũro Cohãcjũre cahmedaro, Cohãcjũ tiqũiro puhtoro ijirõpũre waharo basioerare, niahye Jesu.

²⁶ Tiquiro sa nigũ tiqũirore tuhoyeqũina ohõ saha niahye:

—Aa, dũhse tiqũiro nino saha poto ijigũ, ne ihcãquiro masano Cohãcjũ caharũ waha masiedaboaga, niahye tiqũina basi.

²⁷ Tiquina sa nigũ Jesu yãhtiahye:

—Masa tiqũina esa tuharo quehnoano yeri mehna Cohãcjũ caharũ waha masiedare. Cohãcjũ pehe masare pecarũ wahaboriqũinare yãhdũo masine. Tiquiro ijipihiyere quehnoano ye masi peho cãre, niahye Jesu tiqũinare.

²⁸ Tiquiro sa nigũ Pedro tiqũirore ohõ saha niahye:

—Tuhõriña. Usã pehe ijipihiyere usã yere cũ cãũ mahũ mehna wahana, niahye tiqũiro Jesure.

²⁹ Tiquiro sa nigũ Jesu ohõ saha niahye:

—Potota mũsare niita niaja. Mũsa Cohãcjũ yere yena tana mũsa wãhũsere, mũsa pacasũmũare, mũsa bahanare, mũsa namõsãnũmiare, mũsa pohmare cũrina ijina pajiro wapatanata mũsa yõjõpũre. ³⁰ Mũsa cũri yãhdũoro wapatanata. Sa yena mũsa yariari bato ijipihiyere decori Cohãcjũ mehna ijinata mũsa, niahye Jesu tiqũinare.

Pari turi Jesu tiqũiro yaria masa wiji-atire yahuahye

(Mt 20.17-19; Mr 10.32-34)

³¹ Sa ye Jesu doce tiqũiro buhoyeqũinare neahye. Sa neano tiqũinare yahuahye:

—Tuhõya yãhũre. Yõjõpũre mari Jerusalõpũ wahana niaja. Topũ yãhũre masare Cohãcjũ ohorigure Cohãcjũ yere yahu mũhtariqũina panõpũ tiqũina yahũriro sahata sa yeeta yãhũre. ³² Topũ

masa yãhũre ñehẽñe, judio masa ijieye-quinare ohoeta yãhũre. Yãhũre tiqũina ohori bato tiqũina yãhũre bujũre, ñano ni, yãhũre sihco puti ohõeta. ³³ Sa ye yuta dari mehna tana tuhasa wejẽeta yãhũre. Sa yegũ ihtia deco wahaboro masa wijiaguta yãhũ, niahye Jesu tiqũinare.

³⁴ Tiquiro sa ni yahũrire quehnoano masiedahye tiqũiro buhoyeqũina. Cohãcjũ tire tiqũinare quehnoano masigũ yerani-ahye.

Caperi bajueriqũirore ihãagũ yeahye Jesu (Mt 20.29-34; Mr 10.46-52)

³⁵ Sa ye Jesu gũhũ Jericõ wame tiri maca cahagãpũ esahye. Topũ caperi bajueriqũiro maha dũhtũ caha duji, niñerũ sinino niahye. ³⁶ Sa yero masa peyeqũina tiqũiro caha yãhdũagũ tuhoro sinituahye tiqũinare:

—¿Dũhse ijiro boro masa peyeqũina yãhdũajari? ni sinituahye tiqũiro.

³⁷ —Jesu Nazare cjũno waharo nine, ni, yahuahye apeqũina tiqũirore.

³⁸ Tiquina sa ni yahũgũ tuhoro tiqũiro sañũducuahye:

—Jesu, Davi mũnano panami iji turiagu, masare yãhdũõacjũ, yãhũre paja ihãña, ni sañũducuahye Jesure.

³⁹ Tiquiro sa nigũ tiqũiro caha ihãaducuyeqũina pehe, “Dihta mariahã”, ni tuhtiahye tiqũirore. Tiquina sa ni tuhtiepegũta to pano tiqũiro sañũducũriro yãhdũoro sañũducũ nemoahye tja:

—Davi mũnano panami iji turiagu, masare yãhdũõacjũ, yãhũre paja ihãña, ni sañũducuahye tiqũiro.

⁴⁰ Tiquiro sa ni sañũducũgũ tuhoro, Jesu pehe esaduca, “Pijioya tiqũirore”, niahye. Tiquiro sa nigũ tiqũina pehe caperi bajueriqũirore piji cãhye. Tiquina sa piji cãgũ Jesu caharũ esagũ Jesu pehe tiqũirore sinituahye:

⁴¹ —¿Dũhse yãhũ yegũ cahmeajari mahũ? niahye Jesu.

—Yãhũ puhto, yãhũre ihãagũ yeya, ni yãhtiahye caperi bajueriqũiro.

⁴² —Ihãña. Yãhũre wacũ tutuagu, quehnoa wahare mahũ, niahye Jesu tiqũirore.

⁴³ Tiquiro sa nigũta caperi bajueriqũiro ihãaa wahahye. Sa quehnoa waharo, tiqũiro Jesu mehna wahahye. “Cohãcjũ tutuariqũiro ijire”, niahye tiqũiro. Sa ye masa peyeqũina caperi bajueriqũiro ihãagũ ihãña “Cohãcjũ quehnoariqũiro, tutuariqũiro ijire”, niahye tiqũina gũhũ.

19

Zaqueo Jesure piti cahye

¹ Sa ye Jesu Jericóꝛu esa, ti macapu yuħdu cāno taro niahye. ² Doeri cĵe upuro Za-queo wame tiriquireo wapa ne cohteyequina puħtoro toꝛu ijiahye. ³ Sa yero tiquireo Jesure “¿Diquireo boro ijiajari?” ni ihña masino taro Jesure ihña duamahye. Sa tiquireo ihña duepegāta uħmuediquirogā ijigū masa peyequina tiquireogāre cahmotahye. ⁴ Sa yero tiquireo masare oma yuħdu cā, sicómoro wame tidu yuscugurū majahye Jesure ihñano taro. Came cĵūnogā tu cahapu Jesu yuħduaro taro niahye. Sa yero Zaqueo tuꝛu cohtero niahye. ⁵ Tiquireo sa cohte pesari watoa Jesu pehe tu dahpotopu esadaca, Zaqueo ihña muo, tiquireo pisuahye:

—Zaqueo yojopure muħu ya wuħupu tojoagutja. Sa yegu sojaro mehna dijia taya, niahye Jesu.

⁶ Tiquireo sa nigū Zaqueo pehe sojaro mehna dijia ta, tutuaro bucuaye mehna tiquireo ya wuħupu waha dutiahye Jesure. ⁷ Tiquireo sa piti cagū ihñañe, ijipihtiyequina masa tiquina basi ohō saha ni yahuducuahye:

—Ahriquireo Jesu ñariquireo ya wuħupu tinino waha duare, ni, yahuducuahye ijipihtiyequina tiquina basi.

⁸ Zaqueo pehe piti ca tuhasa toꝛu ducuro, Jesure yahuahye:

—Puħto, tuħoya yuħure. Ijipihtiyē yeere deco mehna pejecuoyequinare ohoutja. Sa yegu yuħu apequireo cien niñeru cjoerire ni meho ehmarigu ijigū, cuatro cientos niñeru cjoerire wapa ye bui peoutja tiquireo, niahye Zaqueo Jesure.

⁹ Tiquireo sa nigū Jesu pehe yahuahye tiquireo:

—Miare muħure muħu ya wuħupu ijijeyequina gūħure pecapu wahaboriquinare Cohācĵū yuħduo tuhasare. Muħu gūħu Abrahā munano acayu ijire. ¹⁰ Yuħu masu Cohācĵū ohorigu pecapu wahaboriquinare macagu ahtagu ni. Toꝛu wahaboriquinare quehnoano yuħduogū ahtagu ni, niahye Jesu Zaqueo.

Niñeru cjoeri uru cjoeri quitire yahuahye Jesu

(Mt 25.14-30)

¹¹ Sa ye tiquireo tuħoyequinare Jesu apeye queoye mehna yahuahye. Mehenogā duhsahye Jerusalēꝛu tiquireo esato. Sa ye tiquireo tuħoyequina ohō saha ni tuhotuahye: “Cohācĵū puħtoro yojopure iji ducaro taro nine”, ni, tuhotuahye tiquina. ¹² Tiquina sa ni tuhotugū Jesu yahuahye tiquireo:

—Ihcāquiro puħtoro macano puħtoro sajātiquireo yoaropu ape yehpapu waharo taro niahye. Toꝛure esagū ihñano tiquina tiquireo puħtoro sōñe tee niahye. Came tiquireo ya wuħupu tojoa wihiro taro

niahye. ¹³ Coā warore tiquireo wahato panore puħtoro puħ omopequina dahra cohteyequinare pijioahye. Sa pijioro, tiquireo tiquireo tiquireo cjoeri niñeru cjoeri wapa bujaye cjoeri uru cjoerire ohoahye. Oho tuhasa, yahuahye tiquireo: “Yuħu mariedagū ahri niñeru mehna musa wapata nemoatire macaña”, niahye tiquireo dahra cohteyequinare. ¹⁴ Sa ye tiquireo ya maca cĵenata tiquireo cahmedahye. Sa cahmedaye, apequireo tiquireo puħtoro yahu dutiye ohoahye. “Muħu usā puħto ijigū cahmedaja usā”, niahye tiquireo yahu dutiriquina pehe. ¹⁵ Sa tiquina cahmedapegāta came tiquireo puħtoro sajāhye tiquireo. Puħtoro sajā tuhasa tiquireo ya wuħupu tojoa tahye.

‘Sa tojoa wihiro dahra cohteyequinare tiquireo ye niñeru mehna tiquina wapata nemorire masino taro, tiquireo pijioahye.

¹⁶ Tiquireo pijiori bato, wihī muħtariquireo tiquireo yahuahye: “Puħto, muħu niñeru cjoer, yuħure muħu ohori cjoer mehna puħ omope cjoeri wapata nemou yuħu”, niahye dahra cohteriquiro puħtoro.

¹⁷ “Quehnoano yeaya muħu. Muħu quehnoagu dahra cohtegu ijire. Muħu mehenogā mehna yuħu dutiro saħata ye pehogu ijigu yojopu puħ omope macari cĵena tiquina puħto ijiajcu wahaguta muħu”, niahye puħtoro dahra cohteriquiro.

¹⁸ Tiquireo bato wihiriquiro tiquireo mehna cĵano ohō saha niahye: “Puħto, muħu ya cjoer niñeru cjoer yuħure muħu ohori cjoer mehna ihcā omope cjoeri wapata nemou yuħu gūħu”, ni yahuahye tiquireo puħtoro.

¹⁹ “Ihcā omope macari cĵena puħto ijiajcu wahaguta muħu”, niahye puħtoro tiquireo.

²⁰ Tiquireo sa nidi bato apequireo dahra cohteriquiro wihī, yahuahye: “Puħto, muħu niñeru cjoer ohō ijire. Suhtiro cahsero mehna coma, ti cjoere ihbou. ²¹ Muħu tutuaro dahra dutigu ijire. Sa tutuaro dahra dutigu ijigu muħu basi oterapegāta ti ducare nene muħu. Sa yegu muħure cue ni”, niahye tiquireo puħtoro “Ti cjoer mehna wapataꝛu yuħu”, ni yahuro.

²² Tiquireo sa nigū tiquireo puħtoro ohō saha niahye: “Muħu sa nigū ñagu ijire muħu. Yuħure muħu sa nidi buhiri muħure buhiri dahregutja yuħu. Yuħu muħure tutuaro dahra dutigu yuħu ijigū masine muħu. Apequina yere yuħu negū yuħu oterarigu ijiepegāta ducare negū yuħu ijigū masine muħu. ²³ Yuħu sa ijigū ihñaepagata ya cjoere niñeru ihburi wuħupu cĵedahya muħu. Tire tiquina wasori wapa wapata nemoboaya muħu. ¿Duhsegu sa yerari muħu? Tire muħu yegū tojoa wihigu wapata nemoboaya yuħu”, niahye tiquireo puħtoro. ²⁴ Sa ni tuhasa tiquireo cahapu ducuyequinare dutiahye: “Niñeru cjoere ehmaña tiquireo.

Pua omope cjoerire c̄oriqirore ohoya”, niahye p̄h̄toro. ²⁵ Tiquiro sa nigū tiquina pehe yahuahye tiquirore: “P̄h̄to, pua omope cjoeri c̄oriqirore peye c̄o tuhasare”, niahye tiquina. ²⁶ Tiquina sa nigū p̄h̄toro yuhtiahye: “M̄sare niita niaja. Ijipih̄tiyequina c̄oeyequinare oho nemoutja. C̄oeriqirore pehere mehenogā tiquiro c̄oep̄egāta tire ehmagatja. ²⁷ Yojoṛu p̄uritare yuh̄are ih̄ña tuhtiyequinare yuh̄are tiquina p̄h̄toro iji dutierariquinare yuh̄are caharu ne cāhtaya. Sa yena yuh̄are ih̄ñonopu wejēña tiquinare”, niahye p̄h̄toro dahra cohteyequinare, ni, buheahye Jesu.

Jerusalēpu esahye Jesu

(Mt 21.1-11; Mr 11.1-11; Jn 12.12-19)

²⁸ Sa ni tuhasa Jesu apequina pano Jerusalēpu wahahye. ²⁹ Tiquiro Betfagē wame tiri maca caharu Betania wame tiri maca caharu esa, cunu Olivo wame tidu caharu esa muhtahye. Jerusalēpu tiquiro esato mehenogā duhsatjāhye. Sa yero p̄h̄aro tiquiro buheyequinare Jesu ohoro ohō saha niahye:

³⁰ —Si macaru burrogāre nena wahaya. Topu esana, burrogāre tiquina dah̄te dor̄or̄iqirogāre boca sanata. Apequina pesamehnediquirogā ijiaga. Tiquirogāre bocana, yuta dare p̄a, ne cāhta basaya yuh̄are. ³¹ M̄sa sa yegū ih̄ñano, burrogā upuro “¿Dah̄sena burrogāre p̄ajari?” tiquiro nigū tuhona ohō saha ni yuhtiya tiquirore: “Mari p̄h̄toro burrogāre cahmedoqueo nidi”, ni, yahuya tiquirore, ni yahu duti ohoahye tiquiro buheyequinare p̄arore.

³² Tiquiro sa nigū tiquina p̄h̄aro pehe tiquiro nidiroṛu esahye. Tiquina sa esagū ijipih̄tiye Jesu tiquiro nidiro sahata ijiahye. ³³ Sa ye tiquirogāre tiquina p̄agū ih̄ñañe tiquirogā opana tiquinare sinituahye:

—¿Duh̄se yena tana m̄sa yuta dare p̄ajari burrogāre? ni, sinituahye tiquina.

³⁴ —Mari p̄h̄toro burrogāre cahmedoqueo nidi, ni yuhtiahye tiquina.

³⁵ Sa ni yahu tuhasa tiquirogāre Jesu caharu ne sahye. Ne sa tuhasa tiquina bui c̄j̄e suhtire tiquirogā bui seō peo, tiquirogā buiṛu Jesu m̄ja p̄jegū yedoahye tiquina. ³⁶ Jesu tiquirogā bui pesagū tiquiro wahato pano masa tiquina bui c̄j̄e suhtire tu we ne, maharu seō cū muhtahye Jesure ño peoye. ³⁷ Sa ye tiquina Jerusalē dahagāru esa, Olivo wame tiduṛu dijia tari maharu esahye. Topu Jesu buhegū tuhoyequina peyequina ijipih̄tiye Cohāc̄jū tutuaye mehna tiquiro ye ih̄ñorire, tiquiro quehnoañe yerire tiquina ih̄ñarire wacūñe, Cohāc̄jūre “Quehnoagu, tutuagu ijire”, ni sañuducuahye. Sa ye tutuaro sañuducu, Cohāc̄jūre ño peoye, ohō saha niahye:

³⁸ —Ahriqiro Cohāc̄jū tiquiro ohoriquirore, mari p̄h̄torore Cohāc̄jū quehnoano yeahro. Ehm̄use c̄j̄ēna quehnoano ijiaho. Cohāc̄jū tiquiro tutu-ariqirore ijigū ijipih̄tiyequina masiahdo, ni ño peohye tiquina.

³⁹ Tiquina sa nigū tuhoye fariseo masa meheñequinagā tiquina watōa ijiyequina Jesure yahuahye:

—Buhegū, m̄hu buheyequinare dihta maria dutiya, niahye tiquina.

⁴⁰ —M̄sare niita niaja. Tiquina sañuducueragū utā paca pari pehe sañuducuboaga, niahye Jesu fariseo masare.

⁴¹ Sa ni tuhasa Jesu Jerusalē cahagāru esa, ti macare ih̄ñano, utiahye. ⁴² Ohō saha niahye tiquiro:

—Jerusalē c̄j̄āna yojoṛu p̄uritare m̄sare pecaru wahaborinare Cohāc̄jū tiquiro yuh̄duoatire m̄sa masigū quehnoa yuh̄duaboaga. Sa ijepegāta yojoṛu m̄sa tire ne tuho duerare. Sa yero Cohāc̄jū yere m̄sare masi dutierare. ⁴³ M̄sare ih̄ña tuhtiyequina m̄sa ijiri macare cahmota sotoa peho queheeta. Sa ye, m̄sare tiquina wijia dutisi. ⁴⁴ Ti p̄jeta tiquina m̄sa ya macare cohā pehoeta. M̄sa gūh̄are wejēta. M̄sare ih̄ña tuhtiyequina quehnoano cohā pehoeta m̄sa ya macare. Cohāc̄jū pecaru wahaborinare m̄sare tiquiro yuh̄duoatire m̄sa masi duerari. M̄sa masi duerari buhiri m̄sare ih̄ña tuhtiyequinare Cohāc̄jū m̄sare cohā dutirota, niahye Jesu Jerusalē c̄j̄ēnare.

Cohāc̄jū wuh̄aru Jesu esahye

(Mt 21.12-17; Mr 11.15-19; Jn 2.13-22)

⁴⁵ Sa ye Jerusalēpu esaro, Jesu Cohāc̄jū wuh̄aru sajaa wahahye. Sa yero apee boro duayequinare ti wuh̄aru ijiyequinare boca saro, tiquinare cohā wio cāhye. Ohō saha niahye tiquinare:

⁴⁶ —Cohāc̄jū yere tiquina ojoari p̄ru ohō saha nine: “Ya wuh̄are Cohāc̄jū mehna yahuducuri wuh̄are wame tirota”, niahye tiquiro yere tiquina ojoari p̄ru. Tiquiro sa niepegāta m̄sa pehe ahri wuh̄aru duana, m̄sa basi cahme yaquere m̄sa, niahye Jesu.

⁴⁷ Sa ye decoripe Cohāc̄jū wuh̄aru Jesu buheahye. Sa ye pahia p̄h̄toa, judio masare buheyequina, masa p̄h̄toa gāhu tiquirore tiquina wejēatire wacū macahye. ⁴⁸ Masa ijipih̄tiyequina tiquirore sa tuhoducuye, tiquiro buheyerē quehnoano tuho n̄n̄ñequina ijiahye. Tiquina sa quehnoano tuho n̄n̄ngū Jesure wejē duayequina pehe tiquirore tiquina wejēatire bocaerahye.

20

Pahia pãhtoa, judio masare buheye-quina, bucuna gãhu Jesu mehna cahme tuhtiyeh niahye

(Mt 21.23-27; Mr 11.27-33)

¹ Ape deco Cohãcjũ wãhũpũ Jesu masare quehnoañe buheyere buhero niahye. Tiqiro sa buhegũ pahia pãhtoa, judio masare buheyequina, bucuna mehna tiqiro cahapũ wihiye, sinituahye:

²—Yahuya usãre. ¿Dãhsegu canũre sa yeari mãhu? ¿Noa mãhare tire sa ye dutiari? niahye tiquina Jesure.

³ Tiquina sa nigũ Jesu yãhtiahye tiquinare:

—Musa pehere sinitu mãhtagũtja. Yahuya yãhũre. ⁴ ¿Ñũ masare tiqiro wame yegũ noa boro pehe tiqirore wame ye dutiari, msa tãhotugũ? ¿O Cohãcjũ dutierayari? ¿O masa pehe dutiari, msa tãhotugũ? ni sinituahye Jesu tiquinare.

⁵ Tiqiro sa nigũ tiquina pehe tiquina basi ohõ saha niahye:

—¿Dãhse ni yãhtinatari mari? “Cohãcjũ Ñũre dutie tiahye”, mari nigũ, “¿Dãhsena Ñũre Cohãcjũ dutiepegũta tiqirore tãho duerari msa?” niboaga Jesu marine. Sa yena “Cohãcjũ Ñũre dutie tiahye”, ni yãhti masiedaja mari. ⁶ Ahriquina masa pehe “Potota Ñũ Cohãcjũ yere yahu mãhtariqiro ijire”, ni tãhoture tiquina. Sa ni tãhotuye “Ñũ tiqiro wame yegũ Cohãcjũ tiqirore dutierahye”, mari nigũ tãhoye marine masa utã paca mehna doqeeta. Sa yena ti gãhũre yãhti masiedaja mari, ni yahuducuahye tiquina basi.

⁷ Sa ni yahuducu tuhasa tiquina Jesure yãhtiahye:

—Ñũre wame ye dutiriqirore usã masiedaja, niahye tiquina.

⁸ Tiquina sa nigũ Jesu yãhtiahye:

—Ti pje pũrita yũhũ gãhũ msa sinitu mãhtarire yahueraja mãsare. Ahrire yũhũ yerire dutiriqirore yahueraja mãsare, niahye tiquinare.

Ñãñequina dahra cohteyequina queoyere yahuahye Jesu

(Mt 21.33-44; Mr 12.1-11)

⁹ Sa ye Jesu tiqiro tãhotuye mehna queoye mehna ohõ saha ni buhe dũcahye masare:

—Wese upũro ãhse darire oteahye. Ote tuhasa, ti wesere apequinare ihcã pehe pahma cũahye. Pahma cũno ti wesere tiquinare ihña ihbo dutiahye. Sa duti tuhasa ape yehpũpũ waha, yoari pje bauerahye. ¹⁰ Sa yero ãhse ñidi pje ijigũ wese upũro tiqiro cahacjãnore wesere ihña ihboyequina cahapũ ohoahye. Wese cjẽ oteri dũcare tiqiro ya pahrẽ cjẽne ne

dutiro ohomahye. Sa ye ihña ihboyequina pehe tiqiro cahacjãnore piti ca quẽahye tiqirore. Sa ye tiquina tiqirore dũcare ohoerapeta tojoa dutiahye. ¹¹ Sa yero wese upũro apeqiro tiqiro cahacjãnore ti wese cjẽ oteri dũcare ne dutiro ohomahye tja. Sa ye wesere ihña ihboyequina tiqiro gãhũre quẽ, ñano yeahye tiqirore. Sa ye tuhasa tiqirore ti dũcare ohoerapeta tojoa dutiahye tja. ¹² Tiquina sa yeri bato wese upũro apeqiro cahacjãnore ohomahye tja. Sa ye wesere ihña ihboyequina pehe tiqiro gãhũre camĩ dahre, ti wese dũhtũ cahapũ cohã cãhye tiqirore.

¹³ Tiquina sa yeri bato wese upũro ohõ saha ni tãhotumahye: “¿Dãhse yegutari yũhũ? Ohõ saha yegũtja. Yũhũ macũre yũhũ cahñiqirore ohogũtja. Ijirota ijire. Tiquina tiqirore ño peoeta”, ni tãhotumahye wese upũro pehe. ¹⁴ Sa ye tiqiro macũnore tiqiro ohoriqirore esagũ ihñañe ihña ihboyequina pehe tiquina basi ohõ saha ni, yahuducuahye. “Ahriqiro wese upũro macũno ijire. Tiqirore wejẽihna. Sa yero ahri wese mari ya wese tojoarota”, nimahye tiquina basi. ¹⁵ Sa ni tuhasa wese upũro macũnore wese dũhtũ cahapũ nea, wejẽ cãhye tiqirore. ¿Tiquina sa yegũ ihñano dãhse yerotari wese upũro wesere ihña ihboyequinare? niahye Jesu.

¹⁶—Ti wesere ihña ihboyequinare wejẽno taro, apequinare wesere ihña ihbo dutirotã, ni yãhtiahye Jesu tiqiro basi.

Tiqiro sa nigũ tãhoye masa pehe ohõ saha niahye:

—Marine sa wahaeracãhdo, niahye tiquina.

¹⁷ Tiquina sa nigũ Jesu pehe tiquinare sinituahye:

—¿Cohãcjũ yere tiquina ojoari pũre ohõ saha ni yahuducuye, dãhse nino nijari, msa tãhotugũ?

Ahriqiro Cristo utã yero saha ijire.

Utãre wãhũ dahreyequina tiquina cohãno saha masa tiqirore cohãeta. Tiquina sa yepegũta yojoapũre wãhũ dahreyequina wãhũre yeye tiquina cũ mãhtaria utãre tiquina cũno saha Cohãcjũ tiqirore pãhoro sãri, ni ojoahye.

¹⁸ Ijipihtiyequina tia utã bui doque queheyequinare mãta sitea wahaeta. Sa yero tia utã mãsũno bui bora pjero, mãtaa wahagũ yerota tiqirore. Tiqiro pagũ mãnanore daye manarigã wahagũ yerota, niahye Jesu. (Sa nino tiqirore cahmedariquina, tiqiro buhiri dahreatiquina tiquina ñano yãhũatire yahuro niahye.)

Puhtoa ye wapore apequna sinituahye Jesure

(Mt 21.45-46; 22.15-22; Mr 12.13-17)

¹⁹ Tiquiro sa nigū tūhoye judio masare buheyequina, pahia puhto gāhu, “Jesu wese ihña ihboyequina queoye mehna marine tuhtiro nine”, ni, tuhotuahye tiquina.

Sa ni tuhotuyeh tiquina Jesure ñehe duamahye. Sa ñehe duepeta tiquina masare cue niahye. ²⁰ Sa cueye, Jesure tiquina ñeheatu pjerer cohteahye tiquina. Sa ye “Poto ijiyequina yero saha ye meho ijiya masa”, niahye tiquina apequnare. Tiquiro ñano ni yuhtigū ye duaye nimahye tiquirore yahusā duaye. Sa ye Jesure sinitu dutiye ohoahye ni mehoñequnare. Jesu ñano ni yahuducugū tūhoye ti yehpa cñena puhtorore peresu ye dutiye tee nimahye. ²¹ Sa ye tiquina Jesure ni meje cū sinitu ye nimahye:

—Buhegu, poto yahuducugū, ni mehoñe mariegu muhu ijigū usā masiaja. Sa yegu ihcāquiro puhtoro waro tiquiro ijiepegūta tiquiro gūhare dóyaro marieno potota yahure muhu. Muhu Cohācjū yere poto muhu buhegū gūhare usā masiaja. ²² Yahuya usāre. ¿Ne, Roma cñanore ijipihtiequina puhtorore gobierno cñene marine wapa yero cahmeajari, muhu tuhotugū? ¿Mari dutiye wapa ye dutiajari, muhu tuhotugū? ni sinituahye tiquina Jesure.

²³ Tiquina sa nigū tuhoro Jesu tiquina ñano ye duayere masino, tiquinare yuhtiahye:

²⁴ —Yojopare niñeru cjoere puhtoare wapa yeati cjoere ne cāhtaya. Ti cjoere ihñahna, niahye.

Ti cjoere tiquina ne wihigū ihñano ohō saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiequina puhtoro queoye, tiquiro wame gūhu wahñare, ni yuhtiahye tiquina.

²⁵ Tiquina sa nigū Jesu yahuahye:

—Ti pje pūrita masa ijipihtiequina puhtoro yere tiquiro pehere ohoya. Cohācjū yere Cohācjū pehere ohoya, niahye Jesu tiquinare.

²⁶ Sa ye masa tiquina ihñonopu Jesure ñano ni yahuducugū ye masiedahye tiquina. Sa ye Jesu yuhtiyere tūhoye, tiquina tuho maria wahahye. Sa tuho maria waha, dihta maria wahahye.

Cohācjū tiquiro masoatire yahuahye Jesu saduceo masare

(Mt 22.23-33; Mr 12.18-27)

²⁷ Sa ye meheñequinagā saduceo masa Jesu cahapu wihiahye. “Cohācjū yariariquinare masosi”, ni tuhotuyeh tiquina ijiahye saduceo masa. Sa ye tiquina ohō saha niahye tiquirore:

²⁸ —Buhegu, ohō saha ni buheahye Moise: “Ihcāquiro tiquiro wahmino namo tiriqiro pohna mariedaperota tiquiro yariagū ihñano tiquiro baharore tiquiro wahmino namono ijiricorore nuoano cahmene. Sa yero tiquiro wahmino munano tiquiro pohna tiboriro sahata pohna tiro cahmene tiquiro baharore. Sa ye tiquiro pohne tiquiro wahmino munano pohne yero saha ijjeta”, ni, ojoahye Moise, niahye tiquina.

²⁹ Tire ni tuhasa ahri quitire tja yahu nemoahye Jesure:

—Ihcāquiro masano ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye. ³⁰ Sa yero apeqiro tiquiro baharo gūhu tiquiro wahmino namono ijiricorore nuoahye. Tiquiro sa nuoari bato tiquiro wahmino yero sahata pohna mariedaperota tiquiro gūhu yariaa wahahye. ³¹ Sa yero ahriquiro baharo gūhu tiquiro wahmino munano yero sahata pohna mariedaperota yariaa wahahye. Sa dihita wahahye ihcāquiro pohne waro. Ne pohna mariedapeta yaria pihtia wahahye. ³² Tiquina namono ijiricoro gūhu tiquina batota yariaa wahahye. ³³ ¿Ne, Cohācjū ijipihtiequinare yariariquina munare tiquiro masogū diquiro namono pehe ijiboagari ticoro pototi? Tiquina ijipihtiequina ticorore namo tiriqina mana ijiahye. ¿Sa yero diquiro namono pehe ijirrotari? ni sinituahye tiquina.

³⁴ Tiquina sa nigū Jesu yuhtiahye:

—Yojopare cñena omoca dahtere. ³⁵ Tiquina sa dahtepegūta apequna pehe topu cñena pehe sa ijierare. Apequna unuare, numia gūhare poto yeyequinare Cohācjū quehnoahequina ijigū yerota. Tiquina yariari bato masa mwaeta. Sa ye tiquina topu omoca dahterare. ³⁶ Sa ye tiquina angele yero sahata ne yariasi. Tiquina Cohācjū masoriquina ijie, Cohācjū pohne ijie. ³⁷ Yojopare yariariquina mana tiquina masa wijati pehere masare yahutja. Tire Moise quehnoano yahu pehoahye. Tiquiro mehenagā ujari quitire ohō saha ni yahuahye: “Abrahā, Isaac, Jacob tiquina puhtoro ijie Cohācjū,” ni ojoahye Moise. ³⁸ Tiquina yariari bato “Tiquina puhto ijiaja”, ni yahuahye Cohācjū. Sa nieperota yariariquina mana puhtoro ijierare Cohācjū. “Tiquina puhto ijiaja”, tiquiro niñe mehna catiyequina tiquina ijigū masiaja mari. Tiquiro catiyequina puhtoro ijie. Ijipihtiequina masa catire, Cohācjū ihñagū, niahye Jesu tiquinare.

³⁹ Tiquiro sa nigū meheñequinagā judio masare buheyequina ohō saha niahye:

—Buhegu, muhu quehnoano yuhtiri, niahye tiquina Jesure.

⁴⁰ Sa ye pari turi Jesure sinitu duerahye tiquina.

*Cristo pehe Davi manano puhtoro ijire
(Mt 22.41-46; Mr 12.35-37)*

⁴¹ Came Jesu ohō saha ni yahu nemoahye tiquinare:

—“Cristo Davi manano panamino iji turiariquiro ijirota”, ni buhere apequina. ¿Duhse ye tiquina sa ni buheajari? ⁴² Davi manano tiquiro basi Salmoru tiquiro ojoari pūru ohō saha ni, ojoahye:

Cohācjū yūhu puhtoro ohō saha nidi: “Ohōru yūhu poto pehepu dujiya.

⁴³ Sa yegu mahure ihña tuhtiyequinare mahure yuhducaca basautja yūhu”, nidi Cohācjū yūhu puhtoro, ni, ojoahye Davi manano.

⁴⁴ Sa ni ojoaro Davi manano Cristore “Yūhu puhtoro”, ni pisuahye. Davi manano Cristo ñecano iji turiariquiro ijieperota Cristore “Yūhu puhtoro”, ni pisuahye. ¿Davi manano Cristo ñecano iji turiariquiro ijieperota duhse ijiro boro tiquiro “Yūhu puhtoro”, ni pisuyari Cristore? Cristore pehe Davi manano puhtoro ijire, ni yahuahye Jesu.

Judio masare buheyequina tiquina ñañe yeyere yahuahye Jesu

(Mt 23.1-36; Mr 12.38-40; Lc 11.37-54)

⁴⁵ Masa peyequina Jesure tiquina tuhori watoa Jesu pehe tiquiro buheyequinare ohō saha ni yahuahye:

⁴⁶ —Mari judio masare buheyequina tiquina ñañe yeyere ihñana quehnoano wacū masña. Sa yena tiquina yero saha yeracāhña. Tiquina yoaye suhti saña, masa tiquina ihñonopu tini, doeri cjē duaropu apequina puhtoare quehnoano ño peo tiquina sinino saha tiquina piti ca sinigū cahmene tiquina. Sa ye tiquina mari judio masa buheye wuhsepu quehnoañe dujiye dihitare duji duare. Sa ye bose deco ijigū topu gūhare quehnoañe dujiye dihitare cahmene. ⁴⁷ Tiquina wape wiha numia ye wuhserere tiquina caoye gūhare ehmare ti numiare. Sa ye tiquina masa ihñonopu yoari pje Cohācjūre siniducumene masare ihña dutiye. Tiquina sa yegū apequina bui cjūno tiquinare Cohācjū buhiri dahrerota, niahye Jesu tiquinare.

21

Wape wihoro Cohācjū wuhuru ticoro ohorire yahuahye Jesu

(Mr 12.41-44)

¹ Sa ni yahu tuhasa Cohācjū wūhu cjē niñeru tiquina sārī acarore niñeru opana tiquina ye niñerure duhu sāgū ihña dujiro niahye Jesu. ² Sa ihñano wape wihoro pejecuoricoro pua cjoegāre ticoro duhu sāgū gūhare ihñahye. ³ Tire ihña tuhasa ohō saha ni yahuahye:

—Potota niita niaja masare. Ahricoro wape wihoro pejecuoricoro pehe niñeru

sārī acaropu duhu sāno apequina ijipihitiyequina ohori yuhduoro ohori ticoro pehe. ⁴ Apequina niñeru opana pajiro tiquina ohoepegūta tiquina ye pajiro duhsare. Ahricoro pehe pejecuoricoro ijieperota ijipihitiye ticoro ihyatire ticoro dūborigāre oho pehori, niahye Jesu.

—Cohācjū wūhu cohōri wūhu ijirota, niahye Jesu

(Mt 24.1-2; Mr 13.1-2)

⁵ Sa ye apequina Cohācjū wūhure ohō saha niahye:

—Quehnoañe utā paca mehna yeri wūhu, quehnoa yuhduari wūhu ijicjoare. Masa Cohācjū ya wūhu ijiatire tiquina ohori gūhu ti wuhure quehnoano cūri jire, ni, yahuducuye niahye.

Tiquina sa nigū Jesu yahuahye tiquinare:

⁶ —Ahri ijipihitiye mari ihñari wuhserere, ahri utā paca gūhare cohā pehoeta. Ne ihcāria utā tojoasi, niahye Jesu tiquinare.

Pihitiati deco ijiatire yahuahye Jesu

(Mt 24.3-28; Mr 13.3-23)

⁷ Tiquiro sa nigū tuhoye tiquina pehe sinituahye tiquirore:

—¿Buhegu, duhse ijigū mūhu nidiro saha sa waharotari? ¿Pihitiati deco panogā ijigū duhse ti waha ducagū ihñanatari usā? ni sinituahye tiquina Jesure.

⁸ Jesu yuhtiahye tiquinare:

—Quehnoano yeya mūsa. Sa yena masare apequina tiquina ni mehoñene tuhoeracāhña. Peyequina masa “Cristo ijijaja yūhu”, ni mehoñequina ahtaeta. Sa niñe, “Yojopure pihitiati deco ijiat mehenogā duhsare”, nieta. Tiquina sa nigū tuhoeracāhña. ⁹ Sa ye apequina “Cahme wejēñe nine”, masare nieta. “Yojopure puhtoare masa cohāñe nine”, nieta. Masa tire tuhona cueracāhña. Pihitiati deco pano ohō saha waha muhtanota. Sa wahagū pihitiati deco wahato duhsarñota, niahye Jesu.

¹⁰ Sa ni tuhasa ohō saha ni yahu nemoahye:

—Ihcā yehpa cjēna ape yehpa cjēna mehna cahme wejēeta. ¹¹ Sa yero tutuaro yehpa ñuhmi, masa peyequina wūha mehna yaria, ijipihitiro cjēna dohatieta. Sa ye uhmuse cjē cua pesaye bajuagū ihñañe, masa ihña maria wahaeta.

¹² Ahri ijipihitiye sa wahato pano, apequina masare ñehe, ñano yeeta. Sa ye mari judio masa buheye wuhsepu tiquina masare yahusā, peresu yeeta masare. Tiquina sa yegū peye yehpari cjēna puhtoa cahapu, peye macari cjēna puhtoa cahapu ducunata masa tiquina yahusānohrina. Yeequina masa ijiri buhiri sa yeeta. ¹³ Tiquina sa yahusāgū masa pehe quehnoañe buheyere tiquinare

yahunata. ¹⁴ Ti pjere musare tiquina yahusägü puhtorore musa yuhtiatire “Yahu masiedaboaga”, ni tuhotueracähña musa. ¹⁵ Yahu musare yahu basautja. Musare sa yedohogu tuho masifene, quehnoañe yahuducuye gühure musare yahugü yeitja. Musa sa yegü musare ihña tuhtieyquina pehe musa yahuducuyere tuho, “Ti poto ijierare”, ni, yuhti masisi. ¹⁶ Ti pjere musa рассымна, musa bahana, musa acaye, musa mehna cjëna gühu musare ihña tuhtieyquinare ohoeta musare, yeequina musa ijiri buhiri. Tiquina sa yegü musare ihña tuhtieyquina musa mehna cjëname apequinare wejëeta. ¹⁷ Sa ye yeequina musa ijigü ihñañe, ijipihtieyquina musare ihña tuhtietia. ¹⁸ Musare sa ihña tuhtiepetia ne mehenogä musare ñano yesi. ¹⁹ Sa yena musa wacü tutuana ijia. Musa sa yena, Cohäcju mehna sa ijiducunata.

²⁰ Sa ye peyequina surara Jerusalëpü tiquina cahmota sotoa cohö cägü ihñana, Jerusalëne tiquina cohöto mehenogä duhsagü masinata musa. ²¹ Ti sa wahagü ihñañe Judea yehparü ijieyquina canü cju cahapü oma duhtiauro. Sa ye Jerusalëpü ijieyquina wahaahro. Sa ye weseripü ijieyquina Jerusalëpü tojoeracähdo sojaro mehna tiquina wahato pehe. ²² Ti decoripü buhiri dahreye decoripü ijipihtiey Cohäcju tiquiuro ojoari pü tiquiuro nidiro sahata sa waharota. ²³ Ijipihitropü ahri yehparü ñano yuhdueta. Ti sa wahagü, niji wahcöñe numia, tiquina pohene apöñe numia gühu pejecuoro wahaeta. ²⁴ Apequina ahri maca cjëna mehna cahme wejëeta. Sa ye apequina ahri maca cjëname ijipihtiey yehparipü ne cä, peresu yeeta. Sa ye judio masa ijieyquina Jerusalëne ñano ye, tiquinare yuhducaeta. Judio masa ijieyquina ya deco pihtigapü Jerusalë cjëname ñano ye duhueta, ni yahuahye Jesu.

Jesu ahri yehparü tiquiuro tojoa tatire yahuahye

(Mt 24.29-35, 42-44; Mr 13.24-37)

²⁵ Sa yero tiquinare yahu nemoahye:

—Ti pjere asü deco cjëno, ñami cjëno, ñahpicoha gühu sijoro saha ijieyquina wahaeta. Ijipihtieyquina ahri yehpa cjëna “Acuehi, yarianata”, ni tuhotueyquina pajiri ma cjë pahcöri cua yuhduaro ti pahcöri bisi cähtagü tuhoye tutuaro cueeta. ²⁶ Ti pjere uhmuse cjë yehpari, ñahpicoha gühu ti sa wahaducurore camesaeta. Sa ye ñuhmieta. Ti sa wahagü ihñañe, masa pehe ahri yehpa pihtiatire cohtey, tutuaro cueeta. ²⁷ Ti pjeta yuhu masu Cohäcju ohorigü Cohäcju tutuaye mehna tiquiuro asi siteye mehna ehmeo curua buipü yuhu ahtagü ihñaeta masa. ²⁸ Ahri sa waha ducagü ihñana, wacü tutuana ijia. Sa yena

uhmusepü ihñaña. Ti pjere Cohäcju musare pecapü wahaborinare tiquiuro yuhduoato mehenogä duhsarota, niahye Jesu.

²⁹ Sa ni tuhasa ahri queoye mehna buheahye Jesu:

—Higueragure, apeye cju gühure tuhotuya musa. ³⁰ Tu yucagü püri tigü ihñana, cühma mehenogä duhsagü masine musa. ³¹ Sata ahri ijipihtiey yuhu nidire ti sa wahagü ihñana, Cohäcju tiquiuro puhtoro ijia ti pje mehenogä duhsagü masinata musa.

³² Musare poto niita niaja. Ti pje cjëna tiquina yariato pano ijipihtiey yuhu nidiro sahata sa waharota. ³³ Uhmuse, ahri yehpa gühu pihtia waharota. Yuhu yahuducuye pehe ne comesasi. Ijipihtiey yuhu nidiro sahata sa waha sohtori tirota.

³⁴ Yuhu tojoa tati decore ne masiedare musa. Sa yena quehnoano yeya. Bose decorire queheye decorire yeducueracähña. Sa yena queheracähña. Ahri yehpa cjëne pajiro tuhotueracähña. Musa yuhu nidiro sahata yena, wacüeno mehna ahri yehparü yuhu ahtagü musa ne acüasi. ³⁵ Wahiquirore yuri da wacüeno mehna ti da tuä suhoro saha wacüeno mehna ahtautja yuhu. Ijipihtieyquina ahri yehpa cjëna tiquina masiedi watoa ti deco wacüeno mehna sa waharota. ³⁶ Quehnoano wacü masi cohtey. Sa yena Cohäcjure ahrire sa siniducuya: “Ahri pihtiatu decore sa wahagü yuhure yedohoya. Tutuayere ohoya yuhure ahrire quehnoano yuhu yuhduatire. Sa yegü Cristore muhu ohoriquirore cuero marieno yuhure piti cagü yeya”, ni, siniña Cohäcjure, niahye Jesu.

³⁷ Sa ye ti decorire Cohäcju wuhpü Jesu buhee tiahye. Ñaminipe buhe tuhasaro Olivo wame tidu canpü waha, topü iji bohreaye tiahye. ³⁸ Bohreayepe tahari ijipihtieyquina masa Cohäcju wuhpü tiquiurore tuhoye wahae tiahye.

22

Pahia puhto, judio masare buheyequina mehna wejë duahye Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Sa ye ti pjere pugü yeye moremehneñe päre tiquina ihyati bose deco mehenogä duhsahye. Ti bose deco pascua wame tiahye. ² Sa ye pahia puhto, judio masare buheyequina mehna Jesure wejë duaye, tiquina wejëatire wacü macahye. Jesure wejë duetia, masa pehere cueahye, “Usuari”, niñe.

³ Sa ye watino Juda Iscariotere ñano tiquiuro ye dutigü Juda pehe yuhtiahye tiquiurore. Juda doce buheyequina mehna cjëno ijimahye. ⁴ Sa yero tiquiuro pahia puhtoare, Cohäcju wuhü cjëna surara puhto

mehna gāhure yahuro wahahye. Tiqina cahapu esa, tiquinare Jesure tiqiro ihñootire yahuahye tiquinare. ⁵ Tiqiro sa nigū tahoye, tiqina bucue, “Mūhure niñerure wapa yenatja”, niahye tiqina Judare. ⁶ Tiqina sa nigū Juda “Au, tiqirore musare ihñoutja”, ni, masa tiqina ihñeno watoa Jesure ihña tuhtiequinare tiqiro ihñooti ñamine cohtero niahye.

Jesu buheyequina mehna tiqiro ihya bato tiati deco ijahye

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pugū yeye moremehneñe pāre ihyati bose deco iji ducari deco ijahye. Sa yero pascua cñē ijiatire ovejare tiqina ihya-tiquinare tiqina wejēdi deco ijahye. ⁸ Ti pjeta Pedrore, Ñu gāhure Jesu yahuahye:

—Bose decopu mari ihyatire quehnona wahaya, niahye Jesu tiquinare.

⁹ —¿Noho boropu mari ihyatire quehnoyu dutigu ohoajari mūhū usāre? ni sinituahye tiqina tiqirore.

¹⁰ Tiqina sa nigū Jesu yuhtiahye:

—Jerusalēpu masa esagū aco sutu wūariqiro musare piti carota. Tiqiro piti cagū tiqiro mehna wahaya. ¹¹ Sa wahana tiqiro siho sajāri wūhūpu esana wūhū upārore ohō saha ni yahuya. “¿Nohopu yūhū buheyequina mehna pascua cñē ihyayere ihyanatari? nidi buheriqiro”, niña wūhū upārore. ¹² Musa sa nigū tuhoro ahmāno cñā tucūre pajiri tucūre mari cahmeñe mehna tiqina quehñori tucūre ihñonota wūhū upāro. Topu mari ihyatire dahreya mūsa, niahye Jesu tiquinare.

¹³ Tiqiro sa nigū tiqina ti macapu wahahye. Topu tiqina esagū tiquinare tiqiro nidiro sahata wahahye. Sa ye tiqina pascua cñē ihyatire dahreahye.

¹⁴ Ihyari pje ijigū Jesu doce tiqiro buheyequina mehna ihya dujiyahye. ¹⁵⁻¹⁶ Topu ihyaropu dujiri Jesu tiquinare yahuahye:

—Musare niita niaja. Ahri pascua bose decore mari dahreja Cohācñū tiqiro yequinare tiqiro yūhdūotire wacñina. Came Cohācñū tiqiro puhtoro ijirōpu tiqiro yequinare yūhdūo tuhasarota. Tiqiro sa yūhdūoato pano ahri deco cñēne pari turi ihyasi yūhū. Sa yegu yojōpāre yūhū ñano yūhdūoato pano ahri pascua cñē ihyayere mūsa mehna tutuaro ihya duahti yūhū, niahye Jesu.

¹⁷⁻¹⁸ Sa ninota Jesu sihnidi pare ne, Cohācñūre “Quehnoare”, ni sini, tiquinare yahuahye:

—Musare niita niaja. Cohācñū ijipihtiye-quina puhtoro tiqiro ijiato pano ahri vinore ne pari turi sihnisi yūhū. Sa yena ahri vinore ne, masa basi iti sihnina, niahye Jesu.

¹⁹ Sa ni tuhasa pāre ne, Cohācñūre “Quehnoare”, niahye. Sa yero tiare nuha, itiahye tiquinare. Tiare itiro, tiquinare yahuahye:

—Ahri yūhū pagu ijire. Yūhū pagu yūhure ihña tuhtiequinare tiqina ohori pagu ijirōta musare yūhū yūhdūoati. Sa yena yūhure mūsa wacñatire ahrire ihyaya, niahye Jesu.

²⁰ Sa ihya tuhasa sata tiqiro tiquinare sihnidi pa gāhure ohoahye. Sa ohoro, tiquinare yahuahye:

—Musa ñañe yeyere cohāgu tagu yariatja. Sa yegu yūhū diire cohāñtja. Cohācñū “Musare yūhdūotja”, tiqiro nidiro esa tuhagū yūhū yariaro mehna tiqiro nidiro sohtori tirota.

²¹ Yojōpāre tuhoya mūsa. Yūhure ihña tuhtiequinare yūhure ihñootiqiro yojōpāre yūhū mehna ohō dujire. ²² Cohācñū tiqiro dutiriro sahata yūhū masu Cohācñū ohorigu yariatja. Tiqiro sa yaria dutiepegāta yūhure ihña tuhtiequinare ihñootiqiro pūrita ña yūhdūo yūhdūarota, niahye Jesu tiquinare.

²³ Tiqiro sa nigū tiqina pehe tiqina basi ohō saha ni sinituahye:

—¿Jesure ihña tuhtiequinare ihñootiqiro mari mehna cñāno diqiro boro ijiagari? ni, yahuducuahye tiqina basi.

—¿Mari mehna cñāno diqiro pehe ijiagari puhtoro? ni yahuducuahye Jesu buheyequina tiqina basi

²⁴ Came Jesu buheyequina ohō saha ni yahuducuahye:

—¿Mari mehna cñāno diqiro pehe ijiagari puhtoro? ni yahuducuahye tiqina basi.

²⁵ Tiqina sa ni yahuducugū tuhoro Jesu tiquinare yahuahye:

—Cohācñūre cahmeñequina puhtoa pehe tiqina masare dutiye, purño mehna dutire. Sa ye puhtoare “Tiqina masare yedohoyequina ijire”, nimene apequina masa tiquinare. ²⁶ Musa pehe sa yesi masa basi. Musa mehna cñāno masa wahmi pehere tiqiro bahuro yero saha ijiro cahmene. Musa mehna cñāno puhtoro iji duaro cahcñāno yero saha ijiro cahmene tiqirore.

²⁷ ¿Diqiro ijiagari puhtoro? ¿Ihya dujiriqiro pehe puhtoro ijiagari? ¿Ihya dujiriqiro pehe puhtoro ijiagari? Ihya dujiriqiro ijiaga puhtoro. Tiqiro sa ijipegāta yūhū pehe cahcñāno yero saha musare yedohogu ahta.

²⁸ Masa yūhure tiqina ñano yepēgāta mūsa pehe yūhure duhuerare. ²⁹ Sa yegu yūhū Pacu yūhure tiqiro puhtoro sōriro sahata masa gāhure puhtoa sōgtja yūhū. ³⁰ Yūhū puhto yūhū ijigū yūhū ihyari mesapu masa gāhū ihya, sihninata. Sa yena masa

puhto dujiyere dujinata. Mäsa topu dujina Israe masare doce cururi cjênare bese-nata mäsa ñaŋnequinare, quehnoaŋnequinare, niahye Jesu tiqiro buheyequinare.

Pedro Jesure tiqiro cohätire yahuahye Jesu

(Mt 26.31-35; Mr 14.27-31; Jn 13.36-38)

³¹ Sa ni tuhasa Pedrore Jesu ohö saha ni yahuahye:

—Simo Pedro yahure tuhoya. Mäsare ijp-ihtinare wafino yahure cohägü ye duare. Trigo wese cjäno trigore tiqiro wejê site cohäiro sahata müsare ijp-ihtinare wafino ñano ye duare. Sa ye duaro, Cohäcjüre sinidi. ³² Tiquiro sa sinigü ihñagü yuhü pehe Cohäcjüre sini basau muhare. Yahure muhu wacü tutua duhueratire sini basau muhare. Sa yegu muhu yuhü mehna cjä pari turi ijigü yeequinare yedohoya muhu, yahure tiquina wacü tutua nemoati, niahye Jesu Pedrore.

³³ Tiquiro sa nigü Pedro yahtiahye:

—Puhto, yahure tiquina peresu yepägüta, yahure tiquina wejê duepägüta muhu mehna cjä ijiitja, niahye Pedro.

³⁴ Jesu yahtiahye:

—Pedro, muhare niita niaja. Mia ñami canaca tiqiro yahuato pano “Jesure masiedaja”, nigüta muhu apequinare. Ihtia taha sa nigüta muhu, niahye Jesu Pedrore.

Jesure tiquina ñano ye ducato mehenogã duhsahye

³⁵ Sa ni tuhasa Jesu tiqiro buheyequinare yahuahye:

—¿Sohö ijiri pje niñeru ajuro mariena, pajiri ajuro mariena, dahpo suhti mariena müsare yuhü ohogü apee boro duhsari müsare? ni sinituahye Jesu.

—Ne usäre yabe duhsaerari, ni yahtiahye tiquina.

³⁶ —Ti pjere müsare duhsaerapegüta yojopu pehere niñeru ajurore caona tire neña. Pajiri ajurore caona gühu neña. Sa yena müsare ñoseni pji mariedagü mäsa suhtire duana ti pjiñe düya. ³⁷ Ahrire müsare nii niaja. Cohäcjü yere tiquina ojoari püpu tiquina nidiro sahata yahure sa waharo cahmene. Ohö saha niahye ti püpu: “Tiquiro dutiyere yuhdücayequina mehna cjäno ijire’, nieta masa”, ni, ojoahye, niahye Jesu.

³⁸ —Ihñaña puhto. Pua pji ñoseñe pjiñine cwoaja usä, niahye tiqiro buheyequinare.

—To punota ijire, ni yahtiahye Jesu.

Getsemaní wame tiri wesepu Jesu Cohäcjüre siniahye

(Mt 26.36-46; Mr 14.32-42)

³⁹ Sa ye Jesu tiqiro sa yeducuro sahata Olivo wame tidu canapu wahahye. Tiquiro sa wahagü tiqiro buheyequinare

tiqiro mehna wahahye. ⁴⁰ Topu esaro tiqiro tiquinare yahuahye:

—Cohäcjüre siniña mäsa ñano yeratire, niahye Jesu tiquinare.

⁴¹ Sa ni tuhasa tiqiro dihita mehenogã waha nemo, düsepe curi mehna quehe sa, Cohäcjüre siniahye:

⁴² —Mai, yuhü ñano yuhdüatire ye dueragu yeracähña. Yuhü sa niepägüta yuhü cahmeñe pehere yeracähña. Muhu pehe masine. Muhu cahmeno saha yeya yahure, ni siniahye Jesu Cohäcjüre.

⁴³ Tiquiro sa sinigü ahmusepu ahtariquiro angel Jesure bajua, yedohohue tiquirore.

⁴⁴ Sa yero Jesu ñano jeripohna ti, tutuaro mehna Cohäcjüre siniahye. Sa yero tiqiro asi ti cuhsaye dii pjeri yero saha tiquirore wija, yehrapu bora quehe sahye.

⁴⁵ Cohäcjüre sini bato ti, wahcädüca sa, tiqiro buheyequina cahapu wihiahye. Tiquiro wihigü tiqiro buheyequina tutuaro bujua witiyequina ijiye, carñe niahye. ⁴⁶ Sa yero Jesu tiquinare ohö saha ni yahuahye:

—¿Duhsena carñajari mäsa? Wahcähña. Cohäcjüre siniña mäsa, “Ñano yeari”, nina, niahye Jesu tiquinare.

Jesure ihña tuhtiequina tiquirore peresu yeahye

(Mt 26.47-56; Mr 14.43-50; Jn 18.2-11)

⁴⁷ Tiquiro sa ni yahuducuri watoa masa peyequina wihiahye. Juda doce buheyequina mehna cjäno ijimediquiro masare ahmu tä cãhtariquiro ijiahye. Sa yero tiqiro Jesu cahapu wihü, wahsupu ihmiahye tiquirore. ⁴⁸ Tiquiro sa ihmigü Jesu tiquirore sinituahye:

—¿Juda, yuhü masare Cohäcjü ohorigure yahure ihña tuhtiequinare ihñogu yahure wahsupu ihmñe mehna sa yeajari muhu? niahye Jesu.

⁴⁹ Tiquiro sa nidi bato Jesu buheyequina masa Jesure tiquina ñeheatire masiñe, tiquirore sinituahye:

—¿Puhto, usä ñoseñe pjiñi mehna tiquina mehna cahmequema? niahye tiquina.

⁵⁰ Tiquina sa nidi bato ihcãquiro Jesu buheyequina mehna cjäno pehe pahia puhtoro cahacjånore tiqiro ñoseni pji mehna tiqiro cahmonore poto pehe ijiri cahmonore düte pahre cãhye. ⁵¹ Tiquiro sa yegü ihñano Jesu tiquirore ohö saha niahye:

—Sa yeracähña, niahye.

Ni, cahacjãno cahmono ijirirupu ña ohöahye. Tiquiro ña ohögüta cahmono manano sahata ijiahye tja. ⁵² Sa ye tuhasa pahia puhtoare Cohäcjü wuhü cjëna surara puhtoare, bucana gühare tiquirore ñeheñe ahtariquinare Jesu sinituahye:

—¿Duhsa ijiro boro mäsa ñoseñe pjiñi, yucu tiari mehna yaqueriquirore tiquina

yeriro saha m̄asa yuh̄are ñehena ahtajari?
⁵³ Decoriþe Coh̄ac̄jũ wuh̄aru m̄asa mehna
 yuh̄u ijigũ, m̄asa yuh̄are ñehedari. Sa
 ijiepegũta yojopure m̄asa ya deco yuh̄are
 m̄asa ñano yeati deco ijire. Yojopu watino
 tiqiro ñano yeati deco gũh̄u ijire, niahye
 Jesu.

—Tiqiurore masiedaja, niahye Pedro
 Jesure

(Mt 26.57-58, 69-75; Mr 14.53-54, 66-72;
 Jn 18.12-18, 25-27)

⁵⁴ Tiquina Jesure ñeh̄e tuhasa pahia
 puhtoro ya wuh̄aru neahye tiqina
 tiqiurore. Tiquina topu neagũ Pedro
 yoaropu tiquinare ih̄ña nunu tãhye.
⁵⁵ Puhtoro ya wuh̄aru esa, topu wuh̄u
 caharu ijiri paaru, quehnoari paa decoru
 peca wijiãhye apequna. Tiquina wijiãgũ
 ih̄ñano Pedro peca caharu dujyequina
 mehna dujiahye. ⁵⁶ Tiquiro dujiri bato
 ih̄cãcoro cahac̄õno tiqiurore quehnoano
 ih̄ña, apequnare oh̄o saha ni yahuahye:

—Ahriqiuro gũh̄u tiqiro mehna ijiri, ni-
 ahye ticoro.

⁵⁷ Ticoro sa nigũ tahoro Pedro yuh̄tiahye:

—Numio, tiqiurore ne masiedaja yuh̄u,
 nimahye tiqiro.

⁵⁸ Came c̄jũnogã apeqiro Pedore ih̄ña,
 oh̄o saha ni yahuahye:

—Muh̄u gũh̄u tiqina mehna c̄jũ ijire, ni-
 ahye tiqiro.

—Ne ijieraja, nimahye Pedro.

⁵⁹ Ih̄cã hora bato apeqiro apequnare
 oh̄o saha ni yahuahye:

—Ijirota ijire. Ahriqiuro Galilea c̄jãno
 ijire. Sa yero potota Jesu mehna ijiri
 ahriqiuro gũh̄u, niahye tiqiro apequnare.

⁶⁰ Tiquiro sa nigũ Pedro yuh̄tiahye:

—Ne, muh̄u nidiqiurore masiedaja yuh̄u,
 ni yuh̄tiahye Pedro.

Tiquiro sa ni yahuducuri watoa canaca
 yahuahye. ⁶¹ Tiquiro yahugãta Jesu
 wuh̄u caharu ijiriquiro Pedore majare
 ih̄ñadoqueoh̄a. Tiquiro sa yegũ Pedro pehe
 Jesu tiqiro nidire wacũahye. “Mia ñami
 canaca tiqiro yahuato pano, ‘Yuh̄u Jesure
 masiedaja’, niguta muh̄u. Ihtia taha sa
 niguta muh̄u”, Jesu tiqiro nidire wacũahye
 Pedro. ⁶² Sa wacũno Pedro topu wija ta,
 tutuaro utiahye.

Jesure bujape, quẽahye tiqina
 (Mt 26.67-68; Mr 14.65)

⁶³ Sa ye Jesure cohteyequina surara
 tiqiurore bujape, quẽapeahye. ⁶⁴ Sa quẽpeye,
 tiqiro caperire duhte cahmota, tiqiurore
 sinituahye:

—¿Diquiro muh̄are quẽari? Ih̄ñedapeguta
 yahuya usãre, ni sinitupeahye tiqina.

⁶⁵ Sa ye peye ñano ni yahuducuahye
 tiqina tiqiurore.

Jesure puhtoa sinituahye

(Mt 26.59-66; Mr 14.55-64; Jn 18.19-24)

⁶⁶ Bohrearopu judio masa bucãna, pahia
 puhtoa, judio masare buheyequina gũh̄u
 cahmecoahye. Tiquina sa cahmecoanopu
 apequna tiqina caharu Jesure ne
 cãhtahye.

⁶⁷ —Yahuya usãre. ¿Cristota ijajari muh̄u?
 ni sinituahye tiqina Jesure.

Tiquina sa nigũ Jesu yuh̄tiahye:

—M̄sare yuh̄u yahugã, yuh̄are tuhosi
 m̄asa. ⁶⁸ M̄sare yuh̄u sinitugũ yuh̄are
 yuh̄tisi m̄asa. Sa yena yuh̄are wiosi
 m̄asa. ⁶⁹ M̄sa wioerapegũta came c̄jũnogã
 ijipihtiye decori yuh̄u masu Coh̄ac̄jũ ohorigu
 Coh̄ac̄jũ tutuariquiro tiqiro poto pehepu
 dujigatja, niahye Jesu.

⁷⁰ Tiquiro sa nigũ tiqina ijipihtiyequina
 sinituahye tja pari turi:

—¿Sa nigũ Coh̄ac̄jũ macãta ijajari muh̄u?
 niahye tiqina.

—M̄sa nino sahata ijajaja, ni yuh̄tiahye
 Jesu tiquinare.

⁷¹ Tiquiro sa nigũ tiqina oh̄o saha ni
 yahuducuahye tiqina basi:

—Ahriqiuro Coh̄ac̄jũre pajiro tiqiro ñano
 yahuducugũ mari basi tahou. Sa ye tope-
 quinata yahusãahdo ahriqiurore, niahye
 tiqina basi.

23

Pilato Jesure sinituahye

(Mt 27.1-2, 11-14; Mr 15.1-5; Jn 18.28-38)

¹ Sa ni tuhasa tiqina ijipihtiyequina
 wahcãduca, Jesure Pilato caharu neahye.

² Ne esa, Jesure yahusã ducahye:

—Ahriqiuro mari ya yehpa c̄jẽnare
 tiqiro ñano ye dutigũ usã tahou. Mari
 puhtoro ahriqiuro wapa ye dutierare. Sa
 yero tiqiro “Puhto ijajaja. Cristo masare
 yuh̄duoacju ijajaja yuh̄u”, ni yahuducure
 tiqiro basi, ni yahusãhye tiqina Jesure.

³ Tiquina sa ni yahusãri bato Pilato Jesure
 sinituahye:

—¿Judio masa puhtota ijajari muh̄u? ni-
 ahye tiqiro Jesure.

—Muh̄u nino sahata ijajaja, ni yuh̄tiahye
 Jesu.

⁴ Tiquiro sa nigũ Pilato pahia puhtoare,
 masa gũh̄are yahuahye:

—Ahriqiuro buhiri mariedare, niahye
 tiqiro.

⁵ Tiquiro sa niepegũta tiqina tutuaro
 yahusã nemoahye:

—Tiquiro buheye mehna masare cahme-
 quegũ yere. Galilea yehparu tiqiro tire
 ye ducari. Sa ye duca tuhasa ijipihtiro
 Judea yehparu tire tiqiro yere. Sa yero
 yojopu oh̄õpu gũh̄are tire yero taro nine, ni,
 yahusãhye tiqina.

Herode Jesure sinituahye

⁶ Tiquina sa ni yahusāgū tūhoro Pilato pehe sinituahye:

—¿Ahriquiuro Galilea cĵano ijajari? niahye tiquiuro.

⁷—To cĵanota ijire, ni yūhtiahye apequina.

Tiquina sa ni yūhtigū tūhoro Pilato pehe Jesu tiquiuro ijiri yehpare masino puhtoro Herode ya yehpa cĵano Jesu tiquiuro ijigū masiahye. Tire masino Jesure Herode cahapū ohoahye. Ti pjere Herode Jerusalēpu ijiahye. ⁸ To pano Herode Jesure tūho tuhasahye. Tiquiro sa tūhori bato yoari bato tiquiore ihña duahye. Jesu Cohācĵū tutuaye mehna tiquiuro ye ihñogū ihña duamahye tiquiuro. Sa yero tiquiuro Jesure ihñano, bucueahye. ⁹ Sa yero peye tahari sinituahye Jesure. Tiquiro sa sinituepegūta Jesu ne yūhtierahye tiquiore. ¹⁰ Pahia puhtoara, judio masare buheyequina gūhu Herode cahapū esa, tutuaro Jesure yahusāhye. ¹¹ Tiquina yahusāri bato, Herode tiquiuro yequina surara mehna bujape, Jesure ñano yeahye. Sa bujapeye, quehnoari suhtirore puhtoro tiquiuro sañari suhtiro yero saha bajuri suhtirore sāhaye tiquina Jesure. Sa bujape tuhasa, tiquiore Pilato cahapū ohoahye tja. ¹² Ti decore Herode, Pilato mehna quehnoano tiquina basi cahme yeyequina iji dcahaye. To panore tiquina basi cahme ihña tuhtiyequina ijinimahye.

Masa Jesure wejē dutiahye

(Mt 27.15-26; Mr 15.6-15; Jn 18.39-19.16)

¹³ Sa ye Pilato pahia puhtoare, apequina puhtoare, masa gūhure tiquiuro pijigū, cahmeoahye. ¹⁴ Tiquina cahmeoara pihtigū ihñano ohō saha niahye Pilato tiquinare:

—Ahriquiore yūhare ne cāhtana, “Tiquiro masare ñano ye dutiri”, nimesi masa yūhare. Yojoṗu masa ihñonopu ahriquiore quehnoano sinitu pehou tja. Yūhu sa sinituri bato masa tiquiore sa yahusāducugū tiquiore ñañe buhiri ne mariedare, yūhu ihñagū. ¹⁵ Herode gūhu tiquiore “Ne, ñañe buhiri mariedare”, nidi. Sa nino ahriquiore pari turi usāre oho majare tojore tja. Sa yena ahriquiore tiquiuro ñañe buhiri mariedagū tiquiore masa wejē duti masiedare. ¹⁶ Sa yegu tiquiore yuta dari mehna tana dutiitja yūhu. Sa tiquina tanari bato tiquiore wioutja, nimahye Pilato masare.

[¹⁷ Cūhmaripe pascua bose decorire masa yaquiuro ijiatiquiore ihcāquiuro peresupū ijiriquiore Pilato wio basaducue tiahye.] ¹⁸ Sa ye Pilato “Jesure wioutja”, tiquiuro nigū tūhoye ijipihitiyequina masa ohō saha ni sañuducuahye:

—Tiquirore Jesure wejēña. Barrabá pehere usāre wio basaya, ni sañuducuahye masa.

¹⁹ To pano Barrabá pehere Jerusalēpu puhtoare tiquiuro cohā dutiri buhiri, masare tiquiuro cahmeque dutiri buhiri, tiquiuro wejēdi buhiri, peresu yeahye tiquiore. Sa ye camepure tiquiore masa wio dutiye niahye. ²⁰ Pilato Jesu pehere wio duamahye. Sa yero tiquiore masare sinituahye tja. ²¹ Tiquiro sa wio duepegūta tiquina tiquiore niahye tja:

—Curusapū quē biha wejēña tiquiore. Wejēña tiquiore, ni sañuducuahye tiquina.

²² Tiquina sa nigū Pilato ihtia taha waro ohō saha nimahye tiquinare:

—¿Yabere ñano yeri tiquiuro masa sa ni sañuducugū? Ne tiquiore ñañe buhiri mariedare. Sa yegu tiquiore wejē duti masiedaja. Tiquirore yuta dari mehna tana dutiitja. To punota ye dutiitja. Sa yegu wioutja tiquiore, nimahye Pilato.

²³ Tiquiro sa niepegūta tiquina tutuaro mehna sañuducu nemo, Jesure curusapū wejē dutiahye. Tiquina sa ni sañuducugū tūhoro tiquina cahmediro sahata Pilato yeahye. ²⁴ Sa yero tiquina sinidiro sahata Pilato Jesure wejē dutiahye. ²⁵ Sa dutiro tiquiuro peresupū ijiriquiore masare cahmequegū yeriquiuro, masare wejēdiquiore masa tiquina sinidiro sahata Pilato Barrabá pehere wioahye. Sa yero Pilato Jesure curusapū wejē dutiahye.

Tiquina Jesure curusapū quē biha wejēahye

(Mt 27.32-44; Mr 15.21-32; Jn 19.17-27)

²⁶ Sa ye tiquina Jesure wejēñe wahaye, neahye. Ti pje tiquina sa yeri watōa Simo wame tiriquiro Cirene cĵano ihquē wūhuse ijiroṗu esariquiuro tojoa taro niahye. Jerusalēpu tiquiuro wihigū ihñañe Jesure neañequina tiquiore piti ca, ñehe, curusare tiquiore wua cā dutiahye Jesu bato pehe.

²⁷ Sa ye masa peyequina Jesure ihña nānu tāhye. Sa ye masa watōa ijieyequina numia tiquiore tiquina sa yegū ihñañe tutuaro utiahye. ²⁸ Tiquina utigū tūhoro, tiquina numiare Jesu majare ihña, ohō saha niahye:

—Jerusalē cĵana numia, yūhare utieracāhña. Masa ye ijiatire, masa pohna ye ijiati gūhare utiya. ²⁹ Apeye decori ijigū ña yūhduaro yūhdunata masa. Ti pjere masa ohō saha nieta. “Pohna mariena numia, pohna tienā numia, apūoedari numia yojoṗu mari ijigū quehnoa yūhduaboaga”, nieta numia. ³⁰ Ti pjere canare ohō saha ni yahuducuetā masa. “Mūhu canu usā buipū bora dija taya. Usāre nūoña”, nieta masa cueye. ³¹ Masa yūhare buhiri marieḡure ohō saha tiquina yegū, ñañe buhiri cuoyequina pehe ña yūhduaro wahaeta, niahye Jesu.

³² Apequina puaro dutiyere yūhdudacayequina tiquina ijigū tiquina gūhare Jesu mehna

tiquina wejēatiquinare neahye tiquina. ³³ Tiquinare nea, “Dapu pehtoro”, wame tiroꝑu esa, curusapꝑu Jesure quē biha ohōahye. Sa ye ꝑuaro yuhduꝑucayequina gāhure apequirore tiquiro potō pehe, apequirore tiquiro cū pehe pehe quē biha ohōahye. ³⁴ Tiquina sa yegū Jesu ohō saha niahye:

—Mai, ahriquina yahure wejēatiquina yoꝑꝑu tiquina ñano yerire boya tiquinare. Tiquina dahse yerire masiedare tiquina. Sa yegū tiquina ñano yerire boya, niahye Jesu.

Sa ye Jesu suhtire cahme itiyē, tiquina doꝑeꝑeahye. Tiquiro suhtire “¿Noa yaro ijirotari ohō?” ni cahme doꝑeꝑeahye tiquina. ³⁵ Sa ye masa toꝑu ducuyequina tiquina ihñaducuri watoa judio masa ꝑuhtoa Jesure buꝑeꝑeahye:

—Tiquiro apequina masare yariaboriquinare yuhduoñohiti. Sa yero tiquiro Cristo Cohācꝑu beseriquiro ijiro, yoꝑꝑu yariaboriꝑu ijiro, tiquiro basi yuhduoahro, ni, buꝑeꝑeahye tiquina.

³⁶ Surara gāhū tiquirore buꝑeꝑeahye. Jesu cahapꝑu esa, tiquina tiquirore ñaṇe co vinore ohomahye. ³⁷ Tire yeye ohō saha niahye tiquina:

—Muhū judio masa tiquina ꝑuhto iꝑꝑu muhū basi yuhduya. Sa yegū yuhdu witigata muhū, ni, buꝑeꝑeahye tiquina.

³⁸ Sa ye tiquiro bui ohō saha ni oꝑo ohōahye. “AHRIQUIRO JUDIO MASA ꝑUHTORO IJIRE”, ni, oꝑo ohōahye.

³⁹ Apequiro tiquiro mehna tiquina quē biha ohōriꝑu yuhduꝑucariꝑu pehe ñano yahuducuahye Jesure:

—¿Muhū Cristo masare yuhduoacꝑu iꝑꝑerajari? Muhū basi, asā gāhure yedohoya, niahye tiquiro Jesure.

⁴⁰ Tiquiro sa nigū tuhoro apequiro yuhduꝑucariꝑu Jesu potō peheꝑu tiquina quē biha ohōriꝑu pehe tiquirore ohō saha niahye:

—Mari gāhure potō iꝑꝑe mehna buhiri dahrere tiquina. ¿Dahseꝑu Cohācꝑure ne ño ꝑeorerajari muhū? ⁴¹ Marine ñaṇe buhiri ye, potō yeye nine tiquina. Ñaṇene mari yeri buhiri marine buhiri dahrere tiquina. Ahriꝑu pehe ñaṇene yerare, niahye tiquiro apequiro yuhduꝑucariꝑu.

⁴² Sa nino, tiquiro Jesure ohō saha niahye: —Jesu, muhū ꝑuhto iꝑꝑu toꝑo tagu, yahure wacūña, niahye tiquiro Jesure.

⁴³ —Muhure ahrire nii niaja. Miare paraíso wame tiroꝑu muhū yuhū mehna iꝑꝑita, niahye Jesu tiquirore.

Jesu yariaa wahahye

(Mt 27.45-56; Mr 15.33-41; Jn 19.28-30; He 6.19-20; 10.19-20)

⁴⁴ Sa ye coheri ꝑe iꝑꝑu asā asi duhuahye. Sa yero iꝑꝑihtiro ti dihtapare ihtia hora

waro quehnoano nahitiahye. ⁴⁵ Nahitari watoa, Cohācꝑu wuhū cꝑā suhtiro cahsero, tiquina toꝑe cahmotari cahsero decꝑu ti cahsero ahmuseꝑu tuhū ñuca, tuhū yoꝑo saa wahahye. ⁴⁶ Sa yero Jesu tutuaro sañuducuahye:

—Mai, yuhū jeripohnare muhure wiaja muhū ihña ihboatire, ni, sañuducuahye Jesu.

Sa ni tuhasa yariaa wahahye.

⁴⁷ Tiquiro sa yariagū ihñano, surara ꝑuhtoro pehe “Cohācꝑu tutuariꝑu iꝑꝑe”, nino, “Ahriꝑu Jesu manano potota quehnoariꝑu iꝑꝑe”, niahye surara ꝑuhtoro.

⁴⁸ Sa ye tiquina wejēgū ihñaṇe ahtariquina Jesu tiquiro yariagū ihñaṇe, tiquina ye wuhuseꝑu toꝑoaa wahahye. Toꝑoaa waha, tiquina ñaṇe yerire buꝑa witiye mehna tiquina cutiro bui quē ohōahye. ⁴⁹ Iꝑꝑihtiyequina Jesu yequina tiquiro mehna cꝑēna Galileapꝑu tiquiro mehna ahtariquina numia gāhū Jesure yoarꝑu ihñaducuahye.

Jesu ꝑagure masa copeꝑu cūahye

(Mt 27.57-61; Mr 15.42-47; Jn 19.38-42)

⁵⁰⁻⁵¹ Ti ꝑere José wame tiriꝑu toꝑu iꝑꝑahye. Judea yehꝑa cꝑā maca Arimatea wame tiri maca cꝑāno iꝑꝑahye. Sa yero tiquiro quehnoariꝑu, potō yeriquiro ijiro, Cohācꝑu ꝑuhtoro iꝑꝑi ñucatiꝑe cohteriquiro iꝑꝑahye. Sa yero tiquiro judio masa ꝑuhtoa mehna cꝑāno iꝑꝑeperota Jesure tiquina wejē dutigū cahmedamahye tiquiro. ⁵² Sa yero Pilato cahapꝑu esa, Jesu ꝑagure siniahye. ⁵³ Sini tuhasa, Jesu ꝑagure ne diꝑo, quehnoari suhtiro mehna tiquiro ꝑagure wahmeahye. Sa wahme tuhasa, masa copeꝑu utāꝑu tiquina seheri copeꝑu cūahye tiquiro ꝑagure. Ti copeꝑe ne apequina yariariquinare cūedariahye. ⁵⁴ Ti deco saurū deco iꝑꝑatiꝑe tiquina quehnoyuri deco iꝑꝑahye. Saurū tiquina sori deco iꝑꝑati mehenogā duhsahye.

⁵⁵ Sa ye Galileapꝑu Jesu mehna ahtariquina numia masa copeꝑu José mehna wahahye. Masa copeꝑu esa, ti copeꝑe ihña, Jesu ꝑagure tiquina cūrire ihñahye. ⁵⁶ Came tiquina ye wuhuseꝑu toꝑoaa waha, ehme sitiye co, wisōṇe mehna quehnoahye tiquina. Sa ye saurū iꝑꝑgū Cohācꝑu dutiye Moiserere tiquiro cūri dutiye nino sahata tiquina soahye.

24

Jesu masa wijiahye

(Mt 28.1-10; Mr 16.1-8; Jn 20.1-10)

¹ Domingo iꝑꝑgū bohrearꝑu tiquina numia ehme sitiye tiquina quehnoꝑe Jesu masa copeꝑu ne cāmahye. ² Ti copeꝑu esa, ti copeꝑe bihariare utāre tiquina ꝑōo duhu cūria utāre ihñahye. ³ Sa ihñaṇe tiquina ti

copepu sajjā wahahye. Jesu pagure bocaer-ahye tiquina. ⁴ Tiquiro pagure bocaera, “¿Dahse wahayari?” ni tūhotuahye tiquina. Tiquina sa ni tūhotu yahuducuri watoa p̄aro um̄a asi siteye suhti sañañequina tiquina cahapu ducuahye. ⁵ Topu tiquina ducugū ihña, numia cueye, dusepe curi mehna quehe sahye. Sa ye um̄a pehe tiquinare yahuahye:

—¿Dahsena yariariquiro ijirore Jesure macajari masa? Yojoṗure tiquiro catiriquiro ijire. ⁶ Tiquiro ohōre mariedare. Masa wijia tuhasari. ¿Sohō ijiri pjere tiquiro Galileapu masa mehna ijiro musare tiquiro nidire wacūajari masa? ⁷ “Yuhure Cohācjū ohorigure apequiro ohorota ñañequinare. Tiquiro ohori bato yuhure curusapu quē biha wejēta tiquina. Sa yegu yuhu yariari bato ihtia deco wahaboro masa wijiaḡtja yuhu”, nidi musare. ¿Tiquiro sa nidire wacūajari masa? niahye um̄a pehe.

⁸ Tiquina sa nigū tūhoye, numia pehe tiquiro nidire wacūahye. ⁹ Tiquina sa nidi bato tiquina tojoaa waha, once buheyequinare apequina gūhure tire yahu pehoahye. ¹⁰ Tiquina numia pehe María Magdalena, Juana, María Santiago pacoro ijiahye. Tiquina numia apequina numia gūhū ijiahye Jesu buheyequinare yahuri numia. ¹¹ Tiquina sa ni yahuepegāta Jesu buheyequina pehe “Poto niñe niedaga. Ni mehoñe niaga ahriquina numia”, ni tūhotumahye. Sa ye tiquina numiare tūho duerahye.

¹² Tiquina sa nigū tūhoro, Pedro pehe masa copepu oma cā, ihñano wahahye. Ti copepu esa, tiquiro muhri ihña sōahye. Jesure tiquina wahmedi suhtiro dihitare ihñahye. “¿Dahse wahayari?” ni, tūhotu, tiquiro ya wūhuru tojoaa wahahye.

Emau wame tiri maca cjā mahapu Jesu bajuahye

(Mr 16.12-13)

¹³ Ti decota p̄aro Jesu buheyequina mehna cjēna Emau wame tiri macapu wahaye niahye. Jerusalē once kilómetro yoaro ijire Emaupu esato. ¹⁴ Emaupu waha, ijipihtiyē Jerusalēpu ti pjere Jesu tiquiro sa waharire tiquirore tiquina ñano yerire yahuducu cāñe niahye. ¹⁵ Tiquina sa ni yahuducuri watoa Jesu pehe tiquina cahapu esa, tiquina mehna wahahye. ¹⁶ Sa ye tiquirore ihñaepeta tiquina tiquirore ihña masiedahye.

¹⁷ —¿Dahse ni yahuducu cāna nijari masa? ni, sinituahye Jesu.

Tiquiro sa nigū tiquina bajna witiyequina esadacahye.

¹⁸ Cleofa wame tiriquiro pehe Jesure yūhtiahye:

—¿Yojoṗure Jerusalēpu tiquina yerire mūhū dihita masiedajari? ni sinituahye tiquiro.

¹⁹ —¿Dahse wahari Jerusalēpūre? niahye Jesu.

Tiquiro sa nigū Cleofa yūhtiahye:

—Jesure Nazare cjānore tiquina yerire nina niaja. Tiquiro Cohācjū yere yahu mūhtariquiro ijimedi. Sa ye tiquiro yahuducurire tūhoye, tiquiro yeri gūhure ihñañe, “Tutuariquiro ijire”, ni, tūhotumedi masa. Cohācjū gūhū sata ni tūhotuaga. ²⁰ Mari pahia pūhtoa, apequina pūhtoa mehna tiquirore wejē dutiye, apequinare ohori. Tiquina sa ohogū apequina pehe tiquirore curusapu quē biha wejēdi. ²¹ “Roma cjēnare cohātiquiro Israe masa pūhtoro ijiatiquiro ijire”, ni, tūhotumi usā tiquirore. Mía mehna ihtia deco wahare tiquiro yariari bato. ²² Meheñequinagā numia usā mehna cjēna numia usāre acūagū yeri. Bohrearopu Jesu tiquiro masa copepu tiquina numia esa, ²³ tiquiro pagure bocaerañohiti. Tiquiro pagure bocaeraye, tiquina tojoa wihi yahuri. “Usāre angele bajuari. Jesu catiñohiti”, ni yahuri usāre numia pehe. ²⁴ Tiquina sa nigū apequina usā mehna cjēna ti copepu esa, numia tiquina nidiro sahata ihñañohiti. Tiquina gūhū Jesure ihñedañohiti, niahye tiquiro Jesure.

²⁵ Tiquiro sa nidi bato Jesu yahuahye tiquinare:

—Musa ne tūho masiedare. ¿Cohācjū yere yahu mūhtariquina mana tiquina nidire quehnoano tūhoerari masa? ²⁶ Cristore tiquiro pūhtoro ijiaato pano um̄usepu tiquiro mūjato pano tiquirore ñano yūhdūro cahmedi. ¿Tire masiedajari masa? niahye Jesu tiquinare.

²⁷ Sa nino Cohācjū Cristore tiquiro ni yahu tiquina ojoarire Jesu yahu peho cāhye tiquinare. Moise manano tiquiro ojoarire Jesu yahu dūcahye. Sa yero ijipihtiyequina Cohācjū yere yahu mūhtariquina Cristore tiquina ojoari gūhure yahu peho cāhye tiquiro.

²⁸ Tiquina wahari macapu tiquina esaye taye yegū, Jesu pehe tiquinare yūhdū cāa wahamahye. ²⁹ Tiquiro sa yepegūta tiquina tiquirore waha dutierahye:

—Usā mehna tojoaya. Ñamicahapu ijire. Nahinopu nine, niahye tiquina tiquirore.

Sa yero Jesu tiquina mehna wūhuru sajjā wahahye. ³⁰ Wūhuru sajjā sa, tiquiro tiquina mehna ihyari mesapu nuju sa, pāre ne, Cohācjūre “Quehnoare”, niahye. Sa nino ti pāre nuha ne, tiquinare ohoahye. ³¹ Tiquiro sa yegū ihñañe tiquina Jesure ihña masiahye. Tiquina ihña masi dūcagūta tiquiro buti maa wahahye. ³² Tiquiro sa buti maa

wahagū ihñāñe tiquina basi ohō saha ni yahuducuahye:

—Mahapū tiquiro marine tiquiro yahuducuri watoa Cohācǰū tiquiro ojoarire tiquiro yahuri watoa mari jeripohnari mehna quehnoano bucueye mehna tahotuu mari, niahye tiquina basi.

³³ Sa ni tuhasa tiquina duita Jerusalēpū majare tojoaa wahahye tja. Topū esa, once buheyequinare apequina mehna cahme-coañequinare bocahye. ³⁴ Tiquina esagū, once buheyequina ohō saha niahye:

—Potota mari pūhtoro masa wijiañohiti. Simo Pedro tiquirore ihñāñohiti, niahye once buheyequina.

³⁵ Tiquina sa nigū pūaro Emau cǰēna mahapū Jesure tiquina ihñāñire yahuahye:

—Jesu pāre tiquiro nuhagū usā ihñā masii tiquirore, ni, yahu pehoahye tiquina apequinare.

Jesu tiquiro buheyequinare bajuahye

(Mt 28.16-20; Mr 16.14-18; Jn 20.19-23)

³⁶ Tiquina sa ni yahuri watoa tiquina cahapū iǰi tuhasahye Jesu pehe.

—ǰIjajari mūsa? niahye tiquiro tiquinare.

³⁷ Tiquiro sa nigū tahoye tiquina “Mari yariariquiro mūnanore ihñāna naja”, ni tahotuye, tutuaro cueahye. ³⁸ Tiquina sa cuegū ihñāno tiquiro tiquinare yahuahye:

—ǰDuhšana cueajari mūsa? ǰDuhšana “Ahri poto ijierare”, nijari mūsa? ³⁹ Yuhū omocarine, yuhū dahpocāri gūhure ihñāña. Mūsa yuhūre ihñāna, ihñā masinata. Yuhūre ñehe tuhuya. Ñehe tuhuna masinata mūsa. Yariariquiro mūnanopū pagū mariedare. Yuhū pehe pagū tiaja, niahye Jesu.

⁴⁰ Sa nino tiquiro omocari gūhure, tiquiro dahpocāri gūhure ihñāohye tiquinare.

⁴¹ Tiquiro sa ihñāopegūta tiquina tutuaro bucue, ihñā maria waha, “Ahri poto ijieraga”, ni tahoturiahye. Tiquina sa tahotugū masino Jesu tiquinare sinituahye:

—ǰOhōpū ihyaye ijajari? niahye tiquiro.

⁴² Tiquiro sa nigū tahoye wahi dōhariquirōre ohoahye tiquirore. ⁴³ Tire ne, tiquina ihñānopū Jesu ihyahye. ⁴⁴ Ihya tuhasa, Jesu yahuahye tiquinare:

—Sohō ijiri pje mūsa mehna ijigū mū sare yuhū yahuriro sahata yojopū yuhū sa waha. Cohācǰū dutiye Moise marine tiquiro cūri tiquiro sa ni ojoariro sahata yuhūre sa wahari. Cohācǰū yere yahu mūhtariquina, Salmo ojoari pūre ojoayequina gūhū panopū yuhūre tiquina ni yahuriro sahata yojopūre yuhūre sa wahari. Sa wahacǰūta ijii yuhū, niahye Jesu.

⁴⁵ Sa ni tuhasa Cohācǰū yere tiquina yahu ojoarire tiquiro buheyequinare masigū yeahye Jesu:

⁴⁶ —Cohācǰū yere tiquina ojoari ohō saha nine: “Cristore ñano yahūro cahmene. Sa

yero ihtia deco wahaboro tiquiro yariari bato tiquiro masa wijiarota. ⁴⁷ Tiquiro masa wijari bato ijipihtiye yehparipū tiquiro yequina Cristo yere yahueta. Masa tiquina ñañene tiquina buǰaa witiatire, quehnoañene tiquina comesatire Cohācǰū tiquina ñañene tiquiro cohātire yahueta tiquiro yequina. Sa yahuye taye, Jerusalēpū yahu dūcaeta”, niahye Cohācǰū yere tiquina ojoari pūpū, niahye Jesu.

⁴⁸ Sa ni tuhasa ohō saha ni yahu nemoahye:

—Mūsa pehe ahri ijipihtiyere ihñārina ijire. Sa yena apequinare yahunata.

⁴⁹ “Espiritu Santore mū sare ohoutja”, Cohācǰū tiquiro nidiquirore yuhū pehe mū sare ohoutja. Tiquiro uhmūse cǰē tutuayere ohoutiquiro ijire. Sa yena Jerusalēpū tiquiro wihiatire cohteya mūsa, niahye Jesu tiquiro buheyequinare.

Jesu uhmūserpū mūjaa wahahye

(Mr 16.19-20)

⁵⁰ Sa ni tuhasa Jesu tiquinare Jerusalēpū ijieyequinare Betania cahapū neahye. Topū esa, Jesu tiquiro omocarine ne mūo, “Quehnoano ijija”, niahye tiquinare.

⁵¹ Sa ni tuhasa, tiquinare cū, uhmūserpū mūjaa wahahye. ⁵² Tiquiro mūjari bato tiquina tiquirore ño peo, Jerusalēpū tutuaro bucueye mehna tojoaa wahahye. ⁵³ Topū iǰi, decoripe tiquina Cohācǰū wuhūpū Cohācǰū mehna yahuducu, “Quehnoare”, ni ño peoahye tiquina tiquirore. To punota ijire.

San Juan

Cohācjū ye yahuducuyere yahuriquiro masanota iji ducahye

¹ Duitaputa ahri yehpa to ijiato panoputa Cohācjū ye yahuducuyere yahuriquiro Cristo masare yəhdwoatiquiro duita iji tuhasae tiahye. Tiqiro Cohācjū mehna ijiahye. Sa yero tiqiro Cohācjūta iji cāhno niahye. ² Duitaputa coā waropare Cristo Cohācjū mehna ijiahye. ³ Sa yero coā waropare ne mariedaribe bajumehneahye. Ahri yehpare, əhməsere, ijipihtiyere, masa gəhure bajumehne dutiahye Cohācjū tiqirore. Sa yero ahrire bajumehne pehoahye tiqiro. Ahrire yojopare mari ihñañene, mari ihñedari gəhure tiqiro bajumehnedagū ne mariedaboya. ⁴ Cristo catiyere ohoriqiro ijiro nine. Buhrioro marine to quehnoano ihña masigū yero saha mari Pacure quehnoano masigū yere. Sa yero mari Pacure masigū yere masare. ⁵ Ahri yehpa cjenā ñañene wacū, tiqina tutuaro cahmeñe nahitiano yero saha ijie yere nine. Buhrioro quehnoano marine to ihña masigū yero saha Cohācjū ye yahuducuyere yahuriquiro masare masigū yere. Sa yero nahitiano buhrioro to yəhdwəcaero sahata Cristore ne ñañe yəhdwəcaerare.

⁶⁻⁷ Cohācjū Ņu wame tiriqiro pehere ohoahye, Cristo buhrioro yero saha ijiriqirore masare yahu mahta dutiro. Tiqiro ohogū Ņu pehe masare yahuro ahtari tiqiro yahuriqirore Cristore ijipihtiyequina tiqina wacū tutuatire. ⁸ Ņu pehe Cristo ijierari. Sa ijieraro tiqiro Cristo pehere masare yahu mahtano ahtari. ⁹ Cristo buhrioro yero saha ijiriqiro ijipihtiyequina masare Cohācjūre masigū yeatiqiro pehe ahri yehparə ahtari jiri. Ijirota ijire ahri. Tiqiro buhrioro yero saha ijiriqiro warota ijire.

¹⁰ Sa yero Cristo ahri yehparə ijiri jimedi. Ahri yehpare bajumehnediqiro ijiahye. Tiqiro sa ijiepegūta tiqiro ya yehpa cjenā tiqirore ne masiedari. ¹¹ Tiqiro ya yehparə masa bajuari jimedi. Tiqiro ya yehparə tiqiro masa bajuariquiro ijiepegūta tiqiro ya yehpa cjenā pehe ne tiqirore cahmedari jiri. ¹² Tiquina sa cahmedapegūta apeqina pehere ijipihtiyequina tiqirore cahmeñequina pehere tiqinare Cohācjū tiqiro pohne ijigū yeri jiri. Tiqirore wacū tutuayequina pūrita potota tiqiro pohne warota ijire. ¹³ Tiquina Cohācjū pohneti ijie yere nine. Sa ye masa tiqina masa bajuariro saha ijierare, Cohācjū pohne tiqina wahagā.

¹⁴ Sa yero Cristo masano tiqiro iji ducari bato mari mehnata ijire tiqiro. Tiqiro sa ijigū ihñana masare cahñiquiro, potota yahuriquiro tiqiro ijigū əsā masii. Tiqiro dihita Cohācjū macano ijiro tutuariquiro quehnoariquiro ijiri. Tiqiro sa ijiriqiro ijigū əsā masii. ¹⁵ Ņu Cristore yahu mahtano ohō saha ni sañuducuri masare yahuro:

–Siquiro ahtare yəhə ohō saha ni yahuriquiro: “Tiqiro yəhə bato ahtariquiro ijire. Sa ijieperota tiqiro yəhə yəhdworo tutuariquiro ijire. Tiqiro yəhə masa bajuato panopu iji tuhasahye. Sa yero tiqiro yəhə yəhdworo tutuariquiro ijire”, masare yəhə ni yahuriquiro ahriqirota ijire, nidi Ņu Jesure masare yahuro.

¹⁶ Tiqiro Cristo pehe quehnoano tutuaro masare cahñiquiro ijiro marine ijipihtinare quehnoano yeducuri. ¹⁷ Cohācjū dutiyere Moise pehe cū mahtahye marine. Jesucristo pehe Cohācjū masare tiqiro cahñene buhero ahtari. Cohācjū tiqiro potota yahuducuyere gəhure buhero ahtari. ¹⁸ Masa ne Cohācjūre ihñedare. Tiqirore mari ihñedapegūta tiqiro macano ihcāqirota ijiriqiro tiqiro Pacuro mehna sa ijiducure. Sa yero tiqiro Pacurore marine masigū yeri.

Apeqina Ņu wame yeriqirore sinitu-ahye

(Mt 3.3, 11-12; Mr 1.2-3, 7-8; Lc 3.4-6, 15-17)

¹⁹ Əsā acaye judio masa pahtoa Jerusaləpu ijieyequinare pahiare, Cohācjū wəhəpə dahrayequina gəhure Ņu cahapə ohori jiri. “¿Noa boro ijiajari maħu?” ni sinitu dutiye ohori jiri tiqinare. Tiquina sa sinitugū ohō saha ni yahuri Ņu pehe. ²⁰ Yeero boro marieno yahuri. Potota yahuri:

–Yəhə Cristo Cohācjū masare yəhdwo dutiro tiqiro ohorigū ijieraja, nidi tiqiro.

²¹ Tiqiro sa nigū tiqina pehe tiqirore pari turi sinituri tja:

–¿Maħu Cristo ijieragū Elia pehe ijiajari maħu? nidi tiqina.

–Ijieraja yəhə, nidi tiqiro.

–¿Əsā cohterigū Cohācjū yere yahu mahtacjə pehe ijiajari maħu? nidi tiqina.

–Tiqiro ijieraja yəhə, nidi Ņu pehe.

²² Tiqiro sa nigū tiqina tiqirore pari turi sinituri tja:

–Əsəre sinitu dutiriqinare əsā yahuro quehnoano poto əsəre yahu madoqueohya. ¿Noa boro pehe ijiajari maħu? ¿Maħu basita duħse ijigū ijiajari maħu? “Sa ijigū ijiaja yəhə”, ni yahuya əsəre, nidi tiqina Ņure.

²³ Tiquina sa nigū ohō saha ni yəhtiri tiqiro:

–Masa marienopu ohō saha ni sañuducugū ijiaja yəhə, Cohācjū yere yahu

māhtariquiro Isaia mānano tiquiro ni yahuriro sahata: “Mari pūhtoro tiquiro ahtato pano mahare mari quehnoyuro saha quehnoana ijyuyū mūsa”, ni masare yahu sañuducugū ijiaja yūhū, nidi Ņū tiquinare.

²⁴ Ņure sinituyequina fariseo masa tiquina ohoriquina ijiri. ²⁵ Sa ye tiquina Ņure sinituri tja:

—¿Mūhū Cristo, Elia, Cohācǰū yere yahu māhtagū usā cohterigū ijierapeguta dūhsegū masare wame yeajari mūhū? nidi tiquina.

²⁶ Tiquina sa nigū tūhoro yūhtiri tiquiro: —Yūhū aco mehna masare wame yeaja. Apequiro pehe mūsa masieniquiro pehe mūsa watoa iji tuhasare. ²⁷ Tiquiro pehe yūhū bato ahtariquiro yūhū yūhdūoro tutu- ariquiro ijire. Quehnoa yūhdūariquiro ijire. Tiquiro yero saha ijieraja yūhū pehe. Sa yegū tiquirore tūhotugū, “Ihyo ijigū ijiaja yūhū”, ni tūhotuaja yūhū, nidi Ņū tiquinare.

²⁸ Sa ni yahuducuri tiquina, Betaniapū Jordā wame tiri ma ape sie pahrēpū, Ņū masare tiquiro wame yeriropū.

Jesu Cohācǰū ohoriquiro tiquiro yaquiro cordero yero saha ijiriquiro ijire

²⁹ Ape decopū Jesu Ņū cahagā cǰūno tiquiro ahtagū Ņū tiquirore ihñano ohō saha nidi:

—Ihñaña. Ahriquiro Cohācǰū ohoriquiro tiquiro yaquiro cordero yero saha ijiriquiro ijire. Corderore mari wejēdiro sahata masa ahriquiro gūhūre wejēeta. Sa yariaro ahri yehpa cǰēnare tiquina ñañe yerire cohānota tiquiro. ³⁰ Ahriquirota ijire yūhū ohō saha nidiquiro: “Yūhū bato ahtariquiro yūhū yūhdūoro tutu- ariquiro ijire. Yūhū masa bajuato pano tiquiro iji tuhasahye. Sa yero tiquiro yūhū yūhdūoro tutuare”, yūhū nidiquiro ahriquirota ijire. ³¹ Yūhū pehe ahriquirore masiedahti. Sa masiedapeguta aco mehna wame yei ahtaū nii yūhū acaye Israe masa ahriquirore tiquina masiatore, nidi Ņū.

³² Sa ni tuhasa Ņū yahu nemori:

—Espíritu Santo ahmūsepū bujua yero saha Cristo bui dijia ta, tiquiro bui wihiđucagū ihñau. ³³ Cohācǰū yūhūre tiquiro yahueragū tiquirore ne masiedaboaga yūhū. Tiquiro yūhūre mū sare aco mehna wame yei dutiro ohoriquiro Cohācǰū pehe ohō saha ni yahu māhta tuhasari yūhūre: “Espíritu Santo dijia ta tiquiro bui wihiđucanohriquiro tiquirota ijirota. Tiquiro pehe Espiritu Santore masa mehna ijiducugū yerota”, nidi Cohācǰū yūhūre. ³⁴ Yojoṗū pūritare tiquirore ihñā tuhasau yūhū. Sa ihñagu “Potota Cohācǰū macūno ijire”, nii yūhū mū sare, ni yahuri Ņū usāre.

Jesu buheyequina tiquiro piji māhtariquina ijire

³⁵⁻³⁶ Ape decopū Ņū mehna usā pūana tiquiro buhena usā ducugū, Jesu usā cahapū yūhdū cāno nidi. Tiquiro sa yūhdū cāgū Ņū tiquirore ihñano, pari turi ohō saha nidi usāre:

—Ihñaña. Ahriquiro Cohācǰū yaquiro cordero yero saha ijiriquiro ijire, nidi Ņū.

³⁷ Tiquiro sa nigū usā pūana tiquiro buhena pehe tire tūhona Jesure nūnū tāu. ³⁸ Usā sa nūnū tāgū ihñano Jesu usāre majare ihñā, sinituri:

—¿Yabere macana niajari mūsa? nidi tiquiro.

Tiquiro sa nigū usā gūhū sinituu tiquirore:

—¿Buhegū, nohopū ijiajari mūhū? nii usā tiquirore.

³⁹ —Yūhū mehna ahtatǰiāna ihñana taya, nidi Jesu usāre.

Tiquiro sa nigū usā pehe tiquiro ijiroṗū ihñana wahau. Ti pjere ñamicahapū cuatro hora ijiri. Sa yena ti decore tiquiro mehna tojoau usā.

⁴⁰ Usā pūana Ņure tūhorina, Jesure nūnū tārina yūhū piti Andre mehna ijii. Andre pehe Simo bahuro ijiri. ⁴¹ Sa yero duita tiquiro wahminore Simore maca, boca, tiquirore ohō saha ni yahuahye:

—Mesiare Cohācǰū marine yūhdūo dutiro tiquiro ohoriquirore usā bocau, niahye Andre Simore. Mesia usā ye mehna nina, Cristo nina niaja.

⁴² Sa ni tuhasa tiquiro Simore Jesu cahapū neari. Tiquiro cahapū esagū ihñano Jesu pehe Simore ohō saha nidi:

—Mūhū Simo wame tigū, Ņū macū ijire. Yo- joṗure mūhūre Cefa wame yeitja, nidi Jesu Simore. Cefa usā ye mehna nina, Pedro nina niaja.

Felipere, Natanae gūhūre pijiahye Jesu

⁴³ Ape decopū Jesu Galilea yehpapū waha duari. Sa yero tiquiro wahato pano Felipere piti ca ohō saha nidi:

—Yūhū mehna cǰū ijiačū ahtaya, nidi Jesu.

⁴⁴ Felipe pehe Betsaida cǰāno ijiri. Tiquiro Andre, Pedro mehna ihcā maca cǰēna ijiri tiquina. ⁴⁵ Sa yero Felipe Natanaene maca, tiquirore bocaro ohō saha ni yahuri:

—Cohācǰū dutiyere Moise tiquiro ojoari pūpū tiquiro yahuriquirore apequina Cohācǰū yere yahu māhtariquina gūhū tiquina yahuriquirore usā bocau. Jesu Nazare cǰāno, José macūnota ijire, nidi tiquiro Natanaene.

⁴⁶ —Nazarepure ne ihcāquiro quehnoariquiro mariedare, nidi Natanae.

—Ihñagu taya mūhū, nidi Felipe.

⁴⁷ Sa ye Jesu cahapū tiquiro esagū ihñano Jesu pehe ohō saha nidi Natanaene:

—Ahriquiro yojoṗū ahtariquiro potota quehnoariquiro juđio masano warota ijire.

Tiqiurore mehoñe ne mariedare, nidi Jesu Natanae pehere.

⁴⁸ Tiqiuo sa nigū tuhoro Natanae pehe tiqiuore sinituri:

—¿Duhsegu yuhare quehnoano masiajari mahu? nidi.

—Felipe mahare tiqiuo pijiato pano, higeragu docapu mahu ijigū ihñau yahu mahare, nidi Jesu.

⁴⁹ Tiqiuo sa nigū Natanae pehe ohō saha nidi tja:

—Buhegu, potota mahu Cohācjū macu ijire. Mahu Israe masa usā pūhto ijicju ijire, nidi Natanae.

⁵⁰ Tiqiuo sa nigū tuhoro ohō saha ni yuhtiri Jesu:

—Higeragu docapu yahu mahare ihñaire masigu yuhare “Cohācjū macu ijire”, ni wacū tutuare mahu. ¿Tita mahare sa masigū yea-jari? Ahri mahare yahu ihñari yuhduoro Cohācjū tutuaye mehna ye ihñogutja yahu mahare. Yahu sa ye ihñogū ihñaguta mahu, nidi Jesu Natanae.

⁵¹ Sa ninota ohō saha ni yahu nemori:

—Potota mahare niita niaja. Yahu masu Cohācjū ohoriguta ijiaja. Umuseru pari maagū Cohācjū tiqiuo yequina angele yahu bui tiquina dijia tagū, tiquina mujagū gūhare ihñaguta mahu, nidi Jesu tiqiuore.

2

Caná wame tiri macapu tiquina omoca duhteropu Jesu wahahye

¹ Htia deco bato Canápu Galilea yehpapu ijiri macapu omoca duhteri bosc deco ijiri. Sa yero Jesu pacoro ti wuhapu ijiri. ² Jesu mehna usāre tiqiuo buhena gūhare omoca duhteropu pijiori tiquina. ³ Ti bosc deco cjē vino pihtigū Jesu pacoro tiqiuore yahuri:

—Yojopure vino pihtia wahari, nidi ticoro Jesure.

⁴ Ticoro sa nigū tuhoro Jesu ohō saha nidi:

—¿Iño, duhsego targo tire yuhare yahua-jari mahu? Masa yuhare tiquina masiato duhsarñe, nidi Jesu tiqiuo pacorore.

⁵ Tiqiuo sa nidi bato tiqiuo pacoro pehe tiquina cahacjēnare dutiri:

—Yuhu macu tiqiuo dutiro sahata yeya, nidi ticoro.

⁶ Ti pjeppure usā acaye judio masa Cohācjū yere yeye tehe masare tiquina pagurire sa coseducu dutie tiri. Sa ye ti wuhppure seis suturi utā mehna tiquina yeri suturi aco pose tiye suturi ijiri. Ti suturi Cohācjū yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari. ⁷ Sa yero tiquina cahacjēnare dutiri Jesu:

—Ahri suturire acore pio sã nemoña. Quehnoano wahpo dapoya, nidi Jesu.

Tiqiuo sa nigū tiquina pehe quehnoano wahpo dapō peho cāhri ti suturire.

⁸ Tiquina sa yeri bato Jesu tiquinare dutiri tja:

—Yojopure ti acore wa ne, wuhu cjānore ohoya, nidi.

Tiqiuo sa nigū tuhoye ti acore wa ne, wuhu cjānore ohori. ⁹ Tiquina sa ohogū tiqiuo pehe ti acore vino wahagū yeri acore sihni tuhuri. Ti acore tiqiuo duhse yerire masiedari tiqiuo. Tiqiuo sa masiedapegūta tiqiuo cahacjēna ti acore wayequina pehe masidi. Wuhu cjāno sa masiedaro omoca duhteriquiore pijio, ohō saha ni yahuri:

¹⁰ —Apequina masa quehnoañe vinore sihō muhtare. Masa tiquina quehnoano sihni batoru ña cjūñe core sihōri tiquina. Mahu pehe quehnoañe core ihbo, came cjūno ti core sihōri usāre, nidi wuhu cjāno omoca duhteriquiore.

¹¹ Canápu Galileapu ijiri macapu Jesu acore vino tiqiuo wahagū yero, topu Cohācjū tutuaye mehna coā ye ducari. Sa yero apequinare tiqiuo tutuayere ihñori Jesu. Tiqiuo sa ihñori bato usā tiqiuo buhena tiqiuore wacū tutuau.

¹² Came Jesu tiqiuo pacorore, tiqiuo bahanare, usāre tiqiuo buhena gūhare Capernaup siho esari. Topu esana, meheñe decorigā tojoarñi usā.

Jesu Cohācjū wuhppure esahye

(Mt 21.12-13; Mr 11.15-18; Lc 19.45-46)

¹³ Pascua ijigū judio masa usā bosc deco ijiatu mehenogā duhsatjāri. Sa yero Jesu Jerusalēpu esari. ¹⁴ Topu esaro tiqiuo Cohācjū wuhppure sajā saro, wecuare, ovejare, bujuaare duayequinare boca sari. Sa yero niñerure comesayequina mesaripu dujigū tiquina gūhare boca sari. ¹⁵ Sa boca saro yuta dari mehna tanari da ye, tiquinare ijip-ihkiyequinare sopechapu tana nūnu wiori. Oveja, wecuā gūhu tana nūnu wio cāri tiqiuo. Sa yero niñeru comesayequina ye mesarire ne majaredoqueo, doque cū cāri. Ti niñeru cjoeri gūhare doque site cāri. ¹⁶ Sa ye tuhasa bujuaare duayequinare ohō saha nidi:

—Musa bujuaare ne wijiaya. Yuhu Pacu ya wuhare apee boro duari wuhu yeracāhña, nidi Jesu tiquinare.

¹⁷ Tiqiuo sa yegū ihñana usā tiqiuo buhena pehe Cohācjū yere tiquina ojoari pūpu tiqiuo nidire wacū: “Cohācjū, mahu ya wuhare tutuaro cahñaja. Sa cahigu ti wuhare ñano tiquina yegū ihñagu tutuaro bujna witiaya yahu”, ni ojoahye Cohācjū yere tiquina ojoari pūpu”, ni wacū usā Jesu buhena.

¹⁸ Jesu tiqiuo sa yeri bato usā acaye judio masa pūhtoa tiqiuore sinituri:

—¿Dahsegu mahu ahriquinare Cohācjū wuhure ijyeyquinare cohā wioari? Cohācjū mahure tire ye dutiriquireo tiquireo ijigū Cohācjū tutuaye mehna ye ihñofia mahu usā ihñatiye, nidi tiquina Jesure.

¹⁹ Tiquina sa nigū Jesu yahtiri:

—Ahri wuhure masa cohāgū ihtia deco wahaboro tuhasautja yuhu, nidi Jesu tiquinare.

²⁰ —Ihtia deco ahri wuhure yesi mahu. Cuarenta y seis cahmari waro tiquina yeri wahu ijire ahri wahu, nidi tiquina pehe Jesure.

²¹ Tiquireo sa nigū tiquina tiquireore quehnoano tuhoerari. Jesu “Ahri wuhure”, nino tiquireo pagare nino nidi jimedi.

²² Sa ye tiquireo yariari bato, tiquireo masa wijjari bato usā tiquireo buhena pehe tiquireo nidire wacūna, Cohācjū yere tiquina ojoari pūre Jesu tiquireo yahuri gāhure “Ti ijirota ijire”, ni wacūna usā.

Ijipihtiyequina tiquina wacūne Jesu masine

²³ Pascua bose deco ijigū Jesu Jerusalēpu ijiri. Topu tiquireo ijigū masa peyequina Cohācjū tutuaye mehna tiquireo ye ihñogū ihñafie tiquireore wacū tutuari. ²⁴ Tiquina sa wacū tutuepegūta Jesu masa tiquina wacūne quehnoano masino, “Yuhure sa wacū tutuaducuetā”, ni tahotuerahye. ²⁵ Masa tiquina tahotuyere quehnoano masidi tiquireo. Sa masino masa tiquina tahotuyere apequinare ne sinituerari.

3

Jesu Nicodemore yahuahye

¹ Ti macare Nicodemore wame tiriquireo, judio masa puhtoā mehna cjāno ijiri. Tiquireo fariseo masa ya curua cjāno ijiri. ² Sa yero ihcā nāmi tiquireo Jesu cahapu ahta, tiquireo mehna yahuducuahye:

—Buhegu, mahu Cohācjū buhe dutiro tiquireo ohorigu mahu ijigū usā masiaja. Cohācjū mahure tiquireo yedohoeragū mahu pehe tiquireo tutuaye mehna ne ye ihñoedaboaga. Mahu peye tahari Cohācjū tutuaye mehna ye ihñore, niahye Nicodemore Jesure.

³ Tiquireo sa nigū Jesu pehe yahuahye:

—Ijirota mahure niita niaja. Wahma masa bajuariquireo yero saha pari turi masa bajuariquireo dihita Cohācjū yaquireo iji masine, niahye Jesu.

⁴ —Yohnah. ¿Bucaro pehe dahse ye pari turi masa bajuaboari tiquireo? Tiquireo pacoro niji suhtiropu majare sajā, pari turi baja masiedaboaga tiquireo, niahye Nicodemore.

Tiquireo sa nigū Jesu yahtiahye:

⁵ —Ijirota niita niaja mahure. Wahma masa bajuariquireo yero saha aco mehna, Espiritu Santo tiquireo tutuaye mehna

pari turi masa bajuariquireo dihita Cohācjū yaquireo iji masine. ⁶ Numia niji pacosānumia ijyey, macanagāre masa bajuagū yere. Espiritu Santo pehe masare Cohācjū pohne ijigū yere. ⁷ “Wahma masa bajuariquireo yero saha pari turi masa bajuariquireo dihita Cohācjū yaquireo iji masine”, yuhu nigū, tuho wisieracāhña. ⁸ Espiritu Santo masare Cohācjū pohne tiquireo yegū ti wihnono yero saha ijire. Wihnono to ahtarioropu ahtare. To ahtaro ca tagū mari tuhoaja. Sa tuhoopenata to ahtarioro, to waharioro ne masiedaja. Sata yere Espiritu Santo masare Cohācjū pohne yero, niahye Jesu Nicodemore.

⁹ —Mahu niñene quehnoano masiedaga, niahye Nicodemore.

¹⁰ Tiquireo sa nigū tuhooro ohō saha niahye Jesu:

—¿Mahu judio masare buhegu ijiepeguta, dahsegu yuhu niñene tuhoerajari? ¹¹ Ijirota niita niaja mahure. Usā masidire usā ihñarire usā yahuaaja. Usā sa yahuepegūta ne masa acaye judio masa ne tuho duerare. ¹² Ahri yehpa cjē mehna masa tiquina masa bajuari mehna masare queoye mehna yuhu buhe maharire “Ijirota ijire”, niedare masa. Sa niedana queoye mehna buhero marieno Cohācjū yere yuhu yahugū gāhure “Ijirota ijire”, nisi masa.

¹³ Ne ihcāquireo ahmusepu Cohācjū cahapu wahariquireo ne pari turi tojoa tasi. Yuhu masu Cohācjū ohorigu yuhu dihita ahmusepu ijirigu ahri yehparu ahtau. Sa yegu yuhu dihita Cohācjū yere masare yahu masiaja. ¹⁴ Panopure masa marienopu Moise manano bronce wame tiri come mehna tiquina yeriquireore añare yucagū tiquina docodapu duhu yoahye. Yucagupu tiquina duhu yoriro sahata yuhure masare Cohācjū ohorigure tiquireore tiquina yeriro sahata yuhu gāhure duhu yoeta. ¹⁵ Yuhure tiquina sa yeri bato ijipihtiyequina yuhure wacū tutuayequina ijipihtiye decori Cohācjū mehna ijiducuetā, niahye Jesu.

Cohācjū ijipihtiyequinare cahine

¹⁶ Sa ni tuhasa ohō saha ni nemoahye:

—Cohācjū ijipihtiyequina ahri yehpa cjēnare tutuaro cahine. Sa yero yuhure tiquireo macare ihcāta ijigure Cohācjū ohori ijipihtiyequina yuhure wacū tutuayequina pecapu tiquina “Wahaeracāhdo”, nino. Sa ye ijipihtiye decori Cohācjū mehna ijieta tiquina. ¹⁷ Cohācjū yuhure tiquireo macare masare buhiri dahre dutiro ohoerari yuhure ahri yehpare. Sa yero masare pecapu wahaboriquireo yuhduoacjare yuhure ohori.

¹⁸ Yuhure Cohācjū macare wacū tutuayequinare ne buhiri dahresi Cohācjū.

Yuhare wacū tutueyequina pūritare Cohācjū buhiri dahre duti tuhasari. Masa yuhare Cohācjū macure ihcāta ijigure tiquina wacū tutuerari buhiri, buhiri dahrerota tiquinare. ¹⁹ Yuhū, Cohācjū macu ahri yehparū ahtagū buhriro quehnoano marine to ihña masigū yero sahata Cohācjū yere quehnoano masigū yeaja. Yuhū sa masigū yegū ihñañe yuhare wacū tutueyequina yuhare cahmedare. Tiquina ñañe ye ye pehere quehnoano cahmene. Tiquina sa cahmedi buhiri tiquinare buhiri dahrerota. ²⁰ Ijipihtiyequina ñañene ye yequina tiquina ñañe ye yere duhu duerare. Sa ye buhriro to bajumehmeno sahata tiquina ñañe yerire “Bajumehneari”, niñe, yuhare cahmedari tiquina. ²¹ Quehnoañene ye yequina pehe yuhare, yuhū buheye gāhure cahmene. Cohācjū yere tiquina ye yere yuhū quehnoano bajuro dahregū bue tierare tiquina. Sa ye yuhare buhriro yero saha ijigure cahmene, ni yahuahye Jesu.

Pari turi Ñu wame yeriquiro Jesure yahuahye

²² Came Jesu usāre tiquiō buhenare Judea yehparū siho wahari. Topū esaro to cjēna mehna meheñe decorigā tojoa, wame yeri tiquinare. ²³ Ñu gāhū masare wame yero niahye Enón wame tiri macarū. Enón Salim wame tiri maca caharū ijiri. Topū dia ijiri. Sa yero Ñu topū wame yero niahye masare. ²⁴ Tiquina peresu yeato pano Enópū wame yero niahye Ñu. ²⁵ Ti pjere Ñu buheyequina mehna cjēna meheñequinagā judio masano mehna wame ye yere yahuducuye niahye. ²⁶ Sa ye tiquina Ñu caharū esa, tiquiōre yahuahye:

—Buhegū, Jordā si pahrēpū mūhū mehna ijiriquiro “Tiquiōta ijiaga”, mūhū nidiquiōre pehe yojopūre masare wame yero nine. Tiquiō sa yegū ijipihtiyequina tiquiō caharū dihita wahare, niahye tiquina Ñure.

²⁷ Tiquina sa nigū tūhoro Ñu yuhtiahye:

—Tiquiō tutuariquiō ijigū Cohācjū pehe tiquiōre sa ijigū yere. ²⁸ “Cristo ijieraja”, yuhū nigū musa tūhori. Sa ijierapegūta tiquiō pano ohonoho mūhtarigū ijiaga yuhū. ²⁹ Cristo mehna masa tiquina wahagū ihñagū tutuaro bucueaja. Ohō saha ijire ti: Omoca dūhterico tico manano mehna ijiro wahare. Omoca dūhtegū cohteriquiro pehe dūhteatiquiro namo tigū ihñano tiquiō yahuducugū tūhoro tutuaro bucuere. Sa yegū yuhū omoca dūhtegū cohteriquiro tiquiō bucuero saha Cristo mehna masa tiquina wahagū ihñagū tutuaro bucueaja. ³⁰ Cristo pehere wacū tutuaro cahmene masare. Yuhū pehere wacū

tutueraro cahmene masare, ni yuhtiahye Ñu.

Cohācjū macno ūhmusepū ahtariquiō ijire

³¹ Sa ni tuhasaro ohō saha ni nemoahye Ñu:

—Ūhmusepū ahtariquiō ijipihtiyequina yuhduōro tutuariquiō ijire. Ahri yehparū masarina ijiaga ahri yehpa cjāna ijiaga mari. Sa yena ahri yehpa cjēne yahuducuaia mari. Ūhmusepū ahtariquiō pehe ijipihtiyequina yuhduōro tutuariquiō ijire. ³² Tiquiō ihñarire, tiquiō tūhorire tiquiō yahure. Tiquiō sa yahuepegūta tiquiō yahuyere masa pehe ne tūho duerare. ³³ Ūhmusepū ahtariquiō tiquiō yahuyere masa tūho, “Cohācjū potota nidiquiō ijire”, niñe nine tiquina. ³⁴ Ahriquiō Cristore Cohācjū ohoriquiōre Espiritu Santo ye tutuayere oho pehere Cohācjū. Sa yero tiquiō Cohācjū ye yahuducuyere yahure. ³⁵ Cohācjū tiquiō macnōre tutuaro cahñe. Sa yero ijipihtiyequina pūhtoro iji dutiri tiquiō macnōre. Ijipihtiye uparo iji dutire tiquiōre. ³⁶ Cohācjū macnōre wacū tutuayequina pehe ijipihtiye decori Cohācjū mehna ijietā. Tiquiō macnōre yuhduōcayequina pehe Cohācjū caharū wahasi. Sa ye ijipihtiye decori ūhmusepū ijisi. Sa yero Cohācjū tiquinare tutuaro buhiri dahrerota, niahye Ñu.

4

Jesu Samaria cjōno mehna yahuducuro niahye

¹ Jesu Ñu yuhduōro peyequina buheyequinare tiquiō cūogū, Ñu yuhduōro masare tiquiō wame yegū fariseo masa tūhoahye. ² Tiquina sa tūhoepēgūta Jesu pehe tiquiō basī masare wame yerari. Ūsā tiquiō buhena pehe masare wame yei. ³ Fariseo masa tiquina sa masigū tūhoro Jesu pehe Judea yehparū ijiriquiro Galilea yehparū usāre siho tojoa wahari.

⁴ Topū wahana Samaria yehpare esa yuhdu cāna tana nii usā. ⁵ Sa yuhdu cāna Samaria yehparū ijiri macarū Sīcar wame tiri macarū esau. Ti maca caharū panopū cjāno Jacob mūnano tiquiō macno José mūnanore tiquiō ohori yehpa ijiri. ⁶ Topū Jacob mūnano tiquiō sihnidi cope ijiri. Sa yero Jesu pehe yoaropū ahtariquiō ijiro, tiquiō wahyia yuhduōro ti cope dūhtū caharū nuju sari. Ti pje tiquiō nuju sari pje coheri pje waro ijiri. ⁷⁻⁸ Ūsā tiquiō buhena pehe macarū ihyayere usā dūna wahari bato ihcāquiōta tiquiō topū tojoa nuju sari. Sa yero Samaria cjōno ti copepū aco waro wihigū Jesu ticoore acore siniahye:

—Acore ohoya yuhare, niahye.

⁹ —Mũhu judio masũ ijire. Yũhu pehe Samaria cõõ ijiaja. ¿Dũhsegu yũhare acore siniajari mũhu? niahye ticoro Jesure.

Judio masa Samaria cõõnare ihña tuhtiyequina ijire. Sa yero ticoro sa niahye.

¹⁰ Ticoro sa nidi bato Jesu ticorore yahuahye:

—Mũhare Cohãcãũ tiqiro yedoho duayere masigo, mũhare acore sinigũre masigo, mũhu yũhu pehere siniboaya. Mũhu sa sinigũ apeye aco pehere ohoboaya yũhu. Ti aco pehe catigũ yere, niahye Jesu ticorore.

¹¹ Tiquiro sa nigũ tũhoro ticoro yũhtiahye tiqirore:

—Ne mũhare sutu mariedare. Sa yero ahri cope uhcuãrĩne. ¿Sa yegu ahri catigũ yeye acore nohopũ wa neboagari mũhu?

¹² Mari ñecu manano Jacob panopũ cãno ahri copere marine cũe tiahye. Tiquiro, tiqiro pohne, nuñequina gãhu ahri acore sihnie tiahye. ¿“Apeye acore ohoboaya yũhu”, mũhu nigũ, Jacob yũhũgoro tutuagu ijiajari mũhu, sa ni tũhotugu? niahye ticoro.

¹³ Ticoro sa nigũ Jesu yũhtiahye:

—Ijiphtiyequina ahri acore sihniñequina, pari turi aco wũoeta. ¹⁴ Yee aco pehere sihniñequina ne pari turi aco wũosi. Sa ye, yee acore sihniñequina Cohãcãũ mehna sa ijiducueta. Ma pohterũ aco to sa wijiaducuro sahata yee aco ne pihtisi, niahye Jesu.

¹⁵ Tiquiro sa nigũ tũhoro numino pehe ohõ saha niahye:

—Ti acore ohoya yũhare pari turi yũhu aco wũoeraro quehnoano. Sa yego pari turi ne ohõrũre aco wasi yũhu, niahye ticoro.

¹⁶ Ticoro sa nigũ Jesu ticorore yahuahye:

—Ti pje pũrita mũhu manũnere pijigo wahaya. Piji tuhasa ohõrũ ahtaya tiqiro mehna, niahye Jesu ticorore.

¹⁷⁻¹⁸ —Manũ mariego ijiaja yũhu, niahye ticoro.

—Ijirota nimene mũhu. Ihcã omope tahari manũ ti tuhasamedi mũhu. Sa yero yojopũre mũhu mehna ijirĩqirore mũhu manũno ijierare. Sa ye “Manũ mariego ijiaja”, nigo potota nimene mũhu, niahye Jesu ticorore.

¹⁹ Tiquiro sa nigũ tũhoro ohõ saha niahye ticoro:

—Ãa, Cohãcãũ yere yahu mũhtagu ijire mũhu, yũhu tũhotugu. ²⁰ Ušã ñecušũmũã iji turiayequina mana ahũũ cũũrũ Cohãcãũre ño peoẽ tiahye. Sa yena mũsa pehe judio masa “Jerusalẽrũ Cohãcãũre ño peoro cahmene masare”, nie tiri mũsa judio masa, niahye ticoro.

Ticoro sa nigũ Jesu yũhtiahye:

²¹ —Numio, yũhu pehere tũhorĩña. Camerũ ahũũ cũũrũ, Jerusalẽrũ gãhũre mari Pacũre ño peosi mũsa. ²² Mũsa pehe mũsa ño peorĩqirore masiedare. Masare yũhũoatiqirore judio masũnota ijire. Sa yena ušã judio masa pehe ušã ño

peorĩqirore masiaja. ²³ Yojopũre, camerũ gãhũre Cohãcãũre potota ño peoyequina tiquina quehnoano tũhotuye mehna tiqirore ño peoeta. Sa mari ño peogũ cahmene Cohãcãũ. ²⁴ Cohãcãũre, pagũ marieniquiro tiqirore ijigũ masa tiqirore ihñedare. Sa ye tiqirore ño peoye, tiquina quehnoano tũhotuye mehna tiqirore quehnoano potota ño peoro cahmene masare, niahye Jesu.

²⁵ Tiquiro sa nigũta ticoro yũhtiahye:

—Mesia, “Cristo” tiquina nidiquiro pehe masare yũhũoatiqirore tiqirore ahtaire masiaja yũhu. Tiquiro ahtaro marine ijiphtiyere buhe peho cãnota, niahye ticoro.

²⁶ —Yũhũta ijiaja Cristo, niahye Jesu ticoro.

²⁷ Tiquiro sa nigũ waro wihii ušã. Sa yena ušã tiqirore buhena pehe Jesu numino mehna tiqirore yahuducugũ ihñana, ihña maria wahaa. Sa ihña mariepenata, “¿Dũhse cahmeajari mũhu? ¿Dũhse niari mũhu ticorore?” ni sinituerũ tiqirore. ²⁸ Sa yero numino ticoro ya sutere duhu dapo cã, macarũ wahaa wahari. Topũ esaro masare yahuro, ohõ saha niahye:

²⁹ —Yũhu yerire yahu pehorĩqirore ihñana ahtaya mũsa. Tiquiro potota Cristo ijiboaga, ape taha yero, niahye ticoro.

³⁰ Ticoro sa nigũ tũhoye ti maca cõõna pehe Jesure ihñãne ahtari. ³¹ Ti pjere ušã Jesu buhena pehe tiqirore tutuaro ihya dutimi:

—Buhegu, ihyaya, nimi ušã.

³² —Sijoro ijie ihyayere cõõaja yũhu. Tire mũsa masiedare, nidi tiqirore.

³³ Tiquiro sa nigũ tũhona ušã basi ohõ saha ni yahuducuu:

—¿Apequina tiqirore ihyaye oho tuhasayari? nii ušã basi.

Ušã sa nigũ Jesu yahuri:

³⁴ —Masa pehe ihya coare. Yũhare ohorĩqirore tiqirore cahmeñe pehere ye coaja yũhu pehe. ³⁵ “Pititia asũ dũhsare mari dũca duha neato”, wese upũro tiqirore nidiro saha mũsa pehe ni tũhotueracãhña. “Cohãcãũ yere ušã yahuatũ dũhsarĩne”, ni tũhotueracãhña. Ijirota niita niaja masare. Yojopũ pũritare masare ihñaña. Dũcare neni pje to ijiro sahata, yojopũ pũrita masa yũhu buheyere tiquina tũhoati pje ijiro nine. ³⁶ Oteye dũcare neñequinare tiquina wapa yeriro sahata yeere buherĩquinare, yeequina ijiatiquinare pijiyequinare, tiquina sa yeri wapa tiquinare quehnoano yeitja yũhu. Tiquina sa buhegu tũhoye yũhu buheyere tũhoyequina yeequina pehe Cohãcãũ mehna ijiphtiyere decori ijiducueta. Sa ye tiquinare buhe mũhtañequina, came yeequina wahagũ yeyequina gãhu ihcãno saha bucueducueta. ³⁷ “Ihcãqirore ote mũhtariqirore ijire. Apeqirore pehe dũcare neniqirore ijire”, nie tiahye panopũ. Ti

ijirota ijire. Tiquina sa nidiro sahata ihquëquina yeere yahu muhtañequina ijire. Apequina pehe yeere buheye, yeequina wahagü yere. ³⁸ Wese upuro yequina dahra cohteyequina oterariquina tiquina ijiepegü tiquiro oteye ducare tiquinare ne dutiro ohore. Sa masare buhe muhtaedarina masa ijiepegüta yeequina wahatiquinare buhe dutigu ohoaja musare. Apequina pehe tiquinare buhe muhta tuhasari. Tiquina buheriquinapare pari turi buhe nemona, yeequina wahagü yenata masa pehe. Sa ye buhe muhtañequina pehe tiquina yedohoro mehna apequinare yeequina wahagü yenata masa, nidi Jesu.

³⁹ Ti pjere Samaria cjöno "Yuhu yerire tiquiro yahu pehori", ticoro sa nigü tuhoye Samaria cjëna peyequina Jesure cahmeahye. ⁴⁰ Sa ye Samaria cjëna Jesu caharu esaye, "Usä mehna tojoarüna", nidi tiquirore. Tiquina sa nigü usä gähü tiquiro mehna pua deco tojoarü. ⁴¹ Apequina gähü peyequina Jesure tuhoye, cahmedi tiquirore. ⁴² Ohö saha nidi masa numinore:

—Coä waropare muhu yahurire tuhona, Jesure cahmei. Yojo pu ritare tiquiro yahuducuyere tuhona tiquirore cahmeaja. Sa yena tiquiro pehere tuhona ahri yehpa cjënare pecaru wahaboriquinare yuhdoriqiro potota tiquiro ijigü yojo pu usä masiaja, nidi masa Samaria cjöno.

Puhtoro macunore dohatiriquirore yuhduoahye Jesu

⁴³ Pua deco bato Jesu usäre Galilea yehparu siho wahari. ⁴⁴ Coä waropare ohö saha nie tiri tiquiro: "Cohäcju yere yahu muhtariqirore tiquiro ya yehpa cjëna tiquirore ño peoerare. Sa ye yuhare ño peoerare ohö cjëna ohöru yuhu bucarigu ijigü", nie tiri Jesu. ⁴⁵ Sa ye Galilearu tiquiro esagü to cjëna tiquirore quehnoano piti cari. To pano Jerusalëru bose deco Jesu tiquiro yerire ihñariquina ijiri tiquina.

⁴⁶ Sa ye Canaru Galilearu ijiri macaru acore tiquiro uhse co bajumehnedi macaru waha usä tiquiro mehna. Canä caharu ijiri macaru Capernau wame tiri macaru puhtoro macuno dohatiro niahye. ⁴⁷ Sa yero Jesu Judearu ijiriquiro tiquiro Galilearu esagü puhtoro tuhoahye. Tire tuhoro Jesu caharu wihiri:

—Yuhu macu yariaro nidi. Sa ye tiquirore yuhduogu ahtaya, ni tutuaro mehna pijiri tiquirore.

⁴⁸ Tiquiro sa nigü tuhoro Jesu yuhtiri:

—Cohäcju tutuaye mehna yuhu yegü ihñedana, ne yuhare wacü tutuerare masa, nidi Jesu tiquirore.

⁴⁹ Tiquiro sa nigü puhtoro pehe ohö saha nidi:

—Puhto, yuhu macu tiquiro yariato pano ahtaya, nidi tiquiro Jesure.

⁵⁰ —Tojoahya. Muhu macu catiaga, nidi Jesu.

Tiquiro sa nigü tuhoro, "Tiquiro nidiro sahata catirota yuhu macu", nino, puhtoro tojoaa wahari.

⁵¹ Sa tojoaducuriquirore tiquiro cahacjëna tiquirore piti ca, yahuahye:

—Muhu macu catiri, ni yahuahye tiquina tiquirore.

⁵² —¿Noho asü ijigü yuhduari yuhu macu? ni sinituahye tiquiro cahacjëna.

—Canare coheri pje batogä ujuaye sururi tiquirore, niahye tiquina.

⁵³ Tiquina sa nigü tuhoro ohö saha ni tuhutuahye tiquiro: "Jesu yuhare tiquiro sa ni yahuri pjeta ujuaye suruaya", ni tuhutuahye puhtoro pehe. "Poto ninota ni-aya yuhare", nino, tiquiro ijiphtiyequina tiquiro acaye mehna Jesure wacü tutuahye.

⁵⁴ Jesu Judea yehparu ijiriquiro Galilea yehparu tiquiro esari bato puhtoro macunore tiquiro yuhduorire mari queogü pu taha Cohäcju tutuaye mehna ye ihño tuhasari Jesu.

5

Tini masieniquirore yuhduoahye Jesu

¹ Came judio masa Cohäcjure usä ño pe-ori bose deco ijigü Jesu Jerusalëru esari tja. ² Topu oveja wame tiri sopecaha caharu cuhsari cope ijiri. Usä judio masa ye mehna niñe Betzata wame tiri cope ijiri. Ti cope caharu ihcä omope tihamehneñe tucüri ijiri. ³ Ti tucüru peyequina dohatiyequina cuñari. Caperi bajueyequina, pari yuri wahayequina, tini masieñequina tiquina ti cope caharu ijiri. [Topu ijieye aco ñuhmi maanore cohteye nidi. ⁴ Topu buharo ti cope cjë acore ihquë tahari ñuhmigü ye mujahye angel. Ti cope cjë aco ñuhmido bato ña mio muhtariqiro pehe dühse ijyere dohatiyere cuoriquiro quehnoa wahahye.] ⁵ Sa yero tore treinta y ocho cahmari waro dohatiriquiro ijiri. ⁶ Topu tiquiro cuñagü ihñano tiquiro sa yoari pje dohatiriquiro ijigü masidi Jesu tiquirore. Sa masino tiquirore sinituri:

—¿Pagu dohatiyere mariegu iji duajari muhu? nidi Jesu.

⁷ Tiquiro sa nigüta dohatiriquiro yuhtiri:

—Ti aco ñuhmigü yuhare aco ijiri copepu neaboriquiro mariedare. Ti copepu yuhu ña mio duepegüta apequina pehe yuhu pano sa ña mio muhtaducure, nidi tiquiro Jesure.

⁸ —Wahcäducaya. Muhu cuñari cahserore ne cähña, nidi Jesu tiquirore.

⁹ Tiquiro sa nigüta dohatiriquiro pehe tiquiro cuñari cahserore ne, tini ducari. Ti deco saurü judio masa usä sori deco ijiri.

10 Ti decore Jesu sa yegū ihñañe judio masa usā pūhtoa pehe dohatimediquirore ohō saha ni yahuahye:

–Miare saurú deco mari sori deco ijiepegāta mūhū cuñari cahserore neare mūhū. Sa yegu mari dutiyere yūhdūdcagū nine mūhū, niyahye tiquina tiquiore.

11 –Yūhure yūhū dohatiyere cohāriquiore pehe ohō saha nidi yūhure: “Mūhū cuñari cahserore ne cāhñā”, nidi tiquiore yūhure, ni yūhtiahye dohatimediquiro.

12 –¿Tire mūhure sa nidiquiro pehe noa boro ijari tiquiore? ni sinituahye tiquina.

13 Topū masa peyequina tiquina ijigū ihñano Jesu pehe waha tuhasari. Sa yero dohatimediquiro pehe tiquiore yūhdūoriquiro wamene masiedahye. 14 Came Cohācjū wūhūpū Jesu tiquiore piti ca yahuri:

–Tūhorīñā mūhū yūhure. Yojoṗure quehnoano pagū tire mūhū. Ñañene ye nemoedacāhñā. Pari turi ñañene ye nemoḡū mūhū dohatiriro yūhdūoro wahagūta mūhū, nidi Jesu tiquiore.

15 Tiquiore sa nidi bato dohatimediquiro pehe usā judio masa pūhtoa tiquiore sinituriquina cahapū esaro yahuahye tiquinare:

–Jesu wame tiriquiore yūhure yūhdūḡū yeri, ni yahuahye tiquiore.

16 Sa ye saurú ijigū dohatiriquirore tiquiore dohatiyere Jesu cohāḡū masiñe, judio masa usā pūhtoa pehe tiquiore ñano ye dūcari.

17 Sa ñano tiquiore tiquina ye duagū masino Jesu pehe yahuri tiquinare:

–Yūhū Pacū yojoṗure dahrarīno nine. Yūhū ḡūhū dahrarī ni naja, ni yahuri tiquiore ñano ye duayequinare.

18 Tiquiore sa nigū judio masa usā pūhtoa pehe tiquiore mehna tutuaro usuaye, to pano tiquina nidiro yūhdūoro tiquiore wejē duari. Saurú decore tiquina sori decore ihcācūiro dohatiriquirore tiquiore yūhdūogū ihñañe tiquina usuari. Sa usuaye tiquiore Cohācjūre “Yūhū Pacū”, nigū tūhoye, tiquina pehe to pano tiquina nidiro yūhdūoro usua nemoahye tja. “Yūhū Pacū”, nino Jesu tiquiore basi ‘Cohācjū mehna ihcāno saha ijiaja’, ni wacūga tiquiore”, ni tūhoturi judio masa usā pūhtoa.

Jesu Cohācjū ohoriquiro ijire

19 Sa ye Jesu tiquinare yahuari:

–Ijirota niita niaja masare. Yūhū Cohācjū macū, yūhū esa tuharo yeraja. Yūhū Pacū tiquiore yerire ihñagū, tire yeaja. 20 Yūhū Pacū yūhure tiquiore macure cahine. Sa yero tiquiore yerire yūhure ihñō pehore. Ahri yojoṗū tiquiore tutuaye mehna yūhū yeri yūhdūoro tiquiore apeyerē ye dutirotā yūhure. Tiquiore sa ye dutigū tiquiore tutuaye

mehna ye ihñoutja yūhū. Sa yena ihñā maria wahanata mūsa. 21 Yūhū Pacū yariariquinare tiquiore masoriro sahata yūhū ḡūhū yūhū cahmeñequinare masoutja. 22-23 Ne yūhū Pacū pehe masa tiquina ñañe buhirire buhiri dahreriquiro ijierare. Yūhū pehere tire tiquina ñañe buhirire buhiri dahreacjūre cūri yūhū Pacū. Ijiphtiyequina masa tiquiore tiquina ño peoriro sahata yūhū ḡūhure tiquina ño peotire buhiri dahreacjūre cūri yūhure. Yūhure tiquiore macure ño peorana yūhū Pacū ḡūhure ño peorerā mūsa. Tiquiore ijire yūhure ohoriquiro, nidi Jesu.

24 Sa ni tuhasa ohō saha ni yahu nemori:

–Ijirota niita niaja masare. Yūhū yahuducuyere tūhoyequina, yūhure ohoriquirore wacū tutuayequina ijiphtiyē decorī ahmūserū sa ijiducuetā. Sa yegu tiquinare buhiri dahresi yūhū. Sa ye tiquina pecapū wahaboriquina yūhdūeta. 25 Ijirota niita niaja masare. Pecapū wahatiquina yūhure Cohācjū macure tiquina tūhoati pje yojoṗū ijire. Camerū ḡūhure yūhure tiquina tūhoeta tja. Sa tūhoye tūho nūññequina pehe Cohācjū mehna sa ijiducuetā. 26 Cohācjū yūhū Pacū pehe sa ijiducugū yeriquiore ijire. Sa yero yūhure tiquiore macure sa ijiducugū yeacjū iji dutiri tiquiore yūhure. 27 Sa yegu yūhū masū Cohācjū tiquiore ohorigū yūhū ijigū tiquiore masare buhiri dahreacjūre cūri yūhure. 28 Ahrire tūhona, tūho mariedacāhñā mūsa. Ape decorpū ijiphtiyequina yariariquina masa coperipū ijiyequina yūhū yahuducugū tūhoeta. 29 Sa tūhoye, quehnoañene yeriquina ijiphtiyē decorī Cohācjū mehna ijiatiquina masa mūjaeta. Ñañene yeriquina pehe ñañene tiquina yeri buhiri pecapū wahaeta, ni yahuri Jesu.

30 Sa ni tuhasa ohō saha ni yahu nemori:

–Yūhū esa tuharo ne yeraja. Ne yūhū basi yūhū cahmeno yere dueraja. Yūhure ohoriquiro tiquiore dutiriro sahata ye duaja. Sa yegu tiquiore nidiro sahata buhiri dahreaja. Sa yegu yūhū masare buhiri dahregū queoro yeaja. 31 “Yūhū tutuagū ijiaja”, yūhū ni yahugū “Mūhū yahuye ne poto ijierare”, ni masiboaga mūsa. 32 Apequiore ijire yūhure yahuriquiore. Tiquiore Ñū pehe masare yahure yūhure. Masare yūhure tiquiore yahuri ijirota ijire. Tire yūhū quehnoano masiaja. 33 Mūsa apequina pehere Ñūṗure yūhure sinitu dutina ohori. Sa yero potota yahure tiquiore mūsa. 34 “Cohācjū macūno ijire ahriquiore”, yūhure ni yahuatiquinare macaedaja. Sa macaedapeguta Ñū masūno tiquiore ijiepegāta yūhure “Cohācjū macūno ijire”, tiquiore ni yahurire yahugū ni naja. Mūsa yūhure wacū tutuaitire, mūsa pecapū

wahaborina masa yuhduatire yahure Ñu tiqiro yahurire yahugü niaja. ³⁵ Sihãria meheñe decorigã ihña masigü yero sahata Ñu musare buhe muhtano mehenogã tiqiro catiro puno musare masigü yeri. Tiquiro sa buhegü tuhona meheñe decorigã bucueri masa. ³⁶ Yuhü ijyere tiqiro sa buhepegüta Cohãcjü pehe yuhü ijyere quehnoano yahure. Tiquiro sa yahugü Ñu yuhü ijyere tiqiro yahuye yuhduoro ijire Cohãcjü ye yahuye. Sa yegü Cohãcjü tiqiro tutuaye mehna yahure tiqiro ye dutirire yojopü yei niaja. Ahrire yuhü yegü ihñana potota Cohãcjü ohorigü yuhü ijyere masine masa. ³⁷ Sa yero yuhü Pacü yahure ohoriqiro tiqiro basi “Tiquiro yuhü ohoriqiro ijire”, ni yahure musare. Tiquiro sa ni yahuepegüta tiqiro yahuducuyere ne tuhoerari masa. Sa yena masa tiqirore ne masiedari. ³⁸ Yuhure Cohãcjü ohorigüre masa ne tuho duerari. Sa yena masa Cohãcjü yere ne cahmedari. ³⁹ Cohãcjü yere tiquina ojoari püre masa buhena, “Mari ahri püre buhena ijiphiye decori Cohãcjü mehna sa ijiducunata”, nine masa. Ti püta yuhure yahure. ⁴⁰ Ti pü yuhure ti yahuepegüta masa pehe yuhure cahmedare. Ijiphiye decori Cohãcjü mehna masa sa ijiducuatire yahure sini duerare masa, ni yahuri Jesu.

⁴¹ Sa ni tuhasa ohõ saha ni nemori:

—Yuhure masa ño peoeragü ihñagu usueraja yuhü pehe. ⁴² Masa pehe Cohãcjüre masa cahñedagü masiaja yuhü. ⁴³ Cohãcjü yuhü Pacü tiqiro yahure dutiriro sahata yuhü ahtaepügüta masa yahure cahmedari. Apeqiro pehere Cohãcjü ohoriqiro tiqiro ijiepegüta tiqiro pehere cahmedana masa. ⁴⁴ Apequina masa musare tiquina ño peogü cahmene masa. Cohãcjü masa mehna tiqiro bucuégü cahmedare masa. Tiquiro dihita Cohãcjü waro ijire. Sa cahmedana yuhü gühure tuhoerare masa. Yuhure wacü tutuerare. ⁴⁵ Musare yuhü Pacure ne yahusãsi yuhü. Tire masiña masa. Moise tiqiro ojoari pü pehe musare yahusãnota. “Ti pü cjé dutiyere mari ye pehona, Cohãcjü cahapü wahanata”, masa nidi pü pehe musare yahusãnota. ⁴⁶ Moise tiqiro ojoari pü yuhü pehere yahuahye. Sa yena ti püre “Ijirota ijire”, nina, yuhü yahuye gühure “Ijirota ijire”, niboaya masa. ⁴⁷ Moise tiqiro ojoari püre “Ijirota ijire”, niedana, yuhü yahuducuye gühure “Ijirota ijire”, nisi masa, nidi Jesu tiquinare.

6

Cinco mil masare ihyayere ohoahye Jesu (Mt 14.13-21; Mr 6.30-44; Lc 9.10-17)

¹ Sa tiqiro buheri bato Galilea wame tiri ditara ape sie pahrëpü usã Jesu mehna

pehãa wahaü. Ti ditara pajiri ditara Tiberia wame tiri. ² To pano Galilea yehpapü Jesu dohatiyequinare tiquina dohatiyere tiqiro cohãgü masa ihñae tiri. Tiquina sa ihñari bato Jesu pehãgü ihñafne masa peyequina tiqirore nãñü tã cãri. ³ Topü esana usã tiqiro buhena pehe tiqiro mehna canupü muja sa, tu buipü dujii. ⁴ Ti deco pascua wame tiri bese deco ijyato judio masa usã ya bese deco mehenogã dahsari. ⁵⁻⁶ Topü dujiro, Jesu peyequina masa tiqiro cahapü tiquina ahtagü ihñadoqueori. Sa ihñadoqueoro Felipere sinituri:

—¿Ahriquina masa tiquina ihyatiye nohopü dúnatari mari? nidi Felipere.

Jesu tiqiro basi tiqiro yeatire masieperota Felipere sinituri, “¿Dahse yahtirota?” nino. ⁷ Tiquiro sa sinitugü tuhoro Felipe yuhtiri:

—Doscientos niñeru cjoeri pose ihyayere mari dtepegüta masare dayegã ihyayere mari itiepegüta ne esa tuhasi, nidi Felipe Jesure.

⁸ Usã mehna cjãno Andre, Simo Pedro bahuro pehe Jesure yahuri:

⁹ —Ihcã omope pã pacare, puaro wahire nijino ohõ cuore. To punogãta tiqiro cuoepegüta masa pehe peyequina waro ijire. Sa yero ahri mehenogã ihyaye ne esa tuhasi, nidi Andre.

¹⁰ —Masare duji dutiya masa, nidi Jesu usãre tiqiro buhenare.

Topü taa dayegã ijiro ijiri. Usã duji dutigü masa nuju sa pihtari taa buipü. Umã dihitarre mari queogü cinco mil ijiri. ¹¹ Tiquina sa nuju sagü ihñano Jesu pehe pãre ne, Cohãcjüre “Quehnoare” nidi. Sa ni tuhasarota usãre tiqiro buhenare iti dutiri. Tiquiro sa dutigü usã pehe dujiyequinare iti cãu. Puaro wahi gühure iti cãu. Ijiphiyequinare quehnoano tiquina esa tuhoro ihyayere tiquinare itii. ¹² Sa ye masa pehe yapia wahari. Tiquina sa yapigü ihñano Jesu usãre nidi:

—Tiquina ihya daharire quehnoano ne peho cãhña. Sa yena tiquina ihya daharire ne bosí, nidi.

¹³ Tiquiro sa nigü usã pehe ihcã omope pã paca dahsarire usã ne cahmecoagü doce puhuse waro wijari. ¹⁴ Sa ye masa ti bajumehnenore Jesu tiqiro yegü ihñafne, ohõ saha nidi:

—Ijirota ijire. Ahriqiro Cohãcjü yere yahu muhtariqiro ahri yehpapü ahtariqiro mari cohteriqirota ijire, nidi tiquina.

¹⁵ Tiquina Jesure tiquina puatoro ijia-tiqiro ñehe sõ duamedí. Jesu tire masino pari turi ihcãqirota canupü waha wahari.

Jesu aco bui tiniahye (Mt 14.22-27; Mr 6.45-52)

¹⁶ Ñamicahapu usã tiquiuro buhena ditarapu buhan. ¹⁷ Topure buha sa, yucasapu sajã, Capernau wame tiri macapu pehã. Usã pehãri pje ñamiru ijiri. Sa yero Jesu usã cahapu ahteraanidi. ¹⁸ Wihnono tutuaro wëgã, pajiri ma pahcõri wahcãri. ¹⁹ Ihcã omope kilómetro esaboro waro usã esagã waro Jesu usã cahapu wihiri. Aco bui tiquiuro ahtagã ihña usã. Sa usã cahapu tiquiuro ahtagã ihña usã cuei. ²⁰ Sa usã cuegã ihñano tiquiuro usãre yahuri:

—Ne yuhare ihña cueracãhña. Yuhuta iji-aja, nidi Jesu.

²¹ Tiquiuro sa nigã tuhona usã bucueye mehna tiquiurore piti ca sajã duti. Tiquiuro sajãri batogãta usã wahari yehpãre pehã sa tuhasau.

Masa pehe Jesure macahye

²² Ti ñamine masa topu tojoariquina pehe ihcãriata usã pehãtiare ihñahye. Tia mehna usã pehãgã ihñari tiquina. Jesu usã mehna tiquiuro wahaeragã gãhure ihñari tiquina. Sa ye ape decore tiquiurore cohteyo nimahye. ²³ Tiberia wame tiri macapu ahtaye, Jesu Cohãcãre “Quehnoare”, tiquiuro niديو cahagã cãunoru, masare tiquiuro ihyaye itiriro caha cãunoru wahã sahye tiquina yucasa mehna. ²⁴ Sa ye ape deco usã Jesu mehna ijirirore usã mariedagã ihñañe, masa yucasapu sajã, Capernaup usãre nunu tã pehã sari. Jesure maca saye nidi tiquina.

Jesu catiyere oho, ihyaye yero saha ijiriquiro ijtire

²⁵ Ditarapu pehã, Jesure boca saye, masa sinituri tiquiurore:

—¿Buegã, dahse ijigã ahtari muhu ohõpãre? ni sinituri tiquina.

²⁶ Tiquina sa sinitugã Jesu tiquinare yahuri:

—Ijirota niita niaja musare. Ba-jumehnedire yuhu yepegãta yuhu pehere wacũ tutuerare musa. Yuhare wacũ tutuerapenata yuhare macare musa. Yuhu mehna bujaye ihyana, masa yapirina yuhare maca cãhtari tja. ²⁷ Ihyaye ne sa ijiducuerare. Cãmeru pihitia wahare. Sa yena tire wacũducueracãhña. Apeye ihyaye sijoro saha ijiye ihyaye pehere macãña musa. Ti ihyayere bocana ijipihitiye decori Cohãcãj mehna ijinata. Sa ye ti ihyaye pũrita ne pihitierare. Ti ihyayere yuhu masã Cohãcãj ohorigu musare ohoutja. Cohãcãj yuhu Pacu yuhare tire oho dutiriquiro ijire. Cohãcãj tiquiuro ohorigu yuhu ijyere ihño tuhasari musare, nidi Jesu.

²⁸ Tiquiuro sa nigã tiquina sinituri tiquiurore:

—¿Cohãcãj tiquiuro ye dutiyere yena tana dahse yenatari usã? ni sinituri tiquina.

²⁹ —Ahrire Cohãcãj musare ye dutire: “Yuhu ohoriguore wacũ tutuaya”, nino musare ye dutire Cohãcãj, nidi Jesu.

³⁰ Tiquiuro sa nigã tuhoye tiquina ohõ saha nidi tja:

—Cohãcãj ohorigu ijigu tiquiuro tutuaye mehna ye ihñoña usãre muhure usã quehnoano wacũ tutuatire. ¿Yabe borore yeitjari muhu? ³¹ Mari ñecusãmma manaru panoru cãena masa marienoru manã wame tiye pacare ihyae tiahye. Cohãcãj yere tiquina ojoari pũru ohõ saha ni yahuahye: “Tiquiuro tiquinare ahmuse cãe ihyayere ohoe tiahye tiquina ihyatire”, ni ohyaye Cohãcãj yere tiquina ojoari pũru. ¿Tiquiuro sa yeriro sahata yeitjari muhu gãhu? nidi tiquina.

³² Tiquina sa nigã Jesu yahuri tiquinare:

—Ijirota niaja musare. Moise ahmuse cãe ihyayere ohoerari musare. Yuhu Pacu pehe ahmuse cãe ihyaye potota ijyere musare ohoriguore ijire. ³³ Cohãcãj ye ihyaye ahmusepu dijia taye, ijipihitiri yehpa cãenare catiyere oho masine, nidi Jesu tiquinare.

³⁴ —Puhto, decoripe ti ihyayere ohoya usãre, nidi tiquina.

³⁵ Tiquina sa nigã tuhoro Jesu yahuri tiquinare:

—Yuhu pehe catiyere oho, ihyaye yero saha ijigu ijiãja. Mari ye ihyayere mari ihyari batota duita ujua ahbaa wahaja mari tja. Sihniñe gãhure mari sihnidi batota aco wãoa wahaja tja. Sa ijiepegãta yuhare cahmediquiro, yuhare wacũ tutuariquiro ujua ahbaerariquiro yero saha tiquiuro bucueye tiquiurore pihitisi.

³⁶ Musa pehe yuhare ihñaepenata yuhare wacũ tutueranine. Tireta musare yahue timi yuhu. ³⁷ Ijipihitiyequina yeequina ijiatiquinare yuhare yuhu Pacu tiquiuro cãriquina pehe yuhare cahmeeta. Sa ye yuhare cahmeñequinare ne cohãsi yuhu.

³⁸ Hmusepu ahtagu yuhu cahmeno yei ahtagu niedu yuhu. Yuhare ohoriguore tiquiuro cahmediro sahata yei ahtagu nii yuhu. ³⁹ Ahrita ijire yuhare ohoriguore tiquiuro cahmeñe waro: Ijipihitiyequina yeequina yuhare tiquiuro ohoriguore yuhu boeragã cahmene yuhare ohoriguore pihitiri deco ijigã tiquina masa mujatire.

⁴⁰ Ijipihitiyequina yuhare Cohãcãj macare ihñañequina, yuhare wacũ tutuayequina ijipihitiye decori tiquiuro mehna tiquina ijigã cahmene yuhu Pacu. Sa yegu pihitiri decoru tiquinare masoutja, nidi Jesu.

⁴¹ “Yuhu ahmusepu ahtaye ihyaye yero saha ijigu ijiãja”, tiquiuro nigã tuhoye judio masa usã puhto pehe tiquiuro mehna usua, tiquina basi Jesure ñano ni yahuducuri.

⁴² —¿Ahriquiro Jesu José macãno ijierajari? Tiquiuro pacuro, pacoro gãhure mari masi-aja. Sa yero mari yero saha pagu tiriqiuorta

ijire. ¿Sa ijieperota dahsero “Uhmusepu ahtan”, niajari tiqiuo? ni usari tiquina.

Tiquina sa nigū tuhoro Jesu yahuri tiquinare:

⁴³ —Musa yuhare ñano ni yahuducuer-acāñña. ⁴⁴ Yuhu Pacu yuhare ohoriqiro pehe masare yuhu pehere cahmegū yere. Tiqiuo sa yeragū masa pehe yeequina iji masiedaboaya. Pihtiri deco ijigū yeequinare masoutja yuhu. ⁴⁵ Cohācjū yere yahu mēhtariquina pehe ohō saha ni ojoahye: “Cohācjū tiquinare buherota”, ni ojoahye Cohācjū yere yahu mēhtariquinaru. Ijipihitiyehina yuhu Pacu ye buheyere tuhoyequina, tiqiuore yuhtiyequina yuhare cahmene. Sa yeye yeequina ijire.

⁴⁶ Yuhu Pacure ne ihcāquiro masano ihñedare. Yuhu Cohācjū ohorigu dihita yuhu Pacure ihñan. ⁴⁷ Ijirota niaja musare. Yuhare wacū tutuariquiro ijipihitiye decori yuhu Pacu mehna sa ijiducurota. ⁴⁸ Yuhu catiyere oho, ihyaye yero saha ijigu ijaia. ⁴⁹ Musa ñecusumna muna iji turiayequina masa marienopu manāre ihaye tiahye. Sa tire ihyaepta yariaa wahae tiahye. ⁵⁰ Uhmusepu ahtari ihyayere yuhu niñe ihyayere masano ihyaro, ne pecaru wahasi. ⁵¹ Yuhu uhmusepu ahtari ihyaye catiyere oho, ihyaye yero saha ijigu ijaia yuhu. Ahri ihyayere ihyariquiro ijipihitiye decori yuhu Pacu mehna sa ijiducurota. Ahri ihyaye catigū yere. Ahri ihyaye yero saha ijiye yuhu paguta ijire. Ijipihitiri yehpa cjēna Cohācjū mehna tiquina sa ijiducuatire yuhu pagure ohogutja. Sa ohogu yariagutja, nidi Jesu.

⁵² Tiqiuo sa nigū tuhoye usā acaye judio masa pehe tire ohō saha ni yahuducuri tiquina basi:

—¿Ahriquiro dahse ye tiqiuo pagure ihyatire ohorotari? nidi tiquina basi.

⁵³ Tiquina sa nigū tuhoro Jesu yahuri:

—Ijirota niaja musare. Yuhu masu Cohācjū ohorigu ijaia. Yuhu pagure ihyeriquiro, yuhu diire sihneniquiro uhmusepu wahasi. ⁵⁴ Sa yuhu pagure ihyariquirore, yuhu diire sihnidiquirore pihtiri deco ijigū masoutja. Sa yero uhmusepu sa ijiducurota tiqiuo. ⁵⁵ Yuhu pagu potota ihyaye waro yero saha ijire. Yuhu dii potota sihniñe yero saha ijire. ⁵⁶ Yuhu pagure ihyariquiro yuhu diire sihnidiquiro yuhu mehna bucuyeye mehna ijiducurota. Sa yegu yuhu gāhu tiqiuo mehna bucuyeye mehna ijiducuaia. ⁵⁷ Yuhu Pacu yuhare ohoriqiro sa ijiducure. Sa ijiducuro, yuhu gāhure sa ijiducugū yere. Sa yeye yuhare sa ijiducugure masa ihyaye, Cohācjū mehna uhmusepu sa ijiducueti tiquina gāhu. ⁵⁸ Ahri tjire uhmusepu ahtari ihyaye. Mari ñecusumna muna iji turiayequina tiquina ihyari yero saha ijierare ahri ihyaye. Tiquina pehe ti ihyayere

ihyaepeta yaria pihtia wahae tiahye. Ahri ihyaye pehere ihyariquiro uhmusepu sa ijiducurota, nidi Jesu.

⁵⁹ Capernaupu judio masa usā buheri wāhupu Jesu buhero, sata ni yahuri.

Jesu ye buheyere tuhona uhmusepu sa ijiducunata mari

⁶⁰ Peyequina Jesure cahmeñequina tiqiuo sa ni buheyere tuhoye, ohō saha ni yahuducuri:

—Ahri buheye tutuaro mijore. Sa yena mari tuo duera cjūaja, ni yahuducuri tiquina basi.

⁶¹ Tiquina sa nigū Jesu pehe tiquina yahuducurire masidi. Sa masino tiqiuo sinituri tiquinare:

—¿Ahri buheyere tuhona usuajari masa?

⁶² ¿Yuhu masu Cohācjū ohorigu uhmusepu yuhu tojoaa wahagū ihñana dahse ni tuhōtunatari masa? ¿To gūhure usuanatari masa? ⁶³ Masano tiqiuo jeripohnare cworo catire. Tiqiuo pagu pehe tiqiuore catigū yerare. Masano tiqiuo jeripohna tiqiuore catigū yero saha yuhu buheye pehe musare Cohācjū mehna sa ijiducugū yere. ⁶⁴ Apequina masa mehna cjēna ne yuhare wacū tutuerare, nidi Jesu.

Coā waropure Jesu tiqiuore wacū tutueyequinare masidi. Sa yero tiqiuore ihña tuhtiyequinare ihñoatiqiro gūhure masi tuhasari. Sa tiqiuore wacū tutueyequinare masino “Apequina masa mehna cjēna yuhare wacū tutuerare”, nidi Jesu. ⁶⁵ Sa ni tuhasa ohō saha ni nemori:

—Ohō saha ni yahumi musare: “Yuhu Pacu masare yuhu pehere cahmegū yere. Tiqiuo sa yeragū masa pehe yeequina iji masiedaboaya”, musare nie timi, nidi Jesu.

⁶⁶ Tiqiuo sa ni buhegū tuhoye peyequina Jesure cahmemediquina tiqiuore cohā, tiqiuo mehna pari turi wahaerari. ⁶⁷ Tiquina sa yegū ihñano Jesu usāre doce tiqiuo buhenare sinituri:

—¿Musa gāhu yuhare cohānatjari? ni sinituri usāre. ⁶⁸ Tiqiuo sa nigū Simo Pedro yuhtiri tiqiuore:

—Puhto, usāre apequiro buheriquiro mariedare. Mūhu ye buheyere tuhona Cohācjū mehna sa ijiducunatja usā. Mūhu ye buheye dihita tire yahure usāre. ⁶⁹ Sa yena usā mūhure wacū tuuaja. Sa yena mūhu quehnoagu, Cohācjū macu tiqiuo ohorigu mūhu ijigū usā masiaja. Sa yena mūhure cohāsi usā, nidi Simo Pedro Jesure.

⁷⁰ Tiqiuo sa nigū tuhoro Jesu yahuri usāre:

—Yuhu pehe musare doce besei. Sa ijiepegūta ihcāquiro masa mehna cjāno watño yaquiro ijiatiquiro ijire, nidi usāre tiqiuo buhenare.

⁷¹ Sa nino Judare Simo Iscariote macanore nino nidi. Juda pehe doce usã mehna cãno Jesure ihña tuhtiyequinare ihñaotiquiro ijiri.

7

Jesu acaye tiqũrore "Cohãcã macano ijire", ni, ne masiedahye

¹ Came Jesu Galilea yehpau tinino wahari. Judea yehpau judio masa tiqũrore wejẽ duari. Tiquina sa wejẽ duagũ masino tiqũro ti yehpau wahaerari. ² Judio masa daye wuhusegã usã yeati bose deco mehenogã dahsatiãri. ³ Sa ye Jesu bahana tiqũrore yahuri:

—Judeapu wahaya. Topu muhu yequinare muhu bajumehneñene ihñogu wahaya muhu. ⁴ Masare muhu bajumehneñene ihño duagu ne nuosi muhu. Ye ihñono cahmene. Potota ahri bajumehneñene ye masigu ijigu tire masare ihñoña, nimesi tiquina.

⁵ Tiquiro bahana ijiepetã Jesure "Cohãcã macano ijire", niedari. Sa yeye sa nidi tiquina tiqũrore. ⁶ Tiquina sa nidi bato Jesu yahuri tiquinare:

—Masa yuhare tiquina quehnoano masiati pje dahsarine. Masa ihña duana bose deco ijigũ waha masine. ⁷ Ahri yehpa cãna masa pehere ihña tuhtierare. Tiquina ñahe yerire yuhu yahugũ tiquina yuhu pehere ihña tuhtire. ⁸ Bose deco ijigũ wahaya masa sehsharo. Yuhu pehere yuhu wahati pje dahsarine. Sa yegu yuhu pehe bose decore mianogãre ihña waharisi, nidi Jesu tiquinare.

⁹ Sa nino tiqũro Galileapu tojoari.

Jesu daye wuhusegã tiquina yeri bose deco ijigũ wahahye

¹⁰ Bose decopu Jesu bahana tiquina wahari bato Jesu gãhu tiquina bato wahari. Sa waharo masa tiquina ihñeno watoa wahari. ¹¹ Bose deco ijieyequina judio masa usã puhtoã tiqũrore macari:

—¿Nohopu ijigari tiqũro? ni sinituahye tiquina.

¹² Sa ye masa gãhu Jesure peyequina yahu wajahye. Apequina "Tiquiro quehnoariqũro ijire", niãhye. Apequina "Tiquiro ñariqũro ijire. Masare mehoriqũro ijire", ni yahu wajahye tiquina.

¹³ Sa niepeta judio masa usã puhtoãre cueye masa tiquina ihñenopu Jesure yahu wajahye.

¹⁴ Bose decori deco mehna dahsagã Cohãcã wuhupu Jesu sajã saro, buheri. ¹⁵ Tiquiro sa buhegã usã acaye judio masa tuho maria waha, ohõ saha nidi:

—¿Ahriqũro buheropu buhemehnediqũro ijieperota dahsero quehnoano masi pehoajari? nidi tiquina basi tiqũrore.

¹⁶ Tiquina sa nigũ Jesu yahuri tiquinare:

—Yuhu buheri yee yahuducuye ijierare. Yuhare ohoriqũro ye yahuducuye pehe ijire ahri buheye. ¹⁷ Cohãcã cahmeñene ye duayequina yuhu buheye pehere Cohãcã ye yahuducuye ti ijigã masieta. Yuhu esa tuharo yuhu buheragã gãhure masieta tiquina. ¹⁸ Ihcãqũro tiqũro esa tuharo tiqũro masiñe mehna buhero "Yuhu dihitare ño peoya", nino nine tiqũro. Sa ijiepegũta yuhare ohoriqũro pehere masa ño peogã cahmeaja yuhu pehe. Yuhu sa nigũ tuhona "Potota ni yahuducure tiqũro. Ne mehoedare", ni masinata masa.

¹⁹ Cohãcã dutiyere Moise manano pehe cãahye masare. Tiquiro sa cãuepegũta masa ijipihtina ti dutiye pehere ne yuhtierari. ¿Dahsena yuhare wejẽ duajari masa? nidi Jesu usã acaye judio masare.

²⁰ —Tuho masiedare muhu. Watĩnore cãore muhu. Muhare wejẽ duayequina mariedare, ni yuhtiri tiquina Jesure.

Tiquina sa nigũ Jesu yuhtiri:

²¹ —Mari judio masa mari sori deco saurũ ijigũ ihcã tahata Cohãcã tutuaye mehna dohatiriqũro tiqũro dohatiyere yuhu cohãgũ masa ihña maria wahari.

²² Mari ñecusumã mana panopu cãna pehe tiquina pagure cuhnucunã sohtoã cahserogãre yuhre neñequina tiquina yeriro sahata Moise yuhre ne dutiahye. Potota Moise pehe ti dutirore cãedahye. Mari ñecusumã mana iji turiahyequina pehe tire cã, yahu turiahye. Tiquiro sa dutigã saurũ sori deco ijiepegũta masanore tiqũro cuhnucunã sohtoã cahserogãre yuhre nene masa. ²³ Saurũ ijigũ masanore tiqũro cuhnucunã sohtoã cahserogãre yuhre nene masa, Moise dutiyere yena tana. ¿Masa gãhu saurũ decore tire yepenata ti decopu dohatiriqũrore yuhu yuhduogũ dahsena yuhu mehna usuajari masa? ²⁴ Yuhu yerire masa quehnoano masiedapenata, yuhare ñano tuhotueracãhña. Masa quehnoano masidi bato yuhare masa tuhotugã potota ijirota. Yuhu yerire masina, queoro masiña masa, nidi Jesu.

Jesu coã waropu tiqũro ahtarirore yahuahye

²⁵ Tiquiro sa ni yahuri bato meheñequinagã Jerusalẽ cãna tiqũrore ohõ saha ni yahu wajari:

—¿Ahriqũro judio masa puhtoã tiquina wejẽ duariqũro ijierajari? ²⁶ Sa yero tiqũrore tiquina wejẽ duepegũta ijipihñeyequina ihñoño masare buhero nine tiqũro. Sa ye tiqũrore wejẽ duayequina ijiepetã sa ihña cãre. ¿"Tiquiro potota Cristo ijire", ni, tuhotuagari puhtoã pehe? ²⁷ Sa ijiepegũta ahriqũro Jesu tiqũro ahtarirore mari masiaja. Cristo pehe

masare yuhduoatiqairo tiqairo ahtagā tiqairo ahtariro pehere masimehnedare. Sa yero masare yuhduoatiqairo Cristo waro ijierare Jesu, ni yahu wajari tiqaina Jerusalē cjēna.

²⁸ Tiquina sa niñene masino, Jesu ohō saha ni tutuaro sañuducu buheri Cohācjū wuhupū:

–Yuhare ohō saha ni tuhature masa: “Tiquirore masiaja. Sa yena tiqairo ahtariro gāhure masiaja”, ni tuhutumene masa. Masa sa ni tuhoutupepenata yuhare ohoriqairore ne masiedare masa. Yuhare ohoriqairore potō niniqairo, potō yeriqairo ijire. Tiquirore ne masiedare masa. ²⁹ Tiquirota yuhare ohori. Sa yegū tiqairo cahapūta ahtau. Sa yegū yuhū pehe tiqirore masiaja, nidi Jesu judio masare.

³⁰ Tiquiro sa nigū tuhoye tiqirore ñehe duamedī. Tiquina sa ñehe duepegāta Jesu tiqirore ñano yuhduati pje dahsarīdi. Sa ye tiqina tiqirore ñehe masiedari. ³¹ Apequina masa pehe peyequina tiqirore wacū tutuaye, ohō saha nidi:

–“Cristo peye tahari Cohācjū tutuaye mehna ye ihñonota”, panopū tiqina ni yahu muhtariro sahata ahriqairo Jesu pehe peye tahari Cohācjū tutuaye mehna ye ihñore. Ijipihtiyequina apequina yuhduoro Cohācjū tutuaye mehna ye ihñore tiqiro. Sa yero Cristo Cohācjū ohoriqairore ijire ahriqairo Jesu, nidi Jesure wacū tutua ducayequina.

Fariseo masa Jesure peresu ye dutiahye

³² Masa Jesure tiqina sa ni yahuducugū tuhoahye fariseo masa. Sa ye tiqina, pahia puhtoahye mehna Jesure ñehe dutiye ohoahye surarare, Cohācjū wuhare cohteyequinare.

³³ Sa yero Jesu judio masare ohō saha nidi:

–Meheñe decorigā masa mehna ijiniitja. Sa yegū mehenogā bato yuhare ohoriqairo cahapū wahautja. ³⁴ Yuhū ijiatore masa waha masiedare. Sa yena yuhare macaepenata ne bocasi masa, nidi Jesu judio masare.

³⁵ Tiquiro sa nigū tuhoye tiqina basi ohō saha ni yahuducuri:

–¿Ahriqairo sa nino nohopū waharotari, masa tuhotugū? ¿Griego masa cahapū judio masa waha siteriqaina tiqina ijiye macaripū griego masapare buhero wahaboagari ahriqairo? ³⁶ ¿“Yuhū ijiatore masa waha masiedare. Sa yena masa yuhare macaepenata ne bocasi”, tiqirore nigū dahse nino boro ahriqairo sa niajari? ni yahuducuri judio masa tiqina basi.

Catigū yeye mārīne yahuahye Jesu

³⁷ Bose deco bato tiri deco ti deco waro ijiro nidi. Ti decore Jesu topū ducuro, tutuaro mehna sañuducu yahuri:

–Aco wuhoyequina acore tiqina tutuaro cahmeno saha ijipihtiyē decori Cohācjū mehna masa ijiatire tutuaro cahmena yuhare siniña. Masa sa sinigū tiqirore yequina masare iji dutiitja. ³⁸ Yuhare wacū tutuayequinare ohō saha ni ojoahye Cohācjū yere tiqina ojoari pūpū: “Māri pohteripū catigū yeye aco sa wijiaducuro sahata catigū yeriqirore tiqina mehna sa ijiducurota”, ni ojoahye Cohācjū yere tiqina ojoari pūpū, ni yahuri Jesu judio masare.

³⁹ Sa catigū yeriqirore wame peo yahuro “Yuhare wacū tutuayequina Espiritu Santore caoeta”, nino nidi Jesu. Tiquiro uhmaserū tiqirore mūjaedarīgū Espiritu Santo pehe wihieraniahye.

Judio masa tu wahye pna curua

⁴⁰ Jesu tiqirore sa nigū tuhoye, masa peyequina ohō saha ni yahuducuri:

–Ahriqairo potota Cohācjū yere yahu muhtariquiro mari cohteriquiro ijire, nidi masa.

⁴¹ Ohō saha nidi apequina gāhū:

–Ahriqairo Cristo marine yuhduoatiqairo ijire, nidi.

Apequina pehe ohō saha nidi:

–Cristo ahtarō, Galilea yehpa cjāno ijisi tiqiro. Ahriqairo Jesu pehe to cjānota ijire. ⁴² Cristo Davi mūnana panamino ape tjuro cjāno ijiatiquiro ijirota. Sa yero Davi ya maca ijirirorū Belēpū Cristo masa bajarota. Ohō saha ni yuhare Cohācjū yere tiqina ojoari pūpū. Ahriqairo Jesu pehe Belēpū masa bajarahye. Sa yero tiqirore Cohācjū ohoriqairo Cristo waro ijierare, nidi tiqina.

⁴³ Sa ye Jesure tuhomediquina pna curua tu wari tiqina basi. ⁴⁴ Meheñequinagā masa pehe Jesure ñehe duamedī. Sa ñehe duepeta tiqirore ñehedari.

Judio masa puhtoahye Jesure ne wacū tutuerahye

⁴⁵ Sa ye surara pahia puhtoahye cahapū fariseo masa cahapū tojoaa wahahye. Tiquina tojoa sagū ihñañe tiqina surarare sinituahye:

–¿Duhensa Jesure ñehedari masa? ni sinituahye tiqina pehe.

⁴⁶ –Tiquiro quehnoa yuhduaro yahuducuriqairo ijiri. Apequina tiqirore yero saha yahuducuyequina ne mariedare, ni yuhtiahye surara tiquinare.

⁴⁷ Tiquina sa nigū fariseo masa pehe ohō saha ni yahuahye:

–¿Masare tiqirore mehogū “Potota nino niaga”, niajari masa gāhū? ⁴⁸ Mari puhtoahye Jesure wacū tutueyequina ijiye ne tiqirore cahmedare. Usā gāhū sa ijina tiqirore cahmedaja. ⁴⁹ Ahriquina masa pehe Cohācjū dutiyere Moiserē tiqirore

cūrire masiedare. (Sa masieñequina ijiye Jesure wacū tutuayequina ijiye, tiqirore cahmene.) Tiquina sa cahmedi buhiri tiqinare mari Pacu buhiri dahrerota, niahye fariseo masa.

⁵⁰ Fariseo masano Nicodemo Jesure yahuducuro esariquiro topu ijiyahye tiqina mehna. Tiquina sa nigū tūhoro ohō saha niahye tiqiro tiqinare:

⁵¹ —Jesu ñano yerire masiedaja mari. Sa masiedana marine tiqiro yahuato pano tiqirore buhiri dahre masiedaja mari. Sa masiedapenata tiqirore buhiri dahrena, mari ye dutiyere yuhducana niaja mari, niahye Nicodemo tiqinare.

⁵² Tiquiro sa nigū tūhoye ohō saha ni yahtiahye tiqina:

—¿Muhu gāhu tiqiro yero saha Galilea cūta ijiajari? Cohācjū yere tiqina ojoari pūre buhe pehoya. Sa buhegu “Cohācjū yere yahu mahtariquina ne ihcāquiro mariedare Galileare”, ni buhe masiita muhu. (Sa yero sa ni maca cāno mine Jesu,) ni yahtiahye tiqina Nicodemore.

[⁵³ Tiquina sa nidi bato tiqina ye wuhasepu tojoa wahahye.

8

Umuno mehna ñano yericorore judio masa pūthoa wacūeno mehna esa pjeahye

¹ Jesu canupu Olivo wame tidupu wahari. ² Sa yero bohrearo Cohācjū wuhupu tiqiro esari tja. Tiquiro esagū ihñañe masa peyequina tiqiro cahapu cahmecoari. Tiquina sa cahmecoagū ihñano tiqiro pehe du-jitjāno tiqinare buhe ducari. ³ Tiquiro sa buheri watoa usā acaye judio masa buheyequina, fariseo masa mehna ti wuhupu numinore ne cāhtari. Ticoro umuno mehna ñano yegū waro wacūeno mehna esa pjeahye tiqina ticorore. Sa esa pjeje ticorore Cohācjū wuhupu ne sajāri tiqina. Ne sajā sa tuhasa ijiptiyequina ihñono ticorore duhu docoye ohō saha nidi:

⁴ —Buhegu, ahricoro umuno mehna ñano ticoro yegū waro wacūeno mehna ticorore esa pjei. ⁵ Cohācjū dutiyere Moise mananopu marine tiqiro cūri ohō saha nine: “Umuno mehna ñano yericorore utā paca mehna doque wejēña”, niahye Cohācjū dutiye. ¿Muhu waro dūhse ni tūhotuajari ahrire? ni sinituri tiqina Jesure.

⁶ Jesu ñano nigū tūho duaye nimesi tiqina tiqirore yahusāñe tehe. Tiquina sa sinituepegūta Jesu muhri quehe, yehpupu tiqiro omo piria mehna ojoari. ⁷ Sa tiqina ni sinituducugū Jesu pehe wahcā nuju sa, tiqinare yahuri:

—Musa mehna cūno ñano yerariquiro ticorore utā mehna doque mahtaahdo, nidi Jesu.

⁸ Sa ni tuhasa pari turi muhri quehe, yehpupu ojoari tja. ⁹ Tire tūhoye tiqina ñañe yerire wacūñe, tiqina wahmisumna pehe wijia mahtari. Tiquina bato tiriqina mehna cēna gāhu wijia pihtia wahari. Sa yero numino topu ducurico Jesu mehna tojoari. ¹⁰ Sa yero Jesu wahcā nuju sa ticorore sinituri:

—¿Nohopu wahajari tiqina? ¿Muhure buhiri dahre duamediquina mariedajari yojopure? nidi ticorore.

¹¹ —Mariedare pūhto, ni yahtiri ticoro.

—Yūhu gāhu buhiri dahreraja muhure. Wahaya. Sa yego ñañene ye nemoedacāhña, nidi Jesu ticorore.]

Buhrorio marine ihña masigū yero saha Jesu ahri yehpa cēnare mari Pacure masigū yere

¹² Pari turi Jesu ti wuhupu ijiyequinare yahuri:

—Buhrorio marine to ihña masigū yero sahata yūhu ahri yehpa cēnare Cohācjūre masigū yeaja. Yūhure wacū tutuariquiro ijiptiye decori Cohācjū mehna sa ijiducurota. Sa yero tiqiro quehnoañene wacūnota. Sa yero tiqiro ñañene wacū duerare, ni yahuri Jesu.

¹³ Tiquiro sa nigū tiqirore fariseo masa ohō saha nidi:

—Muhu basi muhu ijiye tiyere sa ni yahuducugū nine. Sa ye muhu ohō saha ni muhu esa tuharo muhu ni yahuducu maca quēhe ne dūhseati iijerare, nidi tiqina Jesure.

Tiquina sa nigū Jesu yahtiri:

¹⁴ —Yūhu ahtarirore masiaja yūhu. Yūhu wahato gāhure masiaja yūhu. Musa ne tire masiedare. Musa ohō saha niepegūta yūhu ijiye tiyere masare yūhu yahuri poto tjire.

¹⁵ Musa esa tuharo masa ihñari dihitare masine musa. Sa yena quehnoano masiedare musa. Sa masiedapenata yūhure ñano ni yahuducure musa. Yūhu pehe yūhu esa tuharo masare ne sa niedaja. ¹⁶ Sa yegu masa tiqina ijiye tiyere ihña masigū yūhu esa tuharo ihña masiedaja. Yūhu pūrita yūhure ohoriquiro mehna ihña masiaja. Sa yegu masa tiqina ijiye tiyere yūhu ihña masiñe poto tjire. ¹⁷ Masare dutiye tiqina ojoari pū ohō saha ni yahure. “Pūaro masa ihcāno saha tiqina yahugū ohō saha tiqina yahuye poto tjire”, ni yahu ojoari jiri. ¹⁸ Yūhure yahuriquiro mehna usā pūana tjiaja. Yūhu ijiye tiyere yahuaja yūhu. Sa yero yūhu Pacu gāhu yahure yūhu pehere. Tiquiro tjire yūhure ohoriquiro, nidi Jesu.

¹⁹ —¿Nohopu ijiagari muhu pacu? ni sinituri tiqina.

—Yūhure musa masiedare. Yūhu Pacu gāhure masiedare musa. Yūhure masina,

yuhū Pacu gāhure masiboaga mūsa, ni yahtiri Jesu tiquinare.

²⁰ Jesu tiquinare buhero sa ni yahuducuri Cohācjū wuhūpū tiquina niñeru sāñe acari cahapū. Tiquiro ñano yuhduati pje ijieranidi. Sa ye tiquina mehna tiquiro ijiepegāta tiquina tiquirore ñehedari.

—Yuhū wahatopure mūsa pehe waha masisi, niahye Jesu

²¹ Pari turi Jesu tiquinare yahuri tja:

—Yuhū ahtaripōpū wahautja. Yuhū wahari bato mūsa yuhure macanata. Sa yena mūsa ñañe buhiri tiye mehna yarianata. Yuhū wahatopure mūsa pehe waha masisi, ni yahuri Jesu.

²² —“Yuhū wahatopure mūsa pehe waha masisi”, tiquiro nigū tahoye, “¿Ahriquiro tiquiro basi wejē yariarotari, sa nino?” nidi usā acaye judio masa tiquina basi.

²³ Tiquina basi sa nigū Jesu yahuri tiquinare:

—Mūsa pehe ahri yehpa cjāna ijire. Yuhū pehe ahmuse cjū ijiaja. Ahri yehpapū bājuarina ijire mūsa pehe. Ūhmūsepū ahtarigū ijiaja yuhū pehe. ²⁴ Mūsa yuhū ijiepe tiyere yuhū nidire “Poto ijierare”, nina, mūsa ñañe buhiri tiye mehna yarianata mūsa. Sa yegu “Mūsa ñañe buhiri tiye mehna yarianata mūsa”, nimi mū sare, nidi Jesu tiquinare.

²⁵ —¿Noa boro ijiajari mūhū? ni sinituri tiquina.

—Coā waropure yuhū niducuriro sahata ijiaja yuhū. ²⁶ Mū sare yuhū yahuati pajiro duhsarīne. Sa yero mūsa ñano yeri buhirire mū sare yuhū yahuati pajiro duhsarīne. Sa yegu yuhūre ohoriquiro tiquiro yahurire ahri yehpa cjēnare yahuaja. Tiquiro yahuri poto tjire, nidi Jesu tiquinare.

²⁷ “Yuhūre ohoriquiro”, tiquiro nigū tahoye, “Mari Pacu ijiaja”, ni tahotuerari tiquina. ²⁸ Tiquina sa ni tahotueragū ihñano Jesu yahuri tiquinare.

—Yuhūre masare Cohācjū ohorigure mūsa yuca teō mehna wahcō doconata. Mūsa sa yena, “Tiquiro Cohācjū ohoriquiro tjire”, ni masinata mūsa yuhūre. Sa yena yuhū esa tuharo yuhū yerarigū ijigū masinata mūsa. Sa yena yuhū Pacu yuhūre tiquiro buheri dihitare yahurigū yuhū ijigū gāhure masinata mūsa. ²⁹ Sa yero yuhūre ohoriquiro pehe yuhū mehna ijire. Tiquiro cahmeñene ijipihtiye decori yeducuaja. Sa yero yuhūre tiquiro ne cohāedare, nidi Jesu.

³⁰ Tiquiro sa nigū tahoye, tiquirore masa peyequina wacū tutuari.

Cohācjū pohnene, ñañe yeyequina gāhure yahuahye Jesu

³¹ Sa ye apequina judio masa Jesure wacū tutuari. Sa yero Jesu tiquinare yahuri:

—Yuhū dutiyere ye pehona, potota yuhū buhena ijire mūsa. ³² Sa yena poto masinata

mūsa. Poto ijiyere masina, ñañe yeyere duhu masinata. Sa yena cahacjēna yero saha iji nemosi mūsa, nidi Jesu tiquinare.

³³ Tiquiro sa nigū tahoye ohō saha ni yahtiri tiquina:

—Usā pehe panopū cjāno Abrahā mūnāno panamena iji turiana ijiaja. Sa yena ne apequina tiquina cahacjāna ijieraja usā. ¿Sa yegu “Cahacjēna yero saha iji nemosi”, nigū, duhse ijiro boro usāre sa niajari mūhū? ni sinituri tiquina Jesure.

³⁴ Tiquina sa nigū tahoro ohō saha nidi tiquiro:

—Ijirota niaja mū sare. Ijipihtiyequina ñañene yeyequina pehe tiquina ñañene ye duhu masiedare. Sa yero ñañe pehe tiquina puhtoro yero saha ijire. Sa ijieyequina ijiepe cahacjēna yero saha ijire tiquina.

³⁵ Cahacjāno pehe tiquiro puhtoro ya curua cjāno ijipihtiye decori ijiducuerare. Ti wuhū cjāno macano pehe ijipihtiye decori potota ti curua cjāno ijire tiquiro. (Yuhū pehe Cohācjū macū ijiaja. Sa yegu dutigū ijiaja. Mūsa ñañe yeyere duhu dutiitja.)

³⁶ Sa yena yuhū Cohācjū macū ñañene yuhū duhgū yenohrina ijina potota ñañene duhurina ijire mūsa. ³⁷ Abrahā mūnāno panamena iji turiana mūsa ijigū masiaja. Sa ijiepenata yuhū yahuyere pehere tuho duerare mūsa. Sa yena yuhūre wejē duare mūsa. ³⁸ Yuhū Pacu yuhūre tiquiro masigū yerire yahuaja mū sare. Yuhū sa yahuepegāta mūsa pacu watīno mū sare tiquiro dutiyere yere mūsa gāhū, nidi Jesu tiquinare.

³⁹ —Abrahā mūnāno panopū cjāno usā ñecu mūnāno ijie tiahye. Sa yero watīno usā pacu ijierare, ni yahtiri tiquina.

Tiquina sa nigū Jesu yahtiri:

—Abrahā panamena iji turiana ijina, tiquiro yeriro sahata yeboaga mūsa. ⁴⁰ Cohācjū yuhūre poto tiquiro yahuyere mū sare yuhū yahuepegāta yuhūre wejē duare mūsa. Abrahā mūnāno pehe ne sa yera tiahye. ⁴¹ Mūsa pacu tiquiro yeriro sahata yere mūsa, nidi Jesu tiquinare.

Tiquiro sa nigū tiquina yahtiri:

—Omoca duhtemehneñequina pohna ijieraja usā. Ihcāquirota ijire usā Pacu. Tiquirota ijire Cohācjū, nidi tiquina.

⁴² Tiquina sa nigū Jesu yahtiri:

—Cohācjū mehna cjū ijigū, ohōpūre ahtau. Sa yena Cohācjū mūsa Pacu tiquiro ijigū yuhūre cahīboya mūsa. Yuhū esa tuharo ahtaerū yuhū pūrita. Cohācjū tiquiro ohogū ahtau ohōpūre. ⁴³ ¿Duhšena yuhū yahuducuyere tuhoerajari mūsa? Yuhū yahuyere tuho duerare mūsa. Sa yena tuhoerare mūsa. ⁴⁴ Mūsa pacu pehe watīno ijire. Sa yena watīno cahmeñe pehere ye duare mūsa. Ahri yehpa coā waropū to iji ducagūpū, yojopū gāhūre tiquiro

masare wejēdiqairo ijire. Tiquirore poto yahuducuye mariedare. Sa yero tiquiro ne poto yahuducuerare. Tiquiro coā waropare ni meho mahta ducariquiro ijie tiahye. Sa yero tiquiro sa ni mehoducuriquiro ijiro, ni mehoñene yahure. ⁴⁵ Yuhū pehe masare poto yahuaja. Sa yuhū yahuepegūta yahure tahoerare musa. ⁴⁶ “Muhū ñano yegū ijire”, yahure ni masiedare musa. ¿Poto masare yuhū yahuepegūta dūhsena tahoerajari musa? ⁴⁷ Cohācjū pohne pehe tiquiro yahuducuyere tūhore. Tiquiro pohne ijierana, tiquiro yahuducuyere tūho duerare musa, nidi Jesu tiquinare.

Abrahā tiquiro ijato pano Cristo pehe jji tuhasae tiahye

⁴⁸ Tiquiro sa nigū tūhoye judio masa tiquirore ohō saha nidi:

—“Muhū Samaria cjū ijire. Sa yegū wafinore cuore muhū”, usā nidi poto tjire, nidi tiquina Jesure.

⁴⁹ Tiquina sa nigū tūhoro ohō saha ni yahtiri Jesu:

—Wafinore cuoeraja yuhū. Yuhū Pacure ño peoaja. Musa pehe yahure ño peoerare. ⁵⁰ Yuhure masa tiquina ño peogū cahmedaja yuhū. Yuhū Pacu pehe yahure ño peogū cahmene masare. Tiquiro pūrita yuhū ijie tyere quehnoano ihña masino, sata ño peo dutire. Sa yero yahure tiquina cahmedari buhiri, buhiri dahreatiquiro ijirota tiquiro. ⁵¹ Ijirota niaja masare. Yuhū dutiyere yeriquiro ijipihtiyē decori Cohācjū mehna sa ijiducurota, nidi Jesu.

⁵² Tiquiro sa nigū tūhoye ohō saha nidi tiquina:

—Yojopu pūritare wafinore cuogu muhū ijigū usā quehnoano masiaja. Abrahā munano yariaa wahahye. Cohācjū yere yahu mahtariquina gūhū yaria pihtia wahahye. ¿Sa yegu “Yuhū dutiyere yeriquiro ijipihtiyē decori Cohācjū mehna sa ijiducurota”, nigū dūhse nigū sa nijari muhū? ⁵³ ¿Usā ñecu munano Abrahā yuhduoro tutuajari muhū? Tiquiro, Cohācjū yere yahu mahtariquina gūhū yariaa wahahye. ¿Muhū pehe noa boro ijajari muhū, sa ni yahuducugu? Muhū sa nibogu ijierare, nidi tiquina.

⁵⁴ Tiquina sa nigū tūhoro Jesu yahu nemori:

—Yuhū basi “Tutuagu ijiaja yuhū”, yuhū nigū, tutuagu ijieraboaga yuhū. Yuhū Pacu pehe “Tiquiro tutuariquiro ijire”, nine yahure. “Usā Pacu”, musa nidiquiro pehe yuhū Pacu tjire. ⁵⁵ Musa pehe yuhū Pacure ne masiedare. Yuhū pehe tiquirore masiaja. “Tiquirore masiedaja”, nigū musa yero saha ni mehoñe peyagu ijiboaga yuhū. Potota tiquirore masiaja. Sa yegu tiquiro dutiyere yeaja. ⁵⁶ Ahri yehparu yuhū ahtatore mari

ñecu Abrahā munano masie tiahye. Sa masino tiquiro bucuee tiahye, nidi Jesu.

Tiquiro sa nigū tiquina yahtiri:

⁵⁷ —Cincuenta cūhmarī cuoeraga muhū. Abrahā munano panopu cjūno ijiri. ¿Yojopu tiquiro munanore muhū dūhse masiboagari? nidi judio masa Jesure.

⁵⁸ —Ijirota niaja masare. Abrahā tiquiro ijato pano yuhū pehe jji mahta tuhasae ti, nidi Jesu tiquinare.

⁵⁹ Tiquiro sa nigū tūhoye tiquina pehe utā pacare ne, tiquirore doque duamedī. Tiquina sa doque duepegūta Jesu pehe Cohācjū wāhupū ijiriquiro duhti wijiaa wahari.

9

Caperi bajueriquirore ihñagū yeahye Jesu

¹ Sa yena Jesu usā tiquiro buhena mehna mahapu wahana, apequirore caperi bajueriquirore boca sau. Tiquiro wahama masa bajuaroputa caperi bajueriquiro ijie tiahye. ² Usā gūhū tiquirore ihñana, sinituu Jesure:

—¿Buegu, ahriquiro dūhsero caperi bajueriquiro masa bajuayari? ¿Ñañene yeyari tiquiro sa waharo? ¿O tiquiro pacusumua pehe ñañene yeyari tiquiro sa wahagū? ni sinituu usā pehe Jesure.

³ Usā sa nigū tūhoro ohō saha ni yahtiri tiquiro:

—Ahriquiro ñañene yeri buhiri caperi bajueriquiro wahaerari. Tiquiro pacusumua gūhū ñañene tiquina yeri buhiri caperi bajueriquiro wahaerari. Cohācjū tiquirore caperi bajuaragū yeri tiquirore ihñagū yero taro, masare tiquiro ihñoatire. ⁴ Yuhure ohoriquiro tiquiro cūrire yojopure yero cahmene marine. Namipū mari dahra masieno sahata camerū yahure ohoriquiro tiquiro cūrire ye masiedaja mari. ⁵ Ahri yehparu buhriro marine to ihña masigū yero saha ijigu ahri yehpa cjenare Cohācjū yere masigū yeaja yuhū, nidi Jesu.

⁶ Sa ni tuhasarota yehparu sihco puti cūri. Tiquiro sa sihco puti cūrire dihta mehna dahra more, caperi bajueriquirore tiquiro caperire wisōri. ⁷ Sa wisōno ohō saha nidi Jesu:

—Siloé wame tiri copepu cuhsari copepu muhū caperire cosegu wahaya, nidi Jesu.

Siloé usā ye mehna niñe “Ohoi cope”, niñe nidi.

Jesu tiquiro caperire cose dutiriquiro pehe waha, cose, caperi ihñariquirope tojoa wihiri. ⁸ Tiquiro tojoa wihigū tiquiro cahapu ijieyequina tiquirore ihñari. To pano niñeru sinimediquiro tiquiro ijigū ihñariquina tiquirore ohō saha nidi tiquina basi:

—¿Ahriquiroy sohõ ijiriquiroy niñeru sini-
diquiroy ijierajari? nidi tiqúina.

⁹—Tiquiroto ijire, nidi apequina pehe.

—Tiquiroy ijierare. Tiquiroy saha ba-
juriquiroy ijire, nidi apequina pehe.

Tiquina sa nigũ tũhoro caperi bajuer-
amediquiroy pehe ohõ saha nidi:

—Tiquiroy tjiaja yũhũ, nidi tiquinare.

¹⁰Tiquiroy sa nigũ masa tiquiroyre sinituri.

—¿Caperi bajuegũ ijirigũ dũhse waha ihñari
mũhũ? ni sinituri tiqúina tiquiroyre.

¹¹—Jesu wame tiriquiroy sihco co mehna
dihta mehna dahra more, yũhũ caperire
wisõri. Yũhũre wisõ tuhasa “Siloé wame
tiri coperu mũhũ caperire cosegũ wahaya”,
tiquiroy nigũ cosegũ esau yũhũ. Yũhũ sa
coseri batõ yũhũ caperi quehnoano bajuri
yũhũre, ni, yahuri tiquiroy masare.

¹²—¿Mũhũre sa yeriquiroy nohopũ ijiagari
tiquiroy? nidi tiqúina.

—Õbah. Noho ijiroy ijiaga, nidi tiquiroy.

*Caperi bajueramediquiroyre fariseo masa
sinituahye*

¹³Sa ni yahuducu tuhasa tiqúina caperi
bajueramediquiroyre fariseo masa चाहपũ
neari. ¹⁴Ti deco Jesu dihtare sihco co
mehna dahra more caperi bajueriquiroyre
tiquiroy ihñagũ yeri deco saurũ deco ijiri. Ti
deco usã sori deco ijiri. ¹⁵Sa ye fariseo masa
pehe tiquiroyre sinituahye tja.

—¿Dũhse ye mũhũ ihñari? ni sinituahye
tiquina.

—Dihta mehna yũhũ caperire wisõri. Sa
yegu yũhũ caperire yũhũ coseri batõ ihña
dũcaũ yũhũ, ni yahuahye tiquiroy tiquinare.

¹⁶—Tiquiroy saurũ decore mari sori
decore mari dahra dutieri decore dahraya.
Sa yero tiquiroy Cohãcjũ yaquiroy ijierare,
niahye apequina fariseo masa pehe.

Apequina pehe ohõ saha niahye:

—Ñañene yeriquiroy ohõ saha yũhdũo
masiedare. Sa yero tiquiroy quehnoariquiroy
ijiboaga, niahye apequina.

Sa ye tiqúina pũa curua tu wahye tiqúina
basi. ¹⁷Sa ye pari turi tiqúina caperi bajuer-
amediquiroyre sinituahye tja.

—¿Mũhũre caperire quehnoano
yeriquiroyre mũhũ waro dũhse ni
tũhotuajari Jesure? niahye tiqúina
tiquiroyre.

—Tiquiroy potota Cohãcjũ yere yahu
mũhtariquiroy ijire, niahye caperi bajuer-
amediquiroy.

¹⁸Coã waropũre judio masa ohõ saha
ni tũhotumahye. “Ahriquiroy caperi ba-
jueramediquiroyre ijierare”, ni tũhotumahye
tiquina. Sa ni tũhotuyey caperi ba-
jueramediquiroyre pacũsumũare pijioahye
tiquina. ¹⁹Pijio, tiquiroy pacũsumũare
sinituahye fariseo masa pũhũa.

—¿Ahriquiroy potota masa macũ ijiagari?
¿Duita tiquiroy caperi bajueriquiroy masa ba-
juari? ¿Potota caperi bajueriquiroy ijieperota
dũhsero ihñajari yojopũre? ni sinituahye
tiquina tiquiroy pacũsumũare.

²⁰—Ahriquiroy usã macũta ijire. Sa yero
duita caperi bajueriquiroy masa bajue
tiri tiquiroy. ²¹Tire masiepenata tiquiroy
ihñarire, tiquiroyre ihñagũ yeriquiroy gũhũre
masiedaja usã. Usã macũre sinituya. Bũcũro
ijire tiquiroy. Tiquiroy basi yahu masine,
niahye tiquiroy pacũsumũare.

²²Judio masa usã pũhũa coã waropũre
ohõ saha nie tiahye.

—“Jesuta Cristo Cohãcjũ ohoriquiroy ijire”,
niñequinare mari buheye wũhũsepu sãjã
dutisi usã, nie tiahye judio masa pũhũa.

Tiquina sa nigũ tũhoyey caperi ba-
jueramediquiroyre pacũsumũare judio masa
pũhũare cue niahye. ²³Sa cueyey, “Bũcũro
ijire tiquiroy. Tiquiroyre sinituya”, niahye
tiquina judio masa pũhũare.

²⁴Came judio masa pũhũa pari turi pi-
jioahye caperi bajueramediquiroyre tja. Pi-
jio ohõ saha niahye tiquiroyre:

—Cohãcjũ mehna poto yahuya mũhũ.
Jesure ni mehoriquiroy tiquiroy ñañey
yeriquiroy ijigũ usã masiaja. Sa yegu poto
yahuya usãre, niahye judio masa caperi
bajueramediquiroyre.

²⁵Tiquina sa nigũ tũhoro ohõ saha ni
yũhtiahye tiquiroy:

—Jesure tiquiroy ñañey yeriquiroy ijigũ
masiedaja yũhũ. Ihcãnota masiaja yũhũ.
Panopũre caperi bajuegũ ijie tii yũhũ. Yo-
jopũre ihñajay yũhũ. Ti dihtare masiaja yũhũ,
ni yũhtiahye caperi bajueramediquiroy
tiquinare.

²⁶—¿Dũhse yeri mũhũre tiquiroy? ¿Mũhũ
caperi ihñatire dũhse yeri tiquiroy mũhũre?
ni sinituahye tiqúina.

²⁷—Tireta mũsare yahu tuhasami yũhũ.
Yũhũ sa niepegũta mũsa ne tũho duerare
yũhũre. ¿Dũhse ye duana pari turi yũhũ
yahugũ tũho duajari mũsa? ¿Mũsa gũhũ
tiquiroy buhena iji duajari? niahye tiquiroy
tiquinare.

²⁸Tiquiroy sa nigũ tũhoyey tiqúina tuhti-
ahye tiquiroyre:

—Mũhũ Jesu buherigũ ijire. Usã pehe
Moise buhena ijiaga. ²⁹Potota Cohãcjũ
Moisere yahuducue tiahye. Jesu tiquiroy
ahtarirore usã masiedaja, niahye tiqúina
caperi bajueramediquiroyre.

³⁰Tiquina sa nigũ yũhtiahye tiquiroyre:

—¿Tiquiroy ahtarirore mũsa masiedagũ
yũhũre ihñagũ yeriquiroy ijiro, Cohãcjũ
ohoriquiroy ijieraboagari tiquiroy? ³¹Cohãcjũ
ñañey yeyequinare tiqúina siniñene
tũhoerare. Ti pũritare mari masiaja.
Tiquinare tũhoeraperota Cohãcjũre ño
peoriquiroyre, tiquiroy dutiyey yeriquiroyre

tiqiro siniñene tãhore Cohãcã. ³² Coã waropãre ahri yehpa iji dãcagãpãre ne coã masa bajaropã caperi bajueriqiurore ne ihcãqiro ihñagã yeriqiuro marieda tiahye. ³³ Sa yero Jesu Cohãcã ohoiriqiro ijieraro yahure ihñagã yeraboaya tiqiro, niahye tiqiro tiquinare.

³⁴ —Mũhũ duita ñagã ijie tiahye. ¿Sa ijiepegãta usãre buhe duajari mũhũ? niahye judio masa pũtoa tiqiurore.

Sa ni tuhasayeta tiquina tiqiurore cohã wio cãhye.

Jesu yere cahmeñequina caperi bajueye-quina tiquina ihña masieno saha mari Pacũre masiedare

³⁵ Sa yero caperi bajueramediqiurore tiquina cohã wiorire Jesu tãhori. Sa tãhoro caperi bajueramediqiurore boca saro tiqiurore siniture:

—¿Masãnore Cohãcã ohoiriqirore wacũ tutuajari mũhũ? nidi Jesu.

³⁶ —¿Pũhto, noa ijiajari tiqirore? Tiqiurore masigũ wacũ tutuagãtja tiqiurore, nidi caperi bajueramediqiurore Jesure.

³⁷ —Tiqiurore ihña tuhasari mũhũ. Yojoãpãre mũhũ mehna yahuducugũ tiqiurota ijiaja yũhũ, nidi Jesu caperi bajueramediqiurore.

³⁸ —Pũhto, mũhũre wacũ tutuaja, nidi caperi bajueramediqiurore.

Sa nino tiqiro Jesu caha dũsepe curi mehna quehe sa, tiqiurore ño peori.

³⁹ Tiqiro sa ño peogũ ihñano ohõ saha nidi Jesu:

—Quehnoañequina, ñañequina gũhũ tiquina yerire masigũ yei ahtaũ ahri yehpapãre. Caperi bajueyequina tiquina ihña masieno saha tiquina yero saha ijieyequina yũhũ Pacũre masiedare. Sa masieñequinare yũhũ Pacũre masigũ yei ahtaũ yũhũ. “Usã quehnoano masiaja”, ni tãhotumediquina quehnoano tiquina masiedarire masigũ yei ahtaũ yũhũ, nidi Jesu.

⁴⁰ Tiqiro sa nigũ tãhoye meheñequinagã fariseo masa tiqiurore ohõ saha nidi:

—¿Caperi bajueyequina tiquina ihña masieno saha quehnoano masiedare mũsa gũhũ”, nii njajari mũhũ usãre? nidi fariseo masa Jesure.

⁴¹ Tiquina sa nigũ ohõ saha nidi Jesu:

—Caperi bajueyequina tiquina ihña masieno saha poto mũsa quehnoano masiedagã, mũsare buhiri mariedaboaya. “Usã quehnoano masina ijiaja”, mũsa nidi buhiri, buhiri tina ijinine mũsa yojoãpãre, nidi Jesu tiquinare.

10

Ovejare coheriquiro quitire yahuahye Jesu

¹ Came queoye mehna buhero ohõ saha nidi Jesu:

—Ijirota niaja mũsare. Ovejare coheri sahrĩno sopecaha saãedariqiro, sopecaha marienopã saãariqiro pehe yaque buũro ijire. ² Sopecaha saãariqiro pehe ovejare coheriquiro ijire. ³ Sopecahare coheriquiro sopecahare pũore ovejare coheriquiro saãatore. Ovejare coheriquiro yahuducugũ tãho cãhtare tiqiro nuñequina oveja pari. Tiquinare pijjoro tiquina wame mehna pisuducure tiqiro. Sa yero tiquinare sahrĩnopã ijiriquinare piji wiodocore sopecahãpã. ⁴ Tiquiro yequinare ijipihtiyequinare piji wio tiquinare sa uhmũ tãducure. Oveja pehe tiqiro yahuducuyere tãho masiñe tiqiro bato nũhũ tãre. ⁵ Apequirore tiquina ihña masieniquirore nũhũ tãedare tiquina. Sa ye apequina tiquina yahuducuyere tãhoye, cue oma sitea wahare, nidi Jesu tiquinare.

⁶ Ahri queoyere tiqiro sa yahuepegãta tiqiro yahuyere masiedari tiquina.

Jesu ovejare quehnoano coheriquiro yero saha tiqiro yequinare quehnoano cohere

⁷ Pari turi Jesu tiquinare yahuri tja:

—Ijirota niaja mũsare. Ovejare coheri sahrĩno sopecaha yero saha ijiaja yũhũ.

⁸ Ijipihtiyequina yũhũ pano ahtayequina ni mehoñene buheyequina yaqueyequina yero saha ijire. Tiquina sa ijiepegãta oveja yero saha ijieyequina yeequina pehe apequinare ne tãho cãedare. ⁹ Yũhũ ovejare coheri sahrĩno sopecaha yero saha ijiaja. Sopecaha saãañequina yero saha ijire yahure wacũ tutuayequina. Sa yegũ tiquinare pecãpã wahaboriquinare yãhdũoutja. Ovejare cahmotari sahrĩno tiquinare cahmotari sahata yũhũ yãhdũoyequinare cahmotãutja. Sa ye tiquina cahmeñene caoeta tiquina, nidi Jesu.

¹⁰ Sa ni tuhasa ohõ saha ni nemori:

—Mũsare ni meho buheyequina ovejare yaqueyequina yero saha ijire. Apequina yaque duaye, apequina wejẽ duaye ahtare. Oveja yero saha ijieyequinare, yeequina ijipihtiye decori Cohãcã mehna ijiatiquinare yegũ ahtaũ yũhũ. Sa yegũ yeequina decoripe tiquina bucueatire ahtaũ yũhũ. ¹¹ Ovejare quehnoano coheriquiro yero saha ijiaja yũhũ. Ovejare quehnoano coheriquiro yariatiquiro ijieperota tiqiro yequina ovejare cohere, “Sijoro wahari”, nino. Yeequina Cohãcã mehna tiquina sa ijiducuatire yegũ yariatja yũhũ. ¹² Oveja upãro cahacãno pehe oveja upãro ijierare. Sa yeye oveja tiqiro yequina ijierare. Sa yero yairo ovejare tiqiro ihyaro ahtagũ ihñano tiqiro cahacãno pehe ovejare cohã doco cã, oma cãa wahare. Tiquiro sa cohã

docori bato, yairo ovejare tiqiro ñehegü ihñañe oveja pari oma site cãa wahare. ¹³ Tiquiro cahacjãno pehe tiqiro wapataye dihitar cahmene. Sa yero tiqiro ovejare quehnoano cohte coarare, nidi Jesu.

¹⁴ Sa ni tuhasa ohõ saha ni nemori:

—Ovejare quehnoano cohteriquiro yero saha ijiaja yuhu. Sa yegu yeequinare masiaja yuhu. Sa yeye yeequina pehe yuhare masine. ¹⁵ Sata yuhu Pacu gũhu yuhare masine. Sa yegu yuhu gũhu yuhu Pacu masiaja. Oveja yero saha ijiequina yeequina Cohãcjũ mehna tiquina sa ijiducuatire yariutja yuhu. ¹⁶ Apequina oveja ape sahrĩno cãena yero saha ijiequina apequina masa gũhu yeequina ijietã. Tiquina gũhure neagutja. Sa ye yuhu yahuducugũ tãho cãeta tiquina gũhu. Sa ye yeequina ijipihtiyequina ihcã curuata ijietã. Sa yegu yuhu dihita yeequinare cohteitja, nidi Jesu.

¹⁷ Sa ni tuhasa ohõ saha ni nemori:

—Yeequina Cohãcjũ mehna tiquina sa ijiducuatire yariutja yuhu. Yuhu yariari bato masa maãagutja. Sa yeaçũ yuhu ijigũ yuhu Pacu yuhare cahĩne. ¹⁸ Yuhu wejẽ dutieragũ yuhare wejẽ masiedaboaya tiquina. Yuhu cahmeno sahata yuhare wejẽeta. Sa yegu yeequina Cohãcjũ mehna tiquina sa ijiducuatire yariutja. Yaria masiaja yuhu. Sa yegu masa maãa masiaja. Yuhu Pacu yuhare tireta ye dutiri, nidi Jesu.

¹⁹ Tiquiro sa nigũ tãhoye judio masa pua curua tu wari. Apequina sijoro tãhotu, apequina gũhu sijoro tãhoturi.

²⁰ —Tiquiro watĩno cuore. Sa yero tãho masiedare. ¿Dãhsena tiqirore pari turi tãhoajari msa? nidi apequina peyeequina judio masa.

²¹ Apequina pehe ohõ saha nidi:

—Watĩno cuoriquiro ijero sa ni yahuducueraboaya. Caperi bajueriquirore ihñagũ ye masiedare watĩnore cuoriquiro. Sa yero watĩnore cuorere Jesu, nidi apequina judio masa.

Judio masa Jesure cahmedahye

²² Ape deco usã acaye judio masa Jerusalẽpũ bõse deco yeye nidi pari turi. Cohãcjũ wãhure panopũ Cohãcjãre tiquina ohorire tiquina wacũati deco ijiri. Ti pjere pohẽcũ ijiri. ²³ Ti decore Salomo wame tiri tucũpũ Cohãcjũ wãhũpũ ijiri tucũpũ Jesu ihña tinino nidi. ²⁴ Ti tucũpũ tiqiro ijigũ ihñañe usã acaye judio masa tiqiro cahapũ cahmecoa, tiqirore sinituri.

—Yoabutiari pje usãre quehnoano yahueraga mũhu. Poto usãre quehnoano yahu madoqueohya mũhu. ¿Cohãcjũ ohorigu Cristota ijiajari mũhu? nidi tiquina Jesure.

²⁵ Tiquina sa nigũ tãhoro ohõ saha ni yãhtiri Jesu:

—Musare yahu tuhasamajagu. Yuhu sa yahuepegũta yuhare tãho duerare msa. Yuhu Pacu yuhare tiqiro dutiriro sahata tiqiro tutuaye mehna ye ihñaõaja. Sa yegu yuhu Cristo ijyereta musare ihñogu niaja. ²⁶ Yuhu sa ihñõpegũta yuhare tãho duerare msa. Msa pehe yeequina ijierare. Sa yena apequiro yequina oveja yero saha ijina, yuhu pehere tãhoerare msa. ²⁷ Ovejare cohteriquirore tiqiro yequina tiquina tãhoriro saha yuhare yeequina tãhore. Sa yegu tiquinare masiaja yuhu. Sa ye tiquina yuhu mehna wahare. ²⁸ Sa yegu ijipihtiyequina Cohãcjũ mehna ijigũ yeaja tiquinare. Sa ye tiquina pecapũ wahasi. Sa yegu yeequinare yuhu cohtegũ apequina pehe ne yuhare ehma masiedare yeequinare. ²⁹ Yuhu Pacu yuhare yeequinare ohoriquiro ijipihtiyequina yuhãoro tutuariquiro ijire. Sa ye yuhu Pacu pehe yeequinare tiqiro cohtegũ apequina pehe tiqiro gũhure ne ehma masiedare tiquinare. ³⁰ Yuhu, yuhu Pacu mehna ihcãta ijiaja, nidi Jesu judio masare.

³¹ Tiquiro sa nigũ tãhoye judio masa pehe tiqirore tiquina doque wejẽati utã pacare pari turi nemedi tã. ³² Tiquina sa yegũ ihñaõ Jesu sinituri tiquinare:

—Yuhu Pacu tutuaye mehna peye tahari ye ihñomi msa. ¿Dise boro pehere yuhu yeri buhiri yuhare utã paca mehna doque wejẽ duajari msa? ni sinituri Jesu.

³³ Tiquiro sa nigũ tãhoye ohõ saha nidi tiquina:

—Cohãcjũ tutuaye mehna mũhu ye ihñori buhiri mũhure utã mehna doque wejẽ dueraja usã. Cohãcjãre mũhu ñano yahuducuri buhiri mũhure utã paca mehna doque wejẽ duaja usã. Masũ ijiepegũta “Cohãcjũ ijiaja yuhu”, mũhu niñe buhiri mehna mũhure utã paca mehna doque wejẽ duaja usã, ni yãhtiri tiquina.

³⁴ Tiquina sa ni yãhtigũ tãhoro Jesu tiquinare yahuri:

—Msa gũhure “Cohãmana”, ni pisuri Cohãcjũ. Sata ni ojoahye tiqiro dutiyere tiquina ojoari pũpũ. ³⁵ Cohãcjũ yere tiquina ojoari pũ potota ijigũ mari masiaja. “Ni mehoñe ijire”, ti pũre ni masiedaja mari. Sa yero tiqiro yere tãhoyequinare potata tiqiro “Cohãmana”, ni pisure. ³⁶ Cohãcjũ yuhare besetjãno, ahri yehrapare ohori. Sa yegu yuhu “Cohãcjũ macũ ijiaja”, yuhu nidi buhiri “Cohãcjãre ñano yahuducuro nine Jesu”, nine msa yuhare. ¿Dãhsena yuhare sa najari msa? ³⁷ Yuhu Pacu tiqiro cahmediro sahata tiqiro tutuaye mehna yuhu ye ihñõdagũ pũritare yuhu buherire “Poto tjire” niedaboaga msa. ³⁸ Yuhu Pacu tiqiro tutuaye mehna yuhu ye ihñõpegũta yuhu pehere tãho duerare msa. Sa tãho duerapenata tiqiro tutuaye mehna yuhu

ye ihñogū ihñana yahu yerire “Poto tjire”, niña masa. Musa sa nina, yahu Pacu mehna usā ihcāno saha ijigū masinata masa. Sa yena tuhonata masa, nidi Jesu tiquinare.

³⁹ Tiquiro sa nigū tiquina pari turi tiquireore ñehe duamedí. Tiquina sa ñehe duagū ihñano tiquireo duhti wijiaa wahari.

⁴⁰ Sa wijiariquiroputa Ñu masare tiquireo wame ye mæhtariporæ Jordā asū mæja taro pehepæ pari turi Jesu wahari tja. Topæ esaro tojoa cãri tiquireo. ⁴¹ Sa ye masa peyequina tiquireore ihñañe esari. Ohō saha nidi tiquina basi:

—Ñu pehe Cohãcǔ tutuaye mehna ye ihñoadari. Sa ye ihñoadapegūta ijipihitiye Jesure tiquireo yahuri pehe queorota ijire, nidi masa tiquina basi.

⁴² Sa ye topære masa peyequina wacū tua dæcari Jesure.

11

Lázaro wame tiriquireo yariaa wahahye

¹ Sa ye Betania wame tiri maca cǔano Lázaro wame tiriquireo dohatiro niahye. Ti macapæ tiquireo wahmiosãnumia gūhu María, Marta mehna ijiri. ² María pehe Jesure ehme sitiye pio wisōaticoro, ticoro poari mehna tiquireore tu coseaticoro ijire. Ticoro bahuro Lázaro pehe dohatiro niahye. ³ Sa ye tiquina numia apequinare Jesure yahu dutiye ohoahye.

—Puhto, mæhu cahñiquiro dohatiro nine, ni yahu dutiye ohoahye Lázaro wahmiosãnumia.

⁴ Ti quitire tuhoro ohō saha nidi Jesu:

—Yojoþare Lázaro tiquireo dohatiye tiquireo yariati ijierare. Cohãcǔ tutuayere masare ihñootire yojoþare tiquireo dohatire. Sa ye yahu tutuagū yahu ijigū gūhure masa ihñæta, nidi Jesu.

⁵ Jesu Martare, ticoro bahoro gūhure, Lázaro gūhure tutuaro cahñi. ⁶ Sa nino Lázaro tiquireo dohatigū tæhoeperota topæ Jesu pua deco tojoari. ⁷ Pua deco bato Jesu ohō saha nidi usãre tiquireo buhenare:

—Pari turi Judea yehpapæ tojoa wahaahna tja, nidi usãre.

⁸ —Buhegū, canægãta judio masa mæhure utã paca mehna doque wejē duamedí. ¿Duhsegū pari turi tojoaa waha duajari mæhu? niñ usã pehe.

⁹ Usã sa nigū tuhoro tiquireore tiquina wejē masiedarĩne yahuro, queoye mehna buhero ohō saha nidi usãre:

—Pajiro tæhotueracãhña. Ihcã decore doce horari waro ijire. Asū deco cǔano ijigū quehnoano ihñaja mari. Sa yena decore tinina, ne pæha boraeraja mari. ¹⁰ Nahitianopæ tiniñequina pæha boraahare. Asū deco cǔano mariedagū quehnoano ihñedare tiquina, nidi Jesu. (Sa nino ohō

saha nino niahye: “Yojoþare yahu Pacu yere yahu yahu pehoato duhsarĩne. Sa ye yæhure wejē masiedarĩne”, nino niahye.)

¹¹ Sa nino usãre yahu nemori tja:

—Mari mehna cǔano Lázaro, carĩno niaga. Tiquiro sa carĩpegūta yahu tiquireore wahcōgu wahaatja, nidi usãre.

¹² —Puhto, Lázaro carĩniquiro ijiro, yuhdærota, niñ usã.

¹³ Usã sa niepegūta Jesu “Carĩno niaga”, nino “Yariaa wahare”, nino nidi jimedí. Tiquiro sa nigū tuhona “Lázaro soro niaga”, ni tuhotumi usã pehe. ¹⁴ Usã sa ni tuhogugū masino Jesu poto yahuri usãre:

—Lázaro yariaa wahaga. ¹⁵ Yahu marieno tiquireo yariagū quehnoarĩne. Sa yena masa yæhure wacū tutua nemonata. Isa mari ihñana wahaahna tiquireo cahapæ, nidi Jesu.

¹⁶ Tomasu sãhdæariquireo tiquina ni pisuriquireo ohō saha nidi usãre:

—Mari gūhu Jesu mehna wahaahna. Tiquireore wejēñe, mari gūhure wejēahdo, nidi Tomasu.

Jesu sa ijiducugū yeriquiro masare masoriquireo ijire

¹⁷ Sa ye topære usã esari bato to cǔena ohō saha ni yahuri Jesure:

—Pititia deco wahare Lázaro mænanore masa copepæ tiquina cūri bato, ni yahuri tiquireore.

¹⁸ Betania pehe Jerusalē cahapæ ihtia kilómetro yoaro ijiri. ¹⁹ Sa ye usã acaye judio masa peyequina Martare, María gūhure ñehe quea utiye ahtahye Lázaro yariari bato. ²⁰ Sa yero Jesu mehna usã esana tana yegū tuhoro Marta pehe usãre piti caro ahtari jiri. Ticoro sa piti caro wahagū María pehe tiquina ya wæhupæ tojoahye. ²¹ Sa piti caro Marta ohō saha nidi Jesure:

—Puhto, yahu bahū tiquireo yariato pano mæhu ohōpæ ijigū tiquireo yariaraboaya. ²² Yojoþæ gūhure Cohãcǔjære mæhu sini basagū tiquireo mæhu sinino sahata yerota, nidi Marta Jesure.

²³ —Mæhu bahū masa wijiarota, nidi Jesu ticorore.

²⁴ —Ahri yehpa pihtiatí deco tiquireo masa wijiatore masiaja yahu, nidi ticoro.

²⁵ Ticoro sa nigū Jesu yahuri tja:

—Yahu masa wijiaagū yegu tjiaja. Yæhure wacū tutuariquireo yariaperota sa ijiducurota. ²⁶ Sa ye ijipihitiyequina Cohãcǔ mehna ijiducuyequina yæhure wacū tutuayequina ne pecapæ wahasi. ¿Ahrire masiajari mæhu? nidi Jesu ticorore.

²⁷ —Puhto, masiaja yahu. Cristo Cohãcǔ macæ, “Ahri yehpapæ ahtarota”, tiquina nidigū mæhu ijigū masiaja yahu, nidi Marta Jesure.

*Lázaro masa cope cahap̄ esaro Jesu uti-
ahye*

²⁸ Marta sa ni tuhasa ticoro bahoro Mariare pijiro wahari.

—Marine buheriquiro mari ya macap̄are wihiri. Mũhare pijire, derogā ni yahuahye Mariare.

²⁹ Ticoro sa nigū tuhoro María sojaro mehna wahcāduca, usā cahap̄ ahtahye Jesure ihñano taro. ³⁰ Tiquina ya macap̄ esera nii usā. Marta ticoro piti carirop̄ ijini usā. ³¹ Judio masa ti wahap̄ Mariare ñehe quea utiye niahye. Sa ye ticoro wahagū ihñañe, tiquina ticorore nũnũ tã cāhye. “Ticoro bahoro mũnanore tiquina cūri copep̄ utiro waharo nine ticoro”, ni tuhutumahye tiquina. Sa ni tahotuye ticorore nũnũ tã cāhye.

³² Sa yero María usā cahap̄ wihiro, Jesure ihña, tiquiro dahpocāri cahap̄ dusepe curi mehna quehe sari.

—Puhto, yuhũ bahũ tiquiro yariato pano mũhũ ohõp̄ ijigũ tiquiro yarieraboaya, nidi ticoro Jesure.

³³ Sa yero judio masa ticoro mehna ahtariquina gāhũ tiquina utigũ ihñano Jesu pehe tutuaro bũjua witi ñano jeripohna tiri.

³⁴ —¿Lázaro mũnanore nohop̄ cohāri m̄asa? ni sinituri Jesu.

—Ihñan taya, ni piji cāri tiquina.

³⁵ Tiquina sa nigū tuhoro Jesu utiri.

³⁶ —Lázaro mũnanore Jesu tutuaro cahĩmeyari, nidi judio masa tiquina basi.

³⁷ Apequina pehe ohõ saha nidi:

—Caperi bajueriquirore ihñagũ yeriquiro ijire ahriquiro Jesu. ¿Sa yero Lázaro tiquiro yariato pano tiquirore yuhdũoeraboayari? nidi tiquina.

Lázaro masa wijiahye

³⁸ Sa yero Jesu pari turi tutuaro bũjua witi. Sa yena usā ijipihina Lázaro masa copep̄ esau. Utãp̄ tiquina seheri cope ijiri. Sa yero tiquiro pagure tiquina siõ sãa cūri cope ijiri. Sa yero ti cope pajiria utã mehna tiquina bihari cope ijiri.

³⁹ —Utã bihariare neña, nidi Jesu.

Tiquiro sa nigū tuhoro Marta yariariquiro mũnano wahmionõ ohõ saha nidi:

—Puhto, yojop̄ pitiia deco waha tuhasare tiquiro yariari bato. Sa yero tiquiro pagũ ijiriro wĩ yuhdũaga, nidi Jesure.

⁴⁰ —“Yuhũre wacũ tutuago Cohāc̄jũ tutuayere ihñagota”, mũhare nimigũ, nidi Jesu Martare.

⁴¹ Tiquiro sa nidi bato tiquina utã bihariare ne wiori. Tiquina sa nedi bato Jesu pehe uhm̄sep̄ ihña m̄uo, Cohāc̄jũre ohõ saha nidi:

—Mai, yuhũre mũhũ tuho tuhasari. Tire mũhũ yegũ masigũ bucueaja mũhũre.

⁴² Yuhũre mũhũ decoriye tuhoducure. Tire masiaja. Sa masiepegata yuhũ mũhũ ohorigũ yuhũ ijigũ ohõre ducuyequina tiquina masiatire mũhũre sa niaja. Tire “Potota ijire”, tiquina nino quehnoano sa nigũ niaja, nidi Jesu tiquiro Pac̄rore.

⁴³ Sa ni tuhasa Jesu tutuaro sañuducuri:

—Lázaro ahtaya, ni sañuducuri tiquiro.

⁴⁴ Tiquiro sa nigũ yariariquiro mũnano omocarine tiquiro dahpocāri gāhũre suhti cahseri mehna tiquina dũhtemediquiro, tiquiro dapure suhtiro mehna tiquina wahm̄mediquiro, masa copep̄ wijia tari.

—Tiquina dũhterire pãña tiquirore, nidi Jesu.

*Judio masa puhto pehe Jesure ñehe
duamahye*

(Mt 26.1-5; Mr 14.1-2; Lc 22.1-2)

⁴⁵ Tiquiro sa masogũ ihñañe peyequina judio masa mehna c̄jẽna María mehna ahtariquina Jesure wacũ tutua, cahmedi. ⁴⁶ Apequina tiquina mehna c̄jẽna pehe fariseo masa cahap̄ esaye, Jesu yerire yahuahye tiquinare. ⁴⁷⁻⁴⁸ Sa ye pahia puhto, fariseo masa puhto gāhũ cahmeco, tiquina basi ohõ saha ni yahuducuahye:

—Jesu peye tahari Cohāc̄jũ tutuaye mehna ye ihñore. Tiquiro sa ye ihñogũ “Tire yeracãhña”, mari niedagũ ijipihitiyequina masa tiquirore cahmeñe, tiquiro mehna wahaboaga. Sa ye Roma c̄jẽna puhto Cohāc̄jũ mũhũre cohā dutiye ohoeta tiquina yequina surarare. Mari ya dihta gāhũre ehmaeta tiquina. (Mari ya dihta c̄jẽna Jesure tiquina puhtoro cũgũ ihñañe Roma c̄jẽna puhto “Marine cohāñe nine”, ni usua ñano yeeta marine.) ¿Sa yena dũhse yenatari yojop̄re? ni yahuducuahye tiquina basi.

⁴⁹ Tiquina sa niepegata apequiro Caifa wame tiriquiro ti cahmare pahia puhtoro ijiro, tiquinare yahuahye:

—Musa pehe ne masiedare. ⁵⁰ Judio masa ijipihina mari ye ijiatire ihcāquiro masano tiquiro yariagũ quehnoare. Tiquiro yari-eragũ marine ijipihina judio masare cohā peho cãoaga. Tire m̄asa masiedare, niahye Caifa tiquinare.

⁵¹ Sa nino tiquiro esa tuharo sa nino niedahye. Pahia puhtoro tiquiro ijigũ judio masa ye ijiatire Jesu yariatire mari Pac̄u pehe Caifare sa ni yahu dutiahye. ⁵² Jesu yariaro judio masa dihitaro yuhdũoro taro niedare. Sa yariaro ijipihitiyequina Cohāc̄jũ pohnene ahri yehp̄ap̄ iji sitयेequina gāhũre ihcā curuata ijigũ yeatire yariati-
tiquiro ijiri Jesu. ⁵³ Sa ye ti decota tiquina “¿Jesure dũhse ye wejẽnatari mari?” ni yahuducuye, tiquirore wejẽne tee niahye.

⁵⁴ Tiquina sa wejẽ duagũ masino Jesu peyequina judio masa watoo pari turi

tinino wahaerari. Sa yero masa marieno cahagá Efraí wame tiri macapú usäre siho wahari. Usäre ti maca siho tojoarídi Jesu.

⁵⁵ Ti pjere pascua bose decori usä judio masa usä bose decori ijiato mehenogá duhsatjáiri. Sa ye bose deco panogá masa peyequina apeye macari cjéna Jerusalépu cahmeoari. Pascua cjéne tiquina ihyato pano Cohäcjü yere yeye tehe, tiquina cahmomohnore cohoro saha tiquina ñañene cosee tee nidi. ⁵⁶ Sa ye tiquina Jesure macañe niahye. Sa ye Cohäcjü wuhupú ijiyequina ohó saha ni yahuducuahe:

—¿Bose decore ihñano ahtaeraboari Jesu, masa tuhótugü? niahye tiquina basi.

⁵⁷ Sa ye pahia puhtoá, fariseo masa gáhu ohó saha ni yahu dutiahye masare:

—Jesu wihigü ihñana, yahuya usäre. Tiquirore ñehena tana niaja, niahye puhtoá masare.

12

María Jesu dahpocárine ehme sitiye mehna pio peoahye

(Mt 26.6-13; Mr 14.3-9)

¹ Jesu, usä tiquiro buhena mehna Betaniapú usä esari bato pascua deco esato seis decori waro duhsarídi. Lázaro Jesu masoriquiro ti maca cjáno ijiri. ² Usä esari bato Jesu gáhu usä ihyatire dahreri apequina. Sa ye Lázaro, Jesu, usä mehna mesa cahapú nuju sau. Usä sa nuju sari bato Marta ihyayere peori usäre. ³ Sa yero María ehme sitiye uhsero nardo wame tiye cohorí uhsero kilo deco mehna ne cáhta Jesu dahpocárine pio peori. Ti uhse wapa ti yuhduari. Pio peo tuhasa ticoro poari mehna wuori. Ticoro sa pio peori bato ti wáhu quehnoano ehme siti sehsoa wahari. ⁴ Usä mehna cjáno, Jesure ihña tuhtiyequinare ihñoatiquiro Juda Iscariote pehe ohó saha nidi:

⁵ —¿Duhse yero ahricoro sa ye siteajari? Tire ticoro duaboaya. Tire duaro tres cientos niñeru cjoerire wapataboaya. Sa yero ticoro ti niñerure pejecuoyequinare ohoboaya, nidi tiquiro.

⁶ Juda pehe pejecuoyequinare yedoho duerari. Tiquiro usä niñerure ihbo basariquiro ijeperota yaqueriquiro ijiri. Sa yero tiquiro usä niñerure ihquē tahari ne mujari. Sa yero “Ti niñerure neitja”, nino, sa nidi Mariare tiquiro.

⁷ Tiquiro sa nigü tuhoro ohó saha nidi Jesu:

—Sa niedacáhña ticorore. Ticoro ehme sitiye yuhare ticoro duharire yuhare pio peori, yuhare tiquina yato pano yuhá pagure quehnoyuro. Pejecuoyequina pehe masa mehna sa ijiducuetá. Sa yena tiquinare oho masine masa. ⁸ Yuhá pehe

ahri yehpapure masa mehna sa ijiducusi, nidi Jesu.

Pahia puhtoá Lázaro wejé duahye

⁹ Sa ye Jesu Betaniapú tiquiro ijigü tuhoye, usä acaye judio masa peyequina tiquirore ihñañe ahtari. Tiquiro dihítare ihñañe ahtaye niedari. Lázaro yariamediquirore Jesu masoriquirore tiquiro gáhure ihñañe ahtaye nidi. ¹⁰ Tiquina ihñañe esarire masiñe, pahia puhtoá Lázaro gáhure wejé duari. ¹¹ Lázaro yariamediquiro Jesu masoriquiro ijigü ihñañe peyequina masa Jesure wacü tutuari. Tiquiro sa masogü ihñañe peyequina judio masa tiquina pahia ye buhaye pehere duhu cári. Tiquina sa duhugü ihñañe pahia puhtoá pehe usua yuhdaye Lázaro wejé duari.

Jerusalépu esahye Jesu

(Mt 21.1-11; Mr 11.1-11; Lc 19.28-40)

¹² Pascua bose decore tiquina yegü peyequina masa Jerusalépu ihñañe wahari jiri. Ape deco Jerusalépu Jesu ahtatire masa tuhori. ¹³ Sa ye iquí pohnarine ne cá, tiquirore piti caye wahari. Sa piti caye ohó saha ni sañuducuri tiquina:

—Ahriquiroro ño peoahna. Ahriquiroro Cohäcjü ohoriquiro quehnoano ijiaho. Ahriquiroro judio masa mari puhtoro tjire, ni sañuducuri tiquina.

¹⁴ Jesu burrogá tiquiro bocariquirogá bui pesari. “Ohó sahata yerota”, ni ojoahye Cohäcjü yere tiquina ojoari püpu:

¹⁵ Jerusalé wame tiri maca cjána, cueracáhña masa. Ihñaña. Masa puhtoro burrogá bui pesa cáhtare, ni yahuahye Cohäcjü yere tiquina ojoari püpu.

¹⁶ “Tiquina sa ni ojoari Jesure nino nia-aga”, ni, usä tiquiro buhena quehnoano masiedarí. Sa masiedapenata uhmusepu Jesu mujari bato usä ti ojoarire wacü boca tuho masii. Ohó saha ni tuhottu: “Cohäcjü yere tiquina ojoari pü pehe Jesure yahuro nimeya. Sa ye Cohäcjü yere tiquina ojoari pü nidiro sahata yeri masa Jesure”, ni tuhottu, masii usä.

¹⁷ Lázaro masa copepu ijiriquirore Jesu pisu masogü ihñariquina pehe yahuri masare. ¹⁸ Sa ye Lázaro Jesu masorire tuhori bato masa peyequina Jesure ihñañe ahtari. ¹⁹ Tiquina sa ahtagü ihñañe fariseo masa tiquina basi ohó saha niahye:

—Ijipihtiyequina Jesu yequina dihita waha ye nine yojoypure. Sa yena mari duhse ye masiedaga tiquinare, niahye fariseo masa tiquina basi.

Meheñequinagá griego masa Jesure maca cáhtahye

²⁰ Sa ye bose deco Cohäcjüre ño peoye ahtayequina mehna cjéna meheñequinagá

griego masa ijiri. ²¹ Sa ye tiquina Felipe cahapu wihiahye. Felipe pehe Betsaida wame tiri maca Galilea yehpapu ijiri maca cjano ijiri. Sa ye tiquiro cahapu wihiriquina ohō saha niahye tiquirore:

—Jesure ihña duaga usā, niahye tiquina.

²² Tiquina sa nigū tūhoro Felipe Andrepure tire yahuro wahahye. Sa ye tiquina p̄aro Jesure yahuri. ²³ Tiquina sa ni yahuri bato Jesu tiquinare yahuri:

—Yūhu masu Cohācjū ohorigu ijjaja. Yūhure ijipihitiyequina tiquina ño peoati pje yojopure ijirota nine. Yojopure yūhu yariati pje ijirota nine. ²⁴ Potota masare yahugu niaja. Oteri pjere yehpapu mari yaeragū, ti pjere mari oteragū ihcā pjeta tojoarota. Sa yero ti pjere mari yari bato pihni, daca tirota. (Sata yūhu yariati bato yūhure tiquina yari bato peyequina masare Cohācjū mehna sa ijiducuatiquina ijjū yeitja yūhu.) ²⁵ Ahri yehpapu masa ijijere pajiro tuhotuboaga masa. Sa tuhotuna Cohācjūre wacūedana, pecapu wahanata masa. Ahri yehpapu masa ijijere sa tuhotu cāna, Cohācjū mehna sa ijiducunata. ²⁶ Yeere ye duana yūhu buheyere quehnoano tūhoya masa. Masa sa yena masa gūhu yūhu ijiorpu ijinata. Yeere yeriquirore yūhu Pacu pehe ño peorota, nidi Jesu.

Jesu tiquiro yariatore yahuahye

²⁷ Sa ni tuhasa ohō saha ni nemori:

—Yojopure yūhu ñano jeripohna tiaja. ¿Yūhu Pacure dahse nigutari yūhu? ¿“Mai, yūhu ñano yūhduatire yeracāhña yūhure”, niboagari yūhu? Tire niedaja yūhu. Ñano yūhduacjata ahri yehpapu ahtau. Sa yero yūhu ñano yūhduati pje yojopure ijirota nine, ni yahuri usāre tiquiro buhenare.

²⁸ Sa yero ohō saha nidi tiquiro Pacurore:

—Mai, mahū tutuagu ijijere yojopure ihñofna masare, nidi Jesu tiquiro Pacurore.

Tiquiro sa nigū ahmusepu yahuducuro ca tari:

—Tutuagu yūhu ijijere masare ihño tuhasau. Yojopure sa yegu pari turi ihñoutja masare, nino ca tari.

²⁹ Tiquiro sa nigū tūhoye topu ducuyequina masa peyequina ohō saha nidi:

—Uro ijiaga sa bisiro, nidi masa.

—Angel Jesure yahuro nidi, nidi apequina masa.

³⁰ Ohō saha nidi Jesu pehe:

—Uhmusepu sa bisiro yūhure tūho dutiro niedari. Masa pehere tūho dutiro sa bisiro ca tari. ³¹ Yojopure ahri yehpa cjēna tiquina ñañe yeri buhirire buhiri dahrerota tiquinare. Ahri yehpa cjēna puhtoro watūnore cohānota Cohācjū. ³² Sa yegu yūhure curusapu tiquina wahcō docogū

peyequina masare yeequina ijiatiquinare yeitja yūhu, nidi Jesu.

³³ Sa nino curusapu tiquiro yariatore yahuro nidi Jesu masare. ³⁴ Tiquiro sa nigū tūhoye masa pehe tiquirore ohō saha nidi:

—Cohācjū yere tiquina ojoari pūpu ohō saha nine: “Cristo ijipihitiye decori ijirota”, ni ojoahye. ¿Tiquiro sa ni ojoagū mūhure masare Cohācjū ohorigure dahse yeye curusapu wahcō docoetari masa mūhure? ¿Masano Cohācjū ohoriquiro noa ijjajari tiquiro? ni sinituri tiquina.

³⁵ Tiquina sa nigū ohō saha ni yūhtiri Jesu:

—Buhriro mehna mari ihña masigū yero saha masare Cohācjū yere quehnoano masigū yeaja yūhu. Came cjūnogā masa mehna ijisi yūhu. Mūhare yūhu buhegū yojopure tūhoya masa “Ñañe yeari”, nina, Cohācjū mehna masa sa ijiducuatire. Yūhu buheyere tūhoeyequina nahitiano tiniñequina yero saha tiquina wahatore masiedare. ³⁶ Sa yegu buhriro yero saha ijjū ijjaja yūhu. Sa yegu mūhare buhegū Cohācjū yere quehnoano masigū yeaja mūhare. Yojopure yūhu wahato pano yūhure wacū tutuaya. Sa wacū tutuana yeequina ijinata masa, nidi Jesu.

Sa ni yahu tuhasa duhti cāa wahari.

Judio masa Jesure cahmedahye

³⁷ Peye tahari Cohācjū tutuaye mehna tiquinare Jesu tiquiro ye ihñoepegūta peyequina judio masa tiquirore ne tūho duerari.

³⁸ Cohācjū yere tiquina ojoari pūpu Isaia mūnano tiquiro ojoariro sahata yeye nidi tiquina. Ohō saha ni ojoahye Isaia mūnano: Cohācjū, mahū buheyere usā yahugū masa ne tūho duerare. Mahū tutuayere tiquinare mahū ye ihñoepegūta, tire “Poto ijjerare”, nidi tiquina, ni ojoahye Isaia mūnano.

³⁹ Tiquina sa tūho dueragū ihñano Cohācjū tiquinare masiedagū yeri. Ti gūhure Isaia mūnano ohō saha ni ojoahye:

⁴⁰ Caperi bajueyequina yero saha ijjū yee tiahye Cohācjū tiquinare. Sa yero tiquiro yere masiedagū yee tiahye tiquinare. Sa ye tiquiro tutuayere ihñāepeta tiquina ihñārire masiedare. Sa ye tiquiro buheyere tūhoepepe tire masiedare tiquina. Cohācjū ye buheyere masiñe tiquina ñañe yerire cohā dutiboaya. Sa yero tiquinare yūhduoboaya tiquiro, ni ojoahye Isaia mūnano Cohācjū yere tiquina ojoari pūpu.

⁴¹ Sa ni ojoaro Isaia Cristo tutuayere masino tiquiro nidiro sahata Cristore yahu ojoahye.

⁴² Apequina Jesure tiquina cahmedapegūta judio masa usā puhtoa mehna cjēna peyequina Jesure wacū tutua, cahmedi.

Sa cahmepeta tiquina fariseo masare cueye apequnare “Jesu yequina wahau usã”, ni yahu duerari. Tire tiquina yahugã tuhoye Jesure tiquina cahmedi buhiri judio masa usã buheri wãhupã tiquinare sajã dutieraboaga fariseo masa pehe. ⁴³ Cohãcãre bucuegã ye duepeta ti yãhdũoro fariseo masa pehere bucuegã ye duari Jesure cahme ducayequina. Sa ye tiquina “Jesu yequina wahau”, ni apequnare yahu duerari.

Jesu yahuyere tiquina tuho duerari buhiri masa buhiri tieta

⁴⁴ Sa ye Jesu tutuaro saũuducu, yahuri: –Yũhare wacũ tutuariquiro yũhũ dihitarẽ wacũ tutuerare. Yũhare ohoriquiro gãhũre wacũ tutuare tiquiro. ⁴⁵ Sa ye yũhare masifequina yũhare ohoriquiro gãhũre masine. ⁴⁶ Buhriro mehna mari ihãa masigũ yero saha ahri yehpapã Cohãcã yere masigũ yei ahtaũ nii yũhũ. Sa yegũ Cohãcã yere masare masigũ yeaja. Ihcãquiro nahitiano wahariquiro yero saha ñañene yeducure. Yũhare wacũ tutuariquiro tiquiro yero saha yesi. Yũhare wacũ tutuariquiro potota tuhoro. ⁴⁷ Apequna yũhũ yahuyere tuhoepeta yũhũ nidiro saha yerare. Tiquina sa yerapegãta tiquina yerari buhirire buhiri dahresi yũhũ pehe tiquinare. Ahri yehpapãre buhiri dahregũ ahtagũ niedũ yũhũ. Ahri yehpa cãenare pecarpã wahaboriquinare yãhdũoacã ahtagũ nii yũhũ. ⁴⁸ Yũhare cahmeeñequina, yũhũ yahuyere gãhũre cahmeeñequina buhiri dahrenohatiquina ijeta. Tiquina yũhũ yahuyere tiquina tuhoerari buhiri ahri yehpa pihtiri deco ijigãpã buhiri tieta. ⁴⁹ Yũhũ esa tuhoro yeraja. Yũhũ Pacũ yũhare ohoriquiro pehe yũhare yahu dutiri. Sa yero yũhũ yahuyere pehe tiquiro ye yahuducuyere ijire. ⁵⁰ Tiquiro ye yahuducuyere tuhona Cohãcã mehna sa ijiducunata musa. Sa yegũ yũhũ Pacũ tiquiro yahu dutiriro sahata yahuaja musare, nidi Jesu.

13

Jesu buheyequina dahpocãrine coseahye tiquiro

¹ Sa ye pascua deco bose deco panogã ahri yehpare tiquiro cohã cãtore tiquiro Pacũro cahapũ tiquiro wahatore masidi Jesu. Sa yero ahri yehpa cãenare tiquiro yequinare tiquiro tutuaro cahĩdi tiquina mehna tiquiro ijiro puno. Sa cahĩducure tiquiro yequinare.

² Ti ñamine Jesu usã tiquiro buhena mehna usã ihyagũ Juda Iscariotere Simo macunore Jesure ihãa tuhtiequinare ihũo duti tuhasari jiri watĩno pehe. ³ Sa yero mari Pacũ Cohãcã Jesure ijiphtiequina

bui tiquiro pãhtoro sãrire masidi Jesu. Sa yero Cohãcã cahapũ tiquiro ahtarire came ahmãsepũ tiquiro møjati gãhũre masidi.

⁴ Sa masino wahcãdũca, tiquiro suhtiro bui cããnore tu we ne, tore cũ tuhasa, suhtiro cahsero mehna tiquiro pari yũhũ dahteri.

⁵ Dũhte tuhasa, waparopũ acore pio sãa, usã tiquiro buhena dahpocãrine cose ducari. Usãre cose tuhasa tiquiro dahteri cahsero mehna wãori usã dahpocãrine.

⁶ Apequna buheyequinare cose cã, Simo Pedropãre esari. Tiquiro dahpocãrine tiquiro coseato pano Pedro pehe tiquirore ohõ saha nidi:

–¿Pũhto, yũhũ dahpocãrine cosegũ tũũ ni-ajari mũhũ? nidi Pedro Jesure.

⁷ –Mianogã mũhũre yũhũ yeatire masiedare mũhũ. Sa masiedapegãta camerũ masiita mũhũ, nidi Jesu tiquirore.

⁸ –Yũhũ dahpocãrine ne cosesi mũhũ, nidi Pedro.

–Mũhũre yũhũ coseragũ yaquiro ijisi mũhũ, nidi Jesu.

⁹ –Pũhto, yũhũ dahpocãri dihitarẽ coseracãhã. Yũhũ dahpocãrine, yũhũ omocarine, yũhũ dapũ gãhũre coseya, nidi Pedro.

¹⁰ Tiquiro sa nigũ Jesu queoye mehna buhero ohõ saha nidi:

–Ihcãquiro masũno cuhsaro tiquiro pagãre quehnoano tu cose pehore. Sa yero pari turi tiquirore tu cosero cahmedare. Tiquiro dahpocãri dihitarẽ tu cosero cahmene. Ijiphtina masa ñañe yerire cose-rina masa ijiepegãta ihcãquiro musa mehna cããno tiquiro ñañene cosemehnediquiro ijire, nidi Jesu.

¹¹ Jesu tiquirore ihãa tuhtiequinare ihũoatiquirore masidi: Sa masino “Ihcãquiro musa mehna cããno tiquiro ñañene cosemehnediquiro ijire”, nidi.

¹² Usã dahpocãrine cose tuhasa, tiquiro suhtirore saña tuhasa, nuju sari tiquiro du-jiriropãta.

–¿Mianogã musare yũhũ yerire masiajari musa? ¹³ Musa yũhare “Buhegu”, ni pisuna, “Pũhto”, ni pisuna poto ninata nine musa yũhare. Musare buhegu, musa pũhto potota ijiaja yũhũ. ¹⁴ Sa yena yũhũ musare buhegu, musa pũhto ijiepegãta musa dahpocãrine yũhũ cosegũ ihãana musa gãhũ musa mehna cããna dahpocãrine coseya. ¹⁵ Mianogã musa yeatire musare ihũo. Musa mehna cãenare musa yedohoatire ihũo. Musare yũhũ yeriro sahata musa gãhũ yeya. ¹⁶ Ijirota niaja musare. Musa yũhũ cahacãena yero saha ijina yũhũ bui ijierare. Musare buhe duti yũhũ ohorina ijire musa. Sa yena yũhũ bui ijierare musa. Sa yegũ “Yũhũ yeriro sahata yeya”, nii musare. ¹⁷ Ahrire masina, yũhũ dutiyere yena, bucuena ijinata musa.

¹⁸ Musare ijiphtinare sa niedaja. Yũhũ beseriquinare masiaja yũhũ. Cohãcã

tiqiro yere tiquina ojoari p̄p̄u tiqiro ni ojoariro sahata waharota. “Yuh̄u mehna ihyariquirota yuh̄ure wejē duari”, ni ojoahye Cohācjū yere tiquina ojoari p̄p̄u. ¹⁹ Tiquiro sa yeato pano ahrire yahuyuga niaja musare. Yuh̄ure tiqiro sa yeri bato, “Jesuta Cristo Cohācjū ohoriquirota ijire”, musa niatire ahrire musare yahuyuga niaja yuh̄u. ²⁰ Ijirota musare niaja. Yuh̄u ohoriquinare cahmediquiro yuh̄u gāhure cahmene tiqiro. Sa yero yuh̄ure cahmediquiro yuh̄ure ohoriquiro gāhure cahmene tiqiro, nidi Jesu usāre tiqiro buhenare.

Juda Jesure ih̄ña tuhtiyequinare tiqiro ih̄ñootore yahuahye Jesu

(Mt 26.20-25; Mr 14.17-21; Lc 22.21-23)

²¹ Sa ni yahu tuhasa Jesu tutuaro bujua witi. Sa bujua witiro yahuri tiqiro usāre.

—Ijrota musare niaja. Ihcāquiro musa mehna cjēno yuh̄ure ih̄ña tuhtiyequinare yuh̄ure ih̄ñonota, nidi Jesu.

²² Tiquiro sa nigū tuhona Jesure ih̄ñootiquore masiedana, usā basi cahme ih̄ñau. ²³ Jesu buheyequina mehna cjū yuh̄u, Jesu cahidigu ijii. Sa yegu tiqiro cahap̄u pari paha dujii. ²⁴ Sa yero Simo Pedro yuh̄ure tiqiro omoca mehna sinituri:

—¿Jesure ih̄ñootiquiro noa pehere nino niajari Jesu? Yahuya usāre, nino, tiqiro omoca mehna sinituri Pedro.

²⁵ Tiquiro sa nigū yuh̄u pehe Jesu cahap̄u dujirigu sinituu tiqirore:

—¿Pahto, noare nigū niajari m̄h̄u? ni yuh̄u.

²⁶ —Ahria pāre dahra waha ne, yuh̄u ña mio yuh̄u ohoatiquiro pehe tiqirota ijire yuh̄ure ih̄ñootiquiro, nidi Jesu.

Sa ni tuhasa pāre tiqiro dahra waha nedirore ña mio tuhasa tire Simo Iscariote macunore Judare ohori. ²⁷ Sa yero pāre tiqiro ñehedi bato wafino pehe Judare ñano ye dutiri jiri. Sa yero Jesu tiqirore ohō saha nidi:

—M̄h̄u yeatore sojaro mehna ye madoqueohya m̄h̄u, nidi Jesu Judare.

²⁸ Tiquiro sa nigū tuhona usā mesap̄u dujina, Jesu Judare tiqiro nidire quehnoano masieda. ²⁹ Ihquēquina ohō saha ni tuhotumi: “Juda usā niñerure ihboriquiro ijire. Sa yero bose deco usā ihyatire dū dutiro ohori Jesu Judare. O pejecuoyequinare niñerure oho dutiro niboaga Jesu”, ni tuhotumi usā ihquēquina. ³⁰ Sa yero Juda ti pāre ñehē tuhasa, wijiaa wahari. Tiquiro wijiarī pje ñami ijiri.

Wahma dutirore yahuahye Jesu

³¹ Tiquiro wijiarī bato ohō saha nidi Jesu:

—Yojoṗu pūritare yuh̄u masu Cohācjū ohorigu yuh̄u tutuagu yuh̄u ijiye tiyere ih̄ñonota Cohācjū masare. Sa yegu Cohācjū

tiqiro tutuariquiro ijiyere ih̄ñoutja yuh̄u pehe. ³² Sa yegu Cohācjū tiqiro tutuayere yuh̄u ih̄ñogū tiqiro pehe yuh̄u tutuaye gāhure yojoṗu pūritare ih̄ño madoqueorota. ³³ Yuh̄u pohna yuh̄ure tuhoya. Meheñe decorigā musa mehna ijinigutja. Yuh̄u wahari bato yuh̄ure macanata musa. Sa yegu mari acaye judio masare yuh̄u nidiro sahata musa gāhure niaja. “Yuh̄u wahatore musa pehe waha masiedare”, tiquinare yuh̄u nidiro sahata musa gāhure yahuaja. ³⁴ Wahma dutirore musare yahugutja. Musa mehna cjēnare cahña musa. Musare yuh̄u cahidiro sahata, musa mehna cjēnare cahña. ³⁵ Sa yena musa mehna cjēnare musa cahīgū ih̄ñañe, yeequina musa ijiyere masieta apequina, nidi Jesu usāre.

“Jesure masiedaja”, Pedro tiqiro niatire yahuahye Jesu

(Mt 26.31-35; Mr 14.27-31; Lc 22.31-34)

³⁶ Tiquiro sa nigū Simo Pedro Jesure sinituri:

—¿Pahto, nohoṗu wahaṗtjari m̄h̄u? nidi Pedro.

—Yuh̄u wahatorpare yojoṗure yuh̄u mehna waha masiedare m̄h̄u. Yojoṗure waha masiedapeta came yuh̄u cahap̄u wahaṗta m̄h̄u, nidi Jesu Pedroro.

³⁷ —¿Pahto, duhsegu yojoṗure m̄h̄u mehna waha masiedaboari yuh̄u? Yuh̄ure tiquina wejē duepegūta m̄h̄ure ne duhosi yuh̄u, nidi Pedro Jesure.

³⁸ —¿Yuh̄ure ne duhueragutari m̄h̄u? Poto m̄h̄ure yahutja. Canaca tiqiro yahuato pano “Jesure masiedaja”, niita m̄h̄u apequinare. Ihtia taha sa niita m̄h̄u, nidi Jesu Pedroro.

14

Jesu Cohācjū cahap̄u wahari maha yero saha ijire

¹ Came Jesu usāre ohō saha ni yahuri:

—Ne bujua witi, pajiro wacūdecāhña. Cohācjūre wacū tutuaya. ² Yuh̄u Pacu tiqiro ijiropure peye wuhuse ijire. Musa ijiatore quehnoyugu wahagutja. Ti ijirota ijire. Sa yegu musare tire yahuaja. ³ Sa yegu musa ijiatore quehno tuhasa, tojoa tautja yuh̄u. Sa yegu yuh̄u cahap̄u musa ijiatire musare negu ahtaṗta yuh̄u. ⁴ Sa yena yuh̄u wahati mahare masine musa, nidi Jesu usāre tiqiro buhenare.

⁵ —Pahto, m̄h̄u wahatore masiedaja usā. ¿Sa yena duhse ye m̄h̄u wahati mahare masinatari usā? ni sinituri Tomasu Jesure.

⁶ Tiquiro sa ni sinitugū Jesu yuh̄tiri:

—Cohācjū cahap̄u wahagū yegu ijiita niaja yuh̄u. Sa yegu poto ijiyere yahugu ijiita niaja yuh̄u. Sa yegu ahmaseṗure catiducugū yegu ijiita niaja yuh̄u. Sa ye yeequina dihta yuh̄u

Pacu cahapu wahaeta. ⁷ Yuhare masina, yuhu Pacu gũhare masiboya musa. Yojoþare tiqirore ihñari musa. Sa yena tiqirore masi tuhasare musa, nidi Jesu usãre.

⁸ Tiquiro sa nigũ Felipe ohõ saha nidi:

–Puhto, mari Pacure ihñõña usãre. To punota ihña duaja usã, nidi tiqiro.

⁹ Tiquiro sa nigũ Jesu yahuri:

–¿Felipe, yoari pje yuhu mehna ijiepeguta, mũhu masiedajari yuhare? Yuhare ihñariqiro yuhu Pacu gũhare ihña tuhasari. ¿Sa yegu “Mari Pacure ihñõña usãre”, nigũ dahsegu sa nijari mũhu yuhare? ¹⁰ Yuhu, yuhu Pacu mehna puana ijiepenata ihcũta ijiaja. ¿Tire “Poto ijierare”, niimeje nijari mũhu? Musare yahugu yuhu esa tuharo yahugu niedaja. Yuhu Pacure yahu basagu niaja. Sa yero tiqiro yuhu mehna ijiriqiro tiqiro tutuaye mehna ye ihñõre. ¹¹ Yuhu, yuhu Pacu mehna puana ijiepenata ihcũta ijiaja. Tire “Ijirota ijire”, ni wacũña musa. Tire “Ijirota ijire”, niedana, Cohãcjũ tutuaye mehna yuhu ye ihñõre wacũna, yuhu Pacu mehna yuhu ihcũta ijyere “Ijirota ijire”, ni wacũña musa. ¹² Ijirota musare niaja. Yuhare wacũ tutuariqiro yuhu yeriro sahata yerota. Sa yero tiqiro pehe yuhu yuhũoro yerota. Yuhu Pacu cahapu tojoa wahaũ tũ niaja yojoþare. Sa yero yuhare wacũ tutuariqiro yuhu yuhũoro Cohãcjũ tutuaye mehna ye ihñõnata. ¹³ Sa yegu yuhare wacũ tutuayequina tiquina sinino punota yeitja. Sa yegu yuhu Pacu tiqiro tutuariqiro ijyere ihñõutja. ¹⁴ Yuhare wacũ tutuana musa ijigũ musa sinino punota yeitja, nidi Jesu.

–*Espõritu Santore musare ohoutja, ni yahuahye Jesu*

¹⁵ Sa ni tuhasa ohõ saha ni nemori:

–Yuhare musa cahõna, yuhu dutiyere quehnoano ye pehonata. ¹⁶ Yuhu Pacure siniitja. Yuhu sa sinigũ yuhu Pacu pehe apequirore musare yedohatiquirore musare ohorota. Sa yero tiqiro musare yedohatiquiro pehe ijipihtiye decori musa mehna ijirota. ¹⁷ Tiquiro poto yahuriqiro Espõritu Santota ijire. Ahri yehpa cjẽna pehe Espõritu Santore masiedare. Sa ye tiqirore cõo masiedare. Tiquirota musa mehna ijirota. Sa yena musa pehe tiqirore cõonata. Sa yena tiqirore masine musa. ¹⁸ Musare cohãsi yuhu. Musa mehna ijigũ tagu, tojoa taũtja yuhu. ¹⁹ Sa ijiepegũta mehenogã dahsare yuhu wahato. Yuhu wahari bato ahri yehpa cjẽna yuhare wacũ tutuayequina yuhare pari turi ihñasi. Musa pehe yuhare ihñanata. Yuhu catigu ijigũ musa gũhu ijipihtiye decori Cohãcjũ mehna catinata. ²⁰ Ti deco yuhu tojoa tati deco yuhu Pacu mehna ihcũta usã ijigũ masinata musa. Sa yegu yuhu mehna cjãna musa

ijigũ musa mehna cjã yuhu ijigũ gũhare masinata musa. ²¹ Yuhu dutiyere yeriquiro yuhare cahñiquirota ijire. Sa yero yuhare cahñiquirore yuhu Pacu pehe cahñõta. Sa yegu yuhu gũhu tiqirore cahñitja. Sa ye yuhare quehnoano masigũ yeitja tiqirore, nidi Jesu usãre tiqiro buhenare.

²² Usã mehna cjãno apequiro Juda wame tiriqiro ijiri. Juda Iscariote Jesure ihña tuhtiyequinare ihñõatiquiro ijierari tiqiro. Apequiro Juda ijiri. Sa yero tiqiro Jesure sinituri:

–¿Puhto, dahse yeitjari mũhu usãre sa nigũ? ¿Ahri yehpa cjẽnare mũhare masigũ yeragu, yabere yeitari mũhu usã dihitare mũhare masigũ yegu? ni sinituri Juda.

²³ Tiquiro sa nigũ tuhorõ Jesu tiqirore yahuri:

–Yuhare cahñequina, yuhu dutiyere quehnoano yeye nine. Tiquina sa yegũ yuhu Pacu pehe tiquinare cahñõta. Sa yena tiquina mehna ijina ahtanaña usã. ²⁴ Yuhare cahñiquiro yuhu dutiyere yerare. Sa ye yuhu yahuye musa tuhõri pehe yee yahuye ijierare. Yuhare ohoriqiro ye yahuye pehe ijire. Tiquiro yuhu Pacuta ijire.

²⁵ Musa mehna ijinigũ ahrire musare yahugu niaja. ²⁶ Came yuhu sinigũ yuhu Pacu Espõritu Santore ohorota musare. Sa yero Espõritu Santo pehe musare yedohatiquiro ijiro, musare buhe pehorota tiqiro. Sa yero musare yuhu yahurire musare wacũgũ yerota tiqiro.

²⁷ Musare quehnoano ijigũ yeitja yuhu. Yuhu quehnoano ijiriro sahata quehnoano ijigũ yeitja yuhu musare. Ahri yehpa cjẽna tiquina ni mehoriro sahata yesi yuhu musare. Yuhu pũrita potota quehnoano ijigũ yeitja musare. Bũjua witi pajiro wacũedacãhña musa. Sa yena cueracãhña musa. ²⁸ “Yuhu wahautja. Sa yegu musa mehna ijigũ tagu tojoa taũtja”, musare yuhu sa ni yahugũ tuho tuhasari musa. Tire tuhona, bucueboaya musa. Yuhare musa poto cahõna, bucueboaya musa. Yuhu Pacu pehe yuhu yuhũoro tutuare. Sa yena tiqiro cahapu yuhu wahatore musa masidi bato yuhare cahõna, bucueboaya musa. ²⁹ Musa yuhare wacũ tutuatire yuhu wahatore yahuyugu niaja musare.

³⁰ Ahri yehpa cjẽna puhtoro watõno puhtoro ijiro taro nine yojoþare. Tiquiro sa ijiro tagũ yuhu musa mehna yuhu yahuducu bato tiati pje mehenogã dahsare. Tiquiro pehe yuhare yuhũdũca masiedare. ³¹ Sa yegu yuhare yuhu Pacu tiqiro dutiriro sahata yeaja yuhu. Sata yeaja yuhu, yuhu Pacure yuhu cahñene ahri yehpa cjẽna tiquina masiatire. Wahcãducaya. Isa wahana, nidi Jesu usãre tiqiro buhenare.

15

Jesu uhse da yero saha ijiriquiro ijire

¹ Came queoye mehna buhero usäre ohö saha nidi Jesu:

—Yuhu potota uhse da yero saha ijigu ijiaja. Yuhu Pacu pehe uhse dare ihña ihboriquiro yero saha ijire. ² Yeequina uhse da dũpuri yero saha ijiequina yuhu mehna cjenata ijire. Uhse da dũpuri dũca marieñe dũpurire ihña ihboriquiro tiquiro pehe cohãriro saha yuhu Pacu tiquiro cahmeñene yerariquinare cohãre. Dũca tiye dũpurire ihña ihboriquiro tiquiro quehñoriro saha yuhu Pacu tiquiro cahmeñene yeequinare yedohorota tiquiro, “Yuhu cahmeñene ye nemoahdo”, nino. ³ Yeere tahona, “Ijirota ijire”, nidi musa. Sa yero yuhu Pacu musa ñañe yerire cohã tuhasari. ⁴ Yuhu mehna cjana ijiaja musa. Sa yegu musa mehna ijitja. Uhse da dũpuri uhse da mehna wahñaedaye dũpuri ijieye, ti dũpuri pehe dũca mariedare. Sata yuhu mehna cjana ijierana, yuhu Pacu cahmeñene ye masiedare musa.

⁵ Yuhu uhse da yero saha ijigu ijiaja. Musa pehe ti da dũpuri yero saha ijina ijire. Yuhu mehna cjanõ mehna yuhu ijigũ dũca tiye dũpuri yero saha tiquiro yuhu Pacu cahmeñene yere. Yuhu mehna cjana ijierana yuhu Pacu cahmeñene ye masiedare musa. ⁶ Ñañe dũpurire tiquiro cohãboriro saha yuhu mehna cjena ijieyequinare yuhu Pacu cohãnota. Ti dũpuri ñai dijiaa wahagũ uhse dare ihña ihboriquiro ti dũpurire ne cahmecoa pecapu ujã cohãnota. Sata yerota Cohãcũ yuhu mehna cjena ijieyequinare.

⁷ Yuhu mehna cjana ijina, yuhu buheyere boeraoaga musa. Sa boerana, musa cahmeno punota siniña. Sa yegu musa sinino punota ye basautja. ⁸ Yuhu Pacu cahmeñene yena musa ijigũ ihñañe “Jesu yequina ijire ahriquina”, ni masieta masa. Sa ye musare ihñañe yuhu Pacu ño peoeta. ⁹ Yuhu Pacu yuhare tiquiro cahĩdoro sahata musare yuhu gũh cahĩe tii. Yuhu cahĩna ijiducuya musa. ¹⁰ Yuhu cahĩnequina ijiducuyequina yuhu dutiyere yere. Yuhu Pacu ye dutiyere yeaja yuhu. Sa yegu tiquiro cahñogu ijiducujaja yuhu. Sata musa gũh yuhu dutiyere yena yuhu cahĩna ijiducunata musa.

¹¹ Ahrire musare yahuu yuhu mehna musa quehnoano bucueatire. Sa yena tutuaro bucuenata musa. ¹² Ohö saha dutiaja musare yuhu cahĩdoro sahata musa mehna cjena gũhure cahĩña. ¹³ Ihcãquiro masũno tiquiro mehna cjanõ ye buhiri yariaro tiquiro mehna cjanõre tutuaro cahĩne, apequina tiquina cahĩdoro yuhdũoro. ¹⁴ Sa yena yuhu dutiyere yena yuhu mehna cjana ijire musa. ¹⁵ Potota yuhu mehna cjana waro ijire musa. Musa sa ijigũ ijipihitiye yuhu yerire yahuaja musare. Cahacjano

tiquiro puhtoro yerire masiedare tiquiro. Sa yegu “Yuhu cahacjana ihyo ijina ijire musa”, musare niedaja. Yuhu Pacu yuhare tiquiro yahurire musare yahu pehou. Sa yahugu “Yuhu mehna cjana ijire musa”, musare niaja yojopure. ¹⁶ Musa pehe yuhare ne beserari. Yuhu pehe musare besei yuhu Pacu cahmeñene musa yeatire. Musa sa yegũ musa ye ye ihyo waro ijisi. Ahri deco yoaro punota sa ijiducuatì ijire musa ye ye. Musa sa yegũ yuhare musa wacũ tutuagũ yuhu Pacu musa sinino punota tiquiro musare ohorota. ¹⁷ Ahrire musare dutiaja yuhu: Musa mehna cjenare cahĩña musa, ni yahuri Jesu.

Jesure tiquiro yequina gũhure ahri yehpa cjena ihña tuhtire

¹⁸ Sa yero tiquiro yahu nemori:

—Ahri yehpa cjena musare tiquina ihña tuhtigũ ihñana ahrire wacũña musa: Musare tiquina ihña tuhtiatì pano yuhu pehere ihña tuhti mahtari tiquina. ¹⁹ Cohãcũre cahmedana musa ijigũ, ahri yehpa cjena tiquina cahme cahĩdoro sahata musa gũhure cahĩboaya tiquina. Ahri yehpa cjana musa ijigũ musare besei. Sa yena yojopure ahri yehpa cjana waro ijierare musa. Musa sa ijieragũ ihñañe ahri yehpa cjena musare ihña tuhtire. ²⁰ “Yeequina ijina musa yuhu bui ijierare”, musare yuhu nidire wacũña musa. Sa yena yuhu docapu ijina yuhu ñano yuhdũriro sahata ñano yuhdunata musa gũhure. Yuhare ñano yeriquinata musa gũhure ñano yeeta. Yuhu buhegũ yuhtiriquinata musa buhegũ gũhure yuhtiatì tiquina. ²¹ Ahri yehpa cjena yuhare ohoriquoro masiedare. Sa ye yuhare wacũ tutuana musa ijigũ ihñañe tiquina ñano yeeta musare.

²² Tiquinare yuhu buhegu ahtaeragũ yuhare tiquina cahmedari buhiri, buhiri mariedaboaya. Yojopure tiquinare yuhu buheri bato “Ñañe buhiri mariedare usäre”, ni masiedare tiquina. ²³ Yuhare ihña tuhtiriquiro yuhu Pacu gũhure ihña tuhtire. ²⁴ Cohãcũ tiquiro tutuaye mehna apequina tiquina ne yerarire ye ihñou. Sa ye tiquinare tire yuhu ye ihñodagũ tiquinare ñañe buhiri mariedaboaya. Cohãcũ tutuaye mehna yuhu ye ihñorire tiquina ihñari bato yuhare yuhu Pacu gũhure ihña tuhtire tiquina. ²⁵ Sa ihña tuhtie Cohãcũ yere tiquina ojoari pũpũ duitapata tiquiro ni ojoariro sahata ye ye nidi tiquina. Ohö saha ni ojoahye: “Tiquinare yuhu ñano yerapegũta yuhare ihña tuhtire tiquina”, ni ojoahye duitapata Cohãcũ yere tiquina ojoari pũpũ.

²⁶ Yuhu batopũ musare yedohoatiquiro, yuhu Pacu mehna ijiriquiro musare yuhu ohoatiquiro Espĩritu Santota ijire. Tiquiro

potota yahuriquiroy ijiye. Sa yero tiquiroy ahtaroy, yuhū ijiye tiyere yahurota musare. ²⁷ Masare yuhū buhe ducagūpata musa gūhū decoripe yuhū mehna ijiducuri. Sa yena musa gūhū yuhū ijiye tiyere yahunata apequinare, ni yahuri Jesu.

16

¹ Sa ni tuhasa usāre ohō saha ni yahu nemori:

—Came yuhū buheyere yuhū gūhūre musa cohāedatire ahrire ijipihtiyere yahu musare. ² Judio masa mari buheyere wuhūserū musa sa jā duagū musare sa jā dutisi yeequina musa ijiri buhiri. Sa ye ape tahapū musare wejē, “Cohāc jū cahmeñene yena niaja”, ni tuhōtuetamaga apequina. ³ Sa ye yuhū Pacūre, yuhū gūhūre tiquina masiedare. Sa masiedaye musare ñano yeeta tiquina. ⁴ Sa yena musare ñano tiquina yegū ihñana “Tiquina ohō saha yeato panota Jesu yahu tuhasari usāre”, ni wacūnata musa. Musa sa ni wacūtāre yojopure ahrire yahu mahtagū niaja musare, ni yahuri Jesu.

Espiritu Santo tiquiroy yeatire yahuahye Jesu

Sa ni tuhasa ohō saha ni yahu nemori:

—Coā waropure musa mehna ijigū ahrire musare yahuerū. ⁵ Yojopū pehere yuhūre ohoriquiroy cahapū wahaūtja. “¿Nohopū wahaūtjari mūhū?” yuhūre ni, ihcāquiroy borota ne sinituerari musa. ⁶ Sa sinituerapenata yuhū wahatire musare yuhū yahu mūjagū musa ñano jeripohna tire. ⁷ Musare ijirota yahugūta niaja. Yuhū wahari bato musare quehnoanota. Yuhū ūhmūserū wahaeragū musare yedohoatiquiroy pehe ahtaeraboaya. Wahagū musare tiquiroy oho dijioutja yuhū. ⁸ Yuhū sa oho dijiogū tiquiroy ahtarota. Sa wihiroy ahri yehpa c jēna ñañe yeyequina tiquina ijiyere tiquinare masigū yerota tiquiroy. Sa yero quehnoano ijiye tiye gūhūre buherota tiquiroy masare. Sa yero Cohāc jū masare tiquiroy buhiri dahreato gūhūre yahurota masare yedohoatiquiroy pehe. ⁹ Yuhūre wacū tutueyequina ijiye ahri yehpa c jēna. Sa yero yedohoatiquiroy pehe masa ñañe yeyequina tiquina ijiye tiyere tiquinare masigū yerota. ¹⁰ Yuhū Pacū cahapū wahaūtja. Yuhū sa wahari bato masa yuhūre ihñasi. Sa yero quehnoano ijiye tiye gūhūre buherota yedohoatiquiroy pehe. ¹¹ Ahri yehpa c jēna puhtorore watīnore Cohāc jū buhiri dahre duti tuhasari. Sa yero Cohāc jū masare tiquiroy buhiri dahreati gūhūre yahurota yedohoatiquiroy pehe.

¹² Pajiro ijiye musare yuhū yahuati. Yuhū sa yahu nemo duepegūta tire yuhū yahugū yojopū masinisi musa. Sa yena yojopure quehnoano tuhosi musa. ¹³ Yuhū sa yahu

nemoedagū Espiritu Santo pehe musare yahu nemono ahtarota. Tiquiroy esa tuharo musare yahusi. Tiquiroy yuhū Pacū yahu dutirire tiquiroy yahurota musare. Sa yero musare poto yahu pehorota. Sa yero “Camepū ohō saha wahaurota”, ni yahurota tiquiroy musare. ¹⁴ Sa yero yeere musare tiquiroy yahurota. Sa yahuro yuhūre ño peogū yerota masare. ¹⁵ Ijipihtiyere yuhū Pacū ye, yee gūhū ijiye. Sa yegū “Espiritu Santo pehe yeere yahurota musare”, nii musare, ni yahuri Jesu.

—Bujna witina ijiepenata came bucuenata musa, ni yahuahye Jesu

¹⁶ Sa ni tuhasa ohō saha ni yahu nemori:

—Mehenogā bato musa yuhūre ihñasi. Sa yena mehenogā bato musa yuhūre ihñanata tja, nidi Jesu usāre tiquiroy buhenare.

¹⁷ Tiquiroy sa nigū tuhona, usā pehe meheñequinagā ohō saha ni yahuducuu usā basi:

—¿“Mehenogā bato musa yuhūre ihñasi. Sa yena mehenogā bato musa yuhūre ihñanata tja”, nino dūhse nino sa niajari marine? ¿Sa yero “Yuhū Pacū cahapū wahaūtja”, nino dūhse ijiro boro marine sa niagari tiquiroy? ¹⁸ ¿“Mehenogā bato”, nino dūhse nino sa niajari ahriquiroy? Tiquiroy ni yahurire quehnoano masiedaja mari, ni yahuducuu usā basi.

¹⁹ Usā sa ni yahuducugū Jesu tiquiroyre usā sinitu duarire masino, usāre yahuri:

—¿“Mehenogā bato musa yuhūre ihñasi. Sa yena mehenogā bato yuhūre ihñanata tja”, yuhū nidire sinitu duajari musa? ¿Tire yuhū nidire masiedajari musa? ²⁰ Ijirota musare nigū niaja. Yuhū yariagū ihñana musa utinata. Sa yena tutuaro bujna witi-nata. Sa ye yuhūre ño peoeyequina pehe bucueta. Musa pehe bujua witina ijiepenata, came bucuenata musa. ²¹ Ohō saha ijiye ti: Numino niji wahcōno, ticoro ñano yuhūwato pano ijiye. Sa yero ticoro tutuaro bujua witi-re. Sa bujua witi-perota ticoro pohna tiri bato ticorore purīdire wacūedare ticoro. Nijinogā ahri yehparū tiquiroy masa bajuagū ticoro bucuere. Sa yero ticorore purīdire wacūedare. ²² Sata musa yojopure bujua witinata. Came musare ihñanata. Sa yena musa tutuaro bucuenata. Musa sa bucuegū apequina musare bujua witi-gū ye masisi.

²³ Ti deco musa yuhūre ihñari deco yuhūre sinitusi musa. Masi tuhasarinapū ijinata. Ijirota musare nigu niaja. Yuhūre musa wacū tutuagū ihñano yuhū Pacūre musa siniñene tiquiroy musare ohorota. ²⁴ Ahri deco pano yuhū tutuaye mehna Cohāc jūre siniedarīdi musa. Yuhūre wacū tutuatjāna

Cohăcjüre siniña. Mûsa sa sinigû mûsa sini-dire mûsare ohorota, mûsa quehnoano bu-
cueatire, nidi Jesu usăre.

Nănequinare Jesu pehe yuhădudăcahye

²⁵ Sa ni tuhasa ohô saha ni nemori:

—Queoye mehna mûsare yahue tii. Sa yahuepeguta came mûsare queoye mehna yahusi yuhă. Sa yahueragă yuhă Pacă pehere quehnoano poto yahutja mûsare. ²⁶ Ti decore mûsare yuhă Pacăre sini basasi yuhă. Yuhăre wacû tutuana, mûsa basi tiqûirore sininata. ²⁷ Mûsa yuhăre cahîne. Sa yena yuhă Pacă cahapă yuhă ahtarigă ijigû “Ijirota ijire”, nine mûsa. Sa nina mûsa ijigû ihăano yuhăre cahîna mûsa ijigû ihăano yuhă Pacă pehe mûsare cahîne. Tiqûiro sa cahîgă tiqûirore mûsa sininata. ²⁸ Yuhă Pacă cahapă ijirigă ahri yehparăre ahtau yuhă. Sa yegă yojopăre ahri yehpară ijirigă yuhă Pacă cahapă wahaŭtja, nidi Jesu.

²⁹ Tiqûiro sa nigû usă tiqûiro buhena ohô saha nii:

—Yojopă pûrita queoye marieno yahudu-cugă quehnoano bajuro yahugă nine mûhă usăre. ³⁰ Mûhă quehnoano masi pehogă mûhă ijigû yojopă pûritare usă masiaja. Sa ye apequina mûhăre buhe masiedare. Tire yojopăre usă quehnoano masiaja. Usă quehnoano masina, Cohăcjû cahapă ahtarigă mûhă ijigû “Ijirota ijire”, niaja usă, nii usă Jesure.

³¹ Usă sa nigû Jesu yahtiri usăre:

—¿Yojopăre “Ijirota ijire”, niajari mûsa?

³² Came cĵino ijipihntina mûsa wuhăsepă waha sitena, yuhăre cohănata mûsa. Mûsa sa cohăpegûta yuhă Pacă pehe yuhă mehna ijire. Sa yegă yuhă ihcăta ijieraja. ³³ Ahrire mûsare yahu mûhtaŭ, yuhăre mûsa wacû tutuaye mehna mûsa quehnoano ijiatore. Cohăcjüre cahmeŭnequina cahapă mûsa ijigû ņano yeeta mûsare tiquina. Tiquina sa yepegûta bucueya mûsa. Ahri yehpa cĵena tiquina ņaŭe yerire yuhădudăcagă ijiăja yuhă. Sa yena yuhăre wacû tutuana bucueya mûsa, nidi Jesu usăre tiqûiro buhenare.

17

Jesu tiqûiro buheyequinare Cohăcjüre sini basahye

¹ Sa ni yahu tuhasa Jesu uhmăanopă ihă mmo, Cohăcjüre ohô saha ni yahuducuri:

—Mai, yojopăre mûhă yahu queoriro sahata yuhăre ņano tiquina yeati pje esarota nine. Yuhăre mûhă macăre masare ņo peogă yeya. Mûhă sa yegă mûhăre masare ņo peogă yeitja yuhă găhă. ² Ijipihntiyequina puhto yuhăre cûri mûhă. Sa yegă yuhăre mûhă ohoriquinare mûhă mehna sa ijiducugă yeitja yuhă. Sa yegă mûhăre masare ņo peogă yeitja yuhă. ³ Mûhă dihita Cohăcjû waro ijire. Yuhă Jesucristo mûhă

ohorigă ijiăja. Sa ye ijipihntiyequina mûhăre masiŭnequina, yuhă găhăre masiŭnequina uhmăsepă mari mehna sa ijiducuetă, nidi Jesu.

⁴ Sa ninota ohô saha ni nemori mari Pacăre:

—Ahri yehparăre mûhă ye dutirire ye peho tuhasau yuhă. Sa yegă mûhăre masare ņo peogă yei yuhă. ⁵ Ahri yehpa ijato pano mûhă mehna yuhă ijigă ijipihntiye-quina yuhăre tiquina ņo peo mûhtariro sa-hata yojopăre yuhăre tiquina ņo peogă yeya tja.

⁶ Ahri yehpară ijieyequinare yuhăre mûhă ohoriquinare mûhăre masigă yei. Mûhă ohoriquina mûhă yequina ijire. Sa yegă tiquinare ohori mûhă yuhăre. Sa ye mûhă dutiyere yeri tiquina. ⁷⁻⁸ Yuhăre mûhă yahurire tiquinare buhei. Yuhă sa buhegă tăhoye yuhă buheyere cahmedi tiquina. Sa ye potota mûhă cahapă ahtarigă yuhă ijigă masine tiquina. Sa ye mûhă ohorigă yuhă ijigă “Ijirota ijire”, ni tăhoture tiquina. Sa ye ijipihntiye yee mûhă ye ti ijigă masine tiquina.

⁹ Tiquinare mûhăre sini basagă niaja. Apequina pehere sini basagă niedaja yuhă. Yuhăre mûhă ohoriquina mûhă yequina ijire. Sa yegă tiquinare sini basagă niaja mûhăre. ¹⁰ Tiquina ijipihntiyequina mûhă yequina ijire. Sa ye mûhă yequina pehe yeequina ijire. Yuhăre wacû tutuaye yuhă tutuagă ijiyere masigă yere tiquina masare.

¹¹ Yojopăre ahri yehparăre tojoasi yuhă. Mûhă cahapă wahaŭ tău niaja. Yuhă sa wahaepăgăta yojopăre yuhăre mûhă ohoriquina ahri yehpare tojoare. Mai, mûhă quehnoagă ijire. Yuhăre mûhă ohoriquinare mûhă tutuaye mehna ihăa ihbo basaya. Mûhă sa ihăa ihbogă mari ihcăta mari ijiro saha tiquina găhă ihcă curuata ijiahro. ¹² Tiquina mehna ijigă mûhă tutuaye mehna tiquinare quehnoano ihăa ihbou. Ihcăquiro pûrita pecapă wahaŭta mûhă yere tiquina ojoari pûpă yahurito sahata.

¹³ Yojopăre mûhă cahapă wahaŭ tău niaja. Sa yegă ahri yehpară ahri ijipihntiyere yeequinare yahuaja yuhă mehna tiquina quehnoano bucueatire. ¹⁴ Mûhă yere yahuu tiquinare. Tiquina găhă yuhă yero sahata ahri yehpară iji dojoatiquina ijierare. Sa ye ahri yehpa cĵena pehe tiquinare ihăa tuhtire. ¹⁵ “Ahri yehpară ijieyequinare, yeequinare neahăa”, niedaja. Yuhă sa niedapăgăta tiquinare quehnoano ihăa ihboya. “Watĭno ņaŭene tiquinare ye dutiari”, nigă, quehnoano ihăa ihboya tiquinare. ¹⁶ Ahri yehpa cĵă ijieraja. Tiquina găhă yuhă yero sahata ahri yehpară iji dojoat-iquina ijierare. ¹⁷ Yeequinare mûhă buh-eye mehna quehnoaŭnequina yeya tiquinare.

Muñu yahuye pehe ijirota ijire. ¹⁸ Ahri yehpapure yuhare muñu ohoriro sahata yuhu pehe yeequina gühare muñu yere buhe dutigü ohou. ¹⁹ Muñu cahmeñene yegu tagu yariacju ijigu yuhu pagure ohoaja. Sa yeaja yuhu, yeequina gühu muñu cahmeñene poto tiquina quehnoano yeatire.

²⁰⁻²¹ 'Yeequina yojoPURE ijieyquina dihitare yedohoya', ni sini basaeraja yuhu. Yeequina apequna gühare yeere tiquina buheri bato tiquina gühu yuhare wacü tu-tuaeta. Tiquina gühare yedohoya, yeequina ijipihiteyquina ihcã curua tiquina ijiro quehnoano. Yuhu muñu mehna mari puana ijiepenata ihcãta ijiaja. Ihcãta mari ijiro sahata tiquina gühu mari mehna ihcã curuata ijiahiro. Ihcã curuata ijiahiro, muñu ohorigu yuhu ijyere ijipihiteyquina masa "Ijirota ijire", tiquina niatire. ²² Yuhare muñu tutuayere cuoye, ihcãta mari ijiro sahata tiquina gühu ihcã curuata ijietata. ²³ Yuhu tiquina mehna ijiaja. Sa yegu muñu yuhu mehna ijire. Mari sa ijigü yeequina potota ihcã curuata quehnoano ijietata. Ihcã curuata tiquina ijigü ihñañe muñu ohorigu yuhu ijyere ahri yehpa cjenã masieta. Sa ye yuhare muñu cahidiro sahata yeequina gühare muñu cahñene masieta masa.

²⁴ 'Mai, ahri yehpa iji ducato pano yuhare cahñe tiri muñu. Sa cahñgu yuhu tutuagu ijyere ihñori muñu. Sa yegu yuhare muñu ohoriquinare yuhu mehna tiquina ijigü cahmeaja, yuhu tutuagu ijyere tiquina masiatire. ²⁵ Mai, muñu quehnoagu ijire. Ahri yehpa cjenã ñañequina mähare masiedare. Yuhu pehe mähare masiaja. Sa ye muñu ohorigu yuhu ijigü masine yeequina. ²⁶ Tiquinare mähare masigü yei. Came gühare mähare tiquinare masigü yeitja, yuhare muñu cahidiro sahata apequnare tiquina cahiatire. Sa yegu yeequina mehna ijigatja, nidi Jesu mari Pacare.

18

Jesure peresu yeahye

(Mt 26.47-56; Mr 14.43-50; Lc 22.47-53)

¹ Tiqiro sa nidi bato Jesu, usã gühu tiqiro buhena Cedro wame tiri mare pehä, olivo wame tiye cju wesepu esau. ² Peye tahari ti wesepu Jesu mehna cahmecoae tii. Sa yero Juda Jesure ihña tuhtiyeyquinare ihñoatiqiro ti wesere masidi. ³ Sa masino puã curua surarare umuã tä cãhtari ti wesepu Jesure ihñono taro. Ihcã curua surara waro ijiri. Ape curua surara Cohãcjü wuhare cohteyequina ijiri. Tiquina pahia puhtoã, fariseo masa tiquina ohoriquina mehna. Sa ahtaye sihãñe pacare, sihãñe cju gühare sihã cãhtari. Tiquina wamoã gühare

ne cãhtari tiquina. ⁴ Ti wesepu tiquina wihiri bato Jesu tiqiro ñano yuhduatire masino, tiquinare piti ca, sinituri:

—¿Noare Nazare niajari musa? nidi Jesu.

⁵ —Jesu Nazare cjanore macaja usã, ni yuhtiri tiquina.

—Tiqiro tjiaja yuhu, nidi Jesu.

Juda pehe Jesure ñehe dutiro ihñoriquiro tiquina mehna ijiri. ⁶ Sa ye "Tiqiro tjiaja yuhu", Jesu nigüta tiquina pehe tuho maria waha, du siti maa, yehpapu bora quehe sari. ⁷ Tiquina sa wahagü ihñano pari turi sinituri tiquinare Jesu:

—¿Noare macana niajari musa? nidi.

—Jesu Nazare cjanore macana niaja usã, ni yuhtiri tiquina tja.

⁸ —"Yuhu tjiaja", ni tuhasamigu yuhu musare. Sa yena yuhare ñehena ahriquinare yuhu mehna cjenare peresu yeracãhña musa, nidi Jesu.

⁹ Sa usãre cahño ne ihcãquirore butigü yerari. Sa yero to pano Cohãcjüre tiqiro nidiro sahata yero nidi tiqiro. "Yuhare muñu ohoriquinare ne ihcãquiro boera", tiqiro nidiro sahata yero nidi Jesu. ¹⁰ Sa ye Simo Pedro ñoseni pjñe cuoro, ti pjñe tuã we nedoqueo, pahia puhtoro cahacjãno Malco wame tiriqiro cahmonore date pahrẽ cãri. Poto pehe cã cahmonore date pahrẽ cãri. ¹¹ Tiqiro sa date pahrẽgü ihñano Jesu tiqirore ohõ saha nidi:

—Muñu ñoseni pjñe ihboya. Yuhu Pacu yuhare tiqiro ñano yuhdu dutiriro sahata ñano yuhduatja yuhu, nidi Jesu Pedrore.

Pahia puhtoro cahapu Jesure neahye tiquina

(Mt 26.57-58; Mr 14.53-54; Lc 22.54)

¹² Tiqiro sa ni tuhasagüta surara, tiquina puhtoro mehna, Cohãcjü wuhare cohteyequina surara gühu Jesure ñehe, tiqirore duhteri. ¹³ Duhte tuhasa Anãs cahapu nea muhtari tiquina. Anãs pehe Caifa mareino ijiri. Caifa pehe ti cühmare pahia puhtoro ijiri. ¹⁴ "Judio masa ye ijiatire ihcãquiro masuno yariagü quehnoanota", nidiquiro boro ijiri Caifa pehe.

—Jesure masiedaja, niahye Pedro

(Mt 26.69-70; Mr 14.66-68; Lc 22.55-57)

¹⁵ Sa yena yuhu Simo Pedro mehna Jesure yoa cjunoru ihña nãnu tãu. Caifa ya wuhapu neañe nidi Jesure. Yuhu pehe pahia puhtoro tiqiro ihña masinohgu ijigu Jesu bato puhtoro ya wuhu ijiri sahrinoru sajä waha. ¹⁶ Yuhu sa sajägü Pedro pehe sahrino sopecahapu tojoaduca sari. Sa yegu majare wijia ta, sopecahare cohtericoro sinituu. Yuhu sa sinitu tuhasagü ticoro Pedrore sajä ta dutiri. Ticoro sajä ta dutiri bato yuhu Pedrore ne sajäã waha. ¹⁷ Yuhu sa ne sajägü ihñano sopecahare cohtericoro pehe Pedrore sinituri:

—¿Jesu buheyequina mehna cjā ijierajari mǎhǎ? nidi ticoro Pedroro.

—Ijieraja yǎhǎ, ni yǎhtiri Pedro pehe.

¹⁸ Ūsǎ esato pano to cjēna pǎhtoa cahacjēna, surara mehna tiquina sohmati pecare wijiǎ tuhasari jiri. Yǎsǎarǎdi. Sa ye tiquina ti peca dǎhtǎ caha ducuye, sohmañe nidi. Tiquina sa sohmagǎ ihñano Pedro gǎhǎ ahta, sohmani.

Pahia pǎhtoro Jesure sinituahye

(Mt 26.59-66; Mr 14.55-64; Lc 22.66-71)

¹⁹ Sa ye pahia pǎhtoro Jesu buherire, ǎsǎ tiquiuro buhena gǎhǎre sinituahye Jesure. ²⁰ Tiquiuro sa sinitugǎ Jesu pehe yǎhtiahye tiquiuro:

—Ijipihtiyequinare buhegu tiquina ihñono ducuu. Sa buhegu judio masa mari buheye wǎhǎsepu Cohǎcjǎ wǎhǎpu gǎhǎre sa buheducuu yǎhǎ. Duhtiñjǎgu buherǎ yǎhǎ. ²¹ ¿Dǎhsegu yǎhǎre sinituajari mǎhǎ? Sinitu duagu yǎhǎ buheyequinare sinituya. Yǎhǎ buherire tiquina masine, ni yǎhtiahye Jesu.

²² Tiquiuro sa nigǎ tuhoro topǎ ducuriquiuro surara pehe tiquiuro omoca mehna Jesure quǎahye.

—Sa niedacǎhña pahia pǎhtoro, niahye surara pehe Jesure.

²³ Tiquiuro sa nigǎta Jesu ohǎ saha niahye:

—Ñano yǎhǎ ni yahuducurire yahuya yǎhǎre. ¿Poto masare yǎhǎ yahuepegǎta, dǎhsegu tagu yǎhǎre quǎajari mǎhǎ? niahye Jesu surarare.

²⁴ Came Anás Jesure tiquina dǎhteriquiurore Caifa pahia pǎhtoro cahǎpu ohoahye.

—*Jesure masiedaja, pari turi niahye Pedro*

(Mt 26.71-75; Mr 14.69-72; Lc 22.58-62)

²⁵ Sa ye Simo Pedro peca dǎhtǎ cahǎpu ducuro, sohmano nidi. Tiquiuro sa sohmaducugǎ ihñañe to cjēna tiquiurore sinituri:

—¿Mǎhǎ gǎhǎ Jesu buheyequina mehna cjǎ mǎhǎ ijierajari? nidi tiquina Pedroro.

—Ijieraja yǎhǎ, ni yǎhtiri Pedro.

²⁶ Sa yero pahia pǎhtoro cahacjēna mehna cjǎno Pedro tiquiuro cahmono dǎte pǎhrǎdiquiuro acayaro pehe Pedroro sinituri:

—¿Jesure tiquina ñehedi wesepu yǎhǎ ijigǎ mǎhǎ gǎhǎ tiquiuro mehna ijieracoahte? ni sinituri tiquiuro Pedroro.

²⁷ —Yǎhǎ tiquiuro mehna ijiera, nidi Pedro. Tiquiuro sa nigǎta canaca yahuri.

Jesure Pilato sinituahye

(Mt 27.1-2, 11-14; Mr 15.1-5; Lc 23.1-5)

²⁸ Nami cjǎno ijigǎ Caifa ya wǎhǎpu ijiriquina Jesure ne wijiǎ, Roma cjēna pǎhtoro Pilato ya wǎhǎpu nea wahari tiquina. Sa wahaepeta tiquiuro ya wǎhǎpu sajǎedari. Pascua deco ijigǎ tiquina ihyatiquina ijiye, ohǎ saha nidi: “Judio masǎno

ijierare Pilato. Tiquiuro sa ijiriquiro ijigǎ tiquiuro ya wǎhǎre sajǎna, mari dutiyere yǎhdǎducana niboaga. Sa yena mari sajǎgǎ marine bose deco cjē ihyayere ihya dutieraboaga”, nidi. Sa niñe pǎhtoro Pilato ya wǎhǎre sajǎedari Jesure neariquina pehe. ²⁹ Tiquina sa sajǎedagǎ ihñano Pilato tiquina cahǎpu wǎhǎ sopecahǎpu esadǎcaro, tiquinare sinituri:

—¿Yabe buhirire ahriquiore yahusǎ duajari musa? nidi Pilato tiquinare.

³⁰ —Ahriquiuro quehnoariquiuro ijigǎ mǎhǎre ǎsǎ ohoeraboaya. Nariquiuro ijire tiquiuro, ni yǎhtiri tiquina.

³¹ Tiquina sa nigǎ Pilato ohǎ saha nidi:

—Musa basita tiquiuro neañe. Sa yena musa ye dutiye ti nidiro sahata tiquiurore buhiri dahreya, nidi Pilato tiquinare.

—Musa ye dutiye pehe ǎsǎre masǎnore wejǎ dutierare, nidi tiquina Pilatore.

Sa niñe Jesure wejǎ dutiye tee nidi.

³² Tiquina sa wejǎ dutigǎ Jesu pehe curusapǎ tiquiuro yariare to pano tiquiuro yahuriro sahata wahari. ³³ Tiquina sa nidi bato, Pilato pehe wǎhǎpu majare sajǎ, Jesure pijioahye. Pijio tuhasa, tiquiore sinituahye:

—¿Judio masa tiquina pǎhto tjiajari mǎhǎ? ni sinituahye Pilato.

³⁴ —¿Mǎhǎ esa tuharota sa ni sinituajari mǎhǎ yǎhǎre? ¿O apequina pehe yǎhǎre tiquina yahusǎri bato tire sinituajari mǎhǎ? niahye Jesu Pilatore.

³⁵ —Judio masǎ ijieraja yǎhǎ. Mǎhǎ ya yehpa cjēna, pahia pǎhtoa gǎhǎ mǎhǎre ohori ǎsǎre. ¿Yabere ñano yeari mǎhǎ tiquina sa buhiri dahre duagǎ? niahye Pilato.

³⁶ —Ahri yehpa cjǎ pǎhto ijieraja yǎhǎ. Ahri yehpa cjǎ pǎhto yǎhǎ ijigǎ, yǎhǎ buheyequina yǎhǎre yedohoboaya. Judio masare ñeha dutieraboaya. Yǎhǎ pǎhto ijiye ahri yehpa cjē ijierare, niahye Jesu Pilatore.

³⁷ —¿Sa yegu pǎhto ijiajari mǎhǎ sa nigǎ? niahye Pilato.

—Mǎhǎ nino sahata pǎhto ijiaja. Masa tiquina pǎhto ijigǎ tagu masa bajǎu yǎhǎ. Sa yegu ahri yehpǎpǎ ahta tiquina pǎhto ijii tǎhǎ, poto ijiyere yahugu tǎhǎ. Ijipihtiyequina poto ijiyere tuho duayequina, yǎhǎ yahuyere tuhore, niahye Jesu.

³⁸ —¿Yabe boro ijiajari poto ijiye? niahye Pilato.

Judio masa Jesure wejǎ dutiahye

(Mt 27.15-31; Mr 15.6-20; Lc 23.13-25)

Sa ni tuhasa Pilato judio masa caha majare tojoa tiquinare yahuri:

—Ahriquiuro Jesure ne buhiri mariedare.

³⁹ Cǎhmaripe pascua ijigǎ ihcǎquiro peresu ijiriquiurore musa wio dutiducure. ¿Sa yegu ahriquiuro Jesureta musa pǎhtoro ijiatiquiro

māsare wio basagari yuhū? nidi Pilato judio masare.

⁴⁰ Tiquiro sa nigū tahoje judio masa ohō saha ni sañuducuri:

—Tiquirore wioeracāhña. Barrabá pehere usāre wio basaya, ni sañuducuri judio masa Pilatore.

Barrabá pehe yaque bucuro ijiri.

19

¹ Tiquina sa ni sañuducuri bato Pilato Jesure tana dutiahye. Sa ye tiquiro yequina surara pehe tiquirore tanahye. ² Tana tuhasa tiquina pota behto ye tuhasa, Jesu dapu buipū duhu peohaye. Duhu peo tuhasa, puhtoā ye suhti borore tiquirore sāa tuhasa, tiquiro cahapū esa dūca, ohō saha ni bujapeahye tiquina:

³ —Quehnoano ahtaya. Judio masa puhto, quehnoano ahtaya, ni bujape, Jesu wuhdoare quē mujahye.

⁴ Sa yero Pilato pari turi judio masa cahapū waha, tiquinare yahuri:

—Tahoja masa. Ahrikiro ne buhiri mariediikiro ijire. Sa yegu tire masa masi-atire masa cahapū tiquirore ne cāhtau, nidi Pilato.

⁵ Tiquiro sa ni tuhasagū Jesu pota behto pesariikiro, puhtoā ye suhti borore sañariikiro wuhapū ijirikiro wijia tari. Tiquiro sa wijia tagū Pilato tiquinare ohō saha nidi:

—Ihñaña. Ahrikiro ijire tiquiro, nidi Pilato.

⁶ Tiquiro sa ni tuhasagū tahoje, pahia puhtoā, surara gūhū Jesure ihñañe, sañuducuri:

—Curusapū quē biha wejēña tiquirore. Curusapū quē biha wejēña tiquirore, ni sañuducuri tiquina.

—Tiquiro ne buhiri mariedare. Sa yena masa basita tiquirore neahña. Sa yena masata tiquirore curusapū quē biha wejēña, nidi Pilato tiquinare.

⁷ —Tiquiro basi “Cohācǰū macū ijijaja”, nie tiri. Tire tiquiro sa nigū usā dutiye pehe tiquirore wejē dutire, nidi tiquina Pilatore.

⁸ Tiquina sa nigū tūhoro cue yuhdūa wahari Pilato pehe. ⁹ Sa yero pari turi wuhapūre majare sajā, Jesure sinituahye tja:

—¿Noho cǰū ijijari mūhū? ni sinituahye tiquiro Jesure.

Tiquiro sa ni sinituepegāta Jesu tiquirore yahtierahye.

¹⁰ Tiquiro sa yahtieragū ihñano Pilato tiquirore sinitu nemoahye:

—¿Yahūre yahtierajari mūhū? Yuhū mūhūre peresupū ijirigure wio masiaja. Sa yegu mūhūre curusapū gūhūre quē biha wejē duti masiaja yuhū. ¿Tire masiedajari mūhū? niahye Pilato Jesure.

¹¹ —Cohācǰū mūhūre tiquiro dutieragū yuhūre ñano ye dutieraboaya mūhū. Yuhūre ihñā tuhtiyequinare ihñoriikiro pehe mūhū yuhdūoro ñano buhiri tire, niahye Jesu Pilatore.

¹² Tiquiro sa nigū tūhoro Pilato pehe tiquirore wio duamahye. Tiquiro sa wio duepegāta pari turi judio masa sañuducuri:

—Jesu “Puhto ijijaja”, nino mari ijipihtina puhtorore Roma cǰanore ihñā tuhtirikiro ijire tiquiro. Sa yegu tiquirore wio gū mūhū gūhū mari puhtorore ihñā tuhtigū ijijaga mūhū, ni sañuducuri judio masa Pilatore.

¹³ Tiquina sa nigū tūhoro Jesure wuhapū ijirikirore ne wijia ta, buhiri dahre dutiro taro tiquiro dujiri pahtapū nuju sari Pilato. Tiquiro buhiri dahre dutiri paa utā mehna tiquina yeri paa judio masa ye mehna Gabata wame tiri. ¹⁴ Ti deco pascua bose deco usā ihyatire usā quehnoari deco ijiri. Ti pjere coheri pje waro ijiri. Nuju sa tuhasa Pilato masare ohō saha ni yahuri:

—Ahrikiro tjire masa puhtoro, nidi tiquiro.

¹⁵ Tiquiro sa nigū tahoje judio masa sañuducuri:

—Yariahro tiquiro. Yariahro tiquiro. Curusapū quē biha wejēña tiquirore, ni sañuducuri tiquina.

—¿Masa puhtoro tiquiro ijiepegāta tiquirore curusapū quē biha wejē dutijari masa? nidi Pilato.

Tiquiro sa nigū ohō saha ni yahtiri pahia puhtoā:

—Mari ijipihtina puhtoro Roma cǰanota tiquiro usā puhtoro ijire. Apekiro puhtoro usāre mariedare, ni yahtiri pahia puhtoā.

¹⁶ Tiquina sa ni yahuducuri bato Pilato Jesure curusapū quē biha wejē dutiro, tiquirore ohori tiquinare.

Jesure quē biha wejēahye tiquina

(Mt 27.32-44; Mr 15.21-32; Lc 23.26-43)

Sa ye tiquina Jesure ne wijari. ¹⁷ Tiquina ne wijagū Jesu pehe tiquiro ya curusare tiquiro basi wua ne, dapu pehtoro wame tiropū esari. Usā judio masa ye mehna Gólgota wame tiri. ¹⁸ Topū esaye tiquina Jesure quē biha ohōri. Sa ye apequina puarore ihcākiro tiquiro poto pehe, apekiro tiquiro cū pehe pehe quē biha ohōri tiquina. Sa yero Jesu tiquina deco curusapū wahñari. ¹⁹ Tiquina quē biha tuhasagū Pilato taboa pǰine ojoa duti, Jesure tiquina quē biha ohōri curusapū quē biha ohō dutiri jiri ti pǰine. Ohō saha ni ojoa dutiri jiri tiquiro: “AHRIQUIRO JESU NAZARE CǰĒNO, JUDIO MASA PUHTORO IJIRE”, ni ojoa dutiri jiri Pilato ti pǰine. ²⁰ Ti pǰine ojoaro judio masa ye mehna, Roma cǰēna ye mehna, griego masa ye mehna ojoari jiri apekiro. Sa yero Jesure curusapū tiquina quē biha ohōriro

maca cahagā ijiri. To cahagā ijyiequina peyequina judio masa Pilato oja dutirire ihña, buheri. ²¹ Sa buhe tuhasa judio masa usā pahia puhtoahō saha nidi Pilatore:

—“Ahriquiuro judio masa puhtoro ijire”, ni oja dutieracāhña. Usā puhtoro ijierare ahriquiuro. Sa yegū ohō saha ni oja quehno dutiya mahū. “Ahriquiuro Judio masa puhto ijjaja”, ni ihcāquiurota tiquiuro basita sa ni tuhotoriquiro ijiri”, ni oja quehno dutiya, nidi pahia puhtoahō.

²² —Yūhū oja duti mahtariro sahata ijirota, nidi Pilato tiquinare.

²³ Jesure tiquina quē bihari bato pititari surara pehe Jesu suhtire tiquina basi itiri. Tiquina sa iti duepegāta ihcā suhtiro yoari suhtiro dohori marieni suhtiro ijiri. Ti suhtiro suhari suhtiro ijiri. ²⁴ Ti suhtiro sa ijjgū ohō saha nidi tiquina basi:

—Ahri suhtirore tahrēdacāhña. Ahri suhtirore neatiquirore masi duana, doquepeihna mari, nidi tiquina basi.

Sa doquepeye, Cohācjū yere tiquina ojoari pūpū tiquina ni ojoariro sahata yeye nidi tiquina. “Yūhū suhtire tiquina basi itiri. Sa ye yūhū suhtire neatiquinare masi duaye, doqueperi tiquina”, ni ojoahye Cohācjū yere tiquina ojoari pūpū. Tiquiuro sa ni ojoariro sahata sa yeye nidi tiquina.

²⁵ Surara tiquina sa yegū, Jesu pacoro, Jesu maono, María Cleofa namono, María Magdalena mehna Jesu curusa cahagā ihñaducuri tiquina. ²⁶ Sa yero tiquiuro pacoro yūhū tiquiuro cahñogū gūhū tiquiuro cahapū usā ducugū ihñano tiquiuro pacorore yahuri Jesu:

—Yojopare ahriquiuro mahū macū ijire, nidi Jesu tiquiuro pacorore.

²⁷ Sa ni tuhasa, yahure ohō saha ni yahuri tiquiuro:

—Yojopare ahricoro mahū paco ijire, nidi Jesu yahure.

Tiquiuro sa nidi bato Jesu pacorore ya wūhapū iji dutii.

Jesu yaria wahahye

(Mt 27.45-56; Mr 15.33-41; Lc 23.44-49)

²⁸ Tiquiuro sa ni yahuri bato ohō saha ni tuhutu, masiahye Jesu: “Ijipilthiye Cohācjū yahure dahra dutiro tiquiuro cūrire ye pehou”, ni tuhutu, masiahye Jesu. Sa masino Cohācjū yere tiquina ojoari pūpū tiquiuro ni yahuri sahata ohō saha nidi Jesu:

—Aco wuoaga yūhū, nidi Jesu.

²⁹ Sa yero topū vino sūēne co pose tiri sutu dūjiri. Sa yero topū ijiriquiro aco ihmini suhtere sūēne co mehna tiquina sohari suhtere yucugū hisopo wame tidū sohotaopū dahte ohōri. Sa yero Jesu duseropū siō ohōri.

³⁰ Ti core Jesu ihmi tuhasa ohō saha nidi:

—To punota ijiaga, ninota tiquiuro dapure muhri yo, yariaa wahari.

Surara Jesu pati pahma batogā ñoseahye ñosenū mehna

³¹ Ti deco pascua bose deco pano ijiri. Bose deco cjēne usā ihyatire quehno deco ijiri. Sa ye ape deco saurū ijjgū tiquina bose deco ijjgū curusaripū yariariquinare cū duerari. Ti deco Cohācjūre tiquina ño peori bose deco ijiri. Sa ye ti decopū tiquina quē biha ohōriquinare curusaripū tiquina wahñagū cahmedari tiquina. Sa ye tiquina quē biha ohōriquinare tiquina ñecu cohārine quē nuha dutiye tehe, judio masa siniahye Pilatore, “Tiquina yaria madoqueoahro”, niñe. Tiquina sa yeri bato tiquina pagūrire ne dijio madoqueoye tee nidi. ³² Tiquina sa dutigū surara pehe curusari cahapū esa, ihcāquiuro yaqueriquiro ñecu cohārine quē nuhari. Apequiuro gūhare sata yeri tiquina. ³³ Sa ye Jesu ñecu cohārine quē nuhae tee yemehe, tiquiuro yariariquiuro ijjgū ihñañe, quē nuhaedari.

³⁴ Sa quē nuhaedaya ihcāquiuro surara tiquiuro pati pahma batogā ñosenū mehna ñosedo. Tiquiuro sa ñosegū duita tiquiuro dii, aco mehna wijiari. ³⁵ Ti sa wahagū ihñau yūhū. Yūhū ahri pūre ojoarigū musare poto yahuaja. Poto yūhū yahuye ijjgū masiaja yūhū. Musare yahuaja musa gūhū Jesure musa wacū tutuato saha. ³⁶ Cohācjū yere tiquina ojoari pū ti nidiro sahata sa wahari: “Tiquiuro cohārine ne ihcā cohāre quē nuhaedari”, tiquiuro ni ojoariro sahata Jesu ñecu cohārine ne ihcā cohāre quē nuhaedari. ³⁷ Sa yero ape pūpū Cohācjū yere tiquina ojoari pūpū ohō saha nine. “Tiquirore tiquina ñosediquirore ihñaeta tiquina”, ni ojoahye Cohācjū yere tiquina ojoari pūpū.

Jesu pagure masa copepū cūahye

(Mt 27.57-61; Mr 15.42-47; Lc 23.50-56)

³⁸ Tiquiuro yariari bato José Arimatea cjāno Jesu pagure ne dijioro taro, Pilatore siniahye. José pehe apequna judio masare cuero, Jesure wacū tutuariquiuro tiquiuro ijyere yahu duerahye. Sa yero tiquiuro pagure sinidi bato Pilato pehe Jesu pagure nea dutiahye. Tiquiuro nea dutigū José curusa cahapū esa, Jesu pagure nea wahahye. ³⁹ Nicodemo gūhū José mehna wahahye. Tiquiuro yucugū cjē ehme sitiye, mirra wame tiye ehme sitiye yucugū cjē mehna dahra moredire ne cāhye. Jesu pagure tiquina cohōto pano tiquina quehnoati ijjahye ti ehme sitiye. Tiquiuro ne cāhtari treinta kilo nūcūahye. Nicodemo sohō ijiri pje Jesu mehna tiquiuro coā yahuducuri pje ñamipū Jesu cahapū esariquiuro ijjahye. ⁴⁰ Sa ye tiquina puaro Jesu pagure ne, judio masa yariariquinare usā cohāducuro sahata tiquiuro pagure ehme sitiye mehna suhti mehna wahmeahye. ⁴¹ Curusapū Jesure

tiquina wejēdiro cahapu wese ijiri. Ti weseperu masa cope utāpu wahma tiquina seheri cope ijiri. Ti copere ne ihcāquiro yariariquirore cohēdarīdi. ⁴² Pascua bose deco judio masa bose deco usā ihyatire quehnori deco ijiri. Sa ijiri deco ijigū ti cope cahagā tiquiro curusa ijigū, topu cūahye tiquina Jesu pagure.

20

Jesu masa wijiahye

(Mt 28.1-10; Mr 16.1-8; Lc 24.1-12)

¹ Domingo űami cĵunogā ijigū, bohreato panogā María Magdalena Jesu masa coperu esahye. Topu esaro ti copere tiquina tu biharia utāre yoa cĵunopu tiquina pōo cūria utāre ihñahye ticoro. ² Sa ijigū ihñano, usā cahapu oma tojoa tari ticoro. Simo Pedro mehna yuhu usā puana ijii. Wihi ohō saha ni yahuri usāre ticoro:

—Mari puhtoro pagure ne cāri jiri. Nohopu ne cā cūcoayaye mari masiedaja, nidi ticoro usāre.

³ Ticoro sa nigū tuhona, Pedro mehna masa coperu ihñana wahau usā. ⁴ Sa ihñana wahana usā puana oma cāu. Sa oma cāna, yuhu Pedrose oma yuhdu cāgu masa coperu esa muhtau. ⁵ Topu esagu muhri ihña sōu ti coperure. Muhri ihña sōgu tiquirore tiquina wahmedi suhtiro dihitarē ihñau. Sa ye ti copere sajāedū. ⁶ Yuhu sa ihñari batopu Simo Pedro yuhu batopu wihi. Wihi masa coperu sajā, tiquiro pagure tiquina wahmedi suhtirore ihñari tiquiro. ⁷ Sa yero Jesu dapure tiquina wahmedi cahsero gūhure ihñari tja. Ti cahsero sijoro cuñano tiquiro torēdi cahsero ijiri. ⁸ Sa yegu yuhu gūhu masa coperu esa muhtarigu ti coperu sajāu. Jesu sa mariedagū ihñagu “Pōtota Jesu masa wijiahya”, ni tuhottu yuhu. ⁹ Ti coperu usā wahato pano Cohācĵū yere tiquina ojoari pūpu Cristo tiquiro yariatire yahurire, tiquiro masa wijiatire yahuri gūhure usā quehnoano masiedarīmi. Ti copere yuhu ihñari bato, “Ijirota Jesu masa wijiahya”, ni, tuhottu yuhu. ¹⁰ Sa ihña tuhasa usā ye wuhusepu tojoaa wahau.

Jesu María Magdalenare bajuahye

(Mr 16.9-11)

¹¹ Sa ye masa coperu María majare tojoa ta, ti cope sopecahapu wihi, ducuro, utiro niahye. Sa utieperota ticoro muhri ihña sōahye masa coperure. ¹² Sa ihña sōno puaro angelere, yehseye suhti sañānequinare Jesu tiquiro cuñamediropu tiquina dujigū ihñahye ticoro. Ihcāquiro tiquiro dapu timediropu dujiahye. Apequiro tiquiro dahpocāri timediropu dujiahye. ¹³ Tiquinare ticoro ihñagū tiquina pehe ticorore sinituahye:

—¿Numio, dahse yego utiajari muhu? niahye tiquina.

—Yuhu puhtoro pagure ne cāri jiri. Sa yego tiquiro pagure tiquina cūrire masiedaga yuhu, niahye ticoro.

¹⁴ Sa ni tuhasa, majareducameno Jesure topu ducuriquirore ihñahye ticoro. Sa ihñaeperota Jesure masiedahye ticoro.

¹⁵ —¿Numio, dahse yego utiajari muhu? ¿Noare macago niajari? niahye Jesu ticoro.

“Ahriquiro ahri wesere cohteriquiro ijire”, ni tuhottumahye ticoro Jesure. Sa ni tuhotturo, ohō saha niahye ticoro:

—Muhu tiquiro pagure nedigu ijigū muhu cūrirore yahuya yuhure. Muhu yahuri bato tiquiro pagure negotja, niahye ticoro tiquirore.

¹⁶ Ticoro sa nidi bato Jesu ohō saha niahye:

—María, niahye.

Tiquiro sa ni pisugū tuhoro majare ihñadoqueo ticoro hebreo ye mehna ohō saha niahye:

—Rabuni, niahye ticoro Jesure. “Rabuni”, nino, “Buhegu”, nino niahye.

¹⁷ —Yuhu Pacu cahapu mujaedarĵaja yuhu. Yuhu sa mujaedarĵigū yuhure ñehedacāhña. Sa yego apequina yeequina cahapu wahaya. Tiquina cahapu esago ohō saha ni yahuya tiquinare: “Yuhu Pacu cahapu wahau tuu niaja. Musa Pacu gūhu ijire tiquiro. Yaquiro Cohācĵū cahapu wahau tuu niaja. Musa yaquiro Cohācĵū gūhu ijire tiquiro”, nidi Jesu”, ni yahuya tiquinare, niahye Jesu Mariare.

¹⁸ Tiquiro sa nidi bato María Magdalena usā Jesu buhena cahapu wihi, yahuri usāre:

—Mari puhtorore ihñau yuhu, ni, Jesu tiquiro yahu dutirire yahuri usāre ticoro.

Jesu tiquiro buheyequinare bajuahye

(Mt 28.16-20; Mr 16.14-18; Lc 24.36-49)

¹⁹ Ti deco domingo űamicahapu usā Jesu buhena usā acaye judio masare cuena, wuhupu biha sajā, dujii usā. Sa usā dujigū Jesu usā watoapu bajuaduca saro ohō saha nidi:

—¿Ne, iijajari musa? Quehnoano iijya musa, nidi.

²⁰ Sa ni tuhasa, tiquiro omocarine, tiquiro pati pahma bato gūhure usāre ihñori. Sa yena usā tiquirore usā puhtorore ihñana bucueli. ²¹ Pari turi Jesu usāre ohō saha nidi:

—Quehnoano iijya musa. Yuhu Pacu yuhure tiquiro ohoriro sahata, musa gūhure yee buheyere buheanare ohoaja, nidi Jesu usāre.

²² Sa ni tuhasa tiquiro usāre puti peori. Sa puti peoro Espiritu Santore usā ñeheatire ihñono nidi usāre. Ihño tuhasa ohō saha nidi:

—Yojopu Espiritu Santore ñehaña musa, musa mehna ijiatiquirore. ²³ Apequina

tiquina ñaÑe yerire m̄sa boḡu, sata ijjeta. Sa ye apequina tiquina ñaÑe yerire m̄sa boeraḡu ti bori ijisi, nidi Jesu us̄are tiquiore buhenare.

Jesure masa wijariquiore Tomasu ihñahye

²⁴ Jesu us̄a watoapu tiquiore ba-juaḡu Tomasu s̄hd̄ariquiore tiquina ni pisuriquiore us̄a mehna mariedari.

²⁵ Tiquiore sa mariedaḡu us̄a mehna cj̄ena tiquiore yahumedi.

—Mari puhtorore us̄a ihñau, ni yahumi us̄a Tomasure.

Us̄a sa ni yahuepeḡuta oh̄o saha nidi Tomasu:

—Tiquiore omocarine tiquina qūe bihari coperire ihñedagu, ti coperire yuh̄u omo piria mehna ohbe tuhueragu “Ijirota masa wijahya”, nisi yuh̄u. Sa yegu tiquiore pati pahma bato ijiri copere yuh̄u omoca mehna sīo s̄oedagu, “Ijirota masa wijahya”, nisi yuh̄u tiquiore, nidi Tomasu.

²⁶ Ocho decori bato pari turi us̄a tiquiore buhena us̄a wuh̄apu ij̄i. Ti pjere Tomasu us̄a mehna ij̄iri. Ti wuh̄u bihari wuh̄u ij̄iri. Bi-hari wuh̄u ij̄iepeḡuta Jesu wuh̄apu saj̄a taro, us̄a watoapu bajuad̄uca saro oh̄o saha nidi:

—¿Ne, ij̄ijari m̄sa? Quehnoano ij̄iya m̄sa, nidi.

²⁷ Sa ni tuhasa, tiquiore Tomasure yahuri:

—Ihñaña yuh̄u omocarine. Sa ye m̄hu omo piria mehna yuh̄u omocarine tiquina qūe bihari coperire ohbe tuhuya. Sa yegu m̄hu omoca mehna yuh̄u pati pahma bato ij̄iri copere sīo s̄o tuhuya. “Poto ij̄ierare”, niedac̄ahña. “Ijirota ij̄ire”, niña m̄hu, nidi Jesu Tomasure.

²⁸ Tiquiore sa nidi bato Tomasu yuhtiri:

—M̄hu yuh̄u puhto ij̄ire. Yaquiore Coh̄ac̄j̄u ij̄ire m̄hu, nidi Tomasu Jesure.

²⁹ —Yuh̄ure m̄hu ihñari bato yuh̄ure wac̄u tutuare m̄hu. Apequina pehe yuh̄ure ihñedapeta yuh̄ure wac̄u tutuaeta. Sa ye tiquina m̄hu yuh̄uroo bucueeta, nidi Jesu Tomasure.

Jesure mari masiatire ahri p̄ure ojoahye Ñu

³⁰ Sa yero peye apeye ḡuh̄ure Coh̄ac̄j̄u tutuaye mehna ye ihñori Jesu us̄a mehna ij̄iro. Tire tiquiore yerire ahri p̄ur̄u ojoa pehoerad̄u yuh̄u. ³¹ Sa ojoa pehoerap̄eguta ahri p̄ur̄u yuh̄u yahurire ojoa “Jesuta Cristo Coh̄ac̄j̄u ohoriquiore ij̄ire. Tiquiore potota Coh̄ac̄j̄u mac̄no ij̄ire”, m̄sa ni masiatire. Sa yena m̄sa tiquiore wac̄u tutuana Coh̄ac̄j̄u mehna m̄sa sa ij̄iducuatire ojoa ahri p̄ure.

21

Jesu siete tiquiore buheyequinare bu-juahye

¹ Came Tiberia wame tiri ditara d̄uht̄u cahapu us̄are tiquiore buhenare Jesu pari turi bajuari tja. Us̄are bajuaro oh̄o saha yeri tiquiore. ² Simo Pedro, Tomasu s̄hd̄ariquiore tiquina niniquiro, Natanae Galilea yehapu ij̄iri maca, Caná wame tiri maca cj̄ano, apequina puaro buheyequina, Zebedeo pohna puana us̄a oh̄opequinata cahmecoau.

³ Sa us̄a cahmecoari bato Simo Pedro us̄are oh̄o saha nidi:

—Wahi wej̄egu wahau niaja, nidi tiquiore.

—Us̄a ḡuh̄u m̄hu mehna wahanatja, nii us̄a tiquiore.

Sa ni tuhasa buhaa wahau. Sa yena yuc̄sa mehna wahau. Ti ñamine us̄a quehnoano wahi wej̄e bohreenapeta ne ihc̄aquiore wahi wej̄edad̄u. ⁴ Bohrea par̄i quehaḡu Jesu pad̄uor̄u ducuḡu tiquiore ihñami us̄a. Sa ihñaeapenata tiquiore ihñā masied̄u us̄a. ⁵ Sa yero tiquiore pehe us̄are sinituri:

—¿Ne wahi wej̄ejari m̄sa? nidi Jesu.

—Ne wej̄edabutiaga us̄a, ni yuhtii us̄a.

⁶ —Yuc̄sa poto pehe pahr̄e pehe doque ñoña. Tie pehe doque ñona wahi wej̄enata m̄sa, nidi us̄are.

Tiquiore sa niḡu tuhona us̄a tiquiore ni-dirota doque ñou. Us̄a doque ño tuhasaḡuta peyequina wahi saj̄ari. Peyequina wahi saj̄aḡu w̄ñanure yuc̄sapu weje s̄ana c̄uedad̄u us̄a. ⁷ Sa yegu yuh̄u Jesu cahñogu Pedreore yahuu:

—Mari puhtorota ij̄ire siquiore pad̄uor̄u ducuriquiore, nii yuh̄u Pedreore.

Yuh̄u sa niḡu tuhoro Jesuta tiquiore ij̄iḡu masino, Simo Pedro tiquiore suhtirore sañari. Wahi wej̄eno taro tiquiore suhtirore tu weriquiore ijinidi. Tiquiore suhtirore saña tuhasa, diapu uhpu ñojoaa wahari. ⁸ Sa yena us̄a apequina buhena yuc̄sapu ij̄ina, cien metro yoaro diapure pahsau us̄a. Sa yena w̄ñanure wahi peyequina saj̄ad̄ure yuc̄sa mehna weje nujuau us̄a. ⁹ D̄uht̄u cahapu us̄a wah̄a saḡu, topu peca niti dihita asi cuñari peca ij̄iri. Ti peca bui tiquiore puh̄o c̄uriquiore wahire ihñau us̄a. P̄a ḡuh̄ure ihñau us̄a.

¹⁰ Sa us̄a ihñaḡu ihñano Jesu us̄are oh̄o saha nidi:

—Mianoḡa m̄sa wej̄ediquinare meheñequinaḡa ne c̄ahtaya, nidi us̄are.

¹¹ Tiquiore sa niḡu Simo Pedro pehe Jesu mehna ij̄iriquiore yuc̄sapu saj̄a, w̄ñanure, buj̄uequina wahi ciento cincuenta y tres wahi saj̄ad̄ure weje majari. Peyequina wahi saj̄apeta w̄ñanure tuh̄edari.

¹² —Ihyana ahtaya, nidi Jesu us̄are.

“¿Noa boro ijiajari mahu?” ni sinitueru usā tiqirore. Usā puhtoro tiqiro ijigū masii usā. ¹³ Sa yero Jesu peca caharu esaro, pāre ne, usāre itiri. Wahi gūhare itiri.

¹⁴ Sa yero Jesu tiqiro masa wijari bato padurore bajuaro ihtia taha usāre tiqiro buhenare bajuaro nidi.

Jesu Simo Pedro mehna yahuducuahye

¹⁵ Usā ihyari bato Jesu Simo Pedore sinituri:

—¿Simo Ņu macu, ahriquinare mahu cahino yuhuro yuhare cahijari mahu? nidi Jesu Simo Pedore.

—Puhto, mahuare cahija yahu. Mahuare yahu cahigū masine mahu, ni yahtiri Simo Pedro.

¹⁶ —Sa yegu ovejagāre tiquina nuno saha yeequinare buhaya mahu, nidi Jesu.

Sa ni tuhasa pari turi tiqiro Simo Pedore sinituri:

—¿Simo Ņu macu, yuhare cahijari mahu? nidi Jesu.

—Puhto, mahuare cahija yahu. Mahuare yahu cahigū masine mahu, ni yahtiri Simo Pedro.

—Ovejare cohteriquiro ovejare tiqiro quehnoano cohtero saha, yeequinare quehnoano buhe cohteya, nidi Jesu Pedore.

¹⁷ Sa ni tuhasa pari turi Simo Pedore sinituri:

—¿Simo Ņu macu, yuhare cahijari mahu? nidi Jesu tja.

Ihtia taha sa ni tiqiro sinitugū tūhoro Simo Pedro tutuaro bujua witiri:

—Puhto, mahu masi pehore. Mahuare yahu cahigū masine mahu, ni yahtiri Simo Pedro.

—Ovejare tiquina nuno saha yeequinare buhaya mahu. ¹⁸ Ijirota mahuare niaja. Mahu wahmu ijigū mahu suhtire saña, mahu cahmedioru tinie tiahye mahu. Sa yerigu mahu ijiepegāta came mahu bācu ijigū, mahu omocarine mahu siōdoqueogū apeqiro mahuare suhtiro sāanota. Sa yero mahu waha dueroru mahuare neanota, nidi Jesu Simo Pedore.

¹⁹ Sa nino Simo Pedore dūhse waha tiqiro yariatire yahuro nidi. Cameru bācuro tiqiro wahagū sa yeye taye niahye apeqina tiqirore. Cohācjū yere Pedro yeri buhiri apeqina tiqirore wejēne taye niahye. Sa yero Pedro yariatire yahuro nidi Jesu. Sa ni yahu tuhasa, ohō saha ni nemori Pedore:

—Poto yahu buheriro sahata yeya mahu, nidi Jesu Pedore.

Jesu tiqiro cahiniqiro buheriquiro ahri pūre ojoariqiro ijire

²⁰ Tiqiro sa nigūta Pedro pehe majare ihñadoqueo, yuhare Ņure Jesu tiqiro cahnogū buherigare tiquinare yahu nūnu

tāgū ihñano Pedro Jesure sinituri. Yahu pehe Pedro ihñarigu to pano ohō saha nidigū ijii. “¿Puhto, mahuare ihña tuhtiequinare ihñotiqiro pehe noa boro ijiajari tiqiro?” ni Jesure siniturigu ijii yahu. Ti pjere Jesu tiqiro pari paha ihya dujii yahu. Sa yero yuhare ihñano Pedro Jesure sinituri:

²¹ —¿Puhto, ahriqiro pehe dūhse warotarī? ni sinituri.

²² —Tire mahuare yahueraja. Ahri yehparu yahu tojoa tato pano ahriqirore ijiducugū yahu yeatire masiedare mahu. Sa yegu mahuare yahueraja. Poto yahu buheriro sahata yeya mahu, nidi Jesu Pedore.

²³ Tire tiqiro yahurire ijipihtiequina Jesu yequina tiquina basi yahu sitemedi. Tire yahu siteye ohō saha nimesi tiquina pehe: “Jesu tiqiro cahiniqiro buheriquiro yariasī”, ni yahu sitemedi yuhare Jesu yequina tiquina basi. Tiquina sa niepegāta “Tiqiro yariasī”, nino niedari jimesi Jesu. “Ahri yehparu yahu tojoa tato pano ahriqirore ijiducugū yahu yeatire masiedare mahu. Sa yegu mahuare yahueraja”, nidi Jesu Pedore.

²⁴ Jesu buherigu ahrire yahurigu, ahri pūre ojoarigu ijiaja yahu. Sa yena ahri yahu yahuye poto ijigū masijaja mari.

²⁵ Peye apeye gūhare Jesu yeri. Tiqiro yerire mari ojoa pehogū ti pūri ojoari pūri peye waro wahaboaga. Sa ye ti pūrine mari ihbogū esa tuhaeraboaga ahri yehpa. Wahpaa wahaboaga, yahu tūhotugū. To puno tjire.

Jesu buhe dutiro tiqiro cūriquina tiquina yerire yahuri pū ijire

—*Espíritu Santo ahtarota, niahye ahri pūre ojoariqiro*

¹⁻² Teófilo, ahri quitire mähare ojoagu niaja. To pano yuhü ojoa mähitari pūre Jesu yerire, tiqiro buheyere mähare yahu tuhasa. Tee ahmüsepü tiqiro mujarire yuhü yahu bato tii. Jesu tiqiro mujato pano Espiritu Santo tutuaye mehna dutiahye tiqiro bese cūriquinare. ³ Sa ye Jesu curusapü tiqiro yariari bato ihquē tahari pagü tiriqiro bajuahye tiqiro cūriquinare. Cuarenta decori bato bajua bato tiahye. Sa yero tiqiro basi catiriqiro ijiyere ihñoahe tiquinare. Sa bajuaro mari Pacü tiqiro puhtoro ijiyere quehnoañe buheyere yahuahye tiquinare.

⁴ Jesu tiqiro cūriquina mehna ijinino tiquinare ohō saha ni yahuahye:

—Jerusalēpata ijinina yojoPURE. “Espiritu Santore müsare ohogutja”, yuhü Pacü tiqiro nidiquirore cohteniña. Tire tiqiro nidire müsare yahuu yuhü. ⁵ Ñu müsare wame yero aco mehna wame yemedi. Yuhü pehe ti yahduoro yeitja müsare. Mehenogā bato Espiritu Santore müsä mehna ijiducugü yeitja müsare, niahye Jesu.

Jesu ahmüsepü mujaa wahahye

⁶ Sa ye ape taha cunapü Olivo wame tidapü Jesu tiquinare tiqiro bajuagü ihñañe tiquina sinituahye tiqirore:

—¿Puhto, Israe yehpare tiquina ehmani yehpare dahse ijigü usäre pari turi cūgtjari mähü? ¿Dahse ijigü mari acaye warore puhtoro sögtjari mähü? niahye tiqiro yequina.

⁷ Tiquina sa nigü tahoro Jesu ohō saha niahye:

—Mari Pacü dihita ti decore müsä ye yehpare müsä quehnoano ijatire cū masine. Ti decore müsare masino basioerare. ⁸ Sa masiedapenata müsare Espiritu Santo tiqiro wihigü Cohäcjü ye tutuayere cunata müsä. Tiqiro ye tutuayere müsä cüona Jerusalē cjenare, ijiphtiyequina Judea yehpa cjenare, Samaria yehpa cjenare, sa ye ijiphtiyere yehpari cjenare quehnoañe buheyere buhenata müsä. Yuhü yariarire, yuhü masa mujarire tiquinare buhenata müsä, ni yahuahye Jesu tiquinare.

⁹ Sa ni yahu tuhasa, Jesu ahmüsepü mujaa wahahye. Tiquina tiqirore ihña nünü tä müogata ehmeo curua puhiaPü sajā, buti mujaa wahahye. ¹⁰ Sa ye tiquina Jesu mujariqirore tiquina ihña müori watoa

puaro angele yehseye suhti sañañequina Jesu tiqiro cūriquina watoa bajuadüca sahye. ¹¹ Sa ye tiquinare ohō saha niahye:

—¿Musa Galilea cjāna, dahse ijiro boro ihña müoducuna niajari müsä? Ahriqiro Jesu ahmüsepü mujariqiro, tiqiro mujariro saha ahtarota, ni yahuahye angele.

Jesu cūriquina Juda mñanore comesa-tiqirore beseahye

¹² Sa ye Jesu yequina cunapü Olivo wame tidapü ijiriquina dijia ta, Jerusalēpu tojoa sahye. Tu cunapüre ihcā kilómetro yahduo cjüno yoaro ijiahye Jerusalē dñhtu cahapüre. ¹³ Tojoa sa, ahmñanopü tiquina ijiri tucüPü mujaa wahahye. Ahriquina ijiahye: Pedro, Ñu, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo macano ijiahye. Simo pehe celote wame tiri curua cjāno ijimediqiro ijiahye. Juda pehe Santiago acayor ijiahye. ¹⁴ Peye tahari ahriquina ijiphtiyequina, numia mehna, María Jesu pacoro mehna, Jesu bahana mehna quehnoano cahmecoa, tutuaro mehna mari Pacüre sinie tiahye.

¹⁵ Sa ye ti decorire masa peyequina cahmecoahye. Ciento veinte ijiye ijiboaya. Sa yero Pedro pehe tiqiro mehna cjēna Cristo yequina watoa ducu, yahuahye tiquinare:

¹⁶ —Yuhü acaye, Cohäcjü panopü tiqiro nidiro sahata waharo nidi. Tire Espiritu Santo Davire yahu dutiahye Juda mñanore. Juda mñano Jesure ñeheatiquinare ihñoriquiro ijiri. ¹⁷ Sa yeatiqiro ijieperota mari mehna Jesu yere yeriquiro ijimedi. Sa yero usā mehna cjānota ijimedi, niahye Pedro.

¹⁸ Jesure ihño dutiye tiquina wapa yerire Juda mñano pehe wiari bato tiqiro basita wejē yariaa wahahye. Sa yero boraa waha, tiqiro cahta misi da tahña waha, yariaa wahahye. Tiqiro wiari mehna apequna mehenogā yehpare dúahye. ¹⁹ Ijiphtiyequina Jerusalē cjēna masi pñhti cāri jiri Juda mñano tiqiro ñano yerire. Sa masiñe tiqiro ye niñeru mehna tiquina dúri yehpare Acéldama wame yeri jiri tiquina ye yahuducuye mehna. Acéldama niñe, “Dii yehpa”, niñe nine. ²⁰ Came ohō saha ni nemoahye Pedro:

—Panopü tiquina ojoariro sahata sa wahari Juda mñano. Salmo tiqiro ojoari pūPü ohō saha ni ojoahye:

Tiqiro wñhü cohöri wñhü ijiahro. Sa ye apequna ti wñhäre ijieracāhdo, ni, ojoahye.

Ohō gñhäre ohō saha ni ojoahye: Apequro tiqiro dahrayere comesariqiro ijirota, ni, ojoahye Salmopü.

21-22 'Sa yena mari ihcãquiro beseihna. Ñu wame yeriquiro mñnano masare tiquiro buheri watoa ihquẽquina Jesu yequina mari mehna wahari. Tiquina mehna cjanore ihcãquiro bese neno cahmene mari mehna cjanõ ijiatiquirore. Jesu mehna mari ijigũ mari mehna sa ijiducuriquirore besero cahmene. Sa mari beseri bato Jesu tiquiro masa mujarire mari mehna buherota, ni yahuahye Pedro tiquiro acayere Cristo yequinare.

23 Tiquiro sa nigũ tuhoye puarore bese bocahye tiquina. Ihcãquiro José Justo wame tiriquirore beseahye. Tiquiro Barsaba tiquina ni pisuriquiro ijiahye. Sa ye apequirore Matia wame tiriquirore beseahye. 24-25 Tiquinare bese boca tuhasa, tiquina mari Pacure ohõ saha ni siniahye:

—Mũhũ usã puhto, ijipihitiyequina masa tiquina tuhutuyere masine. Ahriquina puaro usã beseriquina ijire. Juda mñnanore comesatiquirore diquiro mũhũ cahmeniquirore beseya. Jesure cohãtjiano Juda mñnano pehe pecaru wahahye. Tiquirore comesariquiro Jesu tiquiro cõriquiro ijirota. Sa yero usã mehna quehnoano buheyere buherota, niahye tiquina mari Pacure.

26 Sa niñeta Juda mñnanore comesatiquirore beseye tehe utã paca mehna doque cũ mujahye “Noa pehe sajãnotari”, niñe. Matia tiquiro quehnoano wijigũ, tiquiro pehe Jesu cõriquina once cõriquina mehna cjanõ tojoahye.

2

Espõritu Santo Jesu yequina mehna iji ducahye

1 Sa ye Pentecoste wame tiri deco ijigũ tiquina ijipihitiyequina ihcã wuharu cahmecoahye. 2 Ti pjereta wihnono tutuaro wẽno saha umñnanoru bisiro ca tahye. Sa bisiro ca tagũ tuhoahye ijipihitiyequina ti wuharu ijiriquina. 3 Sa ye peca pohna yero saha ijieye tiquina ijipihitiyequina dapu paca bui bajuahye. Ti peca pohnarigã ñehmeno yero saha bajuahye. 4 Sa yero Espõritu Santo wihiahye tiquinare tiquiro tutuayere ohoro taro. Espõritu Santo tiquinare yedo-horo puno tiquina pehe apequina ye mehna quehnoano yahuducuahye.

5 Ti decorire Jerusalẽru peyequina judio masa ijiahye. Mari Pacure ño peoyequina ijiahye. Tiquina macaripe cjana ijiahye. 6 Sa ye umñsepu bisigũ tuhoye Jesu buheyequina caharu peyequina cahmecoahye. Masape ye yahuducuyere Jesu buheyequina tiquina yahuducugũ tuhoahye. Sa tiquina yahuducugũ tuhoye, tiquina tuho maria wahahye.

7-8 —Ahyou, ¿Dahse yeye ahriquina Galilea cjana ijiepta quehnoano mari

ye yahuducujari? Tiquina mari masa bajuariropũ ahtariquina yero sahata yahuducuye ca tare, niahye tiquina pehe.

9-10 —Ijipihitiyequina mari yere yojopure yahuducuye nine: Partia cjana, Media cjana, Elã cjana, Mesopotamia cjana, Judea cjana, Capadocia cjana, Ponto cjana, Asia cjana, Frigia cjana, Panfilia cjana, Egipto cjana, Libiarũ ijieye macaripu Cirene caharu ijina, Romaru ahtarina ijiaja mari. Ihquẽquina judio masa ijiaja mari. Apequina mari judio masa ijiena, judio masa ye buheyere buhenaru ijiaja mari. 11 Creta cjana gãhu, Arabia cjana gãhu ijieye mari mehna. Sa yena ahriquina mari yere tiquina yahuducugũ tuhoaja mari. Tiquina mari ye mehna Cohãcjũ tutuaye mehna tiquiro yerire yahuye nine, ni yahuducuahye masa tiquina basi.

12 Sa niñeta tiquina tuho acuaa waha, tiquina ihñarire tiquina tuhorire quehnoano masiedahye.

—¿Ahri dahse ijiro boro ahriquina apequina ye mehna Cohãcjũ yere sa quehnoano yahuducujari, masa tuhutugũ? ni cahme sinituahe tiquina basi.

13 Tiquina sa ni tuhoutuepegũta apequina tiquina mehna cjana bujapeahye:

—¿Dahse ahriquina sihbiori sihni, queheye najari? ni bujapeahye apequina tiquina basi.

Pedro masare yahuahye

14 Sa yero Pedro once Jesu cõriquina mehna ducu, masare yahuahye:

—Musa Judea yehpa cjana, ijipihitina Jerusalẽru ijina, ahrire masiña musa. Yuhu yahugũ tuhoya musa. 15 Musa tuhutuye poto ijierare. Yojoputa nueve hora ijire. Sa ye ahriquina queherare. 16 Ahriquina Cohãcjũ panoru tiquiro nidiro sahata yeye nine. Ti pjepure Joere Cohãcjũ yere yahu muhtariquirore, ahrire yahu dutiahye Cohãcjũ pehe:

17 Iji bato tiye decori ijigũ ohõ saha ijirota: Yaquiro Espõriture masare ijipihitiyequinare ohogutja. Sa ye musa pohnarũ yeere yahueta. Sa ye musa mehna cjana wahma pjia bajumehneñene ihñæeta. Sa ye musa mehna cjana bucuna quehẽnorũ quehẽeta. 18 Sa yegu yuhu cahacjẽnare, yuhu cahacjẽna numia gãhare yaquiro Espõriture ohogutja. Sa ye tiquina yahueta yeere. 19 Sa yegu yuhu tutuaye mehna bajumehneñene ye ihñogutja umñnanoru. Yehparu gãhare yuhu bajumehneñene ihñogutja: Diire, pecare, peca ohmeore ihñogutja.

20 Sa yero asũ deco cjanõ nahitiaa waharota. Ñami cjanõ dii yero

saha sohãriquiuro comesarota. Ohõ saha waharota Cristo musa puhtoro tiquiuro ahtati deco, yuhũ nidi deco pano. Ti decopũ ihña maria wahaeta masa. Sa yero ihyo ijiri deco ijisi. Ti deco quehnoari deco ijirota. ²¹ Sa yero ohõ saha ijirota. Ijipihitiyequina masa Cristore tiquina ñañene cohã duti siniñequinare tiquiuro tiquinare pecapũ wahaboriquinare yuhduorota, nine Cohãcjũ, ni ojoahye Joel.

²² Musa Israe masa yuhũ yahugũ tuhoya: Jesu Nazare cjãno pehe Cohãcjũ ohoriquiro ijiri. Jesure tiquiuro ohorire masa tiquina masiato saha tiquiuro tutuaye mehna ye ihñori musare. Musa tire masine. ²³ Jesure ohori musare apequiuro. Panopũ Cohãcjũ “Sa waharota”, tiquiuro nidiro sahata sa yeri apequiuro. Sa yena musa Jesure curusapũ wejẽ dutiri masa ñañequinare. ²⁴ Cohãcjũ pehe Jesure yariariquiuro munanore masori. Pari turi ne yariasi tiquiuro. Tiquiuro yaria dojoerare. Sa catiducuatiquiro ijire. ²⁵ Ohõ saha niahye Davi panopũ cjãno Cristo tiquiuro niboriro sahata:

Yuhũ puhto, yuhũ mehna ijire mũhu. Ijipihitiye decori Cohãcjũ yuhũ puhto yuhũ caha mũhu ijigũ ihñae ti yuhũ cuerato saha. ²⁶⁻²⁷ Mũhu Cohãcjũ yuhũ jeripohnare yariayequina tiquina ijirorpũre ne cohãsi. Yuhũre ñanopũ yuhũ jeripohnare cohãsi mũhu. Yuhũ mũhu cahacjũ mũhure ño peogũ ijaia. Yuhũ pagure ahba dutisi mũhu. Sa yegũ tutuaro bucueaja. Bucueye mehna yahuducujaja. Sa yegũ mũhure Cohãcjũre quehnoano wacũ tutuagũ ijigũ cuero marieno quehnoano iji cjã. ²⁸ Yuhũre pari turi catigũ yeguta mũhu. Yuhũ mehna mũhu ijigũ tutuaro bucueaja, ni, ojoahye Davi munano Cristo tiquiuro niboriro sahata.

²⁹ Acaye, ohõ saha quehnoano yahugũtja musare Davire mari acayuro, panopũ cjãnore. Tiquiuro yariaa wahahye. Sa yero tiquirõre tiquina yari cope yojorpũre ijire. Sa yero “Yuhũ pagure ahba dutisi mũhu”, ni ojoaro tiquiuro basi wame peo yahuro niedahye. ³⁰⁻³¹ Panopũ Cohãcjũ Davi munanore ohõ saha niahye: “Poto niita niaja. Mũhu panamena iji turiayequina mehna cjãno mũhu yero saha ahri yehpa cjẽna puhtoro ijirota”, niahye Cohãcjũ Davire. Davi Cohãcjũ yere yahu mũhtariquiuro ijiahye. Sa yero Cristore Cohãcjũ tiquiuro puhtoro soatire masino, Cristo tiquiuro masa mujatire yahu mũhta tuhasahye Davi pehe. Ohõ saha niahye: “Tiquiuro yariayequina ijirorpũre iji dojoasi. Tiquiuro pagũ topũ ahbasi”, niahye Davi.

³² Ahriquiurore Jesure Cohãcjũ masori. Ušã ijipihitiina ihñau. ³³ Cristo mari Pacũ poto pehepũ ijire dutiriquiro ijiro. Sa yero tiquiuro Pacuro “Espiritu Santore yehpapũ ohogõtja”, niahye tiquirõre. Sa yero Cristo pehe ahriquinare Espiritu Santore ohori. Yojorpũre Espiritu tiquiuro yeyere masa ihñana nine. Sa yena musa tuhore. ³⁴ Davi munano pehe Jesu tiquiuro mujariro sahata uhmũserũ mujaedahye. Sa yero tiquiuro basi ohõ saha niahye:

Cohãcjũ nidi yuhũ puhtorore: “Yuhũ poto pehepũ dujiya mũhu. ³⁵ Mũhure ihña tuhtiyequinare mũhure yuhduca basautja yuhũ”, nidi Cohãcjũ yuhũ puhtorore, niahye Davi munano.

³⁶ Sa yena ijipihitiina Israe masa ahrire quehnoano masiña musa: Ahriquiuro Jesure musa curusapũ wejẽdiquirõre musa puhtoro sõri Cohãcjũ pehe. Tiquirõre musare yuhduoatiquirõre Cristore cõri Cohãcjũ, ni yahuahye masare Pedro.

³⁷ Tiquiuro sa nigũ tuhoye tutuaro bujua witiye, cueye masa pehe Pedro gãhure sini-tuahye:

—¿Ušã acaye, duhse yenatari usã? ni sini-tuahye tiquina.

³⁸ Tiquina sa ni sinitugũ yuhtiahye Pedro gãhu:

—Musa ñañe yeyere bujua witina ijia. Quehnoañe pehere comesaya. Sa yena Jesu wame mehna wame yenohrina ijia musa ijipihitiina. Musa sa yegũ musa ñañene borota Cohãcjũ. Musa sa yegũ Espiritu Santo musa mehna ijirota. Cohãcjũ yaquiuro Espiritu Santore sa oho cãnota musare. ³⁹ Musare, musa pohnare, musa panamena iji turiayequinare, yooropũ cjẽnare, ijipihitiyequina Cohãcjũ mari puhtoro tiquiuro beseriquinare, “Potota yuhduogõtja musare”, ni, cũahye Cohãcjũ, niahye Pedro.

⁴⁰ Sa ni tuhasa peye yahu nemoahye tiquiuro. Sa yero tutuaro mehna yahuahye tiquinare:

—Ahri yehpa cjẽnare tiquina ñano yeri buhirire buhiri dahrerota Cohãcjũ. Sa yena musa pehe Cohãcjũ yequina ijia. Musa sa ijigũ tiquiuro musare buhiri dahresi, niahye Pedro masare.

⁴¹ Tiquiuro sa nigũ tuhoye peye-quina tiquiuro yahuducuyere quehnoano tuhohahye. Sa yero tiquinare tiquiuro wame yeahye. Sa ye Cohãcjũ yequina mehna cjẽna tres mil masa waha nemoahye. ⁴² Sa ye tiquina masa Cristo cõriquina mehna decoripe ijie tiahye. Sa ye tiquina ti buheyere decoripe tuhoe tiahye. Tiquina ihyayere cahme iti, Cohãcjũre sini, Cristo cõriquina mehna quehnoano ijie tiahye.

Jesu yequina coã iji ducayequina tiquina ijiye tiyere yahuahye

⁴³ Sa ye Cohãcjũ tutuaye mehna ye ihñeahye Jesu cūriquina. Tiquina sa yegũ ihñañe masa ijipihityequina ihña maria wahae tiahye. ⁴⁴ Sa ye ijipihityequina Jesure wacũ tutuayequina cahmecoa, quehnoano ijie tiahye. Sa ye tiquina yere cahme itie tiahye. ⁴⁵ Tiquina yere dua, ijipihityequinare apee boro marieñequinare tiquinape ohoe tiahye tiquina. ⁴⁶ Sa ye decoripe tiquina Cohãcjũ wuhũpũ cahmecoae tiahye. Ijipihityequina tiquina ye wuhũsepũ bucueye mehna cahmecoa, ihvae tiahye. ⁴⁷ Tiquina sa cahmecoa, “Cohãcjũ quehnoariquiro ijire”, ni ño peoe tiahye. Sa ye apequna masa tiquinare cahme yuhdũe tiahye. Sa yero decoripe Cohãcjũ apequnare tiquiro yequina wahagũ yee tiahye.

3

Tini masieniquirore yuhduoahye mari Pacũ

¹ Ñamicahapũ tres ijigũ Cohãcjũ mehna yahuducuri pje ijigũ Pedro, Ñu mehna Cohãcjũ wuhũpũ wahaye niahye. ² Decoripe ti wuhũ cjã sopecaha quehnoari sopecaha wame tiri sopecahapũ apequna ihcãquiro masunore ne cãhta, duhu dapoe tiahye. Tiquiro masuno pehe wahma masa bajaropata tini masiedahye. Sa yero tiquiro ti sopecaha caha niñerure sini dujie tiahye ti wuhũpũ sajãñequinare. ³ Sa ye Pedro, Ñu mehna ti wuhũpũ tiquina esaducagũ tini masieniquiro pehe tiquinare ihña, niñerure siniahye. ⁴ Sa ye Pedro gũhu tiquirore ihña, Pedro pehe ohõ saha niahye: —Usãre ihñañã mũhu, niahye Pedro tiquirore.

⁵ Tiquiro sa nigũ tuhoro “Ahriquina mehenogã yuhũre niñerure ohoeta”, ni tuhuturo ihñadoque ohõ, tuhohaye tiquinare. ⁶ Tiquiro sa ni tuhohuepegãta Pedro tiquirore ohõ saha ni yahuahye:

—Niñerure cuoeraja yuhũ. Cuoerapeita, ahrire yeitja muhũre. Jesucristo Nazare cjãno tiquiro tutuaye mehna tiniña mũhu, niahye Pedro tini masieniquirore.

⁷ Sa ninota tiquiro omocare poto pehe cjã omocare ñehe, tiquirore weje wahcõ docoahye. Ti pjeta tini masieniquirore tiquiro ñecari tutuaa wahahye. ⁸ Tiquiro sa wahari bato tiquiro wahcãdũca sa, waha dũcahye. Sa yero tiquiro waha, uhpu maa, “Cohãcjũ quehnoariquiro ijire”, ni bucueahye. Sa bucuero tiquina mehna Cohãcjũ wuhũpũ sajã wahahye. ⁹ Tiquiro sa tinigũ “Cohãcjũ quehnoariquiro ijire”, tiquiro nigũ masa ijipihityequina tiquirore

ihñahye. ¹⁰ Sa ye masa tiquirore ihña masiahye. Tiquiro Cohãcjũ wuhũ cjã sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigũ ihñañe, ihña maria wahahye.

Cohãcjũ wuhũpũ Pedro masare buheahye

¹¹ Sa ye tini masieniquiro Pedro gũhure tiquiro ñeheni watoa, masa ijipihityequina ihña maria waha, quehnoari paapũ Salomo wame tiri paapũ oma cã, cahmecoahye. ¹² Tiquina sa cahmecoari bato Pedro pehe yahuahye tiquinare:

—¿Mũsa Israe masa, dũhse yena ahriquirore ihña mariajari? ¿Dũhse yena usãre masa ihña panũajari? Usã pehe usã ye tutuaye mehna Cohãcjũre usã wacũ tutuaye mehna usã esa tuhoro ahriquirore tinigũ yerũ usã. ¹³ Abrahã, Isaac, Jacob mari ñecũsumũna panopũ cjẽna Cohãcjũre ño peoe tiahye. Tiquiro Cohãcjũ pehe tiquiro cahacjũnore Jesure tutuariquiro, quehnoariquiro tiquiro ijigũ musare ihñoe tiri. Mũsa Jesure tiquirore ihña tuhtyequinare ohori. Sa yena Pilato tiquirore peresu wio duepegãta masa pehe tiquirore wiogũ cahmedari. Pilatore Jesure ohori mũsa. ¹⁴ Pilato tiquirore wio duamedì. Tiquiro sa wio duepegãta mũsa Jesure quehnoariquirore, quehnoano yeriquirore cahmedana, apeqirore masa wejẽdiquiro pehere wio dutiri mũsa. ¹⁵ Sa yena Jesure marine catigũ yeriquirore wejẽdi mũsa, usã acaye judio masa. Tiquiro yariagũ Cohãcjũ tiquirore masori. Tire usã ihñau. ¹⁶ Sa yena usã tiquirore wacũ tutuana ijiaja. Usã sa wacũ tutuagũ ihñano ahriquirore mũsa yojopũ ihñariquirore mũsa ihña masiniquirore Jesu pehe tiquiro tutuaye mehna tinigũ yeri.

¹⁷ Yuhũ acaye, mari pũthoa mehna Jesure quehnoano masiedapenata tiquirore wejẽdi mũsa. Tire masiaja yuhũ. ¹⁸ Sa ye panopũ cjẽna Cohãcjũ yere yahu muhtariquina Cohãcjũ tiquinare tiquiro yahu dutiriro sahata yahuahye tiquina. “Cristo ñano yuhdũrota”, ni yahuahye tiquina. Tiquina sa ni yahuriro sahata sa wahari yojopũre. ¹⁹ Sa yena yojopũre mũsa ñañe yerire bujua witina ijiaja. Quehnoañe pehere comesaya. Cristore wacũ tutuaya. Sa yero mũsa ñañe yerire borota Cohãcjũ. Sa yero musare bucueye decori cũnota tiquiro. Sa yena quehnoano jeri sajãnata. ²⁰ Sa yero Cohãcjũ Cristore tiquiro beseriquirore musare ohorota. Cristo Jesuta ijire. ²¹ Cohãcjũ cahapũ iji nine Jesu. Panopũ Cohãcjũ tiquiro yere yahu muhtariquinare yahuyu dutiahye. Masare ahri yehpa gũhure tiquiro yeatire yahuyu dutiahye. Sa yero tiquiro yahuriro sahata yojopũre ijipihityerere quehnono

nine. Quehno tuhasaro pari turi Cristore ahri yehpapu ohorota. ²² Moise tire yahuro ohō saha niahye: “Mari mehna cjanore mari acayurore Cohācjū yere yahu mēhtariquore Cohācjū mari puhtoro ohorota musare. Yuhare tiquiro ohoriro saha ohorota tiquiro gāhure. Sa yena musare tiquiro yahugū tuho pihiti cāhña masa. ²³ Ohō saha ijirota. Ijipihtiyequina tiquirore tuhoeriquinare, tiquiro dutiyere yerariquinare tiquiro cohānota. Cohācjū yequina mehna cjēna ijisi tiquina”, niahye Moise.

²⁴ ‘Ijipihtiyequina Cohācjū yere yahu mēhtariquinape Samuel, tiquiro bato ijiyequina gāhū ahri decorire yahuahye. ²⁵ Mari necasumare panopu cjēnare yahuahye Cohācjū. Mari gāhure sa ni yahuro niahye. Abrahāre tiquiro nidiro sahata mari gāhure ni yahuro niahye. Ohō saha ni yahuahye Cohācjū Abrahāre: “Ijipihitiri yehpa cjēnare quehnoano yeitja. Ohō saha tire yeitja: Camerpu iji nūnū tārīquiro mūhū acayuro pehe masare quehnoano ye basarota yuhare”, niahye Cohācjū Abrahāre. ²⁶ Sa yero Cohācjū tiquiro macanore mari cahapu oho mēhtari mari ñāñe yeyere duhu dutiatiquirore. Sa yero marine tiquiro quehnoano yeri, niahye Pedro tiquinare.

4

Pedro, Ñu mehna puhtoare yahuducuahye

¹⁻³ Masa mehna tiquiro yahuducuri watoa pahia, Cohācjū wuhare cohteyequina surara puhtoro, saduceo masa gāhū tiquinare tuhoahye. Ohō saha ni buheahye Pedro Ñu mehna masare:

—Jesu tiquiro yariari bato masa mujaa wahari. Tiquiro sa masagū ihñana mari gāhū came mari tiquiro yequina mari masa mējatire masiaja mari, ni yahuahye Pedro gāhū.

Tiquina sa nigū tuhoye puhtoa pehe tiquina mehna usuahye. Sa usuaye nahi quehagū ihñañe tiquina Pedrore, apequina Jesu cūriquina gāhure ñehe, peresu yeahye. ⁴ Puhtoa tiquina sa cahmedapegūta peyequina Cohācjū yere tuhoyequina pehe “Ijirota ijire”, ni tuhotuahye. Sa ye Jesu yequina peyequina sa jāhaye. Tiquinare amaa sehsarore mari queogū Jesure wacū tutuayequina cinco mil masa ijiahye.

⁵ Sa ye ape decopu ti maca cjēna puhtoa, bucna, judio masa buheyequina mehna Jerusalēpu cahmecoahye. ⁶ Sa yero pahia puhtoro, Anás wame tiriquiro topu ijiahye. Tiquiro acaye gāhū ijiahye. Caifa, Ñu, Alejandro, apequina mehna Anás acaye gāhū ijiahye. ⁷ Sa ye tiquina Pedro

gāhure tiquina cahmedoqueogū, surara pehe puhtoa watoapu tiquinare ne wihi docoahye. Tiquina sa yeri bato puhtoa sinituahye Pedro gāhure:

—¿Noa ye tutuaye mehna masa tiquirore tinigū yeari? ¿Noa ijiajari musare tire ye dutiriquiro? ni, sinituahye tiquina.

⁸ Tiquina sa nigū tuhoro Espiritu Santo tutuaye mehna yahuahye Pedro tiquinare:

⁹ —¿Musa puhtoa, masa bucna, usā tini masieniquirore quehnoa wahagū usā yerire sinituna najari masa? ¹⁰ Ahrire masiña masa ijipihitina, Israe masa. Ahrire Jesucristo sa yeri. Jesu Nazare cjāno, masa curusapu wejēdiuro, Cohācjū tiquiro masoriquiro pehe ahriquiro tini masieniquirore quehnoa wahagū yeri. Sa yena ahriquirore yojopure masa ihñonopu tiquiro tinigū ihñare masa. Ohō saha nine Cohācjū yere tiquina ojoari pūpu Cristore yahuro: ¹¹ “Ahriquiro utā yero saha ijiriquiro ijire. Utāre wuhū dahreatiquina tiquina cohāno saha masa tiquirore cohāri. Tiquina sa yepegūta yojopure wuhū dahreriquina wuhure yeye tiquina cū mēhtari utāre tiquina cūno saha Cohācjū tiquirore puhtoro sōri. Tiquiro Cristo pehe mariedagū Cohācjū yequina wahaeraboaya masa. Tiquiro sa ihyo ijiriquiro ijierapegūta masa mari puhtoa mehna tiquirore cahmedari. Masa sa cahmedapegūta Cohācjū pehe tiquirore mari puhtoro sōri”, ni ojoahye panopure. ¹² Ne, apequiro masare pecapu wahaboriquinare yuhduoriquiro ne mariedare. Ahri yehpapure Jesu dihita masare yuhduoriquiro ijire. Ne apequina tiquiro yero saha ijiyequina ne mariedare, ni yahuahye Pedro tiquinare.

¹³ Tiquiro sa ni yahuri bato Pedro, Ñu mehna buhemehneñequina tiquina ijigū ihñañe, cuero marieno tiquina buhegū ihñañe, puhtoa, bucna, judio masa buheyequina mehna tuho maria wahahye. Sa ye Jesu yero saha tiquina buhegū ihñañe, ohō saha masiahye tiquina: “Pedro, Ñu gāhū potota Jesu mehna cjēna ijire ahriquina”, ni, masiahye tiquina. ¹⁴ Sa yero tini masieniquiro ijimediquiro Pedro gāhū mehna ijiahye. Tiquiro quehnoariquiro ijigū ihñahye puhtoa, bucna, judio masa buheyequina mehna. Sa ye tiquina Pedro gāhure “Ñano yeye nine”, ni yahusā masiedahye. ¹⁵ Sa yahusā masiedaye, puhtoa tiquina cahmecoari tucūpu ijiyequinare Pedro gāhure wijia dutiahye. ¹⁶ Tiquina wijiarī bato tiquina basi ohō saha ni yahuducuahye:

—¿Ahriquinare dahse yenatari mari? ni, yahuducuahye tiquina.

Ohō saha ni yahuducu nemoahye:

–Pedro, Ñu mehna Cohācjū tutuaye mehna tini masieniquirore tinigū yeri jiri. Sa ye Jerusalē cjēna ijipihtiyequina tiquina sa yerire masidi. Sa yena mari pehe “Sa yerari tiquina”, ni masiedaja mari. ¹⁷ Sa yena Jesu tiqiuo buherire apequinare buhe dutieracāhna tiquinare, “Apequina ti buheyere cahmeari”, nina, ni yahuducuahye tiquina basi.

¹⁸ Sa ni yahuducu tuhasa Pedro gūhare pijio, ohō saha niahye:

–Jesu tiqiuo buherire ne buheracāhña apequinare. Tire ne yahuducueracāhña, niahye tiquinare.

¹⁹ Tiquina sa nigū tuhoye Pedro, Ñu mehna ohō saha niahye tiquinare:

–Musa ohō saha nigū musare yuhtina, Cohācjū pehere yuhduducana niboaga usā. ¿Noa pehere usā yuhtigū cahmeajari musa? ¿Musa pehere usā yuhtigū cahmeajari musa? ¿O Cohācjū pehere usā yuhtigū cahmedajari musa? ²⁰ Usā pehere usā ihñarire, usā tuhoreire usāre nuono basioerare, ni yuhtiahye Pedro, Ñu mehna.

²¹ Tiquina sa nigū tuhoye puhtoa pehe pari turi dutimahye tiquinare tja:

–Jesu tiqiuo buherire mesa buheri buhiri ñano yuhdūnata musa, niahye puhtoa tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiqiuo yuhdugū ihñañe, “Cohācjū potota quehnoariquiro ijire”, niahye masa. Tiquina sa nigū tuhoye puhtoa pehe Pedro gūhare buhiri dahre masieda, tiquinare wioahye. ²² Tini masieniquiro, tiquina yuhdūoriquiro cuarenta cahmari caoriquiro ijiahye.

Jesu yequina tiquina cueratire siniahye Cohācjūre

²³ Sa ye Pedro, Ñu mehna tiquina mehna cjēna cahapū esa, pahia puhtoa, bucana tiquinare tiquina nidire yahuahye. ²⁴ Tiquina sa nigū tuhoye tiquina ijipihtiyequina mari Pacare Cohācjūre siniahye:

–Usā puhto, mūhu uhmāsere, yehpare, mārī gūhare yerigū, ijipihtiyequina catiyequinare yerigū ijire mūhu. ²⁵ Mūhu yaquiro Espiritu Santo usā ñecu mūnāno Davire mūhu cahacjānore ahrire yahu dutiahye mūhu nidiro sahata:

¿Dahse ye Israe masa ijieyequina usuajari? Tuho masieñequina ijire masa. ²⁶ Peye yehpari cjēna puhtoa cahmecoā, mari puhtoro Cohācjūre, tiqiuo puhtoro sōriquiro Cristo gūhare ihña tuhti, ñano ye duare tiquinare, ni yahu dutiahye mūhu Davire panopure.

²⁷ Sa tjire. Ahri macapū Herode, Poncio Pilato, judio masa ijieyequina, judio masa mehna mūhu beseriquirore

Jesure quehnoariquiro mūhu cahacjānore wejē duaye, cahmecoari. ²⁸ Ti pje mūhu cahmediro sahata “Sa waharota”, mūhu nidiro sahata yeri tiquina. Mūhu masiñe mehna sa ni yahuahye mūhu. ²⁹ Sa yegu usā puhto, tiquina usāre “Musa buheri buhiri ñano yuhdūnata”, tiquina nidire wacūña mūhu. Usāre yuhdūoya. Sa yegu usāre mūhu cahacjānare cuero marieno mūhu buheyere yahu dutiya usāre. ³⁰ Mūhu tutuaye mehna dohatiyequinare yuhdūoya. Sa yegu mūhu buheyere cuero marieno yahu dutiya usāre. Sa yegu Jesu quehnoariquiro mūhu cahacjāno tiqiuo tutuaye mehna ye ihño dutiya usāre. Sa yegu dohatiyequinare usā yuhdū dutigū tiqiuo tutuaye mehna yedohoya usāre, ni siniahye tiquina mari Pacare.

³¹ Tiquina sa ni sinidi bato, tiquina cahmecoari wūhu ñuhmia wahahye. Sa ñuhmigūta Espiritu Santo tiqiuo tutuaye mehna wacū tutuayequina wahagū yeahye tiquinare. Sa wahaye, Espiritu Santo tiqiuo dutiriro sahata yeye, cuero marieno Cohācjū yere yahuahye tiquina.

Jesu yequina tiquina yere itie tiahye

³²⁻³³ Sa ye Cohācjū tiqiuo tutuaye mehna tiquina Jesu cūriquina ohō saha ni yahue tiahye masare: “Jesu tiqiuo masarire usā ihñau”, ni, yahue tiahye tiquina masare. Sa yero tiquinare ijipihtiyequinare Cohācjū quehnoano yedohoducue tiahye. Sa ye Jesure wacū tutuayequina peyequina ijieye, tiquina ihcāno saha tuhōtuyequina ijie tiahye. Sa ye tiquina yere, tiquina doeri cjēne “Yee dihita ijire”, ne nieda tiahye. Tiquina ijipihtiyequina tiquina yere apee boro marieñequinare tiquina mehna cjēnare itie tiahye. ³⁴ Sa ye tiquina mehna cjēna pejecuoyequina marieda tiahye. Tiquina mehna cjēna dihta cuoyequina, wūhuse cuoyequina tiquina yere duae tiahye. ³⁵ Sa duaye tiquina wapatarire ne cāhta, Jesu cūriquinare ohoe tiahye. Sa ye tiquina pehe tire tiquina mehna cjēnare itie tiahye. Ijipihtiyequina cuoyequinare itie tiahye. ³⁶ Ti pjere ihcāquiro tiquina mehna cjāno José wame tiriquiro ijiahye. Jesu cūriquina José Bernabé wame yeahye. Tiqiuo wame Bernabé “Masare bucueriquiro ijire”, nine griego ye mehna. Tiqiuo Leví ya curua cjāno Chipre nūcūo cjāno ijiahye. ³⁷ Sa yero tiqiuo wese caoriquiro ijiro tire duahye. Sa yero tiqiuo wapatarire Jesu cūriquinare ohoahye tiqiuo apequinare iti dutiro.

5

Anania tiqiuo namono Safira mehna ni mehoahye

¹ Apequina gāhū Bernabé yero saha yemahye. Tiquina Anania wame tiriquiro, tiquiro namono Safira wame tiricoro ijiahye. Tiquina ya wesere duahye tiquiro. ² Sa dueperota tiquiro wapatarire tiquiro basi neahye. Tiquiro namono gāhū tiquiro sa yerire masiahye. Sa yero tiquina wapatarire tiquina dūharire ne cāhta, Jesu cūriquinare ohoahye Anania pehe. Sa ohoro “Oho pehogū niāja”, nimahye tiquiro. ³ Tiquiro sa yegū ihñano Pedro tiquirore yahuahye:

—Anania, watīno mūhare ni meho dutiri jiri Espiritu Santore. Sa yegū mūhu ya yehpare dua, mūhu wapatarire mūhu basi nedi jiri. ⁴ Mūhu duato pano mūhu ya wese ijiri. Sa yero mūhu duari bato mūhu ye wapata ijiri. ¿Sa yegū dūhse ijiro boro sa ni mehoari mūhu? Mūhu usā dihitaré ni mehoedari. Cohācjū gūhare ni mehoari mūhu, niahye Pedro tiquirore.

⁵ Tiquiro sa nigū tūhorota, Anania pehe doque quehe sa, yariaa wahahye. Sa ye ijipihitiyequina tiquiro sa wahagū masiñe, tuturo cueahye. ⁶ Tiquiro yariari bato wahma pjia ahta, tiquiro pagure suhtiro cahsero mehna wahme, sopecahapū ne wijia, yahye tiquirore.

⁷ Sa ye ihtia hora bato Anania manano namono, tiquiro yariarire masiedaro Pedro cahapū sajahye. ⁸ Sa yero Pedro ticorore ohō saha niahye:

—¿Musa ya wesere duatjiāna noho puno wapatarī musa? niahye tiquiro.

Sa yero ticoro manano manano tiquiro nidiro punota, “To punota wapataū usā”, ni yahumahye ticoro.

⁹ Sa yero Pedro yahuahye ticorore:

—¿Dūhse yena musa ihcāno saha Cohācjū yaquiro Espiriture ni meho duajari? Tūhoya yojobure. Mūhu manano mananore yariquina ahtare. Mūhu gūhare mūhu pagure neñe taye nine, niahye Pedro.

¹⁰ Tiquiro sa ni yahugūta ticoro doque quehe sa yariaa wahahye. Sa ye wahma pjia ti wūhare sajà wihī, ticoro pagure ne wijia wahahye. Ne wijia ticorore ne cā wahahye. Ne cā, ticoro manano manano pari paha yahye. ¹¹ Sa ye Jesu yequina ijipihitiyequina apequina tire tūhoye cue yūhdūahye.

Jesu cūriquina Cohācjū tutuaye mehna ye ihñohaye

¹² Sa ye masa watoapū Jesu cūriquina peye tahari Cohācjū tutuaye mehna ye ihñoe tiahye. Sa ye tiquina Salomo wame tiri tucūpū quehnoari tucūpū cahmecoae tiahye. ¹³ Sa ye apequina tiquinare cueye, tiquina cahapū wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa. ¹⁴ Sa ye amna, numia peyequina Jesure wacū tutua

dūcahye. ¹⁵ Sa ye tiquina dohatiyequinare ne cāhta, coma cjūñe mehna pū ta, duhu cūe tiahye mahapū tiquinare. Sa ye Pedro tiquinare tiquiro ña peogū cahmeahye tiquinare ne cāhtariquina pehe dohatiyequina tiquina yūhdūgū cahmeñe. Tiquinare tiquiro ña peoeragū Pedro tiquina bui watīdoque peogū cahmeahye tiquina. Ti dihitaré cahmeahye tiquina yūhdūato saha. ¹⁶ Sa ye Jerusalē caha ijije macari cjēna gūhu dohatiyequinare, watīa mehna ijijequina gūhare ne cāhtae tiahye. Ijipihitiyequina tiquina pagūri quehnoa wahahye.

Jesu cūriquinare apequina ñano yee tiahye

¹⁷ Tiquina sa yegū ihñañe pahia pūhtoro, tiquiro mehna cjēna mehna Pedro gūhare ihñā tuhtiahye. Pahia pūhtoro mehna cjēna saduceo masa ijiahye. ¹⁸ Sa ye tiquina usua yūhdūa, Jesu cūriquinare ñehe, peresu yeahye. ¹⁹ Sa yero ñamipū Cohācjū yaquiro angel pōohaye tiquinare peresupū dujiyequinare. Sa ye tiquinare wijia ta dutiro yahuahye angel:

²⁰ —Cohācjū wūhupū wahaya. Ti wūhupū ijina Cohācjū tiquiro masorire ahri quehnoañe buheyere yahuya masare, niahye angel tiquinare.

²¹ Tiquiro sa nigū tūhoye, ñami cjūno Cohācjū wūhupū sajà, masare buheahye tiquina. Ti decota pahia pūhtoro, tiquiro mehna cjēna, Israe masa pūhtoa mehna cahmecoae, Jesu cūriquinare peresupū ijijequinare ne cāhta dutimahye surara pūhtoare. ²² Sa niepegūta surara pūhtoa peresu tiquina yeri wūhupū waha, ihñahye. Tiquinare bocaerahye. Bocaera, tojoaa wahahye. Tojoa sa yahuahye tiquina pūhtoare:

²³ —Peresupū ijije sope pahmari bihari pahmari dihita ijiri. Sa ye ti pahmari cahapū tiquina peresu yeriquinare cohteyequina ducuri. Sa ihñān usā. Usā sa ihñāpepegūta pōo sāa, usā ihñagū, tiquina peresu yeriquina mariedari, ni yahuahye tiquina.

²⁴ Tiquina sa nigū tūhoye, surara Cohācjū wūhare cohteyequina pūhtoro, pahia pūhtoa mehna tire tuho, tuho maria wahahye. “¿Dūhse waha sohtori tirotari ahri, tiquina sa yeye?” ni, tūhotuahye tiquina. ²⁵ Sa yero tiquina cahapū apequiro ahta, tiquinare yahuahye:

—Musa peresu yeriquina Cohācjū wūhupū ijiri. Ihñāna wahaya. Ti wūhupū masare buheye nidi tiquina, ni yahuahye.

²⁶ Tiquiro sa nigū tūhoro, surara pūhtoro tiquiro yequina surara mehna waha, Jesu cūriquinare pari turi ñehe cāhtahye tja. Sa ñehepeta tiquinare surara tuhtierahye. Sa ye tiquinare quēboriquina ijiepetā, masare cueye quēdahye tiquinare. “Ahriquinare

mari quēgū apequina masa pehe utā paca mehna doqueeta marine”, ni, tuhotuahye tiquina surara pehe. ²⁷ Sa ye tiquinare ne cāhta, puhto caha duhu docoahye tiquina. Tiquina sa ne wihī duhu docogū pahia puhtoro tiquinare tuhtiahye:

²⁸ —Musare usā tutuaro dutimi. “Jesu yere buheracāhña”, nimi usā musare. Usā sa niepegūta masa pehe ijiphtiequina Jerusalē cjenare buheri masa. Jesu tiquiro yariari buhiri, usāre buhiri tigū ye duana niaga masa, niahye puhtoro pehe.

²⁹ Tiquiro sa nigū tuhoro Pedro pehe apequina Jesu cūriquina mehna yuhtiahye:

—Cohācjū dutiri pehere ye muhtanatja. Sa yena came Cohācjū cahmegū masa tiquina dutiyere yenatja. ³⁰ Cohācjū, mari acaye panopū cjenā puhtoro Jesure masori jiri. Tiqirota ijire masa curusapū quē biha wejēdiquiro. ³¹ Jesure “Quehnoagū ijire”, ni, tiquiro poto pehe duji dutiri Jesure tiquiro Pacuro pehe. Sa yero Jesu masa puhtoro, masare masoriquiro ijiro, Israe masare tiquina ñañe yerire bujua witiyequina iji dutiro, tiquina ñañe cohā duare Jesu. ³² Sa yena usā pehe Jesu tiquiro yerire ihñarina ijina tire yahuaja usā. Espiritu Santo tire ihñariquiro ijiro yahure tiquiro gāhū. Tiqirore Espiritu Santore Cohācjū ohori. Ijiphtiequina Cohācjū dutiyere yeyequinare tiquiro Espiritu Santore ohori, ni yahuahye tiquinare.

³³ Tiquiro sa nigū tuhoye puhto pehe usua yuhduahye. Sa ye tiquina Jesu cūriquinare wejē duamahye. ³⁴ Sa wejē duepegūta Gamalie, fariseo masuno topū ijiriquiro tiquinare “Wejēari”, nino tiquinare yahuro taro niahye. Tiquiro puhto mehna cjenā, dutiyere buheriquiro ijigū, masa tiquirore ño peoe tiahye. Tiquiro Jesu cūriquinare mehenogā cohte dutiro ape siepū tiquinare ne cā dutiahye surarare. Tiquina sa ne cāri bato tiquiro yahuahye masare:

³⁵ —Masa Israe masa, ahriquinare masa yeatire quehnoano tuhotuya “Musapū wejēari”, nina. ³⁶ Wacūña Teuda munanore. Tiquiro basi “Masare yuhduacagū ijija yuhū”, nidi masare. Sa ye masa peyequina cuatro cientos masa tiquiro mehna cjenā tojoari. Sa ye apequina pehe tiquirore wejēdi jiri. Tiquiro buheyere buheriquina pehe waha sitea wahari jiri. Sa ye tiquina muna yojopū mariedare. ³⁷ Came masare tiquina queori pje ijigū Galilea cjenā Juda wame tiriquiro munano masare tiquiro buhegū tiquiro mehna masa peyequina tojoari. Tiquiro gāhū yariaa wahari jiri. Sa ye tiquiro yequina ijiphtiequina waha sitea wahari jiri. ³⁸ Sa nigū musare yojopū ahrire yahugū niaja. Sa ihña cāhña ahriquinare Jesu yere yahueyquinare.

Sa ye ahri buheye, ahriquina ye buheye Cohācjū ye buheye ijieraro, pihnti waharota Teuda gāhū tiquina ye buheye ti pihntiro sahata. ³⁹ Sa ijiepegūta ahri Cohācjū ye buheye ijiro, ne pihntisi. Ahri buheye Cohācjū ye ijigū ne ahrire butigū ye masiedare masa. Masa ahrire butigū ye duana Cohācjū mehna cahmequina niboaga masa, niahye Gamalie tiquinare.

⁴⁰ Tiquiro sa ni yahugū tuhoye, “Ijirota ijire”, ni tuhotuahye masa. Sa ye tiquina Jesu cūriquinare pijio, tiquina wihigū ihñañe, tiquinare tanahye. “Jesu yere buheracāhña masa”, ni tuhasa, tiquinare waha dutiahye.

⁴¹ Tiquina sa waha dutigū tuhoye tiquina puhto cahapū ijiriquina wahaa wahahye. Jesu yere tiquina yeri buhiri ñano yuhduye tutuaro bucueahye Jesu cūriquina. ⁴² Sa ye decoripe Cohācjū wuhupū, tiquina ye wuhusepū Cristo Jesu ye buheyere yahue tiahye tiquina.

6

Siete yedohoyequinare beseahye Jesu yequina

¹ Ti decoripe Jesu buheyequina peyequina wahahye. Sa ye judio masa tiquina quehnoano yeragū ihñañe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha numiare decoripe tiquina ihyayere quehnoano tiquina itieragū ihñañe, judio masare tuhtiahye. ² Sa ye doce Jesu cūriquina, peyequina Jesu buheyequinare tiquina cahapū pijio, ohō saha ni yahuahye:

—Usā Cohācjū yere buhena ijiaja. Ihyayere itūborina ijieraja usā. ³ Masa usā acaye, siete amuare, “Quehnoañequina”, apequina tiquina niñequinare, quehnoano tuho masiñequinare, Espiritu Santo cuoyequinare macaña. Tiquinare ihyayere iti dutiya masa. ⁴ Sa yena usā pehe decoripe Cohācjūre sini, Cohācjū yere buhenatja, niahye tiquina Jesu cūriquina.

⁵ Tiquina sa nigū tuhoye, “Au, sata yeihna”, niahye tiquina ijiphtiequina Jesu yequina. Sa ye Estebāre Cristore wacū tutuquirore, Espiritu Santo tutuayere pajiro cuoriquirore beseahye tiquina. Apequina gāhūre beseahye. Felipere, Prócorore, Nicanore, Timore, Parmenare, Nicolare ihyaye itiatiquinare beseahye tiquina. Nicola pehe judio masuno ijieriquiro Antioquia cjenā judio masa ye buheyere cahmeno, tiquina mehna sajāmediquiro ijiahye. ⁶ Tiquina beseriquinare Jesu cūriquina cahapū ne wihiahye apequina Jesu yequina pehe. Tiquina sa ne wihigū ihñañe tiquina Cohācjūre sini basaye, tiquina beseriquina bui omocarine duhu peohaye.

7 Sa ye ti yehpa cjēna Cohācjū yere masi pihci cjūne niahye. Sa ye Jerusalēri ijiyequina Jesu buheyequina peyequina wahahye. Sa ye pahia gāhu peyequina Jesu yequina wahahye.

Apequina Estebāre ñeheahye

8 Sa yero Estebā Cohācjū tutuayere cōriquiuro ijiahye. Tiquiuro Cohācjū quehnoano yenhriquiuro ijiahye. Sa yero tiquiuro Cohācjū tutuaye mehna ye ihñoahe masa tiquina ihñono. 9 Tiquiuro sa yepegūta judio masa tiquina buheri wāhu cjēna tiquiurore ihña tuhtiahye. Sa ye tiquiuro mehna cahme dāse tini wiaye niahye. Cahacjēna ijiire yūhdū witiriquina wame tiyequina ijiahye tiquina. Cirene cjēna, Alejandría cjēna, Cilicia cjēna, Asia cjēna mehna peyequina ijiahye tiquina. 10 Sa ye Estebā quehnoano masiniquiuro Espiritu Santore pajiro cōriquiuro tiquiuro yahuducugū tūhoye tiquina “Mūhu nidi potō ijerare”, tiquiurore ni ihño masiedahye. 11 Sa tūho dueraye tiquina apequinare ni meho dutiye, wapa yeahye tiquinare. Tiquina sa ni meho dutigū ohō saha ni yahūsāmahye tiquina:

—Ahriquiuro Cohācjūre tiquiuro ñano yahuducugū, Moiserē tiquiuro ñano yahuducugū gūhare usā tūhou, ni yahūsāmahye ni mehoñequina pehe apequinare.

12 Tiquina sa nigū tūhoye masa, judio masa buheyequina, bucāna gāhu tiquiuro mehna usuahye. Sa ye tiquina Estebāre ñehe, tiquina puhtoā cahapū neahye tiquiurore. 13-14 Sa ye tiquina apequinare ni meho dutiahye:

—Ahriquiuro decoripe Cohācjū wūhare, tiquiuro dutiye gūhare ñano yahuducuriquiuro ijire. Tūhou usā tiquiurore tiquiuro ohō saha nigū: “Jesu Nazare cjāno Cohācjū wūhare cohānota. Sa yero tiquiuro Moise dutiyere marine yahurire comesarota Jesu”, nidi Estebā usā tūhogū, ni meho yahūsāmahye tiquina.

15 Sa ye ijiptiyequina topū dujiyequina Estebāre quehnoano ihñadoque ohō, tiquiuro wūhdoare ihñahye tiquina. Angel yero saha bajuahye tiquiuro wūhdoa.

7

Estebā Jesu yere yahuahye

1 Sa ye pahia puhtoro sinituahye Estebāre. —¿Ahriquina ñiñe potota ijiajari? ni, sinituahye tiquiuro Estebāre.

2 Tiquiuro sa nigū tūhoro, Estebā pehe tiquinare ohō saha ni yahuahye:

—Yūhu acaye, bucāna, usā pacūsūmua tūhoya. Abrahā mari ñecu mūnāno panopū cjāno Mesopotamiapū tiquiuro ijiḡ, Harāpū tiquiuro ijiato pano, Cohācjū tutuariquiuro asi siteriquiuro pehe tiquiurore Abrahāre

bajuahye. 3 Sa bajoaro Cohācjū yahuahye tiquiurore. “Mūhu ya yehpare mūhu acaye mehna ijeracāhña. Sa yegu ape yehparū wahaya. Mūhu sa wahagū mūhure ti yehpare ihñogutja yūhu”, niahye Cohācjū Abrahāre. 4 Tiquiuro sa nigū tūhoye, Abrahā gāhu Caldea yehpa cjēna ya yehparū ijiriquina wahahye. Sa yero Harāpū esahye. Topū esa, ijiahye. Sa yero tiquiuro pacūro yariari bato ahri yehpa yojopū mūsa ijiri yehparū Cohācjū ahta dutiahye Abrahāre.

5 Cohācjū Abrahā tiquiuro ijiri yehpare quehnoano waro cūdarīahye tiquiurore. Ne mehenogā cūdarīahye. Sa yero Abrahā pohna marieniquiuro ijipegūta Cohācjū pehe tiquiurore ohō saha ni yahuahye.

“Mūhure, mūhu panamena ape tjuro cjēnapure ahri yehpare ohogutja”, niahye Cohācjū Abrahāre. 6 Sa ninota ohō saha ni yahu nemoahye Cohācjū. “Mūhu panamena ape tjuro cjēna ape yehparū wahaye, topū apequina cahapū ijire, tiquina cahacjēna ijieta tiquina. Sa ye cuatro cientos cūhmari waro to cjēna ñano yeeta mūhu panamena iji turiayequinare. 7 Sa yegu to cjēnare tiquina sa yeri buhiri buhiri dahregutja yūhu. Yūhu sa yeri bato mūhu panamena iji turiayequina ahri yehparū wihieta tja. Sa ye ahri yehparū yūhu cahacjēna ijieta tiquina”, niahye Cohācjū Abrahāre.

8 Sa nino Cohācjū “Yūhu nidiro sahata yegutja”, nino Abrahā tiquiuro wacūatire ohō saha cūahye tiquiurore. Cuhnucunū sohtoa cahserogāre yūhre ne dutiahye tiquiurore, tiquiuro ni yahuripure wacū dutiro. Sa ye Abrahā Isaare pohna tiahye. Ocho decori bato cuhnucunū sohtoa cahserogāre yūhre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjēna ijiatiquina ijiahye.

9 Sa ye tiquina mari ñecūsūmua mūna panopū cjēna Josere cooye ihña tuhtiyē, tiquiurore dua cāhye Egiptopū wahayequinare. Sa yero Josere Cohācjū yedohoahye. 10 Tiquiuro ñano yūhdugū ihñano Cohācjū tiquiurore yedohoahye. Tiquiuro sa yedohogū José pehe quehnoano tūho masiniquiuro wahahye. Sa yero faraō Egipto cjāno puhtoro pehe Josere cahmeahye. Tiquiurore cahmegū yeahye Cohācjū pehe. Tiquiuro sa yegū faraō pehe Josere puhtoro sōahye tiquiuro yequina masare dutiatiquiurore. Tiquiuro faraō ya wūhu gūhare puhtoro ijiyahye.

11 Sa ye ti pjere Egiptopū, Canaapū ne acoro ahtaerahye. Sa ye ñano yūhdūahye to cjēna. Sa ye mari ñecūsūmua mūna panopū cjēna ihyayere bocaerahye. 12 Sa bocaeraro Egiptopū trigo ijiḡ tūhoro, Jacob tiquiuro pohnene mari ñecūsūmua mūnare topū coā ohoro niahye. 13 Came Egiptopū

tiquina esagū José tiquiro wahmisumūare yahuahye. “Masa bahūta ijjiaja yūhū”, niahye tiquinare. Sa yero José acayere coā ihñano niahye puhtoro faraō. ¹⁴ Came José tiquiro wahmisumūare tiquiro pacuro Jacore piji dutiro ohoahye. Tiquiro acaye setenta y cinco masa ijjahye. ¹⁵ Tiquiro macano pijjogū tūhoro Jacob wahahye Egiptoru tiquiro macano caharu. Tiquiro macano caharu ijiro, came yariaa wahahye. Sa ye mari ñecusumua muna gāhū topu yaria pihitia wahahye. ¹⁶ Sa ye Siquē wame tiropu tiquina pagurire nea, masa coperire sehe tuhasa cohāhye tiquina pagurire. Abrahā tiquiro dūri yehpa ijjahye ti yehpa. Panoru Abrahā ti yehpare Hamor pohnene dūahye niñeru mehna.

¹⁷ ‘Sa yero Cohācjū Abrahāre “Ahri yehpare ohogutja mūhare”, niahye. Ti yehpare “Ohogutja”, tiquiro nidi pje umu sagū tiquiro acaye Israe masa peyequina masa wahahye. ¹⁸ Egiptoru tiquina ijjinīgū, apequiro puhtoro sajāhye. Sa yero tiquiro puhtoro pehe Josere masiedahye. ¹⁹ Tiquiro mari acayere ñano ye dua, tiquina pohnene wejē dua, cohā dutiahye tiquinare. Sa yero mari ñecusumua muna iji turiayequinare ñano yeahye puhtoro faraō pehe. ²⁰ Tiquiro sa yeri watoa Moise munano pehe masa bajuahye. Tiquiro quehnoariquiro, Cohācjū tiquiro quehnoano ihña coariquiro ijjahye. Sa ye ihtia asū waro quehnoano ihboahye tiquirogāre tiquiro pacusumua. ²¹ Sa yero Moiser tiquina nno nemoedagū faraō macono tiquirogāre ihña boca, ne maja, ticoro macunore yero saha cūoahye tiquirogāre. ²² Sa ye Egipto cjēna quehnoano masifequina yere buheahye Moiser. Sa yero cuero marieno yahuducuriquiro puhtoro yero saha yeriquiro ijjahye Moise.

²³ ‘Sa ijjeperota tiquiro cuarenta cūhmari cuoro tiquiro acayere Israe masare ihña duaro tiquina caharu tinino wahahye. ²⁴ Sa tinino esaro Egipto cjāno Moise acayurore tiquiro ñano yegū Moise ihñahye. Sa ihñano tiquiro acayurore yedohoahye Moise. Tiquiro acayurore yedohoro, Egipto cjāno pehere wejēahye tiquiro. ²⁵ Sa yero Moise ohō saha ni tūhotumahye. “Yūhū acaye tiquina acayurore yūhū yedohogū ihñāñe ‘Cohācjū marine quehnoano yedohogū ye dutiro ohoi ahriquirore’, ni tūhotueta yūhū acaye”, ni tūhotumahye Moise. Tiquiro sa ni tūhotuepegūta tiquina pehe ne sa ni tūhotuerahye. ²⁶ Ape decoru Moise tiquiro acayere puaro tiquina basi cahmequeñequinare ihñahye. Sa yero tiquiro tiquinare yahumahye. “¿Musa basi ijjeperota cahmequeajari musa?” nimahye Moise tiquinare. ²⁷ Tiquiro sa nigū tūhoro ihcāquiro tiquiro acayurore ñano yeriquiro Moiser tūdoqueoahye.

“Mūhū usā puhto ijjerare. Usāre dutigu ijjerare mūhū. ²⁸ ¿Canare Egipto cjūnore mūhū wejēdiro sahata yūhare wejē duagu niajari mūhū?” niahye tiquiro Moiser. ²⁹ Tiquiro sa nigū tūho maria waha, Moise oma duhti cāa wahahye. Madiā yehparu wahaa wahahye. Topure numino boca puaro pohna tiahye.

³⁰ ‘Sa ye Moise cuarenta cūhmari waro topu tiquiro ijiri bato Sinaí wame tidu canu caha masa marienoru tiquiro ijjigū angel tiquirore bajuahye. Angel pehe yucagu mehenagū ujūri peca pohnapu bajuahye. ³¹ Tu sa ujūgū ihñano Moise ihña maria wahahye. Ti pecare cahagū quehnoano tiquiro ihñano wahagū waro Cohācjū tiquirore yahuahye. ³² “Cohācjū ijjiaja yūhū. Mūhū ñecusumua Abrahā, Isaac, Jacob tiquina ño peorigu ijjiaja”, niahye Cohācjū Moiser. Tiquiro sa nigū tūhoro Moise pehe nanarea wahahye. Ne ihña wahcōedahye. ³³ Sa yero Cohācjū yahuahye tiquirore. “Mianogāta yūhū caharu ducugu nine mūhū. Sa yegu cua pesaro mehna mūhū dahpo sustire tu weya. ³⁴ Yeequina masa Egiptoru tiquina ñano yūhdugū ihñau. Tiquina utiyere tūhou. Sa yegu tiquinare yedohogu ahtau. Tiquina sa wahagū ihñagu wahaya mūhū gāhū. Egiptoru mūhare ohogutja tiquinare yedoho dutigu”, niahye Cohācjū Moiser.

³⁵ ‘Tiquina pehe mari acaye Israe masa Moiser cahmedahye. “Mūhū usā puhto ijjerare. Mūhū usāre dutigu ijjerare”, Moiser sa niñe cahmedaye niahye tiquina. Tiquina sa cahmedapegūta Cohācjū tiquirore Egiptoru ohoahye, mari acayere Israe masare yedohoatiquirore, puhtoro ijiatiquirore. Angel tiquirore yucaguru bajuariquiro pehe oho basahye tiquirore. ³⁶ Moise mari acayere Israe masare Egiptoru ijyeyequinare wioahye. Sa yero Egiptoru ahriquiro Moise Cohācjū tutuaye mehna ye ihño dūcāhye. Sa yero pajiri ma sohāri mapu sa yeahye tja. Cameru masa marienoru gūhare cuarenta cūhmari waro Cohācjū tutuaye mehna ye ihñoahye tiquiro. ³⁷ Ahriquiro Moise pehe mari acayere Israe masare yahuahye. “Yūhū yero saha ijyeyequirore Cohācjū yere yahu mūhtariquirore Cohācjū ohorota. Sa yero tiquiro musa mehna cjāno musa acayuro ijyirota”, niahye Moise tiquinare. ³⁸ Moise masa marienoru mari acaye Israe masa mehna ijjahye. Sa yero Sinaí wame tidu canaru tiquirore yahuriquiro angel mehna ijjahye. Sa yero mari ñecusumua panoru cjēna mehna ijjahye tiquiro. Cohācjū tiquiro dutiyere cūriquiro ijjahye Moise.

³⁹⁻⁴⁰ ‘Sa ye ti dutiyere canaru Moiser tiquiro cūri watoa mari ñecusumua panoru cjēna Egiptoru tojoaa duahye,

Moisere yuhduucaye. Tiquina tiqirore cahmedahye. Sa cahmedaye, tiqina Moise bahuro Aaröre ohõ saha niahye: “Cohãmana queoyere yeya mari yequina ijiatiqinane. Sa ye tiqina maha yeriquina marine dutiye mari waha duari maharu marine neaeta. ¿Tiquiro Egiptoru ijiyequinare marine ne cãhtariquiro Moise dahse wahayari tiqiro? Masiedaja usã”, niahye tiqina. ⁴¹ Sa ye ti decorire tiqina wecu queoyere uru mehna yeahye. Sa ye tuhasa, tiqina wahiquinare wejê, tiqina yeriquiro caharu ne cãhta, ño peohye tiqirore. Sa ye tiqina yeriquiro wecure ihña, bucu, bose deco yeahye. ⁴² Cohãcã wecure tiqina ño peogã ihñano tiquinare cohã cãa wahamahye. “Yuhare cohã, ñahpicoha pehere ño peocũnahõ”, nino cohã cãa wahamahye. Cohãcã yere yahu mãhtariquina sa ni, ojoahye.

Musa yuhare ña yuhduaro yeri. Israe masa masa marienoru cuarenta cãhmari waro ijina, wahiquinare musa wejêñequinare musa ujãñequinare ohona, yuhare musa ño peoboriro sahata yemedi musa. Sa yepenata yuhã pehere musa ño peorari. ⁴³ Sa yena musa Molo wame tiriqirore ño peona ijina, tiqirore ño peori wuhare cuori musa. Ñahpicoha apequiro cohãcã Rejã wame tiria queoyere musa yeriare musa ño peori tã. Ti queoyere musa yeriquinare musa ño peori. Musa sa yeri buhiri musare Babilonia ape sie pahrepu cohãgãtã yuhã, ni, yahu ojoahye Cohãcã yere yahu mãhtariquina.

⁴⁴ Sa ye masa marienoru Cohãcã masa mehna tiqiro iji ri wuhare wahiquina cahseri wuhare cuohaye mari ñecusumã panoru cjãna. Ti wuhã Cohãcã masa mehna tiqiro yahuducuri wuhã ijiahye. Ti wuhã Cohãcã dutiye tiqiro ojoari pãni utã pãni ijiahye. Ti wuhare Cohãcã tiqiro yahuriro sahata Moisere tiqiro ihñoriro sahata dahre dutiahye Cohãcã Moisere. ⁴⁵ Sa ye mari ñecusumã panoru cjãna Josuã mehna ti wuhare wahiquina cahseri mehna tiqina yeri wuhare ne cãhtahye ahri yehparu mari ijiri yehparu. Tiquinare mari acaye Israe masare Cohãcã tiqiro cãati yehpare ahri yehpare tiqina whiato pano ahri yehparu iji mãhtariquina Canaa cjãna munare Cohãcã cohã cãhye. Ti pjere Cohãcãre ño peori wuhare wahiquina cahseri wuhare cuohaye mari ñecusumã. Tee Davi munano tiqiro ijigãru cuo bato tiahye ti wuhare. ⁴⁶ Sa yero Davi munano Cohãcãre bucuẽgã yeahye. Sa yero Cohãcã ya wuhã ijiatire Davi pehe ye duaro, sinimahye Cohãcãre. ⁴⁷ Tiquiro sa siniepegãta Salomo pehe Cohãcã ya

wuhare yeahye. ⁴⁸ Tiquiro sa yepẽgãta Cohãcã pehe masa tiqina yeri wuhare ijierare. Ohõ saha niahye Cohãcã yere yahu mãhtariquiro.

⁴⁹ “Uhmuse yuhã dujro ijire. Topu dujigu dutiaja yuhã. Sa yero yehpa pehe yuhã dahpocãrine duhu peoro yero saha ijire. Yuhã tutua yuhduagu iji-aja. Ya wuhã ijiatore ye masiedare musa. Cohãcã yuhã ijigã yuhã ijiati wuhare musa ye masiedare. ⁵⁰ Yuhã basi ahri yehpare ijiphtiro yei yuhã”, niahye Cohãcã, ni ojoahye Cohãcã yere yahu mãhtariquiro.

⁵¹ Musa ne yahti duena ijire. Cohãcã yere tuhoopenata, tiqirore yahti duerare. Espiritu Santore yuhduca yuhduare musa. Musa ñecusumã tiqina yeri sahata yere musa. ⁵² Musa ñecusumã ijiphtiequina Cohãcã yere yahu mãhtariquinare ñano yeahye. Tiquina Cohãcã yere yahu mãhtariquina pehe “Came quehnoariquiro Cohãcã yere yahu mãhtariquiro ahtarota”, tiqina ni yahuequina ijigã tuhoye musa ñecusumã mana sa ni yahuriquinare wejê tiahye. Sa yena “Quehnoariquiro”, tiqina nidiqirore musa gãhu yojopare tiqiro ya curua cjãna ijiopenata tiqirore wejêdi. ⁵³ Cohãcã dutiyere angele pehe yahumahye musare. Sa yena musa ti dutiyere cuomahye. Sa yena ti dutiyere yuhduucari musa, niahye Estebã.

Tiquina Estebãre utã paca mehna doque wejãhye

⁵⁴ Tiquiro sa nigã tuhoye tiqina pehe tutuaro usuahye. Sa tutuaro usuaye, cuayequina wahahye. ⁵⁵ Tiquina sa usupegãta tiqiro Espiritu Santo dutiriro sahata ye pehoriquiro ijiro, tiqiro tutuayere quehnoano cuoriquiro ijiro, uhmusepu ihñadoque mao, Cohãcã asi siteyere ihñahye Estebã. Jesu Cohãcã poto pehepu ducugã ihñahye tiqiro. ⁵⁶ Sa ihñano ohõ saha niahye:

—Uhmusepu mehenogã parĩ we maagũ Jesu Cohãcã ohoriquiro Cohãcã poto pehepu tiqiro ducugã ihñaja yuhã, niahye Estebã.

⁵⁷ Tiquiro sa nigã tuhoye tiqina tutuaro sañuducu, tiqina cahmo coperire biha cã, ihcãno mehna tiqiro caharu oma maa cã, tiqirore ñeheahye. ⁵⁸ Ñehe tuhasa, tiqirore ne cã, ti maca dahã caharu cohãhye tiqirore. Sa ye utã paca mehna doque wejãhye tiqirore. Tiquina sa wejãto pano tiqirore yahusãriquina tiqirore utã paca mehna doqueatiqina tiqina suhtire tu we, wahmunore Saulo wame tiriqirore tiqina suhtire cuo basa dutiahye. ⁵⁹ Sa yero Estebãre tiqina wejãto pano ohõ saha niahye tiqiro:

—Jesu yuhũ pũhto, yuhũ jeripohnare neña, niahye tiqiro.

Tiqiro sa nino watoa tiquina pehe utã paca mehna doqueye niahye tiqirore.

⁶⁰ Sa yero tiqiro dũsepe curi mehna quehe sa, ohõ saha niahye:

—Pũhto Jesu, ahriquina yojorũ ñano yahũre tiquina yeyere tiquinare buhiri dahreracãhña mũhũ, niahye Estebã.

Sa nidi bato tiqiro yariaa wahahye.

8

¹ Sa yero Estebã tiqiro yariagũ ihñano, “Quehnoare”, niahye Saulo pehe.

Saulo Jesu yequinare ñano yeahye

Sa ye ti decoreta Jesu yequinare Jerusalẽpũ ijyeyequinare ñano ye dũcahye apequina pehe. Tiquina sa ye dũcagũ Jesu yequina Judea yehparũ, Samaria yehparũ, yoaropũ duhti site cãa wahahye. Jesu cũriquina dihita wahaerahye. ² Sa ye apequina Cohãcjũre ño peoyequina Estebãre ya, tutuaro utiahye tiquina. ³ Sa yero Saulo pehe Jesu yequinare ña yahũaro yee timahye. Tiqiro tiquina ye wũhusepũ sajã, mũhare, numiare ñehẽ, peresupũ biha docoe tiahye.

Samariapũ Jesu yere buheahye Felipe

⁴ Sa yeye yoaropũ waha siteriquina Jesu yere buheahye. ⁵ Sa yero Felipe Samaria wame tiri macapũ esa, Cristo yere buheahye ti maca cjẽnare. ⁶ Tiqiro sa buhegũ ti maca cjẽna quehnoano tũhoe tiahye. Sa ye Cohãcjũ tutuaye mehna tiqiro ye ihñogũ ihñahye tiquina. Sa ihñãñe tiqirore quehnoano tũhoe tiahye. ⁷ Peyequina wafare cuoyequina tiqiro cahapũ tiquina wihigũ ihñano watã pehere waha dutie tiahye tiqiro. Watã pehe tutuaro sañuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagũ tiyequina wahagũ yeahye. ⁸ Tiqiro sa yegũ ihñãñe ti maca cjẽna peyequina masa bucueahye.

⁹ Ti pjere Simo wame tiritiqiro ti maca cjãno yairo ijyahye. Sa yero yayia tiquina yerire ye ihñoe tiahye Samaria cjẽnare. Tiqiro sa ye ihñogũ ihñãñe, ti maca cjẽna ihña maria waha, tiqirore cua pesaro ihñãe tiahye.

—Yuhũ masi pehogũ ijijaja, nimahye Simo pehe tiquinare.

¹⁰ Tiqiro sa yegũ ihñãñe masa pehe ohõ saha nie timahye:

—Ahriqiro Cohãcjũ ye tutuayere cuoriquiro ijire. Cohãcjũ yero saha tutuariqiro ijire, nie timahye tiqirore masa, puhto mehna.

Tiqina ijipihitiyequina quehnoano tũhoahye tiqirore.

¹¹ Tiqiro yayia tiquina yeye mehna yoari pje ye ihñoe tiahye tiquinare. Tiqiro sa ye ihñogũ ihñãñe tiquina ihña maria wahae tiahye. Sa ye tiquina tiqirore ño peoe tiahye. ¹² Tiquina sa ño peoepegũta Felipe pehe Cohãcjũ tiqiro puhtoro ijyere, Jesucristo yere quehnoañe buheyere yahuahye. Tiqiro sa yahugũ tiquina tiqirore quehnoano tũhoahye. Tiquina sa quehnoano tũhogũ ihñano mũhũ, numia gãhũre wame yeahye Felipe. ¹³ Sa yero Simo gãhũ Felipere quehnoano tũhoe tiahye. Sa yero tiqiro gãhũre wame yeahye. Tiqiro sa wame yeri bato Felipe mehna tojoae tiahye tiqiro. Felipe pehe Cohãcjũ tutuaye mehna tiqiro ye ihñogũ ihñano, dohatiyequinare tiqiro yahũdũogũ ihñano Simo ihña maria wahahye.

¹⁴ Sa ye Samaria cjẽna Cohãcjũ yere tiquina tutuaro cahmegũ Jesu cũriquina Jerusalẽpũ ijyeyequina tũhoahye tiquinare. Sa tiquina cahmegũ tũhooye Pedrorẽ, Ñu gãhũre ohoahye Samariapũ. ¹⁵ Topũ esaye Pedro gãhũ Cohãcjũre siniahye. “Ahriquina Samaria cjẽna mũhũre ño peoyequina mũhũ yaqiro Espĩritu Santore cuoahro”, ni, sini basahye tiquina Cohãcjũ. ¹⁶ Tiquina Samaria cjẽna Jesucristo wame mehna wame yeriquina ijyahye. Ti dihitarẽ masiahye tiquina. Sa ye Espĩritu Santore cuoera tiahye ti pjere tiquina. ¹⁷ Sa ye Pedro, Ñu mehna Samaria cjẽnare tiquina omocarine tiquina bui duhu peori bato Espĩritu Santore cuo dũcaẽ tiahye tiquina.

¹⁸ Sa yero Pedro gãhũ tiquina omocari mehna tiquina duhu peogũ ihñahye Simo. Espĩritu Santore tiquina ñehẽgũ gãhũre ihñahye tiqiro. Sa ihñariqiro ijiro, ti tutuayere cahmeno, niñeru mehna wapa ye duamahye. Ohõ saha nimahye Simo:

¹⁹ —Yuhũ gãhũre ohoya ahri tutuayere. Yuhũ gãhũ yuhũ omocari mehna masa bui duhu peo yegũ tũhũ niaja Espĩritu Santore tiquina ñehẽato saha. Sa yegũ ahri yuhũ yeati wapare wapa ye duaja, nimahye Simo tiquinare.

²⁰⁻²¹ Tiqiro sa nigũ tũhoro Pedro ohõ saha niahye:

—Mũhũ niñeru mehna Cohãcjũ ye tutuayere mũhũ dú duari buhiri mũhũ niñeru mehnata pecapũ wahaya mũhũ. Cohãcjũ mũhũ tũhotuyere masine. Mũhũ ñagũ ijinine. Sa yegũ ahrire usã yeyere ye masiedare mũhũ. Ahrire yebogũ ijierare mũhũ. ²²⁻²³ Tutuaro ihña coore mũhũ. Sa yegũ ñãñe yeyere ne duhu masiedare mũhũ. Sa yegũ ahrire mũhũ ñãñe yerire bũjũna witiya mũhũ. Cohãcjũre mũhũ ñãñe tũhotuyere bo dutigũ siniña mũhũ. Mũhũ sa yegũ ihñano tiqiro mũhũ ñãñene borota, niahye Pedro tiqirore.

²⁴ Tiqiro sa nigū tūhoro Simo yuhtiahye tiqirore.

—Yuhure sini basaya mūsa Cohācjūre muhu nidiro saha yuhu wahaeragū. Ti buhiri pecarū waha dueraja yuhu, niahye Simo tiqirore.

²⁵ Came Pedro Ņu mehna Cohācjū yere yahuahye. “Jesu tiqiro masa mujagū ihñau usā”, ni, Samaria yehparū ijiye macari cjēnare quehnoañe buheyere buheahye. Tiqinane Cohācjū yere buhe tuhasa Jerusalēpū tojoaa wahahye.

Felipe Etiopía yehpa cjānore buheahye

²⁶ Sa ye Cohācjū tiqiro yaqiro angel Felipere yahuahye:

—Yojopare sur pehepū wahaya. Jerusalē caha ijiri maharū Gazarū wahari maharū wahaya, ni yahuahye angel Felipere.

Ti maha masa marienopū ijire. ²⁷ Tiqiro sa nigū tūhoro tiqiro pehe ti maharū wahahye. Came ti maharū ihcāqiro masnōre piti caro taro niahye. Tiqiro piti catiqiro ijiahye Etiopía yehpa cjāno puhtoro. Sa yero Candace wame tiricoro Etiopía cjōno puhtoro yere, niñerure ijipihtiyere ihña ihboriqiro ijiahye. Sa yero tiqiro Jerusalēpū mari Pacare ño peoro waha tuhasahye. ²⁸ Tiqiro ya macarū tunuria mehna tojoa taro tiarū wahaerota buhero niahye. Cohācjū yere yahu muhtariqiro Isaia tiqiro ojoari pūre buhero niahye. ²⁹ Sa yero Espiritu Santo pehe Felipere ohō saha ni yahuahye:

—Siqiro tunuriarū wahariqiro caharū wahaya, niahye Espiritu Santo tiqirore.

³⁰ Tiqiro sa nigū tūhoro Felipe pehe tunuria caharū oma cā, Isaia ojoarire Etiopía cjāno buhegū tuhoahye. Sa tūhoro Felipe sinituahye tiqirore:

—¿Mūhu buheyere tuho masiajari mūhu? niahye tiqiro.

³¹ Tiqiro sa nigū tūhoro Etiopía cjāno ohō saha ni yuhtiahye:

—Apeqiro yuhure yahu yuhduoatiqiro mariedagū quehnoano masiedaga yuhu. Ohō yuhure yahu dujigū ahtaya yuhu pari paha, ni yuhtiahye tiqiro Felipere.

—Au, ni, nuju sahye tiqiro caha.

³² Sa ye Cohācjū yere Etiopía cjānore tiqiro buheri pū ohō saha niahye:

Ovejare tiquina ñehe wejēdiro saha tiqiro gūhure ñehe wejēta masa. Sa yero ovejagāre tiqiro poarire tiquina segū tiqiro dihta marieno saha tiqiro masnō gūhu dihta marieno ijirota. ³³ Tiqirore tiquina bujūpeeta. Sa ye tiqiro ñano yerapegūta tiquina pehe ñano yeeta tiqirore. Tiqiro ahri yehparū ijigū tiquina tiqirore wejēta. Sa yero

tiqiro pohna marieniqiro yariaa waharota, ni ojoahye ti pūpūre.

³⁴ Ti pū sa ni yahugū ihñano, Etiopía cjāno sinituahye:

—Yahuya yuhure. ¿Ohō saha Isaia tiqiro nidiqiro noa boro ijajari ahriqiro? ¿Isaia tiqiro basi yahuro niagari? ¿O apeqirore yahuro niagari? ni, sinituahye Etiopía cjāno.

³⁵ Tiqiro sa ni sinitugū tūhoro Felipe pehe ti pūre ihña, Jesu yere yahuahye Etiopía cjānore. ³⁶ Sa ye tiquina tia mehna waha, mágāpū esahye.

—Ihñaña, ohō mágā ijire. Ahri mágāpū yahure wame yeya, niahye Etiopía cjāno.

[³⁷ —Jesure mūhu quehnoano wacū tutuagū ihñagu muhure wame yeitja, niahye Felipe tiqirore.

—Jesure wacū tutuaja yuhu. Tiqiro Cristo Cohācjū macano ijire. Tire quehnoano masiaja yuhu, niahye Etiopía cjāno.]

³⁸ Sa ninota tunuria ohoturiqirore yusno dutiahye. Tia yusu quehe sari bato wijiahye tiquina. Wijia, ti mágāpū esa, ñumudca sahye tiquina. Topū ñumudca sa, Felipe pehe tiqirore wame yeahye.

³⁹ Wame ye tuhasa tiquina majaduca sagū Cohācjū yaqiro Espiritu Felipere nea wahahye. Tiqiro sa wahari bato Etiopía cjāno quehnoano bucueriqiro tiqiro ya yehparū tojoaa wahahye. Tiqiro sa yeri bato tigū ne pari turi Felipere ihña nemoedahye. ⁴⁰ Sa ye tuhasa Azotopū esahye Felipe pehe. Sa yero peye macarine quehnoañe buheyere buheahye masare. Cesareparū buhe bato tiahye.

9

Saulo Jesucristore ihñano tiqirore wacū tutua dūcahye

(Hch 22.6-16; 26.12-18)

¹ Ti pjere Saulo Jesu yequinare ihña tuhtiriqiro, “Tiqinare wejēgutja”, nino, tiqiro pahia puhtoro caharū wahahye. ² Topū esaro tiqiro ojoari pūrine siniahye pahia puhtoro. Ohō saha niahye:

—Damaso cjē wuhūsepū judio masa mari buheye wuhūsepū Jesu yequinare umuare, numiare boca sagū, tiqinare ñehe dūhte, Jerusalēpū ne cāhtagutja. Ti wuhūsepū ijiequinare yuhu ñeheatire papera pūre ohoya, ni siniahye Saulo pahia puhtoro.

³ Ti pūre ne tuhasa, waha, Damaso cahagā tiqiro esagū waro umuanopū asi sitedoque dijiyahye tiqirore. ⁴ Sa asi sitedoque dijiogūta tiqiro yehparū bora quehe saro, yahuducugū tuhoahye:

—¿Saulo, dūhsegū mūhu yuhure ñano yeajari? nino ca tahye.

⁵—¿Pũhto, noa boro ijajari mũhu? niahye Saulo pehe.

—Yũhu Jesu, mũhu ñano yenohrigũ iji-aja. [Mũhu yũhu mehna usuagũ yũhũre yũhtieragũ, mũhu basita ñano yũhdũre, niahye Jesu Saulore.

⁶ Tiquiro sa nigũ Saulo cue nanare, ohõ saha ni sinituahye:

—¿Pũhto, dũhse yũhu yegũ cahmeajari mũhu? niahye Saulo.

Tiquiro sa nigũ ohõ saha niahye Jesu:]

—Wahcãducaya mũhu. Si macarũ wahaya. Ti macarũ mũhu esagũ ti maca cjãno mũhu yeaire yahurota mũhũre, niahye Jesu Saulore.

⁷ Tiquiro sa nigũ Saulo mehna cjẽna pehe tiquiro yahuducuye dihĩtare tũhoahye. Jesu pehere ihĩedahye. Tiquiro sa wahagũ ihĩñañe, cueye, tiquina yahuducu masiedahye. ⁸ Sa yero Saulo yehparũ cuñariquiro wahcãducã, tiquiro ihĩngũ tiquiro caperi bajuerahye. Sa ye tiquina tiquiro omocare ñehe, Damascopũ tũã cãã wahahye tiquirore. ⁹ Sa yero tiquiro ihtia deco waro ne ihĩñeda, ihyera, ne sijniedahye.

¹⁰ Sa ye Jesu buheriquiro Anania wame tiriquiro Damascopũ ijiahye. Sa yero Jesu bajuahye Ananiare. Sa bajuaro pisuahye tiquirore:

—¿Anania, ijajari mũhu? niahye Jesu.

—Ijajã, ni, yũhtiahye Anania tiquirore.

¹¹ Tiquiro sa nigũ Jesu yuahahye tiquirore:

—Poto wame tiri maharũ wahaya. Topũ wahagũ Juda ya wũhũrũ Tarsõ cjãnore Saulo wame tiriquirore macañã. Tiquiro Cohãcjũre sinino niaga. ¹² Sa yero quehẽno saha tiquiro ihĩnarire ihĩnano niaga topũre. Ohõ saha ijiyere ihĩnano niaga tiquiro: Mũhu omocare tiquiro bui duhu peo, tiquiro caperi quehnoa wahagũ ihĩnano niaga tiquirore bajarire, niahye Jesu Ananiare.

¹³ Tiquiro sa nigũ tũhoro Anania ohõ saha niahye:

—Pũhto, tiquiro mũhu yequinare quehnoañequinare Jerusalẽ cjẽnare ñano yeñohti. Peyequina masa yũhũre sa ni yahuri. ¹⁴ Sa yero ohõre tiquiro ijipihtiyequina mũhũre cahmeñequinare peresu yero taro niñohti. Pahia pũhtoa tiquirore sa ye dutiñohti, niahye Anania Jesure.

¹⁵ Tiquiro sa nigũ Jesu pehe yuahahye tiquirore:

—Tiquiro Saulo pehe yũhu beseriquiro ijire. Tiquiro yee buheyere peye macari cjẽnare, Israe masa ijieyequinare, tiquina pũhtoare, Israe masa gũhũre buherota. Sa yegũ wahaya mũhu. ¹⁶ Sa yero peye tahari yeere tiquiro yeri buhiri tiquiro ñano

yũhdũrota. Tire tiquirore masigũ yegũtja, niahye Jesu Ananiare.

¹⁷ Tiquiro sa nidi bato Anania pehe waha, esa, Saulo tiquiro ijiri wũhũrũ sajãhye. Sajã sa, tiquiro omocare Saulo bui duhu peo, yuahahye tiquirore.

—Yũhu acayũ Saulo, mari pũhtoro Jesu pehe maharũ mũhũre bajuariquiro yũhũre ohori, mũhu caperire ihĩña dutiro, Espĩritu Santore mũhũre cũõ dutiro, tiquiro dutiriro sahata mũhũre ye dutiro, ni yuahahye Anania Saulore.

¹⁸ Tiquiro sa nigũta tiquiro caperire wahi nũtari saha bajuyere tiquiro caperire pahna dijiagũ ihĩñahye Saulo. Tiquiro sa ihĩña tuhasari bato wahcãducã sagũ apeqũiro pehe wame yeahye tiquirore. ¹⁹ Sa yero tiquiro ihyari bato pagũ tutuariquiro wahahye.

Saulo Damascopũ Jesu yere buhe dũcahye

Sa ye meheñe decorigã Damasco cjẽna Jesu yequina mehna ijiahye Saulo.

²⁰ Sa yero ti pjereta tiquiro judio masa buheye wũhũseparũ Jesu yere buheahye masare. Jesu Cohãcjũ macãno tiquiro ijiyere yuahahye Saulo. ²¹ Tiquiro sa yahugũ ihĩñañe ijipihtiyequina tiquirore tũhoyequina acũãã wahahye.

—Ahriquiro Cohãcjũ yequinare Jesure cahmeñequinare ñano yee tiriquiro ijire. Sa yero tiquiro tiquinare ñehe, dũhte, pahia pũhtoare oho duari jimedi. Sa ye duaro ohõpũre ahtari jimedi tiquiro, niahye masa tiquirore tũhoyequina.

²² Tiquina sa ni tũhotuepegũta Saulo cuero marieno tutuaro mehna buhe dũcahye. Judio masare Damasco cjẽnare quehnoano yuahahye. “Ahriquiro Jesu potota Cristo marine yũhdũoriquiro ijire”, tiquiro ni yahugũ tiquina pehe tiquirore “Ni mehono nine ahriquiro”, ni masiedahye tiquirore.

²³ Sa ye peye decori bato judio masa tiquirore wejẽ duaye, tiquina basi yahuducuahye. ²⁴ Sa yero Saulo tiquina wejẽ duagũ masiahye tiquiro basi. Sa ye ti maca cjẽ sopecaharire decopũre, ñamipũ gũhũre coltee tiahye tiquirore wejẽ duaye. ²⁵ Tiquina sa wejẽ duagũ ihĩñañe ñamipũ Saulo buheyequina tiquirore pũhũro pajiri pũhũdupũ ne sãã, ti maca cjã sahrĩno behero peherũ duhu dijiyahye tiquirore.

Saulo Jerusalẽrũ ijiahye

²⁶ Sa ye Saulo Jerusalẽrũ esaro, topũ Jesu yequina mehna tiquiro iji duamahye. Tiquiro sa iji duepegũta tiquina tiquirore “Jesu buheriquiro ijierare ahriquiro”, niñe, tiquirore cue niahye. ²⁷ Tiquina sa cuepegũta Bernabẽ pehe tiquirore ne cãhye Jesu cũriquina caharũ. Sa yero Saulo

mahapꝰ Jesure tiqiro ihñarire, Jesu mehna tiqiro yahuducurire, Damascopꝰ cuero marieno Jesu yere tiqiro buhe dꝰcarire yahuahye Bernabé pehe. ²⁸ Tiqiro sa ni yahuri bato Saulo tiqina mehna sajāno, Jerusalēpꝰ tiqina mehna ijie tiahye. ²⁹ Sa yero tiqiro cuero marieno Jesu yere buhee tiahye. Sa yero tiqiro judio masare Jesu yere yahu yḥdꝰdꝰcaro niahye. Tiquina judio masa griego masa yere yahuducuyequina ijiahye. Sa ye Saulo tiqiro sa yahu yḥdꝰdꝰcari buhiri tiqina tiqirore wejē duamahye. ³⁰ Tiquina sa wejē duagū ihñañe, Saulo mehna cjēna Jesu yequina pehe tiqirore Cesareapꝰ ne duhti cāa wahahye. Topꝰ tiqirore siho ijudume Tarsopꝰ ohoahye tiqirore.

³¹ Sa ye ijipihitropꝰ, Judea yehparꝰ, Galilea yehparꝰ, Samaria yehparꝰ Cohācjā yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohācjāre cua pesaro ihñahye. Espiritu Santo tiquinare tiqiro yedohogū tiquina pehe masa peyequina wahahye.

Pedro Eneare quehnoa wahagū yeahye

³² Sa ye Pedro ijipihitiye macaripꝰ waharo, Jesu yequina Lida maca cjēna cahapꝰ gūhare esahye tiqiro. ³³ Topꝰ esaro Enea wame tiriqirore boca sahye. Enea tini masieniqiro ijiro, ocho cahmari waro cuñari cahsero mehna cuñae tiahye tiqiro. ³⁴ Sa yero Pedro pehe tiqirore ohō saha niahye:

—Enea, Jesucristo mahare quehnoa wahagū yere. Wahcādꝰcaya. Mūhū eō tu cuñari cahserore quehnoña, niahye Pedro tiqirore.

Tiqiro sa nigūta tiqiro wahcādꝰca wahaa wahahye. ³⁵ Sa ye ijipihitiyequina Lida cjēna, Sarona cjēna tiqirore ihñañe, tiquina ñañe yirire duhu, Jesure wacū tutuahye.

Dorca wame tiriqirore masoahye Pedro Jesu tutuaye mehna

³⁶ Sa ye Jope wame tiri macapꝰ Jesure ño peoricoro Tabita wame tiriqirore ijiahye. Ticoro wame Tabita griego ye yahuducuye mehna Dorca ijire. Ticoro quehnoañene yero, peye ohoe tiahye pejecuoyequinare. ³⁷ Sa yero ti pjere ticoro dohati wahcō, yariaa wahahye. Ticoro yariagū ihñañe, tiquina ticorore quehnoano cose, ḥmꝰano cjā tucūpꝰ cūahye ticorore. ³⁸ Lida wame tiri maca Jope cahagāpꝰ ijiri. Sa ye Jesu buheyequina Jope cjēna Pedro Lidapꝰ tiqiro ijigū tuhoahye. Sa tūhoye, pꝰaro ohoahye Pedro cahapꝰ. Tiqiro cahapꝰ esaye, Pedroro yahuahye tiquina.

—Sojaro mehna usā ijirorpꝰ wahaya, ni yahuahye tiquina.

³⁹ Tiquina sa nigū tūhoro tiqina mehna wahaa wahahye tiqiro. Topꝰ tiqirore tiqina ne sari bato ḥmꝰano cjā tucūpꝰ ne mūjaa wahahye tiqirore. Sa ye ijipihitiyequina wape wiha numia tiqiro cahapꝰ esadꝰca, utiahye. Tabita tiqina mehna ijininorpꝰ peye suhtire yee tiahye. Sa ye tiqina ticoro yeri suhti ijirire ihñohaye Pedroro. ⁴⁰ Tiquina sa ihñoepegūta Pedro tiquinare ti tucūpꝰ ijyeyequinare wijia dutiahye. Tiquina wijari bato tiqiro dꝰsepe curi mehna quehe sa, Cohācjāre ticorore sini basahye. Sa yero ticoro pagare majare ihñahye.

—Tabita wahcāña, niahye tiqiro.

Tiqiro sa nigūta ticoro pehe ihñā wahcō, Pedroro ihñā, wahcā nuju sahye. ⁴¹ Ticoro wahcā nuju sagū ihñā, tiqiro ticoro omocare ñehe, tuā wahcō docoahye ticorore. Sa yero tiqiro to cjēnare Jesu yequinare, wape wiha numiare pijio, ticorore catiricorore wiahye tiquinare. ⁴² Tiqiro sa yeri bato ijipihitiyequina Jope cjēna tire masiñe peyequina masa Jesure wacū tutua dꝰcahye. ⁴³ Came Jopepꝰ Simo wahiquina cahserire quehnoiqiro mehna peye decori Pedro tiqiro mehna ijiahye.

10

Pedro Corneliore Jesu yere yahu dꝰcahye

¹ Ti pjere Cesareapꝰ Cornelio wame tiriqiro ijiahye. Tiqiro cien surara pūhoro ijiahye. Tiquina surara pehe tiqina ya curua Italiano wame tiahye. ² Cornelio tiqiro ya wūhū cjēna mehna mari Pacare ño peoyequina, cua pesaro ihñañequina ijie tiahye. Sa yero tiqiro judio masa pejecuoyequinare yedohoro, peye ohoahye. Sa yero decoripe tiqiro mari Pacare sinie tiahye. ³ Sa ye ñamicahapꝰ tres hora ijigū Cohācjā yaqiro angel tiqirore bajuahye. Sa bajuaro Cornelio cahapꝰ sajāhye.

—Cornelio, niahye angel tiqirore.

⁴ Sa yero Cornelio tiqirore ihñā cuero ohō saha niahye:

—¿Pūhto, yabere cahmeajari? niahye tiqiro.

—Pejecuoyequinare mūhū ohorire, mari Pacare mūhū sinidire tiqiro wacūno niaga.

⁵ Sa yegū Jopepꝰ mūhū cahacjēnare ohoya. Topꝰ Simo Pedro wame tiriqiro ijire. Tiqirore ne cāhta dutiya mūhū cahacjēnare.

⁶ Tiqiro apequiro Simo wahiquina cahseri quehnoiqiro cahapꝰ, pajiri ma dūhtū cahapꝰ ijiri wūhūpꝰ ijire, niahye angel Corneliore.

⁷ Angel sa ni tuhasa, wijiaa wahahye. Tiqiro sa wijari bato Cornelio pꝰaro tiqirore yedohoyequinare ihcāquiro surara mehna cjānore pijiahye. Surara

pehe mari Pacure ño peoriquiro ijiri, decoripe Cornelio yedohoe tiahye. ⁸ Sa yero Cornelio tiquinare yahu peho, Joperu ohoahye tiquinare.

⁹ Sa ye ape deco Joperu tiquina wahari watoa coheri pje ijigü Pedro pehe wahu buipü Cohäcjäre sinino wahahye. ¹⁰ Sa yero tiquiro ujua ahtagü ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagü ihñahye. ¹¹ Hmuanopu pari maagü, pajiri cahsero ti cahsero sohtoripu dahreri cahsero dijia tagü ihñahye. ¹² Ti cahsero puhari peyequina wahiquina nucu cjëna, yehrapu bua tiniñequina, minicjua pari ijiahye. ¹³ Tire tiquiro ihñari bato, Pedro yahuducugü tahoahye.

—Pedro, wahcädacaya. Ahriquinare wejë ihyaya, ni yahuducugü tahoahye tiquiro.

¹⁴ Tiquiro sa niepegüta Pedro ohö saha niahye:

—Pühto, ne tiquinare ihyeraja yuhu. Ñañequinare, Cohäcjü tiquiro ihya dutier-ariquinare ne ihyera tii yuhu, niahye Pedro.

¹⁵ Sa yero Pedro pari turi yahuducugü tahoahye:

—Cohäcjü “Quehnoañequina ijire”, tiquiro nidiquinare “Ñañequina ijire”, niedacñña mahu tiquinare, ni yahuducugü tahoahye Pedro.

¹⁶ Sa ye ihtia taha tiquina sa ni yahuducuri bato ti cahsero hmuanopu mujaa wahahye tja. ¹⁷ Sa yero Pedro tutuaro wacü “¿Duhse ni yahu duaro nijari sa bajuaro?” ni tãhotuahye tiquiro basi. Tiquiro sa tãhoturi watoa Cornelio ohoriquina pehe Pedro ijiri wuhapu esahye. “¿Simo ya wahu nohoru ijiajari?” ni, tiquina sinituri bato ti wuhapu esahye tiquina. ¹⁸ Sa ye tiquina sinitu madoqueoahye. “¿Simo Pedro wame tiriquire ahri wuhare ijiajari?” ni sinituahye tiquina. ¹⁹ Sa yero Pedro tiquiro tãhoturi watoa Espiritu Santo tiquirore yahuahye:

—Ihñaña. Ihtiaro amua mähare macañe nine. ²⁰ Wahcädacaya. Dijiahya. Tiquina mehna wahaya. Yabiro marieno wahaya quehnoano mehna. Yuhu pehe tiquinare ohöprare ahtagü yei, niahye Espiritu Santo Pedore.

²¹ Tiquiro sa nigü tãhoro Pedro tiquina cahapu dijiaa wahahye.

—Ihñaña. Ohöpu ijiaja yuhu masa maca cãhtarigu. ¿Duhse yena tana nijari masa yuhu cahapare? niahye Pedro tiquinare.

²² Tiquiro sa nigüta tiquina pehe ohö saha niahye:

—Cornelio cien surara pãhtoro, quehnoañene yeriquiro, mari Pacure cua pesaro ihñariquiro, ijipihtiequina judio masa “Quehnoariquiro”, tiquina

nidiquiro mähare piji dutiro ohori usäre. Cohäcjü quehnoariquiro yaquiro angel Cornelio mähare piji dutiñohti. Ohö saha niñohti: “Pedrore mahu ya wuhapu ne cãhta dutiya mahu cahacjënare. Sa ye tiquiro mähare yahurota”, ni piji dutiñohti angel Cornelio, ni yahuahye Cornelio Pedore tiquiro piji dutiriquina pehe.

²³ Tiquina sa nigü Pedro pehe tiquinare sajã ta duti, ihyaye oho, tiquiro ijiri wuhapu carã dutiahye tiquinare. Sa yero ape deco Pedro wahcã, tiquina mehna wahaa wahahye. Sa ye apequina Cristo yequina Jope cjëna Pedore piti ti cãhye.

²⁴ Ape deco tiquina Cesarepu esahye. Sa yero Cornelio pehe tiquiro acayere, tiquiro mehna cjëna gähare piji cahmecoa, Pedore cohteahye. ²⁵ Sa yero Pedro Cornelio ya wahu cahapu tiquiro ahtagü ihñano Cornelio pehe tiquirore piti ca wijia, tiquiro dahpocãri cahapu quehe sahye. ²⁶ Sa yepegüta Pedro tiquirore ne wahcö doco ohö saha niahye:

—Ducuya mahu. Yuhu gãhu mahu yero saha ijigü ijiaja. Cohäcjü ijieraja yuhu, niahye Pedro tiquirore.

²⁷ Tiquiro sa ni tuhasari bato Cornelio tiquirore ne sajãa wahahye tiquiro ya wuhapu. Topu sajã saro masa pari ti wuhapu cahmecoa, tiquirore cohteyequinare ihñahye Pedro. ²⁸ Sa yero Pedro tiquinare yahuahye:

—Judio masu ijiepegüta ape curua cjëna mehna ijigü usã dutiyere yahdadacagu njaja yuhu. Tire quehnoano masine masa. Sa ijiepegüta ape curua cjënare “Ñañequina ijire”, yuhare ni dutierari Cohäcjü. Sa ni yahuri yuhare tiquiro. ²⁹ Tiquiro sa nigü tãhogu ohöprare masa cahapare ahtau. Masa yuhare pijigü “Ne waharaja”, niedu yuhu. “¿Duhse ijiri boro yuhu ohöpu ahtagü cahmeari masa?” niahye tiquinare Pedro.

³⁰ Tiquiro sa nigü tãhoro Cornelio pehe ohö saha niahye:

—Tres hora ijigü waro mari Pacu yaquiro angel yuhare bajuari. Pitiia deco wahare yuhare tiquiro bajuari bato. Ti decota mari Pacure yuhu sinini watoa angel asi siteri suhtiro sañariquiro yuhu cahapu ducuri. ³¹ Sa yero tiquiro yuhare ohö saha nidi: “Cornelio, mahu mari Pacure mahu sinigü tiquiro tãhori. Sa yero pejecnoyequinare tiquina cahmeñene mahu ohogü ihñano mari Pacu wacüno mähare yedohorota. ³² Sa yegu Joperu mahu cahacjënare ohoya, Simore, Pedro wame tiriquire mahu cahapu tiquina ne cãhtagü. Tiquiro apequiro Simo wahiquina cahseri quehnoariquiro ya wuhapu pajiri ma dãhtu cahapu ijiri wuhapu ijire tiquiro”, ni yahuri yuhare tiquiro. ³³ Tiquiro sa nigü tãhogu yuhu cahacjënare mähare ne cãhta dutigu

ohou yahu. Sa yegu quehnoano yegu ahtari jiri mahu usā cahapare. Sa yena usā ijipihitina ohōre mari Pacu tiquiro ihñonopu ijina niaja usā. Ijipihiyere mari Pacu mahare tiquiro yahu dutirire taho duana, cohteī usā, niahye Cornelio Pedrove.

Pedro Jesu yere yahuahye

³⁴ Tiquiro sa nigū tūhoro, Pedro ohō saha ni yahuahye:

—Yojopu masiaja. Ijirota ijire. Cohācjū ihcāno saha quehnoano yere marine. ³⁵ Sa yero ijipihitiye macari cjēna Cohācjūre cua pesaro tiquina ihñagū, quehnoañene tiquina yegū Cohācjū pehe tiquina mehna bucuere. ³⁶ Cohācjū usā judio masa cahapu Jesucristore ohori. Masare Cohācjū mehna quehnoano iji dutiro Jesu pehe quehnoañe buheyere yahuri. Ti buheyere masa masine. Jesucristo pehe ijipihitiyequina masa puhtoro ijire. ³⁷ Ņu wame yeriquiro ohō saha ni yahuri: “Musa ñañene bujua witiya. Sa yena wame yenohrina ijiya”, ni, yahuri Ņu. Masare tiquiro sa ni yahuri bato Galileapu quehnoañe buheyere Jesu pehe yahu ducari. Came Judea yehparu ti buheyere yahu pehori. ³⁸ Ahriquiro Jesu Nazare cjānore Cohācjū pehe tiquiro tutuayere, Espiritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watiare cuoyequinare ñano yuhduyequinare ijipihitiyequinare quehnoa wahagū yeri. Mari Pacu Jesu mehna ijiri. ³⁹ Judea yehparu, Jerusalēpu gūhare ijipihitiye tiquiro yerire usā ihñau. Came tiquina curusapu wejēdi tiquirore. ⁴⁰ Sa yero ihtia deco wahaboro Cohācjū tiquirore masori jiri. Sa yero Jesure apequinare bajuagū yeri jiri mari Pacu. ⁴¹ Ti pjere Jesure ijipihitiyequina ihñedari. Meheñequinagāre bajuari tiquiro. Mari Pacu tiquiro cahmenare, Jesure ihñatinare panopu usāre mari Pacu beseahye. Usā pehe Jesu tiquiro masari bato tiquiro mehna ihya, sihnii. ⁴² Sa yero usāre tiquiro dutiri. “Masare yahuya. Yuhu Jesu ijipihitiyequina catiyequinare, yariariquina gūhare buhiri dahreacju yahure ijigū yeri mari Pacu. Sa yena tire masare yahuya”, ni dutiri Jesu usāre. ⁴³ Ijipihitiyequina Jesure tiquina wacū tutuagū ihñano Cohācjū tiquina ñañene borota. Tire ijipihitiyequina Cohācjū yere yahu mahtariquina panopu cjēna yahuyuahye, ni yahuahye Pedro.

Judio masa ijieyequina Espiritu Santore cuo ducahye

⁴⁴ Ti ijipihiyere tiquiro sa ni yahuri watoapu, ijipihitiyequina tire tuhoyequina mehna Espiritu Santo iji ducahye. ⁴⁵⁻⁴⁶ Sa ye judio masa ijieyequina tuhohemeñe yahuducuye mehna bucuere mehna yahuducu ducahye. Ti yahuducuye mehna

Cohācjūre “Tutuagu, quehnoagu ijire”, niñe niahye. Tiquina sa nigū tūhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiquiro iji ducagū ihñañe judio masa pehe ihñana maria wahahye. Sa yero Pedro ohō saha ni yahuahye judio masare:

⁴⁷ —Mari yero sahata Espiritu Santore cuore ahriquina gūhu. ¿Tiquina sa ijigū ihñana ahriquinare wame yeraboagari mari? niahye Pedro tiquinare.

⁴⁸ Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato “Usā mehna meheñe decorigā tojoariña”, niahye tiquina Pedro gūhare.

11

Pedro Jerusalē cjēnare Jesu yequinare yahuahye

¹ Sa ye judio masa ijieyequina gūhu Cohācjū yere tiquina quehnoano cahmegū Jesu cūriquina pehe tiquina acaye Judeapu ijieyequina mehna tūhoahye. ² Sa ye Pedro Jerusalēpu tiquiro tojoa sagū ihñañe judio masa Jesu yequina meheñequinagā tiquirore ohō saha niahye:

³ —¿Judio masa ijieyequinare dahse ijiro boro ihñagū esari mahu? ¿Dahse ijiro boro tiquina mehna ihyari mahu? ni, tuhtiahye Pedrove tiquina.

⁴ Tiquina sa nigū tūhoro Pedro tiquiro yerire yahu peho cāhye tiquinare. ⁵ Ohō saha ni yahuahye:

—Yuhu Jopēpu ijigū Cohācjūre sinigū nii. Sa yero yuhare ohō saha bajuari. Pajiri cahsero ti cahsero sohtoripu dahteri cahsero ahmnanopu yuhu cahapu dijia tagū ihñau. ⁶ Sa yegu ti cahserore quehnoano ihñau, “¿Yabe boro ti cahseropure ijiajari?” nigū. Sa yegu ihñau ti cahseropure ijieyequinare: Wahiquinare nacū cjēnare, yehparu bua tiniñequinare, minicjua parire ihñau. ⁷ Sa yegu yuhare tiquiro yahuducuyere tūhou. “Pedro, wahcādūcaya. Wejē ihyaya ahriquinare”, nino ca tari yuhare. ⁸ Tiquiro sa nigū tūhogu ohō saha nii yuhu. “Puhto, ne tiquinare ihyeraja yuhu. Ñañequinare, Cohācjū tiquiro ihya dutiyequinare ne ihyera tii yuhu”, nii yuhu. ⁹ Yuhu sa niepegūta ahmnanopu pari turi yuhare yahuducuro ca tari tja. “Cohācjū ‘Quehnoañequina ijire’, tiquiro nidiquinare ‘Ñañequina ijire’, niedacāhña mahu”, nino ca tari yuhare. ¹⁰ Sa yero ihtia taha usā sa ni yahuducuri bato ti cahsero ahmnanopu mujaa wahari tja. ¹¹ Yuhu sa ihñari watoa ihtiaro amua usā ijiri wuhapu esari jiri. Tiquina Cesarea cjāno ohoriquina ijiri. ¹² Sa yero Espiritu Santo pehe yuhare tiquina mehna waha dutiro “ Tiquina ñañequina

ijire', niedacãhña tiquinare", ni yahuri yahure tiquiro. Sa ye ahriquina seis yahu acaye mehna Cesarea cjãno ya wãhãpã sajãu usã. ¹³ Sa yero tiquiro usãre ohõ saha ni yahuri. "Angel yãhu wãhãpã ducugã ihñau yãhu. Ohõ saha ni yahuri yahure: 'Jopẽpã Simore Pedro wame tiriquireore ne cãhta dutiya. ¹⁴ Tiquiro mũhare mũhu acaye mehna musare ijiphtinare pecapã wahaborinare musa yãhdũatire yahurota', nidi angel yahure", ni, yahuri Cesarea cjãno yahure. ¹⁵ Sa ye yãhu yahuducuri watoa Espiritu Santo pehe tiquina mehna iji dũcari, marine tiquiro ye mũhtariro sahata. ¹⁶ Sa yegũ Jesu tiquiro yahurire wacũu yãhu. Ohõ saha ni yahuri tiquiro: "Ñu musare wame yero aco mehna wame yemedi. Yãhu pehe tiquiro yãhdũoro yeitja musare. Came Espiritu Santore musa mehna ijiducugã yeitja", ni yahuri. ¹⁷ Sa yero Jesucristo mari pũhtorore mari wacũ tutuagũ ihñano Cohãcjũ yaquiro Espiritu Santore ohori marine. Sa yero Cohãcjũ marine Espiritu Santore tiquiro ohoriro sahata judio masa ijieyequina gãhure tiquiro ohori. Cohãcjũ tiquiro sa yegũ ihñagũ tiquireore yãhdũaca masiedaja yãhu, niyahye Pedro tiquinare, judio masare Jesu yequinare.

¹⁸ Tiquiro sa nigũ tuhoye, tiquina tiquireore ne ni nemodahye. Tiquirore tuhti masiedahye. Sa ye tiquina,

–Cohãcjũ quehnoariquiro, tutuariquiro ijire, niyahye.

Ohõ saha ni nemoahye:

–Judio masa ijieyequina gãhu tiquina ñãñene bujãa witiyequina ijiye, Cohãcjũ yequina ijieta. Sa tiquiro yequina ijiye, tiquina gãhu ijiphtiyehye decori tiquiro mehna ijieta, ni nemoahye tiquina.

Antioquiãpũ apeqũna Jesu yequina iji-ahye

¹⁹ Sa ye Estebãre tiquina wejẽdi bato masa Jesu yequinare ñano yeahye. Tiquina sa yegũ ihñãñe Jesu yequina duhti sitea wahahye. Sa ye tiquina Feniciãpũ, Chiprepũ, Antioquiãpũ waha, judio masa dihitare Cohãcjũ yere yahue timahye tiquina. ²⁰ Tiquina sa yepegũta apeqũna pehe Jesu yequina mehna cjẽna Chipre cjẽna, Cirene cjẽna, Antioquiãpũ esa, judio masa ijieyequinare Jesu yere buheahye Cohãcjũ tiquinare tiquiro yãhdũoatire. ²¹ Sa yero mari pũhtoro tiquinare yedohoahye. Sa ye masa peyequina Jesure wacũ tutuaye, quehnoañe pehere comesahye.

²² Sa ye "Antioquiã cjẽnapũ Jesure cahmeaga", ni tuhooahye Jerusalẽ cjẽna Jesu yequina. Tiquina sa tuhooi bato Jerusalẽ cjẽna Bernabẽ wame tiriquireore Antioquiãpũ ohoahye. ²³ Sa yero tiquiro Antioquiãpũ esaro, Cohãcjũ yedohoye

mehna judio masa ijieyequina tiquiro yequina tiquina wahagũ ihñano, tutuaro bucueahye. Sa yero tiquiro to cjẽnare ohõ saha ni yahuahye:

–Jesure sa wacũ tutuaducuya. Tiquiro yere ne duhueracãhña, ni yahuahye tiquiro ijiphtiyequina tiquinare.

²⁴ Bernabẽ quehnoariquiro ijiro, Espiritu Santore pajiro cõoriquiro ijiro, tiquiro dutiriro sahata yeriquireo ijiro, Jesure quehnoano wacũ tutuahye tiquiro. Sa ye tiquiro buheri bato masa peyequina wacũ tutuahye Jesure.

²⁵ Came tiquiro Tarso wame tiri macapũ Saulore macano wahahye. ²⁶ Topũ tiquireore boca sahye. Tiquiro boca sari bato Antioquiãpũ ne cãhye Saulore. Topũ tiquina esari bato ihcã cãhma waro tiquina Cohãcjũ yequina mehna cahmeco, peyequina masare buhee tiahye tiquina. Sa ye Antioquiãpũ Cristo yequina Cristiano wame ti dũcahye.

²⁷ Ti pjere Cohãcjũ yere yahu mũhtariquina Jerusalẽpũ ijiriquina waha, Antioquiãpũ esahye. ²⁸ Sa yero tiquina mehna cjãno Agabo wame tiriquireo Jesu yequina watoapũ ducuro, Espiritu Santo tutuaye mehna yahuahye tiquinare. "Ijiphtiri yehpapure tutuaro ujuã waharota", ni yahuahye tiquiro. Ti pjere ihyaye mariedi pje ijigã ijiphtiyequina pũhtoro Claudio ijiahye. ²⁹ Sa ye Cristo buhayequina, ijiphtiyequina tiquina cõoro puno tiquina acayere oho duaye, tiquina basi cahme yahuducuahye. "Judea yehpa cjẽna Jesu yequinare niñerure ohouhna", niyahye tiquina basi. ³⁰ Tiquina sa nidi bato Bernabẽ, Saulo mehna ti niñerure ne cã basahye. Topũ esaye Judea yehpa cjẽnare Jesu yequina pũhtore wiahye ti niñerure.

12

Pedrore peresu yeahye

¹ Ti pjere pũhtoro Herode ihquẽquinare Jesu yequinare ñano ye dũcae tiahye.

² Sa yero tiquiro Ñu wahminore Santiago pehere ñoseni pjĩ mehna tiquiro wejẽ dutigũ apeqũna pehe tiquireore wejẽahye.

³ Santiagore tiquiro wejẽgũ judio masa bucueahye. Tiquina bucueyere Herode masino, "Sa dihita cahmene tiquina", nino Pedro gãhure peresu yeahye. Ti decorire pugũ yeye moremehneñe pãre tiquina ihyati bose deco pascua ijiahye.

⁴ Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiquireore. Piti-tiaro surara cohteahye tiquireore. Came piti-tiaro tiquina comesayequina tiquireore cohte mũjãe tiahye. Sata yeahye tiquina diez

y seis surara. Herode pehe pascua bato Pedrone peresupũ ijiriquirore masa ihñonopũ duhu doco duamahye tiquiore wejẽ dutiro taro. ⁵ Sa yero Pedro peresupũ ijiahaye. Topũ tiquiore ijigũ Jesu yequina pehe Cohãcjũre tutuaro sini basae tiahye tiquiore.

Peresupũ ijiriquirore Pedrone Cohãcjũ wioahye

⁶ Sa ye ñamine Pedro come dari pua da mehna tiquina dũhteriquiro puaro surara watoapũ carĩno niahye. Sa ye surara sopecahapũ cohteducue tiahye tiquiore. Sa yero ti deco bohrearo Herode Pedrone judio masa ihñonopũ duhu doco duamahye tiquiore wejẽ dutiro taro. ⁷ Sa yero Cohãcjũ yaquiore angel pehe Pedro cahapũ tiquiore ducugũ peresupũ tiquiore ijiri tucũ buhrio pihtia wahahye. Sa yero angel Pedro cahapũ ducuro Pedro pati pahmapũ ohbe careahye.

—Sojaro mehna wahcãña, niahye tiquiore Pedrone.

Tiquiro sa nigũta tiquiore omocarine tiquina dũhteri dari come dari suru site dijiaa wahahye. ⁸ Sa yero angel tiquiore yahuahye:

—Weje dihoaya mũhu weje dihuri dare. Mũhu dahpo suhti gãhũre sañaña, niahye tiquiore.

Tiquiro sa nigũ Pedro pehe tiquiore nidiro saha yeahye.

—Mũhu bui cjã suhtirore sañaña. Yũhu mehna wahaya, niahye angel.

⁹ Tiquiro sa nigũ ti tucũpũ ijiriquiro wija, angel bato wahaa wahahye tiquiore. Sa wahaerota ohõ saha ni tũhotumahye tiquiore. “¿Ahri poto ijieragari? ¿Quehẽgu niagari yũhu?” ni, tũhotumahye tiquiore.

¹⁰ Sa ye tiquina tiquiore ijiri tucũ sopecahapũ ducuyequina surarare yũhũ cã, aequina yoa cjũno ducuyequina gãhũre yũhũ cã, pajiri sopecahapũ esahye. Ti sope pahma macapũ wahari mahare cahmotari pahma ijiahye. Ti sope pahma esa tuharo parĩgũ tiquina wijaa wahahye. Wijaia waha, tiquina mahapũ wahaa wahahye. Mehenogã tiquina waha nemogũ angel pehe wahaa wahahye. Sa yero Pedro ihcãquiota tojoahye. ¹¹ Sa tiquiore angel tiquiore wahari bato tiquiore yerire Pedro masiahye. Ohõ saha ni tũhotuahye tiquiore. “Angel Cohãcjũ ohoriquiore peresupũ yũhu ijigũ yũhũre wioro wihiri. Yojopũ tire masiaja tiquiore sa yerire. Judio masa pehe yũhũre tiquina ye duarire Cohãcjũ pehe tiquinare ye dutierari. Sa yero yũhũre, Herode tiquiore peresu yerigũre wiori”, ni, tũhotuahye Pedro.

¹² Tiquiro sa ni tũhoturi bato María Ñu pacoro ya wũhũpũ esahye Pedro. Ñu pehe Marco wame tiriquiore ijiri. Ti wũhũpũ masa

peyequina cahmecoa, Cohãcjũre siniñe niahye. ¹³ Sa yero Pedro sope pahmare doteahye. Rode wame tiricoro cahacjõno tiquiore dotegũ tũhoro ihñano esahye ticoro. ¹⁴ Sa yero Pedro tiquiore tiquiore pisugũ tũhoro tiquiore yahuducuyere tũho masi, tutuaro bucue, sopecahare pũoedahye. Sa bucuemeno tiquiore pũoboricoro boaa wahahye. Pedro topũ tiquiore ducugũta ticoro majareduca oma sajàa wahahye.

—Pedro sopecahapũ wihiri, ni, yahuro sajàhye.

¹⁵ Sa ye tiquina wũhũpũ ijieyequina ticoro sa nigũ tũhoye,

—Sa nicõo niaga mũhu. Sa ni macacõo nine mũhu, niahye tiquina ticorore.

—Poto tjire. Poto nigota niaja, niahye ticoro.

Ticoro sa nigũ tũhoye,

—Tiquiro ijieraga. Tiquiro jeripohna wihiro niaga, niahye tiquina pehe.

¹⁶ Tiquina sa nini watoa Pedro sope pahmare sata doteducuro niahye. Tiquiro sa yegũ tũhoye, tiquina sopecahare pũo, tiquiore ihña, ihña maria wahahye. ¹⁷ Sa yero Pedro tiquiore omoca mehna “Dihta mariahña”, nino, Cohãcjũ peresupũ tiquiore wiorire yahuahye tiquinare.

—Ahrire yahuya Santiagore, aequina Jesu yequina gãhũre, niahye tiquiore.

Sa ni yahu tuhasa tiquiore ape sie pahrẽpũ yũhũ cãa wahahye. ¹⁸ Sa ye bohrea quehagũ surara Pedro tiquiore dũhse ye wijaarire ne masiedahye. Sa masiedaye acuaa wahahye. ¹⁹ Sa yero Herode Pedrone maca dutimahye. Sa yero tiquiore surarare peresu cohteriquinare tiquiore sinituri bato tiquinare wejẽ dutiahye Herode pehe. Sa yero Herode Judeapũ ijiriquiro waha, Cesareapũ ijiro wahahye.

Herode yariaa wahahye

²⁰ Sa yero Tiro wame tiri maca cjẽna mehna, Sidõ cjẽna mehna Herode pehe usuahye. Tiquiro sa usuagũ ihñañe ti macari cjẽna pehe Herode tiquina mehna tiquiore usarire quehnoñe waha, tiquiore mehna yahuducuyere wahahye. Sa ye tiquiore cahacjũnore Blasto wame tiriquiore piti tiahye tiquina. Sa ye tiquina Blasto yedohoro mehna Herode cahapũ esahye. Tiquiro cahapũ esa, ohõ saha niahye:

—Mari quehnoano ijiihna. Mari basi ihña tuhtieracãhna, ni siniahye tiquina Herodere.

Tiquina ya yehpa cjẽna Herode ya yehpapũ ihayere bocaie tiahye. Sa ye Herode tiquinare ihña tuhtigũ cahmedahye tiquina. ²¹ Sa yero Herode tiquiore queori decopũ, pahutoro tiquiore sañañe suhti quehnoañe suhtire sañahye tiquiore. Sa yero tiquiore dujiropũ duitjĩãno, masare

yahuducu ihñoahye. ²² Tiqairo sa yahuducu ihñoḡū tūhoye masa pehe sañuducuahye:

—Ahriqairo yahuducuriqairo masano ijierare. Cohācjū ijire, ni sañuducumahye tiquina Herodere.

²³ Tiquina sa nigūta Cohācjū yaqairo angel Herodere dohatiyere ohoahye. “Cohācjū ijieraja yūhū”, ne niedahye Herode. Tiqairo sa niedari buhiri angel tiqairore dohatigū yeahye. Tiqairo sa dohatigū tiqairore becoa ihya wejē cāhye.

²⁴ Sa ye Jesu yequina peyequina masare Jesu ye buheyere buhee tiahye.

²⁵ Sa ye Bernabé, Saulo mehna buhe peho, Jerusalēpū ijiyequina Antioquíapū tojoaa wahahye. Sa ye Ņu Marco wame tiriquirore tiquina ne cāhye tiquina mehna.

13

Jesu yequina Bernabére Saulo mehna Cohācjū yere buhe dutiye ohoahye

¹ Tī pjere Antioquíapū Cohācjū yequina mehna cjēna, Cohācjū yere yahu mūhtariquina ijiahye. Masare buheyeyequinata ijiahye tiquina gāhū. Bernabé, Simo Negro wame tiriquiro, Ludio Cirene cjāno, Manae, Saulo mehna tiquina ijiahye. Manae pehe pūhtoro Herode manano mehna tiquina pūaro ihcāno mehna bucariquina ijimahye. ² Sa ye tiquina Cohācjūre tiquina űo peori watoa, tiquina sijiri watoa, Espiritu Santo pehe yahuahye tiquinare.

—Bernabére, Saulo mehna cūña yūhū cahmeno saha yeatiquinare. Tire yeatiquinare bese cūḡu niaja tiquinare, niahye Espiritu Santo.

³ Tiqairo sa nigū tiquina pehe siji Cohācjūre sini, Bernabé bui Saulo bui tiquina omocarine duhu peoahye. Sa duhu peoye tiquinare buhe dutiye ohoahye.

Chiprepū Jesu cūriquina buheahye

⁴ Sa ye tiquina Saulo, Bernabé mehna Espiritu Santo tiqairo ohoriquina ijiye, Seleuciapū esa, ti macare yūhdū cā, Chipre wame tiri nūcupū esahye tiquina. ⁵ Sa ye Salamina wame tiri petamahapū esahye. Tī macapū judio masa buheye wūhūsepū, Cohācjū yere yahu dūchahye tiquina. Sa yero Ņu Marco gāhū tiquina mehna waha, tiquinare yedohoahye. ⁶ Sa ye tiquina ti nūcūno sohtoapū maja, ti nūcūno torepū ijiri macapū Pafō wame tiri macapū esaye, yairore boca sahye tiquina. Tiqairo judio masano, Barjesu wame tiriquiro ijiahye. Barjesu griego ye mehna niñe Elima tiquina ni pisuriquiro ijiahye. “Cohācjū yere yahu mūhtagū ijiaja yūhū”, ni, masare ni mehoducuriqairo ijiahye tiqairo. ⁷ Sa yero tiqairo Sergio Paulo wame tiriquiro mehna cjāno ijiahye. Sergio Paulo pehe

ti nūcūno cjēna pūhtoro masi pehoriquiro ijiahye. Sa yero Cohācjū yere tūho duaro tiquinare Bernabé, Saulo mehna pijioahye tiqairo. ⁸ Tiqairo sa pijioepēgūta Elima, yairo pehe tiquinare buhe dutierahye. Tiqairo Sergio Paulo Jesu yere tiqairo űo peogū cahmesēdahye yairo pehe. Sa yero yairo pehe Sergio Paulore Cohācjū yere cohā dutiro nimahye. ⁹⁻¹⁰ Tiqairo sa cohā dutiepegūta Saulo, Pablo tiquina nidiquiro Espiritu Santore buoriquiro ijiro, yairore quehnoano ihña diho cū tiqairore yahuahye:

—Mūhū ni mehoñe peyagū, űagū, watīno tiqairo dutiyere yegū, quehnoañene ihña yabigū ijire mūhū. ¿Duhse yegū Cohācjū yere “Ni mehoñe ijire”, sa niducujari mūhū? ¹¹ Mūhū sa nigū Cohācjū caperi bajueragū yerota mūhūre. Sa yegū meheñe decorigā mūhū ihñasi, niahye Pablo.

Tiqairo sa nigūta yairo pehe bueri yero saha ijiyere ihña mūhtano, nahitiano dihitare ihñahye. Sa yero tiqairore tūātiqairore macahye tiqairo. ¹² Tiqairo sa wahagū ihñano, Sergio Paulo pehe Jesu yere “Ijirota ijire”, ni masiahye. Mari pūhtoro yere tiqairo tūho, tūho maria waha, Jesure wacū tutua dūchahye.

Pablo Bernabé mehna Antioquíapū Pisidia yehrapū ijiri macapū ijiahye

¹³ Sa ye Pablo gāhū Pafopū ijiriquina yucūsa mehna waha, Pergepū esahye. Perge Panfilia yehrapū ijire. Topū esa, Ņu Marco tiquinare cohā cā, Jerusalēpū wahaa wahahye. ¹⁴ Sa ye tiquina Pergepū ijiriquina waha, Antioquíapū esahye. Antioquia Pisidia yehrapū ijire. Topū esaye, saurū deco ijigū tiquina judio masa buheri wūhūpū sajā sa, topū dūjahye. ¹⁵ Sa ye tī wūhūre cohteyequina Cohācjū dutiyere, Moisepū marine tiqairo cūrire, Cohācjū yere yahu mūhtariquina tiquina ojarire tiquina buheri bato tiquina pijiahye Pablo gāhūre.

—¿Ḳsā acaye, masare mūsa yahu duaye iji-ajari? Tire yahu duana yahuya mianogāta, niahye tī wūhūre cohteyequina.

¹⁶ Tiquina sa nigū tūhorō, Pablo wahcādūca sa, “Yahuducueracāhña”, nino tiqairo omoca mehna quē djioahye. Tiquina dihta mariagū ihñano, tiqairo ohō saha niahye:

—Israe masa, Israe masa ijiena gāhū mari Pasūre űo peona, tūhoya mūsa. ¹⁷ Mari űecusūmūa mūna panopū cjēna Cohācjūre űo peoe tiahye. Tiquina mūnare Cohācjū besee tiahye. Sa ye mari űecusūmūa mūna yoari pje Egiptopū ijie tiahye aye yehpa cjēna ijiepeta. Topū tiquina ijigū Cohācjū quehnoano yee tiahye tiquinare. Sa ye peyequina masaputiahye tiquina. Ohō saha yeahye tiquinare. Tiquinare

Egiptopu ijiriquinare tiqairo tutuaye mehna wioahye Cohācjū. ¹⁸ Tiqairo sa wiori bato tiquina cuarenta cahmari waro masa marienopu tinie tiahye. Topu tiqairore tiquina yuhduacagū Cohācjū sata tuhutu cāhye. ¹⁹ Sa yero Canaa wame tiri yehpapure siete cururi cjenare cohā tuhasa, Cohācjū ti yehpare ohoahye Israe masa pehere. ²⁰ Ti ijipihtiyere tiquina yegū cuatrocientos cincuenta cahmari waro yuhduahye. Camerpu masare dutiatiquinare cūahye Cohācjū Israe masare. Cohācjū tiqairo cūriquina Samuel tiqairo ijigūpu iji bato tie tiahye. Samuel pehe Cohācjū yere yahu muhtariqairo ijie tiahye. ²¹ Came Israe masa pehe tiquina puhtoro ijiatiqairore macae tiahye. Sa ye Cohācjūre sinie tiahye. Tiquina sa sinigū ihñano Cohācjū Saulore cūahye tiquinare. Saulo Cis macano ijiro, Benjami ya curua cjanō ijiahye. Sa yero cuarenta cahmari waro tiquina puhtoro ijiatiqairo cūahye Cohācjū tiqairore. ²² Sa yero Cohācjū Saulore tiqairo cohāri bato Davire cūahye tiqairo. Ohō saha niahye Cohācjū Davire: “Davi Isai macanore bocan yuhū. Tiqairo mehna bucueaja yuhū. Tiqairo yuhū cahmeñene yerota”, niahye Cohācjū.

²³ 'Ahriqairo Davi panamino iji turiariquiro ijire Jesu. Cohācjū Jesure cūri jiri Israe masare yuhduoatiqairo. “Masare quehnoano yeitja”, niahye Cohācjū. Tiqairo nidiro sahata yeri tiqairo. ²⁴ Tiqairo sa yeato pano Jesu wihato pano Ņu ohō saha ni buheri jiri: “Musa ñañene bujua witiya. Quehnoañe pehere comesaya. Sa yena wame yenohrina ijiaja”, ni buheri jiri Ņu ijipihtiyequina Israe masare. ²⁵ Sa yero Ņu tiqairo buhe bato tiato pano, tiqairo yariato pano ohō saha ni yahue tiri jiri: “¿Noa boro ijijari yuhū, masa tuhutugū? Cristo ijieraja yuhū. Apegu ijiaja. Yuhū sa ijiepegū tuhoya yuhure. Yuhū bato yuhū yuhduoro tutuariquiro ahtarota. Tiqairo quehnoa yuhduriqairo ijire. Tiqairo yero saha ijieraja yuhū”, ni yahuahye Ņu masare.

²⁶ Yuhū acaye, Abrahā panamena iji turiana, Israe masa ijiena gūhū ijipihitina mari Pacure ño peona, marine ahri tiqairo yuhduoatire yahuri buheyere ohori jiri mari Pacu. ²⁷ Jerusalē cjenā tiquina puhtoa mehna saurū decori ijigū Cohācjū yere yahu muhtariquina tiquina ojarire buhepeta quehnoano masiedari jiri. Sa masiedaye, Jesu tiquinare yuhduoatiqairo tiqairo ijigū gūhure masiedari jiri. Tiquina sa masiedapeta Jesure wejē dutiahye. Sa yeye Cohācjū yere yahu muhtariquina tiquina ojariro sahata yeye niahye. ²⁸ Tiqairore tiquina wejēato pano tiquina Jesure yahusāmahye. Sa ye tiqairo ñañene

yerapegūta tiquina Pilatore Jesure wejē dutiye tee, siniahye. ²⁹ Sa ye panopu tiquina ojariro sahata Jesure ye tuhasa, tiqairore curusapu ijiriqairore ne dijio, masa copepu utāre tiquina seheri copepu cūahye tiqairore. ³⁰ Sa ijiepegūta tiqairo yariari bato Cohācjū masori jiri tiqairore. ³¹ Sa ye Galileapu ahtariquina Jerusalēpu tiqairo mehna esariquina peye decori tiqairore yaria masa bajuariqairore ihñae tiahye. Sa ye yojopure tiqairore tiquina ihñarire masare yahuri tiquina.

³² Sa yena quehnoañe buheyere yahuaja usā musare. Cohācjū mari ñecusumare “Masare quehnoano yeitja”, panopu tiqairo nidiro sahata yojopure marine tiquina acayere yeri. Tire tiqairo yahurire ohō saha yeri tiqairo. Cohācjū Jesure masori jiri. Sa yena Jesure tiqairo masorire yahuaja musare. Pūaro Salmopu panopu tiquina ojariro sahata sa wahari jiri. “ Mūhū yuhū macū ijire. Miare muhare bajuagū yei’, nine Cohācjū tiqairo macanore”, ni ojoahye panopure. ³⁴ Sa yero Cohācjū Jesure tiqairo masoatire pari turi tiqairo yariaritate yahuyuro ohō saha ni, yahu ojoahye Salmore ojariquiro. “ Davire yuhū paja ihñariro sahata tiqairore yuhū nidiro sahata potota quehnoano yegūta muhū gūhure’, nidi Cohācjū”, ni ojoahye. ³⁵ Sa yero ape Salmo gūhure ohō saha ni, yahuahye: “Cohācjū muhū cahacjano quehnoariqairo tiqairo pagure abha dutierare muhū”, ni, ojoahye. ³⁶ Sa yero Davi Cohācjū tiqairo cahmediro sahata tiqairo ijiri pje cjenare yedohoahye. Came tiqairo yariaa wahahye. Tiqairo yariari bato tiqairo pacusumare tiquina yeriro sahata yahye tiqairo gūhure. Sa yero tiqairo ahbaa wahahye. ³⁷ Tiqairo sa ahbaepēgūta ahriqairo, Cohācjū tiqairo masoriqairo pehe ne ahbaerari. ³⁸ Sa yena masa yuhū acaye ahrire masiña: Cohācjū masa ñañene tiqairo cohātire musare yahuaja usā. Jesu pehe ñañene cohātiquiro ijire. ³⁹ Sa yero tiqairore wacū tutuayequinare tiqairo tiquina ñañe yerire borota. Moisere Cohācjū cūri dutiyere masa yeri mehna Cohācjū cahapu wahasi masa. Sa yero dutiyere yeye mehna yuhdu duayequinare tiquina ñañene cohāsi Cohācjū. ⁴⁰ Sa yena quehnoano yeya. Masa quehnoano yeragū Cohācjū yere yahu muhtariquina tiquina ojariro sahata musare wahaboaga. Ohō saha ni ojoahye:

⁴¹ Tuhoya masa. Ņano ni bujupena, yuhure ihña tuhtina ijire masa. Yuhū ohō saha yegū cueya masa. Sa yena butia wahaya. Masa ijieye decorire Cohācjū tutuaye mehna musare ye ihñogūta. Yuhū sa ye ihñogū ihñapenata “Ijirota ijire”, nisi masa. Apequiro tire musare

tiqiro quehnoano yahuepegāta "Ijirota ijire", nisi mūsa, ni ojoahye Cohācjū yere yahu mūhtariqiro, ni yahuahye Pablo tiquinare.

⁴² Tiqiro sa ni yahuri bato judio masa buheri wūhūpū tiquina wijiri bato masa tiqirore tūhoriqina pehe tiquinare sini-ahye:

—Ape semanapū saurū ijigū ūsāre ahrire buheya tja, ni siniyahye tiquina Pablo gūhūre.

⁴³ Sa ye ti wūhūpū ijiriqina wijia, judio masa peyequina, judio masa ijieyequina gūhū Pablo gūhū mehna wahahye. Judio masa ijieyequina judio masa yere buheye-quina ijiahye. Tiquina sa wahagū Pablo, Bernabé mehna quehnoano yahuahye tiquinare. "Cohācjū musare cahīne. Sa yena tiqirore ño peoducuya", ni buheahye tiquina.

⁴⁴ Sa ye ape semanare saurū ijigū ijipihtiyequina Jesu yere tūho duayequina cahmecoahye. ⁴⁵ Sa yepegūta judio masa pehe peyequina masare Jesu yere tūho duayequinare ihñāñe, ihñā tuhtiahye. Sa ihñā tuhtiyequina sijoro ni yahuducu, Pablōre ñano quiti dojomehneahye. "Masare tiqiro buheye poto ijierare", niahye tiquina. ⁴⁶ Tiquina sa nigū tūhoye, Pablo, Bernabé mehna tiquinare quiti dojomehnediquinare cuero marieno yahuahye:

—Cohācjū tiqiro dutiriro sahata musare buhe mūhtamī ūsā. Ūsā sa buhepegūta mūsa pehe tire cahmeda tuhasari. Ijipihtiyequina decori Cohācjū mehna ijieye gūhūre cahmeda tuhasari mūsa. Sa yena ūsā pehe judio masa ijieyequina pehere buhe ducanātja. ⁴⁷ Sata dutiahye mari pūhtoro ūsāre:

"Mūsa judio masa ijieyequinare buhena tiquinare Cohācjū yere quehnoano masigū yenata mūsa. Sa yegū mūsa yoaropū ijieyequinare mūsa buhegū tūhoyequinare tiquina pehere pecapū wahaboriquinare yūhdūogūtja yūhū", ni yahuahye ūsāre Cohācjū, ni yahuahye Pablo, Bernabé mehna.

⁴⁸ Tiquina sa nigū tūhoye judio masa ijieyequina pehe buceahye. "Cohācjū ye pehe quehnoañe ijire", niahye tiquina. Sa ye Cohācjū tiqiro cahmeñequina ijipihtiyequina decori tiqiro mehna tiquina ijiatire tiqiro oho duariquina Jesure wacū tutua dūcahye.

⁴⁹ Sa ye mari pūhtoro Cristo yere ti yehpapūre yahu pehoahye. ⁵⁰ Tiquina sa yahugū ihñāñe judio masa coerahye. Topū mari Pacure ño peoye nomia, quehnoañe numia ijiahye. Sa ye judio masa Pablo gūhūre ñano ni yahu wajahye. Tiquina sa ni yahu wajagū tūhoye ti numia Pablo mehna, Bernabé mehna gūhūre usuahye. Sa ye

ti maca cjēna pūhtoa gūhū tiquina mehna usuahye. Sa usuaye to cjēna ñano yeahye Pablo gūhūre. Tiquina sa yeri bato Pablo gūhūre tiquina ya yehpapū ijieyequinare cohā wioahye. ⁵¹ Tiquina sa yegū ihñāñe Pablo, Bernabé mehna tiquina dahpocāri cjē dihta wahārire wejē site boro cūahye ti maca cjēna tiquina ñāñe buhirire ihñōñe. Sa ye tūhasa tiquina Iconiopū wahaa wahahye. ⁵² Sa ye tiquina Jesu yequina pajiro bucueye, Espiritu Santo pajiro cūoye, tiqiro dutiro sahata yeyequina ijiahye.

14

Pablo, Bernabé mehna Iconiopū ijiahye

¹ Sa ye Pablo, Bernabé mehna judio masa buheri wūhūpū sajā, Jesu yere yahuahye. Sa ye judio masa peyequina Jesure wacū tutua dūcahye. Sa ye judio masa ijieyequina gūhū Jesure wacū tutua dūcahye. ² Sa ijiepegūta judio masa Jesure cahmedariquina gūhū tiquina mehna ijiahye. Tiquina judio masa ijieyequinare usuagū yeahye. Jesu yequina mehna tiquinare usuagū yeahye judio masa pehe. Tiquina sa yegū judio masa ijieyequina ñano tūhotuahye Jesu yequinare. ³ Tiquina sa tūhotugū ihñāñe Jesu yequina Pablo, Bernabé mehna topū yoari pje ijieye, cuero marieno mari pūhtoro yere quehnoano buheahye. Cohācjū masare tiqiro cahīñene buheahye. Tiquina sa buheri watoa Cohācjū tutuaye mehna ye ihñōahye, "Ahri mehne ijirota ijire", niñe. ⁴ Sa ijiepegūta ti maca cjēna deco mehna judio masa yere cahmeñequina tojoahye. Deco mehna Jesu yere cahmeñequina gūhū tojoahye. Tiquina pūa curua tojoahye. ⁵ Sa ye judio masa ijieyequina, judio masa, tiquina pūhtoa mehna Jesu cūriquinare ñano yemahye. Ūtā paca mehna doque wejē duamahye tiquinare. ⁶ Tiquina sa ye duarire masiñe, Pablo, Bernabé mehna Licaonia yehpapū duhti cāa wahahye. Ti yehpapū ijiri maca Listra wame tiri macare yūhdū cā, Derberū esahye. ⁷ Topū esaye, quehnoañe buheyere buheahye tiquina.

Listrapū Pablōre ūtā paca mehna doqueahye

⁸ Sa ye Listrapū tini masieniqliro ijiahye. Tiqiro wahma masa bajaropūta tini masieniqliro ijiahye. ⁹⁻¹⁰ Sa yero tiqiro Pablo buhegū tūhoahye. Tiqiro tūhori watoa Pablo pehe tiqiro dihitare ihñāhye.

—Ahriqliro Jesure wacū tutuare. Sa yero tiqiro quehnoariqliro waha duare, ni tūhotuahye Pablo.

Sa ni tūhoturo tutuaro mehna ohō saha niahye Pablo tiqirore:

—Wahcādūcaya, niahye Pablo tiqirore.

Tiquiro sa nigū tuhorota tini masieniquiro pehe uhpuduca sa, wahaa wahahaye. ¹¹ Pablo sa yegū ihñañe masa sañuducuahye. Tiquina Licaonia ye mehna sañuducuahye.

—Cohāmana, masa saha bajuyequina ahmūsepu ijyiequina mari cahapu dijia tari jiri, ni sañuducuahye tiquina.

¹² Sa ye tiquina Bernabere “Zeus”, ni, pisuahye. Sa ye Pablo buhe mahtariquiro puhtoro yero saha tiquiro ijigū ihñañe “Hermes”, ni, pisuahye tiquina tiquirore. ¹³ Sa yero Zeure ño peoyequina ya wahu ti maca duhtu cahapu ijyahye. Sa yero Zeus yequina tiquina yaquiro pahi pehe wecare, cohoru mehna macapu sajā tari sopecaha cahapu ne cāhtahye. Zeure ño peo duaro wecare oho duamahye. Sa yero tiquiro wecare ujāa mūoñe mehna Pablore, Bernabere ño peo duamahye tiquiro, masa mehna. ¹⁴ Tiquina sa yegū ihñañe Pablo, Bernabé mehna tiquina basi tiquina ye suhtire tuhrēdoqueohaye tiquina bujua witiyere masare ihñoñe tehe. Tuhrēdoqueo tuhasa masa watoa oma cā, sañuducuahye tiquina:

¹⁵ —Musa ohō saha yeracāhña. Usā gūhu musa yero sahata masa ijaia. Musa ohō saha yeye ne duhseati ijierare. Sa yena musare buhena ahta musa ohō saha yeyere duhu dutina tana. Ahriquina cohāmanare musa yeriquinare ñañequinare cohāña. Sa yena Cohācjüre catiriquiro pehere ño peoya. Cohācjū pehe ahmūsepe, yehpare, pajiri mare ijipihtiyere yeriquiro ijire. ¹⁶ Sa yero tiquiro panopu ijipihtiyere macari cjēna tiquina yerire sa ihña cāhye. ¹⁷ Sa yeperota tiquiro ijyie tiyere ihñore masare. Tiquiro masare quehnoañene ye, acoro ahtagū ye, duca tigū ye, masare ihyayere ohoducure. Tiquiro sa ohogū masa bucuere. Sata tiquiro ijyie tiyere ihñore masare, niahye Pablo, Bernabé mehna.

¹⁸ Tiquina sa nigū tuhoepeta masa wecare wejē ujāa mūo, tiquinare ño peo duamahye. Sata tiquina ño peo duagū ihñañe tiquinare sa ye dutierahye Pablo gūhu. Tiquina sa yeyere duhu duerpeta duhuahye.

¹⁹ Sa ye apequina judio masa Antioquia cjēna, Iconio cjēna gūhu Listrapu esahye. Topu esaye, Pablore ñano yahuducuahye judio masa. Tiquina sa ni yahuducugū tuhoeye, masa tiquiro mehna usuahye. Sa usuaye utā paca mehna doqueahye tiquirore. Utā paca mehna tiquirore doque tuhasa “Ahriquiro yariaa wahare”, niñe, ti maca duhtu cahapu tiquirore weje sa cū cā, wahaa wahahye. ²⁰ Tiquina sa yeri bato Jesu yequina Pablore ihñañe esahye. Tiquiro cahapu tiquina cahmecoadauca sagū waro Pablo wahcāduca,

tiquina mehna macapu tojoaa wahahye. Sa ye ape decoru tiquiro Bernabé mehna Derberu wahahye.

²¹ Sa ye topu tiquina quehnoañe buheyere peyequina masare yahuahye. Sa ye peyequina Jesu yequina tiquina wahari bato, Pablo gūhu Listrapu esa, ti macare yuhdu cā, Iconiopu esa, ti macare yuhdu cā, Antioquiapu Pisidia yehparu ijiri macapu esa, ti macapu tojoahye. ²² Ti macaripu esaye to cjēna Jesu yequinare quehnoañe buheyere yahuye, tiquinare quehnoano jeripohna tigū yeahye. Sa Jesure wacū tutuaducu dutiye ohō saha ni yahuahye tiquinare:

—Cohācjū ijirōpūre mari waha duana, tutuaro marine ñano yuhduro cahmene, ni yahuahye Pablo gūhu.

²³ Sa ye macaripe cjēnare Jesu yequinare tiquina puhtoa ijiatire cūahye Pablo, Bernabé mehna. Sa ye tiquina sijiri bato Cohācjüre siniahye:

—Puhto, ahriquina mahu yequinare ihña ihboya, ni sini basahye tiquina Cohācjüre, tiquina wacū tutuariquirore.

Pablo Bernabé mehna Antioquiapu tiquina iji mahtari macapu tojoaa wahahye

²⁴ Tiquina sa yeri bato tiquina Pisidia yehparu ijiriquina wahaa wahahye Panfilia yehparu. ²⁵ Sa ye Pergepūre tiquina buhe tuhasa, Atalia wame tiri macapu wahaa wahahye. ²⁶ Sa ye ti macapu esa, Antioquiapu tojoaye, yucusa mehna wahaa wahahye. Ti macaputa panopu tiquina ijinigū Jesu yequina Cohācjū yere buhe dutiye Pablo gūhure ohoahye. Sa ohoye, ohō saha ni ahye:

—Cohācjū mahu cahñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna. ²⁷ Sa ye tiquina Antioquiapu tiquina tojoa sari bato Jesu yequina mehna cahmecoa, Cohācjū tutuaye mehna tiquina yerire yahu pehoahye tiquina. Judio masa ijyieyehna gūhu Cohācjū yequina tiquina waharire yahuahye tiquina. ²⁸ Sa ye Pablo gūhu topare Jesu yequina mehna yoari pje ijie tiahye.

15

Jerusalēpu Jesu yequina cahmecoahye

¹ Sa ye Judea yehpa cjēna meheñequinagā Antioquiapu esaye, Jesu yequinare ohō saha ni buhe ducahye tiquina:

—Cohācjū dutiyere Moiserere cūno ohō saha ni cūahye. Ijipihtiyehna tiquina cuhnucunū sohtoa cahserogāre tiquina yahre neatire yahu cūahye Moiserere. Musa tire yeragū Cohācjū musare yuhduosi, ni buheahye tiquina to cjēnare.

² Sa ni buheye Judea yehpa cjēna pehe cahme duse tini wiahye Pablo, Bernabé mehna. Tiquina sa cahme duse tini wiari bato Jesu yequina pehe Pablöre, Bernabére apequina to cjēna gähäre Jerusalēpu ohoahye. Judea yehpa cjēna tiquina buherire Jesu cūriquinare, Jesu yequina puhto a gähäre sinitu dutiye ohoahye Pablo gähäre.

³ Sa ye Jesu yequina tiquinare ohogū waha, Fenicia yehpare esa, yuhdu cā, Samaria yehparū esahye. Ti macaripū esaye, judio masa ijieyequina Cohācjū yere tiquina cahme ducarire yahuahye tiquina to cjēnare. Tiquina sa yahugū tuhoye to cjēna Jesu yequina tutuaro bucueahye.

⁴ Sa ye tiquina Jerusalēpu esagū ihñañe to cjēna Jesu yequina tiqiuro cūriquina, tiqiuro yequina puhto mehna bucueye mehna quehnoano piti cahye tiquinare. Sa ye Pablo, Bernabé mehna Cohācjū tutuaye mehna tiquina yerire yahuahye tiquina Jerusalē cjēnare. Judio masa ijieyequina Jesu yequina tiquina wahari gähäre yahuahye tiquinare. ⁵ Sa ijiepegēta topū fariseo masa Jesu yequina meheñequinagā ijiahye. Sa ye tiquina topure wahcādaca, ohō saha ni yahuahye:

—Tiquinare judio masa ijieyequinare tiquina cuhnucunū sohto cahserogāre yahre neno cahmene. “Cohācjū Moisere tiqiuro dutirire yeya mūsa gūhū”, nino cahmene tiquinare, niahye tiquina fariseo masa gūhū.

⁶ Tiquina sa nigū tuhoye Jesu cūriquina, Jesu yequina puhto mehna tiquina sa ni-dire quehnoñe tehe, cahmecoahye. ⁷ Sa ye peye tiquina yahuducuri bato Pedro wahcādaca yahuahye tiquinare:

—Yuhū acaye, panopū yahure mūsa mehna ijirigare Cohācjū ohō saha ye dutiro yahure cūri. Tiquiro yahure quehnoañe buheyere judio masa ijieyequinare yahu dutiro cūri. Tiquinare Jesure wacū tutua dutiro yahure tiquinare buhe dutiri. ⁸ Sa yero Cohācjū masa tuhoyere masine. Sa yero tiqiuro judio masa ijieyequinare tiqiuro yequina tiqiuro yerire ihñono taro Espiritu Santore ohori tiquinare, marine tiqiuro yeriro sahata. ⁹ Sa ohoro tiqiuro marine tiquina gähäre ihcāno saha quehnoano yeri. Tiquirore tiquina wacū tutuagū tiquina ñañene bori tiqiuro.

¹⁰ Mari pehe Cohācjū Moisere tiqiuro cūri dutiyere ye peho masiedaja. Sa ye mari ñesuyunua mūna gūhū ti dutiyere ye peho masiedahye. ¿Sa mari ye masiedapegūta dahse yena Jesu yequinare judio masa ijieyequinare tire ye duti duajari mūsa? Sa ye dutina Cohācjū tiquinare tiqiuro yerire “Queoro wahaerare”, nina niaga mūsa. ¹¹ Mūsa sa niepegūta ohō saha usā

tuhotuaja. Yojobare judio masa ijieyequina yero sahata mari gähäre mari puhtoro Jesu cahñe mehna Cohācjū yuhduorota, niahye Pedro tiquinare.

¹² Tiquiro sa nigū tuhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohācjū tutuaye mehna tiquina ye ihñorire yahuahye tiquinare. ¹³ Sa tiquina yahu tuhasari bato Santiago yahuahye.

—Acaye, tuhoya yahure. ¹⁴ Cohācjū judio masa ijieyequinare tiqiuro yequina wahagū yeahye. Coā tiquinare sa wahagū yeahye. Tire yahu tuhasari marine Pedro pehe. ¹⁵ Panopū cjēna Cohācjū yere yahu muhtariquina tiquina yahuriro sahata sa wahari judio masa ijieyequinare. Ohō saha ni mari Pacū yere ojoahye tiquina:

¹⁶ Panopū Davi manano ya curua cjēna tiquina puhto tiquina ijiri pihtia wahari. Came tojoa tautja yuhū. Sa yegu pari turi Davi ya curua cjānore puhtoro sōutja. ¹⁷ Yuhū sa yeri bato ijipihtiyequina apequina judio masa ijieyequina yahare tiquina puhtore cahmeeta tiquina. “Yeequina ijiya”, yuhū ni pisuriquina pehe yahare cahmeeta. ¹⁸ Sata nine mari puhtoro. Panopū tiqiuro ahrire masare yahue tiri jiri, ni ojoahye Cohācjū yere yahu muhtariquina.

¹⁹ ‘Sa yegu ohō saha tuhotuaja yuhū. Judio masa ijieyequinare Cohācjū yere wahma cahme ducayequinare peye ye dutieracāhna mari. ²⁰ Sa dutierapenata tiquinare oja ohouhna mari. Ohō saha ni, oja ohouhna. “Ñañe ihyayere, ‘Cohācjū ijire’, tiquina nimesi queoyere ño peo tiquina duhu peori ihyayere ihyeracāhña. Sa yena wāna tieracāhña. Sa yena wamua tiquina ñehe wejēdiquinare wahiquinare ihyeracāhña. Diire sihniedacāhña”, ni yahu oja ohouhna. ²¹ Yoari pje judio masa buheye wuhusepū saurū ijigū Cohācjū Moisere tiqiuro cūri dutiyere buhee tiri masa. Sa ye ijipihtiye macaripū Moise tiqiuro yahuyere buhee tiri. Sa yena yuhū ni-diro sahata judio masa ijieyequinare Jesu yequinare oja ohouhna, judio masa pehe tiquina mehna “Usuari”, nina, niahye Santiago.

Judio masa ijieyequinare Jesu yequina puhto oja ohoahye

²² Ti pjere Jesu cūriquina, Jesu yequina puhto ijipihtiyequina Jesu yequina mehna puaro tiquina mehna cjēnare beseahye tiquina ohoatiquinare. Antioquiapū Pablo, Bernabé mehna wahatiquinare tiquinare bese ohoahye. Sa ye tiquina Judare, Sila mehna ohoahye. Juda pehe Barsaba puaro wame wame tiahye. Tiquina acaye Jesu

yequina tiquinare ño peoahye. ²³Tiquinare tiquina beseri bato Jesu yequina ojoari püre ohoahye tiquina mehna. Ohõ saha ni ojoahye tiquina:

—Jesu cürina, tiqiro yequina pũtoa, m̄sa acaye Jesu yequina mehna us̄a quehnoa dutiaja m̄sare. Ijipihina judio masa ijinare Antioquiap̄, Siriap̄, Ciliciap̄ ijinare m̄sare Jesu yequinare quehnoa dutiaja us̄a. ²⁴Us̄a mehna c̄j̄ena m̄sa cahap̄ esaye, m̄sare peye dutiyere ye dutiñohti. Sa ye m̄sare cariboñohti. Tiquina sa dutiepeḡuta us̄a pehe tiquinare tire buhe dutina ohoer̄u. ²⁵⁻²⁶Sa yena us̄a ijipihina ihc̄ano mehna m̄sa cahap̄ ohoatiquinare us̄a besei. Mari cahĩnequinare Pablo, Bernabé mehna Cristo Jesu mari pũtoro yere cuero marieno tiquina buheḡu peye tahari apequna tiquinare wej̄emahye. Tiquina sa wej̄e duaḡu mehenoḡa mehna yah̄duahye tiquina. Tiquina mehna us̄a beseriquinare yojop̄ure ohoaja. ²⁷Sa yena Judare, Sila mehna m̄sa cahap̄ ohoaja. Us̄a ojoarire tiquina pehe m̄sare yahueta. ²⁸Esp̄ritu Santo wac̄uno sahata us̄a ḡũh̄u tahotuaja. Ohõ saha ijire ti: Apeye dutiyep̄ure c̄uedaja m̄sare. Ahri dutiye dihitare c̄unatja m̄sare: ²⁹Ñañe ihyayere, “Coh̄ac̄j̄a ijire”, tiquina nimeidi queoyere ño peo tiquina duhu peori ihyayere ihyerac̄ah̄ña. Diire sihniedac̄ah̄ña. Wam̄ua tiquina ñehe wej̄ediquinare wahiquinare ihyerac̄ah̄ña. Sa yena w̄uana tierac̄ah̄ña. Ahri yah̄u ye dutierarire yerana quehnoañene yena ninata m̄sa. To puno t̄jire m̄sare us̄a yahu duaye, ni ojoa ohoahye Jesu yequina Jerusal̄ep̄u ijieyquina.

³⁰Ti püre ojoa tuhasa, ohoahye Antioquiap̄u wahayequinare. Tiquina ohori bato waha, Antioquiap̄u esahye. Top̄u tiquina esari batõ peyequina masare cahmecoa duti, tiquina ojoari püre wiahye tiquinare. ³¹Ti püre tiquina buheri bato quehnoañene tiquina yahuḡu tahoye, quehnoano bucueahye. ³²Sa ye Juda, Sila mehna Coh̄ac̄j̄a yere yahu m̄htariquina ijie, yoari pje Jesu yequinare Coh̄ac̄j̄a yere yahuahye. Tiquina sa yahuḡu tahoye, Jesu yequina pehe bucue, quehnoano jeripoh̄na tiahye. ³³Sa ye Juda, Sila mehna top̄u meheñe decoriḡa tiquina ijiri bato tiquina tojoa taḡu to c̄j̄enare tiquina cohe tiḡu, “Quehnoano wahaya m̄sa”, niahye Antioquiá c̄j̄ena. Sa ye Juda ḡah̄ure ohoriquinare quehnoa dutioahye. Tiquina sa nidi bato Juda pehe tojoa wahahye. ³⁴Sa ijiepeḡuta Sila pehe top̄uta tojoa c̄ah̄ye Antioquiap̄uta. ³⁵Sa ye Pablo, Bernabé ḡah̄u meheñe decoriḡa tojoariñahye ti macap̄u. Sa ye tiquina apequna peyequina mehna Jesu yere buheahye.

Pari turi Pablo quehnoañe buheyere buhe tinino wahahye

³⁶Sa ye meheñe decoriḡa bato Pablo, Bernabé mehna yahuducuahye:

—Ijipihitequinare mari buhe d̄uc̄ariquinare ihñana wahah̄na tja, niahye Pablo ḡah̄u tiquina basi.

³⁷Sa yero Bernabé pehe Ñure tiquina mehna nea duamahye. Ñu Marco p̄aro wame wame tiriqiro ijiahye. ³⁸To pano tiqiro tiquina mehna Panfliap̄u esaro tiquina mehna tojoerahye. Tiquina yerire ihc̄ano sahaeraḡu, tojoa wahahye. Tiqiro ihc̄ano sahaeraḡu ihñano Pablo pari turi tiqirore nea duerahye. ³⁹Tiqiro nea dueraḡu ihñano Bernabé Pablo mehna p̄aro tiquina basi cahme yahuducu cahme tu wahye. Bernabé pehe Chipre wame tiri p̄uc̄op̄u Marco mehna peh̄aa wahahye. ⁴⁰Pablo pehe Sila mehna piti ti c̄a, wahahye. Sa ye tiquina buheye wahato pano Jesu yequina tiquinare ohoye, “Coh̄ac̄j̄a m̄sare quehnoano ihñia ihboahro”, niahye. Tiquina sa nidi bato Pablo, Sila mehna waha wahahye. ⁴¹Sa wahaye, Siria yehpap̄u, Cilicia yehpap̄u ḡah̄ure esaye, top̄u Jesu yequinare quehnoano jeripoh̄na ti bucueḡu yahye tiquinare.

16

Timoteo Pablo mehna wahahye

¹Tiquina sa yeri bato Pablo ḡah̄u Derbep̄u, Listrap̄u esaye, Timoteore boca sahye. Timoteo Jesu yaqiro jiro, judio masono mac̄ano ijiahye tiqiro. Tiqiro pacoro ḡah̄u Jesu yacorota ijiahye. Tiqiro pac̄ro pehe griego masano ijiahye. ²Sa ye Listra c̄j̄ena, Iconio c̄j̄ena Jesu yequina ohõ saha niahye Timoteore: “Timoteo masa quehnoariqiro ijire”, ni yahue tiahye. ³Sa yero Pablo Timoteore nea duahye. Sa ijiepeḡuta ti yehpa c̄j̄ena judio masa pehe Timoteo pac̄ro griego masano tiqiro ijiḡu masiahye. Sa yero Pablo judio masare “Usuari”, nino, Timoteo cuhnucun̄u sohtoa cahseroḡare yahre neahye. Judio masa dutiye nidiro sahata yeahye. ⁴Tiqiro sa yeri bato tiquina esari macari c̄j̄enare tiquina dutiyere ojoari p̄u c̄j̄ene yahuahye. Ti p̄u Jesu c̄uriquina, tiqiro yequina pũtoa mehna Jerusal̄ep̄u ijieyquina tiquina ojoari p̄u ijiahye. Sa ye ti dutiyere quehnoano yahuahye to c̄j̄enare Jesu yequinare. ⁵Tiquina sa yahuḡu tahoye Jesu yequina pehe Jesure wac̄u tutua nemoahye. Sa ye Jesu yequina decoriḡa peyequina wahaducuahye.

Pablo queh̄nop̄u Macedonia c̄janore ihñahye

⁶⁻⁷Sa yero Asia yehpap̄u pehere quehnoañe buheyere buhe dutierahye

Espíritu Santo tiquinare. Sa ye tiquina Frigia yehpare yuhdaa, Galacia yehpare yuhdaa, Misia yehpa duhta cahapu esahye. Bitinia yehpa pehe waha duamahye. Tiquina waha duepegata Espiritu Santo pehe tiquinare topre waha dutierahye. ⁸ Tiquiro sa nidi bato tiquina pehe Misia yehpare yuhdaa, Troapu wihiri. ⁹ Topu tiquiro wihiri bato ohō saha quehēahye Pablo. Macedonia yehpa cjana tiquiro caha ducugū ihñahye tiquiro. “Usāre Macedonia yehpa cjanare yedohogū ahtaya”, ni, pijiahye tiquiro Pablore. ¹⁰ Tiquiro quehēdi bato wahcā, usā yere quehno tuhasa, Macedoniapu waha waha usā. “Cohācjū ti yehpare quehnoañe buheyere buhe dutiro nine marine”, ni tūhotuu usā.

Pablo, Sila mehna Filiporu ijiahye

¹¹ Sa yena usā Troapu ijina yucasa mehna Samotracia wame tiri nucōrupēhā saū usā. Sa yena ape deco Neapolipu waha usā. ¹² Ti macare yuhdu cāna Filiporu Roma cjana ya macapu esau usā. Ti maca Macedonia yehpare ijiri maca ijiri. Ihyo ijiri maca ijierari. Topre meheñe decorigā usā ijii. ¹³ Sa yena saurū ijigū usā ti maca duhta cahapu, dia duhta cahapu esau. Topu Cohācjū mehna tiquina yahuducuro ijiri. Topu dujina topu cahmecoañe numia mehna yahuducuu usā. ¹⁴ Ihcācoro usāre tūhoricoro Tiatira cjana Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacure ño peoricoro ijiri. Sa yero Pablo yahuyere quehnoano tūhogū yeri Cohācjū ticorore. ¹⁵ Sa ye ticorore, ticoro ya wūhu cjana mehna wame yeri Pablo. Tiquiro sa wame yeri bato ohō saha nidi ticoro:

—“Jesu yacoro tjire mūhu gūhū”, nine musa yuhñe. Sa yena ya wūhuru sajā tarīña musa. Yūhu mehna tojoarīña, nidi ticoro usāre.

Ticoro sa nigū tūhona ticoro ya wūhuru tojoarī usā.

¹⁶ Ape deco Cohācjū mehna tiquina yahuducuropu usā wahagū watīnore cuoricoro piti cari usāre. Ticoro apequna cahacjōno ijiri. Sa yero ticoro masare “Ohō saha waharota musare”, ni, yahuyuricoro ijiri. Sa yahuro pajiro wapata basari ticoro pūhtoare. ¹⁷ Sa yero Pablo mehna usā wahagū, usāre nanū tā, sañuducuri ticoro:

—Ahriquina Cohācjū tutua yuhduariquiro yedohoriquina ijire. Mari yariari bato Cohācjū marine tiquiro quehnoano yuhduoatire yahure tiquina, ni sañuducuri ticoro.

¹⁸ Peye decori sa ni cariboducuri Pablore. Sa yero pari turi ticoro sa ni sañuducugū tūhoro Pablo majare ihña, ohō saha nidi watīnore:

—Jesucristo tutuaye mehna dutiaja mūhure. Ticorore duhuya. Waharīsa mūhu, nidi Pablo.

Tiquiro sa nigūta watīno pehe waha wahari.

¹⁹ Tiquina sa yeri bato ticoro pūhtoa pehe niñeru ticoro wapataericoro wahagū ihñañe, tiquina Pablore, Sila mehna ñehedi. Ñehe tuhasa, tiquinare neari ti maca decoru pūhtoa cahapu. ²⁰ Sa ne cā, buhiri dahre dutiyequina cahapu cūri tiquinare.

—Ahriquina judio masa mari ya maca cjanare cariboye nine. ²¹ Tiquina mari dutiyere cohā dutiye, apeye buheyere buheye nine. Mari ye dutiyere yuhduacagū ye duaye nine. Mari Roma cjana ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro pūhtoa buhiri dahre dutiyequinare.

²² Tiquina sa nigū tūhoye masa peyequina Pablo gūhu mehna usua yuhdaa wahahye. Sa ye buhiri dahre dutiyequina pehe Pablo gūhu suhtire tiquina tūhrē cohāri bato daye cūgā mehna tana dutiri tiquinare. ²³ Tutuaro tana tuhasa peresu yeri tiquinare. Tiquina sa peresu yeri bato peresu ijiequinare cohteriquirore quehnoano ihña ihbo dutiahye tiquina. ²⁴ Tiquina sa dutiri bato tiquinare cohteriquiro pehe ti wūhu puhia cja tucūpu tiquinare cū, taboa mehna tiquina dahpocārine biha cūahye.

²⁵ Ñami deco Pablo, Sila mehna Cohācjūre sini, tiquirore basa peohye. Tiquina sa basagū tūhoahye apequna peresupu ijiequina. ²⁶ Tiquina sa ni basagūta ti wūhu tutuaro ñuhmiahye. Sa ñuhmigū ihcāno mehna ijiphtiyē sope pahmari paria wahahye. Sa ye peresupu ijiequinare tiquina dūhteri dari come dari suru site dijiaa wahahye. ²⁷ Sa wahagū ihñano ti wūhure cohteriquiro pehe “Peresu ijiequina duhti tuhasari jiri”, ni tūhotumahye. Sa ni tūhoturo tiquiro ñoseni pīñe nedoqueo tiquiro basi ñosemahye. ²⁸ Tiquiro sa yegū ihñano Pablo tiquirore tutuaro sañuducuu ohō saha niahye:

—Mūhu basi ñano yeracāhña. Ijiphtina ohōre ijiaja usā, niahye tiquiro tiquinare cohteriquirore.

²⁹ Tiquiro sa nigū tūhoro tiquinare cohteriquiro pehe sihā duti, tiquina cahapu oma cā, Pablo, Sila tiquina dahpocāri cahapu nanare doque quehe sahye tiquiro. ³⁰ Sa yero tiquiro tiquinare ti tucūpu ijiequinare ne wijia, sinituahye:

—¿Duhse yeagari yūhu Cohācjū yaquiro jii duagu? ni, sinituahye tiquiro.

³¹ —Jesucristore wacū tutuaya mūhu. Mūhu acaye gūhu tiquirore wacū tutuahro.

Musa sa yegū musare pecapū wahaborinare Cohācjū yuhduorota, ni, yahuahye tiquina.

³²⁻³³ Tiquina sa nidi hora ñami deco batogā ijiahye. Tiquina sa nidi bato tiquinare cohteriquiro ya wuhupū neahye tiquinare. Tiquiro ya wuhupū ne sa, tiquina camine coseahye tiquiro. Tiquiro sa cose tuhasari bato tiquiro cohteriquiro acaye mehna ijigū Cohācjū yere buheahye Pablo gāhū. Tiquina buheri bato wame yeahye tiquinare. ³⁴ Tiquina wame ye tuhasari bato tiquinare cohteriquiro Pablo gāhūre ihyaye peohaye. Sa ye tiquiro acaye mehna quehnoañe buheyere tiquina tuhori bato tutuaro bucueahye, Cohācjūre masi ducaye.

³⁵ Bohrea parī cāhtagū ihñañe puhto pehe surarare peresu yeri wuhupū ohoahye Pablo gāhūre wio dutiye. ³⁶ Tiquina sa wio dutiri bato ti wuhūre cohteriquiro Pablo gāhūre yahuahye:

—Puhto musare wio dutiri. Sa yena cuero marieno wijiaya, niahye tiquiro Pablo gāhūre.

³⁷ Tiquina sa wio duepegūta Pablo yahuahye surarare:

—Usā ñano yerū. Sa yena usā ne buhiri mariedaja. Ihyo warota tiquina puhto pehe masa ihñonopū yucuri mehna tanari usāre, usā Roma cjāna usā ijiepegūta. Tana tuhasa peresu yeri usāre. Sa ye yojopū masa tiquina ihñeno wio duare usāre, usāre ñano tiquina yerire “Buoro yuhduari”, niñe. Puhto tiquina basita wioye ahtaahro usāre, niahye Pablo surarare.

³⁸ Tiquiro sa nigū tuhoye surara pehe puhtoare yahuyeh wahahye. Tiquina sa ni yahuri bato Pablo, Sila mehna Roma cjēna tiquina ijigū masiñe puhto pehe cue niahye. ³⁹ Sa ye tiquina Pablo gāhū cahapū esa, ohō saha niahye:

—Ñano yehti usā musare. Ne pari turi sa yesi, niahye puhto Pablo gāhūre.

Sa ni tuhasa puhto tiquinare peresupū ijieyquinare wio, tiquinare ape siepū waha dutiahye. ⁴⁰ Tiquina sa nidi bato Pablo, Sila mehna peresupū ijiriquina wijia, Lidia wame tiricoro ya wuhupū wahahye. Ti wuhupū tiquina esari bato Jesu yequinare piti cahye. Sa ye tiquina Jesu yequinare quehnoano buheye, quehnoano jeripohna tigū yeahye tiquinare. Tiquina sa yeri bato Pablo, Sila mehna waha wahahye.

17

Tesalónica cjēna usuahye Jesu yequina mehna

¹ Sa ye tiquina Anfipolipū esa, yuhduaye, Apoloniapū esa, yuhduaye, Tesalonicapū esahye tiquina. Topū judio masa buheri wuhū ijiahye. ² Semanaripe tiquiro yeriro sahata Pablo buheri wuhupū waha tiahye.

Topū esa, ihtia semana waro saurū decorire tiquiro panopū cjē tiquina ojoarire Cohācjū yere masare buhe, tire tiquina basi cahme yahuducue tiahye Pablo. ³ Sa yero tiquiro Cohācjū yere yahuahye:

—Judio masa, musa puhtoro musa cohteriquiro Cristo ahtahye ñano yuhduatiquiro. Sa yero tiquiro yariaa wahahye masa mujano taro. Sa yero ahriquirō Jesu, yuhū yahuriquiro, tiquiro Cristo warota ijire marine yuhduoatiquiro. Tiquirota ijire musa cohteriquiro. Ohō sahata nine Cohācjū yere tiquina ojoari pū, ni yahuahye Pablo.

⁴ Tiquiro sa nigū tuhoye meheñequinagā topū ijieyquina “Potota ijire”, niahye. Sa ye tiquina Pablo gāhū mehna wahahye. Sa ye apequina gāhū griego masa peyequina mari Pacare ño peoyequina pehe Pablore tuhoye, tiquina mehna cjēna numia gāhū peyequina puhto numia gāhū tiquirore tuhoye Jesu yequina tojoahye. Sa ye Pablo gāhū mehna wahahye. ⁵ Sa ijiepegūta apequina judio masa pehe tiquina sa wahagū ihñañe, ihñā coahye. Sa ye tiquina ñañequina dahraeyequinare peyequinare piji cahmeco ohō saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuyē ijipihtiyequina ti maca cjēnare usuagū yeahye Pablo gāhū mehna. Sa ye judio masa Jasō ya wuhupū sajā, Pablo gāhūre macamahye, tiquinare masapare ohoye tehe. ⁶ Sa macaepeta tiquinare bo-caerahye. Sa ye Jasōre, apequina Jesu yequina gāhūre ñehe, weje wijiaa wahahye tiquinare. Puhto cahapū ne sa, ohō saha ni yahusāhye tiquina.

—Pablo gāhū masare ijipihtiropare caribo yuhduare. Sa ye yojopure tiquina mari ya macare wihi tuhasari. ⁷ Sa yero ahriquirō Jasō tiquinare tiquiro ya wuhupū sajā ta dutiri. Tiquina ijipihtiyequina mari puhtoro Roma cjēno tiquiro dutiyere yuhduducare. “Apequirō musa puhtoro ijire. Jesu tiquirota ijire”, niñe, mari puhtoro dutiyere yuhduducare tiquina, ni yahusāhye judio masa pehe puhtoare.

⁸ Tiquina sa ni yahusāgū tuhoye, ijipihtiyequina masa, puhto gāhū usua, tutuaro sañuducuyeh. ⁹ Tiquina sa sañuducuepegūta puhto Jasōre, tiquiro mehna cjēna gāhūre, niñerure wapa ye duti, wioahye.

Pablo Sila mehna Bereapū esahye

¹⁰ Ti pjeta ñamipū Pablo gāhūre Jesu yequina ñno ohoahye Bereapū. Topū esa tiquina judio masa buheri wuhupū sajāa wahahye. ¹¹ Berea cjēna pehe Tesalónica cjēna yuhduoro Jesu yere quehnoano tuhoyequina ijiahye. Sa ye tiquina Jesu yere tuhori bato “¿Potota ijijari?” ni

masi duaye, decoripe tiqairo yere tiquina ojoari püre sa buheducue tiahye tiquina. ¹² Sa ye tiquina peyequina Jesure wacü tutuayequina ijiahye. Griego masa gähu, ἀμα, pũtoa numia mehna Jesure wacü tutuayequina ijiahye. ¹³ Sa ijiepegũta Pablo Bereapũ Cohãcjũ yere tiqairo buhegũ gãhure tuhoye, Tesalónica cjẽna judio masa torũ esahye. Topũ esaye, Berea cjẽnare quiti dojomehnefe, Pablo gãhu mehna usuagũ yeahye tiquina. ¹⁴ Tiquina sa yegũ ihãahe Jesu yequina Pablöre sojaro mehna pajiri ma dũhtũ cahapũ ohoahye. Tiquina sa ohoepegũta Sila, Timoteo mehna Bereapũ tojoahye. ¹⁵ Sa ye apequina Pablöre Atenapũ ne cã soahye. Tiqairore so tuhasa, majare tojoaa wahahye Bereapũ tja.

—Sojaro mehna waha, piti tina wahaya Pablöre, ni yahuahye Silare, Timoteo gãhure.

Sa ni yahu dutiahye Pablo tiquinare.

Pablo Atenapũ ijiahye

¹⁶ Sa yero Pablo Atenapũ cohtero ni-ahye Sila, Timoteo gãhure. Sa yero Atena cjẽna “Cohãcjũ ijire”, tiquina niñe queoyere peye tiquina cõogũ ihãano Pablo tutuaro bujũa witiahye tiquina mehna. ¹⁷ Sa bujũa witiro judio masa buheri wãhũpũ judio masa mehna yahuducuahye. Sa yero tja judio masa ijieyequina gãhure yahuducuahye tiqairo. Tiquina ihquẽquina mari Pacũre ño peoyequina ijiahye. Sa yero Pablo ti maca decorũ decoripe tiqairo cahapũ sa tini majare sajãnequina mehna yahuducuahye. ¹⁸ Apequina Epicũreo yere buheyequina, Estoico yere buheyequina gãhu Pablo mehna yahuducuahye.

—¿Ahriqairo yahuducuye peyariqairo dũhse ni yahuducuro niajari tiqairo? niahye tiquina.

Pablo Jesu yere, tiqairo masa mejarire tiqairo yahugũ tuhoye ohõ saha ni tuhutumahye masa. “Tiqairo apequina cohãmanare yahuro niaga”, ni, tuhutumahye tiquina. ¹⁹ Tiquina tuhori bato Areõpago wame tiropũ Pablöre nea wahahye.

—Ahri buheye, wahma buheyere yojopũ muhũ yahurire masi duaja usã. ²⁰ Muhũ buheye sijoro saha ijire. Sa yena usã tire masi duaja, niahye tiquina Pablöre.

²¹ Ijipihtiyequina Atena cjẽna decoripe wahma buheyere yahuducuducu duahye. Sa ye tire tuho duahye. Ape yehpa cjẽna gãhu Atenapũ ijiye, sata ye duahye. Sa ye Pablo yahuyere tuho duahye tiquina.

²² Sa yero Pablo Areõpago wame tiropũ wahcãdũca, ohõ saha ni yahuahye:

—Atena cjãna, peyequina masa cohãmanare masa tutuaro ño peona masa ijigũ masiaja yũhũ. ²³ Ahri maca masa ya macare cohãmanare masa ño peorire ihãa

tinii yũhũ. Sa ihãa tinigũ yũhũ ihcã cuhtupũ, cohãmanare ño peona masa ohooyere masa cũnopũ ahrire buhei. “Cohãcjũ, mari masimehnediqairo ya cuhtu ijire”, ni, ojoari jiri masa tire masa cũnopũ. Masa tiqairore masiedapenata tiqairore ño peori jiri masa. Tiqairoreta masa masiediqairore yahugũ niaja yũhũ masare.

²⁴ Cohãcjũ ijipihtiri yehpare, ijipihtiyere bajumehnediqairo ijire. Tiqairo ahmũsere, yehpapũre, puhtoro ijiro, tiqairo masa tiquina yeri wãhũpũ ijierare. ²⁵ Sa yero tiqairo mari ijiyere, mari jeri neñe gãhure, ijipihtiyere marine apee borore ohoriqairo ijiro, mari yedohoyere cahmedare. Tiqairo pejecãoriqairo ijierare.

²⁶ Tiqairo ihcãqairo umãnore ye dũcahye. Tiqairo mehnata ijipihtiri yehpa cjẽnare masare yeahye. Sa yero ijipihtiri yehpapũre marine cũahye tiqairo. “Ohõ puno yoiari pje ohõpũre catieta”, nino queo cũahye marine. ²⁷ “Tiquina yũhure macañe, bocaeta”, ni tuhutuahye Cohãcjũ. Sa yero Cohãcjũ yoaropũ ijierare. Mari mehnata ijire. Ohõ saha ni ojoahye. ²⁸ “Marine ijigũ yere tiqairo. Sa yero masa mehna sa ijiducure tiqairo”, ni ojoahye. Masa mehna cjẽna panopũ cjẽna basayere quehnoano ojoayequina tiquina ojoariro sahata nii niaja. “Mari gãhu Cohãcjũ pohna ijiaja”, ni ojoahye tiquina. ²⁹ Sa yena tiqairo pohna ijina ohõ saha ni tuhotuercãhãna masa. Queoyere, uru, plata, atã mehna masa esa tuharo masa yeriquinare “Cohãmana ijire”, ni tuhotuercãhãna masa. ³⁰ Panopũ masa tiquina masiehequina ijiniãgũ tiquina ñañene yepegũta Cohãcjũ sa ihãa cãhrãhye. Sa yeperota yojopũre ijipihtiri yehpa cjẽnare tiquina ñañene bujũa witi ditire Cohãcjũ.

³¹ Came Cohãcjũ tiqairo queori decorũ ijipihtiri yehpa cjẽnare queoro beserota quehnoañequinare, ñañequinare. Tiqairo bese duti cũriqairo Jesu pehe beserota. Jesure yariariqairore masoahye tiqairo. Sa masono “Ahriqairo yũhũ cũriqairo ijire”, ni, ihõono niahye Cohãcjũ masare, ni yahuahye Pablo Atena cjẽnare.

³² Tiqairo sa nigũ masa mejarire tiqairo yahuducugũ tuhoye apequina tiqairore bujũpeahye. Sa ye apequina pehe ohõ saha niahye:

—Pari turi ahrire muhũ yahugũ usã tuho duaja, niahye tiquina Pablöre.

³³ Tiquina sa nidi bato Pablo wahaa wahahye. ³⁴ Sa ye meheñequinagã tiqairo mehna ijiye, Jesure wacü tutua dũcahye. Dionisio Areõpago cjãno puhtoa mehna cjãno Jesure wacü tutua dũcahye. Damari wame tiricoro gãhu, apequina mehna Jesure wacü tutua dũcahye.

18

Pablo Corintopu ijiahye

¹ Sa ye, Pablo Atenapu ijiriquiro waha, Corinto wame tiri macapu esahye. ² Topu esaro, judio masano Aquila wame tiriquirore boca sahye tiqiuoro. Ijiphiytiye-quina pahutoro Claudio wame tiriquiro judio masare Romapu ijieyquinare tiqiuoro cohagū, Aquila pehe tiqiuoro namono Priscila mehna waha, Corintopu esahye. Aquila pehe Ponto wame tiri yehpapu masa bajuariquiro ijiahye. Sa ye tiquina Corintopu tiquina ijigū, Pablo tiquina cahapu esahye. ³ Aquila gūhu carpa cahseri wūhūserē yeyequina ijiahye. Pablo gūhu carpa cahseri wūhūserē yeriquirota ijiahye. Sa yero tiqiuoro mehna dahra, topu tojoahye. ⁴ Sa yero Pablo saurū ijigū semanaripe judio masa tiquina buheri wūhūpu judio masare, judio masa ijieyquina gūhure Cohācjū yere yahuahye. Tiquiro sa ni yahugū tūhoye, “Ijirota ijire”, niahye tiquina ihquēquina.

⁵ Sa ye Sila, Timoteo mehna Macedoniapu ijiriquina, Pablo cahapu esahye. Topu tiquina esari bato Pablo pehe ijiphiytiye decori judio masare quehnoano buheh tiahye:

—Jesu, Cristo marine yūhdūoatiqiuoro mari coheriquiro ijire, ni yahue tiahye tiqiuoro.

⁶ Tiquiro sa ni buhepegūta, judio masa pehe tiqiuoro tūho duerahye. Sa ye tiquina űano ni quitī dojomehneahye tiqiuoro. Tiquina sa yegū Pablo tiquinare tiqiuoro tuhtiboriro sahata, tiqiuoro suhtirore dihta wahārire wejē site cūahye.

—Masa ye buhiri pecapu wahanata. Cohācjū tiqiuoro dutiriro sahata masare buhemi yūhu. Sa buhepegūta masa yūhure tūho duerari. Yojoapare judio masa ijieyquina pehere buhegu wahaatja, niahye Pablo judio masare.

⁷ Tiquiro sa nidi bato tiqiuoro topu ijiriquiro waha, Ticio Justo wame tiriquiro ya wūhūpu esahye. Justo Cohācjūre űo peoriquiro ijiahye. Tiquiro ya wūhu pehe judio masa buheri wūhu cahapu ijiahye. ⁸ Sa ye Crispo wame tiriquiro buheri wūhure coheriquiro, tiqiuoro namono, tiqiuoro pohne gūhu Jesure wacū tutuayequina ijiahye. Sa ye apequina Corinto cjēna peyequina Cohācjū yere tūhoye, Jesure wacū tutuahye. Tiquina sa wacū tutuayequina ijigū tiquinare wame yeahye. ⁹⁻¹⁰ Ihcā űami Cohācjū quehēnopu yahuahye Pablōre. Tiquirore ohō saha niahye:

—Mūhu mehna ijiaja. Ahri macare yeequina peyequina ijire. Sa ye apequina masa

mūhure űano ye masiedare. Sa yegū cueracāhūa mūhu. Sa cueragu yeere tutuaro yahuaya. Sa tūhotueracāhūa, ni yahuahye Cohācjū Pablōre.

¹¹ Sa ye ihcā cūhma quehnoano, ape cūhma deco waro to cjēnare Cohācjū yere buhe, ijie tiahye Pablo.

¹² Tiquiro sa ijiri watoa Galiō wame tiriquiro Acaya yehpa cjēna pahutoro tiqiuoro ijigū judio masa ijiphiytiyequina ihcāno mehna Pablōre yahusāne taye, tiqiuoro buhiri dahre dutiyequina cahapu neahye tiquina.

¹³ —Ahriquiro masare Cohācjūre űo peo dutiro ahri yehpa cjē dutiye pehere cohā dutiro nine, ni yahusāhye judio masa buhiri dahre dutiyequinare.

¹⁴ Tiquina sa ni yahusāgū tūhoro Pablo pehe tiquinare yahu duamahye. Sa yahu duepegūta Galiō pehe judio masare yahuahye:

—Ahriquiro usā Roma cjāna ye dutiye yūhdūdūcariquiro tiqiuoro ijigū masare yūhtiboaya yūhu. ¹⁵ Sa yena masa judio masa ye dutiye pehere ahriquiro yūhdūdūcariquiro ijigū masa basi quehnoā. Ahrire masa mehna masino pjerare yūhure, ni yahuahye tiqiuoro judio masare.

¹⁶ Sa ninota tiquinare judio masa yahusāne ahtamediqinare tiqiuoro ya tucūpu ijiriquinare cohā wioahye tiqiuoro.

¹⁷ Tiquiro sa cohā wiōri bato ijiphiytiyequina ti wūhūpu ijiriquina Sostenene judio masa buheri wūhure coheriquirore Jesu yaquirore űehe, buhiri dahre dutiyequina cahapu queāhye tiqiuoro. Tiquina sa quēgū ihūano Galiō sa ihūa cāhye.

Pablo Antioquiapu tojoaa wahahye

¹⁸ Sa yero Pablo Corintopu yoari pje ijiriquiro “Wahaū niaja”, ni cohe tiahye tiqiuoro Jesu yequinare. Tiquiro sa nidi bato tiqiuoro Priscila, Aquila mehna Siria yehpapu ijiri macapu pehāa wahahye. Cencia wame tiri petamahapu tiquina esari bato Pablo Cohācjūre “Ohō saha mūhure ye basatja”, tiqiuoro nidire ye tuhasariquiropu ijiahye. Sa yero sa yeriquina judio masa tiquina yeducuriro sahata tiqiuoro poarire wūha peho dutiahye. ¹⁹ Sa yero tiquina Efeso wame tiri macapu pehā sa, Priscilare, Aquila gūhure cūahye Pablo. Tiquinare topu cū, judio masa tiquina buheri wūhūpu wahahye. Ti wūhūpu esa, Cohācjū yere yahuahye. Sa yahuro judio masa mehna yahuducuahye. ²⁰ Tiquiro sa yahuducuri bato tiqiuoro tiquina mehna tojoa dutimahye. Tiquina sa dutiepegūta ohō saha niahye Pablo:

—Tojoeraja masa mehna, niahye Pablo tiquinare.

²¹ Sa ninota,

–Wahag^u niaja. Cohācjū cahmegū pari turi tojoa taboaga, niahye tiquinare Pablo.

Sa ni tuhasa Efesop^u ijiriquiro pehāa wahahye tiqiro.

²² Sa yero Cesarep^u pehā sa, yahdu cā, Jerusalēp^u esahye. Top^u esa, to cjēna Jesu yequinare “¿Ne ijijari masa?” ni, tiquinare ihña yahdu^a Antioquiap^u esahye. ²³ Top^u meheñe decorigā ijiahye. Top^u ijiriquiro yahduahye. Galacia yehpap^u ijiye macarip^u, Frigia yehpap^u ijiye macarip^u pari turi esa, ti macari cjēnare Jesu yequinare buhero, bucegū yeahye.

Apolo wame tiriqiro Efesop^u buheahye

²⁴ Ti pjere, judio masano Apolo wame tiriqiro, Alejandria cjēno Efesop^u esahye. Tiqiro quehnoano yahu mihndiqiro ijiahye. Sa yero tiqiro Cohācjū ojoarire quehnoano masiahye. ²⁵ Apeqiro tiqirore Cohācjū yere yahu tuhasae tiahye. Sa yero tiqiro Ñu wame yeriquiro ye buheye dihitare masiahye. Sa ijieperota tiqiro tutuaro bucueye mehna Cohācjū yere quehnoano buheahye. ²⁶ Sa yero judio masa tiquina buheri wāhp^u tiqiro cuero marieno tiquinare buhe dūchahye. Tiqiro sa buhegū tiquina tūhori bato Priscila, Aquila mehna tiqirore tiquina mehna neahye. Cohācjū yere tiqiro quehnoano poto yahu pehoeragū ihñañe quehnoano poto yahu pehoahye tiquina tiqirore. ²⁷⁻²⁸ Sa ye tiqiro Apolo pehe Acaya yehpap^u tiqiro waha duagū Jesu yequina tiqirore “Quehnoano wahaya”, ni, ojoari pūrine ohoahye tiqirore. Ti pūri Acayap^u ijieyquina Jesu yequinare Apolore quehnoano piti ca dutiye pūri ijiahye. Sa yero Apolo top^u esaro, to cjēnare Jesure wacū tutuayequinare Cohācjū cahñe mehna quehnoano yedohoahye. Judio masare ti macap^u ijieyquinare ohō saha ni yahuahye:

–Cohācjū ohoriquiro masa cohteriquiro ijire Jesu. Cristo waro ijire tiqiro, ni yahuahye judio masare apequina masa tiquina ihñonop^u.

Cohācjū yere tiquina ojoari mehna tiqiro quehnoano queoro yahugū tūhoye tiquina “Poto ijierare”, ni masiedahye. Sa yero Cohācjū cahñe mehna tiqirore wacū tutuayequinare quehnoano yedohoahye Apolo.

19

Pablo Efesop^u wahahye

¹ Corintop^u Apolo tiqiro ijiri watoa, Pablo pehe cūn^u cjep^u mūja yahdu^a, Efesop^u esahye. Top^u esaro ihquēquina Jesu yequinare bocahye. ² Tiqinare boca saro tiqiro tiquinare sinituahye:

–¿Masa Jesure wacū tutuari bato masa pehe Espiritu Santore cūo dūcari? ni, sinituahye Pablo.

Tiqiro sa nigū tūhoye tiqirore ohō saha ni yahuahye tiquina:

–“Espiritu Santo ijire”, ni yahuerari usāre, ni yahuahye tiquina.

³ Tiquina sa ni yahuri bato Pablo tiquinare sinituahye tja:

–¿Noa ye buheyere masa tūhori bato wame yeri māsare? niahye tiqiro tja.

–Ñu ye buheyere usā tūhori bato wame yeri usāre, ni yahuahye tiquina.

⁴ Tiquina sa nigū tūhoro ohō saha niahye Pablo:

–Masa tiquina ñañe yerire tiquina duhugū ihñano wame yeahye Ñu. Sa yero tiqiro wame yeye pehe tiquina ñañe yerire tiquina duhurire masare ihñoati ijire. Sa yero apee boro gūhare yahu nemoahye Ñu. “Yūh^u bato ahtariquiro pehere wacū tutuaya masa”, ni yahuahye tiqiro. Sa nino Jesure yahuro niahye, ni yahuahye Pablo tiquinare.

⁵ Tiqiro sa nigū tiquina tūhori bato, Jesu wame mehna wame yeahye tiquinare.

⁶ Sa yero Pablo tiquina ihquēquina bui tiqiro omoca duhu peogū, Espiritu Santo pehe wihiahye tiquinapure. Tiqiro sa wihiri bato tiquina pehe tūhomehneñe yahuducuye mehna yahuducu, Cohācjū yere yahuahye. ⁷ Tiquina ijipihtiequina doce amāa ijiye ijiboaga.

⁸ Came Pablo judio masa tiquina buheri wāhp^u sajā, ihtia asū waro decoripe cuero marieno Cohācjū pūthoro tiqiro ijieyere yahuducuahye tiquina mehna. Tiqirore tiquina sa tūhori bato “Ahri ijirota ijire”, niahye tiquina. ⁹ Sa niepegāta apequina pehe tūho duerahye. Sa ye tiquina masa tūhoro quehnoañe buheyere ñano niahye. Tiquina sa nigū tūhoro Pablo pehe Jesu yequinare piji wijia, apee siep^u wahahye. Waha, Tirano wame tiri wāh^u buheri wāhp^u decoripe masare Cohācjū yere yahuahye tiqiro. ¹⁰ Pūa cūhma waro buhee tiahye tiquinare. Tiqiro sa buhegū ijipihtiequina Asia yehpa cjēna judio masa, judio masa ijieyequina mehna mari pūthoro Jesu yere tūhoahye. ¹¹ Sa yero Cohācjū tutuaye mehna Pablo peye tahari ye ihñoahye. ¹² Suhti cahseri Pablo tiqiro pagure pihari cahserire, tiqiro pihari suhti gūhare ne cā, dohatiyequinare ohoahye. Ti suhtire ohogū tire ñeñeñe tiquina dohatiye yahdu^a wahahye. Sa ye watā tiquina mehna ijiriquina wahaa wahahye ti suhtire tiquina ñehedi bato.

¹³ Sa ijigū apequina judio masa, sa tiniducueyequina, watāre cohāñequina judio masa yaya ijiahye. Sa ye Pablo tiqiro yeriro

sahata Jesu tutuaye mehna wafiare cohã duamahye. Sa ye wafiare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja musare. Wahaya. Ahriquiro mehna pari turi ijieracãhña, nimahye tiquina wafiare ohoye.

¹⁴ Esceva wame tiriquiro siete tiquiro pohne pehe sata yemahye. Esceva pehe judio masuno pahia puhtoro ijiahye. ¹⁵ Tiquiro pohne wafinore tiquina waha dutiri bato, wafino pehe ohõ saha niahye tiquinare:

—Jesure masiaja. Pablo gãhure masiaja. Mũsa pehere masiedaja, niahye wafino tiquinare.

¹⁶ Tiquiro sa nigũta wafinore cãoriquiro pehe tutuaro tiquinare ñehe maa wahahye. Sa yero tiquinare ña yũhũaro yeahye. Tiquiro sa yeri bato suhti marieñequina, camĩ tiyequina oma wijiaa wahahye tiquina ti wãhure. ¹⁷ Tiquina sa yeri bato ijipihitiyequina Efeso cãena, judio masa, judio masa ijieyequina mehna tire tuhoye, cue yũhũahye tiquina. Sa ye mari puhtoro Jesu yere bujũpero marieno yahuducuahye masa pehe.

¹⁸ Sa ye masa peyequina Jesure wacũ tutuayequina tiquina ñano yerire yahuye ah-tahye. ¹⁹ Tiquina mehna cãena peyequina yayia masare ujuayequina yero saha yeye-quina ijiahye. Sa ye tiquina ojoari pũrine yayia tiquina yerire yahuye pũrine topũ ne cãhta, masa ihũonopũ ti pũrine ujũa cohã cãhye tiquina. Ti pũri wapa tirire tiquina queogũ, ijipihitiye pũri cincuenta mil cjoeri niñeru cjoeri wapa timahye ti pũri. ²⁰ Sa ye Cohãcã yere cahmeñequina peyequina wahahye. Cohãcã tutuaye mehna tiquiro yequina wahahye.

²¹ Tiquina sa wahari bato Pablo ohõ saha ni tuhutuahye: “Macedonia yehpapũ esa muhta, ti yehpare yũhũa, Acaya yehpare esautja. Ti yehpare yũhũ esari bato Jerusalẽpũ wahaũtja. Ti macare yũhũ esari bato Romapũ wahaũtja”, ni tuhutuahye Pablo. ²² Pũaro tiquirore yedohoyequinare tiquiro pano oho muhtahye Macedonia yehpapũ. Timoteo, Erasto gãhũ ijiahye tiquina. Sa yero Pablo pehe ihcãquirota tojoa nũnũ tãriahye Asia yehpapũ.

Efesopũ masa usua, saũuducuahye

²³ Ti pjere Efesopũ Jesu yere apequina cahmedaye, Pablo gãhure tuhtiahye. ²⁴ Plata mehna dahrariquiro Demetrio wame tiriquiro plata mehna cohãcãono Artemisa wame tiricoro ya wãhũ queoyere yeriquiro ijiahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina. ²⁵ Sa yero Demetrio apequina plata mehna

dahrayequinare piji cahmecoa yahuahye tiquinare.

—Tũhoya mũsa. Ahri dahraye mehna pajiro mari wapatarire masine mũsa. ²⁶ Ahriquiro Pablo yerire tiquiro buheri gãhure masine mũsa. Ohõ saha ni buhere tiquiro. “Cohãmana queoye masa tiquina yeyequina catiyequina ijierare”, ni yahue tiri tiquiro. Tiquiro sa nigũ tuhoye peyequina Efeso cãena, ijipihitropũ apequina Asia yehpa cãena gãhũ ti buheyere “Ijirota ijire”, nie tiri. ²⁷ Sa niñe mari dahrayere masa ñano yahuducuboaga. Sa ye mari yacoro cohãcãono Artemisa ya wãhure masa cohãboaga. Sa yero ticoro ijipihitiyequina Asia yehpa cãena, ijipihitiri yehpa cãena tiquina ño peoricoro ticoro ijiepegũta ticoro tutuaye butiarota. Sa ye masa ticorore masiedaboaga, niahye Demetrio tiquinare.

²⁸ Tiquiro sa nigũ tuhoye tiquina pehe tutuaro usua, saũuducuahye:

—Artemisa Efeso cãena mari yacoro cohãcãono tutuaricoro ijire, ni, saũuducuahye tiquina.

²⁹ Sa ye Efeso cãena ijipihitiyequina saũuducu yũhũa, tuho masiñe pihtia wahahye. Sa wahaye, Gayore, Aristarco gãhure ñehe, masa tiquina cahmecoanopũ tiquinare weje cãhye. Gayo, Aristarco mehna Macedonia cãena ijiye, Pablo mehna tiniñequina ijie tiahye. ³⁰ Sa ye Pablo masa cahapũ tiquiro waha duagũ, Jesu yequina pehe tiquirore waha dutierahye. ³¹ Sa ye apequina ti yehpa cãena puhtoa, Pablo mehna cãena ijiye, tiquina cahacãenare yahu dutiahye Pablare:

—Masa tiquina cahmecoanopũ wahaer-acãhña, ni yahu duti ohoahye puhtoa tiquina cahacãenare Pablopũ.

³² Sa ye topũ cahmecoañequina mehna cãena pehe peyequina “¿Dũhsena tana mari cahmecoana niajari?” ni, masiedahye. Sa ye tiquina saũuducu nemoahye. Ahrie pehepũ ijieyequina sijoro ni, saũuducuahye. Apequina gãhũ sijoro ni saũuducuahye. ³³ Sa ye judio masa pehe Alejandro wame tiriquirore masare yahu dutimahye. Sa yero Alejandro “Dihta mariahña”, nino tiquiro omoca mehna quẽ dijioahye. “Ahriquina usãre judio masare tuhtiye nine”, ni tuhuturo judio masare cahmota duaro, yahuducumahye. ³⁴ Tiquiro sa niepegũta judio masuno tiquiro ijigũ ihñañe masa ijipihitiyequina ihcãno mehna pũa hora waro saũuducuahye:

—Artemisa, Efeso cãena mari yacoro cohãcãono tutuaricoro ijire, ni, saũuducuahye tiquina.

³⁵ Tiquina sa ni saũuducugũ ihñano, Efeso cãena puhtoare yedohoriquiro masare, “Dihta mariahña”, ni, yahuahye tiquinare.

—Musa Efeso cjāna tuhoya. Efeso cjāna mari yacoro tutuaricoro cohācōno Artemisa ya wahu cohtena mari ijigū ijipihitiri yehpa cjēna masine. Sa ye ahmusepu bora dijia tari queoyere cohtena mari ijigū gūhure masine masa. ³⁶ Sa ye apequina “Ahri poto ijierare”, ni masiedare. Sa yena usueracāhña msa. Quehnoano tuhotuaya msa. ³⁷ Ahriquina msa ñehē tariquina mari cohācōnore ñano ni yahuducuerari. Sa ye tiquina cohāmana wāhusepue sajā, yaquerari. Sa yena quehnoano yeya msa. ³⁸ Sa ye Demetrio, plata mehna dahrayequina mehna ahriquinare msa ñehediquinare yahusā duaye, buhiri dahre dutiyequina pehere yahuahro tiquina. Tiquina buhiri dahre dutiyequinare ahriquinare yahusā masine. ³⁹ Pāri turi cahmecoana quehnoano mehna cahmecoaña. Yojoꝑue msa yeriro saha yeracāhña. ⁴⁰ Miare msa ihyo waro usua, sañuducure mari puhtoā tuhoye, “Marine cohāñe niaga”, ni tuhotueta tiquina. Sa yena msa sa ni sañuducure tiquinare quehnoano poto yahu masiedaja mari, niahye puhtoare yedohoriquiro masare.

⁴¹ Sa ni yahu tuhasa, “To puno tjire. Wahaya”, niahye tiquiro masare.

20

Macedonia yehpapu gūhure, Grecia yehpapu gūhure Pablo esahye

¹ Ti sa wahari bato, Pablo pehe Jesu yequinare pijji cahmecoā yahuahye. Yahu tuhasa, tiquinare cohe tiahye. Cohe ti tuhasa, Macedonia yehpapu wahaa wahahye. ² Topu esa, buhe, to cjēna Jesu yequinare bucuegū yeahye tiquiro. Tiquinare buhe tuhasa, Grecia yehpapu esahye tiquiro. ³ Topu tiquiro ihtia asū waro ijiahye. Topu ijiro Siria yehpapu pehāa waha duamahye. Tiquiro sa waha duepegāta judio masa duhti queahye, tiquirore ñehē duaye. Sa yero Pablo ape mahapu, Macedoniapu wahari mahapu wahahye. ⁴ Sa waharo Asiaputa esahye. Topu Berea cjāno Pirro macano Sópater wame tiriquiro pehe Pablōre piti ti cāhye. Sa ye Tesalónica cjēna Aristarco, Segundo gūhu tiquirore piti ti cāhye. Sa ye Asia cjēna Tiquico, Trófito gūhu Asiapu tiquirore piti ti cāhye. Derbe cjāno Gayo wame tiriquiro Timoteo gūhu tiquiro mehna wahahye. ⁵ Tiquiro mehna cjēna tiquiro pano waha, Troa wame tiri macapu tiquirore cohteri jiri. ⁶ Tiquina sa cohtegū pugū yeye moremehneñe pāre tiquina ihyari bose deco bato usā pehe Filipopu ijirina yucsa mehna waha, ihcā omoꝑe decori pehā,

Troapu usā esau. Siete decori waro ijii topue.

Troapu Pablo tinino wahahye

⁷ Domingo ijigū Jesu yequina cahmecoā, pāre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopu wahatiquiro ijiro yoari pje tiquiro buheri. Ñami decopu buhe duhuro taro nimesi. ⁸ Sa yena ahmmano cjā tucūpu peye paca sihāñe paca ijiri tucūpu cahmecoā usā. ⁹ Pablōre tiquiro tuhori watoa wahmano Eutico wame tiriquiro meheni sopecahagā buipu mūja pje dujiri. Sa yero Pablo tiquinare yoari pje tiquiro buhe nemogū wahmanore wūjua ahtari. Sa yero tiquiro carī maa, ihtia casario buipu dujiriquiro majare maa dijiaa wahari. Tiquiro bora dijia bato tiquina tiquirore yariariquiroꝑue tu wahcō dapori. ¹⁰ Tiquina sa yegū ihñano Pablo dijia, wahmanore quē suhsuri. Tiquiro sa yeri bato Jesu yequinare yahuri tiquiro:

—Jeripohna ñaedacāhña. Yariere ahriquiro. Catire, nidi Pablo pehe.

¹¹⁻¹² Tiquiro sa nigū wahmano yariamediquiro masaa wahari. Tiquiro sa masagū ihñāñe tiquina bucue yuhduari. Sa bucueye ahmmano cjā tucūpu mūja, pāre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogāpu tiquinare buhe duhuri. Tiquiro buhe tuhasagū wahaa wahau usā.

Pablo Troapu ijiriquiro waha, Miletopu esahye

¹³ Pablo pano yucsa mehna Asōꝑu usā pehe esa muhtau. Pablo pehe mahapu waha duari. Pablo tiquiro nidiro sahata Asōꝑu tiquirore usā piti cau. ¹⁴ Tiquirore usā piti cagū, usā mehna tiquiro sajāri yucsapu. Tia mehna waha, Mitileneꝑu usā esau. ¹⁵ Topue esa yuhduā, ape decopu Quiore yuhduā usā. Ape decopu Samopu esau usā. Ape deco pehere Miletopu esau usā. ¹⁶ Pablo Pentecoste deco ijigū, Jerusalēꝑu esa duari. Sa yero Asia yehpapu yoari pje iji duerari. Sa yero Efesore poto yuhduā, Miletopu wahā sau usā.

Pablo Efeso cjēnare Jesu yequina puhtoare yahuahye

¹⁷ Sa yero Pablo Miletopu ijiro, Efeso cjēnare Jesu yequina puhtoare pijjori tiquiro. ¹⁸ Sa tiquiro pijjori bato tiquina Pablo cahapu wihiri. Tiquina wihigū ihñano tiquinare Pablo yahuri:

—Asiapu coā wihigu msa mehna yuhu yerire masine msa. ¹⁹ Msa mehna ijigu ne sijoro nino marieno Jesu, mari puhtoro yere yee tii yuhu. Sa yegū masare

paja ihñau. “Músare yuhdudúcaja”, niedu yuhú. Judio masa yuhúre tiquina ñano yepégúta Cohácjü yere yee tii yuhú. ²⁰ Sa yegu mûsa quehnoano wahatire cahmegu músare yahu peho cáu yuhú. Masa tiquina ihñonopu mûsa wuhúsepu gúhure buhei yuhú. ²¹ Sa yegu judio masare, judio masa ijieyequina gúhure ihcáno mehna buhei yuhú. “Mûsa ñañene bujua witina, Cohácjü ye pehere comesaya. Sa yena Jesu mari puhtorore wacú tutuaya”, ni yahuu yuhú. ²² Sa yegu Espiritu Santo tiquiuro dutiriro sahata yojopure Jerusalépu wahau niaja. Yuhú topu wahagu yuhú dáhse wahatire masiedaja yuhú. ²³ Ohó saha nidi Espiritu Santo yuhúre: “Jerusalépu muhu ñano yuhdúta. Sa ye muhure peresu yeeta”, nidi Espiritu Santo yuhúre. Yojopure yuhú macaripe yuhú esagú sa ni yahuri yuhúre. Jerusalépu wahagu Espiritu Santo tiquiuro yahuri dihitaré masiaja. ²⁴ Tiquiuro sa yahuepegúta quehnoañe buheyere, Cohácjü tiquiuro cahñe buheyere yahuacjú ijiaja. Jesu mari puhtoro tiquiuro ye dutirire ye peho duaja. Ahrire yerigu ijigu, yuhú yariatire cueraja yuhú.

²⁵ Sa yegu mûsa mehna ijigu Cohácjü tiquiuro puhtoro ijiyere yahue tii yuhú músare. Ne músare pari turi ihñasi yuhú. Músare masiaja yuhú. ²⁶⁻²⁷ Sa masigú miare ahrire yahuaja músare. Ijipihtiyé Cohácjü yere yahuu yuhú músare. Sa yero ijipihtiyequina mûsa mehna cjéna Cohácjü yere cahmeeñequina tiquina ijigú yee buhiri ijierare. ²⁸⁻²⁹ Mûsa basi quehnoano yeya. Sa yena Jesu yequinare Espiritu Santo músare ihbo dutigú, tiquiuro ihbo dutiriquinare quehnoano ihboya. Ovejare ihboyequina ovejare tiquina ihboro saha Jesu yequina gúhure ihboya mûsa. Cohácjü macano tiquiuro yariaro tiquiuro dii coháno mehna Cohácjü tiquinare tiquiuro yequina ijiatiquinare yeri. Yuhú ohóre wahari bato arequina ñañequina pehe yaquiuro ovejare tiquina wejéno saha Jesu yere mûsa yeborire dojomehneeta. Sa yena Jesu yequinare quehnoano ihboya. ³⁰ Camerúre arequina mûsa mehna cjéna pehe Jesu yequinare ni meho, apeye buheyere tuho dutieta. Tiquina sa dutigú tiquina tuhoeta. ³¹ Sa yena quehnoano yeya mûsa. Decoripe, ñaminipe paja ihñañe mehna buhei yuhú músare. Ihtia cáhna waro quehnoano buhei yuhú músare ijiphtinare. Tire quehnoano wacúña mûsa.

³² Yojopure yuhú wahari bato Cohácjü músare ihña ihborota. Tiquiuro cahñe buheyere buhena quehnoano ijinata mûsa. Cohácjü tiquiuro buheye mehna músare tiquiuro yequinare quehnoano yedoho masine. Sa yero tiquiuro yequina dihitaré tiquiuro ye duariro sahata mûsa púritare

quehnoano yerota. ³³ Mûsa niñeru cuoyere, mûsa suhti cuoye gúhure “Yuhúre ohoya”, niedu. ³⁴ Yuhú basi dahra wapatau ye ijiatire. Sa yegu yuhú cahmeñene, yuhú mehna cjéna tiquina cahmeñe gúhure yahu dahra wapatarí mehna nei. Yuhú sa yerire masine mûsa. ³⁵ Mari ohó saha tutuaro dahrana apee boro cuoyequinare yedohoro cahmene marine. Ahrire músare ye ihñou yuhú. Jesu mari puhtoro tiquiuro nidire wacúña mûsa. “Tiquiuro ohogú ñehediquiro yuhúoro ohoriquiro pehe bucuere”, nidi jiri Jesu tiquiuro basi, ni yahuri Pablo Jesu yequina puhtoare.

³⁶ Sa nidi bato Pablo tiquina mehna dusepe curi mehna quehe sa, Cohácjüre sinidi. ³⁷ Tiquiuro sa sinidi bato tiquina ijipihtiyequina Pablóre qué suhu, wahsupure ihmi, utiri. ³⁸ “Músare pari turi ihñasi yuhú”, to pano tiquiuro nigú tuhoye tutuaro bujua witiiri tiquina. Sa ye tiquiore tu nûnu tá buhari petamahapu. Topu usáre ihña nûnu tári usá wahagú.

21

Pablo Jerusalépu pari turi wahahye

¹ Jesu yequinare “Wahana niaja”, ni, yucusa mehna, Cos wame tiri nûcûropu poto waha, pehá sau usá. Ape decoru Roda wame tiri nûcûropu pehá sa, yuhúna, Pátara wame tiri macapu esau usá. ² Pátarapu ijina, Feniciapu wahatiare yucusare bocau usá. Sa yena tia mehna wahau usá. ³ Sa wahana Chipre wame tiri nûcûore poto ihña yuhúna usá. Cú pehe pehe ijiri ti nûcûo. Ti nûcûore yuhúna, Siria wame tiri yehrapu esau usá. Sa yena yucusa cjé doeri cjéne yucusa cjéno Tiro wame tiri macapu tiquiuro dure mogú topu pahsarí. ⁴ Topu Jesu yequinare ihñana, siete decori waro tojoarí usá ti macapu. Sa ye to cjéna Jesu yequinare Espiritu Santo tiquiuro yahuriro sahata tiquina Pablóre Jerusalépu waha dutieramedi. ⁵ Tiquina sa niepegúta ti macare siete decori usá ijiri bato, wahau usá. Usá wahato panogá ijipihtiyequina Jesu yequina, tiquina namosánunia mehna, tiquina pohne mehna, maca dáhú cahapu usáre ihña tojoari. Sa yena ijiphtina usá padûropu esa, dusepe curi mehna quehe sa, Cohácjüre sinii. ⁶ Usá sa sinidi bato, “Wahana niaja”, ni, tiquinare qué suhu bato ti wahau usá. Usá wahagú ihña nûnu tá, tiquina pehe majaa wahari tiquina ye wuhúsepu.

⁷ Tiro wame tiri macare maja yuhúna usá. Sa yena Tolemaidapu wahá sau usá. Topúta pajiri mare waha bato tii usá. Ti macapu esa, Jesu yequinare “¿Usá acaye, ijajari?” ni, ihcá deco usá tiquina mehna ijinii. ⁸ Sa yena ape decoru tja Pablo mehna mahapu

wahau usā Cesarea wame tiri macapu wahana. Topu esa, quehnoañe buheyere yahuriquiroy Felipe wame tiriquiroy ya wuhupū esa. Sa yena tiquiroy mehna tojoau usā. Felipe Jesu yequina tiquina siete besenohriquina mehna cjāno ijiri. ⁹ Sa yero tiquiroy pititiaro numia pacaro ijiri. Tiquina numia pehe Cohācjū yere yahuye numia ijiri. Nuhmia ijiri. ¹⁰⁻¹¹ Topu usā meheñe decorigā usā ijiri bato, Agabo wame tiriquiroy Cohācjū yere yahu mahtariquiroy Judeapū ijiriquiroy usāre ihñano wihiri. Sa yero tiquiroy Pablo ya dare jeri turi dare ne, tiquiroy dahpocārine, tiquiroy omocarine duhtero, queo yahuri:

—Ohō saha nidi Espiritu Santo. “Ahri dare cuoriquiroy Jerusalēpū tiquiroy esagū, judio masa sa duhteata tiquiroy. Duhte tuhasa, judio masa ijieyequinare ohoeta tiquina tiquiroy”, nidi Espiritu Santo, ni yahuri Agabo.

¹² Tiquiroy sa nigū tuhona, usā Cesarea cjēna mehna Pablory tutuaro cahī usā. Tiquiroy Jerusalēpū waha dutierami. ¹³ Usā sa nigū Pablo pehe yahtiri:

—¿Duhsa ni utina nijari masa? Yahu pehere bujua witiḡu yeaga masa. Tiquina yuhare peresu tiquina yegū quehnoanota. Yahu Jerusalēpū Jesu mari puhtoro yere yahu yeri buhiri yahu yariagū quehnoanota, nidi Pablo usāre.

¹⁴ “Wahaeraja”, tiquiroy nigū tuho duana nimi usā. Tiquiroy “Wahautja”, tiquiroy nigū, sa tuhutu cāhu usā. Ohō saha ni:

—Mari puhtoro tiquiroy cahmeno sahata yeahro, ni usā.

¹⁵ Tire yahu bato ti, usā yere quehno, waha wahau usā Jerusalēpū wahana. ¹⁶ Topu usā wahagū meheñequinagā Cesarea cjēna Jesu yequina pehe usā mehna wahari. Sa yena tiquina mehna cjāno Chipre cjāno Mnasō wame tiriquiroy ya wuhupū esa usā. Tiquiroy yoari pje Jesu buheriquiroy ijiri. Sa yero tiquiroy ya wahu usā ijiati wahu ijiri. Sa yena Jerusalēpū esa usā.

Pablo Santiagore ihñano wahahye

¹⁷ Jerusalēpū usā esagū, to cjēna Jesu yequina pehe “¿Wihijari?” ni, bucuery mehna piti cari usāre. ¹⁸ Ape decopū Pablo usā mehna Santiagore ihñano esari. Usā topu esagū topu ijipihyequina Jesu yequina puhtoa ijiri. ¹⁹ Sa yero Pablo tiquinare tiquiroy omoca ñehedi bato judio masa ijieyequinare tiquiroy buherire yahu pehori Jesu yequinare. Cohācjū tiquiroy yedohoye mehna tiquiroy yerire yahu pehori. ²⁰ Tiquiroy sa ni yahugū tuhoye, “Cohācjū quehnoagu, tutuagu ijire mahu”, ni ño peori tiquina pehe Cohācjūre. Sa ni tuhasa tiquina Pablory ohō saha ni yahuri:

—Usā acayu, yojopure peyequina judio masa Jesure wacū tutuayequina ijire. Tire masine mahu. Sa ye tiquina ohō saha ni tuhutore: “Cohācjū dutiyere, Moiserpā marine tiquiroy cūrire marine ye pehoro cahmene”, niñe nine. ²¹ Ohō saha ni nemore tiquina. “Ape sierpū ijieyequinare judio masa ijieyequina watoapu ijieyequinare judio masare Cohācjū Moiserre tiquiroy cūrire cohā dutiahye Pablo”, nimeidi ohō cjēna judio masa mahure. “Pablo judio masa pohnene cuhnucunū sohtoa cahserogāre yuhre ne dutierare”, nimeidi mahure tiquina. “Judio masa tiquina yee tiyere Pablo duhu dutire”, ni ahri gūhure ni yahu wajare mahure. ²² Sa ye mahu ohōre wihigū tuhoye tiquina cahmecoeta mahure tuhtye tehe. Sa yegū ohō saha yero cahmene mahure. ²³ Mahure usā dutiro sahata yeya. Yojopure ohōre pititiaro amua Cohācjūre wacūñequina “Ohō saha yenatja”, niñequina ijire. ²⁴ Tiquina mehna wahaya. Sa ye Cohācjū Moiserre tiquiroy dutiriro sahata tiquina basi Cohācjū yere yee tehe tiquina ñano yeyere coseye nine. Mahu gūhu sata yeya. Sa yegū tiquina sa yeati wapore wapa yeya mahu pehe. Mahu sa wapa yeri bato tiquina poarire waha peho duti masine tiquina. Mahu sa yegū ihñañe masa mahure tiquina niñe ni mehori ijigū masieta ijipihyequina. Cohācjū Moiserre tiquiroy cūri dutiyere yegū mahu ijigū masieta tiquina.

²⁵ “Sa yena judio masa ijieyequina Jesu yequina pehere usā ojoari pūre oho tuhasau. Ohō saha ni, ojoau usā. “ ‘Cohācjū ijire’, tiquina niñe queoyere ño peo tiquina duhu peori ihyayere, diire, wamua tiquina ñehe wejēdiquinare wahiquinare ihyeracāhña masa. Sa yena waana tieracāhña”, ni, yahu ojoau usā ojoari pūpūre, nidi tiquina Pablory.

Cohācjū wuhupū judio masa Pablory ñeheahye

²⁶ Tiquina sa ni yahuducuri bato ape deco Pablo pehe pititiaro amua mehna tiquina basi Cohācjū yere yeye tehe tiquina ñano yerire coseye tehe, Cohācjū wuhupū sajā wahahye. Ti wuhupū sajā saro, tiquinare yahuahye Pablo: “Ohōpe decori duhsare masa coseato”, ni yahuahye tiquiroy pititiarore. Sa ye tiquina cose bato tiri decopū tiquinapequina Cohācjūre wahiquinare tiquina ohoati deco ijiri.

²⁷ Sa ye tiquina cose pehoboriro mehenogā duhsagū waro Cohācjū wuhupū Pablo tiquiroy ijigū Asia yehpa cjēna judio masa pehe ihñahye tiquiroy. Sa ihñañe Pablory quti dojomehne, apequinare tiquiroy mehna usuagū yeahye tiquina. Sa usua, judio masa Pablory ñehe, sañuducuahye:

28 —Masa usā acaye, Israe masa usāre yedohona ahtaya. Ahriquiroy ijiye. Ahriquiroy Cohācjū Moiserē tiquiro cūri dutiyere, ahri wuhū gāhare cohā duti, buhere ijipihityequinare. Sa ye marine judio masare ñano ni yahuducure. Sa yero tiquiro Cohācjū wuhūpare judio masa ijieyequinare ne sajāri. Sa yero ahri wuhūre ñahe mariedi wuhūre tiquiro dojomehnedi, ni, sañuducuhye judio masa Asia yehpa cĵēna to cĵēnare.

29 To pano Jerusalēpū Pablo Trófimo mehna tiquiro ijigū judio masa ihñae tiahye. Trófimo Efeso cĵāno judio masūno ijieriĵiquiro ijiri. Tiquiro sa ijigū masiñe ohō saha ni tūhotuahye tiĵuina: “Pablo Trófiremore Cohācjū wuhūre ne sajāno niaga”, ni tūhotuahye judio masa. 30 Masare sa ni yahu tiĵuina sañuducuri bato ti maca cĵēna peyeĵuina tutuaro usuahye. Peyeĵuina oma cāhta, Cohācjū wuhūpū ijieriĵiquirore Pablōre ñehe weje wĵijaa wahahye. Sa ye ti wuhū sopecaharire bihahye tiĵuina. 31 Sa ye tiĵuina tiquirore wejēne tee nimahye. Tiĵuina sa yegū ihñāne “Ijipihityeĵuina Jerusalē cĵēna usua, sañuducuyē nidi”, ni, apeĵuina pehe yahuyē wahahye surara pūhtorore. 32 Tiĵuina sa nigū tūhoro pūhtoro pehe tiquiro yeĵuina surarare, tiĵuina dutiyeĵuina gāhare cahmecoadoqueo, tiĵuina mehna Pablōre wejē duayeĵuina cahapū oma cā esahye. Surara tiĵuina esagū ihñāne Pablōre quēmediĵuina quē duhu cāhye. 33 Sa yero surara pūhtoro Pablo cahapū esa, pua da come dari mehna tiquirore dūhte dutiahye. Tiĵuina dūhte tuhasagū ihñano, pūhtoro Pablōre sinituahye:

—¿Noa boro ijiajari ahriquiroy? ¿Yabe buhiri tiquirore sa yeajari masa? ni, sinituahye tiquiro tiĵuinare.

34 Tiquiro sa sinitugū tūhoye masa pehe “Ohō saha yeri tiquiro”, ni, apeĵuina gāhū sijoro saha ni sañuducu, yahuahye surara pūhtorore. Sa ni tiĵuina sañuducugū surara pūhtoro quehnoano tūhoerahye. Sa yero tiquiro surara yū wuhūpū Pablōre nea dutiahye. 35 Ti wuhūpū esa, Pablo mūjari escarerapū tiquiro mūjano taro yegū masa pehe tiquirore quē duaye nimahye. Tiĵuina sa yegū surara pehe tiquirore ne wua mūjaa wahahye. 36 Masa tiĵuinare peyeĵuina nūna tā, sañuducu nūna tāhye.

—Tiquirore wejē cāhñā, ni, sañuducuhye tiĵuina Pablōre.

Pablo “Ne masare ñano yeraja yuhū”, ni, yahuahye

37 Sa ye ti wuhūpū tiĵuina peresu yeato pano, Pablo pehe pūhtorore sinituahye:

—Yuhū mūha mehna yahuducu duaga, ni sinituahye Pablo.

—¿Mūha griego masa yere yahuducujari? 38 ¿Sohō ijirigū, Egipto cĵū ijierajari mūha? Tiquiro masare tiĵuina pūhtoare cohā dutiriĵiquiro, cuatro mil masa wejēñeĵuina pehere masa marienopū neari ĵiri. ¿Tiquiro ijierajari mūha? niahye surara pūhtoro Pablōre.

39 Tiquiro sa nigū tūhoro Pablo yūhtiahye:

—Tiquiro ijieraja yuhū. Judio masū ijiaja. Tarsopū Cilicia yehpāpū ijiri macapū masa bajupū yuhū. Ihyo ijiri maca cĵū ijieraja yuhū. Yuhū ahriĵuina masa mehna yahuducu duaga yuhū, niahye Pablo tiquirore.

40 Tiquiro sa nigū tūhoro pūhtoro pehe tiquirore yahuducu dutiahye masa mehna. Sa yero Pablo mūjari escarerapū ducuro tiquiro omocari mehna “Dihta mariahñā”, niahye masare. Tiquiro sa yegū ihñāne, dihta mari phtia wahahye. Tiĵuina dihta mariahgū ihñano, Pablo judio masa ye mehna yahuahye tiĵuinare.

22

1 —Yuhū acaye, yuhū yerire yahutja masare. Yuhū yahugū tūhoya masa, niahye Pablo.

2 Tiquiro sa nigū Pablo judio masa ye mehna tiquiro yahuducugū tūhoye masa pehe dihta mari doĵoa wahahye. Sa yero Pablo tiĵuinare yahuahye:

3 —Yuhū judio masūta ijiaja. Tarso wame tiri macapū, Cilicia yehpāpū ijiri macapū masa bajupū yuhū. Sa ijiepegūta ahri maca Jerusalēpūta bucūna yuhū. Sa yero yūhare Gamalie wame tiriĵuro buhehe tiri. Sa yegū yuhū mari ñecūsumūna mūna panopū cĵēna dutiyere quehnoano buhei. Yoĵopūre mari Pacure masa yero sahata yuhū gāhū ño peoe timi. 4 Sa yegū Jesu yeĵuinare ñano yee tii yuhū. Ihquēĵuina tiĵuinare wejē tii yuhū. Ūmūare, numia gāhare ñehe, peresu yee tii yuhū. 5 Pahia pūhtoro, judio masa bucūna mehna tiĵuina oĵoaye pūrine Jesu yeĵuinare ñehe dutiye pūrine yūhare oĵoa basari. Mari acayerē Damasco cĵēnare ti pūrine ihñogu tūu nimi Jesu yeĵuinare ñehei tūu. Tiĵuinare ñehe, ne cāhta peresu yei tūu nimi. Jerusalēpū tiĵuinare ne cāhta dūami buhiri dahrei tūu. Ohō saha yuhū nigū pahia pūhtoro, judio masa bucūna gāhū quehnoano masine, ni yahuahye Pablo.

Pablo Jesu yaĵuiri tiquiro waha dūcarire yahuahye

(Hch 9.1-19; 26.12-18)

6 Sa ni tuhasa ohō saha ni yahu nemoahye:

—Sa yero coheri pje ijigū Damascopū yuhū esa quehegū waro ūhūmānopū asi sitedoque diĵiori yūhare. 7 Sa wahagū yuhū yehpāpū bora quehe saa waharū yuhū. Yuhū bora quehe sari bato yahuducuro ca tari yūhare.

“¿Saulo, dáhsegu yáhure ñano yeajari?” nino ca tari yáhure. ⁸ “¿Páhto, noa boro iijajari mähü?” ni, sinituu yähü. “Yähü Jesu Nazare cjä, mähü ñano yenohrigü iijaja yähü”, ni, yahtiri yáhure tiqairo. ⁹ Yähü sa wahagü yähü mehna cjëna buhrirore ihñari. Sa ihñapeta yähü mehna tiqairo yahuducugü tahoerari tiquina. ¹⁰ “¿Páhto, dáhse yegutari yähü?” ni sinituu Jesure. “Wahcädacaya. Damascopü wahaya. Topü mähü wahagü, mähure ijipihtiyé yähü ye dutiatire apeqairo yahurota mähure”, nidi tiqairo yáhure. ¹¹ Tuhuro tiqairo asi site-doqueogü, yähü caperi oboa waharü yähü. Sa ye, yähü mehna cjëna yähü omocare ñehe, Damascopü tuä cäri yáhure.

¹² Topü Anania wame tiriqairo, Cohäcjäre ño peoriquiro marine Cohäcjä dutiyere ye pehoriquiro ijiri. To cjëna judio masa ijipihtiyequina tiquina ño peoriquiro ijiri. ¹³ Sa yero tiqairo yähü cahapü wihidaca yáhure yahuri. “Yähü acayü Saulo, ihñaña pari turi tja”, nidi tiqairo. Tiqairo sa nidi bato pari turi ihñau yähü. Sa yegu tiqairore ihñau yähü. ¹⁴ Yähü sa ihñagü tiqairo Anania yáhure yahuri. “Mari Pacü tiqairo cahmeñene quehnoano masiacjäre panopü bese tuhasahye mähure. Sa yero ‘Yähü macü quehnoariquirore ihña, tuhoro’, ni yahuahye mähure mari Pacü panopü. Tiqairo ijire mari ñecusama mäna tiquina ño peoriquiro. ¹⁵ Sa yegu mähü ihñarire, mähü tuhore yahugata mähü ijipihtiyequinare. ¹⁶ Sa yena yojopure yoari pje ijieracähna. Wahcädacaya. Sa yegu wame yenohrigü iijya. Jesure mähü sinigü mähü ñañene cohänota”, nidi yáhure tiqairo, niahye Pablo tiqairore wejé duariquinare.

Pablo judio masa ijieyequinare tiqairo buherire yahuahye

¹⁷ Sa ni tuhasa Pablo yahu nemoahye:

–Sa ye tuhasa yähü Jerusalëpü tojoa ta, Cohäcjä wähäpü Cohäcjäre sinigü esau. ¹⁸ Yähü topü ijigü Jesu yáhure bajue tiri. Sa bajuaro yáhure yahuri. “Jerusalë cjëna yeere mähu yahugü tuho duerare. Sa yegu amañano ape siepü wahaya”, nidi Jesu yáhure. ¹⁹ Tiqairo sa nigü tuhogu yahuu tiqairore: “Páhto, mähü yequinare judio masa buheye wähusepü ijieyequinare yähü ñehe, quédire masine Jerusalë cjëna. ²⁰ Sa yegu mähure yahuriquirore Estebä pehere tiquina wejégü ihñagu ‘Quehnoano yeye wejéne’, nimi. Tiqairore tiquina wejégü tiquina suhtire cuo basau yähü. Ti gähure masine ahri maca cjëna. Sa ye yähü yahugü tuhoboaga yáhure”, ni yahuu yähü Jesure. ²¹ Yähü sa nigü tuhoro Jesu yáhure yahuri: “Yoaropü judio masa ijieyequinare buheacjäre ohoutja mähure.

Sa yegu wahaya mähü”, nidi yáhure yähü páhtoro, niahye Pablo masare.

Surara páhtoro Pablo mehna yahuducuahye

²² Tiqairo yahu mähtari dihitare quehnoano tuhohahye masa. Sa tuhoheta judio masa ijieyequina cahapü Jesu Pablöre tiqairo ohoatire tiqairo yahugü tuhoye tiquina sañuducu ducahye tja:

–Ahriquiró yojopü püritare yariacünahdo, ni sañuducuahye tiquina.

²³ Sa ye tiquina sañuducu nemo, usuaye mehna tiquina suhtire wahba siteduca, dihta mehna doque müoahye. ²⁴ Surara páhtoro surara ya wähäpü Pablöre ne sajä dutiahye tiqairo yequina surarare. Sa yero surara páhtoro “¿Dáhse ijiro boro Pablo mehna usua ñano sañuducuye niajari masa?” ni sinitu duamahye. Pablöre tire sinituro taro, yuta dari mehna tana dutimahye tiqairore. ²⁵ Sa tana dutiepegüta tiqairore tiquina dähteri bato, tiqairo cahapü ijiriquirore surarare yahuahye Pablo:

–Yähü Roma cjä iijaja. Sa yena “Ñano yeriquiro ijire ahriquiró”, yáhure ni masiedare mäsa. Sa yena yuta dari mehna yáhure tana masiedare mäsa, niahye Pablo tiqairore.

²⁶ Tiqairo sa nigü tuhoro surara tiqairo páhtoro yahuro wahahye:

–Ahriquiró Roma cjäno ijire. Sa yegu quehnoano yeya tiqairore, ni yahuahye tiqairo páhtoro.

²⁷ Tiqairo sa nidi bato surara páhtoro pehe Pablöre sinituro wahahye:

–¿Potota mähü Roma cjä iijajari? Yahuya yáhure tire, niahye tiqairo.

–To cjäta iijaja yähü, ni yahtiahye Pablo.

²⁸ Tiqairo sa nigü tuhoro páhtoro pehe tiqairore yahuahye:

–Yähü Roma cjä iji duagu niñeru pajiro wapa yei, niahye tiqairo.

–Yähü Roma cjä macapü masa bajuu. Sa yegu Roma cjä iijaja yähü pehe, niahye Pablo.

²⁹ Tiqairo sa nigü tuhoye tiqairore tanaboriquina wahaa wahahye. Sa yero Pablo Roma cjäno tiqairo ijigü masino, tiqairore come dari mehna tiquina dähterire wacüno, cue niahye páhtoro pehe.

Pablo judio masa páhtoro yahuahye

³⁰ Sa yero surara páhtoro judio masa Pablöre tiquina yahusärire quehnoano masi duahye. Sa masi duaro ape decorü come darire tiqairore pä dutiri bato, pahia páhtoare, judio masa bücäna mehna cahmecoa dutiahye surara páhtoro. Tiqairo sa cahmecoa dutiri bato tiqairo topü Pablöre ne cä, tiquina ihñono duhu docoahye tiqairore.

23

¹ Sa yero Pablo judio masa bucunare ihña piti ca ducu, yahuahye:

–Yuhũ acaye, Cohãcãjũ tiqiuo ihñonopũ ijipihtiye decori quehnoano yeducuaja yuhũ, niahye Pablo.

² Tiquiro sa nigũ tũhoro ijipihtiyequina pahia bui ijiriquiro Anania pehe Pablo dũserore quẽ dutiahye. ³ Tiquiro cahapũ ducuyequinare quẽ dutiahye. Tiquirore tiquina quẽdi bato Pablo Ananiare tuhtiahye:

–Masa ihñono dihita quehnoano iji mehoga ijire mũhũ. “Cohãcãjũ dutiyere yũhdũdcagũ nine”, yũhũre niepegũta yũhũre quẽ dutire mũhũ. Sa quẽ dutiga mũhũ pehe dutiyere yũhdũdcagũ niaga, niahye Pablo tiqiuore.

⁴ Tiquiro sa nigũ tũhoye Pablo cahapũ ducuyequina ohõ saha niahye tiqiuore:

–Cohãcãjũ tiqiuo beseriquiro pahia puhtorore ñano yahuducueracãhña mũhũ, niahye tiquina Pablore.

⁵ Tiquina sa nigũ tũhoro Pablo ni nemoahye tja:

–Yuhũ acaye, tiqiuo pahia puhtoro ijiyere masiedũ yuhũ. Sa yegũ sa ni maca cãhti yuhũ. Cohãcãjũ yere tiquina ojoari ohõ saha ni yahure tiqiuore: “Mũhũ ya maca cãhẽna puhtorore ñano ni, yahuducueracãhña”, ni ojoahye, niahye Pablo tiquinare “Boya”, nino.

⁶ Sa ye topũ pũa curua cãhẽna ijiahye. Ihcã curua saduceo masa ijiahye. Ape curua pehe fariseo masa ijiahye. Pũa curua tiquina ijigũ masino, Pablo judio masa bucunare tutuaro sañuducu yahuahye:

–Yuhũ acaye, yuhũ fariseo masũ ijiaja. Fariseo masũno macũta ijiaja yuhũ gãhũ. “Yariariquina masa mũjaeta”, yuhũ sa nidi buhiri yũhũre ñano ye duare masa, niahye Pablo.

⁷ Tiquiro sa nigũ tũhoye fariseo masa, saduceo masa tiquina basi cahme tuhtiahye. Sa ye tiquina basi pũa curua tu wahye.

⁸ Saduceo masa ohõ saha niñequina ijiahye: “Yariariquina masa mũjasi. Espiritua, angele gãhũ ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa mũjaeta”, tiqiuo nigũ tiquina basi cahme tuhtiahye. ⁹ Sa cahme tuhtiyẽ, tutuaro sañuducuahye. Sa ye fariseo masa mehna cãhẽna judio masa buhuyequina wahcãduca, tuhti, yahuahye:

–Ahriquiro Pablo ñano yerari. Sa yero espĩritu o angel, potu tiqiuo mehna yahuducuriquiro ijĩboaga, niahye tiquina.

¹⁰ Tiquina sa nidi bato tiquina ijipihtiyequina cahme tuhti, tutuaro usuahye. Pablore tiquina wejẽ duagũ ihñano cuesãhyẽ surara puhtoro pehe. Sa yero Pablore

tiqiuo ya wũhũpũ ne cã dutiro, tiqiuo masa watoapũ surarare ohoahye.

¹¹ Ape ñami Jesu mari puhtoro Pablo cahapũ ducuro, yahuahye tiqiuore:

–Cueracãhña. Yojoapũre ohõre Jerusalẽpũ yee buhuyere yahuri mũhũ. Sa yegũ Romapũ gãhũre ohõ sahata yei wahaya, niahye mari puhtoro Jesu Pablore.

Judio masa Pablore wejẽ duamahye

¹²⁻¹³ Ape decopũ ñami cãũno ijigũ judio masa cahmecoahye.

–Ohõ saha yeihna. Pablore wejẽihna. Tiquirore mari wejẽato pano sih-niedacãhna. Ihyeracãhna. Tiquirore wejẽdana uãna mehna yariãhna. Sa yero Cohãcãjũ mari pehere wejẽahdo, niahye tiquina.

Tiquina cuarenta bui cãũno judio masa ijiahye. ¹⁴ Tiquina sa nidi bato tiquina pahia puhtoare, bucuna gãhũre yahuyẽ wahahye:

–Pablore usã wejẽato pano ihyayere usã ihyeraja. ¹⁵ Sa yena masa, bucuna mehna ohõ saha ni pijioya. “Pablore pari turi sinitu duaaja”, niãna surara puhtorore. Masa sa nidi bato surara puhtorore ne cãhta dutiya Pablore. Sa yena Pablo ohõ cahagã tiqiuo wihigã waro tiqiuore wejẽnatja usã, niahye tiquina pahia puhtoare.

¹⁶ Sa ye Pablo pacãno tiquina sa ni yahuducugũ tũhoahye. Tiquina sa nigũ tũhoro waha, surara ya wũhũpũ Pablore yahuro sajãhyẽ. ¹⁷ Tiquiro sa yahuri bato Pablo pehe ihcãquiro surarare pijio yahuahye tiqiuore:

–Ahriquiro wahmũnore puhtoro cahapũ neahña. Ahriquiro mũhũ puhtorore yahũ duaro nine, niahye Pablo.

¹⁸ Tiquiro sa nigũ tũhoro surara pehe Pablo pacãnore tiqiuo puhtoro cahapũ ne sa, yahuahye:

–Peresupũ ijiriquiro Pablo pehe yũhũre pijio, ahriquiro wahmũnore mũhũ cahapũ ne cã dutiri. Ahriquiro mũhũre yahuro taro niñõhti, niahye surara tiqiuo puhtorore.

¹⁹ Tiquiro sa nigũ tũhoro puhtoro pehe wahmũno omocare ñehẽ tuã cã, masa marienopũ tiqiuore sinituahye:

–¿Dũhse nigũ tũu niari mũhũ yũhũre? ni-ahye tiqiuo Pablo pacãnore.

²⁰ Tiquiro sa sinitugũ tũhoro ohõ saha ni yahuahye:

–Judio masa ihcãno mehna “Ohõ saha yeihna”, ni, ñamiapũ judio masa bucuna cahapũ mũhũre Pablore nea dutieta. “Bucuna Pablore pari turi sinitu duare”, ni mehoeta. ²¹ Sa niepegũta cuarenta bui cãũno masa tiqiuore wejẽ duayequina duhti, cohte duare. Tiquina tiqiuore wejẽato pano ihyayere ihyasi. Sa ye sihnisi. “Tiquirore mari wejẽdagũ Cohãcãjũ marine wejẽahdo”, nidi tiquina basi. Sa ye yojoapũre

muhare Pablore ne cãhta dutiye tiquina pehe duhti, cohte tuhasari, Pablore wejẽfie tehe. Sa yegu tiquina yahuye wihigũ tiquinare yuhtieracãhña mũhu, ni yahuahye wahmãno surara puhtorore.

²² Tiqiro sa nigũ tuhoro surara puhtoro ohõ saha niahye:

—Yuhare mũhu yahurire apequinare yahueracãhña, ni yahuahye wahmãnore.

Sa ni tuhasa wahmãnore “Waharĩsa”, ni ahye tiqiro.

Pablore puhtoro Feli wame tiriqiro cahapũ ohoahye

²³ Sa yero surara puhtoro puaro tiqiro yequina cien surara puhtoare pijĩ cã, tiquinare dutiahye:

—Dos cientos surarare, setenta caballoa bui pesayeqinare, dos cientos doqueye cju cuoyequina mehna Cesareapũ waha-tiquinare tiquina yere quehno dutina waha-ya. Sa yena masa mia ñami nueve ijigũ masa wahatore cohteya. ²⁴ Sa yena Pablore caballoare tiqiro pesatiquinare quehno basaya. Puhtoro Feli cahapũ, Cesareapũ, quehnoano soya tiqirore, niahye surara puhtoro.

²⁵ Sa ni tuhasa papera ojoahye. Ohõ saha ni ojoahye tiqiro: ²⁶ “Yũhu Claudio Lisia muhare tutuagu puhto Felire quehnoa dutiaja. ²⁷ Judio masa ahriqiro Pablore ñehe, wejẽmedi. Sa yegu Roma cãno tiqiro ijigũ masigũ, yequina surara mehna tiqirore yedohou esau. ²⁸ Sa yegu tiqirore tiquina yahasãre masi duagu judio masa bucãna cahapũ ne sau tiqirore. ²⁹ Sa yegu tiqiro judio masa ye dutiye dihitarẽ tiqiro yãhdũducagũ mari ye dutiyere tiqiro yãhdũducacagũ ihãagu, tiqirore peresupũ cũ dueru. Yabe buhiri yariaro mariedare tiqirore. ³⁰ Sa yero judio masa tiqirore wejẽ dua, tiquina buca quehegũ ihãano apeqiro yahuri yuhare. Tiqiro sa yahuri bato Pablore yojopure mũhu cahapũ ohogu niaja. Sa yegu tiqirore yahasãriquinare tiqiro ñaãe yerire muhare yahu duti tuhasau yũhu”, ni, ojoahye surara puhtoro.

³¹ Sa ye surara tiquina puhtoro tiqiro dutiriro sahata yeahye. Ti ñamine Antipatri wame tiri macapũ Pablore ne sahye.

³² Ape decopũ apequina surara caballoa bui pesaerariquina ti macapũ tojoa tahye tiquina ya macapũ. Apequina surara caballoa bui pesayequina dihita tiqirore ne yãhdũ cãhye. ³³ Tee Cesareapũ ne sahye Pablore. Sa ye surara puhtoro tiqiro ohori pũre puhtoro Felire wiahye. Sa ye Pablore ne sahye puhtoro cahapũ. ³⁴ Tiquina sa wiari bato puhtoro ti pũre tiqiro ihãari bato

apequinare sinituahye:

—¿Di yehpa cãno ijajari ahriqiro Pablo? ni sinituahye tiqiro.

—Cilicia yehpa cãno ijire, ni yahuahye tiqirore.

³⁵ Tiquinare sinitu tuhasa, Feli Pablore yahuahye:

—Muhare yahasãriquina ohõre tiquina wihigũ mũhu yahugũ tuhoutja, niahye Feli Pablore.

Tiqiro sa nidi bato Herode ya wãhpũ tiqirore cãhye. Sa yero tiqiro yequina surarare Pablore cohte dutiahye puhtoro.

24

Pablo “Ñano yeru yũhu”, ni yahuahye Felire

¹ Ihcã omope decori bato, Anania pahia puhtoro, apequina judio masa bucãna, dutiyere mihnidiquiro Tertulo wame tiriqiro mehna Cesareapũ esahye. Sa ye tiquina Pablore yahusã duaye puhtoro Feli cahapũ esahye. ² Sa yero Pablore topure tiquina ne sari bato Tertulo tiqirore yahusã ducãhye. Sa yahusã ducaro ohõ saha ni yahasãhye Felire:

—Mũhu quehnoano masigũ, usã puhto mũhu quehnoano dutigũ usã ahri yehpa cãna quehnoano iji cã usã cahmequeno marieno. Mũhu dutiye mehna quehnoãne pehere comesaro nine ahri yehpa. ³ Sa yena usã quehnoano iji cãna bucueaja. Sa yena mũhu mehna quehnoano bucueaja. ⁴ Yojopure mehenogã muhare cariboutja yũhu. Mehenogã mũhu mehna yahuducu duaia. Usãre tuhodoqueorĩna mũhu. ⁵ Ahriqiro usãre caribo yãhdũare. Ijipihtiyehpari cãenare judio masare tiquina usua sañuducugũ yere ahriqiro. Sa yero masa tiquina basi cahme tuhtigũ yere ahriqiro. “Puhtoare cohãhna”, niñequina mehna cãno ijire ahriqiro. Sa yero nazareno wame tiri curua puhtoro ijire. ⁶ Sa yero Cohãcũ wuhare ñano tiqiro ye duagũ ihãana usã ñehei ahriqirore. [Usã ñehedi bato usã ye dutiyere tiqiro yãhdũdũcariqiro ijigũ tiqirore buhiri dahre duami usã. ⁷ Usã sa ye duepegũta surara puhtoro Lisia wame tiriqiro tiqirore usãre tutuaro mehna ehma cãri.

⁸ Came tiqirore yahasãriquinare mũhu cahapũ waha dutiri Lisia. Tiqiro sa nigũ tuhona ahtau usã.] Mũhu pũrita ahriqirore sinitugũ, ijipihtiyere tiqiro ye buhirire masiguta mũhu, niahye Tertulo Felire.

⁹ Tiqiro sa nidi bato apequina judio masa “Tertulo tiqiro nidiro sahata pote ijire”, niahye tiquina gãhu. ¹⁰ Tiquina sa ni yahasãri bato puhtoro Feli Pablore yahu dutiahye. Ohõ saha ni yahuahye Pablo:

—Peye cãhmari ahri yehpa cãenare mũhu dutirire masiaja yũhu. Sa yegu yũhu yerire

muhare yahugū bucueaja. ¹¹ Doce decorita wahare Jerusalēpū Cohācjūre yuhū ño peori bato. Mūhū ahri poto ijigū masi duagu apequnare sinituya. ¹² Judio masa yuhare Cohācjū wuhūpūre boca tiquina ñehēgū masare ni sañuducugū niedū. Sa yegū “Musa puhtoare cohāña”, nigū niedū. Sa yegū judio masa buheye wuhūserē, tiquina ya maca gāhūre ne ñano yera tii. ¹³ Sa ye yuhare yahusāriquina pehe tiquina yahusārire “Ohō saha yeri ahriquiuro”, ni, yahu masiedare mūhūre. ¹⁴ Yojoṙū yuhū yerire yahutja mūhūre. Duita usā ñecusumūa tiquina ño peoriquiuro mari Pacure ño peoaja yuhū gāhū. Sa yegū tiquiuro yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegūta Cohācjū dutiye, Moiseṙūre tiquiuro cūrire ti gāhūre ño peoaja yuhū. Sa yegū Cohācjū yere yahu mūhūtiquina tiquina ojoari gāhūre ño peoaja yuhū. ¹⁵ Ahriquina apequna judio masa tiquina tūhoturo sahata Cohācjū ijipihitiyequina masare yariariquinare quehnoañequina, ñañequina mehna tiquina masa mūjagū yerota. Yuhū gāhū sata ni tūhotuaja. ¹⁶ Sa yegū buhiri mariedaja yuhū. Cohācjū tire masine. Sa ye masa gāhū tire masine. Sa ye potota yahuaja yuhū mūhūre. Sa yegū quehnoano tūhotuaja.

¹⁷⁻¹⁸ ‘Peye cūhmarine ape sieṙū tinidigū ijigū Jerusalēne tojoa wihi, yuhū acayere judio masa pejecūoyequinare niñerure ohogū tūū nii yuhū. Tojoa wihi Cohācjūre ño peogū tūū, tiquiuro ya wuhūṙū sajāmi. Sa yegū Cohācjū tiquiuro cose dutiriro sahata yuhū basi yuhū ñañene coseri bato wahiquiurore oho duami tiquiurore ño peogū tūū. Topū yuhū ijigū ahriquina judio masa yuhare bocari. Tiquina bocagū apequna yuhū mehna mariedari. Usua, sañuducuyequina mariedari. ¹⁹ Sa ye apequna judio masa Asia yehpa cjenā topū ijiri. Tiquina yuhū ñano yegū ihñariquina ijiye, yahusāñe ahtaahro. ²⁰ Ahriquina ohōṙūre ijiiyequina pehe judio masa bucūna mehna yuhū ijigū ihñariquina yuhū ñano yerire masiñe, tiquina gāhū yahusāahdo. ²¹ Ihcānogā pūritare yuhūre tiquina yahusā masine: Ti pje tiquina mehna ijigū ohō saha ni tutuaro sañuducuu yuhū. “Yariariquina masa mūjaeta’, yuhū nidi buhiri, buhiri dahrere masa”, nii tiquinare, ni yahuahye Pablo Felire.

²² Tiquiuro sa ni yahuri bato Feli ohō saha ni yahuahye Pablōre:

—Yojoṙū to puno tjire. Surara puhtoro Lisia tiquiuro wihiri bato mūhūre yuhū yeatore masiitja yuhū, niahye Feli Pablōre.

Feli pehe Jesu yequina tiquina yerire quehnoano masi pehoriquiuro ijiahye.

²³ Sa ni tuhasa, Pablōre coheriquiro surarare Feli quehnoano ihña nūnū duti-ahye “Peresupū ijiriquiro duhtiari”, nino. Sa ijieperota mehenogā ohori tiquiuro tinitatore. Pablo mehna cjenare tiquiurore peresupū ijiriquirore yedoho dutiro sa duti-ahye Feli.

²⁴ Meheñe decorigā bato Feli, tiquiuro namono Drusila wame tiricoro mehna ahta, Pablōre pijiahye. Feli namono pehe judio masono ijiahye. Pablōre tiquina pijiri bato, Jesucristore tiquiuro wacū tutuayere Pablo pehe yahuahye tiquinare. ²⁵ Sa yahuro quehnoañene, quehnoano wacū masiñene, ñañene cahmedare, pihitiri deco ijigū Cohācjū masare tiquiuro buhiri dahreatore yahuahye Pablo. Tiquiuro sa ni yahugū tūhoro Feli cuero, Pablōre yahuahye:

—Yojoṙūre waharīsa. Came yuhūre dahraye mariedagū mūhūre pijiiitja tja, niahye Pablōre.

²⁶ Sa nino Pablo tiquiuro niñeru ohogū cahmemahye Feli. Sa yero tiquiuro niñerure cahmeno, peye tahari Pablōre piji, tiquiuro mehna yahuducue timahye Feli. Niñerure tiquiuro wapa yegū Pablōre wioboaga, ape taha yero. ²⁷ Pūa cūhma bato Porcio Festo wame tiriquiro Feli comesariquiuro ijiahye. Sa ijiepegūta Feli pehe puhtoro jiro, judio masare bucuegū ye duahye. Sa yero tiquiuro Pablōre peresupū iji dutini-ahye.

25

Pablo Festore tiquiuro yerire yahuahye

¹ Sa ye Festo ti yehpapū ihtia deco tiquiuro ijiri bato, Cesareapū ijiriquiro waha, Jerusalēpū esahye. ² Topū tiquiuro ijigū pahia puhto, judio masa puhto mehna Pablōre tiquina yahusārire yahuahye Festore. ³ Pablo mahapū wahagū tiquiurore buca quehe, wejē duaye nimahye tiquina. Sa ye tiquina Festore tutuaro sinimahye:

—Pablōre Jerusalēpū ohoya, ni, sinimahye tiquina Festore.

⁴ Tiquina sa nigū tūhoro, Festo yahuahye tiquinare:

—Yojoṙūre Pablo Cesareapū peresu ijire. Yojoṙūre yuhū topū wahau tūata nijaja. ⁵ Pablo tiquiuro ñano yeriquiro ijigū, masa puhto Cesareapū yuhū mehna waha, tiquiurore yahusāahdo, niahye Festo.

⁶ Sa yero Festo ocho o diez decori tiquina mehna tiquiuro ijiri bato Cesareapū tojoa wahahye. Ape decopū tiquiuro buhiri dahre dutiri wuhūṙū dujiro, Pablōre ne cāhta duti-ahye.

⁷ Sa ye Pablo Festo cahapū tiquiuro wihigū, judio masa Jerusalēpū ahtariquina pehe Pablo cahapū ducu, tiquiurore tutuaro mehna yahusā dūcahye. Sa yahusāepeta

“Ahriquiro tiquiro ñano yegū ihñau”, ni, masiedahye. ⁸ Tiquina sa ni yahusāri bato Pablo tiquiro yerire yahuahye:

–Judío masa tiquina dutiyere, Cohācjū wahu cĵe dutiyere, Roma cĵāno puhtoro tiquiro dutiyere yuhdudacaeru, niahye Pablo.

⁹ Festo pehe judío masare bucuegū ye duaro, Pablore sinituahye:

–¿Jerusalēpu waha duajari mahu? Mahu yerire yuhare topu yahuta mahu, niahye Festo Pablore.

¹⁰ Tiquiro sa nigū tuhoro Pablo yahuahye:

–Ijipihtiequina puhtoro tiquiro ya wuhapu buhiri dahre dutiri wuhapu ijiaja yojopure. Ahri wahu boropu yahu yerire tuhoya. Judío masare yahu ñano yerarire quehnoano masine mahu. ¹¹ Dutiyere yuhdudacarigu ijigu “Yuhare wejēdacāhña”, niedaboaya yahu. Sa yegu ahriquina yahusāri pehe ni mehoñe ijigū yuhare yahusāriquinare yuhare oho masiedare mahu. Yuhu yerire ijipihtiequina puhtorore Césare yahu duaja, niahye Pablo.

¹² Tiquiro sa nigū tuhoro Festo pehe quehnoano masi yahuequinare sinitu tuhaya, yahuahye Pablore:

–Mahu ijipihtiequina puhtorore mahu yerire mahu yahu duagū tiquiro cahapu ohonatja mahare, niahye Festo Pablore.

Festo puhtoro Agripare Pablo tiquiro ijie tiyere yahuahye

¹³ Caperu puhtoro Agripa, Berenice wame tiricoro mehna Cesareapu Festore ihñañe esahye.

–¿Ne, ijiajari mahu? niahye tiquina Festore piti caye.

¹⁴ Topu peye decori tiquina ijiri bato Festo yahuahye Agripare Pablo tiquiro ijie tiyere:

–Ohöre Feli tiquiro peresu yeriquiro ijire. ¹⁵ Sa ye Jerusalēpu yahu wahagū judío masa tiquina pahia puhtoa, tiquina bucana mehna ahriquirore yahusāri. “Tiquiro ye buhirere wejēña tiquirore”, ni, sinidi tiquina yuhare. ¹⁶ Tiquina sa ni sinigū tuhogu yahu tiquinare ohō saha ni yahuu. “Roma cĵēna pehe peresu tiquina yeriquinare masare ohoerare. Sa yegu tiquirore ohoeraja musare. Usā ñehediquirore tiquirore yahusāriquinare tiquiro ihñato pano tiquirore buhiri dahre masiedaja usā. Tiquiro basi tiquiro yerire tiquiro yahueragū tiquirore buhiri dahre masiedaja usā”, nii tiquinare. ¹⁷ Sa yegu ohöre tiquina wihigū ihñagu yoari pje yeru yahu. Sa yegu ape decoru buhiri dahre dutiri wuhapu dujigu, tiquina yahusāriquirore pijii. ¹⁸ Sa ye ti wuhapu tiquiro wihigū ihñañe tiquirore ihña tuhtiequina wahcāducari. Tiquina sa wahcāducagū

ihñagu “Ña yuhduaro ni yahusāeta”, ni, tuhotumi yuhu tiquinare. Tiquirore yahusā duepeta yahusā masiedari tiquina. ¹⁹ Sa ye ahriquirore Cohācjū yere tiquiro yahuri buhiri judío masa tiquirore tuhtiri. Jesu wame tiquirore tiquiro yaria masa mularire tiquiro yahuri buhiri yahusāri ahriquirore. Ahri dihitare yahusāri. ²⁰ Tire masiedagu tiquirore quehnoano sinituu. “¿Jerusalēpu waha duajari mahu yuhu mehna? Topu yahuya mahu yerire yuhare”, nimi tiquirore. ²¹ Yuhu sa niepegūta tiquiro waha duerari. “Yuhu yerire ijipihtiequina puhtorore yahu duaja”, nidi tiquiro yuhare. Tiquiro sa nidi bato ohōpata tiquirore cohte dutii, ijipihtiequina puhtoro cahapu tiquirore yuhu ohoato pano, niahye Festo Agripare.

²² –Yuhu basi tuho duaja tiquirore, niahye Agripa Festore.

–Ñamiapu tiquirore tuhoya mahu, ni yahuahye Festo.

²³ Ape decoru Agripa, Berenice mehna tiquina buhiri dahre dutiri wuhapu esa, “Puhtoa ijiaja usā”, niñe cua pesaro ye ihñoahye tiquina, surara puhtoa, ti maca cĵēna puhtoa mehna. Sata ye sajāhve ti wuhapu. Tiquina sajā sari bato Pablore pijiahye Festo. ²⁴ Sa yero Festo ohō saha ni yahuahye:

–Puhto Agripa, masa ijipihtina ahri wuhare cahmeoana, tuhoya. Ohöre ahriquiro peyequina judío masa tiquina yahusāriquiro ijire. Jerusalēpu, Cesareapu gūhare tiquina tiquirore yahusāri. “Tiquirore wejēña”, sa niducuye nine tiquina. ²⁵ Tiquina sa niepegūta ohō saha tuhota yahu. Ahriquiro ne ñano yeriquiro ijierare. ¿Yabe buhiri wejēboagari mari tiquirore? Sa yegu ijipihtiequina puhtorore César Augustore ahriquiro yerire tiquiro yahu duagū ijipihtiequina puhtoro cahapu ohogatja tiquirore. ²⁶⁻²⁷ Sa yegu ahriquiro yerire tuho, quehnoano masiedarĵaja yahu. Sa masiedagu mari puhtorore yahu oja masiedaja. Sa yegu musare tiquiro yuhugū tuho dutigu niaja yojopure. Puhto Agripa, yojopu pūritare ahriquiro ijire mahu sinituatiquiro. Mahu sinitu tuhaya, mari masidi bato ahriquirore tiquina yahusārire quehnoano yahu ojaantja. Ahriquiro ñano yerire yuhu masiedapegūta mari puhtoro cahapu tiquirore yuhu ohogū quehnoaedare. Sa yegu yojopure tiquina yahusārire quehnoano masi duagu niaja, niahye Festo tiquinare.

26

Pablo Agripare tiquiro yerire yahuahye

¹ Tiquiro sa nidi bato Agripa Pablöre yahuahye:

—Muhũ basita yahuya, niahye tiquiro Pablöre.

Tiquiro sa nidi bato Pablo pehe, “Dihta mariahña”, nino tiquiro omocarine siõ muo, tiquiro yerire yahuahye:

² —Puhto Agripa, yuhũre judio masa tiquina yahusãrire, yuhũ yerire muhũre yahugũ, vojopure quehnoano jeripohna tiaja. ³ Muhũ judio masa usã yee tiyere, usã buheye gũhũre muhũ quehnoano masigũ pũritare bucueaja yuhũ. Sa yegũ muhũ yuhũre quehnoano tuhoya, ni dũcahye Pablo.

Pablo Jesu yaquiro tiquiro ijiato pano tiquiro ijie tirire yahuahye

⁴ Sa ni tuhasaro ohõ saha ni nemoahye tiquiro:

—Wahmũ yuhũ ijie tirire ijipihitiyequina judio masa masine. Ijipihitiye decori yuhũ masa bajuari bato yuhũ ya dihtapure, Jerusalẽpũ gũhũre yuhũ ijirire masine tiquina. ⁵ Coã waropure fariseo masũ ijimi. Sa yegũ fariseo masa tiquina dutiyere, tiquina yeye borore ye pehogũ yuhũ ijigũ tiquina masine. Tiquina muhũre yahu duaye, tire yahu masine tiquina. ⁶ Ahri buhirita yuhũre yahusã mujare. Usã ñecusumũa iji turiayequinare “Yariariquinare masoutja”, Cohãcjũ tiquiro ni cũrire “Poto tjire”, yuhũ nidi buhiri ahriquina yuhũre yahusã mujare. ⁷ Yuhũ acaye judio masa ijipihitiyequina doce curi cjẽna Cohãcjũ masare tiquiro masoatire bucue, cohteducure. Sa ye Cohãcjũre ño peoducure. Sa cohteducuyequina ijie usã yero saha yere tiquina. Puhto Agripa, sa ihcãno saha yena usã ijiepegũta tiquina pehe tiquiro masoatire yuhũ cohteri buhiri yuhũre yahusã mujare judio masa. ⁸ ¿Musa judio masa pehe dũhse yena Cohãcjũ tiquiro masorire tiquina yahugũ tuho duerajari mũa, judio masa? ni yahuahye Pablo.

Pablo Jesu yequinare tiquiro ñano yee tirire yahuahye Agripare

⁹ Sa ni tuhasa ohõ saha ni yahu nemoahye:

—Jesure Nazare cjũnore ihñedarĩgũ, ñaũe dihitare ye duami tiquiro yequinare. ¹⁰ Sa yegũ Jerusalẽpũ sa yee timi yuhũ. Pahia puhto yuhũre tiquina dutiri bato peyequina Jesu yequinare peres yee tii. Sa yegũ puhto tiquinare wejẽ dutigũ, wejẽ dutii yuhũ gũhũ. ¹¹ Peye tahari ijipihitiye judio masa buheye wuhusepũ Jesu yequinare ñano ye dutie tira. Sa yegũ Jesu yequina Jesure tiquina cohãgũ ye duagu nimi. Tiquina mehna tutuaro usuau yuhũ. Sa yegũ apeye macaripũ gũhũre tiquinare ñano yegũ esae tii yuhũ, ni yahuahye Pablo.

Pablo Jesu yaquiro tiquiro waharire yahuahye

(Hch 9.1-19; 22.6-16)

¹² Sa ni tuhasa ohõ saha ni yahu nemoahye:

—Damascopũ Jesu yequinare ñano ye duagu esami. Tiquinare ñano yuhũ ye duagũ ihñaũe pahia puhto yuhũre waha dutiri. ¹³ Ohõ saha ijiri puhto Agripa: Coheri pje ijigũ waro mahapũ yuhũ wahagũ uhmuano cjẽ asi siteye, asũ deco cjãno yuhũdoro, yuhũre yuhũ mehna wahayequina gũhũre asi siteri. ¹⁴ Usã ijipihitiya yehpapũ bora quehe sa, judio masa ye mehna yuhũre tiquiro yahuducugũ tuhõ. “¿Saulo, dũhse yegũ muhũ yuhũre ñano yeajari? Muhũ yuhũ mehna usuagu yuhũre yuhũtieragu, muhũ basi ñano yuhũdure”, nidi yuhũre. ¹⁵ “¿Puhto, noa boro ijajari muhũ?” ni, sinitu yuhũ. “Yuhũ Jesu, muhũ ñano yenohrigũ ijiaja. ¹⁶ Wahcãdũcaya muhũ. Muhũre yuhũ cahacjũ ijiajũ yegũ tagũ, vojopũ bajuaja yuhũ. Miare yuhũre muhũ ihñarire, came muhũre yuhũ ihñõati gũhũre apequinare yahugũta muhũ. ¹⁷ Judio masare, judio masa ijieyequina gũhũre muhũre buhe dutigũ ohogũtja. Tiquina cahapũ muhũ ijigũ, muhũre tiquina ihña tuhtigũ muhũre yedohogũtja. ¹⁸ Yeere tiquinare masigũ yeya muhũ. Sa yegũ tiquinare ñaũene duhugũ yeya. Quehnoañe pehere comesagũ yeya tiquinare. Watĩnore cahmedagũ yeya muhũ. Sa yegũ Cohãcjũ ye pehere yegũ yeya muhũ tiquinare. Muhũ sa yegũ tiquina yuhũre wacũ tutueta. Tiquina sa wacũ tutuagũ ihñagũ tiquina ñaũe yerire boutja. Sa ye tiquina Cohãcjũ tiquiro beseriquina mehna cjẽna ijietã. Tiquiro ohoatire cwoatiquina ijietã tiquina”, nidi Jesu yuhũre, ni yahuahye Pablo.

Pablo tiquiro yerire tiquiro dahrayere yahuahye

¹⁹ Sa ni tuhasa ohõ saha ni yahu nemoahye:

—Puhto Agripa, uhmuano cjẽ yuhũ tuhoyere yuhũdũcaerũ. ²⁰ Damascopũ buhe muhtau. Came Jerusalẽpũ buhei tja. Came Judea yehpapũ, judio masa ijieyequina cahapũ gũhũre masare tiquina ñaũe yerire bujua witi dutii, Cohãcjũ yere cahme dutigũ. “Quehnoañene mũa yegũ ihñaũe ñaũene mũa bujua witiire apequina masieta”, nigũ, tiquinare quehnoañene ye dutigũ buhei. ²¹ Cohãcjũ ya wuhũpũ yuhũ ijigũ yuhũ sa ni yahuri buhiri judio masa yuhũre ñehe, wejẽ duamedĩ. ²² Tiquina sa yepegũta decoripe Cohãcjũ tiquiro yedohoro mehna sa buheducujã. Sa yegũ vojopure mũa ijipihitiya puhtoare, ihyo ijina gũhũre tiquiro yere yahugũ niaja. Panopũ cjẽna Cohãcjũ yere yahu

mæhtariquina, Moise mehna tiquina yahuyuriro sahata yahuaja yũhũ gãhũ. Ohõ saha ni yahuyuahye tiquina. ²³ “Cristo Cohãcãjũ ohoriquiro pehe ñano yũhdũrota. Sa yero yariaro masa meña mæhtariquiro waharota tiquiro. Sa yero masare tiquiro yũhdũoatire judio masare, judio masa ijieyequina gãhare masigũ yerota”, ni yahuyu ojoaie tiahye panopũ cãjẽna. Yũhũ gãhũ tiquina yero sahata yahuaja, ni yahuahye Pablo Agripare.

Pablo Agripare Jesu yaquiro wahagũ ye duamahye

²⁴ Tiquiro sa ni yahuri bato Festo tiquirore tutuaro sañuducu yahuducuahye:

–Pablo, mũhũ tũho masiegũ ijire. Mũhũ peye buhegu cohto tia wahare, ni sañuducuahye tiquiro Pablore.

²⁵ Tiquiro sa nigũ tũhoro Pablo yũhtiahye Festore:

–Pũhto, tũho masiegũ ijieraja yũhũ. Yũhũ yahuye ijirota ijire. Sa yegũ yũhũ ahrire ca pesaro mehna quehnoano niaja. ²⁶ Pũhtoro Agripa pehe ahri yũhũ yahurire quehnoano masine. Sa yegũ yũhũ tiquirore cuero marieno yahuaja. Ahri yahuyere ijipihtieyehũna masa masine. Sa yegũ ijipihtieyehũna ahrire yũhũ nidire pũhtoro Agripa tiquiro masigũ masiaja yũhũ, niahye Pablo Festore.

Sa ni tuhasa ohõ saha niahye Agripare:

²⁷ –Pũhto Agripa, Cohãcãjũ yere yahu mæhtariquina tiquina yahue tirire tũhore mũhũ. Tiquina yahue tirire mũhũ tũhogũ masiaja yũhũ, niahye Pablo Agripare.

²⁸ –¿Ahrire yũhũre yahugũ mehenogã mũhũ yahuye mehna Jesu yaquiro yũhũ wahagũ ye duagũ niajari mũhũ? niahye Agripa Pablore.

Tiquiro sa nigũ Pablo yũhtiahye:

²⁹ –Mehenogã yahuducugũ o yoari pje yahuducugũ mũsa ijipihĩnare “Yũhũ ijiro sahata Jesu yequina ijiahro”, ni sini basaja Cohãcãjũre. Sa siniepegata yũhũ yero saha peresupũ mũsa ijigũ cahmedaja yũhũ, niahye Pablo Agripare.

³⁰⁻³¹ Tiquiro sa nidi bato Agripa, Festo, Berenice ijipihtieyehũna apequina mehna wahcãdũca, wija, tiquina basi yahuducuahye:

–Ahriquiro buhiri mariedare. Sa yena tiquirore ne peresu ye masiedaja mari. ¿Sa yena mari yabe buhiri tiquirore wejẽboagari? ni, yahuducuahye tiquina basi.

³² –Ahriquiro “Ijipihtieyehũna pũhtorore César pehere yũhũ yerire yahu duaja”, tiquiro niedagũ mari wioboaya tiquirore peresupũ ijiriquirore, niahye Agripa Festore.

27

Pablo tiquirore tiquina yahusãrire Romapũ yahuro wahahye

¹ Pablore Italiapũ yucusa mehna ohoye tehe, tiquirore apequina mehna tiquina peresu yeriquina mehna Julio wame tũriquiro mehna cũri tiquina. Julio cien surara pũhtoro ijiro, tiquiro ya curua “Augusto yequina surara”, wame tiri. ² Sa yena Adramitio wame tiro cãria yucusapũ sajãũ usã. Tia Asiapũ wahatia ijiri. Sajã tuhasa, tia mehna wahãũ. Aristarco Tesalónica wame tiri maca cãno usã mehna wahari. Tesalónica Macedonia yehpapũ ijire. ³ Ape decopũ usã Sidõpũ esau. Topũ esaro Julio Pablore quehnoano yeri. Sa yero Pablore tiquiro mehna cãna cahapũ ihũano waha dutiri. Sa yero Pablo mehna cãna tiquirore tiquiro cahmeñene tiquina ohogũ “Quehnoanota”, nidi Julio. ⁴ Yucusa mehna usã pehãgũ tutuaro wihnono usãre ape siepũ wẽdoque pehõri. Sa yena Chipre wame tiri nũcũo cahmotaropũ poto pehepũ wahãũ usã. ⁵ Tee Liciare yũhdũũ, Panfilia gãhare yũhdũũ, Mira wame tiri macapũ Licia yehpapũ ijiri macapũ pehã sau.

⁶ Topũ esana, Alejandriapũ ahtariare, Italiapũ wahatiare yucusare bocau. Sa yero usãre tiapũ waha dutiri surara pũhtoro. ⁷ Peye decori dero dero waha, “Wape cũo yũhdũare”, ni, waha, Gnido wame tiri maca potopũ esau usã. Topũ esa yũhdũũ, wihnono tutuaro wẽgũ, usã waha duaripopũ usãre wẽ ohõedari. Sa yena usã cũ pehe pehepũ majare pehãa wahãũ. Sa yena Creta wame tiri nũcũo cahmotari pahrẽ pehe usã pehãa waha, Salmõn wame tiri ñoare yũhdũũ wahãũ usã. ⁸ Topũ yũhdũũ, ti nũcũo dũhtũ cahapũ waha, “Wape cũo yũhdũare”, ni, waha, Quehnoari petamaha wame tiropũ wahã sau. Petamaha Lasea wame tiri maca cahapũ ijiri.

⁹ Topũ yoari pje usã ijiri bato, usã wahato pehe ca yũhdũari. Sa yero tiquina sijiri deco bose deco yũhdũari bato, Pablo tiquinare yahuri:

¹⁰ –Tũhoya mũsa. Sijiri deco bose deco bato mari wahagũ marine minino ca yũhdũare. Ahria yucusa, yucusa cãjẽ, mũsa doeri cãjẽ gãhũ mari mehna cãjẽna gãhũ mari butiboaga mari wahana, nidi Pablo.

¹¹ Tiquiro sa niepegãta surara pũhtoro yucusa upũrore tũhoro, ohoturiquiro gãhare tũhoro, Pablo yahuye pehere tũho duerari waha duaro. ¹² Tiquina pahsari petamaha quehnoari petamaha pohecũ ijigũ tiquina pahsari petamaha ijierari. Sa ijiri petamaha ijigũ yucusa cãjẽna peyequina waha dua, Fenicepũ yojoa duamedĩ. Fenice Creta wame tiri nũcũo cãjẽ petamaha ijiro, wihnono ahtaro pehe, asũ sajãno pehe

cū pehe pehepū, poto pehepū gūhare ihñadoqueo, wihnono ahtagā quehnoano cahmotari maca ijiri. Sa ijiri petamaha ijigū masiñe tiquina topū ihcā pohecu iji duamedī.

Pajiri mapū wihnono, acoro mehna pajiro wē cāhtahye

¹³ Sa ye sur pehe derogā wihnono ahta dūcari. “Miare quehnoari deco mari wahi deco ijire”, ni tahotumahye tiquina. Sa wihnono wēgū yucūsa mehna waha dūca, Creta nūcuo duhtū cahagā yojoau usā. ¹⁴ Sa yojoaepēgūta came cūno wihnono noreste wame tiri wihnono tutuaro wēdi. ¹⁵ Sa yero yucū sare wihnono tutuaro wahā wihiri. Wihnono ahtaro pehere waha masiedana, majare paha, wihnono wēonopū wahaū usā. ¹⁶ Cauda wame tiri nūcuogā cahapū sur pehepū waha, ti nūcuogā usāre mehenogā cahmotari. “Marine wape cuo yūhdūare”, nina tore pajiria yucūsa cjarīa meheniagā yucū sagāre quehnoano weje peo duhteī usā. ¹⁷ Tiagāre yucūsapū usā weje peo duhteri bato pajiria yucūsapū pajiri da mehna tiquina wahme ñehe peori. Sirte wame tiri padarore “Tia yucūsa doque wahā sari”, niñe, cue nidi tiquina. Sa ye wihno ñeheñe suhtire tiquina ne dijiori bato yucūsa dihtare wihnono wēdoqueori. ¹⁸ Wihnono, acoro mehna tutuaro ahtari. Ape deco gūhare wihnono mūnanota ahtagū ihñañe tiquina doeri cjenē diapū duredoque ño tuhasa, pehā wahaū usā. ¹⁹ Ape deco yucūsa cjenē diapū cohāri tiquina basi. ²⁰ Peye decori ñicuñe decori ijigū, asū deco cjenō ñahpicoha paca gūhū ne bajuerari. Sa yero tutuaro wihnono wēdi. Sa yena “Minia wahaja mari. Sa yena yariaa wahanata”, ni tahotumi usā.

²¹ Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano mū sare yūhū yahugū tuhoerari mūsa. “Cretapū ijjirina mari wahagū cuarīaga”, yūhū nigū tuhoerari mūsa. Yūhare tūhona, ahria cjenē ijipihtiyere boeraboaya mūsa. ²² Sa niepegūta yojopū mū sare yahuaja. Cueracāhña. Ijipihtina mari yūhdūnata. Ahria yucūsa dihta marine wahtia waharota. ²³ Mia ñamine Cohācjū yaquiro angel yūhare bajuari. Cohācjū yaquiro ijijaja yūhū. Sa yegū tiquirore ño peoaja yūhū. Angel pehe yūhū cahapū ahtaro, yahuri. ²⁴ “Pablo, cueracāhña. Ijipihtiyequina puhtorore mūhū yerire mūhare yahuro cahmene. Cohācjū quehnoariquiro ijire. Sa yero tiquirore mūhū sinidiro sahata yojopūre mūhū mehna cjenā gūhare yedohorota”, nidi yūhare angel. ²⁵ Sa yena cueracāhña mūsa. Angel yūhare tiquiro nidiro sahata waharota. Cohācjūre wacū tutuaja yūhū. Sa

yegū tiquiro yahuriro sahata “Ijirota ijire”, ni tahotuaaja yūhū. ²⁶ Yūhū sa niepegūta marine nūcuopū wihnono wēdoque ohñota, ni yahuri Pablo tiquinare.

²⁷ Ihcā ñami pūa semana bato pajiri ma Adria wame tiri mapū wihnono usāre tutuaro wēdi. Ti pje ñami decopū yucūsa cjenā mūsa pehe “Duhtū cahapū ijijaja mari”, ni tahoturi tiquina. ²⁸ Sa ni tahotuyere nūcūria comea yuta da mehna duhte, duhudoque dijio, queori. Treinta y seis metro waro uhcūāri. Mehenogā waha, queori tja. Ti pje veintisiete metro waro uhcūāri. ²⁹ Sa ye utā pacare “Doque wahā sari”, niñe yucūsa ohoturopū pititia pjenē duhte pohoye pjenine duhudoque dijiori diapū. Sa ye “Sojaro mehna bohreahro”, ni, tutuaro sinidi tiquina. ³⁰ Yucūsa cjenā mūsa pehe duhtimedī. Tiquina meheniagāre yucūsa cjarīare diapū weje boro poho, yucūsa ehquēapū duhte pohoye pjenine tiquina dijioriro sahata yeri tiquina meheniagāre “Marine ihñari”, niñe. ³¹ Tiquina sa yepegūta Pablo surara puhtorore, tiquiro yequina surara mehna yahuri:

—Ahriquina mūsa meheniagā yucūsa mehna tiquina wahagū mūsa ijipihtina yarianata, nidi Pablo.

³² Tiquiro sa nigū tuhoye surara pehe meheniagāre duhteyere darire yūhre sure, tiare cohāri.

³³ Bohreato panogā Pablo tiquinare tutuaro ihya dutiri:

—Pūa semana waro mūsa dūhse wahatire masi duana, cohtena, ne ihyerari mūsa. ³⁴ Sa yena yojopūre ihyana taya. Tutuaro mū sare ihya dutiaja. Mūsa cati duana ihyaya. Ijipihtina mūsa yūhdūnata, nidi Pablo tiquinare.

³⁵ Tiquiro sa nidi bato Pablo pāre ne, ijipihtiyequina tiquina ihñonopū Cohācjūre “Quehnoare”, ni duhu peo, tire ihya dūcari tiquiro. ³⁶ Tiquiro sa ihyagū ihñañe tiquina cuero marieno waha, ijipihtiyequina tiquina gūhū ihyari. ³⁷ Usā ijipihtina doscientos setenta y seis masa yucūsapū iji usā. ³⁸ Tiquina ijipihtiyequina yapia waha “Ahria yucūsa nūcu niaga”, ni, peye trigo ihyayere diapū cohāri.

Yucūsa paduropū doque quehe sahye

³⁹ Bohreagū yucūsa cjenā mūsa nūcuore ihñañe, “Ohō saha wame tiri nūcuo ijire ahri nūcuo”, ni, ihñā masiedari. Sa masiedapeta tiquina pari tucūpū padūro ijigū ihñañe, “Mari ti tucūpū wahana, topūre doque pje saboaga paduropū”, nidi tiquina. ⁴⁰ Sa niñe duhte pohoye pjenine duhteyere darire yūhre sure dijioahye. Ohoturi pjenē duhteyere dari gūhare yūhre sure cāri tiquina. Tiquina sa yeri bato yucūsa ehquēa cjenā suhtirore wahcō docori, poto wihnono

wêdoqueogü cahmeñe. ⁴¹ Sa yepegüta yucusa ehquëa pehe ape paduropü quehe sa, nuñua masiedari. Sa yero ohoturoro tutuaro pahcöri quë ohögü tia ohoturo wahtia wahari. ⁴² Tia sa wahagü ihñañe ohö saha nidi surara:

—Ahria minigü mari peresu yeriquina duhtü caharü ba nuñua duhtieta. Sa yena tiquinare wejê pehouhna, nidi surara.

⁴³ Sa niepegüta surara puhtoro pehe Pablöre wejê dueraro, ijipihtiequina peresu ijieyquinare wejê duerari. Sa yero ijipihtiequina ba masiequinare surara puhtoro potö duhtü caharü ba nuñua dutiri. ⁴⁴ Sa ye apequina yucusa cjê pñini wahti siteri pñini mehna bora ñojoa, ti pñini bui pesa ba nuñuari. Usä sa yena usä ijipihntina duhtü caharü wahä san.

28

Pablo Malta wame tiri nucuropü ijiahye

¹ Sa ye ti nucuropü usä ijipihntina majadüca sana, ti nucro wamene masii. Malta wame tiri nucro ijiri. ² Ti nucro cjëna masa usäre quehnoano yeri. Sa yena usä acoro weri bato yusua yuhduari usäre. Sa ye to cjëna pehe peca wijä tuhasa, usäre sohna dutiri. ³ Pablo pecare ne cähta, tu tiäri. Tiquiro tu tiäri bato ti peca puhiapu sañariquiro aña tutuaro asigü wijia taro, Pablo omocapü bahque wahä sari yaha wero marieno. ⁴ Tiquiro bahque wahä sagü ihñañe ti nucro cjëna tiquina basi ohö saha ni yahuducuri:

—Ahriquiro masa wejêdiquiro ijiboaga. Sa yero tutuaricoro buhiri dahrericoero ahmuse cjöno tiquirore buhiri dahrero, cati dutierare. Tiquiro pajiri mapü minino yuhdu tuhasari jimedi. YojoPURE ticoro pehe tiquirore cati dutierare, nimedi tiquina basi.

⁵ Sa niepegüta Pablo añare pecapü wejê sitedoqueori. Tiquirore aña puriedari.

⁶ “Ipirota”, niñe, cohtemedi tiquina. Ne ipierari tiquirore. “Tiquiro yariaa waharota”, niñe tiquina cohtemedi. Tiquirore puriedari. Yoari pje bato tiquirore ipieragü ihñañe, tiquirore puriedagü ihñañe, sijoro tuhoturi tiquina. “Ahriquiro cohämana mehna cjäno ijiboaga” nimedi tiquina.

⁷ Tiquina ba wahä sariro cahagäpu Publio wame tiriquiro ye weseri ijiri. Tiquiro ti nucro cjäno puhtoro ijiri. Sa yena usäre tiquiro quehnoano yegü ihtia deco waro tiquiro ya wuhäpu ijini usä. ⁸ Publio pacaro yojoa mehna, ujuaye dohatiriquiro ijiri. Sa yero tiquiro cuñanorü cuñari. Sa yero Pablo dohatiriquiro ya tucüpü sajä, Cohäcjüre sini, tiquiro omocarine tiquiro bui duhu peo, quehnoa wahagü yeri tiquirore. ⁹ Tiquiro quehnoa wahagü ihñañe ijipihtiequina apequina ti nucro cjëna dohatieyquinare

Pablo caharü ne cähtari. Tiquina sa ne cähtagü ihñaño Pablo quehnoa wahagü yeri tiquina gühäre. ¹⁰ Came tiquina peyequina usäre wapa marieno ohori. Usä wahato panogä ijipihtieye usä cahmeñene, usä wahana ihyatire yucasapü dure säri tiquina.

Pablo Romapü esahye

¹¹ Ihtia asü ti nucuropü usä ijiri bato yucusa mehna wahau usä. Tia yucusa ehquëapü puaro cohämana Cástor, Pólux wame tiyequina tiquina queoye ducuri. Alejandriapü ahtaria ijiri tia. Pohecü ijiro puno ti nucropü tia yucusa pahsari. ¹² Waha, Siracusa wame tiri macapü esana, ihtia deco waro ti macare ijii usä. ¹³ Ti macare wijia, waha, Regio wame tiri macapü usä esau. Ape decorü surpü wihnono ahta, usäre wêdoqueori. Pua deco bato Puteoli wame tiri macapü esau. ¹⁴ Topü Jesu yequina meheñequinagä usäre piti cari.

—Ihcä semana waro usä mehna tojoaya, nidi tiquina usäre.

Tiquina sa nigü tuhona ihcä semana waro tiquina mehna tojoarü. Came mahapü maja, Romapü esau usä. ¹⁵ To cjëna Jesu yequina pehe Romapü usä esatire tuhoye, Apio wame tiropü doeri cjëne duaropü usäre piti cari. Apequina Jesu yequina ihtia wuhü wame tiropü usäre piti cari. Tiquina sa piti cagü ihñaño Pablo bucuyeye mehna Cohäcjüre “Quehnoare”, ni, quehnoano jeri säa wahari.

¹⁶ Romapü usä esari bato peresu tiquina yeriquinare to cjänore peresu cohteyquina puhtorore yahuri. Sa yahuepegüta Pablo pehere ihcäquirota cüri to cjëna puhtoa. Sa yero tiquirore ihcäquiro surara cohteri.

Pablo Romapü buheahye

¹⁷ Ihtia deco bato Pablo judio masi puhtoa mehna cahmecoano taro, tiquinare pijiri. Tiquina cahmecoari bato tiquiro tiquinare yahuri:

—Yuhü acaye, mari acayere, mari ñecusumua panopü cjëna tiquina yee tirire, marine tiquina buheri gühäre yuhdücaera tii yuhü. Yuhü yuhdücaerapëgüta Jerusalëpü yuhäre ñehedi apequina judio masa. Tiquina sa yeri bato Roma cjëna yuhäre peresu ye dutiri tiquina. ¹⁸ Tiquina sa yegü Roma cjëna yuhäre sinitu, yuhü ñano yerarigü yuhü ijigü yuhäre “Buhiri tiriquiro ijire”, ni masiedari. “¿Ne yabe buhiri wejêboagari mari tiquirore?” nidi yuhäre tiquina. Sa ye yuhäre sinituequina pehe yuhäre wio duamed. ¹⁹ Judio masa pehe yuhäre wio dutierari. Sa yegü yuhü acayere judio masare yuhäre tiquina yerire yahu duerapëgüta “Ijipihtiequina puhtorore

yahū yerire potō yahu duaja yahū”, ni sinii yahū. Judio masa yahūre tiqina wio dueragū ihñagū “Romapū yahuro cahmene yahūre”, nii yahū. ²⁰ Sa yegū māsare ahrire yahu duagu pijii. Cristo marine yuhduoatiqiro judio masa tiqina cohteriqiro yere yahū yahuri buhiri yahū peresupū ijaia. Sa yegū tire māsare yahugū tahū pijii, nidi Pablo judio masa pahūtoare.

²¹ Tiquiro sa nigū tahoye tiqina pehe tiqirore yahuri:

—Judio masa mahūre quti yahuye pūrine usāre ne ohoerari. Sa ye topū ahtariqina gāhū usā acaye usāre mahū sa waharire yahuera tiri. Tiquina “Tiquiro ñano yeriqiro ijire” ni mahūre yahuerari. ²² Tiquina sa yahuerapegūta mahū ya curuare ijipihitropū masa ñano tiqina yahuducugū usā masiaja. Sa masina mahū buheyere mahū yahugū tūho duaja usā, nidi tiqina tiqirore.

²³ Sa ni tuhasa, “Ape decopū ijiihna”, nidi tiqina. Ape decopū Pablo mehna cahmecoa mahūtiqina yuhduoro masa peyequina tiqiro ijitropū wihiri. Ñami cjunogā Cohācjū tiqiro pahūtoare ijiyere quehnoañe buheyere tiqiro buhe dāca, tee ñamipū buhe duhuri. Cohācjū dutiyere Moisepare tiqiro cūrire, Cohācjū yere yahu mahūtiqina tiqina ojoari gāhūre buheri. Sa buhero, tiqinare Jesure masigū ye duaro nimesi Pablo. ²⁴ Ihquēquina tiqiro buherire cahmedi. Sa cahmepegūta apeqina pehe tūho duerari. ²⁵ Sa ye tiqina basi pūa curua tu wa, wahaye tee nidi. Tiquina wahato pano Pablo Isaia tiqiro yahuducurire yahuri. Ohō saha nidi tiqinare:

—Isaia Cohācjū yere yahu mahūtiqiro tiqiro yahuri ijirota ijire. Mari ñecusmūa mūna iji turiayequinare yahuro taro Espiritu Santo Isaiare ohō saha ni yahu oja dutiahye:

²⁶⁻²⁷ Ahrire ahriquinare yahugū wahaya: “Dapu paca bātina ijire mūsa. Sa yena yeere tūho duerare mūsa. Cahmo coperi susueyequina yero saha tūho duerare mūsa. Sa yena yeere tūhoopenata tūhosi mūsa. Mūsa sa ijierana quehnoano tūhoboaya mūsa. Sa yena quehnoañe pehere comesaboaya mūsa. Sa yegū māsare pecapū wahaborinare yuhduoboaya yahū”, nidi Cohācjū, ni ojoahye Isaia, nidi Pablo tiqinare.

²⁸ Tiquiro sa nidi bato Pablo yahu nemori:

—Ahrire masiña mūsa. Cohācjū ye buheyere masare tiqiro quehnoano yuhduoyere judio masa ijieyequinare buhenatja usā. Tiquina pehe tūhoeta, nidi Pablo judio masare.

²⁹ Tiquiro sa nigū tahoye judio masa tire tiqina basi tutuaro cahme dūse tini wia, wijiari.

³⁰ Pūa cūhma waro Pablo apeqina wasori wāhūpū, tiqiro ijiye wapa wapa yeati wāhūpū ijiri. Topū ijiro, ijipihitiyequina ti wāhūpū wihieyequinare bucueye mehna piti cari tiqiro. ³¹ Sa yero tiqiro cuero marieno Cohācjū pahūtoare ijiyere, mari pahūtoare Jesucristo ye gāhūre buhee tiri. Tiquiro sa buhegū ne apeqina tiqirore “Buheracāhña”, nieda tiri.

Romanos

Pablo Roma cjenare Jesu yequinare oja ohoahye

¹ Yuhũ Cohãcã cahacã ijiaja. Sa yero quehnoañe buheyere buhe dutiro yuhãre cãri tiqiro.

² Ti buheyere quehnoañe buheyere panopũ Cohãcã “Yahugũ tũ niaja”, nie tiahye. Tiquiro sa ni yahuriro sahata tiqiro yere yahu muhtariquinare panopũ cjenare tiqiro yahuatire tiqiro ya pũpũ oja dutiahye. ³ Ti buheyeta tiqiro macnõre yahuye ijire. Tiquiro masũno waro ijiro taro Davi mũnano panamino iji turiariquiro ijiahye tiqiro. ⁴ Jesucristo mari puhtoro Cohãcã macnõ ñaãe marieniquiro tiqiro ijiyere ohõ saha ihãohãye Cohãcã. Tiquiro yariari bato Cohãcã tutuaye mehna tiqirore masa wijiagũ yeahye. Sa yero Jesucristo potota Cohãcã macnõ tiqiro ijiyere ihãohãye Cohãcã masare. ⁵ Tiquirota usãre paja ihãano usãre tiqiro yere buhe dutiro ohori ijipihtiyequina Jesucristore wacũ tutua tiquina ño peotire. ⁶ Sa yero masa gãhãre Jesucristo yequina ijianare beseahye tiqiro.

⁷ Musare, Cohãcã cahĩnare, Roma cjenare, tiqiro yequina ijianare yeri musare tiqiro. Musare ijipihtinare ahri pũre oja ohoaja. Sa yegũ Cohãcã mari Pacũ, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya masa.

Pablo Romapũre ihãano waha duaro nimahye

⁸ Ahrire yahu muhtantja musare: Ijipihtiye macari cjenã Jesucristore masa wacũ tutuarire masa yahuri yuhãre. Tiquina sa ni yahugũ tuhõgũ “Quehnoare”, niaja Cohãcãre. Jesucristo yedohoro mehna sa ni sini basaja. Cohãcãre sini basagũ musare sa sini basaducuaja. ⁹ Yuhãre tiqiro dutigũ tiqiro macnõ ye buheyere quehnoañe buheyere tutuaro buhegũ tiqiro cahacãjuta ijiaja yuhũ. Sa yero musare Cohãcãre yuhũ sa sini basaducugũ tiqiro masine. ¹⁰ Sa sini basagũ Cohãcã cahmegũ yojopũ pũritare masa cahapũ yuhũ ihãan wahatore siniaja. Yoari pje musare ihãa duagũ yuhũ wahatire cohteĩ ye cãmaja yuhũ. ¹¹ Cohãcã yere musare buhe duaja Jesure masa wacũ tutua nemoatire. Sa yegũ musare tutuaro ihãa duaja yuhũ. ¹² Jesure wacũ tutuaja mari. Sa yegũ musare ihãa duaja Jesure mari wacũ tutuaye mehna pũa peheri mari cahme bu-cuegũ yeatore.

¹³ Yuhũ acaye, ahrire masa masigũ cahmeaja. Quehnoañe buheyere yuhũ buheri bato apequina masa acaye judio masa ijieyequina Jesure wacũ tutuari. Sa yegũ peye tahari masa cahapũ waha duami apequina Jesure tiquina wacũ tutuariro sahata masa mehna cjenã gãhũ tiquina wacũ tutuatire. Sa waha duepegũta waha masiedũ yuhũ. ¹⁴ Ijipihtiyequinare quehnoañe buheyere buhero ijiro nine yuhãre. Pecasãre, pohteri cje gãhãre, masiñequinare, masiñequina gãhãre buheacã ijiita niaja yuhũ. ¹⁵ Sa buheacã ijigũ musare Roma cjenare quehnoañe buheyere tutuaro buhe duaja.

Quehnoañe buheyere masa tuhoye Jesure wacũ tutua dũcare

¹⁶ Quehnoañe buheyere tuhoye Jesure wacũ tutua dũcare masa. Sa yero ijipihtiyequinare Jesure wacũ tutuayequinare Cohãcã tutuaye mehna pecapũ waha-boriquinare yuhdũore. Tiquina sa yuhdugũ masigũ ti buheyere quehnoañe buheyere buhegũ buoro yuhdũeraja. Ti buheyere judio masa pehere buhe muhtari jiri Jesu gãhũ. Tiquina buheri bato judio masa ijieyequina gãhãre usã buhei. ¹⁷ Ti buhẽye ohõ saha ni yahure; Jesure wacũ tutuayequinare “Quehnoañequina ijire”, ni, ihãare Cohãcã. Tiquirore wacũ tutua dũcayequinare sata ni ihãare Cohãcã. Tiquiro sa ni ihãari bato tiqirore wacũ tutuaducure tiquina. Ahri panopũ tiquina ni ojoariro sahata ijire: “‘Quehnoañequina ijire’, tiqiro ni ihãañequina Cohãcãre wacũ tutuayequinata ijire. Sa wacũ tutuaye, ijipihtiye decori Cohãcã mehna sa ijiducuetã”, ni, ojoahye.

Masa tiquina ñaãe yeri buhirire yahuahye Pablo

¹⁸ Cohãcã uhmusepũ ijiriqirore masa tiquina yuhdũducãre, tiquina ñaãe yeri gãhãre ihãano, tiquina sa yeri buhiri usuare. Tiquiro sa usarire masigũ yere tiquinare. Masa tiquina ñaãe yeye mehna apequinare quehnoañe buheyere tuhõeragũ yere tiquina pehe. ¹⁹ Tiquiro basi tiqiro ijieye tiyere masigũ yeahye Cohãcã. Tiquiro sa yegũ Cohãcãre masigũ mijõedare masare. ²⁰ Cohãcã uhmusecãno tiqiro ijiyere, tutuariquiro tiqiro ijieye gãhãre mari ihãedapegũta tiqiro basi tiqiro ijieye marine masigũ yere tiqiro. Ahri yehpare tiqiro bajumehnedi bato ijipihtiye tiqiro bajumehnedire ihãañe “Cohãcã tiqiro yeri ijire ahri”, niñe, Cohãcã tiqiro ijieye tiyere masine masa. Sa ye masa Cohãcãre masiepeta sa ñaãene yeducuye, buhiri tire. “Muhãre masiedũ. Sa yegũ ñaãene yei”, ni masisi Cohãcãre. ²¹ Sa ye Cohãcã tiqiro ijieye tiyere masiepeta

tiquina tiqiurore ño peerare. Sa ye tiquinare tiqiuro quehnoano yepegüta tiquina pehe “Quehnoare”, niedare tiqiurore. Sa tuho masieñequina ijiye, ñaife dihitare tuhoture tiquina. ²² “Tuho masina ijiaya”, niepeta tuho masieñequina wahare tiquina. ²³ Sa wahaye Cohäcjäre sa ijiducuriqiurore tiquina ño peerare. Sa ño peeraye, “Cohäcjü ijire”, tiquina niñe queoye pehere ño peore. Mari masa yarianaja dihita ijiaya. Mari sa ijina mari ijiepegüta Cohäcjäre ño peoyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjua queoyere, pinoa queoyere, wahiquina queoye gähure “Cohäcjü ijire”, ni ño peo maca cähre tiquina.

²⁴ Tiquina sa yegü ihñano “Tiquina esa tuharo ñaifene yecünahdo”, nino Cohäcjü cohä cäri tiquinare. Tiquiro sa cohäri bato tiquina ña yuhduaro cahme yeducure tiquina basi. ²⁵ Sa ye Cohäcjü ye pehere cahmedaye, ni mehoñe pehere quehnoano tuhare tiquina. Cohäcjü ye pehere ni mehoñe yero saha ijigü yere tiquina. Potota Cohäcjü warore ijiphtiyere yeriqiurore ño peoducuro cahmene. Sata ijiagro. Tiquina pehe tiqiurore ño peerare. Sa tiqiurore ño peeraye, Cohäcjü yeri pehere ño peore tiquina. Sata ijiagro.

²⁶ Tiquina sa yeducugü ihñano “Tiquina esa tuharo ñaifene yecünahdo”, nino Cohäcjü cohä cäri tiquinare. Sa ye tiquina mehna cjëna numia manu tiyequina numia yero saha ijierare. Sa ye tiquina numia, numia sehsaro ñano yere tiquina paguri mehna. ²⁷ Tiquina yero saha ijieyquina amua gähü tiquina esa tuharo ña yuhduaro yere tiquina paguri mehna. Sa ye tiquina basita ñano yeri buhiri tiquina paguri pehe ñano yuhdure.

²⁸ Sa Cohäcjäre tiquina cahmedari buhiri, Cohäcjü tiquinare cohäri. Tiquiro sa cohägü tiquina pehe ñano wacüducu, ñano yeducure. ²⁹ Sa ye tiquina tutuaro ñano yeducure. Ñaifene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cuogü ihña cooducuyequina, masare wejëñequina, cahme dase ünü wiayequina, ni mehoñequina, masare ihña tuhtiyequina, ñaife quitü dahreyequina, ³⁰ apequina tiquina yerapegüta ñano ni yahu wajayequina, Cohäcjäre ihña tuhtiyequina, apequinare purüno yuhtiyequina, “Ûsä pehe masi yuhduacaja”, ni tuhotuyequina, apequinare sa ni yahuyequina, apeye ñaifene ye ducayequina, tiquina pacusumare yuhtiyequina, ³¹ tuho masieñequina, tiquina nino sahata yeeyequina, masare ne cahieñequina, tiquina basi cahme pihopüri

duhueyequina, ne paja ihñeñequina ijire tiquina. ³² Sa ñano yeducuyequinare Cohäcjü pecapü cohänota. Tiquiro sa cohätire masiepeta tiquina ti ñaifene sa yeducure. Sa ye apequina tiquinare ihña cü tiquina yero saha ñano tiquina yegü ihñaife, “Ûsä yero saha yere”, ni bucuere.

2

Masare buhiri dahre dutiro tire mehono marieno potota yerota Cohäcjü

¹ “Tiquina ña yuhduayequina ijire”, ni yahu wajaeracähña apequinare. Musa gähü tiquina yero saha yere. “Ñaifene yeraja. Sa yena ñaife buhiri mariedaga”, ni masiedare masa. Sa yena ijina tiquinare yahu wajana ijina, masa basi buhiri dahre dutina niaga. ² Sa yena ñaife yena ijiepenata masa yahu wajagü masa gähure Cohäcjü buhiri dahrerota. Potota queoro tiqiuro buhiri dahregü masiaja mari. ³ Apequinare “Buhiri tieta”, ni yahu wajana masa ijigü masa gähure buhiri dahrerota. Sa yena “Ûsäre buhiri dahresi”, ni tuhotuboaga masa. Ijierare. Musa gähure buhiri dahrerota tiqiuro. ⁴ Musa ñano yepegüta Cohäcjü masare paja ihñano duita buhiri dahrerare. Sa yena “Cohäcjü yahu mehna usuasi”, ni tuhotuboaga masa. Ijierare. Cohäcjü masare paja ihñano, duita buhiri dahrerare masa ñaifene bujua witiüg ihña duaro, tiqiurore masa yuhtigü cahmeno. ⁵ Sa buhiri dahre dueraperota masa Cohäcjäre yuhti dueragü, masa ñaife yerire bujua witieragü, buhiri dahrerota masare. Buhiri dahrerü deco pano masare tiqiuro buhiri dahreboriro yuhduoro ti deco waropure ñano masare buhiri dahrerota Cohäcjü. Ni mehono marieno buhiri dahrerota. ⁶ Sa yero ijiphtiyequinare tiquina ñano yeri buhiri buhiri dahrerota Cohäcjü. Sa yero quehnoañene tiquina yeri wapa quehnoano yerota masare. ⁷ Ihuqëquina quehnoañene yeducuyequina ijire. Tiquina quehnoañene ye duayequina, Cohäcjäre quehnoano bucuügü ye duayequina, ijiphtiyere decori Cohäcjü mehna iji duayequina ijire. Tiquina puritare decoripe tiqiuro mehna ijigü yerota Cohäcjü. ⁸ Apequina pehe tiquina yero saha ijierare. Tiquina esa tuharo yeeyequina ijire. Cohäcjü yere cahmedare. Tiquina mehna Cohäcjü tutuaro usuarota. ⁹ Ijiphtiyequina ñano yeriquina ñano yuhdueta. Judio masare sata waha mahtanota. Sa ye judio masa ijieyequina gähure sata waharota. ¹⁰ Ijiphtiyequina quehnoañene yeeyequina pehere Cohäcjü “Quehnoare”, ninota. Sa ye masa tiquinare ño peoeta. Sa yero tiquinare quehnoano ijigü yerota Cohäcjü. Judio

masare sata waha mahātanota. Sa ye judio masa ijieyequina gāhure sata waharota.

¹¹ Cohācjū mari yerire ihāno queoro besere ijiphtinare, āna, quehnoana gāhure. ¹² Apequina Cohācjū Moiserē tiqiro dutirire masieñequina tiquina ijiepegāta āñene tiquina yegū, buhiri dahrerota Cohācjū tiquina gāhure. Sa yero ti dutiyere cōoyequina āñene tiquina yegū ti dutiyere tiquina yāhdudacari buhiri buhiri dahrerota Cohācjū. ¹³ Cohācjū dutiyere tūhoepeta yūhtieyequinare “Quehnoañequina ijire ahriquina”, niedare Cohācjū. Tiquiro ye dutiyere yeyequina pehere “Quehnoañequina ijire”, ni ihāre tiquinare Cohācjū. ¹⁴ Judio masa ijieyequina Cohācjū Moiserē tiqiro cūri dutiye cōoerapeta, tiquina esa tuharo quehnoañene yeye, Cohācjū dutiyere yeye nine. Sa ye Moiserē tiqiro dutiyere ojoari pūre cōoerapeta tiquina tūhotuyepū tiqiro ye dutiyere cōore. ¹⁵ Sa ye tiqiro ye dutiyere tiquina tūhotuyepū potota cōore tiquina. Sa cōoye āñene yeye, duita tiquina āñe yerire masine tiquina. Sa yero āñene yeriquiro “¿Dahse ijiro boro āñene yeri yūhū?” ni tūhoture tiqiro. Sa yero quehnoañene tiqiro basi yeri gāhure masine tiqiro. ¹⁶ Sa ye Cohācjū Jesucristore tiqiro ohoati decopū masa tiquina yahu dūerarire Jesucristo masi pehorō, tiqiro tiquinare beserota quehnoañequina, āñequina gāhure. Sata tiquina yerire masidiquiro ijiro, beserota tiqiro quehnoañe buheye ti nino sahata. Ti buheyeta ijire masare yūhū buheri.

Cohācjū Moiserē tiqiro dutirire yahuahye Pablo

¹⁷ Māsa pehe judio masa ijina, Cohācjū Moiserē tiqiro dutiyere űo peona ijina, “Cohācjū yequina ijiaja”, ni tūhotumene māsa. ¹⁸ Sa yena Cohācjū dutiyere masina ijina, tiqiro cahmeñene masine māsa. Sa masina ijina, “Quehnoañene űā yeatire bese masiaja űā”, ni tūhotumene māsa. ¹⁹ Sa ni tūhotuna ohō saha ni tūhotu nemore māsa: “Apequinare ne masieñequinare quehnoano masigū yeaja űā. Tiquinare űā buheragū ne Cohācjūre masiedaboaga tiquina. Sa ye āñene duhueraboaga”, ni tūhotumene māsa. ²⁰ Sa yena “Tūho masieñequinare quehnoañene ye dutina, macanagā gāhure buhena ijiaja űā”, ni tūhotumene māsa. Sa yena “Cohācjū dutiyere cōona, potō ijiyere masi pehoaja űā”, ni tūhotumene māsa. ²¹ ¿Sa yena apequinare buhena ijiepenata, dahse yena māsa pehe māsa buheriro saha yerajari? ¿Apequinare yaque dutierapenata dahsena māsa pehe yaqueajari? ²² ¿Apequiro namono mehna āno ye dutierapenata

dahsena māsa pehe apequiro namono mehna āno yeajari? “Cohācjū ijire”, tiquina niñe queoyere ihā yabina ijire māsa. Sa ihā yabina ijina Cohācjū waro pehere űo peona ijimene māsa. ¿Sa űo peona ijiepenata dahsena tiquirore quehnoano űo peerajari māsa? ²³ “Cohācjū Moiserē tiqiro dutiyere cōoaja űā”, nina ijiepenata ti dutiyere yāhdudacare māsa. Sa yāhdudacana Cohācjūre űo peeragū yena niaga māsa apequinare. ²⁴ Sata nine Cohācjū yere tiquina ojoari pūpū: “Cohācjū dutiyere māsa yāhdudacari buhiri judio masa ijieyequina pehere Cohācjūre tiquina āno yahuducugū yere māsa judio masa”, ni ojoahye Cohācjū yere tiquina ojoari pūpū.

²⁵ “Cohācjū yequina ijiaja”, ni tūhoture ihquēquina judio masa cūhnucunū sohtoa cahserogāre yūhre nenohriquina. Cohācjū yere tiquina yegū judio masa tiquina ijigū quehnoarīne. Tiquiro yere tiquina yeragū judio masa tiquina ijieye tiye dahseati ijierare. Yūhre nenohriquina tiquina ijieye tiye gāhū dahseati ijierare. ²⁶ Sa yero judio masa ijieyequina cūhnucunū sohtoa cahserogāre yūhre nemehneñequina tiquina ijiepegāta, Cohācjū dutiyere tiquina yegū ihāno “Yeequina masata ijire”, ni ihāre Cohācjū tiquinare. Judio masa pehere tiqiro sa ni ihāboriro sahata judio masa ijieyequina pehere sa ni ihāre. ²⁷ Peyequina judio masa Cohācjū Moiserē tiqiro dutiyere cōoepeta tire yerare tiquina. Sa ye apequina judio masa ijieyequina pehe cūhnucunū sohtoa cahserogāre yūhremehneñequina ijiepetā tiqiro dutiyere yere. Sa yeyequina ijieye judio masa tiquina āno yerire masigū yeye nine. ²⁸ Yojoapure judio masūno waro tiqiro ijiyere yahutja masare. Tiquiro cūhnucunū sohtoa cahserogāre yūhre nenohriquiro ijieperota Cohācjūre űo peeraro, potota judio masūno waro ijierare. ²⁹ Cohācjū yaquiro Espiritu Santore cōoriquiro tiquirore yūhtiriquiro tiqiro tjire judio masūno waro. Sa yero tiqiro cūhnucunū sohtoa cahserogāre tiqiro yūhre ne cohāro sahata tiqiro āñe yerire duhere tiqiro. Tiquiro esa tuharo dutiyere yeriquiro ijieraperota Espiritu Santo yedohoye mehna tiqiro āñe yerire duhere. Sa ijiriquirore “Quehnoariquiro ijire”, ni ihāre Cohācjū pehe. Masa pehe tiquirore tiquina sa niedapegāta, sa nine Cohācjū pehe.

3

¹ ¿Yūhū sa nigū judio masa ijieye tiye ihyo waro ijiajari, māsa tūhotugū? Ne ihyo waro ijiro niedare. ¿Cohācjū judio masare tiqiro dutiriro sahata tiquina pagurire cūhnucunū sohtoa cahserogāre tiquina

yahre ne cohãñe ihyo waro ijjajari, masa tuhutugũ? Ne ihyo waro ijiro niedare. ² Judio masa tiquina ijiye tiye ihyo waro ijierare. Cohãcjũ yere tiquina ojoari pũre judio masare cũ mahtahye. Sa ye judio masa tiquina ijigũ quehnoarĩne tiquinare. ³ Sa ye ihquẽquina judio masa Cohãcjũre tiquina tuhoeapegãta tiquiuro nidi ijirota ijire. Sa yero tiquiuro ni cũriro sahata yerota tiquiuro. ⁴ Sata ijire. Ijipihtiyequina masa ni mehoñequina tiquina ijiepegãta Cohãcjũ pehe ne ni mehoedare. Panopũ tiquiuro yere yahu mahtariquiuro tiquiuro ni ojoariro sahata ne ni mehoedare Cohãcjũ.

Poto nigũ ijire mũhũ Cohãcjũ. Sa ye mũhare masa ne “Queoro yahuducuerare”, ni yahusã masiedare, ni ojoahye panopũre.

⁵ Ohõ saha ni tuhutuboaga masa: “Mari ñañene yena Cohãcjũ quehnoañene tiquiuro yeriquiuro ijigũ masigũ yeaja. Sa yero ñañene mari yegũ quehnoarĩne. ¿Ti sa quehnoañe ijiepegãta dahsero tiquiuro mari ñañene yeri buhirire buhiri dahre maca cjãri?” ni tuhutuboaga masa. Masa tiquina tuhutoboriro saha nigũ ni aja yahu. ⁶ Sa ijierare. Mari ñañe yeri pehe quehnoañe ijigũ Cohãcjũ mari ñañene yeri buhirire buhiri dahre masiedaboaga.

⁷ Masa pehe ni mehoñequina ijire. Cohãcjũ pehe ne ni mehoedare. Sa yena masa tiquina ni mehogũ ihñana Cohãcjũ pehe ne ni mehoeniquiuro tiquiuro ijigũ quehnoano ihña masiaja mari. Sa ye masa ni mehoñe, Cohãcjũ tiquiuro ni mehoeniquiuro tiquiuro ijiyere ihñoñe niboaga tiquina. Sata ni tuhutumene ihquẽquina. Sa ni tuhutuye ohõ saha ni tuhutu nemomene tiquina: “Usã ni mehoñe mehna Cohãcjũ tiquiuro ni mehoeniquiuro ijiyere ihñona ni aja. Sa ihñona quehnoano yena ni aja. Sa ye usã ni mehoñe quehnoarĩne. ¿Usã ni mehoñe quehnoañe ijiepegãta dahse ijiro boro usã ni meho ni buhirire usãre buhiri dahre maca cãboari Cohãcjũ?” ni tuhutumene ihquẽquina masa. ⁸ Sa ye ohõ saha ni mehore ihquẽquina usãre: “ Ñano yena Cohãcjũ tiquiuro quehnoariquiuro ijigũ ihñona ni aja. Sa yena ñano yeihna, nidi Pablo gũhũ”, ni meho yahusãre usãre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

Ijipihntina buhiri tina ijiaja mari

⁹ ¿Sa ye dahse ni tuhutuajari masa? ¿Mari judio masa apequina yuhduoro quehnoana ijajari mari? Ijieraja mari. Judio masa, judio masa ijiena gũhũ ijipihntina buhiri tina ijiaja mari. Sata ijire ijipihntiyequinare yuhũ buheriro sahata. ¹⁰ Panopũ tiquiuro ni ojoariro sahata ijire ti: Ohõ saha ni ojoahye:

Ne ihcãquiuro masano quehnoariquiuro mariedare. ¹¹ Ijipihtiyequina masa tuhõ dueyequina dihita ijire. Sa ye ijipihtiyequina masa ne Cohãcjũre wacũ peoerare. ¹² Sa ye tiquina Cohãcjũ yere cohãñe, ijipihtiyequina ñañene yeyequina wahari. Ne ihcãquiuro quehnoañene yeriquiuro mariedare. ¹³ Tiquina duseri masa coperi tiquina põo docoro yero saha ijire. Tiquina yahuducugũ, masa coperi urĩ wijiario saha ni mehoñe dihita tiquina duserire wijiare. Sa yahuducuye aña dusero tiquiuro nima purĩñe wijiario saha purĩño tiquina yahuducuye wijiare tiquina duserire. ¹⁴ Sa ye tiquina apequinare ñano yahuducuyequina purĩño yahuducuyequina ijire. ¹⁵ Sa ye usua ñañequina duita masare wejẽñequina ijire. ¹⁶ Sa ye noho tiquina waharopũ tiquina masare ñano ye, ñano yuhdugũ yere tiquinare. ¹⁷ Sa ye apequina masa mehna tiquina quehnoano ijierare. ¹⁸ Sa ye Cohãcjũre ne ño peoerare, ni ojoahye panopũre.

¹⁹⁻²⁰ Cohãcjũ Moiseri tiquiuro dutiyere marine judio masare ohoahye tiquiuro dutiyere ijipihntina mari ye pehoatire. Ti dutiyere cuoepeta, tire yeraye, “Ñañe buhiri mariedare usãre”, ni masiedare masa. Sa ye tiquina ijipihntiro cñena Cohãcjũ tiquiuro buhiri dahrenohatiquina tiquina ijigũ, masieta tiquina basi. Sa ye ñañequina tiquina ijiyere masiñe, “Quehnoana ijiaja usã”, ni masiedare Cohãcjũre. Cohãcjũ tiquiuro ye dutiyere pehere ne masa yerare. Sa ye tiquina ñañequina ijiyere tiquiuro dutiyere pehe masigũ yere tiquinare. Sa masiñe ohõ saha ni masiedare tiquina: “Cohãcjũ dutiyere ye pehou. Sa yero Cohãcjũ usãre ‘Quehnoañequina ijire’, ni ihñare”, ne ni masiedare masa.

Cohãcjũre quehnoano mari wacũ tutuana tiquiuro yequina wahaja mari

²¹ Sa ye Cohãcjũ Moiseri tiquiuro dutiyere, tiquiuro yere yahu mahtariquina tiquina ojoari gũhũ Cohãcjũ masare tiquina ñañe yerire tiquiuro borire yahuahye. Tiquiuro dutiyere sa yahuepegãta yojopũta Moiseri tiquiuro dutiri marieno masare tiquina ñañe yerire tiquiuro borire yahure marine Cohãcjũ. ²² Ijipihtiyequina Jesu-cristore wacũ tutuayequinare, tiquiore tuhoyequinare “Quehnoañequina ijire”, ni ihñare Cohãcjũ. Cohãcjũ ijipihtiyequinare ihcãno saha yeriquiuro ijire. ²³ Mari ijipihntina ñañene yerina ijiaja. Sa yena Cohãcjũ tiquiuro cahmediro sahata ne yeru. ²⁴ Mari sa yerapegãta mari Pacũ marine tiquiuro

paja ihñagū mari ñaŋe yerire Jesucristo pehe bore. Tiquiro sa bogū “Quehnoana ijire”, ni ihñare Cohācjū marine Jesure wacū tutuanare. Mari esa tuharo ye dutiro marieno Jesu yedohoro mehna mari ñaŋe yerire bore. ²⁵ Panopu cjēna tiquna ñaŋe yerire ihñano Cohācjū duita buhiri dahrerahye tiquinare. Sa buhiri dahreraro tiquna ñaŋe yerire ihyo warota sa tuhotu cāno niedahye. Came tiqiro Jesucristore ohori jiri mari ñaŋe buhiri yariatiquirore tiqiro diire cohātiquirore. Jesucristore mari wacū tutuagū Cohācjū pehe mari ñaŋe yerire borota. Sa yero tiqiro nidiro sahata yeriquiro tiqiro ijiyere masigū yero niahye. ²⁶ Sa yero yojopure tiqiro nidiro saha yeriquiro tiqiro ijiyere masa tiquna masigū cahmene tiqiro. Sa yero Jesure wacū tutuayequinare quehnoañequina tiqiro yerire tiquna masigū cahmene Cohācjū. Tiquiro sa yerire tiquna masiatire tiqiro macunore mari ñaŋe buhirire yariatiquirore ohori jiri.

²⁷ ¿Yojopure “Quehnoana ijiaja mari”, ni masiagari mari, masa tuhotugū? Tire ne ni masiedaja mari. ¿Duhseña tire ni masiedagari mari? ¿Cohācjū tiqiro dutiyere yena, “Quehnoana ijiaja”, ni masiboari mari? Ijierare. Ti gūhare ni masiedaja mari. Mari sa ni masiedapegūta Jesure mari wacū tutuagū “Quehnoana ijire”, ni ihñanota marine Cohācjū. ²⁸ Ohō saha masiaja mari: Jesure mari wacū tutuagū ihñano marine ihña coare Cohācjū. Sa yero marine “Quehnoana ijire”, ni ihñare tiqiro. Tiquiro ye dutiyere mari yeri wapa sa ni ihñedare. Tiquirore mari wacū tutuagū sa ni ihñare.

²⁹ Cohācjū judio masa puhtoro dihita ijierare. Judio masa ijieyequina puhtoro gūhu ijire tiqiro. ³⁰ Sa yero Cohācjū ihcāquirota ijiro, ijipitiyequina puhtoro ijire. Sa ijiriquiro ijiro judio masa Jesure tiquna wacū tutuagū tiquinare “Quehnoañequina ijire”, ni ihñanota. Sa yero judio masa ijieyequina gūhu Jesure tiquna wacū tutuagū tiquna gūhare “Quehnoañequina ijire”, ni ihñanota Cohācjū. ³¹ ¿Sa yena Jesure wacū tutuana Cohācjū Moiserere tiqiro dutiyere cohāna nihoari mari? Cohāedaja mari tire. Jesure wacū tutuana, Cohācjū dutiyere yena niaja mari.

4

Abrahā Cohācjūre tiqiro wacū tutuarire yahuahye Pablo

¹ Mari ñesu munano iji muhtariquiropure Abrahā munanore Cohācjū ohō saha yeahye: ² Abrahā quehnoano tiqiro yepēgūta “Quehnoariquiro ijire”, ni ihñedarlahye Cohācjū tiqirore. Sa yero

quehnoano yeperota ñariquiro ijinino “Yuhu pūrita quehnoagu ijiaja”, ni masiedahye Abrahā, Cohācjū ihñagū. ³ Cohācjū yere tiquna ojoari pū ohō saha nine: “Abrahā Cohācjū tiqiro nidire quehnoano tuhogū, Cohācjūre tiqiro wacū tutuagū Cohācjū tiqirore ‘Potota quehnoariquiro ijire’, ni, ihñahye”, ni ojoahye tiqiro yere tiquna ojoari pūpu. ⁴ Puhtoro dahrayequinare wapa yero, ihyo waro tiqiro paja ihñane mehna wapa yero niedare. Tiquina dahrari wapa tiquinare wapa yero nine. ⁵ Cohācjūre wacū tutuayequina pehere dahrayequinare tiqiro wapa yero saha yerare Cohācjū. Cohācjūre wacū tutuariquirore “Quehnoariquiro ijire”, ni ihñare Cohācjū. Tiquiro sa ni ihñagū ti quehnoañequina tiqiro yeri wapa ijierare. Cohācjū pehe tiqirore cahmeñequinare quehnoañequina wahagū yere. Sa yero masano Cohācjūre tiqiro wacū tutuagū ihñano “Quehnoariquiro ijire”, ni ihñare Cohācjū tiqirore. ⁶ Sata niahye panopu cjāno Davi munano. Masano quehnoano tiqiro yepēgūta Cohācjū pehe ihña coaeranine. Cohācjūre tiqiro wacū tutuagū ihñano Cohācjū ihña coare. Sa yero tiqirore “Quehnoariquiro ijire”, ni ihñare. Tiquiro sa ni ihñanohriquiro masano pehe tiqiro bucuere yahuahye Davi munano. Ohō saha niahye:

⁷ Tiquina ñaŋe yerire tiqiro bonohriquina pehe tutuaro bucuere. ⁸ “Quehnoañequina ijire. Tiquina ñaŋe yerire wacūsi yuhu”, Cohācjū sa ninohriquina tutuaro bucuere, niahye Davi munano.

⁹ ¿Judio masa tiquna cuhnucunu sohtoa cahserogāre yuhre nenohriquina dihitaro tiquna ñaŋe yerire boyari Cohācjū? Ijierare. Judio masa ijieyequina yuhre nemehneñequina gūhare tiquna ñaŋe yerire bore tiqiro. Pari turi Abrahāre wacūña masa. Tiquiro Cohācjūre wacū tutuagū ihñano “Quehnoariquiro ijire”, ni ihñahye Cohācjū. ¹⁰ ¿Duhse ijigū sa yeari Abrahā, masa tuhotugū? Tiquiro cuhnucunu sohtoa cahserogāre tiqiro yuhre neato panopūta tiqirore “Quehnoariquiro ijire”, ni ihñahye Cohācjū. Sa yero yuhre nenohno, tiqiro ñaŋe yerire bo tuhasanohriquiro yuhre nenohahye. ¹¹ Sa yero duita Cohācjūre wacū tutu muhtahye Abrahā. Tiquiro sa wacū tutuagū ihñano “Quehnoariquiro ijire”, ni ihñahye Cohācjū tiqirore. Sa tiqiro wacū tutuayere, Cohācjū yaquiro tiqiro ijiyere tiqiro ihñaoatere Cohācjū tiqirore cuhnucunu sohtoa cahserogāre yuhre ne dutiahye. Sa yero Abrahā tiqiro yuhreato pano Cohācjū pehe “Quehnoariquiro ijire”, ni ihña tuhasahye tiqirore. Tiquiro yuhre neato pano

tiqairo sa ihñariro saha ijipihtiyequina Cohăcjure wacũ tutuayequinare judio masa ijieyequina yuhremehnefequinare “Quehnoafequina ijire”, ni ihñare Cohăcjũ. Tiquiro sa ni ihñanequina tiquina ijigũ Abrahă tiquina ñecano manano waro ijiriro saha wahare. ¹² Tiquina yero sahata judio masa, yuhrenohriquina Cohăcjure tiquina wacũ tutuagũ tiquina ñecano manano poto ijie tiahye Abrahă. Tiquiro wacũ tutuaye. Sa ye tiqairo yero saha wacũ tutuayequina judio masa Abrahă panamena iji turiayequina ijire.

Cohăcjũ Abrahăre tiqairo ni cũrire “Poto tjire”, niahye Abrahă

¹³ Panopũ ohõ saha niahye Cohăcjũ Abrahăre. “Ahri yehpare yuhare, muhũ panamena iji turiayequinapũ gũhare ohoutja”, ni, cũahye Cohăcjũ Abrahăre. Ti dutiyere tiqairo quehnoano yeri wapa sa niedahye Cohăcjũ tiqiore. Abrahă Cohăcjure tiqairo wacũ tutuari wapa pehere sa niahye Cohăcjũ tiqiore, “Quehnoariqairo ijire”, tiqiore tiqairo ni ihñari bato. ¹⁴ “Cohăcjũ Moiserere tiqairo cũri dutiye dihitare yero cahmene”, nine judio masa. Sa niñequina Cohăcjure wacũ tutuaro marieno ahri yehpa ijipihitire ne duare. Wacũ tutuaro marieno tiquina negũ mari pehe Cohăcjure mari wacũ tutuaye dahseati ijieraboaya. Sa yero Cohăcjũ marine tiqairo ni cũri dahseati ijieraboaya. ¹⁵ Moiserere tiqairo cũri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yuhduacarũ buhiri masare buhiri dahrerota Cohăcjũ. Sa ye ti dutiye mariedagũ ti dutiyere yuhduacarũ gũhũ mariedaboaya.

¹⁶ Sa ye Cohăcjũre wacũ tutuayequina dihita tiqairo ohoatire neeta. Abrahă Cohăcjure wacũ tutuaye. Sa yero ijipihtiyequina tiqairo yero saha Cohăcjure wacũ tutuayequina tiquina ñecano poto yero saha tojoare Abrahă. Sa yero “Ahrire musare ohoutja”, Cohăcjũ nino ijipihtiyequinare tiqiore wacũ tutuayequinare nino niahye. Sa ye Cohăcjũ Moiserere tiqairo dutirire yeyequina Cohăcjure wacũ tutuayequina Cohăcjũ ohoatire neeta. Tiquina dihita nesi. Ijipihtiyequina Abrahă yero saha Cohăcjure wacũ tutuayequina gũhũ tiquinare tiqairo ohoatire neeta. ¹⁷ Tire Abrahăre tiqairo nidiro sahata ojoahye panopũre: “Peye macari cjena tiquina ñecano ijiacjure cũu mahare”, ni cũahye Cohăcjũ Abrahăre”, ni ojoahye panopũ. Sa yero tiqairo Cohăcjure wacũ tutuaye. Sa ye tiqairo yero saha mari wacũ tutuagũ mari ñecu ijigũ yeahye Cohăcjũ tiqiore. Cohăcjũ pehe yariariquinare masoriqairo,

ijipihtiyequinare bajumehnediqairo ijire. Sa yero ijipihtiye, yojopũre mariedagũ gũhare bajumehneatiqairo ijire.

¹⁸ “Peye macari cjena muhũ panamena iji turiayequina ijeta”, Cohăcjũ tiqairo sa nigũ Abrahă pehe pohna mariediqairo ijieperota, “Ijirota ijire”, ni tuhotuahye. ¹⁹ Sa yero cien cahmari cahriqairo ijieperota pohna dahre masieni qairo ijieperota Sara tiqairo namono ne pohna mariedicoro ticoro ijiepegũta “Pohna ti masiedaja usã”, ni tuhotuerahye Abrahă. Sa yero Cohăcjũ tiqairo ni cũrire “Ijirota ijire”, niahye Abrahă. ²⁰ “Tiquiro nidiro sahata yeraboaga”, ne ni tuhotuerahye Abrahă. Sa yero tiqairo Cohăcjũ cũrire quehnoano tuhohayhe. Sa niñene tuhottjãno “Cohăcjũ tutuariqairo ijire”, ni ño peoro niahye. Sa yero Cohăcjure wacũ tutua nemoahye tiqairo. ²¹ “Cohăcjũ tiqairo nidiro sahata quehnoano ye masine”, ni tuhotu quehnoano masiahye Abrahă. ²² Tiquiro sa masigũ Cohăcjure tiqairo wacũ tutuagũ Cohăcjũ pehe “Quehnoariqairo ijire”, ni ihñahye Abrahăre. Sata ni ojoahye Cohăcjũ yere tiquina ojoari pũpũ.

²³ Sa ye Abrahă dihitare sa ni ojoerahye. ²⁴ Tire mari masiatire mari gũhare sa ni ojoahye. Sa yero Cohăcjure mari wacũ tutuagũ “Quehnoana ijire”, ni ihñanota mari gũhare Cohăcjũ. Tiquiro pũrita mari puhtoro Jesu tiqairo yariagũ masori jiri tiqiore. ²⁵ Jesu pehe mari ñahe buhiri yariari jiri. Tiquiro yariari bato masa wijiari jiri tiqairo Cohăcjũ marine “Quehnoana ijire”, tiqairo ni ihñatire.

5

“Quehnoana ijire”, Cohăcjũ ni ihñagũ ohõ saha waharota marine

¹ Jesucristore mari wacũ tutuagũ ihñano “Quehnoana ijire”, ni ihñare marine Cohăcjũ. Tiquiro sa ni ihñagũ Cohăcjũ mehna cjana marine ijigũ yere mari puhtoro Jesucristo. ² Sa yena mari tiqiore wacũ tutuagũ ihñano Cohăcjũ marine cahĩno, pecapũ wahaborinare yuhduori tiqairo mehna mari ijiato saha. Cohăcjũ pũrita quehnoa yuhduariqairo ijire. Sa yero tiqairo yero saha ijigũ yerota marine tiqairo. Tiquiro sa yeatire quehnoano masiaja mari. Sa yena bucueaja. ³ Mari ñano yuhdũna gũhũ bucueaja mari. Ñano yuhdũna, tire dũca cjã mari. Sa dũca cãna, ñano yuhdũepenata quehnoano Cohăcjure wacũ tutuana wahaja mari. Sa yena Cohăcjũ yere duhueraja mari. ⁴ Mari sa yegũ ihñano “Quehnoare”, ninota Cohăcjũ marine. Tiquiro sa nigũ marine tiqairo yuhduoatire quehnoano masiaja mari. ⁵ Sa yero Cohăcjũ marine tiqairo

yaquiro Espiritu Santore ohori mari mehna ijiatiquirore. Sa yero Espiritu Santo pehe mari mehna ijiro Cohācjū marine tiquiro sa cahīducuyere masigū yere. Tiquiro sa masigū yegū marine tiquiro yuhduoati quehnoano waro ijiro nine. Potota yuhduanata mari.

⁶ Sa yero mari ñaŋe yerire mari basi mari yuhduo masiedagū tiquiro queoriro esagū mari ñaŋe buhirire Cristo yariahye. ⁷ Quehnoañe dihitare yeriquire yuhduoro taro apequiro yariaboaga ape taha yero. ⁸ Mari pehe ñana mari ijinipegūta marine yuhduoro taro Cristo yariahye. Tiquiro sa yegū Cohācjū marine tiquiro tutuaro cahīŋene masiaja mari. ⁹ Mari ye buhirire tiquiro sa yariagū tiquiro dii wijiajū Cohācjū pehe marine “Quehnoana ijire”, ni ihñare. Tiquiro sa ni ihñari bato yojopū pehere marine pecapū wahaborinare yuhduorota Jesu. “Quehnoana ijire”, tiquiro niato pano marine yuhduoranidi. Yojopū pehere marine Cohācjū yequina tiquiro yeri bato marine buhiri dahresi pecapū Cohācjū. ¹⁰ Sa yena Cohācjūre ihñā tuhtina mari ijinipegūta tiquiro macuno yariaro, mari ñaŋe yerire cohāri. Sa cohāno Cohācjūre mari mehna usuerağū yeri tiquiro. Sa yena tiquiro yequina wahaja mari. Yojopū pūritare ti yuhduo cjuño yerota marine. Tiquiro yequina mari ijigū Jesu tiquiro masa mujari mehna, marine pecapū wahaborinare quehnoano yuhduorota tiquiro. ¹¹ Caperū mari yuhduatire bucueaja. Yojopure ahri gāhure bucueaja. Mari puhtoro Jesucristo mari ñaŋe buhirire tiquiro yariari bato Cohācjū yequina ijiaja mari. Sa yena bucueaja.

Adāre, Cristore yahuahye Pablo Roma cñenare

¹² Adán tiquiro ñaŋene yeri bato ahri yehpare ñaŋe iji ducahye. Ñaŋe iji ducagū masa yaria ducahye. Ijipihina mari ñaŋene yeaja. Sa yena ijipihina ñana mari ijiri buhiri yariaja. ¹³ Cohācjū tiquiro dutiyere Moiserē tiquiro cūato pano potota ahri yehpa cñena ñaŋene yee tiahye. Tiquina sa yepegāta ti dutiye mariedagū ti dutiyere tiquina yuhduacari buhiri buhiri dahre masiedahye. ¹⁴ Tiquiro sa buhiri dahre masiedapegūta Adán gūhū tiquiro bato ijieyquina gūhū dutiye mariedapegūta yarie tiahye. Moise tiquiro ijato pano dutiye mariedapegūta masa yarie tiahye. Apequina ñaŋe yeye Adán tiquiro ñano yeriro saha waro yera timahye. Sa ijiepetā tiquina gūhū yarie tiahye. Sa yero Adán ñaŋene tiquiro ye ducariro saha yoari batopū ahri yehpapū ahtariquiro quehnoañene ye ducari jiri.

¹⁵ Adán tiquiro yuhduacari Cohācjū masare tiquiro paja ihñañe yero saha

ijierare. Cohācjū tiquiro paja ihñañe pehe quehnoa yuhduare. Adán ihcāquirota ijieperota ñañene tiquiro ye ducari buhiri peyequina masa yarie tiahye. Cohācjū pehe marine paja ihñano, Jesucristore ohori jiri. Sa yero tiquiro ihcāquirota ijiriquiro pecapū wahaboriquinare masare peyequinare yuhduore. ¹⁶ Sa yero Cohācjū masare tiquiro paja ihñañe Adán tiquiro yuhduacari yero saha ijierare. Adán pehe ihcāquirota ijiriquiro ñañene tiquiro yeri buhiri ijipihitiyequina masa buhiri tiyequina ijire. Sa tiquina buhiri tiyequina ijiepegūta masa pajiro ñañene tiquina yepegūta yojopure masare paja ihñano Cohācjū tiquina ñañene bore. Sa boro “Quehnoañequina ijire”, ni ihñare tiquiro tiquinare. ¹⁷ Adán ihcāquirota ijiriquiro ñañene ye ducagū ijipihitiyequina masa yariaducure. Ti poto tjire. Sa ijiepegūta ahri pehere bucuenata mari. Yojopure Cohācjū masare paja ihñano Jesucristo ihcāquirota ijiriquiro tiquiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihitiyequina tiquiro sa ni ihñañequina uhmūserū Cristo mehna puhtoa ijietā.

¹⁸ Ihcāquirota Adán ñañene ye ducagū ijipihitiyequina ñañene ye ducahye. Tiquina sa yegū Cohācjū buhiri dahrerota tiquinare. Apequiro Jesu pehe quehnoañene tiquiro yegū ijipihitiyequina tiquina ñañene bonohriquina iji masine. Ñañene tiquiro bonohriquina tiquina ijigū “Quehnoañequina ijire”, ni ihñanota tiquinare Cohācjū. Sa ye ijipihitiye decori tiquiro mehna ijiducuetā tiquina. ¹⁹ Ihcāquirota Adán Cohācjūre yuhduacahye. Tiquiro sa yegū peyequina masa ñano yeyequina iji ducahye. Sa yero apequiro Jesu pehe Cohācjūre yuhitiahye. Tiquiro sa yegū peyequina masa tiquina ñaŋe yerire bonohriquina wahahye. Tiquina sa wahagū “Quehnoañequina ijire”, ni ihñahye Cohācjū tiquinare.

²⁰ Cohācjū dutiyere Moiserē cūahye ijipihitiyequina masa tiquina ñañene tiquina quehnoano masiatire. Sa ye masa tiquina ñañene masiñe, ti yuhduoro Cohācjū tiquinare tutuaro tiquiro cahīŋene masieta. Tiquiro marine cahī yuhduare. ²¹ Tiquina ñañene tiquina yeri buhirire masa yariatiquina ijire. Sa ye pecapū wahaeta. Cohācjū mari Pacū pehe masare cahī yuhduare. Tiquiro sa tutuaro cahīgū mari puhtoro Jesucristore tiquiro ohogū tiquiro pehe masare quehnoañequina wahagū yere. Sa ye tiquinare “Quehnoañequina ijire”, Cohācjū tiquiro ni ihñagū tiquina ijipihitiye decori tiquiro mehna sa ijiducuetā.

6

Yariariquina muna tiquina ñañene yerariro saha Cristo yequina gũhu ñañene yeducuerare

¹ ¿Duhse yenatari mari yojopure, musa tuhutugũ? ¿Cohãcjũre marine cahĩ nemo duti duana ñañene ye nemoboagari mari? ² Ijierare. Ñañene yeracãhna mari. Yariariquina muna ñañene tiquina yerariro saha Cristo yequina ijina mari gũhure ñañene yeraro cahmene. ³ Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiquiro yequina ijina, mari ñañe yerire ye dueru. Sa yena duhuu. Tiquiro mari ñañe buhiri yariari jiri. ⁴ Sa yena Cristo pagure masa coperu tiquina ya cohãriro sahata mari ñañe yerire duhuaja. Sa yena mari Pacu tiquiro tutuaye mehna Cristo tiquiro masa mujariro saha mari gũhu tiquiro tutuaye mehna quehnoañe pehere comesaja. Sa yena quehnoana wahaja.

⁵ Sa yena Cristo yequina ijina Cristo yariaro ahri yehpa cjã pagure tiquiro cohãriro saha mari gũhu yariariquina tiquina duhuriro saha mari ñañe yerire duhuu. Sa yena Cristo yequina ijina tiquiro masa mujariro sahata mari gũhu quehnoana ijinata. Ti poto tjire. ⁶ Cristo yequina iji ducana tiquiro mehna yariariquina yero saha wahaũ pari turi mari ñañene yerato saha. Sa waharina ijina ñañene yeducu nemosi mari. Tire mari masiaja. ⁷ Yariariquiro munanopũ ñañene ye nemoedare. ⁸ Cristo mehna yariariquina yero saha ijina, tiquiro masa mujariro sahata mari gũhu quehnoana ijinata. “Ti poto tjire”, ni tuhutuaja mari. ⁹ Cristo tiquiro yaria masa mujari bato ne pari turi yariasi. Apequiro tiquirore pari turi yariagũ ye masiedare. Tire mari masiaja. ¹⁰ Sa yero Cristo ihcã taha yariaro, masa tiquina ñañe yerire cohãno taro yariahye. Tiquiro catiriquiro ijiro mari Pacu tiquiro cahmeno sahata yeducuatiquiro ijire tiquiro. ¹¹ Tiquiro yero sahata muna gũhu ohõ saha ni tuhutuya: “Yariariquina muna tiquina yeraro saha mari gũhu ñañene yeraja. Jesu yequina ijina mari Pacu tiquiro cahmeno sahata yeanaja ijina niaja mari gũhu”, ni tuhutuya muna.

¹² Sa yena muna yarianaja ijina ñañene yeducueracãhna. Sa yena muna ñañe ye duayere tutuaro cahmepenata tire sa tuhotu cãhna. ¹³ Ñañene yeracãhna. Pecaru wahaborina Jesu tiquiro yuhduonohrina ijire muna. Tiquiro sa yenhohrina ijina Cohãcjũ cahmeñe dihitarre yeya muna. Sa yena quehnoañene yeya muna. ¹⁴ Yojopure

Cohãcjũ Moiserre tiquiro dutiye mehna marine dutierare. Cohãcjũ marine cahĩno tiquiro pehe marine dutire. Sa yena tiquiro yedohoro mehna ñañene ye duasi mari.

Musa ñañene yeducugũ ti ñañe muna puhtoro yero saha ijire

¹⁵ ¿Yũhu sa nigũ duhse ni tuhutuajari muna? ¿Cohãcjũ pehere yuhthianaja ijina Moiserre tiquiro dutiyere yuhthianaja ijierana, ñañene yeducuboagari mari? Ijierare. Yeducusi. ¹⁶ ¿Ahrire masiedajari muna? Muna quehnoano yuhthiriquiro muna puhtoro ijire. Sa yena tiquiro cahacãna ijire muna. Muna sa yuhti muna puhtoro tũriro sahata ñañene yeducuna muna ijigũ ti ñañe muna puhtoro yero saha ijire. Sa yena ñañene duhu masiedare muna. Sa yena ijina pecaru wahanaja ijire muna. Cohãcjũre quehnoano ño peona ijina tiquiro cahacãna ijire muna. Sa yena tiquiro yequina quehnoana ijire muna. ¿Tire masiedajari muna? ¹⁷ Panopũ ñañene yeducuna muna ijigũ ti ñañe muna puhtoro yero saha ijimedi. Yojopũ pehere quehnoañe buheyere tuhona Jesure wacũ tutuana Cohãcjũre quehnoano ño peona wahari muna. Tire masigũ “Quehnoare”, niaja Cohãcjũre. ¹⁸ Sa wahana yojopure ñañe ti dutiro saha yerare muna. Sa yena Cohãcjũ cahacãna ijina quehnoañe pehere yere muna. ¹⁹ Cahacãna puhtoare tiquina quehnoano ño peoyere masi pehere muna. Sa yegu ti muna masidi mehna queoye mehna buhei masure “Ahri buheyere muna esa tuharo tuhoeraboaga”, nigũ. Panopũ ñañene yeducuna ijimedi muna. Muna sa yeducuriro sahata yojopũ pehere quehnoañene yeducuna ijija muna. Sa yena Cohãcjũ cahmeñe dihitarre yenata muna.

²⁰ Panopũ ñañe dihitarre yerina ijina, quehnoañe pehere yera tiri muna. ²¹ ¿Ti pjepure ñañe dihitarre yena yabere wapatarari muna? Ti muna ñañe yerire wacũna yojopure bue tiaga muna. Ti ñañene muna yeri buhiri pecaru wahaboaya muna. Sa yena ñañene yena ne wapataerare muna. ²² Yojopũ pehere muna ñañe yerire duhuna Cohãcjũ cahacãna wahari muna. Sa yena Cohãcjũ cahmeñe dihitarre yena ijinata. Sa yena ijipihtiye decori Cohãcjũ mehna ijinata. ²³ Ñañene mari yeri buhiri pecaru wahanaja ijija ijipihtina mari. Mari sa ijiepegũta mari puhtoro Jesucristore mari wacũ tutuagũ ihñano, ijipihtiye decori tiquiro mehna marine ijiducugũ yerota. Mari sa ijiducuatire sa oho cãnota.

7

Cohãcjũ Moiserre tiquiro ohori dutiyere yahu nemoahye Pablo

¹ Yǎhu acaye, Cohācjū Moiserē tiqiro dutirire quehnoano masine mǎsa. Masano tiqiro catinigū ti dutiyere yǎhduduca dutierare. Tiqiro yariari bato pūritare ti dutiyere yero basioerare. Ti gǎhure masine mǎsa. ² Ohō saha ijire: Numinore ticoro manano mehna dihita iji dutire Cohācjū Moiserē tiqiro dutiri pehe. Tiqiro sa dutiepegūta ticoro manano yariari bato ticoro pehe apequirore manū ti masine. Ticoro ti dutiro mehna iji nemoedare. Ohō saha ni yahure ti dutiye. ³ Sa yero ticoro manano tiqiro catiepegūta ticoro apequirore manū tiro, űano yero nine ticoro. Sa ijieperota ticoro manano yariari batopu apequirore manū tiro, Cohācjū dutiyere yǎhduducaerare ticoro sa yerico. Sa yero űano yerico ijierare ticoro.

⁴ Mǎsa gǎhu yǎhu acaye Jesu yequina wahana, dutiyere mǎsa yeri wapa tiqiro yequina wahaerare mǎsa. Sa yena yariariquina mǎna dutiye mehna tiquina ijieraro saha mǎsa gǎhu ti dutiye mehna ijierare. Mǎsa Cristo ya curua cjāna ijire. Sa yena yojopure tiqiro yequina ijire mǎsa. Tiqiro pehe yariari bato masa mǎjari jiri Cohācjū cahmeno saha mari yeatire. ⁵ Panopu űañene mari esa tuharo yee timi. Sa yena Cohācjū Moiserē tiqiro dutirire mari masidi bato ti dutiyere yǎhduduca duami. Ti dutiye mariedagū yǎhduduca dueraboya. Sa yena ti dutiyere mari masidi bato űañene tutuaro yemi mari. Sa mari űañene yena mari pecapu wahaborinata ijie timi. ⁶ Sa wahaborina ijiepenata Cristo yequina ijina yojopure ti dutiye mehna ijieraja mari. Sa yero Espirito Santo mari mehna ijiriqiro marine quehnoañe pehere comesagū yere. Tiqiro sa yegū panopu cjē dutiye tiqiro ojoari ti mehna ijieraja mari yojopure.

Tiqiro űañe yerire yahuahye Pablo

⁷ ¿Sa yena Cohācjū Moiserē tiqiro dutirire dǎhse niboagari mari? ¿Ti dutiye űañe ijiajari, mǎsa tuhutugū? Ijierare. Ti dutiye mehna űañene masii. Sa yegu ti dutiye mariedagū űañene masiedaboya yǎhu. Ti dutiye ohō saha ijire. “Apequina yepare tutuaro cahmedacǎhǎ”, niahye ti dutiye. Sa niedagū apequina yepare tutuaro cahmeñe ti űañe ijigū masiedaboya yǎhu. ⁸ Sa yegu ti dutiyere yǎhu masidi bato apequina yepare tutuaro cahmee timi yǎhu. Ti dutiyere masiedagū apequina yepare tutuaro yǎhu cahmeñe ti űañe ijigū masiedaboya yǎhu. ⁹ Ti dutiyere yǎhu quehnoano masiato pano sa tuhotu cǎhu. Sa yegu ti dutiyere yǎhu masidi bato tutuaro űañene ye duami. Sa yegu pecapu yǎhu wahatire masie tii. ¹⁰ Sa ye Cohācjū dutiyere yǎhduducaeraye, masa tiqiro mehna quehnoano ijiducuboya. Sa

ye ti dutiye pehe quehnoano ijiducugū yebori dutiye ijire. Sa ijieperota yǎhu yǎhduducari buhiri yǎhure pecapu waha dutimedi. ¹¹ Sa yegu űañene yegu Cohācjū Moiserē tiqiro dutiyere yǎhduduca duami. űañene tutuaro cahmegu yǎhu ijigu quehnoañene masiedu. Ti űañe pehe yǎhure dojomehnedi. Sa yegu quehnoano masiedu. Sa masiedagū Cohācjū dutiyere yǎhduducau. Sa yegu ti dutiyere yǎhu masidi bato yǎhu űañe buhirire pecapu yǎhu wahaborirore masii. Ti dutiye mehna sa masii.

¹² Sa ye Moiserē tiqiro cūri dutiye quehnoañe ijire. Sa ye queoro ijirota nine ti dutiye. ¹³ ¿Sa ijieperota marine ti quehnoañe dutiye pehe pecapu wahagū yeajari? Ijierare. Topu wahagū yerare. Mari űañe yeye pehe marine pecapu wahagū yere. Ti dutiyere mari masidi bato ti dutiyere yǎhduducana, űañene yena mari ijiyere masiaja mari. Sa yena mari űana mari ijiyere masina, mari pecapu wahati gǎhure masiaja mari. Sa yena ti dutiyere masina mari yǎhduducarire ti űa yǎhduaye ijigū masiaja mari.

¹⁴ Moiserē tiqiro dutiri Cohācjū pehe tiqiro cūri ti ijigū masiaja mari. Yǎhu pehe apequina yero saha űagū ijiaja. Sa yegu űañene yeducugū ijiaja. ¹⁵ Sa yeducugū ijiepegūta yǎhu yerire ne masiedu yǎhu. Yǎhu cahmeno saha yeraja yǎhu. Sa yegu yǎhu tutuaro ye dueramedireta yeaga yǎhu. Sa yegu yǎhu yerire ne masiedaga yǎhu. ¹⁶ Sa yegu űañene ye duerapegūta űañene yeaja yǎhu. Tire yegu Cohācjū dutiye quehnoañe ijigū masiaja yǎhu. ¹⁷ Sa yegu yǎhu waro ti űañene yojopure yeraja. Yǎhu tuhotuyepu ijie űañe ti pehe yǎhure űañene yegū yere. ¹⁸ Quehnoañene tutuaro ye duepegūta ne cūedaga. űañe pehe yǎhure dojomehne mǎjare. Ahri yehpa cjū yǎhu ijigū yǎhu tuhotuyepu űañe dihita ijire. Ne quehnoañe mariedabutiare. ¹⁹ Quehnoañe yǎhu ye duaye pehere ne yeraja yǎhu. Yǎhu űañene yǎhu ye dueye pehere yeaja. ²⁰ Sa yegu yǎhu ye dueyere yegu yojopure yǎhu waro tire yeraja. Yǎhu tuhotuyepu ijie űañe ti pehe yǎhure űañene yegū yere.

²¹ Sa yero yǎhure ohō saha wahare: Quehnoañene yǎhu ye duepegūta yǎhu tuhotuyepu űañe ijire. Sa yegu quehnoañe pehere yeraja. ²² Cohācjū Moiserē tiqiro dutirire yǎhu tuhotuyē mehna tutuaro cahmeaja. ²³ Sa yegu yǎhu ahirire masiaja: Yǎhu tuhotuyē mehna quehnoañene ye duaja. Sa ye duepegūta yǎhu basi űañene tutuaro ye duaja. Sa yegu yǎhu esa tuharo űañene duhu masiedaga yǎhu.

²⁴ Sa űañene duhu masiedagū pejesuogu ijiaja yǎhu. űañene yegu pecapu wahagūta yǎhu. Yohnah. ¿Yǎhu űañene yǎhure pecapu

waha dutiye ñañene noa yuhare cohã hasaboagari? ²⁵ Jesucristore yuhã wacũ tutuagũ tiquirola yuhã ñañene cohãnota. Tiquiro sa yegũ Cohãcjãre “Quehnoare”, niaja yuhã. Sa yegũ yojopure yuhã basi yuhã tuhutuye mehna Cohãcjũ dutiyere yeaja. Sa yegũ ijiepegata yuhã esa tuharo ijigũ ñañene pehe yuhare ñañene yegũ yere.

8

Espíritu Santore cwoyequina tiquina ijiye tiyere yahuahye Pablo

¹ Yojopure Jesucristo yequinare tiquina buhiri tiato mariedare. [Tiquina ñañene tutuaro cahmeñene yerare. Sa ye Espiritu Santo tiquiro dutiro saha yeducure tiquina.] ² Sa yero Jesucristo yaquiro yuhã ijigũ Espiritu Santo ñañene duhugũ yere yuhare. Sa yero Espiritu Santo ijipihtiye decori Cohãcjũ mehna ijigũ yere yuhare. Ñañene yuhare duhugũ yero yuhare pecapũ wahaborigare yuhduore tiquiro. ³ Cohãcjũ Moiseri tiquiro dutirire mari esa tuharo ne ye pehosi. Sa ye pehoerana yuhduacana ijiaja mari. Sa yena mari ijigũ Cohãcjũ marine yuhduoerandi. Mari sa ijina ijiepegata ohõ saha Cohãcjũ marine yuhduorota. Tiquiro mari ñañene buhirire yariatiquire, ti ñañene cohãtiquire tiquiro macũore ohoahye. Sa yero tiquiro macũo mari yero sahata pagu tiahye. Sa yero mari tuhutuyepũ ijiye ñañene tiquiro cohãri. ⁴ Marine sata yeri Cohãcjũ dutiyere tiquiro tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa ijina Espiritu Santo yedohoye mehna tiquiro dutiro sahata yeaja mari.

⁵ Ñañene ye duayequina, ti dihitaro tutuaro cahmene. Espiritu Santo dutiro sahata yeducuyequina pehe ti dihitaro ye duare tiquina. ⁶ Ñañene ye duayequina ti dihitaro tutuaro cahmeñe, pecapũ wahaeta. Espiritu Santo cahmeno sahata tutuaro ye duayequina pehe ijipihtiye decori Cohãcjũ mehna ijietã. Sa ye tiquina quehnoano iji cãeta. ⁷ Tiquina esa tuharo yeyequina Cohãcjãre ihña tuhtire. Tiquina Cohãcjũ dutiyere ne yuhtire. Tiquiro dutiyere yuhti duerare. Yuhti masiedare tiquina. ⁸ Sa ye tiquina esa tuharo yeyequina Cohãcjãre bucegũ ye masiedare.

⁹ Mũsa pehe mũsa esa tuharo yerare. Espiritu Santo mũsa mehna ijigũ tiquiro cahmeno sahata yere mũsa. Sa ye Espiritu Santore cwoyequina pehe Cristo yequina ijierare. ¹⁰ Mũsa pehe tiquiro yequina ijire. Mũsa ñañene buhirita mũsa paguri yariare. Sa mũsa paguri yarianaja ijiepenata Cristo mũsa mehna tiquiro ijigũ tiquiro mehna sa ijiducunata mũsa. Cohãcjũ musare “Quehnoana ijire”, tiquiro ni ihñagũ mũsa

tiquiro mehna sa ijiducunata. ¹¹ Cohãcjũta Jesure masori jiri. Sa masoriquiro ijiro Espiritu Santo mari mehna tiquiro ijiducugũ mari yariari bato Cohãcjũ mari gũhare masonota. Sa masono mari paguire yariati paguire catigũ yerota marine.

¹² Yuhã acaye, tiquiro sa yegũ ihñana ñañene mari tutuaro cahmedire yeracãhna. ¹³ Mari ñañene yerina ijina, pecapũ wahaborina iji cãnata niaja. Espiritu Santo yedohoye mehna ñañene yeyere duhurina ijina, ijipihtiye decori Cohãcjũ mehna ijinata.

¹⁴ Ijipihtiyequina Espiritu Santore yuhtiyequina Cohãcjũ pohne ijire. ¹⁵ Espiritu Santo mari mehna tiquiro iji ducagũta Cohãcjũ pohna iji ducãu. Sa yena tutuaro mehna tiquiro dutinohrina ijieraja mari. Sa yena panopũ mari cueriro saha yojopũ pehere mari cueraja. Tiquiro pohna ijina, Espiritu Santo yedohoye mehna yojopũre “Yuhã Pacũ”, niaja mari Cohãcjãre. ¹⁶ Sa yero Espiritu Santo mari wacũfepũ marine ohõ saha masigũ yere: Potota Cohãcjũ pohna ijiaja mari. Tire marine masigũ yere tiquiro. ¹⁷ Sa yena tiquiro pohna ijina, Cohãcjũ ijipihtiyere tiquiro pohnene tiquiro “Ohoutja”, tiquiro nidire mari pehe cõnata. Jesucristo mehna mari cõnata tire. Cristo yere mari yeri buhiri ñano yuhdurina ijina mari tiquiro mehna uhmasepũ quehnoano bucuete mehna iji cãnata. Sa yena Cohãcjũ tiquiro pohnene “Ohoutja”, tiquiro nidire cõnata mari.

¹⁸ Yojopure ahri yehpapũ ñano yuhdurãja mari. Camepũre mari uhmasepũ quehnoano iji cãnata. Sa yena yojopure ñano yuhdũna, pajiro bujua witi wacũ tuhotuercacãhna. Ahri mari ñano yuhdurã sa iji cãno nine. Came quehnoano iji cãnata Cohãcjũ mehna. Sa yena tutuaro bucuena. Ahri pũrita ihyo waro ijierare. ¹⁹ Cohãcjũ pohna ijina Cohãcjũ mehna quehnoano ijinata. Mari sa wahatire cohteducuro saha yero nine Cohãcjũ bajumehnedi. ²⁰ Ijipihtiropure tiquiro bajumehnedi quehnoano ijiborire dojomehneahye masũno ñano ye ducaro. Ti esa tuharo sa wahaerahye. Ñañene iji ducari bato tiquiro bajumehnedi sa wahahye. Sa yero Cohãcjũ tiquiro bajumehnedire sata ñano iji dutiniahye. Came tiquiro bajumehnedire quehnoañe wahagũ yerota tiquiro. ²¹ Sa yero Cohãcjũ tiquiro bajumehnedire abha pihthorire quehnoañe wahagũ yerota tja. Cohãcjũ pohnene quehnoañequina tiquiro wahagũ yeriro sahata, tiquinare quehnoano tiquiro yuhduoriro sahata quehnoañe wahagũ yerota Cohãcjũ tiquiro bajumehnedire. ²² Ijipihtiye Cohãcjũ tiquiro bajumehnedi ñano ti iji ducari bato ñano yuhdue tiahye. Numino niji wahcõno ticoro ñano yuhdurũro

sahata tiqiro bajumehnedi gāhū decoriþe ñano yūhdūducure. Tire mari masiaja. ²³ Mari pehe Espiritu Santore cōna ijiaja. Tiquiro yequina mari wahagū Cohācǵū tiqiro yaqiro Espiritu Santore duita ohori marine. Tiquiro bajumehnedi yero sahata mari gāhū ñano yūhdūaja. Sa yena quehnoañe pehere tiqiro comesatire tutuaro cohteaja. Sa yena tiqiro pohna mari tiqiro mehna mari quehnoano ijiato gāhure tutuaro cohteaja mari. Wahma pagure marine tiqiro ohoati gāhure cohteaja. ²⁴ Mari sa cohtena ijigū, tiqirota marine pecarū wahaborinare yūhdūore. Tiquiro caharū ijinina ijina tiqiro caharū mari wahatire cohteraboya mari. Marine tiqiro yūhdūo tuhasari bato ijigū tire cohte nemoedaboya. ²⁵ Sa yena tiqiro ohoatire ihñedapenata Cohācǵū marine tiqiro yūhdūoatire cohtena, sa cohteducuaja.

²⁶ Sa yena Cohācǵure wacū tutuera cǵūna tiqiro cahmeñene quehnoano masiena mari ijigū Espiritu Santo marine yedohore. Cohācǵure mari quehnoano sini masiedaja. Espiritu Santo pehe marine Cohācǵure tutuaro sini basare. Marine tutuaro paja ihñano marine tiqiro Cohācǵure tutuaro sini basare. ²⁷ Cohācǵū cahmeno sahata marine Jesu yequinare sini basare Espiritu Santo. Tiquiro sa sini basagū Cohācǵū mari tūhotuyere masi pehoritiquiro ijiro, Espiritu Santo tiqiro sini basarire masine.

Cristo tiqiro tutuaye mehna ñañe yeyere yūhdūducunata mari

²⁸ Ahrire yūhū yahuatire masiaja mari: Ijipihtina Jesure cahñna mari ijigū tiqiro cahmeñene yeanañare beseahye marine. Sa ijina mari ijigū ihñano Cohācǵū sa ihña ihboducure marine. Sa yena mari ñano yūhdūepenata ñano yūhdūduco dojoeraja. Cohācǵū tiqiro yedohoro mehna quehnoano ijinata mari. ²⁹ Cohācǵū marine tiqiro yequinare duitarūta masi tuhasahye. Sa masino tiqiro macano Jesu tiqiro ijiro sahata marine iji dutiro, marine quehnoañe pehere comesa duti tuhasahye. Tiquiro macano yero saha marine iji dutiahye tiqiro peyequina masa tiqiro macanore mari wahmi tiatire. ³⁰ Panorū tiqiro yequina tiqiro iji dutirina mari ijigū, tiqiro pohna mari ijiatina gāhure beseahye marine. Sa yero marine tiqiro beserinare tiqiro “Quehnoañequina ijire”, ni ihñare. Marine tiqiro sa ninohrinare tiqiro mehna ahmusepū quehnoano ijigū yerota marine Cohācǵū.

³¹ Tire masina ohō saha tūhotuaja mari: Cohācǵū marine tiqiro cahñonare ne apequina ihña tuhtiyē cūedare. ³² Cohācǵū

mari ye buhirire yariatiquirore tiqiro macanore ohoahye. “Yūhū macare cahñaja. Sa yegu tiqirore ohoeraja”, niedahye tiqiro. Marine sa tutuaro yedohoritiquiro ijiro, ijipihtiyē mari cahmeñe dūhsarire marine oho pehorota. ³³ Cohācǵū beserina mari ijigū, tiqiro marine “Quehnoana ijire”, ni ihñari. Mari sa ijina ijigū apequina marine “Ñana ijire”, ne ni yahusā masiedare. ³⁴ Cristo mari ye buhirire yaria masa wijiahye. Sa yero Cohācǵū poto peherū yojopure tiqiro ijire dutiritiquiro ijiro. Sa yero tiqiro marine potota sini basaro nine Cohācǵure. Sa ye apequina pehe marine ne buhiri dahre duti masiedare. ³⁵ Cristo marine tiqiro tutuaro cahīgū apequina tiqirore “Cahñedacāhña”, ne ni masiedare. Cahī duhusi tiqiro. Mari ñano yūhdūepegūta, mari cuepegūta, apequina marine tiquina ñano yepegūta, mari űjua ahbaepēgūta, suhti mariena mari ijiepegūta, cuarorū mari ijiepegūta, marine tiquina wejēpegūta Cristo marine sa cahñducurota. ³⁶ Cohācǵū yere tiquina ojoari pūpū mari sa wahatire yahuro, ohō saha nine:

Mūhū yequina usā ijiri buhiri apequina usāre sa wejē duaducure. Oveja tiquina wejōatiquina tiquina ijiro saha usā gāhure sa wahare, ni ojoahye Cohācǵū yere tiquina ojoari pūpū.

³⁷ Sa yena mari ñano yūhdūepenata Cristo marine cahñitiquiro tiqiro yedohoro mehna tutuaro mehna ñañene duhu pehonata mari. ³⁸⁻³⁹ Jesucristo yequina mari ijigū ihñano Cohācǵū pehe marine tutuaro cahñe. Sa yero tiqiro marine ne cahī duhusi. Mari yariagū gāhure, mari catigū gāhure, yojopure, camerū gāhure, tiqiro marine cahī duhusi. Sa ye angele, wafia puhto, ahri yehpa cǵēna puhto, ahmuse cǵēna, ñañequina bajueyēquina gūhū Cohācǵure “Mūhū yequinare cahñedacāhña”, tiquina niepegūta marine ne cahī duhusi Cohācǵū. Cohācǵū tiqiro bajumehnedi mehna marine ne cahī duhugū yeye mariedare. Marine ne tiqiro cahī duhusi.

9

Israe masa Cohācǵū beseriquina ijire

¹⁻² Yūhū acaye Israe masare wacūgū, tutuaro bujua witiāja yūhū. Cristore cahmedare tiquina. Sa yegu ñano bujua witi jeripohna tiāja yūhū. Ti yūhū sa ni yahuye ijirota ijire. Yūhū Cristo yaqirota ijiaja. Sa yegu masare potota niāja. Sa yegu Espiritu Santo yūhū mehna tiqiro ijigū yojopure yūhū acayerē yūhū ni yahuye ti potota ijigū quehnoano masiaja yūhū. Tiquiro tire yūhure quehnoano masigū yere. ³ Israe

masa yuhū acaye ya maca cĵēna pecarū wa-haeta. Cohācĵūre tiqūinare yuhduo dutiga ohō saha niboā yuhū pehe: “Tiqūina ye buhirire yuhū pehe pecarū wahaatja. Sa yero tiqūina ye buhirire yuhū pehere buhiri dahrehro Cristo”, niboā yuhū. ⁴ Tiqūina yuhū acaye Israe mnanano panamena iji turi-ayequina ijire. Sa yero Cohācĵū pohne ijia-tiqūinare cūahye Cohācĵū tiqūinare. Sa yero Cohācĵū tiqūiro asi siteye mehna tiqūina watoa ijie tiahye. Sa yero tiqūina ijipihitiye-quinare tiqūiro masare tiqūiro yuhduoatire yahue tiahye tiqūinare. Sa yero Moiserē tiqūiro dutirire duita cū mūhtahye Israe masare. Sa ye Cohācĵūre ño peoati wūhure ye mūhtae tiahye tiqūina. Sa yero tiqūinare tiqūiro quehnoano yeatire yahue tiahye tiqūiro quehnoano yeatire yahue tiahye tiqūinare. ⁵ Ūsā ye cururi waro doce cururi waro ijire. Sa yena usā ñecusumua iji mūhtariquina mnanarū tiqūina panamena iji turianarū ijiaja usā Israe masa. Sa yero mari yero saha pagū tiriquiro ahtarō, usā acayuro Israe masuro waro ijire Cristo. Tiqūiro Cohācĵūta ijire. Sa yero tiqūiro ijipihitiyequina puhtoro ijire. Ijipihitiye decori tiqūirore quehnoano ño peouhna mari. Sa ño peoducuuhna.

⁶ Apequina Israe mnanano panamena iji turiayequina ijiepetā Cohācĵū yequina waro ijierare. Sa yena tiqūina tiqūiro yequina ijieragū ihñana ohō saha ni tuhotuboa mūsa: “Israe masare yequina ijigū yeitja’, nieperota ihquēquinare Cohācĵū tiqūiro nidiro sahata yerare”, ni tuhotuboa mūsa. Sa ni tuhotueracāhña. ⁷ Ohō saha ijire: Apequina Israe masa Abrahā panamena iji turiayequina tiqūina ijiepegūta “Abrahā panamena iji turiayequina waro ijire”, ni ihñedare Cohācĵū tiqūinare. Sa yero ohō saha niahye Cohācĵū: “Mūhū macū Isaac panamena iji turiayequina tiqūina pūrita potota mūhū panamena iji turi-ayequina waro ijietā”, niahye Cohācĵū Abrahāre. ⁸ Tiqūiro sa ni yahugū ahrire masinata mari: Abrahā panamena tiqūina masa bajuari bato duita Cohācĵū pohne waharĵedaga tiqūina. Cohācĵū tiqūiro ni cūrire quehnoano tuhojequina tiqūirore wacū tutuayequina pehe tiqūinata ijiaja Cohācĵū pohne. Sa ye tiqūinata ijire Abrahā panamena iji turiayequina waro. ⁹ Ohō saha niahye Cohācĵū Abrahāre: “Ape cahma ahri pje borota yuhū majare toja tagū mūhū namono Sara nijinogāre cūorota mūhū macure”, niahye Cohācĵū Abrahāre. Sa nino Cohācĵū Abrahā macano tiqūiro masa bajuatire yahuyuro niahye.

¹⁰ Came Isaac namono Rebeca wame tiri-coro duita pūaro pohna tiahye. Tiqūina pacuro Isaac usā ñecu mnanano iji turi-ariquiro ijiahye. ¹¹⁻¹² Sa ye tiqūina pohne tiqūina masa bajuato pano quehnoañene,

ñañe gūhure tiqūina yeato pano Cohācĵū tiqūina pacoro ijaticorore ohō saha nie tiahye: “Tiqūiro bahuro pehe tiqūiro wah-minore dutirota. Sa yero tiqūiro puhtoro ijirota”, nie tiahye ticorore. Cohācĵū tiqūiro cahmeno sahata besere tiqūiro. Sa beseriquiro ijiro ihcāquirogāre besero ticorore sata ni yahue tiahye. Sa yero masa tiqūina yeyere ihñedaperota tiqūiro cahmeno sa-hata tiqūiro yequina ijiatiqūinare besere. ¹³ Sata ni ojoahye tiqūiro yere tiqūina ojoari pūru: “Jacob pehere cahñe tii. Sa yegu Esau pehere cahñeda tii’, niahye Cohācĵū”, ni ojoahye panopu.

¹⁴ ŪTire wacūna dūhse ni tuhotuboari mari? ŪTiqūina yeyere ihñedaperota ihcāquirore sa besero Cohācĵū queoro yeraboari, mūsa tuhotugū? Ijierare. ¹⁵ Ohō saha nie tiahye Cohācĵū Moiserē: “Yuhū cahmediquiro dihitarē paja ihñautja”, niahye tiqūiro Moiserē. Sa yero ihcāquirore sa besero potota yero niahye Cohācĵū. ¹⁶ Sa yena mari esa tuharo mari cahmeno saha Cohācĵūre marine paja ihñagū yeraja mari. Sa yero ne mari quehnoañene mari yeri wapa gūhure marine paja ihñedare tiqūiro. Tiqūiro esa tuharo tiqūiro cahmeñequina pehere paja ihñare. ¹⁷ Sa yero sata tiqūiro esa tuharo yeahye Egipto cĵēna puhtoro gūhure. Ohō saha niahye Cohācĵū tiqūirore faraōre: “Egipto cĵēna puhto ijiajūre cūgu nii mūhure yuhū tutuayere ijipihitiyequinare yuhū ihñoatire. Sa yegu ijipihitiye yehpari cĵēna yuhure tiqūina masiatire puhto sōu nii yuhū mūhure”, niahye Cohācĵū tiqūirore. Ohō sahata nine Cohācĵū yere tiqūina ojoari pūru. ¹⁸ Sa yero tiqūiro cahmeñequinare tiqūiro esa tuharo paja ihñare tiqūiro. Sa yero tiqūiro esa tuharo apequinare yuhū tieragū yere tiqūiro. Sa yero Cohācĵū tiqūiro cahmediro sahata yere.

¹⁹ Tiqūiro sa yeriquiro ijigū ihñana yuhū pehere ohō saha niboaga mūsa: “Cohācĵū marine tiqūiro cahmediro sahata tiqūiro yegū mari pehe tiqūirore yuhduoaca masi-si. ŪMari sa yuhduoaca masiedapegūta dūhse ijiro boro marine buhiri dahre dua-jari tiqūiro?” ni pihopūri sinituboaga masa yuhure. ²⁰ Ohō saha ni yuhūtiaja mūsa-re: “ŪMasa ihyo ijina ijiepenata Cohācĵūre tuh-tiajari mūsa? Dihī sutu dahreriquirore ŪDūhsegu yuhure ohō saha ijiri sutu yeri mūhū?” ti sutu ni sinituboriro saha nina niaga mūsa Cohācĵūre. Sa ni masiedare mūsa. ²¹ Dihī sutu dahreriquiro dihī mehna tiqūiro cahmeno sahata yere. Sa yero quehnoañene pose yeati suture ye masine tiqūiro. Tia dihī yuhū mehnata ihyo ijiyere pose yeati sutu gūhure ye masine tiqūiro. Tiqūiro yero saha Cohācĵū gūhū tiqūiro ye duaro sahata yere.

²² Sa yero Cohācjū pecapū tiquiro cohātiquinare tiquina ñañe yerire tiquiro ihña usuaro tiquinare buhiri dahre duamahye. Sa buhiri dahre dueperota, yoari pje tiquina ñañe yeyere sa ihña cāñahye, ijipihtiequinare tiquiro buhiri dahreatire, tiquiro tutuayere ihñono taro. ²³ Sata yeahye Cohācjū tiquiro quehnoa butiariquiro tiquiro ijiyere, tiquiro tutuaye gāhure mari masiatire. Panopū marine tiquiro paja ihñanohanajare tiquiro be-seahye, ijipihtie tiquiro tutuayere tiquiro quehnoañene mari cūoatire. ²⁴ Sa yena mari pehe tiquiro beserina ijinata niaja. Sa ye tiquiro beseriquina pehe ihquēquina judio masa dihita ijierare. Ihquēquina judio masa ijieyequina gāhū ijire tiquiro beseriquina. ²⁵ Sata nine judio masa ijieyequinare Cohācjū yere Osea mñano tiquiro ojariro sahata:

Yeequina ijieyequina gāhure camerū tiquinare “Yeequina ijire”, niitja. Sa yegu yūhū cahñeñequina gāhure camerū tiquinare “Yūhū cahñina ijire masa”, niitja, niahye Cohācjū. ²⁶ “Yeequina ijierare masa”, Cohācjū tiquiro nimeđi yehpari cjēna tiquina Cohācjū catiriquiro pohmeta ijietā, ni ojoahye Osea panopūre.

²⁷ Sa yero panopū cjāno Isaia mñano Israe masare ohō saha ni yahuahye: “Pajiri ma cjē padū pjerigāre mari queona cūedaja. Israe masa ti padū pjerigā yero saha ijieyequina peyequina ijiepegūta meheñequinagā Cohācjū yūhdworota tiquinare. ²⁸ Cohācjū ahri yehpa cjēnare peyequina masare so-jaro mehna potota buhiri dahre madoque-orota”, niahye Isaia. ²⁹ Sa yero pari turita ohō saha ni ojoahye Isaia:

Mari pūhtoro ijipihtieyequina pūhtoro meheñequinagā mari mehna cjēnare yūhdwoeraro, marine judio masare ijipihtinare butigū yeboya tiquiro. Sodoma cjēnare, Gomorra cjēna gāhure tiquiro butigū yeriro sahata mari gāhure butigū yeboya tiquiro, ni ojoahye Isaia yūhū acaye Israe masare tiquiro yeato panopū.

Judio masa quehnoañe buheyere cahmedahye

³⁰ Sa tjire. Sa yena ahrire masi nemoña masa: Judio masa ijieyequina Cohācjūre macaedapeta tiquirore bo-care. Jesucristore tiquina wacū tutuagū, “Quehnoañequina ijire”, ni ihñari tiquinare Cohācjū. ³¹ “Cohācjū dutiyere mari yegū tiquiro marine yūhdworota”, niñe judio masa pehe Cohācjū Moiserere tiquiro dutiyere yepeta, cūedari. Sa yero ti dutiyere tiquina yepegūta Cohācjū “Quehnoañequina ijire”, ni ihñedari. Sa ye quehnoañequina

iji duepeta cūedari. ³² Ohō saha ye, tiquina cūedari: Tiquina Cohācjūre wacū tutuaro marieno tiquina esa tuharo Moiserere tiquiro dutirire ye duamedi, tiquiro yequina iji duaye. Mari queoye mehna buhegū Cristo utā yero saha ijiriquiro ijire. Omaperiquiro utāpū doque wahā sa bora quehero, tiquiro esaborirore ne eserare. (Tiquiro yero saha tiquina Cristore utā yero saha ijiriquirore cahmeeñequina Cohācjū cahapū ne esasi.) ³³ Sata ni ojoahye Cohācjū yere tiquina ojoari pūpū:

Jerusalē wame tiri macapū utā yero saha ijiriquirore cūgū niaja. Mari queoye mehna buhegū ohō saha ijire: Omaperiquiro utāpū doque wahā sa bora quehero tiquiro esaborirore eserare. (Tiquiro yero saha ti maca cjēna utā yero saha ijiriquirore tiquina cahmedari buhiri Cohācjū cahapū ne esasi. Tiquiro pehe tiquinare topūre waha dutisi.) Sa ye tiquirore wacū tutuayequina pehe quehnoano bucueeta, ni ojoahye.

10

¹ Yūhū acaye, Israe masare pecapū waha-boriquinare Cohācjū tiquiro yūhdwoatire, tutuaro yūhū jeripohna mehna cahmesāja yūhū. Sa yegu Cohācjū tiquinare tiquiro yūhdwoatire sini basaja yūhū.

² Potota tiquina Cohācjū cahmeñene ye duamene. Sa ye duepeta tiquiro cahmeñene masiedare. ³ Sa ye tiquinare Cohācjū tiquiro quehnoañequina wahagū yeborire tiquina masiedare. Sa masiedaye tiquina esa tuharo quehnoañene yepeta, cūedari. Tiquina sa yegū Cohācjū tiquiro wacū tutua dutiriro sahata tiquina yeragū ihñano, tiquiro pehe tiquinare “Quehnoañequina ijire”, ni ihñedari. ⁴ Ijipihtieyequinare Cristore wacū tutuayequinare “Quehnoañequina ijire”, ni ihñare Cohācjū. Sa yena dutiye yeye mehna yūhdū witieraja mari. Cristo mehna yūhdūaja.

⁵ Moise mñano panopū cjāno ohō saha ni ojoahye: “Cohācjū dutirire mari duhuro marieno ye pehogū Cohācjū yūhdworota marine”, ni ojoahye tiquiro. ⁶⁻⁷ Tiquiro sa ni ojoapegūta yojopūre masa Cristore tiquina wacū tutuagū Cohācjū tiquinare “Quehnoañequina ijire”, ni ihñare. Ti buheye quehnoañequina wahagū yeri buheye ohō saha ni yahure: Cristo tiquiro basi ahri yehpapū wihi tuhasari jiri. Sa yero masa mūja tuhasari jiri. Sa yena ohō saha ni tuhotueracāhña masa: “¿Diquiro pehe ahmūsepe Cristore ne cāhta basaro wahaboagari marine tiquiro yūhdwoato saha? ¿Diquiro pehe yariariquina cahapū Cristore maso basaro ne cāhtaboagari?

Tiquirote ne cāhtaboriquiro mariedare”, ni tūhotueracāhña masa. ⁸ Sa yero ohō saha ni yahure Cohācjū yere tiquina ojoari pūpu: “Cohācjū ye buheyere mari macagū ti buheye ohōpu ijire. Ti buheyere masi tuhasare masa. Sa yena ti buheyereta yahuducue tire masa”, ni ojoahye. Ti buheyere Cristore wacū tutuaye buheyere masare yahuaja usā. ⁹ Ti buheye ohō saha ni yahure: “Jesu mari pūhtoro ijire”, ni mari yahugū, “Cohācjū Jesure yariariquirore potota masori”, ni mari tūhotugū, Cohācjū marine pecapu wahaborinare yūhdūorota. ¹⁰ Jesure mari wacū tutuagū Cohācjū pehe marine “Quehnoana ijire”, ni ihñanota. Sa yero Jesure mari wacū tutuayere apequinare mari yahugū tiquiro marine pecapu wahaborinare yūhdūorota.

¹¹ Ohō saha nine Cohācjū yere tiquina ojoari pūpu: “Cohācjūre wacū tutuayequina tiquirore tiquina wacū tutuarire ne bujña wītisi”, niahye Cohācjū yere tiquina ojoari pūpu. ¹² Judio masare, judio masa ijieyequina gūhure Cohācjū ihcāno saha yedohore. Mari pūhtoro ijipihtieyequinare tiquirore siniñequinare quehnoano pajiro ohorota tiquiro. ¹³ Ohō saha ni ojoahye panopure: “Yūhu ñañene cohāña. Sa yegu yūhure yūhdūoya”, ni mari pūhtorore masa tiquina sinigū tiquinare pecapu wahaboriquinare mari pūhtoro yūhdūorota”, ni ojoahye Cohācjū yere. ¹⁴ Sa ye masa Cristore wacū tutueraye tiquirore sini masiedare tiquina. Sa ye tiquiro buheyere tūhoeraye, tiquirore wacū tutua masiedare. Sa ye tiquiro buheyere yahuriquiro mariedagū tire tiquina ne masisi. ¹⁵ Sa ye tiquiro ye buheyere yahuatiquinare Cohācjū pehe tiquiro ohoeragū tiquiro ye buheyere yahu masiedare. Tire ojoahye Cohācjū yere tiquina ojoari pūpu: “Quehnoañe buheyere yahuatiquina tiquina ahtagū ihñana quehnoano bucueaja mari”, ni ojoahye panopure.

¹⁶ Ti sa ijiepegūta masa peyequina quehnoañe buheyere tūho duerare. Sata ni ojoahye Isaia mūnāno: “Pūhto, tiquinare mari yahurire tiquina ne tūho duerari”, ni yahuahye Isaia Cohācjūre. ¹⁷ Sa ye masa quehnoañe buheyere tūhoye Cristore wacū tutuari. Sa ye Cristo yequina tiquiro yere tiquina yahugū, tiquiro ye buheyere tūhore masa.

¹⁸ Sa yegu ahrire sinitu duaja masare: ¿Israe masa Cohācjū yere tūhoera tiari, masa tūhotugū? Poto waro tiquina tūhomedī. Sata nine Cohācjū yere tiquina ojoari pū gūhu:

Cohācjū yere yahueyequina ijipihtiropu yahu siteye wahari. Sa ye ijipihtiro

cjēnapu tiquiro yere tūhori, ni ojoahye panopu.

¹⁹ Pari turi masare sinitu duaja tja: ¿Israe masa tūhoepeta quehnoano masiedari tiquina, masa tūhotugū? Masie timahye. Ahrire yahu nemogu Moise nidire yahu mūhtautja. Ohō saha ni ojoahye tiquiro:

Ohō saha ni yahure Cohācjū Israe masare: “Tūho masieñequina, ñañequina, ihyo ijieyequina ijire”, ni masa ihñañequinare yeequina ijiatiquina yeitja. Yūhu sa yegū masa pehe tiquinare ihña coonata. Sa yegu masare usuagū yeitja yūhu, ni yahuri Cohācjū Israe masa ijieyequinare tiquiro yequina ijigū yero taro, ni ojoahye Moise.

²⁰ Ape pūpūre Isaia cuero marieno ohō saha niahye:

Ohō saha nine Cohācjū: Yūhure macaedariquina pehe yūhure bocari. Sa yegu yūhure cahmeeñequinare tiquinare yūhure masigū yei yūhu, nidi Cohācjū, ni ojoahye Isaia judio masa ijieyequinare.

²¹ Israe masa pehere ohō saha ni ojoahye Isaia: “Ohō saha nine Cohācjū: Tiquina yūhure yūhdūucayequina, yūhure cahmeeñequina ijire. Sa yegu tiquinare tiquina ñañene bujña witi dutigu ‘Yeequina ijija’, sa niducumi tiquinare”, nidi Cohācjū, ni ojoahye Isaia.

11

Meheñequinagū Israe masare pecapu wahaboriquinare yūhdūorota Cohācjū

¹ ¿Sa yero Israe masare Cohācjū tiquiro beseriquinare yojopure cohāyari tiquiro, masa tūhotugū? Ijerare. Tiquinare cohāedari tiquiro. Yūhu gūhu Israe masu, Abrahā panami iji turiagupu ijiaja. Sa yegu Benjami ya curua cjū ijiaja yūhu. ² Panopu Israe masare Cohācjū beseetiahye. Tiquiro sa beseriquinare cohāedari. Cohācjū yere tiquina ojoari pūpu Elia mūnāno tiquiro yerire yahure. ¿Ti pūpu Israe masare Elia Cohācjūre tiquiro yahusārire masiedari masa? Ohō saha ni yahusāhye tiquiro:

³ “Pūhto Cohācjū, tiquina Israe masa mūhu yere yahu mūhtariquinare wejēdi. Sa ye tiquina mūhure wacū usā ño peoye altarire cohāri. Sa yegu yūhu dihita mūhu yaquiro dūhsaja yojopure. Yūhu sa ijigū tūhoye yūhu gūhure wejē duare tja, yojopure”, niahye Elia Cohācjūre. ⁴ Tiquiro sa nigū tūhoro Cohācjū pehe ohō saha ni yūhtiahye Eliare: “Siete mil mūma yeequina ijire yojopure. Tiquinare ihbou yūhu. Baal wame tiriquiro queoyere ne ño peoera tiri tiquina, yeequina”, niahye Cohācjū Eliare panopure cue dutieraro. ⁵ Ti pjere Elia tiquiro ijiri

pjere tiqiro yequina masare beseriro sahata vojopu gũhure meheñequinagã Israe masare tiqiro yequina ijiatiquinare beseri jiri Cohãcjũ. Cohãcjũ tiquinare paja ihñano beseri jiri. ⁶ Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene masa yeri wapa musare beseitja”, nino, tiqiro tiquinare potota paja ihñano niedaboya.

⁷ Sa ye ohõ saha ijire. Israe masa Cohãcjũ tiquinare “Quehnoañequina ijire”, tiqiro ni ihñagũ cahmepeta tiquina ihcãno sahaerari. Cohãcjũ tiqiro basi tiqiro beseriquina pehe quehnoañequina tiqiro yequina wahari jiri. Apequina pehe tiqirore ihcãno sahaeraye, tiquina pehe tiqiro yere tũho duerari. ⁸ Sata niahye Cohãcjũ yere tiquina ojoari pũpu: “Cohãcjũ tiqirore cahmeeñequinare tiqiro yere tũhoeyequina ijigũ yeri. Sa yero potota ijiyere tiquina tũhoepegũta tiquinare quehnoano tũhogũ yerari Cohãcjũ. Sata ijiducure tiquina vojopu gũhure”, ni ojoahye panopũre. ⁹ Sa yero ohõ saha niahye Davi panopu cãno Cohãcjũre:

Tiquina Israe masa tiquina bose decori tiquina bucueye decori yeve, ñano yere tiquina. Tiquina sa yegũ ihñagu buhiri dahreya mũhu. ¹⁰ Tiquinare quehnoano tũhoeeragũ yeya mũhu. Sa ye sa buhiri tiducuyequina ijahro tiquina. Sa ye sa buña witiducuetã, niahye Davi Cohãcjũre.

Judio masa ijieyequinare pecapu wahaboriquinare yũhdũorota Cohãcjũ

¹¹ ¿Judio masare Cristore tiquina cahmedagũ ihñano Cohãcjũ tiquinare cohãno, cohã bo cãno niboari, masa tũhotugũ? Cohã bosĩ tiquinare. Sa cohãedaperota tiquina Cristore tiquina cahmedagũ vojopure judio masa ijieyequina pehere Cohãcjũ yũhdũorota. Vojopure tiquinare tiqiro yequina wahagũ yeri Cohãcjũ. Tiquiro sa yegũ ihñañe ihquẽquina judio masa pehe tiquinare ihña cooboa. ¹² Judio masa tiquina yũhdũucagũ tiquina quehnoano yeragũ apequina pehere ahri yehpa cjenare ihquẽquinare Cohãcjũ yũhdũori. Tiquiro sa yũhdũogũ tiquina pehere quehnoano wahari. Tiquiro sa yeriro yũhdũoro, came judio masa pehe Cristore tiquina quehnoano wacũ tutua ducagũ pũritare ahri yehpa cjenare quehnoa yũhdũaro waharota.

¹³ Vojopure musare judio masa ijienare yahugu tũu niaja. Cristo cũri yũhure judio masa ijieyequinare buheacjũre. Sa buhegu ihyo waro yei niedaja. ¹⁴ Sa niaja yũhu acayerẽ judio masare musare tiquina ihña coogũ ye duagu. Cohãcjũ yũhdũorina masa ijigũ ihñañe tiquina gũhu Cristore

cahme, tiqiro yũhdũoriquina wahaboa. ¹⁵ Judio masare mehenogã cohãbo curero, judio masa ijieyequina pehere quehnoañe buheyere Cohãcjũ yahu dutiri. Ti buheyere tiquina tũhori bato Jesure tiquina wacũ tutuari bato ihquẽquina ahri yehpa cjenã Cohãcjũ yequina wahari. Sa ye judio masare mehenogã tiqiro cohãbo curegũ quehnoano wahari ahri yehpa cjenare. Tiquiro sa yeriro yũhdũoro judio masare tiqiro yequina ijiatiquina tiqiro yegũ pũrita quehnoa yũhdũaro waharota ahri yehpa cjenare. Tiquiro yequina tiquina wahagũ peyequina masa Jesure wacũ tutuayequinare pecapu wahaboriquinare yũhdũorota. ¹⁶ Ohõ saha ijire: Mehenogã trigo yũhu Cohãcjũre ño peo tiquina duhu peori yũhu quehnoari yũhu Cohãcjũ tiqiro yegũ, dũhsari yũhu gũhu quehnoari yũbũta ijire. Sa yero yucũgu mũhcori quehnoagũ, tũ dũpũri gũhu quehnoañe dũpũri ijire. (Ohõ saha mari ni queoye mehna buhegu Abrahã usã ñescu mũnãno quehnoariqiro tiqiro ijiriro sahata tiqiro panamena iji turiayequinapu gũhu quehnoañequina ijietã Cristore wacũ tutuayequina ijieye.)

¹⁷ Ihquẽquina sa ijiatiquina tiquina ijiepegũta apequina tiquina acaye pehere judio masare Cohãcjũ meheno cohãbo cureri. Olivo wame tidũ dũpũrire ihquẽ dũpũrire tiqiro date cohãboriro saha apequina judio masa pehere Cohãcjũ meheno cohãbo cureri. Sa yucũgu dũpũrire cohãno tiqiro cohãri dũpũri ijirorpu apeye dũpũrire mũscũ cjenũ olivogu dũpũrire comesa doho ohõri. Sata Cohãcjũ musare judio masa ijienare Abrahã panamena iji turianare comesari musare, masa gũhure yũhdũoro taro. ¹⁸ Musare tiqiro sa cũgũ “Judio masa yũhdũoro quehnoana ijiaja usã”, ni tũhotueracãhña. Ahrire yũhu yahuatire wacũña masa: Judio masa pehere bese mũhtahye Cohãcjũ. Sa besero tiquina acayuro ijiatiquirore cũahye Cristore, marine yũhdũoro taro. Sa yena “Judio masa yũhdũoro quehnoana ijiaja”, ni tũhotueracãhña masa.

¹⁹ Mũsa judio masa ijiena pehe ohõ saha niboa: “Ihquẽ ñañe dũpũrire tiqiro cohãboriro saha Cohãcjũ judio masare cohãbo cureri ihquẽquinare. Sa cohãbo cureri tiqiro apeye dũpũrire comesa tiqiro doho ohõno saha tiqiro yequina marine cũno taro”, niboã masa judio masare yũhdũuca duana. ²⁰ Ti mũsa niñe ijirota ijire. Sa ijiepegũta tiquina Jesure tiquina wacũ tutuerari buhiri Cohãcjũ cohãbo cureri tiquinare. Sa yero mũsa gũhure Jesure masa wacũ tutueragũ tiqiro yequina ijianaja musare cũedaboaya. Sa yena “Judio masa yũhdũoro quehnoana ijiaja usã”, niedacãhña masa. Sa niedana

Cohăcjure quehnoano ño peoya. ²¹ Ʋhmă tãñe đurpři yero saha judio masa pehe Cohăcjură yequina iji măhtahye. Tiquiro comesari đurpřire tiquiro doho ohôboriro saha camepă Cohăcjură tiquiro yequina masa pehere cŭahye. Sa yero tiquiro yequina iji măhtariquina judio masa tiquirore tiquina wacŭ tutueragă, tiquinare cohăbo cureri. Tiquinare tiquiro cohăriro saha masa găhure cohănota, tiquirore masa wacŭ tutueragă. Sa yena Cohăcjure quehnoano ño peoya masa. ²² Cohăcjură măsare quehnoano yeriquiro tiquiro ijigŭ masiña masa. Sa yena cua pesaró mehna buhiri dahreriquiro tiquiro ijigŭ găhure masiña masa. Tiquirore ño peoyequinare tiquiro buhiri dahrerota. Sa masa tiquirore ño peoducagŭ pŭrita măsare quehnoano yerota tiquiro. Ño peoerana ñañe đurpřire tiquiro cohăboriro saha masa găhure cohănota Cohăcjură. ²³ Sa yero judio masa tiquiro cohăbo cureriquina Cristore tiquina wacŭ tua đucagă, yucagă đurpřire masa tiquina doho ohôno saha Cohăcjură tiquiro yequina ijigŭ yerota tiquinare. Cohăcjură tiquiro sa yeati tutuayero cŭori. Sa yero tiquiro tiquinare ihquëquinare tiquiro yequina wahagŭ yerota. ²⁴ Masa judio masa ijiena ijina, năcŭ cjană olivogă đurpři yero saha ijire masa. Sa ijina masa ijiepegă olivogă otedăpă năcŭ cje đurpřire masa tiquina ohôno saha Cohăcjură măsare tiquiro yequina ijigŭ yerota. Judio masa Cohăcjură tiquiro bese măhtariquina ijire. Sa yero tiquiro bese măhtarina masa ijierapegăta tiquiro yequina măsare ijigŭ yeri tiquiro. Judio măsare tiquiro bese măhtariquina pehere tiquiro yequina ijigŭ ye duare. Tire tiquiro yegŭ măsare yero yăhdworo mijoeda cjŭre.

Came judio măsare pecapă wahaboriquinare yăhdworo Cohăcjură

²⁵ Yăhă acaye, ahrire masa tiquina masiedarire măsare yahutja. “Yojopăre usă dihitaro besere Cohăcjură. Ʋsă pehe masi peho cjană”, masa ni tăhotuerato saha ahrire yahutja. Ohô saha ijire: Yojopăre peyequina judio masa Cohăcjure tuho duasi. Sa ye peyequina judio masa ijieyequinare Cohăcjură tiquiro queoriro puno tiquiro yequina tiquiro yeri bato judio masa pehe tiquirore cahmeeta. ²⁶ Tiquina sa cahmegă ijipihyequina tiquirore cahmeñequinare judio masa pecapă wahaboriquinare Cohăcjură yăhdworo. Cohăcjură yere tiquina ojoari pŭpă sata ni ojahye:

Jerusalê wame tiri macapă judio masa ya macapă tiquinare yăhdwoatiquiro ahtarota. Sa yero Jacob panamena iji turiayequinare tiquina ñañe yerire tiquiro cohănota. ²⁷ Sa yegŭ tiquinare

yăhdwogă panopă tiquinare yăhă ni cŭiro sahata yei niaja, nidi Cohăcjură, ni ojahye Cohăcjură yere tiquina ojoari pŭpă.

²⁸ Yojopăre tiquina judio masa Cristo yere ño peoyequina Cohăcjure ihña tuhtire. Tiquina sa yegŭ yojopăre masa pehe judio masa ijiena Cristore wacŭ tutua đucari. Judio masa pehere Cohăcjură bese măhtahye. Sa yero judio masa ñecusăma măna panopă cjană tiquiro beseriquina tiquina ijigŭ yojopă ijieyequina judio masa găhure tiquiro cahñe. ²⁹ Cohăcjură tiquiro ni cŭiro sahata măsare tiquiro beseriro sahata potota yerota tiquiro. Tiquiro nidire bosı tiquiro. ³⁰ Panopăre masa găhă Cohăcjure yăhdwădăcari jiri. Yojopăre judio masa Cohăcjure tiquina yăhdwădăcagŭ ihñano tiquiro masa pehere paja ihñano yăhdwori. ³¹ Yojopăre judio masa tiquirore yăhdwădăcari. Tiquina sa yepegăta Cohăcjură măsare tiquiro paja ihñariro sahata tiquina găhure camepăre paja ihñanota. ³² Ohô saha ijire: Ijipihyequina măsare “Buhiri tiyequina ijire”, nine Cohăcjură. Sa yero ijipihyequina buhiri tiyequina tiquina ijigŭ ihñano ijipihyequinare paja ihña masine tiquiro.

³³ Yohou. Cohăcjură tutua yăhdwariquiro ijiajari. Quehnoano masi pehoriquiro ijire tiquiro. Sa yero tiquiro tăhotuyere, tiquiro yerire marine quehnoano masino basioerare. ³⁴ Ohô saha ni ojahye Cohăcjură yere: “Cohăcjură mari păhtoro tiquiro tăhotuyere ne masa quehnoano masiedare. Sa ye masa tiquirore ‘Ohô saha yeya’, ni masiedare. ³⁵ Sa ye masa Cohăcjure apee borore tiquina ohori bato ‘Tiquiro marine wapamore’, ni masiedare masa”, ni ojahye panopăre. ³⁶ Cohăcjură ijipihyere yeahye. Sa yero tiquiro tutuaye mehna ijipihyere ijigŭ yere tiquiro. Sa ye ijipihyere tiquiro ye ijire. Tiquiro sa ijiriquiro ijigŭ ijipihye decori tiquirore ño peohna mari. Sata yeducuuhna.

12

Cohăcjură cahmeñene marine yeducu duti-ahye Babo

¹ Cohăcjură marine tutuaro paja ihñari. Tiquiro sa paja ihñariquiro ijigŭ ihñana yăhă acaye, masa basita Cohăcjură yere yeducuya. Sa yena quehnoañe pehere comesarina, ñañe mariena ijiaja. Masa sa ijigŭ tiquiro bucuerota. Sata yero cahmene marine Cohăcjure ño peona. Sa yegŭ măsare tire tutuaro ye dutiaja. ² Ahri yehpa cjană ñañequina tiquina yero saha ye nemoedacăhña masa. Sa yena masa tăhotuyepăre quehnoañe pehere comesaya masa. Sa yena quehnoañe pehere comesarina ijinata masa. Sa comesana Cohăcjură

m̄sare tiq̄iuro ye dutirire masinata m̄sa. Sa yena quehnoañene, Cohãc̄jũ cahmeñene, ñañe marieñene masinata m̄sa.

³ Cohãc̄jũ yuh̄ure paja ih̄ñano m̄sare buhe dutiro beseri yuh̄ure. Sa yegũ ijipih̄tinare m̄sare ah̄rire ni dutieraja yuh̄u. “Quehnoa yuh̄duana iji yuh̄ducaja usã”, ni tuh̄otueracãh̄ña. Sa tuh̄otu cãh̄ña. Jesure m̄sa wacũ tutuari bato Cohãc̄jũ m̄sare tiq̄iuro yedohoro punota “To punota ye masiaja usã”, ni tuh̄otuya. ⁴ Ohõ saha ni yahu nemoutja yuh̄u: Mari omocari, mari dahpocãri, mari caperi, ijipih̄tũro mari pagupũ ijije peye ijire. Mari pagupũ ijije ihcã pagupũ ijiepetã sijoro saha ijije dahraye dihitare cuore. ⁵ Mari queoye mehna buhegũ ah̄ri yero saha ijire. Cristo pagũ yero saha ijina ihcã curuata ijiaja mari. Sa yena mari ijipih̄tina p̄yequina ijiepenata ihcã curuap̄uta ijiaja mari.

⁶ Cohãc̄jũ marine tiq̄iuro yedohoro punota tiq̄iuro tutuaye mehna ye dutire. Sa yero maripe sijoro saha ijije dahrayere cũre tiq̄iuro. Tiq̄iuro sa yegũ marine tiq̄iuro cũr̄ire mari quehnoano yeihna. Sa ye Jesu yequina ohõ saha yeahro. Ihquẽquinare Cohãc̄jũ tiq̄iuro yere yahuatiquinare cũre. Sa ye tiquina Cristore tiquina masino puno tiq̄iuro yere quehnoano yahuahro. ⁷ Ihquẽquinare Cohãc̄jũ masare yedohoatiquinare cũre. Sa ye tiquina masare quehnoano mehna yedohoahro. Ihquẽquinare Cohãc̄jũ masare buheatiquinare cũre. Sa ye tiquina masare quehnoano bueahro. ⁸ Masare bucuegũ yeatiquina ijije, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejec̄uoyequinare yedohoyequina bucueye mehna yedohoahro.

Jesu yequina ijina ohõ saha yena ijija

⁹ Apequinare cah̄ña, potota cah̄ña tiquinare. Sa yena ñañene ih̄ña yabina ijija m̄sa. Sa yena quehnoañene pehere cahmeña. ¹⁰ M̄sa bahanare m̄sa cah̄ño sahata Jesu yequinare m̄sa mehna c̄j̄enare cah̄ña. Sa yena m̄sa mehna c̄j̄enare quehnoano cahme ño peoya.

¹¹ Cohãc̄jũ cahmeñene yena, ne capercãh̄ña. Sa yena mari puhtoro tiq̄iuro dutiriro sahata quehnoano bucueye mehna yeya.

¹² Cohãc̄jũ m̄sare pecapũ wahaborinare tiq̄iuro yuh̄duorinapũ ijire m̄sa. Tire masina bucueya m̄sa. Sa yena ñano yuh̄dana, ihcãno sahaya “Cristo yere duhuari”, nina. Sa yena Cohãc̄jũre sa siniducuya.

¹³ Apee boro Jesu yequinare dahsagũ ohoya tiquinare. Sa yena m̄sa ye wuh̄usepũ masa tiquina esagũ quehnoano jeripohna ti, tiquinare piti caya.

¹⁴ M̄sare ñano yeyequina pehere quehnoa dutiya. Sa quehnoa dutina, tiquinare “Ñano yuh̄duc̄nahdo”, niedacãh̄ña.

¹⁵ Apequina bucueyequina mehna ijina m̄sa gũh̄u bucueya. Sa yena utiyequinare ih̄ñana, uti dohoya.

¹⁶ M̄sa mehna c̄j̄ena mehna quehnoano ijija m̄sa. Sa yena “Apequina yuh̄duoro quehnoana ijiaja”, ni tuh̄otueracãh̄ña. Ohõ saha ni tuh̄otuya. “Ih̄yo ijina ijiaja”, ni tuh̄otu, ih̄yo ijiequina mehna ijija. Sa yena “Masi yuh̄duc̄cana ijiaja usã”, ni tuh̄otueracãh̄ña.

¹⁷ Apequina m̄sare tiquina ñano yepegũta, tiquinare ñano ye cahmedacãh̄ña. Sa yena quehnoañene yeya, quehnoana m̄sa ijije tiyere ijipih̄tiyequina masa tiquina masiatire. ¹⁸ Tutuaro mehna quehnoañene yeya m̄sa, ijipih̄tiyequina mehna m̄sa quehnoano ijiatire. ¹⁹ M̄sa yuh̄u cah̄ña, yuh̄u acaye apequina m̄sare tiquina ñano yepegũta tiquina yero saha ñano ye cahmedacãh̄ña. Cohãc̄jũ pehe m̄sare tiquina ñano yeri buhiri buhiri dahreahro tiquinare. Cohãc̄jũ yere tiquina ojoari pũpũ sata ni ojoahye: “Yuh̄u pehe masa tiquina ñano yeri buhiri buhiri dahreac̄jũ ijiaja. Sa yegũ potota buhiri dahreitja’, nine mari puhtoro”, ni ojoahye panopure. ²⁰ Sa yena ohõ saha yeya m̄sa: “M̄sare ih̄ña tuhtiriquiro tiq̄iuro w̄j̄ua ahabagũ ih̄ñana nuña tiquirore. Tiq̄iuro aco w̄ogũ ih̄ñana tiquirore sihõña. M̄sa sa yegũ ih̄ñano tiq̄iuro b̄ue tirota”, nine mari puhtoro. ²¹ Sa yena apequina m̄sare tiquina ñano yepegũta m̄sa pehe tiquinare ñano ye cahmedacãh̄ña. Sa yena tiquinare quehnoano yeya. Sa yena ñañene ye duerana ninata m̄sa.

13

¹ Ijipih̄tiyequina puhtoare Cohãc̄jũ dihita cũre. Sa yero m̄sa puhtoa gũh̄ure Cohãc̄jũ bese cũre. Tiq̄iuro sa cũriquina tiquina ijigũ ih̄ñana ijipih̄tina m̄sa tiquinare yuhtiya. ² Mari bui c̄j̄ena puhtoare quehnoano yuhtierana Cohãc̄jũ tiq̄iuro bese cũriquinare yuh̄duc̄cana niaga mari. Sa yuh̄duc̄cariquinare Cohãc̄jũ pehe buhiri dahrerota. ³ Quehnoañequinare cuegũ yeatiquina ijierare puhtoa. Ñañene yeyequina pehere cuegũ yeatiquina ijire tiquina. Quehnoañene yeya m̄sa puhtoare m̄sa cueratire. Sa yena cuesi m̄sa. Quehnoañene m̄sa yegũ puhtoro pehe “Quehnoano yeri m̄sa”, m̄sare ninota. ⁴ M̄sa puhtoa m̄sare yedohoatiquinata

ijire m̄sa quehnoano ijiatire. Sa ye tiquina m̄sare buhiri dahreatiquinata ijire. Ijiphiyequina ñañene yeriquinare buhiri dahre dutiro Coh̄c̄j̄ tiquinare beseri. Tiquina sa buhiri dahreatiquina ijiḡ ñañene yena m̄sa p̄htoare cueya. ⁵ Sa yena mari p̄htoare yuhtina, tiquina buhiri dahreatire cuerac̄ah̄na. Sa yena ño peoye mehna “Quehnoañene yero cahmene yuh̄are”, ni tuhuro mehna quehnoano yuhtihna. ⁶ M̄sa p̄htoare tiquina dahrayere c̄uri Coh̄c̄j̄. Sa yena tiquina dahrayere tiquina yeḡ ih̄ñana m̄sa p̄htoare wapa ne cohteyequinare wapa yere m̄sa.

⁷ Ijiphiyequinare m̄sa p̄htoare quehnoano yuhtiya. Sa yena p̄htoare wapa ne cohteyequinare wapa yeya m̄sa. Sa yena p̄htoa pehe apeyere tiquina wapa ye dutiḡ ḡuh̄are wapa yeya. Sa yena ijiphiyequina p̄htoare quehnoano ño peoya. ⁸ Apequina masare wapamoedac̄ah̄na. Tiquinare cah̄no cahmene. Sa ye cah̄ nemono cahmene. Tiq̄uro cahap̄u ijiriquirore cah̄diq̄uro Coh̄c̄j̄ dutiyere ye peho tuhasariq̄uro ijire. Sa yena m̄sa caha ijiyequina ḡuh̄are cah̄na. ⁹ Oh̄ saha nine Coh̄c̄j̄ dutiye: “Apeq̄uro namono mehna ñano yerac̄ah̄na. Masare wej̄edac̄ah̄na. Yaquerac̄ah̄na. Apequina yere tutuaro cahmedac̄ah̄na”, ni yahure tiq̄uro dutiye. Apeye dutiye ḡuh̄u ijire. Sa ijiepeḡata ih̄c̄ano dutirore masare yahuḡu tuh̄ niaja. Ti dutiro ih̄c̄ano dutiro ijiepeḡata ti dutirore yena, Coh̄c̄j̄ dutiyere ye pehona niaja mari. “Muh̄u basi muh̄u cah̄no saha muh̄u caha ijiyequina ḡuh̄are cah̄na”, nine ti dutiro. Ti dutirore yena Coh̄c̄j̄ dutiyere ye pehona ijina nine m̄sa. ¹⁰ M̄sa caha ijiriquirore cah̄na, tiq̄urore ñano yesi. Sa yena tiq̄urore cah̄na, Coh̄c̄j̄ dutiyere ye pehona nine m̄sa.

¹¹ Sa yena car̄ñequina yero saha ijierac̄ah̄na m̄sa. Quehnoano wac̄u masiña. Jesure quehnoano wac̄u cohteya. Jesu marine tiq̄uro tojoa ta, tiq̄uro neatomehenoḡa d̄hsatj̄ãre. Tiq̄urore mari coã masi d̄c̄ana, “Yoari batop̄u marine yuh̄d̄oro tarota Jesu”, ni tuhutumi. Mari sa ni tuhotepeḡata yojop̄ure mehenoḡa d̄hsare Jesu marine tiq̄uro yuh̄d̄oro ahtato. Ahri yuh̄u nidire masine m̄sa. ¹² Yojop̄ure ñañene tiquina yeri deco ijire. Cristo tiq̄uro ahtaḡu ahri deco pihtirota. Tiq̄uro ahtato mehenoḡa d̄hsare. Tiq̄uro ahtato mehenoḡa d̄hsaḡu ih̄ñana ñañene duhu pehoc̄ah̄na mari. Sa yena Coh̄c̄j̄ cahmeñe pehere yeihna mari. Sa Coh̄c̄j̄ yere yena, ñañene duhu pehoc̄ah̄na mari. ¹³ Sa yena quehnoañe pehere yeihna. Sa yena bose decorire yena ñano yerac̄ah̄na. Sa yena queherac̄ah̄na. Sa yena w̄ana

tina, apequina mehna ñano yena, cahme d̄se tini wiana, ih̄ña coona ijierac̄ah̄na. ¹⁴ Sa yena mari p̄htoro Jesucristo tiq̄uro yedohoye mehna quehnoano ijiya m̄sa. Sa yena ñañene m̄sa tutuaro cahmeñene yerac̄ah̄na.

14

M̄sa acayere Jesu yequinare “Ñano yee nine”, ni yahu wajaerac̄ah̄na
(1 Co 8.1-13)

¹ Jesure wac̄u tutuariq̄uro Jesu yere tiq̄uro quehnoano masiedariḡu tiq̄urore quehnoano yedohoya. Sa yena Jesu yere tiq̄uro quehnoano masiedariḡu ih̄ñana “Ne masiedare muh̄u”, ni cahme d̄se tutuerac̄ah̄na tiq̄uro mehna. ² “Ijiphiyere ihya masiaja yuh̄u”, ni tuhuture apequina. Sa ye apequina pehe Jesu yere quehnoano masiedar̄ñe, wahiquinare ihyeraye, oteye d̄ca dihitar ihyare. ³ Ijiphiyere ihyayequina pehe oteye d̄care ihyaequinare ih̄ña tuhtierac̄ah̄do. Sa ye oteye d̄ca dihitar ihyaequina pehe ijiphiyere ihyaequinare “Ñano yee nine”, ni yahu wajaerac̄ah̄do. Ijiphiyere ihyaequina pehe Jesure wac̄u tutuayequina tiquina ijiḡ Coh̄c̄j̄ tiquinare tiq̄uro yequina ijiḡ ye tuhasari. Tiq̄uro yequina tiquina ijiḡ ih̄ñane wahiquinare ihyaequina pehe tiquinare yahu wajaerac̄ah̄do. ⁴ Jesure wac̄u tutuayequina Coh̄c̄j̄ cahac̄j̄ena ijire. Tiquina sa ijiḡu ih̄ñana m̄sa tiquinare yahu waja masiedare. Jesure wac̄u tutuayequina Jesu cahmeno saha tiquina yeraḡu ih̄ñano tiq̄uro dihita tire yahu masine. Tiquina quehnoano yeḡu ḡuh̄are tire yahu masine tiq̄uro tiquinare. Sa yero tiq̄uro pehe “Ñano yeri muh̄u”, ni yahuatiq̄uro ijirota. Sa yero tiq̄uro cahac̄j̄enare quehnoañene yeducu masiḡu yeriq̄uro ijire Coh̄c̄j̄.

⁵ Ihq̄equina ih̄c̄a decore Coh̄c̄j̄ure tiquina ño peoati deco yere. Sa ye apeye decorire “Dahraye decori ijire”, ni tuhuture. Apequina pehe decoripe Coh̄c̄j̄ure ño peoducure. Tiquina ih̄c̄ano saha sa yerariquina ijiepeti ijiphiyequina oh̄ saha ni tuhotauro: “Jesu tiq̄uro cahmeno sahata quehnoano yena niaja”, ni tuhutu masiah̄do. ⁶ Mas̄no ih̄c̄a deco tiq̄uro ño peoati deco yere Coh̄c̄j̄ure ño peoro taro. Sa yero decoripe ño peoducuriq̄uro Coh̄c̄j̄ure quehnoano ño peore tiq̄uro ḡuh̄u. Sa yero sijieri q̄uro ḡuh̄u ihyaro, Coh̄c̄j̄ure “Quehnoare”, ni sinine. Sa yero tiq̄uro ḡuh̄u ihyariq̄uro ijiro Coh̄c̄j̄ure ño peoriq̄uro ijire. Sa yero ihq̄e ihyayere sijiriq̄uro pehe tiq̄uro sijire Coh̄c̄j̄ure ño peoro taro. Sa yero tiq̄uro ḡuh̄u Coh̄c̄j̄ure “Quehnoare”, ni sinine.

⁷ Mari cahmeñe dihitare yena iji masiedaja mari. Cristo ijire mari puhtoro. Sa yero mari catigū mari yariagū gūhare mari puhtoro ijire. ⁸ Yojopure mari catiro puno Cristo yere yeana ijiaja mari. Tiquiro yequina ijiaja. Mari yariari batopu gūhare tiquiro yequina ijinata. Sa yero mari catigū mari yariagū gūhare Cristo mari puhtoro ijire. ⁹ Sata ijire. Cristo yaria masa mujahye, catiyequina, yariariquina gūhu tiquina puhtoro ijiro taro.

¹⁰ ¿Dahsena tana masa acayurore Jesu yaquirore “Ñano yero nine”, ni yahu waja duajari masa? ¿Dahsena tana masa acayurore cahata diho cū duajari masa? Mari ijipihitina Cristo caha mari ducugū tiquiro pehe mari yerire masi pehoru, marine beserota quehnoana, ñana gūhare. Tiquiro sa beseatiquiro ijigū masa acayurore “Ñariquiro ijire” ni yahu wajaeracāhña. ¹¹ Cohācjū yere tiquina ojoari pūpu ohō saha ni ojoahye:

Ohō saha nidi mari puhtoro: “Ahri potota ijire. Ijipihitiyequina yūhu potu dusepe curi mehna quehe saeta. Sa ye ijipihitiyequina ‘Quehnoagu, tuuagu ijire’, ni, yūhare ño poeta”, nidi mari puhtoro, ni ojoahye.

¹² Sa yena ijipihitina mari yerire Cohācjū siniturota. “¿Dahse yena sa yeari?” ni siniturota. Tiquiro sa ni sinitugū yūhtiro cahmene marine.

Musa acayurore ñano yegū yeracāhña masa

¹³ Sa yena mari mehna cjēna gūhare “Ñañequina ijire”, ni yahu wajaeracāhña. Sa yena mari acayurore Jesu yaquirore ñano yegū yeracāhña. ¹⁴ Yūhu Jesucristo yaquiro ijiaja. Sa yegū ahri yūhu niatire quehnoano masiaja yūhu: Yūhu pehe ijipihitiye ihayere yūhu ihyagū yūhu ihyari buhiri, buhiri mariedare. Apequiro pehe “Ahri ihayere ihyagū ñano yei niaja”, ni tuhoturiquiro pehe ihyaro, potota buhiri tiriquiro ijire. ¹⁵ Ti potota ijire. Masa apee borore masa ihyagū masa acayurore masare ihña cū ihyaro, “Yohou, ñano yei niaga yūhu”, ni pajiro tuhotuboaga tiquiro. Tiquirore sa ihña cū ihyagū yena, tiquirore cahiedare masa. Apee borore masa ihyagū ihña cū ihyaboaga tiquiro. Sa ihyaro “Ñano yei niaja”, ni tuhoturo Cristore duhuboaga. Masa acayurore ye buhirire yariari Cristo. Sa yena “Cristore duhuari”, nina tiquirore ihña cūgū yeracāhña. ¹⁶ Sa ye “Ahri usā yeri quehnoariaga”, masa ni tuhotugū apequina masare yahu wajaboaga. Tiquina sa yahu wajagū ihñana, masa sa yerire ye nemoedacāhña, “Yahu waja nemoari” nina. ¹⁷ Cohācjū pehe mari puhtoro ijire. Tiquiro sa ijigū mari ihyaye, mari sihniñe gūhu

sa iji cāno nine. Ihyo warota ijire. Sa ye mari puhtoro tiquiro dutiyere, quehnoañe gūhare mari yegū ti waro ijiro nine. Sa ye apequina mehna mari quehnoano ijigū gūhare quehnoañe waro ijiro nine. Sa ye Espiritu Santo yedohoye mehna mari bucuegū quehnoañe waro ijiro nine. ¹⁸ Sata Cristo yere yeriquirore ihñañe Cohācjū, masa gūhu “Quehnoano yeri mūhu”, nieta.

¹⁹ Sata yeihna mari pūrita quehnoano mari ijiatire, mari basi mari cahme yedohoatire. Sa yena Jesure wacū tutua nemonata. ²⁰ Apequiro Jesu yaquiro tiquiro ihya dutierarire masa ihyagū ihñano tire coaeraro, Cohācjū yere cohāboaga. Sa yena tire ihyeracāhña. Potota ijipihitiye ihyaye quehnoañe ihyayeta ijire. Sa ijiepegūta apee borore mari ihyagū apequiro “Ñañe ihyaye ijiaja ahri”, nidiquiro ijieperota ihña cū ihyaboaga. Sa ihyaro ñano yero niaga tiquiro. Sa yena marine tiquiro ihña cū ihyagū, mari gūhu ñano yena niaja.

²¹ Wahiquina dihire masa ihyagū ihñano, vinore masa sihniñe ihñano, apequiro Jesu yaquiro “Tire ihyagū ñano yei niaga yūhu”, ni tuhoturiquiro ijieperota tiquiro gūhu ihña cū, ihya sihniñe. Sa ni tuhoturiquiro pūrita ihya sihniñe ñano yero nine. Sa yena tiquiro ñano yerato saha Jesure tiquiro wacū tutua duherato saha wahiquina dihire, vino gūhare masa pehe masa duhugū quehnoañe. ²² “Ijipihitiyere ihya masiaja”, ni tuhotuna, tire Cohācjū dihitare yahuya. Ñañene yerariquiro, “Quehnoano yei niaga yūhu”, ni tuhoturiquiro bucuquiro ijire. ²³ Apequiro pehe “Ahri ihayere ihyagū ñano yei niaboaga yūhu”, ni tuhoturiquiro ijieperota ti ihayere ihyaro, buhiri tiriquiro ijire tiquiro. “Ahrire ihyagū potota quehnoañene yei niaja”, ni tuhotuerare tiquiro. Sa ni tuhotueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni tuhotueraro tire yero, buhiri tire tiquiro.

15

Mari caha ijiequinare quehnoano yeihna

¹ Mari Cohācjūre quehnoano wacū tutuana pehe wacū tutuera cjūñequinare yedohouhna. Sa yena mari ye dihitare yeducueracāhña. ² Sa yena mari caha ijiequinare Jesu yequinare quehnoano yeihna tiquina quehnoano ijiatire, Cohācjūre tiquina quehnoano wacū tutua nemoatire. ³ Cristo pehe tiquiro ye dihitare yerahye. Sata nine Cohācjū yere tiquina ojoari pūpu. Ohō saha ni ojoahye: “Cristo ohō saha nidi Cohācjūre: ‘Mūhu pehere ñano yahuducuboriquina yūhu pehere ñano yahuducuri’,

nidi Cristo Cohācjäre”, ni ojoahye panopare. (Sa tiquina ñano yahuducunohriquiuro ijiro Cristo tiquiuro Pacuro ye pehere ye basaro niahye.) ⁴ Panopu Cohācjü yere tiquina ojoari püpu tiquina ojoahye mari quehnoano buheatire. Sa yena ti püre buhena bucueaja. Sa buhena mari ñano yuhduna ihcāno sahanata. ⁵ Cohācjü masare tutuagü yeriquiuro bucuegü yeriquiuro masare ijipihinare ihcāno saha quehnoano ijigü yeahro, Cristo cahmediro sahata. ⁶ Sata yeahro tiquiuro masa ijipihina ihcāno mehna Cohācjäre mari puhtoro Jesucristo Pacurore “Quehnoagu, tutuagu ijire”, ni masa ño peoatore.

Judio masa ijieyequinare quehnoañe buheyere yahu ducachye

⁷ Cristo marine tiquiuro yeriro sahata masa mehna cjēnare quehnoano cahme piti caya. Masa sa yegü ihñañe “Potota Cohācjü quehnoariquiuro ijire”, ni ihñañe masa pehe. ⁸ Masare ahrire niita ni-aja: Judio masare yedohatiquiuro ahtahye Cristo. Cohācjü tiquiore ohoro judio masa usā ñecusumua manapure panopu cjēnare tiquiuro ni yahuriro sahata yero niahye. Tire tiquiuro yerire masare masigü yeatiquiuro ahtahye Cristo. ⁹ Masare Cristo tiquiuro yedohogü Cohācjü paja ihñano nine tiquinare. Tiquiuro sa paja ihñagü judio masa ijieyequina gühü Cohācjäre “Quehnoagu, tutuagu ijire”, ni, ño peore yojopare. Tiquina gühüre tiquiuro yequina ijigü yero ahtahye Cristo. Cohācjü yere tiquina ojoari püpu sata ni ojoahye:

Cristo ohō saha niahye Cohācjäre:

Judio masa ijieyequina caha mähüre “Cohācjü quehnoagu, tutuagu ijire”, ni ño peoutja. Sa yegü tiquina caha basagu mähüre basautja, niahye Cristo Cohācjäre, ni ojoahye panopare.

¹⁰ Sa yero ohō saha ni ojoahye tja:

Cohācjü tiquiuro beseriquina judio masa mehna cahme bucueye masa gühü judio masa ijiena, ni ojoahye panopare.

¹¹ Sa yero ohō saha ni ojoahye tja:

Judio masa ijieyequina ijipihitiyequina Cohācjäre ño peoahro. Sa ye ijipihitiro cjēna tiquiore “Quehnoagu, tutuagu ijire”, ni ño peoahro, ni ojoahye.

¹² Sa yero Isaia mñano gühü ohō saha ni ojoahye:

Isaí panamino iji turiariquiuro ahtarota. Sa ahtaroto judio masa ijieyequina puhtoro ijirota tiquiuro. Sa ye tiquina pehe tiquiore wacü tutua, tiquinare pecapu wahaboriquinare tiquiuro yuhdohatire masieta tiquina, ni ojoahye panopare.

¹³ Cohācjü marine yuhdohoro ahtatiquiuro quehnoano masare bucuegü yeahro. Sa yero Jesure masa wacü tutuagü masare quehnoano ijigü yeahro tiquiuro. Masare tiquiuro sa yegü masare tiquiuro yuhdohatire Espiritu Santo tutuaye mehna bucueye mehna masi nemonata masa.

¹⁴ Ahrire masare yuhü yahuatire quehnoano masiaja. Masa pehe quehnoana ijire. Sa yena Jesu yere quehnoano masine. Sa masina masa mehna cjēnare cahme quehnoano yahu, buhe masine masa. ¹⁵ Masa sa masina masa ijiepegüta ihgué tahari ahri püpure masare cuero marieno quehnoano yahu peho ojoagu masa wacüto saha. Cohācjü yuhüre cahño masare buhe dutiro cüri yuhüre. Sa yegü tiquiuro cüriro sahata yegü tagü masare wacügü yei. ¹⁶ Yuhüre tiquiuro sa cügü Jesucristo cahacjü ijigü tiquiuro yere quehnoañe buheyere judio masa ijieyequinare buheaja yuhü. Yuhü sa buhegü tuhoye judio masa ijieyequina Jesure wacü tutuaeta. Tiquina sa wacü tutuagü ihñano tiquinare Cohācjü “Quehnoañequina ijire”, ni ihñanota. Sa yero tiquinare cahmenota. Sa yero Espiritu Santo pehe Cohācjü yequina ijigü yerota tiquinare. Pahia ujäa muo Cohācjäre tiquina ohoriro sahata, tiquinare ñañe marieñequinare Cohācjäre oho duaja.

¹⁷ Sa yegü Jesucristore wacü tutuagu ijigü Cohācjü tiquiuro buhe duti cüriugu ijigü bucueye mehna buheaja masare. ¹⁸⁻¹⁹ Apequina judio masa ijieyequinare Cristo yedohoye mehna tiquinare yuhü buhegü tuhoye, yuhü yerire ihñañe, Cohācjü tutuaye mehna ye ihñorire ihñañe, Espiritu Santo tiquiuro tutuaye mehna tiquina Cristore wacü tutuari. Ahri püritare masare pototi yahu duaja. Apequinapu tiquina yerire yahueraja. Jerusalēpu coā yuhü buhe ducari bato ijipihitiye macaripu buhe ducau. Tee Ilirico yehparü gühüre Cristo ye buheye quehnoañe buheyere buhei esau. ²⁰ Sa yegü Cristo yere masieñequina dihitare quehnoañe buheyere tutuaro buhe dua, yuhü mehna cjēna tiquina buhenohriquinapure buhe dueragu. ²¹ Sata ni ojoahye Cohācjü yere tiquina ojoari püpu: Panopu tiquiore ne tuhoerariquina tiquiore masieta. Sa ye tiquiore ne tuhoerariquina tiquiuro yere quehnoano tuhoeta, ni ojoahye Cohācjü yere tiquina ojoari püpu.

Pablo Romapu tiquiuro wahatire yahuahye

²² Sa yegü ijipihitiro cjēnare buherigu ijigü peye tahari masa cahapu waha duepegüta waha masiedahti. ²³ Yojopare ahri yehparipure yuhü dahraye pihtia wahari. Sa pihtigü ihñagü, peye cahmari masa

cahapu waha duarigu ijigu masa cahapu wahaŋta. ²⁴ Sa ye Espaŋaru wahagu masare toru ihna yuhdu cãutja. Sa yegu masa mehna bucuaitja. Sa yegu masa mehna yuhu mehenogã ijiri bato yuhare masa yedohoye mehna Espaŋaru wahaŋta. ²⁵ Yojoŋare Jerusalẽru wahaŋ tuu niaja. To cjenare Jesu yequinare yuhu acayere niŋerure sogu wahaŋ tuu niaja. ²⁶ Macedonia yehpa cjẽna, Acaya yehpa cjẽna gũhu quehnoano mehna Jesu yequinare Jerusalẽru ijieyquinare pejecuoyequinare niŋerure ohori tiquinare yedohoye. Sa yegu tiquinare tire oho basagu wahaŋ tuu niaja. ²⁷ Ti niŋerure ohoye, quehnoano mehna ohori tiquina. Tiquina sa yegũ quehnoarĩne, yuhu tuhotugũ. Tiquinare judio masa ijieyquinare judio masa pehe Cohãcjũ yere buhe muhtari. Sa ye tiquinare tiquiro yuhduoato gũhare buhe muhtari judio masa. Tiquina sa buhegũ ihãagũ Macedonia cjẽna, Acaya cjẽna mehna tiquinare tiquina yedohogũ quehnoarĩne yuhare. Tiquinare tiquina buheri wapa yero saha ijire ti, yuhu tuhotugũ. ²⁸ Sa yegu Jerusalẽ cjẽnare ti niŋerure oho tuhasagu Espaŋaru wahaŋta. Toru wahagu masare ihna yuhdu cãutja. ²⁹ Sa yegu masa cahapu yuhu wahagũ Cristo yere masare yuhu buhegũ tiquiro masare quehnoano jeripohna tigũ yerota.

³⁰ Yuhu acaye, mari puhtoro Jesucristore wacũ tutuare masa. Sa yena Espĩritu Santo tutuaye mehna apequinare cahĩne masa. Sa yena yuhu gũhare tutuaro sini basaya Cohãcjũre. ³¹ Ohõ saha ni sini basaya: Judea yehpa cjẽna Jesure ño peoyequina yuhare tiquina ñano ye duagũ Cohãcjũ yuhare tiquiro yedohoato saha sini basaya. Sa yena Jerusalẽ cjẽnare niŋerure yuhu ohogũ tiquina tire bucueye mehna tiquina ñeheatõ saha sini basaya. ³² Masa sa sinigũ Cohãcjũ cahmegũ bucueye mehna masa cahapu wahaŋta. Sa yegu masa mehna ijigu bucueye mehna soutja. ³³ Cohãcjũ marine quehnoano ijigũ yeriquiro masa mehna ijiducuahro. Sata ijiaho.

16

Pablo quehnoa dutiahye

¹ Mari acayoro Febe wame tiricoro masa cahapu waharo taro nine. Ticoro Cencrea wame tiri macapu Jesu yequinare cahmecoafnequinare yedohoricoro ijire. ² Sa yero peyequinare yedohoricoro yuhu gũhare yedohoricoro ijiri ticoro. Sa yero mari puhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagũ ihãana ticorore ohoya masa.

³ Aquila, tiquiro namono Priscila gũhu quehnoahdo. Jesucristo yere yuhu buhegũ tiquina gũhu yuhu mehna dahrari.

⁴ Tiquinare mehenõ wejẽmedi, apequina yuhare tiquina wejẽ duagũ tiquina yedohori buhiri. Sa yegu tiquina mehna bucuēja yuhu. Sa ye judio masa ijieyequina Jesu yequina ijipihyequina tiquina gũhu tiquina mehna bucuere. ⁵ Sa ye Aquila ya wũhũru cahmecoafnequina gũhu Jesu yequina quehnoahdo. Yuhu cahĩniquiro Epeneto gũhu quehnoahdo. Tiquiro Asia yehpa cjãno toru ijoro Cristore wacũ tutua muhtariquiro ijiri. ⁶ Maria gũhu quehnoahdo. Ticoro masa mehna tutuaro dahrari. ⁷ Yuhu acaye Andronico, Junia gũhu quehnoahdo. Peresupu yuhu ijigũ tiquinata yuhare piti tiyequina ijiri. Sa ye yuhu pano Cristore wacũ tutua muhtari tiquina pehe. Apequina Jesu cãriquina pehe tiquinare “Potota quehnoafnequina ijire”, ni yahuducure.

⁸ Amplia gũhu yuhu cahĩniquiro Jesu yaquiro ijire. Tiquiro quehnoahdo. ⁹ Sa yero Urbano gũhu quehnoahdo. Tiquiro gũhu mari mehna Cristo yere dahrari. Sa yero yuhu cahĩniquiro Estaqui quehnoahdo. ¹⁰ Sa yero Apele gũhu quehnoahdo. Tiquiro potota quehnoano Jesure wacũ tutuare. Tiquiro yerire ihãana tire masiaja mari. Sa ye Aristobulo ya wũhu cjẽna ijipihyequina tiquiro namono tiquiro pohne gũhu quehnoahdo. ¹¹ Yuhu acayoro Herodiõ quehnoahdo. Sa ye Narciso ya wũhu cjẽna Jesu yequina quehnoa pihti cãhdo. ¹² Sa ye Trifena, Trifosa gũhu quehnoahdo. Ti numia mari puhtoro Jesu ye dahrayere tutuaro yere. Mari cahĩnicoro Pẽrsida gũhu quehnoahdo. Ticoro mari puhtoro yere tutuaro dahrari. ¹³ Sa yero Rufõ mari puhtoro Jesure quehnoano wacũ tutuariquiro, tiquiro yere quehnoano yeriquiro quehnoahdo. Tiquiro pacoro gũhu quehnoahdo. Ticoro yuhu paco yero saha ijiricoro ijire. ¹⁴ Asincrito, Flegonte, Herma, Patroba, Herme, apequina Jesu yequina tiquina mehna cjẽna gũhu quehnoahdo. ¹⁵ Sa ye Filologo, Julia, Nereo, tiquiro bahoro gũhu, Olimpa, apequina tiquina mehna cjẽna gũhu Jesu yequina quehnoahdo.

¹⁶ Sa yena masa mehna cjẽnare piti cana, quehnoano mehna piti caya. Ijipihyequina Jesu yequina ijipihyti cjẽna masare quehnoa dutire.

¹⁷ Yuhu acaye, masa mehna cjẽna ihquẽquina masare cahme ihãa tuhtigũ yeyequina, cahme tu wagũ yeyequina ijĩnohti. Sa ye masare Jesu ye buheyere dojomehnene. Sa yena sa yeyequinare ihãana quehnoano yeya, “Dojomehneari”, nina. Sa ijieyquinare piti tieracãhã. ¹⁸ Sa

yeyequina mari puhtoro Jesucristo yere yerare. Ñañene tiquina tutuaro cahmeñe dihitare yere. Sa ye quehnoano taho coaro dero majare doco ni meho buhere quehnoano masieñequinare. Tiquina sa ni mehogü tiquinare quehnoano tühore. Sa yena tiquinare piti tieracähña masa.¹⁹ Musa pehe Jesure quehnoano yuhtina ijiñhohti. Tire ijipihtiyequina masine. Sa quehnoano yuhtina masa ijigü bucueaja yuñu. Sa yegu quehnoano masa yeatire masa masigü cahmeaja yuñu. Sa yegu ne ñañene masa yeragü gühure cahmeaja yuñu.²⁰ Sa yero Cohäcjü marine quehnoano ijigü yeriquiro mehenogã bato musare yedohorota "Satanare yuhducaahro", nino. Mari puhtoro Jesucristo mehna musare quehnoa dutiaja.

²¹ Timoteo yuñu piti musare quehnoa dutire. Yuñu acaye judio masa gühu, Lucio, Jasõ, Sosipate musare quehnoa dutire.

²² Yuñu Tercio ahri püre Pablöre oja basagu ijiaja. Yuñu Jesu yaquiro ijigu musare Jesu yequinare quehnoa dutiaja.

²³ Gayo ya wuhuru ijigu niaja yuñu Pablo. Tiquiro ya wuhuru Jesu yequina cahmecoare. Tiquiro gühu musare quehnoa dutire. Sa yero Erasto ahri maca cjëna puhtoare niñeru ihbo cohteriquiro musare quehnoa dutire. Mari acayuro Jesu yaquiro Cuarto gühu musare quehnoa dutire.

[²⁴ Mari puhtoro Jesucristo mehna musare ijipihtinare quehnoa dutiaja.]

Pablo Cohäcjäre ño peoro oja bato tiahye

²⁵⁻²⁷ Mari puhtoro Jesucristo ye buheye mehna quehnoañe buheye mehna Cohäcjü musare tiquirore wacü tutua nemogü ye masine. Panopure quehnoañe buheye ne masare yahuerari buheye ijimahye. Yojobure Cohäcjü yere yahu mahtariquina mana tiquina ojoari mehna ti buheyere yahuri jire. Yuñu gühu tire buheaja. Ti buheyere ijiphtiro cjëna yojobure masine. Cohäcjü sa ijiducuriquiro tiquiro dutiro sahata tiquina masine. Ti buheyere tiquirota yahu dutiahye masa tiquirore tiquina yuhtiatire, tiquirore tiquina wacü tutuati gühure. Sa yena tiquirore "Potota quehnoagu, tutuagu ijire", ni ño peouhna. Tiquiro ihcäquirota Cohäcjü dihita quehnoano masi pehoriquiro ijire. Jesucristo yedohoye mehna Cohäcjäre sa ño peoducuuhna mari. Sata ijiducuuhna.

1 Corintios

Pablo Cohācjū yequinare Corinto cjēnare ojoa ohoahye

¹⁻² Yuhū Pablo, Jesucristo yere buhe duti tiquiro cūrigū ijiaja. Cohācjū tiquiro cahmeno sahata Jesu tiquiro cūcājure beseahye yuhare tiquiro. Musare Cohācjū yequinare Corinto cjānare ojoa ohoaja yuhū. Sostene mehna quehnoa dutiaja musare. Ahriquiro gūhū mari acayaro Jesu yaquiro ijire. Jesucristo mehna cjāna musa ijigū Cohācjū yequina ijiana beseahye Jesu musare. Sa ye ijipihituequina apequina mari pūhtoro Jesucristore sinīnequina ijije, tiquina gūhū Cohācjū yequinata ijire. Tiquina sa ijigū Jesucristo pehe mari ijipihitina pūhtoro ijire. Sa yena musare ijipihitinare ojoa ohoaja yuhū. ³ Sa yena Cohācjū mari Pacu, mari pūhtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

Jesucristo pehe musare quehnoano ye basahye mari Pacu tiquirore dutiriro sahata

⁴ Jesucristo yequina musa ijiri bato tiquiro pehe musare quehnoano ye basare Cohācjūre. Tiquiro sa yegū ihñagu, Cohācjūre “Quehnoare”, niducuaja yuhū decoripe. ⁵ Cristo yequina musa ijigū ihñano Cohācjū pehe musare quehnoano ijigū yere. Sa yero tiquiro yere musare apequinare quehnoano yahuanare yeri tiquiro. Sa yero tiquiro yere quehnoano masigū yeri musare. ⁶ Cristo yere musare usā buheriro sahata sata wahari musare, Cristo yequina musa wahagū. ⁷ Sa yero Cohācjū musare quehnoano yedoho peho cānota. Mari pūhtoro Jesucristo ahi yehpapu tiquiro tojoa tatire musa cohtero watoa Cohācjū pehe musare sa yedohoducurota. ⁸ Sa yero Jesucristo pehe musa ñaife yerire cohāriquiro ijire. Tiquiro sa ijiriquiro ijigū musa pehe decoripe, ahri deco pihitigūpū gūhūre musa ñaife yerire tiquiro cohānohrina ijiducunata. Sata tiquiro musare yedohorota. Sa yena Jesucristo mari pūhtoro tiquiro tojoa tagūpūre ñaife buhiri mariena ijinata musa. ⁹ Tire Cohācjū tiquiro nidiro sahata tiquiro yere. Tiquiro macuno mari pūhtoro Jesucristo yequina ijanare marine beseahye. Tiquiro sa besenohrinare Jesu yequina ijigū yeri marine.

Jesu yequina Corinto cjēna cahmecoañe cahme tuhtiahye

¹⁰ Yuhū acaye, mari pūhtoro Jesucristo tiquiro dutiro mehna musare tutuaro dutigū tagū niaja ahrire: Musa basi cahme tuhtieracāhña. Sa yena musa basi cahme

tu waeracāhña. Ihcā curuata ijiya musa. Sa yena sijoro saha ni yahuducueracāhña musa basi. Sa yena musa yeatire tūhotuna, ihcāno mehna yeya musa.

¹¹ Yuhū acaye, musa basi cahme tuhtina niñohiti musa. Sa ni yahuri Cloe ya wūhū cjēna yūhūre. ¹² Ihquēquina musa mehna cjēna ohō saha ni cahme tuhtihiti: “Pablo ya curua cjāna ijiaja usā”, ni cahme tuhtihiti ihquēquina musa. Sa ye apequina “Apolo ya curua cjāna ijiaja usā”, niñohiti tiquina gūhū. Sa ye apequina pehe “Pedro ya curua cjāna ijiaja usā”, niñohiti tiquina gūhū. Sa ye apequina pehe “Cristo ya curua cjāna ijiaja usā”, niñohiti tiquina gūhū. ¹³ Musa sa niepegāta Cristo yequina ihcā curuata ijiaja mari. Mari basi cahme tu wa doco masiedaja mari. Ihcā curuata ijiaja mari. Yuhū Cristo ijieraja. Tiquiro yero saha musa ye buhirire curusapū yariarigū ijierū. Tutuayere cūoeraja. Sa yegū ihyo ijigū ijiaja. Sa yero musare apequiro wame yero, Cristo ye tutuaye mehna wame yeri. Yee tutuaye mehna wame yerari. ¹⁴ Musare, musa mehna cjēna gūhūre wame yerū yuhū. Crispore, Gayo gūhūre tiquina dhitare wame yei. Apequina pehere wame yerarigū yuhū ijigū quehnoare yūhūre. ¹⁵ Peyequina masare wame yerigū yuhū ijigū “Pablo ye tutuaye mehna tiquiro wame yeri usāre”, ni ihñaboaga musa yūhūre. Sa yegū tire cahmedū. ¹⁶ Estefana ya wūhū cjēna gūhūre wame yei yuhū. Topequinata wame yei yuhū. Apequinare yuhū wame yeriquinare boaa wahau yuhū. ¹⁷ Cristo yūhūre ohoro, wame yeacjūre cūdari tiquiro yūhūre. Quehnoañe buheyere buheacjū pehere cūri yūhūre. Cristo curusapū tiquiro yariarire yahuye buheye marine quehnoana wahagū yere. Tiquiro sa yepegāta quehnoañe buheyere yuhū esa tuharo yuhū buhegū yuhū pehere ihña wahāboaga musa. Musa sa ihña wahāna quehnoañe buheye pehere ño peoeraboaga musa. Sa yena quehnoana wahaeraboaga. Sa yegū Jesu ye buheyere buhegū yuhū esa tuharo yuhū masiñe mehna buheraja yuhū.

Cohācjū tiquiro tutuayere tiquiro masiñe gūhūre cūriquiro ijire Cristo

¹⁸ Pecapū butiatiquina pehe Cristo curusapū tiquiro yariarire yahuye buheyere “Tūho masiñequina ye buheye ijire ti”, nimene butiatiquina pehe. Mari pehe Cristo tiquiro yūhūonohatina ijina ohō saha niaja: “Curusapū tiquiro yariarire yahuye buheye ti waro ijiro nine. Ti buheye Cohācjū tiquiro tutuayere yahure marine”, niaja mari. ¹⁹ Cohācjū pehe tiquiro yere tiquina ojoari pūpū ohō saha nine:

Ahri yehpa cjēnare “Quehnoano masiñequina ijire”, tiquina

niñequinare tiquina masidire dūhseati ijieragū masigū yeitja yūhū, niahye Cohācjū tiqiro yere tiquina ojoari pūpū.

²⁰ Sa ye ahri yehpa cjēna quehnoano masiñequina dūhseatiqina ijierare. Ūsā acaye judio masare buheyequina gūhū dūhseatiqina ijierare. Yojoṗare yahuducu miññiñequina gūhū dūhseatiqina ijierare. Ahri yehpa cjēna quehnoano masiñequina tiquina ijiepegūta masiñequina tiquina ijiyere masigūyeri Cohācjū. ²¹ Cohācjū pūrita quehnoano masiniqiro ijire. Tiquiro sa ijigū ahri yehpa cjēna tiquina esa tuharo tiquina masiñe mehna Cohācjūre ne masiedare tiquina. Cohācjū tiqiro masi dutiero sahata sa wahari tiquinare. Cohācjūre cahmeñequina pehe ohō saha nine quehnoañe buheye warore: “Tūho masieñequina ye buheye ijire”, nimene. Sa yeye quehnoañe buheyere “Tūho masieñe buheye”, tiquina niñe buheyere tūhoye, Cristore masi dūcare masa. Tiquina sa masi dūcagū Cristore tiquina wacū tutuagū ihñano tiquinare tiqiro yequina wahagū yere Cohācjū. Sa waha dutiri tiqiro.

²² Judio masa Cohācjū tutuaye mehna tiqiro ye ihñore ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine. ²³ Mari pehe Cristo curusapū tiqiro yariare yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tūho masieñequina ye buheye ijire”, ni tūhoture. ²⁴ Tiquina sa ni tūhotuepegūta Cohācjū yequina ijiatire tiqiro beseriquina pehe ti buheyere ohō saha nine. “Cristo ye buheye Cohācjū tutuayere tiqiro quehnoano masiñene masigū yere marine”, nine tiquina ahri buheyere. Tiquina judio masa, judio masa ijieyequina ijieṗeta, sa nine Jesu yequina.

²⁵ Cohācjū masi pehoriqiro ijire. “Tiquiro tūho masieniṗero ijire”, masa tiquina ni tūhotuepegūta ahri yehpa cjēna yūhdūoro quehnoano masi pehoriqiro ijire tiqiro. Sa yero Cohācjūre “Tutueriquiro ijire”, masa tiquina ni tūhotuepegūta tiquina bui tutua yūhdūdūcariqiro ijire tiqiro. ²⁶ Ti yūhū nidi ijirota ijire.

Yūhū acaye, Cohācjū masare tiqiro yequina wahagū tiqiro yegū masa peyequina ihyo ijina masa ijirire wacūña masa. Ahri yehpa cjēnare “Quehnoano masiñequina”, tiquina niñequinare meheñequinagā Jesu yequina ijiatiquinare beseahye Cohācjū. Sa yero pūhtoā gūhūre meheñequinagā Jesu yequina ijiatiquinare beseahye tiqiro. Sa yero pūhtoā pohne gūhūre meheñequinagā Jesu

yequina ijiatiquinare beseahye tiqiro. ²⁷ “Tūho masieñequina ijire”, tiquina niñequinare Cohācjū beseahye “Quehnoano masiñequina ijire”, tiquina niñequina tiquina būoro wahatire. Sa yero “Wacū tutueyequina ijire”, tiquina niñequinare Cohācjū beseahye, “Wacū tutuayequina ijire”, tiquina niñequina tiquina būoro wahatire. ²⁸ Masa tiquina ihña tuhtieyquinare “Dūhseatiqina ijierare”, nine masa. Tiquina sa nidiquinare Cohācjū tiqiro yequina ijiatiquinare beseahye tiquinare. Sa besero “Pūhtoā waro ijire”, tiquina niñequinare ihyo ijieyequina tiquina ijiyere masigū yeahye Cohācjū tiquinare. ²⁹ Tiquiro sa yegū ahri yehpa cjēna ne ihcāqiro “Tutuagū, quehnoano masigū ijiaja”, ne ni yūhdūdūca masiedare, Cohācjū ihñonopū.

³⁰ Cohācjū pehe marine Jesu yequina ijigū yerī. Tiquiro yequina ijina marine tiqiro yūhdūori bato ijipihtiye decori Cohācjū mehna ijinata mari. Jesucristo pehe Cohācjū yere quehnoano masigū yere marine. Sa yero mari ñañe buhirire cohāre. Sa yero mari ñañe yerire cosero, marine “Quehnoañequina ijire”, Cohācjū ni ihñagū yere Cristo Cohācjūre. Sa yero marine pecapū wahaborinare yūhdūore. ³¹ Tiquiro sa yegū Cohācjū yere tiquina ojoari pūpū tiqiro ni ojoariro sahata sa wahare: “Yūhū esa tuharo masi pehogū ijiaja”, nidiqiro tire niedacāhdo. Ohō saha niahdo: ‘Mari pūhtoro Cristo pehe marine yūhdūoriquiro ijire’, niahdo tiqiro”, nine Cohācjū yere tiquina ojoari pūpū.

2

Ahri buheye Cristo curusapū tiqiro yariarire yahure

¹ Yūhū acaye, masa cahapū esagū “Quehnoano masi pehoaja”, masare ni buheru. Cohācjū yere masare buhegu, sa ni buhegu niedū. ² “Ohō saha ni buheitja”, nigū masa mehna ijigū Jesucristo ye dihitare curusapū tiqiro yariari dihitare wacūgū, ti buheyere buhei yūhū. ³ Sa yegū masa mehna ijigū ihyo ijigū yero saha ijii yūhū. Sa yegū Cohācjū yere queoro buhe duagū ijigū cuegū, nanaredigū yero saha ijii yūhū. ⁴ Sa yegū Cohācjū yere buhegu, “Masi pehoaja”, ni buheru. Tiquiro yere yūhū buhegū Espiritu Santo tutuaye mehna yūhū buhegū ihñari masa. ⁵ Ohō sahata ni buhei yūhū masare masa tiquina esa tuharo buheye pehere masa cahmedatire. Cohācjū pehere masa wacū tuatire sa ni buhei yūhū.

Espiritu Santo pehe Cohācjū ijieye tiyere buhere marine

⁶ Sa yena Cohācjū ye buheyere tiqiro masiñene masare Jesure quehnoano wacū

tutuanapure yahuaja usã. Masa tiquina esa tuharo tiquina buheye yero saha ijierare ahri musare usã buheye. Ti buheye puhtoa ye buheye gũh ijierare. Tiquina puhtoa pehe pihtia wahaeta. ⁷ Apequina tiquina masiedarire Cohãcã ye yahuducuyere yahuaja usã pehe. Panopũ ahri buheyere Cohãcã yequina mana quehnoano masi pehoerahye. Ahri yehpa ijiato pano ahri buheye ti nidiro sahata “Sata wahaahro”, ni tuhasahye Cohãcã. Marine pecapũ wahaborinare tiqiro yuhduoatire, tiqiro mehna mari ijiati gũhure “Sata wahaahro”, ni tuhasae tiahye tiqiro. ⁸ Tiquiro sa nigũ Cohãcãre cahmeefnequina puhtoa ne tiqiro ye buheyere tuho dueraye, masiedare. Tire quehnoano masiñe, mari puhtore Cohãcã macano warore curusapũ quẽ biha wejẽdaboaya tiquina. ⁹ Cohãcã yere tiquina ojoari pũpũ ohõ saha nine:

Ijipihtiequina Cohãcãre cahñequina ye ijiatire Cohãcã quehnoano quehno basa tuhasahye. Quehnoa yuhduyere tiqiro quehno basahye. Tire masa ne ihñedari. Sa ye tire ne tuhoerari. Tire duhse masino basioerare marine, nine Cohãcã yere tiquina ojoari pũpũ.

¹⁰ Tiquiro sa niepegũta Espĩritu Santo pehe Cohãcã yere masigũ yere marine. Ijipihtie Cohãcã yere Espĩritu Santo masi pehore. Sa masino tiqiro marine tire masigũ yere.

¹¹ Ne apequina pehe masino tiqiro masiñene ne masiedare. Sa ijiepegũta masino pehe tiqiro esa tuharo tiqiro wacũñepũ tiqiro tuhutuyere masine. Sata apequina Cohãcã tiqiro masiñene ne masiedare. Cohãcã yaqiro Espĩritu Santo dihita tiqiro masiñene masine, masino tiqiro esa tuharo tiqiro wacũñene tiqiro masino sahata. ¹² Sa yena mari pehe Jesu yequina ijina masa tiquina esa tuharo tiquina buheyere cuoeraja. Cohãcã yaqiro Espĩritu Santore ohori marine masigũ yero taro. Marine tiqiro quehnoano yeatire masigũ yere Espĩritu Santo pehe. ¹³ Sa yena Cohãcã yere musare buhena, masa ye masiñe mehna usã esa tuharo buheraja usã. Espĩritu Santo tiqiro buheye pehere musare buheaja. Sa buhena Espĩritu Santore cuoyequinare Cohãcã yere quehnoano buheaja usã.

¹⁴ Espĩritu Santore cuoyequina pehe Espĩritu Santo yere ne cahmedare. “Tiquiro ye ihyo warota ijire”, nimene tiquina. Espĩritu Santo tiqiro yedohoro marieno tiqiro yere masino basioerare masare. Sa ye tiquina tiqiro yere ne masiedare. Espĩritu Santo yedohoro mehna tiqiro yere masiaja mari. ¹⁵ Espĩritu Santore cuoyequina pehe Cohãcã yere

quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espĩritu Santore cuoyequinare. ¹⁶ Ohõ saha nine Cohãcã yere tiquina ojoari pũpũ: “Mari puhtoro Cristo tiqiro tuhutuyere masiñequina ne mariedare. Sa ye tiqirore masa duti masiedare”, nine tiqiro yere tiquina ojoari pũpũ. Mari pehe Cristo yequina ijina, Cristo yero sahata masiaja.

3

Jesu yequina ihcãno saha Cohãcãre dahra cohteyequina ijire

¹⁻² Yũhũ acaye, musare buhegũ Espĩritu Santore quehnoano yahtieyequinare yũhũ buheriro sahata buhe masiedare musa pehere. Cristo yequina ijiepenata, macanagã dihire tiquina ihya masieno saha Cohãcã yere quehnoano masiedare musa. Yojoapũ gũhũre quehnoano masiedañohti musa. Ahri yehpa cãna ñañequina yero saha tuhutuñohti musa. Sa yena macanagã epẽcore tiquina apũno saha mijoeda cãñe buheye dihitare tuhutohti musa. Sa yegũ ti yero saha ijie buheye dihitaro buhei musare. Cristo yequina ijiepenata macanagã tiquina ihya masieno sahata Cristo yere quehnoano masiedañohti musa. ³ Musa pehe musa mehna cãñare cahme coona, cahmequina, musa basi ihquẽ cururi tu wadũca sana, Espĩritu Santore cuoyequina yero saha yena niñohti musa. Sa yena ahri yehpa cãna Cristore cahmeefnequina yero saha yeñohti musa. ⁴ Ohõ saha niñohti musa: “Pablo ya curua cãna ijiaja usã”, niñohti musa ihquẽquina. Sa yena apequina musa mehna cãna pehe “Apolo ya curua cãna ijiaja usã”, niñohti. Musa sa ni yahuducuna Espĩritu Santo mariefnequina yero saha ni yahuducũnohti musa.

⁵ Yũhũ Pablo, Apolo mehna duhseanaja ijiajari usã, musa tuhutuã? Ohõ saha yeana ja ijina niaja usã: Cohãcã tiqiro dutiriro sahata tiqirore dahra cohtena ihyo ijina ijiaja usã. Sa yena musare usã buhegũ tuhona Jesucristore wacũ tutua dũcare musa. ⁶ Quehnoañe buheyere buheyequina wesepũ dahrayequina yero saha ijire, mari queoye mehna buhegũ. Wese upũro tiqiro ote muhtariro saha yũhũ gũhũ musare buhe muhtarũ. Sa yero apequiro wesere tiqiro cure nanũ tãno saha Apolo pehe yũhũ bato musare buhe nũnũ tãri. Usã sa buhepegũta wese cãñe oteyere bucuca nemogũ tiqiro yeriro saha Cohãcã pehe musare tiqiro yere masi nemogũ yeri. ⁷ Sa yegũ yũhũ buhe muhtarigũ ijiepegũta ihyo ijigũ ijiaja. Sa yero Apolo yũhũ bato buhe nemoriquiro gũhũ ihyo

ijiriqirota ijire. Cohācjū pūrita oteyere tiqiro b̄cua nemogū yeriro saha tiqiro yequinare tiqirore masi nemogū yere. Sa yena Cohācjū pehere ño peoro cahmene m̄sare. ⁸ Ote m̄htariqiro, came cure n̄n̄n̄ t̄ariqiro ihcāno saha dahra cohteyequina ihyo ijiyequinata ijimene tiquina. Sa ye tiquina dahrariro punota wapatate tiquina. Sata ijiaja usā, Apolo mehna. ⁹ Sa yena usā Cohācjū yere dahra cohtena ijiaja. Sa yero Apolo yuh̄ mehna cjāno ijire. Usā sa ijigū m̄sa pehe Cohācjū ya wese yero saha ijire. M̄sa sa ijigū Cohācjū ya wese cjē oteyere tiqiro b̄cua nemogū yero saha m̄sare tiqiro yere masi nemogū yerota tiqiro.

Sa ye Cohācjū m̄sare tiqiro yequinare quehnoari curua yero nine. Sa yena utā mehna tiquina yeri wuh̄ yero saha ijire m̄sa tiqiro ya curua cjāna, mari queoye mehna buhegū. ¹⁰ M̄sa sa ijigū Cohācjū yuh̄re tiqiro dutiriro sahata yuh̄ pehe wuh̄ dahre m̄hndiqiro utāre tiqiro cū m̄htariro sahata Jesucristo yere m̄sare buhe m̄htau. Sa yero ti utā paca bui apeqiro tiqiro ye nemo m̄jano sahata apeqiro yuh̄ bato buhe nemo n̄n̄n̄ t̄ano nine. Sa buhe nemono quehnoano mehna buherota. Sa yero Cristo ye dihitare buherota tiqiro. Sata buheahro tiqiro. ¹¹ Wuh̄re tiquina dahre d̄ca tiquina cū m̄htaria utā yero saha ijire Cristo. Sa yena ti utāre usā quehnoano cū m̄htariro saha Cristo yere buhe tuhasau. Apeqiro ye buheye pehere mari buhegū quehnoaedaga.

¹²⁻¹⁵ Uru mehna, plata mehna, wapa buj̄ye utā paca mehna mari yeri wuh̄re mari uj̄aa tuhugū uj̄edare. Sata Jesucristo yere mari quehnoano yeri bato pih̄tiri deco ijigū Cohācjū mari yerire uj̄aa tuhuro yero saha yerota mari yerire masino taro. Sa tiqiro yegū quehnoano yeri wuh̄ uj̄edariro saha mari yerire ti quehnoañe ijigū masinota. Sa yero mari quehnoano yerina mari ijigū masigū yerota tiqiro. Quehnoano mari yeri wapa quehnoano yerota marine.

Sa yero yuc̄ari mehna, taa mehna, ñaidi pūri mehna mari yeri wuh̄re mari uj̄aa tuhugū uj̄aa wahare. Sata Jesucristo yere mari quehnoano yerari bato pih̄tiri deco ijigū, Cohācjū mari yerire uj̄aa tuhuro yero saha yerota mari yerire masino taro. Sata tiqiro yegū ñano yeri wuh̄ ti wuh̄ uj̄ariro saha mari yerire ñañe ijigū masinota. Sa yero mari quehnoano yerari bato ijigū marine masigū yerota tiqiro. Sa yero quehnoano yerarina mari ijigū ihñano quehnoañene mari yemedi wapare quehnoano yesi marine. Sa ijiyequinare Cohācjū yuh̄d̄orota. Sa ye sa quehnoano yerariquina mehenogā mehna yuh̄d̄eta.

¹⁶ M̄sa pehe Jesu yequina Cohācjū ya wuh̄ yero saha ijire. M̄sa sa ijigū ihñano ti wuh̄ru tiqiro ijiboro saha Espiritu Santo pehe m̄sa mehna ijire. ¿Tire masiedajari m̄sa? ¹⁷ Cohācjū ya wuh̄ ñañe marieni wuh̄ ijire. Sa yena m̄sa ḡhu ti wuh̄ yero saha ijina tiqiro yequina waro ijire. Sa yero Jesu yequinare ihcāqiro dojomehnegū Cohācjū pecaru cohānota tiqiro pehere.

¹⁸ Ni mehoñene tuhoturacāhña m̄sa. “Yojoru cjēna ye masiñene quehnoano masiaja”, ni tuhaturiqiro m̄sa mehna cjāno ijiro Jesu ye pehere quehnoano masiahdo. Tiqiro sa masigū ihñañe apequina tiqirore “Taho masieniqiro ijire”, nieta. Sa yero Jesu yere masino, potota quehnoano masidiqiro waharota. ¹⁹ M̄sa esa tuhuro tiquina basi tiquina masiñene “Ihyo warota ijire”, ni tuhature Cohācjū. Sata nine Cohācjū yere tiquina ojoari pūru: “Tiquina esa tuhuro masiñequina tiquina masiñe dahseati ijierare, Cohācjū tiqiro ihñagū. Sa yero tiquina cahmeno saha yeragū yere tiquinare”, nine Cohācjū yere tiquina ojoari pūru. ²⁰ Sa ye ape pūru ohō saha nine: “M̄sa tiquina esa tuhuro masi pehoyequina tiquina tuhutuye dahseati ijieragū masine mari p̄htoro Cohācjū pehe”, nine Cohācjū yere tiquina ojoari pūru.

²¹⁻²² Sa yena “Pablo ya curua cjāna ijiaja usā”, niedacāhña. “Apolo ya curua cjāna ijiaja usā”, niedacāhña. “Pedro ya curua cjāna ijiaja usā”, niedacāhña. Usā ijipih̄tina m̄sa yequina dihita ijiaja. Ijipih̄tiye m̄sa ye ijire. Cohācjū tiqiro bajumehnedire, catiye ḡhure ohori m̄sare. Sa yero pecaru wahaeragū yerota m̄sare. Yojoru ijijere, cameru ijia ti ḡhure m̄sare ohorota. Sa ye ijipih̄tiye m̄sa ye ijire. ²³ Sa yena m̄sa pehe Cristo yequina ijire. Sa yero Cristo pehe Cohācjū yaqiro ijire.

4

Cristo tiqiro yere buhe duti tiqiro cūriquina tiquina dahrayere yahuahye Pablo

¹ Ohō saha ni tuhutuya m̄sa yuh̄re Apolo ḡhure: “Tiquina Cristore dahra cohteyequina ijire. Sa ye m̄sa tiquina masiedarire Cohācjū yere buheyequina ijire”, ni, tuhutuya m̄sa usāre. ² Dahra cohteyequinare tiquina p̄htoro tiqiro dutiriro saha ye cohtero cahmene tiquinare. Yuh̄ ḡhure sata yero cahmene Cristore. ³ Sa ijiepegūta yuh̄re m̄sa yahu wajaepēgūta sa tuhutu cjā yuh̄. Apequina p̄htoa yuh̄re tiquina yahu wajaepēgūta sa tuhutu cjā yuh̄. Yuh̄ yerire ihñana “Ahri quehnoañe ijire. Ahri ñañe ijire”, ni masiedare m̄sa. Yuh̄ ḡhu masuta ijiaja. Sa yegu yuh̄ yerire quehnoano

masi pehoeraja yahu gāhu. ⁴ “Cristo yere yahu yuhduɔcari yuhare mariedare”, ni tuhutumaja yahu. Yahu ohō saha ni tuhotupegūta buhiri tiboaga yahu. Mari puhtoro Cristo dihita yahu yerire ihñano, quehnoano masine. ⁵ Sa yena mari puhtoro tiqairo tojoa tato pano masare ñano ni yahu wajaeracāhña masa. Tiquiro tojoa taro masa tiquina yerire, panopu apequina tiquina masedarire Cristo masigū yerota. Sa yero mari ye duayere, mari tuhutyere tiqairo masigū yerota. Sa yero tiqairo yere yeriquinare “Musa quehnoano yeri”, ninota Cohācjū.

⁶ Yahu acaye, yahu Apolo mehna usā buherire yahuu yahu, musare buhegu tagu. Sa ni yahuu yahu Cohācjū tiqairo yere tiquina ojoari pūpu tiqairo nidiro sahata masa yeducuatiere. Sa yena masa mehna cjēnare ihcāno saha cahme ño peoya. Ihcāquiroreta ño peoeracāhña. ⁷ Musa pehe apequina yuhduoro quehnoana ijierere. Masi yuhduɔcana ijierere masa. Cohācjū musare tiqairo ohori dihitarere cuore masa. Sa yena musare tiqairo yahuri dihitarere masine masa. ¿Musa esa tuharo cūona, masa esa tuharo masina ijierapenata, dahse yena “Masi pehona ijiaja”, niajari masa? Sa nina “Cohācjū usāre ohoerari. Sa yero usāre yahuerari”, niBORIRO saha yere masa.

⁸ Musa pehe “Cohācjū yere masi pehoaja usā. Usāre yabe boro duhsaerare”, nimene masa. Sa yena masa cahapu usā ijieragū masa ohō saha ni tuhotumene: “Puhtoa yero saha masina ijiaja usā”, ni tuhotumene masa. Potota Cohācjūre masi pehona puhtoa yero saha masina masa ijigū musare quehnoa yuhduaboaga. Musa sa ijigū masa mehna usā gāhu puhtoa yero saha masina ijiboaga. “Masina ijiaja usā”, ni tuhotuna, quehnoa yuhduaro ni tuhotumene masa.

⁹ Ohō saha ni tuhotuaja yahu pūrita: Usāre Jesu tiqairo yere buhe dutiro cūno, ijipihitiyequina iji bato tiri cjā curua cūri usāre. Tiquina wejē dutinohriquina yero saha ijjanare cūri usāre. Masa tiquina cahacjēna yero saha ijiaja usā. Ahri yehpa cjēna masa, angele gāhu cahacjēna yero saha ihñare usāre. ¹⁰ Cristo yere usā buhegū ihñañe “Taho masieñequina ijire”, nine masa usāre. Sa Cristo yere usā yegū ihñañe, usāre ihñā tuhtire. Musa pehe quehnoa yuhduaro Cristo yere masina ijjajari masa. “Cohācjūre wacū tutueyequina ijire”, ni tuhotumene masa usāre. Musa pehe quehnoa yuhduaro wacū tutua yuhduana ijjajari. Musa pehere masa ño peore. Usā pehere masa ne ño peoerare. ¹¹ Usā pehe yojopure ñano yuhduna, uja ahbana, aco wūona, ñano suhti mariena, wuhuse mariena ijiaja. Sa ye apequina usāre ño peoera, usāre ñano yere. ¹² Sa yena usā tutuaro

dahraja. Sa yena apequina usāre tiquina ñano yahuducuepegūta usā pehe tiquinare “Quehnoano ijiaja”, niaria usā. Sa yena apequina usāre ñano tiquina yepegūta sa tuhutu cjā usā. ¹³ Sa yena “Ñano yepequina ijire”, usāre tiquina niepegūta usā pehe quehnoano mehna tiquinare yuhtiaja. Sa ye panopu, yojopu gāhure ñañe wete yero saha masape cururi iji bato tiri curua cjēna yero saha ihñare masa usāre.

¹⁴⁻¹⁵ Musare quehnoañe buheyere buhe muhtagu masa pacu yero saha wahan yahu. Peyequina musare Cristo yere buheyequina tiquina ijiepegūta musare buhe muhtarigu ihcāta ijiaja yahu. Sa ijigū musare buhe tigū yegu tagu ahrire ojoagu niedu yahu. Yahu pohñare, yahu cahñare yahu dutiboriro saha musare quehnoano mehna dutigu tagu ahrire ojoagu yahu. ¹⁶ Sa yegu ahrire musare tutuaro mehna dutigu tagu niaria yahu. Yuhare ihñā cūña masa.

¹⁷ Ahrire ye dutigu tagu masa cahapu Timoteore ohou. Tiquiro yahu macu yero saha ijiriquiro yahu cahñiquiro mari puhtoro Jesu yaquiro ijire. Sa yero Cristo yere yeducure tiqairo. Cristo yere mari yeatire ijipihitiyequina Jesu yequina cahapu buhei yahu. Timoteo tire musare wacūducugū yerota. Sa yegu Cristo yere yahu yeriro sahata masa ihñā cūato saha Timoteore ohou yahu. ¹⁸ Timoteore yahu ohogū ihquēquina masa mehna cjēna puhtoa iji duayequina ohō saha nine: “Pablo marine cuero, mari cahapu ahtasi”, ni tuhotumene tiquina. ¹⁹ Cohācjū cahmegū masa cahapu mianogāta esautja. Sa esagu puhtoa iji duayequinare masa mehna cjēnare Cohācjū ye tutuayere tiquina cuogū masigutja yahu. Sa yegu tiquina sa ni maca cāri gāhure masigutja yahu. ²⁰ “Cohācjū usā puhtoro ijire”, mari ni yahuepegūta tiqairo yere mari yeragū ti mari niñe duhseati ijierare. Cohācjū tutuaye mehna tiqairo cahmeno saha ye masiaja. Ti ihyo waro ijierare. ²¹ ¿Musa cahapu musare buhiri dahreacju musare tuhtiacju yahu wahagū cahmeajari masa yuhare? ¿O musare cahigu musare bucuegu yahu wahagū cahmeajari masa yuhare? ¿Duhse ijigū yahu wahagū cahmeajari masa?

5

Corinto cjēna tiquina wñana tirire yahuahye Pablo

¹ Potota ohō saha quiti tire usāre apequina: Ihcāquiro masa mehna cjāno tiqairo muñore wñana tiñohiti. Sa ni yahuri masa usāre. Apequina pehe Cohācjūre cahmeñequina ijiepetata tiquina pehe sa yerare. ² Musa mehna cjāno tiqairo sa yepegūta masa pehe “Quehnoana ijiaja

usã”, ni tãhotumene. ¿Dãhse yena tiqũiro ñano yeyere masiepenata bujua witiarajari mũasa? Sa yena sa ñano yeriquiõre mũasa mehna Jesu yequina mehna ijiriquiõre cohãña mũasa. ³⁻⁴ Yũhu mũasa mehna ijierapegũta yũhu wacũñerũ mũasa mehnata ijiaja yũhu. Sa yegũ mũasa mehna ijigũ yũhu niboriro saha ñano yeriquiõre tiqũiro sa ñano yeri buhiri buhiri dahre duti tuhasaja yũhu. Jesu tiqũiro dutiro mehnata sa ye dutiaja. Sa yena mũasa cahmeoana yũhu wacũñe mehnarũ mũasa mehna yũhu ijigũ mari puhtoro Jesu tiqũiro tutuaye mehna tiqũirore ñano yeriquiõre cohãña, ohõ saha niña: ⁵ “Watũno tiqũiro cahmeno saha mũhare yecũnahdo”, niña tiqũirore. Sata niña tiqũirore ñãñene tiqũiro tutuaro cahmeñene tiqũiro duhuatire. Mũasa sa cohãgũ tiqũiro ñano yũhdarota. Mari puhtoro Jesu tiqũiro tojoa tati deco ñano yeriquiõre Jesu mehna tiqũiro quehnoano yũhdũatire yojopũre tiqũirore sa niña.

⁶ “Quehnoana ijiaja usã”, niepenata ñano yena niaga mũasa. Ñano yeriquiõre mũasa sa ihña cãna, ti ñãñene mũasa ijipihtina piha pihtia wahanata. Pãre pugũ yeye trigore ti quehnoano sehõsaro saha ti ñãñe mũasa piharo quehnoano sehõsa waharota. ¿Tire masiedajari mũasa? ⁷ Yũhu acaye judio masa pascuia ijigũ ovejare wejẽ, ujuã muo, Cohãcũre ño peore. Sata oveja tiqũiro yariariro saha Cristo mari ñãñe buhirire yariaa wahahye. Tiquiõro sa waharire masina mũasa pehe ñano yeriquiõre mũasa mehna cãnõre cohãña ti ñãñe mũasa “Pihari” nina. Mũasa ñãñe yerire cohã tuhasari Cristo. Sa yena ñano yeriquiõre cohãña “Pari turi ti ñãñene pihari”, nina. ⁸ Pãre pugũ yeye trigore ti sehõsariro saha panopũ ñãñene ihña cũ, ye pihtirina ijimi mari. Sa yena pascuia bõse decopũ pãre pugũ yeye marieno pãre tiqũina ihyariro saha mari gãhũ ñãñene cahmeno marieno ñano yero marieno ijihna mari. Panopũ mari ñãñene yeriro saha yeracãhna. Sa yena potota quehnoano tãhotuye mehna, quehnoañene yeihna.

⁹ Mũasa yũhu ojoari pũpũre Jesu yaquiro tiqũiro ijiepegũta sa wũana tiducuriquiõre ne piti ti dutierami. ¹⁰ Sa nigũ wũana tiyequinare, apeqũna yere tutuaro cahmeñequinare, yaqueyequinare, “Cohãcũ ijire”, tiqũina niñe queoyere ño peoyequinare Jesu yequina tiqũina ijieragũ “Tiquina mehna ijieracãhña”, niedaja. Ahri yehparũ sa ijieyequina marieno Jesure cahmeñequina marieno mari dihita iji masiedaja. Ijipihtropũre ijire tiqũina pehe. ¹¹ Sa yegũ mũasa ojoagu ohõ saha dutimi: Mũasa mehna cãnõ “Jesu yaquiro ijiaja”, nidiquiõre ijieperota numino mehna ñano yeriquiõre, apee borore tutuaro cahmediquiõre, “Cohãcũ ijire”, tiqũina niñe

queoyere ño peoriqũiro, ñano quiti yeducuriquiõre, queheriquiõre, yaqueriquiõre tiqũiro ijigũ tiqũirore piti tieracãhña. Sa yeriquiõre “Jesu yaquiro ijiaja”, nidiquiõre ijigũ tiqũirore piti tieracãhña. Sa yena sa yeriquiõre mehna ihyeracãhña. ¹² Sa yegũ Jesu yequina ijieyequinare tiqũina ñãñe yeri buhirire buhiri dahre dutirigũ ijieraja yũhu. Sa yũhare yeraro cahmene. Yũhu sa niepegũta mũasa mehna cahmeoañequina Jesu yequina mũasa basi mũasa yerire ihña, masino cahmene mũasa. Sa ihña cãedarõ cahmene. Sa yena tiqũina ñano yegũ ihña mũasa buhiri dahrerõ cahmene tiquinare. ¹³ Jesu yequina ijieyequina pehere Cohãcũ pehe buhiri dahrerõta. Sa yena mũasa pehe mũasa mehna cãnõre ñano yeriquiõre buhiri dahrena tiqũirore cohãña.

6

Jesu yequinare yahusãre yahuahye Pablo

¹ ¿Mũasa basi cahme ihña tuhti yahusã duana dũhse ijiro boro Jesu yequina ijieyequina cahapũ mũasa acayere Jesu yequinare yahusãna wahajari? Jesu yequinare mũasa mehna cãnõre yahusã duana apeqũna Jesu yequinare tire yahuro cahmene mũasa. Sa ye Jesu yequinapũ beseahro. ² Pihtiri deco ijigũ mari Jesu yequina pehe masa ijipihtiyequina tiqũina yerire ihña besenata mari tiquinare. ¿Tire masiedajari mũasa? Sa yena pihtiri deco ijigũ masa ijipihtiyequinare beseatina ijina, yojopũ gãhare bese masiaja mari. Sa yena yojopũre ihyo ijieyegũ buhiri gãhare bese masiaja mari. ³ Angele tiqũina yerire ihña tiqũina gãhare besenata mari. ¿Tire masiedajari mũasa? Mari sa beseatina ijina potota ti yũhdũoro yojopũ gãhare Jesu yequina tiqũina yerire ihña bese masiaja mari. ⁴ ¿Sa yena dũhse yena mũasa mehna cãnõre yahusã duana Jesure cahmeñequina cahapũ ihyo ijieyegũ buhirire yahusãna wahajari mũasa? ⁵ Ahrire nigũ niaja mũasa queoro yerarire mũasa bujua witiatire. ¿Mũasa mehna cãnõre mũasa cahme dũse tini wiagũ mũasa yahuatiquiõre mũasa mehna cãnõ quehnoano masiniquiõre marijedajari? Ijire. ⁶ Sa ijiepegũta mũasa mehna cãnõ Jesu yaquiro apeqũro Jesu yaquirore yahusã duaro Jesu yequina ijieyequinare yahusãno wahare.

⁷ Masare beseyequina puhtõa cahapũ mũasa mehna cãnõre yahusãna Cohãcũ ye pehere yũhdũducana nine mũasa. Apeqũro mũasa mehna cãnõ mũasa ñano tiqũiro yegũ sa tãhotu cãboaga mũasa. Jesu yequina ijieyequinare mũasa yahusãto pano mũasa acayõrore mũasa sa tãhotu cãgũ quehnoa yũhdũboaga. Jesu yaquiro mũasa tiqũiro yaqegũ tiqũirore mũasa yahusãto pano

tiqiro yaquerire musa sa tuhotu cāgū quehnoa yuhduaboaga. ⁸ Musa gāhu sa ijinata ijire. Apequinare ñano yere musa. Sa yena yaquere musa. Sa yena apequina musa mehna cĵēna Jesu yequina tiquina ijiepegūta tiquinare ñano yena, yaquere musa.

⁹ Sa yeyequina Cohācĵū puhtoro ijioropre ahmusepare waha masiedare. ¿Tire masiedajari musa? Ni mehoñene tuhotueracāhña musa. Mari puhtoro ijioropre ne wahasi ohō saha yeyequina: Wuana tiyequina, “Cohācĵū ijire”, tiquina niñe queoyere ño peoyequina, numia mehna ñano yeyequina, amua mehna ñano yeyequina numia, amua sehsaro tiquina paguri mehna ñano yeyequina, numia sehsaro tiquina paguri mehna ñano yeyequina numia, ¹⁰ ni meho ehmañequina, apequina yere tutuaro cahmeñequina, queheyequina, masare ñano tuhtiyequina, yaqueyequina, ne Cohācĵū puhtoro ijioropre ahmusepare waha masiedare. ¹¹ Panopre musa gāhu sa yerina ijimedi. Sa yemedina musa ijiepegūta yojopre musa ñano yerire cose tuhasari Jesucristo pehe. Sa tiqiro cosenohrina musa ijigū tiqiro yequina ijiatinare yeri Cohācĵū musare. Sa yero “Quehnoana ijire”, ni ihñare musare tiqiro. Sata yere musare mari puhtoro Jesucristo, Espiritu Santo gāhu tiquina tutuaye mehna.

Mari paguri Cristo ye paguri ijire

¹² “Yuhū cahmeno saha ye masiaja yuhū”, nine ihquēquina. Sata ijire. Yuhū gāhu sa nidigū ijiepegūta tire yegū apequinare yedohorigū ijieraboaga yuhū. Yuhū cahmeno saha ye masiaja. Sa ye masiepegūta ihquē tahari sa yegū ijigū duhu masiedaboaga yuhū. Sa yegū tire pari turi yesi yuhū, “Duhu masiedaboaga”, nigū. ¹³ Ohō saha nine musa: “Ijipihtiye ihyaye mari paa cĵē ijati ijire. Sa yero mari paa ihyaye pose tiati paa ijire”, nine musa. Ti ijirota ijire. Sa ijieperota came Cohācĵū pehe mari ihyaye mari paa gāhure pihtia wahagū yerota. Sa ye mari ihyaye ihyo warota ijiro nine. Ihyaye mari paa cĵē ijati ijire. Sa ijieperota mari paguri numia mehna ñano yeati paguri ijierare. Mari paguri pehe mari puhtoro Cristo ye paguri ijire nine. Sa yero mari puhtoro pehe mari pagurire quehnoano yeatiqiro ijire. ¹⁴ Sa yero Cohācĵū tiqiro tutuaye mehna mari puhtoro Cristore masoahye. Sa tiqiro yeriro sahata mari gāhure masonota tiqiro.

¹⁵ ¿Sa yena musa paguri Cristo ye paguri ijigū masiedajari musa? ¿Ti sa ijigū Cristo ya pagū mehna wuana tiricoro mehna mari ñano yegū quehnoajari? Quehnoaedare. ¹⁶ Wuana tiricorore ñeheniquiro tiqiro pagū pehe ticoro ya pagū mehna ijiro, ihcā pagū

yero saha ijire. ¿Tire masiedajari musa? Sata ni ojoahye Cohācĵū yere tiquina ojoari pūpū: “Tiquina puaro ijiepetā ihcā pagū yero saha wahare”, ni ojoahye. ¹⁷ Mari puhtoro Jesu tiqiro yaqiro masano mehna ijiro nine. Sa yero masano mari puhtoro mehna puaro ijiepetā ihcā pagū yero saha ijire.

¹⁸ Sa yena wuana tieracāhña. Tire musa yabiro saha tire yeracāhña. Apeye ñañene mari yena mari pagure dojomehnedaja. Wuana tiriqiro pehe tiqiro pagure ñano dojomehnene. ¹⁹ Espiritu Santore marine ohori Cohācĵū. Sa yero mari paguri mehna ijire Espiritu Santo. ¿Tire masiedajari musa? Sa ye musa paguri, musa jeripohnari gāhu musa ye waro ijierare. ²⁰ Musa ñañe buhirire buhiri dahre tuhasari Cristore. Sa yena tiqiro yequina waro ijire musa. Tiqiro yequina ijina musa paguri mehna Cohācĵū tiqiro cahmeno sahata yeya. Sa yena Cohācĵūre ño peona nine musa. Sa yena apequina gāhure tiqirore ño peogū yena nine.

7

Namo tiyere yahuahye Pablo

¹ Yojopre yuhare musa sinitu ojoarire yuhū gāhu yuhti cahmegū tagū niaja: Masano namo tieragū quehnoare, yuhū ihñagū. ² Ti sa ijiepegūta apequina amua pehe namo tiahro apequina numia mehna tiquina “Ñano yeari”, niñe. Sa ye ihquē numiata manū tiahro apequina mehna tiquina “Ñano yeari”, niñe. ³⁻⁴ Manū tiricoro pagū ticoro ya pagū dihita ijierare. Ticoro manūno ya pagū gāhu ijire. Ticoro manūno gāhu tiqiro pagū tiqiro ya pagū dihita ijierare. Tiqiro namono ya pagū gāhu ijire. Sa yena musa amua pehe musa namosānumiare quehnoano cuoya. Sa yena musa numia gāhu musa manusamūare “Yuhū pagure piheracāhña”, niedacāhña. ⁵ Sa ijiepegūta Cohācĵūre puaro musa sini duana “Meheñe decorigā yuhū mehna ijieracāhña. Cohācĵūre siniñna”, ihcāno mehna sa nina, sa ye masine musa. Musa sa nidi bato musa iji mūhtariro saha ijiducuya tja, Satana musare “Ñano ye dutiari”, nina. “Apequina mehna ñano yeboaga”, nina, musa basi piti ti duhueracāhña. Musa iji mūhtariro saha ijiducuya tja.

⁶ Ahrire musare yojopre yuhū nidire nigū musare dutiye waro mehna niedaja. Sa yahugū niaja musa yeatire musa masiatire. ⁷ Ijiphtina musa yuhū yero saha namo tienā musa ijigū quehnoaboaga yuhure. Sa iji duepenata mari ijiphtina ihcāno saha ijieraja. Ihquēquinare namo ti dutire Cohācĵū. Sa yero tiqiro ihquēquinare namo ti dutierare.

⁸ Sa yegu namo marienare, manu marienare, wape wiha numia gühare ohö saha ni-aja musare: Namu mariena, manu mariena iji masina, sata iji cähña yuhu yero saha. ⁹ Sa iji masiedana tutuaro ñañene cahmena, namo tiya. Sa yena manu tiya. Ñañene musa tutuaro cahmegü quehnoaedare musare. Musa sa tutuaro cahmegü musa namo tigü pürita quehnoaríne. Sa yena musa manü tigü gühare quehnoaríne.

¹⁰ Musa namo tinare, manü tina numiare ohö saha dutiaja. Yuhu sa niepegäta yee dutiye waro ijierare ahri. Mari puhtoro Cristo ahrire dutire: Musa numia pehe musa manusumare cohäedacähña. ¹¹ Musa manusumare cohäna, manü mariena numia tojoaya. Sa tojoerana pari turi musa manusumä mehna quehnoano ijiya tja. Sa yena musa gühü umä musa namosänumiare cohäedacähña.

¹² Sa yegu musa gühare apequinare ohö saha niaja yuhu. Mari puhtoro tiqiro dutiye ijierare ahri. Yuhu pehe ohö saha niaja musare: Ihquëquina musa mehna cjëna Jesu yequina pehe Jesure cahmeeñequina numiare namo tiriquina ijire. Sa ye tiquina namosänumia tiquina mehna tojoa duagü tiquina numiare cohäedacähdo tiquina. ¹³ Sa ye ihquëquina musa mehna cjëna numia Jesu yequina numia Jesure cahmeeñequinare manü tiriquina numia ijire. Sa ye tiquina manusumä tiquina numia mehna tojoa duagü tiquinare cohäedacähdo. ¹⁴ Musa manusumä Jesure cahmeeñequina ijiepegüta Jesu yequina numiare tiquina namo tigü, Cohäcjü quehnoañequina yero saha ihñare tiquinare. Sa yena musa umä pehe Jesu yequina musa ijigü musa namosänumia Jesure cahmeeñequina numia ijiboaga. Tiquina sa ijiepegüta musa mehna tiquina numia manü tigü Cohäcjü quehnoañe numia yero saha ihñare tiquina numiare. Tiqiro sa ihñedagü musa pohna Jesure cahmeeñequina pohne yero saha ihñaboaga Cohäcjü. Sa yero tiquina pohne gühare quehnoañequina yero saha ihñare Cohäcjü. ¹⁵ Sa ye musa umä pehere musa namosänumia Jesure cahmeeñequina numia musare cohä duaye, sata yeahro. Musa manusumä gühü sa cohä duaye, sata yeahro. Quehnoano mari ijigü cahmene Cohäcjü. Sa yero tiquina numia Jesu yequina ijieye numia musare cohä duagü "Tiquina numia mehna ijiniña", ni, dutierare Cohäcjü.

¹⁶ Tiquina namosänumia Jesu yequina numia pehe quehnoano yegü ihñañe camerü tiquina manusumä Jesure cahmeboaga. Sa cahmegü Cohäcjü tiquinare pecarü wahaboriquinare yuhduorota. Sa ye tiquina manusumä Jesu yequina pehe quehnoano yegü ihñañe camerü tiquina

namosänumia Jesure cahmeboaga. Sa cahmegü Cohäcjü tiquina numiare pecarü wahaboriquina numiare yuhduorota. Sa Jesure cahmeboriquina tiquina ijiepegüta potota Jesure tiquina cahmeatire masiyuro basioerare musare.

¹⁷ Sa yena ijipihtina musa mari puhtoro Cristo musare tiqiro iji dutiriro sahata yeya. Sa yena Cohäcjü musare tiqiro cürire yeya musa. Tire ijipihtiyequina Jesu yequinare sa ye dutiducüaja yuhu. ¹⁸ Jesu yequina musa ijia to pano cuhñucunü sohto cahserogäre yuhre nena ijina, tire ihña yabieracähña. Sa yena Jesu yequina musa ijia to pano cuhñucunü sohto cahserogäre yuhre nedarina ijina yojopü gühare sata ijiducüya. ¹⁹ Yojopure ti cahserogäre yuhre nedina musa ijigü dahseati ijierare. Tire yerarina musa ijigü gühare dahseati ijierare. Sa ijiepegüta Cohäcjü dutiyere mari yegü ti pürita ihyo waro ijierare. ²⁰ Sa yena Cohäcjü Jesu yequina musare tiqiro cüri pje musa ijiriro sahata tojoaya. ²¹ Jesu yaqiro muhü iji dacato pano apeqiro cahacjü muhü ijigü quehnoanota. Sata tojoaya. Muhü puhtoro muhäre tiqiro wio duagü pehere wijiaya muhü. Muhü wi-jiagü quehnoanota muhäre. ²² Sa yero mari puhtoro Jesu yaqiro ihcäqiro ijiro masno cahacjano ijieperota Jesu tiqiro yuhduoriquiro ijire. Sata apeqiro mari puhtoro Jesu yaqiro ijiro, masno cahacjano ijieraperota Jesu cahacjano ijire tiqiro gähü. ²³ Mari ñañe buhirire buhiri ti tuhasahye Cristo. Sa yena tiqiro dihitare potota musa puhtoro waro tuhötuya musa. Apequina musare tire tiquina ye dutieragü tiquinare tuhoeracähña. ²⁴ Sa yena yuhu acaye, Jesu yequina ijiatiquina Cohäcjü musare tiqiro cüri pje musa ijiriro sahata tojoaya. Sa tojoana Cohäcjü mehna cjäna ijiya.

²⁵ Yojopure namo marienare, manü mariena numia gühare yahu duaja musare. Mari puhtoro ahrire "Ohö saha niña", niedare yuhare. Yuhäre tiqiro paja ihñagü yuhäre tiqiro yedohogü tiqiro cahmeno sahata yeducurigü ijiaja yuhu. Sa ijirigü ijigü ahrire quehnoano yahutja musare. ²⁶ Yojopure musa ñano yuhduna niaga. Sa yena musa namo mariena gähü, manü mariena gähü musa tojoagü quehnoanota, yuhu tuhötügü. ²⁷ Namu mariena, manü mariena numia musa ijina sata tojoaya. Sa yena musa pehe namo tina, manü tina numia gähü sata tojoaya. ²⁸ Namu tina ñano yerare musa. Sa yena musa nuhmia manü tina, ñano yerare musa gähü. Sa yena namo tina, manü tina numia musare wape cüoro tojoarota. Sa yegu musare "Sa wape tiari", nigü "Namo mariena, manü mariena numia tojoaya", niaja yuhu.

²⁹ Yũhũ acaye, ahrire mäsare yahugũ niaja. Cristo ahri yehparũ tiqũiro tojoa tato mehenogã dahsare. Sa ye yojopãre namo mariefũequina Cohãcjũ cahmeno saha tiquina quehnoano ye masino sahata quehnoano yero cahmene namo tiyequina gãhũre. Sa ye manũ tiyequina numia gãhũre sata Cohãcjũ tiqũiro cahmeno saha quehnoano yero cahmene. ³⁰⁻³¹ Ahri yehpa yojopãre ijiro saha camepũ ijisi. Camesa pihtia wahaarota. Sa pihtiatu yehpa ijigũ yojopãre mari ñehe quea utiye, mari bucueye, mari cõoye pihtia wahaarota. Sa ye ti ihyo waro ijire. Cohãcjũ yere yeye pehe ihyo waro ijierare. Sa ye ahri yehpa cjẽne cõoyequina, cõoyequina yero saha ijiaharo. Ahri yehpa cjẽne pajiro tahotueraro cahmene. Ahri yehpa yojopãre ijiri yehpa camesa pihtia wahaarota.

³² Mũsa ñano yũhdũeragũ cahmeaja yũhũ. Sa yegũ mũsa pajiro mũsa tahotueragũ gãhũre cahmeaja. Namu mariediũquiro Jesu yaquiro ijiro Jesu yere wacũducure. Sa wacũducuro Jesu cahmeñene tutuaro ye duare. ³³ Namu tiriũquiro pehe tiqũiro namono cahmeñe pehere tutuaro ye duare. Sa yero ahri yehpa cjẽne pajiro tahoture. ³⁴ Sa yero tiqũiro pũarore ye duare. Jesu cahmeñene, tiqũiro namono cahmeñe gãhũre tiqũiro ye duare. Sa yero bucõoro manũ mariedicoro ijiro, ticoro mari pũhoro Jesu cahmeñene tutuaro ye duare. Nuhmino gãhũ sata ye duare. Sa ye duaro ticoro tutuaro Cohãcjũ yacoro iji duare. Manũ tiricoro pehe ahri yehpa cjẽ pehere ticoro manũno cahmeñe pehere tutuaro ye duare. Sa yero ahri yehpa cjẽne pajiro tahoture.

³⁵ Ahrire mäsare nii niaja mäsare yedohogu tagũ. Tutuaro dutiyere mäsare cũ dueraja. Sa cũ duerapegũta quehnoano mũsa yegũ cahmeaja. Sa yegũ Jesu mari pũhoro yere mũsa tutuaro ye duagũ cahmeaja yũhũ.

³⁶ Mũsa mehna cjãno tiqũiro cahmedicoro bucõoro wahagũ ihũano ticorore namo tiaharo. "Sata yero cahmene", ni tahoturo, namo tiaharo. Sa yero ticorore namo tiro ñano yero niedare. ³⁷ Apequiro pehe tiqũiro cahmedicorore "Yũhũre namo tiro cahmene", ni dueraro, tiqũiro cahmediro sahata yeharo. Tiqũiro namo ti dueragũ, quehnoanota. Quehnoano yero nine. ³⁸ Sa yero tiqũiro cahmedicorore namo tiriũquiro gãhũ quehnoano yere. Sa yero yojopãre ticorore namo tieriqũiro pehe apequiro yũhdũoro quehnoano yere.

³⁹ Manũ tiricorore ticoro manũnore cohã dutierare Cohãcjũ. Tiqũiro sa cohã dutierapegũta ticoro manũno tiqũiro yariari bato ticoro apequiro mehna ticoro cahmedicoro mehna manũ ti

masine. Ticoro manũ tiriũquirore Jesu yaquiro ijiro cahmene tiqũirore. ⁴⁰ Ticoro manũ mariedicoro tojoaro, manũ tiricoro yũhdũoro quehnoano bucuericoro ijirota ticoro. Sata ni tahotuaja yũhũ pehe. Cohãcjũ yaquiro Espĩritu Santore cõogũ ijiaja. Yũhũ sa cõogũ ijigũ masina, ahri yũhũ yahurire masiña mũsa.

8

"Cohãcjũ ijire", tiquina niñe queoyere ño peo, ihyayere duhu peohaye masa. Ti ihyayere yahuahye Pablo

¹ Yojopãre "Cohãcjũ ijire", tiquina niñe queoyere ño peo, tiquina duhu peori ihyayere yahu duaja. Ijipihtina mũsa ti borore "Masiaja", ni tahoture mũsa. Sa ni tahotuna "Apequinare masi yũhdũucaja", ni tahotumene mũsa. Sa ni tahotuna apequinare yedohoreare mũsa. Apequinare cahĩna tiquinare yedohore mũsa. Sa ye masiñe yũhdũoro apequinare cahĩne pehe ihyo waro ijierare. ² "Masi peho cjã", nina ijina, Cohãcjũ quehnoañene tiqũiro masi dutiyere masiedarĩaga mũsa. ³ Sa ijiepegũta Cohãcjũre masi cahĩgũ mäsare masine tiqũiro. Sa yena tiqũiro yequina ijire mũsa.

⁴ "Cohãcjũ ijire", tiquina niñe queoyere ño peo, tiquina ihyayere duhu peore. Ti ihyayere mäsare yahutja: Ti queoye ne dahseati ijierare. Potota ti queoye jeripohna mariedare. Cohãcjũ pehe ihcãquirota ijire. Apequina cohãmana mariedare. Ahrire masiaja mari. ⁵⁻⁶ "Peyequina cohãmana ijire. Tiquina mari pũhota ijire", ni tahotumene masa. Sa yero ahmũserũ, ahri yehparũ gãhũre "Cohãmana", tiquina niñequina ijiepegũta mari pehere ihcãquirota ijire Cohãcjũ. Tiqũiro mari Pacũ ijipihtiyere bajumehnediũquiro ijire. Sa yero tiqũiro yequina ijiatinare yeahye tiqũiro marine. Sa yero mari pũhoro Jesucristo ihcãquirota ijire. Tiqũiro ijipihtiyere mari Pacũre ye basariũquiro ijire. Tiqũiro yequina ijiatinare yeahye tiqũiro marine. Sa yena tiqũiro mehna sa ijiducunata mari.

⁷ Yũhũ nidiro saha ijiepegũta apequina Jesu yequina tire masiedare. Panopũ tiquina "Cohãcjũ ijire", tiquina niñe queoyere "Catiyequina ijire", ni tahotuducumahye. Ti pjepeare sa yeriquina ijie yojopãre gãhũre ti queoyere ño peo, tiquina duhu peo ihyayere "Cohãmana ye ihyaye ijire", ni tahotumene. Sa ye ti ihyayere ihyaye, "Mari ñano yena niaja", ni tahotumene. Tire tiquina yerire quehnoano masiedaye, sa ni tahotumene. ⁸ Ti ihyayere mari ihyagũ mari ihyeragũ gãhũre Cohãcjũ marine "Quehnoañequina ijire", ni ihñedare. Sa ye ti ihyayere mari ihyagũ ihyo warota iji cãhno nine

ti ihyaye. Mari tire ihyana ñano yeraja. Ti ihyayere mari ihyeragã gãhure ihyo warota iji cãhno nine. Mari ihyerana apequina yuhduoro quehnoana ijjeraja mari gãhũ. ⁹⁻¹⁰ Sa ijiepegũta quehnoano yeya musa. Ti ihyayere ihyarina musa ijigũ apequina musare “Masijaja”, ninare ihña cũ ihyaboaga. Sa ihña cũ ihyaye tiquina yerire quehnoano masiedaye, “Ñano yena niaja mari”, ni tuhoutueta tiquina gãhũ. Tiquina sa ni tuhoutugũ tiquina pehere ñano yegũ yena niaga musa. Sa yena quehnoano yeya musa. ¹¹ “Mari ti ihyayere mari ihyagũ quehnoanota marine”, musa ni tuhotuna ijina apequina quehnoano masieñequinare ñano yegũ yeboaga musa, musare tiquina ihña cũgũ. Sa yeriquina ye ijijati gãhure yariahye Cristo. Sa yena Cristo yequinare musa acayere ñano yegũ yena niboaga musa. ¹² Quehnoano masieñequinare Cristo yequinare musa ñano yegũ yena, Cristo gãhure ñano yena nine musa. ¹³ Sa yegũ ti queoyere ño peo, tiquina duhu peo ihyayere yuhũ ihyagũ Cristo yequinare ñano yegũ yegu niboaga yuhũ. Jesu yequina ñano yegũ cahmedaja. Sa yegũ “Yuhũ tiquinare ñano yegũ yeari”, nigu ti ihyayere ne pari turi ihyasi yuhũ.

9

Pablo Jesu cõriquiuro tiquiuro ijyere yahuahye

¹ Jesu tiquiuro yere buhe dutiro cõrigũ ijijaja. Sa yegũ apequina tiquiuro cõriquina tiquina yero saha ye masijaja yuhũ gãhũ. Jesu cõriguta ijijaja yuhũ gãhũ. Mari puhtoro Jesure ihñariguta ijijaja yuhũ. Sa yena Jesu yere yuhũ buhegũ musa pehe tire quehnoano tuhona tiquiuro yequina wahare musa. Sa yena Jesu cõrigũ yuhũ ijyere masi tuhasare musa. ² Apequina yuhũre yahu wajaye “Jesu cõriquiuro ijierare”, niboaga. Tiquina sa niepegũta musare yuhũ buheri bato Jesu yequina wahana, “Jesu cõriquiuro ijire”, ni, yuhũre masi tuhasare musa. Sa yena apequina yahu wajaepẽgũta musa pehe tiquiuro cõrigũ yuhũ ijyere tyere masine.

³ Yuhũre yahu wajayequinare ohõ saha ni yuhũtiitja. ⁴ Musare yuhũ buheri bato yuhũ ihyatire yuhũ sihniati gãhure yuhũre ohoro cahmene musare. ⁵ ¿Sa yegũ namo tigu ijigũ yuhũ namono Jesu yacoro ticoro ijigũ ticoro mehna tini masiedaboagari yuhũ? Apequina Jesu cõriquina, Jesu bahana, Pedro gãhũ tiquina namosãnumia mehna tiquina tinidiro sahata yuhũ gãhũ tini masiboaga. Yuhũ sa tinigũ yuhũ namo tigu ijigũ ticoro gãhure ihyayere ohoboaga musa. ⁶ Yuhũ Bernabé mehna musare quehnoañe buheyere usã buhepegũta usãre

ne apee borogã ohoerari musa. Sa yena usã basita usã ihyatire dahra wapatau usã. ¿Usã dihitarẽ wapataro marieno buhero cahmeajari, musa tuhoutugũ? ¿Usã sa buhena apee dahraye pehere duhu masiedaboagari usã? ⁷ Ahriquina yuhũ queoye mehna yahuatiquina pehe tiquina dahrari wapa wapatare. Ihcãquiuro surara dahragũ tiquiuro puhtoa tiquiurore wapa yere. Tiquiuro basi wapa yerare. Ihyayere oteriquiro gãhũ tiquiuro oteri dũca tigũ tireta ihya masine. Sa yero wapatare tiquiuro. Sa yero ovejare ihña ihboriquiro tiquiuro nuñequina epẽcore sihni masine tiquiuro. Sa yero wapatare tiquiuro gãhũ. ⁸ “Tiquina dahrari wapare wapa yero cahmene”, nigu musa tiquina dutiye dihitarẽ musare yahueraja. Cohãcjũ dutiyepũ tiquiuro nidi gãhure musare yahugũ niaja. ⁹ Tiquiuro dutiyere tiquina ojoari pũpũ ohõ saha ni yahure: “Wecũ trigo pjerire tiquiuro dahpocãri mehna suhti weriquiro ihya duagũ tiquiuro dũserore cahmotaeracãhña”, niahye Cohãcjũ dutiye. Sa dutiro wecũare nino niedahye. ¹⁰ Sa dutiro marine nino niahye marine buhero taro. Wesere seheriquiro gãhũ ti dũcare nediquina gãhũ tiquina dahrari bato dũca tiri pje ijigũ tiquina wapatare cohtere. Sa yena dahrayequinare tiquina dahrari wapare ohoro cahmene marine. ¹¹ Musare Cohãcjũ yere quehnoañe buheyere buheĩ usã. ¿Usã sa buhegũ musa pehe usãre ihyayere ohoeraro cahmeajari, musa tuhoutugũ? Ohoro cahmene. Musa ohogũ quehnoaboaga usãre. Sa ijiepegũta musa ohoerari usãre. ¹² Sa ohoerapenata apequina ihyayere musare sinigũ tiquina pehere ohore musa. Tiquina musare ihyayere sinigũ tiquina yuhduoro usã pehe oho dutiboaga musare.

Sa oho dutiborina ijiepenata usã pehe “Usãre ohoya” ne niedũ. “Cristo ye buheyere musapũ cahmedaboaga” nina, usãre mariedapegũta musare ne siniedũ. ¹³ Cohãcjũ wuhũpũ dahrayequina ti wuhũpũta tiquina ihyayere nene. Sa ye Cohãcjũre tiquina ño peori altarpũ cohteyequina wahiquirore tiquina ijijaja mũoriquirore mehenogã ne, ihyari tiquina gãhũ. ¿Tire masiedari musa? ¹⁴ Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene musare. Sata ye dutiri mari puhtoro Jesu. ¹⁵ Sa yegũ musare siniborigũ ijiepegũta yuhũ ne apee borore siniedũ musare. Sa yegũ ahrire yojopũre ojoa ohogũ apee borore wapa cahmegũ tagũ ojoagũ niedaja. Musare ne wapa cahme dueraja. Yariacũ ijiepegũta ne wapa cahmesi yuhũ musare. Wapa marieno buhegũ tutuaro bucueaja. Sa yegũ musare yuhũ buheri wapa ne wapata ihyasi.

¹⁶ Quehnoañe buheyere buhe dutiro yahure cūri Cohācjū. Tire buheacjūta ijigū niaja yūhū. Quehnoañe buheyere buheragū pejesnogū ijiboaga yūhū. Sa yegū ti buheyere buhegū “Apequinare masi yūhdūdcāja”, niacjū ijieraja yūhū. ¹⁷ Quehnoañe buheyere yūhū esa tuharo buhegū yūhū buheri wapa wapa neboaga yūhū. Cohācjū yahure tiqiro yere buhe dutiro cūri yūhūre. Sa yegū yahure tiqiro cūrire yegū niaja. Sa buheacjū ijiaja yūhū. ¹⁸ ¿Tiqiro yere sa buhegū yabe borore wapatajari yūhū? Ohō saha ijire yūhū wapataje: Quehnoañe buheyere buhegū māsare ne apee borore siniedagū wapa marieno ti buheyere buheaja māsare. Yūhū sa nidire masigū bucueaja. Yūhū bucuyeta ijire yūhū wapataje.

¹⁹ Ne masa cahacjū ijierapegūta ijipitiyequina cahacjū yero saha ijiaja yūhū apequina masa Jesu yequina tiquina wahatire. ²⁰ Sa yegū yūhū acaye judio masa mehna ijigū, tiquina yero saha yeaja yūhū Jesu yequina tiquina wahatire. Cohācjū dutiyere Moiserē tiqiro cūrire ño peorigū ijierapegūta, ti dutiye dihitarē ño peoyequina mehna ijigū ti dutiyere ño peoriquiro yero saha ijiaja yūhū. Sata yeaja yūhū tiquina Jesu yequina tiquina wahatire. ²¹ Sa yegū Cristo yaquiro ijigū Cohācjū dutiyere Moiserē tiqiro cūrire cohā dueraja. Ti dutiyere cohā duerapegūta ti dutiye marieñequina mehna ijigū ti dutiye marieniquiro yero saha ijiaja. Sata yeaja yūhū Jesu yequina tiquina gūhū wahatire. ²² Jesu yere quehnoano masieñequina mehna ijigū tiquina yero saha ijiaja. “Masi pehogū ijiaja”, niedaja yūhū. Sata yeaja yūhū Jesu yequina tiquina gūhū wahatire. Sa yegū ijipitiyequina masa tiquina ijiro saha ijiaja yūhū, ihquēquina Jesu yequina tiqiro yūhdūoriquina tiquina wahatire. ²³ Ahrire yeaja quehnoañe buheyere ijipitiyequina tiquina tūhoatire. Yūhū sa yegū ihñano Jesu tiqiro buheriro saha yūhū gūhūre quehnoano yere. Sa yegū masa tiquina ijie tiro saha ijiaja.

²⁴ Ohō saha ijire mari queoye mehna buhegū. Oma cohāpeyequina omañe tiquina ijipitiyequina omare. Tiquina sa oma pihtiepegūta oma tutuariquiro pehe esa mūhtare. Sa esa mūhtariquiro wapatare. Sa yena tiquina omariro saha mūsa gūhū Cohācjū cahmeñene yeya mūsa wapatare. ²⁵ Ijipitiyequina omañequina tiquina pagure dojomehnefene duhu cā, quehnoano omapore tiquina oma tutuatiere. Sa ye tiquina quehnoano omatiere queoro ihyaye, queoro carñe, quehnoano yere tiquina. Sata yere tiquina wapatare saha. Sa ye tiquina wapataje pūri mehna tiquina yeri behto ijire. Ti behto pehe yoari pje

ijierare. Duita ahbaa wahare. Mari pehe Cohācjū yere quehnoano buheaja tiqiro yere mari wapatare saha. Ti wapataje pūrita ne ahbaerare. ²⁶ Sa yegū yūhū ape siepū omariquiro yero saha yeraja. Sa yegū cahmequeperiquiro ape siepū dote maca cāriquiro yero saha yeraja. Sa yegū Cristo yere queoro ye duaja. ²⁷ Sa yegū omapeyequina, cahmequepeyequina gūhū tiquina pagūre tiquina buheriro saha, quehnoano queoro tiquina yeriro saha yūhū gūhū yūhū pagū mehna quehnoañe dihitarē yeroaja. Sa yeragū apequinare buherigū yūhū ijiepegūta dūhseacjū ijieraboaga yūhū pehe.

10

“Cohācjū ijire”, tiquina niñe queoyere ño peo dutierahye Pablo

¹ Sa yena yūhū acaye, ahrire masiñā mūsa. Ūsā Israe masa ñecshymta mūna panopū cjēna ijipitiyequina Cohācjū ya ehmeo curuare ihñā nunū tā cāa wahahye. Sa wahaye, aco sohāri mare aco pūa peheri tojoadacari mahapū wūa queheri mahapū tiniñe, pehāa wahahye. ² Sa wahaye, tiquina ijipitiyequina ehmeo curua mehna aco sohāri ma cjē aco mehna Cohācjū ye ijiatire wame yenhriquina yero saha wahahye. Wame yenhriquina wahana Cristo yequina mari ijiyere ihñona niaja. Sa tiquina aco sohāri mare wame yenhriquina yero saha wahaye, Moise yequina tiquina ijiyere ihñofne niahye. ³ Sa ye tiquina ijipitiyequina ahmūse cjē ihyayere ihyaye tiahye Cohācjū tiqiro ohoyere. ⁴ Sa ihyaye tiquina ijipitiyequina Cohācjū ohori aco gūhūre sihnie tiahye. Ti pjepeure ti acore Cohācjū cūri utāpū wijiari acore sihnie tiahye tiquina. Tia utā yero saha ijiriquiro, tiquinare aco ohoriquiro Cristo ijiahye. ⁵ Tiquina sa wahariquina ijiepegūta apequina tiquina mehna cjēna ñano yegū ihñano Cohācjū pehe peyequina tiquina mehna bucuerahye. Sa yero tiquinare masa marienopū yariagū yeahye Cohācjū.

⁶ Sata yeahye tiquinare Cohācjū marine buhero taro. Sa yero tiquinare ihñā cū ñañene mari tutuaro cahmedatiere Cohācjū sa yeahye tiquinare. ⁷ Sa yena “Cohācjū ijire”, tiquina niñe queoyere tiquina ño peoriro saha yeracāhñā mūsa. Ti queoyere tiquina ño peorire Cohācjū yere tiquina ojoari pūpū yahuro ohō saha niahye: “Tiquina ihya duji sihni tuhasa, wahcādūca, bose deco ye dacahye wecu queoyere ño peoye tehe”, ni ojoahye panopūre. ⁸ Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcā decota tiquina veintitres mil masa

yariaa wahahye. ⁹ Apequina Israe masa Cohācjüre tiquina mehna usuagū yeahye. “Marine buhiri dahresi”, niñe Cohācjüre tuhtiahye. Sa tuhtiyē tiqiuore usuagū yeahye. Tiquina sa yeri buhiri Cohācjū añaa pari mehna bahque wejēahye tiquinare tja. Sa yena tiquina yero saha Cristore yeracāhña msa. ¹⁰ Apequina Cohācjüre unure tuhtigū angel masare wejēdiqiuo tiquinare wejēahye. Sa yena tiquina yero saha yeracāhña.

¹¹ Sa wejē dutiahye tiquinare Cohācjū marine buhero taro. Mari pehe pihtiri deco panogā ijina ijiaja. Mari sa ijina ijigū panopū cjēna tiquina sa waharise Cohācjū ojoa dutiahye marine quehnoano buhero taro. ¹² Sa yena “Quehnoana ijiaja, Cohācjū tiqiuo ihñagū”, ni tñhotu, quehnoano yeya msa “Ñañene yeari”, nina. ¹³ Mari ijipihitina ihcāqiuo dñsaro marieno ihquē tahari ñañene wacūaja. Sa wacūna ti ñañene ye duaja. Mari sa ye duepegūta Cohācjū marine yedohoducuriqiuo ijire. Sa yero ti ñañe wacūñene mari bo masiedagū tiqiuo pehe marine yedohorota. Sa yero ti ñañene mari ye duagū ihñano Cohācjū ti ñañene marine ye dueragū yerota. Tiquo sa yegū ti ñañene ye duasi mari.

¹⁴ Sa yena yahū cahña yahūre tahoya. “Cohācjū ijire”, tiquina niñe queoyere ne ño peoeracāhña. ¹⁵ Msa quehnoano masina ijigū msare yahuaja. Sa yena yahū niato poto ijigū masiña msa basi. ¹⁶ Cristore tiquina ñehedi ñamine vinore tiqiuo sihniato pano Cohācjüre “Quehnoare”, niahye. Tiquo nidiro saha mari gāhu ti vinore sihniata Cohācjüre “Quehnoare”, nina, mari ye buhiri Cristo tiqiuo yariarire masigū yena niaja. Tiquo dii wijiarire masigū yena niaja. Sa yena tiqiuo yequina mari ijieye gāhure masigū yena niaja mari. Sa yena pāre mari Cristo yequina nuhana mari ye ijiatire tiqiuo pagū curusapū tiqiuo yariarire masigū yena niaja. Sa yena tiqiuo yequina mari ijieye tiye gāhure masigū yena niaja. ¹⁷ Sa yena peyequina masa ijiepenata ihcāria pāgāre ihyana, ijipihitina mari Cristo yequina ihcā curuata ijiaja. Sa yena peyequina ijiepenata ihcā curuata ijiaja.

¹⁸ Israe masa tiquina yerire wacūña msa: Tiquina wahiuirore wejēñe, ũjāa mso, ohoye, Cohācjüre ño peore. Sa tiquina ohori bato ihcā curuata tiquina ohoriuirore ihyare. Sa ihyare Cohācjū yequina tiquina ijieye tiyere masigū yere tiquina. ¹⁹ Ohō sahata nii niaja msare: “Cohācjū ijire”, tiquina niñe queoye dñhseati ijierare. Sa yero queoyere ño peo tiquina duhu peoye ihyare pehe ihyo warota ijero nine. Ti ihyare marine sijoro saha wahagū yerare. ²⁰ Ti ihyare sijoro saha wahagū yerapegūta ti ihyare ihyeraro

cahmene. Ohō saha ijire ti. Cohācjüre cahmeñequina wahiuirore wejē, ũjāa mso, Cohācjüre ño peoye niedare. Sa ye queoyere ño peoye watā pehere ño peore tiquina. Tiquina sa ño peoyequina ijigū tiquina mehna ihyana watā yequina yero saha yena niaga msa. Msa sa yegū pūritare ne cahmedaja. ²¹ Santa cenare mari yeri deco mari pahuro Jesure wacūna tana sihniaja. Mari sa sihniata, watāno ye pehere sihni masiedaja mari. Sa yena Jesure wacūna tana pāre ihyaja. Mari sa ihyana, watā ye pehere ihya masiedaja mari. ²² ¿Jesure msa mehna usuagū ye duajari msa? ¿Tiquo yahuro tutuana ijiajari msa? Ijierare msa. Sa yena quehnoano yeya msa.

Cohācjū cahmeñe dihitare yeya

²³ Msa yeri ñañe ijierapegūta tire yena apequinare yedohoeaboaga msa. Sa yena tire yena Jesure wacū tutua nemogū yeraboaga msa apequinare. ²⁴ Msa cahmeñe dihitare yeracāhña. Apequina pehere quehnoano yedohoya msa.

²⁵⁻²⁶ Ihyare duaropure ihyare dūna “¿Ahri ihyare cohāmana queoye cahapū tiquina duhu peori ihyare ijiajari?” ni, sinitueracāhña. “Ñañene yeari”, nina, sinitueracāhña. Sa ni sinitueracāhña. Ahri yehpa, ahri yehpapū ijieye gāhu Cohācjū ye ijire. Sa yena ti ihyare “¿Ñañe ihyare ijiajari?” niedacāhña.

²⁷ Jesure cahmeñequina msare ihya dutiro tiqiuo pijigū waha duana wahaya. Sa wahana msare tiqiuo duhu peoyere ihyare. “¿Ahri ihyare Cohācjū queoye cahapū tiquina duhu peori ihyare ijiajari?” ni, sinitueracāhña. ²⁸ Sa yena apequiro Jesu yaquiro “Ahri ihyare Cohācjū queoyere tiquina duhu peori ihyare ijire”, msare tiqiuo ni yahugū ti ihyare pūritare ihyeracāhña. Msare sa ni yahuiquiro “Ñañe ihyare ihyare ahriquina”, msare tiqiuo ni tñhotueratire ihyeracāhña. ²⁹ Sa ihya dutieragū msa pehere yedohogū tagu sa niedu. Msare ahrire yahuiquiro pehere yedohogū tagu sa ihya dutieraja. Tiquo pehe msare “Ñañe ihyare ihyare ahriquina”, niboaga. “Sa niari”, nina ti ihyare ihyeracāhña.

“Ihyeracāhña”, yahū nigū ohō saha ni sinitu yahitiboaga msa yahūre: “¿Dñhse ijero boro apequirore ‘Sijoro saha wacūari’”, nina ihyeraboagari usā? ³⁰ “¿Ti queoyere ohori ihyare usā ihyagū Cohācjū warore ‘Quehnoare’, usā niepegūta dñhsero tire usā ihyari buhiri apequiro usāre yahu wajaboagari?” ni sinitu yahitiboaga msa yahūre. ³¹ Ahri ijipihitiyere yahugū ohō saha nigū

niaja musare: Decoripe Cohācjū tiquiro dutiriro sahata bucueye mehna ihya, sihni-aja, Cohācjūre masa tiquina ño peoatire. Sa yena ijiphiytye quehnoano yeducuya Cohācjūre masa tiquina ño peoatire. ³² Ne judio masare, judio masa ijieyequinare, Cohācjū yequina gūhare ñano yegū yeracāhña mūsa tiquinare. ³³ Ohō saha yeaja yūhū pehe. Masa ijiphiytyequinare yedoho duaja. Sa yegū yee ijiatī pehere pajiro tūhotueraja. Yūhū ñano yūhdugū quehnoanota. Masa pehere yedohoaja tiquinare pecarū wahaboriqinare Cohācjū tiquiro yūhdūoatire.

11

¹ Sa yena Cristore yūhū ihña cūriro sahata mūsa gūhū yūhūre ihña cūña.

Corinto cĕna cahmecoanorū numia tiquina yeatire yahuahye

² Musare yūhū buhe turiarire wacū pehoñohiti mūsa. Sa wacūna musare yūhū nidire yūhū ye dutiriro saha yeñohiti mūsa. Sa yena quehnoano yere mūsa. ³ Sa yena mūsa ijiepegāta ahri gūhare mūsa masigū cahmeaja: Ijiphiytyequina mūsa tiquina pūhtoro, Cristo ijire. Sa yero tiquiro namono pūhtoro ijire ticoro manūno. Sa yero Cristo pūhtoro tiquiro Pacaro ijire. ⁴ Cohācjūre sinidiquiro tiquiro dapure mohariquiro sinino, tiquiro basi pūhtoro ijiyere wijiario nine. Cohācjū yere yahuriquiro gūhū tiquiro dapure mohano, sata yero nine tiquiro gūhū. ⁵ Sa yero ticoro dapure moheno Cohācjūre sinino, ticoro manūno pūhtoro ijiyere wijiagū yero nine. Cohācjū yere yahuricoro gūhū ticoro dapure moheno, sata yero nine ticoro gūhū. Sa yero ticoro poarire wūhari pĭjī mehna wūha pehoricoro yero saha yere ticoro. ⁶ Ticoro dapure moha dueraro ticoro poarire se peho cā dutiahro. Ticoro sa yeri bato ticoro dapure bue tiro, ticoro mohaahdo ticoro dapure. ⁷ Mūsa pehe Cohācjū yero saha pūhtoa ijire. Sa ye Cohācjū quehnoariquiro, tutuariquiro tiquiro ijie tyere ihñore tiquina pehe. Sa ye tiquina dapure moheñequinata ijiahro. Numia pehe mūsa tiquina pūhtoa ijie tyere ihñore. Sa yeye tiquina dapure mohaahdo. ⁸ Cohācjū mūnoro yero, numino ya pagū cjē mehna mūnoro yerahye. Numino pehere yero, mūno ya pagū cjē mehna yeahye ticorore. ⁹ Sa yero mūnoro yero, numino yaquiro ijiatiquiro yerahye. Numino pehere yero mūno yacoro ijiaticorore yeahye Cohācjū ticorore. ¹⁰ Sa ye numia tiquina dapure mohaahdo angele gūhū tiquina ihña bucueatire. Sa mohañe mūsa tiquina pūhtoa tiquina ijiyere ihñofne nine. ¹¹⁻¹² Cohācjū numinore yero, mūno

pagū cjē mehna yeahye. Sata yojoṗure mūno masa bajuaro, numino pagūṗu masa bajuare. Sa yero ijiphiytyequinare Cohācjū pehe yeahye. Sa yero mūno tiquiro iji mūhtaedagū numino mariedaboaga. Sa ye numino ticoro mariedagū mūno gūhū mariedaboaga. Sa ye tiquina mūsa numia gūhū tiquina basi cahme yedohore masa putiatire. Sa yero ijiphiytyequinare ijiatiquinare bajumehnediquiro ijire Cohācjū.

¹³ ¿Musa basi dūhse ni tūhotuajari? ¿Numino ticoro dapu mohedico, Cohācjūre ticoro sinigū quehnoajari, mūsa tūhotugū? Ne quehnoaedare. ¹⁴ Sa yero mūno poa nahmo cuoriquiro tiquiro ijigū ñarĭne. Ijiphiytyequina masa tire masine. ¹⁵ Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cuoricoro ijero quehnoaricoro bajure ticoro. Ti gūhare ijiphiytyequina masine. ¹⁶ Mūsa mehna cĕano ahrire yūhū yahurire tiquiro cahmedagū, ohō saha ni yahutja tiquirore: “Yūhū ni yahuriro saha yeducuaja mari. Apequina Jesu yequina gūhū sata yere tiquina gūhū. Uśā sa yerina ijigū ihñagū yūhū ni yahuriro saha yero cahmene mūhū gūhare”, ni yahutja yūhū yahurire cahmeediquirore.

Santa cenare tiquina ihyari watoa dojomehneahye Corinto cĕna

¹⁷ Yojoṗure musare ahrire yahugū tūhū, “Quehnoano yena ijire”, niedaja yūhū musare. Mūsa cahmecoana quehnoano yerare. Ñano yere mūsa. ¹⁸ Ohō saha ni yahu mūhtaautja musare: Mūsa cahmecoanorū cahme dūse tutuana mūsa basi ihquē cururi tu wana niñohiti mūsa. Apequina tire yūhūre tiquina yahugū “Potota ijiaga”, ni tūhotuaja yūhū. ¹⁹ Sata yere mūsa. Sa yena ohō saha ni tūhotumene mūsa. “Mari tu warina ijina, Jesu yequina waro ijieyequina pehere masinata mari. Sa yena marine tu waro cahmene”, ni tūhotumene mūsa. ²⁰ Mūsa basi sa cahme ihña tuhtana, mūsa ihcānorū cahmecoana ihyana quehnoano yerare. Potota Santa cena waro yena niedare. ²¹ Mūsa cahmecoana ihquēquina mūsa sehsaro ihya mūhtana, apequina pehere uĭja ahbagū yere. Sa ye sihni mūhtana quehea wahare. ²² ¿Musare mūsa ihyaye wūhuse mariedajari? ¿Musare mūsa sihniñe wūhuse mariedajari? Ti wūhusepata ihya, sihniña. Yojoṗure Cohācjū yequina tiquina cahmecoanore dojomehnena niaga mūsa. Sa yena apequina Jesu yequina pejecūoyequinare ihyaye marieñequina pehere mūsa pehe boro yūhdagū yere. ¿Dūhse ni yahugutari yūhū musare? “Quehnoano yerare mūsa”, niaja yūhū.

Santa cenare ihyarire yahuahye Pablo
(Mt 26.26-29; Mr 14.22-25; Lc 22.14-20)

²³ Mari puhtoro Jesu tiqiro ihya bato tirire yahuri yuhure. Sa tiqiro yahuri bato yuhu pehe musare tire yahuu. Ti ohō saha ijire: Tiquirore ihña tuhtiequinare Juda tiqiro ihñoati ñamine mari puhtoro Jesu-cristo päre ne, ²⁴ Cohäcüre “Quehnoare”, niñohti. Tiquiro sa nidi bato ti päre nuha, tiqiro buheyequinare itinohti. Sa itiro ohō saha niñohti: “Ahrire ihyaya. Ahri yuhū pagu ijire. Mūsa ye ijiatire yariatja. Yuhure mūsa wacūatire ahrire ihyaya”, niñohti Jesu mari puhtoro. ²⁵ Sa tiqina ihyari bato tiqiro sihnidi pare neno ohō saha niñohti: “Mūsa ñaife yeyere cohāgu tagu yariatja. Sa yegu ye diire cohāgutja. Cohācū ‘Musare yuhduoutja’ tiqiro nidiro esagū yuhū yariaro mehna tiqiro nidiro sahata sohtori tirota. Ahri papu pose tiyere sihnina, yuhū dii wijiarire wacūnata. Ahrire sihnina, yuhure mūsa wacūatire sihnina”, niñohti Jesu. ²⁶ Sa yena Santa cena cje päre mūsa ihyana, sihnifene sihnina, Jesu mari puhtoro mari ye buhirire tiqiro yariarire wacū, ihñona nine mūsa. Sa ihñoducunata mūsa tee ahri yehpapu tiqiro tojoa tato pano.

“Santa cenare ihya sihnina ohō saha yeya”, ni yahuahye Pablo

²⁷ Santa cenare ihya, sihnina, Jesure ño peoro marieno cua pesaro yerana, tiqiro pagure tiqiro dii cohāri gūhare bujupero saha yena niaja mari. Sa yena Jesure bujupena niaja mari. Sa yeyequina buhiri tiyequina ijire. ²⁸ Sa yena mari yerire, mari ijije tiyere quehnoano wacūhna. Sa wacūna Santa cenare ihya, sihni masiaja mari. ²⁹ Mari puhtoro mari ye ijiatire tiqiro pagu yariarire wacūno marieno Santa cenare ihya, sihnina mari buhiri tinata. ³⁰ Ohō saha dihita yere peyequina mūsa mehna cjeña. Sa ye tiqina ihquēquina tutueyequina, dohatiyequina wahare. Sa ye apequina tiqina sa yeri buhiri yariaa wahare. ³¹ Sa ijiepegāta tiqina ihya, sihnifene tiqina yerire, tiqina ijije tiyere quehnoano wacūne, tiqina ñaife yerire duhu, ti buhirire buhiri tieraboaga. ³² Mari puhtoro pehe marine tuhtire, tiqina ye buhirire marine buhiri ti dutieraro. Apequina ñahequina Jesure ño peoyequina buhiri tiatiqina dihita ijire. Tiquina yero saha marine buhiri tigū cahmedare mari puhtoro.

³³ Sa yena yuhū acaye, Santa cenare ihyana tana cahmeoana, mūsa basi cohteniña. ³⁴ Sa ye mūsa mehna cjeña ujua ahba, tiqina ye wñhūseru ihyariñado. Sa yena Santa cenare ihyana tana cahmeoana, cua pesaro yerariquina ye buhiri buhiri tisi

mūsa. Apee borore yahu duami mūsa. Came yuhū basi esagū mūsa yahuatja tire.

12

Cohācū yere mari yeatire cūno marine ye masigū yere Espiritu Santo

¹ Yuhū acaye ahrire yahu duaja mūsa. Cohācū yere mari yeatire cūno marine ijipitinare ye masigū yere Espiritu Santo. Sa yegu tire mūsa quehnoano masigū cahmeaja.

² Jesu yequina ijieranina sijoro saha ijije buheyere tuho nūnūna ijina, mūsa pehe “Cohācū ijire”, tiqina niñe queoyere, yahuducueye queoyere ño peomedi. Tire masine mūsa. ³ Sa ijimedina mūsa ijigū yojopare ohō saha ni yahuatja mūsa. “Jesu ñano wahacūñado”, niñequina Cohācū yaqiro Espiritu Santo tutuaye mehna sa niñe niedare. Espiritu Santo warore coerare tiqina. Sa ijije “Jesu mari puhtoro ijire”, niñequina pehe Espiritu Santo tutuaye mehna sa niñequina ijire tiqina.

⁴ Cohācū yere ye masiñe peye ijire. Ti sa ijiepegāta marine ye masigū yeriquiro pehe ihcāquirotā ijire. Tiquiro Espiritu Santo ijire. ⁵ Sa ye apequinare yedohoye gūhu peye ijire. Ti sa ijiepegāta mari puhtoro Jesu pehe marine yedoho dutiriquiro ihcāquirotā ijire. ⁶ Sa ye Cohācū yere yeye gūhu peye ijire. Ti sa ijiepegāta Cohācū ijipihitina marine ye masigū yeriquiro pehe ihcāquirotā ijire. ⁷ Marine Jesu yequinare Espiritu Santo yedohoro, Cohācū tutuayere ihñono nine. Ohō sahata yedohore tiqiro Jesu yequinare ijipihitiequinare mari quehnoano yeatire. ⁸ Ihquēquinare quehnoano masi yahugū yere Espiritu Santo. Sa yero apequinare Cohācū yere quehnoano buhegū yere tiqiro. ⁹ Sa yero apequinare Cohācūre quehnoano wacū tutuagū yere tiqiro. Sa yero apequinare Cohācū tutuayere ohore tiqiro. Ti tutuaye mehna tiqina pehe dohatiyequinare yuhdugū yere. Cristore tiqina wacū tutuagū ihñano tiqirore tiqina sinidiro sahata yere tiqiro. Espiritu Santo ihcāquirotā ijiriquiro ti tutuayere ohore. ¹⁰ Sa yero apequinare Cohācū tutuaye mehna ihñofene ye masigū yere tiqiro. Sa yero apequinare Cohācū yere quehnoano yahu masigū yere tiqiro tiquinare. Sa yero apequina Jesu yequinare buheyere quehnoano bese masigū yere tiqiro. Sa masiñe watino ye buheye ti ijigū masine tiqina. Espiritu Santo waro ye buheye gūhare ti ijigū masine tiqina. Sa yero apequinare tuhohemeñe yahuducuyere yahuducu masigū yere tiqiro. Sa yero tuhohemeñe yahuducuyere yahuducuyequina tiqina nino sahata yahu yuhduo

masigū yere tiqiro apeqinane. ¹¹ Espiritu Santo ihcāquirotā ijiriquiro tiqiro cahmeno saha marine ijipitnare yahu yahuriro saha ye masigū yere. Ihquēquinare sijoro saha ye masigū yere. Apeqina gūhare sijoro saha ye masigū yere.

Cristo yequina ijina ihcā curuata ijiaja mari

¹² Ohō sahata ijire ahri mehna mari queoye mehna yahugū: Mari pagu ihcā pagu ijiepegūta omocari, caperi, dahpocāri, cahmo ti pūritā peye ijire mari paguru ijije. Sata ijiaja mari Cristo yequina gūhu. Cristo yequina tiqiro pagu yero saha ihcā curuata ijiaja. ¹³ Sa yena Cristo yequina ijina, tiqiro pagu yero saha ihcā curuata ijiaja mari. Judio masa, judio masa ijiena, cahacjāna, cahacjāna ijiena peye cururi mari ijiepenata ihcāquirotā ijiriquiro tiqiro pagu yero saha ihcā curuata ijiaja mari. Espiritu Santo ihcāquirotā ijiriquiro tiqiro tutuaye mehna wame yenohrina ijiaja mari ijipitina. Sa yena ihcāquirotā Espiritu Santore cūoaja mari, Cristo ya curua cjāna ijina.

¹⁴ Mari pagu ihcā pagu ijiepegūta omocari, caperi, dahpocāri, cahmo, ti mari paguru ijije peye ijire. ¹⁵ Mūhu dahpocā yahuducuri dahpocā ijiro, ohō saha ni-boaga mūhare sijoro saha ni duaro: “Omoca ijieraja yahu. Sa yegu pagu cjā dahpocā ijieraja yahu”, ni-boaga. Mūhu dahpocā sa nieperota pagu cjā dahpocā ijirota nine. ¹⁶ Mūhu cahmono yahuducuri cahmono ijiro, ohō saha ni-boaga mūhare sijoro saha ni duaro: “Capea ijieraja yahu. Sa yegu pagu cjā cahmono ijieraja yahu”, ni-boaga. Mūhu cahmono sa nieperota pagu cjā cahmono ijirota nine. ¹⁷ ¿Mari pagu capea dihita ijigū dūhse tuhoboagari mari? Basioerare. ¿Sa yena mari pagu cahmono dihita ijigū dūhse wijiboagari mari? Basioerare. ¹⁸ Sa ijierare mari pagu. Ohō saha ijire. Mari paguru ijijere Cohācjū tiqiro cahmeno saha cūahye mari pagure. ¹⁹ ¿Mari paguru ijije mariedagū dūhse wahaboagari mari pagu? ¿Mari omocari dihita ijigū dūhse wahaboagari mari pagu? ²⁰ Mari pagu ohō saha ijire: Ihcā pagu ijiepegūta mari paguru ijije peye ijire.

²¹ “Mūhu yedohogū cahmedaja”, mūhu capea ni masiedare mūhu omocare. Sa yero mūhu dapu mūhu dahpocārine “Masa yedohogū cahmedaja”, ni masiedare. ²² Apeye mari paguru ijijere “Ihyo iji cūñe ijire”, mari nife pehere pototi cahmeaja mari apeye mari paguru ijije yūhdoro. ²³ Sa yena mari paguru ijijere “Ihyo ijije ijire”, mari ni tuhoteupenata tire mari paguru ijijere cahmeaja mari, mari quehnoano ijiatō saha. Sa yena apeye mari paguru ijijere mari bue tiyere suhti mehna nūoaja mari. ²⁴ Apeye

mari paguru ijijere nūoedaja mari. Ti pūritare ihñona, bue tieraja. Ohō saha iji dutiahye Cohācjū mari pagure. Mari ihñoeñene mari paguru ijijere mari quehnoano ño peoye mehna cūoaja. Sata ye dutiahye Cohācjū. ²⁵ Sa ye mari paguru ijije ti basi cahme yedohore. ²⁶ Sa ye mari caperi ñano yūhdugū apeye mari paguru ijije gūhu ñano yūhdare. Sa ye mari caperi quehnoañe wahagū mari paguru ijije gūhu quehnoano tuhature.

²⁷ Sa yegu ohō saha nigū niaja mūhare: Masa pehe Cristo pagu yero saha ihcā curuata ijire. Sa yena ijipitina masa tiqiro paguru ijije yero saha tiqiro yequina ijire. ²⁸ Sa yero Jesu yequinare mari yedohoatire cūahye Cohācjū marine. Ohō saha cūahye tiqiro marine. Ihquēquinare marine buhe dutiro Jesu cū mūhtarinare cūahye tiqiro. Apeqinare tiqiro yere yahu mūhtariquinare cūahye. Apeqinare masare buheatiquinare, apeqinare Cohācjū tutuaye mehna yeatiquinare, apeqinare dohatiyequinare yūhdūoatiquinare, apeqinare masare yedhoatiquinare, apeqinare masa pūhtoā ijiatiquinare, apeqinare tuhohemneñe yahuducuyere yahuducuatiquinare cūahye Cohācjū marine. ²⁹ Sa tiqiro cūgū ijipitina ihcāno saha tiqiro cūrina ijieraja mari. Apeqina Cohācjū buhe dutiro tiqiro cūriquina ijierare. Sa yena apeqina Cohācjū yere yahu mūhtarina ijieraja mari. Sa yena apeqina masare buhena ijieraja mari. Sa yena apeqina Cohācjū tutuaye mehna yeatina ijieraja mari. ³⁰ Sa ye apeqina dohatiyequinare yūhdūoatiquina ijierare. Sa yena apeqina tuhohemneñe yahuducuyere yahuducuna ijieraja mari. Sa yena apeqina tuhohemneñe yahuducuyere yahu yūhdūoana ijieraja mari. Sa yero maripe mari yeatire cūahye tiqiro. ³¹ Sa yena Cohācjū yere ye masi duana quehnoa yūhdūye pehere tutuaro cahmeña masa. Sa yegu ijipitnye yūhu nidi yūhdūoro masa cahmeatire yojopure yahutja mūhare yūhu.

13

Apeqinare quehnoano tiquina cahiatire yuahyeh Pablo

¹ Masa ye yahuducuyere yahuducu masiepenata, angele ye yahuducuyere yahuducu masiepenata apeqinare cahiedana, dūhseanaja ijieraja mari. Sa ye mari yahuducuyere gūhu dūhseati ijierare. Sa yena apeqinare cahiedana mari yahuducuna, ihyo waro yahuducuna niaja. ² Cohācjū yere quehnoano yahu masiepenata, masa tiquina masiedarire Cohācjū yere tiquina buheri gūhare

masi pehoepenata apequinare cahiedana dūhseanaja ijieraja mari. “Ahdū cūnū ape siepū wahaahro”, mari nigū “Potota mari nidiro sahata Cohācjū yerota”, ni mari tūhotugū sata yerota. Cohācjūre sa ni tūhotuyequina ijiepenata apequinare cahiedana ne dūhseanaja ijieraja mari. ³ Ijipihtiyere pejecūoyequinare mari ohoepēgūta apequinare mari cahiedagū ti mari ohori dūhseati ijierare. Sa yena Cohācjū yere yena tana mari pagure mari ūjūa mūo dutiepegūta apequinare mari cahiedagū ti mari sa yeye dūhseati ijierare.

⁴ Usueraja apequinare cahīna. Tiquinare cahīna quehnoano yeaja tiquinare. Sa yena apequinare cahīna tiquinare cooeraja. Sa yena mari cahīniqiuro mehna ijina “Mūhū yūhdūoro ijigū ijiaja”, niedaja mari. ⁵ Apequinare cahīna “Mūsare masi yūhdūducaja”, niedaja mari tiquinare. Sa yena apequinare cahīna tiquinare űo peoro mehna yeaja mari. Apequinare cahīna “Ūsā cahmeno saha yeaja. Mūsa cahmeno saha yeraja”, niedaja mari. Sa yena tiquinare cahīna duita usueraja mari tiquina mehna. Sa yena apequinare cahīna marine űano tiquina yegū gūhūre tiquina mehna sa usuaducueraja mari. ⁶ Apequinare cahīna űañene tiquina yegū ihñana bucueraja mari. Quehnoañe pehere tiquina yegū ihñana tutuaro bucueraja. ⁷ Apequinare cahīna tiquina ye buhiri űano yūhdūepenata tiquinare sa cahīducujaja mari. Apequinare cahīna apequina pehe mari cahīñequinare tiquina yahu wajagū tūhoepenata tire tūho dueraja. Mari cahīñequinare apequina yahugū quehnoañe dihitarē tūho duaja mari. Apequinare cahīna “Tiquina űañene yesi”, ni tūhotuaja mari tiquinare. Apequinare cahīna űano yūhdūepenata tiquinare cahī dūhisi mari.

⁸ Ti cahme cahīne ne pihtisi. Cohācjū yere yahuye pehe came pihtia wahaarota. Tūhomehneñe yahuducuyere gūhū came pihtia wahaarota. Cohācjū yere masa tiquina buheri gūhū came pihtia wahaarota. Apequinare cahme cahīne pehe ne pihtisi. ⁹ Yojoṗure Cohācjū yere mari masi peho masiedaja. Sa yena tiqiuro yere yahuna mari yahu peho masiedaja. Mari masi pehoati dūhsare. ¹⁰ Sa yena Cristo űañe marieniqiuro tiqiuro tojoa wihiri bato mari masi pehonata. Sa yena űañe mariena ijinata. Ti ṗjere masi pehonata. “Masiedaja”, ni nemosi.

¹¹ Mari masi pehoati ohō saha ijire: Nijigū ijigū nijinogā yero saha yahuducumi yūhū. Sa yegū nijinogā yero saha tūhotumī. Sa yegū būca wahagū nijinogā tiqiuro yeriro saha dūhu cāu. Sata mari yojoṗure “Masi pehoeraja”, niepenata cameṗure masi pehonata. ¹² Eōno quehnoano wūhdo

bajuero saha yojoṗure quehnoano masi pehoeraniaja mari. Came apequiore quehnoano mari ihñā masino saha mari masi pehonata. Yojoṗure mari masi pehoati marine dūhsare. Cohācjū marine tiqiuro quehnoano masi pehoriro saha came mari gūhū quehnoano masi pehonata. ¹³ Sa ye ihtiarore mari ye masiaja yojoṗure. Cohācjūre wacū tutua masiaja. Sa yena marine tiqiuro yūhdūoatire masina, mari quehnoano cohte masiaja. Sa yena apequinare cahme cahī masiaja. Ahri ihtiaro ijire pototi mari yeati. Sa yena apequinare cahme cahīna, ahri ṗuro yūhdūoro yena niaja. Wacū tutuaye, tiqiuro yūhdūoatire cohteye yūhdūoro ijire cahme cahīne pehe.

14

Tūhomehneñe yahuducuyere yahuahye Pablo

¹ Sa yena apequinare cahme cahīna mūsa. Sa ye Cohācjū yere mūsa quehnoano ye masiatire cahmeñā mūsa. Cohācjū yere mūsa yahuahti ṗūritare tutuaro cahmeñā mūsa. ² Tūhomehneñe yahuducuyere yahuducuriqiuro Cohācjū mehna dihita yahuducure. Sa ni yahuducuro masa mehna yahuducuro niedare tiqiuro. Tiquiro sa ni yahuducugū tūhoye masa pehe ne tūhoerare tiqiurore. Masa tiquina masiedarire Espīritu Santo tutuaye mehna yahuducuro nine tiqiuro. ³ Cohācjū yere yahuriqiuro pehe masa pehere yahure. Sa yahuro tiqiuro masare yedohoro nine. Sa yero tiquinare buhero nine tiqiuro. Sa yero tiquina űano yūhdūgū tiquinare bucuēgū yere. ⁴ Tūhomehneñe yahuducuyere yahuducuriqiuro ihcāquirotā buhere. Apequinare buherare. Cohācjū yere yahuriqiuro pehe apequinare Jesu yequinare buhero, yedohore tiqiuro.

⁵ Tūhomehneñe yahuducuyere ijipihtina mūsa yahuducugū quehnoaboaga, yūhū tūhotugū. Sa ijiepegūta Cohācjū yere mūsa yahugū ṗūritare tutuaro cahmeaja. Cohācjū yere yahuriqiuro pehe tūhomehneñe yahuducuyere yahuducuriqiuro yūhdūoro apequinare yedohore. Sa ijiepegūta tūhomehneñene yahuducuriqiuro tiqiuro yahuducuyere apequiuro yahu yūhdūogū tiquina pehe pototi apequinare yedohore. Tiquiro yahuducuyere yahu yūhdūoriquiro ijiro tiqiuro pehe apequinare Jesu yequinare buhero nine. ⁶ Tūhomehneñe yahuducuyere mūsa mehna yūhū yahuducugū, apequiuro mū sare tiqiuro yahu yūhdūoeragū mū sare yedohoeraboaga yūhū. Sa yegū Cohācjū yūhūre tiqiuro yahurire yahugū, tiqiuro yere yūhū masiñene yahugū, apeyere tiqiuro yere

yahugü masare yedohogu niaja. Tire musa tũhoatire musare buhegu musare quehnoano yedohogu niaja yũhu.

⁷ Tũhomehneñene yahuducuriquiro tiquiro yahuducuye basa wamo a yero saha ijire. Carisure putina, arpare bua putẽna tire mari queoro yeragũ ti basayere apeqũnare masino basioerare. ⁸ Sa yero cornetare putiriquiro surara ijiro tiquina cahme wejẽato panore queoro tiquiro putieragũ apeqũna surara pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoare quehnoyuriquina ijisi tiquina. ⁹ Sata musa gãhu tũhomehneñene yahuducuyere musa yahuducugũ tũhoye, yahu yũhdũoriquiro mariedagũ apeqũna tire ne masisi. Tiquina sa masiedagũ musa yahuducuye dũhseati ijierare. ¹⁰ Ahri yehpapũ peye yahuducuye ijiaga. Sa ye tire yahuducuyequina tiquina basi sa yahuducuyere quehnoano tũhore. ¹¹ Ihcãquiro ye yahuducuyere yũhu tũhoeragũ ihãano tire yahuducuriquiro pehe “Ape dihta cjãno ijire”, ni tũhoturota yũhure. Sa yegu yũhu gãhu sata ni tũhotutja tiquirore. ¹² Sata ijiri musa gãhu tũhomehneñene yahuducuna. Espĩritu Santo tiquiro tutuaye mehna tutuaro ye duamene musa. Tiquiro tutuaye mehna sa ye duana apeqũna Jesu yequinare musa buheatire tiquinare musa yedohotire tutuaro cahmeña musa.

¹³ Sa yero tũhomehneñene yahuducuriquiro tiquiro yahuducurire tiquiro quehnoano yahu yũhdũoatire Cohãcjãre siniahdo tiquiro. ¹⁴ Tũhomehneñene yahuducuye mehna Cohãcjãre sinigu yũhu tũhotuye mehna sinigu niaja. Sa sinigu yũhu tũhotuyere apeqũnare quehnoano yahueraja. Sa yegu apeqũnare yedohoeraja yũhu.

¹⁵ Ahrire masina, ohõ saha yenata mari: Espĩritu Santo tutuaye mehna tũhomehneñene yahuducuye mehna Cohãcjãre sininata. Sa yena ape decoru quehnoano masi tũhotu, apeqũna tiquina quehnoano tũhoatire tiquina ye mehna Cohãcjãre sinina, ti gãhure sininata tja. Espĩritu Santo tutuaye mehna tũhomehneñene yahuducuye mehna Cohãcjũ yere basanata. Sa yena ape deco quehnoano masi tũhotu, apeqũna tiquina quehnoano tũhoatire tiquina ye mehna Cohãcjũ yere basana, ti gãhure basanata tja.

¹⁶ Mari sa yeragũ tũhomehneñene yahuducuye mehna Espĩritu Santo tutuaye mehna Cohãcjãre “Quehnoariquiro, tutuariquiro ijire”, mari niepegũta apeqũna pehe ne tũhoerare. Sa tũhoeraye “Poto ijire”, ni masiedare. ¹⁷ Tũhomehneñene yahuducuye mehna Cohãcjãre “Quehnoare”, ni masiaja mari. Mari sa niñe quehnoañe ijiepegũta tire yahu yũhdũoerana apeqũnare buheraja mari. Sa yena tiquinare yedohoeraja

mari. ¹⁸ Ijipihtina musa yũhdũoro yũhu pehe tũhomehneñene yahuducujaja. Sa yegu Cohãcjũ yũhure sa yahuducu masigũ tiquiro yegũ tiquirore “Quehnoare”, niaja yũhu. ¹⁹ Sa yahuducugu yũhu ijiepegũta Jesu yequina cahmecoañequina watoa yũhu ijigũ, tũhomehneñene yahuducuye mehna peye yũhu yahuepegũta dũhseati ijierare. Ti yũhdũoro masa tiquina quehnoano tũhoati pehe meheñegã yũhu yahuepegũta quehnoarĩne, yũhu tũhotugã.

²⁰ Yũhu acaye, macanagã tũho masieñequinagã tiquina ijiro saha ijier-acãhña musa. Sa yena coã bajuayequina ñañe yeyere tiquina masieno saha ijiya musa gãhu. Sa yena bucana tũho masieñequina tiquina ijiro saha ijiya musa. ²¹ Cohãcjũ yere tiquina ojoari pũru ohõ saha nine: “Tũhomehneñene yahuducuyequinare ahriquina masare yeere yahu dutiitja. Sa yegu ape dihta cjẽnare yeere yahu dutiitja ahriquina masare. Yũhu sa yahu dutiepegũta ahriquina yũhu yahuyere tũhosi”, nine Cohãcjũ mari pũhoro”, nine Cohãcjũ yere tiquina ojoari pũru. ²² Sa ye tũhomehneñene yahuducuye Jesu yequinare Cohãcjũ tutuayere masigũ yeati ijierare. Ti yahuducuye Jesure cahmeeñequina pehere Cohãcjũ tutuayere masigũ yeati ijire. Sa yero Cohãcjũ yere yahuye Jesure cahmeeñequinare Cohãcjũ tutuayere masigũ yeati ijierare. Cohãcjũ yere yahuye Jesu yequina pehere Cohãcjũ tutuayere masigũ yeati ijire.

²³ Sa ye ijipihtina musa Jesu yequina cahmecoagũ tũhomehneñene musa yahuducugũ tire masieñequina, apeqũna Jesure cahmeeñequina gãhu sajã, tũhoboaga. Sa tũhoye “Tiquina tũho masieñequina ijire”, niboaga musare tiquina. ²⁴ Ijipihtina musa Cohãcjũ yere musa yahugũ pũrita tire masiedariquiro, Jesure cahmedariquiro sajã dũca tũhoro, tiquiro ñañe yerire masiboaga tiquiro. Sa yero tiquiro ñañe yerire bujua witiboaga tiquiro. ²⁵ Sa yero poto tiquiro ijiye tiyere tiquiro tũhotuye gãhure masiboaga tiquiro. Sa yero Cohãcjũ poto dũsepe curi mehna quehe saro, tiquirore ño peorota. Sa yero “Cohãcjũ potota musa mehna ijire”, ninota tiquiro musare.

Musa cahmecoana quehnoano yeya do-jomehnenno marieno

²⁶ Sa yegu yũhu acaye, musare ahrire nigũ niaja: Cahmecoana ihquẽquina musa mehna cjẽna Cohãcjũ yere basa duare. Sa yena apeqũna buhe duare. Sa yena apeqũna Cohãcjũ musare tiquiro buherire yahu duare musa. Sa yena apeqũna tũhomehneñene mehna yahuducu duare musa. Sa yena musa apeqũna ti

yahuducuyere yahu yuhduo duare musa. Ti ijiphtiyere sa yena apequna musare tuhoyequna tiquna quehnoano masiatire tire yeya.

²⁷ Sa yena tuhohemeñe mehna musa yahuducuna pñana, ihtiana topenata yahuducuya musa. Sa yena comesa yahuducuya. Musa sa yahuducugã, ihcãquiro musa mehna cãno musa yahuducurire apequnare yahu yuhduoahro. ²⁸ Musa yahuducuyere yahu yuhduoriquiro mariedagã musa cahmecoana ijiphtina musa tuhohemeñeñe yahuducu duana yahuducueracãhña. Sa yena masa marienopñ Cohãcã yere mehna yahuducuya musa. ²⁹ Sa yena Cohãcã yere yahu duana pñana, ihtiana topenata yahuya musa. Musa sa yahugã apequna musare tuhoyequna musa yahurire quehnoano tuho nunuãhdo. ³⁰ Sa yero Espiritu Santo Cohãcã yere apeqirore topñ dujiriquirore yahu ducaboaga. Tiquiro yahu ducagã tiquirore tuhoriqirore gũh Jesu yeqinare yahu duaboaga. Sa yero tiquiro pano yahuriquiro pehe dihta mariahdo. ³¹ Sa yena ijiphtina musa Cohãcã yere yahuna, comesa yahuya musa ijiphtiyequna apequna tiquna quehnoano tuhoatire, tiquna quehnoano bucueatire. ³² Sa yena Cohãcã yere yahuna ijina, quehnoano tuho masi, quehnoano tuhotu yahuducuya.

³³ Cohãcã tiquiro yequna tiquna cahmecoanopñ tiquna cahme yahuducugã, suhrigã cahmedare tiquiro. Dojomehmeno marieno tiquna quehnoano ijigã cahmene tiquiro. Ijiphtiropñ Jesu yequna cahmeco, ohõ saha yere tiquna. ³⁴ Tiquina cahmecoanopñ numiare yahuducu dutierare. Tiquina numiare mari pehe yahuducu dutieraja. Cohãcã ojoari pũpñ tiquiro nidiro sahata numiare amũare quehnoano yuhtiyequna numia ijiro cahmene. Sa ye cahmecoanopñ numia masare yahuducueracãhdo. ³⁵ Jesu yequna tiquna cahmecoanopñ numia tiquna yahuducugã ñarĩne. Sa yero apee borore masi duaro numino ticoro ya wuhũpata ticoro manũnõre sinituahro.

³⁶ Ahri yuhũ yahuatire quehnoano masiña musa. Cohãcã yere yahu muhtana ijierare musa. Sa yena tiquro yere tuhõrina musa dihita ijierare. Apequna gãhã tiquiro ye buheyere cuore. ³⁷ Musa mehna cãno “Yuhũ Cohãcã yere yahugã ijiaja”, ni tuhoturiquiro ijiro ahri musare yuhũ ojoari Cohãcã dutiye ijigã masiahdo tiquiro. Sa yero apeqiro “Espiritu Santo tutuaye mehna ye masiaja”, ni tuhoturiquiro ijiro tiquiro gũhã ahri yuhũ ojoari Cohãcã dutiye ijigã masiahdo tiquiro. ³⁸ Tire tiquiro masi dueragã yuhũ ojoarire “Poto

ijierare”, tiquiro nigã tiquirore duhu cãhña. Tuhoeracãhña tiquirore.

³⁹ Sa yena yuhũ acaye, Cohãcã yere yahuna musa ijiatire tutuaro cahmeña musa. Sa yena musa mehna cãna musa cahmecoanopñ tuhohemeñe yahuducuyere mehna tiquna yahu duagã “Sa yahuducueracãhña”, niedacãhña tiquinare. ⁴⁰ Sa cahmecoana quehnoano, cahme dojomehmeno marieno yeya musa.

15

Quehnoañe buheyere tiquiro yahurire yahuahye Pablo

¹ Yojopãre yuhũ acaye, quehnoañe buheyere musare yuhũ yahurire musare wacũgũ ye duaja. Ti buheyere quehnoano cahmene musa. Sa cahmena ti buheyere ne cohãedare musa. ² Musa sa cahmegũ tire musa cohãedagũ Cristo musare pecapũ wahaborinare yuhduo tuhasari. Musa sa tuhõri bato Cristo yere musa duhu cãgũ ti musa tuhõri duhseati ijierare.

³ Ohõ saha ni yahu muhtantja musare. Ahri ihyo wari ijierare. Musare buhegu yuhũre Cristo tiquiro yahurire musare ohõ saha ni yahuu: Cohãcã yere tiquna ojoariro sahata mari ñañe buhirire Cristo yariahye. ⁴ Sa yero Cohãcã yere tiquna ojoariro sahata Cristo tiquiro yariari bato apequna tiquirore tiquna yagũ ihtia deco wahaboro tiquiro pehe masa wijiayhe. ⁵ Tiquiro sa masa wijiari bato Pedroro bajuahye. Tiquiro sa bajuari bato apequnare tiquiro buheyeqinare bajuahye tja. ⁶ Tiquiro sa bajuari bato ihcã tahata quinientos bui ijieyeqinare tiquiro yeqinare bajuahye tja. Ihquẽquina tiquirore ihñariquina muna yojopãre yariariquina muna ijire. Tiquina sa ijiepegũta peyequina tiquna mehna cãna yojopãre ijinine. ⁷ Came Cristo Santiagore bajuahye tja. Sa tiquiro bajuari bato ijiphtiyequna buhe duti tiquiro cãriquinare bajuahye tja.

⁸ Ijiphtiyequna apequnare tiquiro bajuari bato yuhũ gũhãre bajuari tja. Nijinogã queoro masa bajueriquirogã tiquiro masa baja nũnũ tãriro saha yuhũ gũhã Jesure wacũ tutua nũnũ tãrigũ ijiaja. Yuhũ sa ijirigũ ijigũ tiquna batopñ bajuari Jesu yuhũ gũhãre tja. Yuhũreta tiquiro bajua bato tiri. ⁹ Panopãre Jesu yeqinare ñano yemi. Sa yerigũ ijigũ apequna Jesu cãriquina ijiphtiyequna tiquna docapũ waro ijiaja yuhũ. Sa yegũ yojopãre gũhãre Jesu buhe duti tiquiro cũnohborigũ ijierami yuhũ. ¹⁰ Sa ijiepegũta Cohãcã yuhũre cahigũ yojopãre Jesu cãrigũ ijiaja yuhũ. Sa yegũ yuhũre tiquiro cahigũ yojopãre tiquiro cahmeñe ye pehoaja. Sa yegũ yuhũre cahigũ tiquiro yaquiro sa iji cãgũ niedaja. Ijiphtiyequna apequna

tiqiro cūriquina yuhduoro yuhū pehe tutuaro buhei. Sa buhegū yuhū esa tuharo buhera. Cohācjū yuhūre cahīno yuhūre yedohori. ¹¹ Ūsā buheye pehe ihyo waro ijierare. Yuhū mūsare quehnoañe buheyere buherigū yuhū ijigū apequina yuhduoro yuhūre masa űo peogū ihyo waro ijiro nine. Tiquina gūhū mūsare buheyequina ijigū apequina yuhduoro tiquina gūhūre masa űo peogū ihyo waro ijiro nine. Ūsā pehe ahrire buhena ijiepenata ihyo ijina ijaia. Ūsā buheye pehe ihyo waro ijierare. Sa yena mūsā pehe ahri buheyere quehnoano tuhore.

Yariariquina mūna tiquina masa wijiare yahuahye Pablo

¹² Cristo yariari bato tiqiro masa wijiare ūsā buhepegūta “Yariariquina mūna ne masa wijaerare”, nine masa mehna cjēna ihquēquina. ¿Dūhse ijiro boro sa niajari tiquina tire? ¹³ Sa yero yariariquina mūna masa wijaeragū Cristo gūhū ne masa wijaeraboya. ¹⁴ Sa ye Cristo masa wijaeragū quehnoañe buheyere ūsā yahuri ne dūhseati ijieraboya. Tiqiro masa wijaeragū tiqirore mūsā wacū tutuaye gūhū dūhseati ijieraboya. ¹⁵ Masa wijiario mariedagū ūsā pehe Cohācjū yere ni mehona niboja. Yariariquina mūna tiquina masa wijaeragū Cohācjū pehe Cristore masa wijaagū yeraboya. Tiqiro sa yeragū “Cohācjū Cristore masa wijaagū yeahye”, nina ni mehona ijiboaga ūsā. ¹⁶ Yariariquina mūnare Cohācjū masoedaro, Cristo gūhūre tiqiro masoedaboya. ¹⁷ Sa yero Cristo masa wijaeragū tiqirore mūsā wacū tutuaye dūhseati ijieraboaga. Sa yena mūsā űaűe buhiri, buhiri tiboaga mūsā. ¹⁸ Masa wijiario mariedagū Cristo yequina mūna yaria mūhtariquina pecapū waha tuhasaboya. ¹⁹ Cristore mari wacū tutuari bato mari yariana masa wija masiedana ijipihtyequina apequina masa yuhduoro pejecuona ijiboaga mari pehe. Sa yena tiqirore ihyo warota wacū tutuana niboaga mari.

²⁰ Potota Cohācjū Cristore masa wijaagū yeahye. Cristo masa wijiari bato mari gūhū yarianapū masa wijanata ijaia. Tiqiro sa masā wijiario, marine siho masa wija mūhtariqiro ijire. ²¹ Ohō saha ijire ahri: Adān mehna masa yaria dūcahye. Ohō saha apeqiro mehna yariariquina mūna masa wijaeta. ²² Adān yequina iji nūnū tānapū mari ijipihtina yarianata. Sata Cristo yequina mari ijigū mari yariari bato marine masa wijaagū yerota Cohācjū. ²³ Ihquē cururi masare tiquina queori pje ijigū masa wijaeta. Cristo marine iji mūhtariqiro masa wija mūhtahye. Came ahri yehpapū tiqiro tojoa tagū tiqiro yequina gūhū masa wijaeta. ²⁴ Ti pjeta

pihtiri deco ijirota. Sa yero ijipihtyequina watāre, watā puhtoare, tutuayequinare cohāno, Cristo yuhduocarota. Tiqiro sa yeri bato ijipihtyequina puhtoro tiqiro ijire Cristo wijiario, Cohācjūre mari Pacare comesarota. ²⁵ Tiqiro wijiato pano mari Pacū Cristore ihña tuhtyequinare tiqiro yuhduaca pehoato pano Cristo pūrita ijipihtyequina puhtoro ijirota. Sa ijiriqirota ijiro cahmene tiqirore. ²⁶ Tiqirore ihña tuhtyequinare tiqiro yuhduacari bato, yariamedi gūhūre cohā cānota. Yariaye pihtia waharota. ²⁷ Ijipihtyequina bui dutiatiqirore cūahye Cohācjū Cristore. Ijipihtyere cuoriquiro gūhūre cūahye tiqirore. Sata nine Cohācjū yere tiquina ojoari pūpū. Cohācjū pehe tiqirore cūriqiro ijire. Sa yero “Ijipihtyequina bui dutiatiqirore cūahye tiqirore”, nino, “Cohācjū bui dutiriqiro ijire tiqiro”, nino niedahye tiqiro yere tiquina ojoari pūpū. ²⁸ Ijipihtyequina bui dutiriqiro Cristo Cohācjū macano ijigū Cohācjū tiqirore cūriqiro pehe tiqiro macano bui dutiriqiro ijirota. Sa yero Cohācjū pehe ijipihtyequina puhtoro waro ijire. Ijipihtyere cuoriquiro gūhū ijire.

²⁹ ¿Masa wijiario mariedagū dūhse ye apequina masa yariariquina mūna ye ijiatire tiquina wame yenhriquina ijaia? Yariariquina mūna masa wijaeragū tiquina ye ijiatire apequina wame yegū ihyo warota wame yenhriquina ijiboaga.

³⁰ Ūsā pehe ūsā buheri buhiri decoripe apequina ūsāre tiquina űano ye duagū cuarīne ūsā gūhūre. Ūsāre sa cuaepegūta masa wijiario ijigū masina sa buheducujaja ūsā. ³¹ Mari puhtoro Jesucristo yequina mūsā ijigū tiqirore wacū tutua nemona mūsā wahagū yuhū pehe tutuaro bucueaja yuhū mūsā mehna. Ti ijirota ijire. Sa yero “Dūhse ijiri decopū yuhūre yariario cuarīne”, yuhū nigū ti gūhū ijirota ijire. ³² Efeso cjēna usuayequina quehnoañe buheyere yuhū buheri buhiri yuhūre quēdi. Masa wijiario mariedagū Jesu yaqiro yuhū ijieragū, yuhū sa űano yuhduari dūhseati ijieraboya. Ihyo waro űano yuhduagū niboja yuhū. Yariariquina mūna tiquina masa wijaeragū ohō saha niboaga mari: “Came cjūnogā yarianata. Dūhse wahasi mari. Sa yena ihya sihnihna. Mari esa tuharo yeihna”, niboaga mari.

³³ Ni mehoñene tuhotuercāhña mūsā. “űaűequinare piti tina, quehnoañe masa yerire bonata mūsā”, nine masa. Ti ijirota ijire. ³⁴ Quehnoañene tuhotuna ijiya mūsā. Sa yena quehnoañene yena ijiya tja. Sa yena űaűene ye nemoedacāhña tja. Ihquēquina mūsā mehna cjēna ne Cohācjūre masiedare. Mūsā buoro wahati pehere mūsare sa niaja.

Yariariquina muna tiquina masa wijiare yahu nemoahye Pablo

³⁵ Sa ye muna mehna cjāno ohō saha ni sinituboaga yuhure: ¿Duhse yariariquina muna masa wijaetari? ¿Duhse ijiye paguri masa wijaetari? ni sinituboaga. ³⁶ Sa sinituriquiroyo taho masieniquiroyo ijire. Oteri pjere mari oteri bato ti pje ahabgā waro pihnine. Ahbaeraro ne pihnsi. Tire masine muna. ³⁷ Bujaye cjurpare oteraja mari. Ti pjeri dhitare oteaja mari. Ti pjeri trigo pjeri ijiroyo ijiuboaga. O apee boro pjeri ijiroyo ijiuboaga. ³⁸ Ti pjerire mari oteri bato Cohācjū tiquiroyo cahmediro saha ti pjerire bucua mujagū yere. Sa yero oteye pjerire bujaye pihngū yere tiquiroyo. Sata pihni dutire Cohācjū.

³⁹ Ijipihtiyequina paguri ihcāno saha bujere. Masa paguri pehe ihcāno saha ijire. Wahiquina paguri gūhu sijoro saha bajure. Minicjua paguri gūhu sijoro saha bajure. Sa yero wahi gūhu sijoro saha pagu tire. ⁴⁰ Sa ye umhuse cjē gūhu sijoro saha bajure. Sa yeye ahri yehpa cjēna gūhu sijoro saha pagu tire. Sa yeye umhuse cjēna paguri gūhu sijoro saha bajure. Sa yeye ahri yehpa cjē umhuse cjē yero saha ijierare. ⁴¹ Ohō saha ijire. Asū deco cjāno asi sitere. Sa ye űami cjāno gūhu sijoro saha ijire tiquiroyo gūhu. Ihyo buhriore. Sa yeye űahpicoha gūhu sijoro saha asi paare. űahpicoha pari gūhure mari ihűagū ihquē paca mehenogā asiye paca bajure. Sa yeye apeye paca tutuaro asiye paca bajure.

⁴² Ohō saha ijire yariariquina muna tiquina masa wijiagū. Masuno tiquiroyo pagure mari yari bato tiquiroyo pagu ahbaa waharota. Sa yero ape pagu sijoro saha ijiri pagu ijipihtiye decori catiati pagu masa wijaerota. ⁴³ Ti pagure mari yagū yariariquiroyo munano pejesno nine. Cohācjū tiquiroyo masogū tiquiroyo pagu quehnoa yuhduari pagu ijire. Sa yero tiquiroyo pagu mari yari pagu tutuare mariedi pagu ijire. Sa yero Cohācjū tiquiroyo masogū tiquiroyo pagu tutua yuhduare. ⁴⁴ Ahri yehpa cjā pagure mari yagū yariariquiroyo munano tiquiroyo masa wijiagū tiquiroyo pagu umhuse cjā pagu ijiroya. Ahri yehpa cjā pagure mari cūona, umhuse cjā pagu gūhure cūonata, masa wijiāna.

⁴⁵ Sata ni yahure Cohācjū yere tiquina ojoari pūru: "Ahri yehparū iji muhtariquiroyo Adán wame tiriquiroyo catiriquiroyo wahahye", ni ojoahye. Ti sa ijiepegūta Adán yero saha ijiriquiroyo bato tiriquiroyo Cristo pehe catiyere ohoro ahtahye. ⁴⁶ Ahri yehpa cjā pagu iji muhtari pagu ijire. Camerū umhuse cjā pagu ijiroya. ⁴⁷ Ohō saha ijire: Iji muhtariquiroyo Adán pehe ahri yehpa cjāno dihta mehna tiquiroyo yeri pagure pagu tiahye. Tiquiroyo bato ahtariquiroyo, Cristo pehe umhusepū ahtahye. ⁴⁸ Dihta mehna tiquiroyo yeri pagure

pagu ti muhtariquiroyo tiquiroyo ijiroyo saha ijipihtina apequina dihta mehna tiquiroyo yeri pagure pagu tina ijiaya mari. Sa yena umhusepū ahtariquiroyo yero saha tiquiroyo yequina ijipihtina tiquiroyo yero saha pagu tina ijinata mari. ⁴⁹ Dihta mehna tiquiroyo yeri pagure pagu tiriquiroyo yero saha bajuaja mari. Tiquiroyo yero saha mari ijiroyo saha umhuse cjāno yero saha bajunata mari.

⁵⁰ Yuhu acaye, musare ahriye yahu duaja: Ahri yehpa cjā pagu dii mehna, dihi mehna ijiri pagu Cohācjū puhtoro ijiropure umhusepū ne wahasi. Mari pagu ahbati pagu ijire. Sa ye umhusepū ijipihtiye decori mari ijiatopure ahri pagu wahasi. ⁵¹⁻⁵² Panopure masa tiquina masiedarire yojopure musare yahu duaja: Mari mehna cjēna ihquēquina yariasi. Sa ye duita, tiquina pagurire comesayequina ijieta. Cornetare tiquiroyo puti, bato tiri decopū sata waharota marine. Ohō saha waharota. Corneta bisiri bato yariariquina munare Cohācjū masonota ijipihtiye decori tiquina ijiatire. Sa yena pagurire comesarina ijinata mari gūhu. ⁵³ Mari pagurire tiquiroyo comesagū to pano mari ahbati paguri ijiepegūta mari comesari bato ne ahbasi. Sa ye mari paguri comesagū to pano mari yariati paguri ijiepegūta ne yariasi. ⁵⁴ Mari ahbati paguri ne ahbaerati pagurire comesarota. Sa ye mari yariati paguri sa ijiducati pagurire comesarota. Sa marine comesagū panopū tiquiroyo ojoariro sahata sa waharota: "Cohācjū yariayero cohā cāri. ⁵⁵ Yojopure ne pari turi mari yariasi. Sa yena yariaro mehna pari turi űano yuhduasi mari", ni ojoahye panopure. ⁵⁶ Mari űaűe buhiri ijigū pūrita yariaro mehna űano yuhduana. Sa ye Cohācjū dutiye Moiser tiquiroyo cūriro mari masidi bato, buhiri tiaja mari. Sa yero marine pecapū waha dutire Cohācjū dutiye. ⁵⁷ Tiquiroyo sa dutiepegūta mari puhtoro Jesucristo pehe marine pecapū wahaeragū yere. Tiquiroyo sa yeriquiroyo ijigū masina Cohācjū mehna bucue, "Quehnoare", niaja mari.

⁵⁸ Sa yena yuhu acaye, yuhu cahina, Cristore wacū tutua duhueracāhña. Sa yena apequina musare quehnoaűe buheyere tiquina cohā dutigū, ne cohāedacāhña tire. Sa yena decoripe mari puhtoro Jesucristo tiquiroyo ye dutiyere quehnoano yeducuya muna. Mari puhtoro Jesucristo yere mari yegū, ahri ihyo waro ijierare. Ahriye masina tiquiroyo ye dutiyere quehnoano yeducuya muna.

16

Apequinare Jesu yequinare Corinto cjēna niűeru tiquina ohoatire yahuahye Pablo

¹ Yojoꝛꝛe apequnare Jesu yequinare m̄sa niñeru ohoatire yahu duaja m̄sare. Galacia yehpa c̄jēnare Jesu yequinare yahu dutiriro sahata m̄sa ḡh̄u yeya. ² Semanaripe domingo ijigū ijipihntina m̄sa Jesu yequinare ohoati niñerure mehenogā ohoya. Mehenogā c̄uona mehenogā ohoya. Sa yena paji c̄jūnogā c̄uona paji c̄jūnogā ohoya. Semanaripe m̄sa sa yegū m̄sa caharū yuhū esagū m̄sa ohoati niñeru iji tuhasarota. ³ M̄sa ohoatire yahuye p̄irine ojoastja. Sa yegū yuhū topū esagū ti p̄irine topū wahatiquinare m̄sa beseriquinare ohoutja. Sa oho tuhasagū Jesu yequinare m̄sa ohori niñerure neatiquinare ohoutja Jerusalēꝛ. ⁴ Ti macapure yuhū yeati ijigū yuhū ḡh̄u wahagutja. Yuhū sa wahagū yuhū mehna tiquina wahaeta.

Tiquiro tinitire yahuahye Pablo

⁵ Macedonia yehpa c̄jēnare ih̄ña yuh̄d̄utja yuhū. Yuh̄du c̄ā, m̄sa caharū Corintopū esautja. ⁶ Topū esagū m̄sa mehna meheñe decorigā ijiboaga yuhū ape taha yegu. Yoa c̄jūri pje pohero ijiro puno m̄sa mehna ijiboaga yuhū. Sa yena ape sieꝛu yuhū wahagū m̄sa ḡh̄u yuh̄ure yedoho masine. ⁷ Meheñe decorigā iji dueraja yuhū m̄sa mehna. Sa yegu Cohāc̄jū cahmegū yoa c̄jūri pje m̄sa mehna ijitja yuhū. ⁸ Sa iji duepeguta Pentecoste bose deco ijigūꝛ Efesopū ijiniitja yuhū. ⁹ Ohōꝛꝛu Efesopū yojoꝛꝛe mari p̄h̄toro Jesu yere tuho du-ayequina peyequina ijire. Tiquina sa ijigū tiquinare yahuaja. Yuhū sa yahugū yuh̄ure ih̄ña tuhtiyequina peyequina ijire.

¹⁰ Timoteo yuhū yero saha mari p̄h̄toro yere yere. Tiquiro sa yeriquiro ijigū m̄sa caharū esagū quehnoano mehna tiquiore piti ca, tiquiro mehna quehnoano bucueye mehna ijiya m̄sa. ¹¹ Sa yena tiquiore yuh̄ducaeracāh̄ña m̄sa. Sa yena tiquiro cohe tigū quehnoano mehna tiquiore yedohoya yuhū caharū tiquiro tojoa tagū. Apequina Jesu yequina mehna usā tiquiore cohtena niaja. Sa yena quehnoano yedohoye mehna tiquiore ohoya.

¹² Apolo mari acayaro Jesu yaquiore m̄sare ih̄ñano wahagū tutuaro cahmemi. Sa yegu tiquiore waha dutimi apequna Jesu yequina mehna tiquiro wahatire. Yuhū sa waha dutiepegūta yojoꝛꝛe tiquiro waha duerare. Sa yero came tiquiro yeye mariedagū m̄sa caharū waharota.

Pablo quehnoa duti bato tiahye

¹³ Quehnoano wacū masiña m̄sa. Cristore wacū tutua duhueracāh̄ña. Ne cuenata ijiducuya m̄sa. Sa yena Cohāc̄jū tutuaye mehna tutuana ijiya m̄sa. ¹⁴ Apequnare sa cahiducuya.

¹⁵ Yojoꝛꝛe yuhū acaye m̄sare ahrire yahu duaja: Estefana ya wuhū c̄jēna Acaya yehpa c̄jēna quehnoañe buheyere tuho m̄h̄tariquina, tiquina ya yehpapū Cristore wacū tutua m̄h̄tariquina ijire tiquina pehe. Sa ye apequnare mari acayere Jesu yequinare tiquina quehnoano yedohoducure. Tire m̄sa masine. ¹⁶ Tiquina yero saha ijiyequinare, apequna Cristo yere yedohoyequinare m̄sa quehnoano yuh̄tigū cahmeaja yuhū. ¹⁷ Estefana, Fortunato, Acaico ḡh̄u yuhū caharū wihi tuhasare. Ohōꝛꝛu tiquina ijigū quehnoano bucueaja yuhū. M̄sare tiquina bucuegū yeriro saha yuhū ḡh̄ure bucuegū yere tiquina. M̄sa mariedagū m̄sare tutuaro wac̄imi yuhū. Sa yegu tiquina wihigū bucueaja yuhū. ¹⁸ Tiquina mehna ijigū quehnoano jeripohna tigu iji yuhū. M̄sa ḡh̄ure sata bucuegū yere tiquina, yuhū tahotugū. Tiquinare quehnoano ño peoya m̄sa. Sa yena apequna tiquina yero saha ijiyequina ḡh̄ure ño peoya.

¹⁹ Asia yehpa c̄jēna Jesu yequina m̄sare quehnoa dutire. Sa ye Aquila, Priscila, tiquina ya wuh̄ꝛꝛu cahmecoañequina mehna Cristo tiquiro cahñe mehna m̄sare tutuaro quehnoa dutire. ²⁰ Ohō c̄jēna Jesu yequina ijipihntiyequina m̄sare quehnoa dutire. M̄sa mehna c̄jēnare quehnoano mehna piti caya.

²¹ Yuhū, Pablo yuhū basi ahri dihitate ojoaja. M̄sare quehnoa dutiaja.

²² Mari p̄h̄toro Jesucristore apequro tiquiro cah̄iedagū, Cohāc̄jū tiquirore buhiri dahreahro. Mari p̄h̄toro sojaro mehna tojoa taahro.

²³ Mari p̄h̄toro tiquiro cahñe mehna m̄sare quehnoa dutiaja. ²⁴ Mari ijipihntina Jesucristo yequina ijaia. Sa yegu m̄sare tutuaro cah̄iaja.

2 Corintios

Ohõ saha ojoa ohoahye Pablo Corinto çñenare

¹ Yuhu Pablo, Jesucristo yere buhe duti tiquiuro cûrigu ijijaja. Mari Pacu tiquiuro cahmediro saha cûri yuhure Jesu. Yuhu, musare Cohâcjû yequinare, Corinto çñanare ojoa ohoaja. Ijipihtina Cohâcjû yequinare Acaya çñanare musa gâhure ojoa ohoaja. Mari acayuro Timoteo mehna quehnoa dutiaja musare. ² Sa yena Cohâcjû mari Pacu, mari puhtoro Jesucristo mehna musare quehnoa dutiaja. Tiqina yedohoye mehna quehnoano ijija musa.

Pablo tiquiuro ñano yuhdurire ohõ saha ni yahuahye:

³ Mari puhtoro Jesucristo Pacuro Cohâcjû marine paja ihñare. Sa yero tiquiuro dihita marine yedohore. Quehnoa yuhduriquiro ijire tiquiuro. ⁴ Mari ñano yuhdugû ihñano ijipihtinare marine tiquiuro yequinare yedohore tiquiuro apequinare mari yedohoitire. Sa yena apequina tiqina ñano yuhdugû ihñana tiqina pehere yedohoro cahmene marine. Cohâcjû marine tiquiuro yedohoye mehna mari gâhu tiqina gâhure yedohonata. ⁵ Cristo yequina mari ijiri buhiri mari ñano yuhdugû tiquiuro tutuaro yedohorota marine. ⁶ Usâ pehe musare yedohona ñano yuhduaja. Sa yena Cristo mehna musa yuhduatire musare usâ yahuri buhiri ñano yuhduaja. Sa yena Cristo usâre tiquiuro yedohogû usâ pehe musa gâhure yedoho masiaja. Sa yena usâ ñano yuhduriro sahata musa gâhu ñano yuhduna, quehnoano mehna ihcâno sahanata musa, yuhu tahotugû. ⁷ Quehnoano mehna musa ihcâno sahatire usâ masiaja. Usâ ñano yuhduriro sahata ñano yuhdari musa gâhu. Sa yena Cohâcjû tiquiuro yedohoye mehna usâ ihcâno sahariro sahata musa gâhu ihcâno sahanata, yuhu tahotugû.

⁸ Usâ acaye, yojoPURE ahri yuhu yahuatire musa quehnoano masigû usâ cahmeaja. Asia yehparû ña yuhduaro yuhdue tii usâ. Ohõ saha ni tahotumi usâ: "Ne yuhdusi mari. Sa yena mari yarianata", ni tahotumi usâ. ⁹ Sa yena "Marine wejê cæeta", ni tahotumi usâ. Sa ñano yuhduna Cohâcjû dihitare usâ wacû tutua nemo. Usâre tiqina ñano yegû cahmeahye Cohâcjû tiquiore usâ wacû tutua nemoatire. Tiquiuro pehe yariariquinare masoriquiro ijire. Sa tiquiore wacû tutuana usâ esa tuharo usâ ihcâno sahaerare masiaja. Cohâcjû marine yedohore. ¹⁰⁻¹¹ Usâre cuaro yepegûta tiquiuro yedohoro mehna usâ yuhduu. Camerû gâhure pari turi usâre yuhduorota. Usâre

Cohâcjûre musa sini basagû tiquiuro usâre yedohorota. Usâre tiquiuro yedohoitire masiaja usâ. Sa yena usâre tiquiuro yedohogû ihñana, tiquiore "Quehnoare", ninata musa. Peye musa sini basarire tiquiuro yuhtigû ihñana bucue, "Quehnoare", ninata musa Cohâcjûre. Peyequina apequina gâhu sata nieta.

Pablo Corintopu tiquiuro waha duamedire yahuahye

¹² Sa yena musa mehna usâ ijirire wacûna bucuere mehna ohõ saha tahotuaja usâ: Ahri yehparû Cohâcjû tiquiuro yedohoye mehna ñañe marieno quehnoano mehna masare piti ti buhei. Musa pûritare quehnoano piti ti buhei. Ohõ saha yena usâ esa tuharo yeru. Cohâcjû cahñe mehna tiquiuro tutuaye mehna sa yei. ¹³⁻¹⁴ Sa yena quehnoano yahu ojoa musare, quehnoano musa masiatire. YojoPURE usâre quehnoano masiedare musa. Usâ ijije tiyere musa quehnoano masigû tutuaro cahmeaja usâ. Sa yena mari puhtoro Jesu tiquiuro tojoa tagû usâ mehna bucuenata musa. Musa mehna usâ bucuero sahata musa gâhu usâ mehna bucuenata.

¹⁵⁻¹⁶ Ohõ saha nigû Macedonia yehparû waha duamaja yuhu. Sa yegu musare ihñana yuhdu ç duamaja yuhu. Sa yegu toPURE esarigu tojoa tagû pari turi musa mehna meheñe decorigâ ijiboaga yuhu. Sa yena puu taha musa mehna yuhu ijigû ihñana pajiro yuhu mehna musa bucuaboaga. Musa caharu ijirigu Judea yehparû yuhu wahagû ihñana yuhure yedohoboaga musa. ¹⁷ ¿"Wahautja", yuhu nigû tuhorina ijina musa caharu yuhu eseragû ihñana "Pablo ni mehono nine", ni tahotuajari musa? "Wahautja", nigû yuhu esa tuharo sa nigû niedaja yuhu. ¿"Tiquiro nidiro saha yerare", yuhure ni tahotuajari musa? ¹⁸ Ohõ saha ni mehogu ijieraja yuhu. Sa yegu "Yeitja", nigû yuhu nidiro saha yeaja yuhu. Tire masine Cohâcjû.

¹⁹ Yuhu, Sila, Timoteo mehna Jesucristo Cohâcjû macano yere musare yahuu usâ. Cristo pehe "Yeitja", nino, poto yeriquiro ijiro nine. Cohâcjû tiquiuro nidiro sahata Cristo yere. ²⁰ Ijipihtiyere Cohâcjû tiquiuro yahurire Cristo ye pehoahye. Tiquiuro sa yeriquiro ijigû ihñana tiquiuro yere usâ apequinare yahuaja Cohâcjûre tiqina ño peoatire. ²¹ Cristo yequina marine ijiducugû yeriquiro Cohâcjûta ijire. Sa yero tiquiuro yere yahuanajare marine sôri tiquiuro. ²² Sa yero tiquiuro yequina mari ijiyere ihñano tire marine masigû yere tiquiuro. Sa yero tiquiuro yaquiuro Espiritu Santore mari mehna iji dutiri tiquiuro. Mari mehna ijiro tiquiurota marine Cohâcjû yuhduoatire masigû yere.

²³ Yojoṗare poto yahutja musare. Poto yuhu yahueragū Cohācjū pehe musare poto yahuahro. Tiquirota yuhu tuhutuyere masine. Musare tuhti dueragu musa cahapu wahaeru. "Musare bujua witiḡu yeari", niḡu musa cahapare Corintopare wahaeru. ²⁴ Sa yena "Musare dutina ijiaja usā", nina niedaja. Cristore quehnoano wacū tutua tuhasari musa. Sa yena "Ohō saha Cristore wacū tutuaro cahmene musare", nina niedaja usā. Musare quehnoano bucueḡu ye duaja usā.

2

¹ Sa yegu ohō saha ni tuhutu: "Pari turi tiquinare bujua witiḡu ye dueraja. Sa yegu yojoṗare wahaeraja", ni tuhutu. ² Musare bujua witiḡu ye dueraja. Musa bujua witiḡu ihñagu yuhu pehe musare bucueraoaga. Sa yena yuhare bucueḡu yeatina ijieraboaga musa pehe. ³ Sa yegu musa cahapu wahaeru. Sa wahaeragu musare ihyo ojoau. Musa yuhare bucueḡu yeatina ijiepenata yuhare bujua witiḡu yeboaga musa, musa cahapu yuhu esagū. Musa mehna yuhu bucueḡu, musa ḡuhu bucuenata. Tire masiaja yuhu. Sa yegu yojoṗare musa mehna bujua witi dueragu wahaeru musa cahapu. ⁴ Pajiro tuhutuḡu, ñano jeripohna tiḡu, tutuaro utigu musare ojaopeḡuta musare bujua witiḡu ye dueru. Musare tutuaro yuhu cahifene musare masigū ye duagu musare ojoau.

Corinto cjēna mehna cjāno tiquiro ñano yerire bo dutiahye Pablo Jesu yequinare

⁵ Ihcāquiro musa mehna cjāno yuhare bujua witiḡu yeriquiro ijiri. Sa yeriquiro ijiepeḡuta musare tiquiro tutuaro bujua witiḡu yeriro saha yuhu pehere pajiro bujua witiḡu yerari tiquiro. Tiquiro sa ñano yepeḡuta pajiro waro buhiri dahre duti dueraja. ⁶ Peyequina musa mehna cjēna tiquirore buhiri dahre tuhasañohti. To punota buhiri dahre duhuro cahmene tiquirore. ⁷ Tiquirore musa buhiri dahreducugū tutuaro bujua witiḡoaga tiquiro. Sa yero Cristo yere duhuboaga. Sa yena tiquiro ñaḡe yerire boya musa. Tiquirore yedohoya tiquiro bucueḡu. ⁸ Sa yena tiquirore quehnoano yeya musa tiquirore musa cahifene tiquiro masigū. Musa sa yegū tutuaro cahmeaja yuhu. ⁹ To pano musare ojoagu "¿Potota yuhare yuhtietari?" niḡu sa ni ojoau musare. Yuhare musa yuhtigū ihña duagu musare sa ni ojoau. ¹⁰⁻¹¹ Yojoṗare tiquiro ñaḡe yerire musa bogū ihñagu yuhu ḡuhu tire boutja. Yuhare ñano yerahye tiquiro. Musa pehere ñano yeahye. Tiquiro sa ijiepeḡuta tiquiro ñaḡe yerire boaja yuhu ḡuhu. Musare quehnoano yedoho duagu Cristo ihñonopu tiquiro ñaḡe yerire boaja. Tire boaja Satana marine

tiquiro yuhducaerature. Tiquiro marine ñaḡene yegū cahmene. Tire quehnoano masiaja mari. Sa yena Jesu yequina tiquina ñaḡe yerire wacūdueraja mari, "Tiquinapu Satana yere yeari", nina.

Troa wame tiri macapu ijero Titore bo-caeraro pajiro bujua witi tuhutuahye Pablo

¹² Sa yegu Troa wame tiri macapu esau Cristo yere buheḡu wahagu. Topu yuhu ijigū peyequina masa quehnoaḡe buheyere tūho duayequina ijiri. Mari puhtoro tiquiro yedohoye mehna tiquiro yere yuhu buheatiquina peyequina masa ijiri. ¹³ Sa ijiepeḡuta mari acayarore Titore bocaeragu pajiro bujua witi tuhutu. Sa yegu to cjenare cohe ti tuhasagu Macedonia yehpapu wahan.

Cristo yedohoye mehna ñaḡene yeducueraja mari

¹⁴ Sa ye Cohācjū pehe marine ñaḡene yeragū yere. Cristo yequina mari ijigū ihñano marine ñaḡene yeragū yere. Sa yegu Cohācjūre bucuere, "Quehnoare", ni-aja. Sa yena Cohācjū marine tiquiro dutigū masina ijipihtropu Cristore masare masigū yeaja mari. Sa tiquirore masiḡe tiquina quehnoano tuhutore. ¹⁵ Cristo yequina ijina, Cohācjū pehere bucueḡu yeaja mari, ehme sitiye mari bucuero saha. Sa ye Cristo yequina mari ijiyere ihña masine apequina Cohācjū yuhduatiquina. Apequina tiquina ñaḡe buhiri pecapu waha-tiquina ḡuhu Cristo yequina mari ijiyere ihña masine. ¹⁶ Cristo yequina mari ijigū ihñaḡe, tiquina ñaḡe buhiri pecapu waha-tiquina pehe pecapu tiquina wahatire masine. Cohācjū yuhduatiquina pehe marine Jesu yequinare ihñaḡe, ijipihtiyere decori tiquiro mehna tiquina ijiatire masine. Sa ye Cristo ye ihyo ijije buheyere ijierare. Sa yero ahrire Cristo yere ihcāquiro esa tuharo buhe sohtori tiquiro ne mariedare. Cohācjū yedohoro mehnata tiquiro yere mari buhe masiaja. ¹⁷ Peyequina apequina Cohācjū yere buhemene niñerure wapata duaye. Usā pehe tiquina yero saha yeraja. Ni mehono marieno Cristo tutuaye mehna tiquiro yere buheaja usā. Cohācjū usāre cūḡu tiquiro ihñonopu quehnoano buheaja usā.

3

"Ohō saha yeitja", Cohācjū ni cūrire wahma buheyere yahuahye Pablo

¹ ¿Pari turi usā ijije tiyere musare yahuna niajari usā, musa tuhutuḡu? Apequina musare tiquina buheato pano tiquina ijije tiyere masi duana tiquina ojoari pūre cahme muhtari musa. Usāre masi tuhasari musa. ¿Usāre masiepenata ti pū borore cahmejari musa? ¿O apequina cahapu usā buhena wahana ti pū borore

usäre neno cahmeajari, masa tuhutugü?
 2 Ti pü borore cahmedaja usä. Mäsa pehere ijiphiyequina apequina ihñañe müsare usä quehnoano buherire masieta. Müsare usä buhegü Cristo yequina iji ducari mäsa. 3 Cristo yequina mäsa ijigü ihñañe masa müsare Cohäcjö ye buheye warore usä queoro buherire masi tuhasare. Müsare buhena Cohäcjö yaquiro Espiritu Santo tiquiro yedohoye mehna buhei. Tiquiro Cohäcjö catiriquiro waro ijire. Usä sa buhegü tuhona Cristore quehnoano cahmedi mäsa. Sa cahmena mäsa ijigü apequina müsare ihñañe Cristo yequina mäsa ijiyere quehnoano masine. Sa masiñe müsare Cohäcjö ye buheye warore usä queoro buherire masine masa.

4 Ahrire ijiphiyere tuhotuaja usä Cohäcjöre quehnoano wacü tutuana. Cristo tiquiro yedohoye mehna sa wacü tutuaducujaja mari. 5-6 "Usä esa tuharo ahri dahrayere yeaja usä", ni masiedaja usä. Cohäcjö tiquiro yedohoye mehna ye masiaja usä.

Yojopäre tiquiro yahuyere quehnoañe buheyere Cohäcjö pehe quehnoano usäre buhe masigü yere. Ahri buheye panopu tiquiro dutiye tiquiro ojoari yero saha ijierare. Quehnoañe buheye pehere buheaja usä. Panopu tiquiro dutirire mari esa tuharo ne ye masiedaja. Sa mari ye masiedari buhiri pecapu wahaboya mari. Quehnoañe buheye pehere tuhona Cristore wacü tutuaja. Sa yena ijiphiye decori Cohäcjö mehna ijinata mari. 7 Cohäcjö tiquiro dutiyere utä pjinipü ojoaro Moiserere cüahye. Tiquiro sa cüri bato tiquiro asi siteye bajuahye. Moise wühdoo asi siteahye. Asi site yuhduahye. Came ti asi siteye pihtia wahahye. Came ti asi siteye pihtia wahati ijiepegüta coä warore tiquiro wühdooare masa ne ihñadoque ohö masiedahye. Ti dutiyere masa tiquina ye pehoerari buhiri pecapu wahatiquina ijiahye. Sa ye ti dutiye masare pecapu waha dutiepetä, tutuaro asi siteye mehna iji ducachye ti dutiye.

8 Ti dutiye yuhduoro quehnoañe buheye pehe quehnoa yuhduare. Ahri buheyere apequinare mari buhegü tiquina quehnoano tuhögü Espiritu Santo tiquina mehna ijirota. Sa ye panopu cjä dutiye yuhduoro Cristo ye pehe quehnoa yuhduare. 9 Cohäcjö dutiye panopu cjä masare pecapu waha dutiahye. Sa dutieperota Cohäcjö tutuaye mehna tiquiro asi siteye mehna iji ducachye. Ti yuhduoro quehnoañe buheye pehe Cohäcjö tutuaye mehna ijire. Ti buheye mehna quehnoañequina wahare masa, Cohäcjö ihñagä. 10 Panopu Cohäcjö tiquiro dutiri pehe ihyo ijieye dutiye yero saha tojoa cähre yojopäre quehnoañe buheye mehna

mari ihña piti cagü. Quehnoañe buheye pehe quehnoa yuhduare. Ti buheye mehna ahmüsepü mari waha masiaja. 11 Panopu tiquiro ye dutiye yoa cjöri pje asi siteye ijiducume, pihtia wahahye. Ti dutiye yuhduoro quehnoañe buheye pehe quehnoa yuhduare. Ti buheyere quehnoano tuhona, Cohäcjö mehna sa ijiducunata.

12-13 Mari sa ijiducuatire masina, cuero marieno quehnoañe buheyere quehnoano yahu peho cjä usä. Moise pehe usä yero saha ijierahye. "Cohäcjö asi siteye pihtiro nine", Israe masa ni ihñari", nino, tiquiro wühdooare cahmotahye Moise. Bue tiro sa cahmotahye. Tiquiro yee tiriro saha bue tieraja usä pehe. Sa yena cuero marieno tiquiro yere quehnoañe buheyere buheaja. 14 Ti pjeru cjäna Israe masa pehe ne masieda tiahye. Yojopu gähäre Cohäcjö yere panopu tiquiro ojoari pürine tiquina buheye, ne masiedare. Moise tiquiro wühdooare cahmotagü Cohäcjö asi siteyere tiquina ihñadoque ohöedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacü tutuari bato, tiquiro yere masieta.

15 Yojopu gähäre Israe masa Cohäcjö dutiye Moiserere tiquiro cürire buheye, tiquinare cahmotaro saha ne masiedare tiquina. 16 Mari pehe mari puhtorore cahmegü tiquirota marine masigü yere. Moise tiquiro wühdoo cahmotarirere tiquiro ne cäboriro saha mari puhtoro marine tiquiro yere quehnoano masigü yere. 17 "Mari puhtoro", nigü Espiritu Santore nigü niaja. Cohäcjö yaquiro Espiritu mari mehna tiquiro ijigü pecapu wahaborinare tiquiro yuhduorina ijiaja. Sa yena "Panopu cjä dutiye mehna mari yuhduanata", niedaja mari. Sa yena ti dutiyere duhuna, Espiritu Santo ye dutiye pehere yeaja mari. 18 Sa yena Jesu yequina ijina, Cohäcjö yere masiaja mari. Tiquina wühdoo pacare cahmotamehneñequina yero saha Cristo tutuayere ihñona niaja mari. Sa yero mari puhtoro Espiritu Santo marine quehnoañe pehere comesagü yere. Tiquiro sa yegü Cristo quehnoa yuhduariquiro tiquiro ijiro saha wahana niaja mari.

4

1 Sa ye Cohäcjö usäre paja ihñano, quehnoañe buheyere yahuanajare cüri usäre. Tiquiro sa cügü masina, tiquiro yere buhena caributieraja usä. 2 Tiquiro yere buhena ni meje cü buheraja. Sa yena usä tire comesaeraja. Sijoro saha cjunogä buhena buoro yuhduoaga. Sa yena tire buhe dueraja. Cohäcjö ihñonopu ijiaja usä.

Sa yena quehnoañe buheyere quehnoano potu buheaja usã. Usã sa buhegũ ihñañe tire quehnoano masine usãre ihñañequina waro. ³ Usã buheyere quehnoañe buheyere buheaja usã. Usã tire buhepegũta apequina ne tuho duerare. Sa tuhoeyequina pecapũ wahatiquina ijire. ⁴ Satana ñariquiro ahri yehpa cãena puhtoro tiquinare masiedagũ yere. Caperi bajueyequina tiquina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiquiro. Cristo pehe Cohãcãu ijire tiyere marine masigũ yere. Tiquiro Cristo Cohãcãu waro ijire. ⁵ Usã buhena “Usã pehere ño peoya”, ni buheraja. Ohõ saha ni buheaja usã: “Jesucristo pehe ijire mari puhtoro”, ni buheaja usã. Usã pehe Jesure yuhtina ijijaja usã. Sa yena musare yedohoaja usã. ⁶ Panopũ ohõ saha niahye Cohãcãu: “Nahitianopũre buhrioro ijija”, ni, dutiahye tiquiro. Yojoapũre tiquirota ijire marine tiquiro tutuayere masigũ yeriquiro. Buhrioro marine ti ihñaagũ yero saha, tiquiro tutuayere marine masigũ yere. Cristo Cohãcãu tutuayere marine masigũ yere.

Cristo tutuaye mehna mari ijijaja

⁷ Sa masina ijina, tiquiro tutuayere apequinare masigũ yeaja. Sa yena ijiepenata tutueraja usã. Dihĩ sutu duita wahtiro ti butiro saha usã gãhũ tutueraja. Sa ijiepenata Cohãcãu tutuayere apequinare buheaja usã. Usã sa tutuerapenata tire buheaja usã. Usã sa buhegũ ihñañe usãre “Tiquina esa tuharo ahri buheyere masiedare. Cohãcãu pehe tiquinare masigũ yere”, ni masieta apequina usãre. ⁸ Ijipihtiyequina apequina usãre ñano yepeta Cohãcãu usãre tiquiro yedohogũ tiquina usãre yuhducaerare. Sa yena usã caributiepenata, Cohãcãu yere ne yahu duheraja. ⁹ Usãre tiquina ñano yeducuepegũta Cohãcãu usãre sa yedohoducure. Usãre tiquina queẽdoque cũ mujaepẽgũta tiquiro yedohoye mehna yarietaja usã. ¹⁰ Tiquina wejẽatina ijinata niaja usã, Cristo ahri yehpapũ tiquiro ñano yuhduariro saha. Tiquina wejẽatina ijiducuna niaja usã Cristo catiducugũ yeriquiro tiquiro ijijere masa tiquina masiato saha. Usã sa ñano yuhduagũ ihñañe tire masieta masa.

¹¹ Sa ye decoripe usãre apequina wejẽno cuarĩne Cristo yequina usã ijiri buhiri. Ohõ sahata ñano yuhduaja usã Cristo catiducugũ yeriquiro tiquiro ijijere apequina tiquina masiato saha. Usã paguri came yariaa waha-rotã. Usã sa wahatina ijiepenata Cristore catiducugũ yeriquirore masigũ yeaja usã apequinare. ¹² Sa ye musare usã buheri buhiri usã pehere apequina wejẽno cuarĩne.

Usã buheyere musa tuhori bato ijipihtiye decori Cohãcãu mehna ijiatina ijire musa.

¹³ Cohãcãu yere tiquina ojoari pũpũ ohõ saha nine: “Cohãcãure wacũ tutuagu, tiquiro yere buhei”, ni ojoahye panopũ cãano. Usã gãhũ sata yeaja. Cohãcãure wacũ tutuana, tiquiro yere buheaja. ¹⁴ Ahri yuhũ niati gãhũre quehnoano masiaja usã: Cristo yariari bato Cohãcãu tiquirore masoahye. Sa yero Cristo yequina mari ijigũ ihñaño tiquiro mari gãhũre masonota. Tiquiro sa masori bato tiquiro cahapũ neanota marine. ¹⁵ Sa yena musare yedoho duana, ñano yuhduaja usã. Sa yena Cristo yequina musa peyequina wahana, peyequina musa Cohãcãure bucueye mehna ño peonata. Tiquirore “Quehnoare”, ninata.

¹⁶ Musã sa wahagũ ihñaña, usã ñano yuhduepenata bujua witeraja. Sa yena Cristo yere buhe duheraja. Usã pagũ tutuaye decoripe pihti cãano nine. Usã tutuaye sa pihti cãepẽgũta quehnoano jeri saãaja usã. ¹⁷ Yojoapũre ñano yuhduepenata ñano yuhdu dojoeraja. Ti mari ñano yuhduaye pihtia waha-rotã. Sa yena marine mehenogã ñano yuhduoro cahmene. Sa mari ñano yuhduarĩna ijina, camerũre tutuaro bucueye mehna ijiducunata Cohãcãu mehna. Sa yena mari ñano yuhduari yuhduoro pajiro bucueye mehna ijiducunata. ¹⁸ Mari ihñari ahba pihtia waha-rotã. Mari ihñedari pehe sa ijiducurota. Sa yena mari ihñarire wacũducueraja. Mari ihñedari pehere Cohãcãu yere sa wacũducuaja mari. Sa yena camerũ mari quehnoano ijiatire bucueaja.

5

¹ Wuhũre tiquiro cohãboriro saha came mari paguri pehe butia waha-rotã. Sa yero wahma wuhũre tiquiro yeboriro saha Cohãcãu wahma pagurire yerota. Sa yero ti pagurire marine ohorota. Ti paguri masa tiquina yeri paguri ijierare. Sa yena ahmusepũ sa ijiducunata ti paguri mehna. Tire mari masiaja. ² Sa yena ti pagurire ahmuse cãe pagurire tutuaro cahmena, mari sa cohteducuna niaja. ³ Suhtirore tutuaro mari saña duaro saha ti pagurire tutuaro cahmeaja mari. Sata cohteaja mari paguri mariena iji duerana. ⁴ Yojoapũre ahri pagurire cohã duerapenata wahma paguri pehere tutuaro cohteaja mari. Yojoapũre mari pagurire cohã duerapenata ijipihtiye decori Cohãcãu mehna mari ijiatire tutuaro cahmeaja mari. Sa yena ahri mari paguri yariati paguri ti ijigũ masina, wahma paguri mehna Cohãcãu mehna sa ijiducu duaja mari. ⁵ Mari sa ijiducuatire quehnoahye Cohãcãu pehe. Sa quehnono tiquiro yaquiro Espĩritu Santore ohori marine. Sa yero tiquiro yaquiro Espĩritu Santo mari mehna

ijiro, marine Cohācjū tiquiro yeatire “Poto tjire”, nino, marine masigū yere tiquiro.

⁶ Sa yena Cohācjūre wacū tutuaducuaaja mari. Cuero marieno ijiaja mari. Ahri mari iji muhtari pagupū ijina, mari puhtoro mehna ijieraniaja. ⁷ Ūhmuse cjēne Cohācjū gūhure mari ihñedapenata “Ti potota ijire”, ni tuhotuaja mari. Sa yena tiquirore wacū tutuaja mari. ⁸ Sa yena mari cueraja. Mari pagurire ahri yehpapū cohāna mari puhtoro mehna ūhmusepū ijiducunata mari. Sa yero mari yariagū quehnoanota marine. ⁹ Sa yena Cristore bucuegū ye duaja mari. Ahri yehpa cjā pagū mehna ijinina tiquirore bucuegū ye duaja. Ūhmusepū gūhure tiquirore bucuegū ye duaja. ¹⁰ Ijipihtina Cristo cahapū mari wahagū ihñano tiquiro mari yerire ihñano marine beserota. Nāno mari yerire masinota tiquiro. Sa masino marine tiquiro ohoborire marine ohosi tiquiro. Quehnoañene mari yeri gūhure masinota. Sa masino bucuero marine quehnoano yerota. Tiquiro sa masidiquiro ijigū ihñana tiquirore bucuegū ye duaja mari.

Cohācjūre mari ihña tuhtigū ihñano Cristo pehe marine bosare

¹¹ Sa yena cua pesaro mehna Cristore ño peoro cahmene marine. Tire masina, Cristo yere masigū yeaja usā masare. Tiquinare cuesāna, tiquirore wacū tutuagū ye duaja usā tiquinare. Quehnoano mehna tire usā buherire Cohācjū quehnoano masine. Ūsā sa buherire masa gūhure quehnoano masigū cahmeaja yuhū. ¹² Pari turi quehnoana usā ijije tyere musare yahuna niedaja. “Apequinare yuhducuaaja”, niñequinare masa yahuatī pehere quehnoano mehna usā buherire yahuna niaja usā musare. Tiquina pehe tiquina wacūñepū ñañequina ni mehoñequina ijiepetā masa tiquina ihñono dihita quehnoañequina yero saha ye ihñomene. Sa yena usā mehna masa bucuēatī pehere ahri ijipihtiyere musare yahu ojoana niaja. “Pablo gūhū usāre quehnoano mehna buhere”, usāre apequinare masa ni cahmotatī pehere ahri ijipihtiyere musare yahu ojoana niaja. ¹³ Ūsā ohō saha ni yahuna tuho masiena ijajari usā, masa tuhotugū? Masa usāre ihñañe, tuho masieñequina yero saha ihñare usāre. Cohācjū yere usā yegū ihñañe sa ihñaboaga usāre. Sa tiquina ihñanohrina ijiepenata sa ijina ijieraja musare yedoho nemonā tana.

¹⁴ Cristo marine tiquiro cahīgū ihñana musare sa yedohoaja. Tiquiro sa cahīgū ihñana tiquiro yere sa yahuducuaaja usā. Ihcāqirota Cristo ijipihtina mari ñañe buhirire yariari jiri. Tiquiro sa yariari bato

mari pehe ijipihtina mari ñañe buhirire yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohācjū. ¹⁵ Ijipihtina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariaro, masa mujari jiri. ¹⁶ Sa yena yojopure usā esa tuharo masare “Quehnoañequina ijire. Ñañequina ijire”, ni ihñedaja usā. Panopū usā esa tuharo yee timi. Sa yena Cristore masiedū. Yojopure Espiritu Santo yedohoye mehna tiquirore quehnoano masi tuhasaja. ¹⁷ Sa yena Cristo yequina wahana quehnoañe pehere yena wahaja mari. Panopū mari esa tuharo mari yemedire duhu cjā mari. Yojopure quehnoañe pehere comesana tire yeaja mari.

¹⁸ Cohācjū pehe marine quehnoañe pehere comesagū yeri. Cohācjūre ihña tuhtina mari ijigū ihñano Cristo pehe mari ñañene cohāri. Sa cohāno mari ihña tuhtiyere duhugū yeri tiquiro. Sa yegū yeri Cohācjū Cristore. Sa yero usāre tiquiro yere buhe dutiro cūri. Sa buhena, apequinare Cohācjū mehna tiquina ihña tuhtirire duhugū yeaja usā gūhū. ¹⁹ Ohō saha masare yahu dutiri Cohācjū usāre: “Cristore mari wacū tutuagū ihñano mari ñañe buhirire buhiri dahrerare Cohācjū marine. Sa yero marine ihña tuhtiriquiro ijieperota tiquiro marine tiquiro yequina ijigū yere”, ni yahu dutiri Cohācjū usāre. ²⁰ Sa yena Cristo yere buheanaja tiquiro cūrina ijiaja usā. Cohācjū musare tiquiro yahuboriro saha usā pehe ohō saha ni musare yahuaja: Cristore yahu basana niaja. Sa yena musare ihña tuhtieragū yeaja. Cohācjūre masa ihña tuhtiyere to punota duhuya. ²¹ Cristo tiquiro ñañene yerapegūta Cohācjū pehe tiquirore mari ñañe buhirire yaria duti-ahye. Sa yero mari ñañe buhirire buhiri dahreahye Cohācjū tiquiro pehere. Sa yero Cristo yequina mari wahagū Cohācjū yero saha quehnoana marine ijigū yere tiquiro.

6

¹ Cohācjūre yedohona ijiaja usā. Sa yena ahrire tutuaro musare ye dutiaja usā. Cohācjū yere quehnoañe buheyere masa tuhoriro sahata yeya masa. Masa tuhoriro sahata masa yeragū ti masa tuhori duhseati ijierare. ² Ohō saha nine Cohācjū:

Musare yuhū quehnoano yeatī pjere masa sinifene tuho yuhtitija. Sa yegū musare yuhū yuhduoati decore musare yedohoutja, nine tiquiro.

Tahoya musa. Yojoþare Cohãcþjũ musare tiqũiro quehnoano yeati pje ijire. Yojoþare Cohãcþjũ musare tiqũiro yãhdũoati deco ijire.

³ Ne mehenogã apeqũinare ñano yeraja usã. Apeqũinare ne ñano ni yahuducueraja, "Quehnoañe buheye pehere cahmedari", nina. ⁴ Sa yena Cohãcþjũ cahacþãna usã ijijere musare masigũ ye duaja. Sa yena ohõ saha ijiaja usã: Ñano yãhdũna, apee borore cwoerana sa tahotu cã. Usãre tiqũina ñano yepegũta usuaro marieno ijiaja. ⁵ Ohõ saha ñano yãhdũna usã: Masa usãre quẽgũ, peresu tiqũina yegũ, peyequina masa usãre wejẽ duagũ tiqũina sañuducugũ ñano yãhdũna usã. Usã tutuaro dahra wahyia yãhdũna, wãjua purĩpegũta carĩedana, wãjua ahbana ñano yãhdũna. ⁶ Numia mehna ñano yeru. Sa yena Cohãcþjũ yere quehnoano masiñe mehna buhei musare. Sa yena ne uuseru usã. Sa yena quehnoano cahĩne mehna yei usã musare. Sa yena Cohãcþjũ cahacþãna usã ijijere musare masigũ yena nii usã. Espĩritu Santo tiqũiro yedohoye mehna Cohãcþjũ cahacþãna usã ijijere masigũ yena nii musare. Sa yena poto musare usã cahĩgũ ihñana, tiqũiro cahacþãna usã ijijere masine musa. ⁷ Sa yena quehnoañe buheyere musare poto usã buhegũ ihñana, Cohãcþjũ tutuaye mehna usã yegũ ihñana tiqũiro cahacþãna usã ijijere masine musa. Quehnoañe pehe ijipihitiye usã yeri usã wamoa yero saha ijire quehnoano usã cahmotati pehe. Tire quehnoañene yena watĩnore usã cahmotana niaja. Sa yena ti quehnoañene usã yeri mehna tiqũirore usã yãhdũducaja.

⁸ Apeqũina usãre ño peore. Apeqũina pehe usãre ño peorerare. Apeqũina ñano ni yahuducure usãre. Apeqũina pehe quehnoano ni yahuducure usãre. Poto usã buhepegũta "Ni mehoñequina ijire", ni yahusãre apeqũina usãre. ⁹ Apeqũina usãre ihña masiñequina yero saha yere. Ihquẽ tahari usãre masiñequina yero saha yere. Usãre tiqũina wejẽ duepegũta catiniaja usã. Ihñaña usãre. Ijirota ijire. Tiquina wejẽ dutinohrina ijiepenata, yarieraniaja usã. ¹⁰ Usã ihquẽ tahari bujua witina ijiepenata, sa buceducujaja. Pejeczona ijiepenata apeqũinare quehnoañe buheyere buhena tiqũinare pajiro doeri cþene usã ohoboro saha yena niaja tiqũinare. Apee boro cwoena ijiepenata, potota Cohãcþjũ ye pehere cwo peho cã usã.

¹¹ Ne Corinto cãna yũhu acaye, musare quehnoano mehna yahu peho ojoau usã musare. Musare tutuaro cahĩna, sa yahuu musare. ¹² Usã pehe musare cahĩ duhueraja. Musa pehe usãre cahĩeda cþure. ¹³ Sa yegu pohna tigu yũhu pohnare yũhu yahuboro saha musare yahutja: Musare usã tahoturiro sahata musa gũhu sata

quehnoano tahotuya usãre. Sa yena usãre cahĩña musa.

Cristore cahmeeñequinare piti ti dutierahye Pablo

¹⁴ Sa yena Cristore cahmeeñequina mehna sa piti tiducueracãhña. Tiquina mehna cãna ijieracãhña. Ihcãno saha ijierare musa. Quehnoañene yeriquiro ñañene yeriquiro mehna quehnoano iji masiedare. Cohãcþjũre cahmeeñequina Cohãcþjũre cahmeeñequina mehna quehnoano cahme piti ti masiedare. ¹⁵ Sa yero Cristo watĩno mehna ihcãno saha tahotuerare. Sa yero Cristo yaquiro, Cristore cahmeediquiro mehna quehnoano cahme piti ti masiedare. ¹⁶ Cohãcþjũ wãhũru "Cohãcþjũ ijire", tiqũina niñe queoyere mari cwogũ ñarĩne. Ti wãhũru ti queoyere mari cũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gũhure ñarĩne. Ti cururi pua curua ihcãno mehna iji masiedare. Cohãcþjũ catiriquiro tiqũiro ya wãhu yero saha ijiaja mari. Ti wãhũru tiqũiro ijiro saha mari mehna ijire tiqũiro. Ohõ saha nine Cohãcþjũ:

Tiquina mehna ijigutja yũhu. Sa yegu tiqũina watoa sa ijiducugutja. Yũhu Cohãcþjũ tiqũina puhto ijigutja. Sa ye tiqũina pehe yeequina masa ijietã, nine tiqũiro.

¹⁷ Sa yero ohõ saha ni nemore tiqũiro mari puhtoro:

Ñañequina mehna tojoeracãhña. Sa yena tiqũinare piti tieracãhña. Cristore cahmeeñequinare tiqũina ñañene ne piheraçãhña. Sa yegu yũhu pehe musare piti tigutja. ¹⁸ Sa yegu musa Pacu ijigutja. Musa pehe yũhu pohna ijinata, nine Cohãcþjũ mari puhtoro tutua yãhdũariquero.

7

¹ Yũhu acaye, yũhu cahĩna, musare ahrire yahutja: Ahri ijipihitiyere Cohãcþjũ tiqũiro sa ni yahugũ tahona ijipihitiyere mari ñañene yeyere duhuuhna. Sa yena mari ñañene wacũne gũhure duhuuhna. Sa yena Cohãcþjũre quehnoano ño peoye mehna ñano yero marieno ijihna mari.

Pablo buceye mehna yahuahye Corinto cþenare

² Quehnoano mehna ijija musa usã mehna. Ne mehenogã mehna ñano yeru usã musare. Sa yena usã buheye mehna musare ñano yegũ yeru usã. Ne ihcãquiro musa mehna cþanore ni mehoñe mehna wapa cahmedu. ³ Sa nigu "Usãre wapa yerari. Sa yena buhiri tina ijire musa", nigu niedaja musare. Musare yahu tuhasau. Musare cahĩaja usã. Catinina ihcã curuata ijiaja mari. Mari yariari batopũ gũhure

ihcã curuata ijinata mari. ⁴ Quehnoano musa yerire masiaja yuhu. Sa yegu musare wacũdoqueogu bucueaja. Sa yena usã ñano yuhduri watoa musa pehe yuhure pajiro bucuegũ yeri.

⁵ Sa ye Macedonia yehparũ usã esari bato topũ ijina, ne soeru usã. Topure ñano yuhduũ usã. Apequina usã mehna cahmeque duari. Sa yena "Cristo yere duhuari", nina Cristo yequina pehere cuesã nii usã. ⁶ Usã sa ñano yuhduepegũta Cohãcjũ usãre bucuegũ yeri. Tiquiro bujua witiyequinare bucuegũ yeriquire ijire. Sa yero Tito usã caharu tiquiro wihiro mehna usãre bucuegũ yeri Cohãcjũ. ⁷ Tito wihigũ ihñana bucuei. Ahri gũhure bucuei. Musare tiquiro quiti yahugũ gũhure tutuaro bucuei usã. Yuhure musa ihña duarire yahuri usãre. Yuhure musa wacũe ti bujua witori gũhure yahuri tiquiro. Tiquiro sa ni yahugũ tuhogu tutuaro bucuei yuhu.

⁸ To pano yahu ojoari pũ mehna musare bujua witiigũ yemi. Sa yerigu ijiepegũta bujua witiaraja yuhu pehe. Ti pũre musa buheri bato bujua witiñohti musa. Sa yena mehenogã bujua witi, duhuñohti musa. Sa yegu coã ojoa mahtagu bujua witipegũta yojopure bujua witiaraja. ⁹ Yojopũ pũritare bucueaja yuhu. Musa bujua witiigũ tuhogu bucueraja. Sa ijiepegũta sa bujua witiina, quehnoañe pehere comesañohti musa. Sa yero musa bujua witiigũ ihñano, Cohãcjũ pehe musare quehnoañene comesagũ yere. Sa yena musare bujua witiigũ yena, ñano ye dojomehnena niedu usã musare. ¹⁰ Sa yena Cohãcjũ tiquiro cahmeno saha bujua witiina, mari ñañene bujua witiinata. Quehnoañe pehere comesanata. Sata mari bujua witiigũ ihñano marine pecaru wahaborinare yuhduore Cohãcjũ. Mari sa bujua witiigũ quehnoañene marine. Cristore cahmeñequina pehe tiquina ñañene bujua witiarapeta, sa bujua witi maca cã, pecaru wahatiquina ijinine.

¹¹ Musa pehe Cohãcjũ tiquiro cahmeno saha bujua witiñohti. Musa sa bujua witiina ohõ saha yeñohti musa: Yojopure ñañene yeyequinare sa ihña cãdañohti musa. Tiquinare duhu dutiñohti musa. Sa yena tiquina ñañe yeyere cueñohti musa "Tiquina yero saha yeari", nina. Sa yena yuhure ihña duañohti musa. Sa yena ñañene yeriquire buhiri dahre duañohti musa. Ti ijipitiyere musa yena yojopure poto yena musa ijiyere masigũ yeri musa usãre. ¹² Panopũ ñano yeriquire musare yahu ojoapegũta tiquirore yedohogu tagu sa ni yahu ojoaeru. Tiquiro ñano yenohriquire gũhure yedohogu tagu sa ni ojoaeru. Musa pehere yedohogu tagu ti pũre ojoau. Usãre quehnoano ño peore musa. Tire musa ño peore quehnoano musa masiatire ti pũre

ojoau musare. Cohãcjũ tire musare masigũ cahmene. ¹³ Sa yena Tito musa yerire tiquiro quiti yahugũ tuhona tutuaro bucuei usã.

Tito gũhu tutuaro bucuera. Tiquirore musa quehnoano mehna musa piti cagũ tuhona, musa mehna tiquiro bucuere tuhona usã gũhu quehnoano bucuei. ¹⁴ Coã waropũ musa caharu tiquiro wahato pano musa mehna yahu bucuere, quehnoana musa ijirire yahuu tiquirore. Sa yena yuhu nihiro saha quehnoano yeñohti musa tiquirore. Sa yegu tiquirore yahu nihire buẽ tieraja. Musare poto sa yuhuducuaja usã. Ohõ saha Tito gũhure poto usã yahuu musare tiquiro ihñariro saha. ¹⁵ Musa caharu tiquiro esagũ ño peoye mehna tiquirore piti cañohti musa. Sa yena quehnoano yuhtina yuhdaducaro mariena musa ijigũ ihñañohti tiquiro. Sa yero musare cahĩ nemore tiquiro. ¹⁶ Yojopure quehnoano yuhtina, Cohãcjũ cahmeno saha musa quehnoano ye pehona musa ijigũ quehnoano masiaja yuhu. Sa masigu tutuaro bucueraja.

8

Cristo yequina ijina, pejecuoyequinare sa oho cãno cahmene marine

¹ Usã acaye, ahri yuhu yahuatire musare masigũ cahmeaja usã. Cristo yequina Macedonia yehpa cjẽna Cohãcjũ cahĩne mehna tiquiro paja ihñane mehna tiquina yerire musare yahutja. ² Tiquina ñano yuhduepeta, niñeru marieñequina ijiepeta cahĩno marieno sa oho cãhri pejecuoyequinare Jesu yequinare. Cristo mehna tutuaro bucuerequina ijieye, tiquina Judea yehpa cjẽnare quehnoano mehna tiquina cuoyere sa oho cãhri. ³ Musare niita niaja. Tiquina cuoro puno ohori. Ijierare. Bui cjũnogã ohori. Usã sini basaapegũta pejecuoyequinare ohori tiquina. ⁴ Cohãcjũ yequinare pejecuoyequinare tutuaro yedoho duaye, tiquinare tiquina ohoatire nea dutiri usãre. ⁵ "Ohõ puno ohoeta", tiquinare usã ni tuhoturiro bui cjũnogã ohori tiquina. Ohõ saha yeri tiquina: Coã warore niñerure tiquina ohoato pano mari puhtoro Cristo cahmeno saha ye pehori jiri tiquina. Sa ye Cohãcjũ cahmeno saha usã gũhure ño peoye mehna yuhtiri jiri. Sa yeyequina ijieye tiquina niñerure ohori.

⁶ Tiquina sa oho tuhasagũ ihñana Titore usã pehe ohõ saha nii: "Corinto cjẽnare maũu buhe ducariro saha quehnoano mehna pejecuoyequinare tiquina ohoatire buhe pehoya", nii usã tiquirore. Musa gũhu apequinare paja ihñana, musa yedohoatire sa nii tiquirore. ⁷ Sa yena musa pehe ijipitiyere quehnoano yena iji tuhasare:

Cristore potota quehnoano wacū tutuare mūsa. Sa yena tiqiro yere quehnoano yahure mūsa. Sa yena Cohācjū yere quehnoano masine mūsa. Sa yena Cohācjū cahmeno saha tutuaro ye duare mūsa. Sa yena ūsāre cahīne mūsa. Ohō saha quehnoano yena iji tuhasare mūsa. Mūsa sa quehnoana ijiepegūta mehenogā dahsare mūsa. Pejēcūoyequina pūrtare mūsa paja ihñagū cahmeaja ūsā. Sa yena cahīno marieno tiquinare quehnoano mehna mūsa pajiro ohogū cahmeaja ūsā.

⁸ Sa nigu mūsa dutigū niedaja. Sa ni yahugūta niaja mūsa. Apequina pejecūoyequine tiquina tutuaro yedohorire mūsa yahugū niaja. “¿Potota paja ihñana ijjajari mūsa?” ni, masi duagū niaja. ⁹ Mari pahoro Jesucristo pehe marine tiqiro paja ihñarire masine mūsa. Ti ijirota ijire. Tiquiro uhmūseru pajiro suoriquiro ijieperota ahri yehparu ahtaro pejecūoriquiro wahahye. Sa yero mari ye ijiatire yariaro pejecūoriquiro wahahye. Ohō saha wahahye tiqiro mari pehe tiqiro yere pajiro mari cuoitire, tiqiro mehna mari sa ijiducutaire.

¹⁰ Mūsa sa yahugūta niaja. Ohō saha tuhutuaja yūhu pehe: Ihcā cūhma wahare mūsa oho duagū. Mūsa pehe pejecūoyequine oho dua mūhtamedī. Sa yena tiquinare oho mūhtaborina ijimedi mūsa. ¹¹ Sa yena mūsa ye duariro saha yojorūre sohtori tiya. Mūsa oho dua mūhtariro saha yojorūre quehnoano oho pehoya. Sa yena pajiro cūona ijina pajiro ohoya. Mehenogā cūona ijina mehenogā ohoya. ¹² Tutuaro mūsa oho duagū tire mūsa ohorire Cohācjū bucuero. Sa yena noho mūsa suorō puno ohoya. Mūsa ohoro punota bucuero Cohācjū. “Pejecūoyequine mūsa cuoye yūhdūoro ohoya”, mūsa nino niedare Cohācjū.

¹³ “Pejecūoyequine ohoya”, nigu tiquinare pajiro cūo dutigū niedaja. Sa yegū mūsa pehere pejecūoro ye duaraja. ¹⁴ Mūsa ihcāno saha cūo dutigū sa nigu niaja. Yojorūre mūsa pehe pajiro suorō. Sa cūona apee boro marieñequine oho masine mūsa. Came mūsa apee boro mariedagū tiquina gūhu oho masine mūsa. Mūsa sa cahme ohona ihcāno saha cūonata ijiphtina Cristo yequina. ¹⁵ Ohō saha nine Cohācjū yere tiquina ojoari pūru: “Pajiro nediquiro gūhu apequina bui cūōnogā suorerari. Mehenogā nediquiro gūhure ne mehenogā dahsaerari”, nine Cohācjū yere tiquina ojoari pūru.

Tito tiqiro mehna cĵēna mehna Corintopū wahahye

¹⁶ Sa ye mūsa yūhu yedohoriro sahata Tito gūhu mūsa yedoho duare. Cohācjū

pehe tiqiro yedoho duagū yeri tiqiro. Tiquiro sa yegū ihñagū “Quehnoare”, niaja Cohācjūre. ¹⁷ Titore mūsa caharu ūsā waha dutigū tiqiro quehnoano mehna yūhtiri. Sa yero tiqiro ūsā waha dutiatio pano tiqiro basita mūsa caharu tutuaro waha duariquiro iji tuhasari.

¹⁸ Tiquiro apequiro Jesu yaquiro mehna piti dahrei ūsā tiqiro. Tito mehna cĵānore ijiphtiequina apequina Jesu yequina quehnoano ño peore. Quehnoañe buheyere tiqiro quehnoano yahuriquiro ijigū ihñañe tiqiro quehnoano ño peore. ¹⁹ Sa ye Jesu yequina tiqiro cahmene ūsā mehna tiqiro tinino wahagū. Tiquina ye niñerure pejecūoyequina caharu ūsā neagū ūsā mehna wahatiqiro cahmene tiqiro. Sa ye ti niñerure ūsā ohogū ihñañe “Marine yedohoriquiro ijire”, nieta masa Cohācjūre. ūsā sa ohona, tiquinare tutuaro mari yedoho duarire masigū yenata tiquinare. ²⁰ Sa yena ahri niñerure, pajiro Jesu yequina tiquina ohorire neana, quehnoano ihñā ihbonata tiquina ohorire, “Ūsāre yahūsāri”, nina. ²¹ Mari pahoro tiqiro ihñonopū queoro, quehnoano ye duaja ūsā. Sa yena masa tiquina ihñono gūhure queoro ye duaja.

²² Sa yena tana apequiro mari acayurore ohonatja Tito gūhu mehna. ūsā piti dahreriquiro peye tahari apequine tiqiro quehnoano yedohogū ihñā ūsā. Sa yero yojorūre mūsa pehe apequine mūsa yedoho duagū ihñāno to pano tiqiro yeriro yūhdūoro quehnoano mūsa yedoho duare. ²³ Tito pehere mūsa yahutja. Tiquiro yūhu mehna cĵāno ijire. Mūsa yūhu yedohogū tiqiro yūhu mehna dahrariquiro ijire. Apequina tiqiro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiqiro ño peoitire. ²⁴ Sa yena cahīno mehna quehnoano mehna tiquinare piti caya mūsa. Mūsa sa yegū ihñañe apequina Jesu yequina quehnoañequina pehe mūsa cahīñene masieta. “Quehnoano piti caeta Corinto cĵēna”, ni yahu tuhasa apequine. Mūsa sa quehnoano piti cagū ihñañe tiquina ūsā yahuri poto ijigū masieta apequina Jesu yequina.

9

Jesu yequinare pejecūoyequine tiquina ohoatire yahuahye Pablo

¹ Sa yena Cohācjū yequine mūsa yedohoatire mūsa ohoatire masi tuhasare mūsa. ² Apequine mūsa yedoho duagū masiaja yūhu. Sa masigu Macedonia yehpa cĵēnare ohō saha ni yahu: “Corinto cĵēna

Jesu yequina pehe apequnare yedoho dua tuhasari. Ihcā cāhma yūhdre tiquina yedoho duari”, ni yahu tuhasa tiquinare. Mūsa sa yedoho duagū tūhoye peyequina tiquina gūhū pejecūoyequnare yedoho duari. ³ Mū sare sa ni yahugū yojorūre ahriquinare mari acayere mūsa caharū ohogū tagū niāja, yūhū yahuriro saha mūsa yeato. Sa yegū pejecūoyequnare mūsa ohoatire mūsa cahmecoā cūoyuatire ahriquinare ohogū niāja. ⁴ Tiquinare ohoeragū Macedonia yehpa cĵēna mehna mūsa caharū esagū, mūsa ohoatire mūsa cūoyuatire ihñagū bue tisāboaga yūhū mū sare. “Pejecūoyequnare ohoeta”, mū sare yūhū ni tūhoturī bato mūsa ohoeragū ihñagū bue tisāboaga yūhū. Mūsa gūhū buoro yūhdūboaga. ⁵ Sa yegū mūsa caharūre yūhū esato pano tiquinare mari acayere oho mūhtagū niāja. “Pejecūoyequnare ohonatja”, to pano mūsa nidire mūsa cūoyuatire tiquinare oho mūhtagū niāja. Mūsa ohoatire mūsa cahmecoagū tiquina pehe mū sare yahueta. Mūsa ohoatire mūsa cūoyu tuhasagū bucueye mehna mūsa oho duari ijigū masitiū.

⁶ Sa yena ahrire wacūñā mūsa: Meheñe pjerigā oteriquiro meheñe pacagā nenota. Peye pjeri oteriquiro peye paca nenota. (Ohō saha ijire pejecūoyequnare mari ohogū. Mehenogā mari ohogū, Cohācĵū mehenogā ohorota marine. Pajiro mari ohogū, pajiro marine ohorota.) ⁷ Sa yena ihquēquina mūsa “Ohō puno ohonatja”, ni ohoya. Cahīno marieno ohoya. “Marine oho dutiri”, nino marieno ohoya. Bucueye mehna ohoyequnare cahīne Cohācĵū. ⁸ Tiquiro pehe mūsa cahmeno yūhdūoro mū sare ohorota. Sa yena ijipihtiyē mūsa cahmemedire dūhsaro marieno cūo pehonata. Sa yero apequnare mūsa ohogū gūhūre quehnoano esa tuharota mūsa cūoye. ⁹ Sata nine Cohācĵū yere tiquina ojoari pūpū:

Pejecūoyequnare pajiro ohore tiquiro. Quehnoano mehna masare sa yeducure tiquiro, nine tiquiro yere tiquina ojoari pūpū.

¹⁰ Sa yero oteye dūca tiri bato oteriquiro tiquiro oteati capere ohore Cohācĵū. Came tiquiro oterire dūca tigū yere tiquiro ihyatire. Pejecūoyequnare mūsa pajiro ohogū oteriquirore tiquiro ohoriro saha mūsa gūhūre pajiro ohorota Cohācĵū. Sata mū sare ohorota pejecūoyequnare mūsa oho nemoatire. ¹¹ Sata ijire. Pajiro ohorota mū sare apequnare pajiro mūsa sa ohoducuatire. Sa ye mūsa oho dutirire pejecūoyequnare usā ohogū peyequina tiquina pehe Cohācĵūre bucueye mehna “Quehnoare”, nieta. ¹² Sa yena pejecūoyequnare Cohācĵū yequnare ohona,

tiquinare yedohore mūsa. Sa yedohona bucueye mehna Cohācĵūre “Quehnoare”, tiquina nigū yenata mūsa. ¹³ Sa mūsa apequnare yedohogū ihñāñe, Cohācĵūre ño peoye mehna yahuducuenta masa. Sa ye tiquinare apequnā gūhūre pajiro mūsa ohogū ihñāñe Cohācĵūre “Quehnoa yūhdūgū ijire mūhū”, nieta masa. Ohō saha nieta Cristo buheye quehnoañe buheye ti nidiro sahata mūsa yegū ihñāñe, tiquinare mūsa ohogū ihñāñe. ¹⁴ Sa ye Cohācĵū mū sare tiquiro paja ihñāno sahata mūsa gūhū tiquinare mūsa paja ihñagū tiquina pehe mū sare cahmeeta. Sa cahmeñe mū sare sini basaeta Cohācĵūre. ¹⁵ Cohācĵū marine quehnoa yūhdūaro yerota. Tiquiro sa yeatire masina “Quehnoa yūhdūare”, niilna mari tiquirore.

10

Jesu cūriquiro tiquiro ijiyere yahuahye Pablo

¹ Yojorūre yūhū Pablo, mū sare yahutja. Ihquēquina mūsa mehna cĵēna ohō saha nine yūhūre: “Mari mehna ijiro apequnare yūhdūdūca dueriquiro, ihyo ijiriquiro yero saha ijire. Sa ijieperota ape sierū ijiro marine cuero marieno tuhti ojoadoqueore”, nine mūsa ihquēquina yūhūre. Cristo pehe ne usueriquiro, masare quehnoano yeriquiro ijire. Tiquiro yero saha yūhū gūhū iji duaja. ² Sa yegū mū sare ahrire tutuaro mehna yahutja: Mūsa caharū yūhū esagū quehnoano yeya mūsa “Pablo usāre tuhtiari”, nina. Ihquēquina yūhūre ohō saha nine: “Tiquiro esa tuharo, Cohācĵū dutiro marieno yere”, nine yūhūre ihquēquina. Sa niñequna pūritare tuhtiboaga yūhū.

³ Usā gūhū ahri yehpa cĵānata ijina niāja. Sa ijiepenata ahri yehpa cĵēna tiquina esa tuharo tiquina yero saha yeraja usā. ⁴ Surara cahme wejē tiquina yūhdūdūcariro saha usā pehe ñāñene yūhdūdūca duaja. Ti ñāñene ye dueraja. Usā sa yegū usā wamoā ahri yehpa cĵēna tiquina wamoā yero saha ijierare. Surara tiquina wamoare tiquina cūoro saha usā pehe Cohācĵū tutuayere cūoaja. Ti tutuaye mehna Cohācĵūre cahme dutieyequnare cohāja usā. Masa tiquina esa tuharo tiquina masiñene ti dūhseati ti ijieragū masigū yeaja usā ti tutuaye mehna. ⁵ Sa yena ijipihtiyequna tiquina esa tuharo tūhotuyequnare Cohācĵūre tiquina masi dutierarire dūhugū yeaja usā. Sa yena ti tutuaye mehna Cohācĵūre cahmeñequnare Cristore quehnoano yūhtiyequna tiquina ijigū yeaja usā. Cristo cahmeno saha tiquinare tūhotugū yeaja usā. ⁶ Sa yena apequnā mūsa mehna cĵēna Cristore tiquina yūhdūdūcagū ihñāna tiquinare buhiri dahrenatja usā.

11

Musa pehe musa quehnoano yahrtiri bato Cristore yuhduɗucayequinare sa buhiri dahreatinata ijinata musa.

⁷ Yuhu pagu dihitar masine musa. Yuhu ijiye tiye pehere ne masiedare musa. "Cristo yequina ijjaja", nina ijina, ohō saha masiña musa: Usā gāhu musa yero saha Cristo yequinata ijjaja. ⁸ "Mari puhtoro ye buheyere quehnoañe buheyere buhe dutiro, cūri usāre", nigu peye tahari musare sa ni yahuepegata bue tieraja yuhu. Usāre sa buhe dutiro musare yedohoanajare cūri usāre. Musare dojomehneanajare cūno niedari usāre. ⁹ Ohō saha poto ni yahuaja musare "Cueari", nigu. Ahri yuhu ojarri pūre ihñana musa ihña mariagū cahmedaja. ¹⁰ Ihuquēquina musa mehna cjēna ohō saha nine: "Pablo ojoaro dusero purñiquiro yero saha oja mujare marine. Sa ijiriquiro ijieperota mari mehna ijiro ne sa ijjaga niediquiro ijire. Pejecuoriqiro yero saha ijire. Sa yero marine tiqiro yahuducuye dūhseati ijierare", nine ihquēquina. ¹¹ Sa niñequinare ohō saha ni yahutja: Musare usā oja ohoriro sahata yahunatja musare musa cahapu ijina. Sa yena "Ohō saha yenata", usā ni ojoarri sahata yematja usā, musa cahapu ijina.

¹² Ihuquēquina musa mehna cjēna "Quehnoano masi pehona ijjaja", ni yahuducure tiquina basi. Yohou, quehnoa yuhduɗucayequinare ijjajari tiquina sa ni yahuducuye. Usā pehe tiquina yero saha ne sa nisi. Tiquina basi cahme ihña piti ca "Mari pehe quehnoa yuhduɗucana ijjaja", nine tiquina basi. Sa ni maca cāñe nine tiquina basi. ¹³ Usā pehe tiquina yero saha yesi. Cohācjū usāre buhe duti tiqiro cūri dihitar yahuaja usā pehe musare. Apequina ye dahrayere "Yei", nina niedaja. Cohācjū musare buhe dutiro usāre cūri. ¹⁴ Ohō saha nina, ni mehona niedaja usā. Quehnoañe buheyere Cristo yere musare buhe muhtana esau usā. ¹⁵ Sa yena apequina ye dahrayere "Usā pehe tire yei", ne niedaja usā. Sa yena Cristore musa wacū tutua nemogū cahmeaja usā. Sa cahmena musare buhe nemo duaja usā. Sa buhena Cohācjū tiqiro cūriro punota buhe duaja musare. ¹⁶ Sa yena musa ya yehpa yuhduɗucayequinare buheyere yahuna wahanatja. Sa wahana apequina tiquina buheri bato esana, "Usā buhei", nisi usā.

¹⁷ Mari yerire "Usāta yeaja", niedaro cahmene. Mari puhtoro Jesu tiqiro yeri pehere ihñana bucuero cahmene. Ti pehere apequinare yahuro cahmene. ¹⁸ Masa tiquina basi "Usā pehe yei", tiquina nigū bucuere Cohācjū. Mari puhtoro Cristo "Ahriquina quehnoano yeri", tiqiro ninohriquina pehere bucuere Cohācjū.

"Jesu cūrina ijjaja usā", ni mehoñequinare yahuahye Pablo

¹ Yuhu ijiye tiyere yahugu tuho masiegu yero saha yahugu niaja. Yuhu ijiye tiyere yahugu mehenogā bue tiaja. Sa yahurigu yuhu ijiepegata yahure tuhoriña musa yojopure. ² Cohācjū musare tiqiro cahño saha tutuaro cahñaja yuhu gāhu musare. Sa yegu musare cuesaja yuhu "Ñañene yeari", nigu. Nuhmino omoca dahateatoro amano mehna ijierico quehnoaricoro ticoro ijiro saha quehnoana musa ijigū tutuaro cahmeaja, Cristo dihitar musare cahme dutigu. Sa yegu Cristo cahapu musa wahagū ñañe mariena musa ijigū cahmeaja.

³ Apequina ñañequina musare ni mehoñe, sijoro saha ijiye buheyere cahmegū yeboaga musare. Pinono Evare ni mehono tiqiro masiñe mehna ticorore Cohācjūre yuhduɗucayequinare yeahye panopure. Tiquiro sa yeriro sahata yojopure ñañequina musare ni mehoñe, Cristore musare quehnoano ño peoeragū yeboaga. Sa yegu musare cuesaja. ⁴ "Ohō saha ijiriquiro ijire Jesu", tiquina esa tuharo sijoro saha ni meho buhepegata tuhomene musa. Musare usā buheriro saha ijiepegata musare ni meho buheyequinare tuhomene musa. Sa yena "Ohō saha ijiriquiro ijire Espiritu Santo", tiquina esa tuharo sijoro saha ni meho buhepegata tuhomene musa. Usā musare buheriquiro Espiritu Santo waro ijire. Tiquiro pehere queoro tiquina yahuerapegata musare ni meho buheyequinare tuhomene musa. Tiquina sijoro saha ijiye buheyere tiquina ni meho buhegū quehnoañe buheyere tiquina buherapegata tire tuhomene musa.

⁵ Musa mehna cjēna "Jesu cūrina ijjaja", nimediquina yahure masi yuhduɗucayequinare. Tiquinare docaducayeraja yuhu. ⁶ Quehnoano yahu mihnigu ijieraboaga yuhu. Quehnoano yahu mihniedapegata Cohācjū yere quehnoano masiaja. Yuhu sa masiñene peye tahari musare quehnoano masigū yei.

⁷ Quehnoañe buheyere Cohācjū yere musare buhegu ne wapa cahmedu. Musare yedoho duagu wapa cahmedu. Ihyo ijiriquiro yero saha ijii yuhu. ¿Yuhu sa wapa cahmedagū quehnoaedajari, musa tuhogugū? ⁸ Musare yuhu buhegū ayepe macari cjēna Jesu yequina yahure niñerure ohori. Tiquina sa ohogū ti niñerure ñehei sinino marieno musare buhegu tagu. Musa pehe yahure musa ohoborire tiquina pehe yahure ohori. ⁹ Musa mehna ijigū apee boro yahure dūhsapegata musare niñerure ne siniedu. Mari acaye Macedonia yehpa cjēna Jesu yequina ijipitiye yuhu cahmedire ne wihiri yahure. Panopure

músare ne cariboeru yuhu. Cameru gühare músare ne caribosi. ¹⁰ Cristo potota tiqiuo yahuriro sahata yuhu gühu vojopure músare potota yahugu niája. Ijipihti Acaya yehparu ijiyequinare ahri músare yuhu siniedarire sa yahuducugatja. ¹¹ ¿Músare yuhu siniedarire apequnare yuhu sa yahuducugü tühona, dahse tühotuajari msa? ¿“Pablo sa yahuro usäre cahiedaro niaga”, ni tühotuboagari msa? Ijierare. Músare cahíaja. Músare yuhu cahígü Cohácjü masine.

¹² Wapa cahmeno marieno músare yuhu buhe ducariro sahata sohtori tiitja. Yuhu buheri wapa yuhu wapa negü ihñañe tiquina “Jesu cürina ijiája”, ni mehoñequina ohó saha niboaga: “Pablo quehnoañe buheyere buhero, wapa cahmene. Sa yena usá gühü tiqiuo yero sahata yematja”, niboaga tiquina wapa cahmeñe. ¹³ Tiquina potota Jesu cüriquina waro ijierare. Tiqunare ne cüedari tiqiuo. “Jesu cürina ijiája”, ni mehoñe, usá yero saha ijimene. ¹⁴ Tiquina sa ni mehoñequina ijigü masi tuhasaja yuhu. Satana gühü quehnoariqiuo yero saha comesa mujare. Tiqiuo angel asi siteriqiuo yero saha iji duaro comesamene. ¹⁵ Tiqiuo sa yeriqiuo ijigü masigu, Satanare yedohoyequina “Jesu cürina ijiája”, ni mehoñequina Cohácjüre yedohoyequina yero saha tiquina comesagü ihñagu, ni mehoñequina tiquina ijigü masi tuhasaja yuhu. Vojopure tiquina sa comesapegüta pihtiri deco ijigü ijipihtiyé tiquina ñano yeri buhirire buhiri dahrerota Cohácjü tiqunare.

Tiqiuo ñano yuhdurire yahuahye Pablo

¹⁶ Pari turi ahrire músare yahutja. Ne “Tüho masieniquo ijire”, yuhare niedacähña. Yuhu sa ni dutierapegüta yuhare msa sa ni tühotugü quehnoanota yuhare. “Tüho masieniquo ijire”, yuhare ni tühotepenata tühoriña msa yuhare. Mehenogá yuhu ijiye tiyere yuhu yahugü tühoya msa. ¹⁷ Músare sa yahugu tüho masiegu yero saha yei niája. Yuhu ijiye tiyere yahugu mehenogá bue tiaja. Mari pühtoro Jesu yuhare “Muhu basi muhu ijiye tiyere yahuya”, niedare yuhare. ¹⁸ Tiqiuo sa niedapegüta ahrire yahutja músare. Tiquina esa tuhoro “Quehnoana ijiája”, niñequina tiquina ijigü ihñagu yuhu gühü yuhu ijiye tiyere músare yahutja. ¹⁹ Msa pehe tüho masieñequinare tühona bucueye mehna ihñare msa tiqunare. Quehnoa yuhduaro masina ijiajari msa pehe sa tühona. ²⁰ Músare cahacjana tiquina yegü, msa yere tiquina ehmagü, sa ihña cähre msa. Sa yena músare tiquina doca cügü, msa wahsupurire tiquina quégü sa tühotu cähre msa. ²¹ Quehnoa yuhduaro yeajari

músare tiquina. Usá pehe tiquina yero saha yuhducaeraja.

Sa yena tiquina yero saha yeraja. Tiquina yero saha ijierapegüta tiquina “Ohó saha ijina ijiája”, tiquina nigü tühogu yuhu gühü sata ni yahuboaga. Pari turi bue tiepegüta ohó saha ni yahutja músare tja. ²² Tiquina “Hebreo masa ijiája”, nine apequnare masi yuhduca duaye. Hebreo masata ijiája yuhu gühü. “Israe masa mari Pacu tiqiuo beserina ijiája”, nine tiquina pehe. Tiquina yero saha tiqiuo beserigu ijimaja yuhu gühü. “Abrahá panamena iji turiana ijiája”, nine tiquina tja apequnare masi yuhduca duaye. Tiquina yero saha Abrahá panami iji turiagüta ijimaja yuhu gühü. ²³ “Cristo cahacjana ijiája”, nine tiquina pehe. Yuhu gühü Cristo cahacjüta ijiája. Tiquina yuhduoro Cristo yere quehnoano yeaja yuhu. Yohou, sa nigü tüho masieniquo yero saha yahuducugu niája. Sa yahuducugu mehenogá bue tiaja yuhu. Tiquina yuhduoro tutuaro dahrau yuhu Cristo yere yegu. Peye tahari tiquina yuhduoro Cristo yaqiuo yuhu ijiri buhiri peresu yeri apequna yuhare. Tiquina yuhduoro peye tahari tanari yuhare masa. Tiquina yuhduoro Cristo yaqiuo yuhu ijiri buhiri masa yuhare wejé duamedí. Sa yegu mehenogá yuhduu yariaborigu. ²⁴ Ihcá omope tahari judio masa yuhare ñehedi. Yuhare tiquina ñehepe tahari treinta y nueve tahari yuhare tanari. ²⁵ Ihtia taha apequna yuhare ñehedi. Sa ñeheñe tiquina pürita yuhare ñano yucari mehna quédi. Ape taha yuhare apequna utá paca mehna doqueri. Ihtia taha yucasa mehna utäpu doque quehe sa, minü. Sa yegu ihcá deco, ihcá ñami taboa pijü bui pajiri ma decopure ba pahsau. ²⁶ Peye tahari macaripure buhe tinigü esau. Yuhu sa buhe tinigü cua yuhduari yuhare. Yuhare minino cua yuhduari. Yuhare apequna yaquero cua yuhduari. Ya dihta cjäna judio masa, judio masa ijieyequina gühü yuhare ñano yero cua yuhduari. Macaripu, masa marienopu, pajiri mapu gühare yuhare yariaro cua yuhduari. “Muhu mehna cjäna ijiája”, ni mehoñequina gühü yuhare ñano yero cua yuhduari. ²⁷ Cristo yere yegu tutuaro dahrae tii. Sa dahragü ñano wahyie tii. Peye tahari yuhare wujua ñano puriepegüta sa dahraducue tii. Ñano ujua ahbae tii. Sa yegu ñano aco wüoe tiru. Peye tahari ihyaye bocaera tii. Yuhu suhti sañañoye gühü ne marieda tiri yuhare. Sa yero yuhare yusua yuhdué tiru.

²⁸ Sa ñano yuhdupepegüta decopire ijipihtiyequina apequna Cristo yequinare, msa gühare pajiro wacü tühotuaja. ²⁹ Sa yegu ihcáqiuo Cristo yaqiuo tiqiuo sa iji

cāriquiroy ijjū ihñagu bujua witiája. Apequina Cristo yaquiroye ñano ye dutiboaga. Tiquina sa yegū ihñagu Cristo yaquiroye cuesāgu, tiquina ñañequina mehna usuája.

³⁰ Yahu duerapeguta yuhū ijiye tiyere yahugū tagu, yuhū esa tuharo tutuegu yuhū ijiye tiyere musare bucueye mehna yahuája. ³¹ Cohācjū mari puhtoro Jesu pacaro decoripe mari ño peoatiquiroy tiquirota musare yuhū ni mehoedagū masine. Ahrire musare poto yahutja. ³² Damasco wame tiri macapu yuhū ijjū ihñano, ihcāquiroy puhtoro yuhūre ñehe duamed. Ijipihtiyequina masa puhtoro Areta wame tiriquiroy doca ijiriquiroy puhtoro pūrita yuhūre ñehe duamed. Sa ñehe duaro ti maca cjā sahrīno sopecaharipe surarare cohte dutimedi. ³³ Tiquina sa cohteri watoata yuhū mehna cjēna pajiri puhūdupu yuhūre duhu sā, ti sahrīno cjā sopecahagāpu yuhūre duhu dijiori. Ti sahrīno behero peheru yuhūre duhu dijiori. Tiquina sa duhu dijiori bato duhti cāa wahau.

12

Pablo Cristo tiquiro ihñorire yahuahye

¹ Yuhū ijiye tiyere bucueye mehna yuhū yahugū dahseati ijierare. Sa ni yahugū mehenogā bue tiepeguta yahu nemoutja musare. Mari puhtoro Jesu yuhūre tiquiro ihñorire tiquiro masigū yerire yahutja musare. ² Ohō saha ihñō ducari tiquiro yuhūre: Catorce cahmari waro wahare yuhūre Cristo yaquiroye ahmusepu tiquiro ne mujari bato. Ahmusepu ñahpicoha buipu yuhūre ne mujari. Yuhū jeripohna dihitare tiquiro negū masiedaja yuhū. O yuhū pagu gāhūre tiquiro negū masiedaja. Cohācjū dihita tire masine. ³⁻⁴ Sa yero paraíso wame tiropu ne mujari yuhūre. Yuhū jeripohna dihitare tiquiro negū masiedaja yuhū. O yuhū pagu gāhūre tiquiro negū masiedaja. Cohācjū dihita tire masine. Tiquiro sa ne mujagū esagu topure tiquiro yahurire tuhō. Ti yuhū tuhōrire masa ne masiedare. Tiquiro yahurire yahu dutierare.

⁵ Ohō saha yuhūre tiquiro ihñorire musare yahugū, “Yuhū ihcāta apequinare yuhūducāja”, niboaga yuhū. Sa niedaja yuhū. Yuhū esa tuharo masiegu yuhū ijiyere, yuhū tutuegu yuhū ijiyere bucuegu musare yahutja. Ti dihitare bucuegu musare yahutja. ⁶ “Apequinare yuhūducāja”, musare ni yuhū yahu duagū yuhū nidi potota ijiiboaga. Sa yegu sa ni yahugū tuho masiegu ijieraboaga yuhū. Sa ijierapeguta “Ohō saha apequinare yuhūducāja”, ni yahusi yuhū musare, “Cua pesa yuhūaro yuhūre ihñari”, nigū. Yuhūre ihña masina ño peore masa. Masa ño peoepēguta ti yuhūoro yuhūre masa ño peogū cahmedaja.

⁷ Cristo quehnoa yuhūduyere ahmūserē yuhūre tiquiro ihñogū ihñarigu ijjū, “Apequinare yuhūducāja”, niboaga yuhū pehe. Sa yuhū niedatire Satana yuhū pagure tiquiro duti dahregū ihñano “Quehnoanota”, nidi Cohācjū. Yuhūre duti dahreri Satana yuhūre ñano wahagū yero. Ahri dohatiye pota sajanō purīno saha yuhūre purīne. ⁸ Ohō yuhū dohatiye yuhūre yuhūoro dutigu sinie timi Cristore mari puhtorore. Ihtā taha sinimi. ⁹ Ohō saha ni yuhūtie tiri yuhūre tiquiro: “Ohō mūhu dohatiye pūritare mūhūre yuhūdosi yuhū. Sa mūhūre yuhūduerapeguta mūhūre cahñaja. Yuhū cahñe mehna quehnoano ijiita mūhu. Dohatigu tutuegu ijjū yuhū tutuayere quehnoano ihñoguta mūhu. Tutuayequina yuhūoro mūhu pehe yuhū tutuayere masare masigū yeita mūhu”, ni yuhūtie tiri tiquiro yuhūre. Tiquiro sa nigū tuhōgu tutuegu yuhū ijiyere masigū bucueaja. Sa yegu tutuegu yuhū ijiyere musare bucueye mehna yahutja. Ohō saha ni yahutja Cristo tiquiro tutuaye pehere musare yuhū quehnoano masigū yeatire.

¹⁰ Sa yegu Cristo yaquiroy yuhū ijiri buhiri yuhūre purīpegūta bucueaja. Apequina ñano yuhūre tiquina yahu wajaepēgāta, ña yuhūaro yuhūduerapeguta bucueaja. Yuhūre tiquina ñano yeducepegūta yuhūre bujua witiigū tiquina yepegūta bucueaja yuhū. Sa ñano yuhūduerapeguta Cristo tutuaye mehna ihcāno sahaja, tiquirore wacū tutuagu. Sa yegu bucueaja.

Corinto cjēnare Cristo yequinare pajiro bujua witi tuhōtuahye Pablo

¹¹ Yuhū ijiye tiyere yahugū mehenogā bue tija yuhū. Yuhū sa yahuepegūta ti masa ye buhiri ijire. Masa pehe yuhū ijiye tiyere apequinare quehnoano yahuboaga. Yuhū esa tuharo ijjū dahseacju ijiiraboaga yuhū. Sa ijiborigū ijiiepeguta “Jesu cūrina, masi pehona ijiája”, ni mehoñequinare docadacaeraja yuhū. ¹² Potota ñano yuhūdūrigū ijiiepeguta Cohācjū tutuaye mehna ye ihñomi musare. Sa ihñogu Jesu cūrigū yuhū ijiyere ihñogu nimi musare. ¹³ Apeye macari cjēnare Jesu yequinare masa gāhūre ihcāno saha yee timi yuhū. Sa yepeguta masa pehere sijoro saha cjūnogā yemi. Masa dihitare cariboeramī. Masa dihitare apee boro gāhūre siniedami. ¿Yuhū sa siniedagū ñaniajari, masa tuhōtuagū? Ti ñañe ijjū ti ñañene boya masa yuhūre.

¹⁴ Ahri yuhū yahuatire tuhōya masa. Pua taha masa cahapu yuhū esari bato pari turi waha duaja tja. Topu esagu musare caribosi yuhū. Apee borore sinisi yuhū musare. Masa yere cahmedaja. Cristo ye pehere masa yuhūtigū cahmeaja yuhū. Masa pohne pehe tiquina pacasūmare tiquina cahmeñene

ohoerare. Tiquna pacasumma pehe tiquna pohne cahmeñe pehere ohore. Ohõ saha musa yuhu pohna yero saha ijina yuhu cahmeñe pehere ohosi musa. ¹⁵ Sa yegu yuhu pûrita yuhu cwoye pehere oho duaja musare yedohogu tagu. Musa cahacjuno yero saha iji duaja musare yedohogu tagu. Musa pehere yuhu tutuaro cahiepegûta yuhu pehere musa mehenogã cahine, yuhu tahotugã.

¹⁶ Sa yegu musa mehna ijigu musare cariboeru. ¿Sata ijiyari yuhu, musa tahotugã? Yuhu sa ijiepegûta ihquẽquina musa mehna cjeña ohõ saha niñoaga: “Pablo apee borore marine ne duaro ni mehoi marine”, niñoaga. ¹⁷ ¿Musa sa nidiro saha yerigu ijigu, dahse tire yeari yuhu, musa ihñagũ? ¿Musa cahapu yuhu ohoriquina yabe borore yuhare ni meho ehma basari tiquna musare, musa ihñagũ? Ni meho ehmedari jiri. ¹⁸ Sohõ ijiri pjepe musa cahapu Titore waha duti tuhasau tiqiore. Sa yegu apequiore Cristo yaquiore tiqiore mehna piti dahre ohou. ¿Tito apee borore musare ni meho ehmarì, musa ihñagũ? Ni meho ehmedari jiri. Tiqiore yuhu yero saha Cohãcjũ cahmeno saha yeriquiro ijire. ¿Sa yero yuhu yero saha yerari tiqiore, musa ihñagũ? Yuhu yero saha yerari jiri.

¹⁹ “Ñano yeraja usã”, ni cahmotana niedaja usã. Cristo yequina ijijaja. Sa yena Cohãcjũ tiqiore ihñonopu musare yahuna nijaja. Yuhu acaye, yuhu cahina, musare yahuu musa pehere yedoho duana. Musare yahuna, usã pehere musare cahmegũ yena niedu. ²⁰ Topu yuhu esagũ yuhu cahmeno saha yerapena ijiboaga musa. Sa yegu musare tutuaro cuesãja. Sa yegu musa cahmeno saha yerigu ijieraboaga yuhu gũhu, topu esagu. Sijoro saha musa yegũ ihñagu yahutja musare. Topu yuhu esagũ musa pehe cahme duse tini wiana, apee boro tiquna cwogũ ihña coona, duita usuana, musa esa tuharo apequinare yuhdudaca duana, apequinare ñano yahuducuna, ñano quitì yena, “Apequinare masi yuhdudacaja”, nina, musa cahme-coanore dojomehna ijiboaga musa. “Tire yeari”, nigu cuesãja yuhu musare. ²¹ Topu yuhu esagũ yuhare musare bue tisãgũ yeboaga Cohãcjũ. Sa yegu ijipihitiyequinare panopu ñano yeyequinare, tiquna ñañene bujua witiyequinare ihñagu, tutuaro bujua witiitja yuhu. Numia mehna ñano yeyequinare, amma mehna ñano yeye numiare, wuana tiyequinare, ñañene tutuaro cahmeñequinare ihñagu bujua witiitja yuhu.

13

Pablo yahu bato tiahye

¹ YojoPURE musa cahapu wahagu ihtia taha esagutja topure. Pua taha topure esa tuhasau. Sa yegu musare ahrire yahutja. Ohõ saha nine Cohãcjũ yere tiquna ojoari pûpu: “Ihcãquiore mari buhiri dahreato pano ihtiaro tiqiore yahusãno cahmene. Ihtiaro mariedagã puaro tiqiore yahusãno cahmene. Tiquna sa yahusãri bato buhiri dahre masiaja mari”, nine Cohãcjũ yere tiquna ojoari pûpu.

² Panopure ñano yerina musa ijigũ musare, ijipihitiyequina apequina gũhure pari turi ahrire cuaro mehna yahutja. Ihcã taha musa cahapu pari turi esagu musare ahrire yahuu. YojoPURE musa mehna ijieragu pari turi musare ahrire yahutja: YojoPURE musa cahapure esagu, ñano yeyequinare potota buhiri dahregutja yuhu. ³ Sa yeitja Cristo yuhu mehna tiqiore buherire musa ihño dutigũ. Cristo pehe musare dutiriquiro tutua yuhduariquiro ijire. Sa yero tiqiore tutuayere ihñore musare. ⁴ Mari yero saha pagu tiro, tiqiore tutueriquiro ijiro, curusapu yariahye. Sa yarieperota Cohãcjũ tutuaye mehna catiriquiro ijire tiqiore yojoPURE. Tiqiore curusapu ijiro tiqiore tutuerariro saha usã gũhu tutuena ijijaja. Sa yena usã esa tuharo musare yedoho masiedaboaga. Sa yena Cohãcjũ tutuaye mehna ijinata musare yedohona tana.

⁵ Sa ye musa pehe musa basi ohõ saha ni tahotuya. “¿Potota Cristore wacũ tutuajari yuhu?” ni tahotuya musa. ¿Potota Cristo musa mehna cjeño ijijajari? Tiqiore ijieragũ tiqiore yequina waro ijierare musa. Tiqiore yequina ijierana ni mehona ijire musa. ⁶ Usã pehe “Jesu yequina ijijaja”, ni mehona ijieraja. Tiqiore yequina waro ijijaja usã. Tire musa masigũ cahmeaja yuhu. ⁷ Sa yegu musa ñano yeratire Cohãcjũre sini basaja musare. Sata sini basaja usã musa quehnoañene musa yeatire. Musa sa yegũ ihñana usã ohõ saha niñoaga: “Usã pehe tiquinare quehnoañequina wahagũ yei usã”, niñoaga usã apequinare usãre ño peo dutina. Sa ño peo dutieraja usã. Sa yena Cohãcjũre sini basana, musa ye ijiatire sini basana nijaja. Apequina usãre “Ni mehoñequina ijire”, tiquna niepegûta quehnoañene musa yegũ pûritare cahme yuhduaja usã. ⁸ Ijipihitiye musa quehnoañene yegũ cahmeaja usã. Cohãcjũ yere quehnoañene dojomehne masiedaja usã. ⁹ “Cristo cahmeñene yeaja usã”, ni ihño masiedana, tutueyequina yero saha ijiboaga usã, musa ihñagũ. Quehnoanota. Quehnoañene yena musa pehe tutuana ijire. Musa sa ijigũ ihñana tutueyequina yero saha usã ijiepenata bucueaja. Sa yena quehnoana musa wahatire Cohãcjũre sini basana nijaja usã musare. ¹⁰ Sa yegu musa mehna ijieragu musare ahri pûre ojoayugu

niaja. M̄sa cahap̄u esaḡu, m̄sa ñano yerina ijiḡu ihñaḡu m̄sare buhiri dahreitja. Cristo yahure tiq̄uiro dutiriro sahata m̄sare buhiri dahreitja. Yah̄u sa buhiri dahreratire ahri p̄ure m̄sare ojoayuḡu niaja. Cristo yahure tiq̄uiro dutiriro sahata m̄sare yedohoacj̄u ijiaja. M̄sare dojomehneacj̄u ijieraja.

¹¹ Yojop̄are, yah̄u acaye, m̄sare quehnoa dutiaja. Cristore wac̄u tutua nemoña. Sa yena quehnoana ijiya. M̄sare yah̄u yahurire quehnoano t̄ho n̄n̄ña. M̄sa mehna cj̄ena mehna ihc̄ano mehna ijiya. M̄sa basi quehnoano mehna ijiya. M̄sa sa ijiḡu ihñano m̄sa mehna Coh̄acj̄u ijirota. Tiq̄uiro marine cahme cah̄ḡu yeriquiro, marine quehnoano mehna ijiḡu yeriquiro ijire. ¹² Sa yena m̄sa mehna cj̄enare quehnoano bucueye mehna piti caya. ¹³ Ijipih̄tiyequina oh̄o cj̄ena Coh̄acj̄u yequina m̄sare quehnoa dutire.

¹⁴ Mari pah̄toro Jesucristo mehna m̄sare ijipih̄tinare quehnoa dutiaja. Sa yeḡu Coh̄acj̄u mari Pac̄u tiq̄uiro cah̄ñe mehna ijipih̄tina m̄sare quehnoa dutiaja. Sa yero Esp̄iritu Santo ijipih̄tina m̄sa mehna quehnoano ijire.

Gálatas

Galacia wame tiri yehpa cjênare Jesu yequinare ojoa ohoahye Pablo

¹ Yuhũ Pablo, Cristo yere buhe duti tiqũro cũrigũ ijiaja. Masa cũrigũ ijieraja yuhũ. Masa pehe yuhũre buhe dutiye cũedari. Cohãcjũ mari Pacũ pehe Jesure yariariquirore masoriqũro yuhũre cũri tiqũro yere buheacjũre. Jesucristo gũhũ yuhũre cũri. Tiquina sa cũrigũ ijigũ ahrire ojoa ohoaja musare. ² Yuhũ musare Jesu yequinare Galacia yehpa cjânare quehnoa dutiaja. Yuhũ mehna cjêna Jesu yequina gũhũ musare quehnoa dutire. ³ Cohãcjũ mari Pacũ, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija musa. ⁴ Tiquiro Jesucristo pehe mari ñañene yeri buhirire yariahye. YojoPURE masa tiquina ñañene yeri pje ijire. Sa yero tiqũro yariahye Cohãcjũ mari Pacũ tiqũro cahmediro saha marine yuhũoro taro. Sa tiqũro yuhũogũ yojoPURE ñañene tiquina yeriro saha ye duasi mari. ⁵ Sa ye ijipilthiye decoripe tiqũrore mari Pacũre ño peouhna. Sata yehna.

Cohãcjũ masare tiqũro yuhũoati buh-eye ihcãnota ijire. Apeye buheye mariedare

⁶ Cristo musare cahĩno tiqũro yequina ijianajare musare cũri. Sa yegũ musare cũriqũro yere cohãna sijoro saha ijije buh-eye pehere duita musa cahmegũ ihña acũaa wahaja. ⁷ Apeye buheye quehnoañe buh-eye yero saha ijije buheye waro ijierare. Ti sa ijierapegũta ihquẽquina musa cahapũ ijieyequina musare cariboye, sijoro saha ijije buheyere buheye, quehnoañe buheyere dojemehne duare. ⁸ Sa yena musare usã buhe muhtarire mari cohãgũ sijoro saha ijije buheyere mari buhegũ Cohãcjũ marine buhiri dahreahro. Sa yero angel umuse cjãno sa tiqũro buhegũ tiqũro gũhũre buhiri dahreahro Cohãcjũ. ⁹ Mianogãta usã niديو saha pari turi ni-ijta: Ihcãquiro musare usã buherire cohãno, sijoro saha ijije buheyere tiqũro buhegũ Cohãcjũ tiqũrore buhiri dahreahro.

¹⁰ Sa nigũ yuhũ “Pablo dihita quehnoano buheriquiro ijire”, yuhũre ni dutigũ niedaja. Cohãcjũ pehe yuhũre “Quehnoano buheri mũhũ”, tiqũro nigũ cahmeja. Masare bucuegũ yegũ tagũ sijoro saha ijije buheyere buheboaga yuhũ. Masa dihitare bucuegũ yegũ ijigũ ne Cristo cahacjũ ijieraboaga yuhũ.

Pablo Cristo cũriqũro tiqũro iji ducarire yahuahye

¹¹ Yuhũ acaye, ahrire musa masigũ cahmeja yuhũ: Quehnoañe buheyere yuhũ buheri masa ye buheye ijierare. ¹² Ti buh-eye masare yuhũ tuhori ijierare. Sa ye apequina masa yuhũre ti buheyere yahuerari. Jesucristo pehe yuhũre ti buheyere masigũ yeri.

¹³ Panopũ judio masũ yuhũ ijie tirire masine musa. Ohõ saha yee tii yuhũ: Jesu yequinare tutuaro ñano yegũ tiquinare quehnoano wejẽ peho cã duami. ¹⁴ Mari ñecũsumua muna iji turiayequina tiquina buherire tutua yuhũoro ye duagu yuhũ acaye yuhũ ihcãno mehna masariquina yuhũoro ye muhtarigũ ijie timi yuhũ. ¹⁵ Yuhũ sa ijirigũ ijiepegũta yuhũ masa bajuato pano Cohãcjũ yuhũre bese tuhasari jiri. Sa yero yuhũre cahĩno tiqũro yaquiro ijiajũ cũri yuhũre. ¹⁶ Sa yero tiqũro cahmeno saha tiqũro macũnore yuhũre masigũ yeri. Tiquiro yere quehnoañe buheyere judio masa ijieyequinare buheacjũ yuhũ ijiatire tiqũro macũnore masigũ yeri yuhũre. Tiquiro sa yegũ “¿Duhse ni buhero cahmeagari yuhũre?” ni masare sinituerũ yuhũ. ¹⁷ Sa yegũ Cristo cũriquina yuhũ pano ijiriquina cahapũre JerusalẽPURE sinitugũ wahaerũ. Duita Arabia yehpapũ wahanũ. Sa yegũ Damascopũ majare tojoa wihii.

¹⁸ Ihtia cahma bato Pedore ihñagũ wahanũ JerusalẽPURE. Topũre pua semana waro ijii. ¹⁹ Sa yegũ apeqũnare Cristo cũriquinare ihñedũ. Santiago dihitare mari puhtoro baharore ihñanũ. ²⁰ Ohõ saha ni ojoagu Cohãcjũ mehna ne ni meho ojoaeraja.

²¹ Came Siria yehpapũ, Cilicia yehpapũ gũhũre wahanũ. ²² Topũre yuhũ esagũ ti pjere Judea yehpapũ ijieyequina Jesu yequina yuhũre ihña masiedari. ²³ Sa ye ahri dihitare yuhũre masi dũcari tiquina: “Panopũre marine ñano yeriquiro yojoPURE quehnoañe buheyere tiqũro cohã duari buheyere buhero nine”, ni, masi dũcari tiquina. ²⁴ Yuhũre sa masiñe Cohãcjũre “Quehnoa yuhũdagũ ijire”, nidi tiquina.

2

Apeqũna Cristo cũriquina Pablõre piti ca, duita cahmene

¹ Catorce cahmari bato pari turi JerusalẽPURE wahagũ Bernabẽ mehna wahanũ. Tito gũhũ wahari yuhũ mehna. ² Cohãcjũ yuhũre tiqũro waha dutigũ topũre wahanũ. JerusalẽPURE ijigũ “Jesu yequina puhtoa”, masa niñequina tiquina sehsharo cahmecoagũ quehnoañe buheyere judio masa ijieyequinare yuhũ buherire yahuu tiquinare. “¿Judio masa ijieyequinare quehnoañe buheyere yuhũ buhegũ quehnoajari, musa tuhutugũ?” nigũ, sa yahuu tiquinare. Sa yahuu tiquinare

panopu yuhu buherire, yojopure yuhu buheri gáhure tiquina quehnoano masiatire, tire “Quehnoare”, tiquina niatire. Tiquina sa niedagū yuhu buheri dūhseati ijieraboaga.

³ Yuhu mehna cjāno Tito judio masano ijieriquiro ijiri. Sa yero cuhnucunū sohtoa cahserogāre yuhre nemehnediquiro ijire. Sa yuhremehnediquiro tiqiro ijiepegāta Jesu yequina pūhtoa “Mūhu gāhu ti cahserogāre yuhre neña”, niedari tiqirore.

⁴ Tiquina sa niedapegāta ihquēquina “Jesu yequina ijijaja”, ni mehoñequina wacūeno mehna usā mehna sajā, tiqirore ti cahserogāre yuhre negū cahmemedi tiquina. Jesu yequina mari ijina “Panopu cjēne tiquina dutiuro saha yena ti mehna yūhdūsi”, ni tūhotuaja mari. Mari sa ni tūhotugū mari yeyere ihña duaye tiquina pehe usā mehna ni meho sajāri. Sa yeye usā ñecusamua muna iji turiayequina ye dutiyere ye duti duaye, ti dutiyere ño peoducugū ye duamedi usāre tiquina. ⁵ Tiquina sa ye duepegāta quehnoañe buheyere potō masa masiatire ne mehenogā mehna tūho dueru usā tiquinare.

⁶ Sa ye Jesu yequina pūhtoa quehnoañe buheyere yuhū buherire tiquina tūhori bato “Ahri buheye mehna apeye buheyere buhe moreña”, ne niedari tiquina yuhare. Jesu yequina pūhtoare ihyo ijieyequina yero saha tūhotuaja tiquinare. Cohācjū pehe ijipih-tieyquinare ihcāno saha ihñare. Sa yegu sata tūhotuaja yuhū gāhu pūhtoa gāhure, ihyo ijieyequina gāhure. ⁷ Sa ye yuhū buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yuhū buheatire Cohācjū yuhare tiqiro cūrire tūhoye, “Tita ijire”, nidi tiquina. Judio masare buheyere Cohācjū Pedrore tiqiro cūriro sahata yuhū gāhure cūri judio masa ijieyequinare yuhū buheatire. ⁸ Judio masare Pedrore buhe dutiriqirota Cohācjū yuhū gāhure tiqirota buhe dutiri judio masa ijieyequinare.

⁹ Sa ye Santiago, Pedro, Ņu mehna Jesu yequina pūhtoa waro quehnoañe buheyere buherire Cohācjū yuhare tiqiro cūrire tūhoye “Tita ijire”, nidi tiquina. Sa nieta yuhare Bernabē mehna quehnoano bucueye mehna omoca ñehedi usāre piti tiye tehe. Sa yena judio masa ijieyequinare buhena ijijaja usā. Santiago gāhu pehe judio masare buheyequina ijire. “Sata ijiahro”, nii usā basi. ¹⁰ Sa niepeta tiquina judio masare pejesuoyequinare yedoho dutiri usāre. Pejesuoyequinare yedohoacjū ijiita nijaja yuhū.

Antioquiapū Pablo Pedrore tuhtiahye

¹¹ Sa ye Antioquiapū yuhū esari bato Pedro gāhu esari. Sa yegu quehnoano

tiqiro yerari buhiri tuhtii tiqirore. ¹² Ohō saha yeri tiqiro: Santiago ohoriquina Antioquiapū tiquina esato panogā, Pedro pehe judio masa ijieyequina mehna ihyaro nidi, judio masano ijieperota. Santiago ohoriquina judio masa ijieyequinare “Cuhnucunū sohtoa cahserogāre yuhre neña”, niñequina, usā judio masa panopu cjēna ye dutiyere ye dutieyequina ijiri. Pedro sa ihyari watoa Santiago ohoriquina esari. Sa ihyariqiro ijieperota tiquina tiqiro cahapū esagū ihñano, tiquinare cuero, Pedro judio masa ijieyequinare duhu cā, pari turi tiquina mehna ihyaro wahaerari. “Panopu cjēna mari judio masa yere yūhdūdcagū nijaja. Sa yeye yojoypure wihieyequina yuhare tuhtiarī”, nino, judio masa ijieyequina mehna ihya nemoedari. ¹³ Tiquiro sa ye mehoriro saha tiqiro yegū ihñañe, apequina judio masa gāhu tiqiroreta ihña cū, tiquina gāhu tiqiro yero saha yeri. Sa yero Bernabē quehnoariqiro ijieperota tiquina yero saha yeri tiqiro gāhu.

¹⁴ Cristo ye buheye marine quehnoano, queoro ye dutire. Sa ye Pedro gāhu ti buheye nidiro sahata yerari, judio masa ijieyequina mehna ihya duhuye. Tiquina sa yegū ihñagu, ijipih-tieyequina Jesu yequina ihñonopū Pedrore ohō saha ni yahuu: “Mūhu judio masū ijiepegāta judio masa ye dutiyere, tiquina ijiye tiyere duhu cāri mūhu, Jesu yere yegu tūhu. Sa yegu judio masa ijieyequina dutieye marieñequina yero saha yee tiri mūhu. Sa yerigu ijiepegāta apequina judio masa wihigū ihñagu, judio masa ijieyequinare piti ti nemoedari mūhu. ¿Judio masa dihitare mūhu piti tigū ihñañe, dūhse ni tūhotuetari judio masa ijieyequina pehe? ‘Judio masa yero saha ijiijina’, ni tūhotuboaga tiquina. ¿Tiquina gāhure judio masare ihña cūgū cahmeajari mūhu? To ijierare”, nii tiqirore.

Judio masare apequina masa yero saha Jesure wacū tutua dutiahye Cohācjū

¹⁵ Usā pehe judio masa masa bajauna, apequina ñano yeyequina judio masa ijieyequina yero saha ijieraja usā. ¹⁶ Sa ijina ijiepenata Cohācjū dutiyere Moiserē tiqiro cūrire usā yerina ijigū “Quehnoana ijire”, ni ihñedare Cohācjū usāre. Tire mari masi-aja. Sa yero Jesucristore mari wacū tutuagū Cohācjū marine “Quehnoana ijire”, ni ihñanota. Tire masina, usā gāhu Jesucristore wacū tutuaja tiqirore usā wacū tutu-ari mehna usāre “Quehnoana ijire”, Cohācjū tiqiro ni ihñatire. Sa yero tiqiro dutiyere usā yerina ijigū “Quehnoana ijire”, ni ihñedare Cohācjū usāre. Ne masa ti dutiyere yeye mehna “Quehnoañequina ijire”, ni ihñedare Cohācjū tiquinare.

¹⁷ Cristore mari wacū tutuaye mehna quehnoana Cohācjū yequina mari waha duagū, ñana mari ijyere masigū yerota Cristo. ¿Cristo mari iñāne marine masigū yero, ñana marine iñāgū yeajari tiquiro, mūsa tūhotugū? Ne mehenogā mehna sa yerare. ¹⁸ Ūsā dutiye yeye mehna yūhdū duamedina ijiepenata ti buheyere cohān. Sa cohāepenata pari turi ti buheyere yena ti dutiyere ūsā ye pehoerari buhiri potota buhiri tinata ūsā. ¹⁹ Cohācjū dutiyere Moiserere tiquiro cūrire ihcāno sahaeraja mari. Sa yena ti dutiye mehna ne yūhdūsi mari. Sa yena Cohācjū tutuaye mehna tiquiro yequina ijiaja mari.

²⁰ Cristo mehna curusapū yariariquina yero saha ijiaja mari. Sa yena yariariquiro tiquiro esa tuharo tiquiro yerari saha mari esa tuharo yeraja. Cristo ye tutuaye mehna yeaja. Sa yena yojoṗare Cohācjū macnōre wacū tutuaye mehna ijiducujaja mari. Tiquiro Cohācjū macno marine cahīne. Sa yero mari ye buhirire yariari. ²¹ Ti dutiye yeye mehna quehnoana Cohācjū yequina mari wahagū Cristo yariari pehe ne dūhseati ijieraboaga. Cohācjū marine tiquiro cahīdire, Cristo tiquiro yariarire ihyo ijyere waro yero saha ijigū ye dueraja yūhdū pehe. Sa yegu “Dutiye mehna yūhdūgatja”, ne nisi yūhdū.

3

Cohācjū dutiye Moiserere tiquiro cūrire, wacū tutuaye gūhure yahuahye Pablo

¹ Yūhdū acaye, mūsa Galacia cjāna tūho masiena iji wame tire mūsa. Jesucristo curusapū tiquiro yariarire buheyere ijipihtiyequina tiquina ihñonopū masare yahū. ¿Sa yena yojoṗare tiquiro yere mūsa yūhdūducature ni mehoñequina masare tiquina dojomehnegū dūhse yena tiquinare yūhtiri mūsa? ² Ahrireta yahu duaja mūsa: Dutiyere mūsa yeye mehna Espiritu Santore cūo dūcaerari mūsa. Quehnoañe buheyere pehere tūhona Cristore mūsa wacū tutuaye mehna Espiritu Santore cūo dūcari mūsa. ³ Espiritu Santo tutuaye mehna mūsa Cristo yequina iji dūcagū yojoṗare mūsa basi dutiyere mūsa yeye mehna Cohācjū cahapū mūsa waha duagū ñarīne. Tūho masiena ijyere mūsa, sa yena. ⁴ ¿Quehnoañe buheyere mūsa yeri buhiri peye tahari mūsa ñano yūhdūna ihyo warota ñano yūhdūna niyari mūsa, sa wahana? Ihyo waro ijierare mūsa sa ñano yūhdūri. Dutiyere yeye mehna Cohācjū cahapū mūsa waha duana ihyo warota ñano yūhdūna niboaga mūsa. ⁵ ¿Dūhse mūsa yeri wapa Espiritu Santore mūsa ohoi Cohācjū, mūsa tūhotugū? Tiquiro dutiyere mūsa yeri wapa ohoerari tiquiro. Tiquiro buheyere

quehnoano mūsa tūhogū ihñano tiquirore mūsa wacū tutuari batopū Espiritu Santore ohoi tiquiro. ¿Cohācjū mūsa watoa tiquiro tutuaye mehna ye ihñono dūhse ijyero boro sa ye ihñojari tiquiro, mūsa tūhotugū? Tiquiro dutiyere mūsa yeri wapa sa ye ihñodari tiquiro. Tiquiro buheyere quehnoano mūsa tūhogū ihñano tiquirore mūsa wacū tutuagū sa ye ihñori tiquiro.

⁶ Abrahā Cohācjūre wacū tutuahye. Tiquiro sa yegū tiquirore Cohācjū “Quehnoariquiro ijyere”, ni ihñahye. ⁷ Sa yena ahri yūhdū niatere masiña mūsa: Cohācjūre wacū tutuayequinata potota Abrahā panamena iji turiayequina ape tjuro cjēna yero saha ijyere. ⁸ Panopū Cohācjū yere tiquina ojoari pūpū ohō saha ni yahuahye: Judio mūsa ijyeyequina Cohācjūre tiquina wacū tutuagū ihñano “Quehnoañequina ijyere”, ni ihñare Cohācjū. Tiquiro sa ni ihñatire Cohācjū panopū masiyuro, tiquiro quehnoañe buheyere Abrahāre yahu mūhta tuhasahye. “Mūhdū mehna ahri yehpa cjēnare ijipihtiyequinare quehnoano yeitja”, niahye Cohācjū Abrahāre. ⁹ Sa yero Abrahā Cohācjūre quehnoano tūho wacū tutuahye. Tiquiro sa wacū tutuagū ihñano Cohācjū tiquirore quehnoano yeahye. Sa ye apequina mūsa Cohācjūre tiquina wacū tutuagū, tiquina gūhure quehnoano yerota Cohācjū, Abrahāre tiquiro yeriro sahata.

¹⁰ “Ti dutiyere Moiserere tiquiro cūri mehna Cohācjū yequina wahanata”, ni tūhotuyequina buhiri tiyequina ijyere. Tiquiro ojoari pūpū sata nine: “Cohācjū dutiyere tiquiro ya pūpū tiquina ojoarire ye pehoeyequina buhiri tiyequina ijyere tiquina ijipihtiyequina”, ni ojoahye. ¹¹ Cohācjū yere tiquina ojoari pūpū ohō saha nine: “Cohācjūre wacū tutuayequinare “Quehnoañequina ijyere”, ni ihñare Cohācjū. Sa wacū tutuaye ijipihtiyere decori Cohācjū mehna sa ijiducujaja”, nine Cohācjū yere tiquina ojoari pūpū. Tiquiro sa nigū ahri yūhdū niatere mari quehnoano masiaja: Ti dutiyere tiquina yeye mehna masare quehnoañequina yero saha ihñedare Cohācjū. ¹² Dutiyere yeye mehna Cohācjū cahapū waha duayequina Cohācjūre wacū tutuerare. Ohō saha nine Cohācjū yere tiquina ojoari pūpū: “Dutiye yeye mehna quehnoañequina waha duayequinare ti dutiyere ye pehoro cahmene tiquinare”, nine Cohācjū yere tiquina ojoari pūpū.

¹³ Sa ye ti dutiye marine buhiri tigū yere. Mari buhiri tigū ihñano Cristo pehe tiquiro basi mari ye buhirire buhiri tiriquire waharo, mari buhiri tiborire buhiri ti basahye marine. Cristo tiquiro buhiri tiatire yahuro ohō saha ni ojoahye panopūre: “Ijipihtiyequina yucuripū

tiquina duhu ohõriquina buhiri tiriquina ijire”, ni, ojoahye panopure. ¹⁴ Tiquiro sa ni ojoariro sahata sa yeahye Cristore. Cohãcjũ Abrahãre “Ahri yehpa cjẽnare quehnoano yeitja”, tiquiro nidiro sahata yero niahye masare. Sa yeahye Cristo mehna. Tiquiro yariahye judio masa ijieyequinare Cohãcjũ quehnoano tiquiro yeatire. Sa yero Jesucristo mehna sohtori tiahye Cohãcjũ Abrahãre tiquiro nidiro sahata. Sa yeahye tiquirore mari wacũ tutuari bato Espiritu Santore mari cõoatore.

Tiquiro buherire quitu mehna yahu nemoahye Pablo

¹⁵ Yũhũ acaye, masa ye quitu mehna ti yũhũ nidire yahutja musare: Tiquina pacuro tiquiro yariato pano tiquiro pohne comesatire yahuri pũ ohõ saha ni ojoare. “Yeere yũhũ pohnare ohoutja”, ni ojoare. Tiquiro sa ni ojoa cũri pũre tiquiro yariato pano apequiro pehe ti pũre sijoro saha ni ojoa nemo masiedare. Sa yero ti pũre “Poto ijierare”, ni masiedare. ¹⁶ Ti pũre tiquina pacuro tiquiro pohne tiquiro cũriro saha “Musare quehnoano yeitja”, Cohãcjũ nino, Abrahãre tiquiro panamino iji turiariquiro gãhũre nino niahye. Sa nino apequina tiquiro panamena iji turiayequinapure nino niedahye. Ihcãquiroreta tiquiro panamino iji turiariquiro dihitate nino niahye Cohãcjũ. Tiquiro Abrahã panamino iji turiariquiro Cristo ijire. ¹⁷ Yojoapure quehnoano yahutja musare: Abrahã gãhũre Cohãcjũ “Musare quehnoano yeitja”, tiquiro ni cũri bato cuatro ciento treinta cahmari yãhdũri bato tiquiro dutiyere Moisere cũahye. Sa cũno Abrahã gãhũre Cohãcjũ “Musare quehnoano yeitja”, tiquiro nidire boro taro niedahye. ¹⁸ Cohãcjũ marine yãhdũoro dutiyere mari yeye mehna marine yãhdũoerare. Dutiyere yeye mehna mari yãhdũgũ Cohãcjũ “Musare quehnoano yeitja”, tiquiro nidi pehe dũhseati ijieraboaga. Marine yãhdũoro taro Cohãcjũ Abrahãre tiquiro ni cũri mehna sa yero taro niahye.

¹⁹ ¿Sa yero dũhse yeatire tiquiro dutiyere cũri Cohãcjũ? Tiquiro dutiyere cũahye ti dutiyere mari yãhdũdũcarire mari quehnoano masiatire. Sa yero panopure Cohãcjũ “Mũhũ panamino iji turiariquiro mehna masare quehnoano yeitja”, Abrahãre tiquiro nidi tiquiro wihato pano Cohãcjũ dutiyere cõmahye masa. Sa yero Cohãcjũ dutiyere tiquiro cũgũ tiquiro yequina angele pehe tire duti turiahye. Sa ye Moisere tiquina cũgũ, tiquiro pehe masare cũ turiahye tja. ²⁰ Ti dutiyere Moise cũ turiajũ Cohãcjũ tiquiro basita masare cũedahye. Sa cũedaperota Cohãcjũ “Mũhũre quehnoano

yeitja”, Abrahã pehere ni cũno, tiquiro basita sa ni cũahye.

²¹ Cohãcjũ Moisere tiquiro dutiyere cũno, to pano Abrahãre tiquiro nidire “Abrahãre yũhũ nidiro saha yesi yũhũ”, nino niedahye tiquiro. Abrahãre tiquiro nidiro sahata yero taro niahye. Tiquiro dutiyere yeye mehna Cohãcjũ yequina wahana ti pje pũrita dutiyere mari yeye mehna quehnoana wahaboaga mari. ²² Sa yero Cohãcjũ tiquiro yere tiquina ojoari pũ pehe ijipihtiequina ñãñe buhiri tiyequina tiquina ijiyere yahuahye. Sa ni yahuahye Cohãcjũ “Musare quehnoano yeitja”, to pano tiquiro nidiro sahata yero taro. Sa yero Jesucristore wacũ tutuayequinare quehnoano yere to pano tiquiro nidiro sahata.

²³ Cohãcjũre wacũ tutuati buheyere marine tiquiro cũato pano tiquiro dutiyere pehe mari ñãñe yerire marine masigũ ye tuhasari. Sa ye marine yahuri ti dutiyere pehe. Cohãcjũre wacũ tutuati buheyere marine tiquiro yahugũpũ tiquiro dutiyere marine yahu duhuri. ²⁴ Sa ye Cohãcjũ dutiyere pehe Cristo wihato pano marine yahuri. Sa yahuri marine Cristore mari wacũ tutuaye mehna Cohãcjũ “Quehnoana ijire”, marine tiquiro ni ihñatire. ²⁵ Yojoapure pũritare Cristore mari wacũ tutuari pje ijire. Ti sa ijigũ tiquiro dutiyere pehe marine yahu nemoedare. Marine duti nemoedare.

²⁶ Sa yena Cristo Jesure musa wacũ tutuaye mehna Cohãcjũ pohna ijire musa. ²⁷ Ijipihtina musa Cristo wame mehna wame yenohrina ijina, Cristo Cohãcjũ macũno tiquiro ijiro sahata tiquiro pohmata ijire musa gãhũ. ²⁸ Yojoapure pũ curua ijierare musa. Judio masa ijiena, judio masa mehna pũ curua ijierare musa. Cahacjãna, cahacjãna ijiena mehna pũ curua ijierare musa. Òmũna, numia mehna pũ curua ijierare musa. Sa yena ijipihtina musa Cristo yequina ijina, ihcã curuata ijire musa. ²⁹ Sa yena Cristo yequina ijina, Abrahã panamena iji turiana yero saha ijire musa. Musa sa ijina ijigũ Cohãcjũ Abrahãre “Musare quehnoano yeitja”, tiquiro nidiro sahata musa gãhũre quehnoano yerota tiquiro. Cristo yequina musa ijigũ ihñano musare quehnoano yerota.

4

¹ Ohõ saha ijire ahri quitu mehna yũhũ yahu nemogũ: Tiquiro pacuro came tiquiro yere neatiquiro wahmũno iji cãhtariquiro ijiropũ ijipihtie tiquiro ye ijiepegũta cahacjãno yero saha ijire tiquiro. ² Sa ye tiquiro wahmũno iji cãhtariquiro ijigũ tiquirore ihña ihboyequina tiquiro yere ihña ihbore. Sa yero tiquiro pacuro queoriro esagũpũ tiquiro pacuro yere cõgorota. ³ Ohõ saha wahmũno iji

cāhtariquiro yero saha ijimi mari gūhu. Sa ijina mari ijigū cahacjēnare tiquina dutiro saha ahri yehpa cje dutiye masa ye dutiye marine dutinimedi. ⁴ Mari sa ijina ijiepegūta tiquiro queori pje esagū Cohācjū tiquiro macnore ohoahye. Sa tiquiro ohogū tiquiro macno ihcācoro nuhmino mehna masa bajuahye. Sa yero tiquiro judio masno masa bajuagū Cohācjū dutiye Moisere tiquiro cūri tiquirore dutinimahye. ⁵ Mari gūhure ti dutiyeta dutinimahye. Sa yero marine yūhdūotiquirore ohoahye Cohācjū tiquiro macnore, tiquiro pohna mari wahatire.

⁶ Sa yero tiquiro pohna mari ijigū Cohācjū macno tiquiro yaquiro Espiritu Santore mari mehna ijiaitiquirore ohoahye Cohācjū. Tiquiro yaquiro Espiritu Santo pehe Cohācjāre “Mai”, niniquiro ijire. ⁷ Sa yena masa Cohācjū yedohoye mehna cahacjāna ijierare masa yojopare. Tiquiro pohna ijire masa. Sa yena tiquiro pohna ijina, Cohācjū tiquiro ohoatire cūonata.

Pablo Galacia cjenare Jesu yequinare cuesāhye

⁸ Panopū Cohācjūre masa masiena ijina “Cohācjū ijire”, masa niñe queoyere ño peona ti queoye cahacjāna ijimahye masa. Masa sa ño peoyequina cohāmana waro ijierahye. ⁹ Sa ijirina ijiepenata yojopare Cohācjūre masine masa. Ijierare. Tiquiro pūrita masa pehere masine. ¿Tiquiro sa masiepegūta dahse yena ahri yehpa cjeña ye buheye pehere cahmeajari masa? Ti buheye dahseati ijierare. ¿Dahse yena panopū masa yeriro sahata Cristo marieno ye duajari masa? ¿Dahse yena dutiye masa yeducuri mehnata Cohācjū cahapū waha duajari masa? Wahasi masa. ¹⁰ Ihquē decorire, ihquē asārine, ihquē pohcarire, ihquē cahmarine bese decorire dahre dutire masa. “Mari sa yeye mehna dutiye mehna yūhdūnata”, ni, tuhutumene masa. ¹¹ Masa sa ni tuhotugū musare tutuaro yūhu buheri dahseati ijieraboaya, yūhu tuhotugū. Sa yegu musare cuesāja.

¹² Yūhu acaye ahrire tutuaro dutiitja musare: Cristore yūhu tuhoturiro sahata masa gūhu tiquirore tuhotuya. Panopū dutiye yeye mehna yūhdū duayequina ijieramahye masa judio masa ijina ijina. Yojopū pehere yūhu gūhu masa yero saha wahu, dutiye yeye mehna yūhdū dueragu. Sa yena Cristore yūhu tuhoturiro sahata masa gūhu sata tiquirore tuhotuya.

Masa mehna yūhu ijigū quehnoano yeri masa yūhure. ¹³ Dohatigūputa musare quehnoañe buheyere coā warore buhe dūcau yūhu. ¹⁴ Yūhu sa dohatigū ijiepegūta yūhure yabierari masa. Sa yena yūhure cohā tojoerari masa. Sa yena Cohācjū

yaquiro angelre, Jesucristo gūhure masa piti caboriro saha yūhure quehnoano piti cari masa. ¹⁵ ¿Yojopare dahse wahari masa bucueye? Musare ahrire niitja: Purifene dūcana masa caperire ore we ne yūhure ohoboaya masa. ¹⁶ ¿Yūhu mehna cjana ijiepenata yojopare queoro musare yūhu yahuri buhiri ihña tuhtiajari masa yūhure?

¹⁷ Sohō ijiriquina musare tutuaro cahmesāre. Tiquina tuhutuye sijoro saha ijire. Quehnoañe ijierare. Tiquina musare yūhure yūhdūducagū cahmene, tiquina pehere ño peo dutiye. ¹⁸ Quehnoano mehna masa quehnoano wahati pehe musare tiquina cahmesāgū quehnoariboaga. Sa ye topare yūhu marriedagū gūhure tiquina sa cahmesāgū quehnoariboaga. ¹⁹ Yūhu pohnagā, niji wahcōricoro ticoro ñano yūhdūro saha musare ñano wacū tuhutuaja yūhu. Tee Cristo yero saha masa ijigūpū musare wacū duhutja. ²⁰ Mianogā masa mehna ijigū tuhtiro marieno bucueye mehna masa mehna yūhu yahugū quehnoaboaga yūhure. Musare pajiro tuhutugu niaja yūhu.

Agar Sara mehna tiquina ijirire yahuahye Pablo

²¹ Tūhoya masa yūhure. Cohācjū dutiyere yeye mehna yūhdū duana ijiepenata tiquiro dutiye pehere quehnoano masiedare masa. ²² Ohō saha niahye Cohācjū yere tiquina ojoari pūpū: Abrahā pūaro pacuro ijiahye. Tiquiro cahacjōno Agar wame tiricoro mehna ihcāquirore pohna tiahye. Sa ye tiquiro namono poto Sara wame tiricoro mehna gūhure ihcāquiro pohna tiahye. ²³ Sa ijiepegūta tiquiro cahacjōno macno masa mari yero saha masa bajuahye tiquiro. Tiquiro namono poto macno pehe “Ihcāquirogā pohna tinata masa”, Cohācjū ni yahuriro sahata masa bajuahye tiquiro pehe. ²⁴ Ahri quiti marine quehnoano queoye mehna yahure: Cohācjū pūa taha masare “Musare yedohoutja”, tiquiro niñe yero saha ijire ahriquina numia pūaro numia. Ihcācoro Sinaí wame tidūpū Cohācjū dutiyere ohori yero saha ijire. Ticoro Agar ijire. Ticoro mehna mari queoye mehna buhegū judio masa gūhu dutiyere yeducuye mehnata yūhdū duayequina ticoro yero saha ijire. Tiquina cahacjēna yero saha ijire. ²⁵ Ticoro Sinaí wame tidū Arabiapū ijidu yero saha ijiricoro ijire. Yojopūre Jerusalē cjeña judio masa dutiye yeye mehna yūhdū duayequina dutiye cahacjēna yero saha ijire. Sa yeye mari queoye mehna buhegū tiquina ticoro yero saha ijire cahacjōno ticoro ijiro saha. Tiquina Cohācjū pohne ijierare. ²⁶ Mari pehe Cristo yequina ijina Cohācjū pohna ijiaja. Sa yena ūhmuse cjana ijiaja. Jerusalē ūhmūserpū ijiri maca cjana

ijiaja mari. Topare masa tiquina yuhduatire dutiyere yeye mariedare. ²⁷ Cohácjü yere tiquina ojoari pürü ohõ saha ni ojoahye Cohácjü pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna sañuducuya, niji wahcõno purĩnore masiego ijigo. Mũhũ pehe manũ cohõrigo ijigo apecoro manũ tiricoro yuhduoro peyequina pohna tigota. Sa yego bucueya, ni ojoahye panopare ticoro pohna tiato pano Sara yero saha ijiricorore yahuro.

²⁸ Yũhũ acaye, Cohácjü nidiro sahata Isaac masa bajuahye. Mari gãhũ tiqiuero yero saha Cohácjü nidiro sahata tiqiuero pohna ijiaja mari. ²⁹ Sa ijiepegũta ti pjeppure ihyo ijiriqiuero yero saha masa bajuariqiuero ñano yeahye apeqiuero Espĩritu nidiro sahata masa bajuariqiuero. Yojoprü gãhũre sata ijire Cohácjü yequinare masa ñano yegũ. ³⁰ Sa yero ohõ saha nine Cohácjü yere tiquina ojoari pürü: “Cahacjõno macũno tiqiuero pacũro yere cũo masiedare. Tiquiro namono poto macũno pehe tiqiuero pacũro yere cũo masine. Sa ye tiqiuero cahacjõnore ticoro macũno mehnata cohã cãhña”, ni ojoahye. ³¹ Yũhũ acaye, ne cahacjõno pohne yero saha ijieraja mari. Sa yena Abrahã namono poto pohne yero saha ijiaja. (Sa yena Cohácjü mari Pacũ yere cũo masiaja.)

5

Cristo marine cahacjẽna yero saha ijiyere tiqiuero duhugũ yeri bato tutuana ijiro cahmene marine

¹ Sa yero mari cahacjẽna yero saha ijirire potota Cristo marine duhugũ yeri. Tiquiro sa duhugũ yeri bato tutuana ijiaja masa. Ti dutiye mehna yuhdu duayequina cahacjẽna yero saha ijimedina pari turi cahacjãna sajãedacãhña masa.

² Yojoppure yũhũ Pablo ahrire yahutja musare: “Cuhñucunũ sohtoa cahserogãre mari yũhre nedi mehna yuhduanata”, masa ni tuhotugũ Cristo musare tiqiuero yedohori duhseati ijierare musare. ³ Ijipihtina ti cahserogãre masa yũhre nedi mehna yuhdu duanare pari turi ohõ saha ni yahutja yũhũ. Ti cahserogãre masa yũhre nedi mehna yuhdu duana, apeye Cohácjü dutiyere ye pehoerana, yuhduũ masa. ⁴ Dutiyere yeye mehna yuhdu duana Cristo pehere cohãri masa. Sa yena musare Cohácjü tiqiuero cahĩñene, tiqiuero yuhduo duayere duhũ cãri masa. ⁵ Sa ijiepegũta Espĩritu Santo tutuaye mehna Cohácjũre mari pehe wacũ tutuaja. Mari sa wacũ tutuagũ “Quehnoana ijire”, ni ihñare Cohácjü marine. Tiquiro sa ni ihñagũ marine tiqiuero yuhduoatire masiaja

mari. ⁶ Cristo Jesu yequina ijina cuhñucunũ sohtoa cahserogãre mari yũhre negũ ne duhseati ijierare. Ti cahserogãre mari yũhre nedagũ gãhũre ne duhseati ijierare. Sa ijiepegũta Cristo puritare wacũ tutuana apeqiuare cahĩnata mari. Ti wacũ tutuaye pehe ihyo waro ijiro niedare.

⁷ Musa Cristore quehnoano wacũ tutuamedi. ¿Quehnoañe buheyere musare yũhũ acaye judio masa tiquina yuhduca dutigũ duhse yena tiquinare yuhtiri masa?

⁸ Tiquina ye buheye Cohácjü musare cũriqiuero tiqiuero ye buheye ijierare. ⁹ Ahri yũhũ niatire wacũña masa: Mehenogã pã pugũ yeye trigo yũbre quehnoano ti sehsaro saha yũhũ acaye judio masa ye buheye pehere peyequina masa mehna cjẽna cahmeboaga. ¹⁰ Mari puhtoro Cristore wacũ tutuaja yũhũ. Sa yegũ ahri yũhũ niatire masiaja yũhũ. Cristo yedohoye mehna apeye buheyere cameppure cahmesi masa. Tire masiaja yũhũ. Musare dojemehne cohteyequina noho ijieyquina ijiaja. Tiquinare Cohácjũri buhiri dahrerota.

¹¹ Yũhũ acaye, “Dutiye yeye mehna yuhduanata”, tiquina ni buheyere yũhũ buhegũ ijigũ judio masa yũhũre ñano yeraboaga. Cristo curusapũ tiqiuero yariarire yahuye buheyere yũhũ buheri buhiri tiquina ñano yeri yũhũre. Cristo ye buheye mehna judio masa ye buheyere yũhũ buhe moregũ yũhũre ñano yeraboaga tiquina. ¹² Musare dojemehne cohteyequina masa cuhñucunũ sohtoa cahserogãre yũhre ne dutiyequina tiquina basi dihita yũhre neahdo.

¹³ Yũhũ acaye, “Dutiye mehna yuhduanata”, ni tuhotu dutierare Cohácjü musare. Ti dutiye mehna yuhduerapenata ti dutiyere yuhducaeracãhña masa. Sa ye masa mehna cjẽnare cahme cahina, tiquina cahacjẽna yero saha yedohoya tiquinare. ¹⁴ Ihcã dutirore quehnoano yena, Cohácjü dutiyere ye pehona niaja mari. Ohõ saha ijire ti dutiro: “Mũhũ basi mũhũ cahĩno saha mũhũ cahapũ ijieyquina gãhũre cahĩña”, ni, dutiahye. ¹⁵ Sa yena wahiquina yero saha masa basi cahme duse tutueracãhña. Sa yena cahmequedacãhña. Masa mehna cjẽna “Cristo yere duhuari”, nina, quehnoano yeya masa.

Masa ñañene tiquina tutuaro cahmeñene, Espĩritu Santo cahmeñe gãhũre yahuahye Pablo

¹⁶ Espĩritu Santo tiqiuero cahmeno sahata ijiaja masa. Sa yena masa ñañene masa tutuaro cahmeñene yeracãhña. ¹⁷ Ñañene masa tutuaro cahmegũ Espĩritu Santo ihña tuhtire. Tiquiro sa ihña tuhtigũ ti ñañene duhu duare masa. Sa yena ñañene masa tutuaro cahmena, Espĩritu Santore ihña

tuhtire m̄sa. Sa ih̄ña tuhtina tiq̄uiro cahmeno saha yerare m̄sa. Sa ye ñañene m̄sa tutuaro cahmeñe Esp̄ritu Santo tiq̄uiro cahmeñe yero saha ijjerare. Sa ye Esp̄ritu Santo tiq̄uiro cahmeñe ñañene m̄sa tutuaro cahmeñe yero saha ijjerare ti. Sa yena m̄sa cahmeno saha yerare m̄sa. ¹⁸ Sa yena Esp̄ritu Santo tiq̄uiro cahmeñene yena ijina “Dutiye mehna mari yuh̄dnata”, ni, tuhotuerare m̄sa.

¹⁹ Masa ñañene tiquina yeyere mari quehnoano masi tuhasaja. Oh̄ saha ijire ti: Numino mehna ñano yeye, um̄no mehna ñano yeye, w̄ana tiye, b̄e tiro marieno ñano yeye, ²⁰⁻²¹ “Coh̄c̄j̄u ijire”, tiquina niñe queoyere ño peoye, masare ujuayequina yayia tiquina yeye, ih̄ña tuhtiyē, cahme d̄ase tini wiaye, doeye, usuaye, tiq̄uiro basi dihita c̄o duaye, ih̄ña tuhti cahme tu waye, ih̄c̄a curua c̄j̄ena ape curua c̄j̄enare ih̄ña tuhtiyē, apeq̄uina yere cooye, masare wej̄eñe, queheye, queheye b̄ose decorire yeye, oh̄ saha ijire ñañene yeye. Panop̄u m̄sare cuaro mehna yuh̄u nidiro sahata yojop̄u ḡah̄ure niitja: Ti borore yeriquina Coh̄c̄j̄u p̄htoro ijiorp̄are um̄sepeure ne esasi.

²² Esp̄ritu Santo pehe marine oh̄ saha yena ijiḡu yere: Masare cah̄ña, bucuena, cueye mariena, usua muñena, apeq̄uina quehnoano yena, quehnoana, duhuro marieno Coh̄c̄j̄u cahmeñene yena, ²³ quehnoano mehna yena, tiquina ñañe ye duarire yerana ijiḡu yere marine tiq̄uiro. Sa yeyequinare “Sa yerac̄h̄ña”, ne ih̄c̄aqui no niedare. ²⁴ Cristo Jesu yequina ijina tutuaro mari ñañene ye duarire coh̄a tuhasaa. ²⁵ Esp̄ritu Santo marine Coh̄c̄j̄u mehna sa ijiducuḡu yerota. Sa yena tiq̄uiro cahmeno sahata yeducuna ijilina mari.

²⁶ “Apeq̄uina masi yuh̄dud̄caja us̄a”, ni, tuhotuana ijjerac̄h̄ña mari. Sa yena mari mehna c̄j̄enare usuaḡu yerac̄h̄ña mari. Sa yena mari basi cahme coerac̄h̄ña.

6

M̄sa mehna c̄j̄enare yedohoya

¹ Yuh̄u acaye, ih̄c̄aqui m̄sa mehna c̄j̄eno tiq̄uiro ñañene yeḡu Cristore quehnoano wac̄u tutuana ijina cah̄ñe mehna tiq̄uirore yedohoya quehnoañene pari turi tiq̄uiro yeatire. Sa yena m̄sa ḡahu “Ñañene tutuaro cahmeñe”, nina quehnoano yeya. ² M̄sa mehna c̄j̄ena tiquina ñano yuh̄duḡu ḡah̄ure yedohoya tiquinare. M̄sa sa yena Cristo tiq̄uiro dutiro saha yena ninata m̄sa.

³ Ih̄c̄aqui ihyo ijiriquiro ijieperota “Apeq̄uina masi yuh̄dud̄caja”, ni tuhoturo, tiq̄uiro basi ni mehoñe dihitare tuhoturiq̄uiro ijire. ⁴ Ih̄qūequina m̄sa sehsaro m̄sa yerire “Ahri quehnoañe ijire.

Ahri ñañe ijire”, ni masiñe. Sa masina m̄sa yeri quehnoañe ijiḡu m̄sa basi bucuenata. Sa yena “Apeq̄uina masi yuh̄dud̄caja”, nisi m̄sa. Sa niedana apeq̄uina m̄sa yuh̄dud̄cari mehna bucuesi m̄sa. ⁵ Sa yero Jesu yaqui Coh̄c̄j̄u yere tiq̄uiro basi yere. Apeq̄uiro mas̄no tiq̄uirore tire yedoho masiedare.

⁶ Sa yena quehnoañe buheyere buheriquirore apee boro m̄sa cuoyere tiq̄uirore ohoya m̄sa tiq̄uiro buhena.

⁷ Oteyere oteriquiro ñañe p̄erire otero ñañe d̄ucare cuorota. Quehnoañe p̄erire otero quehnoañe d̄ucare cuorota. Oh̄ saha mari ḡahu ñañene yena ñañene cuonata. Sa yero mari ñari buhiri buhiri dahrerota. Quehnoañene yena quehnoañene cuonata. Sa yena quehnoano ijinata. Sa yena “Us̄a ñañene yeḡu Coh̄c̄j̄u us̄are buhiri dahresi”, ni tuhotuerac̄h̄ña. Ñañene yeyequina Coh̄c̄j̄ure bujupeyequina ijire. Coh̄c̄j̄ure bujupeyequinare buhiri dahrerota tiq̄uiro.

⁸ Mari ñañene tutuaro cahmena, tire yena, ti mehnata yarianata. Sa yena pecap̄u wahanata. Esp̄ritu Santo pehe tiq̄uiro cahmeñene mari yeḡu tiq̄uiro marine ijipihtiyē decori um̄sepeure ijiducuḡu yerota. ⁹ Sa yena quehnoañene yena tire caributierac̄h̄ña mari. Coh̄c̄j̄u tiq̄uiro queori p̄e ijiḡu quehnoañene cuonata mari caributierana. ¹⁰ Sa yena ijipihtiyequinare mari ih̄ñañequina quehnoano yehna mari. Mari acaye Jesu yequina p̄iritare apeq̄uina yuh̄duoro quehnoano yehna.

Pablo yahu bato tiro, quehnoa duti bato tiahye

¹¹ Bujuye letra yuh̄u ojoari mehna ya omoca mehna m̄sare yuh̄u ojoarire ih̄ñañe m̄sa. ¹² M̄sare cuhnucun̄u sohtoa cahseroḡare yuh̄re ne dutiyequina masa tiquinare ño peoḡu cahmene. Cristo curusap̄u tiq̄uiro yariarire yahuye buheyere mari buheri buhiri masa ñano yere marine. Tiquina sa yeḡu ih̄ñañe ahriquina m̄sare cuhnucun̄u sohtoa cahseroḡare yuh̄re ne dutire “Judio masa ye buheyere yeaja”, niñe. Sa tiquina ye dutiḡu judio masa tiquinare ñano yeraboaga. Sa ye ti cahseroḡare yuh̄re ne dutire. ¹³ M̄sare ti cahseroḡare yuh̄re ne dutiyequina pehe Coh̄c̄j̄u tiq̄uiro dutirire ye pehoerare. Sa ye ti cahseroḡare m̄sare tiquina yuh̄re ne dutiri bato m̄sa yuh̄tiḡu ih̄ñañe, judio masa pehe tiquinare m̄sare yuh̄re ne dutiyequinare ño peoboaga. Tiquina sa ño peoatire m̄sare dutire tiquina.

¹⁴ Yuh̄u pehe masa yuh̄re tiquina ño peoḡu cahmeda yuh̄duaja. Mari p̄htoro Jesucristo curusap̄u tiq̄uiro yariari pehere masa tiquina ño peoḡu cahmes̄aja yuh̄u. Sa curusap̄u tiq̄uiro yariaḡu ahri yehpa

čjě ňañene watĩno yũhũre tiqũiro ye dutigũ yeru yũhũ. Sa yariaro ti ňañene yũhũre cahmedagũ yeri tiqũiro. ¹⁵ Tiqũiro sa yegũ Cristo Jesu yequina ijina ti cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhũre ne dũhseati ijierare marine. Sa ijiepegũta quehnoañe pehere mari comesagũ pũritare quehnoare. ¹⁶ Ijipihtina ahri yũhũ buherire yena, potota Cohãcjũ yequina ijina, cuero marieno quehnoano ijiya mũsa. Sa yena Cohãcjũ tiqũiro paja ihũano mehna ijiya mũsa.

¹⁷ Mari pũhtoro Jesu cahacjũ yũhũ ijiri buhiri yũhũ pagũre camĩ tiaja yũhũ. Yũhũ sa ijirigu ijigũ yojopũre apeqũina yũhũre cariboeracãhdo.

¹⁸ Yũhũ acaye, mari pũhtoro Jesucristo mehna mũsare ijipihtinare quehnoa duti-aja. Sata ijiahro.

Efesios

Efeso cjenare ojoa ohoahye Pablo

¹ Yuh_u Pablo musare Efeso wame tiri maca cjanare ojoa ohoaja. Yuh_u Jesucristo yere buhe duti tiquiro cūrigu ijiaja. Cohācjū tiquiro cahmeno sahata Jesu yuhare tiquiro yere buheacjare cūri. Sa yeg_u musare Jesucristo sa wacū tutuaducunare ojoa ohoaja yuh_u. ² Sa yeg_u Cohācjū mari Pacu mehna, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiaja musa.

Cristo yequina mari ijigū ihñano Cohācjū quehnoano yere marine

³ Cohācjū, mari puhtoro Jesucristo Pacuro marine quehnoano yeducure. Ijipihtiyē tiquiro ye uhmuse cjē quehnoañe mehna tiquiro marine quehnoano yeducure. Marine tiquirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriquiro ijigū ihñana quehnoano ño peoye mehna tiquirore quehnoano yahuducuhna. ⁴ Ohō saha yeahye tiquiro marine tiquiro yequinare: Ahri yehpa ijati pano tiquiro yequina ijianajare bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiquiro ihñagū. Sa yero marine “Ñana ijire musa”, nisi tiquiro. ⁵ Marine cahño, paja ihñano panopu ohō saha niahye tiquiro marine: “Yuh_u macu Cristo yedohoro mehna tiquina yuh_u pohna ijiaja”, ni cūahye marine panopu. Tiquiro cahmediro sahata sa yeahye tiquiro marine. ⁶ Marine tiquiro sa quehnoano yegū ihñana ño peoye mehna tiquirore quehnoano yahuducuhna. Tiquiro macano tiquiro cahñiquiro yequina mari ijigū ihñano quehnoano yere marine. Sa yena tiquirore quehnoano yahuducuhna.

⁷⁻⁸ Cristota ijire marine pecapū waha-borinare yuhduoriquiro. Mari ñañe yerire tiquiro cohāgū ihñano, Cohācjū pehe mari ñañene bore. Cristo mari ñañe buhirire yariaro tiquiro diire cohāhye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro. ⁹⁻¹⁰ Sa yero marine tiquiro yeatire marine masigū yeri. Panopu apequnare tire masigū yerahye tiquiro. Ohō saha ijire marine tiquiro yeati: Tiquiro cahmediro sahata tiquiro tūhoturiro sahata ijipihtiyequinare ihcā curuata Cristo yequina ijigū yerota. Sa yero ijipihtiyere tiquiro ye ijigū yerota. Tiquiro queori pje ijigū uhmuse cjenare, ahri yehpa cjenā gūhare, ihcā curuata tiquiro yequina ijigū

yerota. Sa yero uhmuse cjēne, ahri yehpa cjē gūhare tiquiro ye ijigū yerota. Sa yero Cristo pehe ijipihtiyequina puhtoro ijirota. Sa ye ijipihtiyē tiquiro ye dihita ijirota. Sa ijiatitiquiro iji dutiahye Cohācjū tiquirore.

¹¹ Sa yero Cristo yequina mari ijiatire masino panopu Cohācjū marine bese tuhasahye tiquiro yequina mari ijiatire. Ahri ijipihtiyere cūahye tiquiro tūhoturiro sahata, tiquiro cahmediro sahata yero taro. ¹² Sa yeahye tiquiro yere mari yeatire. Mari sa yegū ihñañe apequna tiquirore ño peoye, “Tutuagu ijire muhu”, nine. Usā pehe judio masa Jesure cahme ducarina ijina tiquirore wacū tutua muhtarina ijia. ¹³ Musa gūhu poto yahuducuyere ta quehnoañe buheyere tūhori. Ti buheye mehnata Cohācjū cahapu wahanata musa. Tire tūhona tiquirore wacū tutuari musa. Sa wacū tutuana tiquiro yequina wahari musa. Tiquiro yequinare ohō saha niahye Cristo: “Mūsare Espiritu Santore ohoutja”, ni yahu cūahye. Sa yero tiquirore musa wacū tutuagū ihñano Espiritu Santore ohori musare. Sa yero Espiritu Santo musa mehna ijiro Cohācjū yequina musa ijieyē tiyere masigū yere tiquiro pehe. ¹⁴ Cohācjū marine yuhdagū yere. Sa yero came tiquiro cahapu neanota marine. Marine tiquiro neatō pano Espiritu Santo pehe Cohācjū yere mari cūoatire masigū yere marine. Cohācjū marine tiquiro sa yegū ihñana tiquirore ño peoye mehna “Quehnoagu ijire muhu”, niaja mari.

Pablo Cohācjūre sini basahye Jesu yequinare

¹⁵⁻¹⁶ Cristore musa wacū tutuana ijigū ihñagu Cohācjūre sa sini basaducuaja musare. Jesucristore musa wacū tutuarire, ijipihtiyequina tiquiro yequinare musa cahñire tūhogu Cohācjūre “Quehnoare”, niaja. Ohō saha tiquirore sini basaja musare: ¹⁷ Cohācjū uhmuse cjāno tiquiro yere musa quehnoano masiatire sini basaja. Sa yegū tiquirore musa quehnoano masiatire sini basaja musare. Tiquiro mari puhtoro Jesucristo Pacuro ijire. ¹⁸ Sa yegū musa quehnoano masiatire musare sini basaja Cohācjūre. Tiquiro musare yuhduoro, tiquiro yequina ijigū yeri musare. Tiquiro sa yegū quehnoa yuhduare marine. Tire musa masiatire sini basaja musare Cohācjūre. Sa yegū marine tiquiro ohoatire quehnoa yuhduoye ti ijigū gūhare musa masiatire sini basaja. ¹⁹ Ohō saha musa masiatire sini basaja musare Cohācjūre. Cohācjūre wacū tutuana mari ijigū ihñano tiquiro tutuaye mehna marine yedohore. Tutua yuhduariquiro ijire. Ti gūhare musa masiatire sini basaja Cohācjūre. ²⁰ Ti tiquiro tutuaye mehna tiquiro Cristo yariariquirore masoahye. Sa

yero aħmasepa tiquiro potu peheru Cristore dujigū yeahye Cohācjū, ijipihitiyequinare tiquiro dutiatio saha. ²¹ Topu dujiro ijipihitiyequina aħmase cĵena puħtoa bui, ijipihitiyequina apequina bui ijire Cristo. Sa yero yojopare ijipihitiyequina aħri deco cĵena bui puħtoro ijire. Camedu ijipihitiyequina ape deco cĵenapu gāhure tiquina bui puħtoro ijiatiquirota ijire tiquiro. ²² Sa yero ijipihitiyequina bui cūahye Cohācjū Cristore. Sa yero ijipihitiyere cuoriquiro yeahye tiquirore. Sa yero Cristo yequina ihcā curua ijieyequina bui puħtoro sōahye tiquirore. Tiquina dapu ijire tiquiro pehe. ²³ Cristo yequina ihcā curuata ijina, tiquiro pagu yero saha ijiaja. Cristo ijipihitopu sa ijiducure. Sa yero ijipihitiye tiquiro bajumehnedi mehna sa ijiducure.

2

Cohācjū marine cahĭno, paja ihĭano yuħduoahye marine

¹ Naĭe buhiri tina, pecapu butiborina masa ijiepegūta Cohācjū musare yuħduori. ² Panopare aħri yehpa cĵena Cohācjūre yuħduocayequina yero saha yemedi masa. Sa yena watĭno tiquiro nidiro saha yemedi masa. Tiquiro watĭno aħri yehpapu dutiriquiro Cohācjūre yuħduocayequina puħtoro ijire. ³ Panopare ijipihitina mari ohō saha dihita yerina ijimi. Mari naĭe dihitare tutuaro cahmemi. Mari esa tuharo, mari tuhotuaro saha yemi. Sa yena ijina ijipihitiyequina apequina yero saha, mari gūhu ĩana ijimi. Mari sa yena ijigū ihĭano Cohācjū mari mehna usuaro, buhiri dahre duamahye. ⁴ Sa ye duariquiro ijieperota marine tutuaro paja ihĭano, quehnoano cahĭdi marine. ⁵ Sa cahĭ yuħduaro, mari naĭe buhiri pecapu butiborina mari ijiepegūta marine tiquiro mehna sa ijiducuanaja ijigū yeri. Cristo yequina mari ijigū ihĭano marine sa yeri. Marine paja ihĭano, yuħduori tiquiro marine. ⁶ Sa yero Cristo yequina mari ijigū ihĭano Cohācjū marine came tiquiro masoatinare cūri. Cristo tiquiro masoatinare cūri marine. Sa yena tiquiro mehna masa mujanata mari. Sa yero aħmasepa marine Cristo mehna ijigū yerota Cohācjū. ⁷ Ohō saha yeri marine tiquiro paja ihĭanire, camedu ijiatiquinare masigū yero taro. Sa yeri tiquiro tutuaro cahĭene tiquinare masigū yero taro. Cristo yequina mari ijigū ihĭano sa yuħduori tiquiro marine.

⁸ Cristore mari wacū tutuagū ihĭano Cohācjū marine pecapu wahaborinare yuħduori. Marine paja ihĭano, marine cahĭno marine yuħduori. Mari esa tuharo mari quehnoano yeye mehna Cohācjū

cahapu waha masiedaja mari. Cohācjū pehe marine yuħduore. Sa yero tiquiro mehna mari sa ijiducuatire ohore marine. Tiquiro sa ohogū mari esa tuharo quehnoaĭene mari yeri wapa ijierare ti. ⁹ “Īsā esa tuharo pecapu wahaborina yuħduu, niboaga”, nino ohō saha dutiahye tiquiro: Mari esa tuharo yuħdu dutierare marine. ¹⁰ Cristo yequina ijigū yeri marine Cohācjū pehe quehnoaĭe dihitarare yeanaja mari ijiatire. Panopu quehnoaĭene mari yeatire cū tuhasahye tiquiro marine.

Cristore cuona mari quehnoano ijiaja

¹¹ Sa yena panopu masa ijie tirire yojopu gāhure wacūna masa. Cristo yequina ijieranina judio masa ijiena ijina masa acaye yero saha yerina ijimedi masa. Cuhnucunu cahserogāre yuħre nedari masa. Masa sa yuħre nedagū ihĭana usā judio masa pehe cuhnucunu cahserogāre yuħre nena pehe musare ihĭa tuhtina ohō saha nie tii. “Cuhnucunu cahserogāre yuħre neeĭequina ijie, Cohācjū yequina ijierare”, nie tii musare. ¹² Ti pjere Cristo yequina ijierari jimedi masa. Īsā judio masa pehe Cohācjū beserina ijie tii. Īsā sa ijigū “Musare yuħduoutja”, ni cūahye Cohācjū usāre. Sa yena masa pehe tiquiro sa ni cūrina ijierari jimedi. Sa ye Cohācjū beseriquinare ihĭa tuhtina ijinimedi masa. Masa naĭe buhirire pecapu wahanaja ijiri jimedi masa. Cohācjū mariena ijina pecapu waha, butiborina ijie tiri jimedi masa.

¹³ Yojopu pehere Cristo Jesu yequina ijie masa. Panopu Cohācjūre ihĭa tuhtirina ijiepenata, yojopare tiquiro yequina ijie masa. Cristo masa naĭe buhiri curusapu tiquiro dii cohāri bato Cohācjū yequina ijigū yeri musare. ¹⁴ Usāre judio masare ihĭa tuhtina masa ijigū ihĭano Cristo marine ihĭa tuhti dutierari. Masare sa ni yahuriquiro ijie tiquiro. Īsā judio masa, judio masa ijiena mehna puā curua mari ijigū ihĭano, tiquiro ihcā curuata ijigū yeri marine. Mari cahme ihĭa tuhtirire duhugū yeri tiquiro. ¹⁵⁻¹⁶ Ohō saha tire yeri tiquiro: Mari naĭe buhirire curusapu yariaro marine pecapu wahaborinare yuħduori. Sa yuħduoro tiquiro yequina ijigū yeri marine. Sa yero puā curua mari ijiepegūta ihcā curuata wahma curua ijigū yeri marine. Sa yero panopu mari cahme ihĭa tuhtirina mari ijiepegūta marine ihĭa tuhtieragū yeri. Sa yero judio masa usā dutiyere cohāri tiquiro. Ti dutiye marine puā curua iji dutiri jimedi. Yojopare ihcā curuata ijiaja mari. Sa yero Cristo Cohācjū yequina ijigū yeri marine.

¹⁷ Sa yero marine cahme ihĭa tuhtieragū yero taro Cristo quehnoaĭe buheyere yahuro ahtahye. Masa judio masa ijiena Cohācjū yere cuoerari jimedi. Masa sa

сuoeragū ihñano mūsare yahuro ahtahye. Ūsā judio masa pehe Cohācjū yere сuo. Ūsā gūhure yahuro ahtahye. Sa yero ijiptinane marine cahme ihña tuhtieragū yero, bosaro ahtahye tiqiuero. ¹⁸ Yojoṗare ijiptina mari judio masa, judio masa ijiena gūhū mari Pacū mehna quehnoano iji masiaja mari. Espiritu Santo tiqiuero yedohoye mehna mari Pacū mehna quehnoano iji masiaja mari. Cristo pehe marine sa ijigū yeri.

¹⁹ Sa yena yojoṗare ape dihta cjēna yero saha ijierare mūsa. Yojoṗare Cohācjū yequinare ihña tuhtina ijierare mūsa. Cohācjū yequina mehna cjāna ijire mūsa. Tiquiro ya curua cjāna ijire mūsa. ²⁰ Cohācjū yere yahu mahtariquina panopū cjēna tiqiuero ye yahuducuyere oja, mūsare yahue tiahye. Ūsā gūhū tiqiuero yere yahu dutiro tiqiuero cūrina gūhū Cristo yere yahue tii mūsare. Ūsā ijiptina sa yahugū tuhona, Cristore wacū tutua dūcari mūsa. Quehnoa yūhdūriqiuero, ñaṇe marieniqiuero ijiro, tiqiuero yequina ijigū yeri tiqiuero mūsare. Tiquiro mariedagū mari ne yūhdūeraboja. ²¹ Sa yero tiqiuero masiñe mehna marine tiqiuero yequinare ihcā curua ijigū yeri tiqiuero. Sa yena tiqiuero masiñe mehna quehnoana wahaja mari. Mari sa ijigū ihñano, tiqiuero mari mehna ijire. ²² Sa yena Cristo yequina ijina ijiptiyequina apequina tiqiuero yequina mehna ihcā curua wahari mūsa gūhū. Mūsa sa wahagū Cohācjū yaquiro Espiritu Santo mūsa mehna ijiro nine.

3

Judio masa ijieyequinare quehnoañe buheyere yahuriqiuero ijiahye Pablo

¹ Sa yegū yūhū Pablo, Cristo Jesu yere mūsare ijiptina judio masa ijienare yūhū yahuri buhiri peresupū ijiaja yūhū. ² Cohācjū yūhure paja ihñano, yūhure cahño, quehnoañe buheyere mūsare judio masa ijienare yūhure yahu dutiro, cūri. Tire tūho tuhasari mūsa. ³ Panopū mūsare tiqiuero yahuerarire Cohācjū yojoṗare yūhure masigū yeri. Ahrire mehenogā yahu, mūsare oja tuhasau. ⁴ Yūhū sa ojarire buhena Cristo yere yūhure tiqiuero masigū yerire masinata mūsa. ⁵ Ti tiqiuero yahurire panopū cjēnare tiqiuero yahuerahye. Yojoṗare pehere usāre Jesu cūrinare, Cohācjū yere yahu mahtariquina gūhūre tiqiuero yahurire masigū yeri Cohācjū. Tiquiro yaquiro Espiritu Santo pehe usāre masigū ye basari tiqiuore. ⁶ Ohō saha ijire tiqiuero yahuri: Ūsā judio masa dihtare Cohācjū yūhdūerare. Judio masa ijieyequina gūhūre yūhdūorota tiqiuero. Quehnoañe buheyere tiquina quehnoano tuhogū yūhdūorota tiqiuero tiquinare. Sa yena usā

judio masa, mūsa judio masa ijiena mehna ihcā pagū yero saha ihcā curuata ijiaja mari. Sa yena mari ijiptina Cristo Jesu yequina ijina ihcāno saha Cohācjū “Mūsare yūhdūoutja”, tiqiuero ni cūriro sahata tiqiuero yūhdūonohrina ijiaja mari.

⁷ Cohācjū yūhure paja ihñano, yūhure cahño ahri quehnoañe buheyere yahucjare yūhure cūri. Tiquiro masiñe mehna sa cūri yūhure tiqiuero. ⁸⁻¹⁰ Ijiptiyequina apequina Jesu yequina docapū ijieyequina tiquina docapū waro ijiaja yūhū. Yūhū sa ijiepegatā judio masa ijieyequinare quehnoañe buheyere yahucjare cūri Cohācjū yūhure. Ti buheye Cristo quehnoa yūhdūariqiuero tiqiuero ijijere, quehnoa yūhdūye tiqiuero сuoere tiqiuero ohoatire yahure marine. Yūhure sa cūno Cohācjū “Ohō saha yūhdūoutja masare pecapū wahaboriquinare”, nino tiqiuero yūhdūoatire quehnoano yahu pehoacjare cūri tiqiuero yūhure. Sa yero panopū cjēnare ti buheyere ne yahu pehoeraniahye Cohācjū. Ijiptiye bajumehnediqiuero ijire tiqiuero. Yojoṗare quehnoañe buheyere yahu dutiro cūri tiqiuero yūhure, tiqiuero quehnoano masi pehoyere masigū yero taro. Masi pehoriqiuero tiqiuero ijieye tihere aḥmuse cjēna dutieyequinare, angele puhtoa gūhure masigū ye duahye tiqiuero. Sa yero taro quehnoañe buheyere buhe dutiri marine Jesu yequinare. Mūsare judio masa ijienare yahu dutiri yūhure.

¹¹ Ahri yehpa ijiato panopūta “Masare pecapū wahaboriquinare yūhdūoutja” niahye Cohācjū. Sa nidiquiro ijiro yojoṗare mari puhtoro Cristo Jesu tiqiuero yariaro mehna tiqiuero nidiro sahata marine yūhdūori Cohācjū. ¹² Tiquiro sa yūhdūogū yojoṗare Cristore wacū tutuana tiqiuero yequina wahaja mari. Tiquiro yequina ijina cuero marieno Cohācjū mehna yahuducu masiaja mari. ¹³ Quehnoañe buheyere mūsare yūhū buheri buhiri yojoṗare peresupū ijigū yūhū ñano yūhdūgū ihñana buja witiarcāhña. Quehnoañe buheyere yūhū yahugū tuhona Cohācjū yequina wahari mūsa. Yūhū sa yeri buhiri peresupū ijiaja. Sa yegū mūsa ye ijatire ñano yūhdūgū niaja. Sa yena bucueya mūsa. Tire tutuaro bucue dutiaja mūsare.

Cristo masare tutuaro cahñe

¹⁴ Sa yegū ahri ijiptiye mari Pacū tiqiuero yerire wacūgū tiqiuero potō dūsepe curi mehna quehe sagū sini basaja mūsare. ¹⁵ Tiquiro ijiptiye cururi cjēna, tiqiuero yequina aḥmūseṗū ijieyequina, ahri yehpapū ijiniñequina gūhū tiquina Pacūro ijire. Ijiptina mari Pacū ijire tiqiuero. ¹⁶ Tiquiro ohō saha ni sini basaja mūsare: Tiquiro masi pehoriqiuero ijire. Tutua

yahduariquiro ijire. Sa yero tiquiro masiñe mehna musare quehnoano tiquiro wacū tutuagū yeatire sini basaja. Espiritu Santo yedohoro mehna sa yerota.

¹⁷ Sa yegu Cristore musa wacū tutua nemoatire tiquiro musa mehna tiquiro quehnoano ijiatire sini basaja musare. Sa yegu apequinare quehnoano cahina musa ijigū, Cristo tiquiro tutuaro cahine musa masiatire sini basaja musare. ¹⁸⁻¹⁹ Ijiphiyequina apequina Cohācjū yequina gāhu Cristo tiquiro tutuaro cahine tiquina masiatire sini basaja. Tiquiro ijiphiyequina masare cahī yahduariquiro ijire. Sa cahiniquiro tiquiro ijire tiyere musa quehnoano masiatire sini basaja musare. Sa yegu tiquiro cahine musa masigū cahmeaja musa mehna Cohācjū quehnoano ijiatire. Quehnoa yahduariquiro, ñahe marieniquiro tiquiro ijiro saha musa wahatire tiquiro cahine musa masigū cahmeaja. Sa yegu tiquiro cahine musa masiatire sini basaja musare Cohācjūre.

²⁰ Sa ye Cohācjūre ño peoye mehna “Tiquiro tutuariquiro ijire”, niñna mari. Tiquiro masiñe mehna quehnoañe pehere camesa masine tiquiro marine. Marine quehnoana ijigū ye masine. Mari sinidi yahduoro ye masine tiquiro. Mari cahmeñe mari tuhoturi yahduoro ye masine tiquiro. ²¹ Cristo Jesu yequina mari ijigū ihñañe, Cristo ijire tiye gāhare ihñañe, ijiphiye decori ijiphiyequina Cohācjūre ño peahoro. Sata yehoro.

4

Cristo yequina ijina ihcā curuata ijiaja mari

¹ Sa yegu musare tutuaro yahuaja: Cohācjū tiquiro yequina ijiatire musare besee tiahye. Sa yena tiquiro beserina ijina tiquiro iji dutiriro saha quehnoana ijiaja musa. Tire musare yahuaja yahu. Mari puhtore yahu yedohori buhiri peresupu ijiaja yahu. Sa ye musare quehnoana iji dutiaja. ² “Usā pūrita masi yahducaja”, ni tuhotuna ijieracāñña. Apequinare quehnoano mehna yeya usaro marieno. Musā mehna cjenā musare tiquina ñano yepēgāta tiquinare cahine mehna sa ihña cāñña. ³ Sa yena Espiritu Santo yedohoye mehna quehnoano mehna ihcāno mehna ijiducuya musa. Sa yena cahmequeno marieno ijinata musa. ⁴ Ihcā pagu yero saha ihcā curua ijiaja mari. Sa yero Espiritu Santo ihcāquiota ijire. Cohācjū tiquiro yequina ijanajare musare besee tiahye musare yahduoro taro. Sa yena tiquiro yahduoatire masine musa. Ti musa masidi ihcānota ijire. ⁵ Mari puhtoro Cristo

ihcāquiota ijire. Tiquiro buheye gāhu ihcānota ijire. Tiquiro yequinare wame yeye gāhu ihcānota ijire. ⁶ Sa yero Cohācjū ihcāquiota ijire. Tiquiro ijiphiyequina Pacuro ijire. Sa yero mari puhtoro ijire. Sa yero ijiphiatire marine yedohore tiquiro. Ijiphiatina mari mehna ijire tiquiro. Sa yero ijiphiropu ijire tiquiro.

⁷ Ihcā curua mari ijiepegāta ijiphiatina marine mari ye masiatire cūri Cristo. Tiquiro cūriro sahata ye masiaja mari. Tiquiro marine sa cūno apee borore tiquiro sa oho cāriro saha yero nidi tiquiro. ⁸ Sata nine Cohācjū yere tiquina ojoari pūpu: Cohācjūre ihña tuhtiequinare tiquiro yahduocari bato tiquiro pari turi mujaa wahaoro. Sa mujano tiquiro peye sa oho cānota masare, ni ojoahye panopare.

⁹ “Tiquiro pari turi mujaa wahaoro”, tiquiro nigū coā warore tiquiro dijia tari gāhare mari masiaja. Ahri yehpapare tiquiro dijia tarire mari masiaja. ¹⁰ Sa yero ohōpare dijia tariquiro tiquiota ijire mujaa wahariquiro. Ijiphiye bui mujaa wahari tiquiro, ijiphiropu ijiro taro. ¹¹ Tiquiro ijire “Masare peye sa oho cāriquiro”, tiquina nidiquiro. Masare tiquiro sa oho cāno saha tiquiro peye tiquina ye masiatire cūri masare.

Ohō saha cūri tiquiro: Ihquēquinare Cristo ye buheyere buheatiquinare cūri. Apequinare Cohācjū yere yahu muhtatiquinare cūri. Quehnoañe buheyere buhe tniatiquinare apequinare cūri. Cristo yequina cahmecoañequina puhtoia ijiatiquinare, quehnoano buheatiquinare cūri apequinare.

¹² Sa dihita cūri marine apequinare tiquiro yequinare mari yedohoitire. Sa cūri marine tiquiro yequinare tiquirore mari wacū tutua nemoatire, tutuana mari wahatire. ¹³ Sa yena mari ijiphiatina quehnoano mehna ihcāno mehna ijinata. Sata ijiro cahmene marine Cristore wacū tutuana ijina. Sa yena mari ijiphiatina Cohācjū macunore quehnoano masinata. Sa yena Cristo tutuariquiro, quehnoano masiniquiro tiquiro ijiriro saha mari gāhu quehnoano masina wahanata.

¹⁴ Mari sa wahana macanagā yero saha ijisi mari. Macanagā quehnoano taho masiedariaga. Apequina tiquina buhegū “Ahri pote ijire”, ni tiquina ni meho buhegū macanagā yero saha ijieyequina apeye buheyere taho, beseducure. Sa ye apequina tiquina sijoro saha buhegū ti buheye pehere cahmene. Tiquina yero saha ijisi mari.

¹⁵ Ohō saha yematja mari: Mari mehna cjenare cahme cahina, pote quehnoañe buheyere yahumatja tiquinare. Sa yena macanagā tiquina buca taho masiequina

tiquina wahariro saha mari gāhu tutuana, Cohācjū yere quehnoano masina wahanatja. Cristo ijiro saha wahanata.

Tiquiro ijire mari dapu. ¹⁶ Tiquiro yequina ijina tiquiro pagu yero saha ihcā curuata ijiaja mari. Sa yena mari caperi, mari cahmo, mari dahpocāri ihcā pagapu ti quehnoano ijiro saha mari gāhu peyequina ijiepenata ihcāno mehna quehnoano ijiaja. Mari sa ihcāno mehna mari ijiatire Cristo yedohore. Mari omocari mari pagure ti quehnoano yedohoro saha mari quehnoano yedohoaja apequinare Cristo yequinare. Sa yena mari mehna cjenare Cristo yequinare quehnoano cahña, tiquinare quehnoano yedohona, tutuana Cristore wacū tutua nemona wahanata mari.

Cristo yequina wahana mari ñañe yeyere duhu, quehnoañe pehere comesaja mari

¹⁷ Sa ye mari pūhtoro Cristo tiquiro dutiro mehna ohō saha niitja musare: Cohācjūre cahmeñequina waro yero saha yeracāhña musa. Tiquina tūhotuye pehe ñañe dihita ijire. Sa ye tiquina tūhotuye dahseati ijierare. ¹⁸ Sa yero Satana Cohācjū yere tiquinare tūhoeragū yere. Sa ye tiquiro yere ne tūhoerare. Tūho duerare tiquina. Sa ye Cohācjū tiquiro quehnoano iji dutiriro saha ijierare tiquina. ¹⁹ Sa ye tiquina ñano yeye ne bæ tiera yūhdware. Ne bujua witiere. Ñañene tiquina tutuaro cahmeñe dihitare yeducure. Ijiphtiye ti ñañene yeducuye duhu duerare. ²⁰⁻²¹ Musa pehe poto tiquiro yere tūhona musa ijigū, Jesu yere quehnoano masina musa ijigū musa pehere tiquina yero saha ye dutierare tiquiro. ²² Sa yena panopu musa yerire duhu cāhña. Ti pjere ñañene yeducuna musa ijigū ti ñañe pehe musare dojemehnoo nimeri. “Ñañene yena, quehnoano bucuenata”, ni tūhotuna ijiepenata ne bucuerari musa. ²³ Sa ye musa tūhotuyere quehnoañe pehere comesaro cahmene musare. ²⁴ Panopu musa ñañe yerire duhu cāhña. Sa yena quehnoañe pehere comesarina ijiaja musa. Ohō saha ijieyequina Cohācjū yero saha ijire. Musa sa ijina, quehnoañene yeducunata. Sa yena ñañene yabinata musa.

²⁵ Sa yena musa ni mehorire duhu cāhña. Musa mehna cjenare poto yahuya, ni mehono marieno. Mari ihcā pagu yero saha ihcā curua cjenata ijina niaja. Sa yena musa basi ni mehoedacāhña.

²⁶ Apequinare usuana, tiquinare ñano yeracāhña. Sa yena usuana, ne yoari pje usuaducueracāhña musa. ²⁷ Yoari pje usuana, watino tiquiro cahmeno saha yena niaga musa. Sa yeracāhña.

²⁸ Ihquēquina musa mehna cjana Jesu yequina musa ijiato pano yaquerina ijina

pari turi yaqueracāhña. Sa yena yojopure quehnoano dahraya pejesuoyequinare musa ohoatire.

²⁹ Ne ñano yahuducueracāhña. Quehnoañene yahuducuna apequinare yedohore musa. Sa yena quehnoañe dihitare yahuducuya. ³⁰ Ñañene yena Espiritu Santore bujua witiyū yena niaga musa. Sa yeracāhña. Yojopure pihtiri deco pano Cristo marine tiquiro neato pano Espiritu Santo marine ihña ihbore marine ñañene ye dutieraro. Sa yero Cristo yequina mari ijiyere masigū yere tiquiro marine. Sa yena tiquirore bujua witiyū yeracāhña.

³¹ Sa yena ne ñano ye nemoedacāhña. Usua, cahme duse tutua nemoedacāhña. Apequinare ñano ni safiuducu nemoedacāhña. Apequinare quti dahre nemoedacāhña. Ne apequinare ñano ni tūhotu nemoedacāhña. ³² Sa ye musa mehna cjenare quehnoano mehna quehnoano yeya. Cristo yequina musa ijigū ihñano musa ñañene bo cāhri Cohācjū. Ohō saha apequina musare tiquina ñano yegū ihñana tiquina ñañene bo cāhña musa gāhu.

5

“Cohācjū pohmene ohō saha ijiro cahmene”, ni yahuahye Pablo

¹ Sa ye Cohācjū pohna tiquiro cahñona ijina Cohācjūre ihña cūña musa. ² Sa yena apequinare sa cahiducuya. Cristo marine cahño, mari ñañe buhiri yariahye. Sa yariaro Cohācjūre bucuēgū yeahye tiquiro. Sa yena marine tiquiro cahidiro saha musa gāhu apequinare cahña.

³ Sa yena Cohācjū yequina ijina ne numia mehna ñano yeracāhña. Numia gāhu umua mehna ñano yeracāhña. Apeye ñañene ohō saha ijieye ñañene yeracāhña. Apee borore cahme yūhdueracāhña. Ne sa yeraro cahmene musare Cohācjū yequina ijina.

⁴ Sa yena buoyere cahme yahuducueraro cahmene musare. Tūho masieñequina yero saha yahuducueraro cahmene musare. Sa yena ñano ni bujuperaro cahmene musare. Ahri pehere yero cahmene musare. Cohācjū mehna yahuducuro cahmene musare. Sa yahuducuna tiquirore “Quehnoano yeri mūhu usāre”, nino cahmene. ⁵ Apee borore cahme yūhdwana, “Cohācjū ijire”, mari niñe queoyere mari cahmeno saha yena niaja mari tire. Doeri cjene ño peoyequina yero saha yena niaja mari. Sa ye wuana tiyequina, ñañe dihitare tūhotuyequina, apee borore cahme yūhdwayequina Cohācjū, Cristo mehna tiquina pūhtoro ijirōpu ne wahasi tiquina. Tire quehnoano masiaja mari. ⁶ Ohō saha yeyequina tiquina yeri buhiri buhiri dahrerota Cohācjū tiquirore yūhduducayequinare. Sa yena apequina

m̄sare “Ahri ñaŋe ijjerare”, tiquina ni mehog̃ t̄ahoerac̄ãh̄ña. ⁷ Sa yena oh̄o saha ñano ye yuh̄d̄uc̄ayeq̄uinare ne piti tierac̄ãh̄ña.

⁸ Cristo yequina m̄sa ijiato pano sa ijjirinata ij̄imedi m̄sa g̃ãh̄. Yojoṗu pehere tiq̄iuro yequina ij̄ina, Coh̄ãc̄j̄ure quehnoano masine m̄sa. Coh̄ãc̄j̄u yequina quehnoañene yere. Sa yena sa yero cahmene m̄sare. ⁹ Sa yena Cristo yequina ij̄ina quehnoañene, Coh̄ãc̄j̄u cahmeñene, ni mehono marieno yeducunata m̄sa. ¹⁰ Quehnoañene mari yeg̃ ih̄ñano mari puhtoro Cristo bucuere. Sa yena tire yeya. ¹¹ Cristore cahmeñequina ñaŋe tiquina yeye ñaŋe waro ij̄ire. Sa yena tiquina yero saha m̄sa pehe yerac̄ãh̄ña. Quehnoañe buheyere Cristo yere yahuya tiquinare. Sa yena tiquina ñaŋe yeyere tiquinare masig̃u yeya. ¹² Masa ih̄ñenop̄u tiquina ñano ye cohtere. Tiquina sa yerire yahuducuna mari b̄ue tiboaga. Sa yeye ña yuh̄duaro yere tiquina. ¹³ Sa yena tiquinare quehnoañe buheyere mari yahuna, ña yuh̄duayequina tiquina ij̄iyere masig̃u yena niaja mari tiquinare. Ij̄ipihtiyere mari yerire marine masig̃u yere quehnoañe buheyere, buhrioro marine ti ih̄ña masig̃u yero sahata. ¹⁴ Ti ijirota ij̄ire. Sa ye oh̄o saha ni yahure Coh̄ãc̄j̄u yere yahuyequina:

Ne, yahure t̄aho duena, t̄ahoya m̄sa. M̄sa ñaŋe yeyere buj̄ua witi, tire duhuya. Cristo m̄sa ñaŋe yeyere masig̃u yerota, ni yahure.

¹⁵ Sa yena decoripe quehnoano yeya m̄sa. T̄aho masieñequina yero saha ij̄jerac̄ãh̄ña. T̄aho masina ij̄iya. ¹⁶ Yojoṗu c̄j̄ena masa ña yuh̄duaro yeducure. Sa yena m̄sa pehe quehnoañene, Cristo yere sa yeducuya m̄sa. ¹⁷ Sa yena t̄aho masiena ij̄jerac̄ãh̄ña. Coh̄ãc̄j̄u cahmeñene quehnoano masiña. Sa yena tire yeya. ¹⁸ Sa ye pairure sihni queherac̄ãh̄ña. Queheyequinare ñano yuh̄duo cua yuh̄duare. Sa yena pairure tutuaro cahmedac̄ãh̄ña. Esp̄iritu Santo pehere tutuaro cahmeña m̄sa mehna tiq̄iuro quehnoano ij̄iatire. Tiquirore quehnoano yuhtiya. ¹⁹ Sa yena m̄sa basi Coh̄ãc̄j̄ure ño peo basayere cahme yahuducuya. Sa yena Salmore Coh̄ãc̄j̄u yere basayere, apeye tiq̄iurore ño peo basaye g̃ãh̄ure tiq̄iurore basa peoya m̄sa. Quehnoano wac̄u ño peoye mehna basa peoya. Sa yena mari puhtoro Cristore ño peoya. ²⁰ Coh̄ãc̄j̄u mari Pac̄u ij̄ipihtiyere m̄sare tiq̄iuro ohorire bucue “Quehnoare”, sa niducuya m̄sa tiq̄iurore. Mari puhtoro Jesucristo yequina ij̄ina mari Pac̄ure “Quehnoare”, sa niducuya m̄sa.

“M̄sa ih̄c̄ã w̄uh̄u c̄j̄ãna Jesu yequina ij̄ina, oh̄o saha yeya”, ni yahuahye Pablo

²¹ Sa ye m̄sa mehna c̄j̄enare cahme ño peoye mehna yuhtiya. Sa cahme ño peo yuhtina Cristo g̃ãh̄ure ño peona nine m̄sa.

²² M̄sa namos̄ãnumiare yahutja yojoṗure. Mari puhtoro Cristore mari yuhtiro saha m̄sa man̄s̄um̄are quehnoano mehna yuhtina numia ij̄iya. ²³ Jesucristo marine yuh̄duore tiq̄iuro ya curua c̄j̄ãna mari ij̄iatire. Sa yero mari tiq̄iuro ya curua c̄j̄ãna mari puhtoro tiq̄iuro ij̄iro saha m̄sa man̄s̄um̄a m̄sa namos̄ãnumia puhtoa ij̄ire. ²⁴ Sa yena Cristo yequina ij̄ina tiq̄iurore sa yuhtiducuj̄a mari. Sata m̄sa namos̄ãnumia m̄sa man̄s̄um̄are quehnoano yuhtiducuna numia ij̄iya.

²⁵ M̄sa man̄s̄um̄a pehere yahutja yojoṗure. Cristo marine tiq̄iuro yequinare cah̄ño, mari ye ij̄iatire yariahye. Sa yena marine tiq̄iuro cah̄ñiro saha m̄sa g̃ãh̄u m̄sa namos̄ãnumiare quehnoano cah̄ñducuya. ²⁶ Cristo mari ye ij̄iatire yariahye mari ñaŋe yerire cosero taro. Tiquiro buheyere quehnoañe buheyere mehna mari ñaŋe yeyere cosere. Sa yero tiq̄iuro yequina mari ij̄ig̃u ih̄ñano aco mehna marine wame yere. ²⁷ Sa cosere marine tiq̄iuro yequina ij̄ianare yero taro. Tiquiro sa coseg̃u ne ñaŋe buhiri mariena ij̄inata, tiq̄iuro ih̄ñag̃u. Sa yena quehnoano, Cristo yero saha ij̄inata. ²⁸ M̄sa namos̄ãnumiare cah̄ña, m̄sa basi m̄sa pagurire m̄sa cah̄ño saha tiquina numiare cah̄ña. Mari namonore cah̄ña mari pagure cah̄ña niaja.

²⁹⁻³⁰ Ne mari pagurire ñano wahag̃u cahmedaja. Mari ih̄yayere ih̄yana quehnoano yena niaja mari pagurire. Cristo yequina ij̄ina tiq̄iuro pagu yero saha tiq̄iuro ya curua c̄j̄ãna ij̄iaja mari. Sa yero marine quehnoano yere tiq̄iuro. Sa yena Cristo marine tiq̄iuro quehnoano yeriro sahata mari g̃ãh̄u mari pagure quehnoano yeaia. Mari namos̄ãnumia g̃ãh̄ure sata quehnoano yero cahmene marine. ³¹ Sata nine Coh̄ãc̄j̄u yere tiquina ojoari p̄ṗu: “Sa ye am̄ano tiq̄iuro pac̄as̄um̄are wijiaro tiq̄iuro namono mehna ijirota. Sa ye tiquina puaro ij̄iepet̄a ih̄c̄ãquiuro yero saha ij̄ieta”, ni ojoahye panop̄u. ³² Ahri tiq̄iuro ojoarire apeq̄uina quehnoano t̄ahoerari j̄iri. Sa yegu tire oh̄o saha ni yahutja m̄sare. Oh̄o saha ni yahuro niaga. “Cristo tiq̄iuro yequina mehna ih̄c̄ã pagu yero saha ih̄c̄ã curuata ij̄ire”, ni yahuro niaga. ³³ Sa yegu m̄sare oh̄o saha ni yahu nemoutja t̄ja: M̄sa pagurire m̄sa cah̄ño saha m̄sa namos̄ãnumiare cah̄ña. Sa yena m̄sa man̄s̄um̄are quehnoano ño peoya m̄sa.

6

¹ Yojoṗure macanag̃are yahutja. Mari puhtoro Cristo yequina ij̄ina m̄sa pac̄as̄um̄are quehnoano yuhtiya. M̄sa

sa yegã quehnoarĩne. ²⁻³ Ohõ saha niahye Cohãcã dutiye: “Musa pacusũmare quehnoano ño peoya”, ni dutiahye tiquiro. Ahri dutiro mehna Cohãcã yahu nemoahye. Ohõ saha niahye: “Musa pacusũmare ño peona, ahri yehpapũ yoari pje bucueye mehna ijinata musa”, ni yahuahye. Tiquiro sa ni yahugã ahri dutiro ihyo ijiri dutiro ijierare. Sa yena tiquiro nidiro saha musa pacusũmare ño peoya.

⁴ Yojoapũre tiquina pacusũmare yahutja: Musa pohñare sa tuhtiducueracãhña, “Usuagũ yeari”, nina. Mari puhtoro Cristo tiquiro cahĩne mehna tiquiro yedohoye mehna tiquinare quehnoano cohteya. Sa yena tiquinare quehnoano yahuya.

⁵ Yojoapũre cahacjãñare musare yahutja: Cua pesaro mehna, ño peoye mehna ahri yehpa cjenare musa puhtoare quehnoano yuhtiya. Ni mehono marieno quehnoano yuhtiya. Cristore musa yuhtiro sahata tiquinare yuhtiya musa.

⁶ Tiquina ihñono dihitare yuhtina ijieracãhña. Sa yeyequina masa dihitare tiquinare ihña bucuegũ cahmene. Musa pehe Cristo tiquiro cahacjãna musa ijiro saha musa puhtoa gãhũre sa yuhtiducuya. Cohãcã tiquiro cahmeno sahata quehnoano bucueye mehna yuhtiya. ⁷ Sa yena Cristore yuhtina musa ijiro saha bucueye mehna yuhtiya musa puhtoa gãhũre. “Masa dihitare yuhtina niaja”, ni tuhotueracãhña. ⁸ Sa yena ahrire wacũña: Ijipihtina quehnoañene mari yegã ihñano Cohãcã quehnoano yerota marine. Cahacjãñare, cahacjãna ijieyequina gãhũre quehnoano yerota.

⁹ Yojoapũre puhtoare yahutja: Musa cahacjãñare quehnoano yeya. Tiquinare quehnoano yuhũ ye dutiriro sahata yeya musa gãhũ tiquinare. Tiquinare tuhtiperacãhña. Æhmuse cãno Cohãcã potota tiquina puhtoro ijire. Musa yaquiro puhtoro ijire tiquiro gãhũ. Sa yena ijipihtina musa tiquiro cahacjãna dihita ijire. Sa yero tiquiro ihcãno saha ihñare musare ijipihtinare. Sa yena musa cahacjãñare tuhtiperacãhña.

Cristo yequina watĩnore tiquina cahmotarire yahuahye Pablo

¹⁰ Ahrire yahu bato tiitja musare: Quehnoano wacũ tutuana ijiya musa. Mari puhtoro Cristo musa mehna ijire. Sa yena tiquiro ye masiñe mehna wacũ tutuana ijiya. ¹¹ Watĩno marine ni mehono, ñano ye dutire marine. Cohãcã marine cahmotare mari ñañene yeborire. Marine tiquiro cahmotaye surara tiquiro cahmotari suhtiro, come suhtiro yero saha ijire. Sa yena ti suhtirore musa sañano saha Cohãcã tiquiro cahmotayere quehnoano cw

pehoya. ¹² Jesu yequina mari ijigã, marine ihña tuhtiyequina masa waro ijierare. Æhmuse cjenã ijimediquina ñañequina, tutuayequina, tiquina pehe ijire marine ihña tuhtiyequina. Watĩ ahri yehpa cjenã puhtoa ijire. Sa ye tiquina gãhũ ijire marine Jesu yequinare ihña tuhtiyequina.

¹³ Sa yena yojoapũre cahmotari suhtirore musa sañano saha Cohãcã musare tiquiro cahmotarire tiquiro yere quehnoano cw pehoya. Sa yena watĩno musare tiquiro ñano ye dutigã, musare tiquiro ñano ye duagã, tiquirore cahmotanata. Sa yena yuhdũducãnata. Sa tiquirore yuhdũducãna, tutuana tojoanata musa.

¹⁴ Sa yena tutuana ijiya. Cohãcã musare tiquiro cahmotarire ohõ saha yeya musa: Surara tiquiro come suhtiro mehna tiquiro jeripohñare cahmotariro saha poto yahuyere Cohãcã yere quehnoano tuhoya musa watĩnore musa cahmotarire. Sa yena Cristo yedohoye mehna quehnoana ijiya musa, watĩnore musa quehnoano cahmotarire.

¹⁵ Surara tiquiro dahpo suhti mehna tiquiro dahpocãrine tiquiro cahmotariro saha quehnoañe buheyere quehnoano masiña musa, watĩnore musa cahmotarire. Ti buhaye marine quehnoano ijigã yere.

¹⁶ Surara tiquiro tohoriro mehna tiquiro cahmotariro saha Cristore quehnoano wacũ tutuaducuya musa watĩnore musa cahmotarire. Bueye cju mehna tiquiro sihã musare tiquiro buedoqeboro saha watĩno musare ñano yegã ye duare. Sa yena Cristore quehnoano wacũ tuana, cahmotanata musa.

¹⁷ Surara tiquiro come sapea mehna tiquiro dapure cahmotariro saha musare pecapũ wahaborinare Cristo yuhdũorina ijiya musa, watĩnore musa cahmotarire.

Surara tiquiro ñoseni pji mehna tiquiro cahmotariro saha Cohãcã ye buheyere quehnoano masiña musa, quehnoano musa cahmotarire. Sa yena apequinare quehnoano yahuya tiquiro yere. Ti Cohãcã ye buheyere Espĩritu Santo marine yahure.

¹⁸ Sa musa watĩnore cahmotana Cohãcãre decoripe sa siniducuya. Espĩritu Santo yedohoye mehna sa siniducuya. Sa yena quehnoano wacũ masiña. Sa sinina, caributeracãhña. Ijipihtiyequina Cohãcã yequinare sa sini basaducuya. ¹⁹ Sa yena yuhũ gãhũre sini basaya Cohãcãre. Ohõ saha ni sini basaya: Quehnoañe buheyere, panopũ tiquina masiedarire quehnoano yuhũ yahuatire sini basaya yuhũre. Sa yena cuero marieno yuhũ yahuatire sini basaya yuhũre. ²⁰ Cristo tiquiro yere yahu dutiro yuhũre ohori. Yuhũ sa yahuri buhiri peresupũ ijiya yojoapũre. Ohõpũ yuhũ ijiepegãta cuero marieno tiquiro yere yuhũ

yahuatire sini basaya yuhare. Tiquiro yere yahuacju ijigata niaja yahu.

Pablo quehnoa duti bato tiahye

²¹ Yojopure Tiquico musa cahapu esaro yahu ijiye tiyere musare yahu pehorota. Tiquiro mari acayuro mari cahiniquiro ijire. Sa yero mari puhtoro yere quehnoano yedohoriquiro sa ijiducure. ²² Usa ijiye tiyere musare yahu dutigu tiquirore ohogu niaja musa quehnoano bucueatire.

²³ Cohacju mari Pacu mari puhtoro Jesucristo gahu tiquina mehna musa ijipihinare usa acayere quehnoa dutiaja. Cristore musa quehnoano wacu tutuaye mehna musa cahme cahiatire Cohacjare sini basaja musare. ²⁴ Ijipihitiyequina mari puhtorore Jesucristore sa cahiducuyequinare Cohacju mehna quehnoa dutiaja.

Filipenses

Peresupu ijiriquiro ahri püre ojoa ohoahye Pablo

¹ Yuhu Pablo, Timoteo mehna Jesucristo cahacjana ijiaja usa. Sa yena ijipihtinare musare quehnoanare Jesucristo yequinare Filipino cjanare quehnoa dutiaja usa. Musare, musa puhto gahure, musare yedohoyequina gahure ojoa ohoaja yuhu, Pablo. ² Sa yena Cohacju mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

Pablo Jesu yequinare Cohacjüre sini basahye

³⁻⁶ Cohacju musare quehnoañe pehere comesagu yero nine. Sa yero musare tiquiro sa ye ducariro sahata sohtori dahrerota tiquiro. Sa yena Jesucristo ahri yehpape tiquiro wihigupure ñaie mariena ijinata musa. Sa yena coa waropure Jesu yequina musa ijiri bato, yojoru gahure yedohore musa yuhure quehnoañe buheyere yuhu buhegu. Musa sa yegu ihñagu Cohacjüre "Quehnoare", niaja yuhu. Musare wacügu sa dihita niaja yuhu. Musare Cohacjüre sini basaga, bucueye mehna sini basaja.

⁷ Musare yuhu sa tuhogugü quehnoañe. Quehnoañe buheyere "Poto tjire", puhtoare yuhu tutuaro ni yahuducugü musa yuhure yedohori. Poto ti buheye ijigü yuhu tiquinare yahugü musa yuhure yedohori. Peresupu yuhu ijigü gahure musa yuhure yedohori. Sa yero Cohacju marine quehnoano yero, tiquiro ye buheyere cüri marine. Musa yuhure yedohori. Sa yena ti buheyere yuhu mehna musa buheboriro saha yena nine musa, yuhure yedohona. Sa yegu yuhu jeripohna mehna tutuaro wacüaja yuhu musare. ⁸ Jesucristo cahñe mehna tutuaro musare wacüaja yuhu. Yuhu sa wacügu Cohacju tire masine.

⁹ Musare ohö saha ni sini basaja yuhu Cohacjüre: Cohacju yere quehnoano masiñe mehna, tuho masi pehoye mehna apequinare musa cahñe nemoatire sini basaja yuhu musare Cohacjüre. ¹⁰ Quehnoa yuhduyere musa masiati gahure sini basaja musare. Musa sa yegu yerota Jesucristo ahri yehpape tiquiro tojoa tagü quehnoañene yena, ñaie buhiri mariena ijinata musa. ¹¹ Sa yena ijina Cohacju cahmeñene yenata musa. Musare sa yegu yerota Jesucristo pehe. Cohacju quehnoa yuhduariquiro, tutuariquiro tiquiro ijiyere ihñono taro, ijipihitiyequina tiquirore tiquina ño peoatire tiquiro cahmeñene musare yegu yerota.

Pablo Cristo yaquiro tiquiro ijiye tiyere yahuahye

¹² Yuhu acaye, ahri yuhu niatire musa quehnoano masigü cahmeaja yuhu. Yojopure peresupu yuhu ijiepegata quehnoañe buheye pehe sa uhmu taducuro nine. ¹³ Sa ye Cristo yaquiro yuhu ijiri buhiri peresupu yuhu ijirire masi pihitire puhtoro ya wahu cñena surara. Ijipihitiyequina apequina gahu ohöru ijieyquina tire masine. ¹⁴ Sa ye peresupu yuhu ijigü ihñañe, peyequina mari acaye Jesu yequina mari puhtoro Jesure wacü tutua nemoñe nine. Sa wacü tutuaye, cuero marieno quehnoañe buheyere apequinare buhere tiquina.

¹⁵ Ihquëquina Cristo yere buheraboriquina ijiepetata yuhure ihña cooye, Cristo yere buhere apequinare tiquinare ihña wahägü cahmeñe. Apequina pehe quehnoano mehna Cristo yere buhere. ¹⁶⁻¹⁷ Quehnoañe buheyere yuhu tutuaro yahuatire Cohacju yuhure tiquiro cürire quehnoano masine ahriquina pehe. Sa masiñe tiquina cahñe mehna Cristo yere buhere. Apequina pehe yuhure ihña tuhtuye, masare tiquina pehere tiquina ihña wahägü cahmeñe, Cristo yere buhere. Sa ye peresupu yuhu ijigü tiquina yuhure bujwa witiwü ye duare. ¹⁸ Quehnoanota. Cristo yereta buheye nine. Tiquina Cristore poto cahñedapeta Cristo yereta buhere. Apequina pehe quehnoano mehna buhere. Ijipihitiyequina tiquina tiquiro yere buhegu bucueaja.

¹⁹ Sa yegu sa bucueducugatja yuhu. Cohacjüre musa sini basari mehna Jesucristo yaquiro Espiritu yedohoye mehna Cohacju yuhure wiorota peresupu ijirigüre. Tire masiaja. ²⁰ Ohö saha yeitja yuhu. Decoripe yuhu yeriro sahata yojoru gahure cuero marieno Cristo yere buheaja, masa tiquirore quehnoano tiquina ño peoato saha. Ohö saha ye duaja yuhu yerire yuhu buoro yuhduerato saha. Catinigu waro ohö saha ye duaja. Tiquina yuhure wejé duepegata ohö saha ye duaja. ²¹ Catinigu Cristo yere yenigatja. Yariaguru pürita ti yuhduoro quehnoano tojoagatja yuhu. ²² Sa niepegata catinigu Cristo yere yuhu ye nemoato saha cati nemo duaja. Sa niepegata yariaye gahure cahmeaja. ¿Dise boro pehere yuhu cahmeboagari? Masiedaja yuhu. ²³ Yuhu ohö saha ni yahuducugü mijorine yuhure. Cristo mehna tutuaro iji duaja. Sa yegu yojopure tiquiro caharu waha duaja. Catiye yuhduoro ahri pehe quehnoa yuhduacare. ²⁴ Sa ijiepegata musare yuhu yedohoato saha catinino cahmene yuhure. ²⁵ Tire masigu ohöru musa mehna yuhu ijiniatire masiaja yuhu. Sa ijinigatja Cristore musa wacü tutua nemoatire, ti wacü tutuaye mehna

musa bucuere. ²⁶ Ahri yehparu ijiniḡu musa cahapu pari turi yuhu wahagū musa bucuenata. Cristo Jesu yahure tiqiro yedohogū masina, “Tutuagū ijire mahu”, ni ño peonata musa tiqirore.

²⁷ Yojoḡare ahri dihitare yahutja musare. Cristo ye buheye ti ni diro sahata ijiducuya musa. Wacū tutuana ijiya. Sa yena cahme tu waro marieno quehnoañe buheye yahu tutuaya. Sata yuhu mariedagū gūhure yuhu ijigū gūhure musa yegū cahmeaja. Sa ijina musa ijigū tuhoo duaja yuhu. ²⁸ Musare ihña tuhtiyequinare cueracāhña. Musa sa cueragū ihñañe Cohācjū yequina musa ijigū masieta tiquina. Sa masiñe pecapu tiquina wahati gūhure masieta. Sa ye Cohācjū musare tiqiro yuhduoati gūhure masieta. Ohō saha masigū yere Cohācjū masare. ²⁹ Cristore musa wacū tutuatire Cohācjū cūri. Ahri gūhure cūri. Cristo yere musa yeri buhiri musa ñano yuhduati gūhure cūri Cohācjū. ³⁰ Sa ye Cristo yequina musa ijiri buhiri apequna musare ñano yere. Musare tiquina yeriro saha yuhu gūhure ñano yere tiquina. Musa mehna yuhu ijigū yahure tiquina sa yegū ihñari musa. Yojoḡu gūhure yahure tiquina sa yegū tuhoore musa. Sa yena mari ihcāno saha ñano yuhduaja.

2

Cristo ihyo ijiriquiro sañano, ijiphiye-quina puhtoro ijatiqiro ijahye

¹⁻² Cristo musare quehnoano jeripohna tigū tiqiro yegū, Cristo tiqiro cahñe mehna musa bucuena, yahure quehnoano bucuegū yeya musa. Sa yena Espiritu Santo ijiphihtina musa mehna tiqiro ijigū apequnare cahña, paja ihñana ijina, yahure quehnoano bucuegū yeya musa. Ahrire musa yegū bucuaitja: Ihcāno mehna quehnoano jeripohna tiya musa. Sa yena musa basi cahme cahña. Quehnoano mehna ijiducuya. Sa yena ihcāno mehna quehnoano ijiya. ³ Apequnare yuhduaca dueracāhña. Sa yena sa tuhotu cāhña musa. Sa yena apequnare quehnoano ño peo, ohō saha ni tuhotuya: “Tiquina pehe yuhu yuhduoro quehnoañequina ijire”, ni tuhotuya. ⁴ Ihcāquiro apequnare yedoho dueraboaga. Tiquiro yero saha yeracāhña. Apequna gūhure yedohoya.

⁵ Cristo Jesu apequnare yuhduaca dueriquiro tiqiro ijiro saha musa gūhu apequnare yuhduaca dueracāhña. ⁶ Tiquiro pehe Cohācjū waro ijieperota “Cohācjū mehna ihcāno saha ijigu wijiasi yuhu”, ni tuhotuerahye tiqiro. ⁷ Sa yero tiqiro Cohācjū mehna ihcāno saha tiqiro ijiyere wijia, ohōḡu ahtarō masuota masa bajoaro tiqiro cahacjāno yero saha iji dcahye. ⁸ Sa yero tiqiro masuoto ihcāno

saha pagū tiriqiro ijiro, ihyo ijiriquiro waro wahahye. Sa waharo “Curusapu wejēña tiqirore”, tiquina nigū tiqiro yuhduacaerahye. Curusapu yariatiquiro ijieperota tiqiro yuhduacaerahye. ⁹ Sa yero mari Pacu ijiphiyequina tiquina ño peoatiqirore cūahye Jesure. Sa yero ijiphiyequina apequna puhtoro sōahye Cohācjū tiqirore, ¹⁰ ijiphiyequina ahmuse cjēna, ahri yehpa cjēna, yariariquina gūhu Jesu wamene tuhoeyequina tiquina dusepe curi mehna quehe sa, tiquina ño peoato saha. ¹¹ Sa puhtoro sōahye tiqirore mari Pacu, “Jesucristo mari puhtoro ijire”, ijiphiyequina tiquina niatiquirore. Sa niñe Cohācjūre mari Pacure ño peoye nine.

Cristo yequina buhrioro yero saha ijiye, quehnoano masare yahu, masigū yere

¹² Sa yena yuhu cahña, musa mehna yuhu ijigū musa yuhducuriro saha, yojoḡu yuhu yoaropu ijigū gūhure panopu musa yuhhiri yuhduoro yahtiya yahure. Sa yena ijiphihtina musa quehnoano ijina tana Cristo yedohoro mehna ñañene yeracāhña. Sa yena ño peoye mehna apepero marieno Cohācjū yere yeya. ¹³ Cohācjū quehnoañe pehere musare cahmegū yero nine tiqiro cahmeno saha musa yeato saha. Sa yero tire musa yeatire yedohorota Cohācjū. Tiquiro sa yedohogū ti yuhu ni diro saha yeya musa.

¹⁴ Ijiphiyere yena tuhtiro marieno, musa basi unureno marieno yeya. ¹⁵ Sa yeya musa ñañe buhiri mariena, ñañene yerarina Cohācjū pohna musa ijiatire. Sa yeya musa masa ni mehoñequina, ñañequina watoapu dojomehnenno marieno musa ijiatō saha. Tiquina ñañequina watoapu ijina, buhrioro ihña masigū yero saha quehnoañe buheyerē buhena, masigū yere musa ahri yehpa cjēnare. ¹⁶ Ti buheyerē musa tuho ñehedi bato Cohācjū mehna sa ijiducuaana wahari musa. Ti buheyerē ahri yehpa cjēna pehere musa sa buhegū ihñagu musa mehna bucuaitja. Sa yegu musare yuhu buherire “Ihyo waro buherari ijii yuhu”, niitja yuhu. Sa yegu Cristo ahri yehparu tiqiro tojoa tagū musa mehna bucuaitja. Sa yegu buoro yuhduasi yuhu. ¹⁷ Cristore musa wacū tutuagū Cohācjū musa mehna bucuero. Tiquiro sa bucuegū masigu musare Cristo yere yuhu buheri buhiri yahure tiquina wejē duepegūta bucuaitja. Sa yena mari ijiphihtina ihcāno saha bucuenata. ¹⁸ Sata musa gūhure bucuero cahmene yuhu mehna, came yuhu sa yariagū ihñana.

Timoteore, Epafrodito gūhure yahuahye Pablo

¹⁹ Mari puhtoro Jesu tiqiro cahmegū sojaro mehna Timoteore musa cahapu oho duaja yuhu musa ijiye tiyere masigu tūhu. Sa masigu bucuaitja. ²⁰ Ijirota ijire.

Timoteo m̄sa quehnoano ijiatire pajiro t̄hoture m̄sare. Apequiro tiq̄uro yero saha ijiriquiro mariedare ȳh̄u mehna. ²¹ Apequina pehe ijipihtiyequina tiquina cahmeñe dihitare ye duaye, Cristo Jesu tiq̄uro cahmeñe pehere ye duerare. ²² Timoteo pehe quehnoano yeriq̄uro tiq̄uro ijiyere masine m̄sa. Ȳh̄u mac̄u yero saha tiq̄uro ȳh̄u mehna quehnoañe buheyere yahue tiri. Sa yena us̄a ihc̄ano saha Cristo yere buhee tii. ²³ Sa yegu p̄h̄toa ȳh̄ure tiquina d̄h̄se yeatire masiḡu, Timoteore m̄sa cahap̄u oho duaja. ²⁴ Sa yegu mari p̄h̄toro Jesu yedohoye mehna sojaro mehna ȳh̄u ḡh̄u m̄sa cahap̄u wahaatja.

²⁵⁻²⁶ Ȳh̄ure yedoho dutina m̄sa Erafroditore ohori ȳh̄u cahap̄u. Tiquiro ȳh̄u acayuro ȳh̄u mehna dahrariq̄uro, ȳh̄u mehna cj̄ano, Coh̄c̄j̄u yere buhe tutuariq̄uro ijire. Tiquiro m̄sare tutuaro wac̄u tiri. Sa yero tiq̄uro dohatirire m̄sa t̄hoḡu masino tiq̄uro pehe pajiro buj̄ua witi t̄hoturi. Sa pajiro tiq̄uro t̄hotuḡu ih̄ñagu “Tiquirore m̄sa cahap̄u oho majare tojoro cahmene ȳh̄ure”, ni t̄hotuaja ȳh̄u yojop̄are. ²⁷ Potota ijire. Tiquiro tutuaro dohatiri. Meheno yariabo cure ȳh̄uri. Tiquiro sa tutuaro dohatiepeḡata Coh̄c̄j̄u tiq̄urore paja ih̄ñano, ȳh̄ud̄ḡu yeri. Tiquiro yariaḡu ȳh̄u pehe tutuaro buj̄ua witi boya. Sa yero Coh̄c̄j̄u ȳh̄u ḡh̄ure paja ih̄ñari tiq̄urore ȳh̄ud̄ḡu yero. ²⁸ Sa yegu yojop̄u p̄uritare sojaro mehna tiq̄urore m̄sa cahap̄u oho duaja pari turi m̄sa tiq̄urore ih̄ña, m̄sa jeri saj̄ano quehnoano. M̄sa sa bucueḡu ih̄ñagu ȳh̄u ḡh̄u bucueitja. ²⁹ Sa yena tiq̄urore Erafroditore mari p̄h̄toro yaq̄urore mari acayurore quehnoano bucueye mehna piti caya. Sa yena apequinare tiq̄uro yero saha ijiequinare ño peoya. ³⁰ Tiquiro Cristo yere yedohomehno yariamedi. M̄sa pehe ȳh̄u cahap̄u ijieraḡu, ȳh̄ure yedoho masiedaḡu tiq̄uro pehe ȳh̄ure yedohomedi. Sa yero yariamedi tiq̄uro.

3

Quehnoanoyeye warore yahuahye Pablo

¹ Yojoṗu p̄uritare ahrire yahutja. Mari p̄h̄toro yequina ijina bucueya. Ahri buheyere to pano ȳh̄u yahurire pari turi m̄sare ni ojoagu bucueaja ȳh̄u. Sa yegu m̄sare ahrire yahuḡu yedohoḡu naja m̄sare. ² Quehnoano yeya m̄sa. Ñañene yeducuyequina, diayea yero saha ijieyequina ñañequina cahnucun̄u cahseroḡare ȳh̄re ne dutiye, m̄sa pagurire ȳh̄re ne duare. Quehnoano yeya m̄sa, “Sa ye dutyequina sijoro saha ni buheari”, nina. ³ Tiquina cahnucun̄u cahseroḡare

ȳh̄re nepeta Coh̄c̄j̄u dutiyere quehnoano yerare. Mari pehe potota Coh̄c̄j̄u dutiyere quehnoano yena ijiaja mari. Esp̄iritu Santo tiq̄uro yedohoye mehna Coh̄c̄j̄ure ño peoja mari. Sa yena Jesu yequina mari ijiyere bucueye mehna apequinare mari yahuaaja. “Us̄a esa tuharo Coh̄c̄j̄u dutiyere ye peho masiaja”, ne ni t̄hotueraja. ⁴ Sa ni t̄hotuerapeḡata “Tiquinare doca c̄u cj̄a”, tiquina yero saha nidiḡu ijiḡu sa t̄jiboa ȳh̄u ḡh̄u. Apequiro oh̄o saha ni ȳh̄ud̄uca duare. Ȳh̄u pehe tiq̄uro ȳh̄ud̄uro sa niboaga ȳh̄u.

⁵ Oh̄o saha yeriḡu ijimi ȳh̄u: Ocho decori ȳh̄u masa bajuari bato cahnucun̄u cahseroḡare ȳh̄re nedi jiri ȳh̄ure. Israe masu ijiḡu Benjami ya curua cj̄u ijiaja ȳh̄u. Ȳh̄u pac̄us̄m̄ua hebreo masa tiquina ijiḡu potota hebreo masu warota masa bajuu. Coh̄c̄j̄u dutiyere potota peho duagu fariseo curua mehna saj̄ami ȳh̄u. ⁶ “Coh̄c̄j̄u ye ijiri”, niḡu quehnoano yemi. Sa yegu Jesu yequina pehere ñano yee timi ȳh̄u. Potota Coh̄c̄j̄u dutiyere yegu tire ȳh̄ud̄ucaro marieno ye pehou.

⁷ Panopure “Ti quehnoañe ijiri”, ni t̄hotumi. “Ti ȳh̄u sa ni t̄hoturi panop̄u ȳh̄u ije tiri d̄h̄seati ijierari”, ni t̄hotuaja yojoṗare. Sa ni t̄hotu d̄ucau ȳh̄u Cristore wac̄u tutuagu t̄h̄u. ⁸ Cristo Jesu ȳh̄u p̄h̄torore ȳh̄u masiḡu p̄urita quehnoa ȳh̄ud̄are. Sa yegu apeye pehere masa “Quehnoañe ijire”, tiquina nidire “Ti ijipihtiyere d̄h̄seati ijierari”, ni t̄hotuaja ȳh̄u. Tire ijipihtiyere duhu c̄h̄u Cristo ye pehere yegu t̄h̄u. Sa yegu tire ȳh̄u coh̄irire “Ñañe waro ijire”, ni t̄hotuu Cristore quehnoano masiḡu t̄h̄u, tiq̄uro mehna cj̄u ijiḡu t̄h̄u. ⁹ Sa yero ȳh̄u esa tuharo quehnoano ȳh̄u yeri wapa “Quehnoagu ijire”, ni ih̄ñedare Coh̄c̄j̄u ȳh̄ure. Sa yero Coh̄c̄j̄u dutiye Moiser̄e tiq̄uro c̄urire ȳh̄u yeri wapa ḡh̄ure “Quehnoagu ijire”, ni ih̄ñedare. Cristore ȳh̄u wac̄u tutuari bato “Quehnoagu ijire”, ni ih̄ñare tiq̄uro ȳh̄ure. Coh̄c̄j̄u pehe marine buhiri mariena ijiḡu yere, tiq̄urore mari wac̄u tutuaḡu. ¹⁰ Sa yegu to pano ȳh̄u ni t̄hotu m̄h̄amedire duhu cj̄u Cristore quehnoano masiḡu t̄h̄u. Coh̄c̄j̄u tutuaye mehna Cristo masa m̄jahye. Ti tutuaye mehna iji duaja. Sa yegu ti tutuaye mehna quehnoañene ye duaja. Cristo curusap̄u yariahye mari ñañe yerire coh̄ano taro. Sa yegu tiq̄uro yere ȳh̄u yeri buhiri tiq̄uro yero saha ñano ȳh̄ud̄u duaja ȳh̄u ḡh̄u. ¹¹ Sa yegu Cristo tiq̄uro masa m̄jariro sahata masa m̄jaj̄u ijitja ȳh̄u ḡh̄u.

¹² Ahri ijipihtiyere sa niḡu, “Cristo yero saha ñañe marieḡu ijiaja”, ni t̄hotueraja. Ȳh̄u sa ni t̄hotuerapeḡata Cristo tiq̄uro yaq̄uro ijiḡu ye tuhasari ȳh̄ure. Sa yegu

tiqiro yere tiqiro gāhare quehnoano masi duagu tutuaro mehna tiqiro yere yeaja yūhu. ¹³ Yūhu acaye, “Tiqirore quehnoano masi peho tuhasaja”, ni tūhotueraja. Sa ni tūhotuerapegata ahri pūritare yeaja: ¹⁴ Omaperiqiro tiqiro wapata duariro saha tutuaro yeaja yūhu, yūhu wapatarire yūhu ñeheatō saha. Cristo yaqiro yūhu ijigū ihñano Cohācjū ti yūhu wapatarire yūhare ohoro taro ūmūsepu pijjori yūhare.

¹⁵ Ohō saha yūhu tūhoturiro sahata tūhotuya mūsa gāhu Cristore quehnoano masina. Sa yero ahri mū sare yūhu yahurire mūsa tūho dueragū, sijoro saha mūsa tūhotugū Cohācjū mū sare quehnoano masigū yerota. ¹⁶ Sa yena tiqiro yere mari masidire quehnoano ye sohtori tūhna.

¹⁷ Yūhu acaye, mūsa ijiphtina yūhare ihñā cūñā. Sa yena apequina usā yero saha yeyequinare quehnoano ihñā diho cūñā mūsa tiqinane mūsa ihñā cūato saha. ¹⁸ Peye tahari apequina tiqina ijije iyere yahuu yūhu mū sare. Yojo pu gāhare tutuaro bujua witi gū tiqinaretā yahuaja mū sare. Tiqina Cristo curusapu tiqiro yariari buheyere ihñā yabiyequina ijire. ¹⁹ Tiqina pecapu wahatiqina ijire. Tiqina ñañe tutuaro cahmeñe pehere tutuaro ye duare tiqina. Sa ye tiqina bue tiboyere ye ye, tire quehnoañe yero saha tūhoture tiqina. Ahri yehpa cjē dihitare quehnoano tūhoture tiqina. ²⁰ Mari pehere mari ya maca ūmūsepu ijire. Sa yero topūta marine yūhdūoatiqiro, mari puhtoro Jesucristo ahtarota. Sa yena tiqiro ahtatire cohtena niaja mari. ²¹ Tiqiro ahtarō mari pagurire pejecuoye pagurire sijoro saha ijije paguri dihita comesarota tiqiro. Sa yero tiqiro ya pagu yero saha quehnoari pagure asi siteri pagure ohorota marine tiqiro tutuaye mehna. Ijiphtiyequina puhtoro sajāri tiqiro, tiqiro tutuaye mehna. Sa yero ijiphtiyere upuro ijire tiqiro ti tutuaye mehna.

4

Decoripe mari puhtoro mehna bucueya

¹ Sa yena yūhu acaye, yūhu cahñā, tutuaro yūhu wacūna, yūhare bucuegū yena, yūhu buhegū quehnoano tūhorina, panopu mūsa wacū tutuaro saha mari puhtorore tutuaro wacū tutuaya mūsa.

² Ahrire yahutja mū sare Evodiare, Sintique gūhare: Jesu yequina numia ijire mūsa. Sa yena cahme ñeheatō tutuaro marieno quehnoano mehna ijiducuya mūsa. ³ Mūhu pehe potota yūhu mehna cjū warota ijire. Mūhu gūhare yahutja: Tiqina numia yūhu mehna, Clemente mehna, apequina yūhu piti tiyequina mehna dahrari quehnoañe

buheyere usā buhegū. Cohācjū tiqinare ijiphtiyequina wamene ojoa ohōahye tiqiro ya tju pu. Ijiphtiyere decori catiyere tiqiro ohoriquina wamene tiqiro ojoa ohōri tju pu ojoa ohōahye. Sa yegu tiqina numiare bosaya mūhu.

⁴ Decoripe mari puhtoro mehna bucueya. Pari turita yahutja: Bucueya. ⁵ Quehnoano yeya ijiphtiyequinare. Mari puhtoro Cristo ahtato mehenogā dūhsare.

⁶ Ne bujua witi tūhotueracāhñā. Cohācjūre quehnoano yahu pehoya. Sa yena tiqirore siniñā. Sa yena mūsa sinidire tiqiro yūhtigū ihñāna “Quehnoare”, niñā tiqirore. ⁷ Mūsa sa yegū quehnoano ijigū yerota mū sare Cohācjū. Tiqiro sa yegū quehnoa yūhdūare. Ahri mari quehnoano ijije quehnoa yūhdūare. Sa yero Cristo Jesu yequina mari ijigū marine quehnoano ijigū yero, Cohācjū marine quehnoano jeripohna tigū yerota. Sa yero bujua witi tūhotueragū yerota marine.

Quehnoañe tūhotuya

⁸ Ahrire yahu bato tigu tū niaja mū sare, yūhu acaye. Queoro ijiyere, masa tiqina ño peoyere, quehnoano yeyere, ñañe marieñe, bucueyere, masa “Quehnoañe ijire”, tiqina niñene tūhotuya mūsa. Quehnoa yūhdūye ijigū tūretā tūhotuya. Masa quehnoañe ihñāñe tiqina bucueye pehere mūsa gāhu bucue tūhotuya.

⁹ Mū sare yūhu buheriro sahata sa yeducuya mūsa. Sa yena yūhare ihñā cūñā mūsa. Mūsa sa yegū Cohācjū mū sare quehnoano ijigū yeriqiro mūsa mehna ijirota.

Filipo cjēna Pablōre tiqina ohorire yahuahye tiqiro

¹⁰ Yojo pu pūrita yoari pje bato mūsa pari turi yūhare wacūna, mūsa yedohoyere bucueaja. Sa bucuegu mari puhtoro Cristore “Quehnoare”, niaja. “Yūhare boaa wahari mūsa”, niedaja yūhu. Panopure yūhare yedoho duepenata yedoho masiedari mūsa. ¹¹ Yūhare mūsa yedohorire yahuu yūhare dūhsarire mū sare yahuu tū niedaja. Mū sare apee borore cahmegū sa nigu niedaja. Yūhu cuoye mehna iji masiaja yūhu. ¹² Apee boro cuoeragu gūhu quehnoano iji masiaja yūhu. Sa yegu pajiro cuogu gūhu quehnoano iji masiaja. Decoripe ūjua ahabagu gūhu dūcapoā wahaja. Yapigu ijigu gūhu ijipoa wahaja. Pajiro cuogu gūhu ijipoa wahaja. Yūhare apee boro mariedagū gūhare ijipoa wahaja. ¹³ Cristo yūhare tutuagū yeriqiro mehna ijiphtiyere Cohācjū cahmeñe ye masi pehoaja yūhu. ¹⁴ Yūhu sa ijiporigu yūhu ijiepegāta yūhu ñano yūhdūgū mūsa yedohona yūhare quehnoano yeri mūsa.

¹⁵ Quehnoañe buheyere yūhu buhe ducagū Macedonia yehpapu mūsa ya

yehparu ijirigu yahu wahagu musa dihita yuhure yedohori. Sa yedohona, musare yahu buheri wapa musa wapa yero saha yena nidi musa. ¹⁶ Sa yena Tesalonicaru yahu ijiri watoa yuhure yedohona, ihquē tahari ohori musa. ¹⁷ Apee borore sinigu sa nigu niedaja. Apequinare musa yedohogu Cohācjū musare quehnoano yerota. Tiqurore musa yedohori wapa Cohācjū musare tiquro quehnoano yegu cahmeaja yahu. Sa yegu yuhure musa yedohorire wacūgu yeaja musare. ¹⁸ Yojopure yuhure quehnoano oho pehori musa. Yahu cahmedi yuhdoro ohori musa yuhure. Yuhure Epafrodito mehna musa ohori bato apee boro ne duhsaerare yuhure. Cohācjū wahupe ehme sitiye bue mo, Cohācjūre tiquina quehnoano bucuegū yeriro saha yuhure musa ohori gūhu Cohācjūre quehnoano bucuegū yeri. ¹⁹ Musa Cristore wacū tutuare. Sa yero ijipihiyere musare duhsarire ohorota mari Pacu musare, quehnoa yuhduye tiquro cuoyere. ²⁰ Ijipihiyere decori mari Pacure Cohācjūre ño peouhna. Sata yeihna.

Pablo quehnoa dutiahye

²¹ Ijipihiyequina quehnoañequina Jesucristo yequina quehnoahdo. Mari acaye gūhu Jesu yequina yahu mehna cjēna musare quehnoa dutire. ²² Ijipihiyequina ohō cjēna quehnoañequina Jesu yequina quehnoa dutire. Roma cjēna puhtoro ya wahu cjēna pūrita tutuaro quehnoa dutire.

²³ Mari puhtoro Jesucristo cahñe mehna quehnoano ijiya.

Colosenses

Colosa cjenare ojoa ohoahye Pablo gahu

¹⁻² Yahu Pablo mari acayaro Timoteo mehna musare Colosa cjanare quehnoa dutiaja usa. Yahu Jesucristo yere buhe dutiro tiqairo cirigu ijiaja. Cohacju cahmeno sahata Jesu yuhare tiqairo yere buheacjare cūri. Sa yegu musare usa acaye Cristore wacu tutuaducunare ojoa ohoaja yahu. Sa yena Cohacju mari Pacu mehna musare quehnoa dutiaja. Sa yena tiqairo mehna quehnoano ijiaja musa.

Jesu yequinare Pablo sini basahye Cohacjare

³⁻⁸ Musa ye ijiatire Cohacjare sini basana "Quehnoare", sa niducujaja usa. Tiqairo pehe mari puhtoro Jesucristo Pacuro ijire. Ijiphihye decori umusepu musare jigū yerota Cristo pehe. Tiqairo sa yeatiqairo jigū tire musa sa cohteducu wame tire. Cristo Jesure wacu tutua wame tire musa. Sa yena tiqairo yequinare cah wame tire musa. Musa sa iji wame tigū Cohacju mehna bucu, tiqairore "Quehnoare", niaja usa. Ijiphihpore Jesu yequina pota ijiye buheyere quehnoane buheyere tiquina yahugū tūhoye masa quehnoane pehere comesare. Ahrireta musa gūhare Epafra quehnoane buheyere yahuri jiri. Tiqairo usa tutuaro cahniqairo usa mehna Cristore dahra cohteriqairo ijire. Sa yero Cristo yere ne duherare tiqairo. Musare tiqairo sa yahugū tūhona, duita quehnoano ye wame tire musa. Sa yena Cohacju musare tiqairo cahine pota masina, duita quehnoano ye wame tire musa. Musa sa yerire Epafra yahuri usare. Espiritu Santo yedohoye mehna Jesu yequinare musa cahine yahuri tiqairo usare. Tiqairo sa yahugū tūhona "Quehnoare", niaja usa Cohacjare.

⁹ Sa yena musare tūhona musare duita sa sini basaducujaja usa Cohacjare. Cohacju cahmeñene musa masi pehoatire tiqairore sini basaja usa. Tiqairo yere quehnoano masina musa ijiatire sini basaja usa. ¹⁰ Sa sini basaja usa mari puhtoro Cristo cahmeno sahata quehnoano musa yeatire. Musa sa yegu ihñano tiqairo bucuero. Sa yena ijiphihye quehnoane musa yeatire sini basaja. Cohacjare musa masi nemoatire sini basaja. ¹¹ Ahri yahu yahuatī gūhare sini basaja usa. Cohacju tutuaye mehna musa tutuatire musare sini basaja. Sa sini basaja ñano yuhdepenata musa ihcāno sahatire. Ñano yuhdepenata musa sa tūhotu cātire, musa bucuere mehna musa sa ijiducuatī gūhare sini basaja. ¹² Cohacju tiqairo yequina ijanare marine yere. Sa yero

tiqairo ohoyere cuoanajare yere marine tiqairo. Tiqairo ijioru buhrioru marine ohorota tiqairo. Tiqairo sa yegu ihñana tiqairore musa "Quehnoare", niatire sini basaja usa musare.

¹³ Tiquirota marine pecaru waha-borinare yuhdugū yere. Panopare ti ñañene ye duhu masiedami mari. Ñariqairo pehe marine dutiriqairo injinimedi. Cohacju pehe marine pecaru waha-borinare yuhdugū yeri. Macanore tiqairo cahniqairore puhtoro sōno umusepu marine jigū yere. Sa yena tiqairo macano mehna injinata. ¹⁴ Tiquiro macano mehna marine yuhdore Cohacju. Tiquiro macano yariari mehna mari ñañene yerire bori Cohacju.

Masa Cohacju mehna tiquina cahme ihñano tuhtigū ihñano Cristo bosahye

¹⁵ Mari Pacure ihñamehnedare. Tiquiro macano pehe tiqairo Pacuro ijiye tiyere ihñore masare. Tiquiro macano ijiphihyequina pano, ijiphihye pano iji tuhasari jiri. Sa yero puhtoro ijire tiqairo. ¹⁶ Mari Pacu tiqairo dutigū tiqairo macano pehe tiqairo Pacuro mehna ijiphihyequinare, ijiphihyere bajumehneahye. Umusepu ijiyere, ahri yehpapu ijiye gūhare bajumehneahye. Mari ihñare, mari ihñedari gūhare bajumehneahye. Umusepe cjenā puhtoare, dutiyequinare ijiphihyequinare bajumehneahye. Tiquiro ijiphihyequina gūhare ijiphihye gūhare bajumehneahye. Sa yeye ijiphihyequina tiqairo yequina ijiatiquina ijimahye. Ijiphihye gahu tiqairo ye ijati ijimahye. ¹⁷ Ijiphihyequina pano, ijiphihye pano Cristo iji tuhasahye. Sa ye tiqairo tutuaye mehna ijiphihye gahu, ijiphihyequina gahu yojopare ijiye nine.

¹⁸ Mari tiqairo yequina ijiphihyequina tiqairo pagu yero saha tiqairo ya curua cjana ijiaja. Sa yero tiqairo mari dapu ijire. Tiquiro yariaro masa maha mūhtariqairo ijire ijiphihyequina puhtoro, ijiphihyere cuoriqairo ijiro taro. ¹⁹ Cristo ihcāno sahata ijire mari Pacu tiqairo ijiro sahata. Tiquiro sa ijigūta cahmeahye mari Pacu pehe. ²⁰ Ijiphihyequina masa tiqairo Pacurore cahme ihñano tuhtie tiahye. Sa tiquina cahme ihñano tuhtigū ihñano Cristo bosa duahye. Umusepe cjenā, ahri yehpa cjenā gūhare tiqairo Pacurore ihñano tuhtieragū ye duahye Cristo. Sa yero umusepe cje, ahri yehpa cje gūhare quehnoano jigū cahmeahye tiqairo. Sa bosa duahye tiqairo curusapu yariaro, tiqairo diire cohāno. Tiquiro Pacuro cahmediro sahata yeahye Cristo.

²¹ Musa gūhare sata yeri tiqairo. Tiquiro Pacurore ihñano tuhtina tiqairo mehna cjana ijieramahye musa gahu. Ñañene yeri jimedi musa. ²² Tiquiro yariari mehna tiqairo Pacurore musare ihñano tuhtieragū

yeri tiqiro. Sa yeri tiqiro quehnoana, ñaŋe mariena, buhiri mariena masare ijigū yero taro. Mūsa sa ijigū masare sa buhiri marienapure tiqiro Pacure ohorota. ²³ Sata ohorota, mūsa tiqirore wacū tutuaducugū. Sa yerota tiqiro quehnoañe buheyere mūsa tuhorire mūsa boeragā. Ti buheyere quehnoañe buheyere ijipihtiyequina ahri yehparapere ijieyequina tuhori jire. Sa yegu yūhū gūhū Pablo ti buheyereta yahugata ijiaja.

Jesu yequinare yedohoriquiro ijiro, bucueahye Pablo

²⁴ Cristo mari ñano yeri buhirire ñano yūhdūahye. Sa yegu yūhū gūhū masare yūhū buheri buhiri ñano yūhdūgū bucueaja. Sa ñano yūhdūgū Cristo marine tiqiro cūrire ye sohorti tigū niaja. Sa yegu bucueaja. Cristo yere mari yeri buhiri mari ñano yūhdū nemoŋa duhsarīne. Sa yegu tiqirore mūsa wacū tutuatire ñano yūhdūgū bucueaja yūhū. Tiqiro pagū yero saha ijina tiqiro ya curua cĵāna ijire mūsa. ²⁵ Jesu yequinare yedohoacjare cūri Cohācĵū yūhūre. Mūsa ye ijiatire yedohoacjare yūhūre cūri tiqiro. Tiqiro yere masare yahu pehoacjare cūri yūhūre. ²⁶ Tiqiro yere peye cahmari panopū cĵēnare yahu pehoera tiahye mari Pacū. Yojoṛpū cĵēnare tiqiro yequinare tire quehnoano yahu peho cāhre. ²⁷ “Judio masa ijieyequinare yūhū buhegū yee buheye quehnoa yūhdūare”, ni tiqiro yequinare tire yahuri. Panopū tiqiro yahuerarire yojoṛpū yahuri. Ohō saha ijire tiqiro ye: Cristo tiqiro yequina mehna ijire. Tiqiro sa ijigū tiqiro yequina ahmūseṛpū quehnoa yūhdūaropū ijiaja. Ti ijire panopū tiquina masiedari mari Pacū ye.

²⁸ Cristoreta yahuaja. Ijipihtiyequinare cuesāgū tiqinare buheaja yūhū. Quehnoano masīne mehna buheaja yūhū quehnoano Cristore masare masigū yegu tagū. Sa buheaja yūhū tiqiro yere tiquina quehnoano yeyequina ijigū yegu tagū. ²⁹ Ahri ijire yūhū dahraye. Mari Pacū tiqiro ye tutuaye mehna yūhūre tiqiro ohori tutuaye mehna tutuaro dahraja yūhū, tiqiro yere buhegū.

2

¹ Ahrire mūsa masigū cahmeaja. Mūsa ye ijiatire, Laodicea cĵēna ye ijiatire, ijipihtiyequina apequina ye ijiaji gūhūre tutuaro dahraja yūhū. Ijipihitina mūsa yūhūre ihñena ye ijiaji gūhūre tutuaro dahraja yūhū. ² Sa dahraja yūhū mūsa quehnoano jeripohna tiatire. Mūsa mehna cĵēnare mūsa cahme cahīati gūhūre sa dahraja yūhū. Cohācĵū ye panopū tiqiro yahuerari Cristore masigū yeye ijire. Tiqiro yere masina tiqirore

wacū tutuare mūsa. Tiqirore mūsa quehnoano masiatire, tiqiro mehna mūsa quehnoano ijiatire tutuaro yedohoaja masare. ³ Apequina tiquina masiedarire Cristo dihita quehnoano masi peho cāhre. Sa yero quehnoano masiniqiro ijire tiqiro. ⁴ Ahrire niaja masare “Apequina masare sijoro saha tuho coaye buheye mehna ni mehoari”, nigū. ⁵ Yūhū mūsa watoa ijierapeguta yūhū wacūno mehna mūsa watoa ijigū yero saha tuhotuaja. Sa yegu Cristore mūsa quehnoano wacū tutuaducurire, mūsa quehnoano yeri gūhūre masigū bucueaja yūhū.

⁶ Sa yena Cristore mūsa wacū tutu dūcariro sahata sata tiqirore wacū tutuaye mehna decoripe quehnoano ijiducuya. ⁷ Tiqirore quehnoano masina ijiaja mūsa. Sa yena decoripe tiqirore masi nemoŋa panopū masare apequina tiquina buheriro sahata. Sa yena Cristore bucue, “Quehnoare”, niducuna ijiaja mūsa.

Cristo yequina ijina, quehnoañe pehere cahmeaja mari

⁸⁻¹⁰ Quehnoano yeya mūsa. Masa tiquina esa tuharo tiquina buheye tiquina ni mehoŋene tuhoeracāhña. Tiquina panopū cĵēna tiquina esa tuharo niñene buhere. Tiquina sa niñe duhseati ijierare. Uhmūse cĵēna puhto yere, watīa ye gūhūre sa buhe maca cāhre. Cristo ye pehere buherare. Cristo mari Pacū ijiro sahata ijiriquiro ijiro, Cohācĵū warota ijirota nine. Tiqiro yequina ijina Cohācĵū mehna quehnoano ijiaja mari. Tiquirota ijipihtiyequina puhto bui, angele puhto bui gūhūre puhtoro ijire. Tire masina ni mehoŋene buheyequinare tuhoeracāhña.

¹¹ Sa yena Cristo yequina ijina cuhnucunū cahserogāre yūhū nediquina yero saha ijire mūsa. Ti cahserogāre tiquina yūhū ne cohāriro sahata Cristo mūsa ñañene tutuaro cahmeŋene cohāri. ¹² Tiqiro yequina ijina wame yenhōrina wahari jiri mūsa. Tiqiro wame yenhōrina wahana ohō saha ni ihñona nidi jiri mūsa: Panopū cĵē mūsa ñañe yerire mūsa duhurire ihñona nidi jiri mūsa. Ti mūsa ñañe yerire mūsa ya cūboro saha tire duhuri jiri mūsa. Cristo masa mūjano quehnoanopū wahahye. Tiqiro sa wahariro sahata Cohācĵūre wacū tutuana “Tiqiro tutuariqiro ijire”, nina, quehnoañe pehere comesari jiri mūsa. Tiqiro Cohācĵū pehe Cristore masoriquiro ijire. Tiqiro wame yenhōrina ijina quehnoañe pehere mūsa comesarire ihñona niaga mūsa.

¹³ Panopūre mūsa ñana mūsa ijiri buhiri pecapū wahaborina ijimahye mūsa. Sa wahaborina ijimahye mūsa Cohācĵū yequina ijierana. Tiqiro dutiye mariena ijimahye

musa. Yojoṗare mari Pacu marine tiquiuro mehna sa ijiducuanare yeri. Cristo tiquiuro yariari mehna sa yeri tiquiuro marine. Sa yero ijipihntina mari ñaṇe yerire bo cāhiri jiri tiquiuro. ¹⁴ Cohācǰū tiquiuro dutiyere yuhdudacana mari ijiepegāta tiquiuro marine buhiri ti dutierari jiri. Ti dutiye marine buhiri dahre dutiepegāta ti dutiyere sa ihña cāhno, marine buhiri ti dutierari jiri. Cristo curusapu tiquiuro yariari mehna Cohācǰū pehe mari ñaṇe buhirire cohā cāhre. ¹⁵ Masa tiquina ihñonopu wafia pūhtoare Cohācǰū yuhdudacahye. Ihyo ijieyequina tojoa cāhye tiquina pehe. Sa yero tiquinare buoro wahagū yeahye. Curusapu yariaro Cristo ñaṇequina pūhtoare yuhdudacahye.

Ūhmuse cǰēne Cohācǰū yere cahmeña

¹⁶ Sa ye apequina masa ihyayere, masa sihniñe gāhure ihñaṇe musare “Buhiri tina ijire”, ni ihñaboaga. Tiquina sa ni ihñagū sa ihña cāhña tiquinare. Cuhmaripe ijie decorire, asūripe ijie decorire, semanaripe ijie decorire bose decori masa yeragū ihñaṇe musare “Buhiri tina ijire”, niboaga tiquina. Tiquina sa nigū sa ihña cāhña tiquinare. ¹⁷ Panopu ti ihya dutiyere, bose decorire ye dutiyere, apeye dutiye gāhure cūahye Cohācǰū marine buhero taro. Ti dutiye mehna camepu tiquiuro yeatire Cohācǰū ye ihñono niahye. Cristo tiquiuro ijie tiatire mehenogā ye ihñono niahye masare. “Tiquiuro ohō saha waharota”, nino sa ye ihñono niahye. Sa yeati ijimahye ti dutiye. ¹⁸ Ohō saha nimene ti dutiyere ye dutiyequina. “Sijoro saha ijiyere bajuagū ihñau usā”, niñe, tiquina angelere Cohācǰūre tiquina ño peoboro saha ño peomene. Apequina masa yero saha tiquina ñaṇene tutuaro cahmeñene tuhotumene tiquina. Sa ijieyequina ijie “Masi peho cǰā usā”, ni tuhotumene tiquina. Sa yeze tiquina apequinare “Yuhdudacaeraja”, niñequina, sijoro saha yeeyequina yero saha ye ihñomene musare. Sa yeze musare tiquinare ihña cū dutire. Tiquina sa dutigū tiquinare sa ihña cāhña. ¹⁹ Sa yepeta Cristo tiquiuro dutiro saha yeze niedare. Cristo pehe tiquiuro yequinare dapu yero saha ijire tiquiuro yequina pūhtoro jiro. Tiquiuro yequina pehe tiquiuro pagu yero saha ijieyequina tiquiuro ya curua cǰēna ijire. Mari cohāri dohye mari wa dari gāhu mari pagure ihcā pagu ijigū yere. Sata Cristo pehe tiquiuro yequinare ihcāno mehna quehnoano mehna ijigū yere. Sa yero Cohācǰū pehe tiquiuro yequinare tiquiore masi nemogū yere.

²⁰ Sa ye Cristo yequina ijina ñaṇene ye duhurina ijire masa. Sa yena ahri yehpa cǰē ñaṇe buheyere cahmedacāhña. Ti buheye ūhmusepu ijimediquina ñaṇequina pūhto

ye ijire. Sa yena ti buheyere cahmedacāhña. ¿Dahse yena masa tiquina esa tuharo dutiyere ño peojari masa?

²¹ Ohō saha ni dutire tiquina esa tuharo dutiyequina: Ahri borore ihyeracāhña. Ahri borore ne ihya tuheracāhña. Ahri borore piheracāhña. Sata ni, dutire tiquina. ²² Mari apee borore ihyagū duita pihtia wahare. Sa ijie borore pihtie borore tuhotuye nine sa dutiyequina. Tiquina sa dutigū ahri yehpa cǰē dutiye dihita ijire ti dutiye. Masa tiquina esa tuharo tiquina buheye dihita ijire ahri buheye. Sa ye dahseati ijierare. ²³ Ti dutiyere yeeyequina Cohācǰūre ño peoyequina yero saha ijimene. Sa ijie apequinare yuhdudacayequina yero saha ye ihñomene. Tiquina pagurire ñano yuhdugū yeze Cohācǰūre ño peoyequina yero saha ye ihñomene tiquina. Tiquina sa yegū tiquina ye dutiye pehe masi peoyequina ye dutiye yero saha ijimene. Sa ijierare. Ti dutiyere yepeta tiquina ñaṇene tutuaro cahmeñene duhuere. Sa ye tiquina ye dutiye pehe dahseati ijierare.

3

¹ Sa yena Cristo yequina ijire masa. Panopu masa ñaṇe yerire duhu, quehnoañe pehere comesari jiri masa. Sa comesana ijina ūhmuse cǰēne Cristo yere cahmeña masa. Topare mari Pacu potu pehepu dujire tiquiuro. ²⁻³ Ūhmuse cǰē Cohācǰū yere quehnoano tuhotuya masa. Ahri yehpa cǰē ñaṇene wacū nunuedacāhña masa. Cristo yequina ijina ti ñaṇene wacū duerare masa. Tiquiuro pehe ti ñaṇene cahmotare. Sa yena tire wacū nunuedaro cahmene musare. ⁴ Sa yena Cristo ūhmusepu marine sa ijiducuatinare yeriquiuro tiquiuro ahtagū tiquiuro mehna wahanata masa. Sa wahana tiquiuro mehna cǰāna ijinata.

Cristo yequina mari ijato panore ñaṇene yemi mari

⁵ Sa ye ñaṇene ye duhu cāhña masa: Omoca dāhterina gāhu, dāhterarina gāhu wana tiyere, ña yuhduaro yeze, apequiuro namonore tutuaro cahmeñene, apecoro namonore tutuaro cahmeñene, ñaṇene tutuaro cahmeñene duhu cāhña masa. Apee borore tutuaro cahmena “Cohācǰū ijire”, tiquina niñe queoyere mari cahmeno sahata yena niaja mari tire. Doeri cǰēne ño peoyequina yero saha yena niaga masa. ⁶ Ti ñaṇene yeeyequina Cohācǰūre yuhdudacayequina ijire. Tiquina sa ye yuhdudacagū ihñano tiquinare buhiri dāhrerota. ⁷ Panopure masa pehe ti ñaṇene yena ijina tiquina mehna ijinata ijimahye masa.

⁸ Sa ijimedina ijiepenata yojopare ahri ñañene duhu peho cãhña musa: Usuayere, apequinare ñano ni tuhotuyere, apequinare ñano quiti dahreyere, ñano yahuducuyere tire ijipihtiyere duhu cãhña. ⁹⁻¹⁰ Musa pehe Jesu yequina wahana ti ñañe yeyere duhu tuhasari jiri. Sa yena quehnoañe pehere comesarina ijire musa. Musare quehnoañe pehere cahmegü yero nine Cohãcjü tiqiro yero saha musa ijiato saha. Sa yere tiqiro quehnoano tiqirore musa masiato saha. Sa yena musa mehna cjênare ni mehoedacãhña. ¹¹ Cristo yequina ijina judio masa, judio masa ijena gãhu ihcãno saha ijire musa, Cohãcjü ihñagü. Cuhnucunã cahserogãre yãhre nediquina, yãhre nedariquina gãhu Cristo yequina ijije ihcãno saha ijire, Cohãcjü ihñagü. Ape yehpa cjêna, musa masieñequina, musa ya yehpa cjêna gãhu Cristo yequina ijije ihcãno saha ijire, Cohãcjü ihñagü. Dahra cohteyequina, dahra cohteyequina ijieyequina gãhu Cristo yequina ijije ihcãno saha ijire, Cohãcjü ihñagü. Jesu ijipihtiyequina tiqiro yequina mehna ijire. Ihyo ijiriqiro ijierare, tiqiro yequina ihñagü.

¹²⁻¹³ Sa ye Cohãcjü beserina, quehnoana, tiqiro cahña ijina ohõ saha ijija musa: Apequinare paja ihñana, apequinare quehnoano yena, apequinare quehnoano mehna yena, “Apequinare masi yuhduducaja”, niena, musare tiquina ñano yepegãta sa tuhotu cãna ijija musa. Musa mehna cjêna mehna usuana, tiquinare quiti dahrena, musa basi usua duhuya. Mari puhtoro musa ñañe yerire bori. Sa tiqiro boriro sahata musa gãhu musa mehna cjêna musare tiquina ñañe yerire boya. ¹⁴ Ahri dutiye yuhduoro ohõ saha ni dutiaja musare: Apequinare cahña. Musa sa yena quehnoano ijipihtiyequina mehna ihcãno mehna ijinata. ¹⁵ Cristo marine quehnoano ijigü yere unureno marieno mari ijiato saha. Tiquiro sa yegü quehnoano ijija musa basi. Sa yeatinare tiqiro yequina ijiatinare cãahye mari Pacu musare. Sa yena Cristo pagu yero saha ihcã curuata ijire musa. Sa ye Cohãcjüre “Quehnoare”, ni bucuena ijija musa.

¹⁶ Cristo ye buheyere quehnoano wacüducuya musa. Quehnoano masi buheya tiqiro yere. Cua pesaro mehna tire yahuya. Sa yena Salmore Cohãcjü yere basayere, apeye tiqirore ño peo basayere tiqirore basa peoya. Quehnoano wacü ño peoye mehna basa peoya. Sa basana tiqiro yere quehnoano wacüña musa. Sa yena Cohãcjüre “Quehnoare”, ni bucuena ijija musa. ¹⁷ Ijipihtiyere dahse ijiyere musa yeyere quehnoano jeripohna ti yeya, mari puhtoro Jesu tiqiro bucuato saha. Cristore ño peore musa. Sa yena

tiqirore ño peoye mehna quehnoañe dihitarre yahuducuya. Sa yena Cristo yedohoye mehna Cohãcjü mari Pacure sinina “Quehnoare”, ni bucuaya tiqirore.

Jesu yequinare ihcãno mehna iji dutiye ohõ saha ijire

¹⁸ Musa manũ tina numia, musa manũsumãre quehnoano yuhtiya musa. Sata yero cahmene musare mari puhtoro Cristo yequina numia ijina.

¹⁹ Musa namo tina, musa namosãnumiare cahña. Sa yena tiquina numiare tuhtieracãhña.

²⁰ Musa tiquina pohna gãhu, musa pacusumãre yuhduducacãhña. Musa sa yegü ihñano mari puhtoro quehnoano bucuere.

²¹ Musa tiquina pacusumãre gãhu musa pohnare sa tuhtiducueracãhña “Bũjua witiãgü yeari”, nina.

²² Cahacãna, musa puhtoare ahri yehpa cjênare quehnoano yuhtiducuya. Tiquinare bucuere dutina tiquina ihñonopũ dihitarre yuhtina ijieracãhña. Tiquina mariedagü gãhure yuhtiya. Mari puhtoro Cristore cua pesaro mehna musa ihñano sahata quehnoano mehna yuhtiya musa puhtoa gãhure.

²³ Potota Cristo yequina ijina quehnoano yuhtire musa tiqirore. Sa yena musa puhtoare ahri yehpa cjênare yuhtina, Cristore musa yuhtiro saha yuhtinata nine musa. Sa yena musa puhtoa tiquina dutiro sahata tutuaro mehna dahraya, Cristo ye dutiye ti ijiboriro saha. ²⁴ Musa sa yegü Cristo musare quehnoano yerota. “Musare ohoutja”, tiqiro niñene musare ohorota mari puhtoro. Tire masine musa. Mari puhtoro Cristo cahacãna ijire musa. Sa yero tiqiro pehe musa puhtoro waro ijire. ²⁵ Tiquina puhtoare yuhduducayequinare buhiri dahrerota mari puhtoro pehe. Sa yuhduducayequinare ihcãquiro duhsaro marieno ihcãno saha buhiri dahrerota tiqiro.

4

¹ Musa puhtoa pehe, musa cahacjênare pote queoro quehnoano yeya tiquinare. Musa gãhu puhtoro core. Musa puhtoro musa cuoriquiro pehe ahmãse cjãno ijire. ² Decoripe Cohãcjüre siniña musa. Quehnoano wacü tuhotu siniña. Sa yena “Quehnoare”, niña mari Pacure. ³⁻⁴ Usã ye ijiati pehere sini basaya tja. Cristo yere apequina panopũ tiquina masiedarire buhena niãja usã. Tiquinare usã quehnoano masigü yeati pehere sini basaya mari Pacure. Cristo yere yuhũ buheri buhiri yuhũ yojopare peresupũ ijija. Sa yegü musa sa sini basagũ cahmeaja

tiqiro yere yuhū quehnoano yahuatire. Cristo dutiriro saha yuhū yahuatī pehere sini basaya.

⁵ Jesu yequina ijieyequina mehna ijina quehnoano yeya m̄sa. Cristo yere yahuya tiquinare. Tiquina mehna m̄sa ijiro puno sata quehnoano yeya. ⁶ Tiquina mehna yahuducuna quehnoano bucueye mehna yahuducuya. Quehnoañe dihitare yahuducuya. Apequina m̄sare tiquina sinitugū quehnoano masiña m̄sa yuhtiatire.

Quehnoa duti bato tiahye Pablo

⁷ Tiquico mari acayuro Jesu yaquiro ijire. Tiquiro yuhū ijiye tiyere m̄sare yahurota. Tiquiro mari cahñiquiro ijire. Cristo yere buhero, usā mehna dahrariquiro ijire. Sa yero Cristo yere ne duhuerare tiquiro.

⁸ M̄sa cahapu tiquirore ohou yuhū usā ijiye tiyere m̄sa masino quehnoano. Tiquirore ohou yuhū m̄sare bucuegū yeatiquirore.

⁹ Onésimore mari acayurore m̄sa cahapu ohou. Tiquiro gūhū Cristo yere ne duhuerare. M̄sa mehna c̄jāno ijire. Tiquina p̄aro usā ohōre dahse yuhūrire yahueta m̄sare.

¹⁰ Aristarco peresupu ijiriquiro yuhū mehna c̄jāno m̄sare quehnoa dutire. Marco gūhū quehnoa dutire. Tiquiro Bernabé basuriro ijire. Tiquirore yahu tuhasau m̄sare. M̄sa cahapu tiquiro esagū quehnoano mehna tiquirore piti caya. ¹¹ Jesu “Justo”, tiquina ni pisuriquiro quehnoa dutire tiquiro gūhū. Ahriquina ihtiarota yuhū mehna dahrayequina judio masa waro ijire. Judio masa waro tiquina dihita Cohāc̄jū yere yuhū mehna buhere. Sa buheaja usā Cohāc̄jū yequina masa wahatire, Cohāc̄jūre tiquina puhtoro tiatire. Tiquina yuhūre quehnoano yedohoriquina ijire. ¹² Epafra m̄sa mehna ijiriquiro m̄sare quehnoa dutire. Tiquiro Cristore dahra cohteriquiro ijire. Cohāc̄jūre sinino, m̄sa ye ijiatire tutuaro sini basaducuro nine tiquiro. Cohāc̄jūre quehnoano wacū tutuaducuatiquinare, tiquiro cahmeno saha yeatiquinare m̄sa ijiatire sa sini basaducuro nine tiquiro Cohāc̄jūre.

¹³ Tiquiro m̄sa ye ijiatire tutuaro sini basare. Laodicea c̄jēna ye ijiatire, Hierapoli c̄jēna ye ijiati gūhūre tiquiro tutuaro sini basare. Tiquiro sa yeriquiro ijigū ihñagu m̄sare yahugu niaja. ¹⁴ Duturu Luca mari cahñiquiro m̄sare quehnoa dutire. Dema gūhū quehnoa dutire.

¹⁵ Quehnoahdo mari acaye Jesu yequina Laodicea c̄jēna. Ninfa gūhū quehnoahdo. Jesu yequina ticoro ya wuhupu cahme-coañequina gūhū quehnoahdo. ¹⁶ Ahri pūre yuhū oja ohori pūre m̄sa mehna c̄jēnare m̄sa buhe tuhasari bato Laodicea c̄jēna gūhūre ohoya. Sa yena tiquinare Laodicea c̄jēnare yuhū oja ohori pūre m̄sa gūhū

buheya. ¹⁷ Sa yena ohō saha niña Arquipore: “Mari puhtoro Jesu yaquiro m̄hū ijigū tiquiro yere buheac̄jūre cūri m̄hūre. Tiquiro sa cūgū quehnoano buhe sohtori tiya m̄hū”, niña tiquirore.

¹⁸ Yuhū Pablo, yuhū omoca mehna ahrire ojoaja. M̄sare quehnoa dutiaja yuhū. Peresupu yuhū ijiyere wacū, sini basaya m̄sa Cohāc̄jūre. Quehnoano ijiya m̄sa. Cohāc̄jū cahñe mehna m̄sare quehnoa dutiaja.

1 Tesalonicenses

Pablo oja ohoahye Jesu yequinare Tesalónica cjēnare

¹ Yuhu Pablo, Silvano, Timoteo gāhu musare quehnoa dutiaja. Sa yegu ahrire musare oja ohoaja yuhu, Pablo. Musa pehe Tesalónica cjēna mari Pacu Cohācjū yequina ijire. Mari puhtoro Jesucristo yequina gāhu ijire masa. Sa yena Cohācjū mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija masa.

Jesu yequina Tesalónica cjēna pehe Jesure quehnoano wacū tutuahye

² Cohācjūre sinina ijipihtiyequina Jesure masa wacū tutuayere wacūna, “Quehnoa yuhduare usāre”, niducuaja usā musare. Cohācjūre sinina, masa ye ijiatire sa sini basaducuna niaja usā. ³ Musa pehe Jesucristore quehnoano wacū tutuañohiti. Sa wacū tutuana, Jesu yere yeñohiti masa. Jesucristore, apequina gūhare masa cahñohiti. Sa cahña, Jesu yere tutuaro yena niaga masa. Jesucristore mari puhtorore wacū tutuaducūñohiti masa. Sa wacū tutuaducuna musare tiqiro yuhduoatire masina, tire cohtena niñohiti masa. Sa yena tiqirore wacū tutua duhuerañohiti masa. Cohācjū mari Pacure sinina, tire masa sa yerire wacūaja usā. ⁴⁻⁵ Usā acaye, Cohācjū cahñona ijire masa. Musare tiqiro beserire masiaja usā. Sohō ijiri pje musare quehnoañe buheyere buhena sa yahu cāna niedu musare. Espiritu Santo tiqiro tutuaye mehna quehnoañe buheyere buhena nii musare. Sa buhena ti buheye poto ijigū quehnoano masii usā. Sa yena masa watoa usā ijina, usā yerire masine masa. Musare yedohona sa yei usā. Musare buherina ijina, Cohācjū beserina masa ijigū masiaja usā.

⁶ Sohō ijiri pjepure masa ñano yuhduna, quehnoañe buheyere cahmedi masa. Masa sa cahmegū, Espiritu Santo pehe musare quehnoano bucegū yeri. Tiquiro sa yegū masa pehe usāre ihña cū, usā yeriro sahata yeri. Sa yena Jesu gūhare ihña cūri masa. ⁷ Sa ye Jesu yequina Macedonia yehpa cjēna, Acaya yehpa cjēna gāhu Jesu yere masa yerire masidi. Sa masiñe tiquina gāhu musare ihña cū, masa yeriro sahata yeri. ⁸ Macedonia yehpa cjēna, Acaya yehpa cjēna gāhu mari puhtoro yere masa bugegū tuhooñohiti. Cohācjūre masa wacū tutuarire tuhoriquina pehe tiquina dihita ijierare. Ijipihtiro cjēna masa wacū tutuarire tuhooñohiti. Sa ye usā tiquinare yahuerapegūta tire masi tuhasari tiquina. ⁹ Sa ye masa cahapu usā

tinidire, usāre masa quehnoano piti carire yahuri tiquina ijipihtiro cjēnare. Sa yena Cohācjū pehere wacū tutuana, “Cohācjū ijire”, ni masa ño peoye queoyere cohā cāri masa Cohācjū ye pehere yena tana. Tiquiro Cohācjū pehe catiriquiro, Cohācjū waro ijire. ¹⁰ Sa ye “Cohācjū macunore hhmasepu ahtatiquirore Tesalónica cjēna cohteye nine”, ni yahuri masa musare. Tiquiro macunore yariariquirore Cohācjū masoahye. Tiquiro sa masogū tiqiro macuno Jesu pehe marine ña yuhduaro tiqiro buhiri dahreborinare yuhduori jiri.

2

Tesalónica wame tiri macapu tiqiro dahrarire yahuahye Pablo

¹ Musa cahapu ijina usā sa iji cāna nieda tii. Musare quehnoano yedohorina ijie tii usā. Tire quehnoano masine masa, usā acaye. ² Sa yena Filipopu ijina ñano usā yuhdarire, usāre ñano tiquina yerire quehnoano masine masa. Usāre tiquina sa yepegūta Cohācjū yedohoye mehna cuero marieno Cohācjū yere quehnoañe buheyere buhei usā masa gūhare. Usāre masa peyequina tiquina ihña tuhtiepegūta quehnoañe buheyere buhei usā musare. ³ Musare buhena quehnoano usā masidire buhei usā musare. Sa buhena potota musare yedohona nii. Musare buhena ni mehoedu. ⁴ Cohācjū cahmeno saha buheaja usā. Quehnoañe buheyere buheanare Cohācjū beseri usāre. Tiquiro sa beserina usā ijigū tiqiro ye buheyere usā bugegū quehnoarine, Cohācjū ihñagū. Sa yena ohō saha buheaja usā. Masa tiquina ihña bucuatire buhena niedaja usā. Cohācjū pehe usāre tiqiro ihña bucuatire tiqiro yere buheaja usā. Tiquiro pehe mari tuhutuyere, mari ye duayere quehnoano masine. ⁵ Quehnoañe buheyere buhena tuho bucuati yahuducuyere mehna buhena niedu. Queoro quehnoano mehna buhei usā musare. Ahrire masine masa. Sa yena usā buhena, musare apee borore wapa cahmena niedu usā. Ahrire Cohācjū masine. Potota nigu niaja. ⁶ Sa buhena masa usāre tiquina ño peoatire yena niedu usā. Musare apequina gūhare usāre ño peo dutina tana niedu.

⁷ Sa ño peo dutierapenata Cristo cūrina ijiaja. Sa tiqiro cūrina ijina musare wapa cahmeboya usā. Sa yena puhto yero saha musare dutina ijiboya usā. Sa ijiepenata numino ticoro nijinogāre ticoro quehnoano masoriro saha quehnoano mehna yei usā musare. ⁸ Sa yena musare quehnoano cahmena, Cohācjū yere quehnoañe buheyere buhei usā musare. Sa yena ti dihitarre yena

niedu musare. Musare quehnoano yedohou, usã catinina. Usã cahîna musa ijigũ musare sa yedohou usã. ⁹ Sa musare cahîna tutuaro yedohou usã musare. Tire wacũre musa, usã acaye. Cohãcjũ yere quehnoañe buheyere buhena musa cwoyere sinî cariboeru musare. Sa yena decori, ñamini gãhure dahrau usã.

¹⁰ Quehnoano, potu, ni mehono marieno musare Jesu yequinare usã yerire masine musa. Cohãcjũ gũhu tire masine. ¹¹ Sa yena ihcãquiro masano tiquiro pohnene tiquiro quehnoano yahu bucuegũ yeriro saha musa gãhure yahuna bucuegũ yei. Tire masine musa. ¹² Cohãcjũ tiquiro puhtoru ijiroru, quehnoa yuhduaroru musare pijiori. Sa yena tiquiro yequina musa ijigũ Cohãcjũ cahmediro sahata musare iji dutũ usã.

¹³ Cohãcjũ yere musare usã yahurire musa tuhona, ohõ saha ni tuhaturi musa: “Masa tiquina esa tuhoro tiquina buheye ijierare. Cohãcjũ ye buheyeta ijire”, ni tuhaturi musa. Tire musa tuhutugũ masina bucueaja usã. Sa yena Cohãcjũre sinina “Quehnoare”, niaja usã tiquirore. Ijirota ijire. Musare usã buheye Cohãcjũ yahuducuye potu ijirota nine. Sa yero musa Jesure wacũ tutuana ijigũ Cohãcjũ tiquiro ye buheye mehna musare quehnoañe pehere comesagã yere. ¹⁴ Jesucristore wacũ tutuayequinare Judea yehpa cjẽnare tiquina yeriro saha musa gãhure yeri apequina. Judea yehpa cjẽna Jesu yequina pehere tiquina acaye ijiepetã ñano yuhdugũ yeri judio masa pehe. Musa gãhure musa ya dihta cjẽna ñano yuhdugũ yeri. ¹⁵⁻¹⁶ Judio masa pehe Cohãcjũ yere yahu mahtariquinare panoru cjẽnare wejẽe tiahye. Sa ye mari puhtoro Jesu gãhure wejẽahye tiquina. Sa yeye tiquina usãre cohãri. Cohãcjũre tiquina bujua witigũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gãhure pecaru wahaboriquinare “Cohãcjũ yuhduoahro”, nina. Usã sa yahu duepegũta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojoyare tiquinare tutuaro Cohãcjũ buhiri dahrerota.

Pablo Tesalónica cjẽna caharu pari turi tini duamahye

¹⁷ Usã acaye, yojoyare mehenogã musa caharu ijierana musare wacũna niaja. Sa yena musare tutuaro ihña duana, musa caharu waha duami. ¹⁸⁻¹⁹ Ihquẽ tahari yahu Pablo musare ihñagu waha duami. Yahu sa waha duepegũta Satana pehe usã wahaborirore dojomehnedi. Sa yena wahaeru usã. Usãre bucuegũ yena musa ijigũ musare ihña duami. Usã buhegũ quehnoano tuhorina ijire musa. Mari

puhtoro Jesu ahri yehparu tiquiro tojoa tagũ musa pehe usãre bucuegũ yenata. Sa yena bucueye mehna musa mehna Jesu potu ducunata. ²⁰ Sata ijire. Musare ihñano Jesu pehe “Quehnoano buheri musa”, ninota usãre. Sa yena quehnoano bucueaja usã.

3

¹⁻² Sa ye musare yoari pje ihñedana musare tutuaro tuho duana tire wacũna, Timoteore musa caharu ohou. Tiquiro mari acayuro Jesu yaquiro Cohãcjũ hacacjũno ijiro, usã mehna quehnoañe buheyere buheriquiro ijire. Sa yena tiquirore ohou Jesucristore quehnoano musa wacũ tutuatare, musa bucueati gãhure. Tiquirore ohona usã sehsharo Atena wame tiri macaru tojoari. ³ Musa ñano yuhduapenata Jesu yere musa cohãedatire ohou usã Timoteore. Jesu yequina ijina ñano yuhduanata mari. Tire masine musa. ⁴ Panopure musa mehna usã ijinina, mari ñano yuhduatireta yahu tuhasaru musare. Sa yena usã niديو sahata mari ñano yuhduu. Tire musa quehnoano masine. ⁵ Sa yegu musare yoari pje ihñedagu musare tutuaro tuho duau. Sa yegu Jesure musa wacũ tutuarire masigu tagu Timoteore ohou yahu. “Watino musare ñano ye dutiari”, nigu, “Musare usã buherire musaru duhari”, nigu, tiquirore ohou yahu. Jesu ye buheyere musa duhugũ musare usã buheri duhseati ijieraboaga.

⁶ Sa yero yojoyare Timoteo musa caharu ijiriquiro usã caharu tojoa wihiri. Sa tojoa wihiro quehnoañe qutire usãre yahuri tiquiro. Jesure musa quehnoano wacũ tutuayere, apequinare musa cahñe gãhure tiquiro yahuri usãre. Sa ni tuhasa usãre musa quehnoano wacũrre, musare usã ihña duariro sahata musa gũhu tutuaro usãre musa ihña duarire yahuri usãre tiquiro. ⁷ Sa yena usã acaye yojoyare ñano yuhduapenata musa Jesure quehnoano wacũ tutuagu tuhona usã bucueaja. ⁸ Jesure musa quehnoano wacũ tutuarire tiquiro yere musa cohãedarire tuhona quehnoano jeri sajãja usã. ⁹ Sa ni tuhutuna, Cohãcjũ ihñonopu usã tutuaro bucueaja. Sa bucuenta Cohãcjũre “Quehnoare”, niaja usã. ¹⁰ Deco gãhure, ñamipu gãhure Cohãcjũre siniaja musare usã ihñatire. Jesu yere musa quehnoano masi pehogũ ye duaja usã quehnoano musa tiquirore wacũ tutua nemoatire.

¹¹ Cohãcjũ mari Pacu tiquiro basi, mari puhtoro Jesu gũhu usãre tiquina yedohogũ cahmeaja musa caharu usã wahatire. ¹² Sa yero mari puhtoro Jesu ijipihtiequina musa mehna cjẽnare, ijipihtiequina apequina gãhure cahî nemogũ yeahro musare. Musare usã cahĩdiro sahata tutuaro cahî nemogũ yeahro musare.

13 Músare quehnoano tiqairo yedohogā, buhiri mariena, ñañe mariena ijinata msa, Cohācjū mari Pacu ihñagū. Mari puhtoro Jesu ijiphtiequina tiqairo yequina quehnoañequina mehna ahri yehpapū tiqairo tojoa tagū sata ijinata msa.

4

“Cohācjūre bucuegū ye duana ohō saha yeya”, ni yahuahye Pablo

¹ Yojoṗure Jesu mari puhtoro tiqairo dutiro mehna músare ohō saha ni yahuaja: “Cohācjūre bucuegū ye duana ohō saha yeya”, ni buhei usā músare. Usā sa buheri bato usā buheriro sahata yeñohti msa. Msa sa yeriro sahata ye nemoña. Tire tutuaro ye dutiaja músare.

² Jesu mari puhtoro tiqairo buhe dutiro mehna músare usā buherire quehnoano masine msa. ³ Ahrire músare yahu nemoutja: Msa ohō saha ijigū cahmene Cohācjū: Ñañene yeracāhña. Cohācjū ye pehere yeya. Sa yena numia mehna ñano yeracāhña. Msa numia gāhñu mehna ñano yeracāhña. ⁴ Ñano yero marieno, ño peoye mehna msa namosānumiare cuoya. Cohācjū msa tire masigū cahmene.

⁵ Cohācjūre cahmeñequina Cohācjūre masieñequina ñañene tutuaro cahmeñe, numia mehna ñano tiquina yeriro saha yeracāhña msa pehe. ⁶ Tiquina yero saha msa yeragū cahmene Cohācjū, msa acayuro namono mehna msa ñano yeratire. Msa sa ñano yena msa acayurore yuhdućana niaga. Mari puhtoro Cohācjū ti ñañene tiquina yegū ihñano buhiri dahreatiqairo ijiro nine. Sa yena músare cuesāna tire yahuaja músare.

⁷ Ñañene yeannare beserahye Cohācjū marine. Ñañene ye dutieraro beseahye marine. ⁸ Sa yena ijiphtina msa ahri usā buherire yuhdućana, masa ye buheyere yuhdućana niedare msa. Cohācjū ye pehere yuhdućana nine. Tiqairo músare Espiritu Santore ohoriquo ijire. ⁹⁻¹⁰ Msa acayere Jesu yequinare cahme cahñene Cohācjū músare buhe tuhasari. Tiqairo sa buhegū potota Jesu yequinare Macedonia cjēnare ijiphtiequinare quehnoano cahñe msa. Msa sa cahñgū ihñana “Msa acayere cahme cahña”, ni buheraja músare. Tiqinare cahñ tuhasare msa. Sa ni buhe nemoedapenata ahri pehere músare dutiaja. Yojoṗure apeqinare msa cahño sahata cahñ nemoña msa. ¹¹ Sa yena msa basi cahme ihña tuhtiro marieno ijija msa. Apeqinare sijoro saha ni yahuducueracāhña. Sa ihña cāhña tiqinare. Sa yena msa ye dahraye pehere quehnoano dahraya. Panoputa músare sa ye dutii. ¹² Sata yeya msa, apeqina

músare tiquina ño peotire, apeqina yere msa cariboerare.

Ahri yehpapūre Jesu tojoa tatire yahuahye Pablo

¹³ Yojoṗure yariariquina mñanare yahutja músare: Jesure cahmedaye, masa Cohācjū cahapū wahasi. Sa ye tiquina mehna cjēna tiquina yariagū ihñañe tutuaro bujua witire. Yariariquina mña tiquina dahse wahatire potota quehnoano msa masigū cahmeaja usā, apeqina tiquina bujua witiro saha msa bujua witiatore. ¹⁴ Jesu yariari bato masa mujari jiri. “Ti potota ijire”, niaja mari. Sa yena ahri gāhñe “Ijirota ijire”, ninata. Cohācjū pehe tiqairo yequina mñanare yariariquina mñanare masa mujagū ye, neanota Jesu mehna. Ti gāhñe “Ijirota ijire”, niaja mari.

¹⁵ Jesu tojoa tagū tiqairo yequina yariariquina mña catiequina pano masa mña muhtaeta. Mari puhtoro Cohācjū ye yahujeta ijire ahri. ¹⁶ Ohō saha ijirota Jesu tojoa tagū: Mari puhtoro tiqairo basi tutuaro sañuducu muhtanota. Sa yero tiqairo yequina angele puhtoro tutuaro pisurota. Sa tiqairo pisugū Cohācjū ya corneta bisirota. Tiquina sa yegū Jesu yequina yariariquina mña masa mña muhtaeta. ¹⁷ Came catiequinare, yariariquina mña mehna Cohācjū ahmuseṗu mujagū yerota. Tiqairo sa yegū mari puhtoro Jesure piti canata mari. Sa piti cana ijiphtie decori mari puhtoro Jesu mehna ijinata mari. ¹⁸ Ahri yuhñu yahurire msa mehna cjēnare yahuya. Sa ni yahuna, bucuenata msa ijiphtina.

5

¹ Jesu tojoa tati decore “Ahri deco tojoa tarota”, ni, músare yahu ojoasi. ² Yojoṗu msa masino saha tiqairo tojoa tati decore marine masino basioerare. Yaqueriquiro ñamipū wacūeno mehna tiqairo yaquero ahtaro saha ahri yehpapūre mari puhtoro wacūeno mehna tojoa tarota. Ahrire msa basita masine. ³ “Yojoṗure mari quehnoano ijija. Cuaru mariedare marine”, masa tiquina ni wacūgū duita ñano waharota tiqinare. Sa wahagū tiquina duhti masisi. Niji wahcōricoro wacūeno mehna ticoro puriño tuhoturo saha wacūeno mehna sa waharota masare.

⁴ Yuhñu acaye, msa pehere sa wahasi. Yaqueriquiro wuhñu cjānore tiqairo cuegū yeriro saha msa pehere sa wahasi. Jesu ahtaro músare cuegū yesi. Nahitianopū ijiequina tiquina ihña masieno saha apeqina Jesure ne masiedare. Msa pehe

tiquina yero saha ijierare. ⁵ Musa ijipihina Jesu yequina ijire. Sa yena buhri-oropu tiquina ihña masino saha Jesu ah-tatire masine musa. Apequina tiqiurore masieñequina yero saha ijieraja mari.

⁶ Sa yena Cohâcjüre tuho nunana ijiihna. Carîñequina yero saha Cohâcjüre tuho nunena ijieracâhna mari. Apequina sata yere. Tiquina yero saha yeracâhna mari. Carîñequina yero saha, queheyequina yero saha quehnoano wacû masina ijiihna mari. ⁷ Carîñequina ñamipû carîne. Sa ye queheyequina ñamipû quehere. ⁸ Mari pehe buhri-oropu ijieyehina yero saha Jesure masina ijina, quehnoano wacû masina ijiihna. Sa yena surara come suhtiro mehna tiqiuro cutirore saña cahmotariro saha Cohâcjüre wacû tutuaya musa, watînore tiqiuro cahmotatire. Sa yena Cohâcjüre, apequina gâhare cahîña. Musa sa yegû Cohâcjû musare ihña ihborota. Sa yena musare pecapû wahaborinare Jesu tiqiuro yahduoatire "Potota ijire", niña musa. Musa sa nigû surara tiqiuro dapure come sapea mehna tiqiuro pesa cahmotariro saha watîno musare ñano ye dutigû Cohâcjû tiqiurore cahmotarota.

⁹ Tiquiro buhiri dahreatinare marine beserahye Cohâcjû. Jesucristo mari puhtoro pecapû wahaborinare tiqiuro yahduoatire marine beseahye tiqiuro. ¹⁰ Jesu mari ye ijiatireta yariahye tiqiuro mehna mari ijiatire. Catiyequina, yari-ariquina gâhu tiqiuro mehnata ijietâ. Sa yena ijipihina tiqiuro mehna ijinata mari tiqiuro yequina ijina. ¹¹ Sa yena musa mehna cjênare yojoipû musa bucuegû yeriro saha musa basita bucuegû ye nemoña musa. Sa yena musa basita Cohâcjüre wacû tutua nemogû yeya musa mehna cjênare.

Jesu yequinare Pablo yahu bato tiahye

¹² Musare buheyequinare mari puhtoro buhe dutiro beseri jiri. Tiquiro sa ni besenohriquinare quehnoano ño peoya musa. Musa sa ño peogû cahmegû musare tutuaro dutiaja. ¹³ Tiquina dahrayere yegû tiquinare cahîñe mehna quehnoano ño peoya. Sa yena musa mehna cjêna mehna cahmequeno marieno ijia.

¹⁴ Musare usâ acayere, ahrire tutuaro dutiaja: Dahra dueyequinare dahra dutiya musa. Bujua witiyequinare bucuegû yeya musa. Jesure wacû tutuera cjûñequinare yedohoya. Tiquina ijipihitiyequina mehna quehnoano usuaro marieno bucueye mehna ijia musa.

¹⁵ Ihcâquiuro musare tiqiuro ñano yegû ihñana tiqiurore ñano ye cahmedacâhña. Sa yena musa mehna cjênare, ijipihitiyequina apequina gâhare quehnoano yeya.

¹⁶ Sa yena decoripe sa bucueducuya musa. ¹⁷ Sa yena decoripe Cohâcjüre siniducuya. ¹⁸ Musa ñano yahduopenata Cohâcjüre bucue, "Quehnoare", niña. Musa quehnoano yahduri pje gâhare "Quehnoare", niña. Sa nina Cohâcjû cahmeno sahata yena niaga musa. Cristo Jesu yequina musa ijigû ihñano musa sa nigû cahmene tiqiuro.

¹⁹ Espîritu Santore yahtiena ijieracâhña. ²⁰ Espîritu Santo masiñe mehna apequina musare buhere. Tiquina sa buhegû ti buheye yahtiena ijieracâhña. ²¹ Apequina musare sijoro saha tiquina ni buhegû ti Cohâcjû ye ijieragû masiña musa. Sa yena Cohâcjû ye buheye ti ijigû gâhare masiña musa. Sa masina quehnoañe buheye dihitare cahmeña. ²² Sa yena ijipihitiye ñañene yeracâhña musa.

²³ Cohâcjû marine quehnoano ijigû yeriqiuro ijire. Tiquiro basi musare tiqiuro yequinare quehnoana, ñañe mariena ijigû ye nemoahdo musare. Musa paguri gâhare musa jeriphonari gâhare quehnoano ihña ihboahro. Mari puhtoro Jesucristo ahri yehrapare tiqiuro tojoa tato pano musare Cohâcjû quehnoano ihña ihboahro musare "Ñañene yeari", nino. Tiquiro sa yegû Cristo ahtagû ñañe mariena ijinata musa. ²⁴ Sata ijigû yerota Cohâcjû. Tiquiro musare beseriquiro tiqiuro nidiro sahata yere.

Pablo gâhu quehnoa dutiahye

²⁵ Usâ ye ijiatire Cohâcjüre sini basaya musa, usâ acaye.

²⁶ Musa mehna cjênare quehnoano mehna piti caya.

²⁷ Ijipihitiyequina Jesu yequinare ahri pûre buheya musa. Jesu mari puhtoro dutiye mehna ahrire musare dutiaja yahu.

²⁸ Jesucristo mari puhtoro cahîñe mehna musare tutuaro quehnoa dutiaja.

2 Tesalonicenses

*Pablo oja ohoahye Jesu yequinare
Tesalónica cjēnare*

¹ Yuhu Pablo, Silvano, Timoteo gāhu musare quehnoa dutiaja. Sa yegu yuhu Pablo ahrire oja ohoaja. Musa pehe Tesalónica cjāna mari Pacu Cohācjū yequina ijire. Mari puhtoro Jesucristo yequina gāhu ijire musa. ² Sa yena Cohācjū mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija musa.

*Ahri yehpapure Cristo tojoa tagū buhiri
dahrerota Cohācjū*

³ Cohācjūre sinina, Jesure musa wacū tutuayerē wacūna “Quehnoa yuhduare usāre”, niducujaja usā Cohācjūre. Usā sa nigū quehnoarīne. Decoripe Cohācjūre musa quehnoano wacū tutua nemona niñohiti. Sa yena decoripe musa mehna cjēnare cahī nemona niñohiti musa. Sa ye Cohācjūre “Quehnoa yuhduare usāre”, usā nigū quehnoarīne. ⁴ Apequina musare ñano tiquina yepegūta Jesure wacū tutuaducūñohiti musa yojopu gāhare. Sa yena tiqiurore wacūna duhuerañohiti. Musa sa yegū ihñana tire musa yerire apequinare Cohācjū yequinare bucueye mehna yahuaja usā. ⁵ Sa wacū tutuaducuna Cohācjū mari puhtoro yequina musa ijiri buhiri ñano yuhduna niñohiti musa. Sa yero Cohācjū tiqiuro puhtoro ijirōpūre waha dutiri jiri musare. Tiquiro sa dutigū queoro yeriqiuro tiqiuro ijigū masiaja mari.

⁶ Sa yero Cohācjū queoro yeriqiuro ijire. Sa yero musare ñano yuhdugū yeyequina pehere ñano yuhdugū yerota tiqiuro. ⁷ Sa yero mari ñano yuhdūrina ijigū ihñano tiqiuro marine quehnoano ijigū yerota. Mari puhtoro Jesu tiqiuro yequina angele tutuayequina mehna, peca mehna uhmasepu bajaro quehnoano ijigū yerota marine, ñano yuhdūrinare. ⁸ Sa yero Cohācjūre masieñequinare, mari puhtoro Jesu ye buheyere quehnoañe buheyere yuhdūcariquinare Cohācjū buhiri dahrerota. ⁹ Sa yero Cohācjū tiquinare ohō saha buhiri dahrerota: Pecapu tiquina ñano yuhdūducueta. Sa ye tiquina tutuariqiuro mari puhtoro Jesu cahapu ne waha masiedare. Sa ye tutua yuhdūariqiuro tiqiuro ijiyere ihñasi tiquina. ¹⁰ Sata wahaarota ti decopu Jesu tiqiuro tojoa tagū. Ti decopata tiqiuro ahtarota tiqiuro yequina “Quehnoariqiuro, tutuariqiuro ijire Jesu”, tiquina ni ño peotire. Sa ye tiqiurore wacū tutuayequina ño peota tiqiurore. Musare usā buherire musa

quehnoano tuhori. Sa yena musa pehe tiqiuro mehna ijinata.

¹¹ Sa yena Cohācjūre sa sini basaducujaja usā musa ye ijatire. Ohō saha ni Cohācjūre sini basaja usā: Tiquiro cahmeno sahata musa yeatire, musa mehna tiqiuro bucueatire sini basaducujaja usā musare. Musa quehnoana iji duanata niñohiti. Sa yena Cohācjū tutuaye mehna quehnoana musa iji duariro sahata musa ijatire sini basaducujaja usā. Musa Cohācjūre wacū tutuañohiti. Sa wacū tutuana tiqiuro yere yeñohiti musa. Tire musa quehnoano ye nemoatire Cohācjūre sini basaducujaja usā musare. ¹² Sa yena mari puhtoro Jesucristore apequinare tiquina ño peogū yenata musa. Musa sa yegū Jesucristo yequina musa ijigū ihñāne apequina ño peota musare. Cohācjū cahīñe mehna, mari puhtoro Jesucristo gāhu tiqiuro cahīñe mehna sa wahaarota.

2

Ñano yeducuriqiurore yahuahye Pablo

¹ Yojopure mari puhtoro Jesucristo ahri yehpapure tiqiuro tojoa tatire, tiqiurore mari cahmecoa mari piti catire yahu nemo duaja yuhu. Ahrire tutuaro yahu duaja musare, usā acaye. ² Apequina musare ohō saha niboaga: “Mari puhtoro tiqiuro tojoa tati deco, mianogā pihtiri decopu ijiro nine”, ni mehoboaga musare. Tiquina sa nigū tuhona, tuho mariedacāhña. Sa yena tuho wisieracāhña. “Cohācjū yuhure sata nidi ijiri”, ni mehoboaga musare apeqiuro. Apeqiuro gāhu musare buhero, sata ni mehoboaga. Apeqiuro gāhu sata ni oja ohoboaga, “Yuhu Pablota ijiaja”, ni meho ojoaro. Tire musare yahuriqiurore masiedaja yuhu. ³ Apequina musare tiquina ni mehogū tuhoeracāhña musa. Ti decopu ahri yehpa pihtiato panogā peyequina masa Cohācjūre duhueta. Sa yero ti decopu ñano yeducuriqiuro pecapu wahatiqiuro ijirota. ⁴ Tiquiro Cohācjū warore, “Cohācjū ijire”, tiquina niñe queoye gāhare ijipihtiequina masare ño peo dutisi ñano yeducuriqiuro. Tiquiro ohō saha ni tuhotorota. “Ahriquina ijipihtiequina puhto tjaja yuhu”, ni tuhotorota. Sa yero Cohācjū wuhapu dujoro “Yuhu pehe Cohācjū ijiaja”, ninota.

⁵ Musa mehna ijiginu tireta yahuu musare. ¿Tire wacūajari musa? ⁶ Yojopure apeqiuro pehe ñano yeducuriqiurore ne iji dutieranine. Sa yena tiqiurore iji dutieriqiurore masine musa. Sa yero tiqiuro dutigū tiqiuro queori deco ijigū ñano yeducuriqiuro ijirota. ⁷ Yojopure masa ihñenopu tiqiuro yero saha apequina ñañene ye tuhasari. Tiquina sa yepegūta ñañene ye dutieriqiuro tiqiuro wahato pano ñano

yeducuriquiro pehe ijisi. ⁸ Tiquiro wahari bato pūritare ñano yeducuriquirota ijirota. Sa yero came mari puhtoro Jesucristo tiquirore yaria dutirota. Tiquiro asi siteye mehna ahri yehparu tojoa taro, tiquiro putiye mehna tiquirore wejē borota. ⁹ Ñano yeducuriquiro pehe wafino ye tutuaye mehna ahtaro, ti tutuaye mehna ni meho, peye ye ihñonota. ¹⁰ Tiquiro peye ñahe mehna ni mehogu pecapu wahatiquina pehe tiquirore tuhoeta. Tiquina pehe quehnoahe buheyere cahmedare. Tiquina sa cahmedagu Cohācjū tiquinare pecapu wahatiquinare yuhduosi. Sa ye tiquina ñano yeducuriquiro ni mehoriquiro tiquiro yerire “Ijirota ijire”, nieta. ¹¹ Sa yero, quehnoahe buheyere tiquina cahmedari buhiri Cohācjū tiquinare wisiagu yerota. Sa wisiaye ni mehoñene cahmeeta tiquina. ¹² Sa yero ijipihtiyequina quehnoahe buheyere tuho dueyequinare, ñahe ye coayequinare tiquirota buhiri dahrerota.

“Cohācjū musare beseahye tiquiro yequina ijigū yero taro”, ni yahuahye Pablo

¹³ Musa usā acaye, mari puhtoro Jesu tiquiro cahñona ijire musa. Duita coā waropureta musare pecapu wahaborinare tiquiro yuhduoatinare Cohācjū beseahye musare. Musare beseahye Espiritu Santo tutuaye mehna tiquiro yequina ñahe mariena musare ijigū yero taro. Sa yero quehnoahe buheyere “Ijirota ijire”, nianaja musa ijigū ihñano musare bese neahye. Tiquiro sa besenohrina musa ijigū ihñana Cohācjūre bucuena, “Quehnoare”, niducuaja usā. ¹⁴ Quehnoahe buheyere musare usā buhegū Cohācjū musare beseahye mari puhtoro Jesucristo tiquiro masa mujariro sahata musa gūhu masa mujatire.

¹⁵ Sa yena quehnoano wacū tutuana ijiya musa. Sa yena usā yahuducuye mehna usā ojoari pūri mehna musare usā buherire quehnoano wacūña musa. Sa yena ti buheyere yuhduacaeracāhña. ¹⁶ Mari puhtoro Jesucristo tiquiro basi, Cohācjū mari Pacu gūhu marine cahñe, ijipihtiye decori marine bucuegū yere. Marine cahñe, marine pecapu wahaborinare yuhduoeta. Sa yena Cohācjū tiquiro yuhduoatire quehnoano masina, bucuaja mari. ¹⁷ Jesucristo, mari Pacu mehna musare quehnoa dutiaja quehnoano musa bucuatire. Sa ye ijipihtiye quehnoañene musa yeatire, musa quehnoano yahuducuatire Cohācjūre musare sini basaja.

3

“Usā ye ijiatire Cohācjūre sini basaya”, ni ojoahye Pablo gūhu

¹ Yojoapu usā acaye, usā ye ijiatire Cohācjūre sini basaya mari puhtoro Jesu

ye buheyere peyequina masare usā buheatire. Sa yena tiquiro ye buheyere musa quehnoano cahmediro sahata apequina pehe ti buheyere ño peoye mehna tiquina cahmeatire sini basaya musa Cohācjūre. ² Ihquēquinata Jesure wacū tutuare. Apequina pehe tiquiro yere tuho dueraye, Jesure wacū tutuare. Sa yena ñahequina musa usāre tiquina ñano ye duagu Cohācjūre sini basaya musa usāre tiquiro yedohogū. ³ Mari puhtoro Jesu tiquiro nidiro sahata yeriquiro ijire. Sa yero musare tiquirore wacū tutuagū yerota. Sa yero wafino musare tiquiro ñano ye dutigū Jesu musare yedohorota. ⁴ Cohācjū musare tiquiro yedohorire masiaja usā. Sa yena musare usā dutiriro sahata musa yegū gūhure masiaja usā. Sa yena sata yeducunata musa. Ti gūhure masiaja usā. ⁵ Cohācjū musare tiquiro cahñene musare masigū yeahro. Sa yero Cristo yero saha musa ñano yuhdueregūta ihcāno sahaagū yeahro musare mari puhtoro. Sa ihña cāhña musare ñano yeyequinare.

Marine tutuaro dahraro cahmene

⁶ Jesucristo mari puhtoro tiquiro dutiro mehna ohō saha ni dutinatja musare: Jesu yequinare dahra dueyequinare, usā dutiyere yeeyequinare, tiquinare piti ti duhuya. ⁷ Sohō ijiri pje musa mehna usā ijigū tutuaro usā dahragū ihñari musa. Sa yena usā yeriro saha musa gūhure dahraro cahmene. Tire quehnoano masine musa. ⁸ Sa yena musa ihyayere wapa yero marieno ihyeru usā. Sa yena decopure, ñamipu gūhure tutuaro dahra usā “Musa ihyayere siniari”, nina. ⁹ Usā buheri wapa musare wapa ye dutiboaga usā. Sa wapa ye dutiborina ijiepenata wapa ye dutierana, tutuaro dahra usā, usāre musa ihña cūatire. ¹⁰⁻¹¹ Musa mehna ijina, ohō saha ni buhei musare: “Dahraeyequina ihyeracāhdo”, ni buhei usā musare. Ihquēquina musa mehna cjēna ne dahra duerañohiti. Sa ye apequinare ñano quti yeye, caribo yuhduañohiti tiquina. Sa yequequina musa mehna tiquina ijigū ihñana ohō saha ni ojoaja musare: “Dahraeyequina ihyeracāhdo”, niaja usā. ¹² Mari puhtoro Jesucristo tiquiro dutiro mehna dahra dueyequinare ohō saha niaja: Quehnoano bucuaye mehna dahraahro quehnoano tiquina ijiatire.

¹³ Usā acaye, musa pehe quehnoañene yeducuna caributieracāhña. ¹⁴ Ihquēquina to cjēna ahrire usā ojoarire yuhduacaboaga. Tiquina sa yegū tiquina yerire quehnoano ihñaña. Sa ihñana tiquinare piti ti duhuya tiquina buoro wahatire. ¹⁵ Sa piti ti duhupenata tiquinare ihña tuhtieracāhña. Tiquina musa acaye, Jesu yequinata ijire.

Tiquina sa ijigū tiquina yuhduducarire yahuya tiquinare tire tiquina duhugū.

Pablo tiquinare quehnoa duti bato tiahye

¹⁶ Mari puhtoro Jesu marine quehnoano ijigū yeriquiro mehna decoripe quehnoano ijiducuya m̄sa. Sa yegu “Mari puhtoro m̄sa mehna ijiphtina mehna ijiducuahro”, nigū m̄sare quehnoa dutiaja.

¹⁷ Yuhū Pablo, yuhū omoca mehnata yojopare yuhū basita oja bato tiaja. Sa yegu m̄sare quehnoa dutiaja. Ijiphtiyē yuhū ojaari pūrīne ohō saha dihita yuhū omoca mehna oja bato tiaja yuhū. Yuhū ohō saha dihita yuhū oja bato tigū ihñana yuhū ojaari pū ijigū masinata m̄sa. ¹⁸ Mari puhtoro Jesucristo cahñē mehna tutuaro quehnoa dutiaja m̄sare ijiphtinare.

1 Timoteo

Pablo Timoteore ojoa ohoahye

¹ Yuhu Pablo ahrire muhare Timoteore ojoa ohoaja. Cohācjū marine pecapu wahaborinare yuhduoriquiro ijire. Jesucristo yere buhe duti tiqiuo cūrigu ijiaja yuhu. Mari Pacu, Jesu mehnata tiquina dutiuro sahata tiqiuo cūrigu ijiaja yuhu. Jesuta marine yedohore. Sa yena marine tiqiuo yuhduoatire masina, tire cohteaja mari. ² Muhare Timoteore Jesu yere buhei. Yuhu sa ni buhegū tuhogu Jesure wacū tutua ducari mahu. Sa yegu mahu potota yuhu macu yero saha ijiguta nine. Sa yegu Cohācjū mari Pacu mehna, mari puhtoro Jesucristo mehna muhare quehnoa dutiaja. Sa yegu muhare paja ihñañe tiquina yedohoye mehna quehnoano ijitya mahu.

Pablo ni mehoñe buheyere buhe dutierahye

³ Sohō ijiri pjere Macedonia yehparu wahagu muhare Efesoru cū yuhdu cāu. Topu ihquēquina tiquina ye buheyere ni mehoñe buheyere buheyequina ijiri. Ti buheyere buhe dutieracjare muhare cūu yuhu. ⁴ Tiquina esa tuharo sa buhe maca cāre. Sa ye tiquina acaye panopu cjenā tiquina esa tuharo tiquina buherire sa buheducure. Ti buheye mehna apequna mehna cahme duse tutuaducure. Cohācjū marine tiqiuo dutirire quehnoano yegū yerare tiquina sa buheye. Cohācjū ye pehere yena tiqiuore wacū tutuaja. Sa yegu tiquina esa tuharo tiquina buherire buhe dutieracjare cūu muhare.

⁵ Sa cūu muhare Jesu yequina apequnare "Cahiaho", nigu. Ñañe buhiri marieno mehna, quehnoañe wacūñe mehna, poto Cohācjūre wacū tutuaye mehna apequnare tiquina cahitire sa cūu muhare. ⁶ Ihquēquina ahri quehnoañe buheyere cohā tuhasa, apeye buheye pehere cahmene. Sa ye ti buheye pehere cahme duse tutuaye wisia wahare. Ti buheyere tiquina cahme duse tutuaye ti dahseati ijierare. ⁷ Sa ye tiquina Cohācjū dutiyere buheyequina iji duamene. Sa buhe duepeta ti buheyere tiquina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiquina.

⁸ Cohācjū dutiyere Moise marine tiqiuo cūrire queoro mari buhegū quehnoañe dutiye ijire. Tire mari quehnoano masiaja. ⁹⁻¹⁰ Ti dutiyere buhena ahrire masino cahmene: Ti dutiye quehnoañequinare tiquina buheati ijierare. Ahriquina

pehere tiquina buheati ijire. Dutiye yuhduacayequinare, Cohācjūre yuhduacayequinare, ñañe dihitare yeyequinare, Cohācjūre cahmeeñequinare, tiquina pacasumare wejñequinare, tiquina pacosānumia gūhure wejñequinare, apequna masare wejñequinare, wuana tiyequinare, cahme numia mehna tiquina ñano yeriro saha umā sehsaro o numia sehsaro ijiepetā tiquina pagari mehna ñano yeyequinare, masa tiquina ijiepegūta tiquinare duayequinare, ni mehoñequinare, Cohācjū dutiye Moise marine tiqiuo cūri pehe tiquinare buheati ijire. Sa yero apequna ijipihtiyequinare quehnoañe buheyere yuhduacayequinare buheati ijire Cohācjū dutiye. ¹¹ Quehnoañe buheye pehe quehnoariquiro Cohācjū tiqiuo ye buheyeta ijire. Ti buheye pehere yuhare Cohācjū buhe dutiri.

Cohācjū paja ihñañe yahuahye Pablo

¹² Sa yuhu buhegū Jesucristo mari puhtoro yuhare tutuayere ohoro, yuhare yedohore. "Pablo buhero, ye buheyere quehnoano buherota", ni tuhotori Jesu yuhare. Sa yero yuhare besero tiqiuore yedohoacjare cūri yuhare. Tiquiro sa yegū "Quehnoare", niaja yuhu tiqiuore. ¹³ Panopure Cristore yuhu ñano yahuducuepegūta, tiqiuo yequinare ñano yuhu yepegūta, tiqiuo yuhare beseri. Sa yegu tiqiuore masiedarigu tiqiuore ñano yegu "Ñano yei niaga yuhu", ni tuhotaera. Yuhu sa masiedagū ihñano tiqiuo paja ihñari yuhare. ¹⁴ Sa yero Cohācjū mari puhtoro yuhare tutuaro cahño, quehnoano yeri yuhare. Sa yero Cristo Jesure wacū tutuagū yeri yuhare tiqiuo. Sa yero apequnare cahigū yeri yuhare Cohācjū.

¹⁵ Yuhu pehe apequna yuhduoro ña yuhduagu ijimi. Ñana mari ijiepegūta Jesucristo ahri yehparu ahtari jiri ñañequinare pecapu wahaboriquinare yuhduoatiqiuo. Ti ijirota ijire. Tiquiro sa ijiriqiuo ijigū ijipihtiyequina tire masiaho. ¹⁶ Ña yuhduagu yuhu ijiepegūta tiqiuo yuhare paja ihñari. Sa paja ihñano Jesucristo usuaro marieno yuhare tiqiuo quehnoano yerire masigū yero nidi apequnare came tiqiuore wacū tutuatiquinare masigū yero taro. Sa wacū tutuatiquina umusepu sa ijiducuetā. ¹⁷ Cohācjū ijipihtiyere decori masa puhtoro ijire. Tiquiro ne yariere. Sa yero mari mehna tiqiuo ijiepegūta tiqiuore ihñedaja mari. Sa yero tiqiuo dihita Cohācjū waro ijire. "Potota quehnoariquiro, tutuariquiro ijire tiqiuo", niñna mari tiqiuore. Ijipihtiyere decori tiqiuore ño peouhna. Sata yeihna.

¹⁸ Timoteo yuhu macu yero saha ijire mahu. Sa yegu yojopure ahrire muhare

duitaja: Mari acaye Jesu yequina Cohācjū yere yahu mħtariquina mħhure tiquina ni mħhtariro sahata mħhure duitaja. Cristo yere quehnoano yahuducuya. Sa yegu ñano yħdħepreguta tiqirore wacū tutua duheracāhña mħh. ¹⁹ Jesure sa wacū tutuaducuya. Ñañe buhiri mariegu ijiya mħh. Sa yegu quehnoañe dihitare yeya. Iħquēquina tire yeraye, Jesu yere cohāre. Sa cohāñe tiqirore wacū tutua duhuri. ²⁰ Sata yeri Himeneo, Alejandro mehna. “Watño tiqiro cahmeno sahata yecūnahdo musare”, ni cūu tiquinare, Cohācjūre tiquina ñano yahuducu nemoedatire.

2

Cohācjūre sini basayere yahuahye Pablo

¹ Yojopare ohō saha ni duti mħtaja musare: Ijipihtiequina ye ijiatire Cohācjūre sini basaya. Sa sini basana “Quehnoare. Bucueaja”, niña Cohācjūre. ² Pħtoa, apequina masa bui dutiequina gūh tiquina ye ijati gūhure Cohācjūre sini basaya, cahmequeno marieno Cohācjūre ño peona mari quehnoano ijiatire. Sa sini basana mari quehnoañene yena quehnoano iji masiaja. ³⁻⁴ Sata apequina ye ijiatire mari sini basagū quehnoarīne. Tire mari yegū ihñano Cohācjū marine yħdħoatiquiro pehe marine quehnoano ihña bucuere. Ijipihtiequina pecarū wahaboriqinare tiqiro yħdħoriquina ijigū cahmene Cohācjū. Sa yero quehnoañe buheyere tiquina masigū cahmene tiqiro. Sa yero apequina ye ijiatire mari sini basagū bucuere tiqiro. ⁵ Iħcāquiota ijire Cohācjū. Sa yero Cohācjūre mari ihña tuhtigū Cohācjū gūh marine tiqiro ihña tuhtigū, marine bosariquiro iħcāquiota ijire. Tiquiro Jesucristo ijire. Jesucristo gūh masanota ijiri. ⁶ Sa yero wapamonore wapa ye basaro saha ijipihina mari ñañe buhirire yariahye. Cohācjū tiqiro queori pjepu tire masare masigū yeri. ⁷ Tire yahucjāre, Jesu tiqiro cūcjāre Cohācjūpū yħhure beseri. Sa yero judio masa ijieyequinare Jesure wacū tutuayere, quehnoañe buheyere buheacjāre beseri yħhure. Potota musare yahugū niaja yħh. Ni mehoedaja.

⁸ Cohācjū yere quehnoano yeyequina, ijipihitiro cjēna pehe Cohācjūre tiquina sinigū cahmeaja. Sa yegu tiquina usaro marieno, unureno marieno tiqiro mehna tiquina yahuducugū cahmeaja.

⁹ Sa yegu numia pehere quehnoañequina numia ye suhti yero saha sañañequina numia ijigū cahmeaja. Sa ye sijoro saha bajuye poari tiquina poarire yeracāhdo. Uru dari busaye darire, perla dari gūhure busaeracāhdo, tiquina umuare “Ihña ue

pjeari”, niñe. Sa ye wapa bajuye suhtire sañaedacāhdo tiquina Jesu yequina numia. Umuare tutuaro ue pjegū yeracāhdo. ¹⁰ Sa ye tiquina numia quehnoañe pehere yeahro. Sata yero cahmene “Cohācjū yequina numia ijiaja”, niñequina numiare. ¹¹ Dihta marieno ño peoye mehna buheyere tuhoahro tiquina numia. ¹²⁻¹⁴ Sa yeye numia umuare buheracāhdo. Sa yeye umuare dutieracāhdo. Tiquina numia pehe dihta marieno ijiaho. Adāre Cohācjū ye mħtahye. Tiquiro bato Evare yeahye. Sa yero watño ni mehogū tħhoriquiro Adán ijierahye. Tiquiro ni mehogū tħhoricoro pehe Eva ijiahye. Sa tiqiro ni mehogū tħhoro, Cohācjūre yħdħucaricoro wahahye ticoro. Sa yeye, numia pehe umuare dutieracāhdo.

¹⁵ Numino iji mħhtaricoro ticoro yħdħducaepegūta numia tiquina pohna tigū ihñano tiquinare Cohācjū yedohorota. Tiquina numia pohna tiye numia pehe Cohācjūre tiquina wacū tutuaducugū tiqiro yedohorota tiquinare. Sa yero masare, Cohācjū gūhure tiquina cahīducugū, quehnoañequina numia tiquina ijiducugū, ñañe marieñequina numia tiquina ijigū Cohācjū tiquinare yedohorota.

3

Jesu yequina pħtoa tiquina yeatire yahuahye Pablo

¹ Masa Jesu yequina pħtoa iji duaye, quehnoañene ye duaye niaga tiquina. Tī ijirota ijire. ² Jesu yequina pħtoare besegu ohō saha ijieyequinare beseya: Buhiri marieñequinare beseya “Apequina tiquinare ñano ni yahusāri”, nigū. Sa yegu ihquēquina numiare namo tiyequinare, quehnoano tuho masiñequinare, cua pesayequinare, masare quehnoano mehna tiquina ya wħhure sajā ta dutiequinare, apequinare quehnoano buhe niñiñequinare beseya mħh. ³ Sa besegu queheye marieñequinare, cahmequeñe marieñequinare, masare quehnoano yeyequinare, cahme dħse tutueyequinare, niñerure cahñequinare beseya mħh. ⁴ Sa ye mħh beseriquina tiquina pohnene, tiquina namosānumia gūhure ño peoye mehna yħhtigū yeyequina ijiaho. ⁵ Tiquinare yħhtigū ye masiedaye Jesu yequina gūhure yħhtigū ye masiedaboaga tiquina.

⁶ Jesu yequina pħtoa iji duayequina Jesu yequina coā sajāñequina ijiye, tiquina pħtoa iji masiedare. Coā sajāñequinare Jesu yequina pħtoa masa cūgū tiquina “Quehnoa yħdħuana ijiaja”, ni tħhotuboaga. Tiquina sa ni tħhotugū Cohācjū tiquinare buhiri dahre dutirota watñore tiqiro

yeriro saha. Watfno gāhu sata ni tūhotumahye Cohācjāre yūhdūca duaro.

⁷ Sa ye Jesu yequina pūthoa ijiatiquina ohō sahata ijiro cahmene. Jesu yequina ijieyequina tiquina űo peonohnequina ijiro cahmene tiquinare. Quehnoano yevequina tiquina ijigū ihñāñe apequina űo peoeta tiquinare. Sa quehnoano yeve, watfno cahmeñene wacūeno mehna tiqiro ye dutigū tiquina pehe watfno cahmeñene yesi. Sa ye masa tiquinare űano quti dahresi.

Jesu yequinare yedohoatiquina tiquina yeatire yahuahye Pablo

⁸ Sa yegu Jesu yequinare yedohoatiquina pehere besegu ohō saha ijieyequinare beseya: Tiquina cua pesaro ijieyequinare, quehnoano potota yahuducyequinare, queheye marieñequinare, apequina yere ni meho ehmeñequinare beseya mūhu. ⁹ Sa yegu űañe buhiri marieno Cohācjū ye buheyere sa wacū tutuaducyequinare beseya mūhu. ¹⁰ Sa yegu Jesu yequinare yedohoatiquina iji duayequinare tiquina yerire ihñāñe mūhu. Tiquinare mūhu sa ihñari bato tiquina pehe buhiri marieñequina ijieye, Jesu yequinare yedohoatiquina sajāahdo tiquina.

¹¹ Sa yena tiquina namosānumia ohō saha tiquina ijigū cahmeaja mari. Cua pesayequina numia, űañe quti marieñequina numia, tūho masiñequina numia, ijipihiyere quehnoañene yeducyequina numia tiquina ijigū cahmeaja mari. ¹² Sa yegu Jesu yequinare yedohoatiquinare besegu ihquēquina numiare namo tiyequinare, tiquina pohnene apequina tiquina ya wūhu cjēna gūhure quehnoano yūhtigū yevequinare beseya.

¹³ Sa ye mūhu beseriquina Jesu yequinare tiquina yedohogū apequina tiquinare quehnoano ihñā bucueeta. Sa ye tiquina yedohoyequina pehe quehnoañe buheyere, Jesucristo tiquina wacū tutuaye gūhure cuero marieno buheeta tiquina.

Cohācjū ye buheyere yahuahye Pablo

¹⁴⁻¹⁵ Yojoṗure mūhu caharū waha duagu niaja. Sa waha duepegūta yojoṗure wahaeranigū ahri pūṗu yahu, mūhure ojoa ohogu niaja. Jesu yequina cahmeoañequina watoa masa yeatire mūhure yahu ojoa ohogu niaja, “Mianore waharīsi”, nigū. Jesu yequina Cohācjū catiriquiro yequina ijire. Tiquiro yequina potō ijieye buheyere Cohācjū ye buheyere cūore. Sa cūoye tire buheducure. ¹⁶ Ahri ijirota ijire. Marine Cohācjū tiquiro buheri, panorū mari quehnoano masiedari quehnoa yūhdūaye buheye ijire. Ahri buheye ohō saha ijire:

Tiquiro Cristo mari pagū yero saha pagū tiriqiro masa bajaahye. Quehnoariqiro, űañe marieniqiro

tiquiro ijigū ihñori Espiritu Santo pehe. Angele gūhu tiquirore ihñari. Sa ye tiquiro buhe duti cūriquina pehe apeye yehpari cjēnare tiquiro yere yahu buhere. Sa ye ahri yehparū masa peyequina tiquirore wacū tutuari. Came űhmuseṗu Cohācjū neari tiquirore. Ti ijire quehnoañe buheye.

4

Quehnoañe buheyere cohāriquinare yahuahye Pablo Timoteore

¹ Espiritu Santo ahrire quehnoano yahure: Pihtiri deco panogā ihquēquina masa Jesu ye buheyere cohāeta. Sa ye ni meho buheyere watfno ye buheye pehere tūho nūnūeta tiquina. ² Ti buheyere ni mehoducyequina yahueta masare. Tiquina ni mehoducyequina pehe “űañe buhiri mariedare űsāre”, ni tūhotuyequina ijire. Sa ye tiquina űañe yeyere “űañe ijire”, ni tūhotuerare. ³ Ohō saha ni buheeta tiquina: “Namo tieracāhña. Ahri ihyayere ihyeracāhña”, ni buheeta tiquina. Tiquina sa ihya dutierapēgata Cohācjū ihyayere bajumehnoo mari ihyayere quehnoañene cūahye tiquiro. Mari Cristore wacū tutuana ijigū quehnoañe buheyere mari masina ijigū, mari ye ijiatire ti ihyayere bajumehneahye tiquiro. Ti ihyayere cūona tiquirore “Quehnoare”, mari nigū cahmene tiquiro. ⁴ Ijipihtiyē Cohācjū tiquiro bajumehnedi quehnoañe ijire. Sa yena tiquiro bajumehnedi ihyayere nena, Cohācjūre “Quehnoare”, nina, tire marine cohāedarō cahmene. Tire marine bucue ihyarō cahmene. Sa yegu apequina tiquina ihya dutieragū tūhoeracāhña tiquinare. ⁵ Tiquiro bajumehnedi quehnoañe ti ijigū yahu tuhasahye Cohācjū. Sa ye tiquirore “Quehnoare”, mari ni bucueri bato ti ihyayere tiquiro yeri ihyayere quehnoañe waro ijiro nine.

Jesucristo cahacjānore Timoteore quehnoariqirore yahuahye Pablo

⁶ Ahri yūhu yahurire Jesu yequinare mari acayere buhegu Jesucristo cahacjū quehnoagu ijire mūhu. Sa buhegu quehnoañe buheyere, quehnoano mūhu tūhorire quehnoano masi pehogū ijire mūhu. ⁷ Sa yegu tiquina esa tuharo tiquina buherire, Cohācjū ye ijieyere tūhoeracāhña. Sa yegu Cohācjū cahmeñe pehere yepogu ijia mūhu. ⁸ Mūhu dahrapogū quehnoa cjūre. Mūhu dahraporiro yūhdūoro Cohācjū cahmeñene mūhu yepogū quehnoa yūhdūare mūhure. Cohācjū cahmeñene yepogu yojoṗure quehnoano ijigūta mūhu. Sa yegu mūhu yariari batopū gūhure masa mūjagu quehnoano ijigūta mūhu. ⁹ Ti

ijirota ijire. Ijipihtiyequina tire yahu nidire masiñequinare "Ijirota ijire", nino cahmene tiquinare. ¹⁰ Ijipihtiyequina tire tiquina niatire Cohācjū cahmeñene tiquina yeatire mari tutuaro dahraja. Sa yena ñano yuhduaja mari apequina marine ñano tiquina yegū. Cohācjū catiriqiuo, ijipihtiyequinare pecapu wahaboriquinare yuhduoriqiuo ijire. Tiqiuore wacu tutuayequina pūritare tiqiuo yuhduorota. Sa yena tiqiuo yuhduoatire masina, cohteaja mari. Sa yena Cohācjū cahmeñe pehere masa tiquina yeatire tutuaro buhe dahraja mari.

¹¹ Ti ijipihtiye yahu nidire dutiya Jesu yequinare. Sa yegu tire buheya mahu. ¹² Wahmu mahu ijigū ihñañe apequina Jesu yequina mahure yuhduaca duaboaga. Tiquina "Sa yeari", nigu, ohō saha ye ihñaña tiquinare. Masare cahña. Sa yegu Jesure wacu tutuaducuya. Sa yegu buhiri mariegu ijiya. Wahmu ijiepeguta mahu sa yegū ihñañe mahure yuhduacasi tiquina. Sa ye mahu yahuducurire tuhoye, mahu yerire ihñañe mahure ihña cūeta. ¹³ Sa yegu mahu cahapu yahu esato pano Jesu yequinare Cohācjū yere tiquina ojoari pūre buhe tuhasa tiquinare sa yahu quehnoducuya. ¹⁴ Jesu yequina puhtoare Cohācjū tiqiuo dutigū tiquina pehe Cohācjū yere yahu tuhasa mahu bui tiquina omocarine duhu peori. Tiquina sa duhu peogū Cohācjū ye ijiatire mahu ye masiatire cūri mahure Cohācjū. Tiqiuo sa cūrire ye duhueracāhña.

¹⁵ Ahri dutiyere sa yeducuya mahu. Sa yegu ahri dutiyere quehnoano masiña. Mahu sa yeri bato quehnoañene mahu ye nemogū ijipihtiyequina ihñaeta. ¹⁶ Mahu pehe quehnoano yeya mahu, "Sijoro saha yeari", nigu. Sa yegu quehnoano buheya mahu, "Sijoro saha buhari", nigu. Sa yegu mahu basita pecapu wahaborigu yuhduaguta mahu. Sa ye mahure tahoriquina gūhu pecapu wahaboriqiuna yuhdueta.

5

"Apequina Jesu yequinare ohō saha yeya mahu", nahye Pablo Timoteore

¹ Ne bucurore tuhtieracāhña. Mahu pacare mahu quehnoano yeriro sahata bucuro gūhure quehnoano mehna yahuya. Sa yegu mahu bahanare mahu quehnoano yeriro sahata wahma pjia gūhure quehnoano ño peoro mehna tiquinare yahuya. ² Sa yegu mahu pacore mahu quehnoano yeriro sahata bucuna numia gūhure quehnoano ño peoye mehna yahuya. Sa yegu mahu bahana numiare mahu quehnoano ño peoriro sahata numia gūhure ñano ne pjero marieno,

quehnoano ño peoye mehna yahuya tiquinare.

³ Sa yegu wape wiha numiare potota acaye marieñequina numiare ño peoye mehna yedohoya tiquinare. ⁴ Wape wihoro pohna tiricoro ijigū, o panamena tiricoro ticoro ijigū gūhure ticoro pohne, ticoro panamena gūhu yedohoahro ticorore. Sa yedohoye Cohācjū masare tiquina acayere tiqiuo ye dutiyere yeye nine tiquina. Sa yeye tiquina ticorore wapamonore wapa yeye niaga. Tiquina sa yegū ihñaño Cohācjū quehnoano bucuere. ⁵ Pejecoricoro, wape wihoro acaye marienico ijiro, Cohācjū ticorore tiqiuo yedohoatire cohtere ticoro. Sa yero ñaminipe, decoripe ticoro Cohācjūre sa siniducure. ⁶ Apecoro pehe wape wihoro ñañe mehna bucu duaricoro ijiro, Cohācjū catiricoro ijieperota pecapu wahaticoro ijire.

⁷ Ahri ijipihtiye yahu yahurire Jesu yequina gūhure ye dutiya mahu, quehnoañe dihitaro tiquina yeatire. Tiquina sa yegū ihñañe apequina tiquinare "Ñano yeye nine", ni masiedare. ⁸ Ihcāqiuo tiqiuo acayere ihña ihboeraro, tiqiuo pohne tiquina pacoro gūhure quehnoano ihña ihboeraro "Jesu yaqiuo ijiaja", ni masiedare. Sa yero Jesure cahmeñequina yuhduoro ña yuhduariqiuo ijire tiqiuo.

⁹ Wape wiha numiare yedohonata maha. Ohō saha beseya maha yedohoatiquina numiare. Tiquina wamene ojoa ohōati pūru ojoagu tagu ohō saha beseya tiquina numiare: Sesenta cahmari caoericorore ticoro wamene ojoa ohōedacāhña. Sa yegu wape wihoro ihcāqiuoreta manu timedicorore ticoro wamene ojoa ohōña. ¹⁰ Sa manu timediquina numiare "Quehnoañene yeyequina numia ijire", masa tiquina ñiñequina numiare, tiquina pohne quehnoano masori numiare beseya. Sa yegu tiquina ye wuhseru apequinare quehnoano sajā ta dutiyequina numiare, cahacjēna yero saha Jesu yequinare yedohoye numiare, tiquina dahpocārine coseri numiare, ñano yuhduyequinare yedohoye numiare, quehnoañe dihitaro yeye numiare beseya. Tiquina numiare maha yedohoati numiare bese tuhasaguru, tiquina wamene ojoa ohōña mahu.

¹¹ Sa ye wape wiha numia numia cūño tiquina ijigū tiquina numia pehere bescacāhña. Sa yegu ti pūru tiquina wamene ojoa ohōedacāhña. Came tiquina yere tutuaro ye duaye, Cristore cohā, pari turi manu tiboaga. ¹² Tiquina Cristore "Mahu yequinare yedohonatja", nidiquina numia ijiepetata camepare tiquina nidiro sahata yedohoeraboaga tiquina. Tiquina sa yedohoerari buhiri buhiri tieta. ¹³ Tiquina numia ohō saha yere: Dahraeye numia ijipore.

Sa ye apequina ye wuhusepu waha, ñañe quiti dahre, sijoro saha mari yegū marine sa yahuducure. Sa ye tiquina yahu dutierarire yahu wajare tiquina numia.

¹⁴ Sa yegū tiquina numia ohō saha yegū cahmeaja yahu: Wape wiha numia numia manū tiahro. Sa ye Jesu yequinare “Usāre yedohoya”, nino marieno ijiahiro tiquina numia. Sa ye tiquina pohna tiahro. Sa ye tiquina ye wuhuse cjenare quehnoano ihña ihboahro. Mari ye numia wape wiha numia tiquina sa yegū marine ihña tuhtiyequina marine “Ñañene yeye nine”, ni tuhti masiedare. ¹⁵ Yojopū pūritare ihquē numia wape wiha numia Cristo yere duhu, wafino cahmeñe pehere ye tuhasare. Sa yegū sa ni yahuaja mūhure.

¹⁶ Jesu yequina tiquina acayoro wape wihoro ticoro ijigū tiquina ticoro acaye ticorore yedohoahro. Apequina Jesu yequina pehe ticorore yedohoeracāhdo. Sa ye Jesu yequina ticoro acaye cuoricorore yedohoeraye, apequina numia wape wiha numia acaye marieñe numia pehere yedoho masine.

¹⁷ Jesu yequina puhto masare tiquina quehnoano buhegū tiquina dahrayere tiquina quehnoano yegū ihñana ño peoya tiquinare. Sa yena quehnoano wapa yeya tiquinare. Ihquēquina tiquina mehna cjenā Cohācjū yere yahuequina masare buheyequina gūhu ijire. Tiquina pūritare apequina yuhduoro quehnoano ño peoya. ¹⁸ Cohācjū yere tiquina ojoari pūpu ohō saha nine, dahrariquirore tiquina wapa yeatire yahuro: “Wecu trigo pjerire tiquiro dahpocāri mehna suhti wegū tiquiro duserore cahmotaeracāhña. Tiquiro cahmeno ihyaahro”, ni ojoahye. Sa yero ape pūpu ohō saha nine: “Dahrariquirore tiquiro dahrari wapare ohoro cahmene”, nine Cohācjū yere tiquina ojoari pūpu. Tiquiro sa nigū tuhona Jesu yequina puhtoare quehnoano ño peoya masa. Sa yena quehnoano wapa yeya tiquinare.

¹⁹ Jesu yequina puhtorore tiquiro ñano yegū ihñano ihcāquirota yahusā masiedare. Puhtorore ñañene yahusātiquina ihtiaro ijije, tiquirore yahusā masine. Ihtiaro mariedagū puaro yahusā masine. ²⁰ Sa yena ñañene yeducuriquirore ijipihtina masa watoa tiquiro ijigū tiquirore tuhtiya, apequina cueatire, ñañene tiquina yeratire. ²¹ Sa yegū Cohācjū, Jesucristo, tiquiro beseriquina angele gūhu tiquina ihñonopu ahrire dutiaja mūhure: Yojopu mūhure yahu dutirire ye pehoya. Sa yegū ijigū ijip-ihitiyequinare Jesu yequinare ihcāno saha yeya. Apequirore sijoro saha, apequirore sijoro saha yeracāhña. ²² Apequinare Cohācjū dahrayere mūhu cūatire tiquina bui mūhu omocarine mūhu duhu peoato pano

sojaro marieno quehnoano taho masiñe mehna tiquinare beseya. Tiquina ñañequina ijiboaga. Sa ijieyequinare Cohācjū dahrayere cūdacāhña. Sa cūgu mūhu gūhu mūhu duhu peoyequina tiquina ñañene yero sahata yegū niboaga mūhu. Sa yeracāhña. Sa yegū ñañe mariegu ijija mūhu.

²³ Usuro waro paa purīnohgu ijire mūhu. Sa yegū yojopare acō dihitarē sihnimene mūhu. Sa yegū mehenogā vino gūhure sihniña mūhu. Paa purīne cō ijire ti.

²⁴ Ihquēquina tiquina ñañene yegū mari ihñaja. Sa yena Cohācjū tiquinare tiquiro buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata. ²⁵ Ti ijiro sahata ihquēquina quehnoañene tiquina yegū tire mari masiaja. Apeye tiquina quehnoañe yerire yojopare masiedapenata camepu masinata mari. Ti quehnoañene nuono basioerare.

6

¹ Cahacjena Jesu yequina pehe tiquina puhtoare quehnoano ño peoahro. Tiquina sa ño peogū ihñañe apequina Cohācjūre, mari buheye gūhure ñano yahuducu masiedare. ² Tiquina puhto Jesu yequina tiquina ijigū ihñañe tiquina cahacjena pehe Jesu yequina ijije, tiquinare ihñapoye ño peoeraboaga. Sa yeraro cahmene. Tiquina puhto Jesu yequina tiquina ijigū pūritare tiquina cahacjena quehnoano ño peoahro tiquinare. Sa ño peoye tiquina cahacjena pehe Jesu yequinare, tiquina cahñequinare yedohoye nine. Tiquina puhtoare Jesu yequinare yedohoye, Jesure cahmeñequinare tiquina ño peoriro yuhduoro Jesu yequina pehere ño peoahro tiquina cahñequina ijigū. Ahri yahu yahurire buheya. Sa yegū ahrire dutiya.

Cohācjūre ño peoye gūhure quehnoano ijije gūhure yahuahye Pablo

³ Sijoro saha ijije buheyere buheriquiro mari puhtoro Jesucristo ye buheyere quehnoañe buheyere “Ijirota ijire”, ni taho duerare. Sa yero mari ye buheyere Cohācjūre ño peoye buheyere cahmedare. ⁴ Sa yero tiquiro “Masi pehogū ijiaja”, nieperota tire ne masiedare. Sa yero taho masieniquiro yero saha tutuaro cahme duse tutua duare tiquiro. Sa yero Cohācjū yere sa ni maca cāriquiro ijire. Masa tiquiro yero saha ijieyequina cahme duse tutuaye, tiquina basi cahme ihña cooye, cahme ihña duerare. Sa ye apequinare ñano quiti dahreye, masiedapeta masare ñano ni tshoture tiquina. ⁵ Sa ye tiquina ñañe dihitarē tshotuyequina, poto ijijere ne masieñequina sa cahme duse tutuaducure.

Sa ye “Cohācjū yere buhena, niñerure wapatanata mari”, ni tuhature tiquina.

⁶ Mari ye mehenogā mari cwoye mehna bucuenta, Cohācjūre ño peona, potota quehnoano ijina najaja mari. ⁷ Ahri yehparure masa bajuana ne apee borore ne cāhtaerū mari. Sa yena mari yari-ari bato wahana, ne apee borore nea masiedaja mari. Sa yena masa yere masa cwoye mehna to punota bucueya. Pajiro cahme nemoedacāhña. ⁸ Sa yena mari ihyayere mari suhti gūhare cwoña apeyere cahme nemoedacāhña. Masa cworo punota bucueya masa. ⁹ Doeri cjē opana iji duayequinare watño ñañene tiquiro ye dutigū tiquina pehe peye ñañene yeducueyena ijiboaga. Sa ye tiquina peye tahari tuho masieñequina yero saha apee borore tutuaro cahmeñe, ñañe yeyere duhueraye, tiquina basita ñano yūhdare. Sa duhueraye, pecarū wahaeta tiquina. ¹⁰ Niñerure tutuaro cahmeñe, peye ñañene ye dūcare masa. Ihquēquina niñerure cahñe, tutuaro cahmeñe, Jesure wacū tutua duhuye, peye tahari ñano jeripohna tire tiquina.

Cohācjū yere yena ñañene duhuya

¹¹ Mūhū pūrita Cohācjū yaquirota ijire. Sa yegū ahri ñañene yeracāhña. Sa yegū quehnoañe pehere cahmeña. Cohācjū yere yeya. Sa yegū Jesure wacū tutuaya. Sa yegū apequinare cahñña. Ñano yūhduepeguta ihcāno sahaya. Sa yegū sa tuhutu cāhña. ¹² Hmūserū sa ijiducucjūre Cohācjū beseri mūhare. Sa yegū Cohācjūre mūhū wacū tutuayere peyequina masare quehnoano yahuri mūhū. Sa yegū ñano yūhduepeguta tiquirore wacū tutua duhueracāhña hmūserū mūhū sa ijiducuatire. ¹³ Cohācjū ijipihtiyequinare catigū yeriquiro ijire. Ijipihtiyere ijigū yeriquiro ijire. Sa yero Jesucristo pehe Poncio Pilatore Cohācjū yere quehnoano yahuriquiro ijire. Sa yegū Cohācjū, Jesucristo gūhū tiquina ihñonorū ahrire mūhare ye dutiitja: ¹⁴ Mūhare tiquiro dutirire ye peho cāhña. Jesucristo tiquiro tojoa tato pano masa mūhare ñañene tiquina “Yahusāri”, nigū, tiquiro dutirireta yeducuya. ¹⁵ Tiquiro queoriro sahata Cohācjū Cristore tojoa tagū yerota. Cohācjū quehnoariquiro, tiquiro dihita masare dutiriquiro ijire. Sa yero ijipihtiyequina apequina pūhtoā bui pūhtoro ijire tiquiro. ¹⁶ Sa yero tiquiro dihita ne yariquiro ijire. Tiquiro asi siteye mehna ijiriquiro ijire. Sa ye masa tiquiro asi siteye caharū waha masiedare. Sa yeye tiquirore masa ne ihñedari. Sa yeye yojorū gūhare tiquirore ihñedare. Tiquiro pehere ño peouhna. Sa yena “Ijipihtiye decori tutuariquiro ijire tiquiro”, niñhna tiquirore. Sata niñhna.

¹⁷ Ahri yehpa cjēna doeri cjē opanare ohō saha ni dutiya mūhū: “Apequinare masi yūhduecāja”, ni tiquina basi tuhouteracāhdo. Tiquina doeri cjē tiquina cwoye pihtia waharota. Sa yeye tiquina cwoye dihitarē bucueracāhdo. Cohācjū pehere bucueahro. Ijipihtiye pototi mari cahmeñene ohoriquiro ijire tiquiro. Tiquiro pehere wacū tutuahro tiquina doeri cjē opana. ¹⁸ Sa yeye tiquina quehnoañe pehere yeahro pajiro quehnoañene yeyequina tiquina ijiatire. Sa yeye tiquina cworire apequinare ohoahro. ¹⁹ Tiquina sa yegū hmūserū Cohācjū caharū tiquina ye ijirota. Topū tiquina ye ijigū ne butisi. Sa ye topū sa ijiducuetā tiquina.

Pablo Timoteore duti bato tiahye

²⁰ Timoteo, mūhare Cohācjū tiquiro cūrire tiquiro buhe dutirire quehnoano yeya. Boeracāhña mūhū. Ihquēquina masa Cohācjūre cahmeñequina yero saha ni mehoñe, tuho masieñequina ye buheyere yahuducuducure. Sa yahuducuye “Quehnoano masieñequina ye buheye ijire”, nimene tiquina. Sa tiquina ni buheyere tuho nūnedacāhña. ²¹ Ihquēquina ti buheyere tuho nūñeñequina Cristo yere cohā cāhre. Cohācjū tiquiro cahñe mehna mūhare tutuaro quehnoa dutiaja.

2 Timoteo

Pablo Timoteore pari turi ojoa ohoahye

¹ Yuhu Pablo, ahrire mähare Timoteore ojoa ohoaja. “Ijipihtiyequina Jesucristore wacü tutuayequina ahmüsepü sa ijiducuenta”, ni, cüri marine Cohäcjä. Tiquiro sa ni cürire yahuacjäre yuhäre bese cüri Jesu. Sa cüno Cohäcjä tiquiro cahmeno sahata yero nidi yuhäre. ² Mähü Timoteo yuhu cahügu ijire. Mähare Jesu yere yuhu buhegü tahogu tiquirore quehnoano wacü tutua ducari mähü. Sa yegu yuhu macu yero saha ijire mähü. Sa yegu Cohäcjä mari Pacu, mari puhtoro Jesucristo mehna mähare quehnoa dutiaja. Sa yeye mähare paja ihña, tiquina yedohoye mehna quehnoano ijiya mähü.

Masare Cristo yere tiquina yahurire yahuahye Pablo

³ Namipü, decopü gähare Cohäcjä mehna yahuducugü mähü ye ijiatire sini basagü mähü mehna bucueaja. Sa bucuegü Cohäcjäre “Quehnoare”, niaja yuhu. Panopü cjäna yuhu acaye ñaäre buhiri marieno Cohäcjä yere tiquina yeriro sahata yuhu gähü yojoapäre tiquiro yere yeaja. ⁴ Sohö ijiri pjere yuhu wahagü mähü uti nünü täe tirire wacügü mähare tutuaro ihña duaja, mähü mehna quehnoano bucue duagu. ⁵ Sa yegu Jesure potota mähü wacü tutuarire wacüaja yuhu. Mähü ñeco, Loida, mähü paco Eunice gähü mähü yero sahata Jesure wacü tutua mähü tari mähü pano. Sa yegu yojoapäre mähü gähü tiquirore mähü wacü tutuagü quehnoano masiaja yuhu.

⁶ Sa yegu ahrire mähare wacügü ye duaja. Mähü bui yuhu omocarine yuhu duhu peogü Cohäcjä yere mähü yeatire tutuayere ohori mähare. Ti tutuaye mehna ye nemoña mähü. ⁷ Cohäcjä marine tiquiro yaquiro Espiritu Santore ohori. Sa yero masare marine cueragü yere Espiritu Santo. Sa yero tutuana, masare cahüna, taho masina marine ijigü yere tiquiro. ⁸ Sa yegu mari puhtoro ye ijiatire apeqinare yahugü, bue tieracähña mähü. Yuhu tiquiro yere yuhu yeri buhiri peresupü ijigü niaja. Peresupü yuhu ijigü yuhäre bue tisäedacähña mähü. Sa yegu quehnoañe buheyere mähü buheri buhiri ñano yuhdugü “Quehnoanota”, niña mähü gähü. Mähü sa ñano yuhdugü Cohäcjä mähare yedohorota. ⁹ Cohäcjä pehe marine pecapü wahaborinare yuhdori. Sa yero quehnoana, tiquiro yequina ijianare tiquiro beseahye marine. Mari quehnoano yeye mehna tiquirore marine besegü yeru. Tiquiro esa tuharo tiquiro cahmediro sahata yero ahri yehpare tiquiro bajumehneato pano marine cahüno,

tiquiro marine beseahye. Marine sa cahüno marine yuhdwoatiquirore Jesucristore ohoahye Cohäcjä. ¹⁰ Yojoapäre Jesucristore marine yuhdwoatiquirore ohoro, marine potota tiquiro cahüñene masigü yero niahye Cohäcjä. Jesu marine tiquiro yequinare pecapü wahaeragü yeri. Sa yero “Yuhäre wacü tutuana Cohäcjä mehna sa ijiducunata”, nino, quehnoañe buheyere marine yahuro ahtahye tiquiro.

¹¹ Ti buheyere quehnoañe buheyere yahuacjäre tiquiro cüacjäre beseri yuhäre. ¹² Sa tiquiro beserigü ijigü yojoapäre ñano yuhdaja yuhu. Ohö saha ñano yuhdäpeguta yuhu bue tieraja. Yuhu wacü tutuariquirore Jesure masiaja yuhu. Tutuariquiro ijire tiquiro. Sa yero yuhäre tiquiro yere buhe duti cüno quehnoano yedohorota. Sa yero ahri yehpapü tiquiro tojoa tato pano, “Mähare yuhdwoatja”, tiquiro nidiro sahata sohtori tirota yuhäre. Yuhäre yuhdwoarota tiquiro. Tire quehnoano masiaja.

¹³ Mähare quehnoano yuhu yahurire ye pehoya. Cristo Jesu yequina ijina tiquirore quehnoano wacü tutuaja mari. Sa yena apeqinare quehnoano cahüaja. Sa yegu tiquirore sa wacü tutuaducuya mähü. Apeqinare quehnoano cahüducuya. ¹⁴ Sa yegu Espiritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

¹⁵ Ijipihtiyequina Asia yehpa cjäna Jesu yequina yuhäre yedoho dueraye, cohä cäa wahari. Tiquina mehna cjäna puaro Figelo, Hermógene sata yeri tiquina gähü. Tiquina sa cohä cärire masi tuhasare mähü. ¹⁶⁻¹⁷ Tiquina sa cohäpegeäta Onesiforo pehe peye tahari yuhäre yedohoro quehnoano jeri sajägü yeri. Sa yero yuhu peresupü ijigü tiquiro yuhäre bue tisäedari. Sa yero yuhu Romapü ijigü sa macaducuri jiri yuhäre. Sa macaducuro yuhäre bocari. Sa yero tiquiro pohnene, tiquina pacoro gähare paja ihñanota Jesu mari puhtoro. Tiquirore sa paja ihña dutigü tiquirore sini basaja. ¹⁸ Sa yero ahri yehpapü Jesu mari puhtoro tiquiro tojoa tati deco tiquirore paja ihñanota. Tiquirore sa paja ihña dutigü tiquirore sini basaja. Efesopü marine Onesiforo tiquiro yedohore quehnoano masine mähü.

2

Ñano yuhdwepenata Jesu yequina ijina ihcäno sahoro cahmene marine

¹ Mähü pehe yuhu macu yero saha ijigü, Jesucristo yedohoro mehna tiquirore wacü tutuaducuya. ² Sa yegu peyequina masare yuhu buherire mähü tahorire apeqina gähare buheya mähü. Tiquina mähü

buheyequina Cohācjū yere yeducuyequina ijiahero. Sa ye apequinare buhe masifequina ijiahero.

³ Surara ñano yuhduerperota tiqiro ihcāno sahariro saha mahu gahu Jesu yaquiro ijigu ñano yuhdugu, ihcāno sahaya mahu. Sa yegu apequina Jesu yequina yero saha yegu nine mahu. ⁴ Surara tiqiro puhtoro dutiye pehere yere. Sa yero tiqiro surara ijieyequina yero saha ihyo ijiyere yerare tiqiro. Mahu gahu sata Cohācjū dutiye dihitare yeya. ⁵ Omariquiro oma dutiyequina tiquina dutiye queoro yeraro, tiqiro oma yuhduducari wapare ne masiedare. (Sa yegu omariquiro ti dutiye queoro tiqiro yeriro saha Cohācjū dutiye quehnoano ye pehoya mahu.) ⁶ Sa yero wese dahrariquiro quehnoano dahrariquiro pehe apequina pano quehnoano wapatare. (Sa yegu mahu gahu tiqiro yero saha quehnoano dahraya mahu.) ⁷ Ijipihtiyere quehnoano masigū yerota Jesu mari puhtoro mahure. Sa yegu yojopare mahure yuhu nidire quehnoano wacū tautuya.

⁸ Sa yegu Jesucristore wacūña. Tiquiro puhtoro Davi manano panopa cĵano tiqiro panamino iji turiariquiro ijiahye. Sa yero yariaro masa mahayhe tiqiro. Quehnoañe buheyere buhegu tiqiro sa waharireta buhegu niaga. ⁹ Tiquiro yere buhegu ñano yuhduaja yuhu. Sa yegu tire yuhu buheri buhiri ñañene yeriquiro yero saha peresupa ijiaja yuhu. Yuhu sa ijiepegūta Cohācjū ye yahuducuyere buhe duhugū ye masiedare masa yahure. ¹⁰ Sa yegu Cohācjū beseriquinare buhegu peye tahari ñano yuhduaja yuhu, tiquina gahu Jesucristo yequina tiquina ijiatire. Tiquiro yequina ijieye tiquina pecapu wahaboriquina pehe tiqiro yuhduoatiquina ijieta. Sa ye tiquina Cohācjū mehna sa ijiducuenta.

¹¹ Ahri yuhu niati ijirota ijire. Cristo yere mari yeri buhiri apequina marine tiquina wejēgū tiqiro mehna ahmusepu sa ijiducuenta.

¹² Sa yena tiqiro yere mari yeri buhiri ñano yuhduepenata ihcāno sahana tiqiro puhtoro ijipore tiqiro mehna puhtoata ijinata mari gahu.

¹³ “Cristore usā masiedaja”, mari nigū, tiqiro gahu marine sata ninota. Tiquirore mari yuhduducagū ihñano tiqiro nidiro sahata marine buhiri dahrerota. Tiquiro nidiro sahata yeriquiro ijire tiqiro. Ne ni mehoedare. Ahri ijipihtiyere tiqiro yahuri ijirota ijire.

Cohācjū tiqiro ihña coayequinare, tiqiro yere buheyequinare yahuahye Pablo Timoteore

¹⁴ Ahri yuhu yojopa yahuatire mahu mehna cĵenare wacūgū yeya. Tiquina esa tuharo ihyo ijiyere tiquina yahuducuyere duhseati ijierare. Sa yeye tiquinare tuhoriquinare ñano yegū yere. Sa yegu mari puhtoro ihñonopa ohō saha ni yahuya tiquina esa tuharo buheriquinare. “Masa yahuducuro saha yahuducueracāhña”, niña tiquinare.

¹⁵ Mahu pehe Cohācjū yere quehnoano buheya. Sa yegu Cohācjū yere tutuaro yeya. Mahu sa yegū ihñano “Quehnoano yeri mahu”, ninota Cohācjū mahure. Sa yegu mahu buherire tiqiro ihñagū bue tisi mahu. Sa yegu tiqiro ye buheyere quehnoano masiña. Sa yegu tire queoro buheya. ¹⁶ Tiquina esa tuharo yahuducuyequina ñañene sa yeducure. Sa yegu tiquina sa ni yahuducuyere tuho yabiya mahu. ¹⁷ Tiquina pehe tiquina yahuducuyere camino ahba mujano yero saha ijire. Camino ahba mujano saha tiquina yahuducuyere gahu apequina Jesu yequinare ñañequina wahagū yeeta. Sa yahuducuyequina mehna cĵena Himeneo, Fileto gahu ijire. ¹⁸ Sa yeye tiquina “Jesu yequina masa maha tuhasari”, ni buheye, quehnoañe buheyere duhu cāri tiquina. Sa sijoro saha buheye, meheñequinagū Jesu yequinare tiqirore wacū tutua duhugū yeri tiquina. ¹⁹ Tiquina sa ñano buhepegūta Cohācjū ye buheye pehe ne comesaerare. Ohō saha nine tiqiro ye buheye: “Mari puhtoro Jesu tiqiro yequinare masine. Sa ye, ijipihtiyequina ‘Jesu yequina ijiaja’, niñequina ñañene duhu cāhdo”, ni yahure Cohācjū ye buheye.

²⁰ Mari queoye mehna buhegū masa sihniñe pari yero saha ijire. Pajiri wahuapu uru, plata mehna tiquina yeri pari ijire. Sa yero ti wahuapu apeye pari yucūgū mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ihyo ijiyere tiquina pose yeati ijire. ²¹ Sa yero ñañene yerariquiro uru pa quehnoari pa yero saha ijirota. Sa yero tiqiro pehe Jesu ye dihitare yeducuriquiro ijirota. Sa yero wahu cĵano quehnoari pa mehna quehnoañene tiqiro yeriro saha, ñañene yerariquiro Jesu ye ijiatire quehnoañene yerota.

²² Wahma ijire mahu. Sa yegu wahma pjaia ñañene tiquina tutuaro ye duaro sahata yeracāhña mahu. Sa yegu quehnoañene yeya. Jesure wacū tutuaducuya. Sa yegu tiqirore, masa gahure cahña. Sa yegu mahu mehna cĵena Jesu yequina mehna ijigu cahmequeno marieno quehnoano ijia mahu. Sa yeya mahu Cohācjūre yahtiyequina tiqirore siniducuyequina mehna ijigu. ²³ Sa yegu tauturo marieno

tiquina cahme yahuducuyere mahu gahu tuho nandacahna. Sa yegu mahu gahu sa cahme yahuducueracahna. Sa ni yahuducuyere masa tiquina basi cahme tuhti, usuare. ²⁴ Cohacju cahacjano ihcaquiro ijiro, cahme tuhtiraro cahmene tiquirore. Sa yero ijiphiyequinare quehnoano yeriquiro, buhe mihnidiquiro, duita useriquiro ijiro cahmene tiquirore. ²⁵ Sa yero apequina tiquiro mehna tiquina cahme tuhtigu tiquiro tiquinare yahuro, quehnoano mehna usuaro marieno yahuro cahmene tiquirore. Tiquiro sa yahugu ihnahe Cohacju yedohoye mehna tiquina pehe tiquina nahe yerire buja witoaga. Sa ye quehnoahe buheyere masi dacaboaga. ²⁶ Tiquinare watino cuomedi tiquiro cahmene yeatiquinare. Sa ye tiquina nahe yerire buja witori bato quehnoahe buheyere masihe, watinore cohaceta.

3

Pihtiati deco ijatire yahuahye Pablo Timoteore

¹ Pihtiati deco panogare nano yuhdueta masa. Tire quehnoano masina mahu. ² Ti pjere masa apequinare wacu peoyequina, niherere cahme yuhducayequina, "Apequinare masi yuhducaja", ni tiquina basi tuhotuyequina, masare nano tuhtiyequina, tiquina pacsumare yuhducayequina, tiquina ohopegata "Quehnoare", niehequina, Cohacjare no peoyequina ijiet. ³⁻⁴ Sa ye masare cahnequina, paja ihnequina, nahe quitu dahreyequina, tiquina esa tuharo nano yeducuyequina, masare sa queducuyequina, quehnoahene yabiyequina, tiquina mehna cjenare nano yeyequina, tuho masiehequina, "Masi pehoaja", ni tuhotuyequina ijiet masa. Sa ye nahe cahme yuhducayequina ijie, Cohacju pehere cahmequina ijiet. ⁵ Sa ye tiquina masa ihonopu Cohacjare no peopeta "Cohacju ihyo ijiriquiro ijire", ni tuhotumene tiquina.

Sa nihequinare piti tieracahna mahu. ⁶ Tiquina mehna cjen tuho masiehequina numia ye wahusepu saj, tiquina numiare ni mehoene buhere. Tiquina numia pehe sa nahe yeducuyequina numia, tutuaro nahe ye duare. ⁷ Tiquina numia sa buheducuyere ihyo ijie buheyere, sijoro saha ijie buheyere tuhoye numia ijie, Cohacju ye buheyere pehere ne masiedare. ⁸ Panopu Jane, Jambre yayia muna Moiserere tiquina ihna tuhtiraro sahata pihtiati deco panoga ijiequina masa quehnoahe buheyere pehere ihna tuhtiet. Tiquina nahe dihitarere tuhotuyequina ijiet. Sa ye Jesure wacu tutuayequina waro ijierare. ⁹ Sa yeyequina tiquina ni mehoene tuho

duasi apequina pehe. Came tiquina ni mehoene, tuho masiehequina tiquina ijie gahere ijiphiyequina masieta. Jane, Jambre mehna tiquina ni mehoene panopu masa tiquina masidiro sahata sata masieta pihtiati deco panoga ni mehohequina tiquina ijieyere.

Pablo Timoteore duti bato tiahye

¹⁰ Yuhu buheyere, yuhu yee tirire, yuhu ijieyere tiyere, yuhu ye duayere, Jesure yuhu wacu tutuayere masine mahu. Sa yegu usuaro marieno yuhu yerire, masare yuhu cahne, nano yuhdureguta yuhu ihceno saharire masine mahu. ¹¹ Sa yegu yahere tiquina nano yerire, yuhu nano yuhdire masine mahu. Sa yegu Antioquaru, Iconopu, Listraru, yahere na yuhdaro tiquina yerire masine mahu. Yuhu sa wahagu ihnano mari puhtoro Jesu pehe yahere yedohori. ¹² Ijiphiyequina Jesucristo yequina tiquina iji duagu Cohacju dutiraro sahata tiquina yeducu duagu apequina tiquinare nano yeeta. Ti ijirata ijie. ¹³ Sa ye nahequina pehe ni mehohequina gahu na yuhduayequina wahaeta. Apequinare ni mehohe, tiquina basi ni mehoene "Sa tjire", nihe, na yuhduayequina wahaeta.

¹⁴ Mahu pehe mahere yuhu buherire, quehnoano mahu tuhorire sa wacuducuya. Sa yegu yuhu buheriro sahata yeya. Mahere buheriquinare masine mahu. ¹⁵ Mahu nijigu ijigapata Cohacju yere tiquina ojoari pure masi dacahye mahu. Tiquiro yere tiquina ojoari puru ohohaha ni yahere mahere: Jesucristore wacu tutuayequina dihitarere peparu wahaboriquinare yuhduore Cohacju. ¹⁶ Cohacju yere tiquina ojoari puru ijiphiyere Cohacju pehe oja dutiahye. Sa yena ti pure buhena mari masi nemoaja. Ti pure buhena Cohacju dutiyere mari yeatere masiaja. Sa buhena mari nahe yerire "Ahri nahe ijie", ni tuhotuaja mari. Sa yero ti pu marine quehnoahe pehere camesa dutire. Sa yero decoripe quehnoahene mari yeducuatire yahere ti pu. ¹⁷ Sa yero Cohacju yaquiro tiquiro ya pure buhero, masi pehorota. Sa masino ijiphiyere quehnoahene ye masinota tiquiro.

4

¹ Jesucristo ijiphiyequina puhtoro, tojoa tatiquiro, catiequinare, yariariquina gahere buhiri dahre dutiatiquiro tiquiro ihonopu mahere ohohaha ni yahutja. Cohacju ihonopu gahere ohohaha ni yahutja mahere: ² Decoripe masa tiquina tuho duagu tiquina tuho dueragu gahere Cohacju yere yahuya. Sa yahugu masa tiquina nahe yerire masigu yeya tiquinare. Sa yegu tiquina nahe yerire "Ye nemoedacahna", ni yahuya tiquinare.

Quehnoañe pehere ye dutiya. Sa buhegu ne usuegu, caributieracãhña mñh. Sa yegu ne arequinare buhe duhueracãhña. ³⁻⁴ Cameru masa quehnoañe buheyere tuho duasi. Sa tuho dueraye, tiquina cahmeno sahata yeye, tiquina tuho coaye dihitare buheyequinare cahmeeta tiquina. Sa ye ni mehoñe buheyere peyequina buheyequinare cœoeta. Tiquina sa yeye quehnoañe buheyere pehere cohã, tiquina sa buhe maca cãrre tuho nãueta. Sa yegu quehnoañe buheyere buhe duhueracãhña mñh. ⁵ Mñh gãh sa ijigã decoripe tuho masigã ijija. Sa yegu ñano yuhdæpeguta ihcãno sahaya. Sa yegu quehnoañe buheyere sa buheducuya. Cohãcã mñhare tiqiro ye dutirire ye peho cãhña mñh.

⁶ Yuh Cohãcã yere yuh yeri buhiri yuh yariato mehenogã dũsare. Sa yegu meheñe decorigã catiniitja. ⁷ Yuh yariato panogã ahrire yahutja: Jesu quehnoañe buheyere yuhre buhe dutiro tiqiro cũrre quehnoano buhe sohtori tii. Tiquiro ye dutiyere quehnoano ye pehou. Sa yegu ñano yuhdæpeguta tiqirore ne wacũ tutua duhuer. ⁸ Yojoapare quehnoañene yuh yeri wapare ahmæsepu ihboro niaga. Sa yero mari puhtoro, ijipihtiyequinare masi pehoriqiro, buhiri dahre dutiro queoro yahuriqiro tiqiro tojoa tati deco tiqiro yere yuh yeri wapare ohorota yuhre. Apequina gãhare tiqiro tojoa tatire cohteyequinare tiqirore cahñequinare tiqiro yere tiquina yeri wapare ohorota Jesu.

Pablo yahu nemoahye Timoteore

⁹ Yuh cahapu amñano ihñagu ahtaya mñh. ¹⁰ Dema ahri yehpa cã ijipihtiyere tutuaro cahmeno yuhre yedoho dueraro cohã cã wahari Tesalonicapu. Crescente gãh Galacia yehpapu wahari. Sa yero Tito gãh Dalmaciapu wahari. ¹¹ Luca dihita yuh mehna ijire. Marco yuhre quehnoano yedohoatiqiro ijire. Sa yegu tiqirore ne cãhtaya mñh. ¹² Sa yegu Tiquicore Efesopu ohou. ¹³ Ohõpu ahtagu, yuh bui sañari suhtirore, Troapu Carpo ya wñhpu yuh cũri suhtirore ne cãhtaya. Sa ye sohõ ijiri tunuri ojoari tunuri gãhare ne cãhtaya. Sohõ ijiri cahseri ojoari cahseri pũritare tutuaro cahmeaja yuh. Sa yegu ti cahseri gãhare ne cãhtaya.

¹⁴ Alejandro comene dahrariqiro yuhre ña yuhduaro yeri. Sa yero tiqiro sa yeri buhiri Cohãcã buhiri dahrerota. ¹⁵ Tiquiro Alejandro mari ye buheyere tutuaro ihña tuhtiri. Sa yegu tiqiro masare “Ñano yeari” nigu, tiqirore ihñagu, quehnoano wacũ masiña.

¹⁶ Masare beseriqirore peresupu ye dutiriqirore yuh yere, yuh buherire

tiqirore yuh coã yahugã ne ihcãqiro boro Jesu yaqiro yuhre yedohoerari. Ijipihtiyequina yuhre yedohoeraye, cohã cã wahari. Tiquina sa cohæpeguta yuhre tiquina cohãri buhiri Cohãcã buhiri dahreracãhdo. ¹⁷ Yuh sa wahaepeguta Cohãcã yuhre yedohori. Sa yero tiqiro ye buheyere yuh quehnoano yahuatire tiqiro ye tutuayere ohori yuhre, ijipihtiyequina judio masa ijieyequina ti buheyere tiquina tuhoatire. Sa yero yuhre tiquina ñano tiquina ye duepeguta yuhre tiquina ñano yeborigare yedohori mari puhtoro. ¹⁸ Ijipihtiyequina yuhre ñano yeyequinare yuhdæducaro, yuhre yedohorota mari puhtoro. Sa yero ahmæsepu tiqiro puhtoro ijirõpu yuhre iji dutiro, yuhre yuhduarota tiqiro. Sa yena “Tiquiro quehnoa yuhdæariqiro, tutua yuhdæariqiro ijire”, niñna mari ijipihtiyere decori. Sata niñna.

Pablo quehnoa dutiahye Timoteo cahapu ijieyequinare

¹⁹ Prisca, Aquila, Onesiforo ya wñh cãjã gãh quehnoahdo. ²⁰ Erasto Corintõpu tojoari. Tróximo Miletopu dohatia wahari. Sa yegu tiqirore topu cũu yuh. ²¹ Pohero pano amñano ahtaya mñh. Eubulo, Pudente, Lino, Claudia gãh, ijipihtiyequina Jesu yequina mñhare quehnoa dutire.

²² Mari puhtoro Jesucristo mñh mehna ijirota. Sa yegu masare ijipihntinare Cohãcã mehna pajiro quehnoa dutiaja.

Tito

Pablo Titore oja ohoahye

¹ Yuhũ Pablo Cohãcjũ cahacjũ, Jesucristo yere tiqũro buhe duti cũrigũ ijiaja. Cohãcjũ beseriquina Jesure tiqũna wacũ tuatire quehnoañe buheyere tiqũna masiatire Jesu buhe dutiro yũhare cũri. Ti buheye Cohãcjũ dutiro saha mari yeatire yahure. ² Sa yegũ ijipihtiyẽ decori Cohãcjũ yequina uhmũsepu tiqũna ijiducuatĩ gũhare buheaja tiqũnare. Cohãcjũ ne ni mehoñe marieniquiro ahri yehpare tiqũro bajumehneato pano ohõ saha ni cũahye marine: “Uhmũsepu sa ijiducunata masa”, ni cũahye marine. ³ Sa yero tiqũro queori pje Cohãcjũ tiqũro ni cũrire yahu dutiri masare. Sata yũhare ni yahu dutiri tiqũro. Marine pecapu wahaborinare yũhduoriqũro ijire. ⁴ Mũhare Titore Jesu yere buhei. Yuhũ sa buhegũ tuhogũ Jesure wacũ tutua dũcari mũhu. Sa yegũ mũhu potota yũhu macũ yero saha ijiguta nine. Mũhare ahrire ojaogu niaga. Sa yegũ Cohãcjũ mari Pacũ mehna, Jesucristo marine yũhduoriqũro mehna mũhare quehnoa dutiaja. Sa ye paja ihñañe, mũhare tiqũna yedohoye mehna quehnoano ijiya mũhu.

Creta wame tiri nũcnopũ Tito tiqũro yeatire yahuahye Pablo

⁵ Creta wame tiri nũcnopũ mũhare yũhu cũgũ Jesu yequina tiqũna buheati dũhsarĩdi ti pjere. Sa yegũ tiqũna yeatire yahuyuacjũre cũgũ nii yũhu mũhare. Sa yegũ macaripe cjẽna Jesu yequina puhtoa ijiatiqũnare bese dutigũ cũgũ nii mũhare. ⁶⁻⁸ Tiquina puhtoa Cohãcjũ cahacjẽna ijire. Sa yegũ tiqũnare besegũ quehnoañequinare beseya sijoro saha yeeyequinare. Sa yegũ ihquẽquina numiaretã namo tiyequinare, “Apequinare masi yũhduacaja”, ni tuhotueyequinare, usueyequinare, queheye marieñequinare, cahmequeñe marieñequinare, apequina yere ni meho ehmeñequinare beseya. Sa besegũ tiqũna wũhũsepu sajã sayequinare quehnoano ihña ihboyequinare, quehnoañe pehere quehnoano bucueyequinare, tuho masiñequinare, quehnoañene yeducueyequinare, ñañe marieñequinare, ñañene yeeyequinare, niji siaro marieno dahrayequinare, quehnoañene yeducueyequinare beseya. Sa ye mũhu beseatiquina pohnene ohõ saha ijieyequina ijiro cahmene: Jesure wacũ tutuayequina, quehnoano yeducueyequina, ijipihtiyequinare quehnoano yũhtiyequina ijiro cahmene puhtoa pohnene. ⁹⁻¹⁰ Sa ye quehnoañe buheyere queoro mari

buheducuiri sahatã ne duhuyeyequina ijiaho puhtoã mãhu beseatiquina. Sa ye tiqũna quehnoañe buheyere yahuyequina ijietã. Sa ye quehnoañe buheyere ihña tuhtiyequinare buheye, tiqũna ye ni mehoñe ijigũ masigũ yeeta tiqũna. Sa yegũ quehnoano beseya Jesu yequina puhtoã ijiatiqũnare.

Peyequina tiqũna puhtoãre yũhduacayequina, quehnoano tuhotu yahuducueyequina, ni mehoñequina ijire yojopũre. Sa yeeyequina judio masa pũrita ña yũhduaro yeve nine. Tiquina ye buheye poto ijieragũ tiqũnare masigũ yero cahmene. ¹¹ Tiquina judio masa pehe niñerure wapata dua, buhere. Sa yeraro cahmene. Sa buheye ihquẽ wũhũse cjẽnare ijipihtiyequinare Cohãcjũ ye pehere cohãgũ yeve niaga tiqũnare. Tiquina sa yegũ tiqũnare sa ye dutieraro cahmene.

¹² Tiquina yere panopũ yahuriqũro ti nũcno cjẽno ijieperota ohõ saha ni yahuahye: “Creta nũcno cjẽna sa ni mehoducueyequina ijire. Ti nũcno cjẽna wahiquina yero saha usuayequina ijire. Sa ye sa ihyaducueyequina ijieye ne dahra duerare”, ni ahye tiqũro, tiqũro ya nũcno cjẽnare. ¹³ Tiquiro sa niñe ijirota ijire. Tiquina sa ijigũ ihñañe tiqũnare tutuaro tuhtiya Jesu ye buheye pehere quehnoano tiqũna masiatire. ¹⁴ Sa yegũ judio masa panopũ cjẽna tiqũna esa tuharo tiqũna ni macã cãrire, Jesu yere cahmeñequina tiqũna dutiye gũhare Creta cjẽna tiqũna tuho nũnũdatire tuhtiya tiqũnare.

¹⁵ Buhiri marieñequina quehnoañe dihitare tuhoture. Ñañene yeducueyequina, Jesure wacũ tutueyequina pehe ñañe dihitare tuhoture. Tiquina tuhotuyepũre ña yũhduare. Sa ye quehnoañe pehere bese masiedare. ¹⁶ Tiquina “Cohãcjũre masiaja usã”, niepeta, ñañene yere. Sa yeeyequina tiqũna ijigũ ihñañe Cohãcjũre masieñequina tiqũna ijigũ masiaja mari. Sa ye tiqũna ña yũhduayequina, Cohãcjũ yere yũhduacayequina ijire. Sa ye tiqũna quehnoañene ye masiedare.

2

Quehnoañe buheyere queoro yahu duti-ahye Pablo Titore

¹ Mũhu pehe buhegũ, quehnoañe buheye ti nidiro sahatã quehnoano buheya. ² Bũcnũnare ohõ saha ni yahuya: Cua pesayequina, masa ño peonohñequina, tuho masiñequina, Jesure quehnoano wacũ tutuayequina, quehnoañe buheyere quehnoano yeeyequina, Jesure masa gũhare cahñequina, ñano yũhduapeta ihcãno sahayequina ijiaho tiqũna. ³ Bũcna numia gũhare sata ni yahuya: Cua pesaye numia, ñañe quitĩ dahreraye numia, queheraye

numia ijiahiro tiquna numia gāhū. Sa ye ye numia ijije, quehnoañene buheahro apequina numiare. ⁴ Apequina numiare ohō saha ni buheahro bućna numia: Tiquina manušumare, tiquna pohne gāhure cahāhdo. ⁵ Sa ye ye tiquna tuho masiñe numia, apequina umua mehna ñano yeraye numia, ihcā wāhū cĵēna ijieyēquinare quehnoano ihña ihboye numia, masa quehnoañe numia, tiquna manušumare quehnoano yuhtiyē numia ijiahiro tiquna, Cohācĵū ye buheyere apequina “Ñano yahu wajari”, niñe.

⁶ Sa yegū wahma pĵia gāhure ohō saha ni yahuya: Tuho masiñequina ijiahiro tiquna. ⁷ Sa yegū mūhū pehe quehnoañe dihitare yeducuya mūhure tiquna ihña cūatire. Buhegū ne ni mehono marieno buheya. Sa buhegū cua pesaro mehna buheya mūhū. ⁸ Sa buhegū tuho masiñe mehna quehnoano buheya apequina mūhure “Yahu wajari”, nigū. Mūhū sa buhegū ihñañe marine ihña tuhtiyequina ijiepetā marine ihyo warota yahu waja masiedare. Marine sa yahu waja maca cāñe, buoro wahaeta tiquna.

⁹ Sa yegū cahacĵēnare ohō saha ni yahuya: Tiquina puhtoare quehnoano yuhtiahiro. Sa ye ye tiquna puhtoare quehnoano buceguē yeahro. Sa dihita yeahro. Sa ye tiquna puhtoare purino yuhtieracāhdo. ¹⁰ Sa ye tiquna puhtoa yere yaqueracāhdo. Sa ye quehnoañequina ijiahiro. Tiquina puhtoa dutiyere queoro yeducuahro. Tiquina sa quehnoano yuhtiyequina ijigū ihñañe, Cohācĵū marine yuhtioriquiro ye buheyere tuho bucueeta apequina.

¹¹ Masare tiqiro cahñene Cohācĵū ihño tuhasari. Sa cahño ijipihtiyequina pecapū wahaboriqinare Cohācĵū tutuaro yuhtuoro duare. ¹²⁻¹³ Masare sa cahño Cohācĵū marine ohō saha ni buhere: Cohācĵū ihña tuhtiyere, ñañe tutuaro cahmeñene duhu cā dutire marine. Cohācĵū tutuariquiro, Jesucristo marine yuhtuoriquiro tiqiro asi siteyere mari ihñati decore, quehnoari decore mari cohtena niaja. Sa yero mari cohteri deco pano tuho masina, quehnoañene yeducuna, Cohācĵūre ño peoducuna marine iji dutire Cohācĵū. ¹⁴ Tiquiro Jesucristo mari ye ijiatire yariahye ijipihtiyē mari ñañe yerire duhugū yero taro, marine tiqiro yequino wahagū yero taro. Mari ñañene tiqiro sa cohāgū mari ñañe buhiri mariena ijinata. Sa yena tutuaro quehnoañene ye duana ijinata.

¹⁵ Ahri ijipihtiyere ti nućno cĵēnare Jesu yequinare buheya mūhū. Tiquina puhtoro ijigūta nine mūhū. Sa yegū tiquinare yahuya. Sa yegū tiquna ñañene yegū ihñagu tuhtiya tiquinare. Sa ye ijipihtiyequina apequina mūhure doca cūedacāhdo.

3

Jesu yequina tiquna yeatire yahuahye Pablo

¹ Ohō saha ni yahuya to cĵēnare Jesu yequinare: Tiquina puhtoare quehnoano yuhtiyequina ijiahiro. Ijipihtiyere quehnoañene yeatiquina ijiahiro. ² Sa ye apequinare ne ñañe quti dahreracāhdo. Cahme tuhtieracāhdo. Sa ye masa quehnoañequina, ijipihtiyequinare ño peoyequina ijiahiro.

³ Panopure mari gāhū tuho masiena, yuhtuoducana, ni mehoñene tuho nunana, ñañene ye duana, ñañene tutuaro cahme duhu masiena, decoripe ñañene yeducuna, apequinare ihña coona ijie timi mari gāhū. Sa ye marine apequina ihña tuhtiri. Sa yena mari gāhū tiquinare ihña tuhtimi. ⁴⁻⁵ Sa ijirina mari ijiepegūta Cohācĵū marine pecapū wahaborinare yuhtuori. Sa yuhtuoro tiqiro quehnoariquiro ijiyere, masare tiqiro cahñe gāhure marine ihñono nidi. Quehnoano mari yeri mehna yuhtuore marine. Marine paja ihñano mari ñañe yerire cohāno Espiritu Santo mehna marine yuhtuori. Sa yero marine tiqiro pohna wahagū yeri. Espiritu Santo pehe quehnoano mari ijiatire comesagū yeri marine. ⁶ Jesucristo marine yuhtuoriquiro tiqiro yaria masa mūjañe mehna Cohācĵū yaquiro Espiritu Santore ohori marine pajiro tiqiro tutuayere mari cuotire. ⁷ Marine cahño, marine quehnoano ye duari. Sa yero tiqiro yaquiro Espiritu Santore marine ohori ñañe buhiri mariena mari ijiatire, umusepū mari sa ijiducuatire. Mari sa ijiducuatire masina, tire cohtena niaja.

⁸ Ti yuñu nidi ijirota ijire. Sa yegū tire yuñu ni ojoariro sahata masare buhegū, ti dutiyere ye peho dutiya mūhū. Sa yegū Cohācĵūre wacū tutuayequinare tire buheya quehnoañene tiquna quehnoano yeatire. Ahri yuñu ni buheri quehnoañe buheye ijire. Sa ye masa ahri buheyere tiquna tuho nunagū ihyo waro ijierare. ⁹ Apequina tiquna yahuducuye pehe dahseati ijierare. Sa ye masiedapeta tiquna yahuducu yuhtuocayere mūhū tuho nunagū ihyo waro tuho nunagū nine mūhū. Sa ye tiquna acaye panopū cĵēna tiquna ijie tirire yahuducu yuhtuocayere, Cohācĵū Moisere tiqiro dutiyere tiquna yahuducu yuhtuocayere ti ijipihtiyere quehnoano mūhū tuho nunagū ihyo waro tuho nunagū nine mūhū. Sa yegū tire tuho nunedacāhña. Mūhū gāhū tiquna yero saha yahuducu yuhtuocayeracāhña.

¹⁰ Masa mehna cĵāno sa ni yuhtuocariquiro masare cahme tu wagū tiqiro yegū ihñagu “Yeracāhña”, niña tiqirore. Pua taha tire

tiquirore mahũ ye dutierari bato tiquiro yahtieragũ ihñagũ tiquirore piti ti duhuya.

¹¹ Ohõ saha yeriquiro ñañe dihitare tutuaro cahmeducuriquiro ijire. Tiquiro sa ijigũ ihñana tiquiro ñariquiro ijigũ masiaja mari.

Pablo duti bato tiahye

¹² Nicopolipũ pohecũ ijiro puno ijigũ tagũ niaja. Sa yegũ Artemare o Tiquicore mahũ cahapũ yahũ oho mahtagũ topũre yahũre piti caya mahũ. ¹³ Sa yegũ dutiyere quehnoano mihnidiquirore Zena wame tiriquirore, Apolo gahũre quehnoano yedohoya tiquina wahatire. Sa yegũ apee boro tiquina cahmeñene ijipihtiye tiquinare ohoya tiquinare tiquina cahmeno puno. ¹⁴ Sa ye Jesu yequina mari mehna cjẽna quehnoañene yepoahro apee borore dahsayequinare tiquina yedohoatire, quehnoañene yeducuyequina tiquina ijiatire.

Pablo quehnoa dutiahye Jesu yequinare

¹⁵ Ijipihtiyequina yahũ mehna cjẽna mahũre quehnoa dutire. Topũ ijiyequina Jesu yequina usãre cahñequina quehnoahdo. Ijipihinare musare Cohãcjũ mehna pajiro quehnoa dutiaja.

Filemón

Pablo Filemo wame tiriquirore ojoa ducahye

¹ Yuhũ Pablo, Jesucristo yaquiro yuhũ ijiri buhiri peresupũ ijiaja. Yuhũ, mari acayaro Jesu yaquiro Timoteo mehna mũhare Filemore quehnoa dutiaja usã. Sa yegu mũhare ojoa ohoaja yuhũ, Pablo. Mũhu usã cahĩgu Cristo yere usã mehna dahradohogu ijire mũhu. ² Sa yena Jesu yequina mũhu ya wũhũpũ cahmecoafĩequina gũhare ojoa ohoaja yuhũ. Mari acayaro Jesu yacoro Apia gũhare ojoa ohoaja yuhũ. Mari cahĩniquiro Arquipo gũhare ojoa ohoaja yuhũ. Arquipo pehe usã yero saha Cristo yere yahuriquiro ijire. ³ Sa yena Cohãcũ mari Pacũ, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija musa.

Filemo apequinare tiquiro cahĩne, Cristore tiquiro wacũ tutuayere yahuahye Pablo

⁴⁻⁵ Yuhũ acayũ Filemo, Cohãcũre mũhare sini basagu mũhare wacũgu “Quehnoare”, niaja tiquirore. Cristore mũhu cahĩgũ tiquirore mũhu wacũ tutuagũ, apequina Cohãcũ yequinare mũhu cahĩgũ tũhou yuhũ. Sa yegu Cohãcũre “Quehnoare”, ni bucueaja. ⁶ Mari ihcãno mehna Cristore wacũ tutuana ijiaja. Sa wacũ tutuagu mũhu ijigũ ohõ saha ni sini basaja Cohãcũre. Jesucristo yequina ijina, pajiro quehnoañene cõnata mari. Tire quehnoano mũhare masi peho dutigu sini basagu niaja Cohãcũre. ⁷ Yuhũ acayũ, yojopũre apequinare mũhu cahĩgũ tũhogu bucueaja yuhũ. Ijiphiyequina Cohãcũ yequinare quehnoano bucuegũ yefõhti mũhu. Mũhu sa yegũ tũhogu bucueaja yuhũ.

Pablo Onésimore sini basahye Filemore

⁸⁻¹⁰ Sa yegu yojopũre Onésimore mũhu cahacjãnore mũhu quehnoano yeaire mũhare sini basa duaja. Peresupũ yuhũ mehna tiquiro ijigũ Cristo yere yahuu yuhũ tiquirore. Tire tũhoro Cristore cahmedi tiquiro. Sa yero tiquiro Cohãcũ yaquiro wahari. Sa waharo yuhũ macũ yero saha ijire. Sa yegu yuhũ Pablo bucũ ijigu Cristo yere yuhũ buheri buhiri peresupũ ijigu mũhare yahutja Onésimore mũhu yeaire. Cristo buhe dituro tiquiro cũrigũ ijiaja yuhũ. Sa tiquiro cũrigũ ijigu Onésimore mũhu yeaire dutioborigũ ijiaja yuhũ. Sa niepeguta mũhare dutisi yuhũ. Cahĩne mehna mũhare yahutja, to punota.

¹¹ Cristo yaquiro tiquiro ijianto pano Onésimo mũhu cahacjãno ijiro dahseatiquiro ijierari jiri. Mũhare quehnoano yedoho masiedari jiri. Yojopũ

pũritare tiquiro mũhare, yuhũ gũhare quehnoano yedohoriquiro ijiorota. Yojopũre Cristo yaquiro ijiro ihyo ijiriquiro waro ijierare.

¹² Sa yegu yojopũre tiquirore mũhare wia tojogu niaja. Sa yegu tiquirore quehnoano piti caya mũhu. Tiquirore tutuaro cahĩaja. ¹³ Quehnoañe buheyere yuhũ buheri buhiri peresupũ yuhũ ijiri watoa tiquirore yuhũ yedoho dutiboaya yuhũ tiquirore ohoeragu. Sa yegu yuhũ mehna toja dutiboaya yuhũ. Mũhu pehe yuhũre mũhu yedohoro basioeragũ tiquiro pehe mũhare comesariquiro ijiboaya. ¹⁴ Yuhũre yedohoboriquiro tiquiro ijiepegũta tiquirore mũhare oho tojoaja. Mũhu pehe tiquirore “Pablo mehna tojoarĩña”, mũhu nigũ masigu yuhũ mehna tiquirore toja dutiboaya yuhũ. Yuhũ pehe “Yuhũ mehna cũña tiquirore”, ni dueraja mũhare. Sa yegu tiquirore oho tojoarĩja.

¹⁵ Tiquiro Onésimo mehefĩe decorigã mũhare tiquiro duhti cãri bato pari turi mũhu mehna ijire. Cohãcũ tiquiro cahmediro sahata mũhare duhti cãri jiri tiquiro Cohãcũ yaquiro tiquiro wahato saha, yuhũ tũhotugũ. Sa yero pari turi mũhu mehna ijiro, sa ijiducurota mũhu mehna. ¹⁶ Sa yero tiquiro yojopũre cahacjãno ijierare. Cahacjãna tiquina bui cũno ijiriquiro ijire tiquiro, yuhũ ihñagũ. Yojopũre tiquiro mũhu acayaro Jesu yaquiro ijire. Sa yegu tiquirore tutuaro cahĩaja. Mũhu pehe yuhũ yuhũdũoro tiquirore cahĩguta. Mũhu sa cahĩdiquiro ijiro, cahacjãno ijieperota yojopũre cahacjãno tiquiro ijiriro saha ijierare tiquiro. Tiquiro mũhu acayaro Jesucristo yaquiro ijire.

¹⁷ Sa yegu yuhũre mũhu piti caboriro sahata Onésimo gũhare quehnoano piti caya. Mũhu mehna cã yuhũ ijigũ tũhotugũ tiquiro gũhare quehnoano piti caya mũhu. ¹⁸ Sa yegu mũhare sijoro saha tiquiro yeriquiro ijigũ mũhare tiquiro wapamoriquiro ijigũ yuhũ pehe tire wapa yeitja. ¹⁹ Yuhũ Pablo, yuhũ basi ahrire mũhare yahu ojoantja: Yuhũ pehe wapa yeitja mũhare. Mũhare yuhũ buheri bato Cristo yaquiro wahagu ijiphiye decori Cohãcũ mehna ijiajũ ijire mũhu. Mũhare yuhũ sa buheri bato mũhu gũhu yuhũre pajiro wapamorigũ ijiboaya. Mũhu sa ijiepegũta mũhare wapa yeitja tiquiro wapamoñene. ²⁰ Sa yegu yuhũ acayũ, yuhũ cahĩgu, mari puhtoro Cristo yaquiro ijire mũhu. Sa yegu Onésimore quehnoano piti caya. Cristo yaquiro ijigu yuhũ acayũ ijire mũhu. Sa yegu yuhũre quehnoano bucuegũ yeya.

²¹ Ahri yuhũ yahurire quehnoano yegũta mũhu. Sa yegu yuhũ yahuri yuhũdũoro yegũta mũhu. Tire masigu mũhare ojoa ohogu niaja. ²² Ahri gũhare yahugutja mũhare. Musa cahapũ yuhũ wahatire Cohãcũre

sini basañohti m̄sa ȳh̄re. M̄sa sa sini basarire tiq̄iro ȳht̄iboaga. “Āh̄”, tiq̄iro niḡū cah̄meaja ȳh̄h̄. Sa yeḡū m̄sa cah̄ar̄h̄ ȳh̄h̄ esati tuc̄ire queh̄noyuya m̄h̄h̄.

Pablo queh̄noa duti bato t̄ah̄ye Filemore

²³ Epafra m̄h̄are queh̄noa dutire. Tiq̄iro pehe Cristo yere tiq̄iro yeri buhiri ȳh̄h̄ meh̄na peresup̄ū ijire. ²⁴ Sa ye Marco, Aristarco, Dema, Luca meh̄na m̄h̄are queh̄noa dutire. Cristo yere ȳh̄h̄ buheḡū tiquina pehe ȳh̄re yedohoyequina ijire.

²⁵ Mari p̄h̄toro Jesucristo meh̄na queh̄noa dutiaja m̄sare. Tiq̄iro m̄sare queh̄noano yerota.

Hebreos

¹ Panopu Cohăcju ijiahye. Tiquiro peye tahari mari acayere panopu cjenare tiquiro yere yahuahye. Apequinare tiquiro bajuaro yahuahye. Apequinare quehonoru yahuahye. Apequinare tiquiro piti caro yahuahye. Tiquiro yere yahu mŕhtariquinare yahu dutiro, sa yahuahye tiquiro mari acayere. ² Yojoꝑare pihiri deco panogă ijiye decorire tiquiro macnore tiquiro yere yahu dutigă tiquiro pehe marine yahue tiri. Tiquiro Pacuro ye dutiro mehna ahri yehpare, ũhmuse găhure yeriquiro ijire. Tiquiro Pacuro pehe pihiri deco ijigă ijipihitiyere cŕoatiquirore cŕahye tiquiro macnore. ³ Sa yero tiquiro macno pehe tiquiro Pacuro ye asi siteyere cŕoriquiro ijiro, tiquiro tutuayere marine ihŕore. Sa yero ihcăno saha tiquiro Pacuro yero sahata ijiro, tiquiro Pacuro ijiye tiyere marine ihŕore tiquiro macno. Sa yero tiquiro macno tiquiro tutuaye mehna dutigă ahri yehpa, ũhmuse găhu sa ijiducure. Sa yero mari năno yerire tiquiro coseri bato ũhmuseꝑu tiquiro Pacuro tutua yăhdŕariquiro poto pehe dujiahye, pŕhtoro tiquiro ijiyere ihŕono.

Cohăcju macno angele yăhdŕoro ijire

⁴ Tiquiro “Cohăcju macno”, wame tite. Ti wamene Cohăcju cŕahye tiquirore. Sa wame tiro apequina pŕhtoro ijire. Sa yero tiquiro angele yăhdŕoro ijire. ⁵ Tiquiro yequina angele pehere Cohăcju ne ohŕo saha ni yahuera tiahye:

Yăhu macu ijire măhu. Miare măhure bajuagă yei, niahye Cohăcju tiquiro macnore.

Angele pehere ne sa ni yahuera tiahye. Sa yero tiquinare ahri găhure ne yahuera tiahye:

Tiquiro Pacuro ijiitja yăhu. Sa yero tiquiro yăhu macu ijirota, niahye Cohăcju tiquiro macnore.

Angele pehere ne sa ni yahuera tiahye. Sa yero tiquiro macno tiquina yăhdŕoro ijire. ⁶ Sa yero ape taha tiquiro macnore coă masa bajuariquirore ahri yehpaꝑu cŕno ohŕo saha niahye Cohăcju tiquirore:

Ijipihitiyequina yeequina angele dusepe curi mehna quehe sa, ŕo peota tiquina yăhu macure, niahye tiquiro.

⁷ Sa yero tiquiro yequina angele pehere yahuro taro ohŕo saha niahye tiquiro:

Yeequina angelere wiŕnono yero saha pagu tigă yeaja yăhu. Tiquina yăhu cahacjena ijire. Sa yegu tiquinare peca pohna yero saha pagu tigă yeaja yăhu, ni yahuahye Cohăcju.

⁸ Tiquinare sa nieperota tiquiro macno pehere ohŕo saha niahye:

Măhu Cohăcju ijipihitiyequina pŕhto sa ijiducugăta. Queoro dutigăta măhu, măhu yequinare. ⁹ Ni mehono marieno yeyere, quehnoano yeyere tutuaro cahmene măhu. Sa yegu ŕăne yeyere ihŕa yabire măhu. Măhu sa ijigă ihŕagu yăhu măhu Pacu ijipihitiyequina apequina yăhdŕoro măhure bucuegă yei, niahye Cohăcju mari Pacu.

¹⁰ Ahri găhure niahye tiquiro, tiquiro macnore “Pŕhto” ni pisuro:

Pŕhto, coă waropare ahri yehpare, ũhmuse găhure bajumehnedi măhu. ¹¹ Ti ijipihitiye comesa pihita waharota. Măhu pehe ne comesasi. Sa ijiducugăta măhu. Ti ijipihitiye suhtiro ahba bora djiaro saha pihita waharota. ¹² Ti ijipihitiye ũhmusere, ahri yehpa găhure comesagă yeita măhu. Munano suhtirore măhu cohăboro saha ti ijipihitiyere comesagă yeita măhu. Sa yero suhtiro ahba bora djiaro saha ti ijipihitiye comesarota. Măhu pehe ne comesasi. Sa ijiducugăta măhu, niahye Cohăcju tiquiro macnore.

¹³ Ne angele pehere ahrire yahuera tiahye mari Pacu:

Yăhu poto pehe dujiya măhu. Pŕhto ijire măhu. Sa yegu măhure ihŕa tuhtiyequinare yăhdădăca basagătja. Sa yegu tiquina pŕhto ijigăta măhu, niahye Cohăcju tiquiro macnore.

¹⁴ Ijipihitiyequina angele pehe Cohăcju cahacjena ijire. Sa yero mari Pacu ohore tiquiro yequina angelere Cristo yăhdŕoatiquinare yedoho dutiro.

2

Cohăcju yere quehnoăne buheyere marine sa tŕhotu căhno cahmedare

¹ Sa yena Cohăcju macno waro marine yahuriquiro tiquiro ijigă masina tiquiro yahuyere mari tŕhorire quehnoano wacŕno cahmene marine, “Tire boari”, nina. ²⁻³ Angele yahurire masa pehe yăhdŕădăcagă ihŕano Cohăcju tiquinare buhiri dahreahye. Sa buhiri dahrero angele tiquina yahuri poto ijigă ihŕono niahye. Sa yena angele yahuri poto ijigă masina, tire marine yăhtiro cahmene. Ti yăhdŕoro Cristo pehere yăhtiro cahmene. Tiquiro mari pŕhtoro marine tiquiro yăhdŕoatiye yahu mŕhtahye. Sa ye tiquirore tŕhoriquina pehe tiquiro yahurire marine yahu turiari, marine quehnoano masigă yee tehe. Sa yero ti buheyere marine tiquiro yăhdŕoati buheyere mari sa tŕhotu căgă Cohăcju

marine buhiri dahrerota. Tire duhti masiedaja mari.

⁴ Ti buheyere tuho muhtariquina tiquina buheri watoa Cohācjū pehe ti buheye potō ijigū ihñono nidi. Tiquiro tutuaye mehna ihñono nidi. Sa yero peye tahari tiquiro tutuaye mehna ye ihñono ti buheyere potō ijigū ihñono nidi. Sa yero tiquiro yequinare tiquina ye masiatire tiquiro cahmeno sahata cūahye. Espiritu Santo pehe ijire marine ye masigū yeriquiro.

Jesucristo mari yero sahata pagu tiriquireo masa bajuahye

⁵ Pihtiri deco bato ijiyequina Cohācjū caha ijiyequina puhtoa ijisi angele pehe. Tiquinare puhtoa sōsi mari Pacu. ⁶ Sa yero ihcāquireo mari Pacare tiquiro yahuducurire ohō saha ni ojoahye panopu:

Masa ihyo ijiyequina tiquina ijiepegūta tiquinare wacūre mahu. Masare quehnoano yere mahu. ⁷ Meheñe decorigā angele docapu masare cūahye mahu. Sa cūepegūta yojopure tiquinare tutuayere ohogu, puhtoa sōahye mahu. ⁸ Mahu sa sōgū ahri yehpapu ijiyequina wahiquina gāhu bui dahsaro marieno masare cūahye mahu, niahye panopu cjāno mari Pacare.

Sa sōno ahri yehpapu ijiyequina wahiquina gāhu bui dahsaro marieno masare cūahye. Masare tiquiro sa puhtoa sōepegūta ijipihtiyequina ahri yehpapu ijiyequina wahiquina masare ihña wahāedarīaga, usā tūhotugū. Ahri yehpapu ijiyequina wahiquinare ihña wahāgū yeraniaga masa. Ijipihtiye bui ijieraniaga masa. ⁹ Sa tiquinare ihña wahāgū yerapenata Jesu pehere wacū tutuaja mari. Meheñe decorigā angele docapu mari Pacu tiquiro macno gūhare cūahye, mari ñañe buhiri yariatiquireore. Mari Pacu marine cahño mari yariaborirore Jesure yariagū cahmeahye. Sa yero tiquiro sa yariagū ihñano tiquirore tutuayere ohoro, puhtoro sōahye tiquirore.

¹⁰ Cohācjū ijipihtiyere bajumehnediquiro ijire. Sa ye ijipihtiye tiquiro ye dihita ijire. Sa yero Jesure yaria dutiro ñañene cohāgū yeahye tiquirore. Sa yeahye tiquiro masa peyequina tiquiro yequina ijiatiquinare ahmasepu neano taro. Jesu sa yero, ñañe marieniquiro, quehnoa yuhduariquiro tiquiro ijiyere ihñono niahye. Sa yero Jesu pehe marine yuhduoriguero, mari puhtorota ijire. ¹¹ Ijipihtiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pacu tire Cohācjūre. Mari Pacu ihcāquirota ijire. Mari Pacu tiquiro ijigū Jesu marine tiquiro yequinare tiquiro cose

wenohrinare “Yahu acaye ijire”, ni pisuro ne bue tierare. Tiquiro sa ni pisurire masare yahutja. ¹² Ohō saha nino niahye tiquiro:

Cohācjū, mahu ijiye tiyere yahutja yahu acayepare. Ijipihtiyequina yequina ihñonopu mahure ño peogu “Tutuariquireo ijire”, ni yahutja yahu tiquinare, niahye tiquiro Pacarore.

¹³ Ahri gūhare niahye tiquiro:

Cohācjūre wacū tutuautja yahu, niahye tiquiro.

Ahri gūhare niahye tiquiro:

Ohō ijiaja yahu. Cohācjū pohne mehna ohō ijiaja. Yuhure tiquiro cūriquina yahu acaye mehna ohō ijiaja, niahye tiquiro yequinare “Yahu acaye” ni pisuro.

¹⁴ “Tiquiro pohne” tiquiro niñequina pagu tiyequina mari ijigū ihñano, Jesu pehe mari ya pagu saha pagu tiriquireo ahtahye. Sa ijiriquireo ahtahye tiquiro curusapu yariaro taro, watñore butigū yero taro. Tiquiro watño pehe yaria dutiriquireo ijire. ¹⁵ Sa ye watñore butigū yero, marine yuhduore. Mari pehe decopre mari yariare cuemi. Sa cuerina ijina pecapu wahaborina ijimi mari. Sa ijina mari ijigū ihñano tiquiro marine yuhduore. ¹⁶ Sa yuhduoro angele pehere yedohoro ahtaerahye tiquiro. Abrahā panamena iji turianare Cohācjū yequinare mari pehere yedohoro ahtahye. ¹⁷ Sa yero tiquiro mari acayuro warota ahtahye. Ihcāno saha mari yero saha pagu tiriquireo ahtahye. Sa ahtarō mari yuhduatire mari ñañe yerire mari Pacare cohā dutiro ahtarō niahye. Sa yero mari yequina pahia puhtoa tiquina yeriro saha yero ahtarō niahye. Mari yero saha ijiro marine quehnoano paja ihñare. Sa yero Cohācjū cahmeno saha sa yeducuriquiro ijire. Sa yero tiquiro mari yaquiro pahia puhtoro ijiro nine. ¹⁸ Tiquiro ñano yuhduahye. Sa yero watño tiquirore ñano ye dutimahye. Yerahye tiquiro. Sa ñañene yerariquireo ijiro, tiquiro pehe mari gūhare ñañene yeragū ye masine. Watño ñañene tiquiro ye dutigū ihñano marine ñañene yeragū ye masine Jesu.

3

Jesu Moise yuhduoro ijiriquireo ijire

¹ Jesu tiquiro sa ijiriquireo ijigū ihñano tiquirore quehnoano wacūña masa. Yuhu acaye Jesu yequina, Cohācjū besenohrina ijire masa. Tiquiro Jesu pehe Cohācjū cūriquireo ijiro mari yaquiro pahia puhtoro ijire. Tiquiro ye buheyere quehnoañe buheyere mari quehnoano ño peoaja. Tiquiro pehere quehnoano wacūña masa. ² Cohācjū tiquirore marine yuhduoatiquireore tiquiro cūgū tiquiro

pehe Cohācjū cūriro saha yeahye. Ne yūhdudūcaerahye. Moise gūhū Cohācjū yequina Israe masare yedohoro ne yūhdudūcaerahye. Sata yeahye Jesu gūhū.

³ Sa yero Moiserē tiquina ño peoriro yūhdūoro Jesu pehere ño peoro cahmene marine. Ohō saha ijire ti mari queoye mehna buhegū. Wūhūre mari ño peoriro yūhdūoro wūhū dahreriquiro pehere ño peoro cahmene marine. Sa yero Jesu pehe wūhū dahreriquiro yero saha ijiriquiro tiquiro ijigū Moiserē mari ño peoriro yūhdūoro tiquiro pehere ño peoro cahmene marine. ⁴⁻⁶ Ohō saha ijire ti. Mari Cristo yequina Cohācjū ya curua cjāna ijiaja. Cristo pehe wūhūre tiquiro cūboriro saha marine tiquiro ya curua cjāna ijiatinare cūno nine. Masa pehe wūhūse yeyequina ijire. Cohācjū pehe ijiphtiyere yeriquiro ijire. Moise pehe Cohācjū ya curua cjēnare yedohoducuriquiro ijiro, camerū Cohācjū yahuatire yahue tiahye masare. Cristo pehe Cohācjū macano ijiro, Cohācjū yere yeducuriquiro ijiro, Cohācjū ya curua cjēna pūtoro ijire. Sa ijiriquiro ijigū ihñāna Moiserē mari ño peoriro yūhdūoro Cristo pehere ño peoro cahmene marine. Sa yena mari pehe Cristore wacū tutua duhuerana, marine tiquiro yūhdūoatire sa bucueducuna, tiquiro ya curua cjāna ijiaja mari.

Cohācjū tiquiro yequinare tiquiro mehna quehnoano sogū cahmene

⁷ Sa yena Cristore mari wacū tutua duheratire ohō saha yero cahmene marine. Ohō saha nine Espiritu Santo:

Miare yūhū, Cohācjū, māsare yūhū yahugū, yūhti dueyequina yero saha ijieracāhña. ⁸ Quehnoano yūhtiya mūsa yūhūre. Panopū Israe masa masa marienopū ijire, sa yūhdūdacari yūhūre. Sa ye yūhūre ne bucuerağū yeri tiquina. Sa yena tiquina yero saha yeracāhña mūsa yūhūre. ⁹ Topure cuarenta cūhmari waro tiquinare yūhū tutuaye mehna ye ihñomi. Yūhū sa ye ihñoepegūta tiquina pehe ohō saha ni tūhotue timedi: “¿Ñañene mari yegū ihñāno Cohācjū marine buhiri dahreboagari?” ni tūhotue timedi. Sa ni tūhotuyē ñāno ye tuhue tiri. ¹⁰ Tiquina sa yegū ihñāgū tiquina mehna usuā. Sa usuagū ohō saha nii: “Tiquina yūhū yahuducuyere tūho dueraye, sijoro saha ijire buheyere sa wacūducuyē nine. Yee pehere ne yūhti duerare”, nii tiquinare. ¹¹ Sa yegū tiquina mehna usuagū ohō saha ni yahū: “Tiquina yūhū mehna cjēna ne ijisi.

Sa ye wape tiro marieno ijisi tiquina’, ni yahūu yūhū”, ni yahūahye Cohācjū, niahye Espiritu Santo pehe.

¹² Sa yena yūhū acaye, quehnoano yeya mūsa, “Cohācjūre cohāri”, nina. Mūsa ñañene tūhotuna, Cohācjūre catiriquirore wacū tutuerana, tiquirore cohāboaga mūsa. Ne ihcāquiro mūsa mehna cjāno sa yeracāhdo. ¹³ Sa yena ahri pehere yero cahmene: Mūsa mehna cjēnare decoripe Cohācjū yere mūsa basi cahme yahuducuyā “Ñañene yeari”, nina. Ñañene yena, “Ti mehna bucueaja”, nina ni mehoñene tūhotuna niaja mari. Sa ni tūhotueracāhña. Ñañene yeducuna Cohācjū ye pehere cahmedaja mari. Sa yena ñañene duhu dueraja. “Sa yeari”, nina, mūsa mehna cjēnare Cohācjū yere mūsa basi cahme yahuducuyā. Cristo tiquiro ahtato pano decoripe tire sa cahme yahuducuyā. ¹⁴ Sa yena coā waropū Cristore mari wacū tutua dūcariro saha mari wacū tutuaducuna, mari catiro puno tiquiro yere duhuerana, tiquiro mehna cjāna ijiaja.

¹⁵ Ohō saha nine Cohācjū yere tiquina ojoari pūpū:

Miare yūhū Cohācjū māsare yūhū dutigū quehnoano yūhtiya mūsa yūhūre. Panopū cjēna Israe masa yūhū yahuepegūta ño peo dueraye, yūhūre yūhti duerari. Sa yena tiquina yero saha yeracāhña mūsa, niahye Cohācjū, ni ojoahye panopūre.

¹⁶ Sa ye Cohācjū tiquiro yahurire tūhomediquina ijiepetā tiquina tiquirore yūhtierahye. Tiquina ijiphtiyequina Egiptopū ijieyequina Cohācjū wioriquina ijiepetā tiquirore ne yūhtierahye. ¹⁷ Sa ñāno yeye cuarenta cūhmari waro Cohācjūre usuagū yee tiahye. Tiquina sa yeri buhiri masa marienopū yariahye tiquina. ¹⁸ Tiquirore tiquina sa yūhti dueragū ihñāno ohō saha cua pesaro mehna niahye tiquiro: “Tiquina yūhū mehna cjēna ne ijisi. Sa ye wape tiro marieno ne ijisi tiquina”, niahye tiquiro. ¹⁹ Tiquiro sa nigū tūhona ahri pehere masinata mari: Cohācjūre tiquina wacū tutuerari buhiri tiquiro mehna cjēna iji masiedahye. Sa ye tiquiro mehna quehnoano so, iji masiedahye.

4

¹ Sa yero panopū cjēnare tiquiro mehna tiquina quehnoano soatire cahmeno, tiquinare “Yūhū mehna wape tiro marieno sonata”, ni cūahye Cohācjū. Mari gūhūre sata ni cūahye tiquiro. Sa yena cua pesaro mehna Cohācjūre quehnoano yūhtihna mari, “Wihearī”, nina. Sa wihena tiquiro mehna quehnoano sosi mari. ² Panopū cjēna Cohācjū yere tiquina tūhoriro saha

mari gāhū quehnoañe buheyere tūhou. Tiquina tūho mūhtariquina pehe tūhoye, “Cohācjū ye waro ijire”, ni tūhotuerahye. Sa ye tiquina tūhori dūhseati ijierahye. ³ Mari pehe tiquirore wacū tutuana Cohācjū mehna cjāna ijinata. Sa yena tiquiro mehna quehnoano iji, sonata. Wape tiro marieno ijinata. Cohācjū tiquiro nidiro sahata ijire ti. Ohō saha niahye tiquiro tiquirore yūhtierariquinare:

Tiquina mehna usuagū cua pesaro mehna ohō saha ni yahuu: “Tiquina yūhū mehna cjēna ne ijisi. Sa ye wape tiro marieno ne ijisi”, ni yahuu, niahye Cohācjū yere tiquina ojoari pūrū.

Ahri yehpare tiquiro yeri bato dahra duhurīahye tiquiro. ⁴ Ahrire mari masiaja. Seis decori ahri yehpare tiquiro yeri bato tiquiro dahra duhurire yahuro ohō saha niahye Cohācjū ye yahuducuyere tiquina ojoari pūrū:

Seis decori bato ijipihtiyere tiquiro dahrarire pehoro, Cohācjū dahra duhuahye, niahye tiquiro yere tiquina ojoari pūrū.

⁵ Sa yero Cohācjū yere tiquina ojoari pūrū ohō saha ni yahure tiquiro mehna quehnoano ijieyequinare:

“Tiquina yūhū mehna cjēna ne ijisi. Sa ye wape tiro marieno ne ijisi”, niahye Cohācjū, nine tiquiro yere tiquina ojoari pūrū.

⁶ Sa ye quehnoañe buheyere tūho mūhtariquina tiquirore tiquina yūhdūdcari buhiri tiquiro mehna cjēna ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjēna ijietā. Sa ye tiquiro mehna wape tiro marieno soyequina ijietā. ⁷ Sa yero masare tiquiro yūhdūoati deco ihcā deco cūahye parī turi Cohācjū. Ti decoa yojorūre ijire. Peye cūhmari bato Israe masa Cohācjūre tiquina tūho mūhtari bato ti decore yahuahye Davi pehe. Cohācjū tiquirore yahu dutigū yahuahye. Cohācjū ye yahuducuyere tiquina ojoarire masare yūhū yahuri decore ohō saha ni ojoahye Davi:

Ahri decore yūhū Cohācjū masare yūhū yahugū yūhdūdcaro marieno quehnoano yūhtiya masa yūhūre, ni ojoahye panopūre.

⁸ Coā waropūre Josué Israe masare Cohācjū ohori yehparū ne sahye. “Yūhū mehna wape tiro marieno soyequina ijietā”, nino, ti yehparū tiquina soatire nino niedahye Cohācjū. Ti yehparū so dutiro, ape deco tiquiro yūhdūoati decore cūedaboaga tiquiro. ⁹ Seis decori bato ahri yehparūre tiquiro yeri bato Cohācjū tiquiro dahra duhuriro saha mari tiquiro yequina gūhū tiquiro mehna wape tiro marieno mari soati ijirota. Tiquiro mehna mari quehnoano

ijiatō ijirota. ¹⁰ Sa yero Cohācjū tiquiro dahrarire duhu cāriahye. Sa yena mari gūhū mari wape tirire duhu cānata. ¹¹ Sa yena mari tiquiro yequina quehnoano yeihna. Cohācjū yere quehnoano yūhtiihna tiquiro mehna mari quehnoano soato saha. Panopū cjēna mari acaye tiquina yūhdūdcari bato Cohācjū mehna cjēna iji masiedahye tiquina. Tiquina yero saha yeracūhna mari.

¹² Cohācjū ye yahuducuyere marine catigū yere. Quehnoañe pehere marine comesagū yere. Sa ye tiquiro ye yahuducuyere ihyo ijieye ijierare. Sa ye űoseni pījī pua peheri siori pījī mehna dihirore tiquina yūhre ihñā tiquina masino saha tiquiro ye yahuducuyere gūhū mari ijieye tiyere quehnoano masigū yere. Tiquiro ye yahuducuyere mari tūhogū, tire mari buhegū mari ijieye tiyere quehnoano masi pehogū yere marine. ¹³ Ne Cohācjūre mari ijieye tiyere mari yerire nūo masiedaja mari. Ijipihtiyere tiquiro bajumehnedire, tiquiro bajumehnediquina gūhūre ihñāre tiquiro. Sa yena mari yerire tiquirore yahu yūhdūro cahmene marine.

Jesu tutuariquiro mari yaquiro pahia puhtoro ijire

¹⁴ Jesu Cohācjū macuno tiquiro Pacaro cahapū tojoariquiro ijire. Tiquiro tutuariquiro mari yaquiro pahia puhtoro ijire. Sa yero marine Cohācjūre sini basare. Tiquiro sa ijiriquiro ijigū ihñāna mari pehe tiquiro yere quehnoano yūhtiihna. Tiquirore quehnoano wacū tutuaducuhna. ¹⁵ Tiquiro mari yaquiro pahi mari űano yūhdūgū ihñāno quehnoano paja ihñāriquiro ijire. Mari űañene tutuaro cahmeñene masine tiquiro. Watīno ijipihtiyere űañene marine tiquiro ye dutiro sahata tiquiro gūhūre űañene ye dutimahye. Tiquiro sa ye dutiepegāta tiquiro űañene yerahye. Sa űañene tiquiro ye dutinohriquiro ijiro, marine paja ihñāno tiquiro yedoho masine marine. ¹⁶ Sa yena cuero marieno Cohācjūre sinihna. Tiquiro marine cahīne. Sa yero tiquirore mari sinigū tiquiro pehe paja ihñāno, marine yedohorota. Watīno marine tiquiro űañene ye dutigū, mari űano yūhdūgū gūhūre tiquiro marine yedohorota.

5

¹ Ijipihtieyquinare pahia puhtoare besero, masare besere Cohācjū. Sa tiquiro beseri bato pahia puhtoa pehe tiquina mehna cjēnare yedohoye tehe Cohācjū cahacjēna ijire. Sa ye űañene tiquina yeri buhiri Cohācjūre sini basare tiquina mehna cjēnare. Wahiquirore wejē űjūa mūoñe, Cohācjūre sini basare. ² Pahia puhtoa apequina masa yero saha quehnoano

masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yerariquina gũhare quehnoano yedoho masine. ³ Sa ye pahia quehnoano ye pehoeyequina ijiye ñañe buhiri tiyequina ijire. Sa ye tiquina basi ñañene tiquina yeri buhiri wahiquirore wejê ujã m̃uo, Cohãcjũre sinine. Apequina masare yedohoye tehe, tiquina ñañe buhiri tiquina sini basariro sahata tiquina basi tiquina ñañe buhiri gũhare sinine Cohãcjũre.

⁴ Sa yero tiquiro basi tiquiro esa tuharo pahia puhtoro sajãedare. Cohãcjũ pehe tiquirore besero, pahia puhtoro sõre. Panopũ cjũno Aaron munanore tiquiro cũriro sahata apequina pahia puhto gũhare cũre tiquiro. ⁵ Sata Cristo gũhũ tiquiro basi tiquiro esa tuharo pahia puhtoro sajãedahye. Cohãcjũ pehe tiquirore puhtoro sõno, ohõ saha niahye:

Yũhũ macũ ijire muhũ. Miare muhare ba-juagũ yei, niahye Cohãcjũ.

⁶ Ape taha ohõ saha niahye Cohãcjũ Cristore: Ijipihitiye decori pahĩ ijiducuguta muhũ. Melquisede tiquiro ijiriro saha pahĩ ijiducuguta muhũ, niahye tiquiro macanore.

⁷ Cristo ahri yehpapũ ijiro sañuducuyeh mehna, utiye mehna mari Pacũre tutuaro siniahye tiquiro “Yũhare masoña”, nino. Mari Pacũ pehe tiquirore yariariquirore maso masiniquiro ijire. Tiquiro sa sinigũ mari Pacũ tuhoahye tiquirore. Mari Pacũ cahmeñe dihitaro tiquiro ye duagũ ihñano mari Pacũ pehe tiquiro sinidire tuhoro, tiquirore yuhtiahye. ⁸ Sa yero Cristo Cohãcjũ macano ijieperota ñano yuhduahye tiquiro. Sa ñano yuhduro yuhtiahye mari Pacũre. Sa yuhtiro quehnoano yuhti masiahye. ⁹ Sa ñano yuhduro, curusapũ yariaro ijipihitiyequina tiquirore yuhtiatiquinare yuhduoatiquiro wahahye. ¹⁰ Sa yero mari Pacũ pehe tiquirore pahia puhtoro cũahye. Sa yero Melquisede pahia puhtoro tiquiro ijiriro saha ijire Cristo.

Cristo yequina tiquirore wacũ tutua duhugã cuarĩne

¹¹ Peye ohõ saha ijiyere musare yahu nemo duaja usã. Usã sa yahu nemo duepegũta musa pehe dapu butina ijire. Sa yena musare yahuro basioerare usãre. ¹² Yoari pje Cristo yequina ijiimene musa. Sa yena yojopũre apequinare buhenapũ iji tuhasaboya musa. Musa sa ijiborina ijiepegũta apequina musa pehere buheeta. Cohãcjũ yere mijoeda cjũñe buheye dihitaro tuhore musa. Macanagã epẽco dihitaro tiquina apũ masino saha musa gũhũ mijoeda cjũñe dihitaro quehnoano tuhore. Coã buhe dũcayequina yero saha ijire musa.

¹³ Epẽcore apũñequina macanagã ijinine. Tiquina yero saha musa gũhũ ijire. “Ahri ñañe ijire. Ahri quehnoañe ijire”, ni ihñã masiedare musa. ¹⁴ Ihyayere ihyayequina pehe bũcãna ijire. Tiquina yero saha ijiyequina quehnoano tuho masieñequina quehnoano buheriquina ijire. “Ahri ñañe ijire. Ahri quehnoañe ijire”, ni ihñã masine tiquina pehe.

6

¹⁻² Sa yena Cohãcjũ yere quehnoano masina, quehnoano yuhtina ijiinhna. Cristo yere coã warore mari buhe dũcãna ohõ saha masi dũcãu: Mari ñañene yerire bujũa witi, duhuro cahmene. Mari ñañene yeri buhiri pecapũ wahanata. Sa yena Cohãcjũre wacũ tutuaro cahmene marine. Ahrire coã waropũre marine buhe dũcari. Sa ye wame yeyere, omocarine marine tiquina duhu peoyere, yariariquina tiquina masa mujañene, ahri deco pihtiri bato Cohãcjũ buhiri dahreatire, tiquiro buhiri dahreatiquina tiquina ñano yuhduducuato gũhare ahri gũhare coã waropũre marine buhe dũcare. Sa ijiye buheyere masi tuhasana, quehnoano buhe nemouhna tja.

³ Sa yena Cohãcjũre, tiquiro ye gũhare masi nemouhna. Cohãcjũ cahmegã sa yenata mari.

⁴ Mari sa yerana Cohãcjũ yere duhuboaga mari. Cohãcjũ yere duhuriquinare ne pari turi tiquina ñañe yerire tiquinare bujũa witi gũ ye masiedare. Sa ijiyequina Cristo tiquiro yuhduomediquina ijiye, Espĩritu Santore cõmedĩ. ⁵ Sa ye Cohãcjũ ye yahuducuyere tuhoye quehnoañe ti yahuducuyere ijigũ masimedi. Sa ye pihtiri deco batopũ Cohãcjũ tutuaye mehna mari sa ijiducuatire, masare tiquiro buhiri dahreato gũhare tiquina masimedi.

⁶ Sa ijiriquinapũre Cristo yere tiquina duhugã pari turi tiquina ñañe yerire tiquinare bujũa witi gũ ye masiedare. Sa duhuriquina Cohãcjũ macanore pari turi curusapũ tiquina quẽ bihaboriro saha tiquirore yeye nine. Tiquina sa yegũ ihñañe apequina masa Cristore bujũpere. Sa ye tiquina ñañe yerire tiquinare bujũa witi gũ ye masiedare. ⁷ Ohõ saha ijire ti mari queoye mehna buhe gũ: Quehnoari yehpare pajiro acoro ahtagã ti oteye quehnoano bũcãna, dũca tire. Sa yero ti wese upũro dũcare cõore tiquiro ihyatire. Ti yehpa Cohãcjũ quehnoano tiquiro yeri yehpa ijire. Sa quehnoano yere tiquiro yequina gũhare. ⁸ Sa ijiepegũta pota mehna, taa mehna ti yehpa diaro duhseati ijierare. Sa ijiri yehpare Cohãcjũ ujã cohãnota. Sata yere tiquiro tiquirore duhuyequinare.

Cristore sa ño peoducuyequinare yãhdnoatire Cohãcjũ

⁹ Yũhũ cahĩna, musare sa ni yahuepegata musa pehere “Cristore cohuna ijire”, nigũ niedaja. Musa pehe Cristo yãhdnoohrina ijire. Sa yena quehnoañene yena niaga musa. Ahrire masiaja yũhũ. ¹⁰ Quehnoano mari yeri wapa queoro marine quehnoano yeriquiro ijire mari Pacũ. Sa yero tiquiro yere musa tutuaro dahrari wapare bosì tiquiro. Tiquirore cahĩna quehnoano yedohore musa tiquirore. Apequina Cristo yequina gãhũre yedohore musa. Sa yena tiquinare yedohona niaga musa. Sa yerina musa ijigũ ihĩano bosì tiquiro. ¹¹ Musa catiro puno apequinare musa cahĩducugũ, musa yedohoducugũ gãhũre cahmeaja usã. Musa sa yeri wapa queoro quehnoano yerota mari Pacũ musare. ¹² Sa yena musa cape bujana musa ijigũ cahmedaja usã. Apequina Cristo yequina ñano yãhdnepeta tiquiro yere ne duhuerare. Tiquina sa yegũ ihĩano mari Pacũ “Musare ohoutja”, tiquiro nidire tiquinare oho pehorota. Sa yena musa gãhũ tiquina yero saha yeducuya.

¹³⁻¹⁴ Panopũ Cohãcjũ Abrahãre ohõ saha ni cũahye. “Yũhũ wame mehna ahrire potò nii niaja mũhũre. Mũhũre quehnoano yeitja. Sa yegũ mũhũ panamena ijì turiayequinare peyequina masa ijigũ yeitja”, ni yahu cũahye Cohãcjũ. Sa ni yahu cũno tiquiro ye wame mehna wame peo yahuro niahye. Apequiro tiquiro bui ijiriquiro ne mariedagũ tiquiro ye wame mehna tiquiro basita sa wame peo yahuahye. ¹⁵ “Mũhũre quehnoano yeitja”, Cohãcjũ tiquiro ni cũire Abrahã pehere quehnoano tiquiro cohtegũ ihĩano tiquiro nidiro sahata tiquirore quehnoano yeahye. ¹⁶ “Cohãcjũ mehna potò nina niaja”, masa pehe niñe, tiquina bui ijiriquiro wame mehna wame peo yahuye nine. “Cohãcjũ mehna potò nii niaja”, ihcãquiro nigũ tuhoro apequiro pehe tiquiro mehna cahme dase tutuariquiro pehe “Ijirota ijire”, ninota. Sa ye cahme dase tutua duhuetã tiquina. ¹⁷ Sa yero Cohãcjũ Abrahãre “Mũhũre quehnoano yeitja”, ni cũno wame peo yahuahye. Tiquiro sa wame peorire tuhona “Ijirota ijire ti. Tiquiro sa nidi ne comesasi”, ni, masiaja mari. Tire mari masiato saha tiquiro ni cũri mehna wame peo yahuahye.

¹⁸ Sa yero pũaro tiquiro ni yahuducuri mehna tiquiro nidi potò ijigũ masigũ yeahye Cohãcjũ marine: Tiquiro ni cũri gãhũ tiquiro wame peori gãhũ ti pũaro mehna tiquiro ni yahuducurire yahuahye tiquiro. Sa ye tiquiro ni cũri gãhũ, tiquiro wame peori gãhũ ne comesaerare. Sa yero Cohãcjũ ne ni mehoedare. Tiquiro sa ijiriquiro ijigũ masina, mari tiquirore quehnoano wacũ tutuana, bucueye mehna marine tiquiro yãhdnoatire cohtenatja mari. ¹⁹⁻²⁰ Sa

tiquiro yãhdnoatire cohtena, wacũ tutuana ijiaja mari. Sa yena cueraja. Pahia pũhtoro Cohãcjũ ijiri tuçũ waropũ sajãno, cahmotari suhtirore yãhdũ sajãre. Sa sajãno masa ye ijiatire sini basare Cohãcjãre. Tiquiro sa yeriro sahata Jesu gãhũ came mari wahato sahata ãhmũsepũ Cohãcjũ cahapũ waharo, mari ye ijiatire sini basare Cohãcjãre. Topũ mari wahato pano tiquiro pehe wahahye. Sa yero ijiphihtiyegũ decori pahia pũhtoro ijire tiquiro. Melquisede pahì tiquiro ijiriro saha pahia pũhtoro ijire tiquiro gãhũ.

7

Melquisede pahì tiquiro ijiriro saha Jesu pahia pũhtoro ijire

¹ Melquisede Salẽ wame tiri maca cjẽna pũhtoro ijiahye. Sa yero pahì ijiro Cohãcjũ tutuariquirore, ãhmũse cjũnore sini basariquiro ijiahye. Sa yero apequina pũhtoare Abrahã wejẽ tuhãsa, tiquiro tojoa tagũ waro Melquisede tiquiro ya macapũ ijiriquiro Abrahãre piti caro esahye. Sa piti caro tiquirore sini basahye Cohãcjãre. “Quehnoano yeya ahriquirore”, ni sini basahye Abrahãre Cohãcjãre. ² Tiquiro sa piti cato pano Abrahã pehe tiquirore ihĩna tuhtiyequinare wejẽ tuhãsa tiquiro wejẽdiquina puhtoa yere neahye. Tiquiro sa nedire mehenogã ohoahye Melquisedere. Melquisede tiquiro wame pehe “Pũhtoro quehnoano yeriquiro ijire”, nino nine. Sa yero tiquiro Salẽ wame tiri maca cjẽna pũhtoro ijigũ tiquiro wame ohõ saha nino nine: “Pũhtoro quehnoano ijigũ yeriquiro”, nino nine. “Salẽ” nino, “Quehnoano ijiye”, nino nine. ³ Ne Melquisede pacasumãre, tiquiro pano ijì mũhtariquinare, tiquiro acayere tiquina yahu ojoa ohõri mariedare. Tiquiro masa bajarire, tiquiro yariari gãhũre yahu ojoa ohõri mariedare. Sa yero sa ijiducuriquiro yero saha ijire tiquiro. Tiquiro sa ijiriquiro ijigũ Cohãcjũ tiquiro mehna marine queoye mehna buhere. Cohãcjũ macano tiquiro pahì ijirire marine buhere. Melquisede pahì sa ijiducuriquiro yero saha ijire. Tiquiro yero saha Cristo gãhũ pahì sa ijiducuriquiro ijire.

⁴ Sa yero Melquisede ne ihyo ijiriquiro ijierahye. Abrahã mari ñecu manano pũhtoro waro ijieperota mehenogã tiquiro nedire Melquisede pehere ohoahye. ⁵ Sa yero Cohãcjũ dutiye Moiserẽ tiquiro cũri ijiphihtiyequina apequina Israe masare to punota wapa ye dutire. Sa dutiro Levì panamena ijì turiayequinare tiquina acaye wapa yerire ñehe dutiro, cũahye. Levì panamena pahia wahãe tiahye. Sa ye Israe masa Abrahã panamena ijì turiayequina ijiepetã tiquina pahiare wapa yee tiahye. ⁶ Melquisede pehe Levì panamino ijì

turiariquiro ijieraperota wapa neahye Abrahäre. Sa yero Cohäcjö “Muhäre quehnoano yeitja”, tiquiro ni cüriquiro ijieperota Abrahä pehe Melquisedere wapa yeahye. Sa yero Melquisede pehe Cohäcjöre Abrahäre sini basaro quehnoano ye dutiahye.

⁷ Quehnoano ye dutiriquiro Melquisede pehe tiquiro quehnoano ye dutinohriquiro Abrahä bui ijire. Tire mari quehnoano masiaja. ⁸ Mari mehna cjäna pahia marine mehenogä wapa neñequina mari yero saha masa ijire. Sa ye yariatiquinata ijire tiquina gühu. Ahriquiro Melquisede pehe Abrahäre mehenogä wapa nediquiro sa catiduriquiro yero saha ijire. Tiquiro yariarire yahueraro, sata nino niahye Cohäcjö yere tiquina ojoari püpu. ⁹ Yojopu cjäna Leví panamena iji turiayequina pahia ijije, mehenogä wapa nene. Sa ijijequina tiquina ijiepegäta Abrahä Melquisedere mehenogä wapa yero, ijiphtiequina Leví panamena ye ijati gühure oho basaro saha yero niahye. Sa ye tiquina gühu Melquisedere mehenogä ohoyequina yero saha ijire. ¹⁰ Melquisedere Abrahä tiquiro wapa yeri pjere Leví pehe masa bajueraniahye. Sa ijieperota tiquiro ñecano manano Abrahä pagupu tiquiro ijiboriro saha Leví pehe iji tuhasaro niahye. Sa yero Melquisede Abrahäre tiquiro piti cagä Leví gühu tiquiro ñecano manano mehna ijiro saha ijiro niahye. Sa ye Leví, tiquiro panamena mehna Melquisedere mehenogä wapa yezequina yero saha ijije, tiquina tiquiro docapu ijije niahye.

¹¹ Tiquiro dutiyere cüno Cohäcjö Levíre tiquiro acaye gühure pahia iji dutiahye. Sa ye tiquiro dutiye nidiro sahata tiquina pahia wahiquinare wejē ujä müo, Cohäcjöre sini basahye masare. Tiquina sa yeri mehna mari yuhdüna, apequiro pahi sijoro saha ijiriquiro pahire cahme nemoedaboya mari. Sa yena apequiro pahire cahmeaja mari yojopure, Melquisede yero saha ijiriquirore. Leví ya curua cjäno Aaron manano yero saha ijijequina pahiare yojopure mari cahmedaja. ¹² Sa yena pahiare comesana niaja mari. Mari sa comesana, marine dutiye gühure comesaro cahmene marine. ¹³ Aaron, Leví gühu tiquina ya curua cjäna dihitaré pahia sajä duti muhtamahye Cohäcjö, tiquiro dutiyere cüno. Tiquiro sa dutiepegäta yojopure mari puhtoro pahi söriquiro ape curua cjäno ijire. Sa ye ti curua cjäna ne pahia sajäedahye. ¹⁴ Tiquiro Cristo Judä ya curua cjäno masa bajuahye. Tire mari quehnoano masiaja. Sa yero, Moise pahia söno, Judä ya curua cjäna ne pahia söeda tiahye.

¹⁵ Ahrire masina, ohö saha mari quehnoano masiaja: Yojopure wahma tiquiro söriquiro pahi Cristo Melquisede yero saha ijiriquiro ijire. ¹⁶ Panopu cjä dutiye ti nidiro sahata Leví ya curua cjäna dihita pahia sajähye. Yojopure tiquiro söriquiro pahia tiquina yero saha pahi sajädare. Tiquiro Cohäcjö tutuaye mehna ijiphtie decori ijiriquiro ijire. Sa yero ti tutuaye mehna pahi sajähye tiquiro. ¹⁷ Ohö saha nine Cohäcjö yere tiquina ojoari püpu: Ijiphtie decori pahi ijiducugäta mühu. Melquisede pahi tiquiro ijiriro saha pahi ijiducugäta mühu, niahye Cohäcjö tiquiro macanore, ni ojoahye panopu.

¹⁸ Ti dutiye tiquiro cü muhtari dutiye duhseati ijierahye. Sa yero ti dutiyere duhu cähye Cohäcjö. ¹⁹ Moiseré tiquiro cüri dutiye mehna ne yuhdüerare masa. Sa yero yojopu pehere Cohäcjö marine tiquiro yuhdüoatire marine cüre. Tiquiro sa yegü yojopure tiquiro mehna yahuducu masiaja.

²⁰ Sa yero Cristore pahi söno, wame peoro mehna tiquirore söahye. Apequina pahiare tiquiro yero saha wame peo söedahye.

²¹ Cristo pehe Cohäcjö wame peoro mehna pahi sajähye. Ohö saha niahye tiquiro Pacaro Cristore:

Yuhu mühu puhto yuhu wame mehna mühure poto yahutja. Sa yegu ahrire ne duhu cüno marieno yahuaja mühure. Pahi sa ijiducugäta mühu, ni cüahye Cohäcjö tiquiro macanore.

²² Sa wame peo cüno, wahma buheyere quehnoañe buheyere marine cüno, marine tiquiro yuhdüoatire cüno niahye. Panopu cjä dutiye yuhdüoro mari quehnoano ijiatire cüno niahye. Sa yero Cohäcjö “Mü sare yuhdüoutja”, tiquiro nidiro sahata yero taro, Jesure ohoahye marine yuhdüoatiquirore. ²³ Iji muhtariquina pahia tiquina yariagü ihñañe apequina comesa sajäre tja. Sa ye tiquina peyequina pahia wahare. ²⁴ Jesu pehe sa ijiducure. Sa ye tiquirore comesayequina mariedare pahia. ²⁵ Sa yero tiquiro sa ijiducuro, Cohäcjöre sa sini basaducure tiquiro yequina ye ijiatire. Sa yero Cohäcjö mehna tiquina sa ijiducuoata saha masare yuhdüo masine tiquiro. Ijiphtiequina tiquirore wacü tutuayequina Cohäcjö cahapu wahaeta. Sa yero Jesu ijire potota tiquinare yuhdüoriquiro.

²⁶ Sa yero Jesu ijire mari yaquiro pahia puhtoro. Tiquiro puhtare tutuaro cahmeaja mari. Ne ñañe buhiri marieniquiro ijire tiquiro. Sa yero masa yero saha ne ñañene yerare. Sa yero Cohäcjö tiquirore ñañequina cahapu ijiriquirore neano, mümüseru cü, ijiphtiequina apequina bui puhtoro söahye. ²⁷ Apequina pahia yero saha

ijjerare tiqiro. Tiqina pehe decoriye wahiquinare wejē, ujāa m̄uo, Cohācjūre sinie tiri. Tiqina basi tiqina ñañe buhirire sini muhtae tiri. Came apequna masa tiqina ñañe buhiri gāhure sini basae tiri tiqina. Sa ye peye tahari tiqina Cohācjūre sinie tiri. Jesu pehe pahi ijero, ihcā tahata tiqiro yariari mehna siniahye Cohācjūre masa tiqina ñañe buhirire yūhdūoro taro. Sa yariaro tiqiro basi tiqiro pagure tiqiro jeripohna gāhure tiqiro ohoboriro saha yero niahye. ²⁸ Cohācjū dutiye Moiserere tiqiro cūri pahia puhtoare saǵa dutire. Sa saǵaepeta ñañe marieñequina ijjerare sa pahia saǵañe. Ti dutiye bato ijiye buheye mehna Cohācjū wame peoro mehna tiqiro yahuri buheye mehna tiqiro macano pahia puhtoro saǵahe. Tiqiro pehe ñañe marieniqiro sa ijiducure.

8

Cohācjū “Musare yūhdūoutja”, ni cūahye tja Moiserere tiqiro cūriye comesaro. Tire yahu basariqiro ijere Jesu

¹ Ti ijipihtiyere yahuna, ahri pūritare musare yahuna tana niaja: Musare usā yahuriqiro pahia puhtoro tiqiro pūrita mari yaquiro waro ijere. *Uhmusepū Cohācjū* tutua yūhdūariqiro tiqiro puhtoro dujoro pota pehe dujore Cristo mari yaquiro pahia puhtoro. ² Sa yero ahri yehpa cǵa wūhūpū, masa tiqina yeri wūhūpū pahia dahrayere yerare tiqiro. *Uhmusepū ijiri wūhūpūre* mari puhtoro tiqiro yeri wūhūpūre pahia dahrayere yere tiqiro. Ti wūhū pūrita Cohācjū waro ya wūhū ijere.

³ Ijipihtiyequina ahri yehpa cǵena pahia puhto wahiquinare wejē ujāa m̄uo, ohore Cohācjūre ño peoye. Sa ye dutie tiahye tiquinare. Mari yaquiro pahi gāhure Cohācjūre oho dutiahye. Mari ñañe buhirire tiqirore oho dutiahye. Sa yero Cristo mari ñañe buhiri yariaro bucuegū yehye Cohācjūre, pahia puhto Cohācjūre ohoye tiqina bucuegū yeriro saha. ⁴ Mari judio masa mari dutiye ti nidiro sahata ahri yehpāpū pahia masa tiqina ñañe buhirire ohore Cohācjūre siniñe. Sa ye ahri yehpāpū pahia iji tuhasare. Sa yero Jesu pehe mari yaquiro pahi ahri yehpāpū ijinino, pahi ijieraboa tiqiro pehe. ⁵ Ahri yehpa cǵena pahia tiqina dahrayere ahri yehpa cǵa wūhūpūta dahrare. Ti wūhūpū Cohācjūre tiqina ño peorire ihñana uhmuse cǵa wūhūpūre tiqirore mari ño peoatire masi cǵena niaja. “Ti wūhū yero saha ijere”, nino niahye Cohācjū cūhūpū Moiserere tiqiro ya wūhure dahre dutiro. Tiqiro sa dahreato panogā Cohācjū ohō saha niahye tiqirore. “Cūhūpū mahure yūhū ihñoriro sahata ti wūhū ijiriro sahata ya

wūhure queoro dahreya”, niahye Cohācjū tiqirore. ⁶ Sa yero yojopū pehere Jesu pahi ijero, tiqiro dahraye apequna pahia ye dahraye yūhdūoro ijere. Ihyo waro ijjerare. Cohācjū marine “Musare yūhdūoutja”, tiqiro ni yahuri panopū cǵē dutiye Moiserere tiqiro cūri dutiye yūhdūoro ijere. Marine tiqiro yahuri ti dutiye yūhdūoro marine quehnoano ijigū yeeta. Sa yero marine yūhdūo basariqiro ijero, Cristo pehe apequna pahia yūhdūoro ijere.

⁷ Coā waropūre tiqiro dutiri mehna mari yūhdūeraja. Ti dutiye mehna mari yūhdūgū, apeye buheyere cūedaboya Cohācjū. ⁸ Sa yero ti dutiyere tiqina ihcāno sahaerare yahuro ohō saha niahye tiqiro yeequinare Israe masare:

Ohō saha nine mari puhtoro: “Quehnoano tūhoaya. Camepū apeye buheyere yahutja yequinare Israe masare, Judā ya curua cǵena gāhure. ⁹ Ti buheye tiqina ñecusūma mūna iji turiayequinare yūhū yahu cūri yero saha ne ijisi. Yūhū basi tiquinare Egipto yehpāpū ijieyequinare wiogū tiquinare yahu cūmi. Yūhū sa ni yahu cūriye yūhdūucare tiqina. Tiqina sa yegū ihñagū wahmanore tiquinare yūhū yahumedire duhu cāhū.

¹⁰ Sa yegū camepū Israe masare ohō saha ni yahutja: Yūhū dutiyere tiquinare wacūgū yeitja. Sa ye yūhū dutiyere yūhtietā. Sa yegū yūhū Cohācjū tiqina puhto, tiquinare ihñe ihbogū ijigutja. Sa ye tiqina pehe yeequina masa ijietā. ¹¹ Sa ye ti pjere tiqina mehna cǵenare ne tiqina ohō saha cahme nisi: ‘Mari puhtorore Cohācjūre masiñā mūsa’, ne ni cahme buhesi. Tiqina ijipihtiyequina yūhure masi tuhasaeta. Macanagā, bucūna gāhū yūhure masiñequina dihita ijietā. ¹² Sa yegū tiqina ñañe yerire boutja yūhū. Sa yegū tiquinare buhiri dahresi yūhū. Tiqina ñañe yerire pari turi wacūsi yūhū”, niahye mari puhtoro, nine Cohācjū yere tiqina ojoari pūpū.

¹³ Yojopūre marine tiqiro ye buheyere cūno, panopū cǵē dutiyere duhuro nidī. Sa yero mūna dutiyere tiqiro duhuri bato ti dutiye comesaa wahare.

9

Ahri yehpa cǵa tucūre uhmuse cǵa tucū gāhure Cohācjūre ño peori tucūre yahuahye

¹ Coā waropūre Cohācjū tiqiro dutiye Moiserere cūno, masa tiqirore tiqina ño peoato gāhure cūahye. Sa yero Cohācjūre tiqina ño peoati wūhū gāhure ye dutiro cūahye. ² Ti wūhū wahiquina cahseri wūhū

ijiahye. Pua tucū cūoahye. Paji cǰūri tucū tiquina saǰā sa muhtari tucū “Cohācǰū ya tucū”, wame tiahye. Ti tucūru tiquina sihō docodū ijiahye. Sa yero mesa gāhu ijiahye. Ti mesa bui Cohācǰūre tiquina ohori pā pesahye. ³ Ape tucū suhti cahseri mehna tiquina cahmotari tucū ijiahye. Ti tucū “Cohācǰū ijiri tucū waro”, wame tiahye. ⁴ Ti tucūru uru mehna tiquina yeri altar, ehmeo bueyere tiquina uǰāari altar ijiahye. Sa yero uru quehnoañe mehna tiquina duhu ohōri acaro toru cūñahye. Ti acaro puhiauru uru pa manā wame tiye ihyaye pose tiri pa ijiahye. Sa yero ti acaro puhiauru Aaron yadu tuadu pūri tidu ijiahye. Sa yero pua pǰi utā pǰini Cohācǰū dutiyere tiquiro ojoari pǰini gāhu ti acaro puhiauru sañahye. ⁵ Ti acaro bui puaro angele queoye ijiahye. Ti queoye Cohācǰū asi siteyere, ti tucūru tiquiro ijiyere ihñōñe niahye. Ti acaro mohano bui tiquina wāye dāpuri mehna mohahye. Ti acaro mohano bui masa ñañe buhirire tiquina ohorire wejē site peoe tiahye pahia puhtoro. To punota yahutja ahri wāhu cǰēne yojoPURE.

⁶ Sa ye ti wāhure tiquina quehnoano quehnoari bato pahia decoriye tiquina saǰā sa muhtari tucūru saǰā sa, tiquina dahrayere yee tiahye. ⁷ Sa yero pahia puhtoro dihita ape tucūru saǰāhye. Cūhmaripe ihcā tahata tiquiro saǰāri deco boroputa saǰāe tiahye tiquiro. Sa saǰāno tiquina wejēdiquiro wahiquiro tiquina ohoriquiro diire ne saǰāno, Cohācǰūre ño peoe tiahye. Dii marieno ne saǰāedahye. Tiquiro basi tiquiro ñañe yeri buhirire diire ne saǰāe tiahye. Sa yero ijiphiyequina apequina Israe masa “Ñañe ijiaga”, nino marieno tiquina ñañe yeri buhiri gāhure diire ne saǰāe tiahye tiquiro Cohācǰūre sinino taro.

⁸ Ijiphiyete ahri mehna Espiritu Santo ohō saha ni marine buhero nine: Ti wāhuru Moiserere tiquiro cūri wāhuru mari ño peoŕina, tiquiro cūri dutiyere yeatina ijinina, ihyo ijina Cohācǰūre ño peona wahaeraboya mari. Pahia puhtoro dihita Cohācǰū ijiri tucū waropu saǰā masine. Sa yena ihyo ijiyequina tiquina ño peoye wahaeraro saha sa ijiboya mari Moiserere tiquiro cūri dutiyere yena.

⁹ Ahri ijiphiyete Cohācǰūre ño peori wāhuru ijiyere marine cūno, marine yojoPURE cǰēnare buhero niahye Cohācǰū. Wahiquinare wejē uǰāa muo, masa Cohācǰūre tiquina ño peori mehna ne Cohācǰū caharu wahasi. Tiquina sa yeri mehna tiquina ñañe yerire cose werahye. ¹⁰ Sa wahiquinare ohoye, tiquina ihyaye, tiquina sihniñe, tiquina pagu coseye, tiquina ohō saha yeye mehna Cohācǰūre ño peoe timahye. Ahri tiquina sa yeri ihyo warota ijire yojoPURE. Sa yeye ti

dutiye Moiserere tiquiro cūri dutiyere marine quehnoana wahagū yerahye. Sa ye wahma buheyere Cohācǰū tiquiro cūri bato muna dutiyere pehe dahseati ijierare.

¹¹ Cristo pehe mari pahia puhtoro ijiro ahta tuhasari jiri. Sa ijiro marine quehnoañe cū tuhasari jiri. Cohācǰūre ño peori wāhu uhmusepu pahia puhtoro tiquiro dahrari wāhu apequina pahia tiquina dahraye wāhuse yuhduoro quehnoari wāhu ijire. Uhmuse cǰā wāhu ijire. Ti wāhu ahri yehpa cǰā wāhu ijierare. Sa yero masa tiquina yeri wāhu ijierare. ¹² Sa yero Cristo uhmusepu Cohācǰū ijiro waropu ihcā taha saǰāhye mari ñañene yeri buhirire Cohācǰūre ohoro saha yero taro. Toru uhmusepu ohōru tiquiro ijiri tucū waro yero saha ijire mari queoye mehna buhegū. Sa yero chivoa diire, wecuagā diire ne saǰā, ohoerahye tiquiro. Tiquiro pehe tiquiro ye dii warore Cohācǰūre tiquiro ohoro saha yero niahye yariaro. Ijiphiyete decori Cohācǰū mehna mari ijiducato saha tiquiro ye diire cohāhye. Mari ñañe buhirire yariahye.

¹³ “Yariariquinare dahra peona masa pagu wete tina ijire”, ni cūahye Cohācǰū Moiserere. Sa ijire ñañene wete tiyere cose wee tiahye chivoa diire tiquina ohori mehna. Wecua diire tiquina ohori mehna, wecuagāre tiquina uǰāari nitine tiquina ohori mehna sa ijire ñañene cose wee tiahye. ¹⁴ Sa ijire ñañene wahiquina diire tiquina ohori mehna, nitine tiquina ohori mehna tiquina cose weriro saha ti yuhduoro Cristo pehe tiquiro diire cohāno mehna mari ñañe yerire quehnoano cose we peho cāre. Tiquiro ñañe marieniquiro ijiro, curusapu yariaro tiquiro basita tiquiro pagu, tiquiro jeripohna mehna Cohācǰūre ohoro saha yeahye. Espiritu Santo sa ijiducuriquiro yedohoye mehna sa yeahye tiquiro. Sa ye mari ñañe yerire tiquiro cose wegū ihñāno mari ñañe buhirire Cohācǰū bo cāhye. Ti ñañe buhirire cūona pecaru wahaborina ijimi mari. Tiquiro cose wenohrina ijina, Cohācǰū catiriquiro tiquiro cahmeñene ye masiaja mari.

¹⁵ Sa yero “Ohō saha musare yuhduoutja”, masare pari turi Cohācǰū ni yahu cūgū Cristo pehe tiquiro yahuyere yahu basariquiro ijire. Sa yahu basare tiquiro Cohācǰū beseriquinare yuhduoro taro. Tiquiro sa yuhduogū ijiphiyete decori tiquiro mehna ijinata mari tiquiro yequina. Sa yena mari tiquiro yequinare Cohācǰū marine ohoatire cūonata mari. Moiserere tiquiro cūri dutiyere dihita ijigū masa tiquina ñañe buhiri ijinihye. Sa yero curusapu yariaro ti pjeta tiquina ñañe yeri buhirire yuhduoahye tiquiro yequinare.

16-17 Masano came tiqiro acayere tiqiro ohoatire oja ohöyure papera pūpū. Tiqiro ohoatire yahuro taro oja ohöyure. Ti pūre oja ohöyuriqiro tiqiro yarieranigū ti pū dūhseati ijierare. Tiqiro acaye tiqiro suorire nea masiedare. Sa ye tiqiro yariagū ihñañe ti pūpū tiqiro ni ojariro sahata tiqiro yere neañeta tiqina. 18 Tiqiro yariato pano ti pū dūhseati ijieraro sahata yariaro marieno dii wijiario marieno Cohācjū Moisere tiqiro cūri dutiye gāhū ne dūhseati ijieraboya. Sa yero wahiquiro diire tiqiro wejē siteri bato ti dutiyere potota yero niahye.

19 Sa yero ohō saha ye mūhtahye Moise; Cohācjū tiqiro cūri dutiyere masare yahu pehoahye. Came wecuagā diire, chivoa diire aco mehna moreahye. Sa yero hisopo wame tidū dūpū mehna oveja poari sohāñe mehna tiqina ñimiori poarire torēahye. Ti dūpū mehna diire soharo, Cohācjū dutiyere tiqiro ojarō pū bui wejē site peohye. Ijipihtiyequina masa bui gāhūre wejē site peohye.

20 Sa yero ohō saha niahye tiqiro: “Cohācjū marine tiqiro yahuri tiqiro dutiri ahri dii mehna poto jigū masiaja mari. Ahri diire ihñana tiqiro nidiro sahata marine tiqiro yeatire masiaja mari. Ti dutiyere yūhti dutiahye tiqiro marine”, niahye Moise. 21 Sa yero masare tiqiro yeriro saha Cohācjūre tiqina ño peori wāhū wahiquina cahseri wāhūre, ijipihtiyē ti wāhūpū ijīye gāhūre wejē siteahye. 22 Sa tjire. Ti dutiye ti nidiro sahata peye ñañene dii cohāno mehna cose wero cahmene. Mehenogā dūhsaye ñañene apee boro mehna cose wegū quehnoare. Sa yero Cohācjū mari ñañe yerire ne bosī dii cohāedagā.

Cristo tiqiro diire cohāno, yariaro, tiqiro yequina ñañe yerire cose weahye

23 Ti ijipihtiyē Cohācjūre tiqina ño peori wāhū, ti wāhūpū ijīye gāhū ūhmūse cjā wāhūpū ijīye yero saha ijīahye mari queoye mehna buhegū. Ūhmūse cjā wāhū pehe potota Cohācjū ya wāhū waro ijire. Sa yero ahri yehpa cjā wāhūre, ti wāhūpū ijīye gāhūre wahiquina diire tiqiro wejē siteri mehna cose wero cahmeahye. Sa ye ti yūhdūoro ūhmūsepa wahatiquinare tiqina ñañe buhiri tiyequinare cose wero cahmene. Sa yero wahiquina yūhdūoro ijiriquiro ye dii tiqiro cohāno mehna tiqina ñañe yerire cose wero cahmene.

24 Sa yero Cohācjūre tiqina ño peori wāhū masa yerī wāhū ijire. Ūhmūse cjā wāhū yero saha ijire ti wāhū gāhū, mari queoye mehna buhegū. Sa yero Cristo pahī ijiro, marine sini basaro taro ahri yehpa cjā wāhūre sajāedahye. Potota ūhmūsepa

wahahye tiqiro Cohācjū caha marine sini basaro taro. 25 Mari judio masa mari pahia puhtoro cūhmaripe Cohācjū ijiri tucū waropū sajāe tiahye wahiquina diire ohoro taro. Cristo pehe tiqiro diire Cohācjūre ohoro saha yero taro, yariaro, peye tahari sajāedahye. 26 Peyē tahari yariariquiro ijiro, ahri yehpa iji dūcari bato peye tahari yariaboya tiqiro. Peyē tahari tiqiro mari ñañe buhirire yariaducuriquiro ijiboya. Sa ijiboriquiro ijieperota pihtiri deco panogā yojopūre marine ijipihntinare yūhdūoro taro ihcā taha bajuahye tiqiro ahri yehpāpā. Sa bajuahye yariaro taro, mari ñañe buhirire cohāno taro.

27 Ijipihtiyequina masa ihcā tahata yarieta. Tiqina sa yariari bato masa quehnoañequinare, ñañequina gāhūre beserota Cohācjū. 28 Ihcā tahata mari yariaro saha Cristo gāhū ihcā tahata yariahye peyequina masa tiqina ñañe yerire cohāno taro. Came pari turi ahtarota. Mari ñañe yerire cohā tuhasariquorū ijirota. Sa yero pari turi mari ñañe yerire cohāno taro ahtasi. Sa ahtarō tiqirore cohteyequinare, bucueye mehna tiqirore ihñā duayequinare yūhdūoro ahtarota.

10

1 Cohācjū dutiye Moisere tiqiro cūri quehnoañe buheye yero saha ijiepetā, ihcāno saha ijierare. Ti dutiye ti ye dutiro saha cūhmaripe wahiquinare wejē, ūjā mūo, Cohācjūre ño peoduce. Tiqina sa yeye mehna masa tiqina ñañe yerire boerare Cohācjū. 2 Ti mehna tiqina ñañe yerire Cohācjū bogū, ihcā tahata Cohācjūre tiqina ño peori bato “Yojopūre buhiri mariedare ūsāre”, ni tūhotuboya masa. Sa ye pari turi wahiquinare wejē ūjā mūo, Cohācjūre ño peo ohoeraboya. Duhū cāboya. 3 Cūhmaripe wahiquinare wejē ūjā mūo, Cohācjūre tiqina ño peogū tiquinare ñañe buhirire wacūgū yere. To punogāta yedoho duare ti tiquinare. 4 Wecūa dii mehna mari ño peori mehna, chivoa dii mehna mari ño peori mehna ne mari ñañe buhirire cohāedare.

5 Ti ijirota ijire. Ti sa ijigū ihñano Cristo ahri yehpāpāre tiqiro ahtato pano ohō saha niahye Cohācjūre:

Wahiquinare ūjā mūo tiqina ohogū, trigore tiqina ohogū gāhūre mūhū ihñagū bucuereare mūhū. Sa yegū yūhū pagare yerī mūhū ya pagū ijiatire. 6 Ñañene tiqina cohātore wahiquinare wejē, tiqina ūjā mūogū ihñagū bucuereare mūhū. 7 Mūhū sa bucuereagū ihñagū ohō saha nii mūhūre: “Mūhū cahmeno sahata yegū wahagūtja. Sata ni yahure mūhū

ya pūpū”, nii yūhū, niahye Cristo tiqūiro Ρασηροre.

⁸ “Wahiquinare ujūa mūo tiqūina ohogū, trigore tiqūina ohogū gūhure ihñagu bucuere mūhū”, ni yahu mūhtahye tiqūiro. Coā waropure tiqūiro ye dutiye wahiquinare, trigo gūhure tiqūina ohoye mehna ti ño peo dutiepegāta sa niahye tiqūiro. ⁹ Sa ni tuhasa ohō saha ni nemoahye: “Mūhū cahmeno sahata yegū wahagatja”, niahye. Tiquiro sa nigū ohō saha masiaja mari. Panopū wahiquinare wejē ujūa mūoñe mehna tiqūina ño peorire duhugū yero, apeye buheye pehere cūno niahye Cohācjū. (Sa cūno yojopure Cristo tiqūiro yariari mehna masare yūhdūorota Cohācjū.) ¹⁰ Jesucristo tiqūiro pagure ohoro, yariari, ijipihitina marine mari ñano yerire cohāre. Ihcā tahata tiqūiro pagure ohore mari ñañene cohāno taro. Sa yero Cohācjū cahmeno sahata yero niahye.

¹¹ Ijipihitina mari judio masa mari yequina pahia decoripe Cohācjūre ño peori wūhūpū dahraducure. Sa dahraducuye decoripe mūnanota wahiquinare wejē, ujūa mūo, Cohācjūre siniducure. Tiquina sa wejē ujūa mūoepēgāta ti ujūa mūori mari ñano yerire ne cohāedare. ¹² Cristo pehe ihcā tahata mari ñañe buhirire yariahye, mari ñañe yerire quehnoano cohā pehoro taro. Tire cohā tuhasa, wahaa wahahye tiqūiro Ρασηρο cahapū tiqūiro potō pehe dujiro waharo. Pūhtoro ijiro, topū dujiire. ¹³ Topū dujiro, cohtero nine. Tiquirore ihñā tuhtiyequinare Cohācjū pehe tiqūiro yūhdūducā basatore cohtero nine. ¹⁴ Sa yero ihcā tahata tiqūiro yariari mehna tiqūina ñañene cohānohriquinare ñañe mariefequina sa ijiducugū yere tiquinare. ¹⁵ Ti ijirota ijire. Sata ni yahure Espiritu Santo marine. Ohō saha ni yahure tiqūiro:

¹⁶ Ohō saha nine Cohācjū: “Camepūre ohō saha ni yahutja Israe masare. ‘Yūhū dutiyere tiqūina wacūñepū cūtja’, ni yahutja”, nine tiqūiro.

¹⁷ Ohō saha ni nemore Cohācjū:

“Tiquina ñañe yerire pari turi wacū nemosi yūhū”, nine tiqūiro, ni yahure Espiritu Santo.

¹⁸ Mari ñañe yerire tiqūiro sa bogū pari turi mari ñañe buhiri yariatiquirore cahmedaja mari.

Cohācjū cahapū esana, cuero marieno tiqūiro mehna mari yahuducuboriro saha tiqūiro mehna yahuducu masiaja yojopure (Mt 27.51; Mr 15.38; Lc 23.45)

¹⁹ Sa yena yūhū acaye, Cristo tiqūiro yariari mehna tiqūiro dii cohāno mehna yojopure mari gūhū cuero marieno Cohācjū mehna yahuducu masiaja. Sa yena tiqūirore sini masiaja. ²⁰ Ahri yehpa

cjāno pahia pūhtoro Cohācjū ijiri tučū waropū tiqūiro yemedi yojopure marine dūhseati ijierare. Ti mehna Cohācjū mehna yahuducu masiedaja mari. Cristo pehe mari ñañene yeri buhirire yariari tiqūiro dii cohāri mehna Cohācjū mehna yahuducu masiaja mari. Pahia pūhtoro ti tučūpū tiqūiro sajāriro sahata Cristo pehe Cohācjū cahapū esahye mari ñañe yerire bo dutiro waharo. Ti tučū cjā cahserore cahmotari cahserore tiqūiro tūhrē cohāriro saha Cristo tiqūiro pagure cohāhye Cohācjū mehna marine iji dutiro. ²¹ Sa yero Cohācjū ya wūhūpū dahrariqūiro mari yaqūiro pahi tutua yūhdūariqūiro ijire tiqūiro. ²² Sa yena Cohācjūre sinihna potō ni mehono marieno. Tiquirore quehnoano wacū tutua, cuero marieno tiqūirore sinihna. Cristo mari ñañe yerire tiqūiro cose wenohrinapū ijiaja. Sa yena “Buhiri tina ijiaja mari”, ni tūhotuna ijieraja mari. Sa yena wete mariefē aco mehna mari cose wero saha Espiritu Santo tiqūiro cose wenohrinapū ijiaja. Sa yena Cohācjūre sinihna. ²³ “Mūare yūhdūoutja”, tiqūiro nidiro sahata yerota. Sa yena marine tiqūiro yūhdūoatore quehnoano masiaja mari. Tire masina, ne boeracāhna. Cohācjūre sa wacū tutuaducuhna. Sa wacū tutuana tire apequinare yahuaja. ²⁴ Mari mehna cjēnare cahīna, tiquinare yedohouhna mari, ijipihitina mari ihcāno saha mari cahme cahī yedohoato saha. ²⁵ Sa yena quehnoano cahmecoaducuhna Cohācjū yere yena tana. Apequina pehe tiqūina cahmecoamedirore duhuye nine. Tiquina yero saha yeracāhna. Mari mehna cjēnare bucegū yeihna. Ahri yehpapure mari pūhtoro ahtato mehenogā dūhsare. Tire masina tutuaro bucegū yeihna mari mehna cjēnare Jesu yequinare.

²⁶ Potō ijije buheyere quehnoañe buheyere mari masiepenata ñañene mari pari turi sa yeducugū mari ñañene cose we nemoato ne mariedare. ²⁷ Sa yero sa yeyequinare cuarine. Ijipihitiyequina tiqūirore ihñā tuhtiyequinare buhiri dahrero, tutuaro ujūnopū cohānota Cohācjū tiquinare. Sa ye tiqūiro buhiri dahreatire cueyequina dihita ijimene tiqūirore duhuyequina. ²⁸ Cohācjū dutiye Moiserere tiqūiro cūrire yūhdūducayequinare buhiri dahreye, mari acaye judio masa wejēne tiquinare. Ne paja ihñano marieno wejēne tiquinare. Ihtiaro tiqūina yahusāgū tūhoro beseriquiro tiqūina yūhdūducarire masino tiquinare buhiri dahre dutire. Ihtiaro mariedagū pūaro tiqūina yahusāgū tiquinare buhiri dahre dutire. Sa dutigū tiquinare wejēne.

²⁹ Ti bui cjūno Cohācjū macūnore ihñā yabiyequina tiqūiro buhiri dahreatiquina

ijjeta. Cristo dii cohāri mehna mari ñaife yerire cohāre Cohācjū. Sa cohātore yahuahye tiquiuro marine. Sa yeye tiquina ñaife yerire cohānohriquina ijjepeta pari turi ñaifene yeye, tiquina ñaife yerire tiquiuro cohārire tiquiuro dii gāhare “Ihō waro ijire”, niñe nieta. Sa niñequina tiquiuro buhiri dahreatiquina waro ijije nieta. Sa niñequina Espiritu Santore ñano ni yahuducuyequina ijire. Tiquiuro tiquinare cahīniquiuro ijire. Tiquina sa ñano yahuducugū ihñano tutuaro buhiri dahrerota Cohācjū tiquinare. ³⁰ Ahrire mari quehnoano masiaja. Cohācjū tiquiuro basita ohō saha niahye: “Yuhū ijijaja buhiri dahreacjū. Tiquina ñaifene yeri buhiri buhiri dahreitja yuhū”, niahye tiquiuro. Ohō saha ni nemoahye: “Yeequina ijimediquinare ñano yeequinare buhiri dahreitja yuhū”, niahye tiquiuro. ³¹ Cohācjū catiriquiro marine tiquiuro buhiri dahregū cua yuhūare.

³² Panopū mūsa ijirire wacūña mūsa. Ti pjere Cohācjū yere coā masi ducana peye tahari ñano yuhūepenata tiquiuro yere cohāedari mūsa. ³³ Ihqūē tahari masa tiquina ihñonopū arequina mū sare ñano ni, ñano yeperi mū sare. Sa yena arequina Jesu yequinare tiquina ñano yegū ihñana, tiquinare paja ihñari mūsa. ³⁴ Peresupū ijijequinare paja ihñari mūsa. Sa yena mūsa yere tiquina ehmaepēgūta bucūeye mehna, “Quehnoanta”, nidi mūsa. Ahri yehpa cjē yuhūoro quehnoañene cūore mūsa uhmūsepu. Ti quehnoañe sa ijiducuetā. Tire masina, mūsa cūoyere tiquina ehmagū būjua witiere mūsa. ³⁵ Sa yena cueracāñā. Cohācjū sa wacū tutuaducuya. Mūsa sa yeri wapa tiquiuro quehnoano yerota mū sare. ³⁶ Cohācjū “Mū sare ohō saha yedohoutja”, tiquiuro ni cūire quehnoano cohteya mūsa tiquiore wacū duhuro marieno. Sa cohtena tiquiuro cahmeñene yenata mūsa. Sa yena tiquiuro ni cūire cūonata. ³⁷ Ohō saha nine Cohācjū yere tiquina ojoari pūpu:

Mehenogā dūhsare Cristo wihiato. Sa ahtaro duita wihi madoqueorota. ³⁸ Yeequina quehnoañequina pehe yuhūre wacū tutuaducuetā. Sa ye yeequina yuhū mehna sa ijiducuetā. Yeere cohāñequina pehere ihñā yabijaja yuhū, niahye tiquiuro ye yahuducuye tiquina ojoari pūpu.

³⁹ Mari pehe Cohācjū yere cohārina ijieraja mari. Sa yena pecapū wahatina ijieraja mari. Cohācjūre wacū tutuaja mari. Sa yena tiquiuro yuhūorina ijijaja.

11

Wacū tutuayere yahuahye

¹ Ohō saha ijire wacū tutuaye: Cohācjūre wacū tutuana, marine tiquiuro quehnoano yeatire quehnoano masiaja mari. Cohācjū tiquiuro nidiro sahata yeraniepēgūta tiquiuro yahuyere “Ijirota ijire”, ni tūhotuaja mari tiquiore wacū tutuana. Tiquiore ihñedapenata, wacū tutuana, “Ijirota ijire”, ni tūhotuaja mari tiquiuro yahuyere tūhona. ² Panopū cjēna Cohācjūre tiquina wacū tutuagū ihñano bucueahye tiquiuro pehe.

³ Cohācjū tiquiuro yahuducuye mehna ijijipihiyere bajumehnee tiahye. Sa yero tiquiuro mari ihñedari mehna ijijipihiyere mari yojopū ihñañene bajumehnee tiahye. Tire mari quehnoano masiaja Cohācjūre wacū tutuana pūrita.

⁴ Cohācjūre wacū tutuaro Abe pehe corderore wejē, ūjūa mūo, Cohācjūre ño peo “Quehnoare”, niahye. Tiquiuro wahmīno Cāi yuhūoro quehnoanore ohoro, ño peoahye tiquiuro Cohācjūre. Sa yero Cohācjū tiquiuro ohore bucueahye. Sa bucūero “Quehnoariquiuro ijire”, ni ihñahye tiquiuro Abere. Sa Cohācjūre tiquiuro wacū tutuagū ihñana mari tiquiore ihñā cūaja. Sa yena tiquiuro yariari bato ijiepēgūta tiquiuro wacū tutuarire ihñā cūaja mari.

⁵ Enoco Cohācjūre tiquiuro wacū tutuagū ihñano bucueahye Cohācjū. Sa bucūero tiquiore tiquiuro cahapū ne mūoahye. Sata nine Cohācjū yere tiquina ojoari pūpu. Tiquiuro ne mūori bato masa tiquiore ne bocaerahye. Tiquiuro ne mūonohriquiuro ijiro ne yarierahye. ⁶ Cohācjūre wacū tutuerana tiquiore bucuegū ye masiedaja mari. Cohācjūre wacū tutuerana, tiquiore ño peo masiedaja mari. “Potota tiquiuro Cohācjū warota ijire. Sa yero tiquiore mari ño peogū marine quehnoano yere tiquiuro”, mari ni tūhotuerana mari tiquiore sini masiedaja.

⁷ Noé Cohācjūre wacū tutuaro, tiquiore Cohācjū yahurire quehnoano yūhtiahye. Camepū tiquina ñano wahatore tiquiuro yahugū tūhoro quehnoano yūhtiahye tiquiuro. Sa yūhtiro, pajirja yucū sare yeahye. Sa yeye tia yucūsa mehna tiquiuro acaye mehna dia mininore yuhūahye. Sa wacū tutuariquiro ijiro ahri yehpa cjēna ñañequina tiquina wacū tutuarire tiquina pecapū wahato gūhūre ihñono niahye. Sa yero tiquiuro wacū tutuagū ihñano “Quehnoariquiuro ijire”, ni ihñahye Cohācjū tiquiore.

⁸ Abrahā gūhū Cohācjūre wacū tutuaro tiquiore yūhtiahye. Ape dihtapūre tiquiore ohoati dihtapūre Cohācjū waha dutigū tūhoro Abrahā yūhtiahye. Tiquiuro ya dihtapū ijiriquiro wijijaa waharo, tiquiuro masiedi dihtapū esahye. ⁹ “Ahri dihtare mahūre ohoutja”, Cohācjū nigū tūhoro tiquiore wacū tutuaro ti dihtapūta

tojoahye tiqiuro. Topu ijiro ape dihta cjāno ijieperota topūta tojoa cāhye. Tiquiuro, tiqiuro macano Isaac gūhure, tiqiuro panamino Jacob gūhure tiquinare “Ahri dihtare musare ohoutja”, ni Cohācjū yahue tiahye tiquinape. Tiquina tūhoe tiahye. Sa yeye tiquina ti dihtapu ijiye, wahiquina cahseri wūhusepu ijie tiahye mūnāno ijieyequina ijiye.¹⁰ Topu ijinie tiahye Abrahā Cohācjū mehna tiqiuro ijiatore cohtero. Ape macapu Cohācjū ijiri macapu ūhmusepu tiqiuro wahatore cohtero niahye. Ti macare dahreahye Cohācjū. Sa yero ti maca ne pihtisi.

¹¹ Cohācjūre wacū tutuaro, bucuro waro ijieperota, tiqiuro namono Sara bucuro waro ticoro ijiepegāta, Abrahā pohna tiahye. “Tiquiro nidiro sahata yerota”, Cohācjūre nino sa pohna tiahye.¹² Sa yero Abrahā bucuro waro ijieperota pohna tiahye. Sa yeye tiqiuro panamena iji turiayequinapu peyequina waha cāhye. Nāhpicoha parire, padu pjeri gūhure mari queona ihcāno sahaeraro sahata tiqiuro panamena iji turiayequina gūhure queona ihcāno sahaeraja mari.

¹³ Ijipihitiyequina ahriquina yūhu yahuriquina Cohācjūre wacū tutua tuhasayequinapu yariahye. Cohācjū tiquinare “Musare ohō saha yeitja”, tiqiuro ni cūriore eserapeta yariaa wahahye. Tire űhedapeta Cohācjū tiqiuro nidiro sahata cameru tiquina cūoatire masiahye. Sa masiűe bucueahye. Sa yeye ohō saha niahye tiquina: “Ahri yehparu tinina ijiaja. Ape yehpa cjāna ijiaja”, niahye tiquina.¹⁴ Sa niűequna ape yehpare tiquina ya yehpa ijiatore cohteye nine. Tire mari quehnoano masiaja.¹⁵ “Ape yehpa cjēna ijire”, nigū panopu tiquina cohāri yehpare nigū niedaja. Ape yehparu tiquina iji muhtari yehparu waha dua, wahaa wahaboya.¹⁶ Quehnoa yūhduari yehpa pehere cahmeűe niahye. Ti yehpa ūhmusepu ijire. Tiquina sa cahmegū ihűāno “Cohācjū usā puhtoro ijire”, tiquina nigū tūhoro bae tisi Cohācjū. Tiquina ya maca ijiatore dahre basa tuhasahye tiqiuro.

¹⁷⁻¹⁸ Cohācjū Abrahāre tiqiuro macanore Isaare wejē űjūa mūo dutiahye. Tiquiuro ihűa duaro sa dutiahye, “űjirota yūhure wacū tutuajari?” nino. Cohācjūre wacū tutuaro tiqiuro nidiro sahata yemahye Abrahā. “Mūhu macu Isaac mehna panamena iji turiayequinare peyequinare cūogūta mūhu”, Cohācjū tiqiuro nidiqiuro ijiepegāta tiqiuro macanore wejēno taro nimahye Cohācjūre űo peoro taro.¹⁹ “Yūhu macu Isaare yūhu wejēgū Cohācjū tiqiurore masonota”, ni tuhoturo, tiqiurore wejēno taro nimahye. Sa nidiqiuro ijieperota Cohācjū tiqiurore cahmota, wejē

dutierahye. Tiquiro pacuro tiqiuro sa wejēboriqiuro ijiro yaria masariqiuro yero saha ijiahye Isaac, Abrahā ihűagū. Sa yero Abrahā tiqiurore catiriqiurore pari turi cūoahye.

²⁰ Isaac Cohācjūre wacū tutuaro, tiqiuro pohnene Jacore, Esaū gūhure “Cameru Cohācjū musare pajiro quehnoano yerota”, niahye.

²¹ Cohācjūre wacū tutuaro Jacob tiqiuro yariato panogā José pohnene, ūmūare “Cohācjū musare pajiro quehnoano yerota”, niahye Jacob. Dasepe curi mehna quehe sa, tiqiuro tuadu mehna tua űhe cuűa, Cohācjūre űo peoro “Cohācjū musare quehnoano yerota”, ni cūahye.

²² Cohācjūre wacū tutuaro José tiqiuro yariato panogā Israe masa Egiptopu ijieyequina tiquina wijiatire yahuyuahye. Sa tiquina wijiatire masiyuro tiqiuro yariari bato tiqiuro pagare nea dutiahye tiqiuro pohnene.

²³ Cohācjūre wacū tutuare, Moisegāre ihtia asū waro nūo cūoahye tiqiuro pacusūmūa, tiqiuro masa bajuari bato. Quehnoariqiurogā tiqiuro ijigū ihűaűe tiqiurogāre nūoahye. Ti yehpa cjēna puhtoro tiquina pohnene tiqiuro wejē dutiurore yūhdūca cāhye tiquina. Tiquiurore cuerahye.

²⁴ Moiseru masoricoro Egipto yehpa cjēna puhtoro macono ijiahye. Sa ticoro masonohriqiuro ijiro, Cohācjūre wacū tutuaro “Ticoro macano ijire”, ni pisugū cahmedahye Moise.²⁵ Cohācjūre yūhdūcariqiuro ijiro tiqiurore masoricoro cahapu meheűe decorigā quehnoano ijiboya. Sa ijiboriqiuro ijieperota ti yūhdūoro tiqiuro Cohācjū yequina mehna űāno yūhdū duahye.²⁶ Sa űāno yūhdūoro Cristore tiquina bujapeato sahata tiquina bujaperiqiuro ijiahye. Cameru tiqiuro quehnoano yeri wapa Cohācjū tiqiurore tiqiuro quehnoano yeatire masino űāno yūhdū duahye, Cristo tiqiuro űāno yūhdūato sahata. Ijipihitiyequina Egipto cjēna quehnoaűene tiquina cūoro yūhdūoro tiqiuro Cohācjū pehere tutuaro cahmeahye. űāno yūhdūeperota, Cohācjūre cahmeahye.

²⁷ Cohācjūre wacū tutuaro, Egipto cjēna puhtoro tiqiuro mehna usuagū cuerahye. Sa cueraro ti yehparu ijiriqiuro ti yehpare cohā cāa wahahye. Sa yero Cohācjūre bujueriqiurore tiqiuro ihűaboriuro saha cuerariqiuro ijiahye. Cohācjū tiqiurore ye dutirire ne cohāedahye Moise.²⁸ Cohācjūre wacū tutuaro Moise Israe masare Cohācjū yūhdūoatire masiahye. Sa masino Cohācjū dutiriro sahata Israe masa tiquina sopec-aharire ohōűe pűinine dii mehna wejē site dutiahye tiqiuro. Tiquina sa yegū ihűāno angel masare wejēdiqiuro tiquina

wahmisumwære wejēboriquiro Israe masa pohne wahmisumwære wejēdahye.

²⁹ Cohācjäre wacū tutuaye, Israe masa “Sohāri ma”, tiquina nidi mapu aco watoa ijiri maharu aco marieni maharu pehāa wahahye. Tiquina sa pehāgū ihñāne Egipto cjēna gūhu tiquinare ihñā cū, nūnu tā pehāmehe, mini yariaa wahahye.

³⁰ Cohācjäre wacū tutuaye, Israe masa Jericó wame tiri maca cjā sahrīno pajiri sahrīno behero pehe majare sotoahye. Siete decori waro ti macare majare sotoa tiniahye. Tope decori tiquina majare sotoa tinidi bato ti sahrīno sehte bora dijia pihitia wahahye. ³¹ Cohācjäre wacū tutuaro umūa mehna ñano yeducumedicoro Rahab wame tiricoro, ti maca cjōno Israe masare yedohoahye. Ti macare tiquina cohāto pano meheñequinagā Israe masa topu sajā tiquina duhti ihñagū, ticoro tiquinare yedohoahye. Ticoro sa yedohogū ihñāne Israe masa wejēdahye ticorore. Sa yeye ti maca cjēnare Cohācjäre yuhduwacayequinare wejēpeta ticoro pehere wejēdahye.

³² Apequinare Cohācjäre wacū tutuayequinare yahu nemoboa yūhu. Sa yahu duepeginata peyequinare sa Cohācjäre wacū tutuayequinare yahu ojoa peho masiedaga yūhu. Peyequina ijire tiquina. Gedeō, Barac, Sansō, Jefté, Davi, Samuel, Cohācjū yere yahu muhtariquina gūhu ahriquina ijipihtiyequina yūhu yahuboriquina ijire. ³³ Cohācjäre wacū tutuayequina ihquēquina apeye yehparipu ijiye macari cjēnare cahme wejē yuhduwacahye. Sa yeye apequina quehnoano dutiyequina ijiahye. Cohācjū tiquinare “Musare yedohoutja”, tiqiuro nidiro sahata tiquinare yedohoahye. Tiquirote tiquina wacū tutuagū ihñano sa tiquinare yedohoahye. Sa wacū tutuaye, yayia tiquinare ihya duagū tiquina duserire bihagū yeahye tiquina. ³⁴ Tutuaro wjūri pecaru ijiepetā wjūedahye tiquina Cohācjäre wacū tutuaye. Apequina tiquinare ñose wejē duagū duhti cāa wahahye Cohācjäre wacū tutuaye. Tutuayequina ijiepetā Cohācjäre wacū tutuaye tutuayequina wahahye. Cohācjäre wacū tutuayequina ijiye, cahme wejēñe tutuayequina ijiahye. Sa ye apeye yehpari cjēna surara tiquinare wejēñe ahtayequina ne ihcāno sahaerahye tiquinare. ³⁵ Ihquēquina numia Cohācjäre wacū tutuagū ihñano tiquina acaye yariagū ihñano Cohācjū pehe tiquinare maso basahye.

Apequina “Cohācjäre cahmedacāhñā”, tiquina ni peresu yenohriquina ijiepetā Cohācjäre duhu duerahye. “Cohācjäre mūsa duhugū mū sare wionata”, nimahye tiquinare peresupu yenohriquina Cohācjū yequinare. Tiquina sa niepegūta tiquinare yuhtierahye, Cohācjū caharu tutuaro

waha duaye. Sa yeye tiquinare ña yuhduaro tiquina yepegū yariaa wahahye. ³⁶ Apequinare Cohācjäre wacū tutuayequinare ñano ni bujape tiquinare tana mujae tiahye. Sa yeye apequinare dahpocārine, omocarine duhte cāa, peresu yeahye. ³⁷ Cohācjäre wacū tutuayequinare ñahequina utā mehna doque wejēahye. Apequinare tiquina pagūrire seroti mehna yūhre sure mujahye. Apequinare ñoseñe pjñi mehna ñose wejēahye tiquina. Sa yeye tiquina sa ñano yepenohñequina oveja cahseri mehna, cebra cahseri mehna suhti tiyequina pebracoyequina ijiahye. Sa ye apequina tiquinare ñano yepeahye. ³⁸ Tiquina quehnoa yuhduayequina ijigū ahri yehpa cjēna ñahequina tiquina mehna ijiboriquina ijierare. Ahriquina Cohācjäre wacū tutuayequina wāhuse marieñequina ijiye, masa marienoru, cūhu cjūru iji soto tae tiahye. Sa iji soto tae, cūhuru ijiye coperipū, yehparū ijiye coperipū gūhūre carī soto tae tiahye.

³⁹ Ahriquina ijipihtiyequina Cohācjäre tiquina wacū tutuagū ihñano bucueahye tiqiuro. Tiquina sa wacū tutuepegūta Cohācjū tiquinare “Mū sare yuhduoutja”, tiqiuro nidiro eseraniyahye. ⁴⁰ Tiquiuro yuhduoerandire yahuro ohō saha ni tuhotuahye Cohācjū. “Ahriquina yeequina camerūre ijiatiquina mehna ihcāno saha ihcā curuaputa yuhduoutja”, ni tuhotuahye. Sa ni tuhoturo tiqiuro nidiro sahata yerota. Tiquiuro sa yegū quehnoa yuhduare panoru tiqiuro yeriro yuhduoro.

12

Jesure sa wacūducūhna mari

¹ Sa yena ahriquina yūhu yahuriquinare peyequina Cohācjäre wacū tutuayequinare ñañene yeeyequinare masina, ijipihtiye ñañe yeyere duhu cāuhna mari gūhu. Ohō saha ijire mari queoye mehna buhegū: Omaperiquirore oma tutuagū cahmotaye ijire apeye. Tiquiro dahpo suhti nūcūñe suhti tiquirote oma tutueragū yeboaga. Ti yero saha Cohācjū cahmeñene mari ye duagū cahmotaye gūhu ijire. Ti gūhure duhuuhna mari. Sa yena omapeyequina tiquina oma tutuaro saha mari gūhu tutuaro Cohācjū cahmeno saha yeihna. ² Sa yena Jesure sa wacūducūhna mari. Tiquirota ijire marine wacū tutua ducagū yeriquiro. Sa yero marine wacū tutua nemoğū gūhūre yere tiqiuro. Curusaru yariaro wacū tutuahye. Came tiqiuro bucueatore masino curusaru yariahye. Sa yariaro bue tiboriqiuro ijieperota bue tierahye tiqiuro. Sa yero yojopure Cohācjū tiqiuro puhtoro dujiro poto pehe duitjiāno tiqiuro dutiriquiro ijire.

³ Ñañequina masa tiqirore tiqina ña yuhduaro yegü ihcāno sahaheye tiqiro. Tire wacũña masa, masa gũhu ñano yuhduna, "Ihcāno sahaeraboa", nina. Tire wacũña masa "Tiqirore wacũ tutua duhuari", nina.

⁴ Ñano yuhduerenata ñañene yerare masa. Sa ñano yuhduerenata ña yuhduaro waro yuhdueraniaga masa. Ñañequina musare wejēdarīaga. ⁵ ¿Cohācjū musare tiqiro pohñare tiqiro yahurire bo cjāri masa? Musa ñano yuhduatire tiqiro yahurire wacũña masa. Ohō saha niahye tiqiro:

Yũhu macu, mũhũre yũhu yahugũ uuser-acāhña ñano yuhdueregata. Mũhũre yũhu tuhtigũ tuhogu bũjua witiier-acāhña. ⁶ Ijipihtieyequina yũhu cahĩñequinare yahuaja. Sa yegũ ijipihtieyequina "Yũhu pohña ijire masa", yũhu ni ihñañequinare yuhduadaca dutieraja. Sa yegũ tiqina yuhduadacagũ ihñagu tiquinare buhiri dahreaja, niahye Cohācjū.

⁷ Ñano yuhduna Cohācjū yere duhuercāhña. Cohācjū musare tiqiro pohñare buhiri dahrero nine. Tiqina pacusũma tiqina pohñene sa yahuducure. Sa yeje tiquinare buhiri dahreducure. Sata yere Cohācjū gũhu marine tiqiro pohñare. ⁸ Ijipihtieyequina tiqiro pohñene yahure Cohācjū. Cohācjū musare yahueragũ tiqiro pohña waro ijierare masa. Pacusũma mariefequina yero saha ijire masa tiqiro yahumehnena ijina. Sa ijina "Ešā pacu waro ijire", ni masiedare masa Cohācjũre, musare tiqiro yahueragũ. ⁹ Mari pacusũma marine tiqina yahugũ tuhona tiquinare ño peoaja mari. Mari pacusũmare mari ño peoro yuhduoro ño peoro cahmene mari Pacure Cohācjũre tiqiro yahugũ. Sa yena tiqirore yũhtiuro cahmene marine. Sa yũhtina ijina ijipihtiey decori tiqiro mehna ijinata. ¹⁰ Meheñe decorigã ahri yehpapũ mari ijinigũ mari pacusũma marine yahuye, buhiri dahrere. Tiqina esa tuharo tiqina masino punota marine yahuye, buhiri dahrere. Cohācjū pehe marine quehnoano yahure. Sa yero tiqiro masiñe mehna marine buhiri dahrere, marine quehnoana bũcna dutiro. Sata yere marine tiqiro yero saha quehnoana marine iji dutiro. ¹¹ Marine tiqiro buhiri dahregũ bucueraja mari. Mari ihyo bũjua witiaja. Sa bũjua witiepenata tiqiro sa buhiri dahreri bato quehnoana wahanata mari. Sa yena ñañene yero marieno quehnoano ijinata.

Cohācjū marine tiqiro dutiyere mari yũhtieragũ cuarinē marine

¹² Sa yena wacũ tutuera cjũna ijiepenata Cohācjũre wacũ tutuana ijija. Tiqirore duhuercāhña. ¹³ Quehnoano potori mahare masa waharo saha quehnoano

poto yeya masa. Masa sa yegũ ihña cũñe apequina Jesu yequina ñañene yesi. Musa quehnoano yegũ ihña cũñe quehnoano wacũ tutuera cjũñequina gũhu wacũ tutuayequina wahaeta.

¹⁴ Ijipihtieyequina masa mehna quehnoano ijija, cahmequeno marieno. Sa yena ñano yeracāhña. Ñañe mariefequina dihita mari puhtoro Cristore ihñañe. ¹⁵ Quehnoano yeya masa. Cohācjū musare tiqiro yedohogũ quehnoano yũhtiya. Ñañe taa diaje tiqina oteyere ti dojomehno saha masa gũhu Cristo yere duhuercāhña, "Apequinare dojomehneari", nina. ¹⁶ Ne wũana tieracāhña. Sa yena Cohācjū yere cahmeena ijieracāhña. Cohācjũre cahmeediquiro ijiahye Esaú. Tiqiro wahmino ijimahye. Sa yero tiqiro pacuro yariari bato tiqiro pacuro yere cuoatiqiro ijimahye. Cohācjū tiqiro pacuro tiqiro ni cūri gũhũre cuoatiqiro ijimahye. Sa yero ihcã deco ihcã pa ihyaye pose tiri pare cahmeno, ti pa mehna tiqiro bahuro pehere tiqiro wahmino wahagũ yero taro comesahye. ¹⁷ Tiqiro sa yeri bato tiqiro dahse waharire masine masa. Tiqiro pacuro tiqirore ohoatire tutuaro cahmemahye Esaú. Tiqiro sa cahmepegũta tiqiro bahurore wahmino wahagũ yeri buhiri, came tiqiro cuoborire ohoerahye tiqiro pacuro. Tire utiye mehna tiqiro sinitiepegũta tiqirore ohoerahye.

¹⁸ Cohācjū dutiyere Moiserē tiqiro cũgũ mari acaye Israe masa mũna Cohācjū mehna ijie tiahye. Tiqina tiqiro mehna ijiriro saha masa pehe ijierare. Ohō saha yeahye tiqina pehe. Cũnũpũ Cohācjū mehna ijije taye, esahye. Ti cũnũ pehe Sinaí wame tidũ ijiahye. Ti cũnũre dahra tuhu masiahye masa. Ti cũnũpũ tiqina esagũ tutuaro peca wũjahye. Sa yero nahitiano, bueri, tutuaro wiñono mehna ijiahye ti cũnũpũre. ¹⁹⁻²⁰ Ti cũnũpũ tiqina esagũ corneta bisiro ca tahye. Sa yero yahuducuye bisiro ca tahye. Ti sa yahuducuye bisigũ tuhoye, masa ihcāno sahaerahye. Cohācjū cuaro mehna ohō saha ni, dutiahye tiquinare: "Ijipihtieyequina ahdu cũnũre dahra tuhuyequinare utã mehna doque wejēña tiquinare. Ahũre dahra tuhuriqiro wahiquiro waro tiqiro ijiepegũta tiqiro gũhũre utã mehna doque wejēña tiqirore. O ñosenu mehna ñose wejēña tiqirore", niahye Cohācjū. Tiqiro sa nigũ tuhoye ihcāno sahaerahye tiqina. ²¹ Sa yero ijipihtiey tũ cũnũpũ ijiro tiqiro ihñarire ihña cuero, ohō saha niahye Moise: "Cuegũ nanaregũ niaja", niahye tiqiro.

²² Sa Cohācjū mehna tiqina iji dũcariro sahata ijierare masa pehe. Cohācjū mehna ijina wahana, Siō wame tidũpũ

ahmuse cjãdũpũ mũa esaboro saha potota Cohãcjũ mehna yahuducure mũa. Cohãcjũ catiriqũiro ya macapũ mũa esaboro saha potota tiqũiro mehna yahuducure mũa. Ti maca ape maca wahma maca Jerusalẽ ahmuse cjã maca ijire. Topũre peyequina angele pari ijire. ²³ Tiquina Cohãcjũ mehna bucueye tehe cahmecoãñequina ijire. Sa yena mũa pehe tiqũiro ya maca cjãna ijina, topũ Cohãcjũ pohne iji mahtañequina mehna mũa cahmecoaboriro saha ijire. Tiquina tiqũiro pohne wamene tiqũiro ojoa ohõri tũpũ ahmusepũ tiquina wamene tiqũiro ojoa ohõnohriquina ijire tiqũiro pohne. Tiquiro pehe mari Pacũ pehe ijip-ihytiyequinare beseti qũiro ijire. Tiquiro mehna cjãna ijire mũa pehe. Sa yena tiquina quehnoañequina Cohãcjũ yequina mehna cahmecoano saha ijire mũa gãhũ. Tiquinare iji mahtariquinare ñaife marieñequina ye tuhasahye Cohãcjũ. ²⁴ Sa yena Jesu mehna cjãna ijire mũa pehe. Wahmanopũ Moiserẽ tiqũiro duti cũrire comesaro "Musare yahduoutja yuhũ", ni cũahye Cohãcjũ marine. Tiquiro sa ni cũriro sahata yehi qũiro ijire Jesu. Tiquiro diire cohã, tiqũiro yariari mehna marine sa yahduore. Abe manano tiqũiro dii cohãgũ ihñano Cohãcjũ Abere wejẽdiqũirore buhiri dahreahye. Jesu pehe tiqũiro diire cohãgũ, tiqũiro yariari mehna quehnoano yahduaja mari. Sa yero Abe tiqũiro dii cohãri ihyo warota ijahye. Cristo pehe tiqũiro dii cohãri bato quehnoa yahduaro yeahye Cohãcjũ marine. Sa ye tiqũiro dii cohãri ihyo warota ijirare.

²⁵ Sa yena quehnoano yeya mũa. Cohãcjũ yere musare yahuriqũirore quehnoano yuhtina ijiya. Panopũ ahri yehpũ ijiriquiro Moise Cohãcjũ yere tiqũiro yahugũ tahoye, peyequina tire tuho duer-ahye. Sa tiquina tañoerari buhiri buhiri dahreahye Cohãcjũ tiquinare. Tiquina yahduoro buhiri dahrerota Cristore cohãñequinare. Cristo pehe ahmusepũ ijiriquiro Cohãcjũ yere yahuriqũiro ijire. ²⁶ Ti pjere Moiserẽ tiqũiro dutiyere cũri pjere Cohãcjũ tiqũiro yahuducuro mehna yehpa ñuhmigũ yeahye. Yojoipũ pehere ohõ saha ni yahuahye tiqũiro: "Ihcã tahata ahri yehpa ñuhmigũ ye nemoutja. Ahri yehpa dihitare ñuhmigũ yesi yuhũ. Ahmusepũ gãhare ñuhmigũ yeitja", ni yahuahye tiqũiro. ²⁷ "Ahri yehpa ñuhmigũ ihcã tahata ye nemoutja", nino, ijipihtiyere tiqũiro bajumehnedire tiqũiro cohãtĩre masigũ yero niahye. Cohãcjũ pahtoro ijipõre cohãno basioerare. Sa yero tiqũiro bajumehnedire cohãgũ tiqũiro pahtoro ijiro dihita tojoarota. ²⁸ Tiquiro pahtoro ijipõre wahanata mari. Sa yena tiqũiro pahtoro ijireore tiqũiro cohãedagũ ihñana,

Cohãcjũre "Quehnoare", ni hna mari. Sa yena tiqũirore ño peoye mehna, cua pesaro mehna tiqũiro yere yeihna mari tiqũirore bucuegũ yena tana. ²⁹ Peca hũño cuaro saha Cohãcjũ gãhũ cuaro mehna buhiri dahreriquiro ijire.

13

Ohõ saha Cohãcjũre bucuegũ yeya

¹ Mũa mehna cjẽnare cahĩ duhueracãhña. ² Masa mũa ihña masieñequina tiquina ijiepegũta tiquinare mũa wuhusepũ quehnoano mehna sajã ta dutiya. Apequina sa yeye, masiedapeta angelere tiquina ye wuhusepũ sajã ta dutiahye. Sa yena tiquina yero saha yeya mũa gãhũ.

³ Peresupũ ijieyquinare paja ihñaña. Mũa pehe tiquina mehna peresupũ ijina mũa ijiboro saha tiquinare paja ihñaña. Apequina tiquina ñano yenohriquina gãhare paja ihñaña. Tiquina yero saha mũa gãhũ ñano yahduaboro saha tiquinare paja ihñaña.

⁴ Omoca dũhterina ijipihtina mũa basi quehnoano cahme ño peoya. Sa yena apequina mehna ñano yeracãhña. Ijipihtiyequina numia mehna ñano yeyequinare, amũa mehna ñano yeye numia gãhare buhiri dahrerota Cohãcjũ.

⁵ Niñerure ne cahĩedacãhña. Ohõ saha niahye Cohãcjũ: "Musare ne cohãsi yuhũ. Musare sa yedohoducugutja", niahye tiqũiro. Sa yena noho puno mũa cuoye mehna to punota bucueya. Pajiro cahme nemoedacãhña. ⁶ Sa yena cuero marieno ohõ saha ni tahotunata mari:

Mari pahtoro Cohãcjũ marine yedohoriqũiro ijire. Ne cuesi mari. Masa marine tiquina ñano yeatire cuesi mari, ni tahotunata.

⁷ Cohãcjũ yere musare yahuriquinare musare dutiriqũinare wacũña mũa. Sa yena quehnoano tiquina ijie tirire quehnoano tiquina yee tirire wacũña. Sa wacũna, Cristore tiquina wacũ tutuariro saha yeya mũa gãhũ.

⁸ Jesucristo ne comesaerare. Panopũ, yojoipũ gãhare, camepũ gãhare tiqũiro ijiriro sahata ijiducurota tiqũiro. ⁹ Peye buheyere sijoro saha ijie buheyere tañoeracãhña mũa "Quehnoañe buheyere ahũpũ cohãri", nina. "Ahrire ihyaya. Ahrire ihyeracãhña", ni buhere ihquẽquina. Sa tiquina ni buheyere mari yuhtigũ ti marine yedohoerare. Sa yero sa ijie buheyere mari yegũ ihyo warota ijire. Ti marine wacũ tutuana ijigũ yerare. Cohãcjũ pehe marine wacũ tutuana ijigũ yere. Sa yena tiqũiro ye tutuaye mehna tiqũirore wacũ tutuana ijiya mũa gãhũ.

¹⁰ Cristo mari ñaife buhirire yariahye mari ñañene cohãno taro. Pahia pehe ohõ saha niñequina ijire: “Wahiquina mari wejê ñjãa m̃o, mari ohoyequina mehna yuhd̃anata”, niñequina ijire pahia. Sa niñequina tiquina ñaife yerire cohãnohriquina iji masiedare. ¹¹ Mari judio masa mari pahia pũhtoro Cohãcjũ ijiri tucũ waropũ diire ne sajãno wejê siteahye, masa tiquina ñaife yerire cose wero taro. Sa yero tiquiro wejêdiquiro wahiquiro pag̃re ti maca dũhtũ cahapũ ñjãa cohã cãre. ¹² Tiquiro yeriro saha Jesu gãhũ maca dũhtũ cahapũ yariahye, masa tiquina ñañene tiquiro dii cohãno mehna cose wero taro. ¹³ Maca dũhtũ cahapũ tiquiro yariagũ ihñañe, tiquina ye buheyere tiquiro cohãgũ ihñañe judio masa pũhtoa tiquirore ihñã tuhtiahye. Sa yena mari gãhũ tiquiro mehna cjãna ijiñhna. Mari sa ijigũ ihñañe, masa mari gãhũre ihñã tuhtia. ¹⁴ Ahri yehrapũ mari iji dojoati maca ne mariedare. Mari camepũ ijati macare cohtena niaja mari. ¹⁵ Sa yena Jesu yedohoro mehna mari Pacũ mehna yahuducuaja mari. Sa yena tiquirore quehnoano siniñhna. “Mũhũ usã Pacũ quehnoagũ, tutuagũ ijire”, ni, ño peoducuuhna. “Jesu yequina ijiaja”, ni, sa niña mari Pacũre. Mari sa nigũ tiquiro bucuero. ¹⁶ Mũsa mehna cjẽnare quehnoano yeya. Sa yena tiquinare yedohoya. Tire boeracãhña. Mũsa sa quehnoano yena Cohãcjũre ño peona niaga mũsa. Sa yena tiquirore bucuẽgũ yena niaga.

¹⁷ Mũsa pũhtoare quehnoano yũhtiya. Tiquina dutiro sahata yeya. Cohãcjũ ihñã ihbo, buhe dutiro cũre mũsare tiquinare. Sa cũnohriquina ijiye mũsare sa ihñã ihboducuye nine “Cohãcjũre yuhd̃ad̃acari”, niñe. Camepũ mũsare tiquina dutirire, tiquina yerire Cohãcjũre yahueta. Sa yena tiquinare quehnoano yũhtiya mũsa. Mũsa sa yũhtigũ ihñañe bucuẽye mehna mũsare yedohoeta tiquina. Mũsa yũhtieragũ ihñañe tiquina b̃jãa witieta. Sa yũhtierana quehnoano ijisi mũsa.

¹⁸ Ñsãre sini basaducuya Cohãcjũre. Decoripe quehnoañe dihitare ye duaja usã. Sa yena “Ñañene yena niaja”, ni tuhoturaja usã. ¹⁹ Ahri pũritare tutuaro sini basaya Cohãcjũre yũhũre: Sojaro mehna mũsa cahapũ yũhũ wahatire tiquirore sini basaya.

Ahri pũre ojoariquiro quehnoa duti bato tiahye

²⁰ Cohãcjũ mari pũhtoro Jesure yariariquirore masoahye. Marine quehnoano ijigũ yeriquiro ijire. Tiquiro “Mũsare yuhd̃outja”, ni cũahye Cohãcjũ marine. Tiquiro sa ni cũrere yeriquiro marine

yuhd̃oriquiro Jesu pehe ijire. Mari ñaife buhirire yariahye tiquiro. Sa yero tutuariquiro ovejare ihñã ihboriquiro yero saha ijiro, marine tiquiro yequinare quehnoano ihñã ihbore. ²¹ Sa yero Cohãcjũ tiquirore masoriquiro mũsa gãhũre yedohoahro ijipihtye quehnoañene tiquiro cahmeñene mũsa yeatire. Sa yero Jesucristo yedohoro mehna Cohãcjũ cahmeno saha ijipihtinare marine quehnoañe pehere comesagũ yeahro. Sa yena ijipihtye decori Cristore ño peouhna. Sata yeihna.

²² Yũhũ acaye, ahrire tutuaro mũsare duitiitja: Ahri pũpũ yũhũ yahurire quehnoano mehna tuhoya mũsa. Ahri mũsare yũhũ ojoari pũ pajiro ijierare. Sa yena ahrire quehnoano tuhoya. ²³ Ahri gãhũre mũsare yahutja: Mari acayũrore Timoteore peresu ijiriquirore wioñõhti. Sojaro mehna tiquiro wihigũ mũsare ihñãgũ wahagũ tiquirore neagutja. Yũhũ mehna waharota.

²⁴ Mũsa pũhtoare, ijipihtyequina apequinare Cohãcjũ yequinare topũ ijiyequinare quehnoa dutiaja. Italia cjẽna Jesu yequina gãhũ mũsare quehnoa dutire.

²⁵ Ijipihtinare mũsare Cohãcjũ mehna quehnoa dutiaja.

Santiago

Santiago Israe masare macari wahariquinare oja ohoahye

¹ Yuhu, Santiago ahri pūpu masare quehnoano duti oja ohogu niaja. Mari Pacu, mari puhtoro Jesucristo gahu cahacjūta ijiaja yuhu. Sa yegu Israe masa ye cururi cjanare doce cururi cjanare Jesu yequinare macari waharinare yuhu acaye masare oja ohogu niaja.

Cohācjū pehe quehnoano masigū yere

² Yuhu acaye, peye ijietā mūsa űano yuhduati. Sa űano yuhduepenata quehnoano bucueye mehna tūhotuya. ³ Sa űano yuhdāna, potota Jesure mūsa wacū tutuarire ihūona ninata mūsa. Sa yena űano yuhduepenata Jesure mūsa quehnoano wacū tutuana ijina, tiqūrore wacū tutua nemona wahanata. Sa wahanā mūsa űano yuhduyere ihcāno sahanata. ⁴ Sa yena duhuro marieno sa ihcāno sahana ijiducuya mūsa quehnoano tūho masina mūsa ijiatire.

⁵ Mūsa masiati duhsagū tūhotuna Cohācjūre siniña. Tiquiro duhsaro marieno ijipihtiyequinare ohore. Sa ohoro tiqūrore siniñequinare sijoro saha nino marieno ohore tiqūro. Tiquiro sa ijiriquiro ijigū masina, mūsa masiati duhsagū tūhotuna, tiqūrore siniña. Mūsa sa sinigū masare masi nemogū yerota tiqūro. ⁶ Sa sinina Cohācjūre quehnoano wacū tutuatjāna siniña mūsa. “Ŭsā sinigū Cohācjū ohoeraboaga űsāre,” ni tūhotueracāhña. Sa ni tūhotuyequina pajiri ma cje pahcōri yero saha ijire. Pahcōri ti űsaro comesaro saha tiquina gūhu tiquina wacūñepure űsaro comesare. Ihcāno saha yerare tiquina. Sa ye Cohācjūre wacū tutuerare. ⁷ Sa ni tūhotuyequinare tiquina siniepegūta ne mehenogā tiquina siniñene tiquinare ohosi mari puhtoro, Cohācjū. ⁸ Miare ahrire cahmediquiro ijieperota űamiare sijoro saha tūhoture tja. Sa yeriquiro queoro yerare.

⁹ Jesu yequinare ihyo ijieyequinare Cohācjū pehe puhtoa sōnota. Sa ijiatiquina ijieye bucuehro tiquina. ¹⁰ Sa ye Jesu yequina doeri cje opana ijieye tiquina ye doeri cje pihtiatire masiñe bucuehro. Ti doeri cje ihyo warota ijire, Cohācjū ihñagū. Cohori ti duita ahba bora dijiaa wahara saha ti doeri cje pihtia waharota. Sa ijieye tiquina gūhu bucuehro. ¹¹ Asū mūja taro tiqūro tutuaro asigū taa pehe űaia wahare. Sa ye cohuri gūhu űai bora dijiaa wahara, quehnoañe cohuri ti ijieye pihtia wahare. Sata waharota doeri cje opanare doeri cje tiquina ne cahmecoania watoa. Tiquina, ti doeri cje mehnata butia wahaeta.

űano ye dutiyere yerariquiro bucueriquiro ijire

¹² űano yuhdūriquiro ihcāno saharo, űano ye dutiyere yeraro bucueriquiro ijirota. Tiquiro sa ihcāno sahaḡū, tiqūro űañene yeragū ijipihtiyē decori űhmūsepu ijiducugū yerota Cohācjū tiqūrore. “Sa űhmūsepu ijiducugū yeitja”, ni cūahye Cohācjū ijipihtiyequina tiqūrore cahñequinare. ¹³ Mū sare apequina űano ye dutigū “Cohācjū yuhare űano ye dutiro nine,” ni tūhotueracāhña. űano yeyere tūhoturiquiro ijierare Cohācjū. Sa yero tiqūro pehe masare űano ye dutiriquiro ijierare. ¹⁴ Masa űañene tiquina tutuaro cahmeñeta tita tiquinare űano yegū yere. ¹⁵ Sa ye űañene tutuaro cahmene masa. Sa ye ti pehere tūhoture. Sa tūhotuye, ti űañene yeducure tiquina. Tiquina sa yeducuri buhiri Cohācjū tiquinare pecapu cohānota.

¹⁶ Sa yena yuhu acaye yuhu cahña, “Cohācjū yuhare dutigū űano yei,” ni tūhotueracāhña. Poto ijierare ti. ¹⁷ Mari Pacu űhmūse cjanore marine quehnoañe dihitare ohore. Tiquiro pūrita asū deco cjanore, űami cjanore, űahpicoha paca gūhure bajumehnediquiro ijiro, tiqūro pehe tiqūro ijiriro saha sa ijiducu cāre. ¹⁸ Tiquiro cahmediro saha quehnoañe buheye mehna marine tiqūro pohna wahagū yeri. Sa yeri tiqūro, tiqūro pohna iji mūhtana marine iji dutiro.

Potota Cohācjūre űo peoye ohō saha ijire

¹⁹ Yuhu cahña, yuhu acaye, ahrire quehnoano tūhoya mūsa. Cohācjū yere quehnoano tūhoya mūsa. Sa tūhona, tūhoturo marieno yahuducueracāhña. Sa yena usuercāhña. ²⁰ Ihcāquiro usuariquiro ijigū tiqūro yerire bucuere Cohācjū. ²¹ Sa yena ijipihtiyē mūsa űañe yeyere, mūsa űañene tutuaro cahmedire duhuya mūsa. Sa yena Cohācjūre quehnoano yūhtina ijina tiqūro buheyere tūho, cahmeña mūsa. Tiquiro ye buheyere mūsa tūho cahmegū Cohācjū pehe masare pecapu wahaborinare yuhduorota.

²² Tiquiro yere tūhoepenata yūhtierana ni mehoñene tūhotuna nine mūsa. “Yūhtieragū quehnoanota,” ni tūhotuna ni mehoñene tūhotuna nine mūsa. Sa yena tiqūro yere tūhona ti pehere yeya. ²³ Cohācjū yere tūhoepenata, yūhtierana, tiqūro wūhdoare eño mehna ihñariquiro yero saha ijire mūsa. ²⁴ Tiquiro wūhdoare tiqūro ihñari bato waha, tiqūro ihñarire boaa wahare. ²⁵ Sa yero apequiro pehe tiqūro ihñarire boero saha Cristo ye dutirire tūhoro tire yero, bucueriquiro ijirota. Ti dutiyē Cristo cahñe mehna masare tiqūro yuhduati buheye ijire. Ti buheyere ne cohāediquiro bucueriquiro ijirota. Tiquiro pūrita tiqūro

tuhorire yeriquiro ijire. Sa yeriquirore quehnoano yerota Cohãcjũ.

²⁶ Ihcãquiro sa ni maca cãriquiro ijiro, potota Cohãcjũre ño peoerare. "Cohãcjũre quehnoano ño peoaja," ni tuhotoriquiro ijieperota ni mehoñene tuhutore tiquiro. "Cohãcjũre ño peoaja," nidiquiro ijiepegũta tiquiro ño peoye ne ðuhseati ijierare. ²⁷ Ijirota Cohãcjũre mari Pacũre mari ño peona, tiquiro cahmeno saha ño peona, ohõ saha yeaja mari: Pacũsumua marieñequinare, wape wiha numia gãhũre tiquina ñano yũhðgũ ihñana, tiquinare yedohojaja mari. Sa yena ahri yehpa cjẽna ñañene tiquina yerire ne ye dueraja mari. Sa yena potota Cohãcjũre ño peonata ijjaja mari.

2

Masare ihcãno saha quehnoano yero cahmene marine

¹ Yũhu acaye, quehnoa yũhðuariquirore Jesucristore mari pũtorore tuhona, tiquirore wacũ tutuana ijire musa. Sa wacũ tutuana masare ihcãno saha quehnoano yero cahmene masare. ²⁻³ Sa ye uru behorire, omoca sañañe behorire cuoriquiro, wapa bujũye suhtire sañariquiro musa Jesu yequina cahmeoano cahapũ tiquiro ahtagũ ihñana tiquirore quehnoano mehna piti caboaga. "Ohõpũ dujiro ijire," niboaga musa tiquirore. Sa niepenata ti pjeta pejecuoriquiro gãhũ ñano suhti tiriquiro musa cahapũ tiquiro ahtagũ ihñana tiquiro pehere quehnoano piti caeraboaga. "Ohõpũ ducuya. O yehpapũ dujiya," niboaga musa tiquirore. ⁴ Musa sa yena masare ihcãno saha yena niedaga musa. Sa yena ñañene tuhutoryequina masare beseyequina yero saha ijina niaga musa. "Ahriquiro pehe quehnoariquiro ijire. Ahriquiro ñariquiro ijire," ni besemene musa.

⁵ Yũhu acaye, yũhu cahĩna, yũhũre tuhoya. Peyequina pejecuoyequina pehere Cohãcjũ beseahye. Tiquirore quehnoano wacũ tutuatiquinare, tiquiro pũtoro ijiropũre ijiatiquinare beseahye tiquinare. "Topũre wahanata musa," ni cũahye Cohãcjũ tiquirore cahĩñequinare. ⁶ Tiquinare tiquiro sa besepegũta musa pehe pejecuoyequinare quehnoano ño peoerare. Doeri cjẽ opana pehe musare ñano yere. Sa ye tiquina masare beseriquiro cahapũ musare neare musare yahusãñe tehe. ⁷ Musa pehe "Cristo yequina," masa tiquina ninohna ijire. Peyequina doeri cjẽ opana pehe Cristore ñano ni yahuducuyequina ijire. Sa ye pejecuoyequinare musa ño peoriro yũhðoro doeri cjẽ opanare musa ño peogũ ñarĩne.

⁸ Cohãcjũ dutiye mehna cjã dutirore apeye dutiye bui cjũnogã ijiri dutirore ohõ saha ni ojoahye: "Mũhu basi mũhu cahĩno saha mũhu cahapũ ijieyequina gãhũre cahĩña," nine Cohãcjũ dutiro. Ahri dutirore yena, quehnoañene yere musa. ⁹ Masare ihcãno saha yerana ñano yena nine musa. Sa yena Cohãcjũ dutiyere yũhðuducana ijire musa. Sata nine Cohãcjũ yere tiquina ojoari pũpũ. ¹⁰ Cohãcjũ dutiyere yena ijiepenata ihcãno dutirogãre musa yeragũ apeye dutiyere musa yepegũta ðuhseati ijierare. Sa yena ñañe buhiri tina ijinine musa. ¹¹ "Apequiro namono mehna ñano yeracãhña," ni, musare dutiriquiro Cohãcjũta ijire. "Masare wejẽdacãhña," nidiquiro tiquirota ijire Cohãcjũ. Apequiro namono mehna ñano yerapenata masũnore wejẽna Cohãcjũ dutiyere yũhðuducana ijire musa.

¹² Cristo marine tutuaro cahĩno, marine dutire marine yũhðoro taro. Tiquiro dutiyere mari yerire, mari yerari gãhũre ihñano marine besero ahtarota. Tiquiro sa besenohanaja ijina tiquiro dutiyere quehnoano yeihna. Sa yena tiquiro cahmeno sahata yahuducuuhna mari. ¹³ Yojoapũre mari apequinare paja ihñedagũ Cohãcjũ pehe masare tiquiro beseri pje ijigũ marine paja ihñasi. Sa yena apequinare mari paja ihñagũ Cohãcjũ pehe marine paja ihñano, marine buhiri dahresi.

Cristore wacũ tutuayequina pehe quehnoañene yere

¹⁴ Yũhu acaye, tuhoya musa. "Cristore wacũ tutuaja yũhu," ihcãquiro tiquiro ni tuhutoryepagũta tiquiro quehnoañene yeragũ tiquiro sa nimeri pehe ne ðuhseati ijierare. Sa ni wacũ tutua maca cãriquirore Cohãcjũ yũhðuosi. ¹⁵⁻¹⁶ Jesu yaquiro, Jesu yacoro ñañe suhti dihita tiquina cuogũ ihñana, tiquina ihyati mariedagũ ihñana, ðuhse yeajari musa tiquinare apee boro cuona ijina? "Quehnoano ijija musa. Sa yena quehnoano suhti sañaña. Sa yena quehnoano ihya yapi iji cãhña," niepenata tiquina cahmeñene musa ohoeragũ musa sa nimeri ne ðuhseati ijierare. ¹⁷ Sa yena "Cristore wacũ tutuaja," musa niepegũta quehnoañene musa yeragũ Cristore musa wacũ tutuaye ne ðuhseati ijierare.

¹⁸ Musa mehna cjãno ahri yũhu buherire tuho dueraro ohõ saha masi-ahdo. Quehnoañene yeraperota "Cristore wacũ tutuaja," niboaga tiquiro. Quehnoañene yeraro Cristore tiquiro wacũ tutuayere apequinare masigũ ye masiedare. Quehnoañene yeriquiro pũrita quehnoañene tiquiro yeye mehna Cristore tiquiro wacũ tutuayere masigũ ye masine. ¹⁹ "Cohãcjũ ihcãquirota ijire," ni tuhotor

3

musa. Musa sa ni tahotugū quehnoarīne. Sa ijiepegūta to punota Cohācjüre yuhtiro marieno tiquirore musa masigū ti dūhseati ijierare. Watīa gūhu musa tahoturo sahata tahotuñti. Sa ijie Cohācjū tiquiro ijie tiyere masiñti tiquina. Sa masiñe, cue, nanareñti. ²⁰ Ihcāquiro quehnoañene yeraperota “Cristore wacū tutuaja,” ni tahoturiquiro ijiro tuho masieniquiro ijire. Cristore wacū tutuamediquiro quehnoañene yeraro potota Cristore wacū tutuerare.

Ohō saha ni yahutja musare ahrire: ²¹ Abrahā mari ñecu mūnano tiquiro macano Isaac wame tiriquire wejē basamahye Cohācjüre. Sa yero tiquire ure utā paca mehna tiquina yeri buhu bui duhu peomahye. Sa duhu peoro Cohācjū dutiriro sahata tiquiro macanore wejēno taro nimahye Cohācjüre ño peoro taro. Tiquiro sa yegū ihñano “Potota quehnoariquiro ijire,” ni ihñahye Cohācjū tiquirore. ²² Tiquiro sa ni ihñagū ahrire masine musa: Abrahā Cohācjüre wacū tutuaro tiquire ure yuhtiahye. Sa yuhtiro Cohācjüre tiquiro wacū tutuayere ihñono niahye. ²³ Sa yero Cohācjū yere tiquina ojoari pūpū tiquiro nidiro sahata sa wahahye: “Abrahā Cohācjüre wacū tutuayere. Tiquiro sa yegū ihñano ‘Quehnoariquiro ijire tiquiro’, ni ihñahye Cohācjū tiquire ure”, ni ojoahye Cohācjū yere tiquina ojoari pūpū. Tiquiro sa ni ihñagū masiñe “Abrahā Cohācjū mehna cjūno ijire”, nine masa tiquire ure.

²⁴ Sa yena ahri yuhu yahuatire masine musa: “Cohācjüre wacū tutuaja,” nidiquiro, tiquiro quehnoañene yeragū ihñano Cohācjū pehe tiquire ure “Quehnoariquiro ijire,” ni ihñedare. Cohācjüre wacū tutuariquiro pehere potota tiquiro quehnoañene yegū ihñano “Quehnoariquiro ijire,” ni ihñare Cohācjū tiquiro pehere. ²⁵ Sata ni ihñahye Cohācjū Rahab wame tiricorore umūa mehna ñano yeducumedicorore. Josué mūnano tiquiro ohoriquinare quehnoano piti ca, “Quehnoano sajā taya,” niahye ticoro. Sa yero tiquina tojoa duagū ticoro pehe ape maha pehere ihñeahye tiquinare “Tiquinare ihña tuhtiequina wejēari,” nino. Ticoro sa yegū ihñano “Quehnoaricoro ijire,” ni ihñahye Cohācjū ticorore.

²⁶ Sata ijire. Mari pagūpūre jeripohna mariedagū catieraja mari. Sa yero jeripohna mariedagū mari pagū dūhseati ijierare. Sata “Cohācjüre wacū tutuaja,” mari niepegūta mari quehnoañene yeragū queoro ijierare mari wacū tutuaye. Sa yero mari quehnoañene yeye mariedagū mari wacū tutuaye dūhseati ijierare, jeripohna marieni pagū yero saha.

Mari duseropū wijiayere mari yahuducuyereyahuahye

¹ Cohācjū yere masare buheyequina tiquiro yere tiquina quehnoano yeragū ihñano tiquina pūritare masare buheeyequina yuhduoro Cohācjū buhiri dahrerota. Tire musa masine. Sa yena musa mehna cjēna masare buheyequina peyequina ijieracāhdo.

² Ijipihtiyequina peye tahari mari ñañene yeaia. Ihcāquiro ñañene yahuducueriquiro Cohācjū cahmeñene quehnoano yeriquiro ijire tiquiro. Sa yero apeye ñañe gūhare yerare.

³ Ohō saha ijire ahri mari queoye mehna buhegū: Caballo duseropū come pji tiquiro ñehmenore ña dihori pjiñe mari cūaja, tiquire ure mari majareducagū yena tana. Sa yena ti pji come pji mehna tiquire ure tiquiro wahatorū mari weje majare docoaja. Ti pjiñe meheni pjiñe ijiepegūta ti pjiñe mehna tiquire ure wahagū yeaia mari. Sata mari dusero mehenogā ijiepegūta ti dusero mehna pajiro yeaia mari.

⁴ Yucusa quiti mehna queoye mehna yahu nemoutja musare: Yucusa pajiria ijiepegūta tiare wihnono tutuaro wēdoqueoepegūta ohoturiquiro pehe meheni pjiñe mehna tiare noho tiquiro waha duaropū ohoture. ⁵ Sata ijire mari duseropū wijiaye. Mari dusero mehenogā ijiepegūta ti dusero mehna pajiro yeaia mari. Meheni pecagā pajiro ti peca ujū cāno saha mari dusero mehna mari yahuducuyere mehna pajiro ñañene yeaia. ⁶ Sa yero mari dusero ujūri peca yero saha ijire. Mari duseropū wijiaye ijipihtiye ñañene yegū yere marine. Peca ujū ducarō saha mari duseropū wijiaye mehna mari quehnoano ijiborire ña yuhduaro yeaia mari. Ñañene yahuducuna watīno tiquiro dutiro saha mari yena niaia.

⁷ Ijipihtiyequinare nūcu cjēnare wahiquinare, minicjūre, sihcō cāñhequinare, wahire mari ihña wahāgū ye masiaja. Sa yena mari peyequina tiquina borore ihña wahāgū ye tuhasaa. Sa ye tiquina quehnoano tuho masine. ⁸ Tiquinare mari yuhtigū yepegūta mari dusero pehe ñañene yahuducuro ne duhuera yuhduare. Sa yero nuñequinare mari yuhtigū yero saha mari dusero pehere ne yuhtigū ye masiedaja mari. Mari duseropū wijiaye ña yuhduaye ijire. Sa yero aña apequinare tiquiro wejēno saha marine apequina gūhare ña yuhduaro wahagū yere mari dusero.

⁹ Mari dusero mehna Cohācjū mari puhtoro mehna mari quehnoano yahuducuaia. Sa yahuducupenata masa Cohācjū yero saha ijiequinare tiquiro bajumehnediquina tiquina ijiepegūta

tiqunare ña yuhduaro ni yahuducuaja mari. ¹⁰ Ihcã duseroputa quehnoañene yahuducuye gũhu, ñañene yahuducuye gũhu wijiare. Yuhũ acaye, sa ni yahuducueracãhña. ¹¹ Mágã pohterũ aco wijiari coperũ quehnoañe aco, ñañe aco gũhu ne wijiareare. ¹² Yuhũ acaye, higuerao olivo pacare dũca tierare. Sa yero uhse da higuera pacare dũca tierare. Sa ye moreno mehna rne paca dũca tierare. Sa ye mágã pohterũ aco wijiari coperũ moa yuaye co wijiagũ moa marieñe co wijiareare. Sata mari duseropũ quehnoañe yahuducuye, ñañe yahuducuye mehna wijaeracãhdo.

Quehnoano masiñe waro ohõ saha ijire

¹³ Ihquẽquina mũa mehna cãena quehnoano masiñequina ijire. Sa yena "Apequina yuhduoro quehnoano masiaja usã," niedacãhña. Sa niẽdana quehnoañene yeya mũa. Sa quehnoano yena potota quehnoano masina ijire mũa. ¹⁴ Sa yena apequiro apee borore tiquiro cuogũ ihñana cahme ihña coona, apequina mehna usuaducuna, apequinare yuhduca duana, "Cohãcã yere quehnoano masiaja usã," niedacãhña mũa. Mũa sa nina ni mehona ijire mũa. ¹⁵ Sa yeyequina tiquina wacũñe Cohãcã ye wacũñe ijierare. Tiquina wacũñe ahri yehpa cãena tiquina ñañe wacũñe ijire. Tiquina wacũñe pehe wafino ye ijire. ¹⁶ Masare cahme ihña cooyequina, apequinare yedoho dueyequina sa cahme tuhtiducure. Sa ye ijipliye ñañene yedure.

¹⁷ Apequina pehe Cohãcã yere quehnoano masiñequina pehe tiquina pũrita sa ye maca quẽhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yuhtiyequina, paja ihñañequina, masare yedohoyequina, masare ihcãno saha yeyequina ijire tiquina. Tire yeye, ni mehono marieno yere tiquina. ¹⁸ Sa yena cahmequeno marieno ijina, apequinare "Cahmequedacãhña," mari ni yahuna quehnoañequina wahagũ yena niaja mari masare.

4

Ahri yehpa cãe ñañene cahmena, Cohãcãre ihña tuhtina ijire mũa

¹ ¿Duhse ijiro boro mũa cahme tuhtijari? ¿Saha yena duhse ijiro boro cahmequeajari mũa? Ñañene tutuaro cahmena, cahmeque duare mũa. Quehnoañene ye duepenata ñañene yere mũa. ² Apee borore mũa cahmene. Sa cahmena masare wejẽne mũa tiquina yere nena tana. Sa yena apequiro apee borore tiquiro cuogũ ihñana tire mũa tutuaro cahmene. Sa cahmepenata tire nea masiedare mũa. Sa yena tire

cahme sehña soducure mũa. Cohãcãre siniedana, mũa cahmeñene ne bocaerare. ³ Sa yena Cohãcãre sinina, mũa ye ijiati dihitare sinimene mũa, mũa cahmeno sahata yeducuna tana. Apequina ye ijiati pehere sini basaerare. Sa mũa sinigũ Cohãcã mũa siniñene ohoerare.

⁴ Cohãcãre duhurina ijire mũa. Ahri yehpa cãe ñañene cahmena, Cohãcãre ihña tuhtire mũa. ¿Tire masiedajari mũa? Sa yero ahri yehpa cãe ñañene cahmediquiro Cohãcãre ihña tuhtiriquire iji tuhasare. ⁵ Ohõ saha niahye Cohãcã yere tiquina ojoari pũrũ: "Cohãcã yaquiro Espĩritu Santore mari mehna ijiatiquire cũri. Sa yero Espĩritu Santo pehe marine cahño, ñañene mari tutuaro cahmepegãta cahmesãedare tiquire. Ihcãquiro namonore tiquire cahĩ doero saha marine tutuaro cahĩne Espĩritu Santo", ni ojoahye panorpũ. Tiquire sa ni ojoari ihyo warota ijierare. Poto ijirota nine.

⁶ Sa yero Cohãcã marine quehnoano yedohore tiquire mari quehnoano yuhtiatire. Ohõ saha nine Cohãcã yere tiquina ojoari pũrũ: "Yuhũ pũrita apequinare masi yuhducaja," nidiquire, Cohãcã ihña tuhtire. Apequiro pehere "Ñagu, ihyo ijigũ ijiaja," nidiquire pehere Cohãcã yedohore, tiquire quehnoano yuhtĩ dutiro", nine tiquire yere tiquina ojoari pũrũ.

⁷ Sa yena Cohãcãre quehnoano yuhtina ijija mũa. Sa yena wafinore yuhtieracãhña. Sa mũa yuhtieragũ ihñano tiquire pehe musare duhti oma cãa waharota. ⁸ Cohãcãre quehnoano yuhtiya mũa. Mũa sa yegũ tiquire pehe musare yedohorota.

Ñana ijire mũa. Sa yena ñañene ye nemoedacãhña. Ñañe gũhure cahmena, quehnoañe gũhure cahmena ijire mũa. Sa yena mũa ñañe yerire bujua witiya. Mũa sa yegũ ihñano Cohãcã mũa ñañe yerire cohãnota. ⁹ Mũa ñañene yerire tutuaro bujua witiya. Sa yena mũa ñañe yeri buhirire utiya. Bucueye mehna bujana ijieracãhña. Sa yena mũa ñañe yerire ñano jeripohna tina, tire bue tina ijija. ¹⁰ "Ñagu ihyo ijigũ ijiaja yuhũ", nina, Cohãcãre ño peoya. Mũa sa yegũ tiquire pehe mũa ñañe yerire cohãno, quehnoano yerota musare.

Tiquina acayere Jesu yequinare tiquina basi ñano quiti ye dutierahye

¹¹ Yuhũ acaye, Jesu yequina ijina, mũa basi ñano quiti yeracãhña. Mũa acayorore ñano quiti yena tiquire buhiri dahre duti duana niaga mũa. Cristo ye dutiye pehe masare buhiri dahre dutiye iji tuhasare. Sa yena masare ñano quiti yena Cristo ye dutiyere ohõ saha nina niaga mũa: "Marine quehnoano dutierare Cristo ye. Sa

yena mari esa tuharo buhiri dahre duti-ihna", nina niaga musa masare ñano quti yena. Sa nina Cristo ye dutiyere ñano ni yahuducuna tojoare musa. Sa yena ti dutiyere yerana tojoare. ¹² Masare dutiyere ohoriquiro, masare beseriquiro Cohācjūta ijire. Sa yero masare pecapū waboriquinare tiquirota yuhduo masine. Sa yero tiquirota masare pecapū cohā masine. Sa yena mari pehe masare "Ñañequina ijire", ni masiedaja. Cohācjū dihita mari acayere beseatiquiro ijire.

Ñamiare dahse mari ijatire masiedaja mari

¹³ Yojoapure yuhare tuhoya musa. Ohō saha nina tuhoya yuhare: "Miare, ñamiare ape macapū ijina wahanata. Topure ihcā cahma ijina, apee boro dua, dúnata. Sa yena wapatanata mari", nina ihquēquina musa mehna cjēna Cohācjūre wacūno marieno. Sa nina ijina, yuhū pehere tuhoya musa. Sa niñequinare ahrire yahugū tagū niaja. ¹⁴ Ñamiapū dahse musa ijatire masiedare musa. Ehmeo iji, duita pihti mujano saha ijire mari ijije tiye. Ehmeo mehenogā iji, pihtia wahare. Ohō saha mari gāhū mehenogā ijina, yariaa wahanata. ¹⁵ Sa yena ohō saha ni tuhotuya musa: "Cohācjū cahmegū ijinata mari. Sa yena tiquiro cahmegū ohō saha yenata mari", ni tuhotuya musa. ¹⁶ Yuhū sa niepegūta yojoapure "Mari esa tuhoro ohō saha yenata", niducumene musa pehe Cohācjūre wacūno marieno. Sa niducuna ñañene yere musa. ¹⁷ Quehnoañene mari yeatire masiepenata tire yerana, ñañene yena niaja mari.

5

Doeri cjē opanare yahuahye Santiago

¹ Doeri cjē opana musa yojoapure tuhoya yuhare. Camepure musa ñano yuhdunata. Sa yena uti sañuducuya musa. ² Musa doeri cjē ahba pihtia waharota. Sa ye musa suhtire casia gāhū ihya pehoeta. ³ Musa niñerure musa pajiro ihbogū ne ti dahseati ijierare. Pihtiri deco panogā musa sa ihbogū ihñano niñerure musa cahīgū masine Cohācjū. Sa yena niñerure musa cahidi buhiri pihtiri deco ijigū ñano yuhdunata pecapū musa ujīgū musa pagure ujū pjero saha. ⁴ Musa weserire dahra cohteyequinare wapa yerari musa. Sa yena musa tiquinare ni mehoiri. Sa yero tiquinare musa wapa yerari niñerure ihñano, musa ni mehorire masine Cohācjū. Musare dahra cohteyequina wapa ye dutiye, sañuducure tiquina. Tiquina sa ni sañuducugū mari puhtoro Cohācjū tutua yuhduriquiro tiquinare tuhore. ⁵ Ahri yehpapure peye doeri cjē mehna ijie tiri musa. Sa yena musa bucueye dihitarre yee

tiri musa. Sa yena pajiriquiro wecu tiquina quehnoano nuriquiro yero saha ijire musa. Sa ye pajiriquiro wecu pajiro tiquiro ihyari bato tiquirore tiquina wejēati cuhtupū ne cāre. Sata musa gūhare pajiro musa cūori bato musare tiquiro buhiri dahreatopū ne cānota Cohācjū. ⁶ Quehnoañequinare peresu ye, wejē dutiri musa tiquinare. Musa sa yegū tiquina pehe duhti wijia masiedare.

Cristo tiquiro tojoa tatire quehnoano cohte dutiahye marine Santiago

⁷ Sa yena yuhū acaye, mari puhtoro Cristo ahri yehpapure tiquiro tojoa tatire quehnoano cohteya. Wese upuro tiquiro oteye dūca tiati pjere quehnoano tiquiro cohtoro saha quehnoano cohteya. Tiquiro oteyepure "Acoro ahtaahro" nino tiquiro ya wesere ti quehnoano pihniatire quehnoano cohtere tiquiro. ⁸ Sata musa gāhū quehnoano cohteya. Mari puhtoro tiquiro tojoa tato mehenogā dahsare. Sa yena Cohācjūre sa wacū tutuaducuya musa. Sa yena tiquiro ahtatire sa cohteducuya musa. ⁹ Yuhū acaye, musa basi ñano quti yeracāhña Cohācjū musare "Buhiri dahreari", nina. Sa yena ahrire wacūña musa. Buhiri dahreatiquiro tiquiro ahtato mehenogā dahsare. ¹⁰ Yuhū acaye, ñano yuhdūepenata mari puhtoro quehnoano cohteya Cohācjū yere yahu muhtariquina tiquina yeriro sahata. Tiquina ihcāno sahariro sahata ihcāno sahaya, tiquinare ihña cūna.

¹¹ Sa yena ahri yuhū yahuatire wacūña musa. Nano yuhdūepeta Cohācjūre duhueyequina bucueyequina ijire. Panopū cjūnore Job wame tiriquireto tuhori musa. Tiquiro ñano yuhdūeperota Cohācjūre duhuerahye. Sa yero tiquiro ñano yuhduri bato Cohācjū tiquirore quehnoano yehaye. Cohācjū mari puhtoro quehnoano paja ihñariquiro ijiro, sata yehaye tiquiro. Ti ijipihiyere masine musa.

¹² Yuhū acaye, ahrire tuhoya. Ohō saha ni wame peore masa: "Uhmuse cjāno mehna poto nina niaja", nina masare tuho dutiye. Tiquina yero saha sa ni wame peoeracāhña. Uhmuse mehna, ahri yehpa mehna, apee boro mehna sa ni wame peoeracāhña. Ahrire musare tutuaro dutiaja. Musa apequinare yahuna, quehnoano potota yahuya tiquinare. Ni wame peo yahu nemoedacāhña. Sa musa poto yahugū ihñano Cohācjū sijoro saha musa nidi buhirire buhiri dahresi.

¹³ Musa mehna cjāno ñano yuhduriquiro ijiro, Cohācjūre siniahdō tiquiro. Apequiro bucuquiro ijiro Cohācjūre bucueye mehna basaahro. ¹⁴ Musa dohatina, Jesu yequina puhtoare pijioya musa. Musa sa pijiogū tiquina pehe musare ahse mehna

wisōeta. Sa yeye mari p̄h̄torore Cohācjāre m̄sare sini basaeta tiq̄ina. ¹⁵ Sa tiq̄ina sini basagū “Mari sinino sahata tiq̄iro yerota”, tiq̄ina ni t̄hotugū Cohācjū m̄sare dohatinare ȳhd̄orota. Sa yero m̄sare quehnoana wahagū yerota mari p̄h̄toro. Sa ye m̄sa ñañe yeri buhiri m̄sa dohatina ijigū ihñañe m̄sare sini basaeta. Tiq̄ina sa sini basagū ihñano m̄sa ñañe yerire borota Cohācjū. ¹⁶ Sa yena m̄sa mehna cjēnare m̄sa ñañe yerire cahme p̄a peheri yahu ȳhd̄uya. Sa yena m̄sa basi Cohācjāre cahme sini basaya. M̄sa sa sini basagū m̄sa sini basariquinare Cohācjū ȳhd̄orota. Quehnoañene yena m̄sa ijigū Cohācjāre tutuaro m̄sa sini basariro sahata yerota Cohācjū. Sa ye m̄sa sini basaye tutuar̄aga. Ihyo ijiye ijierare. ¹⁷ Cohācjū yere yahu m̄htariq̄iro m̄nano Elia wame tiriq̄iro mari yero sahata mas̄no ijie tiahye. Sa yero “Acoro ahtaeracāhdo” ni tutuaro siniyahye Cohācjāre. Tiq̄iro sa ni sinigū ihtia c̄hma quehnoano ape c̄hma deco ahri yehpap̄re ne acoro ahtaerahye. ¹⁸ Sa yero pari turi t̄ja Cohācjāre acorore tiq̄iro sinigū acoro ahtahye. Sa yero pari turi ahri yehpap̄re yuc̄ari pihni, buc̄aa, d̄aca tiahye. Sa ye Cohācjāre mari siniñe ihyo ijiye ijierare.

¹⁹ Ȳh̄u acaye, m̄sa mehna cjāno Cohācjū yere cohāriq̄iro Cohācjū yere pari turi tiq̄iro cahmeatire tiq̄irore yahuna, quehnoano yena nine m̄sa. ²⁰ Sa yena ahrire masiña m̄sa: Cohācjāre duhuriq̄irore Cohācjāre pari turi cahmegū yena, pecap̄re wahaboriq̄irore ȳhd̄agū yena niaga m̄sa. Sa yero tiq̄iro ñañe yerire Cohācjū borota.

1 San Pedro

Jesu yequinare macari wahariquinare oja ohoahye Pedro

¹ Yũhũ, Pedro, Jesucristo tiquiuro buhe duti cūrigata iijaja. Sa yegu musare yoaro cĵe macaripũ waharinare Ponto yehpapũ, Galacia yehpapũ, Capadocia yehpapũ, Asia yehpapũ, Bitinia yehpapũ ti yehparipũ waharinare musare ijipihtinare oja ohoaja yũhũ. Musare quehnoa duti ojoaja yũhũ. ² Coã waropũre Cohãcĵũ mari Pacũ “Ohõ saha yeitja”, tiquiuro ni wacũyuriro sahata musare beseahye. Tiquiuro sa beseri bato tiquiuro yaquiuro Espĩritu Santo musare Cohãcĵũ yequina ijigũ yeahye. Sa yeahye tiquiuro Jesucristore quehnoano yũhtiana musa ijiatire, tiquiuro dii cohãno mehna musa ñaĩene cosenohrina musa ijiatire. Cohãcĵũ cahĩne mehna tutuaro quehnoa dutiaja musare.

Jesu yequina ijina marine uhmũsepu tiquiuro neatire cohtena niaja mari

³⁻⁵ Cohãcĵũ marine tutuaro paja ihñano, Jesucristo yaria masa mũjari mehna marine pecapũ wahaborinare yũhdugũ yere tiquiuro. Sa marine yũhdugũ tiquiuro yegũ pari turi mari masa bajuariro saha Cohãcĵũ pohmata wahaja mari. Sa wahana tiquiuro mehna mari sa ijiducuatire quehnoano masiaja mari. Sa yero musare quehnoano yero taro musare cohtero nine. Tiquiuro mehna musa sa ijiducuatire cũnota tiquiuro. Sa yena sa ijiducunata musa. Sa yero tiquiurore musa wacũ tutuagũ, Cohãcĵũ tiquiuro tutuaye mehna musare ihña ihboro, yũhdugũ yerota. Pihtiri deco ijigũ musare tiquiuro yũhdũorire masigũ yerota tiquiuro. Marine tiquiuro sa paja ihñagũ ihñana, tiquiurore Cohãcĵũre mari pũtoro Jesucristo pacarore ño peouhna.

⁶ Sa tiquiuro yũhdũoana ijina, mehenogã ahri yehpapũ musa ijiro puno peye tahari musa ñano yũhdũepenata bucuere musa. ⁷ Sa ñano yũhdũepenata Cohãcĵũre cohãedana musa tiquiurore wacũ tutuaye potota ti ijigũ tire masigũ yena niaga musa. Uru ahri yehpa cĵe pũrita pihtia waharota. Uru yũhdũoro musa wacũ tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Urure tiquina doha tuhu ihñano saha musa wacũ tutuayere Cohãcĵũ ihña duaro “Ñano yũhdũahro”, niboaga musare. Musa sa ñano yũhdũari bato potota tiquiurore musa quehnoano wacũ tutuaducugũ ihñano, Cristo ño peoye mehna musare “Quehnoano yeri musa”, ninota. Ahri yehpapũ tojoa taro sa ninota.

⁸ Tiquiurore Jesucristore musa ihñedapenata cahĩne musa. Sa yena yojoapũre tiquiurore ihñedapenata tiquiurore wacũ tutuare. Sa wacũ tutuana, tutuaro bucuere musa. Cohãcĵũ tiquiuro sa musare bucueregũ yegũ tutuaro bucuere musa. Ti bucuere quehnoa yũhdũare. ⁹ Sa yero Cohãcĵũ musare pecapũ wahaborinare yũhdugũ yerota, musa tiquiurore quehnoano wacũ tutuagũ.

¹⁰ Cohãcĵũ musare tiquiuro sa yũhdũoatire panopũ cĵena Cohãcĵũ yere yahu mũhtariquina tire masi duaye, sinitue tiahye. ¹¹ Cristo tiquiuro ñano yũhdũatire, tiquiuro masa mũjatire, ijipihtiyequina pũtoro tiquiuro ijiatire tiquiuro masa bajutato panopũta tire yahuyu tuhasae tiahye tiquina. Jesucristo yaquiuro Espĩritu Santo tiquiuro yedohoye mehna sa yahuyuahye tiquina. Sa ye tiquina Cohãcĵũ yere yahu mũhtariquina tiquina yahurire quehnoano masi duaye sinitue tiahye tiquina Cohãcĵũre. “Cristo wihirota”, Espĩritu Santo tiquiuro nidire “¿Noa boro pehe ijivotari?” ni sinitue tiahye tiquina. Tiquiuro wihiati pje gũhare sinitue tiahye. ¹² Tiquina yahuyuri tiquinare masi pehogũ yeati ijierahye. Maripũre masi pehogũ yeatire sa ni yahue tiahye. Tire tiquinare masigũ yeahye Cohãcĵũ. Uhmũsepu ahtariquiuro Espĩritu Santo yedohoye mehna yojoapũre quehnoaĩe buheyerere musare usã yahuaja. Panopũ musa masiatire tiquina yahuyuri tita ijire yojoapũre musare usã yahuye. Ti buheyerere angele gũhu tutuaro masi duae tiahye.

Cohãcĵũ marine ñaĩe mariena iji dutire

¹³ Sa yena quehnoano wacũ masiĩjãna ijyuyua musa. Sa yena tũho masina ijija. Cristo tiquiuro tojoa tagũ Cohãcĵũ musare quehnoano tiquiuro yeatire wacũña. Sa yena tire quehnoano cohteya. ¹⁴ Panopũ Cohãcĵũre masiedarĩna ñaĩene tutuaro cahmena ijimedi musa. Yojoapũre tire yeracãhña. Sa yena tiquina pohne tiquina pacũsumũare quehnoano tiquina yũhtiro saha yeya musa. ¹⁵ Sa yena tiquiuro yequina ijiatire musare beseriquiro ñaĩe marieniquiro tiquiuro ijiro sahata musa gũhu ñaĩe mariedacãhña. Sa yena quehnoaĩe dihitare yeya. ¹⁶ Sata ni ojoahye Cohãcĵũ yere tiquina ojoari pũpũ: “Ñaĩe mariegu ijija yũhũ. Yũhũ sa ijigũ musa gũhu ñaĩe mariena ijija”, ni, ojoahye.

¹⁷ Tiquiuro Cohãcĵũ ijipihtiyequinare tiquina yerire ihñano ihcãno saha besere tiquinare. Ñaĩequinare, quehnoaĩequinare besere. Tiquiuro sa yeriquiro ijigũ tiquiurore “Yũhũ Pacũ” ni duana quehnoano yeya. Ahri yehpapũ musa ijiro puno cua pesaro mehna quehnoano ijiducuya musa. ¹⁸ Musa

ñecusumma mæna panopu cjæna tiquina yeri ne dahseati ijierahye. Musa gũhu tiquina yeriro saha yena musa ijiepegũta Cristo musare tiquiro yequina ijigũ yeri. Wapamoñequinare tiquina wapamorire tiquina boriro sahata tiquiro pehe musa ñaÑe yerire potota bo cãhri. Tire quehnoano masine musa. Musare sa yero plata mehna, uru mehna wapa ye wioerare tiquiro musare sa yero. Plata, uru butia wahaerota. ¹⁹ Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna musa ñaÑe yerire cohã, musare yuhduerota. Tiquiro dii mehna marine sa yero quehnoano waro yero nidi. ²⁰ Panopure ahri yehpare tiquiro bajumehneato pano Cristo tiquiro sa wahatire masi tuhasahye mari Pacu. Yojobu pehere pihtiatu deco panogã ijigũ, Cristore quehnoano masigũ yeri mari Pacu musare. ²¹ Cristo yedohoro mehna mari Pacure wacũ tutuare musa. Mari Pacu pehe Cristore yariariquirore masori jiri. Sa yero tiquirore ahmusepu cũno ijipihituequinare tiquirore ño peogũ yeahye mari Pacu. Tiquiro sa yegũ mari Pacure wacũ tutuare musa. Sa yena musare tiquiro yuhduoatire quehnoano masine musa.

²² QuehnoaÑe buheyere tiquiro nidiro sahata yena ijina, musa ñaÑe yerire cohãnohrina ijire musa. Sa yena potota mari acayere Jesu yequinare cahĩ masine musa. Sa yena musa mehna cjænare musa jeripohnari mehna tutuaro cahĩña. ²³ Sa yena coã bajuayequina yero saha ijina Cohãcjũ pohna wahari musa. Mari pacusumma mehna masa bajuarina ijina came yarianata. Ti yero saha ijierare Cohãcjũ pohna musa wahagũ. Cohãcjũ buheye mehna tiquiro catigũ yeye buheye mehna tiquiro pohna wahari musa. Ti buheye mehna Cohãcjũ mehna sa ijiducunata mari. ²⁴ Ohõ saha nine Cohãcjũ yere tiquina ojoari pũpu:

Ijipihituequina masa taa yero saha ijire.

Sa ye quehnoaÑe tiquina cuoye, taa cohoru yero saha ijire. Taa ñaia wahare. Cohori gũhu buru dijia, ahbaa wahare. Ti yero saha yariare masa gũhu. ²⁵ Mari puhtoro ye buheye pehe ne pihtisi. Tiquiro nidiro sahata sa wahaerota, ni ojoahye.

Ti buheye musare tiquina yahuri quehnoaÑe buheyeta ijire.

2

¹ Sa yena ijipihitue ñaÑe yeyere, ni mehoÑene, masa ihõnoo dihita quehnoano iji mehoÑene, apee borore tiquina cuogũ cooyere, apeqinare ñano quitu yeyere tire duhuaya musa. ² Sa yena coã masa

bajuayequina epõcore tiquina cahmeno saha musa gũhu quehnoaÑe buheyere Cohãcjũ yere tutuaro cahme nemoña. Sa cahme nemoña musa tiquirore musa wacũ tutua nemoatire, tiquiro yuhduonohatina musa ijiatire. ³ Sata ijinata musa. Mari puhtoro musare tiquiro quehnoano yeyere mehenogã masi tuhasare musa.

Cristo catigũ yeriquiro utã yero saha ijire

⁴ Cristo catigũ yeriquiro utã yero saha ijire. Wũhu dahreyequina ihcãria utãre tiquina cahmedaro saha masa tiquirore cahmedare. Cohãcjũ pehe tiquirore ihñagũ tiquiro beseriquiro quehnoa yuhduariquiro ijire. Tiquiro sa ijiriquiro ijigũ tiquirore wacũ tutuaya. ⁵ Sa yena musa gũhu wũhu cjẽ utã paca yero saha ijire. Musa sa ijina Cohãcjũ ya wũhu cjẽ utãre ihcãno saha tiquina cũriro saha musa tiquiro yequina gũhu ihcãno saha quehnoano ijinata. Sa yena Cohãcjũ ya wũhu cjãna quehnoana pahia ijinata musa. Sa yena Jesucristo yedohoye mehna Cohãcjũ yere quehnoano yenata musa. Musa sa yegũ ihña bucuero Cohãcjũ. ⁶ Ohõ saha nine Cohãcjũ yere tiquina ojoari pũpu:

Utã wũhupu tiquina cũ muhtaria mariedagũ wũhare ye duca masiedare. Sata Cristo marieno yeequina waha masiedare masa. Sa yero tiquiro ihyo ijiriquiro ijierare. Sa yegu tiquirore Jerusalẽpu yojobure cũgu ñaja. Tiquiro yũhu beseriquiro quehnoa yuhduariquiro ijire. Sa ye tiquirore wacũ tutuayequina bucueta, ni ojoahye.

⁷ Tiquirore wacũ tutuayequina pehe quehnoa yuhduaro wahaeta. Sa yero ihyo ijiriquiro ijierare tiquiro. Tiquirore wacũ tutueyequina pehe sijoro saha wahaeta. Tiquinare ohõ saha nine Cohãcjũ yere tiquina ojoari pũpu.

Ahriquiro Cristo utã yero saha ijire. Utãre wũhu dahreyequina tiquina bese cohãno saha masa tiquirore cohãeta. Tiquina sa yepegũta yojobure wũhu dahreyequina wũhare yeye, tiquina cũ muhtaria utãre tiquina cũno saha Cohãcjũ tiquirore puhtoro cũri, ni, ojoahye.

⁸ Ahri gũhare nine Cohãcjũ yere tiquina ojoari pũpu:

Omariquiro utãre doque wahã saro tiquiro esaborirore ne eserare. Sata utã yero saha ijiriquirore Cristore cahmedana, tiquirore yuhduacana, Cohãcjũ cahapu esasi mari, ni ojoahye panopu.

Tiquina Cohãcjũ ye buheyere yahtierare. Sa yeye panopu tiquiro ni ojoariro sahata Cristore cahmedare. Cohãcjũ panopu "Sa

waharota”, tiqiro nidiro sahata Cristore cahmedare tiquina. Sa yeatiquinare cūahye Cohācjū tiquinare.

Ohō saha ijire Cohācjū yequina

⁹ Musa pehe Cohācjū beserina ijire. Tiquiro mari puhtoro tiqiro yequina pahia, tiqiro yere ye basana ijire musa. Sa yena tiqiro ya curua cjāna ñaŋe mariedana, Cohācjū yequinata ijire musa. Sata ijire musa. Cohācjū tiqiro quehnoa yuhduayere tiqiro yerire apequinare yahuatina ijire musa. Musare beseahye tiqiro musare ñaŋene ye dutieraro. Sa besero quehnoaŋe pehere yeanaŋere cūri musare. ¹⁰ Panopure dahseatina ijierari jiri musa. Yojoḡu pūritare Cohācjū yequina ijire musa. Panopure musare paja ihñariqiro musare mariedahye. Yojoḡu pūritare musare Cohācjū paja ihñari.

Cohācjū yere yena ijiya musa

¹¹ Yuhū cahīna, ahri yehpapu iji dojatina ijierare musa. Cohācjū yequina ijire musa. Musa sa ijina ijigū ahrire tutuaro yahuaja musare: Musa ñaŋe tutuaro cahmeŋene yeracāhña. Ti ñaŋene tutuaro cahmena, ñana wahana niaga musa. ¹² Cohācjūre cahmeŋequina watoa ijina quehnoano yena ijiya musa, musare “Yahusāri”, nina. Musa sa yegū tiquina yojoḡure musare ñano yahusā duepeta, musa quehnoano yeyere masieta tiquina. Sa masiŋe, tiquina Cohācjūre “Quehnoagu, tutuagu ijire”, nieta. Sata nieta Cristo ahri yehpapu tiqiro toja tagū.

¹³ Mari puhtoroŋe yuhti duana ahri yehpa cjēna puhtoŋa gūhure yuhtiya musa. Roma cjānore musa ijipihntina puhtoroŋe tiqiro gūhure yuhtiya. ¹⁴ Puhtoŋe yuhduayereapequinare buhiri dahre dutiro, ohori puhtoro tiqiroŋe yedohoyequinare. Sa yero quehnoano yeyequinare “Quehnoano yeri musa”, ni dutiro ohori tiqiro tiquinare. Tiquiro sa ohogū, tiquinare yuhtiya musa. ¹⁵ Musa quehnoano yegū ihñañe tuho masieŋequina tiquina esa tuharo musare quti dahre duepeta quti dahre masiedare. Musa sa yegū cahmene Cohācjū. Sa yena musa puhtoŋe yuhtiya.

¹⁶ Cohācjū musa puhtoro ijire. Apequina cahacjāna ijierare musa. Sa ijiepenata “Usāre dutiriqiro mariedare. Sa yena ñaŋene yenatja”, ni tuhotueracāhña, “Ñañene yeari”, nina. Cohācjū cahacjāna ijire musa. Sa yena tiqiroŋe quehnoano yuhtina ijiya musa. ¹⁷ Ijipihntiyequina masare ño peoya. Mari acaye Jesu yequinare cahīna. Cohācjūre ño peoye mehna ihñaña. Ahri yehpa cjēna puhtoro gūhure ño peoya.

Cristo ñano yuhduoro tiqiro ihcāno sahariro sahata ihcāno sahaya musa gūhū

¹⁸ Cahacjāna, musa cua pesaro mehna musa puhtoŋe yuhtiya. Quehnoaŋequina, musare quehnoano yeyequina dihtare yuhtina ijieracāhña. Musa mehna usuayequina gūhure yuhtiya musa. ¹⁹ Musa ñano yerapegāta musare tiquina buhiri dahregū “Cohācjū cahmeno sahata ye duaja”, musa ni tuhotugū tire musa ihcāno sahaŋū “Quehnoano yeri musa”, ninota Cohācjū musare. ²⁰ Musa ñano yeri buhiri tiquina musare buhiri dahregū tire musa ihcāno sahaŋū ti dahseati ijierare. Sa yena musa quehnoano musa yeri buhirire tiquina buhiri dahregū tire musa quehnoano mehna ihcāno sahaŋū Cohācjū “Quehnoano yeri musa”, ninota musare.

²¹ Sa ñano yuhduanaŋere musare tiqiro yequina iji dutiri jiri Cohācjū. Cristo musa ye ijiatire ñano yuhduoro tiqiroŋe musa ihña cūatire. ²² Tiquiro ne ñano yerari. Sa yero ne ni mehoedari. ²³ Tiquiroŋe tiquina tuhtigū, tiqiro pehe tiquinare tuhti cahmedari. Tiquiroŋe tiquina ñano yepegūta “Queitja musare”, ne niedari. Tiquina sa yepegūta tiquinare Cohācjū tiqiro buhiri dahreatire potota tiqiro yeatire masino, “Yuhū Pacapu tiquinare buhiri dahrerota”, ni tuhoturi. ²⁴ Tiquiro basi curusapu mari ñañe buhirire yariari. Sa waha yariari pari turi mari ñañene yeratire, Cohācjū cahmeŋe pehere mari yeatire. Tiquiro ñano camī tire, marine pecapu wahaborinare yuhduoro taro. ²⁵ Oveja wisiaye tiquina butiriro sahata mari gūhū pecapu butiatina ijimi. Yojoḡu pehere Cristore, ovejare ihña ihboriqiroŋe yero saha ijiriquiroŋe, marine ihña ihboriqiroŋe wacū tutuaja mari. Sa wacū tutuana, tiqiro yequina wahan mari.

3

Omoca dahteriquinare ohō saha yero cahmene tiquinare

¹ Sa yegū cahacjēnare yuhū dutiriro sahata musa namosānumiare dutiitja. Musa manšumhare yuhducaeracāhña tiquina Cohācjū buheyere tiquina cahmeatire. Ihquēquina tiquina Cohācjū buheyere cahmeŋequina ijiye, tiquinare musa yuhducaeragū ihñañe Cohācjū ye buheyere cahmeboaga tiquina. Ti buheyere musa yahuerapegūta tiqiro yere cahmeboaga tiquina. ² Sata cahmeboaga tiquinare musa quehnoano yeyere, musa ño peoye gūhure ihñañe. ³ Musa numia, cariboyequina numia yero saha yeracāhña. Sa yena musa poarire wuhapo sepahtana numia, uru darire busana numia, wapa bujaye suhtire sañana numia ijieracāhña, musa musare “Ūe pjegū yeari”, nina.

Musa pagurire masa tiquina ne pjegü yeracãhña. ⁴ Sa yena masa cua pesaro mehna apequinare tutuaro cahĩne mehna yena, cua pesaro mehna yahuna, ti pehere ihña bucuwegü yeya. Ti pehere masa yegü ihyo waro ijierare, Cohãcjü ihñagü. ⁵ Sata yee tiahye panopu cjëna numia Cohãcjü yequina numia. Tiquina numia Cohãcjäre wacü tutuaye numia ijiye, tiquina manasumare yuhducãera tiahye. ⁶ Sata Sara ticoro manano Abrahãre quehnoano mehna yuhtie tiahye. Sa yero tiqiurore “Puhto”, ni pisuayhe. Sa yena masa quehnoano yena numia ijina, cuero marieno ijina numia ijina, Sara yero saha ijire masa gãhu.

⁷ Sata masa umua gãhu masa namosãnumiare quehnoano yeya. Tiquina numia mari umua yero saha tutuayequina numia ijierare. Sa yena ño peoye mehna quehnoano yeya tiquina numiare. Cohãcjü ijipihtiyey decori tiqiuro mehna mari ijiatire tiqiuro ohoriro sahata tiquina numia gãhure ohorota tiqiuro. Tiquina sa ijiyequina ijigü tiquina numiare quehnoano yeya. Cohãcjäre masa siniñene masa dojomehnedatire tiquina numiare quehnoano yeya.

Quehnoano tiquina yepegüta apequina tiquinare ñano yeyere yahuahye Pedro

⁸ Ahri mehna musare yahu bato tiitja: Musa ijipihtina ihcãno saha quehnoano mehna ijiya. Sa yena masa mehna cjënare quehnoano paja ihñaña. Musa acaye Jesu yequinare puã peheri cahme cahña. Sa yena quehnoano yeya tiquinare. Sa ye “Ihyo ijina ijiaja”, ni tahotuya. ⁹ Apequina musare tiquina ñano yegü tiquinare ñano ye cahmedacãhña. Musare tiquina tuhtigü tiquinare tuhti cahmedacãhña. Musare tiquina sa yepegüta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiqiuro yequinare cüri musare Cohãcjü pehe musare quehnoano yero taro.

¹⁰ Sata nine Cohãcjü yere tiquina ojoari pũru:

Musa quehnoano bucuweye mehna iji duana ne ñano ni yahuducuer-acãhña. ¹¹ Ñahe yeyere duhu cãhña. Quehnoañe pehere yeya. Cahme masa basi ihña tuhtiro marieno ijiya. Tire tutuaro yeya. ¹² Quehnoañequinare mari puhtoro sa ihña ihboducuro nine. Sa yero tiqiurore tiquina siniñene sa tuhoducuro nine. Ñano yeyequina pehere tiqiuro ihña tuhtire, ni ojoahye.

¹³ Quehnoañene masa tutuaro ye duagü apequina pehe musare ñano yuhdagü ye

duaye, ye masisi tiquina. ¹⁴ Quehnoano masa yepegüta musare tiquina ñano yuhdagü yegü ihñano Cohãcjü musare quehnoano yerota. Tiquiro sa yegü musare ñano ye duayequinare cueracãhña. Sa yena bujua witieracãhña. ¹⁵ Musa Cristore “Usã puhtoro ijire”, ni tahotuna, ño peoya tiqiurore. Sa yena Cristore masa wacü tutuayere, Cohãcjü mehna masa ijiatire apequina sinituoba. Tiquina sa sinituato pano tiquinare masa yuhtiatire quehnoano masiyuya. Sa yuhtina cahño mehna, quehnoano ño peoye mehna yahuya tiquinare. ¹⁶ Quehnoana ijiya. Sa yena “Ñañene yeaja”, ni tahotusi masa. Sa ye Cristo yere quehnoano yena masa ijigü apequina musare ñano quiti yeye, buoro wahaeta tiquina. ¹⁷ Ñañene masa yeri buhiri masa ñano yuhdagü quehnoaedare. Sa yero Cohãcjü cahmegü quehnoañene masa yeri buhiri masa ñano yuhdagü quehnoarĩne ti pũrita.

¹⁸ Sata ñano yuhduri Cristo. Ihcã tahata ijipihtiyequina tiquina ñañe buhirire yariari tiqiuro. Quehnoariqiuro ijiri. Sa yero mari ñañe buhiri ñano yuhduri tiqiuro. Ñano yuhduri tiqiuro marine Cohãcjü yequina wahagü yero taro. Tiquiro pagu yariaa wahari. Yariari bato tiqiuro masari jiri. ¹⁹ Sa masariqiuro ijiro tiquina buhiri dahreatire cohteyequina mana yariariquina mana jeripohnarine buheahye tiqiuro. ²⁰ Sa cohteyequina panopu Cohãcjäre yuhtierariquina mana ijiahye. Ti pjeppure Noé tiqiuro ijiro pjeppure, pajiria yucasare dohoro niahye. Tiare tiqiuro dohori watoa Cohãcjäre yuhtierariquina manare tiquina yuhtigü cahmeno, tiquina yuhtiatire yoari pje cohtemahye Cohãcjü. Sa ye meheñequinagã ocho masa dia minidi pjere yuhduahye. ²¹ Minigü tiquina yuhduriro saha wame yeye mehna yuhdure masa. Mari pagure mari wete tu cosero saha ijierare wame yeye. Sijoro saha ijire wame yeye. Ñañe mariena mari ijiatire Cohãcjäre mari siniñe ijire ahri wame yeye. Sa yena Jesucristo tiqiuro masa mujari mehna yuhduaja mari. ²² Tiquiro Jesucristo ahmusepu wahahye poto peherpu dujiro taro, Cohãcjü mehna dutiro taro. Sa yero tiqiuro angele bui, ahmuse cjëna puhtoa bui, dutiyequina bui tiquina puhtoro ijire.

4

Cristo yequina ijina quehnoañe pehere comesarina ijinata

¹ Mari ñano yuhduna ñañe yeyere duhu cjã mari. Sa yena Cristo ñano yuhdaro tiqiuro cuerariro sahata tiqiuro userariro sahata masa gãhu tiqiuro yero sahata yeya. ² Sa

yeya masa ñañene masa ñe pjerire masa duhuoro quehnoano, Cohâcǵũ cahmeñe pehere masa yero quehnoano.

³ Панорѹ Cohâcǵũre cahmeeñequina ñañene tiquina ñe pjerire tiquina yeriro sahata yeducumahye masa gâhũ. Bue tiro marieno ñano yena, ñañene tutuaro masa ñe pjerire yena, quehena, queheye bose decorire yena, “Cohâcǵũ ijire”, masa niñe queoyere ño peona ti pehere yee timahye masa. Ti queoyere ihña yabire Cohâcǵũ. Sa yena to punota ye bato tiya. ⁴ Sa ye ti ña yuhduayerẽ yeyequina mehna masa ijigũ yojopure masa tire yeragũ ihñañe tiquina pehe ihña maria wahari. Sa ye tiquina musare quiti dojomehnedi. ⁵ Tiquina sa yegũ ihñano tiquina ñañe yerire Cohâcǵũ pehe sinituro, yahu yuhdu dutirota tiquinare. Tiqũro catiyequinare, yariariquina gâhũre beseatiqũro buhiri dahreatiqũro ijire. ⁶ Tiqũro sa beseatiqũro ijigũ Jesu yequina pehe yojopure yariariquina manare quehnoañe buheyere yahuri tiquina yariato pano. Sa ni yahuri tiquina pagarire Cohâcǵũ tiqũro yaria dutiepegãta. Sa yahuri tiquinare Cohâcǵũ ijiphiyte decori tiqũro ijiro saha tiqũro mehna tiquina ijiducuatire.

⁷ Pihtiati deco mehenogã duhsare. Sa yena quehnoano wacũ masina ijija, yojopure Cohâcǵũ mehna masa quehnoano yahuducuatire. ⁸ Apequinare cahña, peye tahari tiquina ñañene tiquina yepegãta sa ihña cǵã mari. Sa yena masa mehna cǵenare sa cahĩducuya. Apeye dutiye yuhduoro ahrireta yeya. ⁹ Masa mehna cǵenare unureno marieno masa ye wãhusepũ sajã ta dutiya. ¹⁰ Cohâcǵũ musare ijiphihtinare masa yeatire cũri. Tiqũro sa cũgũ, masa ye masino sahata masa mehna cǵenare tire quehnoano yeya. Cohâcǵũ musape cũri masa yeatire. Tiqũro cũriro sahata apequinare quehnoano yedohona, Cohâcǵũ cũriro saha quehnoano yena niaga masa. ¹¹ Masa quehnoano yahuna, Cohâcǵũ tiqũro yahuboriro saha quehnoano yahuya masa gâhũ. Masare yedohona Cohâcǵũ tiqũro cũri tutuaye mehna apequinare yedohoya. Ti ijiphiyte yena Cohâcǵũre masa tiquina ño peoatire sa yeducuya. Jesucristo pehe tire masa yegũ yedohorota. Tiqũrore ijiphiyte decori ño peo, “Tutuagũ ijire”, nino cahmene ijiphiytequinare. Sata niahdo.

Jesu yequina tiquina ijiri buhiri tiquina ñano yuhduayerẽ yahuahye Pedro

¹² Yãhũ cahña, yojopure ña yuhduaro yuhdãna, “Yohou, sijoro saha ijiro wahaga yuhũre”, ni, wacũedacãhña. ¹³ Cristo tiqũro ñano yuhduariro saha masa gâhũ tiqũro yero saha sa wahana, bucueya masa. Sa bucuenã Cristo asi siteye mehna tiqũro

tojoa tagũ masa quehnoano bucuenãta. ¹⁴ Cristo yequina masa ijiri buhiri apequina musare tiquina tuhtigũ Cohâcǵũ yaqũro Espĩritu Santo asi siteriqũro masa mehna ijiro nine. Sa yena bucueya masa. ¹⁵ Sa yena musare wejẽdacãhña masa. Apee borore yaqueracãhña. Ñano yeracãhña. Sa yena apequina tiquina yerire ihñana tiquinare sijoro saha ni dojomehnedacãhña. Ti buhiri masa ñano yuhdugũ ñarĩne. ¹⁶ Sa yena Cristo yequina masa ijiri buhiri ñano yuhdãna, bue tieracãhña. Ñano yuhduepenata Cristo yequina masa ijije mehna bucuenã, Cohâcǵũre “Quehnoare”, ni, ño peoya masa.

¹⁷ Cohâcǵũ tiqũro yequina yerire ihñano tiqũro beseati pje ijiro nine yojopure. Ijiphihtina mari tiqũro yequina mari yerire ihñano bese mahtanota, “Ahri ñañe ijire. Ahri quehnoañe ijire”, nino. ¿Sa bese mahtano dahse yerotari tiqũro yequina ijieyequina pehere? Tiqũrore yãhtieyequina pehere tutuaro buhiri dahrerota. ¹⁸ Sa ye quehnoañequina yuhdueta. Tiquina sa yuhduati mijo cǵũre. Ti sa mijo cǵũgũ Cohâcǵũre cahmeeñequina, ñañequina pehe ne yuhdusi. Basioerare tiquinare. ¹⁹ Sa yena Cohâcǵũ cahmegũ masa ñano yuhdãna, quehnoañene masa yerire duhueracãhña. Sa yena musare bajumehnediqũrore, musare ne duhueriqũrore tiqũrore wacũ tutuaya masa.

5

Jesu yequina tiquina yeatire yahuahye Pedro

¹ Yojopure Jesu yequina puhtoare yahutja. Yãhũ Jesu yequina puhto ijijaja. Masa gâhũ tiquina puhtoata ijire. Musare yãhũ yero saha puhtoã ijinare ahrire yahugũ tagũ niaja yãhũ. Cristo tiqũro ñano yuhduarire ihñarigũ ijigũ, ahmusepũ Cristo mehna yuhduacǵũ ijigũ ahrire musare yahutja. ² Cohâcǵũ yequina oveja yero saha ijire. Masa pehe ovejare ihña ihboyequina yero saha ijire. Tiquinare Cohâcǵũ musare tiqũro cũriquinare tiqũro yequinare quehnoano ihña ihboya. Sa yena Cohâcǵũ tiqũro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Usã ihña ihbori wapa niñerure wapatanata”, niedacãhña masa. Cohâcǵũ cahmeno sahata yeducuna ijija. ³ Sa ihña ihbona tiquinare ñano dutiperacãhña. Sa yena quehnoano yeya masa Jesu yequina musare tiquina ihña cũatore. ⁴ Masa sa yena Cristo ijiphihtinare marine ihña ihboriqũro tojoa tagũ tiqũro musare quehnoañene ohoatire masa yuhduatire cuonata. Ti masa cuoati ne pihtisi.

⁵ Tiqinare yñh dutiriro sahata m̄sa wahma p̄ja ḡh̄ m̄sa p̄htoare yñhtiya. Sa yena m̄sa mehna c̄j̄nare ijip̄htiyeqinare ño peoya.

“Masi yñhd̄d̄caja”, niñequina pehere Coh̄c̄j̄ ih̄ña tuhtire. Apequinare ño peoyequina pehere “Ihyo ijina ijiaja”, ni tuhotuyequina pehere quehnoano yere tiq̄iro.

⁶ Sa yena Coh̄c̄j̄ tutuariq̄iro m̄sare tiq̄iro dutiḡa tiq̄irore ño peoya. M̄sa sa yeḡa tiq̄iro queori p̄je ijiḡa m̄sare apequina ño peoeta tiq̄iro dut̄ro mehna.

⁷ Tiq̄iro m̄sare pajiro tuhotu ih̄ña ih̄bore. Sa yena tiq̄irore wac̄u tutuana, ne pajiro tuhotuerac̄h̄ña m̄sa pehe.

⁸ Sa yena wac̄u masi ijiya. M̄sare ih̄ña tuhtiriq̄iro wat̄no yairo usuariq̄iro tiq̄iro mac̄a ih̄ya duaro saha m̄sare ñano yñhd̄ḡa ye duare. Sa yero m̄sare ñano ye dutire. ⁹ Ijip̄htir̄p̄ ahri yehp̄ap̄are apequina Jesu yequinare ñano yñhd̄ḡa yere wat̄no. Tire masina, tiq̄irore yñhtierac̄h̄ña. Sa yena Cristore tutuaro wac̄u tutuaya m̄sa. ¹⁰ Sa yena mehenoḡa m̄sa ñano yñhd̄ari bato Coh̄c̄j̄ m̄sare yedohorota. M̄sare quehnoana ijiḡa yerota. Sa yero tiq̄irore m̄sa wac̄u tutua nemoḡa, tiq̄irore m̄sa ne duhueraḡa yerota m̄sare. Tiq̄iro ijip̄htiyē decori ùhm̄sep̄a Cristo mehna m̄sa ijiatire m̄sare c̄ūriq̄iro ijire. Tiq̄iro Coh̄c̄j̄ ijire ijip̄htiyeqinare p̄ja ih̄ñariq̄iro.

¹¹ “Ijip̄htiyē decori tiq̄iro tutuariq̄iro ijire”, ni ño peuhna tiq̄irore. Sata yeh̄na.

Quehnoa duti bato tiah̄ye Pedro

¹² Ahri p̄u meheni p̄ḡare m̄sare yñh̄ oho duaḡa Silvano pehe yñh̄re ojoa basari. Tiq̄iro Jesu yaq̄iro yñh̄ acaȳro Jesure duhueriq̄iro ijire, yñh̄ tuhotuḡa. M̄sare quehnoano yahu duaja. Sa yeḡa “Ahri buh-eye potota Coh̄c̄j̄ marine tiq̄iro cah̄ñene yahuri buheye ijire”, ni yahuḡa m̄sare ahri p̄re ojoaja. Sa yena ahri buheyere ne duhuerac̄h̄ña m̄sa.

¹³ M̄sare tiq̄iro yequina ijiatinare tiq̄iro beseriro sahata Jesu yequina Babilonia c̄j̄na ḡh̄re beseah̄ye Coh̄c̄j̄. Tiquina pehe m̄sare quehnoa dutire. Marco ḡh̄a yñh̄ mac̄a yero saha ijiriq̄iro m̄sare quehnoa dutire. ¹⁴ M̄sa mehna c̄j̄nare quehnoano mehna piti caya.

Ijip̄ht̄na Jesucristo yequinare quehnoa dutiaja m̄sare.

2 San Pedro

Jesu yequinare oja ohoahye Pedro

¹ Yuhu Simo Pedro, Jesucristo buhe duti tiqiro cūrigū ijiaya. Sa yegu tiqiro cahacjāta ijiaya. Sa yegu masare oja ohoaja yuhu. Cohācjū marine yuhduoriquiro Jesucristo pehe ñañe marieniquiro ijire. Sa yero tiqirore masa wacū tutuagū, tiqiro yequina wahagū yeri jiri masare. Sa wahana masa gūhū usā yero saha tiqiro yequina ijire. Mari ihcāno saha tiqiro yequina ijiaya. Sa yegu masare oja ohoaja.² Sa yena Cohācjū gūhare, mari puhtoro Jesu gūhare masi nemona tiqina cahñe mehna quehnoano ijiducunata masa. Sa quehnoano masa ijiatire masare sini basaja. Sa yegu masare quehnoa dutiaja.

Ohō saha ijire Cristo yequina

³⁻⁴ Tiquiro yequina ijiatire Cristo marine pijiri. Tiquiro sa pijigū tuhona, tiqirore yuhtii mari. Sa yuhtina Cohācjūre masi nemona, tiqiro tutuaye mehna tiqiro cahmeno sahata quehnoana ijinata mari. Tiquiro ijire tiqiro yequina ijiatire marine pijiriquiro. Quehnoariquiro, masi pehoriquiro tiqiro ijiro sahata ijiatire marine pijiriquiro ijire. Sata tiqiro tutuaye mehna marine quehnoa yuhduaro yeri. “Ohō sahata masare quehnoano yeitja”, tiqiro nidiro sahata marine quehnoa yuhduaro yeri. Marine tiqiro sa yegū ahri yehpa cje ñañene, ñañene mari ue pjeje pehere mari duhu cja. Ti ñañe pehe marine ñano wahagū yemedi. Sa yena tiqirore yuhtina, Cohācjū ijiro saha ijinata mari.⁵ Sa yena Cristore wacū tutuana iji tuhasare masa. Sa yena ohō saha ye nemoña tja: Quehnoana ijiya masa. Quehnoano wacū masina ijiya masa.⁶ Ñano ye dupepenata Cohācjū cahmeñe pehere yeducuya masa. Sa yena Cristo yequina masa ijiri buhiri ñano yuhduepenata sa ihcāno sahaducuya masa. Sa yena Cohācjūre ño peona, tiqiro cahmeñe yeya masa.⁷ Sa yena masa mehna cjenare cahme cahña, tiqinare quehnoano yedohoya masa. Sa yena ijipihtiyequina apequina gūhare cahña masa.

⁸ Masa sa ye nemogūta quehnoa yuhduare. Masa sa ye nemona, quehnoañene yena ijiducunata. Sa yena Cristo tiqiro cahmeñene quehnoano yeducuna ijinata masa. Ihyo ijina ijisi masa. Sa ye Cristore masa wacū tutuari ihyo warota ijisi. Yuhu nidiro sahata masa ye nemogū quehnoa yuhduare.⁹ Masa sa ye nemoedana Cohācjū yere ne

masiedabutiare masa. Sa ye nemoedana Cristo masa ñano yerire tiqiro cohārire ne wacūedare masa. Sata bo cā duare masa.¹⁰ Sa yena, yuhu acaye, Cohācjū yequina ijiatire masare tiqiro iji dutigū yuhtiri masa. Sa yuhtirina ijina, tiqiro yere wacūduca duana, tiqiro cahmeñene tutuaro sa yeducuya. Masa sa yena potota Cohācjū mehna ijinata masa. Sa yena potota tiqiro beserina ijinata masa. Sa yena ñañene yeducusi masa.¹¹ Masa sa tiqiro cahmeno saha yerina ijina mari puhtoro marine yuhduoriquiro Jesucristo tiqiro ijiroru quehnoano wahanata masa. Potota tiqiro yequina waro masa ijigū ihñano “Quehnoano mehna yuhu mehna ijiya masa”, ninota Jesu masare.

¹² Sa yegu ahri masare sa wacūgū yeducutja. Ahri masare yuhu yahurire masi tuhasari masa. Sa masina Cohācjū yere masa tuhoro sahata quehnoano yena nine masa. Sa yerina masa ijiepegūta ahri masare yuhu yahurire sa wacūgū yeducutja masare.¹³⁻¹⁴ Mehenogū dūhsare yuhu yariato. Tire quehnoano yahuri mari puhtoro Jesucristo yuhare. Sa yegu catinigū waro ahri yuhu yahurire masare sa wacūgū yeducutja. Yuhu sa yegū quehnoañene.¹⁵ Sa yegu ahri yuhu yahu ojarire masare oja cū pehogūta, yuhu yariari bato masa quehnoano masiatire. Sa yena ahri yuhu yahurire sa wacūducunata masa.

Cristo tutuariquiro tiqiro ijiye tiyere ihñahye Pedro gūhū

¹⁶ Sa yena Cristo tiqiro tutuaye gūhare tiqiro ahtati gūhare masare yahuna, usā esa tuharo yahuna niedaja. Tutuariquiro tiqiro ijiyere usā basita ihñau.¹⁷ Cristo tutua yuhduariquiro tiqiro ijiyere usāre ihñori Cohācjū mari Pacu. Tiquiro sa ihñogū tiqiro pehe quehnoano asi siteriquiro ijiri. Tiquiro sa asi sitegū ohō saha nino ca tari ti asi siteroru: “Ahriquiro yuhu macu, yuhu cahñiquiro ijire. Tiquiro mehna quehnoano bucueaja”, nino ca tari usā tuhogū.¹⁸ Hmusepu tiqiro sa nigū tuhō usā. Cūnu buipū Cohācjū tiqiro ijiri cūneru Cristo mehna iji usā.

¹⁹ Tire ihñarina ijina, Cohācjū yere yahu mahtariquina panoru cjenā tiqina oja potota ijigū quehnoano masiaja usā. Tiquina ojarire quehnoano buheducuna quehnoano yena nine masa. Ti tiqina oja Cohācjū yere marine quehnoano masigū yere. Ahri yehparū ñano tiqina yeri yehparū mari ijigū quehnoano masigū yere marine. Sa yena Cohācjū yere tiqina ojarire sa buheducuya. Sa buheducuna Cristo tiqiro tojoa tagūru buhe duhunata. Sa tojoa taro tiqiro yere mari masiedarire marine quehnoano masi pehogū yerota.

20 Ijipihtiyē ti yahu yahuri yuhduoro ahri pehere quehnoano masiña masa: Cohācjū yere panopu tiquina ojoarire buhena mari esa tuhago tire buhena, “Ohō saha nino niaga”, ni masiedaja mari. Espiritu Santo yedohoro mehna masiña mari. ²¹ Ne masa tiquina esa tuhago Cohācjū yere ojoerahye. Panopu cjēna Cohācjū yere tiquina ojoagū Espiritu Santo pehe tiquina ojoatire tiquinare masigū yeahye.

2

“Cohācjū ye buheye ijire”, ni meho buheyequinare yahuahye Pedro
(Jud 1.4-12)

¹ Panopu mari acaye judio masa mehna cjēna “Cohācjū yere yahu mahtarina ijiaja”, ni mehoñequina ijie tiahye. Tiquina yero sahata vojopu gūhure masa mehna cjēna sa ni mehoñequina ijietā. Potota tiquina buheborō sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yuhduonohrina ijiaja”, niepeta Cristo dutiyere ne yuhtierare tiquina. Sa ye tiquiore “Ūsā puhtoro ijire”, ni tuhotuerare. Ti ijipihtiyequina sa yeri buhiri duita tiquinare Cohācjū pecapu waha dutirota. ² Sa ni meho tiquina buhegū tuhoye tiquina ñañene tutuaro cahmediro sahata peyequina masa tiquinare ihña cū ñano yeeta. Tiquina sa ñano yegū ihñañe apequina masa gūhu quehnoañe buheyere ñano quiti dahreeta. ³ Sa ye tiquina ni mehoñequina niñerure wapa cahmeñe, ni mehoñe buheyere buheeta masare. Tiquina sa buhiri buhiri Cohācjū tiquinare pecapu waha dutirota. Panopure sa yeyequinare buhiri dahre duti tuhasahye tiquiore.

⁴ Sata panopu buhiri dahre dutiahye ñañequina angele gūhure. Tiquinare pecapu peresu yeahye. Sa yero pihtiri deco bato tiquinare buhiri dahrerota. ⁵ Sata panopu cjēnare Cohācjūre cahmeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejēahye. Sa yero Noéne tiquiore mehna cjēna gūhure yuhduoahye. Tiquina ijipihtiyequina tiquiore yuhduoriquina ocho masa ijiahye. Noé pehe quehnoañene ye dutiro ti pje cjēnare buhee timahye. ⁶ Sata Sodoma wame tiri maca cjēnare, Gomorra wame tiri maca cjēna gūhure Cohācjū buhiri dahreahye. Ti macarine peca mehna quehnoano ūjā peho cāhye. Sa yero cameru ijiatiquinare tiquiore cahmedatiquinare ihñono niahye. Ñañequinare tiquiore buhiri dahreatire ihñono niahye tiquinare. ⁷ Sa yero Lote wame tiriquiore yuhduoahye. Lote pehe quehnoariquiore

ijiahye. Sa quehnoariquiore ijiro Sodoma cjēna Cohācjū dutiyere yuhduocayequina ña yuhduaro tiquina yegū ihñano caributia wahahye tiquiore Lote. Sa yero ma tiquina basi tiquina pagari mehna tiquina ñano yegū ihñano caributia wahahye tiquiore. ⁸ Tiquiore quehnoariquiore ñañequina watoa ijiahye. Sa yero decoripe ña yuhduaro tiquina yegū ihñano, ñano tiquina yahuducugū tuhoro ñano jeripohna tiahye. ⁹ Tiquiore Cohācjū yuhduogū ihñana ahri yahuatire masiña mari. Cohācjū mari puhtoro tiquiore cahmeñequinare tiquina ñano yuhduogū ihñano tiquinare yuhduorota. Sa yero ñañequina pehere peresu yero, tiquinare cuore pihtiri deco ijigū tiquiore buhiri dahreatiquinare.

¹⁰ Ñañene tutuaro we pjeyequina Cohācjūre yuhduocayequina tiquina pūritare ñano buhiri dahrerota tiquiore. Tiquina masa mehna cjēna ni meho buheyequina ñañene ye, ne cuerare. Sa ye bue tierare tiquina. “Apequinare masi yuhduocaja”, ni tuhotuyequina ijire tiquina. Sa ijieyequina ijieyehmeñe cjēna tutuayequinare ne ño peera, ñano ni bujapere tiquinare. ¹¹ Angele pehe ne tiquina yero saha yerare. Tiquina pehe ni meho buheyequina yuhduoro tutuayequina ijire. Sa ijiepeta tiquina ne bujapeye mehna ni meho buheyequinare ñano yahusāedare Cohācjūre, yuhduocayequina ijieyehmeñe.

¹² Sa ye ahriquina ni meho buheyequina pehe nucū cjēna wahiquina yero saha tuho masieñequina ijire. Nucupu boca sa tiquina wejēatiquina yero saha ijire tiquina. Tiquina basi cahmeno saha yere tiquina. Sa ye tiquina masieñequinare bujape, ñano ni yahuducu cohtere. Sa yeyequina ijigū wahiquinare mari wejēdoro saha Cohācjū tiquinare pecapu cohānota. ¹³ Sa yero tiquina ñano yeri buhiri buhiri dahrerota Cohācjū. Tiquina ñañene tutuaro cahmene. Sa ye ñano yeducure. Masa mehna bose deco ye, ti bose deco ijigū tiquina ñañene ye yuhduare. Sa yeye masa bose decore tiquina wete ohōno saha tiquina ñañene pihore musare.

¹⁴ Sa ye numiare ihñañe, ñehe duare tiquina. Sa ye ñañene sa yeducu duare. Cohācjūre wacū tutuera cjūñequinare ñañene ye dutiye, sa ijieyequinare tiquinare ihña cūgū yere. Sa ijieyequina sehsharo apee borore, niñeru gūhure ni meho ehma mihniñequina ijire. Tiquina Cohācjū tiquiore buhiri dahreatiquina ijire. ¹⁵ Tiquina Cohācjū yere buheraye, sijoro saha ijieyehmeñe buheye pehere buhere. Sa ye Balāa yero saha yeye nine. Balāa, Beor macano ijiahye. Tiquiore pehe panopu tiquiore ñañe yeri mehna niñerure wapata duamahye.

16 Tiquiro sa yegū ihñano tiquiro yacoro burro tuhtiahye ticoro up̄rore. Tiquiro yacoro burro yahuducuericoro ijiepegāta Cohācjū ticoro up̄rore tuhti dutiahye ticorore. Ticoro sa tuhtigū t̄ahoro Balāa tutuaro tiquiro ñañene ye duamedire duhu cāhye.

17 Ahriquina ni mehoñequina m̄ari pohterip̄a aco marieno yero saha ijire. Aco marieñe pohteri ti d̄uhseati ijieraro saha tiquina ni mehoñequina ne d̄uhseati ijierare. Sa ye ehmeo cururi wiñono ti w̄edoqueoye cururi ti sa comesaducuro sahata, tiquina ni mehoñequina ḡuhū ihcāno saha yahuducuera, sa comesaducure. Sa yero nahitiano warore quehno tuhasahye Cohācjū top̄a tiquinare buhiri dahrero taro. 18 Tiquina ni mehoñequina tiquina yahuducuyē d̄uhseati ijierare. Masīnequina yero saha masare sa buhe maca cāhre. Ohō saha ni buhere tiquina: “Mari cahmeno sahata mari yegū quehnoarīne”, ni buhemene tiquina. Tiquina sa ni buhegū masa t̄ahoye ñañene ne p̄jeye, tiquina ye buheyere cahmene. Apequina masa Cohācjūre potota coā cahme d̄ucayequina mehenogāta wahare tiquina ñañene tiquina duhuri bato. Tiquinare ni mehoñequina buhegū t̄ahoye ñañene cahmene t̄ja Cohācjū yequina ijiboriquina ijiepetā. 19 Tiquinare ohō saha ni buhere ni mehoñequina: “Mari cahmeno sahata mari yegū quehnoarīne”, ni buhemene tiquina. Tiquina sa ni buhepegāta tiquina nidiro saha wahaerare tiquinare. Ñañene duhu dueraye, tire duhu masiedabutiare. Tiquina sa ñano yeye, “Queoro ijire usā yeri”, ni t̄ahotumene tiquina. Sa ye tiquina ti ñañene ne duhu masiedare. Ti ñañe tiquina p̄htoro yero saha ijire.

20 Mari p̄htoro Jesucristore marine yahd̄uoriquirore coā cahme d̄ucayequina pehe ahri yehpa c̄jē ñañene duhu cāmedi. Tiquina sa duhuri bato pari turi ñañene yeye, ña yahd̄uaro tojoare tiquina. Cristore tiquina masiato pano tiquina iji m̄ahitari yahd̄uoro ña yahd̄uaro tojoare, pari turi ñañene yeye. 21 Sa ña yahd̄uaro tojoaye quehnoañe buheye pehere tiquina ne masi m̄ahtaedagū quehnoa yahd̄uboya tiquinare. 22 Sa ye pari turi ñañene yeye, masape tiquina ni yahuducue t̄iuro saha yee nine tiquina. Ohō saha ni yahuducure masa: “Diero etoa tuhasa pari turi tiquiro etoa c̄rīre ihyare. Sa yero yesere tiquina coseri bato pari turi tiquiro ñari sahbar̄a cuhsare t̄ja. Sata yere quehnoañene cahmemediquina ḡuhū pari turi ñañene cahmeñe t̄ja”, ni yahuducue tire masa.

3

Cristo ahri yehpap̄a tiquiro tojoa tatire yahuahye Pedro

1 Ȳhū cahñā, m̄usare ihcā p̄ū ojoa oho tuhasa. Sa yegū ahri p̄ūre t̄ja yojop̄are m̄usare ojoa ohogū niaja. Sa yegū p̄na taha ojoaga ahri ijip̄tiyere m̄usare wacūgū ye duagu niaja quehnoañe dihitare m̄usare t̄ahotu dutigu. 2 Ahri ȳhū yahuatire wacūñā m̄usa: Panop̄a c̄jēna quehnoañequina Cohācjū yere yahu m̄ahitariquina m̄ana tiquina yahu ojoarire wacūñā. Sa yena mari p̄htoro marine yahd̄uoriquiro Cristo tiquiro dutiye ḡuh̄are wacūñā. Ti dutiyere usā tiquiro c̄rīna m̄usare buhei.

3 Sa yena ahrire wacū m̄ahña: Pihtiati deco panogā Cohācjū yere buj̄apeyequina ijietā. Tiquina ñañene tutuaro cahmeducuyequina ijiye, ti ñañene yeducueta. Ohō saha ni buj̄apeeta: 4 “Cristo ‘Tojoa taut̄ja’, nieperota ne tojoa tasi. ¿Tojoa ta dueperota d̄uhsero ne bajuerajari tiquiro? Ahri yehpa iji d̄ucari bato mari ñecusum̄a m̄ana iji turiayequina tiquina yariari bato ijip̄ihtiro sijoro saha waharo marieno sa ijiducure. M̄nanota sa ijiducu cāre. Sa yero ahri yehpare ahtatiquiro ahm̄usepare mariedare”, ni buj̄apeyequina ijietā. 5 Sa ni buj̄apeye ahri pehere ne wacū duerare tiquina: Panop̄are Cohācjū tiquiro dutiro mehna ahri yehpare, ahm̄use ḡuh̄are bajumehneahye. Sa yero ahri yehpap̄a aco dihita ijirirore dihta ijigū yeahye tiquiro. Sa yero aco mehna ahri yehpa yojop̄are ti ijiro sahata ahri yehpare yeahye tiquiro. 6 Sa yero camep̄a ahri yehpare miono, cohā pehoahye ahri yehpa c̄jēne. Sa yero ahri yehpare ihcā tahata sijoro saha wahagū ye tuhasahye Cohācjū. 7 Sa sijoro saha wahagū yeperota yojop̄are ahm̄usere, ahri yehpa ḡuh̄are pari turi comesagū yerari tiquiro. Tiquiro dutiro mehna ahri yehpare, ahm̄use ḡuh̄are yojop̄are ti ijiro sahata ijiducu nemogū yero nine. Sa yero cohtero nine came ijip̄ihtrop̄are ūjāno taro. Sa cohtero nine Cohācjū tiquirore cahmeeñequinare buhiri dahrero taro. Sa buhiri dahrero tiquinare pecap̄a cohānota.

8 Ȳhū cahñā, ahrire wacūñā m̄usa: Mil cahmarine “Yoa yahd̄uari p̄je ijire”, mari ni t̄ahotuepegāta ihcā decota ijire, Cohācjū ihñagū. 9 “Cohācjū tiquiro nidiro saha am̄añano yerabutiare”, nine masa. Sa ijierare. Masare quehnoano ye duaro cohtenino nine. Ne ihcāquiro mas̄nore pecap̄a cohā duerare tiquiro. Sa yero ijip̄tiyequina tiquina ñañene buj̄ua witiḡū, ñañene duhugū cahmeno nine tiquiro.

10 Ñamip̄are yaque buc̄aro tiquiro wacūeno mehna yaquero saj̄ariro saha Cristo ahri yehpap̄are wacūeno mehna ahtarota. Tiquiro ahtagāta to tutuaro

bisigāta uhmuse cĵe pihtia waharota. Uĵā pihtia waharota. Sa yero ahri yehpa gāhu, ahri yehpa cĵe gāhu uĵā pihtia waharota.

¹¹ “Ahri ijipihtiye pihtia waharota”, Cohācjū nigū tūhona ñañene duhuna, Cohācjū cahmeñene yero cahmene marine. ¹² Mari puhtoro ahri yehpapu tiquiro ahtatire cohtena, sojaro mehna tiquiro ahtagū yeya mūsa. Ti deco uhmuse cĵe uĵā pihtia waharota. ¹³ Ti sa cuaro wahati ijiepegāta mari pehe Cohācjū ni cūriro sahata ijipihtiyere tiquiro comesagū yeatire cohteaja mari. Ijipihtiye ti uĵā pihtiari bato ohō saha ijirota. Uhmusepu gāhu ahri yehpapu gāhu wahma ijirota. Sa ye ti pjeppure quehnoaŋe dihitare yeeta ijipihtiyequina. Tireta cohteaja mari.

¹⁴ Sa yena yūhu cahīna, mari puhtoro tiquiro ahtatire cohtena, Cohācjū ihñonopu quehnoano yena ijiya mūsa. Sa quehnoano yena ijiya mūsa Cohācjū mūsa mehna tiquiro bucueatire. ¹⁵ Sa yena yoa cĵūri pje tiquiro bajueragū ihñana ahrire masiña mūsa. Masa tiquirore cahmeñequina tiquiro yūhduoatiquina duhsarīne yojopu. Sa yero tiquinare cohtenino nine Cohācjū. Sata ni mūsare ojoa ohori jiri mari acayuro mari cahīniquiro Pablo. Cohācjū masiñe mehna tire ojoari jiri tiquiro. ¹⁶ Sa dihita ni ojoari jiri Pablo tiquiro ojoaripe. Cristo tiquiro ahtatire, ñañene yeeyequina mari ijiati gāhure yahuro ohō saha dihita ni ojoari jiri tiquiro. Ihquē tahari mijo cĵūñene tiquiro yahu ojoari jiri. Apequina ne masieñequina, tūho masieñequina ni mehoñe mehna tiquiro sa nidire comesa mujare. Sa ye tiquiro sa nidi ijiepegāta sijoro saha ni comesa yahure tiquina. Apeye Cohācjū yere tiquina ojoari pūri gāhure sata yeri tiquina. Tiquina sa yegū ihñano Cohācjū tiquinare buhīri dahrero, pecapu cohānota.

¹⁷ Yūhu acaye, yūhu cahīna ahri ijipihiyere ti sa wahato pano yahuu mūsare. Sa yena ahrire masina, quehnoano yeya mūsa. Ñañequina mūsare sijoro saha ni tiquina buhegū tūhoeracāhña tiquinare, “Cristo yere duhuari”, nina. ¹⁸ Sa yena mari puhtorore marine yūhdūoriquirore Cristore quehnoano wacū tutua nemoña mūsa. Tiquirore quehnoano masi nemoña mūsa. Yojopure, ijipihtiye decori tiquirore quehnoano ño peouhna mari. “Quehnoariquiro, tutuariquiro ijire”, niihna mari tiquirore. Sata niihna.

2

1 San Juan

Jesucristo catiyere ohoriqiro ijire

¹ Jesu Cohãcǵũ mari Pacũ ye yahuducuyere yahuriqiro ijire. Duita coã waroputa ijiriqiro tiqiro mari Pacũ mehna masare sa ijiducugũ yeriqiro ijiahye. Yojoþure usã tiqiro yere, tiqiro ijiye tiyere yahu ojoana niaja. Tiquirore tuhona, tiqiro waroreta ihñau usã. Sata ijire. Tiquirore ihñana, usã omocari mehna tiqirore dahra tuhuu. ² Ahriqiro mari Pacũ mehna sa ijiducugũ yeriqiro ahri yehpapũ tiqiro masa bajuari bato tiqirore usã ihñau. Sa yena tiqirore yahuaja usã musare. Ijipihitiye decori mari Pacũ mehna tiqiro ijiducuriqiro ijigũ, yojoþure mari Pacũ tiqirore ihñori usãre. Tire yahuaja usã musare. ³ Mari Pacũ mehna cǵãna ijiaja usã. Tiquiro macano mehna cǵãna gũhu ijiaja usã. Sa yena musa gũhu usã mehna cǵãna, mari Pacũ mehna cǵãna, tiqiro macano mehna cǵãna musa ijiatire usã ihñarire, usã tuhore musa gũhure usã yahuaja. ⁴ Ahrirete usã ojoaja quehnoano mari bucueatire.

Buhrioro to wete marieno saha Cohãcǵũre ñañe ne mariedare

⁵ Ahri buheye Cohãcǵũ macano usãre tiqiro yahuri ijiye nine. Yojoþuta ahriye yahunatja usã musare: Cohãcǵũ buhrioro yero saha ijire. Buhrioro to wete marieno saha tiqirore ne ñañe mariedare. Ñañe nahitiano yero saha ijire. Cohãcǵũre ne ñañe mariedare. Tiquiro sa ijiye tiyere yahuaja musare. ⁶ Sa yena nahitanopũ ijina yero saha mari ñañene yena ijiepenata "Cohãcǵũ mehna cǵãna ijiaja", nina, mari ni mehona niaja. Sa yena Cohãcǵũ yere queoro yeraja. ⁷ Sa yena buhrioropũ ijina yero saha Cohãcǵũ tiqiro yero saha mari quehnoañe pehere yena, apequna Jesu yequina mehna quehnoano ijina niaja. Mari sa yegũ Cohãcǵũ macano Jesu tiqiro dii cohãno mehna, curusapũ tiqiro yariari mehna ijipihitiye mari ñañe yerire bore.

⁸ "Yũhu þũrita ne ñañene yeraja", ni wacũna, mari ni mehoñene tuhotuna niaja. Mari sa ni tuhotuna Cristo yere ne masiedaja. ⁹ Sa yena Cohãcǵũre mari ñañene mari yahu yuhdugũ tiqiro poto yeriqiro mari ñañene borota. Sa yero ijipihitiye mari ñañe yeri gũhure, mari ñano tuhotuye gũhure cose werota tiqiro. Tiquiro nidiro saha yeriqiro ijire. ¹⁰ "Ñañene yeraja", nina, "Cohãcǵũ ni mehoriqiro ijire", nina niaja mari. Sa niñequina tiqiro buheyere cahmedare.

Cristo marine yedohore

¹ Yũhu pohna, musare "Ñañene yeari", nigũ ahriye ojoagu niaja. Yũhu sa ni ojoaepẽgũta ñañene yeboaga musa. Musa sa yegũ ihñano Jesucristo quehnoariqiro musa ye ijiatire tiqiro Pacũre ohõ saha ni sini basarota: "Ahriquina tiquina ñañene yeri buhirire buhiri dahreracãhña", ni sini basarota tiqiro Pacũre. ² Cristo mari ñañene cohãriqiro ijire. Mari ñañene mari dihitarẽ cohãedare. Ijipihitiye cǵãna gũhure tiquina ñañene cohã masine tiqiro.

³ Cohãcǵũ dutiyere yena, tiqirore potota quehnoano masiaja mari. ⁴ Ihcãqiro Cohãcǵũ dutiyere yeraperota "Yũhu Cohãcǵũre masiaja", nino, tiqiro ni mehoriqiro ijire. Sa yero Cristo yere ne masiedare. ⁵ Apeqiro pehe Cohãcǵũ dutiyere yeriqiro Cohãcǵũre tutuaro cahñiqiro ijire. "¿Cohãcǵũ mehna cǵãna ijiajari mari?" ni masi duana, ohõ saha mari masinata: ⁶ Cohãcǵũ mehna cǵãno Jesucristo quehnoañene tiqiro yero saha yeriqiro ijire. Sata yeducuhna mari.

Wahma dutirore yahuahye

⁷ Yũhu cahña, ahri dutiro yojoþure musare yũhu yahuati wahma dutiro ijierare. Ahri dutiro musa coã waropure cworiro muna dutirota ijire. Ti dutirore musa tuho tuhasari. ⁸ Yojoþũ pehere musare yũhu yahuati muna dutiro ijieperota wahma dutiro gũhu ijire. Cristo gũhu, musa gũhu ti dutirore yere. Yojoþũ nahitiano pihti cã mari ihña masino saha mari masiedarire masi dũca cãna niaja mari. Sa yero buhrioro mehna mari ihña masino saha Cristo musare poto ijiyere masigũ yero ahta tuhasari.

⁹ "Yũhu buhrioropũ ijiriqiro yero saha Cohãcǵũ dutiyere yegũ ijiaja", ihcãqiro nieperota, apeqinare ihña tuhtiro, tiqiro Cohãcǵũ dutiyere yerare. ¹⁰ Sa yero apeqirore cahñiqiro þũrita buhrioropũ ijiriqiro yero saha Cohãcǵũ dutiyere yeriqiro ijire tiqiro. Sa yero ñañene pari turi ye duerare. ¹¹ Masare ihña tuhtiriqiro pehe nahitanopũ ijiriqiro yero saha ijiro nine. Tiquiro caperi bajueriqiro yero saha ijire. Tiquiro wahatore ihña masiedare tiqiro.

¹² Yũhu pohna, Cristo tiqiro yariari mehna musa ñañe yerire cohãri jiri. Sa yegũ musare yahu ojoagu niaja. ¹³ Musa pacusũmũna gũhu, musa Cristore coã waropũ ijiriqirore masine musa. Musa sa masigũ ihñagu musa gũhure yahu ojoagu niaja. Musa wahma þia ñariqiro watĩnore yuhdũdũcari musa. Musa sa yuhdũdũcana ijigũ musa gũhure yahu ojoagu niaja.

Yuhu pohna, mari Pacure musa masine. Musa sa masigū ihñagu musare yojopure yahu ojoagu niaja. ¹⁴ Musa pacasumua, musa Cristore coã waropu ijiriquirore masine musa. Musa sa masigū ihñagu musare yahu ojoagu niaja. Musa wahma pjia potota musa Cohãcjũre wacũ tutuana ijire. Sa yena musa Cohãcjũ yere yena niaga. Sa yena, musa ñariquiro watĩnore yuhduducari. Sa yegu musare yahu ojoagu niaja. ¹⁵ Ahri yehpa cjẽ ñañene cahmedacãhña. Ahri yehpa cjẽ ñañene cahmena mari Pacu pehere cahmedare musa. ¹⁶ Ñañequina tiquina basi ñañene tiquina tutuaro cahmedĩ, ñañene tiquina ihña duari mari Pacu Cohãcjũ ye ijierare. "Ijipihtiye cwo pehogu, masi pehogu ijiaja yahu. Ne ihcãquiro masano yuhure yuhduducarerare", masa tiquina ni tuhotuye mari Pacu ye ijierare. Ti ijipihtiye ahri yehpa cjẽ ijire. ¹⁷ Ahri yehpa, ahri yehpa cjẽ gãhu masa tiquina cahmeñe pihtia waharota. Sa yero Cohãcjũ cahmeñene yeriquiro ijipihtiye decori Cohãcjũ mehna ijirota.

Cristore ihña tuhtiriquiro pehere yahuahye Ñu

¹⁸ Yuhu pohna, ahri yehpa pihtiatĩ deco mehenogã duhsare. "Cristore ihña tuhtiriquiro ahtarota", ni, Jesu yequina musare yahu tuhasari. Yojopure Cristore ihña tuhtieyequina peyequina iji tuhasare. Tiquina sa ijigũ ihñana yojopure pihtiatĩ deco mehenogã duhsagũ masiaja mari. ¹⁹ Ahriquina Cristore ihña tuhtieyequina pehe mari caha ijiepetata potota mari mehna cjẽna ijierare. Sa ye tiquina marine cohã cãri. Tiquina mari mehna cjẽna ijiye, mari mehna ijiboaga. Marine cohã cãri. Tiquina sa cohãgũ mari mehna cjẽna tiquina ijieragũ masiaja mari.

²⁰ Cristo Espĩritu Santore musa pehere ohori. Sa yero Espĩritu Santo musa mehna ijire. Sa yena musa ijipihnta Cristo yere masi tuhasare. ²¹ Musare yahugu "Cristo yere masiedare musa", ni tuhotueraja yuhu. Musa Cristo yere masigū ihñagu musare yahuaja. Cristo ye ne ni mehoñe mariedare. Ti gãhure masina musa ijigũ masiaja yuhu. ²² Ahriquiro ijire ni mehoriquiro: "Jesu Cohãcjũ macano ijierare", nidiquiro pehe ni mehoriquiro ijire. Potota Cristore ihña tuhtiriquiro ijire tiquiro. Mari Pacure, tiquiro macano gãhure cahmedariquiro ijire Cristore ihña tuhtiriquiro. ²³ Ohõ saha ijire: Jesure cahmeediquiro pehe mari Pacu gãhure cahmeediquirota ijire. Jesure cahmediquiro pehe mari Pacu gãhure cahmediquiro ijire.

²⁴ Coã waropu Cohãcjũ yere musa tuhõrĩre quehnoano wacũña. Tire musa wacũna,

Jesu mehna cjãna ijinata. Sa yena mari Pacu mehna cjãna ijinata. ²⁵ Tireta Jesu marine yahuri. Ohõ saha ijire tiquiro yahuri: "Musa ijipihtiye decori Cohãcjũ mehna ijiducunata", ni cũri Jesu marine.

²⁶ Apequina musare ni mehoñe nine. Tiquina sa ni mehogũ masigũ musare yahu ojoagu niaja. ²⁷ Tiquina sa ni mehonohrina musa ijiepegũta musa pehere Cristo tiquiro yaquiro Espĩritu Santore oho tuhasari. Espĩritu Santo musa mehna ijire. Musa mehna ijiro musare buheriquiro ijire. Tiquiro ijipihtiyere musare yahure. Tiquiro yahure ijirota ijire. Ni mehoñe yahuerare tiquiro. Espĩritu Santo nidiro sahata yeya musa yojopure. Sa yena musa Cristo yere tuhona, tiquiro mehna quehnoano ijiaja.

²⁸ Sata ijire. Yuhu pohna, musa Cristo mehna cjãna ijiaja. Sa yena Cristo ahtati decore cuesi musa. Sa yena tiquiro ahtati decore bue tiye mehna duhtisi musa. ²⁹ Cristo quehnoañene yeriquiro tiquiro ijigũ musa masine. Tire masina ahri gãhure masiña musa. Ijipihtieyequina quehnoañene yeveyequina Cohãcjũ pohnta ijire. Ti gãhure masiña musa.

3

Musata Cohãcjũ pohna ijire

¹ "Musa yuhu pohna ijire", nino, tutuaro cahĩ yuhduducaro nine marine mari Pacu. Tiquiro sa cahñona ijina tiquiro pohna ijiaja mari. Ahri yehpa cjẽna ñañequina Cohãcjũre masiedare. Sa yeye Cohãcjũ pohna mari ijigũ ihñañe tiquina mari gãhure masiedare. ² Yuhu cahña, yojopure Cohãcjũ pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa tagũ mari ihñana, tiquiro ijiroto sahata tiquirore mari ihñanata. Sa yena Cristo marine bajuagũ ihñana tiquiro yero saha mari came-sanata. ³ Ijipihtieyequina ahriye masiñequina Cristore ihña cũne, ñañene ye duerare.

⁴ Ñañene yena dutiyere yuhduducana niaja. Sa ye ijipihtieyequina ñañene yeveyequina Cohãcjũ dutiyere yuhduducayequina ijire. ⁵ Cristo masare tiquina ñañene cohãtiquiro bajuahye. Tiquiro ne ñañene yerare. Tire masine musa. ⁶ Sa ye ijipihtieyequina Cristo yequina ñañene yeducuerare. Apequiro pehe ñañene sa yeducuriquiro Cristore ne masiedare. Sa yero Cristo yaquiro ijierare. ⁷ Yuhu pohna, musare ni mehoñequinare tuhõeracãhña. Ijipihtieyequina quehnoañene yeveyequina Cristo yero saha quehnoañequina ijire. ⁸ Apequiro pehe ñañene sa yeducuriquiro watĩno yaquiro ijire. Watĩno pũrita duita ñañene yeriquiro ijiahye. Sa yero watĩno

tiqiro ñañene ye dutiyere cohãtiqiro Cohãcjũ macũno masa bajuahye.

⁹ Cohãcjũ pohna ijina Cohãcjũ yero saha ijina ijaja. Sa yena ñañene yeducueraja. Cohãcjũ mari Pacũ tiqiro ijigũ mari pehe ñañene yeducu masiedaja. ¹⁰ Ohõ saha ijiyequina Cohãcjũ pohne tiquina ijigũ masinata: Cohãcjũ pohne watĩno pohne yero saha ijierare. Ñañene yeducuyequina, apequinare cahĩñequina Cohãcjũ pohne ijierare.

Musa mehna cjẽnare cahĩña

¹¹ “Mari mehna cjẽnare cahĩña”, ni buheyere coã waropure tũho tuhasari masa. ¹² Mari Caĩ tiqiro ñano yeriro sahata yeracãhna. Tiqiro watĩno yaqiro ijiro, tiqiro bahũrore wejẽahye. ¿Duhse yero tiqirore wejẽyari, masa tuhotugũ? Tire yahutja musare: Caĩ tiqiro yeri ñañe ijahye. Tiqiro bahũro pehe quehnoañene yeriqiro ijigũ ihũano tiqiro wahmino pehe tiqirore wejẽahye.

¹³ Sa yena yũhũ acaye, ahri yehpa cjẽna musare tiquina ihũa tuhtigũ “¿Duhse ijiro boro yũhũre ihũa tuhtijari tiquina?” ni, tuhotueracãhña. ¹⁴ Mari pecapũ wahaborina ijimi. YojoPURE uhmũsePũ sa ijiducuatina comesarina ijaja mari. Jesu yequinare cahĩna, Cohãcjũ marine tiqiro comesagũ yerire masiaja mari. Masare cahĩniqiro pecapũ wahatiqiro ijire. ¹⁵ Tiqiro acayũrore ihũa tuhtiriqiro masare wejẽdiqiro ijire, Cohãcjũ ihũagũ. Masare wejẽñequina uhmũsePũ ijiducusi. Tire quehnoano masine masa. ¹⁶ Masare cahĩñene ohõ saha masinata. Ijipihitiye decori Cohãcjũ mehna mari ijiatire Cristo yariaro marine tutuaro cahĩdi. Sa yariaro marine tiqiro sa cahĩducirre masigũ yero nidi. Sa yena mari gũhũre Jesu yequina ye ijiatire yariaro cahmeboaga. ¹⁷ Peye cõriqiro Jesu yaqirore pejecõriqirore ihũaeperoa tiqirore paja ihũedarõ, Cohãcjũre cahĩedare tiqiro. ¹⁸ Yũhũ pohna, masare mari cahĩñe pehe mari dũserõ dihita wijiaeracãhdo. Masare mari cahĩna, tiquinare yedohoro cahmene marine.

Cuero marieno Cohãcjũ cahapũ iji masiaja mari

¹⁹⁻²⁰ Sa cahĩna mari potota Cohãcjũ yequina mari ijije gũhũre masinata. Sa yena Cohãcjũ cahapũ cuero marieno mari iji masiaja. Sa yena “Ñañe buhiri ijiga yũhũre”, mari ni tuhotuepegãta, Cohãcjũ cahapũ cuero marieno iji masiaja. Tiqiro pehe mari yũhũro tutuariqiro ijiro ijipihitiyere masine. ²¹ Yũhũ cahĩna, quehnoañene yena, “Quehnoañe pehere yena niãja”, ni tuhotuna, Cohãcjũ cahapũ mari cuero marieno iji masiaja. ²² Cohãcjũ dutiyere, tiqiro cahmeñe gũhũre mari

yeğũ, tiqirore mari sinino punota tiqiro ohorota. ²³ Ohõ saha dutire tiqiro marine: “Cohãcjũ macũnore Jesucristore wacũ tutuaya. Sa yena Cristo marine tiqiro dutiriro sahata masa mehna cjẽnare cahĩña masa”, nino, ye dutire marine. ²⁴ Cohãcjũ dutiyere yeriqiro Cohãcjũ mehna cjãno ijiro nine. Sa yero Cohãcjũ tiqiro mehna cjãno ijire. Cohãcjũ mari mehna cjãno tiqiro ijiyere mari masi duagũ marine tiqiro ohoriqiro Espĩritu marine masigũ yerota.

4

Ni mehoñe buheye gũhũre, Cohãcjũ ye buheye gũhũre quehnoano ihũa masi duti-ahye

¹ Yũhũ cahĩna, apequina “Cohãcjũ yaqiro Espĩriture cõoaja”, niñequina tiquina ijiepegãta tiquina ye buheye ni mehoñe ijire. Sa ye apequina pehe Espĩritu Santo warore cõoyequina ni mehono marieno buhere tiquina. Peyequina “Cohãcjũ yere yahu mũhtarina ijaja”, niepeta ni mehoñequina ijire yojoPURE. Ijipihitropure ijire tiquina. Sa yena apequina musare tiquina buheye ni mehoñe buheye ijigũ ihũa masiña masa. Cohãcjũ ye ti ijigũ gũhũre ihũa masiña masa. ² Cohãcjũ yaqiro Espĩriture cõoyequinare masa ihũa masi duana, ohõ saha masinata: “Jesucristo ahri yehpapũ masũno pagũ waro cõoriqiro ahtari jiri”, ni, buheyequina Cohãcjũ yaqiro Espĩriture cõoyequina ijire tiquina. Sa yena sa ni buheyequinare ihũa masinata masa. ³ Apequina pehe “Jesu ahri yehpapũ masũno pagũ waro cõoriqiro ahtaerari jiri”, ni buheyequina Cohãcjũ yaqiro Espĩriture cõoyequina ijire. Tiquina ye tuhotue Cristore ihũa tuhtiriqiro tiqiro tuhoturo saha ijire. “Cristore ihũa tuhtiriqiro ahtarota”, tiquina nidire tũho tuhasari masa. Sa ye tiqiro ye buheye ahri yehpapure wihi tuhasari.

⁴ Musa pehe yũhũ pohna, Cohãcjũ yequina ijire masa. Sa yena “Cohãcjũ yere yahu mũhtarina ijaja usã”, ni, mehoñequinare yũhdũdũca tuhasari masa. Musa mehna ijiriqiro Espĩritu Santo pehe tutua yũhdũdũcare. Sa yero ahri yehpa cjẽna yaqiro watĩno yũhdũro tutuare. Sa yena ni mehoñequinare yũhdũdũcari masa. Sa yena ti buheyere cahmedari masa. ⁵ Ni mehoñequina pehe ahri yehpa cjẽna ijire. Sa ye tiquina ahri yehpa cjẽ ñañene tiquina buhegũ ahri yehpa cjẽna ñañequina pehe tiquinare quehnoano tuhore. ⁶ Mari pehe Cohãcjũ yequina ijaja. Sa ye Cohãcjũre masiñequina marine quehnoano tuhore. Apequina pehe Cohãcjũ yequina ijieraye, marine ne tũho duerare. Tiquina sa tũho

dueragū ihñana tiquina ye buheye Cohācjū ye buheye ti ijieragū masinata mari. Sa yena apequina pehe marine tiquina tahogū tiquina ye buheye quehnoañe buheye ti ijigū gūhure masiaja mari.

Cohācjū masare tutuaro cahīducuriqiro iji

⁷ Yahū cahīna, Cohācjū marine apequinare cahīgū yeriqiro iji. Tiquiro sa yeriqiro ijigū ihñana mari mehna cjēnare cahīhna mari. Masare quehnoano cahīñequina pehe Cohācjū pohne iji. Sa ye tiquina Cohācjūre quehnoano masine. ⁸ Cohācjū masa ijiphiyequinare tutuaro cahīducuriqiro iji. Tiquiro sa cahīducuriqiro ijigū masare cahīñequina pehe Cohācjūre masiedare. ⁹ Cohācjū marine tiquiro cahīñene mari masi duana, ohō saha masinata: Cohācjū pehe tiquiro macūnore ihcāquiota ijiriqirore marine yahūduoatiqirore ahri yehpapare ohoahye. Sa ohoro marine tiquiro cahīñene marine masigū yero niahye. ¹⁰ Apequinare cahīñe waro ohō saha iji: Cohācjūre mari cahīñe pehe poto cahīñe waro ijierare. Marine Cohācjū tiquiro cahīñe pūrita potota cahīñe waro iji. Sa yero tiquiro macūnore mari ñañene cohātiqirore ohoro marine tutuaro cahīne tiquiro.

¹¹ Yahū acaye, Cohācjū marine tiquiro sa tutuaro cahīgū ihñana mari gūhū mari mehna cjēnare cahīhna. ¹² Masa pehe ne Cohācjūre ihñedari. Tiquirore mari ihñedapegūta mari mehna cjēnare mari cahīgū, Cohācjū pehe mari mehna sa ijiducuro nine. Sa yero potota marine cahī nemeducugū yere tiquiro. ¹³ Cohācjū pehe marine tiquiro yaqiro Espiriture ohori. Sa yena Espiriture cūona, Cohācjū mehna mari quehnoano ijijere masiaja mari. ¹⁴ Sa yena mari Pacū tiquiro macūnore ahri yehpa cjēnare yahūduoatiqirore tiquiro ohorire usā ihñau. Tire ihñana apequinapare tire yahuaja usā. ¹⁵ Cohācjū mehna cjāno ohō saha nidiquiro iji: “Jesu Cohācjū macūno iji”, nidiquiro tiquiro pūrita Cohācjū mehna cjāno ijiro nine. Sa yero Cohācjū gūhū tiquiro mehna cjāno ijiro nine.

¹⁶ Sa yena marine Cohācjū tiquiro cahīñene mari masiaja. Sa yena marine potota cahīniqiro tiquiro ijigū masiaja mari. Cohācjū masa ijiphiyequinare tutuaro cahīducuriqiro iji. Sa yero apeqiro masare cahīducuriqiro Cohācjū mehna cjāno iji. Sa yero Cohācjū gūhū tiquiro mehna cjāno iji. ¹⁷ Sa yena mari quehnoano cahī nemeducuaaja Cohācjūre, apequina gūhure, buhiri dahrerri deco ijigū mari cuero marieno mari ijiatire. Sa yena cuesi mari ahri yehpapū Cristo yero saha ijina. ¹⁸ Apequinare mari cahīgū

cuero mariedare. Cohācjū marine tiquiro cahīñene masina mari ne cueraja. Masa cueye tiquinare buhiri dahreatire cue nine. Sa cueye ñano yahūdare. Sa yero cueriqiro pehe Cohācjū cahīñene masieni qiro iji. ¹⁹ Marine Cohācjū cahī muhtahye. Sa yena mari gūhū tiquirore cahīaja. ²⁰ Ihcāquiota “Cohācjūre cahīaja”, nidiquiro ijieperota apeqirore ihñana tuhtiro, ni mehoriqiro iji tiquiro. Tiquiro ihñariqirore cahīedaro, Cohācjūre tiquiro ihñeni qiro gūhure cahī masiedare tiquiro. ²¹ Sa yero ahri iji marine Cristo tiquiro duti ro: Cohācjūre cahīna, mūsa cahapū ijiequina gūhure cahīña.

5

Cohācjū pohne ahri yehpa cjē ñañene ye duerare

¹ Ijiphiyequina Jesure “Cristo iji. Cohācjū ohori qiro iji”, niñequina, Cohācjū pohne iji. Apequina pacūrore cahīna, tiquiro pohne gūhure cahīaja mari. Sata Cohācjūre cahīna, tiquiro pohne gūhure cahīaja mari. ² Cohācjūre cahīna, tiquiro dutiyere quehnoano yena, tiquiro pohne gūhure mari cahīna niaja. ³⁻⁴ Tiquiro dutiyere yena Cohācjūre cahīna niaja. Marine Cohācjū dutiyere yegū mijoedare. Mari ijiphi tina Cohācjū pohna ijina, ñañene cahmedaja mari. Sa ye marine tiquiro dutiyere yegū mijoedare. Cohācjūre wacū tutuana ñañene cahmedaja. Sa yena tiquirore mari wacū tutuani bato ñano ye dueraja. ⁵ Ñañene cahmedana ohō saha nina ijiaja mari: “Jesu Cohācjū macūno iji”, nina ñañene cahmedaja mari.

Cohācjū macūnore yahuahye Ñu

⁶ Jesucristo ahri yehpapū tiquiro ahtagū tiquirore Ñu aco mehna wame yerire masina, curusapū tiquiro dii cohāri gūhure masina, Cohācjū macūno tiquiro ijijere masiaja mari. Tiquiro wame yeri dihita Cohācjū macūno tiquiro ijijere marine masigū yerare. Tiquiro dii cohāri gūhū marine tire masigū yere. Espiritu Santo “Ahri ijirota iji”, ni yahure marine. Tiquiro poto ni yahuri qiro iji. [⁷ Sa ye Jesu Cohācjū macūno tiquiro ijijere ahmuse cjēna yahuequina ihtiaro iji: Mari Pacū, tiquiro macūno Jesu, Espiritu Santo mehna “Jesu potota Cohācjū macūno iji”, niñequina iji tiquina. Tiquina ihtiaro ijiepetata ihcāno mehna yahure tiquina Jesure.] ⁸ Jesu Cohācjū macūno tiquiro ijijere ahri yehpapū ihtiaro yahure: Cohācjū macūno tiquiro ijijere Espiritu Santo pehe marine yahure. Sa yena Jesure aco mehna tiquiro wame yeri gūhure masina, Cohācjū macūno tiquiro ijijere masiaja mari. Sa yena mari ye

ijiatire tiqairo yariarire tiqairo dii cohãrre masina, Cohãcjũ macũno tiqairo ijijere masiaja mari. Sa ye ti ihtiaro ihcãno mehna marine masigũ yere Cohãcjũ macũno Jesu ijijere.

⁹ Masa tiquina yahuyere tuhona “Ijirota ijire”, niaja mari. Sa niepenata mari Pacũ tiqairo macũnore yahugũ masa tiquina yahuye yũhdũoro tiqairo pehere tuhoro cahmene marine. Cohãcjũ waro tiqairo ijigũ tiqairo yahuyere tuhoro cahmene marine. ¹⁰ Sa ye ijiphiyequina Cohãcjũ macũnore wacũ tutuayequina Jesure yahuri buheyere quehnoano tuhore. “Queorota ijire”, ni tuhore tiquina Jesure yahuri buheyere. Cohãcjũ macũnore tiqairo yahurire tuhoriqairo “Cohãcjũ ni mehoriqairo ijire”, nidiqairo ijire tiqairo. ¹¹ Cohãcjũ marine ijiphiye decori tiqairo mehna sa ijiducugũ yerota. Cohãcjũ macũno yequina mari ijigũ tiqairo mehna sa ijiducugũ yerota marine. Ahri ijire Cohãcjũ marine tiqairo yahuye. ¹² Cohãcjũ macũno yequina ijije tiqairo mehna sa ijiducuetã. Sa ye apeqũna pehe tiqairore cahmeeñequina tiqairo mehna sa ijiducusi.

Ñu yahu oja bato tiahye

¹³ Mũsa Cohãcjũ macũnore wacũ tutuana Cohãcjũ mehna sa ijiducunata. Tire mũsa masiatire mũsare yahu oja niaja.

¹⁴ Cohãcjũ tiqairo cahmediro sahata mari tiqairore dahse ijijere mari sinigũ tiqairo marine quehnoano tuhoro. Sa mari sina “Potota quehnoano tuhore tiqairo”, ni masiaja mari. ¹⁵ Tiqairore mari sinigũ, marine tuhore. Tiqairo sa tuhore masina, tiqairore mari sinino punota tiqairo ohoati gũhure masiaja mari.

¹⁶ Mũsa acayũro tiqairo ñañene yegũ ihñana, ti ñañe Cohãcjũ pecapũ tiqairo waha dutiye ñañe ijieragũ, tiqairore sini basaya Cohãcjũre. Sa yero Cohãcjũ tiqairore yedohoro tiqairo mehna sa ijiducugũ yerota tiqairore. Cohãcjũ pecapũ tiqairo waha dutiyequina dihitare sini basaya mũsa. Apeye ñañe pehe Cohãcjũ pecapũ tiqairo waha dutiye ñañe waro ijire. Ihcãqiro ti ñañe warore tiqairo yegũ “Tiqairore sini basaya mũsa”, niedaja yũhũ. ¹⁷ Ijiphiye ñañe yeye ñañe warota ijire, Cohãcjũ ihñagũ. Ti sa ijiepegũta apeye ñañe Cohãcjũ pecapũ tiqairo waha dutiye ñañe ijierare.

¹⁸ Cohãcjũ macũno Jesu pehe Cohãcjũ pohnene quehnoano ihña ihbore. Tiqairo sa ihña ihbogũ watĩno pehe Cohãcjũ pohnene ñano ye masiedare. Sa ye Cohãcjũ pohne pehe ne ñañene sa yeducerare. Ahrire mari masiaja.

¹⁹ Mari pehe Cohãcjũ yequina ijiaja. Watĩno pehe ahri yehpa cãna puhoro ijire. Ahri gũhure mari masiaja.

²⁰ Cohãcjũ macũno ahri yehpapũre ahtaro marine quehnoano masigũ yeri tiqairo. Tiqairo sa yegũ potota Cohãcjũ waroreta mari quehnoano masiaja. Ahri gũhure mari masiaja. Cohãcjũ macũno Jesucristo yequina ijiaja mari. Sa yena potota Cohãcjũ waro mehna cãna ijina niaja mari. Ahriqairo yũhũ nidiqairo potota Cohãcjũ waro ijire. Sa yero tiqairo ahmũserũ sa ijiducugũ yeriqairo ijire.

²¹ Yũhũ pohna, “Cohãcjũ ijire”, tiquina niñe queoyere ño peoracãhña.

2 San Juan

Jesucristo yere, potota apeqinare cahĩne gũhare yahuahye Ñu

¹⁻² Yũhũ bucu musare Cohãcjũ beserinare ahri pũre ojoa ohoaja. Jesucristo yere yuhtina ijiaja mari. Sa ye tiquiro buheye gũhũ mari mehna ijiphtiyi decori sa ijiducurota. Sa yegũ potota musare cahĩaja yũhũ. Yũhũ dihita cahĩgu niedaja musare. Apequina Jesu yere masĩnequina tiquina gũhũ potota cahĩne musare. ³ Cohãcjũ mari Pacu, Jesucristo tiquiro macano gũhũ poto tiquina cahĩne mehna marine quehnoano yeeta. Sa ye marine paja ihñaeta. Sa yeye marine quehnoano ijigũ yeeta tiquina. Sata yeahro marine. Sa nigũ musare quehnoa dutiaja.

⁴ Mari Pacu marine tiquiro dutiriro sahata ihquẽquina musa mehna cjẽna tiquiro yere yuhtiyequina tiquina ijigũ masigu bucueaja yũhũ. ⁵ Yojoũpũre musare yũhũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩhna. ⁶ Tiquiro ye dutiyere ye pehona mari tiquirore cahĩaja. Sa yero coã waropũre musa tuhõrõro sahata yojoũpũ gũhare ohõ saha dutire musare. Apeqinare sa cahĩducuya.

Peyequina ni mehoñequina ijire

⁷ Peyequina ni mehoñequina “Potota Jesucristo ahri yehpapũ masano paguta cuoriquiro ahtaerari jiri”, niñequina gũhũ ahri yehpa cjẽnare buheye wahari. Cristore ihña tuhtiriquiro ni mehoriquiro tiquina yero sahata ijire. ⁸ Quehnoano yeya musa. Cohãcjũ ye wapare musa quehnoano yeri wapare boeracãhña. Musa sa boeragũ Cohãcjũ quehnoa yuhũaro yerota musare.

⁹ Ijiphtiyequina Cristo yere yuhũducayequina, Cristo yere cohãñequina mari Pacu yequina ijierare. Sa ye Cristo yere ne duhueyequina Cohãcjũ mari Pacure, tiquiro macano gũhare masine tiquina. ¹⁰ Cristo ye buheyeri cahmedariquiro, apeye buheyeri buheriquiro musa cahapũ ahtagũ, tiquirore musa ya wũhũpũ sajã ta dutieracãhña. Tiquirore piti caeracãhña. ¹¹ Apeye buheyeri buheriquiro Cristo yere cahmedariquiro ñano yere. Sa yero tiquirore piti cariquiro pehe ñano yeriquirore yedohoro nine. Sa yena tiquirore piti caeracãhña.

Ñu yahu ojoa bato tiahye

¹² Peye musare yahu duepegata tire ojoa dueraja. Musare ihñagũ waha duaja. Musare ihñagũ musa mehna yahuducutja, mari quehnoano bucueatire.

¹³ Cohãcjũ beseriquina ohõpũ cahme-coañequina, musa mehna cjẽna musare quehnoa dutire.

3 San Juan

Ñu Gayo wame tiriqirore “Quehnoariqiro yahuahye Ñu

ijire”, niahye

¹ Yuhu bacy mûhure Gayore potota yahu cahîgure ahri pûre ojoa ohoaja.

² Yuhu cahîgu, Cohâcjû mehna cjû mûhu ijigû masiaja yuhu. Tiquiro mehna mûhu quehnoano ijiriro sahata mûhu quehnoano yuhduatire, mûhu pagu dohatiro marieno mûhu ijiatire Cohâcjûre sini basaja mûhure.

³ Ihquëquina Jesu yequina yuhu caharu wihyie mûhu ijyie tiyere yahuri yuhure. “Cristo cahmeno sahata potota yere Gayo”, ni yahuri tiquina yuhure. Tiquina sa ni yahugû tuhogu tutuaro bucuei yuhu.

⁴ Musa Jesu yere yuhu buherina tiquiro cahmeno sahata musa yegû tuhogu tutuaro bucueaja.

⁵ Yuhu cahîgu, Jesu yequinare yedohogu quehnoano yeri mûhu. Sa yegu Jesu yequinare mûhu ihña masieñequina pehere yedohogu quehnoa yuhduaro yeri mûhu.

⁶ Tiquina panoru mûhu ihña masieñequina pehe Jesu yequina ohõru cahmecoañequinare usâre ohõ saha ni yahuri: “Gayo usâre quehnoano cahîne”, ni yahuri panoru mûhu ihña masieñequina pehe. Came mûhu ya macare tiquina yuhdu cãgû ihñagu tiquinare quehnoano yedohoya Cohâcjû tiquiro bucueatire.

⁷ Tiquina Jesu yere buhe tiniñe wahaye, Cohâcjûre cahmeeñequinare yedohogû cahmedari.

⁸ Sa yena tiquinare Jesu yere buhe tiniñequinare yedohouhna mari. Tiquinare sa yedohona, tiquina yero saha mari gâhu Cohâcjûre yedohona niaja.

Diotrefe tiquiro ñañe yerire yahuahye Ñu

⁹ To cjênare Jesu yequinare ojoami. Yuhu sa ojoaepegûta Diotrefe tiquiro basi tiquina puhtoro yero saha iji duaro, yuhure tuho duerari.

¹⁰ Musa caharu yuhu esari bato tiquiro yerire musare yahu pehoutja. Usâre ñano yahuducure tiquiro. Sa yero ni mehoñe peyariqiro ijire tiquiro. Sa yero apeye ñañe gâhure yere tiquiro. Jesu yequinare tiquiro yere buhe tiniñequinare tiquiro ya wuhure sajâ dutierare. Sa yero apequina to cjêna Jesu yequina pehe buhe tiniñequinare tiquina sajâ dutigû ihñano tiquiro pehe “Buhe tiniñequinare sajâ dutieracâhña musa ye wuhusepûre”, ni yahusâre tiquinare. “Musa ye wuhusepû buhe tiniñequinare musa sajâ dutiri buhiri mari Jesu yequina mari ya wuhupûre mari cahmecoari wuhupûre sajâedacâhña musa pehe”, nine Diotrefe to cjênare Jesu yequinare.

¹¹ Yuhu cahîgu, ñañequinare ihña cûedacâhña. Quehnoano yeyequina pehere

ihña cûña. Quehnoañene yeyequina Cohâcjû yequina ijire. Ñañene yeyequina Cohâcjûre masiedare.

Demetrio quehnoañene tiquiro yerire

¹² Ijipihtyequina quehnoano yahuducuri Demetriore. Sa ye tiquiro yerire ihñañe quehnoano tiquiro yeriquiro ijigû masine masa. Usâ gâhu tiquirore sata ni yahuaja. Sa yena usâ yahuye pehere potota ijigû masine masa.

Yahu bato tiahye Ñu

¹³ Mûhure peye yahu duami. Sa yahu duepeguta tire ojoeraja. ¹⁴ Mehenogâ bato mûhure ihña duaja. Sa yena mari basi cahme yahuducunata.

¹⁵ Quehnoa dutiaja mûhure. Mari mehna cjêna ohõ cjêna Jesu yequina mûhure quehnoa dutire. To cjêna mari mehna cjêna ijipihtyequina quehnoahdo.

San Judas

Juda Jesu yequinare ojoa ohoahye

¹ Yuhū Juda Santiago bahū, Jesucristo cahācjū māsare Jesu yequinare ahri pūre ojoa ohoaja. Māsare mari Pacū Cohācjū beseahye. Sa yena tiqiro cahīne mehna quehnoano ijire mūsa. Sa yero Jesucristo yedohore māsare “Ŋañene yeari”, nino.
² Quehnoa dutiaja māsare. Cohācjū yedohoro mehna quehnoano ijiya mūsa. Sa yegū Cohācjūre paja ihña dutigū, māsare cahī dutigū sini basaja Cohācjūre yuhū.

Ni mehoñequina tiquina ye buheyere yahu dūcahye Juda

³ Cohācjū marine pecapū wahaborinare tiqiro yūhdūoye pehere tutuaro ojoa duami māsare, yuhū cahīnare. Sa ojoa duepegūta māsare yojorūre ni mehoñe buheyere cahme dutieragū māsare ojoaja. Sa yena Jesucristo ye buheye pehere tutuaro buheya mūsa. Ahri buheye pehe Jesu yequinare Cohācjū cūri buheye sa ijiducurota comesaro marieno.
⁴ Ihñequina masa ñañequina wacūeno mehna mūsa cahapū esari. Mūsa mehna ijiye tiquina ohō saha ni buhemene māsare: “Cohācjū yequina mūsa ijigū, tiqiro cahīne māsare. Sa yero numia mehna mūsa ñano yegū tiqiro māsare ne buhiri dahresi”, ni buhemene tiquina. Sa ye mari pūhtorore ihcāquiota ijiiriquire Jesucristore “Cohācjū macūno ijierare”, ni buhemene tiquina. Ohō saha ni buheyequinare Cohācjū tiqiro buhiri dahreatire yahuahye panopūre. Tiqiro yere tiquina ojoari pūpū sata ni yahuahye.

⁵ Yojorūre māsare apeyere wacūgū ye duaja. Ahrire mūsa masiepegūta pari turi ahrire māsare wacūgū ye duaja. Cohācjū judio masare Egiptopū ijiyequinare tiqiro wiori bato tiquina mehna cjēnare tiqirore wacū tutueyequinare tiqiro wejēahye.

⁶ Sa yena mūsa apequina gūhūre wacūñā. Apequina angele pehe Cohācjū dutiyere ye duerahye. Sa ye tiquinare tiqiro iji duti cūriore tiquina iji duerahye. Sa ye tiquina ijimedirore duhu cāhye tiquina. Tiquina sa duhugū ihñano Cohācjū nahitianopū tiquinare peresu yeahye. Sa ye tiquina pihitiati deco pano come dari mehna dūhteriquina yero saha ijiducueta. Sa yero pihitiati deco ijigū tiquinare buhiri dahrerota Cohācjū.

⁷ Sata yeahye apequina gūhū. Tiquina gūhūre wacūñā mūsa. Tiquina Sodoma wame tiri maca cjēna, Gomorra wame tiri maca cjēna ti macari cahapū ijiye macari cjēna gūhū numia mehna ñano yeahye. Sa

ye sijoro saha ye ye gūhūre ye, amūa pehe tiquina basita tiquina pagūri mehna ñano yeahye. Numia gūhū sata yeahye. Tiquina sa yeri buhiri Cohācjū tiquinare ujūa peho cāhye. Tiquinare ujūano Cohācjū ijiipihiyequina tiqirore yūhdūdcariquinare tiqiro buhiri dahreatire masare ihñono niahye. Tiquinare tiqiro buhiri dahrereri peca ne yatisi.

⁸ Tiquina Cohācjū buhiri dahrenohriquina mūna yero saha yojorū gūhūre sata yeducure ni mehoñe buheyequina. Tiquina quehñequina yero saha ijiye, tiquina pagūri mehna ñano yere. Sa ye Cohācjū dutiyere cahmedare tiquina. Sa ye tiquina yūhdūoro tutuayequinare tiquina pehe ñano yahuducu cohtere. ⁹ Quehnoañequina angele pehe tutuayequina ijieperota tiqiro yahuducuerare. Miguel wame tiriquire angele pūhtoro pehe Moise pagare cahmeno, watīno mehna cahme sehña soahye. Tutua yūhdūariquire ijieperota tiqiro “Watīno yūhdūoro yuhū pūrita tutuaja”, ni tūhotuerahye. Sa yero tiqiro esa tuharo watīnore ñano yahuducuera, tiqirore tuhtierahye. Sa yero ohō saha niahye watīnore. “Cohācjūpū mūhūre tuhtiahro”, niahye Miguel watīnore. ¹⁰ Sa ye ahriquina ni mehoñequina pehe tiquina masieñequinare ñano yahuducu cohtere. Sa ye wahiquina tūho masieñequina tiquina esa tuharo tiquina yero saha ni mehoñequina pehe yere. Sa ye yequina ijiye, pecapū wahaeta.

¹¹ Tiquinata ñano yūhdūeta. Caī yeriro saha ñano yeri tiquina. Sa ye Balāa tiqiro yeriro saha tiquina niñerure cahī wapata duaye, ni mehoñe buhere. Sa ye niñeru neati dihitate tūhotu, ti dihitate yere. Sa ye Coré tiqiro pūhtorore cohā duariro saha tiquina gūhū tiqiro yero saha yere. Sa ye tiqiro yero saha tiquina gūhū pecapū wahaeta. ¹² Tiquina ni mehoñequina pehe mūsa cahme cahīati bōse decorire ihyaye, ño peoro marieno tiquina cahmeno saha apere. Sa ye tiquina sehсарta ihyayere bore apequinare ohoro marieno. Wete yero saha tiquina mūsa bōse decorire quehnoañe decori ijiborirore dojomehne cohtere.

Ehmeo cururi acoro marieñe cururi ti dūhseati ijieraro saha tiquina ni mehoñequina ne dūhseatiquina ijierare. Sa ye ehmeo cururi wiñhono wēdoqueoye cururi ti sa comesaducuro saha tiquina ni mehoñequina gūhū ihcāno saha yahuducueraye, sa comesaducure.

Sa ye, dūca tiri pje ijigū dūca marieñe cjū yero saha ijire tiquina. Ti cjū pūa tahapū yariaa wahare. Ihcā taha dūca tieye cjū, yariaye cjū yero saha waha tuhasare. Ti cjūre tiquina duhari bato pari turi yariaa wahare tja. Ti cjū yero

saha ijyie d̄hseatiq̄uina ijjerare tiq̄uina ni mehoñeq̄uina.

¹³ Sa ye pajiri ma cj̄e pahc̄ōri bujyue pahc̄ōri yero saha ijire tiq̄uina. Ti pahc̄ōri quē ohōḡā, wete bujyue sahpori wahare. D̄hse ijyiere tiq̄uina ni mehoñeq̄uina tiq̄uina yeḡū pahc̄ōri cj̄e sahpori wete bujyue sahpori ti waharo saha ni mehoñeq̄uina tiq̄uina ñano yeye ijire.

Sa ye asi maa c̄āe paca ñahpicoha paca yero saha ijire tiq̄uina. Sa yeye ñahpicoha paca nahitianop̄u ti waharo saha tiq̄uina ḡāh̄u ñanop̄u wahæta. Sa ye top̄are sa ijiducuet̄a tiq̄uina ni mehoñeq̄uina.

¹⁴⁻¹⁵ Enoco panop̄u cj̄ūno Adán panamino iji turiariquiro seis cururi bato masa bajuariquiro ohō saha niahye. Tiq̄uinare ni mehoñeq̄uine ohō saha niahye: “Tuhoja yah̄are. Cohācj̄ū peyequina tiq̄uiro yequina angele quehnoañeq̄uina mehna ijipihtiyeq̄uina ñañeq̄uinare tiq̄uina ñañe buhiri buhiri dahrero ahtarota. Sa yero ijipihtiyeq̄uina Cohācj̄ūre ihñā tuhtiyeq̄uinare tiq̄uina ñañe yeri buhiri tiq̄uinare buhiri dahre dutiro ahtarota Cohācj̄ū. Sa yero Cohācj̄ūre ñano tiq̄uina yahuducuri buhiri ḡāh̄are tiq̄uinare buhiri dahre dutiro ahtarota”, niahye Enoco.

¹⁶ Tiq̄uina ni mehoñeq̄uina unureducuyeq̄uina, apequinare yahu wajayeq̄uina tiq̄uina ñano wacūñe dihitare yere tiq̄uina. Sa ye “Apequinare masi yahdud̄caja us̄ā”, niducure tiq̄uina. Sa ye tiq̄uina cahmeno saha ye duaye, apee borore ehma duaye, tuhoro quehnoanop̄ata yahuducure masare.

Jesu yequinare yahu nemoahye juda

¹⁷ Mari p̄htoro Jesucristo buhe duti tiq̄uiro c̄ūriq̄uina tiq̄uina buherire wacūñā m̄sa, yah̄u cah̄ina. ¹⁸ Ohō saha nidi tiq̄uina m̄sare. “Ahri yehpa pihtiat̄o panoḡā Cohācj̄ūre ñano yahuducu buj̄upeyequina ijjeta. Sa ye tiq̄uina Cohācj̄ūre cahmedaye, ñañene tiq̄uina tutuaro cahmeñene yeeta tiq̄uina”, ni yahuri Jesu c̄ūriq̄uina m̄sare. ¹⁹ Jesu yequinare tiq̄uina basi tiq̄uina cahme ihñā tuhtiḡā yere tiq̄uina ni mehoñeq̄uina pehe. Sa ye tiq̄uina ñañeq̄uina ahri yehpa cj̄ēna ijyie, Esp̄iritu Santore ne c̄uorare tiq̄uina. Sa ye tiq̄uina ñañene tutuaro cahmeñe dihitare yere tiq̄uina.

²⁰ M̄sa pehe yah̄u cah̄ina, Jesucristo ye buheyere quehnoano tuhō nemoña, quehnoano wacū tutuana m̄sa ijiro quehnoano. Ti buheye pehe quehnoa yahd̄are. Esp̄iritu Santo yedohoye mehna Cohācj̄ū mehna yahuducuya m̄sa. ²¹ Quehnoañene yeya m̄sa Cohācj̄ū m̄sare tiq̄uiro cah̄iñene m̄sa masino quehnoano. Sa yena Jesucristo mehna m̄sa sa ijiducuat̄ire cohteya. Tiq̄uiro

marine paja ihñāno uhm̄sepēu sa ijiducuḡā yerota.

²² Cristo yere tuhō duera cj̄ūñeq̄uinare paja ihñāña. Sa yena tiq̄uinare buhe, masiḡā yeya. ²³ Tiq̄uinare pecap̄u wahaboriq̄uinare Cohācj̄ūre yahd̄oḡū yeya m̄sa. Sa yena apequinare paja ihñāña m̄sa. Tiq̄uinare yedohona m̄sa ḡāh̄u tiq̄uina ñañe yeyere ihñā c̄ūedacāh̄ña. Wete tiri suhtirore m̄sa yabirosaha, apequina tiq̄uina ñañe yeyere yabiya, “Tiq̄uina ñañe yeyere pihari”, nina.

Juda Cohācj̄ūre tiq̄uiro ño peoye ijire

²⁴⁻²⁵ Cohācj̄ū mari p̄htoro marine ihñā ihbo masine “Ñañene yeeri”, nino. Sa yero tiq̄uiro marine ñañe buhiri marienare uhm̄sepēu tiq̄uiro cahap̄u c̄ū masine. Sa marine top̄u tiq̄uiro c̄ūḡā mari bucuenata. Tiq̄uiro Cohācj̄ū ihc̄āquiota ijire. Apequiro mariedare. Sa yero marine pecap̄u wahaborinare yahd̄oriquiro ijire tiq̄uiro. Tiq̄uiro pehe panop̄u, yojop̄are, ijipihtiyē decori ḡāh̄are quehnoa yahd̄ariquiro, mari p̄htoro, tutua yahd̄ariquiro, ijipihtiyeq̄uinare dutiriquiro ijire. Tiq̄uiro sa ijiḡā mari p̄htoro Jesucristo yedohoro mehna tiq̄uirore ño peouhna. Sata yeihna.

Apocalipsis

Camepare ahri deco dūhse wahatire marine masigū yeahye Jesucristo

¹ Ahri pūpu Jesucristo marine tiquiro masigū yerire yahu ojoagu niája. Mari Pacu pehe tire yahu dutiro cūahye tiquirore, tiquiro yequinare tiquiro cahacjēnare masigū ye dutiro. Sa yero mianota dūhse wahatire masigū yeri tiquiro. Mehenogā dūhsatjiāno nine sa wahato. Jesucristore tiquiro sa cūgū tiquiro pehe angelre tire yūhure Nure yahu dutiro ohori. ² Sa yegu yūhu Nū ijiphiytyere yūhu ihñarire yahu ojoagu niája. Cohācjū ye yahuducuyere Jesucristo ye buheyere yahu ojoagu niája.

³ Ahri pūpu camepare dūhse wahatire yahu ojoagu niája. Mehenogā dūhsatjiāno nine ahri ijiphiytye sa wahato. Sa ye ijiphiytyequina ahri pūre buheyequina, yūhu yahūre quehnoano tūhoyequina ahri pū nidiro saha yeyequina bucuyequina ijieta.

Siete cururi cjēnare Jesu yequina cahme-coañequinare ojoa ohoahye Nū

⁴ Yūhu, Nū mūsare siete cururi cjānare Jesu yequinare Asia yehpa cjānare ojoa ohoaja: Cohācjū tiquiro cahñe mehna mūsare quehnoa dutiaja. Sa yena tiquiro yedohoye mehna quehnoano ijiya mūsa. Tiquiro panopūta sa ijiducuriquiro ijiye tiahye. Yojoṛpu gūhure sa ijiducure. Cameṛpu ahtarota. Tiquiro pūhtoro dujiro potō ijiyequina sietē pagū bajueyequina ijire. Tiquina cahñe mehna mūsare quehnoa dutiaja tja. ⁵ Cristo tiquiro cahñe mehna mūsare quehnoa dutiaja tja. Cohācjū yere ni mehono marieno yahuriquiro ijire tiquiro. Sa yero tiquiro yariari bato tiquiro masa mūjari bato ne pari turi yariasi tiquiro. Sa yero ijiphiytyequina ahri yehpa cjēna pūhtoa tiquina bui pūhtoro ijire tiquiro. Marine cahñno tiquiro dii cohāri mehna mari ñañene coseri tiquiro. ⁶ Sa cosero marine pūhtoa sōri tiquiro. Marine pahia wahagū yeri tja. Cohācjū mari Pacu tiquiro yere yeatiquinare marine sa sōri tiquiro. Ijiphiytye decori “Tutuagu ijire mūhu”, ni ño peoducuetā ijiphiytyequina tiquirore. Ijiphiytyequina pūhtoro sa ijiducure tiquiro. Sata ijiāhro.

⁷ Quehnoano wacū masi cohteya mūsa. Ehmeo cururi watoa dijia tarota Cristo. Tiquiro sa ahtagū ihñæta ijiphiytyequina. Tiquirore quē biha wejēdiquina gūhu tiquirore ihñæta. Sa ye tiquiro ahtagū ihñæne ahri yehpa cjēna ijiphiytye cururi cjēna tutuaro utieta. Sata utiahro.

⁸ Ohō saha nine mari pūhtoro Cohācjū: “Yūhu ijiphiytyere bajumehnedigū ijiája. Sa

yegu ijiphiytyere pihdigū yeacjū ijiája. Tutua yūhdūdcagū ijiája yūhu. Panopū gūhure sa ijiducue tii. Yojoṛpu gūhure sa ijiducujaja. Came ahtaṭja”, nine Cohācjū.

Cristore asi siteriquirore tiquiro ihñarire yahuahye Nū

⁹ Yūhu Nū mūsa acayū Jesu yaquiro ijiája. Sa yegu mūsa yero saha yūhu gūhu Jesu yere yūhu yeri buhiri ñano yūhdū. Sa yegu mūsa yero saha yūhure tiquina sa ñano yepegūta Jesu yedohoye mehna Jesure cohædu. Mari ihcāno saha tiquiro pūhtoro ijiro cjāna ijiana ijiája mari. Ya dihta cjēna tiquina cohārigū ijigu Patmo wame tiri mūcōṛpu ijiája. Cohācjū yere, Jesucristo tiquiro buheri gūhure apequinare yūhu buheri buhiri ohōṛp tiquina cohārigū ijiája. ¹⁰ Ohōṛp yūhu ijigū ihcā deco domingo ijigū Espiritu Santo yūhure quehēnopū ihñono nidi. Tiquiro sa ihñogū yūhu behero peheṛp tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuyē. ¹¹ Ohō saha nino ca tari yūhu tūhogū:

–Yūhu ijiphiytyere bajumehnedigū ijiája. Sa yegu ijiphiytyere pihdigū yeacjū ijiája. Yojoṛpu mūhu ihñatire ojoati pūpu ojoa ohōña. Mūhu sa ojoa ohōri bato siete cururi cjēnare Cohācjū yequinare ohoya ti pūre. Tiquina siete cururi Asia dihtarū ijiye macari cjēna ijire. Efeso cjēnare, Esmirna cjēnare, Pérgamo cjēnare, Tiatira cjēnare, Sardis cjēnare, Filadelfia cjēnare, Laodicea cjēnare mūhu ihñatire ojoa ohoya, nino ca tari yūhure.

¹² Tiquiro sa nigū tūhogū majaredūcayū yūhure yahuducuriquirore ihñagū tūhu. Sa majaredūcagū siete sihñe pacare tiquina duhu peoye cjāre uru mehna tiquina yeri cjāre ihñau. ¹³ Ti cjū watoa ducuriquirore masuno yero saha bajuriquirore ihñau. Tiquiro yoari suhtiro dahpocāriṛp esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tuā dihoriquiro ijiri. ¹⁴ Sa ye tiquiro poari buhsa cohori yero saha yehseri. Sa ye tiquiro caperi peca pohna yero saha asiri. ¹⁵ Sa ye tiquiro dahpocāri bronze wame tye come asiye come yero saha asi siteri. Broncere peca mehna tiquina quehnoano əjāa weri bato tire wahtere quehnoano asi pahā dūtye. Ti quehnoano wahtenohiriro yero saha tiquiro dahpocāri quehnoano asi siteri. Sa yero tiquiro yahuducuyē peo tutuaro cuari peo yero saha tutuaro bisiro ca tari. ¹⁶ Tiquiro omoca potō pehe siete ñahpicoha pacare cōri. Sa yero tiquiro dūseropū ñoseni pji pūa peheri siori pjiñe cuñuri. Sa yero asū deco cjāno tiquiro tutuaro asi sitero saha tiquiro wahdoa tutuaro asi siteri.

17 Sa yegu tiqirore ihñagu tiqiro dahpocāri cahapu doque quehe sau yariariquiro yero saha. Yuhu sa doque quehe sagū ihñano tiqiro poto pehe cĵa omoca mehna yuhure duhu peo ohō saha nidi:

—Cueracāhña. Yuhu ijipihiyere bajumehnedigu ijiaja. Sa yegu ijipihiyere pihitigū yeacju ijiaja. 18 Catigu ijiaja yuhu. Yariarigu ijimi. YojoPURE ihñaña. Ijipihiyere decori sa catiducugu ijiaja yuhu. Pari turi masagu masare pari turi yariaragū ye masiaja yuhu. Sa yegu masare yariariquina tiquina ijiropu wahaeragū ye masiaja yuhu. 19 Sa yegu yojoPURE wahatire ihñagu, ojoa ohōña. Cameru dahse wahati gūhure ihñagu ojoa ohōña mūhu. 20 Ahri siete ñahpicoha pacare yuhu poto pehe yuhu cuoye pacare yahutja mūhure. Sa yegu siete sihāñe pacare tiquina duhu peoye cju uru cju gūhure yahutja. Ohō saha ijiye yahuyere panopu cĵena masare ne yahuera tii. Ohō saha ijire ti: Siete ñahpicoha paca siete cururi cĵena yeequina puhtoa ijiye nine, mari queoye mehna buhegū. Sa ye siete sihāñe pacare tiquina duhu peoye cju siete cururi cĵena yeequina ijiye nine, mari queoye mehna buhegū, nidi yuhure.

2

Efeso cĵenare Jesu yequinare ojoa oho basa dūca dutiahye Ñure

1 Sa ni tuhasa ohō saha ni nemori yuhure ojoa dutiriquiro:

—Efeso cĵena yeequina, tiquina puhtoro gūhure ohō saha ni ojoa oho basaya mūhu: “Yuhu omoca poto pehe siete ñahpicoha pacare cuogu ijiaja. Sa yegu siete sihā do- coyee cju watoa tinigu ijiaja. Sa tinigu ijigu musare ohō saha ni yahuaja: 2 Ijipihiyere musa yerire masi pehoaja. Yee ijiatire musa tutuaro dahrarire, yuhure musa wacū tutua duhuerari gūhure quehnoano masiaja. Ñañene yeriquinare musa ihña yabigū gūhure masiaja. Sa yena ‘Jesu buhe dutiro tiqiro cūrina ijiaja’, nimediquinare queoro tiquina buheragū ihñana, ni mehoñequina tiquina ijigū masidi musa. 3 Yeere musa yeri buhiri musa ñano yuhdūperenata ihcāno sahari musa Efeso cĵana. Sa yena yuhure ne duhuerari musa. 4 Sa quehnoano yena ijiepenata ihcānore queoro yerari musa. Ahri ijire ti: Yuhure musa quehnoano cahī mūhtariri saha yojoPURE yerare musa. 5 Yuhure musa cahī mūhtarire wacūña musa tja. YojoPURE yuhure musa cahēda cĵūrire wacūña. Sa yena musa ñañe yerire bujua witiya. Tire duhuya. Sa duhuna, yeere musa ye mūhtariri sahata yeya tja. Musa ñañe yerire musa duhueragū sojaro mehna sihāriare yuhu duhu peoda musa ya dūre

yuhu dapodūre ne cohāntja. (Sa nigū ohō saha ni yahugu niaja musare. Musa to cĵana yuhure cohāboaga. Sa cohāna to punota pihitinata musa ñañe yeere duhuerana.) 6 Yuhure cahēda cĵana ijiepenata ahrire quehnoano yeri musa: Nicolaita wame tiye- quinare ñañequinare ihña yabire musa. Yuhu gūhu tiquinare ihña yabiaja. 7 Cahmo tina ijire musa. Sa yena musa ye cururi cĵenare yeequinare Espiritu Santo tiqiro yahurire tuhoya musa. Ohō saha nine tiqiro: ‘Ijipihiyequinare Jesure wacū tutua duhueye- quinare Cohācĵu ya wese paraíso wame tiro cĵadu dūcare ihya dutiitja. Tu dūca catigū ye ye ijire’, nine Espiritu Santo”, ni yahu ojoa oho basaya Efeso cĵena yeequinare, tiquina puhtoro gūhure.

Esmirna cĵenare Jesu yequinare ojoa oho basa dutiahye Ñure

8 Esmirna cĵena yeequinare, tiquina puhtoro gūhure ohō saha ni ojoa oho basaya mūhu: “Yuhu ijipihiyere bajumehnedigu ijiaja. Sa yegu ijipihiyere pihitigū yeacju ijiaja. Yariaa waha. Pari turi catiaja tja. Sa yegu ohō saha ni yahuaja musare: 9 Musa ñano yuhdūrire masiaja. Pejecuona musa ijigū gūhure masiaja. Sa ijiepenata Cohācĵu yere quehnoañene pajiro cuore musa. Apequina pehe ‘Judio masa ijiaja’, nimediquina ni mehonēquina ijire. Tiquina musare ñano quitī yerire masiaja. Tiquina Satana yequina ijire. 10 YojoPURE musa ñano yuhduatire cueracāhña. Tuhoya musa. Watino musare Cohācĵure duhu dutiro ihquēquina musa mehna cĵenare peresu ye dutirota. Pua omope decori waro ñano yuhdūnata musa. Tiquina sa ñano yegū musare tiquina sa wejē duepegāta yuhure, yee gūhure cohāedacāhña. Musa sa yuhure cohāedagū ihñagu ijipihiyere decori Cohācĵu cahapu musare sa ijiducugū yeitja. 11 Cahmo tina ijire musa. Sa yena musa ye cururi cĵenare yeequinare Espiritu Santo yahurire tuhoya musa. Ohō saha nine tiqiro: ‘Ijipihiyequina Jesure wacū tutua duhueyequina pecapu wahasi. Tiquina yariari bato pecapu wahasi’, nine Espiritu Santo”, ni ojoa oho basaya Esmirna cĵena yeequinare, tiquina puhtoro gūhure.

Pérgamo cĵenare Jesu yequinare ojoa oho basa dutiahye Ñure

12 Pérgamo cĵena yeequinare, tiquina puhtoro gūhure ohō saha ni ojoa oho basaya mūhu: “Yuhu ñoseni pĵi pua peheri siori pĵine cuogu ijiaja. Musare ohō saha ni yahutja: 13 Musa yerire, musa ya maca cĵena tiquina yeri gūhure masiaja. To cĵena puhtoro Satana ijire. To cĵena Satanare ño peoyequina Antipare yeere quehnoano yahuriquirore wejēdi. Tiquirore tiquina sa wejēgū ihñāepenata yuhure ne wacū

tutua duhuerari m̄sa. ¹⁴ M̄sa sa wac̄ũ tutua duhuerapenata mehenog̃a yuh̄are yuh̄dud̄acari m̄sa. Ihq̄equina m̄sa mehna c̄j̄ena Bal̄aa ye buheyere cahmene. Panop̄u Balac wame tiriquiro p̄htorore oh̄o saha ni buhee tiri Bal̄aa pehe: 'Israe masare yuh̄dud̄aca duana "Coh̄ac̄j̄ũ ijire", m̄sa niñe queoyere ño peo m̄sa duhu peo ihyayere ihya dutiya tiquinare. Sa yena numia mehna ñano yeḡũ yeya tiquinare', ni buhee tiri Bal̄aa m̄n̄ano. Panop̄u tiquiro yeriro saha vojop̄u ḡuh̄are ñano yeḡũ yere ihq̄equina m̄sa mehna c̄j̄ena apequinare. ¹⁵ Sa ye tiquina yero saha apequina m̄sa mehna c̄j̄ena Nicolaita wame tiyequina ye buheye pehere cahmene. ¹⁶ Sa yena m̄sa ñañe yerire duhuya m̄sa. M̄sa sa duhueraḡũ ih̄ñaḡũ sojaro mehna m̄sa cahap̄u wahaḡũ, sa ñano yeequina mehna cahmequeitja yuh̄ũ d̄userop̄u ijiri p̄j̄i ñoseni p̄j̄i mehna. ¹⁷ Cahmo tina ijire m̄sa. Sa yena m̄sa ye cururi c̄j̄enare yeequinare Esp̄ritu Santo tiquiro yahurire t̄hoya m̄sa. Oh̄o saha nine tiquiro: 'Ijip̄ihtiequinare Jesure wac̄ũ tutua duhuyeequinare man̄a wame tiye ihyayere uhm̄use c̄j̄e ihyayere ohoutja. Yehseye ut̄a paca ḡuh̄are ohoutja tiquinare. Ti ut̄a pacap̄are wahma wamene yuh̄ũ ojoo oh̄otati ut̄a paca ijirota. Apequina ti wamene ne masisi. Ti ut̄a pacare neñequina dihita ti wamene masieta', nine Esp̄ritu Santo", ni ojoo oho basaya P̄rgamo c̄j̄ena yeequinare, tiquina p̄htoro ḡuh̄are.

Tiatira c̄j̄enare Jesu yequinare ojoo oho basa dutiahye Ñure

¹⁸ Tiatira c̄j̄ena yeequinare, tiquina p̄htoro ḡuh̄are oh̄o saha ni ojoo oho basaya m̄hu: "Yuh̄ũ Coh̄ac̄j̄ũ mac̄u yuh̄ũ caperi peca pohna yero saha asire. Sa ye yuh̄ũ dahpoc̄ari bronce wame tiye come tiquina wahteri come yero saha asi sitere. M̄sare oh̄o saha ni yahuaja.

¹⁹ M̄sa yerire masiaja yuh̄ũ. Coh̄ac̄j̄ure, apequina ḡuh̄are m̄sa cah̄idire, yuh̄are m̄sa coh̄aedarire, apequinare m̄sa yedoh̄ore, ñano yuh̄d̄epenata yuh̄are m̄sa duhuerarire masiaja. Coã warop̄u m̄sa yeriro yuh̄duoro vojop̄u pehere quehnoano ye nemoni nine m̄sa. Ti ḡuh̄are masiaja yuh̄ũ.

²⁰ M̄sa sa quehnoano yena ijiepenata oh̄o saha yuh̄are yuh̄dud̄acari m̄sa: Jezabe wame tiricoro 'Coh̄ac̄j̄ũ yere yahugo ijiaja', ni mehoricoro m̄sare ticoro ñano buheḡũ t̄hona ticorore tuhtierari m̄sa. Ni meho buhero yeequinare yuh̄ũ cahac̄j̄enare numia mehna ñano yeḡũ yere. Sa yero 'Coh̄ac̄j̄ũ ijire', tiquina niñe queoyere apequina ño peo, tiquina duhu peoe tiri ihyayere. Ti ihyayere yeequinare ihya dutire ticoro.

²¹ Ticoro ñañene buj̄aa witiatiare cohtenimi. Yuh̄ũ sa cohtepeḡata m̄m̄a mehna ticoro ñano yeyere duhu duerari. ²² Yuh̄are t̄hoya m̄sa. Ticorore dohatiḡũ yeitja. Ticoro mehna ñano yeriquina ḡuh̄are dohatiḡũ yeitja. Sa ye tiquina tutuaro ñano yuh̄d̄eta. Sata yeitja tiquinare ticoro mehna tiquina ñano yerire tiquina buj̄aa witiaraḡũ, tire tiquina duhueraḡũ. ²³ Sa yeḡũ ticoro pohnene wej̄eitja. Yuh̄ũ sa yeḡũ ih̄ñañe ijip̄ihtiequina yeequina yuh̄ũ quehnoano masiḡũ ijiḡũ masieta. Masa t̄hotuyere tiquina tutuaro cahmeñe ḡuh̄are masiaja. Yuh̄ũ sa masiñene masieta tiquina ticorore yuh̄ũ buhiri dahreḡũ ih̄ñañe. Ijip̄ihtina m̄sa ñañene yeri buhirire buhiri dahreitja m̄sare. Sa yeḡũ m̄sa quehnoañene yeri wapa pehere quehnoano yeitja m̄sare. ²⁴ Apequina m̄sa mehna c̄j̄ena Tiatira c̄j̄ena ticoro ye buheyere cahmedari. M̄sa pehe Satana ye buheyere 'Panop̄u tiquiro yahuerari jiri', tiquina niñe buheyere cahmedari m̄sa. Sa yeḡũ m̄sa pehere duti nemosi yuh̄ũ. ²⁵ Ahri dihitare ye duti nemoutja m̄sare: M̄sa cahap̄u yuh̄ũ tojoo tato pano yuh̄ũ buheyere m̄sa masidire ne mehenoḡã duhuerac̄h̄ña. ²⁶⁻²⁷ Ijip̄ihtiequina ñañene duhuyeequinare, yeere sa yeducuyeequinare p̄htoa s̄outja. Yuh̄ũ Pac̄u yuh̄are tiquiro p̄htoro s̄oriro sahata m̄sa ḡuh̄are p̄htoa s̄outja. Ijip̄ihtie ye h̄epari c̄j̄ena bui p̄htoa s̄outja m̄sare. Sa p̄htoa saj̄ana, m̄sa docap̄u ijieyquinare ijip̄ihtie ye h̄epari c̄j̄enare tutuaro dutinata m̄sa. Dih̄i suturire mari yuc̄aḡũ mehna pohaḡũ duita wahtiro saha tiquina duita pihtia wahaeta. ²⁸ Sa yeḡũ m̄sare yeere ne duhuyeequinare ñahpicoha bohrea m̄j̄a tariare ohoutja m̄sare. Sa yeḡũ m̄sa mehna ijitja yuh̄ũ.

²⁹ Cahmo tina ijire m̄sa. Sa yena m̄sa ye cururi c̄j̄enare yeequinare Esp̄ritu Santo tiquiro yahurire t̄hoya m̄sa", ni ojoo oho basaya Tiatira c̄j̄ena yeequinare, tiquina p̄htoro ḡuh̄are.

3

Sardis c̄j̄enare Jesu yequinare ojoo oho basa dutiahye Ñure

¹ Sardis c̄j̄ena yeequinare, tiquina p̄htoro ḡuh̄are oh̄o saha ni ojoo oho basaya m̄hu: "Yuh̄ũ siete pagu bajueyeequinare Coh̄ac̄j̄ũ yeequinare cuogu ijiaja. Sa yeḡũ siete ñahpicoha pacare cuogu ijiaja. M̄sare oh̄o saha ni yahuaja:

M̄sa yerire masiaja. Oh̄o saha ni t̄hotumene apequina m̄sare: 'Tiquina Coh̄ac̄j̄ũ yere quehnoano ye pehoyequina ijire', ni t̄hotumene m̄sare apequina. Tiquina sa ni t̄hotuepeḡata Coh̄ac̄j̄ũ yere quehnoano yerare m̄sa. ² Sa yena

quehnoano yeya msa 'Ñañene yeari', nina. Cohācjū yere msa masidire quehnoano wacūña, 'Tiquiro yere duhuari', nina. Cohācjū ihñagū quehnoano ye pehoerare msa. ³ Sa yena yeere msa taho mhtarire quehnoano wacūña msa. Sa wacūña yeere yeya. Msa ñañe yerire duhuya. Yuhu nino saha msa yeragū wacūeno mehna msare buhiri dahreitja. Yaqueriquiro wacūeno mehna tiquiro yaquero sajāriro saha msare wacūeno mehna buhiri dahreitja. ⁴ Ihquēquina msa mehna cjēna Sardis cjēna ñañene yeducuerare. Wete marieni suhtirore msa sañaboriro saha ti ñañe yeyere piha duerare msa. Sa quehnoana ijina, yehseri suhtiro sañana yuhu mehna ijinata msa pehe. ⁵ Ijipihtyequina yeere duhuyequina sata yehseye suhti sañaducyequina ijieta. Sa yeye yuhu mehna sa ijiducuatiquina wamene tiquiro ojoa ohōri tjuḡu tiquina gihu tiquina wamene ojoa ohōnhriquina ijietā. Tiquina wamene tiquiro ojoa ohōrire cosesi yuhu. Yuhu Pacu ihñonopu, angele gahu tiquina ihñonopu yeequina msa ijjire yahutja tiquinare.

⁶ Cahmo tina ijire msa. Sa yena msa ye cururi cjēnare yeequinare Espiritu Santo tiquiro yahurire tahoja msa", ni ojoa oho basaya Sardis cjēna yeequinare, tiquina puhtoro gāhure.

Filadelfia cjēnare Jesu yeequinare ojoa oho basa dutiahye Ñure

⁷ 'Filadelfia cjēna yeequinare, tiquina puhtoro gāhure ohō saha ni ojoa oho basaya muhu: "Yuhu ñañe mariegū ijiaja. Poto yegu ijiaja. Davi manano panopu cjāno sawire tiquiro cuoboriro saha, msare tiquiro puhtoro ijiropu tiquiro pōoboriro saha yeitja yuhu. Sa yegu Cohācjū tiquiro puhtoro ijiropu sajātoḡe yuhu pōogū ne apequina tire biha masiadare. Yuhu bihagū ne apequina pōo masiadare.

⁸ Ijipihtye msa yeere masiaja yuhu. Wacū tutuera cjūna ijiepenata yuhu buheyere quehnoano tūhori msa. Sa yena yuhure, yee gāhure duhuerari msa. Sa yegu yeere cūu msare. Sa ye apequina 'Tire yeracāhña', ni cahmota masiadare msare. ⁹ Sa yegu ohō saha yeitja: Apequina msa caha ijiequina Satana yequina ijire. 'Judio masa ijiaja', niepeta judio masa waro ijierare. Tiquinare msa caha dusepe curi mehna quehe sa, msare ño peogū yeitja tiquinare. Yuhu sa yegu ihñañe msare yuhu cahñene masieta tiquina. ¹⁰ Msare yeere yuhu duhu dutieragū tūhona quehnoano yuhtiri msa. Msa sa yegu ihñagū ahri yehpa cjēna ijipihtyequina tiquina ñano yuhduati pje ijigū msare cahmotaatja. Ti pje ijipihtyequina tiquina ñano yuhduati pje ijirota. ¹¹ Mehenogā dūhsare ahri

yehpapu yuhu tojoa tato. Yeere msa masidire boeracāhña. Sa yena yuhure sa yuhtiducuya, msa quehnoano yeri wapare 'Boari', nina. ¹² Sa yegu yeere sa yeducyequinare yuhu Pacu ya wahu cjēna ijiatiquinare cūtja tiquinare. Tiquiro ya wahu cjē botari ti yoari pje ijiducuro saha Cohācjū mehna ijiducugū yeitja tiquinare. Sa ye tiquina mehna cjēna sa ijiducuetā. Sa yegu Cohācjū wahu cjē botariḡu yuhu ojoa ohōno saha tiquinare tiquina pagariḡu ohō saha ni ojoa ohōutja: Cohācjū yuhu Pacu wamene, tiquiro ya maca wame gāhure ojoa ohōutja. Tiquiro ya maca wahma maca Jerusalē ijirota. Ti maca uhmaseḡu Cohācjū caharu ahtari maca ijirota. Yuhu wahma wame cuoutja. Ti wame gāhure ojoa ohōutja tiquina pagariḡu.

¹³ Cahmo tina ijire msa. Sa yena msa ye cururi cjēnare yeequinare Espiritu Santo yahurire tahoja msa", ni ojoa oho basaya Filadelfia cjēna yeequinare, tiquina puhtoro gāhure.

Laodicea cjēnare Jesu yeequinare ojoa oho basa dutiahye Ñure

¹⁴ 'Laodicea cjēna yeequinare, tiquina puhtoro gāhure ohō saha ni ojoa oho basaya muhu: "Yuhu poto yegu ijiaja. Sa yegu ni mehono marieno yuhu ihñarire, yuhu tūhorire sa yahuducugū ijiaja. Ijipihtyere mari Pacu tiquiro yerire ye basagū ijiaja yuhu.

¹⁵ Ijipihtye msa yerire masiaja yuhu. Yuhure wacū tutuana ijiepenata mehenogā wacū tutuana ijire msa. Ohō saha ijire ti: Aco yusueye aco asū mehna asi busuye aco yero saha ijire msa. Sata ijieye acore mari coaero saha yuhure wacū tutuera cjūna msa ijigū yuhu gihu msare coaeraja. Yuhure msa quehnoano wacū tutuagū quehnoaboaga yuhure. Yuhure msa wacū tutueragū ñariboaga yuhure. Ti yuhduoro mehenogā wacū tuana msa ijigū ña yuhduare. ¹⁶ Msa sa ijigū ihñagū yabi yuhduaja yuhu. Ñañe acore yuhu sihco puti cohāno saha yuhure mehenogā wacū tutuayeequinare yabi yuhduaja yuhu. ¹⁷ Sa yena ohō saha ni tūhotumene msa: 'Ijipihtyere cuoaja. Ne yabe dūhsaerare marine', ni tūhotumene msa. Sa niepenata pejecuoyequina yero saha ijire msa. Sa yena suhti marieñequina bue tiro saha Cohācjū ihñonopu msa ñañe yerire bue tiana ijire msa. Sa yena caperi bajueyequina tiquina ihña duayerē tiquina masieno saha Cohācjū yere ne masiadare msa. ¹⁸ Msa sa yena ijigū ihñagū ohō saha ni yahutja msare: Uru warore msa dūro saha quehnoañene yuhu cuoyere ñeña msa. Msare yuhure wacū tutuagū yeitja. Sa yena potota Cohācjū ye mehna pajiro

cuonata. Sa yena yehseri suhtirore mäsä dü mäsä sañano saha yuhü dñi cohäri mehna yuhü yariari mehna mäsä ñañe yerire cosenohrina ijija. Sa yena quehnoañe suhti sañañequina tiquina bue tiero saha mäsä ñañene cosenohrina ijina ne bue tisi mäsä gähü. Sa yena mäsä caperire mäsä aco tiri bato quehnoano masare caperi bajuro saha Cohäcjä yere quehnoano tuhoya, mäsä masino quehnoano.

¹⁹ Ijipihtiyequina yuhü cahññequinare yahuaia. Sa yegu yuhü cahññequina tiquina ijigä ihñagu, tiquina yuhtieragü tiquinare buhiri dahreja, tiquinare yedohogu tuhü. Sa yena yee pehere tutuaro cahmeña. Sa yena ñañene duhuaya. ²⁰ Tuhoya yuhäre. Mäsä wuhäre bihari wuhäre yuhü esadaca yuhü sajä duaboriro saha mäsä mehna cjä iji duagu niaja. Yuhü sa ye duagü tuhona yuhäre mäsä mehna iji dutiya. Yeequina ijija. Mäsä sa ye dutigü mäsä mehna ijiitja. Sa yegu mari siho ihyaro saha mäsä mehna quehnoano ijiitja. Sa yena yuhü mehna cjäna ijinata mäsä. ²¹ Ñañene yuhü cohäri bato yuhü Pacu puhtoro tiquiuro dujiro caharu duiaja yuhü gähü dutigu tuhü. Sata mäsä gähü ñañene mäsä duhuri bato yuhü puhtoro dujiro caharu dujinata mäsä dutina tana. Masare yuhü caharu dujigü yeitja.

²² Cahmo tina ijire mäsä. Sa yena mäsä ye cururi cjenare yeequinare Espiritu Santo tiquiuro yahurire tuhoya mäsä", ni oja oho basaya Laodicea cjäna yeequinare, tiquina puhtoro gähäre, nidi yuhäre oja dutiriquiuro.

4

Uhmusepu Cohäcjä caharu dusepe curi mehna quehe sa tiquina ño peoyere ihñahye Ñu

¹ Yuhäre tiquiuro sa ni yahuri bato uhmusepu pöori sopecahare ihñau. Pari turi corneta tutuaro bisiro saha tutuaro yahuducuye bisiro ca tari, yuhü tuhögü. Ohö saha nidi yuhü tuhögü.

—Ohöru müja taya. Ahri yuhü yahuati cameru sijoro saha waharota. Sa wahrenuhäre ihñoutja. Yuhü nidiro sahata waharota, nino ca tari uhmusepu.

² Tiquiuro sa ni yahugata toru müja esagu Espiritu Santo tutuaye mehna ihñagu nii. Sa yegu puhtoro dujirore uhmusepu ihñau. Toru ihcäquiuro dujiri. ³ Sa yero quehnoano así siteriquiuro dujiri. Jaspe wame tiri utä yero saha, cornalina wame tiri utä yero saha quehnoano así siteriquiuro dujiri tiquiuro. Sa yero buheni da esmeralda yero saha así siteri da docaru dujiri tiquiuro. ⁴ Sa yero tiquiuro dujiro caharu veinticuatro dujiyere ihñau. Ti dujiye puhtoa ye dujiye

yuhü ihña muhtariquiore duji behtori. Ti dujiyepu veinticuatro Jesu yequina puhtoa dujiri. Yehseye suhti sañañequina ijiri. Sa ye puhtoa pesaye behtori uru behtorire pesariquina ijiri tiquina. ⁵ Yuhü ihña muhtariquiuro dujiropu miadoqueori. Sa yero sijoro saha ijiro bisiro ca tari. Uro gähü bisiro ca tari. Ti dujiro poto siete sihñe paca ijiri. Siete sihñe paca mehna tiquiuro queoye mehna buhegü Cohäcjä yequina siete pagu bajueyequina ijiri. ⁶ Sa yero tiquiuro dujiro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro caharu pititiaro sijoro saha bajueyequina ijiri. Tiquina paguri paa pehe gähäre tiquina behero pehe pehe gähäre peye caperi tiyequina ijiri tiquina. ⁷ Yuhü ihña muhtariquiuro sijoro saha bajuriquiuro yairo sohäriquiuro yero saha bajuri. Tiquiuro bato ijiiriquiuro wecu yero saha bajuri. Tiquina bato ijiiriquiuro masuno wuhdo saha wuhdo tiriquiuro ijiri. Tiquina ihtiaro bato ijiiriquiuro cacu wäye duperire seö dujiiriquiuro yero saha bajuri. ⁸ Tiquiuro seis duperi wäye duperi tiriquiuro ijiri. Tiquiuro mehna cjäna gähü sa dihita wäye duperi tiri. Sa ye tiquina wäye duperi pua peheriputa peye caperi tiye duperi ijiri. Sa ye decoripe, ñaminipe sa basaducuye nidi. Ne basa duhuerari. Ohö saha ni basari:

Quehnoariquiuro, quehnoariquiuro, quehnoariquiuro, Cohäcjä mari puhtoro tutua yuhdäriquiuro ijire. Tiquiuro panoputa sa ijiducuahye. Yojoru gähäre sa ijiducure. Cameru ahtarota, ni basaducuye nidi.

⁹ Sa basaye tiquina pititiaro sijoro saha bajueyequina tiquiuro tutuayere basa peoye nidi. Sa ye tiquiore ijipihtiyere decori ijiducuriquiore ño peoye "Quehnoare", niñe nidi. ¹⁰ Tiquina sa ye peogü ihñañe veinticuatro Jesu yequina puhtoa pehe puhtoro dujiropu dujiiriquiuro poto dusepe curi mehna quehe sa, tiquiore ño peori. Tiquiuro ijipihtiyere decori ijiducuriquiuro ijire. Sa ño peoye tiquina puhtoa pesaye behtorire tiquiuro dujiro caha doque peori. Sa doque peoye ohö saha nidi tiquina:

¹¹ Muhü Cohäcjä usä puhtoa waro ijire. Tutuagu, quehnoagu ijire muhu. Muhü usä ño peoguta ijigu nine. Muhäre sa ño peoducuro cahmene usäre. Ijipihtiyere bajumehnedigu ijire muhu. Muhü cahmedigü sahata ti ijipihtiyere bajumehneahye muhu, nidi tiquina Cohäcjäre, toru dujiiriquiore.

5

Ojari püre torëdi tunure cordero gähäre

yahuahye Ñu

¹ Came topu dujiriqiro tiqiro omoca pota pehe tiqiro cæori püre ojoari püre ihña. Ti pü pua peheri ojoari pü tiqiro torëdi tunu ijiri. Sa yero siete piha ñeheñe mehna tiqiro piha ñehedi tunu ijiri. ² Sa yegu tutuariqiro angelre ihña. Tiquiro tutuaro yahuducuye mehna ohõ saha ni yahuri:

—Ahri tunure piha ñeheñene quehnoariqiro dihita tahrë masine. ¿Diquiro pehe ijajari tahrëatiqiro? nidi tiqiro angel.

³ Sa nieperota tiquina ti tunure tahrëatiqirore bocaerari. Ti tunure tahrëatiqirore, quehnoariqirore bocaerari. Æhmusepu, ahri yehparu, catiyequina watoapu, yaria tuhasariquina watoapu ne ti tunure ñeheñene tahrëatiqiro mariedari. Sa yero ti tunure buheatiquiro mariedari. ⁴ Sa yegu tahrëatiqirore, ti püre buheatiquirore tiquina bocaeragü ihña tutuaro utii yuha.

⁵ Yuhna sa utigü ihñano ihcäqiro Jesu yequina puhto mehna cjäno ohõ saha nidi yuhare:

—Utieracähña. Ti tunure ñeheñene ihcäqiro tahrë masine. Tiquiro Judä ya curua cjäno tutuariqiro ijire. Tutuariqiro ijiro “Yairo sohãriqiro”, tiquina ni pisuriqiro ijire. Tiquiro puhtoro Davi panamino iji turiariqiro ijire. Watnore yuhducariqiro ijire tiquiro. Sa yero tiqiro ti tunure siete ñeheñene tahrë masidiquiro ijire, nidi tiqiro yuhare.

⁶ Tiquiro sa nigü tãhogu puhtoro dujiro pota cordero ducugü ihña. Pititiro sijo ro saha bajuequina, Jesu yequina puhtoa gãhu tiquina watoa ducuri cordero. Tiquiro tiquina wejëdiquiro munano saha bajuri. Siete sahari tiriqiro, siete caperi tiriqiro ijiri. Ti siete caperi mehna tiqiro queoye mehna buhegü Cohäcjä yequina pagu bajueyehna siete bajueyehna yero saha ijire. Tiquina tiqiro yequina pagu bajueyehna ijipihitiro ahri yehparu Cohäcjä ohoriquina ijiri. ⁷ Sa yero cordero pehe puhtoro dujiro cahapu esaro, tiqiro pota pehe cæori tunure tuã we nedu tiqirore.

⁸ Tiquiro sa tuã we negü ihñañe cuatro sijo ro bajuequina, veinticuatro puhtoa gãhu cordero pota dusepe curi mehna quehe sa, tiqirore ño peori. Tiquina puhtoa ijipihitueyehna arpa wame tiye bua patëñene, uru pari gãhure cæori. Ti pari bueye ehme sitiye quehnoano wahpaye pose tiye pari ijiri. Ti ehme sitiye mehna tiqiro queoye mehna buhegü Cohäcjä yequina tiqirore tiquina sini basari yero saha ijiri. ⁹⁻¹⁰ Sa tiqirore ño peoye ohõ saha ni wahma basayere tiquina basa peori tiqirore:

Muha tiquina wejëdigu ijire. Sa yegu muha dii cohãri mehna usã ñañe yerire coseri muha Cohäcjä yequina usãre iji dutigu. Sa yegu usãre ijipihitiye cururi

cjänare, ijipihitiye yahuducuyere yahuducunare, ijipihitiye yehpari cjänare usãpe usãre ijipihitinare muhare cahmena dihitarë usã ñañe yerire muha dii cohãri mehna cosere muha Cohäcjä yequina usãre iji dutigu. Usãre ijipihitinare Cohäcjä yequina ijiatinare cüri muha. Sa yegu pahia cüri muha usãre Cohäcjä cahacjäna usãre iji dutigu. Sa yegu peye yehpari cjäna bui puhtoa sãri muha usãre. Sa yerigu ijigu muha ti tunure piha ñeheñene tahrëacju ijire muha, ni basa peori tiquina corderore.

¹¹ Pari turi ihñaгу millones angele parire ihña. Puhtoro dujirore pititiro sijo ro saha bajueyehna, veinticuatro puhtoa angele pehe tiqinare wahme duca sari. Tiquina angele pari tutuaro tiquina sañuducu peogü ihña. ¹² Ohõ saha ni tutuaro yahuducu peori tiquina:

Cordero tiquina wejëdigu muha ijipihitiyequinare dutigu, ijipihitiyere cuogu, masi pehogu, tutua yuhdagu ijire muha. Masa tiquina ñañe buhiri tiquina wejëdigu muha ijigü ihñana sa ni ño peoaja muhare. “Quehnoa yuhdagu ijire”, ninatja muhare. Muhare quehnoano yahuducunatja, ni yahuducu peori angele pari.

¹³ Sa yegu apequina gãhure tiquina yahuducu peoye ca tagü tãhou. Ijipihitiyequina æhmuse cjäna, ahri yehpa cjäna, catiyequina, yariariquina gãhu, pajiri ma cjäna, ijipihitirore ijieyehna ohõ saha ni yahuducu peoye ca tari:

Cohäcjäre muha dujiropu dujigare, Cordero gãhure musare puanare quehnoano yahuducunatja. Musare ño peonatja. “Quehnoa yuhdãna ijire. Tutua yuhdãna ijire”, nina, ijipihitiye decori sa niducunatja musare, ni yahuducu peoye ca tari.

¹⁴ Sa ye tiquina pititiro sijo ro saha bajueyehna tiquina sa yahuducu peogü tãhoye “Sata ni yahuducu peoahro”, nidi. Sa ye Jesu yequina puhtoa pehe dusepe curi mehna quehe sa Cohäcjäre, Cordero gãhure ño peori.

6*Papera tunure tiqiro nedi tunure piha ñeheñene tahrëne Cordero*

¹ Came papera tunure tiqiro nedi tunure Cordero piha ñehe muhtarire tahrëdi. Tiquiro sa tahrëgü ihña. Tiquiro sa tahrëdi bato ihcäqiro sijo ro saha bajueyehna mehna cjäno, “Ihñana ahtaya”, nidi. Sa nino apo yero saha bisiri tiqiro.

² Tiqiro sa nidi bato ihñau yahu. Yehseriqiro caballore ihñau. Tiqiro bui pesariqiro bæedare caori. Tiqirore puhtoro pesari behtore ohori apeqiro pehe. Tiqiro sa ohori bato tiqiro pehe tiqirore ihña tuhtiequinare yuhducuro wahari.

³ Came ihcāno ñehenore tuhrē tuhasa Cordero apero ñehenore tuhrēdi tja. Tiqiro sa tuhrēdi bato apeqiro sijoro saha bajuequina mehna cjāno "Ihñana ahtaya", tiqiro nigū tūhou tja.

⁴ Sa yegu apeqiro caballore sohāriqirore ihñau tja. Tiqiro bui pesariqirore tutuayere ohori apeqiro pehe. Ahri yehpa cjēnare cahme wejē dutiatiqirore cūri tiqirore. Sa ye ijiphtiro cjēna cahme wejēta ahri yehparū. Sa yero pajiri pji ñoseni pjiñe ohori tiqirore.

⁵ Came puarore tuhrē tuhasa Cordero apero ñehenore tuhrēdi tja. Tiqiro sa yegu puaro tiquina yahuducuri bato apeqiro sijoro saha bajuequina mehna cjāno "Ihñana ahtaya", tiqiro nigū tūhou.

Tiqiro sa nidi bato ñiniqiro caballore ihñau. Tiqiro bui pesariqiro balanza nūcañe queorore caori. ⁶ Tiqirore yahu ihñari bato sijoro saha bajuequina watarū ohō saha bisiro ca tari:

—Ihcā deco dahrari wapa mehna trigore ihcā kilota dúeta masa. Ihcā deco dahrari wapa mehna cebada wame tiye pjerire ihtia kilota dúeta masa. Trigo, cebada gūhu pihntia waharota. Sa ye ti wapa bujininota. Sa ijiepegūta ihyaye dahreye uhse, vino gūhu peye ijininota, nino ca tari.

⁷ Came ihtiarore tuhrē tuhasa Cordero apero ñehenore tuhrēdi tja. Tiqiro sa tuhrēdi bato apeqiro sijoro saha bajuequina mehna cjāno iji bato tiriqiro "Ihñana ahtaya", nidi tja.

⁸ Tiqiro sa nigū tūhogū opoariqiro caballore ihñau. Tiqiro bui pesariqiro "Yariagū yeriqiro", wame tiri. Sa yero tiqiro bato ahtariqiro "Peca", wame tiri. Sa yero tiquinare tutuayere ohori apeqiro pehe. Ahri yehparūre deco mehna ijiequina docarū peyequina masare wejē dutiri. Cahme wejēne mehna, yūna ahbaye mehna, dohatiye mehna, wahiquina nūcari cjēna usuayequina mehna peyequina masare tiquina wejēatire cūri tiquinare.

⁹ Came pittiaro ñehedire tuhrē tuhasa Cordero apero ñehenore tuhrēdi tja. Tiqiro sa tuhrēgū altar docarū Jesu yequinare tiquina wejēdiquina jeripohnarine ihñau. Cohācjū yere tiquina yahuri buhiri, "Jesu yequina ijiaja", tiquina ni yahuri buhiri tiquinare wejēdi jiri. ¹⁰ Tiquina sañuducure ohō saha nidi Cohācjūre:

—Mahu usā puhto, ñañe mariegū, ni mehoñe mariegū, mahū nidiro sahata yegu

ijire mahū. ¿Ahri yehpa cjēnare, usāre wejēdiquinare dūhse ijigū buhiri dahreitjari mahū? ni sañuducuri tiquina.

¹¹ Sa yero tiquinare yehseye suhti yoaye suhtire ohori. Tiquinare sa ohoro ohō saha nidi tiquinare:

—Sorñā. Apequina mūsa acaye Jesu yequina mūsa yeriro sahata yojopū gūhare quehnoañe buheyere buheniñe nine. Musare tiquina wejēdiro sahata tiquina gūhare tiquina wejē pehoato dūhsarñe. Sa yena tiquinare ijiphtiequinare tiquina wejēato pano mehenogā sorñā mūsa, nidi tiquinare.

¹² Came ihcā omope ñehedire tuhrē tuhasa Cordero apero ñehenore tuhrēdi tja. Tore tiqiro sa tuhrēgūta tutuaro yehpa ñuhmīdi. Sa yero asū deco cjāno ñiniqiro wahari. Ñini suhtiro yero saha ñiniqiro wahari. Sa yero asū ñami cjāno dii yero saha sohāriqiro wahari. ¹³ Sa ye ñahpicoha paca yehparū bora dijiaa wahari. Yucu dāca yahsayere wiñnono wē bure dijoro saha ñahpicoha paca bora dijiaa wahari. ¹⁴ Sa yero uhmūse butia wahari. Papera tunure mari torēgū bajuero saha bajuerari uhmūse. Sa ye ijiphtieye canū cju gūhu, nūcāpo gūhu ape siepū esaducari. ¹⁵ Sa wahagū ihñañe, ahri yehpa cjēna puhto canū cju cjē utā wuhūsepū duhtiri. Apequina puhto, surara puhto, doeri cjē opana, tutuayequina, ijiphtiequina tiquina cahacjēna, cahacjēna ijieyequina gūhu topata duhtimedī. ¹⁶ Sa duhtieye, canū cjure, utā wuhūse gūhare ohō saha nidi:

—Usā bui bora pjeya. Usāre nūoña. Siquiro puhtorore, dujiropū dujiriqirore cue yuhduaja. Cordero usāre ñano buhiri dahrerota. Sa yena nūoña usāre. ¹⁷ Ijiphtiequinare tutuaro buhiri dahreati deco iji tuhasare. Sa ye ti buhiri dahreatire ne ihcāqiro duhtiriqiro ihcāno sahasi, nidi tiquina ijiphtiequina.

7

Israe masa pagūrire Cohācjū tiqiro wame ña ohōatire yahuahye Ñū

¹ Came pittiaro angelere ihñau. Tiquina ijiphtirore wahari. Ihcāqiro nortepū waharo topū ahtari wiñnonore ahtaeragū yeri. Apeqiro surpū, apeqiro asū mūja taropū, apeqiro asū sajānopū wahaye, nortepū wahariqiro yero saha yeri tiquina gūhu. Sa yero ahri yehparū, pajiri marū gūhare ne wiñnono ahtaerari. Ne ihcādū yucūgare wiñnono ñuhmigū yerari. ² Sa yegu apeqiro angelre ihñau tja. Asū mūja taropū ahtaro nidi tiqiro. Cohācjū catiriqiro tiqiro wame ña ohōnore ne cāhtaro nidi tiqiro. Sa ne cāhtaro apequina pittiaro angelere tiqiro sañuducuri. Tiquina angele pehe ahri yehpare, pajiri ma gūhare Cohācjū

tiqiro ñano wahagü ye dutinohriquinapü ijiri. ³ Tiquinare sañuducuro ohõ saha nidi angel:

—Cohteniña. Cohãcjü cahacjēna tiquina wãhdoa pacare tiqiro wamene ohõna tana niaja. Usã sa ohõato pano ahri yehpare, pajiri mare, yucari gãhure ñano wahagü yeracãhña masa, nidi tiqiro apequna pititaro angelere.

⁴ Sa yero Cohãcjü tiqiro wame mehna tiquina wãhdoa pacare tiquina ohõatiquinare “Ohõpequina ijire”, ni yahuri yahure ihcãqiro. Israe masa doce cururi cjēna ciento cuarenta y cuatro mil masa tiquina ohõatiquina ijirñohiti. ⁵ Ahriquina ijirñohiti tiquina ohõatiquina: Doce mil masa Judá panamena iji turiayequina tiquina ohõatiquina ijiri. Apequna doce mil masa Rubē panamena iji turiayequina tiquina ohõatiquina ijiri. Apequna doce mil masa Gad panamena iji turiayequina tiquina ohõatiquina ijiri. ⁶ Apequna doce mil masa Aser panamena iji turiayequina, apequna doce mil masa Neftalí panamena iji turiayequina, apequna doce mil masa Manase panamena iji turiayequina tiquina ohõatiquina ijiri. ⁷ Apequna doce mil masa Simeo panamena iji turiayequina, apequna doce mil masa Leví panamena iji turiayequina, apequna doce mil masa Isacár panamena iji turiayequina tiquina ohõatiquina ijiri. ⁸ Apequna doce mil masa Zabulón panamena iji turiayequina, apequna doce mil masa José panamena iji turiayequina, apequna doce mil masa Benjami panamena iji turiayequina tiquina ohõatiquina ijiri. Topequinata ijipihtiyequina masa ciento cuarenta y cuatro mil tiqiro wame mehna tiqiro ohõatiquina ijiri.

Peyequina yehseye suhti sañañequinare yahuahye Ñu marine

⁹ Came peyequina masare ihñau. Ijipihtiye yehpari cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye macari cjēnare peyequinare Cristore cahmeñequina dihitare topü ducuyequinare ihñau. Pãhtoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijerari. Yehseye suhti sañañequina ijiri tiquina. Sa ye iqui pohnarine cãori. ¹⁰ Sa ye tiquina ijipihtiyequina ohõ saha ni tutuaro sañuducuri:

Cohãcjü ijire usãre yahdãoriqiro. Tiquiro dujiropü dujiriqiro ijire. Cordero gãhu usãre yahdãoriqiro ijire, ni sañuducuri tiquina.

¹¹ Sa ye ijipihtiyequina angele, Jesu yequina pãhtoa gãhu, sijoro saha bajuyequina mehna pãhtoro dujiro cahapü ducuri. Sa

ducuye tiqiro dujiro poto dasepe curi mehna quehe sa, Cohãcjüre ño peori. ¹² Ohõ saha ni ño peori tiquina:

Sa tjire. Cohãcjü usã pãhto, mãhure quehnoano yahuducuaja. Quehnoa yahdãagü ijire mãhu. Masi pehogü ijire mãhu. Mãhure “Quehnoare”, niaja. Mãhure ño peoja. Tutua yahdãagü ijire mãhu. Mãhu tutuaye mehna yerigü ijire mãhu. Sa ijiducugü ijire mãhu ijipihtiye decori. Sa tjire, ni ño peori tiquina.

¹³ Sa yero ihcãqiro Jesu yequina pãhtoa mehna cjãno yahure sinituri:

—¿Ahriquina yehseye suhti sañañequinare masiajari mãhu? ¿Tiquina ahtarirore masi-ajari mãhu? ni sinituri yahure.

¹⁴ Tiquiro sa nigü tãhogü,

—Masiedaja, ni yahtii.

—¿Noa ijiajari tiquina? ni sinituu tiqirore.

Yãhu sa nigü tãhoro ohõ saha nidi yahure:

—Ahriquina ña yahdãaro yahduri deco ijigü ihcãno sahayequina ijire. Tiquina suhti cosenohriquina tiquina ijiro saha Cordero tiqiro dii cohãno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

¹⁵ Sa tiqiro cosenohriquina ijiye Cohãcjü dujiro poto tiqirore sa ño peoducure. Decoripe, ñaminipe tiqirore sa ño peoducure, pahia Cohãcjü wãhãpü tiquina yeriro saha. Sa yero tiquina mehna sa ijiducuro, tiquinare yedohorota Cohãcjü “Sijoro saha wahari”, nino. ¹⁶ Ne pari turi mãhu ahbasi tiquina. Sa ye ne aco wãosi tiquina. Ne asü deco cjãno asiye tiquina asiye poci. Tutuaro asiye tiquinare ñano yahdãgü yesi. ¹⁷ Pãhtoro dujiro poto ducuriqiro Cordero tiquinare ihña ihborota. Ovejare ihña ihboriqiro yero saha tiquinare ihña ihborota. Sa yero mãri pohteripü catigü yeye mãri pohteripü tiquinare ahmü tã cãnota, ovejare ihña ihboriqiro tiqiro ahmü tã cãno saha. Sa yero sa bucueducugü yerota tiquinare. Sa ye ne pari turi utisi tiquina, nidi Jesu yequina pãhtoa mehna cjãno yahure.

8

Seis papera tunurine tiquina piha ñehedire tãhrē tuhasaro aperore tãhrēahye tja Cordero

¹ Seis papera tunurine tiquina piha ñehedire tãhrē tuhasaro aperore tãhrēdi tja Cordero. Tiquiro sa tãhrē tuhasagü hora deco topü ahmãsepü quehnoano dihta mariaa wahari. ² Sa yegü siete angelere

Cohācǵu poto ducuyequinare ihñau. Sa yero tiquinare siete cornetarire ohori apequiro. ³ Apequiro angel uru pare bueye ehme sitiye pose yeati pare caoriqiro altar cahapu esa, ducuri. Topu tiquiro ducugū peye ehme sitiye tiquirore ohori ijiptiyequina Cohācǵu yequina tiquirore tiquina sinidi mehna moreatire. Sa yero uru altarpu Cohācǵu dujiro caha ijiri altarpu ti ehme sitiye bueri Cohācǵure. ⁴ Sa ye angel tiquiro caori pa cǵe ehme sitiye altarpu tiquiro poho siteri bato ti ehme sitiye cǵe ohmeo Cohācǵu yequina tiquirore tiquina sinidi mehna mǵajaa wahari. ⁵ Sa wahari bato altar cǵe nitine ti papu wehe sāa tuhasa, yehpapu doque cūri. Tiquiro sa doque cǵgāta mia sitedoqueo, tutuaro upo pari. Sa yero sijoro saha ijiro bisi maa, yehpa ñuhmi maari.

Cornetarire yahuahye Ñu

⁶ Came siete angele tiquinape tiquina cornetarire putie tee nidi.

⁷ Ihcāquiro angel tiquiro yariare puti mǵhtari. Tiquiro sa putigū aco paca yusaaye paca, peca mehna, dii mehna moreñe paca yehpapu doque dijiori. Sa doque dijiogāta yehpa uǵāa wahari. Ohō puno uǵari: Ahri yehpa deco esaro taro yemehno uǵāa wahari. Sa yero to puno poseta yucari gāhu, taa gāhu uǵāa wahari.

⁸ Angel ihcāquiro tiquiro sa puti mǵhtari bato apequiro angel tiquiro yaria cornetarire putiri tǵa. Tiquiro sa putigū pajidu canu yero saha bajudu quehnoano uǵaducudu pajiri mapare waha maa ñojoaa wahari. Sa yero yehpa uǵariro puno to punota pajiri ma dii ma dojoa wahari. ⁹ Sa ye pajiri ma cǵēna wahi deco mehna meheno esaboro yariaa wahari. Sa ye tope yucasari gāhu minia wahari pajiri mapare.

¹⁰ Puro angele tiquina putiri bato apequiro angel gāhu tiquiro yaria cornetarire putiri tǵa. Tiquiro sa putigū pajiria ñahpicoha, sihāria yero saha asiria yehpapu bora sa quehea wahari. Ahri yehpa cǵe mǵari deco mehna meheno esaboro tope mǵari bui bora sa quehea wahari ñahpicoha. Tope mǵari pohteri bui bora sa quehea wahari. ¹¹ Tope mǵarita suēne mǵari wahari. Sa wahagū peyequina masa ti mǵari cǵe acoe sihñime, yariaa wahari. Tia ñahpicoha "Suēnia", wame tiri.

¹² Ihtiaro angele tiquina putiri bato apequiro angel gāhu tiquiro yaria cornetarire putiri tǵa. Tiquiro sa putigū asū deco cǵāno, ñami cǵāno gāhu deco mehna meheno esaboro dojoa wahari. Ñahpicoha pari gāhu deco mehna meheno esaboro tope pacata dojoa wahari. Tope paca uhmuse cǵe paca quehnoano buhrioerari. Decopu pititia hora waro asū deco cǵāno ne buhrioerari.

Ñamine pititia hora waro asū ñami cǵāno, ñahpicoha pari gāhu ne buhrioerari.

¹³ Came ihñadoque mǵou tǵa. Uhmusepu wuriquirore cacure ihñau. Sa yegu tiquiro sañuducugū tuhou. Ohō saha nidi tiquiro:

—Ña yuhduare. Ña yuhduare. Ihtiaro angele dahsari yojoru putiatiquina. Tiquina putiri bato ña yuhduaro waharota. Sa wahagū ahri yehpapu ijiyequina ña yuhduaro yuhdueta, nidi tiquiro.

9

¹ Came pitiaro angele tiquina putiri bato apequiro angel tiquiro yaria cornetarire putiri tǵa. Tiquiro sa putigū ñahpicoha yero saha ijiriquiro angel uhmusepu bora dijia tariquirore ihñau. Sa yero tiquirore uhcāri cope cǵā sawire ohori. ² Sa yero tiquiro ti copere tiquiro pōogū peca ohmeo wijiari. Pajiri peca cǵe ohmeo yero sahā pajiro ohmeo wijiari ti copere. Sa wijiario ti ohmeo duita asū deco cǵānore, uhmuse gāhure butia wahagū yeri. ³ Sa ye ti ohmeo puhia pu ijiyequina poreroa yehpapu ahtari. Sa ye cutipa tiquina tutuaro purino saha tiquina gāhu tutuaro puridi. ⁴ Sa yero taare, yucarire, apeye oteyere ñano ye dutierari tiquinare. Masa dihitare ñano ye dutiri tiquinare. Cohācǵu wamene tiquina wāhdoa pacare ohōmehneñequina dihitare ñano ye dutiri tiquinare poreroare. ⁵ Sa ñano ye dutieperota tiquinare weǵe dutierari. Tiquinare weǵe dutieraperota ihcā omope asūri waro tiquinare ñano purigū ye dutiri. Cutipa toaye tiquina purino saha purigū ye yequina ijiri poreroa gāhu. ⁶ Tiquinare tiquina sa purigū yegū masa yariaa duaeta. Tiquina sa yaria duepegūta tiquinare yaria dutisi.

⁷ Poreroa pehe caballoa yero saha bajuri. Tiquina cahme weǵeato pano caballoare tiquina suhti sāriri saha sa bajyequina ijiri tiquina poreroa gāhu. Tiquina dapu paca bui puhtoa pesaye behtori uru behtori yero saha bajuri. Tiquina wāhdoa paca masa yero saha bajuri. ⁸ Tiquina poari numia poari yero saha ijiri. Sa ye tiquina upiri yayia upiri yero saha ijiri. ⁹ Jeripohna cahmotari cahsero come cahsero yero saha bajuri tiquina cutiro. Sa ye tiquina wugū peyequina caballoa omañequina tiquina omano saha tiquina wugū bisiri. Caballoa tunuñe paca weyequina tiquina cahme weǵenoru wahaye, tiquina bisiro saha bisiri poreroa wugū. ¹⁰ Sa ye cutipa picōno tiro saha, toaria tiquiro curo saha ijiri tiquina poreroa. Sa ye tiquina toaye paca mehna toaye, ihcā omope asūri waro masare purigū yeri. ¹¹ Sa ye tiquina puhtoro tiyequina ijiri. Uhcāri cope upuro ijiri tiquina puhtoro. Tiquiro angel ijiri. Hebreo ye mehna Abadón wame tiri tiquiro. Griego ye mehna Apolión wame

tiri. (Apoli6n "Dojomehneniquiro" nino nine.)

¹² Poreroa masare ñano tiquina purigũ yeri bato ahri tiquina ñano yuhdu mahtariro pihitia wahari. To bato pua taha pari turi ñano yuhdueta masa.

¹³ Came ihcã omopequina angele tiquina putiri bato apequiro angel tiquiro yaria cornetare putiri tja. Tiquiro sa putigũ Cohãcjũ caha ducuri altarpũ uru altarpũ yahuducuye bisi wijiario ca tari. Ti altar cjẽ sahari pititia saharopũ yahuducuye bisi wijiario ca tari. ¹⁴ Sa yahuducuro cornetare putiri quiro angelre yahuri:

—Eufrates wame tiri ma pajiri mapũ pere-supũ ijyeyequinare angelere wioya. Tiquina pititiaro angele ijire, nino ca tari.

¹⁵ Sa nigũ tũhoro angel pehe tiquinare pititiarore wiori, peyequina masare wejẽatiquinare. Ahri cãmhare, ahri asãre, ahri decore, ahri horare queero cohteyenidi tiquina pititiaro angele. Tiquina cohteriro esa tuhasare. Sa ye wejẽñe tee nine. Ijipihtiyequina deco esaboro caha masare wejẽatiquina ijire. ¹⁶ Sa yegũ tiquina yequina surarare "Ohõpequina ijire", tiquina nigũ tũhou. Tiquina caballoa bui pesayequina ijiri. Doscientos millones surara ijiri.

¹⁷ Sa yegũ caballoare tiquina bui pesayequina gũhare ihñaũ. Sa ye caballoa bui pesayequina tiquina jeripohnarine cahmotaye suhti come suhti sohãñe suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohãñequina yero saha bajuri. Tiquina duseripũ peca, ohmeo, azufre wame tiye ohmeo gũhũ wijiari. ¹⁸ Sa ye caballoa duseripũ wijiaye masare wejẽdi. Ijipihtiyequina deco mehna meheno esaboro waro topequina masare wejẽdi. Sa ye peca mehna, ohmeo mehna, azufre mehna peyequina masare wejẽdi. ¹⁹ Tiquinare caballoa duseri mehna wejẽdi. Sa ye caballoa picõri mehna wejẽdi tja. Tiquina picõri sohtoapũ añaa dapu paca yero saha bajuri. Sa ye tiquina picõri mehna ñano yeri tiquina masare.

²⁰ Peyequina masa yarieyequina tiquina wejẽ duhariquina pehe tiquina ñañe yerire ne duhuerari. Watĩare ño peo duhuerari. "Cohãcjũ ijire", tiquina niñe queoye gũhare ño peo duhuerari. Ti queoye uru mehna, plata mehna, bronce wame tiye come mehna, utã mehna, yucari mehna tiquina yeri queoye ijiri. Sa ye ti queoye pehe ihñedari. Tũhoerari. Tiniedari. ²¹ Peye ñañe gũhare tiquina ne bujua witierari. Masare tiquina wejẽdire, tiquina numia mehna tiquina ñano yerire, tiquina yacueri gũhare ne bujua witierari tiquina. Sa ye masare ujuayequina yayia tiquina

yero saha yeye, ti gũhare ne bujua witierari tiquina.

10

Meheni tunugãre papera tunugãre ne cãhtahye angel

¹ Came apequiro tutuariquiro angel ahmãsepu tiquiro dijia tagã ihñaũ. Ehmeo curua watoapũ ahtari. Sa yero buheni da tiquiro dapu bui pesari. Tiquiro wahũdo asũ deco cjãno yero saha asi siteri. Tiquiro ñecari uñuri peca yero saha bajuri. ² Sa yero meheni tunugã papera tunugãre tiquiro pãri tunugãre cuori tiquiro. Tiquiro dahpocã poto pehe cjã dahpocã mehna pajiri mapũ cahta cũri. Tiquiro dahpocã cũ pehe pehe mehna dihtapũ cahta cũri. ³ Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete upoa yahuye ca tamedĩ. ⁴ Tiquina sa yahugũ tũhogũ ojoa dũcamĩ. Yũhũ sa ojoa dũcagũta ahmãsepu yũhare yahuducuro ca tari.

—Siete upoa tiquina nidire apequinare yahueracãhña. Sa yegũ tire ojoa nedacãhña, nino ca tari yũhare.

⁵ Tiquiro sa nidi bato pajiri mapure cahta cũ, dihtapure cahta cũriquiro angel tiquiro omoca poto pehe siõdoque muori ahmãsepu. ⁶ Sa siõdoque muono Cohãcjũ sa catiducuriquiro wame mehna wame peori. Tiquiro Cohãcjũ pehe ijipihtiyere ahmãsere, ahmãse cjẽne, ahri yehpare, ahri yehpa cjẽne, pajiri mare, pajiri ma cjẽne yeriquiro ijire. Sa yero ohõ saha nidi angel:

—Cohãcjũ mehna poto nii niaja. To punota cohtenatja. ⁷ Seis angele cornetarire tiquina putiri bato apequiro angel putigũ Cohãcjũ panopũ tiquiro "Ohõ saha yeitja" nidiro sahata yerota. Panopũ masare tire quehnoano yahuerahye. Came tiquiro cahacjẽnare, tiquiro yere yahu mahtariquina pehere quehnoano yahu pehoahye tiquiro. Ti tiquiro yahu cũrire yojopure yerota tiquiro, nidi angel.

⁸ Tiquiro sa nidi bato ahmãsepu yũhare yahuducuriquiro pari turi yahuducuro ca tari tja. Ohõ saha nino ca tari yũhare:

—Pajiri mapũ cahta cũriquiro dihtapũ cahta cũriquiro siquiro angel cahapũ wahaya. Sa wahagũ papera tunugãre tiquiro cuori tunugãre neña, nino ca tari yũhare.

⁹ Tiquiro sa nigũ tũhogũ angel cahapũ wahau. Tiquirore papera tunugãre yũhũ sinigũ tũhoro ohõ saha ni yũhtiri yũhare:

—Neña. Sa yegũ ahri tunu papera tunugãre ihyaya. Mũhũ coã ihyagũ umi yero saha quehnoano bisirota. Mũhũ paarpũ mũhũ ihya sõri bato suẽñe waharota, nidi yũhare.

¹⁰ Tiqairo sa nigū tūhōgū ti tunugāre angelre yūhū nedi bato ihyaū. Yūhū coā ihyaḡū umi yero saha bisiri. Yūhū ihya sōri bato yūhū paarū suēno wahadū. ¹¹ Yūhū sa ihyari bato ohō saha nidi yūhūre:

—Pari turi ijipihtiye macari cġēna, ijipihtiye yehpari cġēna, peye yahuducuyere yahuducuyequina, tiquina puhtoā gāhū came tiquina dūhse wahatire yahuyuya māhū, nidi yūhūre.

11

P̄naro Cohācġū yere yahuatiquinare yahu ojoahye Nū marine

¹ Came yūhūre queodure ohori Cohācġū. Tuadū puno yoadū ijiri tū. Ture ohoro ohō saha nidi yūhūre:

—Ya wūhūre queogu wahaya. Ti wūhū cġā altar gāhūre queoya. Sa yegū ti wūhūpū yūhūre ño peoyequinare queoya. ² Sopenaha wijia sadūcari paare quehnoari paare queoeracāhña. Ti paa yūhūre cahmeeñequinare tiquina cūri paa ijire. Tiquina cuarenta y dos asāri waro Cohācġū ya macare, ti maca cġēna gāhūre ñano yeeta. Sa yegū queoeracāhña tiquina ya paare quehnoari paare. ³ Sa yegū yeere yahuatiquinare p̄naroore ohoutja. Mil doscientos sesenta decori waro yeere yahueta. Masa dija suhtire sañañequina ijietā tiquina yūhū yahu dutiyequina, ni yahuri yūhūre.

⁴ Ahri yehpa cġēna puhtoro poto p̄adū Olivo wame tiye cġū ducure. P̄adū sihā peoye cġū gāhū ti cġū caharū ducure. Ti cġū mehna queoye mehna yūhū buheḡū ahriquina p̄naro mari puhtoro yere yahuyequina ti cġū yero saha ijire. ⁵ Sa ye tiquinare ihña tuhtiyequina tiquinare ñano ye duagū tiquina pehe dūseri cġē peca mehna uġūa pehoeta tiquinare ihña tuhtiyequinare. Sata tiquinare ñano yeyequinare wejġeta tiquina p̄naro mari puhtoro yere yahuyequina pehe. ⁶ Sa ye tiquina p̄naro acoro ahta dutieragū acoro ahtasi. Sa yero mari puhtoro yere tiquina yahuro puno acoro ahtasi. Sa ye mārine dii māri wahagū yeeta tiquina. Sa ye ahri yehpare ñano wahagū yeeta. Ijipihtiye dūhse ijijere, ijipihitiyequina dūhse ijijeyequinare masare ñano wahagū yeeta. Tiquina cahmeno sahata sa ñano wahagū yeeta ahri yehpare.

⁷ Tiquina sa ye pehogū ūhcūāri corerū ijiriquiro ñariquiro n̄acu cġāno wijiarota. Sa wijiaro Cohācġū yere yahuyequina mehna cahmequenota. Sa cahmequeno tutua yūhdūducuro tiquinare wejġeta. ⁸ Tiqairo sa wejġedi bato tiquina paguri pajiri maca cġā maharū cuñaeta. Yahuyequina puhtoro tiquina quē biha wejġedi maca ijire ti maca. Ti maca cġēna ñañequina

ijije Sodoma cġēna, Egipto cġēna yero saha ijire. ⁹ Sa cuñañe ihtia deco quehnoano cuña, ape deco deco mehna tiquina paguri maharū cuñaeta. Sa ye ijipihtiye yehpari cġēna, ijipihtiye cururi cġēna, ijipihtiye yahuducuyere yahuducuyequina tope decori waro tiquina pagurire ihñaduceta. Sa ye tope decori waro tiquina pagurire ya dutisi. ¹⁰ Tiquina sa yariariquina ijigū ihñañe ahri yehpa cġēna buceeta. Sa buceye bose decore yeye, tiquina basi apee borore sa oho quēeta. Tiquina p̄naro Cohācġū yere yahuyequina masare ñano yūhdūgū yeriquina ijiahye. Sa ye tiquina sa yariagū ihñañe buce yūhdūeta ahri yehpa cġēna.

¹¹ Sa yero ihtia deco ape deco mehna bato Cohācġū tiquina pagurire masonota. Tiqairo sa masogū tiquina pari turi wahcādūcaeta. Tiquina sa wahcādūcagū ihñañe ijipihtiyequina cue yūhdūgū tiquinare. ¹² Came tiquina p̄naro ūhm̄serū tutuaro yahuducugū tūhoeta. Ohō saha ninota tiquinare.

—Ohōpū m̄jaja taya m̄sa, ninota.

Tiqairo sa nigū tahoye ehmeo curua watoa m̄jaja wahaeta. Tiquina yabiriquinare m̄jagū ihñaeta masa. ¹³ Tiquina sa m̄jagūta yehpa tutuaro ñuhminota. Sa ñuhmigū ti maca cġē wūhūse peye bora dijiaa waharota. Sa ye yehpa ñuhmino mehna siete m̄l masa yariaa wahaeta. Apequina dūhsariquina pehe acūaa wahaeta. Sa ye Cohācġūre ūhm̄se cġānore “Tutuagu ijire” ni ño peoeta tiquirore.

¹⁴ Ahri ijipihtiye tiquina sa wahari bato p̄a taha masa ñano yūhdū tuhasariquina ijietā. Tiquina sa yūhdūri batogāta pari turi duita masa ñano yūhdūeta tja.

Seis cornetarire tiquina putiri bato apequiro putiahye

¹⁵ Came seis cornetarire tiquina putiri bato apequiro angel tiqairo yariare putiri. Tiqairo sa putigū ūhm̄serū tutuaro yahuducuye cā tari. Ohō saha nino cā tari: Yojoorū mari Pacū, Cristo mehna ahri yehpa cġēna puhtoā ijietā. Sa yero puhtoro sa ijiducurota Cohācġū, nino cā tari.

¹⁶ Sa ye Cohācġū poto puhtoā dujiyepū dujiyequina veinticuatro Jesu yequina puhtoā Cohācġū poto quehe sa, tiquirore ño peori. ¹⁷ Sa ño peoye ohō saha nidi:

Ūsā puhtoā Cohācġū, tutua yūhdūagū ijire māhū. Māhū panorū sa ijiducuahye. Sa yegū yojoorū gāhūre sa ijiducure. Camerū ahtaata māhū. Māhū tutuaye mehna masa tiquina puhto māhū ijiducagū “Quehnoare” niaja māhūre. ¹⁸ Ijipihtiyequina ahri yehpa cġēna māhūre cahmedariquina māhū mehna usuamedī. Yojoorūre

tiquinare mähü buhiri dahreati pje ijire. Yariariquina gähüre mähü buhiri dahreati pje ijire. Sa yero mähü yequina pehere quehnoañene tiquina yeri wapare mähü ohoati pje ijire. Ihqëuquina tiquina mähü cahacjëna mähü yere yahu mahitariquina ijire. Sa ye tiquina, apequina mähü yequina mehna ijiphtiyequina mähüre ño peoyequina ijire. Sa yegu puhtoare, ihyo ijiyequina gähüre mähü yequina tiquina ijiri wapa quehnoano yeita mähü. Sa yero ahri yehpa cjenare dojomehne cohteriquinare mähü cohäti pje ijire yojopäre, ni ño peori puhtoa Cohäcjäre.

¹⁹ Tiquina sa yeri bato ahmuse cjä wahu Cohäcjä ya wahu tiquiro pñori wahu ijiri. Sa yena ti wahu pu ijiri acarore ihñau. Ti acaro puhiaru Cohäcjä masare tiquiro yedohoati-re yahuri pü sañari. Yuhu sa ihñagüta mia sitedoqueo, upo pa maari. Sa yero sijoro saha ijiro bisí maa, yehpa ñuhmi maa, aco paca yusüaye paca ahmusepu peye bora di-
jia tari.

12

Numino gähüre pinono gähüre yahuahye

Ñu

¹ Came ahri yehpa duhse wahatire ahmusepu ihñori. Tiquiro sa ihñori ihyo waro ijierari. Ohö saha ihña mahtau: Ahmusepu numinore ihñau. Ticoro suhtiro asü deco cjäno yero saha así siteri. Sa yero asü ñami cjäno bui ducuri. Puhtoro pesari behto borore doce ñahpicoha paca cuori behtore pesaricoro ducuri. ² Sa yero mehenogä duhsari ticoro pohna tiato. Sa yero ticoro sañuducuri. ³ Came pari turi ihñau ahmusepu tja: Pajiriquiro pinonore sohäriquiore ihñau. Siete dapu paca tiriquiro ijiri. Ijiphtiye tiquiro dapu paca puhtoa pesaye behtori borore pesaye dapu paca ijiri. Sa yero diez waro sahari tiriquiro ijiri tiquiro. ⁴ Tiquiro picöno mehna ñahpicoha pacare wahba sitedoque dijiori yehparu. Ijiphtiye ñahpicohare deco esaboro caha wahba sitedoque dijiori. Sa yero numino pohna tiaticoro potu ducuri pinono. Ticoro macsnogä bajuagü tiquirogäre ihyaro taro nimesi. ⁵ Camegäta cno tuhasari nijinogäre. Ijiphtiye yehpari cjëna puhtoro ijiatiquiro ijiri tiquirogä. Tiquiro sa puhtoro tutariquiro ijigü, masa tiquirore yuhducaye ihcäno sahasi. Tiquiro sa masa bajuagüta Cohäcjä tiquiro dujiro caharu tiquirogäre ne cäa wahari. ⁶ Tiquiro sa yegü numino pehe masa marienopu duhti cäa wahari. Cohäcjä tiquiro quehnoyuriporu duhti cäa wahari

ticoro. Topäre mil doscientos sesenta decori waro Cohäcjä ticorore ihña ihbori.

⁷ Coä waropäre ahmusepu cahme wejë ducahye. Miguel wame tiriquiro angel tiquiro yequina angele gähü pinono mehna cahmequeahye. Tiquina sa cahmequegü pinono tiquiro yequina angele mehna Miguel gähü mehna cahmequeahye. ⁸ Sa ye Miguel gähü pinonore yuhducahye. Sa yero pinono yequina angele gähüre ahmusepu iji nemo dutierahye. ⁹ Sa yero pajiriquiro pinonore cohä cähye Cohäcjä. Tiquiro pinono watñota ijiro nidi. Satana wame tiriquiro ijiri. Panopu tiquiro pinono pagu saha bajuriquiro ijiahye. Sa yero ijiphtiri yehpa cjenare ni mehoriquiro ijire. Tiquirore tiquiro yequina angele mehna yehparu cohä dijioahye.

¹⁰ Came ahmusepu sañuducuro ca tagü tuhau:

Yojopäre mari Pacu masare yuhduori. Yojopu puritare mari Pacu mari puhtoro ijiro ahtari tiquiro tutuayere ihñono taro. Sa yero tiquiro ohoriquiro Cristo gähü tiquiro puhtoro ijiyere tiquiro tutuayere ihñori ijiphtiye-quinare. Watñore ahmusepu ijiriquirore yehparu cohä dijiori. Sa yero tiquiro tutuayere ihñori mari Pacu. Tiquiro watño pehe decopre, ñaminipe Jesu yequinare “Ahriquina ñañequina ijire”, ni yahusäno niahye mari Pacure. Sa yero mari acayere Jesu yequinare yahusäriquiro ijiahye.

¹¹ Cristo Cordero wame tiriquiro tiquiro dii cohäri mehna mari acaye Jesu yequina tiquirore wacü tutu-ayequina tiquina ñano yerire tiquiro cohänohriquina ijire. Sa wacü tutu-ayequina ijiye, watñore yuhducaari. Sa ye quehnoañe buheyere buheye, watñore yuhducaari. Tiquiro yere buheye apequina tiquinare wejë duepegäta, Cristo yere duhuerari.

¹² Sa yena masa ahmuse cjäna bucueya. Watñore yehparu tiquiro cohä dijioagü ihñana bucueya. Sa yepegäta ahri yehpa cjäna, pajiri ma cjäna gähü pejecuona wahanata masa pehe. Masa caharu dijiri watño. Tiquirore buhiri dahreato mehenogä duhsare. Sa yero usua yuhduare tiquiro. Masa caharu tiquiro esagü pejecuona musare tojoagü yerota tiquiro, ni sañuducugü tuhau.

¹³ Sa yero pinono tiquiro cohä dijiori numinore, nijinogä pacorore nunu tä cäri. ¹⁴ Sa yero ticorore pajiriquiro cacu tiquiro wäye duparire ohori Cohäcjä, masa marienopu ticoro wu duhti cätore. Topu ticoro esari bato ihtia cähma quehnoano ape cähma deco waro ticorore

ihña ihbori Cohăcĵă. Tiquiro sa ihña ihbogă pinono ticorore ñano ye masiedari. ¹⁵ Topă ticoro ijigă ihñano pinono acore pajiro puti sitedoqueori ticorore miono taro. ¹⁶ Tiquiro sa yegă yehpa pehe ticorore yedohori. Pinono dăseropă wijiaye acore yehpa pehe aco ihmi pehe cĂri. ¹⁷ Sa wahagă ihñano pinono numino mehna usua yahdăari. Sa usaro ihquėquina ticoro panamena iji turiayequina mehna cahmequeno wahari. Tiquina pehe Cohăcĵă dutiyere yeyequina ijiye, Jesu ye buheyere quehnoăne buheyere ne duhueyequina ijiri. ¹⁸ Sa yero pinono pajiri ma dăhta cahapă ducuri.

13

Păaro năcu cĵėnare yahuahye Ńu

¹ Pajiri ma dăhta cahapă ducugă, năcu cĵėnore ti mapă ijiriquirore wahcă pahagă ihñau. Tiquiro pehe siete dapu paca, diez sahari waro cĂoriquiro ijiri. Tiquiro sahari pŃhtoa pesaye behitori borore pĂsari. Sa yero tiquiro dapu pacare tiquiro wamene ojoa ohĂri dapu paca ijiri. Ti wame tiquiro ñano wame tigă ihña yabiri Cohăcĵă. ² Sa yero tiquiro năcu cĵăno yairo dohroriquiro yero saha bajuri. Sa yero mie yero saha dahpocĂri tiriqiro ijiri. Sa yero yairo sohĂriqiro pajiriquirodu yero saha dĂsero tiriqiro ijiri. Sa yero pinono pehe tiquiro tutuayere ohori năcu cĵėnore. Sa ohoro tiquirore pŃhtoro dĂjiropă cĂno tiquiro yero saha peyequina masare dutigă yeri pinono năcu cĵėnore. ³ Ihcă dapu năcu cĵăno dapu tiquina wejĂbo cureriquiro dapu yero saha bajuri. Sa bajuepegăta tiquiro camino pehe yatia wahari. Ti dapu catigă ihñaăne, ihña maria wahari ijipihtiyequina ahri yehpa cĵėna. Sa ihña maria wahaye, năcu cĵėnore Ńo peori. Sa ye tiquiro yequina wahari masa. ⁴ Sa ye năcu cĵėnore pinono tiquiro tutuayere tiquiro ohogă ihñaăne masa pehe tiquirore pinonore dĂsepe curi mehna quehe sa, Ńo peori. Sa ye năcu cĵăno gĂhure dĂsepe curi mehna quehe sa, tiquirore Ńo peori. Sa Ńo peoye ohĂ saha nidi:

—Ne apequiro mĂhu yero saha tutu-
ariquiro mariedare. Apequiro mĂhure ne
yahdădăca masiedare, ni Ńo peori masa
năcu cĵėnore.

⁵ Sa yero tiquiro năcu cĵăno “Tutua yahdădăcagă ijiaja”, tiquiro niepegăta Cohăcĵăre tiquiro ñano yahuducuepegăta sa tuhotu cĂrdi Cohăcĵă pehe. Sa yero cuarenta y dos asĂri waro tiquiro năcu cĵăno masare dutinimedi. To punota tiquiro pŃhtoro ijigă cahmedi Cohăcĵă. ⁶ Sa yero tiquiro Cohăcĵăre ñano yahuducuri. Tiquiro wamene, tiquiro ya wahure, ahmĂsepe

tiquiro ijiro cĵėna gĂhure ñano yahuducuri năcu cĵăno. ⁷ Sa yero Cohăcĵă yequinare cahme wejĂno tiquinare yahdădăcari. Tiquiro sa yepegăta sa ihña cĂrdi Cohăcĵă. Cohăcĵă tiquiro sa ye dutieragă yeraboya. Sa yero ijipihtiyequina ahri yehpa cĵėna bui pŃhtoro ijinimedi năcu cĵăno. Ijipihtiye cururi cĵėna bui, ijipihtiyequina macari cĵėna bui, yehpari cĵėna bui, ijipihtiye yahuducuyere yahuducuyequina bui pŃhtoro ijinimedi tiquiro. ⁸ Sa ye ijipihtiyequina ahri yehpa cĵėna tiquiro năcu cĵăno poto dĂsepe curi mehna quehe sa tiquirore Ńo peori. Ahri yehpare Cohăcĵă tiquiro bajumehneato pano tiquiro yequina ijiatiquinare, sa ijiducuatiquinare tiquina wamene ojoa ohĂ tuhasahye. Ti tju tiquiro sa ojoa ohĂri tju Cordero tiquina wejĂdiquiro ya tju ijire. Ti tjupe tiquina wamene ojoa ohĂnohedariquina dihita năcu cĵėnore Ńo peori.

⁹ Cahmo tina ijire mĂsa. Sa yena tuhoya. ¹⁰ Ijipihtiyequina masare peresu yenohatiquinare came tiquinare peresu yeeta. Ijipihtiyequina masa Ńose wejĂnohatiquinare tiquinare Ńose wejĂeta. Tire masina mari Cohăcĵă yequina ñano yahdĂepenata tiquirore cohĂedacĂhna. Sa yena tiquirore wacĂ tutuăhna.

¹¹ Came apequiro năcu cĵėnore ihñau tja. Yehpa puhapă ijiriquiro wijiagă ihñau. Pua sahoro oveja sahari yero saha bajuye sahari yahri tiriqiro ijiri. Sa yero pinono yero saha yahuducuri. ¹² Sa yero năcu cĵăno iji mĂhtariquiro pehe came ijiriquiro pehere pŃhtoro sĂri. Tiquiro sa pŃhtoro sĂnohriqiro pehe ijipihtiye yehpari cĵėnare iji mĂhtariquirore Ńo peogă yeri. Iji mĂhtariquiro năcu cĵăno tiquina wejĂbo cureriquiro camino yatiriquiro ijiri. ¹³ Sa yero came ijiriquiro năcu cĵăno tutuaye mehna ye ihĂri masa tiquina ihña mariatore. Sa yero masa tiquina ihĂonopă peca pajiri peca ahmĂsepe bora dijia tagă yeri. ¹⁴ Sa yero iji mĂhtariquiro ihĂonopă apequiro năcu cĵăno pehe tutuaye mehna masare mehori “Ahriqiro mĂsa Ńo peotiquiro ijire”, nino. Sa yero tiquiro masare mehono, iji mĂhtariquiro queoyere masare ye dutiri. Tiquiro iji mĂhtariquiro Ńoseni pĂi mehna tiquina Ńosediquiro ijieperota catiriquiro ijiri. Tiquiro yero saha bajuye queoye ye dutiri apequiro năcu cĵăno masare. Tiquina sa yegă Cohăcĵă yabieperota sa ihña cĂrdi ahye. ¹⁵ Sa yero came ijiriquiro năcu cĵăno pehe iji mĂhtariquiro queoyere catigă yeri masare ti queoye dutiato saha. Sa yero ti queoyere Ńo peoyequinare wejĂ dutiri masare queoye pehe. ¹⁶ Sa yero ijipihtiyequinare tiquina omocari poto pehe, tiquina wahdoa paca gĂhure ojoa

ohō dutiri n̄c̄a c̄jāno came ijiriquiro. Ihyo ijieyquinare, p̄h̄toare, doeri c̄jē opanare, p̄ejēc̄oyequinare, t̄iquina cahac̄j̄nare, cahac̄j̄na ijieyquinare, ijipihtiyequinare t̄iquina omocarine t̄iquina w̄h̄doa paca ḡāh̄are oja ohō dutiri. ¹⁷ Tiquiro j̄i m̄h̄tariquiro n̄c̄a c̄jāno tiquiro wamene, tiquiro ya numerore oja ohōñequinare ne dū dutierari. Sa yero tiquinare dua dutierari.

¹⁸ T̄ire quehnoano wacū masiña m̄sa. T̄aho masina ijina n̄c̄a c̄jāno tiquiro ya numerore quehnoano ih̄ña masiña. Ti numero m̄h̄no wame yero saha ijire. Ti numero seis cientos sesenta y seis ijire.

14

Coh̄c̄j̄ tiquiro ȳh̄d̄oriquina wahma basayere basahye

¹ Came Siō wame tid̄u c̄n̄u bui ducuriquirore Corderore ih̄ñ̄a. Tiquiro mehna ciento cuarenta y cuatro mil masa ijiri. Tiquina tiquiro ye wamene, tiquiro Pac̄aro ye wame ḡāh̄are tiquina w̄h̄doa pacare tiquina oja oh̄ñohriquina ijiri. ² Tiquinare ȳh̄u ih̄ñ̄aḡūta m̄h̄m̄s̄ep̄u yahuducuro ca tari. Pajiri peo bisiro saha p̄o tutuaro bisiro saha bisiro ca tari tiquiro yahuducuye. Sa yero arpa wame tiyere tiquina b̄uā p̄t̄ēno saha bisiro ca tari tiquiro yahuducuye. ³ Top̄u p̄h̄toro dujiro cahap̄u pititiaro sijoro saha bajuyequina, Jesu yequina p̄h̄toa ḡāh̄u ijiri. Sa ye tiquina poto ciento cuarenta y cuatro mil masa ducuri. Top̄u ducuye, wahma basayere basaye nidi. Ti basayere tiquina dihita masidi. Cristo ȳh̄d̄oriquina dihita ti basayere masidi. Tiquina ahri yehp̄ap̄u ijimediquina tiquiro ne m̄oriquina ijiri. ⁴ Ne tiquina ih̄c̄ā tahaḡā numiño mehna ñano yerari. Sa ye Corderore ih̄ñ̄a c̄ñequina ijieye, tiquiro yere sa yeducuyequina ijiri. Sa yero ñañequina mehna ijieyquinare tiquiro ȳh̄d̄oatiquinare ned̄i Coh̄c̄j̄ pehe. Sa tiquiro ȳh̄d̄oriquina ijieye, Coh̄c̄j̄ yequina ijiatiquina, Cordero yequina ijiatiquina ḡāh̄u j̄i m̄h̄tariquina ijiri. ⁵ Sa ye tiquina mehna c̄j̄ēna ne ih̄c̄āquiro ni mehoriquiro mariedare. Sa ye Coh̄c̄j̄ tiquiro t̄ahotuḡū ñañe marieñequina ijiri tiquina.

Intiario angele yahuducu dijioahye

⁶ Came m̄h̄m̄s̄ep̄u w̄riquirore angelre ih̄ñ̄a. Tiquiro ahri yehpa c̄j̄ēnare, ijipihtiye cururi c̄j̄ēnare, ijipihtiye yahuducuyere yahuducuyequinare, ijipihtiye yehpari c̄j̄ēnare, quehnoañe buheyere yahuatiquiro ijiri. Ti buheyere ne comesaeraye, sa ijiducure. ⁷ Sa yero angel sañuducuro ohō saha ni yahuducu dijiori:

—Coh̄c̄j̄are cueya. “Tutua ȳh̄d̄uaḡu, quehnoa ȳh̄d̄uaḡu ijire”, niña tiquirore. Yo-jop̄are masare tiquiro buhiri dahreati p̄je ijiro nine. Tiquiro m̄h̄m̄s̄ere, ahri yehpare, pajiri mare, m̄ari pohteri ḡāh̄are yeriquiro ijire. Sa yena tiquirore d̄usepe curi mehna quehe sa, ño peoya, ni sañuducuri angel.

⁸ Tiquiro sa nidi bato apequiro angel m̄h̄m̄s̄ep̄u w̄riquiro ohō saha ni yahuducu dijiori:

—Tiquinare coh̄ā c̄āhri. Pajiri maca Babilonia wame tiri maca c̄j̄ēnare coh̄ā c̄āhri Coh̄c̄j̄. Tiquina tiquiro coh̄āriquina pehe ijipihtiyequina apequinare ñano yeḡū yer̄i. Queheyequina vinore tiquina tutuaro cahmeno saha tiquina ñañene tutuaro cahmeñe, Babilonia c̄j̄ēnare ih̄ñ̄a c̄ūri. Sa yero Coh̄c̄j̄ tiquinare tutuaro buhiri dahrer̄i, ni yahuducu dijiori apequiro angel.

⁹⁻¹⁰ Tiquina p̄h̄aro angele tiquina sa nidi bato apequiro angel tiquina bato w̄riquiro ohō saha ni yahuducu dijiori:

—Ijipihtiyequina n̄c̄a c̄j̄ānore ño peoyequinare, tiquiro queoyere ño peoyequinare, tiquina w̄h̄doa pacare, tiquina omocarine tiquiro wamene oja oh̄ñohriquina ḡāh̄are buhiri dahrerota Coh̄c̄j̄. Tiquina mehna usuaro, tiquina p̄ūritare tutuaro waro buhiri dahreducurota Coh̄c̄j̄. N̄c̄a c̄j̄ānore ño peoyequina ijipihtiyequina pecap̄u wahaeta. Top̄u tutuaro pur̄ñota tiquinare peca mehna, azufre wame tiye mehna tiquina wijiari peca mehna. Quehnoañequina angele, Cordero ḡāh̄u tiquina ih̄ñ̄onop̄u ñano ȳh̄dueta tiquina. ¹¹ Ti peca sa ohmeo tiducurota. Ne yatisi. Tiquinare sa pur̄ñucuḡū yere. Ijipihtiyequina n̄c̄a c̄j̄āno poto d̄usepe curi mehna quehe sa, ño peoyequinare sa pur̄ñucurota. Decoripe, ñaminipe sa pur̄ñucu c̄āhnota. Tiquiro queoyere ño peoyequina, tiquiro wamene oja oh̄ñohriquina ḡāh̄u sata ñano ȳh̄dueta, ni yahuducu dijiori angel.

¹² Sa tiquina ñano ȳh̄d̄uḡū ih̄ñ̄ana Coh̄c̄j̄ yequina tiquiro dutiyere yena, Jesure coh̄ādarina ijina, tiquiro yere duhuerac̄āh̄a. Ñano ȳh̄d̄n̄epenata Coh̄c̄j̄ yere coh̄āedac̄āh̄a.

¹³ Came m̄h̄m̄s̄ep̄u ȳh̄are yahuducuro ca taḡū t̄ahou. Ohō saha nidi ȳh̄are:

—Ahr̄ire ojoaya m̄h̄u. Coh̄c̄j̄ yequina tiquirore coh̄ādarina ijina yo-jop̄are m̄sa yariari bato ḡāh̄are bucuena ijire m̄sa, ni yahuducu dijiori ȳh̄are.

Tiquiro sa nidi bato Espíritu Santo pehe ohō saha ni nemori t̄ja:

—Sa t̄j̄ire. Poto t̄j̄ire. Tiquina tutuaro tiquina dahrayere duhu, soeta. M̄h̄m̄s̄ep̄u tiquina wahaḡū quehnoano tiquina yerire wac̄ñota Coh̄c̄j̄. Sa yero tiquina sa yer̄i wapa tiquinare quehnoano yerota. Sa

ye tiquina bucueyequina ijire, ni nemori Espiritu Santo.

Wese cjê oteye ducare mari bese neno saha Cohâcjâ tiquiro yequinare bese nenota. Nãñequina pehere sijoro bese docorota

¹⁴ Came ehmeo curua yehseri curuare ihñaa. Ti curua bui masano yero saha bajuriquiro dujiri. Tiquiro uru behto puhtoro pesari behto borore pesari. Sa yero dihi pjî siori pjîne cœori tiquiro. ¹⁵ Came apequiro angel Cohâcjû wuhapũ ijiriquiro wijia tari. Sa wijia taro tutuaro sañuducuri ehmeo curua bui dujiriquirore:

—Mahu dihi pjî mehna wese cjê ducare ahri yehpa cjê ducare dute ne pehoya. Yojoꝛapũ tiquiro queori pje esare. Yojoꝛapũ dũca nenî pje esare, nidi angel.

¹⁶ Tiquiro sa nigũ tuhoro tiquiro dihi pjî mehna ahri yehpa cjê ducare ne ducari ehmeo curua bui dujiriquiro.

¹⁷ Came apequiro angel gãhu Cohâcjû wuhapũ ijiriquiro wijia tari. Tiquiro gãhu dihi pjî siori pjîne cœori. ¹⁸ Sa yero apequiro angel altar cahapũ ijiriquiro wijia tari. Tiquiro pehe altar cjâ pecare ihña ihboriquiro ijiri. Sa wijia taro dihi pjî siori pjîne cœoriquirore sañuducuri:

—Mahu dihi pjî mehna ahri yehpapũ ijiri wese, uhse wese cjê ducare neña. Uhse pehe ñi tuhasari, ni sañuducuri.

¹⁹ Tiquiro sa nigũ tuhoro angel tiquiro ya pjî dihi pjî mehna ahri yehpa cjê uhse tũhorine yuhre nedi. Tiquiro sa yeri bato ti tũhorine uhse tũhorine tiquiro ñatihãtopũ cohãri. Tiquiro sa cohãriro saha Cohâcjû tiquirore cahmeeñequinare tutuaro usuaro, cohãnota. ²⁰ Ti maca duhtũ cahapũ tiquina ñatihãtopũ ti uhse tũhorine ñatihãri. Topũ tiquina ñatihãgũ dii wijjari. Dii ma yero saha ijiri. Tres cientos kilómetro yoari ma, ihcã metro quehnoano ape metro deco uhcũari ma ijiri.

15

Masa tiquina ñano yuhduatire angele cû bato tiahye masare

¹ Came uhmũseꝛũ sijoro saha ijirore ihñaa. Tire ihñañe masa ihña maria wahaga. Ahri yehpapũre dahse wahatore marine ihñori. Sa yero ti ihyo waro ijierare. Ohõ saha ihñaa: Siete angele ijiri. Cohâcjû usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cûatiquina ijiri.

² Angelere yuhũ ihñari bato pajiri mare quehnoano aco sitiri ma yero saha ijiri mare ihñaa. Ti ma peca mehna ijiri ma ijiri. Sa yegũ nũca cjãnore tiquiro queoye gãhũre yuhduũcayequinare ihñaa. Tiquina tiquiro wamene tiquiro ya numerore

cœoyequina ijiri. Tiquina yuhũ ihñagũ pajiri ma aco sitiri ma duhtũ cahapũ ducuri. Topũ ducuyequina arpa wame tiyere bua puñẽne cœori. Ti bua puñẽne Cohâcjû tiquiro ohori ijiri. ³ Sa ye Cohâcjû cahacjãno, Moise ye basayere basaye nidi. Cordero ye basaye gãhũre basaye nidi. Ohõ saha ni basari:

Ušã puhto mahũ Cohâcjû tutua yuhduagu ijire. Mahũ yerire ihñana ihña maria wahaja ušã. Mahũ yeri quehnoa yuhduare. Mahũ ijipihitiye yehpari cjẽna puhto ijire. Quehnoano ni mehono marieno yeducure mahũ. Ijipihitiyequina mahũre cueeta. ⁴ Ijipihitiyequina mahũre “Tutuagu ijire”, nieta. Mahũ dihita ñãñe mariega ijire. Ijipihitiye yehpari cjẽna mahũ cahapũ esaye, dusepe curi mehna quehe sa, mahũre ño peoeta. Sata yeeta tiquina ijipihitiyequina queoro mahũ yerire ihñañe, ni basaye nidi tiquina.

⁵ Came uhmũseꝛũ ihña maogu, Cohâcjû wuhũ pœori wuhũre ihñaa. Topũ Cohâcjû ijiri tucũ waropũ Cohâcjû dutiye tiquiro ojoari pjîni uťã pjîni tiquina ihbori pjîni ijiri. ⁶ Ti wuhũre yuhũ ihñagũta siete angele ti wuhũ puhiapũ ijiriquina wijia tari. Tiquina Cohâcjû buhiri dahre dutiro tiquiro cûatiquina ijiri. Tiquinape tiquina buhiri dahreatire cœori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna tuã dihoriquina ijiri. ⁷ Ti wuhapũ ijiriquina tiquina wijia tagũ pititiaro sijoro saha bajuyequina mehna cjãno tiquinare siete angelere siete uru parire ohori. Ti pari Cohâcjû usua tiquiro buhiri dahreati mehna quehnoano wahpari ti pari. Tiquiro Cohâcjû sa ijiducuriquiro ijire. ⁸ Tiquiro sa ohogũ Cohâcjû wuhũ puhiapũ tiquiro asi siteye mehna tiquiro tutuaye mehna ohmeo ti sehśaa wahari. Sata ohmeo wuhũ wahagũ ne masa ti wuhũre saja masiedari. Siete angelere Cohâcjû buhiri dahre dutiro tiquiro cûiro saha masare tiquina buhiri dahre tuhasari bato pari turi ti wuhapũ saja masine tja. Tiquiro buhiri dahreato pano saja masiedari.

Cohâcjû masare tiquiro buhiri dahreatore yahuahye

16

¹ Came Cohâcjû wuhapũ tutuaro yahuducuro ca tari. Siete angelere yahuro nidi:

—Siete paripũ pose tiyere yehpapũ pio sitedoque dijiona wahaya. Yehpa cjẽnare Cohâcjû tiquiro nidiro sahata buhiri dahreya yojoꝛapũ, ni yahuducuro ca tari.

² Tiquiro sa nigã tuhoro iji muhtariquiro angel tiquiro cœori papu pose tiyere yehpapu pio sitedoque dijiori. Tiquiro sa pio sitedoque dijiogã nucu cãano wamene ojoa ohõnohriquina, tiquiro queoyere ño peroriquina ñano camì tiri. Ti camì tutuaro puri di tiquinare.

³ Tiquiro sa pio siteri bato apequiro angel tja tiquiro cœori papu pose tiyere pio sitedoque dijiori tja pajiri mapu. Tiquiro sa pio sitedoque dijiogãta ti ma dii ma wahari. Yariariquiro dii yero saha ijiri ti dii. Sa wahagã ti ma puhia pu ijieyequina yaria pihtia wahari.

⁴ Puaru tiquina sa pio siteri bato apequiro angel tja tiquiro cœori papu pose tiyere pio sitedoque dijiori tja mãripu, ti mãri poheteripu gãhure. Tiquiro sa pio sitedoque dijiogã mãri dii mãri dihita wahari. ⁵ Sa wahagã ihãano apequiro angel mãrine cohteriquiro ohõ saha nidi:

Cohãcãu mahu ñaãe mariegu ijire. Yojo pu gãhure sa ijiducugu ijire mahu. Panopu gãhure sa ijiducue tiri mahu. Sa yegu masa tiquina ñano yegã ihãagu queoro buhiri dahri mahu tiquinare. Dii mãrine yegu quehnoano yeri mahu. ⁶ Nucu cãano yequina pehe mahu yequinare wejẽne, dii cohãgã yeri. Mahu yere yahueyequina gãhure wejẽne, dii cohãgã yeri. Tiquina sa wejẽdi buhiri mãri dii mãri wahari. Sa ye tiquinare diire mahu sa sihnigã yegã quehnoarĩne. Sata mahu buhiri dahregã tiquina ye buhiri ijire, nidi mãrine cohteriquiro angel.

⁷ Tiquiro sa nidi bato altarpu yahuducuro ca tari:

–Sa tjire. Cohãcãu usã puhto tutua yuhduagu ijire mahu. Ni mehono marieno, queoro masare bese, buhiri dahre mahu, ni yahuducuro ca tari.

⁸ Ihtiaro angele tiquina pio siteri bato apequiro angel tiquiro cœori papu pose tiyere pio sitedoque dijiori tja asã deco cãano bui. Tiquiro sa pio sitedoque dijiogãta asãre masare tutuaro asigã yeri Cohãcãu. ⁹ Sa yero asã deco cãano masare tutuaro asiri. Sa ye Cohãcãu tiquinare tiquiro buhiri dahre dutigã masiãe, tiquirore ñano yahuducuri masa. Sa ñano yuhduapeta tiquina ñaãe yerire ne bujua witiarari. Sa ye duhuerari. Cohãcãre “Tutuagu ijire”, ni ño peo duerari.

¹⁰ Pititiaro angele tiquina pio siteri bato apequiro angel tja tiquiro cœori papu pose tiyere pio sitedoque dijiori tja nucu cãano tiquiro dujiro bui. Puhtoro dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpapu nahitiaa wahari. Sa ye tiquiro

yequina masa ñano purigã bahque dihori. ¹¹ Tiquinare ñano puriepegãta ñano camì tiepeta, ne tiquina ñaãe yerire bujua witiarari. Sa ye tire duhuerari. Sa ye Cohãcãu tiquinare tiquiro camì dahregã masiãe tiquirore ahmuse cãanore ñano yahuducuri.

¹² Ihcã omopequina angele tiquina pio siteri bato apequiro angel tja tiquiro cœori papu pose tiyere pio sitedoque dijiori tja Eufrates wame tiri ma pajiri mapu. Tiquiro sa pio sitedoque dijiogãta ti ma sihi quehea wahari. Asã muja taro cãena puhto yequina masa mehna ti mare tiquina pehã tatore sa yeri.

¹³ Came ihtiaro wafãre taharocua yero saha bajueyequinare ihãau. Ihcãquiro pinono puhia pu ijiri tiquiro tiquiro duseropu wijia tari. Apequiro wafãno nucu cãano duseropu wijia tari. Apequiro wafãno “Cohãcãu yere yahu muhtagu ijiaja”, ni mehoriquiro duseropu wijia tari. ¹⁴ Sa ye tiquina ihtiaro wafã tutuaye mehna yeyequina ijiri. Ijipihtiro cãena puhtoare cahmecoagã yeri tiquina cahme wejẽ dutiye tehe. Tiquina sa cahme wejẽati deco Cohãcãu tutua yuhduariquiro ijipihtieyequinare tiquiro dutiati deco, pihtiatu deco ijire.

¹⁵ Ohõ saha nidi Jesu: “Ihããa musa. Yaqueriquiro wacũeno mehna tiquiro yaquero ahtaro saha yuhu gãhu wacũeno mehna ahtaãtja. Yuhu ahtatore quehnoano cohteriquiro bucueriquiro ijirota. Tiquiro ye suhtire quehnoano quehnoyuriquiro yero saha yeere quehnoano yeriquiro ijire bucueriquiro. Sa yeriquiro ijiro yuhu ahtagã suhtã marieniquiro tiquiro bæ tiboriro saha bæ tisi tiquiro”, nidi Jesu.

¹⁶ Came ihtiaro wafã yehpari cãena puhtoare cahmecoagã yeri tiquinare. Tiquina cahmecoano Hebreo ye mehna “Armagedon”, wame tiri.

¹⁷ Seis angele tiquina pio siteri bato apequiro angel tja tiquiro cœori papu pose tiyere ehmeo cururi cahapu pio sitedoque dijiori tja. Tiquiro sa pio sitedoque dijiori bato puhtoro dujiropu Cohãcãu wuhapu tiquiro dujiropu tutuaro yahuducuro ca tari:

–To punota ijiaja, nino ca tari.

¹⁸ Tiquiro sa nigãta mia sitedoqueo, upo pa maa, sijoro saha ijiro bisi maa, cuaro yehpa ñuhmida. Ahri yehpapu masa tiquina iji ducari bato ne sa ñano yehpa ñuhmida tiri. Apeye ñuhmiãe yuhduoro cuaro yehpa ñuhmida. ¹⁹ Sa ñuhmigã pajiri macare ihtia maha yihti maa wahari. Sa ye bujaye macari ahri yehpapu ijieye macari sehte dijiaa wahari. Sa yero Babilonia wame tiri maca pajiri maca cãenare wacũri Cohãcãu tiquinare buhiri dahre taro. Tiquina

ñañene yeri buhiri tiquina mehna tutuaro usuari. Sa usuaro tiquinare tutuaro buhiri dahreri. ²⁰Tiquiro sa yegū ijipihitiye nūcəpə, cənū cju gūhū cohō pihtia wahari. Sa ye ne mariedare. ²¹Sa ye bujəye paca aco paca yəhəye paca yehparū masa bu bora dijia tari. Ijipihitiye paca aco paca cuarenta kilo nūcəñe paca ijiri. Tiquina bui ti paca sa bora dijia tagū Cohācju masare tiquiro tutuaro buhiri dahregū masiñe ñano yahuducuri masa Cohācjuere.

17

Ҫмua mehna ñano yeducuricorore ña yuhduaro yericorore buhiri dahre dutirotā

¹ Came siete pari cəoyequina angele mehna cjanō yuhū caharū wihiro ohō saha nidi yuhure:

—Ihñagu ahtaya. Peye mări bui dujiricorore amua mehna ñano yeducuricorore ña yuhduaro yericorore Cohācju tiquiro buhiri dahreatire ihñagu ahtaya mūhū. ² Ahri yehpa cjenā pūhtoa ticoro mehna tiquina ñano yeboro saha ticoro yero saha yeri. Cohācju ye pehere cahmedari. Ahri yehpa cjenare ticoro quehegū yeboro saha tiquina mehna ticoro ñano yeboro saha ticoro masare ñañene tutuaro cahmegū yeri. Sa yero ñañene yegū yeri masare, ni yahuri angel yuhure.

³ Tiquiro sa nidi bato Espiritu Santo pehe yuhure ihñori: Angel pehe masa marienopū neari yuhure. Topū numinore ihñan. Ticoro nūcə cjanō sohāriquiro bui pesaricoro ijiri. Nūcə cjanō pehe tiquiro pagapū peye wame tiquina oja ohōnohriquiro ijiri. Ti wame ñañe wame Cohācju tiquiro ihña yabiye wame ijiri. Sa yero siete dapu paca tiriquiro, diez sahari tiriquiro ijiri nūcə cjanō. ⁴ Sa yero numino pehe quehnoano yəhsaye suhti pūhtoa tiquina sañañe suhti saha ijiyere sañaricoro ijiri. Sohāñe suhti gūhure sañaricoro ijiri. Peye urure, wapa tiye utāre, perla pjeri gūhure ohōri suhtire sañaricoro ijiri ticoro. Sa yero uru pare cəori ticoro. Ti papū pose tiye ñañe ticoro yeri jiri. Ҫmua mehna ñano yero, pajiro ñano yeri ticoro. Ti ñañene ihña yabire Cohācju. ⁵ Ticoro wūhdoapū ticoro wame tiquina oja ohōnohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihitiye wəana tiye dahpoto cjanō, ña yuhduayere yericoro ijire”, ni, ticoro wūhdoapū tiquina oja ohōnohricoro ijiri. ⁶ Sa yero ticoro peyequina Cohācju yequinare wejedicoro ticoro ijigū masii. Queheyere ticoro bucuero saha tiquinare wejēno, tiquina dii cohāgū bucueri ticoro. Jesure tiquina cohāedari buhiri ticoro

wejēdi tiquinare. Ticorore ihñagu, ihña maria wahau.

⁷ —¿Duhsegu mūhū ihña maria wahajari? nidi angel yuhure.

Sa nino yuhure ohō saha ni nemori:

—Mūhū masiedarire mūhure yahutja. Numinore mūhure yahutja. Ticoro pesariquiro gūhure yahutja. Tiquiro nūcə cjanō ijiri. Sa yero siete dapu paca tiriquiro, diez sahari tiriquiro ijiri. ⁸ Tiquiro panopū ijiriquiro ijiri. Yojoḡəre mariedare tiquiro. Came tiquiro uhcāri coperū ijiriquiro wijia tarota. Tiquiro sa wijia tari bato pecapū waharota. Ahri yehpa cjenā tiquirore ihña maria, ño peori tiquirore. Ahri yehpa ijiatō pano Cohācju tiquiro yequina ijiatiquinare sa ijducuatiquinare tiquina wamene oja ohōhəye. Tiquiro oja ohōnohedariquina ijiri nūcə cjanore ño peoyequina. Tiquiro pehe panopū ijiri. Yojoḡū pehere mariedare. Camerū pari turi bajarota. Sa ye tiquiro bajuagu ihñañe masa tiquirore ihña maria wahaeta.

⁹ Yojoḡəre yuhū yahuatire masi duana, quehnoano tūhonata masa. Sa yena tūho masina ijija. Nūcə cjanō dapu paca siete dapu paca siete cənū cju ijire, mari queoye mehna buhegū. Ti cənū cju buipū pesare ticoro amua mehna ñano yeducuricoro. ¹⁰ Ti dapu paca siete pūhtoa yero saha ijire, mari queoye mehna buhegū. Peyequina masa pūhtoa ijire. Ihcā omopequina pūhtoare cohā tuhasari. Apequiro tiquina bato ijiriquiro pūhtoro ijire yojoḡəre. Apequiro pehe came pūhtoro sajanota. Sa sajanō mehenogā pūhtoro ijirota tiquiro. ¹¹ Sa yero nūcə cjanō sohāriquiro panopū iji mūhtariquiro, yojoḡəre marieniquiro tiquina siete pūhtoa bato pūhtoro ijirota. Siete pūhtoa mehna cjanō ijire. Came pecapū waharota.

¹² Nūcə cjanō sahari diez sahari diez pūhtoa yero saha ijire, mari queoye mehna buhegū. Peyequina masa pūhtoa ijire. Tiquina pūhtoa sajedare yojoḡū. Camerū pūhtoa sajanā mehenogā pūhtoa ijietā. Yoari pje iji dutisi tiquinare. Sa pūhtoa ijije nūcə cjanō mehna pūhtoa ijietā. ¹³ Tiquina diez pūhtoa ihcāno saha tūhotuyequina ijire. Sa ijije tiquina nūcə cjanore tiquina ye yehpari cjenā pūhtoro sōeta. ¹⁴ Sa ye Cordero mehna cahme wejēeta. Tiquina sa cahme wejēpegūta Cordero tiquiro beseriquina mehna tiquirore ne cohāñequina mehna tiquinare yuhducaeta. Tiquiro ijipihitiyequina apequina pūhtoa bui pūhtoro ijire. Sa yero tiquinare yuhducarota, nidi angel yuhure.

¹⁵ Ahrire yuhure yahu nemori angel:

—Ҫmua mehna ñano yeducuricoro mări bui dujiri. Ti mări ahri yero saha ijire

mari queoye mehna buhegā: Ijipihtiye yehpari cjēna, peye cururi cjēna, peye yahuducuyere yahuducuyequina yero saha ijire ti māri. ¹⁶ Nūcu cjāno, diez puhtoā gūhu ūmua mehna űano yeducuricorore ihña yabieta. Tiquina diez puhtoā nūcu cjāno mehna ticoro yere ehma peho, suhti mariedicoro cohāeta ticorore. Sa ye ticoro pagure ihyaeta. Tiquina sa yeri bato ticorore ūjāa pehoeta. ¹⁷ Tiquina diez puhtoā ihcāno saha tūhotuye, nūcu cjānore tiquina ye yehpari cjēna puhtoro sōeta. Tiquinare sa yegū yeri Cohācjā, tiqiuo cahmeno saha yero taro. Sa yero nūcu cjāno pehe puhtoro ijirota. Ijipihtiye Cohācjā panorū tiqiuo yahuriro sahata tiqiuo yeri bato nūcu cjānore cohānota. ¹⁸ Ticoro mūhu ihñaricoro mehna ohō saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtiyequina apequina puhtoā bui ijire ti maca cjēna, nidi angel yūhure.

18

Babilonia wame tiri maca tiqiuo cohāri maca ijire

¹ Came apequiro angel ūmūsepū dijia tariquirore ihñā. Tiquiro puhtoro waro ijiri. Sa yero tiqiuo asi siteye ijipitiropū quehnoano buhrio sehśaa wahari. ² Tiquiro sa dijiari bato tutuaro sañuducu yahuri:

—Cohāri jiri. Babilonia wame tiri maca pajiri maca cjēnare cohāri jiri. Yojoṗare wafīa, peyequina űañequina pagū bajueyequina gūhu ti macapū ijiye nine. űañequina boro minicjua pari gūhu ti macapū ijiye nine. Tiquina minicjua masa tiquina ihña yabiyequina ijiri. ³ Ijipihtiye yehpari cjēna ti maca cjēnare űañequinare ihña cūñe, tiquina gūhu űano yeri. Sa ye ahri yehpari cjēna puhtoā ti maca cjēna numia mehna űano yeri. Ticoro sa ūmua mehna űano yeducuricoro ijiro wapa tiyere dūe tiri. Pajiro ticoro sa dūgū ahri yehpa cjēna doeri cjē duayequina pajiro wapatarī, ni yahuri angel.

⁴ Came pari turi ūmūsepū yahuducuro ca tari. Ohō saha nidi:

—Yeequina, ahricoro ūmua mehna űano yeducuricoro mehna ijieracāhña masa. Ticoro mehna masa ijigū masa gūhure buhiri dahrerota. Sa yena ticoro űano yeyere ihña cūedacāhña. ⁵ Ticoro űano yeri peye ijire. Ticoro űano yerire pari tju mari duhu peo mūogū ti tju pehe ūmūsepū wahā sa cāboaga. Sa ye ticoro űano yeri peye ijire. Sa yero ticoro űano yerire wacūre Cohācjā. Sa wacūno ticorore buhiri dahre dutirota. ⁶ Ticoro tutuaro tiqiuo buhiri dahrenohaticoro ijiahro.

Masare ticoro űano yegū yeriro saha ticoro gūhure űano yūhdugū yeahro. Masare ticoro sa űano wahagū yeriro saha ti yūhdūoro ticorore űano buhiri dahreahro. ⁷ Ticoro “Quehnoago ijiaja”, ni tūhotumedi. Sa ni tūhoturo, wapa bujuyere pajiro cūori ticoro. Ti wapa bujuyere pajiro ticoro cūoro punota ticorore pajiro űano yūhdugū yeahro. To punota ticorore bujua witiḡū yeahro. Ticoro basi ohō saha ni tūhotumene. “Ohōrū dutiḡo dujiaja. Wape wiho ijieraja. Sa yego ne űano yūhdūsi yūhu”, ni tūhotumene ticoro. ⁸ Sa ni tūhoturicoro ijigū wacūeno mehna ticorore buhiri dahrerota. Ticoro dohati, yariariquinare yahco uti, ūjua ahbarota. Sa yero ticorore ūjāa borota. Masa puhtoro Cohācjā ticorore buhiri dahre dutiriquiro tutua yūhdūariquiro ijire. Sa yero sa yūhu nidiro saha ticorore buhiri dahre dutirota, nino ca tari ūmūsepū.

⁹ Sa ye ticoro yero saha ijiri macare Cohācjā tiqiuo buhiri dahri bato ahri yehpa cjēna puhtoā tutuaro bujua witi, utieta. Ti maca cjēna mehna űano yeyequina ijiri. Ti maca ūjāgū ihñāñe utieta tiquina. ¹⁰ Sa ūjāgū ihñāñe tiquina puhtoā yoaropū ihñadoqueoducuetā, “Ūsā gūhure buhiri dahreari”, niñe. Topū ihñadoqueoducuyē ohō saha nieta:

—Yohou, pejecūori maca ijire, Babilonia. Si maca pajiri maca tutuari maca ijimedi. Wacūeno mehna si macare buhiri dahri, nieta tiquina.

¹¹ Ijipitiro cjēna doeri cjē duayequina ti macare ihñāñe tutuaro bujua witi utieta. Ti maca pihtigū ihñāñe, tiquina ye doeri cjēne dūyequina mariedagū ihñāñe bujua witieta tiquina. Sa ye utieta. ¹² Tiquina ne cāhtarire urure, platare, wapa bujūye ūtāre, perla wame tiye paca gūhure dūyequina marisi. Sa ye apeye tiquina ne cāhtarire suhti quehnoañe suhtire, yahsaye suhti puhtoā tiquina sañāñe suhti saha ijiye suhtire, seda wame tiye suhtire, sohāñe suhtire dūyequina marisi. Sa ye apeye tiquina ne cāhtarire yucari ehme sitiye yucari dūyequina marisi. Sa ye apeye tiquina ne cāhtarire marfil wame tiye mehna tiquina yerire, wapa bujūye cju mehna tiquina yerire, bronze wame tiye come mehna tiquina yerire, come butiye mehna tiquina yerire, marmol wame tiye mehna tiquina yerire dūyequina ne marisi. ¹³ Sa ye apeye tiquina ne cāhtarire canela wame tiyere tiquina ihyayere ocagū yeyere, apeye tiquina ihyayere ocagū yeyere, bueyere, mirra wame tiye ehme sitiye, apeye ehme sitiye dūyequina marisi. Sa ye apeye tiquina ne cāhtarire vinore, ūhse ihyaye moreñene, trigore, trigo pjerire, wecūare, corderoare, caballoare, tunuñe cohriro caballoare tiquina wejeje cohrirore

dúyequina marisi. Cahacjēnare dú tiquinare c̄oyequina gūh̄u marisi. Masa tiquina ijiepegūta tiquinare dúyequina ijimedi. Yojobare marisi. Sa ye buj̄na witieta doeri cjēne duayequina. ¹⁴ Sa ye oh̄o saha nieta tiquina ti maca cjēna ijiriquinare:

—Adei, ñabutiario wahayari. Ijipihtiye m̄sa cah̄imedi pihtia wahari. Sa ye ijipihtiye quehnoañe m̄sa c̄omedi pihtia wahari. Sa yena tire pari turi bocasi m̄sa, nieta doeri cjēne duayequina.

¹⁵ Tiquina ti macare doeri cjēne duaye, pajiro wapatamedi. Sa ye tiquina ti macare yoarop̄u ih̄ñadoqueodueta, “Ūsā gāh̄are buhiri dahreari”, niñe. Sa ih̄ñadoqueoducuye ti macare tutuaro buj̄na witi utieta. ¹⁶ Oh̄o saha nieta ti macare:

—Adei, pejec̄oyequina ijire si maca pajiri maca quehnoari maca cjēna m̄na. Si maca numino yero saha quehnoañene c̄ori. Numino pehe quehnoañe suhtire, yahsaye suhti p̄h̄toa tiquina sañañe saha ijie suhtire, soh̄ñe suhti gāh̄are sañari. Sa yero uru, wapa buj̄nye utā, perla wame tiye paca oh̄ori suhtire sañari. Sa yeri si maca cjēna. ¹⁷ Sa ye wac̄ieno mehna si maca buti pihtia wahari, nieta ti macare.

Sa ye ijipihtiyequina yucasari mehna tiniñequina, ti yucasari opana, tiquina m̄na, arequina pajiri map̄u dahra wapatayequina gūh̄u ti macare yoarop̄u ih̄ñadoqueodueta. ¹⁸ Top̄u ih̄ñadoqueoducuye ti macare to wj̄gū ih̄ñañe oh̄o saha ni sañuducuetā:

—Quehnoañe macari si maca yero saha ijie macari ne apeye macari mariedare, ni sañuducuetā tiquina.

¹⁹ Sa buj̄na witiyequina ijie tiquina dapu paca bui dihtare orē peoeta. Sa ye tutuaro yahco utiye oh̄o saha nieta:

—Adei, pejec̄oyequina ijire si maca cjēna m̄na. Quehnoari maca ijimedi. Ijipih̄tina yucasari c̄ona pajiri map̄u tinina ijina si maca cjē doeri cjē mehna quehnoano wapatami mari. Sa ye duita si maca cjē buti pihtia wahari, nieta yucasari cjēna.

²⁰ Ti macare tiquiroye coh̄āgū ih̄ñana bucueya m̄sa ūhm̄se cjāna. Coh̄ācjū yequina, Jesu tiquiroye cūrina, tiquiroye yere yahu muhtarina ijipih̄tina m̄sa bucueya. Ti maca cjēna m̄sare ñano yuh̄dgū yeri. Tiquina sa yeri buhiri buhiri dahreari Coh̄ācjū. Sa yena bucueya m̄sa.

²¹ Sa yero tutuariquiroye angel pajiria utāre ne wahc̄o, pajiri map̄u doque ñori. Sa doque ñono oh̄o saha nidi:

—Ahria utā bora ñojoariroye saha pajiri maca Babilonia wame tiri maca boraro tutuaro bisirota. Sa borari bato ti macare pari turi ih̄ñasi masa. ²² Ti macare butia wahagū yerota. Sa ye ti macap̄u basayere m̄sa basaducuriroye saha ne acaro tisi. Arpa

wame tiyere m̄sa bua putēducuriroye saha, flauta wame tiye pacare, corneta gāh̄are m̄sa putiducuriroye saha pari turi ti macap̄u acaro tisi. Sa ye ti maca mariedagū pari turi ti macap̄u dahrayequina dahrasi. Sa ye utā mehna trigore m̄sa ña m̄toñe gāh̄are t̄ahonohsi. ²³ Ne ti maca buhriroye cuñariroye saha ne ijisi. Sa ye omoca dah̄tena m̄sa bucueyahuducuriroye saha pari turi ne acaro tisi. Ti maca cjāna m̄sa doeri cjēne duana, dūna gāh̄u arequina yuh̄d̄oro c̄omedi m̄sa. Sa yena yayia masare ujuayequina yero saha yena ijipihtiroye cjēnare mehori m̄sa. M̄sa sa yerire ih̄ña mariañe, Coh̄ācjū pehere cahmedari masa, nidi tutuariquiroye angel.

²⁴ Ti maca cjēna Coh̄ācjū yere yahu muhtariquinare arequina tiquiroye yequina gāh̄are ijipih̄tiro cjēnare wejēdi jiri. Tiquina sa wejēdi buhiri buhiri dahreari Coh̄ācjū Babilonia cjēnare.

19

¹ Babilonia dah̄se wahatire yuh̄u ih̄ñari bato ūhm̄sep̄u peyequina masa sañuducue ca tari yuh̄u tuhogū. Oh̄o saha ni sañuducuri:

Aleluya. Coh̄ācjūre quehnoano yahuducuh̄na. Coh̄ācjū marine yuh̄d̄oriquiroye ijire. Tiquiroye quehnoano ño peouh̄na. Tutua yuh̄d̄ariquiroye ijire tiquiroye. ² Mehono marieno queoro masare buhiri dahreari tiquiroye. Ñañe buhiri marieñequinare tiquinare buhiri dahreari. Ñaricorore ūm̄sa mehna ñano yeducuricorore ih̄ña cūñe ijipih̄tiro cjēna, ahri yehpa cjēna ñano yeri. Ticoro pehere buhiri dahreari Coh̄ācjū. Sa yero tiquiroye cahacjēnare ticoro wejēdi buhirire buhiri dahreari tiquiroye, ni sañuducue ca tari.

³ Pari turi sañuducue ca tari tja:

Aleluya. Coh̄ācjūre quehnoano yahuducuh̄na. Ti maca ñari maca tiquiroye wj̄ari maca sa ohmeo tiducurota, ni sañuducue ca tari.

⁴ Sa yere veinticuatro Jesu yequina p̄h̄toa, pititiaro sijoro saha bajuyequina mehna dusepe curi mehna quehe sa, mari Pacare tiquiroye dujiroye dujiriquireroye ño peori. Oh̄o saha ni ño peori tiquina: “Aleluya. Sata yeih̄na. Mari Pacare quehnoano yahuducuh̄na,” nidi tiquina. ⁵ Came p̄h̄toro dujiroye oh̄o saha nino ca tari:

Mari p̄h̄toro Coh̄ācjūre ño peoya. Tiquiroye cahacjāna, tiquiroye ño peona, ihyo ijina, p̄h̄toa gāh̄u ijipih̄tina m̄sa tiquiroye quehnoano yahuducuyā, nino ca tari.

Cordero tiqiro omoca dũhteati deco bose decore yahuahye Ñu

⁶ Came peyequina masa tiquina yahuducugũ tuhõ. Sa ye pajiri peo, apõ mehna tutuaro bisiro saha yahuducue ca tari yuhũ tuhõgũ:

Alেলা. Cohãcãre quehnoano yahuducuhna. Tiquiro mari puhtoro pehe puhtoro sajã tuhasari. Tutua yuhũariquiro ijire tiqiro. ⁷⁻⁸ Cordero tiqiro omoca dũhteati pje ijire yojoõpõre. Tiquiro omoca dũhteaticoro quehnoano tiquina quehno tuhasaricorõpũ ijire. Ticorore quehnoari suhtiro wetẽ marieni suhtirore ohori. Ti suhtiro Cohãcã yequina quehnoañene tiquina yeri yero saha ijire, mari queoye mehna buhegũ. Sa yena ti omoca dũhteati pje ijigũ bucuẽihna mari. Cohãcãre "Tutua yuhũariquiro ijire", niuhna, ni yahuducue ca tari.

⁹ Tiquina sa nidi bato angel ohõ saha nidi yuhũre:

—Ahrĩre ojoa neña: "Cordero tiqiro omoca duhteri deco bose decore tiqiro pijioriquina bucuẽyequina ijire", ni ojoa neña, nidi angel yuhũre.

Sa ninota ohõ saha ni nemori:

—Ijirota ijire ahri yuhũ yahuri. Cohãcã ye yahuducuye ijire, ni nemori yuhũre.

¹⁰ Tiquiro sa nigũ tuhõguta tiqiro caha dũsepe curi mehna quehe sa, tiqirore ño peou tuu nimi. Yuhũ sa yegũ waro ohõ saha nidi tiqiro yuhũre:

—Tĩre yeracãhña. Mũhũ yero saha yuhũ gãhũ Cohãcã cahacjãta ijiaja. Mũhũ acaye Jesu yequina ijipih̄tiyequina tiqiro ye buheyere duhueyequina yero saha yuhũ gãhũ Cohãcã cahacjãta ijiaja. Sa yegu Cohãcã pehere dũsepe curi mehna quehe sa, tiqirore ño peoya, nidi angel yuhũre.

Cohãcã yere yahu mãhtariquina mãna panõpũ cãena Espĩritu Santo yedohoro mehna ti buheyere Jesu ye buheyere yahuahye.

Caballo yehseriquiro bui pesariquirore yahuahye Ñu

¹¹ Came uhmũse parĩ maa wahagũ ihñau. Topũ caballo yehseriquiro ijiri. Tiquiro bui pesariquiro ohõ saha wame tiri: Tiquiro ni-diro sahata yeriquiro poto yeriquiro wame tiri tiqiro. Queoro masare dutiriquiro ijiro, tiqirore ihña tuhtiyequina mehna cahme wejẽne. ¹² Tiquiro caperi peca pohna yero saha ijiri. Sa yero tiqiro dapurũ peye puhto pesaye behtori ijiri. Sa yero tiqiro pagurũ wame ojoa ohõnohriquiro ijiri. Ti wamene tiqiro dihita masidi. Apequina masiedari. ¹³ Tiquiro sañari suhtiro yoari

suhtiro dii wahñari suhtiro ijiri. Tiquiro ohõ saha wame tiri: Cohãcã ye yahuducuyere yahuriquiro wame tiri tiqiro. ¹⁴ Sa ye tiqiro yequina surara uhmũse cãena tiqirore nũnũ tãri. Yehseyequina caballo bui pesayequina quehnoañe iyehseye suhtire, wete marieñe suhtire sañariquina ijiri. ¹⁵ Tiquiro dũserõpũ ñoseni pñine siori pñine cuhñuri. Ti pñi ijipih̄tiye yehpari cãenare tiqiro yuhũdũcaci pñi ijiri. Sa yero tiqiro tutuaye mehna tiqiro dutigũ ne ihcãquiro tiqirore yuhũdũcaco cũsi. Cohãcã ijipih̄tiye yehpari cãena mehna usuare. Tiquiro sa usuagũ caballo bui pesariquiro tiquinare tutuaro buhiri dahrerota. ¹⁶ Tiquiro suhtiropũ, tiqiro ñecu gãhũre ahri wamene ojoa ohõri jiri: "Ijipih̄tiyequina apequina puhto bui puhtoro", ni ojoa ohõri jiri.

¹⁷ Came asũ asiropũ ducuriquirore angelre ihñau. Ijipih̄tiyequina uhmũserũ wãyequina yuca parire sañuducũ muõri tiqiro. Ohõ saha ni tutuaro sañuducũ muõri:

—Cahmecoana ahtaya. Cohãcã tiqiro bose decõpũ ihyana ahtaya. ¹⁸ Peye yehpari cãena puhtoare, surara puhtoare, surara parire, caballoare, tiquina bui pesayequinare, ijipih̄tiyequina apequina masare, cahacjẽnare, cahacjẽna ijieyequinare, apequina puhtoare, ihyo ijieyequinare tiquina ijipih̄tiyequina tiquina pagurũ ijirire ihyana ahtaya, nidi angel yucaare.

¹⁹ Came nũcũ cãnore, ahri yehpa cãena puhto tiquina yequina surara pari gãhũre ihñau. Caballo bui pesariquiro mehna tiqiro yequina surara pari mehna cahme wejẽne tehe cahmecoari tiquina. ²⁰ Tiquina sa cahme wejẽgũ caballo bui pesariquiro nũcũ cãnore peresu yeri. Apequiro "Cohãcã yere yahu mãhtagũ ijiaja", ni mehoriquiro gãhũre peresu yeri. Tiquiro ni mehoriquiro pehe nũcũ cãno tiqiro ihñonõpũ tutuaye mehna ye ihñoriquiro ijiri. Tiquiro sa ye ihñori mehna nũcũ cãno wamene wahñañequinare tiqiro queoyere ño peoyequinare ni mehorĩ "Ahri Cohãcã ye ijire", nino. Tiquina pũarore tiqiro peresu yeri bato tiquinare catiequinareta pecapũ cohãri. Ti peca pajiri ma yero saha pajiri peca azufre mehna uñãri peca ijiri. ²¹ Sa yero dũhsariquinare tiquina yequina surara parire ñoseni pñi mehna tiqiro dũserõpũ ijiri pñi mehna wejẽdi caballo bui pesariquiro pehe. Sa tiqiro wejẽdi bato yuca pari tiquina pagurũ ijirire ihyaye, yapĩ yuhũna wahari.

20

Mil cãmari waro Cristo tiqiro yequina

mehna masare dutirota

¹ Came apequiro angel *ahmusep* tiquiro dijia tagū ihñau. *Uhcua*ri cope cĵa sawire, pajiri da, come da gūhure cūori tiquiro.

² Sa dijia wihiro pinonore ñehedi tiquiro. Tiquiro pinono panopu pinono saha pagu tiriquire ijiro, watño Satana wame tiriquire ijiri. Tiquirore ñeheno tiquirore dūhteri mil cūhmari waro peresu yero taro. ³ Sa dūhte tuhasa, *uhcua*ri copere cūhāri tiquirore ahri yehpari cĵenare mil cūhmari waro tiquiro “Mehoari”, nino. Sa cohā tuhasaro ti copere biha, piha ñehe cāri. Sa yero mil cūhmari bato pari turi meheñe decorigā tiquirore wiorīnota.

⁴ Came puhtoa dujiyere ihñau. Ti dujiyepu dujiyequina gūhure ihñau. Tiquinare masare tiquina besatore ñañene yeyequinare tiquina buhiri dahreatore cūri Cristo. Apequina gūhure ihñau. Tiquina pehe Jesu yere Cohācĵū yere tiquina yahuri buhiri tiquina dapu pacare dūte cohānohriquina ijiri. *Nacu* cĵanore tiquiro queoye gūhure dūsepe curi mehna quehe sa ño peerari. Sa ye tiquina wūhdoa pacare tiquina omocari gūhure tiquiro wamene ojoa ohō dutierari tiquina. Sa ye apequina tiquinare wejēdi bato masaa wahari tĵa. Masari tiquina mil cūhmari waro Cristo mehna puhtoa ijije tehe. ⁵ Apequina Cristo yequina yariariquina muna masaedarīdi. Tiquina wejēdiquina tiquina masari bato mil cūhmari puhtoa tiquina ijiri bato apequina gūhu masaa wahaeta. Sa ye tiquina wejēdiquina muna Cristo yequina tiquiro bato masa muhtañequina ijiri. ⁶ Tiquiro maso muhtariquina pehe tutuaro bucueyequina ijjeta. Ñañe marieñequina ijjeta tiquina. Sa ye pecapu wahasi tiquina. Masa pecapu wahaye, pari turi tiquina yariaro saha wahare. Sa ye tiquina pecapu wahaerare. Masa muhtariquina Cohācĵū, Cristo yequina pahia ijjeta tiquina. Sa ye mil cūhmari waro Cristo mehna masa puhtoa ijjeta.

⁷ Mil cūhmari bato Satanare peresupu ijiriquirore wiorota. ⁸ Tiquirore sa wiori bato ahri yehpa cĵenare mehono waharota tiquiro. Gog wame tiyequinare, Magog wame tiyequina gūhure mehono waharota. Sa ye tiquina tiquiro mehoñene tūhoye, tiquina yequina surara parire cahmecoaeta cahme wejēñe tehe. Surara pari peyequina ijjeta. Pajiri ma cĵē padu pĵeri peye ti ijiro saha peyequina surara ijjeta.

⁹ Sa ye ahri yehparure waha siteye, Cohācĵū yequina tiquina ijiri macare Cohācĵū tiquiro cahīdi macare majare behtoa cahmotaeta. Tiquina sa cahmotari bato Cohācĵū tiquinare *ahmuse* cĵa peca mehna uĵādoque dijiorota. ¹⁰ Sa wahari bato watñore tiquinare mehoriquire

pecapu cohānota. Ti peca pajiri ma yero saha ijiri peca azufre mehna uĵari peca ijiri. Topu *nacu* cĵanore, “Cohācĵū yere yahu muhtagu ijija”, ni mehoriquire gūhure cohā tuhasari. Topu tiquina ijigū deco, ñamipū gūhure sa ñano purīducurota tiquinare.

Cohācĵū masare buhiri dahre bato tire

¹¹ Came pajiro dujirore quehnoano yehserore puhtoro dujirore ihñau. Ti dujiro bui dujiriquiro gūhure ihñau. Ahri yehpa cĵena gūhu *ahmuse* cĵena gūhu tiquirore cueye, duhti oma cāa wahari. Sa duhtiepeta tiquirore duhtye cūedari. ¹² Sa yegu puhtoro poto yariariquina muna tiquina ducugū ihñau. Tiquina ihyo ijijequina, puhtoa ijiriquina gūhu ijiri. Topu tiquina ducugū ojoa ohōñe tĵurire pōori. Ti tĵuri masa tiquina yerire tiquina ojoa ohōñe tĵuri ijiri. Sa yero beseriquiro ti tĵurire ihña tuhasa tiquina yerire masidi. Tire masino yariariquinare beseri ñañequina, quehnoañequina gūhure. Came ape tĵu gūhure pōori. Ti tĵu Cohācĵū mehna sa ijiducuatiquinare tiquina wamene ojoa ohōri tĵu ijiri. ¹³ Came pajiri mapu, diapu gūhure yaria dijariquina wahcā mūjaa wahari. Sa ye yehpa puhapu ijijequina, yariariquina tiquina ijiroru ijijequina gūhu mūjaa wahari. Tiquina sa mūja sagū topu dujiriquiro tiquina yerire masi pehero, tiquinare beseri ñañequina, quehnoañequina gūhure. ¹⁴ Came yariarore, yariariquina tiquina ijiro gūhure cohā cāhri Cohācĵū pari turi mari yariarore. Pecapu cohā cāhri. Ti peca pajiri ma yero saha ijiri peca pajiri peca ijiri. Pecapu wahayequina pehe pari turi yariaro saha wahare. ¹⁵ Sa yero sa ijiducuatiquina tiquina wamene Cohācĵū tiquiro ojoa ohōri tĵupū ijipihtyequina tiquina wamene ojoa ohōmehneñequina pehere pecapu cohāri tiquiro.

21*Uhmusepu, ahri yehpa gūhure wahmare comesarota Cohācĵū*

¹ Came *ahmusepu*, ahri yehpa gūhure wahmare tiquiro comesarire ihñau. *Uhmusepu* iji muhtari, yehparu iji muhtari, pajiri mapu iji muhtari gūhu pihtia wahari. Mariedari. ² Sa yegu yahu Ñu quehnoari macare, wahma macare Jerusalēne ihñau. Ti maca *ahmusepu* Cohācĵū cahapu dijia tagū ihñau. Omoca dūhteaticorore quehnoañe suhti mehna wahma suore omoca dūhteatiquire bucuegū yero taro. Sata ti macare quehnoyuri jiri Cohācĵū, tiquiro yequinare bucuegū yero taro. ³ Tire yahu ihñari bato puhtoro dujiropu tiquiro sañuducugū tūhoye:

—Ihñaña. Yojoḡure masa watoḡu ijiro nine Cohācjū. Tiḡuina mehna ijirota tiḡuio. Sa ye tiḡuio yeḡuina ijietta tiḡuina. Sa yero Cohācjū tiḡuio basi tiḡuina mehna cjāno ijiro, tiḡuina yaḡuio Cohācjū ijirota.⁴ Sa yero sa buceducugū yerota tiḡuio tiḡuinare. Sa ye pari turi buḡu wītisi tiḡuina. Sa ye ne pari turi yariasi tiḡuina. Ne ñano jeripohna tiye, utiye, purīñe gāhu marisi tiḡuinare. Ahri ijipihitiye panḡu cjē ijiri pihitia waharota, ni sañuducuro ca tari.

⁵ Came pahtoro dujirḡu dujiriḡuio ohō saha nidi:

—Ihñaña. Ijipihitiyere wahma comesagū yeitja, nidi.

Tiḡuio sa nidi bato yuhure ohō saha nidi tja:

—Ahri yuhū niñene ojoa neña. Yuhū niñe ijirota ijire. Sa yero yuhū nidiro sahata sa waharota. Sa yeḡu yuhū niñene ojoa neña, nidi yuhure.

⁶ Came ohō saha nidi tja yuhure:

—To punota ijiaḡa. Yuhū ijipihitiyere bamehnedigu ijiaḡa. Sa yeḡu ijipihitiyere pitigū yeacḡu ijiaḡa. Aco wḡoyeḡuina tutaro tiḡuina acore cahmeno saha yuhū cahḡu ahta duayeḡuina yuhure cahmeeta. Sa ye yuhure yahtieta. Yuhū catigū yeḡe aco yero saha ijigū ijiaḡa. Yuhure cahmeñeḡuina yuhū mehna sa ijiducugū yeitja tiḡuinare. Tiḡuina esa tuhoro ye dutiro marieno, yuhū tutuaye mehna yuhū mehna sa ijiducugū yeitja.⁷ Ijipihitiyeḡuina yuhure wacū tutua duhuyequinare ohō saha yeitja: Tiḡuina yaḡuio Cohācjū ijitja. Sa ye tiḡuina pehe yuhū pohna ijietta.⁸ Sa ijiepeta cueye, yeere duhuyequina, yuhure cahmeñeḡuina, ña yuhduyere yeḡeḡuina, masare weḡeñeḡuina, wuana tiyeḡuina, masare ujuayeḡuina yero saha yeḡeḡuina yayia, “Cohācjū ijire”, tiḡuina niñe queoyere ño peoyeḡuina, ijipihitiyeḡuina ni mehñeḡuina pecarḡu wahaeta. Topḡu pajiri ma yero saha ijiri peca pajiri peca azufre mehna ujāno nine. Topḡu wahayeḡuina pari turi tiḡuina yariaro saha wahaye nine, nidi yuhure.

Wahma maca Jerusalēne yahuahye

⁹ Came ihcāḡuio angel yuhū caharḡu wihiri. Tiḡuio siete pari cḡoyeḡuina, tiḡuio buhiri dahre duti cūriḡuina angele mehna cjāno ijiri. Sa wihiro, ohō saha nidi yuhure:

—Ihñagū ahtaya. Cordero tiḡuio omoca duhtericorore ihñoutja muhure, nidi angel yuhure.

¹⁰ Sa yero Espiritu Santo yuhure Cohācjū ya macare ihñori. Ohō saha bajuro ihñori yuhure: Uhmuanu canu buipḡu yuhure ne mujari. Tḡuḡu usā ijigū Jerusalēne Cohācjū ya macare quehnoari macare ihñori yuhure. Cohācjū caharḡu uhmuseḡu ijiri maca dija

taro nidi ahri yehparḡu.¹¹ Cohācjū tiḡuio asi siteye mehna asi siteri maca ijiri ti maca. Wapa tiye utā yero saha asi siteri. Jaspe wame tiye utā yero saha asi siteri. Sa yero vidrio yero saha quehnoano aco sitiri maca ijiri ti maca.¹² Sa yero pajiri sahrīno uhmuari sahrīno tiḡuina sahrī sārī maca ijiri ti maca. Doce sopecahari tiri ti sahrīno. Ti sopecaharipe cohteri angele. Ti maca cjē sope pahmaripḡu Israe masa cururi doce cururipe tiḡuina wame wahñari.¹³ Asū muḡa taro pehe ti sahrīno cḡori ihtia sopecaha. Sur cū pehe pehe ihtia sopecaha ijiri. Norte poto pehe ihtia sopecaha ijiri. Asū sajāno pehe gāhure ihtia sopecaha ijiri. Ijipihitiro doce sopecahari waro cḡori ti sahrīno.¹⁴ Ti sahrīno doce utā paca bui pesari. Ti utā pacape Cordero cūrīna doce tiḡuio cūrīna usāpe wame wahñari.

¹⁵ Sa yero angel yuhure yahuriḡuio queoḡu uru mehna tiḡuina yedure cḡori. Ti macare, ti maca cjē sopecaharipe, sahrīno gāhure queoro taro nidi.¹⁶ Ti maca yoaro punota ehsaro gāhu to punota ehsari. Uhmuanu gāhu to punota uhmuari. Sa yero angel queoḡu mehna ti macare queori. Ti maca dos mil doscientos kilómetro yoari maca ijiri. To punota ehsari maca ijiri. To punota uhmuari maca ijiri.¹⁷ Sa yero ti maca cjā sahrīnore queori angel. Sesenta y cinco metro uhmuari sahrīno ijiri. Masa mari queoro sahata queoro nidi tiḡuio angel.

¹⁸ Ti sahrīno jaspe wame tiye utā paca mehna tiḡuio yeri sahrīno ijiri. Sa yero ti maca pehe uru mehna tiḡuio yeri maca ijiri. Ti uru wete marieñe ijiro quehnoano asi siteri.¹⁹ Ti sahrīno docarḡu ijije utā pacapure peye sijoro saha ijije wapa tiye paca wahñari. Ti utā paca sahrīnoḡu pesaye paca doce paca ijiri. Iji muhtaria utāre jaspe wame tiye utā wahñari. Ti paca bato ijiria utāre zafiro wame tiye utā wahñari. Puaria bato ijiria utāre ágata wame tiye utā wahñari. Ihtitaria bato ijiria utāre esmeralda wame tiye utā wahñari.²⁰ Pittitaria bato ijiria utāre ónice wame tiye utā wahñari. Ihcā omope paca bato ijiria utāre cornalina wame tiye utā wahñari. Seis paca bato ijiria utāre crisólito wame tiye utā wahñari. Siete paca bato ijiria utāre berilo wame tiye utā wahñari. Ocho paca bato ijiria utāre topacio wame tiye utā wahñari. Nueve paca bato ijiria utāre crisoprasa wame tiye utā wahñari. Diez paca bato ijiria utāre jacinto wame tiye utā wahñari. Once paca bato ijiria utāre amatista wame tiye utā wahñari bato tiri.

²¹ Sa ye doce sope pahmari doce perla mehna tiḡuio yeri pahmari ijiri. Ti pahmaripe ihcā pje perla pje mehna tiḡuio yeri pahmari ijiri. Sa yero ti maca cjā maha

uru mehna tiqiro yeri maha ijiri. Ti uru wete mariefe uru ijiri. Sa yero quehnoano aco sitiri maha ijiri ti maha.

²² Ti macap_u Cohācjū wuhure ihñedu. Mariedari. Ti macap_u ijipihitrop_u mari puhtorore Cohācjū tutua yuhduariquirore, Cordero gūhure ño peore masa. Sa yero ti maca ijipihitiro Cohācjū wuh_u yero saha ijiri. ²³ Sa yero ti macap_u Cohācjū tiqiro asi siteye quehnoano buhriori. Cordero gūh_u sihāria yero saha buhriori. Sa ye asū deco cjāno gūhure ñami cjāno gūhure top_u tiquina buhriogū cahmedari. ²⁴ Sa ye ahri yehpap_u ti buhrioye mehna ijeta ijipihitiro cjēna. Sa ye ijipihitiye yehpari cjēna puhtoia ti macap_u quehnoa yuhduayera tiquina cwoyere ne wihieta. ²⁵ Sa ye decore ti maca cjē sopecahari pōori sopecahari ijeta. Topure ne ñami marisi. Sa ye ti sopecaharire ne bihasi. Sa susuducurota. ²⁶ Sa ye ahri yehpari cjēna quehnoañene tiquina cwoyere ti macap_u ne wihieta. ²⁷ Ñañe pehere ti macap_u ne ne wihi. Bue tigū yeyequina, ñañene yeyequina gūh_u ti macap_u ne wahasi. Mehoñequina gūh_u ne wahasi. Cordero tiqiro ojoari tjup_u tiquina wame wahñañequina dihiti ti macap_u wahaeta. Ti tju tiqiro yuhduoriquina tiquina wamene tiqiro ojoa ohōri tju ijire. Ti tjup_u tiquina wame wahñañequina sa ijuducuetā.

22

¹ Came quehnoari mare catigū yeri mare ihñori yuhure angel. Ti ma quehnoano aco sitiri ma Cohācjū, Cordero gūh_u tiquina dujirop_u ahtari ma ijiri. ² Sa yero ti maca cjā maha deco buruari ti ma. Ti ma pua peheri duht_u cahap_u catigū yeye cju ducuri. Ti cju asūripe dūca tiri. Ihcā cahmare doce tahari dūca tiri. Sa ye ti cju cjē pūri mehna quehnoano aco tieta ahri yehpa cjēna. ³ Ti macare ne ñañe buhri dahreati marisi. Ti macap_u Cohācjū dujiro ijirota. Cordero dujiro gūh_u ijirota top_u. Sa ye ijipihitiyequina masa top_u ijiyequina tiquina cahacjēna tiquina potō dūsepe curi mehna quehe sa, tiquinare ño peota. Sa yero top_u ñañe ne marisi. ⁴ Tiquina Cohācjūre ihñā piti ca dujieta. Sa ye tiquina wuhdoa pacap_u tiqiro wame wahñañequina ijeta. ⁵ Topure ñami ne marisi. Sa ye sihāñe paca gūhure cahmesi top_u ijiyequina. Asū buhriogū gūhure cahmesi. Mari puhtoro Cohācjū buhriorota. Sa ye ti macap_u ijiyequina ape sie cjēna puhtoia ijuducuetā.

Jesucristo ahri yehpap_u tiqiro tojoa tato mehenogā dūhsare

⁶ Came angel yuhure ohō saha nidi:

–Ijipihitiye ahri tiquina yahuri ijirota ijire. Sa ye tiquina nidiro sahata wahaeta. Mari puhtoro Cohācjū tiqiro yere yahu

māhtariquinare masigū yeriquiro ijire. Tiqiro pehe yojopure tiqiro yaquiro angelre ohori tiqiro cahacjēnare masigū yero taro. Came cjūnogā dūhse wahatire masigū yero taro tiqiro yaquiro angelre ohori, nidi angel yuhure.

⁷ Jesu pehe ohō saha nidi:

–Tuhoya mūsa. Mehenogā dūhsare yuh_u tojoa tato. Ahri pū cjē yahuyere yuhducaeyequina bucueyequina ijeta, nidi Jesu.

⁸ Yuh_u Ñu ahri ijipihitiye yuh_u ojoa nedire tuhōu. Sa yegū tire ihñān. Sa yegū yuh_u tuhōri bato, yuh_u ihñāri bato yuhure ihñōriquiro angel potō dūsepe curi mehna quehe sami. Tiqirore ño peogū tūu nimi. ⁹ Yuh_u sa yegū ihñāno ohō saha nidi yuhure:

–Sa yeracāhñā. Mūh_u yero saha yuh_u gūh_u Cohācjū cahacjūta ijiaja. Mūh_u acaye Cohācjū yere yahu māhtariquina, ijipihitiyequina ahri pū cjē dutiyere yeyequina gūh_u tiquina ijiro saha yuh_u gūh_u Cohācjū cahacjūta ijiaja. Sa yegū Cohācjū potō dūsepe curi mehna quehe sa, tiqiro pehere ño peoya, nidi angel yuhure.

¹⁰ Sa yero ohō saha ni yahu nemori yuhure:

–Ahri pūp_u came dūhse wahatire yahure. Sa wahato mehenogā dūhsare. Sa mehenogā dūhsagū ahri pūp_u yahurire nuodacāhñā mūh_u. ¹¹ Ti pje yuh_u yahuri pjere ñañequina pehe sa yeducūnahdo ñañene. Ñabutiayequina gūh_u ña yuhduaro yeducūnahdo. Quehnoañequina pehe quehnoano yeducuahro. Sa ye ñañe mariefequina gūh_u ñañe mariefequina sa ijuducuahro ti pjere, nidi angel yuhure.

¹² Ohō saha nidi Jesu:

–Tuhoya mūsa. Mehenogā dūhsare yuh_u tojoa tato. Mūsa yeequinare yuh_u ohoatire ne cāhtagū tūu niaja. Sa yegū quehnoañene mūsa yeri wapa mūsa quehnoano yeitja. ¹³ Yuh_u ijipihitiye bajumehnedigū ijiaja. Sa yegū ijipihitiye pihitigū yeacjū ijiaja.

¹⁴ Ijipihitiyequina wete mariefe suhtire sañañequina tiquina ijiro saha tiquina ñañe yerire cosenohriquina ti macap_u esaeta. Sa ye ti maca cjē cju catiyere ohoye cju dūcare ihyaeta. Sa ye bucueyequina ijeta tiquina, nidi Jesu. ¹⁵ Ti macap_u eseyequina pehe ahriquina ijire: Ña yuhduayequina, masare ujuayequina yero saha yeyequina yaya, wūana tiyequina, masare wejēñequina, “Cohācjū ijire”, tiquina niñe queoyere ño peoyequina, ni meho peyayequina gūh_u ijire ti macap_u eseyequina.

¹⁶ Sa yero ohō saha ni yahu nemori Jesu:

–Yuh_u, Jesu, yaquiro angelre ohou mūsa yeequinare ahri pū cjēna yahugū tūh_u. Puhtoro Davi panami iji turiagu ijiaja

yuhũ. Yuhũ bohrearia yero saha ijigu ijjaja, ni yahu nemori Jesu.

¹⁷ Espiritu Santo Jesure “Tojoa taya”, nine. Jesu yequina tiquiro omoca dahateacoro yero saha ijiyequina gāhũ “Tojoa taya”, nine. Ijipihtiyequina tiquina “Tojoa taya”, nidire tuhoyequina gāhũ “Tojoa taya”, ni-ahdo Jesure.

Aco wñoyequina acore tutuaro tiquina cahmeno saha Cohācjũ caharũ waha duana Jesure tutuaro cahmeña. Tiquiro catigũ yeye aco yero saha ijire. Tiquirore cahmeñequinare ahmasepũ sa ijiducugũ yerota Cohācjũ. Tiquina esa tuharo ye dutiro marieno Jesu yedohoro mehna sa ijiducugũ yerota.

¹⁸ Yuhũ Ñu, ijipihina ahri pũ cjẽ Cohācjũ yere tuhorinare māsare ohõ saha ni cua pesaro mehna yahutja. Ahri buheye mehna apeye buheye mehna more yahu

nemoñequina Cohācjũre yuhduducaye nine. Tiquina sa yuhduducagũ ihñano ijipihtiye ahri pũpũ tiquiro buhiri dahreatire tiquiro yahuriro sahata cūnota tiquina gāhũre. Sa yero sata tiquina gāhũre buhiri dahrerota. ¹⁹ Sa ye ahri pũ cjẽ yahuyere yahu dahayequina Cohācjũre yuhduducayequina ijire. Tiquina sa yuhduducagũ ihñano catigũ yeye cjũ ducare tiquinare ihya dutisi. Sa ye sa ijiducusi tiquina. Sa yero tiquiro ya macarũ quehnoari macarũ waha dutisi. Ti cjũ, ti maca gāhũ ahri pũpũ tiquina yahuripũ ijire.

²⁰ Ijipihtiye ahri pũ cjẽne yahuriquiro ohõ saha nine:

—Sa tjire. Mehenogã dahsare ahri yehpapũ yuhũ tojoa tato, nine tiquiro.

Sa tjiya. Ūsã puhto Jesu, tojoa taya.

²¹ Mari puhtoro Jesu tiquiro yedohoro mehna ijipihina māsā quehnoano ijiya.